





京 学 編

北京大學《儒藏》編纂與研究中心

#### 圖書在版編目(CIP)數據

儒藏. 精華編. 二〇一/北京大學《儒藏》編纂與研究中心編. 一北京:北京大學出版社,2014.5

ISBN 978-7-301-11919-8

I.①儒··· II.①北··· III.①儒家 IV.①B222

中國版本圖書館 CIP 數據核字(2014)第 068427 號

#### **書 名: 儒藏**(精華編二〇一)

著作責任者:北京大學《儒藏》編纂與研究中心編

責任編輯:沈瑩瑩 吴冰妮

標準書號: ISBN 978-7-301-11919-8/B・0605

出版發行:北京大學出版社

地 址:北京市海淀區成府路 205 號 100871

網 址: http://www.pup.cn 新浪官方微博: @北京大學出版社

電子信箱: dianjiwenhua@163.com

電 話:郵購部 62752015 發行部 62750672 編輯部 62756449

出版部 62754962

印 刷 者:北京中科印刷有限公司

經 銷 者:新華書店

787 毫米×1092 毫米 16 開本 56 印張 617 千字

2014年5月第1版 2014年5月第1次印刷

定 價:500.00元

未經許可,不得以任何方式複製或抄襲本書之部分或全部内容。

版權所有,侵權必究

舉報電話: 010-62752024 電子信箱: fd@pup. pku. edu. cn

教育部哲學社會科學研究重大課題攻關項目

北京 大學「九八五工程」重點項目國家 社會 科學基金 重大項目 目「十一五」國家重點圖書出版規劃項目・重大工程出版規劃

# 《儒藏》精華編第二〇一册

首席總編纂 季羡林

項目首席專家 湯一介

湯一介

總

編

纂

本

册

主

編

鄧球柏

龐

朴

孫欽善

安平秋 (按年齡排序)

爲儒 則 的 家經典 典 (籍的 中 ·國傳統文化以儒家思想爲中心。 叢 和 編。 反映 收書 儒家思想、體現儒家經世 時 限自 先秦至清代結束 《儒藏 一做人原

儒 藏》精華編爲《儒藏》的 部分,選收《儒

藏 崇 的精要書籍

寫者 互見。 漢文寫作的 已收入入選的個人叢書或全集者,僅存目 分類法分類,大類、小類基本參照《中國叢書綜録》和 土文獻。 中國古籍善本書目》,於個 三、《儒藏》精華編所收書籍,包括傳世文獻和 律收其釋文文本。 出 傳世文獻按《四庫全書總目》經史子集四 土文獻單列 儒學著作,編爲海外文獻部 爲 韓國、日 個部類,原件以古文字 别 處 略作 本、越南儒學者用 調 類 整。 録 並 凡單 注 書 書 明 部 出

> 編,不改編 、保持原書的完整性 和 獨 V

四、所收書籍的篇目卷次,一仍底本原貌,不選

勘 確定内容完足、精確率高 價值的版本爲校本。 Ŧi. 、對人選書籍進行簡要校勘。 出校堅持 的 版 本爲底本, 少 精, 以對校爲 精 選 有 主 校

爲 主,酌校異同。 校記 力求規範 、精煉。

而

以

校

IF.

例,進 行規範化 標 點 專名號除書名號用 角 號(《》)

六、根據現行

標點

符號用

法,結合古

籍

標

點

通

外,其他一 律 省

落。 正文原已分段者,不作改動。千字以内的短文 七、對較長的篇章,根據文字内容,適當劃分段

般不分段。

及其 出 及整理時所確定的底本、校本(舉全稱後括 介紹作者生平、該書成 現 順序前詳後略 他有關情 八、各書卷端由整理 況。 重複 書 出 背景、主 者撰寫《校點説明》, 現的作者,其生平事 要内容 及影 注 簡 蹟 簡 稱 按 要

九、本書用繁體漢字豎排,小注一 律排爲單行

#### 鳴

謝

《儒藏》精華編惠蒙善助,共襄斯文,謹列如左,用伸謝忱。

本焕法師

NE • TIGER 智海企業集團 「董事」 長 馮 建 新 先

生

付

剛先生

張貞書女士

張志峰先生

時裝有限公司董事長

北京大學《儒藏》編纂與研究中

伍拾萬元 壹佰萬元 壹佰萬元

壹佰

萬元

壹佰萬

元

本册責任編委本 册 審 稿 人

李 媛 岫

劉宗永

# 《儒藏》精華編第二〇一册

# 子 部 雜學類

雜考之屬

東塾讀書記〔清〕陳澧 ……………日知録集釋〔清〕顧炎武撰 黄汝成

1441 887

# 日知録集釋卷二十二

崑山顧炎武著 嘉定後學黃汝成集釋

## 四海

雅 則直指齊地; 準。」亦是概言之海。 所謂 時 是九州居水内,故 洲 (禮記・ 鄒 以 二字。然五經無「西海」、「北海」之文,而 衍 濰 ^ 九 四海 書 州 祭義》:「推 書》言:『九州之外,有大瀛 爲 正義》言:「天地之勢,四邊 夷、八蠻、六戎、五狄,謂之四 北 而《孟子》言「伯 」者,亦 海 郡, 而放 至《左傳 而 概 以 諸西 昌 萬 州爲名。」」〔原注〕州,古 樂 夷辟紂,居北海之濱 | 齊 海 國 縣 而準,推 桓公言 而言之爾。 遂 有 伯 「寡 而 夷 放 人處 海 廟 諸北 環之, 有水。 〔原注 [海。] 北 海, 海 爾 唐 而

> 《易》卦「兑爲澤」, 距 注 : 之名,猶之「西河」即「此河」 東南,以海爲池。」《虞書》:禹言:「予決 見右之無海矣。 鄉飲酒義》曰:「祖天地之左海也。」則又以 周 四 禮 海。」據《禹貢》,但有一海,而「南 四 · 校 海, 人》「凡將有 猶 四 〔原注〕《史記・日者傳》: 「地不滿 方 而不言「海」。 也 一則 事 海 于四 爾。 非 真 海 《禮記 水之名。 Ш 九 <u>اال</u> • ][ 海

海 謂 北 東南 髮之北  $\Box$ 言之海也,「聲教訖于四海」,概言之海 盖蓋 南 至於青、滄,則 西 海 海,東漸吳、越,則曰 下,所謂 宋洪邁謂:「海一 引類 有冥海」,及屈原所 者。 《詩》、《書》、《禮》經之稱 而 東、北、 言之。」至于《莊 日北 海; 南 而已。地勢西北 三海,其 東海。無繇有 南至於交、廣, 謂 指 子 》所 西 實 海 也。 謂 高, 也 爲 窮 所 則 四

《禹貢》之言海

有

\_\_\_\_

「東漸

于海」,實

胥山 海 有 之, •非寓言也。」然今甘州 秦,夷 則《詩》、《書》 厥 奴 又 云。』《漢書· 記・大宛傳》: 海 期 奄蔡在康居西北可二千里, 臨大澤, 無 非 部 所 遣甘英 皆寓 先漢使 , 其 此 北 幽 海,雲南 人與 類 海 真 Щ 邪 之北 言 輩 西 諸 海 實 子 固嘗見之, ? 親 域傳》:「 爾 有 北海之上。 商皆常往 臨 真之西則水皆西 有 至 所 滇 錢 瀚 骨 其 程 稱 氏日 海 海。 利 條支國 地, 大 四 安 幹 昌 北 而 海 來。 而 蘇 知 或 人偁 載 謂: 臨 西 武、郭吉皆爲 漢 實 在 而唐史又言, 有 西海。」後 流,注 諸 霍 海 「海子」,猶南方之 唐 居 環 史。 海 條支之西 去 之 延 崖, 西 華 人所 北 病 西 海。」又 海, 〔原注〕《史 裔 蓋 岸。 漢 封 又 乃 見 而 狼 有 班 西 北  $\exists$ 之 突 寧 然 匈 居 超 几 大 有 海

# 九州

之等。 州 州 之。」後世 衍言中 乎禹 謂 九州是也,不 法》: 之内分爲九州。 自神 九 西 州 東 州 而有九州之名。 北 南 也 「共工氏之霸九州也,其子曰后土,能平九州。」此 -國名曰 也。」蓋 農以 九州」之名,始 咸 戎 至黄帝 州 州,正 德 原注》《河 得爲州 赤 ΙĒ 上,有大九州 薄, 天 東揚州 縣 西 神 下 以 弇 數。 「原 止治 .州,赤 《周 州, 圖 來,德不 有 括 中 注》、史記・孟子荀卿 Œ. 見於《 九 淮 禮 或 縣 神 地 中 南 象》: 州, 外 神 冀 州 子 如 州 柱州、 州 職 及遠,惟 禹 赤 内 古之帝 地 東 西 神 縣 自 方 貢 形 南神 北 神 有 州 訓 迎 氏 柱 州 九 者,東 州, 州 州 者九,乃 同 者 州 於 原 傳》: 疏 禹 北 īΕ 而 皆 注》 神 神 日 之序 以 方 南 騆 南 治 州 西 玄 印 所 州 : 祭

湖

也

引《漢 氏, 也。 宇文之類,往往祖 顓 帝以之合符。 釜 營州、 今保安州。 國之所託,餘八州則義不相及, 可 九州之内。 **埜分州**,得 之大,亦未有窮其涯域者。 地 北 百七十里。」秦、漢以來,匈 頭之墟也,乃移居之。」《通典》: 祇及神州。 爲台州 黄 知 Ш 帝子曰 也。 原注 ,[原注]在懷來城北 北 書 州、陽 郊之制 Ĕ, 〔原注〕《晉 東北之極陬也,而黄帝以之建都 昌 北 此荒 百 地理志》言「黄帝 州。」唐初房玄齡與 意,昌 且曰:「以今觀之,涿鹿、「原注 爲 有 里之國萬區」,而 周 沸州 則當 神州 諸 誕之説 意之少子受封 • 載記》:「慕容廆以大棘城 黄帝, 《書》,惟云魏之先 東 時藩 迎州 北 塞上之小山也,而 爲 古 古 遂除迎州等八座,惟祭 稱昌 冀 薄 國之在 「棘城 州、 禮 奴他 州 尹耕《 無足采,然中 北 官議,以爲神州 方制 戎 意 正 國。 在營州 疑不 州、拾州、 東 必後,亦 部 出 其 爲 而爾朱氏 自 兩鎮 如 萬 陽州 西 盡 黄 柳 爾 里,畫 帝 城 北 於 柱州 東南 即 志 證 或 者 黄 禹 帝 皇 隋

> 有一 聞。  $\overline{Z}$ 州 썴 之,禹别九 後昌意降居,帝摯遜位,至於洪水之災,天 下分絶,而諸侯 朱、宇文,誤也。 ·并州,分青州爲營州,始置十二州。]高誘 、并、營者、皆在冀之東北、「原注」《書》「肇十 「古之幽都,在 州」傳云:「肇,始 宇文氏則 云其 州, 《遼史》言耶 一雁門 先 之不 而 出 也。 舜 以北。」必 自 炎 又肇 朝 禹治水之後,舜分冀 帝 者 律 神 有矣。 儼 十二州,其分爲 農 其 稱遼 氏。 前 爲軒 今舍 閉 以《書》考 注 而 轅後。 拓 《淮南 後 州 跋 通 爲 而 子 厥 言

子 得 南 九 前 書傳 之言 州之内,而天地之氣 而 距 日荒日闢,而 》亦謂 有 而 之矣。 後 雖 當舜之時 服 不 者 也。 盡 此 今猶未已也。 後 冀北之地未 然, 世 而 此 亦 幅 亦自 豈 員 必 州 所 西 可 荒 以 以 北 落 「原 謂 外 如 止 而 注 其 後 趨 於 則 世。 ]蔡仲 無 於 禹 舜 所 騶 東 洂 不 默

幽、并、營三州在《禹貢》九州之外,先

自

哉!

川皆不 之地 忻、代 東,益 之間 詳。 風 始 服 島 儒 而 志 或 原 原 營衛 夷之貢道 其 制 至 多 止 注》 注〕孔 謂 [原注]凡 寒 城 説 載 以 志》言 于五 其 書》: 并 以 據 ^ 在 隨 之《禹 安國 之有 郭,其人 冀 遼史 北 州 爾。 山 檀 丝 陽 千」,則 州 Ш 至 流 馬 青 北 漢之上谷、漁陽、 貢》,惟 「冀 燕 所 則 遷 融并 然 共 皆 塞 樂 有 本 工于幽 今涿 地 徙 土 州 而 縣 不 外 代、 州 碣 云。 也 冀 理 界,今順天府 ^ 著 以 載之《禹 之 石 歲 地 益 志》言: 方之北 朔, 而 南 洲。」《孟子》作 疏 爲 地 易 無 稷》之書 廣 劉 謂 居。 右 以 歷 堯 寧 誉 右北平、 而 北 誉 時 平驪 北 居 洪 并、營 吾 州 分 貢 則 不 青 密雲縣。」并 至 水之變, 幺幺 之, 東 州 ₩, 今遼 應 城 曠 書 謂 遼 塞 當 州 縣 州。 暨 僅 故 土 西 傳 越 以 殆 外 在 山 弼 遼 數 靡 東 萬 海 遼 北 之 非 渤 然 《括 而 夏 成 謂 里 百 得 大 則 海 東 此 地 有 也 孔 勁 寧 今 五. 碣 里 而 Ш 但 地 遼

成王 枚舉 分青 所 尚 三千二 稱 州 醫 今介休縣 實 斷 氏 Щ  $\exists$ 記  $\equiv$ 一州在後 然謂 一案幽 》,以 得 其 故 無間之地 之地爲并州 《周 州 謂 以 東北、 伐之,遂來賀。 舜 謂 地 也。 禮 皆 潦 因 在 遼 非 百 北 州 并、 分冀 以 東北三十二里 東營州 高 東 《禹貢》山 四 遼 者,似是臆説,不過 不 發 職方氏》「并州 之名 境界太遠 爲 十二里。 息 然、微 屬 東等處爲營 營三州 Ш 幽 則 慎 州 大 青 且 州 屬 以 川以外,又曰 冀 之 ]1[ 州 況 不 周 則 周 自 ,始别置之哉 息 下 州 在 可 禮 以 九 地 以 并 慎 隔 訖 得 州 俗 州 有虞盛世 周 爲限之意,蓋 , 其 州 即 分出 「原 三代, 名鄔 今亦 越 況 則 幽 鎮 澤藪 肅慎 爾 從 疆 以 口 州  $\exists$ 雅 注〕又引 城 「禹 者,從來皆如 肇 武 理 鎮 恆 海 爾 日 未 其 泊 爲 者 所 畫 日 Ш Ŧ 昭 雅 有 今寧 書 爲 至 醫 始 九 通之,來 道 餘 故。 先 歐陽 營州 哉 也 州 無 所 欲 祁 釋 儒 里 ,古塔 閶 在 幽 於 攷 地 知 知 臆 忞 殊 之 前 此 》 齊 故。 分冀 禹 分 昭 度 地 貢 舜 説 并 遠 去 舜 輿 耳。 冀 九 餘 楛 本 無 京 州 日 又 東 東 祁 肇 顧 閻 地 矢。 紀 疑 非 其 知 北 恆 在 氏 氏 廣

禹畫九州」在前,「舜肇十二州」在

後。 二州」之文不同。 自舜 州。」亦未可信。 十二州,至夏之世又并爲九州,故《傳》言『貢金九牧』。」 陳氏經曰:「《禹貢》之作,乃在堯時,至舜時乃分九州爲 下分絕爲十二州,使禹治之,更制九州。」與《書》「肇十有 《竹書紀年》:「帝舜三十三年,夏后受命于神宗,遂復九 肇,始. 始 也。 也。 「原 然則 蓋漢人之説如 注》 昔但 謂《禹貢》九州爲盡虞、夏 《漢 書 有九州,今有十二州 地理 此,故王莽據之爲奏。 志》:「堯遭洪 水,天

《周 則不 廣,今山 疆 沸 E 東北 菑時。」醫 雜 理 書》、《爾雅》各與《禹貢》不同 日 出 循於其舊 所及而分之,故每代小有 夏、商以後,沿上世 「掌建國之法,以分國 幽州,其 於 陽 萊陽 無間 條之中,殆不可 縣,已 在 Ш 日 今遼 可 醫 無 知 無間,其澤曰豯 東 迹可考。 矣。 廣 據 寧 衛。 〔原注〕《周 九州之名,各就 而青之菑時, 兖之河 爲 「 豯 養 l'。《周 九 養 不同。 州 (澤」注 Лĺ 禮 禮 日 河 職方》: 「原注 云 沸,浸 在 其 長

之州。 瀆」。 <u>一</u> 五. 以 州 謂之遂。 道《禮書》:「二百一十國 也 找」,〔原注〕注:「州,鄉屬 年「楚子人陳,鄉 州」、《左傳》僖十五年「晉作州兵」,宣 注〕江、淮 (原注)注: 「士蔑乃致九州之戎」,十七年「衛 禹 望見戎州」、《國語》「謝西之九 」,昭二十二年「晉 立黨爲 貢》「九州」,大名也。 〔沈氏曰〕《論語》之言「州里」,亦小名 大小之極,不嫌同名。 州 萬二千五 有二名。《舜 河、 「謝西有 州」,「州 王畿謂 濟,謂 九州。 之四瀆 百家謂之遂,一夫之間 之縣,五鄙 長」注 取一人焉以 二千五百家爲州。」 籍 典》「肇十 也。 而 談、荀 謂之州,五 五州 《易》「《坎》爲水,爲 《周 二 千 亦謂 爲 禮 躒帥 歸 鄉。 Ŧi. 大司徒 有二州 之縣。」「原 州 也 謂之一 白 黨 并 侯 哀 九 如 家 亦 州 + 陳 小 登 四 何 之 夏 爲 謂 城 亦 祥 名 年 溝

域者,疏矣。

#### 八三六

# 六國獨燕無後

成 奚恤 孫 輩 之見於史者。 噲,未知其 疾、秦惠王異母弟、亦嘗相 至於復齊國。 趙豹、趙奢,齊之田嬰、田忌、田單,單之功 嘗、平原、信陵三公子。 嘗考夫七國之時,人主多任其貴戚,如孟 已滅之後,而卒能 貴,而其爲令尹者皆 心 韓, 咒昭 王 以 春秋之時 楚, 儋 擅 雎,韓之公仲、公叔,趙之公子成、 惟 或 燕 親 聞。 王 人乃立韓 疏 及 至秦則不用矣、「閻氏曰」按樗里 齊,咎 楚 陳、項 獨 自 自 最 燕 武王。 同姓之親。 昭 彊。 立以亡秦者,楚也。 蔑 王魏,已 兵 王 廣,豈王喜之後 毋論楚之昭陽、昭 有。 起, 以 而 楚之官, 立 降,無一 涇陽、高 子之之於 而 六 至於六國 歇 或 令尹 王 後 同 陵 趙 而  $\pm$ 之 姓 最

> 燕王喜、 俾城 王而 人心, 豈必盡其本支乎 秦,並國滅 餘 慶秦、將渠、鞠武 國事多略。 哉 族 用 嗚 懷 金人,皆是道矣。《詩》曰:「宗子維城, 傳》云: 王,而 非其宗而立韓廣 呼 人 而 壞,無獨 與? 陳留篡于司馬,宋卑宗子而二帝辱 六 ! (汪明 太子 卿分,秦 「秦爲無道,滅 無後、未 楚用 忍亡之也? 公卿大夫亦罕見,見 丹,豈 經日 不 ,皆將相大臣,無以知其 然, 斯畏。」人君之獨也 〕案燕弱且僻,至易王始見於史,所 其宗而立懷王 有種 可 無 咎燕宗之不振也。 燕人之哀 乎? 子弟 人社 者 1,燕也。 蓋 且 稷,絶人後 而 燕宗之不振久矣。 者 六國之立,特豪傑 閻 如 太子 市 樂弑 者,楚也。 然則晉 被、騎 非 <u></u> 以 丹豈 司 秦之切 姓 則 劫 可 魏 也 六 不 下 栗 削 無 國 以 ム 腹 畏 燕 無 于 藩 於 值

爲

周

漢

書

地

理志》言:「秦并

兼

四

海

以

制微弱,終爲諸侯所

喪,故不立尺

±

年, 日 諸小國,爲九縣。 辭 以 殆不然。《左傳》僖公三十三年,「晉襄公 建,立郡縣,皆始皇之所爲也。 之封,分天下爲郡縣,盪滅前聖之苗裔,靡 而 有孑遺。」後之文 絳 I:「晉· 敗 日 再 縣人或年長矣」。 楚之二縣。」襄 :「使改 楚子縣 命 命先茅之縣賞胥臣」。宣公十一 人將 成公六年,韓 陳」。 事 與之縣 十五年,晉侯「賞士伯 君夷于九縣。」〔原注〕注" 人人祖 十二年,鄭伯 ,以比叔 公二十六年,蔡聲子 獻子曰 昭公三年,二宣子 述其説,以爲 向。」三十年, 「成 以余觀之, 逆 師 楚子之 以 以 瓜衍 廢 楚滅 出 封

策》: 方之縣。」則當 公十年,伐邽冀戎,初縣之。 者各萬家之縣 尹 子穀曰:「彭仲爽,申俘也。 之。」二十八年,「晉分祁氏之田 杜鄭。」《吴世家》:「王餘祭三年,予慶封 分羊舌氏之田以爲三縣」。 縣。」十 百乘也。 桓公,予管仲 曰 遷 景公令吏致千家之縣一於晏子。」《戰 ) 實縣 ) 爲 縣 于魯縣」,則夏后氏已有縣之名。 晉 智過言於智伯 韓 矣。 年, 又曰:「因其十家九縣,其餘 賦 申、息。」《晏子 之 七邑,皆成 别縣,不 [原注]按昭二十九年 叔 狐 向 春秋 \_ ° \_ | 與  $\exists$ 、穀其縣 之 惟 史記 曰 **:** 縣 世,滅 陳 春 州 也。」〔原注〕注 0 十七。」《説苑》: 秋 人 秦本紀》: 破趙,則 聽 》:「昔我 Ŧī. 《傳》,蔡墨言 十一年,初 哀公十七年, 周 人之國 文王以爲令 年, 禮 命, 以 爲 小 薳 而 封二子 者, 七縣 成縣 先君 四 啟 遂 武 徒 國 古 朱 縣 + 疆 賦

知

録集釋卷二十二

也。」《 딩 : 平、 古曰: 中 以 申  $\pm$ 楚 人轉用 制 而 河、●上郡 説 四 君言: 齊,三鄉 王 古 爲 日 甸 克 遼 雁門、代郡」, 里以外 「宜陽,大 曰「楚南 史記》:「吴王發 爲 已有郡矣。 郡便」、《匈 雒 「古書「縣邑」字皆作「寰」,以「縣」爲「縣挂」字,後 敵 爲 三十六郡 西、 者,上 於楚 一州 周制,天子地 爲寰,寰 至四 遼東 以以 縣」字,其 遂 「千里百 大夫受縣,下大夫受郡。」 王曰 人》: 以 百 塞厲 與 里 郡 有 縣 監其縣。」今按 原原  $\Box$ <u>一</u> 五. 戎界邊」,則 奴傳》言 寰 \_, 以 名 方千里 縣,縣有四郡。」古時 門 燕「置上谷、漁 淮 「縣挂」之「縣」又加 帥, 縣。」亦作 注〕哀公二年《傳》: 鄙 北 而 九郡兵伐齊」,范 曰 十寰爲屬,屬 爲 拒 ,分爲 地 郡 縣。」「 縣 胡,又言 「趙武 邊 江 寰」。 , 其 《史記 百 齊 東」,甘茂謂 縣 當 縣 于 實郡 ,其事急, 《國語 》吴王及春 七國之世 有大夫。」顏 縣 杜 靈 縣 注: 心以 陽、 有 魏 大而 氏 「趙簡子誓 王 也一, 四 注 距 置 郡 右 有 蜎 「管子 引 郡 申 别  $\pm$ 小。 西 北 雲 請 春 秦 對 周 至 城

或 書曰 之事 千八百 安得謂至始 説 七十餘城、皆爲郡 已先爲守、令、長矣。故《史》言樂毅 令長七十二人,則六國之未入於秦, 令」、〔原注〕趙封馮亭、亦云。 有 鄴 馮 禹 又并 令,荀 燕 蒲守,韓有南陽假守,魏有安邑令,蘇 亭 會諸 請 則郡 ,爲 昭 四四 以三萬户 .國,春  $\pm$ 上黨守,李伯 之統縣 侯、執 況 而 或 曰「今時趙之於秦,猶 爲十二諸侯、又并 爲 争 皇 事 蘭 秋 固 而 玉 秦,則: 陵令,城 不始 時 之都 始 帛 縣一,而 罷 見 於秦 者 爲 於 侯置守邪? 楚 萬 封 也。 代 經 渾 國, 爲 而 齊湣 太 郡 説 傳 吴起 郡 齊 守, 守, 而 楚 者 至 威 縣 王 千 爲 新 爲 百 唐 郡 矣 Ŧ 西 遺 城 七 户 西 几 朝 門 武 縣 楚 國,此 傳》 下 令,衛 河 封 + 王 也 張 懷 丽 諸 豹 守 儀 餘 僅 稱 縣 代 爲 齊 古 縣

0

<sup>「</sup>西河」,原作「河西」,據《史記·匈奴傳》改

郡。」郡 吾意郡 周,不 戎索。 是,宜 有 而 即 爲 稱。 矣,而 國 攷周室之制 置,不惟秦,言秦者,事有所止,以  $\Box$ 封 古 詩》、《書》、傳記,凡齊、魯、衛、鄭之國 戏程 郡 郡 非 而外,有 介,則 之,亦有所不能。 其勢之所必 一毋 郡 守 縣 蓋周法: Ė 日 統名之皆都鄙 之謂 民君 之稱 故齊、 與 遠 都鄙 休 儒 「鄙之所居 一言晉 一而縣 縣 于 曰「家稍」者矣,曰 生不 相 也 長,故名曰 蓋 , 王所居曰 魯、 而 都。」然 中原侯服,疆以周索。 始于 地屬秦,異于秦之近縣 統 近 日 衛、 趙簡子之誓 屬 縣成 通古今之見 也。 至,秦 縣 秦、  $\exists$ 鄭 也。 則 都 聚富 郡。 晉, 名同 國中,分命大夫所 **晉** 都 0 然始者有縣 鄭 者, 以 《詩》日 庶 君 語 雖 如所 于周,而 而 日 所得  $\overline{Z}$ 而 「邦縣」者 》夷 鄙 :「上大夫受縣,下大夫受 謂 欲 郡荒 云「陰地之命大夫」,蓋 所 吾 也。 戎翟 「都之所居 罷 復古之制 歸 「作都 謂 居 國近蠻夷者,乃 晉、秦、楚乃不同 則謂 陋,故以美惡異等 而 獄 侯 公子 率 城 地遠, 也 [楊氏日]郡 己,尚無「郡 矣, 置 居 于 之 同 之日 勢 向 謂 日 守之始 Ē 日  $\exists$ 使 姚 Ĩ 都 朝 也 鄙 邦 那縣」, 人守之 刑 都 《月令》 鄙, 一君 都 部 見 名 疆 鄙 殆 縣 日 實 之 於 而 于 于 者 以 非 自 之

雒

之士爲之也 之稱; 秦 漢之三輔 都鄙者,王朝 》篇乃有「縣 , 故 縣 非 楚亦皆以 與己 三云郡 率以 ൬ 周 終 故 與縣相 郡 必 縣 本名 不可名之郡,況周之畿内 得 名。 無郡之稱 有四郡」之語 隔 諸 絶, 統 故晉、 然 侯 屬 而郡 地 分 也。 人以 名 ,以郡者遠地之稱 秦、 郡 乃大矣,所 及三 守, 、楚雖 ,此非真西周之書,周 惟 卿 略 齊 爲 分 無 可 縣, 范、 郡 統 昔 乎? 者 有 中 而 齊 也 未嘗 行、 屬 使 用 縣 人守 周 秦之内史 知 周 矣。 不 氏 制 末 書 可 遠 之縣 故 誣 • 因 其 地 也 作 周 之 僭 後

其 亦

體

三川、太原置于莊襄王,俱見《本紀》,不得全屬始皇初置 則 郡 也 置于惠文王,河東、南陽、黔中、上黨、南 家》有上黨守馮亭,則 所承者秦,不言魏、趙、 奴之傳,孟堅《志》皆謂 王 燕所置。《史記》不志 所置,上谷、漁陽、右北平、遼西、遼東 則 但三十六郡之目 因魏之故、雲中、雁門、代郡則 秦分天下爲三十六郡,其 , 史不詳載。 上黨郡韓 燕 置 之秦置者, 地 爾。 攷始 理 而巴 ,而見之於 皇 〔梁氏曰〕《韓 郡 中 蜀、漢中、 置 置 閩 西 于昭 以 趙 中 河 漢 武 襄 南 Ŀ. 海 Ξ. 之 匈 郡 靈 郡 世

革,其 孟堅 + 初 備。 注 尚 Ŧi. 辨之甚悉 無 以 者,據 鄲,三十一 桂 六潁川,七 、皆已辨之,不得爲秦郡 <del>Z</del>: 六年,分天下爲三十 有 ,與内史爲三十 黔 《續漢 ·陽,二十七右北平,二十八遼西,二十九遼 雲中,二十三雁門,二十四代郡,二十五上 一郡,十八隴 人所作,要其去秦、漢遠矣。 齊郡,十三 林、 一地 中, [錢氏曰]秦四十郡之説,昉 非漢置者 象 郡 秦始皇 漢志》, 郡 理 誠 以 是 爲脱 碭郡,三十二薛郡,三十三長沙。 郡 南陽, 志 皆 西十 《水經注 尚 或 琅邪,十 刻 在 滅燕以 缺 漏 志 或云「秦置」,或云「故秦某郡」,或云「秦 河 後,不 漢 六 足以 》校之,則 九 東,二太原,三上黨 郡 南 郡 , 則 北 四 ※補 郡, 或 爲 六郡。」未嘗實指爲某某郡 在 也。 補郡 内 地,二十 會稽,十 之。 百 廣 三十 也 九九江,十 陽郡。」于是三十 史 有三,又于各郡 有以郯郡 秦有鄣 數之缺。 在 《水經》卷十三「廣陽 《始皇紀 六 《太史公書》: 三十 于《晉書》。 郡 上郡,二十一 五漢中,十 内。 郡 泗 六郡之中。 楚郡 而鄣 》集解言郡 黔 水,十 四 則 中 三川 所 充其 - 六蜀 非 **《晉書** 或 六郡 郡 秦始 謂 尚 九 東,三十邯 谷,二十 秦 下 三十 (缺三郡) 《前 數 郡 Ŧi. 原,二十 郡 鉅 詳 之數 其 凡三十 也 一》爲 劉 薊 者 鹿,十 東 皇 其 所 六 縣 志 郡 沿 班 敞 前 郡

六郡 三十三年,是三郡 三十九郡。 同 目 地 梁 之外,何故 學治聞,豈 子 有 至于孝平,凡郡國百三」。 十六郡之外更無它郡,安得 郡合之、高、文、景、武、昭所增置,正 十八,昭 武 + 志》本沿《東觀》舊文,亦云「漢承秦三十六郡,後稍: 也。 郡 帝開 遂 理 地 四 者三十 注》、皇 六 牢 干郡 在二十 如 在分郡之後 郡。 《志》末又總言之云:「本秦京師爲内史,分天下 并 卞 杜 廣三 之正 帝 三,别 一甫謐 也。 可 君 漢興,以 含多 有不讀 六年, 《晉志》又增閩中 卿、王 邊。 破 合三十 0 矣。 許 帝王 取 而 迄于孝平,凡 ,遂别 ·叔重 故自 應麟、 固 而 内 稱 《史記 其地太大,稍復開 或 略取 少? 六之數, 在三十 史、 世 E: 高帝增二十六,文、景各六,武 《説文》、 紀 而 鄣 胡三省輩,皆莫能 異之。 陸 者, 太史公《始皇紀 自 述 蓋自後漢至晉 郡 梁 有四 六郡之外矣。 裴駰 秦郡、皆 使 郡 是 地爲 應劭 黔 郡、合爲 南 即 國 其 十郡 中三郡 誤 海 始 桂林、 注三十 解 風 百 置, 皇 得 哉 云三十 俗 史記 郡果在三十 所 四 百 三。」以 當 象郡 通》、高 又立諸 》分天下爲三十 十。 史家俱 有三。 分之三十 予應之日 六郡 之, 辨 司 》,以 六。 馬 南海 四 嗣 而 與 秦三十 侯王 誘 彪 + 諸 後 秦 是秦二 略 不 漢 分 郡 則 郡 精 遂 言 取 六 淮 帝二 作三 人 六 析 志 或 史 之 于 有 陸 郡 博 南 國 六 郡

于王 如 者 桂 史公有明文,而《漢 列  $\Box$ 之者,無徵之言,置之勿聽可矣。 紀,郡名三十六,蓋取六自乘之。 謂知其一未知其二者也。 郡,二十五年又置 矣。 六郡 守、尉 公紀 三十六郡之數,不疑前文之重沓,而 以 年 綰 後 ,自二十五 林、 傳》「秦已并天下,以 此 書分天下爲三十六郡,猶言廢封 請 111 翦定百越之時,但 一周,置三 紀 ,則統乎天下矣,非 事、皆言其 、象郡 北 封諸子,李斯言封諸侯不便,遂廢封 南 羈 收上 越傳 監, 》證之,始皇即位之初,已并巴 縻 以以 皆領于天子。 州 一郡以 年 》亦 Щ 之類 謪 滅 郡矣。 大者。  $\bar{z}$ 徙 東, 楚之後 會稽郡 民 志》不載, 「秦已并 有河 與 其 其 其 始 五年又置東郡,十七年又置潁 越雜 後 謂 初 數之也 地爲閩 矣。 皇二 此 東、太原、上 始皇自 尉 三十 雖 秦變古之 處 屠 有郡 天下,略定 贵 此諸 + 雎 十三歲。」其云「十三 六郡 中 非 若四十 間間以 ·六年 或又曰:《史記 擊 閩中 郡。 名,仍令其 建爲 班 郡者、皆 獨疑後文之預數,所 南 盡 氏 黨郡。 秦 水德王,數以六爲 越, 一大端,故 與 蜀、漢中, 置 郡縣耳。 揚 之漏? 郡 閩 建之制 初 南 于 殺其 中馬 并 越 ,則漢人無言 海 在 是 君長治之 東 天下, 裴駰 三郡 年 君 置 始皇 至祭 子 諸 置 特 言三十 也 長,始 南 應之 皆置 東 南郡 于 所 郡 丞 歲 陽 海 置 越 ĴΠ 顯 即 是 置 相

+

高帝 封國 據漢 此外無稱「秦 立爲國者也。 可爲秦置之證。 三十六郡之數 有 云 官 七 置 初 1吏,比 也 「故秦鄣郡」, 而 謂 則 泗 言, 鄣郡 大 于 水 其 内 者。 如 國 稱 也 名不 亦必漢置矣。 故齊、 地 予應之曰: 故  $\bar{z}$ 則 秦某郡 或又曰 而 故東 改 非 故 閩 者 秦置 中 趙 海 也。 者 則 郡 故 《漢志》: 可 仍 八,因 [又日]《漢 漢 稱 梁、 知。 」, 與 無 志 秦郡 諸 故楚、 此 彰 其 與 志 文正 丹 地 者 郡 摇 》凡稱 故 志 而 陽郡 不言高帝置, 治之,是以 , 因 同 改 淮 稱 其名者 南, 故 故 其 秦 東 置 郡 并 海 者, 鄣 者二 郡。」 不在 名 郡 漢 也 皆 此 而 既 初

不

置

或 于 侯、涇陽、華陽、 長 越之言 世之理。 秦始皇議 而 行 封 封 高 建, 建,其 陵 實 君之屬 無 所 其 封者 本。 而 己,豈 不 假 過 使 有 如 用 建 穰 淳

### 秦始皇未滅二 或

古封 建之國,其未盡 滅 於 秦始皇者

此散 江 理志》:「始皇既并 其大勢然耳 有 越王,以 家》:「後七世,至閩君摇,佐諸侯平秦,漢高帝復以 如今世之土司。 漢興,有東海王摇 人,凡四十世九百年,最後絶。」《越世家》言 人」,是始皇時 二十五年,王翦遂 西 衛 滇 南 南 世 諸 王。 海 夷傳》又言:「秦滅 奉越後。」是不特未亡於秦,且從 家》言「二世 上,服 族 然則謂 子争 是越未嘗亡也。 朝于 天下,猶獨置衛君,二世 衛未嘗亡也, [原注]《漢 立,或 秦滅五等而 閩 楚」、《秦始皇本 定荆江 元 越王無 爲 年, 諸 王,或 南 廢 侯 〔閻氏曰 諸之屬 立郡 地 唯 衛 爲君,濱 ,降越君」, 君 楚 苗 時 公而亡 縣 门按 乃 角 ·紀》言 ,(原注 亦 「越 廢 書 秦矣。 爲 《越 摇 爲 舉 出 于 以 庶 地 爲 庶 世

# 漢王子侯

漢王子侯之盛,無過哀、平之間。《王

弟紹 時。 書, 國。 禄、後皆奪爵。」《後漢 莽 衆之以故國 下云:「其宗室及絶國封侯者凡一百三十七人。」惟 孫 止 日 爲王莽所滅」,「侯寵,建武二年,以崇從父 絶」,而《表》言安衆侯崇「居 十二月戊午詔曰:『惟宗室列侯 城陽恭王祉傳》: 侯王爲公者,悉上璽綬爲民。」「原注》《後漢書 廢,先靈 傳 亦 此 :「作表時見爲侯也。」《表》言「今見」者 封拜。」是皆絶 但隨 然《漢書》表、傳中 若侯身已没, 封」,「十三年,侯松嗣,今見」。 一人,是光 五 無 宜 所 威將帥七十二人,還奏事 紹封者,褒崇之忠,非 封 「莽篡立、劉氏爲侯者皆降稱子,食 依 拜 武 歸 而已。 之時,侯身已没者 光武 屬 於莽 朕甚 所 往 〔原注〕《光武紀 上其子 而 往言「王莽篡位 愍之, 紀》:「建武 復封 攝 元 於光武之 孫 其 爲 通 年舉兵 見 并 王 1,其子 例也 》十三年 師 名 復 莽 二年 漢 孤 所 安 古 尚 故 諸 卿

之乎? 不賜 罷 輔 位,賜 鄉侯」。 命 告反寇,諸 又《莽傳》云:  $\mp$ 人,皆知天 夫 可 而 王 Ш 王子侯表》: 賜 関 封  $\pm$ 莽攝朝, 偽褒宗室侯及王之孫 惟 見 愈 姓 明 多, 獻 扶 成 於 莽 元始 姓 姓 一德侯 美侯,賜 都 神書言 親 攝 又《王子  $\vdash$ 王。」若此 非其正 親 獻 武 位 命,或 王。 劉 五年,上 劉 之中 書 之所 「嘉新 Ŧi. 與三十二人同宗共祖 襲、率 新 言 莽德,封 姓 子 唯 侯表序》 莽德, 獻天符,或貢昌言, 而 故 傳 封 王氏。」《諸侯王表》:「 鄉 之類 或 公國 寓 × 禮 書言莽宜 者 弗 侯佟、〔原注〕《莽傳 師 褒 侯 録 公以 列 封 光 廣陽 師 忠之意,則 光武 劉 E 侯,賜 武皆 列 嘉 旋 以 : 女配 侯, 王嘉 贵 居 等 符 「元始之際 踵 不 凡 焉。 得 賜 命 攝 姓 亦 莽子 紹 ,以獻 於安衆 爲 而 Ŧ. 姓 絶 + 封 》作 者 居 或 子 心又 復 莽 王。 也 信 魯 符 勿 捕 四 故 攝 封 篡 中

> 書,隱 子高, 之封 爲正。 或即寵之誤 廷高其忠壯,策文嗟歎, 定王五代孫,與宗人討莽有 李隨安衆宗室會見。」注引謝承命 也。 未七歲故得免。」史文雖略,千載之下可  $\pm$ 代孫 莽居攝中,隆父禮與安衆侯崇起兵誅莽,事 見之。 避林藪。 安衆侯崇之從 此 又《劉隆傳》 而 以 代之大典,不可不 紹 又《李通 建 封者爲名崇,殊爲舛錯 原 武 Ĭ: 注 初 弟。 乃 傳》云:「永平 「隆,字元伯, ,以厲宗室。」以 後 出 知 漢 功、隨光武河 光 王 書 《書》 莽 武 當 卓 以 Ĭ. 茂 論 篡 南陽安衆侯宗 宣 中 表 當以 傳》云: 襲 乃 北、破 顯宗幸宛,詔 安衆侯崇, 封 計 變 安 《前漢 泄,隆 之,雖 衆 £ 以 劉 侯。」 郎 情 室 宣 抱 以 正 表 也 測 字 諸 官 朝 年 是 沙

Ŧi.

子至孫,今見爲侯。」《表》云: 侯,薨。元帝 嗣 釐 年薨,坐故 侯 代宗以 傳 武 至曾孫侯會邑嗣 五子傳》: 行 賀子 復封賀子代宗爲 淫 辟 紹 不得 「昌邑王賀、廢 封。 置後。 傳 免。 至 孫 建 賀以 海 初元三年 原侯 武 智 封 侯。 神 爲 復 保 封。 海 爵 傳 111 唇

是光武之復封有此二人,安衆以褒忠,海

昏以嘗居尊位故與?

之薄 高 孫 封平陽侯。 或 帝 宏 元 法 於 年 ,舉兵佐軍,(原注)本傳 功臣表》: ·更爲 也 酇 侯 十一世侯 蕭 而 鄉 厚 「蕭何· 於平 侯。 曠 莽 陽 九世 嗣, 敗 也, 孫 云「先降河北」。 絶。 今見。」非光武 非 禹, 有 曹 王 功不 參 莽 + 始 詔 建 丗

先 紹 純 爲 降梁 封。 將 高 而 軍 周 昌 紅 先 承休侯常 王 [侯 , 陽 原 來 戰死,[原 一,不得 董 注 侯王 詣 永 按功 闕 歸 自 泓, 嗣。 臣 德 以 原注 注 侯 侯復封者三人,恩澤侯復封 周 以 襄 光武 後 見《元 與 ご見≪ 平 諸 而 昌侯王獲三人,功 命功之典如 後 后 劉 杜 漢 傳 結 憲、趙 書 恩,父 本 富平 傳 牧并 此 侯 丹 皆 狀 者 以 張 得 降 無 四

# 漢侯國

嵩、栒 弇、槐 者,而 景丹、臨晉侯 而 新豐侯段頻,京兆 名。 臣 〔錢氏日 友,右扶 右 平. 恩澤 《嵩 侯 扶 陵 下  $\wedge$ 風 表》有陽 (功臣) 非三 侯 邑 里 傳》云: 漢 并 侯宋 表》有 侯 風 地 書 日 理 無 輔 萬 縣名。 侯表》平 • 志 武 侯 楊 食槐 弘、 修、 也。 地 陵 高 當」 琅 或 賜 理 槐 琊 侯 郿 陵 以以 并 縣; 若後 而「高 之「高 志 里 陵 侯 侯 傅 里、美陽 則知 ₩: 侯 左馮 在 夏陽 侯 寬、 董 翟 漢, 陵」下 畿 竇 蘇 陵」下 方 卓,并右 此 京 高 武、 翊 則 建、平 内 侯馮 進 鄉 兩縣八千户。」 兆 注 縣 陵 故 新 槐 尹 名 并 云 侯  $\Box$ 豐 也 異、櫟陽侯 之同 里 侯 好 陵 左 扶風 一侯單 王 左 侯 國 琅 畤 侯 馮 虞 然《 馮 皇甫 於縣 琊 侯 范 翊 縣 超 翊 耿 功 縣 明

蓋東都之後,三輔同於郡國矣。

見 曉, 意者 在者 地 而 理志》 班 書之乎? 史亦 侯 仍 或 前 有 人之文,止據 注 有不注 殆 其 、時之 不 可

都

都 故 先君之主曰都,無 九之一。」〔原注〕隱公元年。 王之制,大都不過參國之一,中五之一 之云「大都小伯」、《詩》之云「在浚之都」、  $\Box$ 作都于向」者,皆下邑也。 都。」《釋名》:「都者,國君所居。」考之經,則《書 君 晉二五言 所居,非 謂 詩》毛氏傳: 蒲 也 屈 于 也。 獻公曰 也; [原注]《帝王世紀》:「天子所宫  $\Box$ 下 士伯謂 邑。」〔原注〕莊公二十八年。 「狄之廣 邑日 又曰:「邑有宗廟 《左傳》曰:「先 叔孫昭子曰「 都。」後 莫,於晉爲 人以 小 小 爲

> 以爲 衆以 灌園 趙 左氏 子》「王之爲都 宰,將墮三都」,謂 館子於都」, 四 相 也;《韓子》「衛 司徒》: 曰 有 宛,大郡之都也」。 丘 「往歲克敵,今又勝都 ; 如,「召有 「於鄙」;〔原注〕秦封鞅商十五邑。 爲 伐燕」,張儀説楚王、「請 也。 湯沐之邑」; 齊王「令章子將 以 甸 「九夫爲井, 《史記》趙良勸 衛 四 司案圖 或 謂 甸 也」,謂 箕 者 爲 嗣 也 縣 一, 臣 君 郈 面面 ,指從此 ; 四縣 以 也,費 四 其 五都 知 公孫 成 井 名 陳 調調 五. 也 都 商 爲邑,四 始 恢 之兵, 爲都。」〔原注〕注 (也,成 人焉 ; 君「歸十五 朝 買 以 於《周 見 廩丘 謂 仲 效 往 沛 胥 季 萬 因 由 + 秦王 也; 邑爲丘, 也; 公亦 禮 靡, 謂 家 平 北 Ŧi. 爲 之都 平 萊 地之 請 季 子 都 陸 Æ 藺 謂 章 日 子 日

●「家」、《史記・張儀列傳》作「室」。

之廟 鎬。 下 都 都是衆聚之稱。 立 信陵君之諫魏王,謂 也。《商子》言「百都之尊 五百里日都。」故《詩》云「彼 邑之稱耳。 焉,於是乎有都宗人、都司 至秦始皇始言「吾 十,名都數百」,則皆小邑之稱也。 三代以 月令》「命 上,若湯居亳,太王居 74 羣都、縣、鄙之治」,〔原注〕注:「羣都、諸 諸 書言周 也 縣  $\Box$ 爲都 侯 豐、鎬之閒,帝王之都也」。 都 而 無 王,遂各以 方四 王之子弟所封,及公卿之采 一有  $\Box$ 農勉作,毋 〔原注〕「縣士」注:「距王 邑。」各自相對爲文耳 都必大于邑,故「一年即 + 東 里。」〔莊大令曰〕《左傳》: 都、 其所居之地爲 聞 西 「所亡於秦者,大縣數 周 休 邠,并言居,不言都 都之居」,而 文王 于 都 爵 都」, 馬,其後乃爲大 人士」,《 厚 都豐,武 一城四 禄 邑 成邑,二年乃成 圃 **\_**, 是居處之名 而 都 百里以外至 「邑有 宰夫 以 禮 項 史記 邑在 雒 羽 王 記 王 采 先君 莽 分 都 堂 陽 邑

> 爲 安日常安。 今代京師之號,蓋習而 新 室東都,常安爲新室西都。 後 世 因之,遂 不察矣。 以 古 者 下 原 邑之名 注 莽 改長

安及 世 爲五 帝紀》: 就 之都;下「都」,都鄙之都,史文兼古今語 縣,置令、丞,凡三十一縣。」上「都 陽,秦自雍徙都之。 居。」是以 都」,居一方之會者也。 燒當羌種 幹 或 都。」是以 齊都 都,而長安不與焉,此 五. 都之名專於天子, 漢書·鼂錯傳》言:「憂勞百姓,列 史記·商君傳 都 賦 徙 郡 》、劉邵 金 號 所 以 治 城 封 多 雒 爲 《趙 郡, 國 都 等皆降,始 陽 都 邑爲都。 賦 都襄武。」《龐參傳 邯 而 而《 「原注 「築冀闕宫 鄲 集 而 庾 食貨志》言:「 闡 諸 又所謂 小 臨 如 《後漢 揚 復 都 侯 甾、宛、 張 都 得 鄉 王 衡 賦 還 不 通 邑 庭 書 南 都 都 敢 成 或 聚 於 若 邑 賦 後 大 都 安 侯 咸 稱 **\$** 都 爲

矣。 「楊氏 日 南 都 者, 南 陽 也 先 世 南 頓 君 之廟 在 焉

而 齊 趙 揚則 故王 都 也

門 此 宣 平. 也。 時 輔 未有東 史記 黄 「原 民 圖 注〕程 間 》:「孝景 都,其 所謂 大昌 長 安城 東都門。」 曰 以 中三年, 爲 東 東 自 都 此 出 出 門 北 軍 雒 頭 陽 東 猶 第 都 東 言 都 門外。」 者, 門 東 非 郭  $\Box$ 

#### 鄉 里

記 縣、里而 室 魯昌平 按楚非國乎? 人」、「原注」應劭 在 老子 昭 以 鄉 陬 縣  $\pm$ 不言鄉 邑」是又以 , 楚苦 廟 統 當增 鄉 西 縣 以 曰 : 渭 句 史記 國 厲 鄉 南 E 「沛,縣 統 鄉 統 陰 以 鄉 》「高 曲 里, 鄉 以 或 也。 統 樗 鄉 縣」。 備 里 祖 統 豐 里 邑。 書之者、《 其 人」,「閻氏 沛 又按「孔子生 豐 是 鄉 也。」「 邑 也 樗 里子 中 日 聶 陽 史 書

> 是也。 政,軹 邑、鄉 牖 乘 鄉 陽慶」、《漢 而不言里」。 人」,「王翦,頻陽 深 亦 井里 有 書 書 人」,「淳于 鄉 《史記》「陳 而不言里,[閻氏曰]當 「衛太子亡 東 鄉 意 人」是也 丞 師 至 相 臨 平, 湖 菑 泉 陽 元 鳩 作「書 里 武 里 公 户

子 葬之桐 . 時 鄉 鄉 西 亦 郭 有 城、《漢

古

書

朱邑傳》:「其

#### 都 鄉

堯 都 縣 湼陽 廟 鄉 都鄉 蓋 ^ 碑 縣都 集 即 石 古 泉里。 今之坊 鄉安衆里人。」又云:「窆于秣 録 成陽仲氏屬 **\*** ^ 廂 都鄉之制,前史不載。」按 宋宗 也。 都 慤  $\wedge$ 漢 鄉 13: 濟 高 夫 陰 相 里。 太守孟 墓 誌 **>** 郁 陵

# 都鄉侯

食 綬、「原 封 進 上 關 本 冀 是 侯 忤 傳 史記 傳。 之户 封 中 其 都 也 功 中 中 侯, 都 養 鄉 常 言 後 鄉 延 高后 封 今 注〕上 侯。」是 數 子 侯 具 都 侍 漢 原 從 熹 都 爲 紀 瑗 注 《單 在 趙 也 鄉 封 八 文作 鄉 都 列 有 忠、 侯 都 關 注 或 年, 超 侯 鄉 内 鄉 侯 傳 東武陽 罪 者 之 張 梁 侯 侯 侯 貶 旲 之下 甚 在 制 冀 無 詣 讓 志 原 爲 多 都亭侯之上。 是 食 削 **\***: 注 侯 得 獄 關 邑, 也 都 有 孫 百 罪 謝 單 内 户 皇 鄉 如 鄉 户 賁 詔 超 淳 六六千 侯」,〔原 甫 侯, 徙 侯 上 封 趙 傳 貶 以 嵩 都 封 在 還 是 爲 忠 「良賀卒 但 爲 亭侯、 有 封 但 比 歸 言 東 都 以 都 更 注〕本 都 爵 鄉 槐 景 鄉 内 武 與 鄉 排 子 其 侯,今從 鄉 里 都 侯 身,見 侯 誅 侯 侯 都 鄰 傳 侯 侯。 嗣 鄉 所 帝 之 梁 印 鄉 作

> 者 밂 侯 地 侯 縣 注: 侯第 愐 或 史 是 無 略 不 並 都 都 品 言 之也 言都亭 鄉 鄉 侯 地, 鄉 侯 都 侯 者 亭 亦 第 亦 鄉 , 并 侯 四 口 必 城 侯、 品 此 内 有 亭 . | | | | | 都 所 侯 也。」《 亭 原 第 封 注〕《皇 侯, Ŧi. 之 宋 品 書 亭 地 弱 后 侯, 百 紀 内 而 官 侯 | 都 或 不 志 第 **\***: 六 亭

## 封君

薨 君 旧 有 嘗 也 爲 稱 君 平 諡 孔 剛 侯 七 霸 成 者 或 ·原君、信  $\vdash$ 以 君 雖 烈 如 稱 師 君 穰 賜 漢 王 侯、 陵 「原 興 爵 而 君、 注』孔 鬍 應 列 其 侯、 内 春 侯 臣 侯 光 文信 申 曰 不 君 號 侯 過 是 褒 侯 稱 弱 也 成 内 君 而 君 侯 蔡 秦 其 澤  $\vdash$ 间 孟

亭

燮傳》: 爲縣 《蕭 其 乃 則 啚 語 恕 里 元始 · 啚」,俗誤讀 『 圖」。」其 説 鑿 鄉、 田田 立 《佩 圖。」是矣。 而 日 則 ,征發、 山縣志》 都 艫 是五代、 疇、山水、道路悉載之。 名之始。」「原 「變爲江 》上篇「順非」節,有「「啚吝」之「啚」爲 小時《登 啚 鄙 **温**,音鄙。 嘉定 争訟 之制起于 一者,以 宋初已如此矣。 陰 日 今俗. 縣志》曰 科 追胥,披 尉, :「改鄉 録 南宋也 每里册 常平使屬當賑 注〕趙 》必書某縣 ^ 省作 左 圖 可立 顧 合保爲都,合都爲鄉, 矣。 傳》『都鄙 宧光 爲都 圖 籍首列 謝少連作《歙志》, 一番」。 氏蓋亦失考 決。 〔趙氏 亦 改 災,變令每保 即 日 : 某 以 里 (沈氏 此 里 鄉 日川宋史・ 「都鄙」本 有章』, 爲荒 圖,故 也。 爲 某  $\Box$ 一圖二之 啚 里 政 三郭 不 首。 ), 自 人。 畫 名 即 忠 作

俗通 堡。 子。 注〕晉 署。 教之數言,卓 它所」,而《漢書》注云:「亭有兩 禹 有 宿會之所。以今度之,蓋必有居舍,如今之公 精者,云何以爲亭子?」又必 父,掌開 原注〕任安先爲求盜、亭父、後爲亭長。 旲 奏 室 起 [錢氏曰]有祖秀才者,於亭中與刺史箋,久不成,卞 [原注]今福建、 時有亭子。 鄭康 矣。」 曰:「漢家因 請 秦 爲 制 平. 閉 魏 故 陵 成《周禮》「遺人」注 拳 掃 西 十里 有大致。 「霸 肥牛亭部 劉卞爲縣小吏,功曹銜之,以他事 河 除,一爲求盜,掌 秦,大率十里一亭。 廣東凡巡司皆 陵 守。 尉 亭,十亭一 秀才謂縣令曰: 止李 秦 處, 有 有 廣 城 上 小 有 池,如 宿 · 亭, 城 以 亭,留 鄉。 曰:「若今亭 「卞公,府掾之 逐 賜 亭下」,「張 卒,一爲亭 是 臨境。 《韓非子》 捕 也。 禹, 原 今之村 也。 盜 注》風 蓋 徙亭 賊 補 行 起 原 亭

獄」是 常 13: 邛所治都之亭。」後漢陳寔當爲 官 也。 卒 者,怪之,乃攻亭」、《後漢 未 頭 信 則 亭侯是 注〕咸宣怒其吏成信,❶信亡,藏上林中。 攻 詩 史記索隱》曰:「郭下 卒逢鮮卑數 闌 臣 并 州 夜守之」、《匈 有 如 止 出 入上林 小 又必有人民,如今之鎮集,漢 也。 都 今之關 牧 第 入阡 雅》 所 也。 亭, 行 宅, 朝 剥 中蠶 陌,止 司 「宜岸 部 寄 而 建 不 廂、個 馬 亦謂之「下亭」,《 多 室門,攻亭,格殺 百騎,乃退入空亭」是也 居 拔之」、《漢 鼓 肯 舍 相 宜獄。」陸 離 奴傳》「見畜 了**,** 置 宿下亭」是也 丘. 之亭也。」《漢書 如 鄉亭。」是又有鄉亭,又必有 亭。 府 氏曰〕按《漢 往 都 臨 亭下」,《  $\bar{Z}$ 姦人 都亭 邛, 書》 「鄉亭之繫曰岸,官 何 信。 書 舍都亭」、「原 并 刺 書 布 以 息夫 • 》注,師 風 是上 佐 斬 野 公孫 後 爲 循 宣使郿令將 俗 其  $\pm$ 封 而 林 漢 吏傳》: 侯 躬 古 嚴 林 通 功 中 無 都亭 瓚 書 日 家 歸 亦 卿 延 臣 人牧 牢 府日 傳 有 富 (原 或 臨 注 獄 陳 年 鮑 有 奴 亭 中

> 門 亭。 驛 吴王 殺 尹 書 樓 褚 儀 進率左右羽 令,帝迎取其鼓置都亭下」是 Ŧ 原 也。」立旗於其上,故取名焉。 亭之名,而 注》西 讎 先生言「與 興 寵 載記》: 「竇武 亭,人謂之旗 · 權 人 使 有 雅陽 後 於 陸 彊 京賦 漢 出 都 續 弩 慕容垂 書》「 二十四 召 都  $\mathbb{F}$ 林 亭, 數 於 失古者居 會 亭候貞」是 方 五營 都 Ŧ 言請 北 張 士 旗 吴 亭 張, 入鄴 《亭。」《: 街 亭 考 軍 綱 士: 賦 志 Ħ. 城 街街 Ŧi. 出 功 屯 埋 民 **>** 民 重。」薛 拜 史記 都 校 軍 後代 其 饘 廟 之義 會 魏 也 苻 士 都 亭。 亭」,「王喬 粥 旗 車 使 綜 亭, 也 屯 丕不許 則 矣。 • 注 亭下」是 輪 京 邢 酒 三代 都 十二城 但 於 師 貞 會 泉 蔡質《 亭 「原 旗 有 戎 雒 稽 亦 拜 龐 亭, 世 郵 注 潛 -, 爲 陽 有 權 娥 太 也 表 門 服 市 漌 何 葉 都 都 爲 咖 守 門 而

<sup>■「</sup>咸」、原作「減」、據《漢書・酷吏傳》改。

〔錢氏曰〕王羲之「會稽之蘭亭」。人,亭吏禁之。垂怒,斬吏燒亭而去。」是晉時尚有亭名。

## 亭侯

然。」《蜀 松之日 以 侯。 侯。」按《漢書》作 壽張,食小 Ŧī. 綝言:「能 爲亭侯者甚 一人爲 解 〔原注〕《楚漢春秋》:「高祖封許負爲 瀆 亭侯之 通 亭侯 縣侯,尹 高 典 中 祖 薄 ,鄉亭。 時, 入繼。 制 多,大抵 功微 「陸城侯」、《志》文衍 Щ 封 自 獻 靖王子 勳等七人爲亭侯。」 皆 此 ,得鄉亭厚矣。」樊宏願 帝 列 《桓帝紀》:「 則建武 始 建 貞,元 侯, 皆 安初,封 也。」恐不 未有 在章、 狩 中似已有 鄉 一「亭」字。 六 年 亭之爵。 和 曹 封 鳴雌亭侯。」裴 封 然。 以 涿 操 縣陸 列 單 後 爲 疑 亭 傳 超 靈 費 城 爲 侯 還 T 中 帝 等 亭

郡 縣 漢 以 亭 爲 王 名 莽 傳 者 改 百六 大郡 +; 至 以 分 應 爲 符 Ŧi.

社

命文。

公,以 **豪邑,反市者十一社。**]又曰:「昔吾先 以 陰數百社。」又曰:「景公禄晏子以平 家。」〔原注〕《史記・孔子世家》:「冉有曰:「雖累千 社。」注:「二十五家 年,齊侯唁公曰:「自莒 里名之曰社」是 天子,通其四疆,教其 南,書社 Ŧī. 夫子不利也。J\《索隱》曰:「二十 年: 鄉 爲社。 社之名起 書社 齊與 五百。」《晏子》:「景公予魯君 五 百 《大戴禮》「千乘之國,受 衛 於古之國 地 封管仲,不 也。《左傳》昭公二十 自 爲社 濟 [書社],《管子》「方 以 社 五家爲社。」哀 疆 ,千社二萬 西, 辭 以 里 禚、 西, 而 社 受。」《 媚、 請 故 君 陰 地 杏 公十 Ŧi. 致 古 社. 荀 以 千 千 Ŧī. 與 Ш 於 桓

<u>Ti.</u>

曆 稀 行 臣 青 書社 家、五家共爲 太尉 浦,書社 衛。」又曰:「越王 社。」《吕氏春秋》:「武王勝殷,諸大 子 國不義,以 戦 商子》:「湯、武之戰,士卒坐陳者, 末,士人相會課文,各立名號,亦 者 瓚 志 州 鄉之人無 國策》:  $\dot{\Box}$ 不限 百百 ,當與桓範會社 鄉 一、一又曰 鎮,猶 與之書社 兖州 三百, 姓二十五 舊制二十五家 告敝 「秦王使公子他 : 後 不會集,《三國志》注 田社、是私 以 刺 人 以 衛公子啟方 社 史浩賞禁民 聚 三百 邑,而賜之二社之地 封墨子。」今河南、 爲 請 家 徒 下」是也。 稱。 以 爲 結 故吴之地,陰江之 而 一社 社。」《隋 爲 會 古者 富 一社,而 謂 亦 以 私 人 ·, 其 謂 書社 趙 春、秋祭社 莫之敢 所 《漢 王 之 舊 書 自 「蔣 日 社 日 社 書 里有 民 立 几 夫 • 太原、 +某 及 禮 • 五 濟 或 賞 社 距 大 社 人 儀 萬 爲 + 下 以 書

> 紀》: 士子 賊 不逞  $\Box$ 不知今之士 村落間, 某 十人,號没命社。」《曾鞏傳》:「章丘 宋史· 事, 「社盟」,此《遼史》之所謂 有 社 書刺 爲 黑 「禁饑 至 俠於閭 社、 崇禎 薛 號 奉旨 往來,社字猶以 霸 顔傳》: 白社 民 中, 人 王 結 察 何 里 社 有 勘 扁 取 之名。 ,號亡命社。」而 。」《石公弼 陸 耀 擔社,傷人者杖一百。」 而 文升 在 名 州豪姓李甲,結 事 元 此 爲 奏訐 之 也。 「刺 汎 傳》: 官 史・ 而 張 Ш. 多 天啟 隋 溥 友」也。 被 日 泰 末 揚 等 民 降 盟, 以 定 譙 州 聚黨 客 復 後 帝 郡 數 羣 社

而 己。 今日 除 卻 人 四 情 者 相 與,惟 便 育然喪其天下」焉 年、 社、 鄉 宗四 者

#### 歷 代帝 王 陵 寢

宋太 祖 乾德四 年 十月癸亥詔:「 歷代

之誤。 古《劉 鎬,豐、 也  $\pm$ 乃 順 悼武及漢諸 杜 成 世 武 與 西 徑杜墅, 坌蔽 在 文記 括 也。 案 縣 祭於渭 南 咸 周 畢 杜 地 其 之中 原 公之墓 文王 · 鎬與 一十 陌 南 以 志》 在 向 秋草漢 (説更 • E°」《晉· 原 別。」「梁氏 秦本 傳》 爲 扶 (杜相 既 陵 注 北 甚 E 一爲明 八 畢 在 葬 周 風 在 || 地 諸 :「文王、武 焉 咸 明。 原 注 屬。 渭 里 紀》集 焉 書 安 文 析 陵 陋 南 陽 所 畢 畢 劉 道 地 王 陵 則《皇覽 是 是 則 謂 縣 曰 〕畢 原 原 滄 記 ^ 也。 道 鎬 冢 縣 周 也 陌 之北 史記 解 注〕《雍 《咸 上。 Ē 公葬畢,必附文墓矣。 東 記 西 在 有二,在渭 引《 畢公高之封 陽懷古 南 在 明 非 訓  $\pm$ 北 長 言 + 渭 杜 亦 也 録 此 文王葬 皇 墓 北 中 周 安 云: 與 Ŧi. 畢 其 覽》 者名畢  $\exists$ 在 詩 韓 西 本 里 畢 周 :「文都豐 南 陌 在 于渭 雍 亦 渭 陌 北 紀 南 日 者名畢 畢 文 中 蓋 渭 在 别 州 水 陌 Ш 四 南者 在 渭 王 大 故 據 水 萬 正 · 秦 》詩 矣。 + 南 一野,文、 杜 都 冢 冢 秦 之 顔 武 而 年 義 惠 **其** 前 南 是 武 按 文 南 今 縣 師 引 理 都 汝

Ξ

康王

并

葬

京

兆

咸

陽

縣者。

按

劉

向

日

審

以

致

傳

訛

後

世

如

云周

文

王、武

王、

成

此

詔

口

謂

盛

德

之

事。

惜當

H

儒

臣

考之不

王

錢

俶

修

奉

禹

墓。」其

時天下未

而

首

發

下三十八帝,州縣

常禁樵

采。

仍

詔

吴

越

或

下

+

帝,

各

給

三户

歲歲

享。

秦

始

皇

以

F

户

蠲

其

他

役,長吏

春

秋

奉

. 祀。

商

中

宗

以

帝

 $\pm$ 

陵

寢,

太

昊以下十六帝,各

給

守

陵

Ŧi.

+

Ŧi.

帝,

各給二户

,三歲

祭。

周

桓

 $\pm$ 

以

日

案《帝

王

世紀》云:文、武葬于

畢

畢

不

敢

臣

周公,故

使

近文、武之墓。」《

īĒ.

義

書

序

周公薨

, 成

王葬于

畢

~

傳

**>** 

日

聚東

杜中。」「原

注》《續

漢

志》:

鎬

在

E

林

苑

東。」孟

曰:「文王、武王

周

公冢,皆在

京兆

長

安鎬

太史公日

畢

在

鎬

東

南

杜

中。」《

皇覽

文、武、周

公葬

于

畢

· ° \_ |

史記

•

周

本

紀

 $\stackrel{-}{\sim}$ 

康

日

「長安西南

有

鎬

池

郭

璞

^

Ш

海

經

 $\Rightarrow$ 

注

百

代 遷 謬。 里,則 出 陽縣 帝 古 秦惠 地 Ш 人 杜 云後魏孝文帝 雍録 安得 雒 己 志 都 陵 中 虚 ,乃孝文之孫,名寶炬,以南陽王爲宇文 云在萬年 · | | | | | 陽,乃 也 東 是自相 》言《元和》一志皆李吉甫爲之,而周公之墓亦 文王、 西 四 辩 宫 魏 之 北 十里,俗名 又《 里。」又云:「秦悼 葬富 書》言: 號 里 甚 殊異。 、悼武王之墓,不亦誣 瀍 秦 秦 自  $\Box$ 縣西南二十八里,一云 明。 餘 惠文 平哉? 西 始 表 萬 誉 長 原其誤,皆起於畢名之有 皇 瀍 年 者 壽宫,遂有終焉之志。 今祭周 陵 帝 王 西, 本 堂 周武王陵 在 孝於文明 雒 陵 紀 以爲· 云。」其 葬富平者, 耀 末《 陽 在 之文 州 武 雍 也 Ш 富 正 州  $\pm$ 曰「方 平 王、武 陵之所,而方 太 在 孝 非 陵 義 咸 成陽 乎 縣 后 文 也。 西 陽 在  $\Box$ 東南 兩也。 縣 Ш 乃於永 魏 自 王 雍 縣 「原 北 之文 是昔 代遷 而 州 西 十三 遂兩 注 及 尤 至 于 咸 北 括

> 於東 原。 平縣 失據 能 聖元年普寧寺題名》亦指此爲西魏文帝陵。 指 紀》, 事之著在史書灼然如 **遑尋究,以** 亂之餘,在 帝 妃傳》: 右 泰 **輼輬後來,將就次所,軌折不進。**」上有宋碑 知 爲孝文之葬,而 曰 所 十七年,合葬永陵。 :『望此令人 旦日 也宜矣。 ,乃欲與之考橋 東南三十里之陵 朝, 立 「文帝悼皇后 在 不 朝罕 至 「嘗 位 載 於 十 其 登 今 淹 郁 七 (有脱屣) 事 逍 久間氏,大統六年崩,葬于 日 通之士, 當 歷代因之,豈 年 遥 會横 Ш 乎? 此, 即 觀 而 葬 橋 訂蒼梧 永 之意。』、然則今富 永 而 北,后梓 北 而 望 (原注) 陵 陵 世之儒 嵯 史 率 也。 其茫 峨 爾 宋 ^ 非 宫 爲 「原 魏 嗟 Ш 游 頒行,不 先 生且 五 師 謂 至 平. 書 注》后 代 雄 乃謬 鹿 ', 近 **>** 《紹 苑 本 喪 不 左 出 陵

一月,帝在雒陽宫,遣使以少牢祭漢光武、又考《册府元龜》:「唐高宗顯慶二年

刊

誤

#### 冢 靈 臺

坌蔽 畢 配,祭于酆。 人,或 。」并與《皇覽》之言合。 非 非 于澧渭之郊。」《舊唐書》:「周文王,太公 以 武 +誤 孝文 則似已在渭 周 原 年五 又韓文公《南 其 地 王于鎬。」《隋書》:「祀周文王、武 文王、武 帝 陋」,亦謂 又 遺 也 陵。 日 跡 周 月 : 未 武王,周公、 則孝 北 王祠 遺使 泯 憲 矣。 其 宗 Щ ≫ 文之祭 在 在 者 憲宗之詔 《魏 元 咸 詩 杜 以 自 陽 和 中。 一前 太牢祭周 書》:「孝文 召公配,祭于 古 在 縣 + 尋 所 雒 四 言 韓 俾 徑 傳 陽, 年 即 祠 有 當在 杜 元 文 正 於 不 司 和 Ŧ. 太 修 月 唐 月,東 陽西 唐 靈 堯

于豐

 $\pm$ 

和

飾

詔

時

未

後

魏

《淳化 乾德 原注》《宋史》: 四年 閣 帖 詔 **>** 黄 誤 誤 伯 思 以 以 病 梁 魏 《淳化閣帖 高 孝 祖、 文、 乖 武 文帝 譌 帝 龐 爲 爲 雜,作

墓

間

渭

南

鎬

潭 《安帝紀》:「延光三年二月庚寅,使 鄉 碑》曰:「慶都 陽西二里有 陽。」皇甫謐《帝 笥,不敢 陵,於城爲 臺 堯于成 陵南北 而 日崇仁, \ \ \ \ 北 不 巡 漢 流 四十里,是爲穀林。」《水經注 後 採 狩 書 列,馳 陽。」《皇覽》云: 僊殁,蓋葬于兹。 西 捕 邑 漢 • 水 使使 堯 號修 南 地 書 澤 陵, 廟 理 道 王 稱 者祠 通 義、皆立 志 逕 前 章帝 世紀》云:「堯 陵 日 泉,泉 **\***: 通 并 南 靈 唐 省 列 紀 臺 欲 濟 堯 數 **\*** 「堯冢 不 人莫 以 廟 陰 里有堯 于 碑 「原 耗 元 磚 成 成 入知,名 竭 栝 注〕後漢 砌之,尚修 几 陽 葬 陽 和 在 柏 周 母 至 濟 使  $\Box$ 濟 靈 × 有 成 列 靈 豐 年二 慶 陰 陰 者 臺。 《堯母 水, 魚 城 都 成 成 祠

移 東平州 堯 曹州 縣,北 其 廟 原 城 在 煕 Ш 長 堯 整 之高 初 開 注述元史・ 祠 租 雷 寧 爲 甫 櫟 妃 東 齊廢 寶 奉 及 澤 東 北 請 西 聯 元 冢 也 堯 黄 北三十 之詔 地 六十 堯 敕 縣 年 南 蔭 陵 隋復 河 洒埽」,從之。」「原 冢 平. 在 13: 本 東 七月己 里 東 石 決 泰定帝紀 西 扶 帝 里 穀 州 祠 故 置 城 壁 于 靈臺之東 疏 蘆 雷 有 林 碑 爲 春 堯 階 西 曹、 泉山 베 澤城是 里 石 卯 雷 Ш 之祠 秋 後 Ŧi. 墀 澤縣 是 餘 廟 濮, 之陽。 陵 代 致 「泰定二年 知 + 仍 廟 也 73 祭, 因之,不 濮 羊 北 舊 餘 堯 南 中 與 唐、 在 注 意 州 虎 步 而 有 陵 碑 置 Ш 南 二成 宋 鄆 者 韓鐸言: 破 堯 夫 四 爲 守 宋 宋 集 因 中 州 陽 月 自 之, 碎 西、 母 人 復 水 史》: 時 古 陵 在 山 T 石 慶 略 漢爲 祠 考 所 金復 西 「原 猶 録 Ŧi. 北 夫 晉 都 盡 南 注」今 濮 正 『堯陵 在 户 人 濟 廢 開 靈 神 有 矣。 州 也 陰 面 祠 乃 運 漢 在 免 臺 於 仲 今 屬

> 城 縣 言 「城 西 堯冢上 有佛 寺,請 徙之。」不 報。

之年 于成 堯嘗所 九 之市 氏 蛩 Ш 事 於 説 堯作 偃 復 + 紀 0 春 Ш 涂 文》: ·, 禪 陽 相 朱之説 之陰。 年 年 秋 此 Ш 舜 游 墨子 近。 居 矣。 訓則 》則 帝 戰 禹 位 「陶, 再 成 陟 見 或 之後 游 故 東 「原 日 陽 日 并 方 但 於 舜  $\Box$ 時 堯 居 教 注》活 乃 帝 堯 堯 出 贵 人 西 于 號 劉 成 平 傳 死 堯 之説 都 於《 葬于 陶 陶 教 白 堯 丘 九 地 復 平. 乎七 唐 北 則 志 見於《 也 竹 夷 有 + 陽 惟 穀 氏 ), 在 也 日 教 日 書 洲 百 九 堯 林 道 戎 平. 相 堯 游 年 濟 書》。 年 道 而 自 不 故 死, 八 去 之 而 陰。 葬 堯城 作 帝 堯 太 聞 此 狄 甚 鄄 事 死 濟 游 葬 之冢 陟 史 有 以 在 禹 遠 城 陰」,《 哉 有堯城 宫 道 濮 于 公 會 後 葬 巡 會 之 于 州 始定 死 耄 陶 , ~ 則 稽 南 狩 諸 跡 鄄 陶 期 人 吕 之 城 己 之 葬 侯

亦

堯

説 或 偃 有 縣 塞丹朱 務光自投于河,大抵 人告燕王 東北 偃朱故 + 城,在 Ŧi. 使 謂 里。 不與 啟 縣 父相 攻 西 竹 益 書 北 類此。 十五 見 而 也。」 奪之天下、《韓 里。 「昔堯德 ○詩 按此 <sup>②</sup>竹 》、《書》所 皆戰 書 | | | | | | 衰 爲 非 或 舜 子》言 一舜囚 人所造 所 Y 不 湯 也。」又 之説 堯,復 使人 載

于 今成陽縣西,東 陽。」注:「《吕氏 当有 Ш 海 堯 經 冢 • 海 別 外南經 縣 春 秋》曰: 城 次 **\*** 鄉 中,赭 『堯葬 狄 Ш 帝 陽 穀 縣 林 堯 湘 葬

世之遠,其安能

**哈之?** 

在 在 廟 步 俗 金 會 ,旁皆山 九 泰 Œ 謂 稽 疑 和 殿 之神林。 臨 汾 禹 惟 年 間 縣 石,惟此地爲平土,深丈餘。 會諸侯 堯 碑 志》曰 廡 之巡 記。 高 + 間 於江 狩 竊 : 百五 「堯 陵· 不 考 南,計 山後 舜 見經傳 十尺,廣 陟 在 有 方 功 城 河 乃 而 東 而 死 七十 崩 道。 二百 此 其 其 其 里, 其 或 陵 陵 有 餘

> 成 論 都 陽、未敢 之 似 地 爲 近 則 以後 理 此 , 但 陵 人之言爲信 爲 自 漢 堯 以 陵 來, 無 疑 皆 也 云 \_ 堯 按 葬 志 濟

> > 陰

所

#### 生 祠

《漢紀》: 縣 生祠。」此後世 人 獄 爲 立石 吏,郡中爲之立 漢 書 「樂布爲燕相,有 相 祠 萬 生 \_ ○ \_ ≪ 石 祠 于定 君 之始 傳 生祠,號 或 傳》: 石 治迹,民爲之立 慶  $\Box$ 「父于公爲 爲 于公祠。 齊 相 齊

書 暉 魏 毁其像、易其主者。《舊 州 爲 傑 魏 刺 「張翕 之 今代無官 州 史,人吏爲 祠。」 司 爲 功參 越巂 則 不建 唐 軍 太守,有遺愛。 立. 生祠,然有去任 時 ,貪暴,爲 生 已 祠。 唐 有 書 之矣。 》:「狄仁 及去職, 人 所惡 其子 未 \_, 乃 後 其 傑 幾 湍 漢 毁 子 爲 而

曾 者 復 遂 君 以 越 諸 儀 爲 巂 得 貌 太 蠻 守 安。 蠻 類 一耆老. 人之不若邪 我 蠻 然則 府 相 人 君 曉 懽 ·。」後 魏 語 喜 人之因子 曰 湍 0 奉 『當 頗 迎 失 爲先 道 其 而 路 毁 心 府 其 曰 君 有 父祠 故。」 欲 叛 郎

### 生碑

令濟 其 載 生 師  $\mp$ 生 立 屍 莽 徒 南 碑 敞 所 劉 百 西 之始 高,字 有 平 時 殺 京 餘 爲 陵 人,不 雜 德 人 司 記 無 怡 沈氏 生 徒 終業 敢 魏 爲 掾 時 而 收  $\Box$ 立 平. 夭者 宰 》水水 獨 葬 陵 縣 碑 稱 者,弟子 經 曹 雅 因 於 吴章 注 葬 好 敞 吴章墓側 其 博 其 地 陰縣 古。 弟子,收 皆 號 師 學 E 東。 更 吴 校 生 名 章 立 墳。 有 碑 葬 此 他 爲 縣

廣 平. 太守丁 書》: 紹 率 南 衆 陽 救 王 模 模, 爲 模 公 感 師 紹 藩 德 等 所 勑 攻 或

> 史之所 軍 人 事 爲 百 紹 書 生 姓 居 立 追 官 碑 慕 \_ \_\_ 而 彬 生 唐 立 功 彬 德 碑 爲 者 生 使 有 爲 持 此 立 節 碑 監 事 作 出 頌 州 諸

午 明 以 清 露 員 績 君 有 石 司 詔 外 考 等 遺 紀 將 法 金 勑 德者 郎 吏。 愛 其 六十三人,具前 旨 唐 石刻。 人 V.  $\Box$ 武 碑 服 詞, 碑 口 毋 刺 后 吏上言:『謹 序 者, 其 , 翰 得 宜 聖曆 史 縣令以狀 **×** 敏 探得 日 具 擅 有 舊 有 識 : 所 <u>)</u> 唐 紀 馬品 大太 其情 碑 紀之文 年 書 者 迫 是 令劉 \_ 乃奏。』 申于 和 制 • 人 按 唐 鄭 劉 四 條 吏 育 時 君之德 瀚 上 應 府,府 禹 Ŀ 年 州 責 頌 傳》: 錫《 言 尚 廉 詔 縣 明 官 高 書 使 政 長 年 書 長 高 以 詣 陵 改 吏,非 績 考 狀考 德 凡 陵 巧 人 功, 考 月 李 政 **令** 跡 請 以 之 功 請 劉 遂 庚 有 政 干 仕 奉 刊

之文 必 請 祖 之者,不旋 請 立 建 必 無 碑 隆 上 旨 者,委參軍 考 元 以 而 功 年 風 踵 華衮 十月 勸 奉旨 與 之 而 戊 他 乃 驗實 植 權 子,詔 得 人作鎮石矣。 操 於 立 以 道 之自 聞。」 諸 旁, 道 宋 下, 亦 今 長 史》言: 無 不 世 貮 過 仴 V. 有 溢 碑 異 而 視 美 不 政 太

而

史 廣 寵 何 在 伏 注 見 府 成 孟 足 郡 璟 深當爲 即 書 温 日 韶 彼 册 禮 能 州 停。』從之。 廣州 諂 課 府 樹 奏 濫 諛。 無 元 都 事 碑 承 所 龜 督。 云, 因 欲 恩 **\***: 稱 ", 幸 夫碑 是 革 施 廣 時 亦 此 ? 州 宋 免罪 鄭 命 所 風 與 璟 見 州 罷 以 臣 爲 在 戾。 望 之。 百 頌 立 相 自 樞 姓 德 遺 · 奏 言: 密 臣 一介俗 亦 紀 愛 以以 始, 爲 功。 頌 前 請 臣 吏, 「原 刺 勑 光 臣 臣

累

日

列

爲

張

張

勳 寒 名 出出 清 張 而 籍《送 頌 蕃 落 祝 之辭 應建 裴 相 止 生 公 此 赴 祠 當 請 鎮 日 立 太 碑 碑 原 祠 **>** · 詩 : 以 之 難 晉 公之 明 得 年 口

豐

總

不

知 矣。

碑

#### 張 公 素

登 後 檢 鶻 傳 節 允 仲 法 統志》亦 務, 畏 校司 則 伸 素。 度 又破 大 邊 使、 明 詔 下 云: 擢 鄙 德宗 有 徒 奚 張仲 百 賜 變 平 無 同 起, 北 統 虞。 旌 平. 州 張 中 時 武 志 節 部 章 刺 仲 書 列 奔 以 張 0 史。 及 武 • 事 門 於仲素之後。 京 列 永 公素 在 Ш 下 爲 師 將 奚, 威 平. 鎮 考 允 平 盧 事 府 以 之 伸 章 事 龍 軍 盧 十三 軍 新 卒 • 節 中 加 龍 子直 卒。 名 校 度 北 舊 詔 以 軍 事 年,比 使,破 宦 翟 張 仲 節 允 方, 「原 唐 , O 允 素 度 有 伸 書 歲 注 伸 多 擢 降 代 使 唐

0 據《校記》,鈔本作「狄」。

八五九

乎? 仲 朝 且. 簡 公素以 日 户 相 節 擢 武而誤作素,非公素。 廷之典 會,在 仲 參軍。」按盧 又 仲 公。 度 平. 安取 素, 使。 武 州 今灤 爲 兵 刺 立懿宗咸 及 日 而 李 性 來 史。 此 州 詳 允 貽千載之笑也已。 茂 會 暴 篡 乃 其 伸, 龍節度使前後三人皆張姓 勳 厲 喪,簡會 允伸卒,子 祀 奪 通十三年,距德宗時甚遠 歷官,即 日 所 仲武有邊功,李文饒以此 之名 暴戾之人而 眸 公素。 襲, 子 出 官祠。 奔 多 公素也。 奔。 簡 白 京 今乃合二名 師,貶 會爲 燕 詔以 人楊氏 吁 載 人 ! 副 之名宦 又其 復 號 公素爲 曰〕想祀 大使。 作碑。 其 州 白 辱 涿 而 眼 司

繢之」、「原注」今本《長慶集 易《燕子樓 於陵傳》所 和 中 爲 又 考 翰 唐 林 謂「屯 詩 學 時 序》 别 士 所  $\mathbb{H}$ 一有詩. 有 謂 員 張 外 》誤 司 名。 仲 郎 動 作 張 素,字繪之,元 績 員 舊 之。 外 仲素」,白 唐 郎 書 即 張 其 仲 居 素

素,位至中書舍人。」也,然非盧龍節度使。〔原注〕《張濬傳》:「祖也,然非盧龍節度使。〔原注〕《張濬傳》:「祖

仲

### 王亘

也 宦》稱: 恩。」《一 知文正未嘗爲 令,築隨龍、蘇村二堤,民賴 起家以大理 蓋 肇慶府志》: 士: 「宋丞相 統 不 評事,知平江 志》誤: 讀 書,而 此官。 文正公, 作 宋王 王旦。 祀典之荒唐也久矣。 縣。」淳熙,又孝宗年 〔原注〕《宋 豆, 前 博 其 淳 今《 史 羅 利。 熙中 • 王 博 令。 羅 後 爲 日 傳》: 而 知 博 • 號 不 南 羅

日知録集釋卷二十二終

# 日知録集釋卷二十三

崑山顧炎武著 嘉定後學黃汝成集釋

姓

郜、 姒,夏 燕、魏、芮、 韓、凡、 出 高 《傳》云:「沈、姒、蓐、黄。」春秋時無考。子,殷姓,出 二十有二。 黄帝,封 辛,封于宋。〔原注〕小戎亦子姓。 雍、 言姓者,本於五帝,見於《春秋》者得 姓,出 蔣、 曹、 于管、蔡、郕、霍、魯、衛、毛、 彤、荀、賈、耿、滑、焦、楊、密 滕、畢、 邢、茅、胙、祭、吴、虞、虢、 嬀, 虞姓, 顓 頊, 原、 封 于 豐、 出 杞、鄶、 顓 郇、 頊 **邘、晉、** 了; 封 越。 姬,周 于 「原 鄭 應、 姓, 陳 畘 注 舒 姓

董姓 今之孟氏、季氏、孫氏、甯氏、游氏、豐氏皆 莒爲曹姓,越爲芈姓,與此異。 戎,允姓:六者不詳其 姓;羅, 姓,在周世 姓,邾、郎,曹姓, 世無考。 《國語》又有西、滕、 莒,己姓,薛,任姓, [原 南燕,姞姓也: 自黄帝。 本》:「謝、章、薛、舒、吕、祝、終、泉、畢、過十國,皆任 徐、郯、江、黄、葛、麇,嬴 須 隨 鳩,偃姓 句、 巴 也,自炎帝。 也: 顓 諸 杜,祁姓也,自陶唐。 熊姓; 一無考。 或。 自祝融。 曳,風 也,自咎繇。 「原 齊、 箴、荀、僖、 狄,隗 姓 [原注]又有姜戎。 注 申 也,自 〔原注〕《國語》又有彭、秃、斟三 驪 鄅、偪 戏、 吕、許、紀、州、向,姜 姓; 所 儇、依七姓,其 略舉 大戎皆 太 胡,歸姓,鄧,曼 注」隱 出 陽,妘姓; 鬷 〔原注〕 鄋 姓 皥。 瞞 (原注)《國語 楚、夔、權 一二論之,則 也,自 十一年 姬 姓。 秦、趙、 密 漆 須 封 姓; 任、 國,在 亦 疏引《世 少 姑姓 华 皞。 夷, 梁、 宿 巡 陰

八六二

皆芈。 帝以 氏 家所引 葛、穀皆嬴 姬 皆子,崔 陳 來之姓亡矣。 姓氏,大抵 自 姓。 戰  $\mathbb{H}$ 氏、 伯益賜 或 氏 出 馬 以 皆 于《世本》。 氏皆姜, 姓 下之人,以氏 嬀, [原注]或曰 一嬴,秦、 華 氏、 今其書亡,不能 趙、 屈 向 徐 嬴姓出 氏 乃 氏、 爲 其 昭 後。 于祝 姓 樂 氏 備 一, 而 氏、 凡 景 融 注 郊 Ŧi. 氏 魚 疏

### 氏族

則 以 也。 是 於公,故以王父字爲氏。 注》記 日 公孫。 也。 以 氏。 若 Ŧi. 禮記・ 所云 若同 若庶子妾子,則 十字伯仲爲氏,若魯之仲孫、季孫 異姓,則 公孫之子,其 冠 姓,公之子曰 大傳》正義:「諸侯賜 而字之」之字。 以父祖 親 以二十字爲氏 官 則 若適夫人之子, 及所 已遠,不得 公子,公子之子 展 氏 食之邑 臧 卿 上連 氏 大夫 爲 是

> 仲」,下云『公命以字爲 别 子 案]在 其 德 比 爲 氏 姜、子皆姓 與氏,散 叔 注〕按此論亦多不然,詳見第一卷「卿 孫 無 孫 爲 氏 散 則以公子之字賜以爲 以 第四 卿 自 得臣是 者,若韓、 功德,死後乃賜 官 則 乃賜。 以 卷。 亦 爲 通 Ŧ. 而 得 氏 也。 父字 其子 也。 云氏 者 通,故《春 趙 有大功德者, 故《左 雖公子之身,若有 孫若 爲 則 魏 是 司 也 族 族、若無駭 是 馬、 爲 也。 展 傳》云 秋》有姜氏、子氏 也 卿,其 族,若仲遂是也。 氏』是 司 氏、 不書 城 生 凡 問問 是 族 賜 賜 君 族 是也。 也。 也; 條。 以 不賜 氏 族 對 族,若 族 大功 其姓 於 (汝成 文 以 族 「原 衆 爲 邑

也。 者而 戰國策》甘 殺人。」不言 漢人則通謂之「姓」,然氏、族之稱 戰 國 茂曰:「昔者曾子處費,費人有與曾子同 時 人大抵猶 姓 |而言「族 稱「氏」、「族」。 」,可見當時 未嘗 以 氏 猶 原 名族 爲 有 姓

當依 氏。 所 氏曰》《大傳》「庶 Æ 元年 子寬,以 存 云「姓某氏」者,皆以 也; 者。 表》作公子 「原注」《平 六 姬, 姓 <u></u> 月 魯 漢 丙 頃 書 寬。 帝紀 姓别于上 午 也 公玄 • 封。 恩 後更爲 庶姓 此變氏 孫 澤 封 子 言也 之玄孫 侯 周公後 疏以 相 表 姬氏。」公子、公孫 稱 氏 如 **\***: 公孫 姓之一證。「沈 族 奉 嗣 褒 相 解之,然則漢 周 如爲褒魯侯。」 更姓 魯節 祀。 公孫 元 侯 始 公

祀。 氏 稱 或 魏 彌 耆老,乃得 陽,巡省 衛 後 牟 君 命之爲 按《 也 水 最 惠 其 豫 經 汲 後 成 後 據 爵 州 孽子嘉,封 注 滅 王 冢 有 此 古文》 如 子 觀 而《 嘉 疑 衛 南 「漢 於 漢 本 嘉 ,命子南爲 勁。 周 謂 武 書 是 氏 爲周子南君,以 室, 衛 帝 衛 子 將軍 紀 貌 元 南、武 恩澤侯 後,故 年 而 鼎 \*:-" 文子 侯。』秦 無 兀 氏 帝 祀。 表》 年, 勁 即 子 爲 竟 并 朝 以 南 子 奉 幸 詢 其 而 于 南 周 問 雒

> 封 姬 公孫氏更爲 嘉」,則 没其 姬 氏 氏 者 而 書 正 其 百 姓 矣, 與 褒 各魯之

則曰「姓劉氏」。《本紀》於秦始皇則曰「姓趙氏」,於漢高祖

姓、氏

之稱,

自

太

史公

始

混

而

爲

期。」 或。 變。 日 則 氏,稱公子,公子疆、公子益師 衛 稱 公孫之子以王父字,若諡、若邑、若官爲 下者庶人,庶人無氏,不稱 晉午是也。 氏 武 姓 諸侯之子爲公子,公子之子爲公孫, 7、蔡甲 之所由 荀 最 踐土之盟 先生《原姓篇》曰: 氏 貴 偃之稱 者 午 再 或 次則公子,公子 興,其在 ,其載書曰:「晉重、魯申 君,國 傳 齊 鄭 而 環,衛太子 捷、 可 於 君 變, 齊 無 卿 男子稱氏,女子 潘、 姓千 氏,不 大夫乎? 氏 宋王 無 之 稱 是也。 萬 氏,不 稱 稱 名。 年 臣、莒 鄭 氏 而 勝、 稱 故 最 稱 不

孫 爲 氏 類 大夫則 有 姓 以 蒲 Ξ. 顔 氏 姓,冠之以 隗、季隗之類是也; 男女異長,在 姓者乎? 傳 氏 奔 是 唐 無 ,冠之以 懿 所 姜之類是 杜 楚爲堂 諡 ,智果别 也 姬 自 氏 夏爲 氏 鬷 出 而 稱姓,冠之以大夫之氏,趙 焉 百 之國 ,士會之帑 者 范 仍 諡 御 國,江芈、息嬀之類 聲姬之於齊 無 谿 Ŧi. 也; 氏 其 龍 族於太 ,成風、敬 有 岩氏 · 室 + 類 氏 在 之先, 氏 也。 伍, 在彼國之人稱之,或 Ŧi. 族 也 室之稱 ,在商 驪 年 也 已嫁 稱姓,冠 處秦者爲 員 女子則 史 之間 自 、屬其 貴 嬴 姬、 是 爲 爲 虞 也,於 貴 之類是 也; 仲 輔 梁 以 子 有 也 稱 之 氏 子、 嬴 劉 上 于 既 男子 姓。 或 是 氏, 以 之於晉 氏 爲 故 齊 少 卒 考 也 君 也 序, 姬、 , 夫 姜 陶 之 日 爲 在 也 古 則 而 之 Æ 亦 冠 Ŧ. 周 唐 稱 叔 於 盧 於 稱 者 稱

有 廢 棠姜, 可 白 序,衆皆 以 以 是故 昏 異 季 丁, 臣出自 孫 南 可 一代以 姓 封 紊 世 木 姓 爲 姻 氏 昭公之與 宫 變 久矣。 建 也 而 女坊 氏 不通 稱孫、故曰 稱 之支子曰 氏 也 婚 前 雖 東 知 同 戰 焉 姻 男 有天下者,皆 公族 其 不通 郭 國分争、氏 姓 漢 叔 者 者 得 也。 孟 高帝 桓 偃 而 ,謂之吴孟 亦 姓 , 所以 孫 「, 周 孫 夷 無議 受氏之由。 ,不可。」夫崔 唐  $\Box$ 氏 小史奠繫 起于 自秦以後之人以 季公鳥、季公亥、季 氏 昧,代遠,然 道 「貴貴」也。 制 小宗之别 貴之律 族之學久 小宗之别 先聖之後,封 爲男别 布衣,太公以 也 亡 男女辨 ), 故 而 世 虞姚、夏 元 子。 族 序昭 廢 日 一夫編户 也; 類 不講 ·之與· 爲 姓,今君 爲 穆,實掌其 同 崔 姓 爵 魯 姒 亂 E 叔 姓焉者,所 子 相 姓 昭 武 不 名字且 知 殷 氏爲 東郭 秦 承,遠 仲 服 (錢 有 變 百 公娶 子、 子 滅 寤 氏 氏 氏 六雄 (事,不 周 世 欲 出 氏 無 不 有 姓 也 氏  $\Box$ É 於 稱 娶 季 口 知 代 Щ

攷,況 娥 姁 爲 能 皇 知 后 其 亦不 族 姓 言 所 何 出 姓 耶 ? 以 故 氏 項 爲 姓 伯 遂 婁 爲 敬 賜 代之制 姓 劉 氏

## 氏族相傳之訛

而

後

世

一莫能

改焉

是 著三 虞舜,舜起嬀 王 太子晉,「 直 官 壽 理 口 爲 一皆 흹 諫 爵 徵 盡 胡 元 史 廢爲 也。 字 字德 姬 房, 信。 公。 后傳》: 氏 姓 序傳》。 族 十 三 表王氏 汭 之書 矣。 = 庶人。」傳 靈 唐 莽 日 以 日 世 書》 琅 自 妈爲姓。 爲 不 生完, 乃 京兆」, 所 謂 邪 則云: 翼 知 表 王 指 黄 完字 帝 記  $\equiv$ 隸 李氏 莽 秦、 之後。 至 代 亦 中 自 日 出 周 敬 漢 吴 無 周 時 則 武 太 仲 云 魏 黄 以 Ŧ 伯 此 靈 無 云 舜 信 原 奔 帝 封 上 。」〔原注〕本李 事。  $\pm$ 此 後、「原 齊 陵 舜 姓 紂 者, 太子 名 後 姚 君。 皆 齊 王 ( 妈 滿 字、 氏,八 桓 出 之時 大 公以 注 是 氏 靈 無 抵 于 世 陳 凡  $\pm$ 定 以 此 有 爲 生 漢 不 延

漢之五! 傑墓 子 誤 畢公高之後,畢 「原注 Ξ. 稱 秦漢。』吕 畢 驩 范 或 爲 卿 有  $\pm$ 必 矣。 惠王 一萬,末 納 氏 王廖 稽、王 秦 費 氏 無 齊 姓 太原 勿與 志 乐所滅。 人謂之王家,因以爲氏。」莽敗,其 之 田 侯, 後 亦 故 , 因 青稱 有 野 未 氏 四 向 王 新 裔 自 臣 有是誤。」韓文公作《王 以 客 遊 沈 姓 莽以 知  $\pm$ 注 項 齊 Ξ̈́ 叢 +  $\pm$ 爲婚 何 王 王 女  $\pm$ 順 羽 萬封  $\mathbb{H}$ 爲 書 姚 「秦有 或 皆 生 而 起 厥 和 氏 世 人。 翦 封 嬀 魏 之後。 春 不 前 于 姓 己自 曹子 戰  $\mathbb{H}$ 以 王 斯 耐 魏,後十代,文侯始 秋 陳 有 建 王 亦 爲嫌 翦 氏 和 秦之翦、 孫安 或 吴 王 H 建作《 取 此 綰、王戊,<<br/>「原 有 未 Ŧ 條分葉散 王訢之女。 齊 蓋 錯 齊國,三 有 王 離, 爲 必 派 有  $\widehat{\pm}$ 知 Ŧi. 王 濟 離 元不 漢 同 趙 此 北 姓爲宗室,且 仲 有  $\pm$ 犯 仲 自周 也 宣 出 王。 世 有 相 斗、 Ŧi. 舒 世 誄 稱 魏 侯。」 於 王 晉 Ŧ, 太子 列 族 庾 滋芳烈 注》過秦 至 王。 神 東萊 登, 信作 靈 王 注 爲侯,至 有 尚 漢 日 按 道 晉 興, 引 王 蠋 全,未 至 王 Ŧ 禁 王 碑 爲 之後 宇  $\pm$ 元 揚 基 粲 流 也 安 良 論 有  $\pm$ 建, 文 爲 孫 系 聲

姓。 氏 此 春 っ 王 語 秋 卻 時 氏 有 皆 王 棋 王. 酌 子 者之後, 成 父 敗 在 狄 太 有 原 功, 者 大 爲 賜 姬

書、氏 見《左 哉 ! 意古 閔 此 即 自 居 竇,奔歸 本乎始 莽, 路史》曰:「余嘗攷之,古之得 與 腹 有 爲之説 子,夏 王 仍,遂爲 實氏 地 皇帝名也,升,劉 ,又牽異 一傳》有 乃韓 譜 封 莽引《易》「伏戎 以 有仍,生少 者 曰:「帝 竇 以 文 每 古無 一后 也,其氏於事 名 實氏。」「原注」《唐書 類 公作《實牟墓 再 爲之 家 者甚多,必 而屬之,豈不悲哉!」正 緡 所 實爲氏 相 曲 方 康。 考, 妃 娠 説 至 于 有 少康 逃, 類 伯 二, 者 仍氏 莽,升 族 升 志 有 出 是 蓋 者 次子曰龍,留 也, 》「后 棄 姓 自 寡 用 以 宰相 不 女,逃出 其 其 者未 實」之文 矣。 此 地 . 得 何 祖 緡 高 事 世 爲 其 系表 竇 以 陵」, 之 有 而 氏。 本 異 É 所 洮 姓 不 竊

姓

志

配

世

若 此 之 類 也

舜同 氏 帝從 姓 傳 帝 嬀 之後 **| 載博** 三系,出 誄 滅 武 出 魏 祖,見 其 高堂 子孫 自 後 則 自云「曹 王 蔣 漢 高 苗 士蘇林、 克殷, 濟《郊 少 邾。」王沈《魏書》云:「其先出 時 又不 曰 於《春 自  $\Box$ 陽 以 隆議 「於 帝 碑 田 有 分流 世, 或 ·非 文 董巴言 知 《禪晉文》,亦 秋》、《世家》。」《魏 議 叔 虞氏,今祀圜 爲 穆 封 所 曹之先。 其 陸 》,稱《 謂 ,或家于沛。」而 武 振 曹 氏 何 述氏 終之子曰 但 者 魏爲舜 鐸之後」,陳思 俠 王 所 云: 于邾。 矣。 曹騰 著文以 據。 胄 族 魏之氏 之始,多 稷 後,詔 及至 志》: 「原 碑文》云:「 稱 丘 安,是 追詰 胤 至 以 注》宋 族 我 周 蔣 景 魏 戰 日 皇 出 始 濟 爲 不 初 王 武 或 自 夫 書 則 以 衵 祖 作 曹 中 顓 作 可 爲 以 曹 爲 於 有 帝 又 曹 頊 武 黄 楚 氏 明 氏 虞 舜 姬 與

所

周

帝

族

如

代 之君 而 易其 祖 . 豈 不 可笑,況於 士大

馬, 傳》成 袓 今既 其後 氏 史》以荀爲文王之後。《子華子》之書亦言其 也。 晉之程 宣 商,世序其職。 厲公」,注:「程滑,晉大夫。」襄二十三年, 「其先出自帝高陽之子重黎,爲夏官 程、鄭嬖於公」,注:「鄭亦荀氏宗。」此則 之所從出 E 而又曰: 朱子曰 一時以 其後 「重黎氏 也。 祖休甫 程氏,出程伯休父。《太史公自 十八年,「晉樂書、中 世官克平徐方,錫以 應劭 「趙則真吾姓之所宗氏也。」則 爲 則 「《子華 及周,以夏官爲司馬。 乃荀氏 誣其祖 司馬 ,又祖程 世序天地 曰:「封爲 子》近 氏。」〔原注〕《晉書・宣帝紀 之别,不與 世僞 嬰,則誤矣。 又按《莊子》及《吕氏 官族 其 書。」今或引 程 因 在 行偃 或 祝融, 其後程 周 而爲 伯 休 ,使程滑 歷 氏。」而《左 程伯休 程 其 「原注 甫 唐、虞、 休甫,字 伯休甫,周 族 又 説 同 與 出 以 序》 趙 于 出 夏 甫 弑 百 市

爲

子華子,韓昭 釐侯時 人,非 孔子所 見之程

沈子 沈子嘉之沈。 沈亭是也。 姓,周文王第十子聃叔季食采於沈,汝 也。《唐・宰相世系表》曰:「沈氏出 而滅之矣。」黄非「江 歸。」按沈、姒、蓐、黄 金天氏,有裔子曰 沈猶氏。 一點。 沈亭即 晉所滅。 于 國、沈、姒、蓐、黄。 處大原。 盟 不會,晉使蔡 沈氏。《宋 會。 臺 《家語》: 一點能 其地 [原注]左氏昭公元年《傳》曰:「今晉主汾 [原注]汝南去汾州甚遠。 帝顓 定公 休文乃并列而合之爲一 業 也。」此爲 書》沈約《自序》:「昔少皞 「魯之販羊有沈猶氏者。」曾子弟子 四 頭嘉之,封諸 人、黄人」之黄,則沈 其官 昧,爲玄冥師,生允格 伐 年,諸 四 沈子國,今汝南 ,宣汾、洮,障 沈滅之,以 國,皆在汾水之上, 得之。 侯 會 汾 [原注]又按魯 召 春秋之時 Ш 陵伐楚, 沈子嘉 大澤 其後 南 自 亦 非 輿 平. 姬

四

列

以

臺

輿

有

沈 猶 行 是 以 地 爲 姓 《漢書 景 帝封 楚元 王 子 歲 爲 沈

西乞術、白乙丙爲孟明之子,尤誤 不考古,一至此哉! 年,後白乙丙一 於僖之三十三年, 起,有大功於秦,封武 奔秦,代爲名將,乙 於楚太子建之子白 白 氏 唐白 百四十八年,曾謂 居易《自 白公之死 公勝。 丙 〔原注〕《唐・宰相世系表 已 安君。」按白 ]降是 序 楚殺白 家 則 也。 狀 哀 **>** 公, 之十 日 樂 Z 裔 天 丙 孫 其 》以 而 六 見 É 出

行、知 侯。 巫 在 晉之楊、「原注〕《左傳》楊字从「木」。 曰:「其先出自有周 Ш 河、汾之間 因 揚氏。 會晉六卿 伯 弊。 家焉。」 《漢書 當 周 争權 此誤 是 衰 時 韓、 而楊 伯僑者,以支庶食采於 偪 揚「原注〕从「扌」。 以 楊侯與 魏 楊侯,楊 氏或稱侯,號 趙 因 楊 興, 食我 侯 氏 而 逃 焉 雄 范 爲 於 日 傳 中 楚 楊 楊

魏 楊 姓 遂居華陰。」用 晉 遊》詩 下又押「心飛揚 并于晉,因爲氏也。」其 有从「木」之楊姓,無从「扌」之揚姓 案《漢書》雄本傳,據其《自敘》,出于晉之楊 鞮 韻》「楊」字注:「又姓,出弘農、天水二望。 食采楊氏,其 族譜》云:「羊舌, 自 人 ·晉之公族食邑於羊舌,「原注〕《左傳正義》引《世 語 元 三 曰 侯 爲 滅 也 姬 謂 國。 羊舌氏 姓 0 姬 「斯文崔魏徒 德 ^ 尤誤。 祖 楊 周 唐 姓 ^ 自 左氏 氏 宣 也 書 」,則子美亦以子雲之姓从 前 紊 三日 地平 王 其譜 其所食邑名。」凡三 • 修 女 按 子 宰 ,以我似班楊。」謂 「原 叔 據 揚」字 牒者,蓋失于不 陽 楊 尚 相 向 平陽。 叔 此, 注 城 楊 父 子 世 侯 襄二十九年。 注不云「又姓」,是古 氏 即 以 封 系 孫 所 縣 今之洪 矣。 爲 表 楊、陽、揚、羊 逃 羊舌四 云「霍 是也。 楊 **\*** 于 班 或譏「修家子  $\vdash$ 致 固 侯。 華 縣 自周楊侯, 木 楊 洞 杜子美 Ш 侯。 族 楊、韓 孫 侕 雄 又云 楊 縣,本 仙 也。 子雲 耐  $\Box$ 氏 叔 氏 雲 常出 兀 及  $\Box$ 其 向 銅 出 後 廣

《傳》。 非 有陽 晉,而 而 前 子 知。 也 伯 於 侯。」不知 反 孫 并 汾 以國 離 「原 附之叔 羊 陽 而 隅 騒 爲大夫羊舌氏 也。 楚之陽匄,魯之陽虎,[原注]曾子弟子 是邑名。 爲氏。」又按昭公十二年,「齊 注 氏 而 非 楊 胡三省日 則 亦 其字 靈 向乎? 朱與 安 陽 以 云: 宗 得 也。 晉 或 何 初 有 老子! 謂 爲 有 諜 以 「《春秋》閔公二年,『齊人遷陽』, 周 陽 氏 宋之羊 陽 爲 伯 同 爲平 氏之嬋 邑,則食 處 僑 以 ·诗, 揚」? 兮, 父,乃在 邑爲氏,皆 棋 陽、羊爲羊舌, 又非羊舌之 高 嫣 流 邾 偃 我 兮, 及 于 帥 之羊 始 其 叔 末 師 或 納 向 不 見 滅 之 鼻 北 之 族 口 於 於 楊 祖

類 叔 史記》:「老子之子名宗,宗爲 段。」古 皆 段氏。《後漢 不 通 人 之説。 無 以 | 書 | :: 祖 按 父 段 名 「段熲,其先出 爲 氏 氏 當 者。 出 魏 自 將 凡若 ,封於 段 鄭 干。 此 共

> 段 夫。」謬。 干。」「原 魏 注
>
> | 世 家 唐 》有 書 世 段 系 干 表 木、 封 段 於段 干 子。 爲 Ŧ ^ 木 田 大

完世

家》有段干朋

聲子。 子姓。 譜牒爲言,然甚多紕繆,如 公孫黑請 不 其 德 獨 宋有 可 褚氏。《唐 〔楊氏曰 師 宋共公子段, 以印 此官 號 一《宰 日 爲 ,鄭亦有之。昭公二年,「 • 宰 褚 褚師」 相世 師 以 系表》成于吕夏 相世系表》云:「出 陳餘爲嬰之子,尤 。」按「褚 字子 是也。 石, 衛 師」乃官 食采 卿 亦有 蓋 非 于褚 據 褚 名 當 鄭 自 師 時

父〔原注 氏學。 之。 謂 陰 賀 人也。 鏡湖 鑄 按古但 賀氏 自 清 族 乃 言 河王 高 其 有 慶 ≪ 晉 出 先 袓 慶。 湖 以 王 純,安帝 慶普,漢 書 王父字爲氏, 也。」「原 子 諱,改爲賀氏。」《宋史》: 慶 • 賀 忌, 注〕見 循 時 # 居 傳》曰:「會 爲 傳 越之 鑄 侍 禮 無 本 中, 傳, 以 湖 然史 避 名 所 爲氏 安 謂 稽 即 所 帝 慶 Ш

臺,而 者。 成之,故號 華孫遠矣。〔原注〕《水經 君之惡,諱之,而 居吴朱方、見於《左 鑑 湖 必取之於鏡湖,又改鏡而爲慶 ,慶古音羌,聲 慶忌,名 日 賀臺」。 也,不 苟 欲更其祖,其不及宋 欲 傳 不 得 求 \* \* 注 相 爲 越 國之故, 衸 近。 後 氏 邪? 賀臺,「越人吴,還 人以 若 而 何 齊之慶 鏡 慶封 不 取 湖 之於 司 有 本 馬 弑 名 智 而

即 愚 譜 氏曰》《荀子》: 刀安得 齊豎 按古書刀與 淡 刀,刀有 爲 氏。 有後? 齊大夫豎刀之後。 「嫫母 「原 貂 貂通,齊 《漢書 注〕《復古 |音,後別作「刁」。 刀父。」朱子云: • 貨 編》云作「刁」, 襄王 殖 胡三 時 「刀父,未詳。」竊 傳》 有 省 貂 有 非 勃。 刀 間 ^ 「錢 豎 姓 疑

祖 唐 口 寇。 , 必 司 寇 寇氏。 無 《左傳》哀二十五年有司 後 以 人 王 (姓譜) 因 官 氏 以 》: 出 其 氏 支 焉 庶之理 自武王弟康叔 按 康 叔 寇亥,即 此 爲 乃 衛 衛 或 寇 之 之 爲

氏之祖也。《檀弓》有司寇惠子。

## 孔顔孟三氏

乎? 寧, 書 先,梁人也, 陳 讎 噲 子 而 裔 嬀 八顏 列 爲 由 一孔僅, 鄭 姓 傳》 皆無後 今之顔 何,而 且夫子出 春 有 有衛 乎? 秋》 用鐵 孔 有顔幸、 南陽大冶 姞 叔、 氏 孔子於衛主 齊 乎? 冶 姓,〔原注〕哀 原 皆 爲 有 於宋, 注 孔 業。 云 孔 顔 張 今之孔 兖 史 虺,衛 秦伐 高 記 或 爲子 此 魏, 顔 之 + 顔 Ŧi. 貨 有 裔。 遷 氏 讎 姓, 祖 殖 族 年: 孔 孔 皆 由,此 傳 氏 者, 顔 而 考《仲 達, 孔 금 궇 南陽。」《平 之僕、 鄭 宛 皆 夫子之 六人 陳 姬 孔 可合 無 有 尼 氏 後 與 弟 FL 顔 之 進

頊 之孫祝 顔 魯 融 公作《家 融 孫 廟 安,爲 碑 <u>\*</u> 曹 姓 其 其 先 裔 出 邾 於 武 顓

傳》襄 公,名 其姪 肥 子於宫中,因 顔 原注 漢爲昌平亭,今猶稱其地爲魯顏。 《孔廟韓敕修禮 公所盟之儀父,不知何取於若人而以之爲祖。 爲犂彌之祖乎?〔原注〕《公羊傳》謂邾婁顔淫九公 葛洪,蓋徒見《公羊》於邾有「顔公」之稱 子,遂以 而不考之於《左氏》也。 漢書• 于那 邑者,因以爲族。」其出於邾之説,本自圈 ,肥之曾孫。 「邾顔 [原注]《姓譜》曰:「顏姓本自魯伯禽支子,有食采 殿聲 〕當云「母氏」。 爲 夷 人表》有 十九年,「齊侯娶于 附 顔爲氏,多仕魯爲 居邾,肥徙郑。」 甫,字顔。 姬。 以 庸 器碑》: 納 未 邾 其 賊。 爵 顔 後從齊桓尊 命。 注 則顏之爲姬姓,爲 即 周天子誅顔 顔氏聖舅家居魯親里。」在 曰:「顏、鬷皆姬 子 故 廣 宋仲子注 莊 韻 友, 莒之犂比公, 豈必 Ŧi. 周室,王始命爲小邾子。 》所 年 魯顔者,别於邾 别 稱 而反孝公于魯,非 卿大夫。」按《左 魯,曰顔 <u></u> 書、「別 名夷字 封 「邾 郳 顔别 顔 魯族,審 〔桂氏 來 爲 母 懿姬。 者 封 來 姓。 小 顔 尼 朝一。 稱 小 也 Ш 日 邾 #

下衍「甫」字。故僖七年書小邾子來朝。」〔汝成案〕《顔氏家廟碑》「

夷

諸 皆祖子輿,前代亦未之有也。 子》「孟卯」注引《戰國策》曰: 紀》「擊芒卯華陽」、《索隱》引譙周 表,濟北蛇丘人。自云本屬 孟 。」〔原注〕古 春秋時以「孟」爲字者甚多,今之孟 時孟 姓 亦或 一芒,卯 與 云:「孟,卯 之 也。」 北 通。 《魏書》:「孟 地、號索 《史記 也。」《 · 秦 淮 里 氏 本 南

孔姓而 天,乃列于族,與共拜殿庭,可 族人斥之,而 早辨,則真僞 後方盛,欲以僞 至是其裔 《元史•孔思晦傳》:「五季時,孔末之 濫 復欲 通譜牒者 重刻宗譜于石。」然則今之以 久益 冒 滅真,害宣聖子孫 稱 不可 宣聖後。 可以戒矣。 明,彼與我不共戴 思晦 乎? 以 幾盡 爲,不 遂 會

### 仲氏

於今。」: 是 仲 Ŧi. 子 安 聖 土 齊。 天 序 甫之後,託 廷尉 處 化 譯 生 <del>前</del> 經 弟子子路之後,援 仲 Ш 博 基 常 居 周 仲 氏 甫 仲定 漢 今人之祖子 士矣。 其 業 存。 道 Ш 未 祖 濟 屬 帝 衰 · 嘗 甫 陰 陰太守孟郁 統 基 碑 微,失 堯萌 慕巍巍之盛, 列 封 於帝 都 翼 所 然春秋之以 略 仲 齊, 鄉 佐 出 兆,生 同。 氏 爵 路 高 中 堯 則 有 本繼 顔、曾、 Ì. 興,宣平 亦 相 之陵, 漢 名者 漢 邦,後 長 修 未 里 於姬 人之祖 時 葬 为 因 必 堯 樂 仲氏者不 仲 三十 陵,在 而 孟 非 廟 風 嗣 氏 功 氏 之例 今 也。 碑 俗之美, 周 遂,受封于 仲 乖 . Ш 則 自 餘 於成 之遺 焉, 散,各相 日 「楊 甫 以 謂 而 以 未 仲 求 爲 氏 陽, 苗 而 遂 惟 日 必 孔 傳 爲 Ш 又

## 以國爲氏

以

詩

有

仲

Ш

甫

徂

齊」之言而

云

《左氏》、《 夏; 非 非 也 其 後 或 秦國之秦 以 也。 他 以 齊 不 若 邑, 今人 本 古人之氏 氏 然 夏氏 鄭 或 無 史記 姓 則亡 、丹、宋 出 狄虒彌非狄人之狄 爲 以 於 出 同 氏,敬 或 國之遺胤  $\chi$ 衛 於陳之少 於 朝、 或 爲 國 之 最著明 仲 氏 以 齊惡, 楚建 者,多自 奔 者 諡 齊 西, 也 者矣。 或 而 郎 其 而 以 而 非 云 甲 出 爲 字, 非 齊 以 之 陳 奔 「原 夏后氏之 或 或 類 氏 他 或 注 之齊 皆 〕秦堇父 爲 是 或 以 氏 也 官 是 然

#### 姓 氏 書

史者 者; 代以 分次 姓 次 欲 之,首列黄帝之子得 虞、三代、列國諸侯俱 賢所本,如 本》、荀况 至於唐、崔、盧、李、鄭 於《元和 者 則戰 爲 又 上之得國受氏 ; 其 而未 姚 次 而 次 國 所 寬《 姓 無 則 則 以 《 譜 就 從 纂》。 嬀 西 代 所 =下之見於 來,以 者 姓、子 》、 杜 溪 考者 北 或、 耳 叢 自 複 語 預《公子譜》爲 别 南 及《 姓 ,而後 姓 南 愚 姓 遼、 北 傳 爲一 糾 北 可成書,此 嘗 者 春 姬 朝 記 : 朝 欲 人因 紛 秋 十 二 姓、姜姓之類 帙。 金、元 前 以 以 姓 以 可鄙。 官 下 所紀, 氏 今人 經 「原 以 人 之學, 之 職 姓 傳 似 爲 法 注 相 見 之 通 若以 諸 太史公 姓 次 略 用 則 高 見 於 謂 則 書 者 莫 舉 於 史 之 # 次 聖 沿 其

斜

徴第 并第 望  $\Box$ 族 四 五. 姓 代 音之紛紛者皆 本 此 北 第 則 姓 第 封國 若 五,遼、金、元姓第六,雜 網 第 之 二,氏 在 無 綱 别 所 第 有 用 三,秦 條 · 贵 而 漢 改 非 以 不 姓 反 來 第 紊 姓 本 七 氏 類 而 無 合

目

族之一大事哉

史\_: 杳。 Ĺ, 左 狀 名 譔 法行,于是權 布 家 譜 南 一傳》 衣,故不重氏族, 杳 姓氏 譜 篇,王符《潛 「奠繫世, 有 並 漢 史》: 沈約謂 日 一效周 Ŧi. 世 注 劉 簿狀 篇 官 而  $\bar{\Xi}$ 桓 向 譜。」 疏 ,于是賈氏、王 弼所 希 辨 譚 》, 歸 僧 譔《 多 晉咸 鏡 昭 《新 夫論 右 以 譔傳 傳 孺 姓, 本之,然 穆。」是譜學之起于周 何承 此 論 被命譔 世 然漢鄧氏已有《官譜 子 和 亦 而 子 \* : 有 執 以 本》二卷, 天 推, 匪之, 司 後,所 有 執 氏譜 亦 譜 「太史公《三代世 選 當 **姓** 傳 有 學,必 亦未 起于 耐 匪之傳子希鏡, 其 學興 氏》 書 姓 不 譜 孫 苑》 知 周 其 、焉。 牒 冠 稽 必 譜 篇 代也。二 譜 書 故 所 無 並 無 篇 晉 牒 自 至 皆 賈 疑。 不 誤 應 太元 起 劉 氏 故 魏 表 傳 按周 譔 劭 以 . 》,旁 譜 湛 九 漢 實 官 中, 有 姓 趙 又 品 高 有 問 《氏 二小 今 最 E 譔 賈 世 中 袓 行 劉 H

胄

īΕ 族 起

弻

白

擅

武因 約言 卷, 故又有 詔 王 僧 王氏 孺改定 譜 學。 一百百 家譜 此 南朝譜學之源 集抄》十 Ŧi. 卷,《 流 也 南 北 譜

#### 通 譜

孫 瑱 授。 優 以 唐 注 史 并 之甚厚。」 晉 傳》: 旂 寵 與 有 建 書 以 康之厮 樸 百 傳 周 吏 璞爲宗室, 位 弘 材  $\approx$ 司 姓 李 石苞傳》:「 至 侯景 此 通 姓 義 IE. 隸 稱 司 旂 也,爲 以 族, 傳 甫傳 於當 俱 蓋以 徒 以 子 殊 **\*** 見於史者, 出 瑱 梁 族 弼 ¥ 其 制 杨楊 世 河 與 諂 與 而 舊 局 曾孫樸没 遂 北 己 族 附 義 監 附 弟 氏 而  $\Box$ 司 中 甫 王 子 引 降 與 附之。 一勒 姓 侯景 或 既 偉 自 孫 髦 樸爲宗室 託 以 也。 晉 貴之後 秀合族。」《南 于寇,• 與 輔 石 ^ 以 合族 爲宗族,待 爲 周 南 姓 前 琰 **晉** 石 史 未 几 本 珍原 ° |≪ 特 自言 石 書 無所 有 侯 勒 舊 加

> 也。 輔 苟 本 子弟之禮 口 出 或 姓 傳》: 凡此 趙 通 藉 郡, 譜 其 ,不知於史傳居何 史皆書之,以 字 始 謂之五父。」此 權 勢,拜 與 相李揆,山 諸 李敘昭 伏 爲 志 兄 東甲 穆。 其 以 叔 等 名門 非。 族 者 也 而 了; 見 甚 無 今 而 衆。 人 附 賴 輔 好 或 之 小 徒 李 執 與

莫不竭 崔 隣 族 浩 原 北 玄伯傳》: 而 人,乃往 獨 與 土 各自 北 相 得 重 人 力營贍。 齿 不 百 次,厚 爲 重 依之。 坐。 姓, 「崔寬· 族 同 者。 姓,多 謂 遂 撫 仲 之骨 偷禮 白隴 家 之。 德 宋 通 於 聞 肉 譜 右 之 書 武 及 Ŧ. 浩 通 甚 系, 城 有 愉 • 欵, 门以 薄。」《 誅 王 遠 在 南 仲 來 見 江. 人 以 南 相 德 司 則 子 魏 遠 1,是太 投 傳 徒 書 有 繼 來 者 比 浩 疎

0

930

<sup>0</sup> 寇 據 據《校記》,鈔本作「夷狄」。 校記》,鈔本作

郡? 氏 傳》: 太 知 近?』對曰:『臣 顯 如 官給酒 與杜超子 後,於今爲諸 美,中書博 以 杜 傳 欲令迎葬 弟 。」帝 貴, 傅孟以下二十 親 ·,何 爲宗正令,營護 覽 》七卷示之,歡飲十 妻 乃延引 處望 文 陳亡 初,密 肴 超謂 日 封 帝 造 : 道 于鄴 氏 土杜銓,其家今在趙郡,是杜 高 人 從 銓 生 太后 卿 世 杜最。』召見銓,以 ? 隋。 同 容 一送豹 相 康 百 謂 · 餘世 :『既是宗正,何緣 宗 屬 朕 謂 奉 代 杜 請 時 [X] 司 族南 魏 意 氏 鼎 卿 喪葬鄴 如 鼎 吏 並 事。 徒崔 父豹 欲 郡。」《南史 族,豈 還 親 日 部 餘日乃還。」 \_: \_\_ 徙,昭 取 考論昭穆,作《 杜 尚 浩 浩 喪 ^ 杜 陵。 南 書韋世 忘 世 日: 「 曰 : 北 在 中 本 康 爲宗正, 穆 濮陽,太 史 鼎 長 銓 『京 也? · 韋 與 非 乃 • 遂 天 康 老 僑 自 臣 公 兄弟 與 下 兆 居 杜 遠 韋 楚 命 所 鼎 爲 諸 趙 預 超 **\$** 武 銓

協

姻二 氏曰 祇、氏姓之所出者,爲之宗。」又曰:「司 考定,歲終以達禮部,而類奏行之,其不請 楊氏曰〕此説近迂 人,而女官亦有内宗、外宗。 合宗者,必上之於官,使諳悉古今者爲之 黨營私 或 名姓 私 二此 語 事 通 近 》曰:「使名姓之後,能 亦迂濶之論 似似 。」春官宗伯,其屬有 者,屏之四裔,❶然後 爲 日 可 蠧 宜 姓 國害民之事 專設 通 譜 古之姓氏,有專官掌之。 官,方 最 爲 ,宜嚴 濫 可革其弊。 得教民之本。 都宗 今日 雜 知上下之神 爲之禁: 其 姓 人、家宗 實 氏、昏 皆 「錢 商 欲 植

而

宦 唐 遭 餘 風,猶 亂 氏 族之亂, 奔亡,而 重門蔭。 莫甚 吏部 故 於 銓文書不完,因緣 史言唐、梁之際,仕 Ŧi. 代之時。 當 H 以 承

0 據《校記》,鈔本作「夷」。 將 遂 傳 鬻先祖 於同 身不 大辟 自 母 爲 兩 元 不 弛 非 者、受者 件 龜 舅 姦 可 明 禁防 以以 姓 娲 賣 利 反 罪 反 物 拜姪 利 與 遇 至 矣。 <del>Т</del>і. 長 察 敕 莫大焉。 并當 以 同 有 恩 興 倫  $\Box$ 甥者。 + 私 赦 姓 私 初 之主 车 財, 鬻告: 人 減 鴻 極 柳 來,通譜之 死 亟 E 臚 人告身,三代 原注 法。二今則 自今以後, 居則。 敕, 爲 一則欺 卿 奪 三 澄 亂易 見任 柳 罔 别 膺,將 盧革 大 俗 人 昭 官,罰 則 理 因 如 穆 徧 君 傳 滔 寺 齋 無 下 名 於 有 滔之勢 斷 郎 而 天 蔭 此 諱  $\sim$ 銅 則 罪 册 文 季 下 敘 弊, 貨 傳 終 當 書 府 父

傳 同 世 河 姓 爲 南 而 契 劉 唐 氏 朝 不 丹 博 同 酋 本 已 陵 族 出 前 Ę 崔 也 匈 最 顯 誉 奴 重 , 世 州 又 之後 譜 如《 王 號 牒 氏 劉 東崔 魏 本 如 庫 書 高 仁 新 地寒望 麗 高 柳 唐 之類,此 陽 城 書 一劣。」 李氏 》言, 王 雍

> 此 每 同 姓 族 第 而 其 不 房 同 望, 望 雖 也 0 姓中 故《 高 高 士: 下 廉 懸 隔 傳 言

甫、許 或 大 章言「戍甫」,三章言 同 弟 年 弟 羅 陶 杜 秦」爲 韓 何氏。」按《詩 時 借甫、許以言 滅,子 矣。 姓 事 唐 子 判官》詩云: 源 秦、趙 爲 津。 後、盛 推兄忝,人 美《寄族弟 異 者,以其 孫分散江淮間,音以『韓』 近。」「原 韓文公《送何 姓 趙 則 稱 司 族多其 杜 爲 亦 族 俱爲姜姓 「分源 與 申,其 注 嬴 揚之水》一 才覺弟 此 唐十八使 一《容 唐 姓 類 人。 爲 自 《史記 戍 堅 齋 豕 ( 實不 也。 兄弟矣。 漢 一序》亦一 許 優。」則 韋派 聖賢 筆 以 「原 爲「何」,字隨音變,遂 君》詩云 戍 章言「戍 既 來, 引 别 甫 注》《史 冠 重 孔 孫 杜 史籍 漢 許り 未 章 愐 氏 浦 與 「何 書》 以 有 記 日 唐 雁 也。」六 申一,一 送 劉 變文, 韻 枝 枝 賓 此 多謂 與 爲 劉 與 秦本 秋  $\Box$ 事 兄 + 派 君

爲

共祖 灼曰: 無 俱 氏 同 焉。」 趙,由 聆」,李善注:「秦穆公、趙簡子。《史記》『趙氏之先與秦 董閼于事,而云:「《史記》曰「趙氏之先與秦共祖」,以 事 纓盗馬之臣赦,楚、趙 南子》亦稱秦始皇爲  $\vec{z}$ 紀 訪游禽於絕 祖」,故曰二嬴也。」《崧高》言「生甫及申」,孔 ,趙則未聞,蓋以 不 出 曰:「此詩送申伯而及甫侯者,美其上世 一韋昭 秦,伯翳後,與趙同 故 四 通 秦任刑 「太史公曰 此一姓趙氏。」《漢書 「秦王即 雖趙 譜 嶽,故連言之。」今人之於同姓,幾 曰:「趙,秦之别氏。」《南越傳》「蒼梧秦王」,晉 亦號 澗,作霸 何 法不變,卒滅趙 趙光也。 :秦以其先造父封 不 日 秦亦趙姓。」《文選》王 秦。」又左思《魏都賦》「二嬴之所曾 更廣之於異姓,而以 趙 以 秦基」,李善注引《韓 出 濟 政」。 趙本與 蜚廉。 其難」, 武五子傳》:「趙氏無 《三國志 氏。」《索隱 秦同 造父有功,周 注: 趙城,爲趙 姓,故曰秦王。」《 「秦穆公有赦盜馬 》陳思王上疏 融《策秀才文》 ₩ El 非子》所載 氏。」《 穆 子美、 案  $\pm$ 炊火 一封之 陸 韋 絶 淮 其 捎 昭 賈

李華《淮南節度使崔公頌德碑》云:

退

之爲例也?

諸 姜姓也。」 惟 侯征楚 申 伯 翼 ,翼奉王職 宣 Ŧ 登 南 與異崔 邦 公 興 周 叶 德 室 小 司 勳 白 率

之韓而爲何,氏不同而姓同。」姓,文之昭由魯之展而爲柳,武之穆由晉柳、撫何二族,各以儒官著,而其初實一姫亦、是澂《送何友道游萍鄉序》云:「袁

公也。 休父。』 日 過 康 宋邵伯 節 間 先生,謁曰『程秀才』,既 其 温 故,公笑曰:『司 聞 見 録 \*\frac{\times}{\times} 司馬 馬出 温 程 則 公 伯 温

八七七

### 八七八

## 一字姓改一字❶

毋丘 胡 姓 并 氏。」見之史册,不過一二。 孫、長孫、士孫、王孫之類,今皆 之紊,莫甚 本「呼延」,乞姓本「乞伏」,皆 夫、楚之叔敖,并見於《春秋》,而 鍾 淳 孫 中 服、 馬 離昧二子,次曰接,居潁川 于」者改姓 」,與二國之孫 公羊、公沙、公乘之 、毋將之類 或 胡語、胡姓一切禁止。 矢」,改爲「馬 時 所自有之複姓,皆去其一字,氏 以二字 於 此。 「于」;《唐·宰相世系表》: 則去 姓 Н. 合而 <u>₩</u> 改 而 如 爲 唐 爲 ~類 爲 孫 一毋 一,而 憲宗 字者, 氏 則 自洪 有 明 去 二, 而 如 ,長社,爲 而 二,衛 名 初改。❷ 今有 其. 武元 如 公孫、 純 爲「公」, 去 其 本 馬 詔 本 而 之良 呼 姓 年 宫 . 姓 詔 族 鍾 姓 本 遂 爲 姓 叔 而

> 姓, 之僅 禮部 碑》末 蘭 女定 那 蓋 馬 遂 石 然胡姓之改,不始於是時。 公《集賢院 . 蘭 《商 亡。 忠 大 氏 侍郎 中宗 有 襄 存 以 儒 則 從 姓 司 縣 於代者,惟 去 擒 臣 集賢 司 廟碑 爲之條理,而 徒巨源 拓 石 徒、 而 主 頡 無 跋 校 氏。 殿學士 | 翰 **灬學,不** 或 利 司 魏 理 賜 ,李邕《娑羅 林待詔司 爲「司」,或爲「馬 空之類 功,拜左屯 氏 石 名 劉 司 人夏,居河南,遂去烏 君墓誌》云: 温 爲 静修《古里 能 徒 忠,單 公之後。 聽其 翊。 徒 如 樹碑 儼 魏 原 則 書、宋史・ 衛 **唐** 人之所自爲也 》末有 注 孝 稱 去 將 唐 文改 史 而 所以然者 司 書》: 玄宗 氏 軍, 其 氏 徒 爲 名字序 趙 玄藺 代 妻以 而 先 御 司 四 逢 北之 注 韓 姓 傳》有 司 宋 孝 與 鳥 文 中 馬 司 開 經

●「明」「據《校記》「鈔本作「國」。 正鈔本改。 正鈔本改。
「姓改」「原作「改姓」「據張京華《日知録集釋》所用

姓與 吴。」則固 各就 定十三年 去完而 俗 其 吴景 諱 爲 五月戊戌,禁女直 及隱疾同聲者,宜 近 顔 似 已先之矣。 初 惟 者 曲阜 本 易 從 姓 不 敢冒 古 中 改與 人毋 「原注 或 里 **兗國之姓** 得 姓 氏 本 混 族 〕肅宗上 , 故 以 爲 望 漢姓。 ,特稱完氏 所 古 女 出 元二年 真 里 今完顏 金世 諸 氏 ·, 詔 例 姓 宗 今 稱 大 H

未登 术姓。 初 奉旨 裔 人呼术爲張一反。 百 而 傌字」下注云:「齊大夫名。」今訪之术姓 以 者多矣。 1 此 後 於黄册也。」以 ·,自云金 邑如 譔《千家姓 蓋二字改爲一字者,而譔 章丘志》言: ,而今代山 术、 丞相术虎高琪之後。 如傌,尚未之録。 按《金史》,术虎漢 東 「洪武 得姓一千九百六十八, 此 氏 知單 族,其 初,翰林編修吴沈 姓之改 姓 出 日董 於 〔原注〕《廣 姓之時 并在 一一今則 金、元之 「原注 有  $\equiv$ 但 土 韻 明 尚 几 爲

洪武元年,禁不得胡姓者,禁中國人

者 後 漢 中 屠 姓 月 者,聽其改正 氏 擢 歲 蒙古諸色人等皆吾赤子,果有 布 所 族 之 本 無 或 Ŧ 武 名 族 用。 更 癸未,以 久 以 屬 衣 姓 其年閏 祭天 Ē 之道。 别 本 賜 ,其子孫 ,定羣雄 别昏姻, 姓 爲 也 霍 比聞入仕之後,或多更姓 矣 有 H 胡 氏,各有 金 莊 三年 霍 磾 姓 火 中 九月丙 ,〔原注〕北音讀 人, 亦以中國本 況 , 姓 姓 一可可 ,爲天下主。 你赤 相傳 重本始,以 其 四 原 金之意。 書 而 注 本 月 時 謂 省 、昧其本原,非 午,淮 賜 爲 原。 甲 元 又 其 IE. 之 翰 時 子 多 告 大簡要。 有 霍 林蒙古編修, 古之聖王尤 詔 霍 不 然 安 此 厚民俗 諭 已嘗 日 俗 奉 漢 府 則 如 無 之, : 武 火」。 旨 與 海 金 非 材 詔 天 如 周 取 州 至九 而 姓 先王 名。 也。 禁胡 能 告 生 霍 已 儒 自 義 蓋 也 重之, 天下 斯 朕起 於休 叔 爲 更 亦 更 年 致 朕 人之 之 姓 其 易 體 倣 謹 慮

曾 姓 秉 Œ 與 言 華 人 臣 無 見 異,有求 近 來 蒙 仕 古 入官者 色目 人 有 多 改

宜 謂 論 浦 必 兵部 不可 異。 賜 見 姓 塞外之俘,累累 宜令復姓 尚 以 不防。」 書 别 劉 之。 儁 至永 於 日 庶 是 樂元 可 而 各 兵 辨 有, 衛 部 識 年 韃 請 江 九 靼 如 統《徙 又 月 人 洪 臣 多 武 前 同 中 過

賜 漢 事 要者,有爲 姓、《實録》不載、惟十六年二月、 編編 置 勘 合,給 富 商 大賈 賜 姓 者。 氏。 故元雲· 非 原 注 我 〕按洪 族 南 右 類 庚子,上 丞觀 武 戏》之 中 其 登 音 勘 故 心 江 疑问 爲

> 干 下 於古先帝王 妨 族,豈非 如 知昭 拓 跋、宇文之類 代 曠 遠 氏 服 代之盛舉 族 四 神明 裔 り
> 其得 二字 之胄, ,爲 姓 而 姓 於朝 又 使 則 者 既 白 凡 世 不 若 之 混

#### 北 方 門 族

之寡 登科 中 北 此 劉 太 輩 原 族 守, ·, 近 第 北 杜 河 方雖 氏 將 張、宋, 姓 有 則 通 萬室。』《北 韓、 之衰,與 爲 號 典》言:「北 甲 馬 并 方之雄 族,無 兩 州 姓各 江  $\pm$ 史・ 南 氏 長 有至千丁者, <u>二</u>千 / 濮陽 相 齊之代、瀛 薛 而 去 胤 餘家。」 夐 司 傳 侯 譜之人 絶。 ₩: 族 户 今 其 爲 諸 冀  $\exists$ 諸 П 河 如

降,賜

姓名李觀。

又《宣宗實

録》:

 $\overline{\mathbb{H}}$ 

閭

洪

武

午

來歸,賜姓名李賢。」從之。

三年七月,賜把

都

帖

名

楊

效

誠

自

此

遂

以

爲

例

而

華

宗

上

姓

與

旃

裘

之

種

相

亂

0

惜

乎

當

日之君子,

徒

誦

木

兒

名

吴

允

誠,

倫

都

兒

灰

名

柴

秉

誠

保

住

使舉

籍蕃人之來歸者

., Ø

賜

以

漢

姓

所

無

示

用

夏變夷」之言

而

無

類

族

辨

物」之道

<sup>0</sup> 旃 裘 據 《校 記》, 鈔 本作

<sup>《</sup>校記 》,鈔本作 胡

商」, 據《校記》,鈔本作

凌夷至今,非一日矣。 爲之僕役,此又風俗之敝。 自金、元以來,

### 冒姓

母 書 吕 吕 原 恩 姁子侯。」 師古曰 姓 氏, 注 • 天后紀》: 「聖曆二年臘 ,蓋史家唯 澤侯表》:「扶 者 〕中宗。 今人多有 故平以 與 姓武 記 姊子 冒 母 氏。」然則有天子而令之冒 が柳侯 : 母家姓者。 族 「平既吕氏 冒 也。 吕 吕 平,以 按 姓 是 而 《漢 月,賜皇太子 (皇太后) 所生,不 時 封 太后 書 耳。 • 外 方 當 姊 ^ 唐 封 姓 長 戚

傳 生 江. 都 易王寵 男,號 許 漢書• 榮上疏言: 淖 姬, 王 景十三王傳》:「趙王彭 子。」《 建 「今臺 所 晉 姦 書 淖 府 姬 局 會 者,甚 吏、直 稽 王 一愛之, 道 衛 祖 子 武 取

> 之也。 子、衛太子、史皇孫之類 鄙 無 官 賤 鄉 及僕隸婢兒,取 邑 〔原注〕《外 品 然 亦有 第。」是知冒 帝 戚傳》: 子 母之姓者,本臧 而 「上憐許太子蚤 母 稱 爲姓 則 母 以其失位 姓 皆 者 人倫 失母。」蓋 獲之徒 如 栗太 之所 而 名

后時人稱之。

始。 《漢書》注,服 以 奴名甘父。」師 孟 得 記 始。 人,名甘父。下云堂邑父者,蓋 孫公主,故滕公子孫更爲孫氏。」此 爲 幸,因進之至二千石,故蒙灌 「原注 氏, 灌夫傳》:「父張孟,爲潁 〔原注〕《夏侯嬰傳》: 吕平以太后姊長姁子侯,此冒母 大宛 而 **※新唐** 單 傳》:「堂邑氏,故 虔 書》: 稱 古曰:「堂邑氏之奴,本胡 曰:「堂邑,姓也,漢 其 「元載父景昇,爲曹 名 「曾孫頗尚主、主 日父。J此 冒外 陰侯嬰舍人, 胡 祖 冒 氏姓,爲灌 取主之姓 奴 一隨外 Ŧ 母 明 姓。 主 甘 人,其 家 妃 姓之 姓之 父。 姓 **^** 元 史

掌田租,請于妃,冒爲元氏。」

學者 以 類,云「吴朝周逸,博達古今。 鄫之議矣。 氏,吴朱然本姓施,以姊子爲朱後,惟 有譏逸者,逸敷陳 之子、爲周氏所養。 見於史者,魏 二人爲賢。 經 I 咸謂 典别 先生《答毛錦銜書》曰: 無可 爲 惟《晉書》有一 而賈謐之後充,則有莒人滅 當然」。 證也。 陳 矯 古 本 周氏 亦未可引 事,卒不復本姓。 劉 氏 自 事與君家 子, 有子,時人 異姓爲後, 逸 以 出 本 爲據 嗣 左 相 舅 氏 此

### 兩姓

辰,衛尉李延壽爲御史大夫。一姓繁。」 《漢書·百官表》:「建昭三年七月戊

## 古人二名止用一字

古稱 曹僖負羇 之。」是古人國名亦有止稱一字者矣。 藩王之賢者曰『間平』,謂 圃 出奔吴」、《傳》曰「莒展之不立」。《晉語 佗述踐土之盟 人二名可但 稱 「原営」,謂 其一 晉侯重耳之名,見於經, 也。 稱 趙平 叔 稱 〔沈氏曰〕《香祖筆記》云:「古稱宗室 振 其一與? , 其 ·原君 ; 鐸爲 載書止日 漢河 齊 「先君叔振」,亦二名 īfi. 間 嘗 昭二年,「莒展 獻王、東平 君 也 「晉重」,豈古 而 定 皆 憲 舉 四 第二字 Ŧ. 年, 也。 輿 祝 又

父執而用焉,奔而又奔之。曰東,惡之而 朱叔父也。 者,東國 傳》作「蔡侯東 昭二十一年,「蔡侯朱出奔楚」、《穀梁 也。 何爲謂之東也? 〔原注 出 奔 〕東國,隱太子之子,平侯廬之弟 楚」,乃爲 王父誘而殺焉, 之説 曰 : 「東

何 六年,「季孫 貶之也。」然 闕文。」 斯 仲 則 孫忌 以 削 帥 其 師 韋 鄆 名爲 杜氏 貶 注: 也。 何忌不言 原 注 二定

貶 貶 也 厥  $\pm$ 爵 莽 孫 改 宗 厥 得罪 號 自 是 殺, 又 以 復 增 其 本 其 名 會宗, 名 爲

者邪? 之訛 司。 醜 至 定 醉 本於踐 桓 0 襄、弘 岳 行 桓 則 爲 而 班 馬 梁 古 自 不通矣。 土載書,卻 大順 若梁王肜 汧 征 蝎 耦 出出 督 中》 通 誄 以 尤不 潘 賦 詩 \* : 霸 豈 岳 × 云 : 爲 非 世。 成 有 西 征 翦 「發還」 語。 以 齊 西 紛 文公 征 截 齊萬 大將 萬 賦 紜 一楊 古 師 **\*:** 齊 哮 名 人名字之比。 以 氏 年爲 闞, 萬, 軍 止  $\Box$ 成命兮,重 重戮帶以 用 征 震 亦孔之 而 齊 字, 或 詩云 驚 萬  $\pm$ 台 字

班固《幽通賦》:「巨滔天而泯夏。」王

莽字巨 奚 管束縛 止用一「百」字,此 遭 桓 君,止 繆 兮 分識 桎 用 梏 一「巨」字。 百貿 舉 ·, 才 體 後漢 德 易 用 兮 人已開之矣。 兮 傳 王 列 賣 逸《 施 九 「原 思 百 注一音 里

字。 名字之祖 來革順志 [原注]今本《吕氏 《吕氏春秋》:「干 而 用 國。 春 去「惡」字。 秋 木光 ~ 段 乎德。」去「段」 字。 此 惜誓》: 爲 翦 截

體。 衛 賦 周 嬰 荀 制 殖 周 。」曹,曹參; 大將軍 也 卿 華 文中 傳 杞 乃 勃; 殖 **\*** 司 命 . 并 馬遷《報 、華還、二人 魏,魏其侯 管、 衛 賈 驃 稱 青 誼 衛 兩 勃,周勃 嬰不及。」管 也。 《新書》:「使 人, 任安書》: 驃,驃 ^ 而一氏一名, 實嬰也。 也 杜 也。 欽 騎 而《淮 傳 將 《史記 管仲; **\***: 周 軍 曹、 揚雄 南 魏 「覽宗、宣 霍 子 勃 尤 • 去病 見 嬰,晏 孟 長 不 辜。 爲 稱 楊 子 能 變 ; 爲

潛《讀 自。 碑 叔。」 名。」杜 叔之高 翊 Ш 之饗 通 貫宰、貢。」宰、宰我、 貢,子貢也。 潁,潁考叔也。 憤。」周,莊 湯子姓。」班固《幽 宣王 必成、康。」服 》:「有夷、史之直。」皆謂伯夷、史魚 碑 皆 陶 》:「夷、史之高。」《巴 也。」《 國。 「清擬 新 喪父事母,有柴、潁之行。」柴,高柴; 史述九章》「程、杵」是 謂 潛 預《遺令》:「南觀伊、雒、北望夷、 懟。」《傅子》:「夷、叔 唐 伯 韋 詩:「積 書 周 徐樂傳 夷、叔。」郤 夷、叔齊。 昭 ; 度日 • 夏侯湛 賈,賈誼 曰 : 尉 遲 善 :「夏,禹 》:「名何必夏、子,俗 通賦》:「周、賈盪 「宗,殷高宗也; 敬 云 ^ 《張平子碑》云: 德 正《釋譏 有 漢 也。《漢序彰長碑》 傳》「隱、巢」,是 廣 報,夷、 也,子,湯也 郡 程 漢 嬰、公孫 太守樊 **\***: 屬 叔 王以成 或 《風 編夷、 宣 侯 在 而 同 杵 陶 敏 李 俗 西 貢 何 周

隱太子、巢剌王,一諡一爵

## 古人諡止稱一字

王; 惠 止 稱 王」,秦惠文王,止 成王,止 謂晉君獻之。 稱 止稱「文子」;〔原注〕《檀弓》: 貞惠文子,止稱「公叔文子」,,晉趙獻文子 稱 武 王,止稱「 字者。 王; 古人諡 莊 漢諸葛忠武侯,止稱「武侯」。 王; 稱 廬陵胡氏曰: 昭 衛之叡聖武公,止 有二字、三字,而 惠 宣王」;趙悼 韓 襄 王」;楚頃 王**,** 止 昭 釐 稱「惠王」; 侯,止稱「 「或趙武諡獻文 稱 昭 「晉獻文子成室。」 襄王,止 襄 王, 王,止 後 稱「武 悼武 昭 人 爾。 莊 侯 相 稱 王,止 稱 公。 沿,止 襄 魏  $\pm$ 襄 襄 惠 注

## 子 孫稱祖父字

稱

人或字或爵

者,非 勃獨 皆周姓。 昌,隆慮侯寵,魏其侯定,鄘成侯緤,高景侯成,博陽侯聚, 嫌 於夫子也。 爵,以功臣周 顏、曾、思、孟,三人皆氏 顔 師 古 引《楚漢春秋》謂别有 樊、酈、絳、灌,三人皆姓 姓者多也。〔原注〕汾陰侯 而 思獨字, 一人名 絳 以 灌 而

多也。 錯 豨,棘蒲侯武,河陽 費 軍居右」。 , 猗氏侯遫, 龍侯署, 紀信侯倉, 皆陳姓 侯陳賀 史記》垓下之戰,「孔將軍居左,費將 [原注]博 也。 孔將軍, 蓼侯孔 費獨 陽侯濞,曲 侯涓、高胡侯夫乞、復陽侯胥、槀侯 以 爵者,以 逆侯平,堂邑侯嬰,陽夏侯 棄也; 功 臣陳姓者 費將軍,

> 叔。」本朝先輩尚如此,伊川亦嘗呼明道字。」 子曰:「古人未嘗諱字。 原之言「朕皇考日 子思之言「仲尼祖 子孫得 稱 祖、父之字。 程先生云: 『予年十四五從周 述堯、舜」是也。 伯庸」是 也。 子 稱 孫 父字, 稱 〔原注〕朱 祖 屈 茂

941

字之也。 袝爾 曰:「適爾皇祖某甫以隮祔爾 祖某甫。」卒哭之祝曰:「哀子某來 父某甫。」字父也。 某甫筮宅。」又曰:「哀子某來日 于爾皇祖某甫。」字祖也。 儀禮》筮宅之辭曰:「哀子某爲 虞祭之祝日 孫某甫。」兩 某 祔祭之祝 日 適 1 -葬其 其父 某 爾 隮 皇

「王季」,王而兼字。 字爲臣子所得而稱,故周公追王其祖

## 已祧不諱

使奏言: 制 畢,高宗、中宗神主上遷,請依 執木鐸以命于宫 已遷之廟 叮 册 府元 則不諱 謹 按《禮 龜 **\***: 曰 : 也。 唐 記 「舍故 憲宗 ≫ ⊟ : 今順宗 元 而諱 和 既 神 卒哭, 元 新 禮 È 年,禮儀 不 升 諱。」 祔禮 此 宰 謂 夫

不避 禮》注 宗見爲 畫。 懷太子注 肅 卒哭乃諱之例也。 涵字。 代、德、 曰:「生者不相辟名。」〔錢 高、 文宗開 天子,依古卒哭乃 《後漢書 中、睿、玄四宗 亭林失記文宗改名一節,乃有「卒哭而 順、 成 》改治 文宗本 中,刻石經,凡高 憲、穆、敬 爲理,正 名 涵 Ė 氏 即 在 七宗諱, 桃  $\Box$ 諱, 原注 位 高 一唐 後 宗 則 御 改 人 祖、太宗及 名昂 避 極之日 不 E. 二鄭 并缺 缺 故 諱 氏 諱之 石 初 如 點 文 曲 經 無 音

> 謂唐諱乎? 似 日 功」,曰「君臣 廷治平日久」,曰「政治少懈 和 而 素》曰「文學治 「大開明堂,坐以 之元,高宗已祧,故其 其中「治天下」之「治」卻 不當用。 「無有外 韓 退之《諱辯》本爲二名嫌名立 事 人楊 相戒, 氏 行衆 朝廷之治」。 日]韓公是説 治之」、《韓 所推」,❷《平 以致 潮 至治」、《舉 漢人不諱 惟《諱 州 犯 弘 上 正 曰 神 淮 表,曰 諱 頻 道 治 辩 西 字耳 》篇 碑 碑 論, 張 巍 蓋 朝 銘 惟 治 中 元  $\Box$

故 天道 滿 孝 」,在七世之内 漢時 惠 虧 諱 盈 祧 盈 而 廟 而 益 之 制 謙 説 故也。 不 苑 四 傳, • 句, 敬 班 竊 慎 古 意 盈 亦 篇 漢 當 字 書 引 如 皆作 易 此 律

説

疑誤後學,不可不正。

故御

名亦不缺

②「惟」,原作「行」,據宋蜀本《昌黎先生文集》改。 正本鈔改。
正本鈔改。

乘《柳 之中 不當用「盈」字、《容齋隨筆》論之。〔汝成案〕《公羊》注: 後人之擬作,而不出於西京矣。 又詩「盈盈 若李陵詩「獨 曰:「言孫 曆志》「 言于齊者,盈諱文。」此誤衍 皆在武、昭之世 · 字 賦》「盈 凡 盈元」、「盈 四 于齊者,●盈 一水間」、「原注」載《玉臺新 + 有盈 玉縹之清酒 餘 而 觴 見。 統 不避諱,又可 酒 」、「不盈」之類 孫」字。 ,與子結綢繆」,枚 諱文。」已祧 何 」、〔原注〕載《古文苑》。 休注 一《公羊 [原注]李陵詩 知 詠 故 其 傳 也 爲 卷

敕 帝 欲 皆 册 斥列聖之諱,今改爲『宗』字。」 文内 不 後唐明宗天成四 迴 一避,少帝是繼世之孫,册文内不 有『基』字,是玄宗廟諱,尋常 年,中書門 下奏:「少 詔

皇帝諱依禮不諱。」詔恭依 常寺言: (宋史》:紹興三十二年正月, ·「欽宗袝廟,翼祖當遷。 以 禮 後 翼 部 祖 太

> 也。 中 祧。」〔楊氏曰〕匡字不諱者,不偏諱之義,然宋人皆諱匡 康。 寧宗時亦未嘗桃真廟。 恒」字獨 謝肇 錢氏曰]此説未確。 淛 日 : 不 諱。 宋真宗名恒,而朱子於書 蓋當寧宗之世,真宗已 在杭蓋未見宋板朱文公書

爲

經 刻本書太常寺作「太嘗」,常熟作 韶,知當時已避天子之名。 須迴避,蓋唐、宋亦皆如此。 七宗廟諱,正依唐人之式。惟今上御名 太祖 》於由字皆作「凷 字天子與親王所同,則 一、成祖 崇禎三年,❷禮 山廟諱 」,則上一字亦有迴避者 及孝、武、世、穆、神、光、熹 部 然止 奉旨,頒 不諱。 「嘗熟」,汲古閣《十 避下 [原注]觀漢宣帝之 行天下, 〔錢氏曰〕明 字,而 亦 F 避

- 孫 據《春秋公羊傳注疏》,應爲衍字。
- 崇禎」上,據《校記》,鈔本有「本朝」二字。

## 皇太子名不諱

李藩 依舊。 事: 失之,因不 請 經》『資於事父以事君』,義兼臣子,則不嫌於稱臣。」 或 位 名 ) 將册 非之曰:『皇太子亦人臣也,〔原注〕漢、魏故 初與 改 皇太子稱 **E** 名,豈 册 東宫之臣當請改、爾柰何 憲宗同 爲 府 『歷代故事,皆自 可 臣。 爲 元龜 皇太子,紹 復正 以 晉咸寧 **∀** 禮 憲宗は 無足怪 事 中 唐王 上 議除 時 上 邪 紹 爲 言 此 也。」 不識大體 ? 廣 爲 制 請改名。 陵 兵部 左 摰 非  $\Xi$ 虞 司 其 以 尚 之臣 屬 員 順 爲 書,紹 議 宗 外 而 詔 郎 遽 者 即 m 老 今

問 不奉世子。』」萬曆 將,賓客如 之。 三國志》注言:「魏文帝爲 原答曰 雲, 邴 吾聞 原 中年,往 獨 或 不 危不 往 往 事 有借 太 冢宰, 祖 五官 或 微 本之 君 中 使 老 郎 X

名而以爲題目者,得無有愧其言。

之也。 啟,迴 以 例 爲崇 教門爲崇教門; 沛王 疑。 子 庶子 不敢指斥。 示 改换。」 而 文館 今東 Ě 中 不言名。 唐 避甚 方慶 中宗自 興 宮殿 之漸 制 難 從之。 晉尚書僕射山 皆 上言:「太子皇儲,其名尊 朝官 房 避 然 及 孝敬 州 名 門 史臣 則 猶 還,復立 諱 名皆 皇帝 爲皇太子,改崇賢 方 尚 以 慶之言蓋 謂 如 遵 爲 有 濤 此 方 典 爲皇太子。 觸 太子 慶欲 官臣 啟 禮。 犯, 事,稱. 時, 尊太子, 伏望: 有 臨 諱 7爲言 改 事 皇太 則 依 館 弘 論 不

主 蓋 事 失之不 賀 有 明之制 烺, 攷古也。 以 避皇太子名,改名世 ●太子、親 崇禎二 王 年, 名 兵部 俱 令 壽 主客 迴 避 司 而

洛陽縣 光宗〔錢氏曰〕名常洛 及 商 州 屬 縣 爲 錢 太子 氏  $\Box$ 河 洛 南 南 府 縣。 錢 并 氏  $\Box$ 未

東宫 而 之體宜同。』從之。」歷代不 言: 『太子所以繼聖體 之義』。 事 變。 中 鄭相! 官屬稱 實録》言:「洪武 韶下羣臣 同 請依古制 臣, 朝臣 議 則否,以 了 凡 + 而 翰 四 承 林 啟 稱 天位者也, 年十月辛酉,給 事皇太子 院 臣之制 見尊無二上 編修吴沈 自 尊 斯 敬

楨 二 月。 」,楨字犯 年,山 親王之名 楚 西 尤 昭 鄉 王諱,考試及同考官俱 試 不 必 ^ 詩 諱 經 而 題 亦 内 諱 之。 維 周 正 罰 之 統

## 二名不偏諱

二名 不偏 諱。 宋武 公名 司 空, 改 可 空

爲 「司城」,是其證 也

已改民部爲户部,而 名。 宗時,二名不相連者并不諱,至玄宗始諱 不合指斥。』上乃從之。」〔原注〕《通典》又言: 馬,别駕爲長史,治禮郎 改治書侍御史爲御史中丞,諸州治中爲司 民 宗居春宫,總萬機,下令曰:「依禮,二名不 曰:『先帝二名,禮不偏諱,上既單名,臣 偏諱,其官號、人名及公私文籍,有『世』及 ·高宗紀》:「貞觀二十三年七月丙午, 上以貞觀初不 兩字不連讀者,并不 杜氏《通典》: 李世 大唐武德九年六月,太 動已去「世 諱 先帝二字。 爲奉禮郎,以 一字,單 須諱避。」《唐 之。」然永徽 稱 有 勣 可 避 奏 1 又 初

書

載 蕘」之類。 民月令》作 者。 按 宗 并其本文而改之者。 書》注所云「史駮文」者也。 當日 在日 《隋 此 書 從行諸 已 唐人偏諱之始。 如此 修 四四 閻 於 太宗 臣 氏 不待 人」,而《齊民要術 旦 姓名,内 時 永徽 按 如《胡 吾 而 然亦有 初 有 邑 中 也。 閒多 李 晉 廣傳》「詩美先人」、「詢 章懷太子注《 · 動,已 祠 不盡然者,《經 此段可 有 有 》仍「民」字。 唐太宗御 改 去 世 補史傳之闕 「世」字。 《後漢 爲代, 製 《書》,亦 籍 改 是 碑,碑 是唐 志 民 亦《漢 于 爲 太 陰 有 人

自 尊。 朕 有 易 太宗文皇帝自登寶位,不改舊 迴 日 世 諱 改 避 猥 「古者酌禮 更,務從私便,庶 一南,官有民 ,貴便於 應 以 後 若臣 文 眇 唐 書 躬 明宗 託 下之名 内 時 所有 名 以 於人 部, 制 嗣 況徵 不欲與 二字, 靡聞 名, 上、祗 源,天成元年六 體朕 彼 懼 曲 二名,抑 廢 懷。 君 但 遵聖 避, 於物; 親 不 連 止 稱 範 口 ··; 時 非 禁連 稱 字者,任 有 難 前 不 月 則 知 敢 呼 例 得 勑 臣 自 而

#### 嫌 名

《南 宗諱 秉,以 適與佳節 宗九月 序 文帝父名忠,而官名有「中」字者皆改爲 以 雞 饑 而 與治同音也。 孫 日 人大水爲蜃」, 0 史》 處 旦 韓文公《諱辯》 乃玄宗 與 璿 約 劉 九 昞 樞 而張 改名 秉不 日 同 玉 御 賜 衡,以 音 仁亶改名仁愿。 茂道 稱 删定 則 也。 曲 [王氏曰]嫌名之諱,蓋始于 名 曰 諱 江 ,韋仁約 而 「野雞 齊 《禮 宴》 又如 機, 言「不 書 七政 其 詩 記 以 武 字 始 一時 改名 諱 與 后 雊,  $\Box$ 「内」。 月令》曰 則 滸、 基 父 此 彦 玄宗諱 思謙 諱 諱 同 萬 則 節 勢、 李林 璣。 音 諱 樞 士 隋 則諱 秉、 彟 暇, 「野 也 雉 隆 德 甫 隋

言 酋 質,淳不得 淳 諱 州 基 原 不改, ,亦未爲定論 龍名近 純 注 而 順宗 即 劉 今 既 姓 知 玄宗諱,遂 諱 遼 르, 而 淳 幾 州 誦 有 于 改名子 改 也 德宗 詔 者 而 名 以 鬭 改 處 不 訟 諱 陸淳 姓 玄, 厚。 行 律 适 一于,唯 册 改 箕 為給: 而 而 禮 爲 州 懿 監 括 齲 改 事 宗 州 則 察 競 中 名 退 以 御 改 儀 之 南 改 史 憲 名 州 所 詔 名 韋 處

衛 曾父名音 忠 故 而 嫌 懿宗紀》 字與 洙 固 舊 (賈曾: 名不 奏狀 史 唐 辭 臣 以 自 傳 諱 家 稱 則 中 口 韓 著 剿 議 :『蒙恩除 日 諱 字 葉 愈 者 日 在 音 以 别 爲 以 禮 同 咸 後 李 爲 於 文。 請 通 拜 賀 中 即 禮 授滑 中 改授 作 書 + 無 成 年 書 命 是 大 嫌 州 八 舍 諱 閒 曹 已行 夫 刺 月 人,曾以 曾 辩 官。」 司名, 亦 史,官 乃 中 爲 諱 就 古 敕 書 紕 嫌 又 父 難 號 舍 職  $\Box$ 繆。 名, 與 名 依 内 人

> 古禮 諱 允。」是 且. 盡 爲執 廢,始 政 又 者諱 而 以 爲 爲 矣 君 諱 不 當 後 諱 則 爲后 也 諱 「雷 爲太子 氏 日 〕後 諱 爲 代 諂 内

> > 戚

堯,孝 若 月 準 言 訟 史李 重 自 願 官 六月二十 職 禹 位 字 複 譔 + 敕 陛 制 音 谿進 與  $\equiv$ 大 下 至 辭 而 踰大舜,豈 律 册 至 雨 日 事 寬 事 與 卑 句 府 易 三, 疏 告 狀 敕 其 廟 七 歸 諸 元 分 得 事 日 罪 諱 日 臣 語 理 龜 犯 蒙 曉。 敕 旁 同 戾,使得 云 謹 體 **\***: 廟 臣 訟 罰 自 按 臣 奉 内 謂 諱 咸 狀 若 伏 發 八,『禮 他 俸 準 敕 袁 聲 嫌 中 惟 通 制 人,是咸 便 西 盡 院 屈 罰 具有 名 同 十二年,分司 敕 皇 隱 臺 不 言 郝 臣 與 不 而 而 帝 默 牒 諱 景 不 準 坐」,注 字異』。 及 不 陛 嫌 全 通 臣 季俸者 屈, 恐 敕字 避 金 下 名 事 + 前 負 諱 部 明 不合有 奏 奏狀 聖 哉 云 稱 调 注 又 非 年 狀 侍 時 按 故 帝 疏 謂 臣 臣 内 奉 御 稱

禮 下 以 法; 臣 趙 敕 奏也 是 而 律 留 論 充 格 雖 審 言 魏 量 處 意 俸 或 者 未 不 分,則 徵 察 爲 爲 臣 禮 及 亦 敢 爲 《納,别] 嫌 非 將 將,不嫌 律 須 擅 相 敢 相 天下幸甚。」敕 而 以 委 有 ,不存形 訴 使 下明 爲 曲 移 此 或 改,不 無 伐 迴 罰 家 敕 妨 陛 避 俸 敕 迹, 時 耳。 便 下 也 謂 使 命 事,以 持 以 免 自 成 内 有 恐 即 憲 致 所罰 後章奏 誤 訛 袁 自 引 之臣 貞 爲漢 也 弊 便 此 陛 觀 有 有 下 · 贵 太平。 家 願 臣 援 此 敕 遵 陛 後 口 單 論 引 文

胤

略

名景,是不諱嫌名。 南 唐 元宗 初名 璟,避周 信 祖 廟 諱 改

爲 此 名,室户皆以 都 諱嫌名之始也 督荆 按嫌名之有諱,在 州 諸 「門」爲 軍 事 稱 及 改 漢 《薨,荆 未 户曹爲 之聞。 州 人 「解 爲 晉羊 曹 祜 諱 祜

後 魏 ·地形 志》: 「天水郡 上邽 縣 犯

> 太 祖 宋代 諱,改爲 制 於 E 嫌 封。 名 字 魏 太祖 皆 避之。 名珪 ^

廟諱同音字,蓋 《周易本義》,《姤》 觸」者乎? 壹之子儻不 多是缺筆。 爲遇」,避高宗 羊晉切一十一 顏氏家訓 》以貞女樹爲 凡與 陽 部 廟 貞 合同 諱 「原 去 亦做宋制 正女木。 作 所 音 Ŧ 注〕金章宗 禎,仁宗諱。 嫌 字皆不收,它皆倣 云 同之字皆不收。 切 , 便 名 吕 也 卦下以「故爲姤」作「 也。 樹 一十三字,二 是下 尚尚 音同 泰 之兒 完音同 原 和 曙 注〕宋 筆 元 英宗 年 即 如 桓,欽 七月己巳, 諱。 板書貞字、完字 妨 不 此。 + 太 爲 宗諱。 是書 贵 禮 祖 上, 震 不 朱子 諱 部 初 皆 捎 聞 故 部 雍 王 韻

録

明 代不諱嫌名, 如建文年號是也

0

#### 以 諱 改 年 號

明 改 年 今本連作大文。 稱 **游** 後 號 高 天丛 宗顯 唐 爲 唐 明宗爲「 中 記》, 顯 慶 宗 道, 趙元昊以父名德明, 年 諱 明 號 顯,玄宗諱 下 顯宗」。 而 多云 有 范 或 文 「明慶」,永 諱改焉 「原 Œ 注〕杜 隆 公與元昊書 基, 四字,當是小 氏 改宋 隆 唐 《通 典》「釋法 人 年 明 號 凡 注 亦 多 道 追

#### 前 代 諱

劉 神 於 唐 道 巖 碑 尊 高 孟 其父謙 蜀 》,「民」、「珉」二字皆缺末筆。 祖、太宗 所刻 爲代祖 石 諱 經,後 皆 缺 聖武皇帝, 氏 書。 H 孟 石 蜀 晉 石 猶 [經今不 以代 相 南 里 漢 傳 金

H 知

録

集釋卷二十三

人 通》,有諱舊君之議 避漢明帝 和 與 亦避隋文帝及其 唐字跳行,益歎昔人之厚。 目 諲 字易「世」。 六年孫冲《序絳守 忠節傳》以 録 字, 也 萬 ! 偏 其 國」,猶避 楊阜,魏明帝 旁字源序》,立于文宣 (原注)予至西安,見宋咸平二年夢英自 女媧 解《 缺 諱。 末 或 至宋,益 誠 廟 唐 漢 筆。 語 八考諱。 節」,稱 碑 自 長 高 時 居園 》「民」、「珉」二字, 古 凡「莊」 孫 其 祖 其 人 遠矣。 相 無忌 諱 於 人也,其 時唐之亡已九十三年 Ŧ. 一池記 「原注 苻堅 傳 廟 舊 字 等 者,稱長 忠 韋昭,吴後主 君之禮 碑》「民」、「珉 而 後 · 譔《隋 爲 皆 厚 疏 漢 乾 之道 苻 作 引《書》「協 應劭 安爲 德三 永 書 嚴 何 作 故 如 書《篆書 固 其 咸 都,而 年 **風** 矣 此 猶 時 平. 厚 1 俗

四 書章句》、《或問》、《集 元移 刺迪 爲 常 州 路 注 總 >, 管,刻 凡 其 例 所  $\Box$ 點

今人不知之矣。

八九三

八九四

舊,以一 字,後人之見,與前人相去豈不遠 字。永樂中修《大全》,於其空處添一「宋」 皇帝,能一天下者四君。」「太祖」 以來,自漢高祖及光武及 元年也。 「太祖皇帝」皆題頭,至今仍之。《孟子》 見梁襄王章」末注 凡序、注、《或問》中題 近 見當 歲 《資治 新刊《大學衍義》亦 時忠上之意。 通鑑》周 一,蘇氏 「原 頭及空處并 太祖、世宗《紀》, 曰:「予觀《孟子》 唐太宗及 注〕如宋、德、 然。」時 哉 上空一 我太祖 隆、 存 天 其 曆

# 名父名君名祖

楚子圍宋,申 名 君 某」,《左傳》荀 也。 《金縢》 〔原注〕《 周 犀 見王,稱「無畏」; 淮 偃 公之祝 南子》曰 濟 河 而 辭 禱, 祝則 曰 : 一 稱 名君。 曾臣 惟 知罃對 《左傳 爾 彪 元 楚 孫

> 子黶」,名祖若父也。 督 退」,名父 王 ; 稱「外 樂盈 臣 也。 辭 首 于周行 華 耦 鄢 人,曰 來 陵 盟,稱 之 戰, 陪臣書」,日 「君之先 樂鍼  $\Box$ 其 臣 書

# 弟子名師

子 師 日 也。 :「君奚爲不 路曰:「 《論 語》:長沮曰:「夫執 爲孔 丘 見 孟 軻也?」是弟子而 孟 子 \*: 樂正 輿者爲誰?」 子 人 見 名

# 同輩稱名

篇「老 書》「周 古人 聃 公若 티 : 生 丘」、《檀弓》篇「曾子 不  $\Box$ 諱 君 名, 奭 同 輩 禮 皆 記 面 呼 曾 其 子 商」, 問 名。

#### 論 語 $\approx$ 微 生 畝 謂 孔 子曰 丘」是也

#### 以 字 爲 諱

者,朗 房」。 間 微 謝之。」《常林傳》:「年七歲,有 志 辨之,故有諱其名 盎 也。」魏鶴 記 名 氏 事 終  $\Box$ 時 家 · 司 則 訓》曰:「古者名以 古 江南至今不諱字 **諱之**,字乃可 山云:「《儀禮》:子孫於祖 人 敬其名,則 否?』林不答。 爲『季』。 而 年 者,不敬 侯 〔原注 以 并諱 無 九 霸 也。 爲 有 歲,人有道 子 正體,字以表 漢 孫氏 〕子貢曰:「仲尼,日月 不 其字者。」《三 其 語,字霸爲『 河北士人全不 袁 禰 稱字者。 皆 (親者 種 父黨造門, 客 曰: 稱字。」吕后 字其 孔子弟子 也。」客 其 父字 叔 《顔 「何 德 或 君 父

> 大怒。 人著鞾 頗 前 傳》:「拜中書舍人,有不悦愈者,言:『愈 主之字,又不可以常儕論矣。 呼先主字。 子。」至於《山陽公載記》言:「馬超降蜀 呼其字。」此 世。」兆 之有?』《晉 不拜?』林曰 厚,近者均子鍔還省父,愈爲序餞鍔, 左降爲江 兆 儒 騎 德 驢,至兆 日 觸 論喧 『聽 陵掾曹, 道 : 書 素, 羽 • 雖 怒,請 於朝 門外, 儒 青 當 前。」《 荆 林 州 下 列,坐是改太子右 殺之。」此則 拜,臨 南 無 曰:『吾欲見 節 劉 舊 稱 度使裴均 兆傳》:「嘗 其字者 唐 子字父, 書 面 韓 呼人 門 劉 館 何 嘗 仍 之 庶 愈 延 有 拜

#### 自 稱 字

世 所傳 漢 衡 書》注,張晏 與 貢 禹書,上言『衡 曰:「匡 衡 敬報」,下言 少時字鼎

日 知録 集釋卷二十三

之始也。 三王 居,人間 鼎白』。」《 書札即 (楊氏曰)鼎是小字,隱居并非字。 南 史》: 以『隱居』代 陶 弘 景自 名。」此 號 自 華 稱 陽 字 隱

《答鄭 詩 元九 德 柳少師《與 王 公集》盧 輿《答 右 稱「道門弟子圖 《東觀》 軍《 衢 稱 州 循 敬 楊 弟 書》 與 餘論》言:「古人或有自稱字者。 謝 「樂天再拜」,宋陳 湖 帖》云『誠懸呈』。」今按 遠書云『范陽盧子先 帖》云『王逸少白』,《 南 稱 書》 南上。 敬 稱「載之再拜」,柳 叔 頓 首,白 摶《 謁 居 吅 廬 易《與 高 首 唐 Ш 公》 冕 權 遠

作文自稱 作《白氏 祭器幣物銘》「濯纓 元聖六載,正言 唐 張 長慶集 其字。 謂《長 序》自書曰「微之序」,乃是 待 沙 風 理 不才 湘 土 碑銘 東」,張 ,謬領兹邑」,元稹 洗《濟 有 唐 八 瀆 葉 廟

自稱其字,不始於漢人,「家父」、「吉

孝穆《荅周處士書》不著名字,但曰「徐君白」。 甫」、「寺人孟子」之詩已先之矣。 〔楊氏曰

# 人主呼人臣字

以 曰:「天下方有 里之外,吾不如子房。」〔原 讓邪?」皆人主呼人臣字也 漢高帝曰:「運籌策帷帳之中,决勝千 急,王 孫 「原 注」張、 注 竇 良字。 嬰 字。 寧 景 帝 口

范雲表稱「乃祖玄平」,李善注引《晉中興書》: 聰?』對曰:『臣預 始放筯執笏曰 食麩如故。 設大臣麩,撙在 史》:「梁蔡撙爲吏部尚 朩 應以名 晉以下,人主於其臣多不呼名。 帝覺其負 垂 爾。 唤。」 坐,帝 帝 爲右戚, 帝曰:『 氣,乃 頻 有 呼姓 慙 書、侍中。 色。」「原 Ħ. 卿 改 名 職 唤 向 撙 蔡 在 何 尚 納言,陛 聾,今何 竟 「范汪,字 武帝嘗 》文選 不答, 《南 撙

陛之間,未甚濶 倫、房 字行。 名,蓋因天子常稱臣下之字故爾。 《答齊王 徵,隋崔頤《答豫章王 自 年, 母時人多以字行, 舊史皆因之。」周章叔裕, 字孝寬 度、張茂度,名與高祖諱同,以字行。《通鑑》:「大同 犯 謝景仁,北 威 玄平。」《魏 帝 稱 又南 元景, 諱,即 《魏書》多稱 喬 暕 書 朝 高 巡江 啟》自稱 朝 以字行,不復更名。 北 X 儉、 人如 式 齊 如王敬 楊 表 絶,君臣 尉 祖 遵 稱 彦。 蕭世怡、李元操之輩,名 遲恭、 孝 臣 珽 逸,而 弘、王仲德、王景文、 一啟》自 對 亡祖 魏 而有朋友之義,後 長 王 顔 文威」。 廣 昕 籍,并 唐太宗時 稱祖濬,王 王 對 [原注]宋褚 湛 式 汝 祖 其時 以 自 南 强, 字 稱 如  $\pm$ 字文 堂 爲 貞 以 封 孝 悦 叔

前 璟目之,〔錢氏曰〕文宗名昂,而裴不知避,故 代文章,裴舍人素數道 (因話: 録》:「文宗對翰林諸 陳 拾 遺名, 學士 柳 大 柳 舍 論 Ħ

世

所不能及矣。

非

之。 呼 陳 裴不覺。 伯玉。」 上顧 柳 曰:『他字伯玉 一, 亦

應

#### 兩 名

譏二 武賢臣 名。〔惠氏曰〕《左氏》義是也。 棄疾弑其君,即位之後,改名爲居,是爲二 何嘗有二名之禁? 者,惟王莽耳。〔汝成案〕《曲禮》「二名不偏諱」,則古 謂譏二名而去之。」〔楊氏曰〕《公羊》説本無稽,後人信之 羊傳》:「《春秋》以仲孫何忌爲仲孫忌、魏曼多爲魏多、皆 二名』,謂二字作名,若魏曼多也。「原注》《公 也。」〔原注〕《白虎通》: 名,乃謂其 《禮記正義》:「《公羊》説:《春秋》『譏 有散宜 無常者也。」是用《左氏》説。今按古 生、蘇 《左氏》説:二名者,楚公子 「古人之名或兼或單、春秋 忿生,則《公羊》之説 許慎謹案云:文

0 「大同」、《資治通鑑》卷 五 四作「中大通」。

兩 則,字靈均; 鞅,而鐵之戰自稱「志父」; 南宫敬 侯名仇, 曰:「《文三王傳》 而 人 處父」; 名。」 名縚,字容,又字括;蜚 兩 《春秋》書「弑其君虔于乾谿」; 名 見 而《書》云「父義 屈 於 原 經 《賈誼 名 傳 平,其 者,不 傳》 言 揖, 作《離 梁 止 和」; 楚 此 王 廉 平. 楚靈 騒》 言 勝」注,李 石  $\pm$ 棺 趙簡子名 勝,爲 也, 叔名説 王 銘 如 名量 名 自 晉 有 奇 正 文 稱

# 假名甲乙

甲 名 甲,次子乙,次子慶。]甲、乙非 Ŧi. 」、《張湯傳》「湯之客田  $\pm$ 而 一傳》「齊宦者徐甲」、《嚴 假以 史記 名之也。 萬石 《韓安日 君 傳》:「長 或 甲 助 傳 <u>`</u>, 傳》「 名 子 「蒙 漢 ·建,次 也, 閩 書 獄 失其 越 吏 高 子 王  $\mathbb{H}$ 

> 甲 某官某甲 甲。」〔原注〕《文選・爲 也 傳》文十四年:「齊公子元不 乎?」《三國 Ŧ, 弟 日 等。 申 :『某甲, 當 終不 是其名。 疑 奉 曰 亦 表 公, 卿不 以 《 任 可 志》注:「許 聞。」《 此 曰夫己氏。」注"「 安 得我,不得 〈傳》: 齊明帝 宣德 原 注 皇 讓宣 某 攸 后令》: 孟 呼 冀 城郡 嘗 順 子 魏 君 州 甲 懿公之爲 一今遺 公表》: 傳 太 也。』《左 何 猶 祖 爲 田 某 言 「謹 甲 不 位 去刃 某 政 來 附 某 湣

也。 樂 時 李 而 四 禹 舜 名之者。 或曰: 舉夏,兒 人 湯」,乃悟 漢 同 書 以 高 及讀《急就章》,有云「祖 堯、 魏 湯 帝 若 相 舉 舜、禹、湯 時 此 傳》: 實 秋 類皆古 有 貢 中 趙堯,然 禹 爲名,若有 謁 人所 舉冬。」不 者趙 非 假以 堯舉 謁 者。 堯舜 名之 意 應 譔

辭。〔原注〕《世説》云:「黄初中,有《甲乙疑論》。」晉

蜀

漢

費

禕

作

甲

Z

論

》, 設

爲二人之

趙丁。 戊。 甲 以 亦魏、晉間人所造之書也。 丙言或利或害,丁言俱利俱害。』《關 先夫爲乙,後夫爲 丙。」●博士弟子徐叔中《服議》,以 造《甲乙之問》云:「甲娶 人文字每多祖此,虚設甲乙。 ,禍歸乙,伏怨乃結。」 甲乙爲彼此之辭者、韓 梁范縝《神滅 而《關 尹 子》云:「甲言 論》有張甲、王乙、李丙、 丙,先子爲丁,繼 乙爲妻,後 先秦以 非 中書令張 子》:「罪 利,乙言害, 母爲甲 上即 尹子》 子爲 又 生 有 娶 華

# 以姓取名

始自. 名,如陳 類,榜目 何年。 古人 王 取名連姓爲義者絶少,近代 出 道 嘗 , 則 讀 張 《通 此 四 等姓 維 鑑 吕 至 名 Ŧi. 調 幾 陽、 代 居 後漢,有 其 馬 半, 負 不 啚 人 命 之 知

> 傳》。 以 州 信其言之有據 「原 優 人之命名,則自嘉靖以來然矣。 「原注」《遼史・伶官傳》。 伶之名,與 來,如黄 注 伶人靖邊庭。 鏡新磨、「原注」《五代史・伶官傳》。 〕靖邊庭,亦 幡 綽、雲朝霞、「原注」《唐 見《宋史・ 姓 也。 通 胡身之注曰:「靖,姓也 取 嗟乎,以 之輩,皆載之史書,益 Ш 義, 欽 祚傳》。 所 士大夫而效伶 以 爲 考之自 羅 書 謔 也。 衣 魏 輕 唐 魯

# 以父名子

食 子名黨也。 申鮮虞之子名傅 禮》「筮某之某爲尸」,注 《左傳》成十六年「潘 襄二十三年「申 摰 也。 按《儀 **匹之黨」,潘** 日 鮮 :「某之某者 禮 虞之傅摯」, 特牲饋 尫之

❶ 「又」,原作「人」,據《晉書・禮志中》改。

此 字尸 濞王吴。」濞乃劉仲之子,稱爲 類 也 父 而 名 注〕《史記·太史公自序》: 尸 也 原 注》少少 牢饋 食 禮 維仲之省 同。 亦

# 以夫名妻

禮 氏 媚 子》:「衛將軍文子之内子死,復者曰 + 齊 君力。」「原 叔 也。二 之名 女復。」子思聞 枚, 書 。」《漢書 左傳》昭 手 也。 周 敕 注]蘇林曰: 盤 日 杜欽傳》:「皇太 婦 龍 : 元年: 愛妾杜 人 之曰:『此女氏之字,非夫 餉 於 「字君力,爲司 「當武 周 夫氏,以 氏。 公阿 王 上送金 杜。」《 邑姜 后 馬 女弟 姓 氏婦。」《 方 氏 釵 |:"||皋 孔 震 鑷 司 稱 叢 南 馬 大

# 兼舉名字

《宋書 懷》詩 臣、 刻鏤此,公輸 師」,皆一人 致位公相。 重 (原注)皋陶 公輸魯班」爲二人,則不通矣。 宣尼 申 出 公顛 百里孟明視之類,已於《左傳》見之。 史文有 悲 而 雖 恩倖 獲 倒 亦 庭堅,亦一人兩稱。 好 巫 麟, 有 而 黄 相 與 傳 人而 兼 臣 憲牛醫之子,叔度名 西 魯 如 論 舉 狩 亂 達,不同 》前 班」,下一「與」字,竟以 其名字也。 偶 或 兼 涕 見 舉名、字,如子 孔丘」,謝 廣累世農夫,伯 者 若駢儷之文,必無 劉 長 琨《答盧 《焦氏 卿 古詩 慢 惠 連《 易 諶 能 玉 動 沈 林 得 京 秋 能 始 約

排 行

達」,亦東漢人二名而兄弟排行也。」 廣伯云:「蔡中郎《司徒袁公夫人馬氏碑》『哀子懿達、仁 弟四人:僑如、焚如、榮 侯,季才唐侯。」是後人追譔妄説。 平侯,益才安喜侯,顯才蒲陰侯,仲才新 亂隱居。 侯王譚不同王莽之政,子興,生五子,并 晉末,漢人所未有也。《水經注》:「昔北 二名者亦少。〔孫氏曰〕嚴九能云:「《左傳》長狄兄 行」,如德宗、德文,義符、義真之類 兄弟二名而 光武即帝位 用 如 其 簡 如。 ,封爲五侯:元 一字者, 此兄弟排行之始。」錢 世 謂 東漢 , 起 之 才 北 避 市 平. 自 排

琮,此後應璩、應瑒,衛瓘、衛 而 出矣。〔原注〕《陳球傳》二子瑀、璠,弟子珪。若取 單名以偏旁爲 排 行,始 見於 玠之流 劉 ", 踵之 琦、 劉

> 偏旁,又不當與父同 孫 非弟也 也。 【閻 氏 日 按《 《晉書》, 玠乃瓘

之

帝行非第一也。 何 時。 今人兄弟 漢淮南 行 次,稱 厲 王常謂上「大兄」,孝文 一爲「大」,不 知 始

自

#### 人 同 名

忌、鄒忌爲「二忌」。 曰 : 謂楚王曰:『此用二忌之道也。』」以 莊二十八年:「晉獻公外嬖梁五 五,晉人謂之『二五耦』。」《戰國策》:「杜 「蹤二起於吴、白。」蓋倣此 有以二人同名 而 唐高宗顯慶二年詔 合稱 之者。 稱 與 《左傳 (東關 齊 赫 田 嬖

#### 九〇二

而

#### 字 同 其 名

容,江 崔彦 蘭 僧 載 字覺授,北 宋蔡興宗字興宗,齊 德文,會稽王道子字道子,殷仲文字仲文, 孺 根,後周 ,晉安帝諱 字僧 ·穆字彦穆之類,至唐時尤多。 名 字 德藻字德藻,任孝恭字孝恭,師 相 孺 王思政 齊慕容紹宗字紹宗,魏蘭 同 ,劉孝綽字孝 德宗字德宗,恭帝 起 字思政 於 顔見遠字見遠,梁王 晉、宋之 ,辛慶之字慶之, 綽,庾 間。 仲容 諱 德文字 史之所 根字 覺 字 仲 授

奇」。 也。 濟 辭 未 昌黎公亦云。 且其文不可省乎? 藩 有字」之比 此 鎮 起 家軍伍 傳》「田 〔又曰〕緒,承嗣 爾。 未 緒,字緒」,「劉 曾立字, 史 [楊氏日][楊燕奇,字燕 家 子。 例 以爲 濟,怦之子,宦 如 李 濟,字 字,非 載 義

> 字選 成 達 一字者,鄭 數 案〕兩名而一字者,如 世,豈可 固 不自漢 當時字莊,顏之推字介,豈可 云「起家軍伍、未曾立字」乎? 人人始 仲尼弟子顔之僕,字叔,任不齊 謂 非 字乎? 古 有 兩 名 ′汝

#### 變 姓 名

朱公。 適 爲 齊,姓運期 而變者。 古人變姓名,多是避仇,然 第五 范 倫 名耀。 客 蠡 河 適 齊 東,自稱 〔錢氏日 爲 鴟 〕梁鴻以避禍 夷子皮,之陶 王伯 亦 齊。 有 更 姓 梁 無 鴻 爲 所

#### 生 而 日 諱

於石 之名曰「諱 其更諱 刻者甚衆。」 生 詢」,以爲 日 名, \_ 死 金 因 日 西漢已 石 諱 引孝宣 録 」,今人多 如此。 元 生 康二年 而 《 蜀 生 稱 而 志》 諱 . 詔 稱 劉 見

日 爲 所 道 昭 豹 場功 [洞簫兮。]李善注: 諱者矣。 領 著 等上言「 漢 注 畢 諱 **一**西 列 租輸至。 未嘗經於官曹。」 嶽廟碑 晉 沈氏曰》香祖筆記 聖 名諱。」「原 諱 》云『樊君諱毅』,毅時尚 「諡者, 豫 高 覩 録社 頵 注」王 产,許 號也。」號 言 長,召 》亦 褒 束 靖等上  $\bar{z}$ 范 ~洞 哲《勸農 而 吴楚 簫 伯 間  $\Box$ 在也。」 賦 諡, 孫 師 材 言「名 恂 猶之名 ~ 温 賦 幸 條 怕 識 得 略 牒 率 而 諡

# 生 稱 諡

注》公羊傳 桓 或 有 公言: 元 故,不宜 如此追言諡 帝爲「高 漢 書 注 吾 • 爲子 張 有 諡者,傳家所加。一今按傳記 祖。 敖 此 者。」《史記》 傳  $\Box$ 《公羊傳》:「公子 隱 劉 攽 日 矣。』皆  $\Box$ 后 貫 數言 史 高 此 家 與張 類 張 記 中 翬 王 事 「原 此 與 敖 以

之謀! 焉。』』《趙 『武姜欲之楚。』」「共王 惠王死,武王立。』、《鄭世家》:「莊 亡,不在隨。』」「齊湣 耳,而十一戰。』」《楚世家》:「國 子,武王之弟,成王之叔父。』、《宋世家》: 公夫人請 日 有 例 日 日 華督使 魯世家》:「周公戒伯禽曰:『我 智過日 ·: 子 "『靈王入矣。』」「隨人謝吴王曰"『 寵 尚 『晉國之政卒歸 臣 多 於 韓 日 王 何 :『魏桓子之謀臣曰 如《 宣子、魏 人 E 段 世家 ° \_ | 辭 宣言國 "『繆公怨此三人入於骨髓。』」 規。』《史記 左 苦成 或 氏 \*: -?傳》: 語 獻 叔之邑。』。《 中 \* 吴 於趙武子、「原 王遺楚 子之後矣。』《 曰:『殤公即 石 曰:『鄭成公孤有德 延 • 鮑 碏 陵 秦本紀》:「晉 或 日 王 季 趙葭 謂 : 書 子 戰 子 人 陳 使 草 注〕趙文子 或 文王 每 位 叔 公曰 桓 『今秦 於 策 康 聲 公方 昭 夜 + 之 年 世 王 文 子

春秋》: 也 於簡 謂 矣,而 軫曰:『昔吾先 『以子之才而 年,齊悼惠王來朝,則 [又曰]班史本紀之例,諸侯王薨,書名不書諡 立。』」〔錢氏曰〕《史記》不 家》:「公户滿 先 趙 言。』、《仲尼弟子傳》:「子羔 家》: 曰:『安車大駕 起傳》:「公叔之僕 一。」《吴越 生 Ŧ. 伯禽之傅 公曰:『 曰:『趙誠 補《梁孝 一屈 門已閉。』』《魯仲連傳》:「新 豫 宜臼 讓 日 陳 春 索事 欲 :『成王之爲 王 曰:『昭侯 意 君 成 ,用梁孝王爲寄。』 秋 發使,尊秦昭 生而諡之矣。《荀子》:「周 殺 世 常、 \* 與繆公交。」」「諸 謂 襄子。』』《淮 趙 家》:「實太 燕 「子胥曰:『報 日 宰予二子者,甚 如 襄子,其 <u></u>
左 王 不出 曰:『今昭 氏 君 叔父。』《吕 傳 王爲帝。』 日 大 》處, 此 友 南子》:「 -: 后 先 門。二《 謂 此 御 謂 與 之日 出 垣 亦 而 汝 帝 相 鞅 景 武 其 衍 公 惠二 Ψ. 先 憎 復 氏 始 褚 公 世 帝 吴 謂 去 侯

> 使 典 是後人勝于古人處。 下, 子 始于《左氏傳》「石 用,康子立於門右。
>  孔子没時,哀公、 記 楊氏日 君 先 也 王 明文,尚不免此 先儒受誣甚矣 以 俱存,此皆後人追爲之辭 請 。』」「衛叔文子曰:『今我未 。』」《説苑》:「景公曰:『善爲 ·曾子問》:「孔子曰:『季桓子之喪,衛 即無 弔。 來。』并是生 嚴 此 止字子我 哀公辭,不得命。 語、文益謹 病,其 础 日 〔梁氏曰〕史家紀事,生稱 與宰予字 「陳桓 他 時 諸 不合稱 而格卑矣。 一公方 子 雜記 同。 有寵 尚 也。 公爲主,客 陳 諡 多,不 桓 以 于 王上是 往 闞 我 〔錢氏曰 自 可 又 而 止 東 浮 諡者 相 枚 如 也 京 憎 舉 簡 桓 二此 乃 耳 實 康 人 禮 子 以 子 經

日  $\Box$ 田常之時,安知 田 嫗 史 記 常 乎. 采 見 • 田 存 世, 其爲成子 敬 而 歸 仲 遽 乎 世 呼  $\mathbb{H}$ 家》:「齊 以 成 而稱之? 諡 子。ニ《 。」蘇 人歌 氏 史通 日 之

丘 景公爲「景君」,宋何承天《上陵 《焦氏易林》:「乾侯野井,昭君喪居。」稱 泣。」稱宋文公爲「文君」,《墨子》:「昔者宋 羊之裘。」又云:「介子歌龍蛇 辭 利 文君鮑之時。」稱楚莊王爲莊君,《荀子》: 國。]漢張衡《思玄賦》:「文君爲我端蓍兮, 君 而 昔者齊莊君之時。」稱魯昭公爲「昭君」, 莊君之胷。」稱齊莊公爲「莊君」、《墨子》: 感牛 飛遁以 追求。」《淮南子》:「晉文君大布之衣,特 燎 ·惜往日》:「介子忠而立枯兮,文君寤 稱周 獵 Ш 吕 保名。」稱晉文公爲「文君」、《楚 文王爲「文君」、《焦氏易林》:「文 ,爽鳩既没景 尚 獲 福。 號 君歎。」稱宋襄公 稱 太 (篇): 師, 而 文君 封建齊 齊 垂

> 君 建國。」稱宋元公爲「元君」,《莊子》:「宋元 爲「襄君」,周庾信《人彭城館》詩:「襄君初 夜半而 夢。」

日 知 録 集釋卷二十三終

九〇五

日 知 録

集釋卷二十三

# 日知録集釋卷二十四

崑山顧炎武著 嘉定後學黃汝成集釋

## 祖孫

王」,又曰「周公之孫,莊公之子」是也。「孫」、《詩‧閟宫》之篇曰「后稷之孫,實維太命》曰「乃祖成湯」是也。自子而下之,皆曰自父而上之,皆曰「祖」、《書‧微子之

## 高祖

高祖者,遠祖之名爾。《左傳》昭公十七年漢儒以曾祖之父爲高祖。考之於傳,

吾。」亦謂其始祖之昆弟 黶,司晉之典籍」,則謂其九世爲高祖 (原注)十二年,楚靈王謂右尹子革曰: 昭公十五年「王謂籍談曰『昔而高祖孫伯 之君爲高祖。 復我高祖之德,亂 則以始祖 郯子來朝, 張皇六師,無壞我高祖寡命」,則以受命 爲 高祖 E [原注]文、武至康僅四世。 『我高祖少皞摯之立也』」, 越我家」、《康王之誥》 書 盤庚》「肆上帝將 「昔我皇祖伯父昆 《左傳》

## 藝祖

禰 也。 長。 藝祖,即《禮記•王制》、《尚書大傳》、《白虎通》之祖 人稱太祖爲藝祖 也。」豈有歸格于祖而不及禰者乎? 藝、禰聲相近。 注 書》:「歸格 以 藝祖 爲文祖,不詳 《釋文》云: 不知前代 于藝祖。」「孫氏 「藝,魚世反。 亦皆稱其太祖 其 義。 當以馬、王説爲 曰〕按《書》之 馬 王云: 知宋

文德 孫。」 致。」 然 祖 定二 我 者 文考,精 111 爲 有 享太廟樂章》曰 起 則 之 藝 也 雄 鬼 藝 義堂 開 + 此 十三年 是 致 祖 武 神, 祖 後漢 歷 五. 謂 基 昇 神 劍 爽在 頌 亦 宗 代 一<del>,</del> 佳 平。 年 高 唐 **>**,⊟ 作 莫不 太祖 玄宗 高 祖之高 封 封 開 江 鎮 天。 祖 此 : 泰 混 基 神 乾祐 金 之通 : 寧 開 謂 撫 東 同 門。 之 Ш 此 祖 前 元 肅 運 江 效 實 西 稱 元 謂 其 + 漢 肅 以以 神 南 年 諱 玄 也 靈 惟 序 唐 高 藝 北 改 熙,追尊 王 武 藝 册 日 年, 高 祖 祖 元, 此 貽 功 文 祖 無 袓 謂 緒 幸 平. 滔 日 思 制 儲 金 惟 金 滔 并 禍 : 不 曰:「昔 張 福 世 宣 后 我 太 亂 濬 服 州 仰 宗 説 之 皇 稷 藝 祖 源 帝 蓺 大 謀 所 作 祖 作 Ш

祖 者 刻 宋 祖 唐 王 武宗會昌 在 日 藩 封 先天啟 祀 壇 年, 序 聖。」 ¥ 討 劉 是 烈 稹 祖 以 造 玄 制 新 宗 曰 邦 爲 烈 臻 頃

> 宗,亦古人之通 業成  $\exists$ 矣。」今按魏泰《東軒 本 定, 朝太宗稱 佑 而中罷 我憲 經 制 考,爲 神宗,及 而 未 是以 唐 筆 稱 遑 神 神 録 也。 宗。」《 宗 太 稱 神 稱 太祖 祖 「原注 神宗, 宗 H 爲 氏 求 太宗爲 烈祖 讀 唐 則 至 詩 太 元稹 理 記 藝祖 宗 可, 致 不 太宗爲 引 《行裴 復 李 神 升 稱 氏 宗 度 平, 神  $\Box$ 制 神 宗

祖 公。』《書 通 蒯 稱 聵 敢昭告皇祖 顯 左傳》哀二 • 文侯之命》: 祖 皆 謂 年 文 其 : 王 始 衛 封 汝 烈 太 之君, 祖 子 克 康 昭 禱 叔、 乃 此  $\vdash$ 顯 古 文 祖 人 祖 曾 之 烈 襄 孫

#### 沖 帝

帝 竹 詔 티 : 幼 以 主 孺 謂之「沖 翟 子 義 嬰爲 作 亂 沖 帝 於東 帝 水 霍 鴻 經 負 注 倚 盩 至 漢 #: 沖

#### 考

# 伯父叔父

「父」,而但曰「伯」、「叔」,則是字之而已。父」,未有但呼「伯」、「叔」者。若不言古人於父之昆弟必稱「伯父」、「叔

田」之類,皆字也。《詩》所謂「叔兮伯兮」、「伯兮朅兮」、「叔于

皇叔祖之稱,而無高曾。見《容齋四筆》。 《在傳》昭九年:景王傳曆桓伯辭于晉曰伯父、叔父,稱其先君亦曰伯父、叔父之證也。「伯父惠公」,十五年:景王謂籍談曰「叔父「伯父惠公」,十五年:景王使詹桓伯辭于晉曰故《禮》有「諸父」,無「諸祖」。〔原注〕宋時亦有故《禮》有「諸父」,無「諸祖」。〔原注〕宋時亦有故《禮》有「諸父」,無「諸祖」。〔原注〕宋時亦有故《禮》有「諸父」,無「諸祖」。〔原注〕宋時亦有故《禮》有「諸父」,無「諸祖」。〔原注〕宋時亦有故《禮》有「諸父」,無「諸祖」。〔原注〕宋時亦有祖」,以祖」、「曾叔

#### 族 兄 弟

宗臨於祖廟,同族於禰廟」,注「同族謂高親。」《左傳》襄公十二年「凡諸侯之喪,同謂:「九族者,據己上至高祖,下及玄孫之謂。「九族者,據己上至高祖,下及玄孫之《書》:「克明俊德,以親九族。」鄭康成

肉 日 呼爲 數,有從父,有從 故爲 弟。 父。 自兹以往,皆 族言其與王近 高 子爲族兄弟。 備於六,此之謂六親。] 是同 族 祖 昆弟又有子,子從祖 子,子從父而昆弟,故爲從父昆弟。 原 易 "『卿北人,何故不知有族?』答云:『骨 注』《漢書・張敞傳》: 祖之兄弟即 以 父有二子,二子爲 「宗人夏侯溢 疏,不 從伯、從叔。梁武帝嘗問 從曾祖 從祖昆弟又有子,子從曾 下」是也。 賈誼《新 忍言族耳。』」「原注」《梁書・夏侯亶 親。 昆弟。● 從曾祖昆弟又有子, 云族 爲衡陽内 書》: 爲「族」,「族」非 《顔氏家訓》: 故晉 人。 祖,有族祖 「廣川王同族宗室劉調等。」同 「人有六親,六親 史。 叔 而 河北雖 昆弟,故爲 向言「肸之宗 昆弟。 辭 日 , 亶侍御座, 高祖 「凡宗親世 二三十世 江 疏遠之稱 祖 昆弟 一中土人 南 而 從 風 昆弟, 從父 祖 又 始 + 俗 猶 有 昆  $\Box$ 

> 亶曰: 「臣聞服 溢於 「夏侯 屬易 )疏,乃 溢 疏 於卿 所 曰 : 以 疏 不 「卿 近?」宣 忍言族。二當 傖 人,好不辨族 答 是 時 雖 從。」亶對 臣 從 爲 弟。」高 敏 日 祖

知

#### 親 戚

於理未

通

也。」疏 其父母。《左傳》僖公二十四年:「封 曰 : 兄 之稱」,非也。 紂之庶兄。 也 弟 一。」〔原注〕馬 『親 《史記 亦 日: 日 戚既没,雖欲孝,誰 《路史》謂 親 親 ·宋世家》:「箕子者,紂 指 融、王 族 〔原注〕《曲 戚 内, 肅以爲紂之諸父,服虔、杜預 戚 「但言親 指族外。」古人稱其父子 韓 禮 詩 戚,非諸父昆弟 「兄弟親戚,稱其 外 爲孝?』 傳 此謂 曾子 建 親 以 親 戚 慈 爲

<sup>0</sup> 從」字,原脱,據天津古籍 六術》補 一「從」字同。 出版社 賈 誼集 校 注 》本

戚, 曰 : 年: 叮 戚 蘇 秦日 以莫之報也。」《三國志 顧禮制。」」此謂其父兄。〔原注〕《戰國策 『況今姦宄競逐、豺狼滿 「棠君尚 蕃屏 『富貴則親戚畏懼。』」蓋指其妻、 周。」此 謂 其弟員曰: 謂其 子 **₹** 弟。 親 道, 張 戚爲戮,不 昭公二十 乃欲 昭 謂 哀 孫 親 權

#### 哥

有數 則唐 父之親,有君之尊,而 平。」睿宗行 傳 亦可謂 傳》:「惟三哥辨其罪。」玄宗行三故也。 種。 時 唐 以 「玄宗泣 時 名之不正 「哥」爲君父之稱矣。 漢 人稱 武故事》: 曰 : 四 父爲哥。 也已。 故 「西王母 四哥 也。 稱之爲 〔錢氏曰〕《唐書》云云,然 授武帝 趙氏曰 玄宗 仁孝,同 舊 唐 五嶽真 四 〕致古人稱 子 書 哥、三哥 氣 棣 形圖 惟 Ŧ. 王 有 哥,原 一》,帝 有 琰 太 琚

> 池》,此 稱母 稱 哥謂第三子葵,此父之稱子也。 荆公謂雾曰「大哥」, 孔謙 拜受畢,王母命侍者四非 吴中習俗,而未考哥之有是異 哥。」九哥謂 唐玄宗與寧王憲書稱 雖 兄事伶人景  $\exists$ 宫闈之間亦然。 稱其兄者也。 姊。 高宗,則 進,呼進 趙善 兄之稱弟也。 晉王存勖呼張承業爲七 「大哥」,及 又宋欽宗卧 湘 爲「八哥」,此亦稱兄長 苔 哥 語子范曰「三 稱也 哥。」此以之稱 蓋古人又以哥 《同玉真公主過大哥 太后 顧 楊 氏之議 車 氏 前 哥 日 日 甚 , 毋 哥 帝 北 爲 有 ·, 三 司 Ŧ. 傳 也。 亦 齊 郎 福 者 君之 諸 狃 語 也 Ŧ. 于 使 袁  $\pm$ 九

大兄,文帝行非第 兄皆曰 同 玉真公主過大哥園池 今人兄弟行次稱 玄宗與 哥」。 寧王 「梁氏日」《 一,而稱「大」者, 憲 爲「大」,則玄宗稱寧王之例 》詩。 書 (史記 稱「大哥 則 唐 蓋「大」乃天子之謂 淮 時宫中 南 7],(原: 王傳》「常 稱 注 又 父 謂 稱 有

## 妻子

今人謂妻爲「妻子」,此不典之言,然

「結髮爲妻子,席不煖君牀。」袴。』妻子因毀新,令如故袴。」杜子美詩:妻問曰:『今袴何如?』夫曰:『象吾故《韓非子》:「鄭縣人卜子使其妻爲袴。其亦有所自。〔錢氏曰〕《詩》:「妻子好合,如鼓瑟琴。」

## 稱某

之也。 年《公羊傳》「於是使勇士某者往殺之」,傳 某,外事 失其名也。 某之業所就,孰與仲多?」」與此同。《春秋》宣公六 爾元孫某」,史文諱其君不敢名也。〔原注 有子某」,《論語》「某在斯,某在斯」,通言 史記・高祖紀》:「高祖奉玉巵起,爲太上皇壽,曰: 『今 經傳稱「某」有三義。《書・金縢》「惟 〔原注〕《左傳》襄公三十年:「書曰:某人某人 日 嗣王某」、《儀禮 《禮記 曲 禮》「内事日孝王 士冠禮》「某

會于澶淵。」此又是不能悉數之辭

崩之後,則諱之矣。故《禮》「卒哭乃諱」。《金縢》之言「惟爾元孫某」,迫録於武王既發」、《武成》之言「周王發」,生則不諱也。

## 互辭

「我善養吾浩然之氣。」言「我」又言「吾」。「父」又言「考」。《書》:「予恐來世以台爲言「汝」又言「予」又言「和」。「越予沖人,不卬告。」言「予」又言「我」。「越予沖人,不卬告。」言「予」又言「我」。「越予沖人,不卬告。」言「予」又言「我」。「慈光神后之勞爾自恤。」言「予」又言「我」。「諸子神后之勞爾自恤。」言「予」又言「我」。「表表先神后之勞爾」、「善人之言「多」。《書》:「多不敬人之加諸我也。」《孟子》:「我善養吾浩然之氣。」言「我」又言「吾」。

傳》: 脱 辭 盟諸田 公。 傳》:「言君之不取,爲公也。」言「君」又言 公,俾侯于東。」言「公」又言「侯」。 以佐天子。」言「王」又言「天子」。「乃命魯 女」又言「公子」。 傳》:「以其 而宗室。」言「女」又言「而」。 「若」言「汝」又言「而」。《詩》:「王于出征 左傳》:「爾用 也。 「而」字、依 「若善守汝國,我顧且盜而城。」言 [原注]范甯解:「上言君,下言公,互辭。」《左 於陳宗。」言「田」又言「陳」。 石經補。 子更公女,而嫁公子。」言「公 而先人之治命。」「原注」今監本 《史記 言「爾」又言「而」。 齊世家》: 《史記 ^ 「女喪 「子我 皆互 張儀 穀梁

#### 豫 名

(詩): 鳥乃去矣,后稷呱矣。」子初生

> 其未崩薨而稱諡者,與此一也 室而 而豫名之,亦臨文之不得 而已名之爲后稷也。 已名之爲 韓 姞 也。 爲韓 皆 不 因 姞 然 也 其 相 異 攸。」 「楊氏日 日 之名 女在

#### 重 言

陶 職 也。 日中昃,不遑暇食」,「遑」即「暇」也。 尚 無已太康」、「已」即「太」也、「 安」即「寧」也; 一,「克」即 」即「猶」也,「周其 《左傳》「一 古經亦有重言之者。《書》「自朝至于 則即「斯」也 「能」也。 薰 既 庶且 蕕 有顯王,亦克能 十年尚猶 禮記》「人喜則斯 多」,「庶」即 既安且 有 「多」 《詩 修其 臭, 寧,

妃,周 稱 女之傳》。 妃 有 始稱 紀。」襄十五年:「劉夏逆王后于齊。」於是 也。 妃,乃後人之論。 嚳四妃,帝舜三妃,以至周 元年「后 太姒、邑姜,皆無「后」名。 ·爰自夐古,是謂元妃,降及中年,乃稱王后。] 今考帝 曰后。」而宣王晏起,姜后脱簪,見於《列 世婦,有嬪,有妻,有妾。」又云:「天子之 「后」。 始 春秋》桓八年:「祭公來,遂逆王后 白虎通》曰: 緡方 立 自《春秋》以下之文,則有 此周人立后之據。 《曲禮》:「天子 后。」「原 娠 而《詩》、《書》所云「后」,皆君 」,是夏時事, 「天子之配,商之前皆稱 注〕《晉書・后妃傳序》亦云: 「原 有后 初 疑 注〕以太姒 太姜、太任、 惟《左傳》哀 此 ,有夫人, 後 以 君爲 人追 爲后 于

后者,(原注)如

《泰》、《姤

大象及《内

則

稱

后

王。

有以. 妃 爲 后 者,雜然於書 傳矣。

君也。 《胤征》之篇,亦稱 在」; 施於天子。 則諸 而 師 后 商曰「王」。然「帝」、「王」,天子所專,「后」  $\Box$ 而后夔、后羿、伯明后 日「乃命三后 稱后,是禹之謙,禹之不矜也 ; 「三后協心,同底 侯皆得稱之。 人君之號,唐 言君,容王與諸侯。」《易》疏:「凡象稱先王 **伊** 周王「大告武成」,亦曰「嗚呼羣后 羣 后 稱后者,兼諸 訓》之祠 Д ,恤功于民」。 朝」,「禹乃 [原注]《周禮》「量人」注:「后 胤 先王、「侯、甸 侯。」故《書》言「肆 虞曰「帝」,夏曰「后」, 于道」,穆王作《吕 后」,康 寒之稱 然則 會 王作《 皆見 羣 禹之降帝 后, 羣 於傳。 畢 · 后 誓 覲 者 刑 命 咸 于 東 唯

后。 諸侯謂之「羣后」,故天子 獨 稱

爲南平太守,百姓歌之曰:「僥倖之運,賴 守周憬銘》云:「懿賢后兮發聖英。」晉應詹 狹 故有 兹應后。」蘭亭宴 明 頌 后 \times\_{\textsup}^{\infty} \frac{\times\_{\textsup}^{\infty}}{\textsup}. 稱府主爲后者。 漢 欣 時 時豐,駕言映清瀾。」 郡 赫 守之於吏民,亦有君臣之分, 赫明后 集 有郡 《漢武都太守李翕 ,柔嘉維則。』《桂 功曹 魏滂詩云: 陽 太 西

王

氏 禹爲 嗟 ! 月,王狩。」夏之王見於書者始此。 然 后 爲王,未嘗見於《書》也。《甘誓》:「王 承王命徂征。」而《夏小正》言:「十 王者。 「原注 六事之人,予誓告汝。」《胤 三王」之名,自後人追稱之。 〕唐沈既濟議云: 經傳之文,凡言夏必 「夏、殷二代爲帝者三十 征 日 而禹之 夏后 無 有  $\exists$ 稱

> 人者之通稱矣。 成湯至于帝乙」,而《左傳》虞人之箴曰「在帝夷羿」,固君世矣,而周人通名之曰王。」恐亦未然。《書‧多士》「自

是也。 十五王而 丢。 語》「太子晉諫靈王,自 于公先王」是也。 至后稷,則謂之「先公」。 周人之追王,止於太王,而 書• 〔錢氏曰〕祭公諫穆王: 文始平之,十八王 武成》「惟先王建邦啟土」、《周 通言之,則 后 「昔我先王世 ◇ 詩 稷之始基靖民 而 》「禴 亦 康 組紺 可 后稷。」 克安之」 祠 稱之爲 烝嘗 已上

獨稱 本紀》: 而 王擊楚之殺義帝者」 於齊,以絶從親之要」是也。 先帝文王、武王,王之身,三世不忘接 等之日 「先帝」者,《曲禮》曰:「措之廟,立之主,曰 王而尊之曰「帝」,黄歇《上秦昭王書 「昭王十九年王爲西帝,已而復去之。」文王、武王 諸 侯 漢王 是也。 一告諸 侯 「楊氏 E [原注]《史記 日」「等之」非 願 從 帝。上王 諸 侯 地

而王言之,王貴也。春秋之吴、楚,則以「子」通于諸侯。也,蓋云「諸侯、諸王」也。不先「王」,取便文,有公不言

#### 君

《春秋 曰 : 年 夫 觴。」〔閻氏曰 猶 太守,武帝賜 穆王之書「王 公若曰 坊記》云:「大夫不 言「君」者六。 而 漢 鄭 見 稱 時 古 君 体傳》中 寬爲 君 爲君者。 時 次 産 書日 丁按 有人臣 主 對 于郊 御史大夫,奉觴 稱 丞相、 是也 晉 稱 若 君厭承明之廬」,亦稱君。 而 郢,以 士莊 君」者皆 丞 日 莊 成 御史大夫官猶尊,若嚴助 而 相 嗚 王之書 稱君、恐民之惑 篇 + 隆 伯 爲 呼 中言「君 禦四 其 曰:「成公播蕩, 君 君 E 年,楚鬭 或 稱 壽。 侯 牙」,皆此 君, 「王若曰 邑。」 曰「君」 也。 制 然 奭」者四 日 襄 廉 亦 「原 三 十 者, 敬 禮記 君 語 有 也。」故 注 例 爲會稽 舉 陳, 卿 屈 君 也 又 五. 瑕 大 但 唐 之 漢

之。 可,其 夫 謂 伯有之臣稱伯有爲吾公。 君聞 其 謂之君。 似謂成王與子玉、子西,曰 我之自 不始於後代矣。 大夫之衆 人 注: 曰 四 宋 有 君 有 年 再 司 「大夫之臣 地 勝 地者皆日 世以下,主之。《喪大記》「大夫君」,孔 新 馬 司 者 入,君 「主,大夫 與臧 至 徒老 二十八年,晉祁 臣 命 也。 臣 家 日 其 爲 之死 臣 從吾君之命」是也 祁、慮 所 徒 君。」〔原注〕《晉語 鄭 其 則 稱 知 攻 君 氏 君 直 大 也以爲快」,哀 也 桓 《儀禮 癸謂 布 日 也。」此則上下之通 謂 大夫爲 ]。] 〔原 氏 帶 : 其 君 ,其父兄故 「 天 子 繩 盈之臣 南 皆將 主 君 注 • 屨 蒯 喪服 日 \_ \_ ≪ 文十 强 日 三世世 諸侯 死。 曰「憖: 羣 君 傳 周禮 年, 》篇「公士 「原注」 十四四 曰:「君 及 臣 并 臣 楚 仕家,君 范 卿 使吾 日 不 昭 通 臣 稱 巫 調 · 忘 氏 大 不 通 矞

人臣稱君,自三代以前有之。《孟

侯,故 記 子 歸之,奉而爲君,以主 堯乃賜舜絺 舜 日 本紀》:「一 象 都君」,非 衣與琴,爲築倉廩,予牛羊。」是時舜已爲諸 日 人臣 年而所居成聚,二年成邑,三年 謨 國。 也。 蓋 都 觀泰伯之在荆蠻可見 大抵上· 君 古時, 「閻 有德者民 氏 旦 按《史 成 便

禮

」,師古曰:

「爵高

有

或

邑者,

則

自

君

其

漢書

高帝紀》「爵

或人君,

上所

尊

舅在, 姑,《 之」、《列女傳》「 夫人,善在此」是 得稱其主人爲君、《 君」是也。婦亦得稱其舅爲君、爾雅》「姑 人,故曰人君也。 漢書 漢時曹掾皆稱其府主爲君,至蒼頭 淮 ·王章傳》「我 則 南 日 君 子 舅、  $\stackrel{\cdot}{\approx}$ 我無樊、衛 也。 君 君 上謂天子。 後漢書・ 公 姑,没,則 君素剛, 先死者必 女亦得稱其父爲君, 知 其 二姬之行,故 盜 李善傳》「君 也,逐 日 先舅、先 而 我 君 去 亦

以

責我」是也

爲君者,不得體之,加尊之也,雖士亦然。」《喪服》「妾爲君」,鄭氏注曰:「妾謂夫

主

主,亦 記 德帝蜀,諡 之力」、《魏策》魯君擇言稱「主君之尊」,蓋一 國策》又以「主 謂 故仕於家曰僕, 君之稱,故仕於公曰臣,而諸侯稱君。 卿大夫。」《調人》「主友之讐」注:「主、大夫君 家子曰: 太宰》「九兩」「六曰主,以利得民」注,鄭司農云: 指 里克妻曰:「主孟啗我。」卿大夫之妻亦稱「主」也。 魏惠王 禮運》「仕於公曰臣,仕於家曰僕」,方氏曰:「臣者 春秋時稱卿大夫曰「主」。 以 奉 『齊 也。 昭 中 君」稱諸侯。 而大夫稱主。」〔閻氏曰〕按 卑君矣。』」 . 或 故齊侯唁昭公,「稱 烈,葬惠 IE. 朔, 《秦策》甘 陵,初 自 而 貶 南 其 唐 無貶絀,末帝 茂引樂羊曰 僕者,對主之稱 號。 〔原注〕《 降 **國** 主君。 號 指魏 語 若 江 主 也。」《禮 周 劉 南 文侯 主 優 謂 禮 玄 國 子 君 戰 施 對 公

改稱 之君子既 容或諂 以蜀爲漢則言不順,故謂爲蜀也。 賊」,是天下未嘗以蜀名之,名之者魏人也。」〔楊氏曰〕魏 昭烈未嘗以蜀名,雖孫氏之盟,亦曰「漢、吴既盟 降 論《後漢 者,地名,非國名也。 爲「蜀」,亦出 載之後, 始於此,乃是魏 陳 人不察史家 名,常璩《蜀 蜀主,殊非 吴之先主 .傲蜀將士吏民》,稱昭烈爲「益州先主」,「先主」之名,蓋 魏,封 壽 昭 作《三國 於當 烈爲「蜀」,使不 而 爲 非 猶 以 安樂公, 曹氏、 時 人 志》因之。〔原注〕《三國志 劉 回 知 晉 八所稱。 壽 沿 志》創 後 玄列 人論 枉之故,若杜甫 昭烈以漢名,未嘗以蜀 筆。 此 承 來 稱,殊 司 魏 孫楚《爲石苞與孫皓書》亦 傳》,以爲「 世之學也。 〔原注〕《黄氏日 所修,理宜 自 馬氏之臣,不當稱 立「先主」、「 統 得附漢統 可 義 即 爲 當時 不當 無 以 兩 東觀 本 刊 魏已篡漢 昔劉 詩 帝。 革」。 名 抄》曰: 後 封 中 異 況改漢 也。 》載鍾 主」之 秉 , 同 爲 便 代 今千 知 討魏 不 筆 蜀 號 昭 幾 文 稱 特 會

稱朝廷爲主公之理,是後人所改。
〔原注〕杜微傳載孔明書:「朝廷主公,今年始十八。」亦無當是「先帝」,傳之中原,改爲「先主」耳。諸葛孔明書中亦多有稱「先主」者,本

我」。 「公主」云:「婦人稱主。」引《晉語》「主孟啗「主」者,次於「君」之號。蘇林解《漢書》

## 陛下

子,故呼在陛下者而告之,因卑達尊之義 之『陛下』者,羣 必 邕《獨斷》:「陛,階也,所 有近臣,執 賈誼《新書》:「天子卑號 兵 臣 陳 與 於 天子言, 陛 側 由 以 升 不 戒 堂 稱陛下。」蔡 敢 也。 不 指 虞。 天子 斥天 謂

敢用 尊之稱。 下、閣 事之人,與 陳叔寶文稱 也。」上書亦如之。 也 陛 下」猶 原注》 下、 尊 「陛下」,召問。 [原注]許 言 執 號 記 不 事之屬,皆 Ĕ: 執事」,後 同 善心以 「君子於其所尊,弗敢質,敬之至 事 及羣臣士庶相 乃得釋。 善心言「陛下」者,本是 陳 此 人 臣 入隋。 相 類 然後世 沿 也 遂 宇文述言其 與言 非 據 天子 以 此 爲 日 亦不 呼 殿 至 則 執 祭

#### 足 下

之稱 王 燕惠王書》,蘇 下」,遂以 足下」。 ,蘇代謂齊湣 也。 今人但 又 爲 如 如 見《史記》 蘇 相 蘇 輕之辭,不 代《 厲 王,齊 秦 遺 謂 與 燕 秦閻 人 燕 趙 昭 謂 易 惠 知 王書》,樂 齊 王. 樂 文 乃 數 范 湣 王書》,皆 戰 王 雎 或 · 孟 世 見 時 毅《 稱 嘗 秦 人 主 君 昭 稱 報 足

> 下。 郢、朱 王,酈 陀 揭,再拜言大王足下。」 臣勃、大將軍臣武、御史大夫臣 舍人謂 或 。《漢書 稱「聖王 宋書 虚 生説沛公,張良獻 衛 一侯 君,張丐謂 臣 • · 文帝 西 足下」,又稱「天子足下 章、東牟侯臣 南 夷 紀》:「丞 傳 魯君, | 載 項王 諸國 趙 興居、典客 相 一,亦皆 郝 表文, 一蒼、宗 臣 對 平、太 趙 稱 正 孝 訶 一足 [] 羅 臣 臣 尉 成 稱

利 盤 子足下」,狼修牙國稱「大吉天子足下」,婆 稱「大王足下」。 羅單國稱「大吉天子足下」,闍婆婆達 宋國大王大吉天子足下」,天竺 國稱 國稱 「常勝天子足下」,干 「聖王足下」。 《梁書 • 諸夷傳》表 陁 利 迦 或 毗 稱 文, 或 黎 天 盤 或

人亦非 至於 卑皆 下],上下 之稱,[原注]晉 H 事」,即其例也。若『記室』本繫王侯賓 事人耳。 與宰相大僚書往往 從太守受其事。」前輩呼刺史太守亦曰『節下』, 下』之稱。 守比古之侯伯 足下』,韓文公《與 官 初 至 可 趙璘《因話録》曰 ·所宜。 命賓佐 使 通 劉子玄爲 府、 無 稱 〔原注〕《漢書 别。 左思稱左記室,梁何遜稱 御 ,猶呼『記 『執事』 亦 『侍者』則 史及 其 有閣,故世俗書 史官,與監修宰 稱『執事』,言閤下之執 使主張僕射 二執 • 王尊傳》:「直符史詣閣 :「古者三公開閣 畿令,悉 則指其左右之人,尊 事 室」,今則 士 庶 纔 可用之。近 施 呼『閤下』。 何記 書 於 題 相 例 室。 舉 稱『 有 書 冒閣 郡 「 関 佐 下 執 他 稱

> "侍者"止行於釋子而已。 曰 閣 壤矣。」❶□原 下, 雖 注〕彭乘《墨客揮犀 出 於 浮 薄 相 今之布衣相呼 》同 戲,亦是名分

天

盡

孔光并爲三公。 麟之類、「原注」《三輔黄圖》云皆 室左右各五,諸侯于房五,大夫亦于夾室三。」蓋古 其餘閣也與?」〔沈氏曰〕案《内則》正義: 「天子之閣于夾 者,門旁小户 注〕司馬 書,或以 後乃廣之爲樓觀之通名,如 五,右達五。』〔原注〕《檀弓》:曾子曰:「始死之奠, 板爲之。《禮記 此 以皮飲 謝在 相如《上林賦》: 繪像,或以 杭《五 食之所,即今房中之板閣 上故令賢私過光, 也。 • 雜 「原 内 俎》言: 「高廊 爲 則》 注》《説 登眺 四 注,重 『天子之閣,左達 文》。 「閣,夾室也,以 光警戒 蕭何造。 游 石渠、天禄、 坐 覽之所。 曲 董 衣 閣。」 賢 冠,出 或以 傳 門 閤 「原 藏 人 麒 而 與 待

置

0

日

知

録集釋卷二十

四

因 天壤」,臺彎新興 話録》卷五作 書局《筆 記 小 説 大 觀 》影 印 本 趙

注》 前 閉 唐 思 延 今官署 避 小 弘 大 望 朱 韓 暴 蕭 過 請 , 見 殿 制 角 當 門 傳 設 嚴 延 勝 博 望 薛宣謂 謂 門 賢 倣 也 庭 館 延 之傳 傳 壽 之爲 車 之正 之, 不 開 年 如 角 門 是 於 傳 東 迺 聽 傳》: 今之 雲日 門 東 而 其 凡 学言 》行行 直 召 卻 以 向 衙 出 閣 旁 引 旁 人。 官 指 見 母母 開 宣 也 且 以 閉 有 賓 縣 自 之。」「原 使 府 功 賢 政 天 閉 即 延 留我 延 角 客 至 者 引 至 閤 皆 曹 賢 子 謂 爲 東 賓 中 門 高 不 不 出 東閣 有 以 人, 不 之 晉 門 前 見,延 閉 館 不 閤 陵 注〕古・ 别 閤 御 太 閤 疑 殿 可 · 光 聽 八人卧 是 撂 ۲, 前 於 師 人 極 至 年. 數 以 也 官 不 閣 而 人坐以 古 殿 殿 門 掾 免 觀 ]。] 〔原 責 屬 漢 獨 既 宸 冠 四 日 傳 吏官 mi 有 ,勝之開 雋 方 書 下 頓 三公 御 爲 舍, 東 不 東 奇 車 注 此 首 也 紫 便 士。」故 向 閣 西 疑 屬 閤 閉 迺 又 公孫 爲 也 朱 宸 下。 傳 殿 閤 出 「原 尊 閣 閤 如 雪

臣。」而 故 伏於閣 黄闇。こ今代以 儀 謂 之遺意爾 録 可 閣 注 不 閨 而 者 乃 官 籍。」《 同 衆 内 謂 之黄閤 敢 開 自 事。』《 政 曹 閨 中 因 之「閣 殿 洞 司 大家傳 角 ۲, IE. 小 漢 室中之門 文翁 隨 即 之左 開 門 門 衙 鄧 門 從 舊 以 諸佐吏并 。」〔原 也。」太史公 琬 朱 傳》「諸 唤 也 也 昭 日 老 儀 傳 然 門 受 東上 仗 故 文 見, **>** ~讀。」 時 西 ^ 金 繇 注 日 生 以 淵 「太宗定 亦 蓋 喜 門 爾 閤 漢 一《宋 京 傳教 閤 謂 是 報報 亦謂 别 或 閣 雅 書 造 亦 右 旧 之人 門 琬 書 令, **\*** 於 用 藏 丞 則 始  $\Box$ 任 論 有 之金 亂, 而  $\Box$ 少 西 出 書 出 此 人 相 經 閣 白 卿 閤 進 上 主 人閨 小 多 『暴 字 爲 閨 官 聽 書 閣。 石 ,(原 子 而 未能 閨 而 志 稱 百 亂 之 閣 事 渠 勛 故 大學士主之, 謝 未 既 「身 謂 蓋 官 車 義 通 注 門 朓 以 「黄 除 師 校 以 騎 之 者 中 》唐 詩 候 原 直 古 黄 日 將 書 殿 閣 爲 本 閣 注 門 口 爲 朝 日 軍 黄 塗 六 F 閨 主 既 郡 天 官 自 。」「原 不 于 ・又開 典 閤 開 之, 簿 馬 後 閤 通 禄 閨 不 啟 衙 府 融 > 漢 金

之稱, 接 志》:「光宅元年九月,改門下省爲鸞臺,中 爲 作「儀」。推使當有坐者。夏報之曰:『蘭 之《三國志》注引《 仲 堂老,兩省相 書省爲鳳閣。」「原注」李肇《國史補 以爲常。」「原注 移之有?』 蘭 祕書署耳 輕外,故八 陳壽《三國志》評曰  $\vdash$ 丞,當以 扈從登黃閣。」《困學紀聞》曰 聯。 黄門 外臺,祕書爲 卿 」又≪ 作》云:「汝 至後 將 故 公事 ,謂夏爲不得 赴 呼  $\Box$ 座 漢 成 爲閣老。」杜子美《奉贈嚴八閣 黄 臺 尚書即古六卿之任 都 閣 移 始謂之「臺閣 〕魏張閣字子臺。 草堂 屈 内閣,臺、閣 蘭 是 左拾 無 魏略》曰: 臺。 途中 :「魏世事統臺閣,重 大家子, 仕 遺 以 寄嚴鄭公》詩 移、「沈氏日」「移」、抄 亦 蘭臺. 給給 折 東 事 省之屬 《唐書 中 自 「薛夏爲 一也,何不 自是之後,遂 《古詩 宦 屬門下 以 字相 於 云:「生 也。」裴 故 臺 老詩  $\Box$ 臺 省 也, 相呼爲 職官 官 祕 閣 爲 ž 開 理 曹 臺 松 相 書 内 而 焦 元 本 祇 口

> 稱。 而 閤 」之義。 則今之「内閣」實本於此, 憑黃閣 與唐之隨仗人閤不相蒙 《唐 老。」此 ·楊綰傳》:「故事,舍人年久者爲閣老。」然 其言人 特 借 黄 門 閣 爲 辦 黄 閣 事 而 丽 謂 也。 亦 非 人 本 於漢 取「三公黄 此 閣下」之 内 人 閣 臺 閣 之

#### 相

稱

,猶云「臺下」,古今異名,亦何妨乎。

令》「命相布 宰言「仲虺居薛,以爲 相。」然其名不見於經,惟《書 曰:『三公者何? 天子之相也。 官志》曰:「殷湯以 「爰立作相」之文,而《左傳》定公元年,薛 《管子》曰: 也。」正 德和令」,注:「相謂 義 日 「黄帝得 :「案公羊隱 伊 尹 湯左相。」《禮記 爲 六 右 相。』 相 仲 Ŧi. 自 宋 三公相王 説 年《傳 虺 陜 書 命 而 爲 月 百 東 有 左

國、丞 年: 立傅説 子》言「舜 者,在王左右之人。 則三代之時言「相」者,皆 六 范 處 (史記》「秦武王二年,初置丞相」。 [沈氏曰]《漢書》:「相 周 左右丞 如 乎内 相 人知事者特謂之相,故《史記 于 相,堯十六相 睢 周 公相 「太宰督遂 相,皆秦官。」荀悦曰:「秦本次國,命卿二人,是以 魏文侯卜相于李克、儲子爲齊相,不必秦國有之。 齊侯曰:『管夷吾治于高 湯」,「周 、蔡澤皆爲 公主之, 爲相, 相, ,是三公相 武 相堯」,「 而曰「王置諸其左右」,亦此意也 無三公官。」杜 Ξ 公相 自 《書》曰:「相被冕服 相宋公。」莊公九年: 爲 之 陜 秦相,後又爲 武 禹 類 王之事 而 主 相 王」、《禮記 西 耳。 氏《 輔 者 舜」,「益 相,不必 通 召公主之。』一 ^ 非官名,「原注 也。 左 典》曰:「黄帝 丞 傳 徯,使相 憑玉 至六 相 心解穰 相 名 明堂位 禹 桓 也 官。」是 几。」高宗 鮑 二,「伊 如《孟 或 公二 侯、 時 口 叔 相

官者。 司 子 相 相 景公而 季氏而非相 相 相 相 太宰亞於司  $\Box$ 殺桓公,以求 子》言子産爲鄭國相、《傳》止言執政。 注〕《荀子》言孫叔敖「相楚」、《傳》止言「爲令尹」。 相 也 楚王。 寇 或 爲大司寇,攝 焉』之相。」《史記・孔子世家》乃云「孔 上,杜 令尹、司馬 ] 暈欲求爲太宰,史公易稱相。 晉國。』」按 哀公十七年:「右領差車 之相 也。 昭 氏 定公十年,「公會齊 相之, 慶封 公元 〔原 魯君。 〔原注〕《禮記正義》引崔靈 寇,楚、鄭太宰又非 解 不 太 注〕《論語》:「今由與求也 宰、《史記 曰:「相,會儀 當 以 年 知 惟襄公二十五 相 伐 時 魯 事 爲左相」,則 無 陳。」又是 官名,皆 祁 》則云 」,是誤 相 午 名 Ē 謂 「君以 太宰元天官之長, 卿, 也。 侯于夾谷, 趙 有 不 以 相 與 則 我 文子 年,「崔 謂之相 恩 司 儐 似真以 太宰 爲 《左傳》羽父請 如 相夫子。」是 左史老, 云: 寇 相 相 官,而 木  $\exists$ 之 願 而 諸 定 相 爲 孔 無 相 杼 然宋 梁 是 淮 〔原 Fr. 皆 爲 小 名 大 立 非 相 相 南

左

言孔

子相衛,尤妄

五大夫者 , 司 馬兼 ,司徒之下立二人,小宰、小 宗伯 司 空兼司 寇。 卿 司 之下 徒; 百 有

卿

司

徒

兼冢宰

ti.

大夫。

馬之下以其 季三卿爲政,又 也 ,從小司空爲小司寇也。」崔所以知 立二人,小司寇、小司空。 事省立 有 臧 一人,爲小司馬,兼宗伯之事,司空之 氏 爲司 寇,故知孔子爲 今夫子爲司空者,爲 然者,魯 小司 有 小司 寇。 盂 叔 按 卒

爲司 時同 卿之制 注》引此,亦不覺其誤。 寇,此豈猶是小司 在卿列,則 ,即魯三家之外,有東門氏、臧氏、子叔氏,宣、成 亦儼然六卿矣。 寇職乎? 〔梁氏曰〕春秋侯國多不遵 臧宣 昭、定以後,臧氏替, 叔、武仲皆以 世 而 卿

集

空,皆卿也。」然則臧紇爲司

寇,亦小司寇也。

朱子《論

語

正

左傳》隱二年

司

空

無駭」,杜

氏注:

「魯司

徒、司

馬、

司

而

下大夫也。 以孔子居之,亦事 [又曰]誤非始史公。 毛氏《經問 理 所 》謂夫子由 有。 《晏子春秋 史云大司 小卿 寇,别於小司 司空進大司寇,良 外篇》「孔子聖 寇之

是。

相

力辨孔子以卿當國,余未敢以爲然。 爲魯相」,王充遂有孔子爲相國之説。 」、《荀子・宥坐》篇「孔子爲魯攝相」、《尹文子》「孔子 又《韓子・外儲説 而 《經史問荅六

#### 將 軍

及六 伯 叔向 智 傳 者」、「原注」《盗跖篇》。 子爲將軍」、《墨子》「昔者晉有六將軍 於此。」《公羊傳》「將軍 女寬對魏獻子曰 軍,太子申 之將軍之印」,而《國語》亦曰「鄭人以詹伯 謀  $\stackrel{>}{\approx}$ 義 伯莫爲 未以爲名也。 曰 : 使狐夜姑爲將軍」、《孟子》「魯欲 國以來,遂以 日 曰:「此以魏子將中軍,故謂之將軍 春 秋 晉六將軍」,又曰「魯君召子貢,授 晉六將軍,其孰先亡」,「張武 强焉」、《莊子》「今將 生將一 傳》: 下軍。」是已有將軍之文 贵 至昭公二十八年,閻没 晉獻 將 《淮南子》「趙文子 將 軍 軍食之而有不足」, 子 公作二 爲 重 官名、蓋 諫 軍,公將上 曰」,《穀 軍 兼 其元 此 爲 問 使 慎 梁 起 智 於 而

九二四

則定以 官」、《通典》曰「自戰 百官 與秦戰,秦敗楚,虜 爲 之右將軍」、《越世家》「范蠡 梁王虚上位,以故相爲 魏世家》「令太子申爲 景公以爲將軍」、《封禪書》「杜主者 衛將軍文子之喪」、《史記 將 嬖大夫,十旌一 表》曰「前、後、左、右將軍,皆 軍」,又曰 爲官名矣。 二吴 [汝成案]「衛將軍」「 王夫差黄池之會,十行 其大 將 國置大將 軍 上將 將 上將軍」、《漢 軍 軍」、《戦 禮記 司 屈 稱 軍,楚懷 丐。 馬 上將軍」, 衛」字衍 穰 檀弓 「, 故 苴 或 周 至漢 書 策 傳 末  $\pm$ 周

## 相公

曹操始以丞 公」、〔錢氏 前 代 相封魏公,相公之偁,自曹孟德始,前此 日 拜 西 相者 漢 丞相 必 封 封 侯,東京三公不封 公,故稱 之曰「相 侯者 甚多。 未之

> 震天 不相 宋。 公而 子亦 李善長、徐達,三百年來有此二相公耳。 爵 有 也。 爲 稱相 王 威」、《羽 者 魏王粲《從 有相 無 「相公二 荀 若封王,則稱 常遇 Ŧ 相 顗曰 矣。 而不公者,胡 自洪武 相王尊重 獵 春之倫 字似始 即初年之制,亦 賦 軍 行》相 中革去丞相之號 」是也。 相 見 相 是 E 惟 公乃 此 也 庸 公征 晉簡 「原 是 乘 封 文帝 注 也; 不盡 關 公拜相 輕 一司 右,赫 及 軒 有公而 會 馬 沿 测則 稽 文王 駕 唐、 Ŧ. 怒 有 几 惟 道 進

### 司業

也。 官之長,司主此業。 義 在 ~禮 唐歸崇敬授國 國子司業,以 記 》『樂正 爲生徒所執之「業」,非 司 子  $\wedge$ 業』。 爾 司 `業,上言:「『司業. 雅》云:『大版謂之 正,長也,言樂

所 且. 之「兢兢業業」、《詩》之「赫赫業業」、「有震 書『懸者常防其墜,故借爲敬謹之義、《書》 注〕宋徐爰誤解 子卯,謂之疾日,君徹 雅》「大板謂之業」,左氏 栒 此 事 尚 禮記 太 樂,於義 則 業。』按《詩 執之事 業」是 》之「進德修業」,「可大則賢人之業」, 爲 不行。 書集百 業 「業」字。《傳》曰:「業,大版也。 師 縣 氏,司業 是 • 檀弓》「大功廢業」, 竝謂 也。 懸 也。 無取,請改國子監爲辟雍,祭 亦當敬 按《靈臺》之詩曰 僚 鍾 • 此義,而曰:「大功廢業,三年喪,何容 定議 捷業 「原 磐之簨虡 周 一爲左師,一爲右師。」詔 注〕《爾雅》:「業業,危也。」凡 頌》『設業設虞,崇牙樹 謹 以 如 故借爲 聞 鋸 齿, 0 也。 宴樂,學人舍業 昭 議者重難 或白 九 事業之義、《易 今太學既 年《傳》「辰 畫之。」《 此 改作 也。 所以 一, 即 酒 不 羽 「原 其 人 在 爾 飾 F 爲 教 讀

> 書》。 惟 然三代《詩》、《書》之文並 盛 勤 德大業」、《禮 語 乃 出於 記》之「敬 梅賾 所 無 業 此 上之古文《 樂羣」是 義 前 業 也 尚 廣

《書》,其時未行。 《周官》篇有「論道經邦」之語,蓋梅 「論」字。 無 『論』字。 梁劉勰《文心 亦足以察時世言語之不同矣。 《六韜 然即此二字,「原注」「業」字 雕 龍 》謂 論」,後 || 論 人追 語》 **」
賾古文之** 以 題。」今 前 經

## 翰林

北 謀 本以文學、言語 原 有門 議 注》。雍 納諫 唐書 榜曰 録 ¥ ∃ : 「翰林之門」。」唐制 争。 職官 「翰林院 耐 備 志》日 翰 顧 在 林 問 大明宫 院者 出入侍從 : 「翰 : ,待韶之所也 右 乘 林 銀臺門内,稍「退 輿 學 所在,必 , 因 士之職 得

九

六

學識 告悉 旨者 宗 德 謀 内 始 中 直 有 官不 李白是也。 安貞、張垍 制 舍人掌之。 外 於 好 改 文 重 密 命 文,尤 多至 至 表 者 繇 别 辭 見於《唐六 者 翰 詔 猶未有名號。 玄宗之代,張 疏 中 院 皆 林 經學之士,下至卜醫、伎術之流 人爲 然 宰 德 翰 書 批 從 供 以備 等召人禁中,謂之翰 難 太宗時,名儒學士時 相 亦 林 以 一, 每 答、 中 奉 其 。」(原 承旨 未定名制 供 後,天下用 出 爲 燕見,而文書、詔 選。 應 典》,蓋 多 奉, ,置學士六 學士,别置 壅 和 注 ,「原注 以獨 乾 説 ]参取 貞 文章。 滯,始選朝 畫書成 陸 封 元 小亦 當密 兵, 新 以 以 開 堅、 有 舊 於張 後, 人, 無官 後,始號 學 繼 軍 元 命 張 或 士 二十六年 以 林 官 令則 爲 内 時 志 故 而 院 詔 九 九 待 多 得 學 有 擇 任 世 專 人者 龄、 務,深 敕 詔 士: 年 北 辭 以 中 而 掌 如 門 皆 其 承 深 文 掌 草 書 其 德 蓺 徐

> 連筴。 職乎? 奚異? 御 講 年 以 立 耐 官 兼  $\vdash$ 時 班 失其 盡 也 諫 史有彈劾之責, 翰 貫 坐 尚 争、彈 歷朝 于 職爲出位,孰肯爲 奚異? 致 林居天子左 未 館 今之人不以爲其 科、道上、謂其 明之翰林皆知其職者,諫争之人接踵 也。 今獨謂 閣 經 置 劾。 制 爲 也 人 徒以 制 務 御 耐 儲 0 面争 爲明 史爲言官 造文章,所别 右 相 耐 文字居翰林 陸 地 近臣 兼 爲 體適 盡 于 當即 氏曰]士子登高 諫 、職、或 近臣 職者 左 争。 也,居近臣之班可 而 右 用之學,則 以 取 則 翰 也 翰林不當 出 相 者,是 其 諫其 林 業期 而 忠, 諫争,所 有 上 制 失也 技 之。 第者 得 而 書 之矣。 議 而 有 造 陳 文章之事 宜 己。 人 人 其 諫 事 同 不 (言爲 翰 書 先于衆 院之後 也,其 諫 知 其 **が** 且 林 争之辭 知 近 爲 出 翰、 刑 不 臣 其 諫 爲 人。 之 宜. 也

嵩 志》。 祝、 其 蓺 書 Ш 官 術 陸 道 畫 藝、書 舊 之徒 贄 士吴筠,乾 原 書》言:「 注》通 與 奕 吴 ·, 待 通 各 玄傳 詔 别 翰 玄 元中 翰 有 院 林 林,比 其 院,有 隙,乃言「承 以 占星韓穎、劉 見於史者,天 廩之。」「原 無學 合煉、 <u>±</u> 僧 平. 注 烜 道 ⋛職 寶 請 時 一,貞 初 罷 工. 1 官

千二 星、射 以 倫没人官 善 日 本 待 寶 + 道 柳 林不皆文學之士 尹 翰 元 文宗 格 供 林 司, 詔 曆 士: 泌 末 天子, Ħ. 而 善 年二 白 伎 孫 奕 召 韋 待 賜 覆、冗食 以 其 浮 年 準,并 待 七 術 碁 碁 輸黄門 别 翰 百 名 初 屠 詔 者 + 官 + = 月 王 物 林學 日。』」〔原注 亦 上 大 坐 王. 人。 在 并 叔 丙 待詔 養馬。 以 通 積 法 焉 者 總 月 文、 免, 1: 午 薪 寶 占 上 「原 矣。 四十二人。〔原 章 監 庚 故 翰 Ŀ 星 師 日 侍 罷 又 曆 諸 亦 注》《文宗 申 林。 古 書 服 待 : 書 有 -,省教 翰 如 初 願 趙  $\exists$ 色 雍 詔 畫 養 王 賜 林 「原注 善 黎 録 璘 職 「黄門之署、職 續 T. 翰 馬 伾 奕 Ĕ 君 醫 こ又武 ^ 幹 掌 紀 黄 有 林 因 坊 門。 小 王 子 内 工. 雖 元 待 注 漢 話 樂 倚 説: 小 官 帝令黄 詔 此 冗 和 二《順 而 金 吾 官 相 録 人 玄宗 日 口 員 至 丘 欲 賱 末 貞 任 W 宗紀 磾 壽 不 共 京 先 知 翰 唐 方 云 親 元 門 與 王 時 占 近 口 賜 翰 林 兆 觀 1: 畫 弟 以 有

> 奉 能 《周 翰林者 養 公負 馬 者 成 Œ 能 Ŧ 圖 用 繪 此 畫 以 例 者 賜 也 皆 霍 光 得 居 則 之。 是 黄 故 門 知 之 唐 地 世 凡 雜 善 藝之士供 格 Ŧi.

之,謫 陳』。 州 宗之心 詩 嘗 蕘之言, 坊 進 職 莊 院 啟沃之言 恐非 判 伏 致 於 昶 詞 雖 官 讀 語 君 臣 成 今張 懋  $\Box$ 宣宗 上 譔 化  $\approx$ 故 仁 於 各 臨 供 疏 ? 以 詩  $\equiv$ 惟 言 此 義之言。 燈之舉, 武 不 調 奉 年 自 詞。 章 古 知 敢 外 等 文 義 皇 取 不 縣 以 事 字, 以 用 翰 與 編 侮 帝 可 是 明 恐非 仲 林 仁. 然鄙 修 臣 慢 妄 御 曲 年 切 已 之官 昭 章 不 等 引 陳 製 Ŀ 禁 堯 而 湘 堯 懋、 俚 敬 知 宋 于 ^ 元 舜之道; 諫 止 舜 潭 翰 陛 之 不 以 上 祁 黄 張 官 之道 知 林 下之 罪 經 論 上 蘇 仲 爲 縣 燈 箴 伏 之 思 怒, 之申 軾 昭 昶 心 鄒 ₹, 臣 詞 應 代 命 願 之《 等 桂 命 即 有 贵 采 制 孟 言 檢 翰 陽 杖 菊 祖 之 教 以  $\vdash$ 又 宜 爲 討 林

乃 改 司 司 懋 副 仲 昭 自 南 此 京 翰 大 林 之官 理 寺 重 評 事 昶 南 京 行

## 洗馬

馬 書 韜 前 衛 E 王 霸 馬 南子》云: 非 中 引 編 子  $\pm$ 《荀子》: 之號, 張 百 導之人 \*\displaystyle \textsquare \te 而 賈誼 Ш 越 賞 晏日 官 先 之君 語 及 表 馬, 気新 鑄 爲 爲  $\stackrel{\smile}{\sim}$ 牛 也。 「先馬,員十六人,秩比 隨 金 天子出門,「諸侯 一句 梁 吴 吴 書 太子 豎、 以 而 Ŧ 兵 王 》:「楚懷 踐 亦 象諸 馬 趨。 洗馬。」洗音 御 先 身親 有 太 洗、 馬 傅、少 稱 宋 然 侯 爲夫差前 走。」「原 廄 則 王 人 Ŧ. 馬 養 驂 君,令大 「洗馬」者,馬 無 傅 洗」者。 持輪 之徒。」《 乘,滕、 道 统 屬 注」當 馬。 官 而 挾 謁 或 有 欲 輿 作 薛、 先 漢 之 吴 淮 有 先 韓

> 《 莊 式,居 若、 先 云三王 凡 謵 子 有 或 \* -朋 馬 牲 作 前 式 前 事 洗」。」又考《 黄 馬 則 卻 則 帝 下 行 前 將 前 馬。 備 見 馬。」 驚 大 周 注 奔 隗 是 禮 也。 乎. 此 王 具茨 官 齊 又《道 見 古 右 牲 之山 有 職 則 之矣。 右 拱 云 張 職 而

## 比部

唐 也 家 比 司 几 車 計 簡 曹 時 。』《莊子》云:「 爲 則 大 閲 受邦國 刑 比 周 夫。 民 部 通 禮 故 數 有 典 以 咸 之比要。」 及 刑 小司 比 亨 其 比、 爲 元 財 比 徒 禮法 名。 年 「原 部 物 **\***: 注: 也 復 郎 注 度數, 及三 中 音音 今 舊 大 時 鄭 毗 龍 年 比 天 八 口 刑 朔 都 則 農 月 寶 名 謂 官、 大 云: + 案 年 比 使 比,大 詳 比 司 改 天 載 門 爲 是 下 Ŧi.

部。

故

昔

人

有

刑

罰

與

賦

斂

相

爲

表

裹之説

堂

考索》:

一會計

逋欠,每三

月

比,謂、

之比

形

寡

登

耗

之

數,考其陷

失

而

理

其

侵負。」《

Ш

員

員

今四

曹改爲

十三司,

而

財

計之不

關

刑

部

盡

猶稱郎官爲

比部

何

邪

從 倉 郎 比 皆 課 之。』《楊炎 勾 書 又 所 庫 中、 部 納 程 諸 改 • 隸監 出 覆其 於左 司 職 比 員外郎 逋 納 百 官 部 懸數物, 司 寮 出入。」《宋史· 在 藏 志 傳 爲 檢察以 俸料、公廨、贓 官 庫, \* 可 之物 掌 計, 而 比 勾覆中 周 初, 國 太 部 上 下, 皆 至 知内外之經費 府 郎 比 德 中、 月 四 部 家 外帳 職 初 計、 ·, 至 時 舊 贖、 員 官 復 以 制 外 則 季考、歲 1志》: 調 籍、凡場務、 舊 天下 數 郎之職 審 斂、徒役、 聞 覆 而 比 舊 其 尚 總 財 會 掌 多 部 勾 書 賦 唐

傳

居

#### 員 外

之「員 部,多引 耗。」事在中宗 啟末之「添注京堂」。 勢與 《外官者又將千人。」《册府元龜》: (外官,自京 革。 不 濟 見 相 得過 曾 任 位 (正官 員 (外置) 用 故 員 嶠爲吏部 外之官本 ,奏置員外官數千 經 權 争事, 外官 <u>Ti.</u> 肅宗乾元二年 勢, 司 任 同 及諸州 人,中 請置 使 IE. 百 并 神龍二年。 州 司 員」者,迨乎玄宗, 時 員 爲 紛 凡二千 以 縣 任 州 外 志 競, 冗 官 至官 所 其 不 秩。 至 欲 餘 資 所 得 有 Ŧ 九月 人, 曲 適 者, 寮倍 人。 「原 過 相 餘 《舊 「李嶠 **歐擊** 宜 行 員。 注 四 亦 詔曰 官 「原 私 其 || 通 唐 多 人,下 聽 者。」 其 幸嗣 超 惠 中 注 書 員 遷 量留 鑑 一猶 有 猶 外 府 又 冀 V. 七 • 州 官 同 品 近 應 材 不 有 「大置 庫 李 得 悉 居 以 H 不 識 州 能 謂 減 復 嶠 F. 天

九 九 州

幹

縣

稱 郎 得 可 云 初 員 也,不宜沿用。 乎 外」。 過 而 其遺 取 爵 蓋外郎 人 名 必 諸 號矣。 員 也 臣 外, 無 IE. 今六部 縣 未 員, 名。」 於 已 考 而 義 F. 源 此 員 則 外 何 不 則 流 郎 斜 有 居 得 員 不 有 封 過 也 叮 亚 省 墨敕之朝,不 孫 名 當 去 人 氏 實 繇 郎  $\Box$ 副 定 |字,單 今 子 制 則 郎 不 之 副 俗 稱

#### 主事

乃 懷 過 事 以 蕃 於 孝 謝 恨 爲 如 廉爲 掾史之等。 光 後 之。 投 諸 禄 漢 版 郎 光禄 光 勳 而 棄 之中 禄 滂 張 官 勳 主事,其 霸 執 而 察茂 故范滂 有 公儀 戴 去。 南 封 材 北 他 詣 後 遷 者 廬 戴 府 蕃 大 爲 光 主 就、公 寺 之, 郭 禄 事 蕃 則 主, 主 泰 主 亦 然 不 之言 沙 事 不 聞 其 穆 時 止 職 署 有 并 之 此 滂 陳

宋

史

職

官

志》:

門下

省、「吏四

+

有

九

下云: 欲 + 從 隋 名 中 左 手。』」《元載傳》: 官。 行 遂 比 上 并 吏。」至 金吾 書 八品 成 參 四 煬 來 流 也 凡麟之裁定, 主 「原 門 故 帝 用 選 司 外 大將 事 下省主 注》 下。 事 及 去「令史」之 後魏則於尚 土 爲之, 補 其下 卓 宋 軍吴湊 英 門 皆 流 裴光庭 書 倩 望 下 而 。 皆 有 「大曆十二年三月 光 以收載 取 • 李待 事 尚 有 劉 省 主 庭 傳 以 舊 百 四 釐 中 祥 書 輒 榮 事 及王縉于政 官 人,中 書 然 儔 任 革 名 書 道 省 及 , 本 可。 任 志 類 流 載 諸 都 上 主 門下省 稍 但 男 爲 外 用 事 疏 司 時 書 事 清 仲 日 事 中 庚 語 恥 有 置 武 言: 省主 三主事 武 堂 主事 其 主 六 辰 H 書 刀 主 官 季 Ŀ, 選。 書、主 各 一尚 「麟 筆 前 通 閻 事 熊 留 事 宋 御 麟 之 事 之 後 延英 四 繫 從 并 事 書 之專 令史」, 改 人, П 本 舍 相 事 收 省 竟 九 用文 殿, 光 唐 所 主 承 縱 并 品 不 時 并 命 庭

事,前 録  $\pm$ 永樂十 史之任也。 清秩,封 「自樞密院小史遷兵房主事。」《楊億傳》: 景亮被 事 人,守當官十有九人」。 [原注]《魏仁浦 宜 主 還認 黄簿王太冲爲大理 应 事 年,永 勘 書。 各 明初設六部主事 未幾、太冲補外。」是在前代皆掾 三人,令史六人,書令史十 新伯許 |丞評 成以擅杖工部主事 事,億以吏之賤,不宜 ●意亦做此 「時以吏部銓 有 主 任

#### 主簿

前,以 故 此 疏 官, 云吏當持 云:「簿書者,古有簡 以下, 御 笏記 周禮》「司會」注:「主計會之簿書。」 史大夫張 事。 簿,簿則簿 則寺 後 監 忠署孫 代 以及州郡 用 書 策以記事,若在君 簿。 [也。]漢 寶爲主簿。 簿,今手 并多有之。 御 史臺有 版。

> 不 親 皆有。」又引「晉習 杜 日)三十 氏《通 如 遇深 下 衆事,省署文 年看 詣 密,時 典 習主 | | | | 信儒書 人語 海。』 」云云,即 佐」條 **整** 齒 書。 曰:『徒三十 在 下云: 温 當時 爲 漢 語,非 制 桓 爲 時 温 也,歷代 主 要職。 人語也,豈 <del>·</del>年 荆 簿 看 州 主 儒 「楊氏 至隋 郊公 簿,

## 郎中待詔

誤耶?

筆 書 皆爲[司務」。 言 中」,鑷 鄭注傳》: 記》:「北人謂 北 莊宗好俳優,宫中暇日 工爲「 人 謂 「以藥術依李恕 醫生爲「大夫」,南人謂之「郎 「待詔」,木工、金工、石工之屬 其名蓋起於宋 醫爲『衙推』、「原 ,自負蓍囊藥箧,令繼岌破 ,署爲節 度 時。《老學巷 衙 推。』《北 注》舊唐 夢 瑣

❶ 「明」,據《校記》,鈔本作「國」。

九三

待 申 樂志》: 録》:「洪武二十六年十二月丙戌,命禮部 此 唐、五代郡僚之名,或以其巡游賣術,故 内 帽 ·韶、大官、郎中等字爲名稱。」 禁軍民人等,不 相 稱。」亦莫詳其所始 自稱「劉衙推訪女」。」卜相爲「巡官」。 隨; 「隋末,河内有人貌惡而嗜酒,常自 以 后父劉叟以醫卜爲業,后方晝寢,繼岌造其卧 得 用 也 太 孫、太師、太保、 「原 注》《舊 號郎中。」《 唐書 巡官 實 有 音

#### 外郎

騎 等。 掌三署,郎 中 始皇紀》「近官三郎」、《索隱》曰:「三郎 郎、外郎、散 皆無 其散郎謂之『外郎』。」今以之稱吏員 今人以吏員爲「外郎」。 員,多至千人。 有議 郎 郎、 。」《通典》: 中郎、 侍郎、 掌門户,出 按《史記 漢 郎 中郎 中, 充車 將 凡 刀口 謂 分

乃世俗相褒之辭。

#### 門子

直 監 封 僮 子絶異。 有豪族數百家,子弟縱橫,遞 傳》、《國語》所稱 也 裕傳》「吐蕃潛將 ,少者補 殖,百姓甚患之。瑀召其老者爲 0 執衣,皆中男爲之。」 (原注)王智興 門子者,守門之人。 《梁書 今之門子,乃是 縣僮。』《唐志》: 「門子」,並卿大夫適子之稱,與後 沈瑀傳 爲徐州門子。 婦人嫁 **>** 爲 南 與此 (沈氏 《舊唐 二品以下有 朝 相 餘 時  $\Box$ 州門子」是 庇 姚 》周禮 所 薩,厚 令, 石 謂 李 頭 縣 世 白 倉 自 縣 南 德 門

#### 快手

悉 高 〔原注〕《南史》作「快手」。 素傳》:「左右勇 能 傳 (原注)袁粲。 約《自序》: 黄囘 配 帝紀》: 》:「東從舊將猶 細直吏快 精 傳》:「募江 快手」之名, 手 利器,尚十餘萬 「王 蕴 《梁 「收集得 手 復 書. 將 士數十人,并荆 有 西楚人,得快射手 數百 三千: 有 起 武 二千 亦有稱「精手」者。 六隊千餘 自 帝 精手,帶 餘 精手。」《南 人。 紀》:「航 人。」《 宋 書 人,西 • 甲 建 楚 王 南 赴 史 快 平. 八百。」 大 粲。」 手。 將 鎮  $\pm$ 路 沈 齊 景 及 惡

#### 火長

今人謂兵爲「户長」,亦曰「火長」。崔

解 伴。」柳子厚《段 隊將,十人同火。」《木蘭 謂之「火」矣。 有 志》:「五十人爲隊,隊 爲 伍 制 日 豹《古今注》:「伍伯,一 甲 兵五 一, 五 長。」又云:「十人爲火,五 列,二列爲火,五火 火伯,以爲一竈之主也。」《通典》: 散還火伍 長爲 人一户竈 伯, 《 宋 書 • 故 中。 太 稱 · 置 尉 |或作| 伍 逸 有正。 ト天 一伯,故 伯。 伍 事 爲隊。」《唐書 「夥」,誤。 詩》:「出 |之伯・ 狀 **\*** 與 火爲團。」則直 十人爲火,火 日户 傳 叱 也  $\mathbf{E}$ 户 門 左 伯 伯 Ŧi. 五人 • 兵 右 看 少 人 皆 火 爲 亦 漢

#### 樓羅

含 頡 俱 咄 録, 登 唐書 密 華言 施 • 含 巴 婁 俱 紇 羅 傳 録 也 英 義 蓋 加 建 聰 册 明 功 可 才 毗 汗 敏之意。 伽 爲 可 登里 汗。

不? 染干 網 起 有 夷之儀, 鶴 諸 西 林 雀 稱 行 鮮 君 陽 玉 其 伍 卑 昕 樓 露》: 似 口 雜 『樓 征 聚 婁 日 羅 俎 道 謂 僂 儸 羅」,自 『樓 羅之辯 伐 語 影 人著。』《 樓 我 稍 輩 羅 崔 梁 有 \ \ \ \ \ \ 俗言猾 羅 兒 元 是人目爲『小樓 , ° | « 昂 功。 南 矣。」「原注」今本 樓 帝 戲 Ŧi. 北 也。」《宋史》:「張 羅 齊  $\stackrel{\cdot}{\sim}$ 質 問 風 代 史 書 狀 實 昕 人 史 • 小 顧 自 辭 王 日 • 而 歡 \*\frac{\times}{\times} 難 : 昕 劉 [羅] 焉 精 論 解 傳 作 銖 頗 悍,太宗 云 一樓 傳 解 時 城 思 儸 嘗 鈞 唱 此 蹲 頭

#### 白衣

之者。 名 一; 升 白 秋》, 爲 衣 天 風 者, 子」, 俗 白衣爲天子三公」、《後 庶 通 人之 史記 舜、 服 禹 然 儒 本 有 林 以 傳 É 以  $\approx$ 處 衣 漢 公 砥 士: 書 孫 而 行 弘 顯 稱

> 陽 屬, 傳 傳 傳 武 出 給官 書 右」是· 崔 充 左 坐,望見白衣 胡 高 選 右 秋 門 駰 奮傳》「宣帝之伐 薦 白 》「陶潛 望, 蘇 府 兩 與 傳 祖 亦 也 趙 É 伯  $\stackrel{>}{=}$ 有 白 龔 衣 白 趨 見 修給事 衣 玉 白 衣 憲 傳 左 走 衣 白 有 左右 九月 妻《盤中詩》「吏人婦 禰 諫 衣  $\approx$ 右 賤 南 人,乃王弘 以 衣 衡 以 聞 安朱 百 人,若今諸司亭長掌 東宮 庶 ^ 之白 爲 九 跌 謂 八 南 人在 蕩 不 日 當是,而 冲, 十人。」《 史 遼 [衣], 宜 無 放 爲白 • 東,以 官 送酒」 言 與 可 酒,於宅邊菊 恩倖 白 衣 而 爲 師 更非 稱之者。 衣會」,《 左 魏 是也。 白 太 古 晉 右。」「茹 書 孫 衣 書 曰「白衣 ,會夫希 侍 師 固 從 宋 續 恩 叢 傅 閻 孔 Ż 主 漢 左 倖 老 纘 融 皓 中

出 軍 唐 人環指之 李 泌 在  $\vdash$ 肅 宗 「衣黄者,聖 時 不 受官 帝 人 每 也 龃 衣 沙

白 雜 志》言 ,今非跨馬及弔慰不敢用 者 Ш 人 也 前此 則 仕 天 族子弟,未受官者皆 子 前 不 禁白 清 衣 波

王宫。」《漢 史記 白衣但官 趙世家 書 府之役 谷 願得 永 耳,若侍 傳》:「 補黑衣之缺 衛 擢之阜衣 則 、以衛 不 然

杜子美 《記》曰「治其 深 衣 ≪ 詩 也。」古時 詩 \*: --麻鞋見天子。」然則深衣亦用白 、麻絲,以爲布帛」是也。 〔原注 麻 未有棉 衣 如 雪。」 布,凡 鄭 氏 布 皆麻 爲 麻 之, 衣,

郎

注: 易之、昌宗有 門生、 郎 者,奴 家奴呼 人僕稱 寵 其主爲郎,今俗猶謂 · 武 其主人之辭。 承 嗣、三 思、 之郎 「原 懿宗、宗 主。 ※注]《通 唐 楚 張 鑑

官,但 安禄山 客、晉 當爲 郎 周 孫 傳 郎 衆,軍中呼爲獨 書 八、未被舉,而僮 吴,時年二十四,吴中 其名起自秦、漢郎官。 爲「七郎」。 <u>F</u>. 中丞奈何卿 世 郎。」《世説》: 》:「孫策年少,雖 0 郎 温大雅《大唐創 以 卿。 獨孤 陳少游 呼 」,昌宗爲「六郎」。 卿 德李林甫,呼「十 貴公子,又尚 等 足下 Ŧi. 候 信 李輔國用 郎 謁 五郎?」璟曰:「以官言之,正 其 少 非 中 門 孤 年 桓 隸 張 庭, 郎。』 -, 好自 官董秀,稱「 程 已呼爲 石 有 卿家 業起居注 公主 -皆呼 事,中 争 元 虔 《三國志》: 位 郎。 隋 振, 執 小字鎮惡,年 號 修 奴, 鄭杲謂宋璟曰 ,時人號 爲周 鞭 鎮惡郎。」《後周 前 書 飾 - 貴 軍 何郎 服 轡,呼易之爲 王繇 人不敢呼其 七郎」是也 士民 中 郎。」《江 「滕 周 章 呼 之有?」 日 皆 有 謂 王瓚 文武 楊三 殊 + 呼 瑜 王. 爲 表 鉷 於 至

愐 堅傳》: 官人并未署置 郎」,今則輿 謂之三郎,亦唐人之輕 郎。 「三郎當殿坐,看唱得寶歌。」玄宗行第三,以天子 自 唐 臺 以 一,軍中 厮 後 養 薄也 無 僮 呼太子、秦王 不稱之矣。 僕 稱 主 人 「原 爲大郎 通 注》章 謂 之

餘歲,恒呼固夫婦爲郎、婆。」《北史・節義傳》:「李憲爲汲固長育,至十《北史・節義傳》:「李憲爲汲固長育,至十又按,北朝人子呼其父亦謂之「郞」。

#### 門生

受業者爲 今宙碑殘缺,其姓 子及門生爲千乘王 生」爲二。 漢 世公卿 後漢書 弟 歐陽公《孔 多自 子」, • 賈 教授, 逵 轉 名 或 傳》: 邑 相 聚 宙 郎。」是「弟子」 里僅 傳授 徒 碑 皆 常數百 陰題名 者 可見者, 拜 爲 逵 跋》曰 門 人,其親 所 與 纔 生 選 門 六 弟

> 日: 未録。 文學可弗慎飲? 通 里小兒,略涉文翰,便自立義,諱 逮。 引 門生之名冒弟子之實,于是贄執上官,論丐國 《郅壽傳》:「時大將軍竇憲,以外戚之寵威 奄人也,安得有傳授之門生乎! [汝成案]自 兆界辜榷官財物七千餘萬。」憲,外戚,甫 託。」《楊彪傳》: 傾天下。 以受學者爲弟子,其依附名勢者爲 人,故吏者八人,故民者一人。」愚 十二人,其稱弟子者十人,門生者 一数曲 用 「君子易事 曠 博聲稱。 首鼠兩端,出 廢 偶 職業、恣爲耀譎 值勢衰,轉 憲常 而 賄諂顯行,名曰親厚; 難説 處 使門生齎書詣壽, 譏彼其。 也。」昌黎 「黄門令王甫 轍,恬 ,浮薄之風 援 不 <u>:</u> 知怪 邴 굸 其師。 原 莫斯 「聖人無常師。」公卿 纂述微聞 抑 以 ,使門生 自 陋矣。 又 組 解 (甚焉。 綬下 士,以 有所 幸景 謂 四 說 門生 至 吏, 一於京 漢 + 孔子 云津 速援 桓 于 請 2 密 鄉

也。《宋書・徐湛之傳》:「門生千餘人,皆《南史》所稱「門生」,今之「門下人」

飹

止

之。

《宋書

顔

生,充朝

满

生

始

生持

胡

牀隨

後

工始

下

插」,《

劉

將

門生自

隨

送錢二千, 野,殆 「坐門生斫傷免官。」《南 》「周 人所執者奔走僕 」,《后 王志 來 是 瓛 傳》:「奴僮既衆,義 竣 姿質 盈 赴變,又被斫」、「錢氏 嵩 啟 事 將 協 也。 傳》「游 劉 傳》 滿 協, 上 嫁 被驅急,狼狽 Ŧ 妃 怒,杖之二十」,《南 懷珍傳 端 門 女,門 計 多 傳 其 知 泥 生千 妍 影門 其 詣 初至,皆 假 雨 衣 廉 故 生 梁 日 資 隸之役。 人充宿 生王 服 史・齊東 潔,不 人,惟 斷 書 禮 懷 悉 鮮 步 道,斫 解 人 • 清 珍 故 以 麗 走 衛, 日川晉 敢 顧 爲 錢 北 與 門 後 厚 協 門 爲 門 晉 墓 唯 昏 傷 孝 州 生 車 每 兩門生 名,與 未 職、多用 財 進身之路 六朝所 門 私 賤 先。 書 宗傳》云「白從 史 疋,察厲 知門生 賄 門生、蓋 미 生 • 以 領頭 知 隨 顧 姚 稱 爲 可 兩門 有可入仕之路,亦不得謂非 之者 琛傳》: 察 以 惟 同 聲驅 見當 生 傳 此 席 所 可以 坐。 陸 Ŧ 以 日

書・周

顗傳》:

建康

左

尉

侯紀》「丹陽尹

書

· 劉

隗

傳

武

大驚。」其

舊

姓

門

附殷

積

數

百

南

齊

書

出

行

游

· 塗

巷

 $\equiv$ 

一吴富

人之子,

載之。』《

謝

靈

運

富人子弟多有爲之者, 稱主人翁。」《顏氏家訓》亦以門 「原注〕《陳書・沈洙傳》:「建康令沈孝軌門生陳三兒牒 謂之「白從」,以其 矣。〔錢氏曰〕琛以宗人碩 「門生」,不過 入者各有差,不得 》 有 出」是 慧曉 琨爲 尚 年 規 矯 王永先」,又云 坐 -資得 制 蓋 如 門 遺 時 吏部 爲 書寺 其 出 也 嫌從之類,非 也。 生 吏 官 人之弊乎 時 自 送 免中 部 ,故不惜身爲賤役, 仕宦 顧 門 生、 故《南 尚 1公卿下 南 氏 雜 有 異 Ē 書 皆 僮 謂 布 在 頭寄尚書 以 於 其 制 世 僕 官 Ŧ. 受業弟 ? 梁 非 至士大夫,例 族 齊書 人士。」其 并 人也 晏 在官之人。 「門生王 端, 八座 在官之人 稱 傅 典 而 趙 選 寒 子 昭 張茂度門 花 氏 而《宋 以 内 Д. 也。 人 不 謝 H 練 外 則 有 下 蓄 冗 永 超 觀 用 要 出 無 然

傳》: 人捐 襄公二十九年「 水而 守門之人亦 「閻者何? 夷射誅。」 閽 門 有 弑 人 稱「門人」者。 也。」《韓 吴子餘祭」,《公羊 非子》:「門 《春秋

#### 府 君

曰]漢 歆 進軍豫章,華 兵自求賞, 孫 E 堅襲 時 二。『府君年德名望,遠近所 府君者,漢時太守之稱。 郡國守 荆 州 相稱 孫 歆 刺 府 府君」,亦稱 爲 史王叡。 君 太守,葛 何 以 在 明 叡 其 府 巾 見堅,驚 中? 迎 歸。」」〔錢氏 策。 或 志》: 孫 策 日 謂 策 :

#### 官 人

南人稱士人爲「官人」。《昌黎集・王

## 對人稱臣

呼止曰「官人」。

子美《逢唐

興劉主簿》詩:

「劍外官人冷。」

明

制

郡

Ŧ

府

自鎮

或

將

軍

而

下,稱

凡子。」是唐時有官者方得稱官人也。

杜

適墓誌銘》:

「一女憐之,必嫁官人,不以

與

晏曰 習。 稍 者,男子之賤稱,古人謙退皆稱之。」至天 與言自稱僕也。」「原注」《西 記 有 • 差等, :「古人相 高 [原注]《刺客傳 漢初,人對人多稱「臣」,乃 祖紀》「吕公曰『臣 而 臣 與言,多自 影聶 之稱惟 政稱 臣,嚴仲 施 都賦》李周翰注: 之諸侯王,故韓 少 稱 臣 好 子 相 亦 下已定, ,猶今人相 戰 稱 人二,張 臣。 國之餘 ^ 一臣 則 史

0

免」。 侯薛 表皆同 賈 信 者 爲 助 助 釘之從 臣 自 南 臣不 大 臣 二之説 但,一 傳 過 此 罪 王 誼 爾 盡 王 如君」。 一書稱 以 樊 再 **>** 穰 祖 [原注]免侯爵 中間 天子令助 乃 新 則 力』,棄 將 後,廷臣之於諸侯王 坐與 則 原 尊 肯 知 書》有 軍 注 臣 日 卑. 有 坐  $\sim$ 至文、景 釘 一番 臨 既 脱文,必 王 淮南 **棄**市 噲 受 市 等三人所 臣 臣。 别, 時 子 淮 0 噲 有自稱 助 名 諭 Ŧ 侯 尊 南 一、原 趨 位 不 「梁氏 \_\_ 皆 表》有 意 女 天 以 大 亦 王 拜 史 在 陵 子, 後 注〕陳平 民」者 淮 殊 稱 [日]此 賂 功臣 送 坐者交通之罪, 大 南 元 臣 通 其 利侯 則 迎 棄 避 而 狩 Ŧ. 稱 稱 言 市 遺 遂不復有 侯罪 此 侯 嫌 書 世 元 臣 周 也。 臣 淮 釘 風 説 之, 何 表》安平 疑 勃 年。 狀、《史》、《 稱 罪? 南 漸 況 對 則 在 臣 未嘗 坐 不  $\pm$ 淮 王 陸 衰 曰 赦 而 陵 大尉 南 平 書 遺 稱 敢 日 亦 前  $\pm$ 漢 臣 嚴 侯 臣 以 棘 稱 淮 稱 而 爲 而 E

> 王丞 陪臣。」而 奏: 之於 可。」齊、梁 元 三,罷 百官志》: 相 郡 年十月己未 府 日 主 屬吏 縣 「公長 官 内 其 以後, 「諸王公侯國官 則 則 史 稱 民 不 不復 及 短。」然 臣 王 復 封 如 大司 稱矣。 官 内 故。 追 王 官 仍 敬 皆 官之於 馬 長 復 1稱臣 宋書》: 不 於 江 稱 合 其 夏 臣 E 國 封 王 稱 ,〔原注〕《 於天朝 孝 君 君 義 臣。」 既 恭 武 屬 皆 等 詔 非 吏 隋 稱

在

建

先 也。 産  $\pm$ 太上皇壽曰:"始大人常以 業 帝不侯,及 書 景。 天子 ₩ E 諸侯 有 惠 王 帝 帝 有 自 臣 對 使 自 稱 即 竇 留 稱 臣 位 太 侯 者,「 臣 乃侯之」是也 后 張 者 言始 良 高 齊哀 立 臣 祖 南 臣 無賴,不能治 奉 王 皮章武 爲 玉 齊 遺 巵 王」是 諸 起 爲 侯

#### 先卿

#### 先妾

「臣母妾劉年八十有一,臣叔母妾丘七十曰:「臣非不能更葬先妾也。」陳沈炯表言:之先臣容焉。」《戰國策》: 匡章對齊威王為「先妾」。《左傳》: 晏嬰辭齊景公曰:「君為「先臣」,則亦可稱母人臣對君稱父爲「先臣」,則亦可稱母

### 有五。」

稱臣下爲父母

「母」也。
「母」二字乃高年之稱。漢文帝問「母」也。「母」二字乃高年之稱。漢書以入主嫌於稱父,乃添一乎?」是當時面言如此。《漢書》以入主嫌於稱父,乃添一乎?」是當時面言如此。《漢書》以入主嫌於稱父,乃添一乎?」是當時面言如此。《漢書》以入主嫌於稱父,乃添一乎。」是當時面言如此。《漢書》以入主嫌於稱父,乃添一手。」是當時面言如此。《漢書》以入主嫌於稱父,乃添門「母」也。

# **人臣稱人君**〔楊氏曰〕前有「人臣稱君」一條,宜并人。

邑者,則自君其人,故云『或人君』也。」「爵或人君,上所尊禮」,師古曰:「爵高有國人臣有稱「人君」者。《漢書》高帝詔曰

《水經注》引黄義仲《十三州記》曰:「郡之言 邑以載民,故取名於君,謂之郡。」 君也,改公侯之封  $\pm$ 「郡」字『君』在其左,『邑』在其右,君爲元首 日 郡 「以秦之强,諸侯譬如郡縣之君 縣 初立,亦 有君 而言 臣之分,故 君者,至尊 尉 也。 繚 説 臣 今 秦

## 上下通稱

丞相 闕下,重 利除害者,爲 止 師 石、博士雜問 天子宫中。」《黄霸傳》「丞 古曰:「古者室屋高大,則 所坐屋也。」《董賢傳》: 漢 。」〔原注〕注: 殿 書 洞開。」《後漢書 郡國 霍 輩,先上 光傳》 「屋之大者,古通呼爲殿也。」《一 上計長吏、守丞、爲民興 鴞 殿」,師 數 • 「爲賢起大第北 通 相 鳴 蔡茂傳》: 呼爲殿耳,非 請 殿 古日 與中二千 前 樹 「殿 上 「夢

> 殿。」左 亦得 豫州 所。」是人臣 或 面行營招撫使,以 窗。」是人臣亦得稱「殿」也。 韶以裴度爲彰義 志 稱「法駕」也。 牧,行部乘傳,去法駕,駕 • 一思《魏 張遼傳 亦得 都 \* 稱 賦 「爲起 郾 軍節 《舊 行 》: 「都 城爲行在,蔡州爲 在 唐書 度使、兼申、光、蔡 第舍,又特爲遼 也 護之堂,殿 《鮑宣傳》:「爲 吴元濟傳》: 馬。」是人臣 節 居 母作 度 四 綺

獄 書 亦謂之府朝,《晉書 李善注: 位極朝右。」晉盧諶 原注》《三國志 庭」、《豫州從事尹 司 是 隸從事 劉 漢 也。 寵傳》「山 人有 朝 右 郭 原 孫皓傳》注: 謂 以 注 究碑》云「本 別駕也。」亦 《贈 郡守之尊 谷鄙生,未嘗識郡朝」是也。 時 劉琨》詩:「謬其疲隸,授之朝右。 宙碑》云「綱紀本朝」是也。 琨 • 爲 劉琨傳》「造府 并 「邵疇 謂之「郡 州 稱爲 刺 朝察孝,貢器 爲會稽郡功曹,自言 史。 本 胡三 朝」、《後漢 朝, 朝 省 建市 者 通 帝

注 武帝爲宋王、齊高帝爲齊王時,曰 而 稱 「勵 「朝」,晉潘 疲鈍 宋之間 以 臨 郡 朝 岳爲長安令,其作《西 日 」是也 郡 朝, 府  $\Box$ 霸朝。」亦有 府 朝, 藩王 日 以 藩 征 朝。 縣 賦 今 宋

之稱謂 **風** 唐書・徳肇傳》。 陵,歲遠訛爲蝦蟇陵也。」白樂天《琵琶行》: 京雜記》,董仲舒之墓稱「下馬陵」。〔原 太后恭王陵、東平憲王陵、沛 書》明、章二帝《紀》,言祠東海 陵、老子陵及諸王公妃之陵甚 經注》言:「秦名天子冢曰 蓋徒見唐盧粲駁武承訓造陵之奏,以爲「陵 太尉薨,歸葬舊陵。」歐陽永叔以人臣爲疑 《國史補》: 、俗通》言:「王公墳壠稱陵。」書中有子夏 漢丹陽 施於尊極,不屬王公已下」。〔原注〕《舊 「武帝幸宜春苑,每至此陵下馬 太守郭旻碑》有曰:「君之弟故 此自南北 朝已後然爾。 山,漢曰陵。」又引 獻 恭 多。 王 王 「家在蝦蟇陵 ,時謂之下馬 陵。 陵、定陶 《後 按《水 注〕李 西 漢

> 異也。 下住。」 貴賤之别。 爲陵。」則人臣 民之事,陵爲之終。』是凡民之墓亦得稱陵。 臣百寮之右,居藩國之任,屋名爲宫,冢 墓。」《三國志》注陳 曹公《祭橋玄文》:「北望貴 吕東萊《大事記》:「墓之稱陵,古 《國語 而稱「陵」,古多有之,不以爲 》管仲曰:『定民之居,成 思王 上書言: 陸下 土,乃 既 心 名 無 陵 爵

遇中丞鹵簿,驅迫溝中。」 稱。 南 **捍蔽其先後,皆著之簿籍,故曰** 甲楯之别名。凡兵衛以甲 之名,始見於蔡邕《獨斷》。 朝 「嘗乘羸牛車,逢子竣鹵簿。」「王僧孺幼隨其母 御史中丞、建康令皆有鹵簿,爲君 原注]杜 人臣稱「鹵簿」。《石林燕語》曰:「鹵簿 氏《通典》有 「羣官鹵簿」。 楯居外,爲前導 唐 人謂鹵 《南 鹵 簿。」因 史・ 一、櫓也 顔 臣 至 延之 通 舉

盡然。凡人之同宗者即相謂曰「宗室」。今人以皇族稱爲「宗室」,考之於古,不

書 行之,宗室中知名者咸付一通。』《薛端 俠傳》:「譔九世伯祖貞侯傳,欲使後生奉而 雕以景仁宗室,自託於洪珍。』《後周 洪珍,大蒙主上 中有此兒,非常人也。』」《張雕傳》:「胡人何 能屬文,族兄戀有人倫鑒,謂子弟曰: 『宗室 詭,不相附。』《北 左師曰:『女喪 走免。』《杜叔毗 爲東魏行臺薛循義所逼,與宗室及家 《左傳》昭六年:「宋華亥讒 • 胡叟傳》:「叟與 傳》:「兄君錫及宗室等爲 而宗室,於人何有?』《魏 親 齊書 寵 ,與張景 (始昌 • 邢邵傳》: 雖宗室,性氣 華合比 仁結 爲 而 <del>-</del> 書 去之, 婚 傳》: 僮等 歲 • 媾。 裴 曹 便 殊

其祖之繼室。 忽登遐」,以 「我王母薛妃登遐。」又曰:「蔡姬 顔 氏家 登遐。」則晉人固嘗用之,不以爲 爲非所宜言。 訓 影論 孫楚《王驃騎 然夏侯湛 誄 昆 》云「奄 「原 弟誥 注

策所害。』《徐陵集》有《在北齊與宗室書》。

嫌也。

居諒闇。』」太常卿,遭母喪,歸鄉里,詔曰:『山太常尚太常卿,遭母喪,歸鄉里,詔曰:『山太常尚人臣稱「諒闇」。《晉書・山濤傳》:「除

瓌神道碑文》:「大漸之始,遺令遵行。」 六兄同人見疾,大漸惟幾。」盧藏用《蘇許公 義城子梁羅墓誌》:「大漸之期,春秋 文》:「遘疾 一大漸 永,大漸 七日大漸。」齊王儉《褚淵碑文》:「景命不 。」唐王紹宗爲其兄玄宗臨終 人 彌 臣 留 彌 稱「大漸」。《列子》:「季梁得疾, ,話言盈耳。」沈約《安陸王 留。」任昉《竟陵 彌留,欻焉大漸。』《隋鷹 王子良行狀》: 口 1授銘: 揚 六 <del>+</del> 緬 郎 吾 有 將 碑

拱。」是「垂拱」之云,上下得同之也。玉藻》:「凡侍於君,紳垂,足如履齊,頤霤垂、《書・武成》:「垂拱而天下治。」《記・

## 人臣稱萬歲

矣。 《東觀記》:「歲旦,郡門下掾王望舉觴上壽, 所忌,而 掾史皆稱萬歲。」則亦當時人慶幸之通稱。 等,令各反農桑,皆稱萬歲。』《吴良傳》注引 皆伏稱萬歲。」《馮魴傳》言:「責讓賊 《馬援傳》言:「援擊牛釃酒,勞饗軍士,吏士 而李固出獄,京師市里皆稱 言:「馮煖爲孟嘗君以責賜諸民,因燒其券, 民稱萬歲。」〔原注〕《史記》但云「坐者皆起再拜」。 之制。』議者皆慙而止。」然考之《戰國策 書以下議欲拜之,伏稱『萬歲』。 『夫上交不諂,下交不黷。 〔沈氏曰〕《元史・刑法志・禁令》篇云: 《後漢書·韓棱傳》: 卒 以 殺 之,亦可 見 禮無人臣 「竇憲有功還,尚 萬歲,遂爲梁冀 其 爲 棱正色曰: 非 「諸民間祖 常 一稱萬歲 之解 延 褒

宗神主

稱「皇」字者禁之。

知録集釋卷二十四终

日

## 日知録集釋卷二十五

崑山顧炎武著 嘉定後學黃汝成集釋

#### 重黎

序天地,其在周,程伯休甫其後也。」《晉書 章生重黎。』《太史公自序》則 孫,昌意之子也。高陽生稱,稱生卷章,卷 四叔 記·楚世家》則曰:「帝顓頊高陽者,黄帝之 犂,爲祝融。」「犂」即「黎」字異文,是重、黎爲 該爲蓐收,修及熙爲玄冥。顓頊氏有子曰 二人,一出於少昊,一出於顓 , 曰重, 曰該 《左傳》: 蔡墨對魏獻子言:「少昊氏有 , 日修, 日熙。 使重爲句芒, 曰 : 頊。 「重黎氏世 ௱ () 史

氏曰 官,掌當時之職,襲蚩尤之名爲黎君也。 之族稱黎,黃帝雖滅蚩尤,仍遷其善者于鄒屠,使爲縉雲之 有帝之初立即命其曾孫之理? 而爲地官者。或謂黎即吴回,大謬。 中之重,以句芒而兼天官者。黎乃蚩尤,九黎之族,以世 正重司天以屬神,命火正黎司地以屬民。」此重即少昊四 氏皆重黎之後,非關少昊之重。」此順非 對彼「重」則單稱「黎」,若自言當家則稱「重黎」。 志》日 兩祖,亦昔人相沿之謬。〔原注〕案《續漢書‧天文 項。至於夏、商,世序天地。 等奏,乃云:「大晉之德,始自重黎,實佐顓 射山濤、右僕射魏舒、尚書劉寔、司空張 《索隱》引劉氏曰:「少昊氏之後曰重,顓頊氏之後曰重黎。 失其緒。」似以「重黎」爲一人,不容一代乃有 官祝融。』《宋書》載晉尚書令衛瓘、尚書左僕 宣帝紀》: ,顯項制之,亦遷其善者,使爲北正。 〕重與黎皆官名,後乃謂之羲和。 「司馬遷以世黎氏之後,爲太史令」,則已覺其謬矣 「其先出自帝高陽之子重黎,爲夏 蓋高陽以前 回乃顓帝之曾孫,安 《國語》: 其在 故曰 少昊之衰,黎有 而曲爲之説。 「命南正 惟凶黎蚩 於周,不 「顓頊命 楚及司馬 重 華 디 尤 職 叔 南

九四五

止謂 日誅 使復典之義。 世、義和尸位 使 ΙĘ 之于古,亦猶少昊之世,分、 使復典之。」此重黎即謂吴回,其後即羲和是也。 皆可謂之「重黎 則老童之子通謂之「黎」。 回分掌之。 及黎。」重即重氏,黎即吴回 天、 祝融、吴回之孫。 之羲和,或謂之重黎,止是一官之稱也。 仲、羲叔、和仲、和 又以其四子分掌四時,此即 帝時占日之官,堯取于古官之名以名之,使總理授時之事。 而黎之德獨光融于天下焉。 官失職、帝以老童二子代之。 重 北 黎舉后夔 之「重」。 重 īE. 譽、堯以後,天事掌于一 而以其弟吴回爲之後。 黎 司 及共工作亂,帝命重氏誅之不盡 地 胤 故 無所 典樂,是又即義 也。 侯征之,以昆吾氏代其職。 《國語》曰:「至于夏、商,重黎世敘天官。」 帝之命代,猶堯育重黎之後,不忘舊者, 叔各有分司。 對 《國語》: 後掌其職 而以 對吳回之稱「黎」言之,則回之兄 至、啓、 也。 《國語》所謂 其兼并二職言之,則回 蓋對少昊氏四叔之「重」言之 故 家。 「堯育重黎之後,不忘舊者 和重 者皆襲其號。 就 其 由是重氏之職又并于黎 俞山 、閉掌 其長 就其屬 初二職皆掌于重,後與 黎之證 海經》曰: 「别其分主者」。 于四官 而統言之,則 《吕氏春秋 而分言之,則 蓋昆吾者,亦 ,帝乃以 高辛之初,二 夏后中 「老童生重 ,而統 羲和本黄 [與其兄 》謂舜 康之 Ŧ 庚寅 或 謂 曆 揆

> 于此。 之子孫敘其職 咸。」巫咸在商王太戊之世,然則太戊以前幾百年猶 史記 《法 天官書》: 言 也。 近 羲近和」之説 馬融《書 昔之言天術者: 》注,分義、和爲二氏。 謂 重即 有 夏 羲 昆 黎 吾; 即 和, 殷 後出 是 商 重 由 孔 黎 孙

#### ᄍ 咸

作。 人 以 亦 而 能 其 窮之君亦名羿; 經籍者且 其 爲夔;湯居亳,而亳戎之國 世 也 測 知 若巫 名 一言 也, 周乎 有「百蟲 古之聖 而 後 而傳者猥以 一咸者, 萬 猶 疑之,則道德之用微 人 如此。 物 將 以 而 軍」之號。 或上 可 堯之典樂名夔,而木石之怪 爲 道濟天下,固 異 醫 若乃堯之臣 (焉。 一節概之。 耐 師。 爲 **《**書 君 伯 以 益 彼 亦名湯。 或 非後 ,古賢臣也 而謬悠 事蹟章章 黄帝,古聖 君奭》篇 名羿,而 而 人之所 爲 夫苟 相 有 在

F

者宗焉。

言天官則《史記

天官書》所

云

後之言天官者宗焉,言卜筮者宗焉,言

巫

鬼

云:

虞山

者,

巫

咸

所出

也。」是未可

知

而

凸

海

隅

Ш

上,蓋二子本吴人云。」《越

絶

書

IF.

義

》謂:「巫咸及子賢冢,皆在

蘇州常熟縣

氏』是也。」則巫

咸之爲

商賢

相明矣。

《史記

父子並爲大臣,必不世作

巫

官

,故孔言『巫

云:

『巫咸謂之巫官。』按《君奭》,咸子

~ 壓賢

傳曰『巫,氏

也」,當以

巫

爲

氏,名咸。

咸,殷之巫也。」孔

穎

達《正

義》

Ĕ :

 $\overline{ }$ 

君

奭

巫賢。」〔原注〕孔 鄭玄 巫先、 咸作 靈 大神 又 災,故云然。」許 太史公以巫 自 禪書》所云「巫 咸 从 E 言卜筮則《 虞,羲和 日 云 昔之傳 者 皆當讀爲「筮」,字之誤也。」言巫 此始,則以 :「孔安國《尚書 巫比,七日 曰巫更,二曰 人其死 將夕降兮,懷 巫 ,蓋巫咸之類也。」而又或以 司 -筮\_者-巫 咸祒曰,來」、《楚辭 命、旋糜之屬。」《索隱》曰: 咸」者也。 而 天數者: 咸是殷 爲神, 巫 巫 吕 有夏,昆吾; 也 咸爲巫覡。 祠,八曰 巫咸,三曰 氏《説 氏 臣, 傳》云:『巫咸,臣名。』今云 咸之興 「原 春秋》 則 椒 「原 以 高 巫 注》周 文》所云 秦《 糈 多, 巫 巫 注》。封 辛之前 然《楚辭》亦以 立式, 而 接 自 》所謂 九 詛 禮・ 殷商, 神,事大戊, 要之」,《 日 此始」,「原注」《 四 楚 禪 • 巫 日 「巫先,謂古巫之先有 巫巫 文》所 離 簭 巫 書 鬼 環。 巫 重、 巫 人》: 月五 咸 則《 巫 騒 咸 鄭 彭 荆巫 巫 文記 黎; 爲 咸 初 使 玄注:「 九 咸 》所云「 云一不 作 莊 日 禳桑 黄 巫 作 主 子》所 醫,巫 祀 巫 簭之名 者 於 神。 咸 堂下、 巫 索 一易,六 穀之 之興 此 也 唐

立,殷

復興,

巫

咸

任

職。」「咸」當爲

「賢」字之誤 殷本紀》:

^

書

帝

祖

Z

安國《傳》:「賢,咸子,巫氏。」《史記

咸乂王家。

在

祖

乙,時

則

有若

在

大戊,時

則有

若伊

陟、

臣

扈

格

於

1

帝

从

伊

陟

贊於巫

咸,作《咸乂》四篇。」孔安國《傳

曰

巫咸,臣

名。」馬

融

曰

巫,男巫

也

序

伊

陟

相

太戊、亳有祥、桑榖共生於

朝

時

| | | | | |

挂

巫

九

隱

蓋

抵、 咸、 經》言 字形 有 手 治内, 按 帝 理 自 南 以 原 鄭 操 《列子》、《莊子》皆言鄭 薄 志 堯醫 」、(原注)注,羣巫上下此 注 齊來 爲 Ш 巫 有神 巫 相 Ш Ĭ : 注 巫 赤 歸 即 混, 名 謝 咸治外。」《文選》吕 西 採藥往 處 蛇 堯 藏 巫 巫 巫 日 北 亦 巫 是 於 ·, 在 時 言 咸 咸 流 巫 以 豐. 日 也 朌、 鄭 Ш 或 爲 羅 逕 來。 沮 季 登 在 郭 鄭 黄 在 巫 是也 安邑縣 巫 + 玉 葆 咸」、《列子》言「神巫 以 也 咸 《大荒西經》言「大荒之中 神 女 璞《巫 彭、 門, 巫, Ш Ш 爲 有 丑. 將 北。二言 東。 至 神 向 羣 春 巫 山採之也。 日 〔原注〕 北,右 戰 從 注 巫 ^ 秋時 姑、 月 咸 Ш E 此 巫所從 《水經 「扁鵲 筮 季 Ш 所 海 巫 ]枚乘《七發 升 咸, 巫 於 人,有 手 賦 人、《莊 經 真 降, 注》: 咸 ^ 序》「原 巫 操 而 巫 淮 上下 扁 咸 以 青蛇, 咸 巫 百 鵲 皆鄭 海 南 靈 鹽 鴻 則鄭 子》言 是 藥 注》地 也, 子 水 Ш 外 「扁鵲 季 術 人。 出 也 爰 人 咸 巫 巫 左 西 爲 東

> 方, 地 所假託 形 則 訓 益 **※**言 者多矣。 荒 誕 軒 不 轅 口 丘 稽 在 而 西 知 方 古 巫 賢之名 咸 在 爲 其 後 北

#### 河伯

神。 解 爲 嬪」,王逸《章句》以 歌》以「河 河 微 馮 也。 《遠遊》「令海若 西 伯 夷 伯 者,國 鬭 天問 以 竹 而 河 書 伯 伯 帝 「馮 居  $\Rightarrow$ 之師 泄 次 河 夷」者,其名爾。 胡 帝芬十六 + 上 羿 東 伐有易,殺其 六 而 舞 射 射 君」之後, 年, 馮 命之爲伯 爲實、 夫 夷」,則 殷 年 河 侯微 以 伯, 雒 則 妻爲 君 日 伯 , (原 而 以 楚 如 绵 用 妻 夢。 辭 河 文 臣 與 馮 注 彼 伯 。」是 王 河 上 其 雒 九 之 爲 伯

「東」,按《漢書・地理志》云:「安邑,巫咸山在南。」

0

都 水 天子傳》: 仙 居。」「原 人也 〕。」是 注〕注:「無夷,馮夷也。 至於陽紆之 河 1伯、馮 Щ 夷 一,河伯 皆水神矣。 <sub>山</sub> 海經》云冰夷。」 無 夷 之所 **^** 穆

龍 百 Ш 仞 郭 海經》「中「原注」一作「從」。 惟 璞 冰 注 夷 恒 冰 都 夷, 焉。 馮 夷 冰 也 夷 極之淵,深三 即 人面 河 伯 乘 也。 兩

夷 「原注 (得之,以遊大川」,司 〕郭璞《江賦》: 「冰夷倚浪以傲睨。」《莊子》「馮 馬彪注引《清泠傳》

石 曰 得道,爲 馮夷,華陰 水 仙 潼 , 是 鄉 爲 隄 河 首 伯。 里 人 是 也。 以 馮 服 夷

死 愐 爲神,其説怪矣。 <u></u> 龍 魚 河 圖》曰 河河

夷 伯 爲 姓吕,名公子。'夫人姓馮 河 伯 之妻,更怪  $\sim$ 楚 辭 名夷。」以 九 歌 **\*** 有 馮

河 伯》,而馮 大抵 所傳 夷屬海若之下,亦若以 各異,而 謂 河 神 有夫人者 爲 兩

耳。 亦秦 人以 原注》《淮南子》「馮夷,大丙之御」,注:「二人古之 君 主 妻 河、 鄴 巫 爲 河 伯娶婦之類

> 得道 能御陰陽者。」

孫。」則河伯又有女、有外孫矣。 伯 女,爲夫餘王妻,朱蒙 魏 書 》:「高句 麗 先 祖 朱蒙。 自 稱 爲 朱蒙母 河 伯 外

河

白 侯、河伯,故當是兩 河 水。 璧十雙,教 真誥》載:「有一人,旦 如 此 十年 以 水行 ,河侯、河 神邪 不 溺 法。」 伯 旦 遂 注 與 詣 相 河  $\exists$ 見,予 邊, 河 拜

#### 湘 君

妃? 注〕王 梁氏 曰 之神有后有 : 「舜葬於蒼梧之野,蓋三妃未之從 H 逸《章句 歷攷 ( 楚 辭 堯妻舜二女 漢書》、《後漢書 》始以湘君爲水神、湘夫人爲二妃。 夫人 湘 君》、《 也, 明 載《 初 》、《三國志》,凡 堯典》。 湘 不言 夫人》, 舜之二妃 《檀弓》何以 亦謂 所 稱 也。」 念記 有二三 引 湘 「原 水

作二 皇浮 譌 集解之類,並 啚 歌 處 紀 閒 之二女居之。」郭璞 歌 君 地 溺 而 何 议 》所謂 江 葬 神 玉 而 並 死 猶 俗 康成就 妃 爲神 實之,不可 此 江 版 ,安得謂之堯 説者皆以 湘 於 謂 河 至 君 湘 』《列 博 Ē 之湘 湘 雒 湘 文立 引 周 即 士曰 江 夫 之 禮 湘 《禮 信。 Ш 二湘 義 人 有 列 夫 君。』 女 記 天官 遂 舜 : 逢大風,而 謂之「三夫人」, 稱『帝子』者是 虑 傳 夫人 人 作 仙 Ш 號 晄 女? 聞之堯二女,舜 注 妃 自 鄭 「二妃」,則 Ĭ 傳》『江 海 爲 方 Ĕ 録 也。 是 者,帝堯女也。 曰:「天帝之二女, 經》 司 而 九 農 湘 『二女死 且. 死 嬪 神,江 此 妃二女』也、《九 問博士:「 既 亦 夫 知「三妃 ,二妃從之, 孔 疏、《史 洞 之 謂之堯女, 以 人一。 疏 也。 庭之 爲 引 舜 於江 湘 皇 靈, 妃 乃别本 妃 之有 甫 Ŧi. 按《 而 Ш 也 湘 秦 爲 謐 帝 湘 與 一, 死 紀 世 君 始 河 帝 俱 而 湘 天 夫 九 之 >

> 得 女帝 祀爲貴神」。 爲貴神。』「沈氏日 征 云: 侯。」今湘 文人 是,終古不悟 而 也 二,即 帝女』爲名,名實相 遠遊》之文,上 湘 死死 復 爲 不 靈 舜 者之 總 亦 附 夫 不 屈子之作, 鼓瑟」。 人人也。 云 甚 會 從 葬蒼梧 后, 川 《 禮 湘 乎 其説, 葬。 不及 君 可 可 西己  $\stackrel{\sim}{*}$ 是 ,二妃不從。』明二妃生不 哉 ? 原 一昭二十 且《傳》曰 日 靈 以 悲  $\overline{\phantom{a}}$ 則 四 可 其 「二女御 Ŧi. 神 資 矣 瀆, 證 亂,莫矯其 致 祇 嶽 何 諧 九年 ! 女 其 謬之繇, 以 無 比 諷 與 無 非 此 三公, 攷之? 秩 傳》本作 緣 湘 九 其 舜 辨 於 生 復 瀆 靈 招 妃 甚 爲 失,習 命 繇 四 下 神 古 歌 矣。 正 封 上公,死 祀, 乎 降 瀆 判 而 爲上 禮 下 俱 而 比 然 非 小 又 慢 後 記 公 從 水 諸 之 按 勝 聖 爲 以  $\Box$

禹崩會稽,故山有禹廟,而《水經注》

「聖姑」也。
畢,天賜神女聖姑。」」夫舜之湘妃,猶禹之害:「廟有聖姑。●《禮樂緯》云:『禹治水言:「廟有聖姑。●《禮樂緯》云:『禹治水

媊。 也 卒,葬於巫 玉女。」巫 善《高唐 注》以爲「天帝之季女,名曰 女乃出,以 所爲,雪水之所凝也,而《淮 爲羿妻,竊 夷。」常儀,古 星。」河伯,水神也,而有妻。《 有 曰 妻。 而 河 女媊 甚矣,人之好言色也。太白,星也,而 如 賦 《甘氏星經》曰:「太白上公,妻曰 Щ 伯 山之陽。 淳 》注引《襄陽耆舊傳》曰:「赤帝 居 神 降 以 姓 藥 南 爲 女,宋玉之寓言 霜 而 吕,名公子。 占月之官也,而《淮 斗,食厲,天下祭之,曰 伏 雒 雪。」〔原注〕高誘注: 奔月,名曰 水宓 羲氏之女。 妃,陳 瑶 常 夫人 南子》云:「青 〔原注〕《漢書音 思王 姬 也,而《水 娥。 女姚 龍 0 「天神,青雪 姓馮 魚 南 一之寄 「原 姬,未行 霜露之 子 河 注 》以 ; 名 啚 興 李 明 女 經 而

> 祀歌》: 之妹,〔原注〕今少室山有阿姨 問》之雜 爲婦道,而《漢書》有「媪神」之文,「原注》《郊 歌》之篇、《遠遊》之賦,且爲後世迷惑男 注》《黄氏日鈔》。 歐陽公《歸田録》。 烱《少姨廟碑》曰:「蔣侯三妹,青溪之軌跡可尋。」 爲玉京太后、金闕 女、瀆亂 妬女,爲介子推之妹,則見於李 子文之第三妹, 原注〕見下。 伏義 「媪神蕃釐。」張晏曰:「媪者,老母之稱,坤爲母 神 説 氏之女,溺 也,後 人之祖 小 孤 是皆湘 杜拾遺之訛 則 山之訛爲「小姑」也、「原注 人附 雒 也。 見於楊 夫人。 水爲 以 君夫人之類,而《九 或日 神。」 神。 青溪 少 烱 爲「十姨」也,「原 嵞 之碑。 姨 而武后至 《易》以 Ш 小姑,爲 啓 以 諲 「原 母,《天 爲 之詩 并州 一封之 坤 啓 注 二楊 蔣 13:

《水經注校》整理標點本卷四〇《漸江水》有「像」字。「姑」字下,上海人民出版社一九八四年出版王國維

所 故 稱 以 媪 隆 或 於 典 是 Ш 而 昭 Ш 之主 民 敬 也 必 己。 爲 婦 人 以 象 之, 非

古。 聾瞽 果 澤, 獨 即 稽 大曆 積 要 定 日 神 苦 何 如 攷失莽鹵。 積 薪 君 土 自是 祠 取 字。 中 人言主者介山 薪 高宗調 俗 金 水之滸,儀衛盛官 積 楚 ? 自 而 判官李諲譔,辭旨殊謬,至有『百 元 生 日燒之』之語 傳介子 自 薪 臣 焚之,謂之祭 好 有 露 子胥鼓 有 經 百 宇 元 自 問 自 溝 年 問 吾 焚, **承** 宙 來 九月、幸并 推 天不 瀆 聞 有 浪 歸 號 天 被 氏,且道 便 允 此 怒未 有 鎮懸泉》詩 焚, 酬 格臺 曰 미 水 妬 所。 P 州 妬 府。 鄉 其 肯 女。」其 洩, 祝 道 駘 女 此 未 以 社 妹 假 之, 出 宣 祠 頗 水 精 有 介 誕 至今以 妬 而 汾 怪 绵 注 衛 女祠。」其 介 祀 幻 Ш 詩 「原 原 洮 祠 티 : 绵 Ш 虚 銜 典 氏 有 注 障 前 注 之前 流 薪 荒 紛 百 恥  $\vdash$ 平 碑 偂 萬 整 心 紛 大 Ŧi. 日 兄 碑 唐

> 注》《張 神 遷 語。 Ш 后 復 走 真 而 梁 神 + 翁 誰 誰 此是 塐 祠 南軒 人爲之配 Ш 嫗 敢 主 像 爲 神 侮 ? 集》言: 千 當 就 婦 像 ? Ш 祠 古 時 於 人 稗 深 合,其 舜廟中有武后像,即日投之江中。 中 塐 正 大 祠 官 地 曆 配 像 論 外之别 古 小 馬。、 + 瀆 自 説 武 才 杜 亂 是 開 氏《通 出 太 子 室。」夫 不 ·, 争 間 有 元 后 經 巷 + 神 時 尤 遣 典》:「 物 以 甚 社 移 李 年 矣 Ш 鼓 河 諲 不 ][[ 汾 有 村 西 鑱 假 (原 之 梁 陰 哂 簫 司 靈

經,而 人 灌 己 今攷 知 多 當 壇 有 當 以 道 **令**, 之。 封 日 爲 泰 譔 號 而 Ш 所 泰 期 爲 哭,問 張 雖 頂 以 Ш 年 黄 華 自 之女。 碧 襃封 風 帝  $\stackrel{\cdot}{\sim}$ 宋 霞元 遣 其 不 博 時 鳴 故,曰:『我 物 玉 古 君,宋真 後之文 女之事 條 志 而 真 **\***: 泰 以 文 Ш 爲 人知 王 文王 以 女之説 宗所 泰 東 夢 附 山 海 見 會之。 其説之不 以 対,世 之女也。 泰 太 則晉 有 Ш 公爲 婦 神 時 不 人

馬。」 書 書 母: 驟 女,嫁 衣 夢 「朱蒙告水曰:我是日子,河 太公有德, 當自 覺 府君。」此二事 於女壻河 班 雨 7,明日 嘗 此 自 至 西 有 西 事 泰 來 ,召太公。 吾 取 海 伯,云: 也。 山 不 書 也 婦 側 敢 者。」 0 也。 干 文 以 欲 爲 寶 至 果 伯外孫。《列異 「原 王 三日 暴 東 泰 搜 風 歸 得 河 注》《魏 Ш 乃 神記 疾 達 中 府 拜 灌 三夕,果 雨 書 流 君 太 壇 復 過 所 公 **令** 高 爲 扣 也 召, 當 一句麗 爲 後 河 舟 有 吾 大 伯 呼 令致 傳》: 漢 疾 文 道 青 致 風 王 胡 口

•

**\***:

父

來,不 道 支事 王夫人; 事之。 了,又以 明 乎 於是 有夫人 天 天 帝 神 封 則 爲 嶽 地 泰 有女, 神爲王 祇 Ш 神之外孫 而女有 鬼之别 则 立 壻 寢 傳 ,又有外 自 殿 以 漢 記 爲 人 以 蔡

又 攷 泰 Ш 不 惟 有 女,亦又有 兒。 魏

不

如

今之君子必求

其

人以

實之也

孫

矣。

唐、宋之時,但

言

靈

應,

即

加

封

號

**攷**》:「 公, 親 雄 車 上 訖 子 馬 書 初,李納病篤,遣  $\Box$ 言 幸, 將 乘 有四五 厚 : 童 則 『吾泰 軍。 贈 暉 子 段 封其 加 馬 後 此 0 承 戲 與 封 騰 唐 三郎 宋大中祥 人,衣碧汗衫 根 無 女爲 Ш 作 晖 炳 空 長 傳 以 府 木 同 靈 圃 興三年, 子、 報 君 君 馬 志 公。」夫 去。」《集 押衙 德 Ĕ 子,奉敕遊學,今將 與之,童 七 後 符 一子後 王祐 暉 元年十 郎 詔 半臂。 時 封 異記 年 子 以 師 之事 至 其 禱 泰 也 常 子 事 子 辭 岱嶽,遥 月, ]° | | ≪ 路人 **》**言: Ш 爾 伯 甚 歐 爲 歸 封 悦 陽 將 封 文 止 郎 侯。』 從 湯 軍 禪 歸 獻 貞 謝 爲 祐 見 暉 爲 威 通 Ш 元 煩 請 暉 有

於龜。」不知何語 又攷《管子》對 ? 桓 而 公曰: 房玄齡注 東 則 海 以 之子 爲 類 海

0 煩 原作 「损」,據《魏書 段承 根 傳

九 Ti. DП

女 神 神 妃,相 則 Ш 亦有 傳 又元劉 爲 女,曷足怪 東 海 一遵魯《漠島記》曰 廣 德 王第七女。」 乎? 夫海 廟 有 中

#### 共 和

即《左 政 穆 十三年,共 非 政 王 爵,和其名。二十六年,王陟於彘。 原注』《漢書・古今人表 公,立太子靖爲王,共 也 相乃共立太子静爲王。」以二相 太子静匿 者 《史記 氏》王 也 E 《汲冢紀年》:「厲王十二年 共 ), 但 伯和 和 其言 子 召 周本紀》:「厲 朝 公之家,周公、召公二相 共 攝 共伯 所 和 》有共 行 謂 + 天 歸 諸 四年,厲 伯 子 伯 國者末合。 和 侯釋位 事, 王出奔於彘, 和 師 歸 古 號 王 其 Ë 周定公召 日 出 爲 死 以 國。 一共 共 奔 共 於 古 閒 國 彘。 彘 和 和 行 者 此 厲 Ŧ 伯

矣。

〔原注

」畢拱辰

日 :

「按金氏

《通鑑

前

編》,厲王三十

與之盟。」

蓋

秉

道

以

養

性

之術

共伯 太子。 霸主 則天 侯會二相而立之。 子 隧。」《吕氏春秋》:「武王使召公就微子開於共頭之下,而 之共山,亦謂之共 娱於潁陽,而 之嫌,共伯無僭王之議。《莊子》曰: 嘗奉周之社 消 和紀年,大違《春秋》「天王出居」、「公在乾侯」之義,遂使 之難,天子曠 春秋》言:「共 無 遥共首之賢侯,幾疑其與羿、浞、莽、卓等,豈不誣哉 事 天子之世,朝 然。 也。 下朝乎共伯, 不 及汾王没 時 以有天下爲心, 宣 〔梁氏曰〕 其 王 稷而 耐 尚幼、匿不敢出、周、 絶, 共伯 頭。 伯 參核情實,必是如此。 民 厭 覲 蓋厲王 《荀子》:「武王伐紂,至 而 和 屬之他 得乎共首。」「原注 亂,太子年 訟 非共伯至周,而 終,得 修 天 獄 下 其 流 必 彘 皆 而周公、 行 人,故周 全神 諸 來請 有所歸 亦 召居 加 侯皆往宗共伯,若 長, 賢 竊怪史公以 矣。」按此 守京 召公亦 人 共 攝行 二共 無 伯 共 師, 乃 頭 吕 許 (首,今 易 周 率諸 輔 而 天 姓 未 厲 E 由 Ш 共 導

不 t 合。」 年 出 奔 彘, Б. 十 — 年崩 於 彘, 其 紀年 . 亦 與《竹 書

師。 客邪 韓 或 姜臺,後人之附會也。 義,父母 序》:「《柏舟》,共姜自 餓 元 田 共伯。 年 今汲 死 上 敬 《唐書 置 黨 仲完世家》:「王建降秦,秦遷之共, 左 欲奪 共者,諡 共 』《漢書 齊 於共、甯,使道安成,出 中傳 郡 州 人歌之曰: 『松邪 而嫁之,誓 地理 共縣。』《史記 》:「鄭大 也,非 即 • 誓 今衛 而弗 志 共國之共 功 也。 》:「衛州 臣 叔 許 輝 衛世 一表》有 出 故 府 也 作 春 子 奔 輝 柏邪、住建共 是詩以絶之。」此 共 申 共。」注: 共 縣 今輝 伯 共 君 城 蚤 入賦 莊 傳》: (原 縣、武 死, 其 縣 侯 注 之。 有 盧 「共 一《詩 「通 妻 者 共 德 罷

## 介子推

介子推事,見於《左傳》則曰:「晉侯求

也。 推 兮,報大德之優 亡。 且 之,不獲,以縣 序 方朔《七諫》、《丙吉傳 也 縞素而哭之。」《莊子》則曰:「介子推,至忠 立 實,然之推 簦,終身不見。」二 ൬ 莊子》。〔原注〕《容齊三筆 立枯」之説,始自 史記》之言稍異,亦不過 怒 》因之。 枯兮,文公寤 封 旌善人。』、《吕氏 自割 《楚辭・九 聞其人縣 之,以 而 去,抱 其 水 經 股 亦未久 爲 注 木 以 上山中,於是環縣上之山 介 上爲之田, 日 章 引 遊。 而 而 食 》長安士伍 推  $\pm$ 屈 而 書 追 文公。 燔 肅 惜 原,「 田 春 死,故 死。」「原 求 思 去 喪 秋 》以爲始自劉向《新序》,非 往 當 久故之親身兮, 號 服 尊 **>**  $\Box$ 日 要記 封 燔死」之説,始自 文公後背之,子 時 以 則 日 書、 **\*** 「使 二。以 介 注』《盜 未 劉 田 日 介 Ш 「介子忠 遠 桂 向 人召之, 禄 Ш 而 《説 樹 負 志吾 其 跖 之問 爲 爲 篇》。 而 苑》、《新 子爾 釜 之禁 得 릲 過 中 大 而 則 其 東 亦

九五五

矣。 所 辨 以 無 爲 今當 皆不可 誣 於 以 是 ^ 左 瑰 氏 奇 **>** 之行 爲 據 彰 割 而 股 廉 燔 靖 Ш 之 10 理 之 没

之邑 後 長 推 堪之患。 魏 半 冬至後 聽 高 歲 H. 魏武帝令曰 爲 北 刑 祖 方冱 寒食,自餘 太 令到,人不得 百五 主吏 和 二十年 寒之地,老 百 日 : 1,皆絶 日 聞 禁斷 刑 二月癸 太 令長 寒食。 火 原 少羸 寒 E. 食、云 Η. 奪 黨、 若犯者, 弱 詔 将, 西 月 爲 河 介 俸。」 有 介 家 Ш 子 雁

子 東 推 方 以 册 心 此 府 日 爲 元龜 被焚,禁火。」 火之盛,故爲 龍星,木之精 之禁火。 也 俗傳 春 介 見

作 木 逆 ··, 觀 以 天 改火,豈惟惠民 者 路史 乾 象,察 ・燧人改火 是 必 辰 然 心 之 哉,以 而 理 論 出 火, 也 順  $\Box$ 天也。 : 作 昔 鑽 順 者 燧, 天者存 「原 燧 别 人 注 氏 Ŧi. 四

之所 忌 以 時 萊 變國 仲 是 取之。 民 季 季 天之大 柘 而 時 而 成,氣 黄 Ŧi. 春將 鄭 咸 春 春 ,蓋本乎此。 以 納 則 變: ,故季夏 火, 火,以 之。 謂 月 從 命 仲 心 皆 隨之以 之。 昏見 榆 出 火。 鑄 司 大 寒 春 不 蓋 其 食 火, 烜 卯 取之; 柳 禁 刑 愆 救 性,故 火 於辰 時 青 氏 爲 火 而 書 伏 而 刑 時 未 故 則 白 心 [原注]司烜 辰 柞、 "罰」。 疾。 以 司 戒其 可 出 而 國 春 之明 施 而 Ŧi. 救 楢 木 取 戌 而 士 無 爟掌行火之政令, 出 時 火 白 之 者 季 鐸 者, 作 盛 文 夫 疾。 令。 火, 故 疵 堂,至是 春 修火禁於國 棗、 火,宜 熟 伯 然 也 癘 ,仲春以木鐸修火禁,因 秋取之; 火之二墓。 子 出 季秋心昏見於戌 0 食 凡國 杏 以 故 火,季 嘗攷之,心 而 赤, 斷 爲 不 周 故 天 民 煙 槐、 必 脯 失 免 官 地 以 夏 災, 火 檀 火 秋 取 謂 也。 中, 寧 順 野 野 大壯 黑,故冬 之; 内 是 之 六月 四 而 火 柔 龍 今 焚 時 爲 歳 以 鄭 几

初

無

周

舉

也

被

誰 漂

潮

言 且

屈

後

爲

火

者,因 注〕子 言子 夫《汝 火禁,宫禁尚 琴操》所 於吴江 出 焚之 舉 世 爲 火。 定 邪 自 原 而 傳 爲 初 原 胥 爲 介 H 警 有  $\overline{Z}$ 舉《書 南 賦 事 Z 注 之。 天 之 子 溺 適 聽 子 潮 先 地 則 ? 後 古 記 有 禁 潮 嚴 死 推 知 觀 》「朝宗」之語 世 督 仲 介 每 人以 即 祠 水之相 也 謂 冬中 子 火。 此 既 秋 子 況 左 廟 有 傳 耐 妄 已 火 又 推 當 此 以 氏 一説 而 子 入,則 輒 月 海 吁 將 潮 潮 擊 之 清 周 之, Ŀ 陸 而 頭 神 推 以 史遷 豈 月 Ė 死 明 示 而 冬 或 舉 而 爲 翽 何 以 不 ൬ 必 寒 祓 者謂 中 乃 知 易 警。 之書,魏 見 又 之書 齊 之朝 襖 寒 食 妄 Ľ (景嘗 指 丹 鄴 紙 Ŧi. 以 食 亦 昔人言潮無出 邪 月 矣, 以 徒 宫 爲 Ŀ 中 有 月 子 清 欲 Ŋ 正, 初 易 而 1 非 南恩等 記 推 明 行 後 月 Ŧi. 遵 靡 者 H 春 武 叫 焚 前 是 》 等, 之 三, 嘗 信 險 海 秋 定 乎? 信 骸 燔 之令, 不失 觀 哉 非 潮 何 有 以 也 日 朝 日 死 神 子胥 且 木  $\equiv$ 妄矣。 子 異 皆 信 寒 儛 復 子 鐸 食 夫 H 推 矣 ~胥 而 於 爲 前 原 愐 以 與 修 聖 則 得 復 薪 夫 時 火 哉 不 以 火  $\Box$ 

今温 是勞 火、麻荄火,氣味 之,相續不 火 勞。 火 洩 青 舊 取 變, ! 先 神 『古者 之所 之不 惡 火, 薪 利 酒 Ŧi. 而 王 在 則 物 陳 木 不 而 炙 所 有 理 晉 愐 也 以 時 改,其不 熱 隋 以 肉, 爨 -滅,火 鑽 周 時, 糞 薪 應 變火。 文 改火、修 疾 其 官 燧 臭 惡 有 用 帝 晉 傳 有 必 功 之草 几 改 勞。 異。 石 記 所 各 平 色 人 興 時 疾 火 用 炭 〕變青。 自 有 見 用 以 公 變 火、 之 者 亦 晉 伏 炊 火、 以 江. 功 不 使 雒 火 聖 鮮 義 大 者 代 願 正 巴 寧 甚 可 陽 **'**,於 視 以以 矣。 木 矣。 人 率 荀 寺 遠 小 昔 几 豆 火 之, 炭 作 救 勗 遵 是 時 木 晉 以 渡 師 泌 致 火、 昔 救 法 時 果 Ę 進 先 Ŧi. 此 表 曠 江 以 味 隋 益 疾 聖,於 變者 爨 明 飯 推 竹 然 請 食 贵 是益 惡。 方 世  $\pm$ 者 鐙 之, 火、 飯,云 車 變火, 大。」 亦 徒 明 世 劭 輞 然 爰 知 新 亦 知 Ŧi. 草 嘗 事 然 火

是,而 故 武 巷也。《傳》不云乎:『違天必有大咎。』先漢 愈。 血 書二十卷,臨終戒勿絶火,遂常種之。 晉初有 晉之俗尤所重者,辰 數,千里摧 書》:大鴻臚 今號其處爲聖火巷。 汾晉參墟,參辰錯行,不 如雞子,平地三尺,洿下丈餘,人禽死以 震、及端門、 石勒之居鄴 爲 帝 謂之聖火。 嫗 猶置 是煩文 死,人爲葬之,號聖火冢。 E 不知者 離妻李,將河 有别火令丞。 别 折,秋稼蕩然。夫五 宋、齊之閒,李嫗年九十餘,以火治病,多 害 襄 也,於是不禁寒食, 火令丞,典司 亦以 俗 國 《金陵故事》云: 南 西門,雹 爲 得 火渡江,云受於祖 E 爲 爲之推 後世乃廢之邪? 而 商星,實祀大火,而 毗 每 不 起 和所致。」 燧事,〔原 陰 也 已哉。 傳二百年,火色 「禪衆寺前直南 西 雨,見 河 行之變如 而建德殿 雖 母。 介山 火出 然, 原 注〕《漢 王. 冢 注 大 魏 有 門 方 萬 小 遺 東

## 杞 梁 妻

之親。 傳 或 子》則曰:「華周、杞梁之妻,言哭其夫而 哭,道路 聞之而哭,城爲之阤,而隅爲之崩。』《列 則 之敝廬在,下妾不得 之有罪,何辱命焉。 侯歸,遇杞梁之妻於郊,使弔之,辭曰:『殖 爲之崩。」〔梁氏曰〕趙注本《説苑》、《列女傳》,言哭夫 室。』《左氏》之文,不過 「杞梁、華 俗。」言「哭」者始自二書。 》則曰:「杞梁之妻無子,内外皆 日 春 「其妻迎其柩 既無 過者, 秋傳》: 舟進鬭,殺二十七人而死 所 歸,乃枕 莫不爲 齊 侯 與郊弔。」齊侯弔諸 若免於罪,猶 於路 襲莒, 之揮 如 其夫之屍 此 而哭之哀。」《孟 涕。 《説苑》則 而 杞梁 른 十 於 死 有 日 城 無 焉 其 檀弓 先 下 <u>Ŧi.</u> 而 日 屬 女 妻 戀 其 齊 而 城

夫死, 詩 事 事 長 時 崩 暴 文 始皇所築之長 成 何 解 城 夫之屍于城下」、《正 而 左 威王之二十七年,非 是齊之城,故崔豹《古今注 王二十年,齊閔王築防以爲長城。」按魏惠王二十 城 矣。 城, 亦 ', 何 者 骨 ,去莊公百有餘 至 傳》遇于莒郊、檀弓》迎 爲之崩。 言「崩城」者始自二書。 城 載《左氏》之言,夫既 溝 枕 其 有范郎之妻孟 夫范 屍 築人 中 耳,未云長 哭而 相 ? 城 類 Ē 郎 下 ? 築土一 若 義 長 崩城之云,未 者 城 義 》著其名爲孟 此? 城爲 何 也。 閔  $\stackrel{>}{\sim}$ 年,[原注]《竹書紀年 且 王。 城。 人 向 萬 莊 柩于路、 之崩 姜送 哉? 後 唐  $\widetilde{\exists}$ 城 里,杞 而 公既 人相 都 長城築於威王之 僧 而哭」,則 姜。 齊之長 有 寒衣至城下 足爲 城 貫 使 則 説 而《 先 據 傳,乃 能 休 也 梁 苑 秦 又 列 遣 人 列 闡 貞 信。 乃 城者莒 非 城 時 女傳 之 似 弔 女 之而 據 謂 當 婦 杞 又 别 敝 傳  $\stackrel{>}{\mathbb{Z}}$ 依 「梁惠 且 贵 啼 以 有 梁 秦 非 哭,則 城 年 廬 齊 其 聞 築 至 也 嗚 作 此 妻 秦 就 13

焉

其

抗

中

朝

嗚 左傳》、《孟子》而 則 竟 以 杞 梁 爲 未 讀 秦 者 時 築 城 之 似

并

《春秋》杞成公遷於緣陵,今昌樂縣;文公 又遷於淳于,今安丘 豹《古今注》: 妹 聲 則 日 要之非秦之長城也 悲 無 所作也。 梁,殖字也。」按 長 古詩:「誰 夫,下 姊之貞 哭, 杞都 則無子,人生之苦至 操, 殖戦 樂 能 城 爲 府《杞梁 乃 感之 死,妻曰:『上 此 縣。 此 作 曲、無乃杞梁妻。」崔 則 歌 而 其 妻》者, 又云 頹,遂 名 時 日 杞地當已人 杞之都 杞殖 杞 投 矣 則 ?! 乃 無父, 水 梁 妻妹 城 妻 死

#### 池 魚

齊

延 林 木。 東 魏 城門 杜 弼 失火,殃及池 微梁 文》曰 魚。」後人每 楚國 亡猿 用

殫。 通》已 火 推 是 魚 魚 此 而 之,當 兩 林 死 事 仲 有 0 故 事 木 也 此説 魚 後 澤失火 爲之殘。 據 ^ 清 是 燒 此 人誤 廣 城 波 死 按《 則 韻 門 雜 而 淮 故諺云「城門 合爲 池 失 志 宋君亡其珠、池 林 > 云: 南 火, 魚 『古有 憂。」則失 子 | 云: 是 以 耳。 人姓 不不 池 池 仲 水 知 名。 失火, 楚王 魚 救 火 所 之, 者 「原注 與 中 出 亡其 殃 池 魚 城 池 三《風 及 魚 爲 門 以 竭 猿 自 之 池 失 意 而

文曰 問 此 求 曰 後 之,無得 珠 「宋桓 之所在 人用 攷池 燕巢衛幕, 池 魚 司 魚 事 ,曰:『投之池 魚 馬 魚遊 死 本於《吕 事 有 之祖 焉。」此 寶珠,抵 宋池。」 氏 言 原 春 罪 中。』於是 禍 注 秋 出 福 祖 亡。 之 君 必 彦爲 相 己》篇 竭  $\pm$ 及 李 使 池 也 密 人 而

#### 莊安

安。 芷, 原 忌、 是 凡《 本 濮 封 生、  $\vdash$ 嚴 樗 陽嚴 蜀  $\overline{+}$ 姓 里子傳 延年」注 嚴 漢 莊 莊 郡 莊 鄧 八 似仲子。] 嚴 嚴 姓 書》載 賈、 漢 助、 注》淮 非 伯 道 公, 書  $\vdash$ 縣, 羔 莊 本 莊 秦封 然《漢 嚴 南王安傳》。 此 謂 謂 當 諡 因 青 豹、 徐 Ŧi. 也 安 號 嚴 樗 作 莊 樂 翟 行 姓 嚴 自 書 非 里 原 公 志 嚴 君。 莊 子 莊 莊 爲『嚴』 注』《樗 姓 也 篇 助之嚴  $\forall$ 君 藝文 熊 嚴 號 而 疾, 平. 嚴 爲 羆、莊 避 獨 今致《史記 名 嚴 莊 里 亦 公二 志》 者, 明 有 自 原 子 也。 君。」《 安 姓 帝 嚴 傳 是 注 參、 皆  $\overline{+}$ 莊 嚴 胡 君 諱 IE. , , 篇 姓 類 年」, 身之《通 疾、「原 義》 仲 莊 莊 改 揚子 主 此 戰 影有 子、 蹻 舄 日 或 是 父 師 嚴 時 法 安 偃 鑑 嚴 注 莊 莊 莊 則 蓋 有

字伯

石

避

明

帝

諱

書

光

武

紀》注

引

桓

言

莊

沈

冥

是

也

嚴

尤

亦

姓

莊

後

漢

周

《漢

書

王

貢

兩

龔

朱公兒者也。」王襃《洞 其巧。」李善注 注〕《王莽傳》有 改之。」又改 譚 鮑 先生」,師古 未 也 傳》「老子、嚴 莊悤奇 及 新 改楚之莊 斄 嚴 改 簫 論  $\overline{ }$ 春, 賦 也 七略 曰 賦 非 莊 + 此  $\Box$ 周 生 史記 師 莊 爲 有 爲 周 《漢 篇。 襄 尤, 即 莊 嚴 嚴 李廣 盧龍 《魏氏土 又攷《西 北 郡 北 如 廣 李 平. 爲 百三十里有 ,其謬不辨 廣 前 所守,今之塞外,其 城。」此 塞 右 今永 漢 射 之東 北 京雜記》述 地記》曰 治 平 石 平 平. 後 北 太 府 自 剛 漢 無 明。 守, 盧 後 所 : 薊城 終 刀口 龍 治之土 城 而 此 百 漢 ^ 縣 水經注》言 此 事 治 里, 亦 南 地 東北 土 非 不 則 有 乃 垠 爲 垠 也 在 云 李 武 前 遼 士. 廣 帝

嚴 ·言嚴助,史駮文。」「原注》《嚴助傳 助 賦三十五篇。」師 藝文志》: 「常侍郎 古曰:「上言 》作 莊 嚴蔥奇 恩奇

之陽」。

<sup>《</sup>莊

子》言:「南行

者

至

於

郢

北

面

獵

於

冥

Ш

垠

明

時

郡

治。

之稱嚴安,後人

所

追

改

書》之稱莊

安,

班

氏

所

春

言琴。」「原

嚴

春

不

敢

竄

殺

陶

先生、《古今人表》「嚴

敘傳》「貴老、嚴之術

九六

也

新序

\* = -

楚

熊

渠子

夜行

,見寢石

名。」是

廣

之

出

獵

乃

冥

Ш

而

非

近

郡

之山

而

不

見

冥

Ш

司

馬

彪

注

冥

Ш

北

海

Ш

白

里

有

平.

剛

則

在

酈

氏

所

引

攷

右

北

平.

右

北

平.

西

西

郡

之

肥

射

虎

石

可。 石 非 以 言耳。]即使二事偶同,而太史公所述本無其 張華《博物志》亦同。 地,今必欲指一 也。 爲 李廣也。 《黄氏日鈔》曰:「此事每載不同,要皆野人相承之妄 伏 却 虎 復射之,矢摧 [原注]《吕氏春秋》作養由基,王充《論 關 弓射之,滅 卷之石以當之,不已惑乎 是射石者又熊渠,而 無 迹。』《韓詩 矢 飲 羽。 下 外傳 視, 衡 知

餘。 賜 見石 可 美。』」李廣、熊渠,二事併用 書 謂 世 曰 就而視之,乃石也。 於叢薄 後周書 載 :『昔李將軍親 其 德。 中,以爲伏兔,射之,鏃 李遠傳》:「嘗校獵於莎栅 雖 熊渠之名,不能獨羨其 有此事,公今復爾 太祖 聞而異之, 入人寸

#### 大 小 Щ

王 逸《楚辭章句》言:「淮 南 王 安 博 雅

> 字通 徒著此書。」《文選》卷三十注引作「蘇非、李上、陳由」,古 左吴、田 Ш 辭 好 小雅》、《大雅》也 古, 賦 》,〔梁氏曰〕高誘 用。 以以 招 申 壽春八公山以八人得名。 類 懷 雷被、 相 天下 从。 伍 俊偉 被、晉昌八人、及諸 《淮南子序》言: 故或稱《 之士 著 小 其義猶《詩》有 「安與蘇飛、李尚 Ш 作 儒大山、小山 》,或稱《大 篇 章,分造 之

旨矣。 《枯樹 繫馬。」是以「山」爲「山谷」之「山」,失其 吾詩:「犂紅 花於小山之上,犂翻葉於大谷之中。」 庾肩 梁昭明太子《十二月啓》乃曰:「桂 |賦》:「小山 大谷晚 三則叢: · 桂 桂留 白 人,扶 小 Ш 秋 風 則 庾 長 松 信 叶

小 求 Щ 先卒,至是胤 梁 書 何 又隱,世號點爲大山 胤 兄 求、 點, 並 一, 胤爲 棲 遯

氏。」服 記 言 侯 齊 表》有「 「齊悼惠王肥、高祖 悼 1 虔曰 外 惠 Щ 王 人 肥 非 原 外 高 名,言: 孝 人,主 侯外 帝

長庶

男

也。

其

母

外

婦

也,

E

外

婦

之子

也。

「原

注》史

是蓋

主之外

夫

也。

猶

去,召見,貌

爲

後

宫第

善

應

對

舉

止

閒

爲

閼氏

於

是

上

案

啚

以

昭

君

行

及

毛 延 而

名外人,不知何

所

取

義

乘丘侯外

人,中

Щ

靖

 $\pm$ 

曾孫」,

則

是

姓

劉

人,齊孝

王

Ŧi.

世

孫

之所幸

也。

然《

 $\pm$ 

子

常 獨 人皆賂畫 Ŧ. 見,乃 嬙 西 不 京 使  $\overline{\mathbb{I}}$ · 肯 雜 畫 多 遂, 記 Ι. 者 不 啚 日 十萬,少者 得 形 : 見。 元 案 帝 圖 匈 後 召 奴 亦 宫 幸之。 入朝 不 既 減 多 不不 Ŧi. 諸 求美 萬。 宫 得

H

知録集釋卷

Ŧī.

於是差 形, 也。 色。 豐 人形 故 雅。 好 籍其家貲皆巨 失之矣。 之一人,又 日 醜 劉 不 而又但指 而非 樊育、 醜 後來詩人 白 復 帝悔之,而名籍已定,帝重 不 一稀。」 更人。 逮 匈 好 龔寬,並 亦 延 奴 老 其 壽 據 善布色。 毛延壽 求 少必 得 消 萬。 乃 此 美 罪 下 匈 Ι. 窮 人 得其 以 奴 則 杜 爲 畫 案 時。 一人,且没其受賂事 受 點, 求美人,乃使 畫 司 陽 4 I 其 真。 日 望 馬 有 Ι. 事 且. 之圖 棄 亦 飛 杜 而 毛 安 畫 陵 市 善 鳥 不 延 京 陵 信 工. 畫 衆 毛 後 獨 壽 勢,人 陳 皆 延 於 宫 畫 尤 師 以 特 敞 外 壽 棄 衆 乃 書 善 昭 Ι. 或 市 啚 平. 布 形 新 君 中

#### 九六四

## 名以同事而晦

稱。 不 宋 易水之上。 軻 作「蹇他」。 牛勞師。」是奚施爲弦高之友,「原注」《淮南子》 周 過 載 。 意爲 西 周 ,遽使奚施歸告,乃矯鄭伯之命,以 [原注]《水經注》:「漸離擊筑,宋如意和之。」是 《吕氏春秋》言:「秦穆公興師 刺 圃 高 秦 東。 而《左氏傳》不載。《淮南子》言荆 漸 王 宋玉《笛賦》亦以荆 離 ,高漸離、宋意 鄭賈人弦 之侣, 圃 「高、奚 ^ 戰 泛爲擊 或 施 策 卿、宋意 將 》、《史記 筑 以襲鄭 西 而 歌 + 市 並 於 於

未 按 相 聶 必 兼君。」注云: 有 政 戰 告嚴 副 國策》: 仲 子 「堅,政之副 曰:「其勢不 東孟之會,聶政、 猶秦 可以多人。」 武 陽 陽。 堅刺

> 六尺。 天下。 何是也。」今人但言翁仲,不言君何。 淮南子》注:「秦皇帝二十六年, 放寫其 有長 人人見 形 鑄 於臨 金 洮,其高五丈,足 人以象之,翁 仲、 初 君 迹 兼

## 名以同事而章

名。 崩。 曰〗说兢苑 周、杞梁之妻,善哭其夫而變國俗」,攷之 子。」此禹事也,而 不人。」攷之《書》曰:「啓 列 女傳》曰:「哭於城 [原注]《左傳》但言「獲杞梁」,不言獲 此杞梁妻事 ^ 孟子》:「禹、 》亦子政 所譔 也,而 則 稷亦因之以受名。 稷當平世,三 云兩 華 人皆死 下七 周妻亦 呱 日 呱 而 一過其 華 因 而 泣 周 之 城 以 爲之 子 門 人楊 受 華 弗 而 Æ

## 人以相類而誤

明 誤 春秋》: 亡不見於書,必「百里奚」之誤也。「原注》《吕氏 魯武公誄》:「秦亡蹇叔,春者不相。」蹇叔之 子未嘗被囚,必箕子之誤也。 儀車裂支解。」張儀未嘗車裂,必「蘇秦」之 喜,三去相 員」之誤也。 《史記》: 「孫叔敖三得相而 商,范蠡 中,授之政而 令尹子文」之誤 太公」之誤也。 視 也。 也 「蹇叔有子曰 墨子》:「文王舉閎夭、泰顛於罝網之 皆蹇叔子也。」按 《易林》:「貞良得願 流乎江。」范 而不悔。」 西土服。」於傳 申與視。」注: 也。 《吕氏 孟明視,百里奚之子。 孫 《淮南子》:「吴起、張 蠡未嘗流 春秋》: 叔 「申,白乙丙也。 敖 ,微子解囚。」微 晉潘 未聞 未 有 「箕子窮 江,必「伍 去 此 岳《太 相 事 後 視,孟 魏 宰 必 於 不 必

> 信 班 西 穆子容《太公吕望 超未嘗 跨 《擬詠懷》詩:「麟窮季氏罝,虎振 流 沙,南 南 征,必「馬援」之誤也。 極 班超之柱 碑文》:「大魏東苞碣石, ,北窮竇憲之誌。」 後周 周 庾 王

而忼愾。」子路未嘗見夏南,蓋衛南子之誤。《晉書‧夏統傳》:「子路見夏南,憤恚

圈。」季氏未嘗獲麟,必「叔孫」之誤也

# 傳記不攷世代

僞 作。 趙;稱「代王」,其時未有代王。 州 重 子》稱「三晉之君」,其 翟 ,益州之置 篇 事 張衡言「《春秋元命包》有公輸 見戦 稱「魯、梁、秦、趙 今按傳記之文若 國,非 在於漢 春 世, 秋 時」,又言 時 二, 其 以 此 未 證 者 有 啚 時 甚 ^  $\equiv$ 讖 國語》「句 未 晉。 多。 别 爲 班 有 後 有 與 **《管** 輕 益 墨

王, 於 子 孔 顔 子 先歸,士會攝 以 欒 有梁,魯亦無 言 陳 踐 不與文公、咎 吕氏春秋》「晉文公師咎犯、隨會」,隨 ,爲晉 懷 時 中 子 闔 朝 椒 之伯,陳、 一仲 而 宋 闕 甯 世家》「使从者爲 舉 子止之」,韓氏 穆公時 而 尼見梁 説 其 氏 卿時,孔子已卒,「顏闔見魯莊公」, 爲 有 兩 苑》「句 其 已滅,《扁鵲 書 元 城 右,正 上 時 公, 蔡之君皆入朝」, 有 下,有憂色,孔子賢之」,趙 客 , 人,去莊公十一 犯 君 孟簡子; 號 魏 踐 同 在晉文公時 無 」、「孟簡子 亡已久; 惠 聘 時;〔錢氏曰〕《左傳》「舟之僑 椒 元 無 王、趙 魏 王 舉 育武 武 又言「韓武子出 傳 事 子, 》「虢 其 文王,魯哀 靈 子 莊 相梁」,其 龜 時 又言 世。 趙 王,非 子 臣 君 其 筴 未 襄 傳 出 於 時 有 子 楚 》一宋 史記 見 見 衛 有 魏 莊 攻 時 莊 魯 扁 蔡 王. 翟 田 去 襄 會 Ŧ. 未 哀 元 鵲 孔 又 無

> 年 歲。 楚 子」,姚賈,秦始皇時 幾二百歲,「冉有對魯哀公言,姚賈,監 惠,子貢去臧文 子貢非之」,平仲去管子,季 不見」,又言「臧文仲治魯,勝 吾」、《鹽鐵論 子已卒。 王,又言「孔子奉雅琴見越王」,越滅吴,孔 趙 桓 閻氏 孟嘗君請 有。 文王一 侯 而 曰〕「老子,楚苦縣人。」苦縣屬陳,老子時 其子仕魏 《越絶書》「晉、 「梁氏 桓 《列子》「晏 百七十 曰〕老子之子宗 侯 學於閔子」,閔 ,最少亦百餘歲,宗復如是 與 仲 魯 季 · 歲。 桓 各 桓 鄭 百 公 韓 子 平. 人,相 爲 餘 王」,晉、 百 聽 魏 仲 歲。 非 時 將, 政, 子、孟嘗君 問 子誉 去二百 老 其盜 《韓詩 桓子 柳 養 相 子 鄭 生 去 下 扁 卒 而 去柳 惠 於 未 幾 地尚 鵲 自矜 餘 外傳 敬 管 嘗 相 忽 見 門 下 然 夷 蔡 去 稱 百 初

知録集釋卷二十五終

日

# 日知録集釋卷二十六

崑山顧炎武著 嘉定後學黃汝成集釋

# 史記通鑑兵事

於項 遂引東欲渡烏 餘萬,行畧地至河南」,曰 易明,故曰東,曰 化,唯太史公序之如 而形勢瞭然。 羽乃悉引兵渡 北 羽 秦、楚之際,兵 渡 則 河 日 梁乃 日 以關 江」,於高帝則曰「出 河 西,日南, 引 以 塞江河爲一方界限,故 所 指 兵 八千人 日 掌。 出 渡 羽 羽 人之 河, 曰北,一言之下 將 渡 以 渡淮」,曰 諸 復 江 Ш 塗 取 侯 而 111 成皋」。 西 曲 兵三十 郡 成皋玉 折 或 二羽 曰 不 變

> 之所能幾也。 太史公胷中固有一天下大勢,非後代書生蓋自古史書兵事地形之詳,未有過此者。

去,似未達温公之意。 有一策,亦具録之。朱子《綱目》大半削所載兵法甚詳,凡亡國之臣、盜賊之佐,苟所載兵法甚詳,

# 史記于序事中寓論斷

載 于序事中 語,《 末 即 矣,惟班 載 **卜** 大語,《王 見其指者,惟太史公能之。《平準 武 魯句踐語、電錯傳 古人作史,有不待論斷 安 孟 侯 寓 堅間 田 論 翦傳》末載客語、《 蚡 斷 一有之。 傳》末 法 也。 載武帝 》末載鄧公與 後人知此 如《霍 而 于序事之中 語,皆史家 光傳》載任 荆 法 書》末 軻 、景帝 者 鮮

者歟? 張 寓 宣 論 業 贬,可 業 敞 與 云 : 載 霍 奏見祥瑞,多不 虞 禹 謂 近 部 語 代鄭 得太史公之法者矣。「沈氏曰以格 郎 , 見 中 端簡 E 光多 或 作 用 《名臣 作 以 疏, 實 威 記》,于 ( ),通 福 其 亦 傳 得 常韓 黄 皆 太史公之法 或 褒 霸 公李 傳 獨 此 載 E

## 史記

用 多 志 者 閏 一年,與諸國之史皆不合矣,則秦之所 何 月。」然則宣公以前皆無閏 史記 IE. 邪 秦始皇本紀》末 云: 每 宣 + 公 年 初

今侯宗 侯 祖 也。 功 臣 子 下 長 年表》「平陽侯」下云: 元年。」「今侯」者,作《史記》時 作《 又云「征和二年,侯宗坐太子 史記》,在 武 帝 太 元 初 中。 鼎 見爲 死 高

功臣 同。 羌,八 續 故 者、蓋太初之見侯稱「今侯」,且 號、《曆書》亦 多。 反遺卻奉世 而 者 王章爲安平侯 書 後 或 梁氏曰』《漢興將 楚元王世家》書「 不數之,與  $\Box$ 當 》校之,大半 元者 除 「征和」者二。 一,「後元」者三。 表中「太 表》與《惠景侯表》皆 太始、征 大 削 月任千秋别將並 之。 丞 0 則後 相 主帥 建 《 惠 初 封 乖 元年 元及王子二侯表以 而 扶 和 人所續 同。 迕。 景 惠景 兩 相 陽侯」。 斯皆誤之大者,其餘 後 盡後 表 書 年 如 進, 〔梁氏曰〕《史記 表 元,以 Ψ. 漢 劉 地 有 元 間 乃 云「建 也。 》天漢以 **愛**建 安侯」。 屈 太 二年 興 元帝永 節二年」、《齊 侯者年 此移奉世擊羌之月爲千秋 氂、 不得 將 初 爲 十八」十一字 元 至 元以 卷中 已後 澎 相 下皆後人所續,以《漢 年 至 光二年, 以 昭 韋玄成嗣 侯 元 年 號 太 表》書「 四 》 訖太初,而 、宣、元、成 來侯者 書 年月官職駁 分 封六 表 初 而 字, 紀者 四年 征 稱 ず有 馮 年三十 乃後 父爲 和 悼 彭 奉 亦 爲限斷 判 年 征 者 世 城侯」。 天 惠 衍 侯 然不 人妄 戾頗 擊 表 漢 和 六 文 王 也 諸 祖 西

末有 爲九卿、《田叔傳》、《 書 世 人所續也。 揚雄 「家》書 征和 戾 以爲 太子 二年」、《賈誼傳》賈嘉至孝昭 建 靡麗 及 始 三年」者二,《曹 巫 之賦 蠱 匈 事 勸 奴傳》、《衛 百 司 而 馬 諷 相 相 如 將 或 傳 軍 世 皆 時 傳 贊 家 後 列

遠矣。 萊, Ш 朐」下云:「石膏山 馬車瀆」。〔錢氏曰〕琅槐屬千乘,廣饒屬齊郡。 又「千乘 洫 孝武 馬車 地 修 志》因之。 臨 理 紀》 封。」計其道 大 瀆水首受鉅定,東北 志》齊郡縣十二,其 河 郡 渠書》「 海 日 博昌」下云「博水 東海 三月 ,洋水所 征 東 和 海 里,亦 足疑 上 出 几 引 耕 是「北 東北至廣 年 鉅 當 於 春 Ŧi. 定」、《漢書 至 在 東 鉅 正 日 海」之誤。 琅槐人海 北 定, 齊,去東 饒入鉅定。」 月 鉅定,下云 至 還 行 鉅 幸 幸 又「臨 定 海 泰 東 而 按 溝

> n,皆曾以《元氏》爲E。 凡世家多本之《左氏傳》,其與《傳》

同者,皆當以《左氏》爲正。

太伯,有國之始祖謂之太祖 是妄爲之説。 老之稱。 《孟子》曰「太公望」,則其名「望」審矣。 「太公,大夫稱。」則或又以吕尚爲太師三公故歟? 又曰〕太公組紺,安得預知 太公尚」,於《世家》作「吕尚」,以 趙世家》:「趙簡子除三年之喪, 齊世家》「吾太公望子久矣」、「梁氏日 《莊子・山 周之太王,齊之太公,吴之 木》有太公任、《釋文》引晉李頤 日 尚 而望之?「太公」乃長 「望」爲號、未免乖 一,其義 《史》於《世 一也 期 表》作 云: 此 而

之解,本無其事。已。」此因《左傳》「降於喪食」之文而誤爲已。」此因《左傳》「趙簡子除三年之喪,期而《趙世家》:「趙簡子除三年之喪,期而

以 地。」「成侯十六年,與 端氏。」此文重 敬 侯 + 年,魏、韓、 出 韓、 魏 趙 分晉,封晉 共 滅 公晉,分 其 君

《田敬仲完世家》:「敬仲之如齊,以陳

氏曰]《説文》[田]字解: 未 氏 有 爲 稱 田 氏 田 者,至 此 亦太史公之誤。 田 戰 或 ,陳也。」蓋以音相近 時 始 爲 田 ^ 春秋 耳 傳 楊

爾 十三歲」,則當 夫子近二百年」, 孔子五十三歲。」按《漢 舍人兒之比乎? 人,爲堅白異同之説者,與 而曰 仲尼弟子傳》:「公孫龍,字子石 子 張、  $\mathbb{H}$ 子 殆 常 [楊氏日]《弟子傳》亦多不可 右 伐 非 請 魯之年,僅十三四 也。 書》注 行一, 、平原 H. 豈 甘 云「少孔子 二公孫 君 羅 同 龍 時 外 據 黄 歲 Ŧi. 捎 少 去

年 得 和 安邑,降之。」此 邑 徙 韋 魏 都 而 Щ 魏惠王 商君傳》: 獻 之事 魏遂 便 安邑,若已降 降 耳。 去安邑,徙 使 使 ^ 以 必「安 安邑,魏 秦 割 鞅爲大良造,將兵 本 河 於 紀 都 西 邑 之地 Ŧi. 都 大 字 十年 其 梁。」乃是自 誤。 昭 獻 王在焉, 之前 王 於秦, 其 + 下 量 何 安 文 煩 魏

> 再 成 獻 侯二十二年 乎?」「原注」《趙世家》:「 魏 惠王拔 我邯 鄲 「敬侯 亦 元 有 年, 可 疑 始 都 邯 鄲

以 進 重 説 爾 爲 亦是一 聽 虞卿 之。 傳》樓 事。 太 史公 記 昌 者 樓 兩 或 緩 以 收 恐 爲趙 之, 是 一人, 王 而 不 不 聽, 覺 虞 其 或 卿

矣。 君, 校, 并混 宜 若樂間 奔 史》、《策 也 其後 在 爲 雖 [汝成案]遺 燕 遺 樂 一; 書 王 之 往 毅 而 遺 辭既殊,而 書 過 來 當 傳 樂 樂間 者 而 以 復 日 間 言 誤 不 通 書 書、恐 《策 惠 以 與 顧 燕,亦 之 遺 Ŧ. 》復 一, 此 爲 不 樂毅 信 有 其子。 即 聽, 小 未 讒 留 書 樂 丈 趙不報」之言,未 用 失 易 而 毅 夫之悻 意迥 然 將,不 故 遂 事,〔梁 以二 懟 君 别 之禮 君、 其 其 . 得 悻 事 氏 不報 云 者 絶 不 相

懷  $\pm$ 不 屈 忘 原 欲 傳 **\***: 反, 卒 雖 以 放 此 流 見懷 滕 顧 王之終不 楚 或 繫 悟 11

史公 之時 説 尹 也 頃 誤 子 襄 信筆 矣。 蘭 似 王 聞 屈 之大怒,卒使 原 頃 書之,失其 放 襄 放 流 流  $\pm$ 怒 於懷王之時。 節,當 而 次序 遷之。」 上官大夫 在 爾。 此 則 文 又云: 〔沈氏 之下。 實 短 在 屈 日 頃 原 太 於 襄 此

蓋 淮 採之諸 南 隨 王。 何 説 書 其 英 歸 布, 漢 稱 之後,始立爲 未 當書 九 江 王,不 淮 南 王 當 也 書

云 齊人蒯通」, 淮 陰侯傳》先云「范陽 一傳互異 辯 士蒯 通」,後

也 韓 王 姓 信 説 誤。 漢 王 語 乃 淮 陰 侯 韓 信 語

口

名

而

#### 漢

孝武紀》: 「天漢四 年秋九月,令死罪

> 月 人 此 ,募死 贖 事 錢 而 五十萬 罪 重 人贖 見, 又同 錢 減 Ŧī. 死 是 + 九 萬, 等。」「 月 減 太始 死 罪 年 等。」

九

也。 謀之 當 靳歙 涓 第十三,韓信第 第六,張 二,張良第三,周 Ŧi. 侯嬰第十, 七 六,周 奚 時 薛歐,十六周昌,十七丁 曹參,三張敖,四 八涓,八 臣 至《十八侯 , 十二 王 所 高 歐、丁復。 一, 故 上者 敖 帝 昌 傅 夏 功 第十 第 平. 戦 寬第 一陵,十 臣 侯 七 列 功, 費》, 表》十 十四,陳武第十五 嬰, 在 七 此後 勃 酈 + 四 而 周 第  $\dot{\Xi}$ 九 商 王吸第十 人論 則 + 張 勃, 陳 **靳** 灌 八 第 四 蕭 良、 七 嬰,十 侯 武 五. 曹参第五 定, 何 **;** 十 歙 位 復,十八蟲 陳 良 樊 第 灌 第十二,王 平 噲, 次, 列 非 嬰 傅 四 皆 當 在 , 一,蟲 第 王. 寬 六酈 而 樊 H 六 居 九,夏 吸,十 蕭 之 陳 + 中 無 達 噲 達。 商 何 功 第 陵 計 奚 平 第

次矣。 位 故凡已絕奪在前者,皆不與 即 且. 此 韓 可 信 知 矣。 己 誅 「原 死, 注 安得 此 位 次高 復 后二年 在 功 臣 所 之

又云「仁發兵、長陵令車千秋上變仁、仁族 既云「司 注 宋 誤留之者也。 表》長 之須昌、壽張,皆宋分也。」於「魯地」下又 Œ 云:「東平、須昌、壽張皆在濟東,屬 今之沛、梁、楚、 Щ 於下,而 地 月癸卯 國。 或並 也、當攷。」此 始元元 直田仁主閉守城門,坐縱太子,下吏誅死 沙 家之文多據原 此亦古人附注備攷之文。 頃 存 封。 誤 而 Ŧ 連 年六 未 子 **◎**地 此 書 及 高 並 山 者 並 理志》於「宋地」下 月乙未封, 城 歸 也。 陽、 存未定,當 存 本,或 節 濟陰、 異説 原注 侯梁,❶ 《漢 兩 古人著 一《史記 以 東平 書 收 删 備 死。 元康 • 而 攷,當 其 書, 王子 巠 及 卷 不 魯,非 田 一, 而 有 城 東 云 中 覺 元 叔 今在 疑 偂 小 傳 郡 年 再 侯 其 則

> 邑。 《武五子傳》上云「長安白亭東爲戾后 下云「後八歲,封 管」,下云「武帝定郊祀之禮,乃 諫 之後,而 可互見,非乖舛也。 武 劉 志》上云「孝惠二年, 位四十年,以 闕之以待攷。 之」、「丹湖、當問之」是也。 錢氏曰]以年代推之,德不得有治淮南獄事。 兀 梁孝王世家 大夫」。 帝 澤 王 傳 時 詔 「樂府」之名蚤立 獄  $\forall$ 治 元帝 一面 淮 劉 天漢 洲 此 如 南 并 《越 兩 德、昭 初 四 子 改 獄。」一 絶 年 又 收 年 年 戻夫 書 薨 向 其 即 而 表》也。 》記《吴 傳》 使樂 帝 史不 「梁氏曰」案 未 更名向 日 傳之中,自 人 時 對勘 )則云: 「徴堪、向、欲 於孝惠之世,「 得 地 府夏 爲宗 日 當云「今王襄」。 稱 傳》 戾 在 諡、必 者也。 《漢表 日 「更生 正丞。 侯 后 立 成 湖 寬 後 爲 又曰 Ŧ. 置 樂 備 帝 梁 文德, 乖 湖 雜治 因 禮樂 Ŧ 袁 園 府 其 以 即 增 襄 戸戾 當 文文 奉 簫 爲 位 楚 改 在 間

<sup>■「</sup>城」,原作「成」,據《漢書·王子侯表》改。

周 正 通 袁 書 者 之目 ,何怪乎後之讀書者愈鹵莽矣。 也 蠕 蠕」並作 預 夫以二劉之精 見 於 茹 八 茹 年 惟 ·之前 列 傳 核, \* + 此 猶 兩 Ė. 多 收 卷獨 〔原注〕《後 不 而 及 作 未 舉 貫 蠕

蠕

據 併 秋 參爲 封、 平. 陳 也 志》所列, 左傳》子産日 人。 自 留 後來之疆 中 潁 屬 晉 及汝 其界自 天 牟、 Щ 魏 陳 星, 文志》:「 之舞陽、郾、 本 南 陽 鄭 然其 陳留已下郡縣 土 都 高 之召 武 二國 割以 安邑,至惠王 陵 「遷實沈於大夏、主參。」 疆 酸 以東,盡 陵、隱疆 角、亢、氐 相 魏 界 棗、卷,皆 地,觜、 附 許、鄢 陵, 亦 ,豈不謬哉 當 河 一、新 並 至 東、 一始徙 之分 觿 在 河 魏 汲、 河 河 參之 河 分 而 大梁, 西 也 南,於春 内, 南 岸 也。 一不當 華、 之開 分 南 若 乃 故 長 按 野 有

《食貨志》「單穆公諫景王鑄大錢」,本

之 作 勸農,贍不足,百姓蒙利焉。」失其指矣。 重,不利 周 語 **%** 於民之事 王 弗 聽 班 卒 氏 鑄 乃續之曰:「以 大 錢 此 廢 輕

陽城 注

|
|
|
|
|
| 悠隔 壁立 也 城 面 曰:「在南郡 楚世家》「成王封熊繹於楚,居丹陽」,徐 所封,十八世,文王徙郢。」此誤。 據 悉 秭歸縣 **参**地 臨 ,信天固 Ш 海經》: 繿 地 絶 跨 理志 縷 理志》「丹陽」下云:「楚之先熊 東 阜,周 澗 八七里 丹 荆 枝江縣。』《水經注 影以 Ш 也。 西 Ш 帶亭下溪,南枕 八 在 無容遠 爲 丹 楚熊繹 里二百 陽南。」郭 吴子之丹陽,尋吴、楚 在 始封 八十 吴境 ;璞注: 丹陽之所 步 。 V · 非 大江 ě: 按《史記 「今建平 也。」「原 東 嶮 丹 北 郡 都 陽 峭 廣 繹 开 兩

兵之時,乘已家居,而 之梁」,下云「枚乘復説 枚乘傳》上 云「吴 復與之書,不 吴 王 Ξ 不 納 蓋 乘 然 吴 等 無  $\pm$ 去 緣 舉 而

復説也。

法,周 繩之,故武帝嘉其盡 史文但偁「昆弟子」,當時大臣、后族犯法者衆,周 無緣以此爲班氏之謬也 桑大夫也。 羊坐燕王旦 又十一年,昭帝元 周之卒已四 四年卒。」而 羊、衛皇后 「天漢三年二月,執金吾杜 能不避 杜 「孫氏 周 權貴而 昆 傳 事 衛太子 午。 **\*** 日〕所云逐捕 弟 誅。 逐捕 力無私,非 子, (原注)其 周 之也。 鳳元年,御 史家之謬如 巫 刻深。」按《百官 爲 蠱 謂周所 執 者, 一時暴 事 本文並不 金 自指 乃在 周爲 吾 勝 逐 史大夫桑弘 之爲 桑、 此。 捕 ·云治 征 御史大夫。 者即 逐 衛昆弟子犯 御史大夫 和二年, (銭氏 捕 桑 衛皇后、 表 能 衛 桑 以 獄  $\vdash$ 弘 法

今扶風 虢 鳳 翔 縣乃古雍城,而號在 縣北二十里 當是「過美陽」之誤。  $\pm$ 尊傳》:「上行幸 且上文固 雍,過號。」按 **| 陝**,幸 云 「原 自 注〕美 雍 虢 **\$** 陽 何 故 轉 得 今之 城 守 调 在

槐里,兼行美陽令事」矣。

《王商傳》:「春申君獻有身妻,而産懷

王。」誤,當是「幽王」。

7 葬 姬」三字衍 共王冢次。」按 外戚傳 × 徙 T 共 姬 王母及丁 先 已葬定陶 姬歸 ,此「及 定陶

# 漢書二志小字

堅本文。 注者,誤以 曰」之類,乃顔氏注也。 漢 書》 其「師古曰」、「 此 地 爲顔 理、藝文二《志》小 氏 注 而 并 近本《漢 應劭 一删之。 日 書》 字, 皆 服 不 虔 刻 孟

昭 悉爲 爲大書,〔原注〕本志,司 漢之細注 采 集。 細 續漢 注, 也。 是則 今進 • 郡 其 前 或 爲 師 書 志》云: 大字。 古等諸 小 馬彪所譔。 字 爲 本 新 注 孟 注 ,猶《後漢》之 堅 其 志惟 本 證 Ш 發, 文 ]1] 郡 ,猶後 臣 地 縣 劉 名 名

别 新 耳 注 也 當 時 相 傳 之本 混 作 條 未 曾 分

# 漢書不如史記

生尚可 之,而 特 最冤,伍次之,二淮 讀之感慨 王答問 且. 全氏日 如《史記 班 〔錢氏日〕[一] , 伍則下 二蒯 以 孟堅 語 蒯、伍 情 伍只合附見 有餘味。 矣,江則更下矣,息 爲 淮 態 合江 |淮 | 兩字不成語 陰 横 侯 束 出,文亦工 《淮 充、息夫躬 淮 ^ 傳》末 於 傳 陰》、《淮 成 南 **>** 格, 寥 王傳》中 則 載 落 無 南 蒯 而 妙。 傳 賴 不 爲 通 不 耳 中。 堪 原 事 得 今悉 伍 傳 讀 變化 要之蒯 不合作 被 令人 蒯 矣。 删 與

## 荀悦漢紀

荀悦《漢紀》改紀、表、志、傳爲編年

書》作 而 不 聞 饒。」荀《紀》爲長。 采者。 荀《紀》爲長。 即 旁,知狀。』遂乃上書謝 原太 皇考之名,宣帝不應用之。 爲「負進」,又曰「可 年赦前。』其見厚 官尊禄重 戲 其 其 不誅」。 誅 象 「賮」字,財 博奕,數負 小 敘 守。 有 有 事 「杜陵 其 骨 罪 《説文》:「梨,悉穀散之也。 處 不 貨也。 可 乃賜遂璽書曰 封 肉 而 同,皆 索 之 故 舜 然 以 遂。 陳遂,字長子。 原 恩 昌 封 《史記·吕不韋傳》: 無 償遂博負矣。 注〕按 以 元康 之有 如 邑 復 上即 粲 班 以 此。」《漢 王 意 而 《 漢 書 償 庫,骨肉之親 恩曰: 三年三月 位,稍 賀 味 書 不 博 : 爲 爲 · 殊 」, 進 長 間 粲 制 [原注]或 海 从米,殺聲。」 書》以「負 矣」。 『事在 上微 而 見 或 詔 妻君 惟 不殊 昏 文 進 首 詔 太 車 義 侯。」《漢 用,至太 時 二,當作 原 尾 日 乘進 EI: 進 元 寧 放 難 太守 不 平元 時 條 乃 與 徐 進 曉 用 備 悼 蓋 而 在 游 可 引 黎 不

此 後 若散米。 左氏定公四 助。 《有善讀者,倣裴松之《三國志》之體,取 不 同 今《左傳 者 年《傳》「王 注 》作 于 班書 「蔡蔡叔」,上「蔡」字亦音索葛反 於是乎殺管叔 之下, 而槃蔡叔」,言放之 足爲 史家之

别於 其二年」、「其三年」以 正統,而盡没其 紀  $\pm$ 莽事, 自始 「天鳳」、「地皇」之號 建 至「其 或 元 年 + 以 Ŧi. 年」, 後 則 云 以

## 後漢書

軍 側 波 伏波」二字之無 論 及 兵,與我意合」,下乃云「交阯 女弟徵 後 此 是采 漢 書・馬援傳》、上云「帝嘗言:伏 貳反,於是璽 輯 所 諸 書,率 本 也。 爾 自范氏以下, 書 成 拜 文, 援 伏 而 女子 忘 波 徵 中 其 將

書若此者甚多。

翟義 媚。 爲 莽傳》: 下之士莫 有 封 桓 明 譚 爵, 説 告里附 傳》::「莽依《周書》作《大誥》, 等 譚 「當賜爵關 桓 史爲諱 班 獨 .譚 行 自 不 傳 諭 守, 城。」〔原注〕師 競 之 内侯者 告當反位 褒 默 爾。 當 稱 然無言。」按《前  $\pm$ 德 更 光 莽 名日 美, 武 孺子之意, 古曰: 居 終不 附 作 攝 !城。」是: 「如古 篡 符 用 弑 命 譚 之際, 附庸。」《王 曾 還 漢 以 遣 大 書 求 當 受 封 莽 夫 容 天 譚 •

皓 指 政,收騰繫考。 不 傳》 等」,又以 省 陳 得失。 ,騰竟伏尸 楊震傳》: 以 爲 清 爲 帝怒, 順 皓 都 河 「河間男子趙 帝 上 趙 市。」乃安帝 收 事 疏 騰 考詔 0 諫, 上 贵 言災變, 有 獄 帝 兩 悟 騰 時 趙 震 詣 事, 減 騰 上 闕 譏 騰 邪 上 疏 而 死 刺 救 書 朝 張 罪

十歲,獨遊門次,卒有三人持杖劫執之,入橋玄以太尉罷官,就醫里舍。「少子

矛盾。 爲 Ŧi. 文 亦豈無錢者! 舍登樓,就玄索貨。」其家之不貧 云「及卒,家無 人剛 六年 前後矛盾。 [孫氏日]橋公於光 急則 間,雖有陸賈之橐,蕩 有 之,未 (楊氏 玄以 居業,喪 聞 以 和 貪 曰〕以子被劫而云有錢,亦不 元 靈帝之世,三爲三公, 然無 黷 年 稱。 里 無 餘 居 所 不 亦 被 殯 可 劫, 事 以 理 卒 可 此 所恒 於六年, 議史文之 史傳 知 有。 乃 公 此

共相 俊 與 張儉、劉表於「八及」, 顧、八及、《表傳》「 號 八及」,前後 同 派爲『八 標榜者不同 鄉二十四人別相 表爲「八顧」。 劉 顧』,而《 表 傳 耳 號 不 》「與 爲 同。 署號,共 而下 蓋此 八 黨 同 顧」,謂 「孫氏 ・文「張 但 錮 郡 指 爲 傳 張 此與上文海 目 部  $\Box$ 儉 》表、儉二人 儉 儉等 鄉 〕按《黨錮傳》上 黨 之同 人朱 則 俱 鄉 以 並 内希風之流 有八俊、八 張 被 L. 儉 書,告 訕 | 爲「八 列 既 議 於 列 儉

操 則 蒯 是 越、 表 韓 卒之後 嵩 及 琮 東 曹 已赦 掾 傅 嵩 巽 而 等 出之矣。 説 琮 降

> 歸 下 美於操 文云「操 前 至州,乃釋嵩之囚」。 不 顧 上下文之相 戾 也 此史家欲

平元年,黄巾 郎蔡邕 之,稱疾不就。 邕不得已,到,署祭 年」。「中平六年,靈帝崩,董卓爲 之時,無緣得奏記 《蔡邕 薦邊讓 傳 起,以何進爲大將 於大 謂 卓 邕亡 切 薦 將 酒 敕 軍 人 州 也 耐 命 何 郡, 文 進 江 **一苑傳》** 海 舉 軍 書。 邕 司 積 正邕亡 空,辟 詣 + 按 有 府 中 議

邾 《左傳》僖公二十二年 公胄,縣諸魚門」爲證。 城 門。」非宋也 郡國志》: 「睢陽: 升陘之戰,「 本 按杜預注:「魚門 宋國,有 魚門。」 邾 人獲 引

#### Ξ 或 志

蜀 志 譙 周 傳 建 興 中 丞 相 亮 領

命

號 益 七十二, 言」,前後 州 即 牧 有 命 而 不同 勸 周 昭 學 爲 烈即 從 勸 按周 事 學 位之年僅二十有三,未 張 從 卒於晉 爽、 事 尹 而 默 泰 先 洪譙 始六 主 周 未 年 等 稱 年 尊 H

必

與

勸

進之列

從

本

·傳爲

是

露二 死。」誤也 州 爲 牧。 魏 年 高 孫 吴侯 貴鄉公之甘露元年。 亮太平元年,孫 以孫 本 壹爲 · 傳 云 : 侍 中 綝 壹 車 殺 人 騎 滕 魏 將 胤、吕 軍 黄 志 初三 假 **▽** 據 . 甘 節 年 交 時

遂 乃 淺  $\Box$ 自 瀬 名 夜 鍋 自 三 云 此 往 羽至 隨 陸 擇 處 魯 選 抗 欲 爲 羽 白 肅 傳 夜 鋭 關 聞 帝。」 鎮 **×** 涉 + 之,住 羽 益 渡。 Ŧi. 瀬。」據 陽 於 拜 千 拒 文 鎮 不 肅 人,投縣 難 軍 關 渡 以 此 曉 將 羽 ´´; 而 兵千 軍, 則當云「自 按《 上流 結 羽 都 柴 號 益 甘 督 + 有 寧, 寧 14 餘 傳 陵 益 萬 寍 里

陽至白帝」也。〔楊氏曰〕止「羽」下添一「瀨」字

可

耳

# 作史不立表志

勞 功 傳 代,而方寸之中雁 説》篇 即 此其所以爲快也。」《大事記》謂 相 表所繇 大略, 書以紀 通 書」爲『志』, 排。 亦 名 有 相 志 謂: 無顯 『十表』、『八書』。 表 爲 朱 謂 雖燕、越萬 立,昉 鶴 著 出 《史記》一 「太史公之創表,列行縈紆以 過, 龄 者, 人。 日 傳之不可勝書 於周 里, 行 而年表視《史記》加詳 既系之以 制 : 書 凡 有序。 而 度沿 功 列 太史公《史記 之譜牒、「梁氏 徑 在 侯 寸之内犬牙可 使讀者閱文便睹 十表」。 革之大端 將 表以 《史記》十 傳,此 相 誠 紀 三公九 而 相 哉 外大 治 》帝 表「意義宏深」 斯 屬,  $\Box$ 姓名爵 接 語 亂 編 舉 紀之後 臣 雖 学戦 班 興亡之 卿,其 目 與 通 昭 古 無 可 穆 存 詳 改 九 而 雜

繁,而 載之; 作史無 畧。 之。 閎覧博物者不能爲,其考訂之功,亦非積以歲 復班 歎 者 體裁,莫大於是。 於表乎載之。 存 自 文莫難乎志。紀、傳一人之始末,表、志一代之始末,非 表》,有《宗室 之,故其譔《唐書》有《宰相表》,有《方 狐德棻《周 東京以後,典册 也。 没盛 無以攷鏡二百 [原注]姚思 其後作者 、馬之舊章云。」「沈氏曰3《救文格論》云: 事 又其功罪 表 其失始 衰之跡, 書 蹟 則 或 李 世 立傳 廉梁、 既 反 延 又援 於陳 年 闕,人趨 壽 系表》、《 要不 遺 年用 事 而范書闕焉,使後之學 經月緯 南 陳二《書》,李百藥《北齊 不得不多,傳 育傳 漏 范 壽《三國志》, 北《史》,皆無表、 容 書爲例,年表皆在 苟且 人行政之節 而 以 中 不舉。 宰 遽 有 相 陳壽《三 泯,則 覽 未 世系表 瞭 悉 愈多,文愈 歐 而 志。 如,作 目 備 或 月 陽 范 於 》始不立 不 者, 書》,令 》,始 良 表 公 不 曄 能 徧 鎮 知 史 亦 知 所 踵 可 乎

> 志而 志,姚 爲良史矣。」 書》、李延壽 紕謬特多。 思廉梁、 南 陳二《書》、李百藥《北 北 夫無志不得爲完史,有志 二《史》並因之不立志 齊 書 其 》、令狐 而 八他諸 不淹貫 史,雖 德 棻 不 周 立

《五代史志》,詔編 之。 述往之意,可謂弘矣。 而 百藥、德棻皆唐初人,其不著志,以别 書》、令狐 志,故沈約《宋書》諸志并前代 于志寧、李 姚思廉 陳壽《三國志》、習鑿齒《漢晉春 ※ 養 梁、陳二《書》、李百藥《北 淳風、韋安仁、 周書》皆無志、「楊氏 第人《隋書 李 有 修志之敕 延 所 古 闕 壽  $\Box$ 秋》 紹 别 思 者 聞 修 也 廉 齊 補 無

史 文 此題下僅 重 出 條 汝 别 成案》《漢書》云云,已 書是 條於 上, 疑 先 生 見 删去 前。 潘 元 氏

誤人云

漢書·王子侯表》,長沙頃王子高城

中多 未 節 対,一 侯梁, 一侯矣。 元康 0 卷中 [原注]馬貴與《文獻通攷》因 元 年 兩 Ė 見,一 月 八癸卯 始元元 封 然 年 則 ·六月乙 而録之 王 子

代時

有諱后父者

不知其誤

與之淹博 遼 遼 合二條爲 則天下郡國中少二城矣。 東復 東復 續漢 出 出 ,而皆仍其失,何歟」數句,而無上條之注 一,末有「夫以二劉之精核,章懷之詳明 無 候 郡 慮。 城 或 志》,候 無 必有 慮 改 〔沈氏曰〕《救文格 城 屬 焉宜删者。 改 遼 東 屬 玄 屬 或 莬 馬 論 然 而 而 貴

## 史文衍字

誤多 傳》「黄令毛欽操兵到門」,誤多一「外」字。 密令卓茂爲太傅」,誤多 一「豫」字。 漢 書・ 吴王 後 濞 漢 傳》「吴有 書 一「高」字。 光武 鄣 紀》 郡 銅 黨 以 Ш 錮 前

武」。后父不當言諱,「諱」字衍。〔楊氏曰〕五《後漢書・皇后紀》「桓思竇皇后父諱

是四經遂行於世。」而《百官志》「博士十四人」, 高才生受《左氏》、《穀梁春秋》、古文《尚 未得立。」〔原注〕《賈逵傳》: 下卷云:「趙人毛萇傳《詩》,是爲《毛詩》, 不立學官」之語。〔原注〕本紀建初八年詔同。 《尚書》、《毛詩》、《穀梁》、《左 次總領焉。」按此 小 授。 陽、大小夏侯、《詩》齊、魯、韓、毛、《禮》大、 一「毛」字。 戴、《春秋》嚴、顏、凡十四博士。 《易》有施、孟、梁丘、京氏、《 儒林傳》: 其下 「立五經博士,各以家法教 文載 則十五,非十四 建 建 初 初八 中 氏 韶,有「古 書》、《毛 年,詔諸 春 也,蓋 尚書》歐 秋》, 太常 儒各 詩》,由 雖 又 文 衍 差 選

❶「城」,原作「成」,據《漢書·王子侯表》改

字明爲衍文也 顏安樂、《禮》有戴德、 夏侯勝、建、《詩》有申公、轅固、韓嬰、《春 儀》曰:「《易》有施、孟、梁丘賀、京房,《書》有歐陽 齊、韓氏。 本注曰:「《易》四,施、孟、梁丘、京氏。 一,《公羊》嚴、顏氏。」〔原注〕《徐防傳》注引《漢官 《禮》二,大、小戴 陽、大小夏侯氏。《詩》三, 戴 聖,凡十四博士。」則此「毛」 氏。 秋》有嚴 **奉** 彭祖 和 《尚 秋 伯

文,作書者失於改削

爾

## 史家誤承舊文

《史記·燕世家》稱「今王喜」。《魏書·孝史書之中多有仍舊文而未及改者。

貫之傳》「上即位」,謂穆宗。此皆舊史之上金傳》「今上」字各一見,皆謂玄宗。《韋臨傳》「今上」字再見,《徐有功傳》、《澤王静帝紀》稱「太原公今上」。《舊唐書‧唐

門侍 《蕭思話傳》:「遣司 守蕭諱 中軍大將軍 紀》:「昇明三年正月丁巳,以新除給事黄 甲子,立第十一皇子諱爲淮陽王。」《順 立第三皇子諱爲武陵王。」「二十五年八月 將軍。」《文帝紀》:「元嘉十三年九月癸丑 午,西中郎將荆州刺史宜都王諱 一十九年二月己亥,晉王諱 開皇十 郎 宋書 五百人前 蕭 五年七月乙丑,晉王 諱 •武帝紀》:「永初元年 諱 爲 爲 雍州 進。」《 南豫州刺 馬建威將 刺史。」「三月丙 隋書 史、齊公世子。」 來 · 高 諱 軍 朝。」《 獻 南漢中太 進 祖 毛 號 八月戊 午,以 紀》: 張 龜。」 鎮 煚 帝 西

《玄宗紀》:「詔以皇太子諱充天下兵馬 傳》: 時臣子之辭。 紀 隴 帥。』《郝處俊 紀》:「臨淄 將軍大都督、尚書左僕射、隴 北 西 王 史·李弼傳 郡 諱 晉 臨 開 班師  $\pm$ 淄 或  $\pm$ 諱 傳  $\pm$ 諱與太平公主子薛崇簡 公李諱。」《 爲 ×. 諱 鐵 揚 舉 「諭使持節太尉、柱國大 勒 州 周 兵 傳》: 總 王 誅 管。」《 諱 舊 韋 爲 晉 唐 右 西 武。」《 王. 行 Ξ. 書 朋 諱 臺 韶 北 少師 傳 睿宗 並 中 等。」 征 當 元

名 誠 行 諱 史家之文也。 等 ,史臣不敢斥之爾。 奮 日 虎步。」《後周 自隨 《三國志 發。』《北 諱 是何 夫人。」此 史 • 《宋書 魏后 書 • 而 魏 • 「諱」字,明 敢 彭 柳 妃傳》注: 久 然《宋紀》中 武 城 慶 違 傳 帝 Ŧ. 先敕。」 紀》: 勰 》:「宇文諱 傳 「甄后 帝 名, 亦 並 劉 帝 有 合 諱 當 日 稱 稱 謂 忠 龍 時

> 府 諱 劉 元 」字下小注曰: 龜 裕」者, 後 唐 莊宗同 卷之中, 「明宗也。」 光二年 往 三月 往 雜 戊 見。 寅 幸 「原 李 諱 注 宅。 册

王言。 其臣子之辭也 表》稱「臣公言」,《 文選》任 表辭本合稱 昉 ^ 爲 爲 蕭揚 名, 齊 明 耐 州 帝 改爲 薦 讓 士: 公、王,亦 宣 表 城 稱 郡 臣 公

## 晉書

矣』。 攷, 毗 時 自當名之爲「賊」。 來,謂 無 篇之中,「帝」、「賊」互見 不 晉 所謂 書 稱 亮曰:『辛毗 之爲「帝 • 宣 賊」者,即 帝 紀 史家  $\approx$ 杖 當 懿 至 節 雜采諸 司 也,當 而 蜀 馬 至,賊 將 懿 書 時 姜 爲 不暇 在 維 不 魏 蜀 復 聞 臣 詳 之 出 辛

天文志》:「虚二星、冢宰之官也。

主

哭泣 北 軫四 公羊傳》「宰上之木拱矣」,則 方 邑 按 居 主 此 廟 冢 冢宰」當作 堂、 宰 輔 祭 祀、 臣 墓亦可 也。 祝 冢 禱 則《 稱 人。 事 爲宰。 周 又 「原 官》之冢 主 又 曰 注 死 」或 喪 以

年 而 在 . 前, ·矣。〔錢氏曰〕予作《攷異》,與此暗合,今已删之矣。 吕 蒙之襲關 周 藝術傳》戴洋言:「昔吴伐關 瑜 拜 賀。」按瑜卒於建安十 羽 乃 在二十四 年, 瑜亡已十 羽、天雷 四年

才入 又作 邵」、《良 思 福 「段就 吴郡 禄伯 傳》「舉孝廉 雒」。 「段眷 六者 張翰 顧 」,後又云 祭傳 吏 《南陽 傳 」,後作 <u>1</u> 影前 ○ 吕 ^ 入維 張 「進 云「友人張 纂 王 重 紹 段疾 **→** 載記 華 模 封 周 傳 福 傳 ^ 六眷」,《 》前作「句摩羅 顗 禄 **\*** 石 前 傳 縣 勒 廣平 云 翰 》一若 伯 載 封 陽 記 太 後又云 思 謝 影前 ^ 裕 守 舉 戴 艾 傳 爲 Т 秀 若 作

> 觀 光 婆」,後 門 門 0 作 「楊氏日 馮 跋 鳩 摩 載 以 羅 記 「弘」爲 》作 什 洪 洪 」,宋人避諱改書 慕 光 容 門 熙 載 又作 洪 弘

#### 宋書

縣即 申, 如 故 郡,治肥  $\sim$ 陵 廣 縣。」肥如本 永 起居 之有 陵。 縣 縣 謂 廣陵肥 初 ^ 處 廣陵僑立之肥如縣,非 宋書 郡 《符瑞志》所云「元 也 注 肥 如 或 卷之中 》: 孝武 如 縣。」時 如 又 二《漢 遼 也。 石 有 州 西之縣 梁澗 輿、 郡 ', 自 乃「南 大 志》 無 肥 相 明 中 復 其 晉 如 遼西之肥 違 出 Ŧi. 肥 沛 廣 太 錯 嘉 民 潞 年,分 石 如 陵 康 太 真 鍾 + 南 縣,當 守 太守」下 地 如 九 錢 九 渡 縣 志 定、 下 廣 氏 年 П 而 也 E 是 陵 復 九 僑 並 新 《志》以 肥 無 肥 爲 是 月 立 市 云 云 如 廣 戊 肥 如 沛 於  $\overline{H}$ 故

末,「臣 傳 傳 特存焉』。 傳》,而 孝 之沛郡乎? 虜」。 漢》之 末又無史臣 武 # 傳 大 約 今帝稱 中 此 穆等案《高 明 書明 稱廟 書 肥 靖 八 矣。 獨 年 案: 如 號 論 帝號 闕。 爲 〔沈氏 自 是當削去 魏 六 疑 Œ. 氏小史》、《趙倫之傳 卷 非 約之史法, 在 而 稱『虜』,傳末有 其 (日)周 有 魏 約 遼 時 書 稱 《張 西 肥 何未之詳考而互 魏, 敉寧云: 暢傳》,十 然其 如 諸 安 已 良 帝 解 得 省 史臣 與 稱 差與 「《宋書 屬 《南 故 九卷又有 廟 デ 論,則 之 號 不 史》體 南 存耶? 有 廣 載 刻 史》 而 六卷 **《**到 陵、 謂 傳六卷 百 《張 異 且. 彦 魏 暢 分 之 暢 故 而 爲

### 魏書

寫《 或 蓋 疑 其 以 急就章》。 百 魏 謹 數。 按 書 也 急 如 必 崔浩傳》: 就 此。 稱 从 篇 少至老,初 史於 馮 有 代 「浩既 彊, 馮 馮 漢彊 代 不憚勞, 以 I 彊 書,人多 示 下 不 魏 起 注 敢 所 託 漠 書 犯  $\Box$ 

> 例 或 北 水 避 也 , o 號 經 諱 日 以 注 改 代 易 漢 **>** 以 强 故 漸 「廣 就 也 爲 漢」並 蕪 諱 顔 舛 故 師 改 作「廣 古《 IE. 굸 指 急就 代 此 魏 强 篇 酈 序 即 道 魏 其 元 初 E

### 梁書

臣 察 而續 之例。 察。 陽以 之,必監焉。]梁宣 日 二,仿 成成之。 [楊氏曰]姚思廉諱父名而改之,其 ^ 來 出 (銭氏日 劉孝綽傳》: 自 Ti. 國史之原文也。 思 堅《漢書 《梁書 廉 〕按思 新 》諸 意 》稱 論 廉修梁、 惟 一司徒 述 帝諱詧,故 列 衆惡之,必監 其父説,必 傳二十 掾班彪 陳 乃 《書》,皆 ·七論 其 一之例。 稱 論 改 稱 陳 直 大 之。 則 史 吏 書 其 焉 其 臣 部 父 者 首 但 察 陳 尚 援 書 蓋 衆 稱 吏 書 所 班 姚 襄 史 好 姚 譔 彪

尚書 姚 察」,是傳刻之誤。 察非 唐 臣,不應 係 以 史 臣 也

Ш 丘 Ш 書 爲 中 武 亦 有 丘 避 Ш 二,《何 唐 諱 者 點 傳》 顧 協 則 傳》 爲 一獸 以 丘 虎

#### 後 周

溧陽 春秋》云「子胥奔吴,至溧陽,逢 出 誤。 食、託 有 楚,溧水 溧 索隱》曰 典故,「寄食」二字,亦見 昭 也 〔錢氏曰〕「漂渚」是用 鳎 縣 蘆 庾 非 至 」、《史記 張勃《吴録》曰「子胥乞食處 經過 中 信 劉 一於陵 傳 而 之地,不應連 氏 渡  $\approx$ 궁 : 水」,「原注」《戰國 • 水。」「漂渚」當 哀 范睢 江 陵水 《淮陰 南 韓信漂母 用 傳》「伍子胥橐 賦 子 即 胥 侯傳》, \*: 栗水也」、《吴越 事 事,子 是一 過 策 無 且 女子瀨水 庸破 漂 漂 Ш 作「菱夫」。 溧渚」之 13: 在 由 渚 進 金陵 載 丹 漂 食 而 陽 而 爲 寄 具 赴

> 皆用 不拘 瀨」、《金陵志》曰 報之,乃投白金于此 或以二句不應皆用子胥事,不 餐,女子食之,既 之上。〔原 ,如下文「生 注〕古「 溧」、「 「江上有渚日 去, 世等於龍 水。 自 瀬 投 同 今名其 于 字。 門 水。 子 瀬 知古人文字 四 胥 渚 處 後 句 跪 爲 子 是 亦是 投 胥 而 也。 欲 乞

## 隋

司

馬子長

事

《真誥》,言孝明遣使者張 章 餘 帝 遣 景 矣,不 之初 及 郎 ,使伊存口 釋 中蔡愔及秦景使天竺,得 《經籍志》言: 一迦立 垂六十年,使 堪 再 像。」按自哀帝之末 授浮屠經。」又云:「 使 絶 域 漢哀帝時,博士 秦景 也。 騫、羽 尚 蓋 存,亦 本 佛 林郎秦景、 之 至 經 後 陶 當 東 弟子 四 漢 隱居 京 + 明 + 明 帝 秦

景,而 武帝 博 不 秦景,既單名景,又《真誥 爲 十二章,祕之蘭臺石室。 志 同 剿 明 士 哀帝時 帝 時  $\pm$ 前後失于契勘,故或以 耳。 遵等十 人,姓名久著,故删去之,獨 受經之博士弟子乃秦景憲 (孫氏 四 [日]此 人之大 》稱其官爲羽林郎,是 自 前後二事、《魏 月 作史者知 氏 爲哀帝 或 也 明明 寫 帝 書 張 名與官 佛 所 言 或 騫 經 釋 遣 以 秦 爲 几 俱 之 老

附 西 波 事也 ,破擒之」,下言「雍 征 遂 刚 突厥傳》上言「 生 波, 擒 敵 阳 波 人 0 以 爲 此 得 虞 沙 必 隋 間 鉢 兵 以 略 事 所 隋 可 而 助 所 汗 誤 賜 西 重 多 旗 書 擊 來 鼓 爲 降 团

# 北史一事兩見

北齊武成帝河清三年九月乙丑,「封

皇子 亥,「封太上皇帝子 儼 爲 東 平 王 \_ 儼 後 爲 主 東平王」。 天 統 年 Ŧî. 事 月 兩 己

書,必有一誤。

先人,不當援他人之事以附 徂 神 狗 『爲 負帝女南祖。』」其《序傳》又云:「於路 犬競走,諸人試令目之,之才 温 。」一事 儁 是宋鵲,爲是韓盧、爲逐李斯 《徐之才傳》: 日 子 昇 兩 戲 爲 日 見、且《序傳》是延 逐 二、馬 水 嘗 相 是宋鵲 與 東 朝 走 士出 八爲 益 爲 也 即 共 遊 壽 是韓 應 東走, 帝 自 聲 遥 述 女 盧 望 日 其 南 見 爲 羣

# 宋齊梁三書南史一事互異

郡 有 必須 項 羽 南 神 齊 祀以 護郡 書 軛 聽 下 事,太 李 牛。 安民 守不 安民 爲 吴興太 · 得 奉 上。 佛 法,不 守, 太 守 吴 與 到 興

守

書

按

宋

書

惠

明

傳

無此

祟

以

聞 徵 於 施 項 官 脯 澼 4 牛 處 此 土 室中 蕭 代 蕭 羽 爲 廳 死 聽事, 床 之。 以 之不 民 著 世 爲 神 惠 肉 右 拜 幕 琛 有 名 爲 葬 屐 吴 以 爲 基 叱聲。 何 傳 僕 爲 祠 季 疑 爲 厭 廟 上 也! 興 神 此 卞 傳》: **\*** 神 恭 射 而 憤 邪 聽 側 太 似 Ш 爲 <u>一</u>因 座 琛 原 避 居 王 守 事 祟。」 遷 立 王 厲 注 今 公公 遷 吴 , 甚 居 聽 惠 色 論 事 之於 吴 呼 又 興 居 先是 日 他 南 私 事 基 有 按《 不 興 爲 於 郡 郡 而 廟。」又禁殺 史》云: 室。 生 請 弟 口 靈 太 李 聽 竟 作 聽 , 吴興 項 宋 禱 惠 驗 如 不 守 史者 上 無 事 羽 能 琛 休, 遂, 書 此 前 牛 琛 ,二千石 八 與 至, 害 神 頻 至 漢 郡 • 後 於 冢 歸 自吴興 也 舊 又《 4 喪 祖 孔 著 徙 以 有 郡 齋 ]°\_ ≪ 争 酷 解 太 屐 神 千 季 安 南 爲 聽 項 中 至, 烈 祀 登 守 太 原 梁 恭 還 斖 漕 石 事 羽 民 俄 聽 守。 注 設 多 破 兵 必 挾 紀 如 每 史 世

皆

安

廟

常

書

傳

云

卒

神

而

事

廟

死

據

卒。 南 爲 同 筵 居 苟 糧 从 日 風 酹 人 矢 吴 史 兒。」 榻 郡 郡 言 俱 祀 此 白 云 興 • ^ 界 : 盡 後 又 接 聽 惠 孔 南 吴興 盡 郡 蕭 惠 爲 有 則 事 與 賓 季 明 史 乃 歡 守 惠 休 前 又 益 卞 李 ·恭嘗 • 楚 遥 極 明 事 既 以 州 數 Ш 安 與 蕭 後 禱 王 傳 醉 神 而 爲 刺 民 日 爲 楚 猷 來 請 太 下 謹 **\***: 史,值 不 獲 此 相 神 王 原 守 救 救 見一 有 祐 見 郡 故 類 影 廟 注 臨 不 泰 頂 **未** 本 得 神 亦 而 益 有 齊 敢 汝 人 大 羽 始 美 作 交, 小 荷 有 侯 田 聞 上 不 發 長 廟 初 遷 淵 變 老 兒 酒 口 有 背 丈 飲 0 猷 其 爲 災。」 惠 相 信 逢 反, 色。 是 餘 至 原 旬 吴 説 明 承 矣 H 數 攻 傳 注 張 興 所 H 遂 謂 云 猷 百 城 斛 **\** 太 騎 禱 弓 盛 羽 綱 又 大 面 原 南

#### 九八八

## 舊 唐 書

《張 國昌 者也。 少 注》《册 雲州 修 此書纂於劉 罪,而《哀帝紀》末云「中興之初」,《王 首 上」字各一見,皆謂玄宗,蓋沿故 上」字再見、《徐 監 國史,至晉少 尾 趙 濬傳》各有「中 稱 該 小男克用,殺雲中防禦使段文楚,據 熙 府 自 舊 「莊宗」、《 《懿宗紀》:「咸通十三年十二月 元 贍, 吏 稱防禦留 唐 龜 部郎中鄭受益 書 亦 晌 自 户 雖 帝 後 王. 有 可 部侍郎張 頗 開 唐 興」之語,自相 鎔 後。」則既 功》、《澤王 觀 小、《鄭 涉 末 運 左司 繁 帝 其 昭 員 蕪 清 年 遠 中 從讜 外郎李爲光等修上 其 直 泰 起 然 上 唐 中 書其叛亂 居郎 書 事 金 始 爲 帙 臨 矛 賣緯、 蹟 盾 派 劉 而 傳》「今 傳》「今 成 明 相 鄴 未 處 祕 白, 「原 監 直 之 李 īF. 按 書

> 史乃 之。 也 相 謂 並 趙 賜 之《李氏 宰 瑩監修,瑩罷,以宰 繒 朝 後之讀者 相 綵 代遷 銀 虚 書》。 器 銜。 流,簡 并 (錢 亭 及 可 林 氏日 前 誤 以觀世變 牘浩富 -相劉昫 朝 《舊 仞 劉 爲 昫。 唐 代之。 事,蓋 書 ,不暇徧 當 矣。 修 時 若 於 避 未 後 石 晉 攷 晉 唐 高 詳 Ŧī. 時 時 祖 而 代 嫌 監 初 並 會 名 修國 命 要 存 宰 或

見九十四卷。 楊朝晟一人作兩傳,一見七十二卷

## 新唐書

太宗 書 社首。」是以 日 午,禪于社首。」是 月 》改云: 登封, 戊 配饗。 辰朔,上祀昊天上 舊唐 又 元 正 書 明 祭天、封 己 高宗紀》 月 日 已,升 戊 禪 以 辰 社 朔 Ш <u>—</u> 封 Ш 首 一帝 日 于 行 于 祭 事 次 泰 封 乾 泰 序 天 併 Ш 禪 封 Ш 于 甚 爲 之禮 庚 元年 Ш 明 以 午禪 事 下 高 祖 而 干 明 新 庚 正

母〕歐公之所以如此者,以别有《禮志》故也。 繋於戊辰之日。文雖簡而事不核矣。 〔楊氏

疑《 同 元 别 聖 紀》: 廢居于均州,又遷于房州。」按《舊書》: 年三 陵 一, 而 所。 年三月,遷廬陵 元  $\pm$ 舊 于房州。 年 月 《天后紀》:「光宅元年四月癸酉,遷 「嗣聖元年〔原注〕是年九月改光宅。 史》得之,歐 以四月爲 四 丙 月 月丁丑 辰, 戊 遷 丁丑,又遷 午,廢皇帝 五. 遷廬陵 廬 公蓋博 月,然無先遷房州一 王于房州。」《中宗紀》亦 陵 王 採 于 于 王于均州。 爲 而 均 房 廬 誤 州。 州 陵 王 垂 正月, 中 拱 垂 出 嗣 節 拱 廬 元

亦

爲未當

死 别 ,亦爲漏 殿」,下書「六月辛亥,追 「追 代宗紀》上書 廢」,則張 略 后之見殺明 四月丁 廢皇 矣, 卯,幽 而 后 不 張 皇 書其 氏 后 于

《文宗紀》:「太和九年十一月壬戌,李

言其 軍 本、羅立言、 誅中官,不 餘 訓 中 御 及 死。 尉仇士良 河 史中 東 況 節 克,訓 丞 王. 訓 度 李 璠 殺 乃走入終南 使 孝 王涯 奔于 郭 本 王 京京 行 璠 、賈餗、舒元輿、李孝 鳳翔。」下云「左神 餘 兆 邠 二, 而 少 寧 山,未 尹 節 獨 羅 度 於李訓 至 立言, 使 鳳 郭 翔 策 謀 行

等。 卷」, 曰〕作「蕭方」者,當是傳寫之誤,必非歐公原本 〔原注〕《侯鯖録》曰:「方等者,即 當作「蕭方等」, 《藝文志》「蕭方《三十國 乃 梁 元 帝 周徧 春 世 秋》三十 子 義。」「楊 名 方

罪, 《太宗長孫 簡 斷 原 文亦 注》《舊書》。 而 萬 不明。 新 死 唐 明 無 達。 書》志, 后 赦 二手高 改 傳 然 曰:「安業罪死 而 不 歐 列 安業 慈 下,迥爲不侔矣。 傳 陽 于 出 永 「原 妾, 宋子京之手, 叔 注〕后 所 天 作, 無 下 異母兄。 赦,然向 知之」。 頗 有 則 如 裁

遇 解 [原注]《舊 之」三字殊不 祭聽之。」不過省《舊 曰:「祭筵不 3安不 也 以 書》。 慈,户 改 可 成 티 : 用 文。 知之。」 假 有 書》 又如《德宗 花 意 詔 果,欲祭者从之。」 四字,然非 雖 祭物 不 異 無 王 用寓,欲 后 而 注 傳 不 户 口 詔 知

謂 爲 本 濟 濟 本 如 出 今仍録之。 之能 宣 傳 領 與 崔 傳及《韋 則 城,一 及《高 高 吏 沔駮太常 史家之文,例無 當斟 智 簡 部 矣。 周、郝 以 智周 縚傳》,多至二三百言。 酌 遂 爲 彼 〔原注 以 議 傳 江 處 此 處 加宗廟 都, 俊、孫 **%** 二此 約 有 重出。 爲 此 而 二事 詳 通 而 石 處 籩 有 已見於 事 忽之,則亦不得 仲 約 豆,其文兩 略 若不得已而 覽 舍 四人言志, ·; 斯 《新唐 人,兩見 謂 又如 書糾 之 載 繆》 簡 以 及 於 來 於 重

《楊瑒傳》言:「有司帖試明經,不質大

秋 以 義 日 用 難 》者益少矣,故 紙 乃 如 記 帖 取 十有二月乙卯 其 年 年 上下文,止 頭 月 頭」如元 日 請 帖平文。 孤 之類 留 經 年、二年之類,「月 中 絶 間 句 如此 今改 一二句,困 帖 則習《 日 試 二年 之法 春 頭

鑿 道 禮 江 道 塗之險、異地之虞, 及玄宗 元、天寶間,時 道易》而造爲之耳。 房 月 成渭 之論。 最厚 君 難》者,乃爲房與杜 琯 尾」,屬對雖 以故、  $\pm$ 嚴武傳》:「爲 水,天 行 西幸,升爲 杜 「原 路 宰 甫,然欲殺甫數矣。 注〕此 難 相 迴玉 工,而 六 人共言錦 李白《 爲 説 巡 龍 又 壘 南 即 見 成都尹、劍南 義不通矣。 内 作 西 京 蜀 事 《韋皋傳》, 危之也。」此宋人穿 幸 刺 長安。」一人之作 道 城之樂, 則 成 萬 史, 難 又 篇 人 类 爲 武 歡 蓋 李白 别 詩 慢 大 而 作 無 陸暢之《蜀 節  $\Box$ 倨 地 不 當 作《蜀 寓 度 不 知 在 使。 誰 爲 畏 開

舊唐書》高

仙芝、封常清二《傳》,並

前後不同如此,亦時爲之矣。

子京以唐尺紀之,故六尺爲長身矣。《李晟傳》:「長六尺。」古人以六尺爲短,於他書未見。〔原注〕《馬燧》、《楊以六尺爲長,於他書未見。〔原注〕《馬燧》、《楊以六尺爲長,於他書未見。〔原注〕《馬燧》、《楊以六尺爲長,於他書未見。〔原注〕《馬燧》、《楊次元司》:「孝忠魁偉,長六尺。」

言 泚 都虞候何 明禮爲三人耳。按文,「姚令言」上當少一 遇。」此謂 賓、何明禮、姚令言判官岐 素所厚」。 及」字。《新書》遂謂「結劉海賓、姚令言、 賊 ,以兵迎 舊書‧段秀實傳》:「陰説大將劉 也,安有肯同秀實之謀者哉! 明禮欲圖 姚令言之判官岐 而下文方云「大吏岐 乘 輿。三人者,皆秀實夙 泚。此三人者,皆秀實 靈 靈 岳,與海 岳 靈 岳」。 同 謀 所 賓 獎 殺 海

> 要 《劉全諒傳》則云「安東副都護、保定軍 云四四 詩,注:「不蒙,蕃官 西節度使夫蒙靈詧」。 書》因之,兩姓 馬靈詧」。 秀實二《 「夫」音,「原注」如《詩》「鄂不韡韡」。 「夫蒙」,然未知其何以又爲「馬」也。《新 》作「馬」,今從《實録》。」 鎮 節 傳》則 按《王維集》有《送不蒙都護》 度 使 並 云「安西 夫蒙 見, 而 姓 靈 [楊氏日]《考異》云:「《會 詧, 也。」古「不」字有 突厥 節 度 而 使 傳》則云「 「不蒙」當即 李 馬 嗣 靈 業、段 詧 使 安

爲 劉 下云「召總還」,馬總 復 將大用之。 劉 總上 總 韶還鎮。」上云「韶 一道,除總節 《馬 也,又云「鄆人附賴總」,馬總也。 幽鎮 總傳》:「李師 會總卒,穆宗 地,詔總 度,賜 總徙 也。 徙 號 道 天 天 平,析鄆、 天平」, 以鄆 平。 又云「會總卒」, 、平軍。 而 人 劉 附 召 長 曹、濮等 總 賴 總還, 慶初 也 總, 此

總卒」,於文無加而義明矣。「詔徙天平」而去「總」字,其下則云「會劉於人之主賓字之繁省皆有所不當。當云

字 明 刑,卒無它異 及 云壽 矯?』 泌曰 泌 何所本邪? 解 繋京兆 衣就誅, 四百 新 舊唐書 書》但 歲。」府吏防虞周 :『吾本無心,是李道古教 府 獄 ·皇甫鎛傳》附 [楊氏日]因上文言之。 無變異。」語 云「皆 , 吏叱之曰: 『何苦 去其 中間 道 古 語,則「它異」二 教 密,恐其隱 雖 柳泌 我 煩 而敘 事,云 解 作 我 衣 事 此 :; 且. 化 則 即 虚

《舊唐書・鄒紊專》:「昭宗謂有瘟誓,爲七百三十員。」〔錢氏曰〕此條吳氏《糾謬》已有之。十三。」按《百官志》:「太宗省内外官,定制十三。」按《百官志》:「太宗著令,文武官六百四《曹確傳》:「太宗著令,文武官六百四

章 就 常 事。一中 奏班 舊 唐書 - 書胥-簿 側 鄭紫傳》: 吏詣其家參謁,繁笑曰 注 鄭 繁 「昭宗 可 禮 部 謂 侍 有 ]: [諸 郎 蕴 平

> 何 歎 明日果制下。」《新書》改曰:「俄 下。』繁抗其手曰:『萬 Ŧī. 君大誤,使天下人皆不 曰:『萬一然,笑殺天下人。』」 萬 也。」胥吏曰 一」之有 : 出 自 - 識字, 聖 如此 山 特 , 笑殺他 宰 恩, 制已下矣, 聞制詔下, 相 來 不 日 及 制 鄭

明、 王肅、王 杜子春、馬融、盧 生、戴聖、毛萇、孔 儒學傳》復 卜子夏、公羊高、穀梁赤、伏勝、高堂 禮樂志》:「貞觀二十一年,詔 一弼、杜 出 此文,而闕賈逵,作「二十一 預、范 植、鄭 安國、 **甯二十二人配享。** 康 劉 成、 向 服 鄭 虔、何休 衆、賈逵 左 F

作 刺 汀 論 多 史 樊 在後,而 Ш 《林蕴傳》: 晃 鬼 奏署 淫 祠, 倒其文。 臨 「泉州莆田 民 汀令。」此當是署令在前 厭苦 之,譔 人。 父披,以 無 鬼 論》。 臨

凡吴氏《糾謬》所已及者,不更論。

原文。 韶、疏 襌 元《貞 史,有 見解之偏 韓 之詔 愈《平 公頁 傑《 》異 不 昔 符 俱 諫 唐 X 人矣,載、 其 或 録 淮 武 謂 改傅 乃 事之大,反不 代遂 西 后 於 希 宋 一碑》則 之尤 誉 書 奕 恩飾 子 《辟 大 無 京 徐賢 爲 像 佛 全 罪 篇詔 不 疏 無 一載之。 疏 之文, 炎 喜 識。 妃《 如 柳 對偶之文,其 僅 **令**, 碑 諫太宗疏 玭 (楊氏 與 寥 公頁 夫 如 家 相 寥 史 乎 德宗  $\exists$ 訓 數 ? 如 以 〕自是子京 之《 記 都 柳宗 興 不 事, 封 元 狄 作 而 如

#### 宋 史

賂 賂 契丹故 劉 宋史》言 地 恭 獻 而 朝 契 不 廷 丹 思 與 誉、平、 以 金 求援者。 約 滅遼 灤。 既  $\equiv$ 止 州 而 求 非 石 王 黼 晉 晉

祟。 置 德 失利 賜 不 按《遼史》: 渝 穫 薊 軍 高 東 州 悔 元 人 節 帥 戰 募 欲欲 觸 威 勳 北 北 不 峻 清 出 堯骨 之險 走。 度使。」遼之天贊二年 爲 與。 加 不 循 七 野 州 土兵守之。 併 俟其去 月 賞。 盧 百 海 口 堅 歲 得 此 龍 土 克 有 里 越 如 「太祖 壁 致 之, 兵 契 平 節 由 道 有 史家之誤。 平州 一,以 繒纊, 丹 皆 選 一,道 渝關。 州 度 是 遣 北 每 使 待 契 自 天贊二年春 趙 驍 至 狹 獲 田 (), 契丹 芻牧於營、平之間 丹 爲 勇, 以 良 進 處 甲 刺 租 下 不 供 田 勇 嗣 子, # 纔 皆 史 按《通 據 有 袁 敢 戰 數 往 П 趙 供 隘 契 渝 不脩邊備 以 乃後 士衣。 輕 尺,旁皆 力戦 思 軍 丹至 請 IE. 邀之,契丹 水 平 舊 入寇。 鑑 食, 温 月丙申, 通 之 置 州 唐 有 海 再 莊 盧 裨 每 不 八 輒 功, Ξ, 亂 初 ご又 遂 宗 龍 將 及 歲 防 閉 自 Ш 張 百 軍 失 周 則 常 早 於 禦 歸 辟 金 出出

弗與。」 旦]此 當劉 若 於唐 注》《金史· 光 云 灤 元 亦史家千年未正之誤。 仁 本 年, 石 而 恭 平. 晉割 是 不 張覺 時 州 營、平二州 於劉仁 尚 地 之地,遼太祖 傳》: 未 , 在 有此 平 平. . 恭, 州 州 州,尤爲 《遼史》于「灤州 契 又 自入契丹,别爲一 之境。」亦誤 丹 非 以 自以 賂 俘 無 以 户 兵力取 據。 求 置 也。 援 灤 (沈氏 軍, 也 州 「原 之 執

節

歸

主。 河」下「一曰胡門」,則不能 兵大起」、「胡主憂」之類,改曰「北兵」、「北 元人作《宋史》,于《天文志》中, 昴爲「胡星」,改 日北 改也 星」。 ,仍其文。 惟 如 北 胡

來

胡 鹵 銓 爲「金敵 書中凡 書不改。 0 「鹵」字皆改 原 注〕《陳康伯》、《王大寶傳》。 八爲 「敵」,●至以「金 惟

重

#### 叼 魯 啚 進 宋 史表

傳》今在《宋史》,曰 也。 俗, 宋《史》。 《金史• 者,請書之無諱。 進、三也。 之臣; 朝,吉 尊 猶 〔原注〕《五代史》不爲韓 經儒、 元 有三代直道之遺,不獨 SIT 忠義傳序》曰:「聖元 王 史臣議 楚 魯圖 重 航 滅 節 海 **進** 《周三 而 諭 義之效。 凡例,前代之臣 朝廷 宋 齊 臣》。 魯公, 史表》曰 亡 2從 通 通, 一而 堪矜 立 之。」此 訪 其 傳。 也; 王 : 元 時之人 守禮 詔 李筠,二 楊 蠋 主之賢 厥 皆 忠 修 氏 日 後 遼、 宋 於 乃 之 世 心 或 世 所 存 瀛 韓 金 明 風 事 秉 或 以 李 诵

齊武帝 使 太子家令沈約 誤《宋 書 》,疑

鹵」,據《校記》,鈔本作「虜」。 下「鹵」字 同

0

宋室忠臣。 立《袁粲傳》,審之於帝 帝 日 : 袁 粲 自 是

#### 潦 史

矣,可 符來。 所欲,與「進貢」字孰多? 勇,人人願从事 幣以易十縣。 始定。」而《劉六符傳》則 可奪,乃曰:『吾當自遣人議之。』復使 遼史・興宗紀》亦 獻」、『納』二字,聲 進貢』名,宋難之。 南進,何以禦之? 勿許 宋史 弼歸,奏曰:『臣 也。」朝 富 六符與耶律仁先使宋,定 於宋。 弼 廷竟以『納』字與之。」 云:「感富弼之言,和 六符曰:『本朝兵强 色 傳》言: )俱厲。 顧 若恣 日 以死拒之,彼 小 況大兵 節 「宋遣使,增 其俘獲 「使 忘大患, 契丹主 契 駐 丹, 门以以 燕 劉 氣 知 悔 萬 飽 將 歲 議 折 不 争

> 如 將 傳,而 此 先 何 傳》 及 [原注]《六符傳》似本其家誌狀 重 亦 文 一宋乃 司 從之, 一史並 歲 脱 幣 脱 稱 監 貢」。 與其 修 祖景 而 不 耶 同 口 律 爲

#### 金 史

有

載 書 筆 而 元人取之以成《金史》,見《文藝傳》及《完顔 〔錢氏曰〕貞祐南遷以後,事迹多取元、 歸 一,亦頗  $\pm$ 涉 , 則 潛志》。 兩 隱諫 於繁者。 人 質 金史》大抵 録 可 元好問,字裕之,秀容人。 美 祖 事, 觀。 在,非 納奕棋一段,●兩傳俱 必 孔毅父《 日『語 「原 出二人筆也。 出 注 劉 劉 在某人傳』。 雜 祁、元 祁,字京 説 然其 》謂: 著《王 劉兩家。 好問二 叔 中多 渾 奴申 「自昔 出,此爲 ≪ 晉 書 辰 源 章宗以 傳 雜 君 重 贊 編 史 見 之

前

0 納」,原作「約」,據《晉 書. 祖納傳》改。

九九五

文繁矣。」正同此病。〔楊氏曰〕《金史》較《遼史》

爲勝。

得乎?」似爲失當。年。而反引荀首言:「不以人子,吾子其可殺人子多矣,能無及此乎!」〔原注〕昭公十三殺人子多矣,能無及此乎!

是議兩史之優劣。
金與元連兵二十餘年,書中雖稱「大元」,而內外之旨,截然不移,是金人之作,
北其所以爲善。〔錢氏曰〕《宋史》非元人之作,此其所以爲善。〔錢氏曰〕《宋史》

承麟即位不過一二日,而史猶稱之爲

帝號者絕異,故知非一人之筆矣。末帝。〔原注〕《白撒傳》。其與宋之二王削

其

#### 元 史

裁。 此義例之顯然者,已紕繆若此矣。 武元年十二月,詔脩《元史》,臣 兩傳、《宰相 皇子無一 及其半。 而鄆國亦無傳。 國功臣首 先」,三十九卷「石抹阿辛」,亦是一人兩傳。 書不出于一人之手。「楊氏曰〕三十七卷「石抹 九卷「完者拔都」,亦一人作兩傳。 不台」,一人作兩 二年二月丙寅開 《元史》列 人立傳者。 太祖諸弟止傳其一,諸子亦傳其一,太宗以後 稱四 表》或有姓無名、《諸王表 傑,而赤老温 丞相見於表者五十有九人,而立傳者不 傳 本紀或一事 傳。 八卷「速不台」,九卷「雪 無傳。 十八卷「完者都」,十 局,八月癸酉 而再書,列傳或一 宋濂 尚 或 主世 有封號無人名。 濂、臣禕總 序 胄不過 〔錢氏 云:「洪 蓋其成 書成 數家 (日)開 人而

从之」。 仍 兒等宣力效忠之蹟, 禁, 事 事 請 大典》,請 洵 風 傳皆有之。 者,令郡縣上之。 書。 月丁亥書成。紀十卷,志五卷,表二卷,傳 紀三十 三十六卷。 三卷。」 汪氏曰〕元太祖平北狄 奇偉矣。《文宗本紀 土,今西北四十八家皆爲元裔,則 備録皇上固 蹟 濂、 非可令外人傳寫 然 上復 翰 禕 則太祖 從翰 則 林學士承旨押不 順 七卷,志五 劉郁《 **元** 詔 帝 讓大凡、 林國史院 臣 之勳蹟 凡前 儀 時 《西使記 史》之成 曹 續 而 ,臣等不敢奉詔。』從之。」其後 無 》: 「至 以 爲《蒙古脱 遣 往 纂 書 取 諸 三年二月 實 十三卷,表六卷,傳 奎 來奏苔 》作于中 使 有 録 花等言:『《脱卜 《脱卜赤顔》一 國,憲宗續平西域 一章閣 録 行 之 順二年,奎 所未 可 雖 無 天下,其涉 + 與 ト赤 統四 徴 書 訓 不 元太祖 備 獨 而 敕 乙丑. 年,具 顏》,置之奎 出 因 捎 不 辭 書,紀太祖 章閣纂 頗 傳 命,及 未 于 、世祖 堹 赤 諸 載 開 補完之。 顔 終 得 諸 或 于 修 事 局 燕 之 或 時 始 總 章閣 則 史 爲 六 鐵 撒 動 經 弱 以 Ш 紀 其 裁 事 + 木 迪 蹟 祕 來 世 JII

> 咎矣。 誤 定刊 人,而 其 皆 修 朝 乎得爲完書, 説 ,●其書留 者 務 廷付之有司,委官覆定,使 者 苟 修 必不敢 昔宋吴缜言:「方新 宋、王二公與趙 也。 然後下 完,右文之 洪 中 滅裂,審 可以 武 不 朝 中嘗 傳 傳久。」乃 君 臣 覆 亦 命 博 君 者亦 解縉修 多 議 亦 倦 可 書 歷代 難 覽, 不敢 否, 詰 來上之初,若 免于 正《元史》舛 難 未 修史之臣 如 依 糾 有 疏 此 違 駮, 忽之 能 則 庶 行 初 審

元無異 滑 州 縣 雲三州隸 州 爲雲州,松山 預書爲 名,而 《世祖紀》: 攷 唐 上都。 志 《志》云: 州 》雖 者誤。 州 縣 中 「唐改靈昌 四 郡 爲 年五 兼 「錢 統 松州。」 稱 三年二月,以 氏 而 月,陞 郡 日 改 宋改 一滑 州 是 州自 爲 三年 E 武成 郡 不 都 唐 軍、元仍爲 興、 尚 路 過天寶 宋 迄 未 望 松 金 雲 陞

❶ 「洪武中」,據《校記》,鈔本作「惟我太祖」。

貽 專 爲 分 也。 爲 甚矣。 者,節 槩 亦 之名不 之,又云「復因 混 信 爲 表 號 州 至 笑千 棄陽 號 唐 練 專 州之大小 未 河 軍、又爲 不 偂 義 德 淤 州 嘗 練 中 自 成 改 + 又 度 未 古。 改 之, 河 代? 去 唐 府 也 其 軍 軍 餘  $\Box$ 軍 讀 是誤 中 護 年 州 宋、 既 宋太宗 棗 Ŧi. 則 號 矣。 宋 府 武 耳 或 志》 名 如 不 已不分阜 陽 與 且 代、 非 仞 時 金皆因 自 兵 成 軍 仍 知 亂. 軍 今 隨 改 團練 隨 改 乾 义云: 州 宋、 唐 爲 州 之 舊 制 宋 時 州 州 州 有 號 中 節 元 也 遷 避 爲 州 金亦 各 亦 爲 葉已 以 爲 之。 此 節 金 度 Ė 諱 郡 徙無 縣 爲 州 軍 唐 濟 度 皆 後 軍 兩 + 分 未 名矣。 志 志 《志》乃 且 也。 乃 所 額 稱 爲 軍 仍 寧 繁 防 常 郡 -道皆 有 置  $\overset{>}{+}$ 棗 改 節 艻 河 者 爲 禦 異。 簡 矣。 而 路 陽 棗 武 鎮 中 滑 云 此 欲 而 耳 滑 同 史 成 與 陽 爲 專 府 云 唐 後 類 宋 州 之升 臣 宋 稱 以 而 隨 本 練 虚 麟 不 甚 因 單 非 與 宋 護 彌 各自 作 之不學 隨 唐 志 銜 得 岢 之, 州 多, 本 刺 廢 唐 名 或 縫 志 節 改 州 謂 可 沔 史 度 護 其 爲 刺 府 無 軍 屬 者 爲 周 舉 其 滑 以 始 四 或 失 爲 如 單 史 而 異 郡  $\bar{Z}$ 縣 并 於 之 稱 īfii 州 此 宋 州 等 軍 此 州 稱 實 于 此 不 護 則 而 崇 唐 河 南 改 + 軍, 土 唐 贵 置 宋 後 以 勝 或 中 舛 爲 信 金 强 宋 方 而 數 濟 升 是 駆 軍 復 崇 鎮 升 金 府 益 合 而 71 軍 它 年

北郡 改 乃 州 紀 子 州 縣 濟 州 以 唐 立 單 何 乎 唐 耳。 州 宋 之郴 之濟 父。 勝 説 ? 敦 石 向 後 州二一句 盧 濟 有 改 志 盧 化 治單 州 縣 也? 晉 頗 或 按 引 唐 郴 與 宋 魏 爲郴 郴 州 元之 所 疑 陽 隸 唐 か改 當置 宋 志 縣 鉅 承 之, 縣,《 父,不 寰 州 鄆 則 初 百 因 野 後 爲 當書 雖 陽 爲 志 州 治 濟 宇 倚 年 ·未 北 之。 周 敦 邈 謂 志 濟 記 郭 盧 》於「濟 云 寧 真 之舊 自 幾 濟 不 知 化 湖 其 于 州 爲 路 相 武 口 即 ž: 云 陰 是 此 何 即 南 濟寧路 稱 郴 笑也 治 又 廢 郡 據? 涉 無 漢 條 德 舊 隋 舊 州 濟 麟 縣 ,豈可 鉅 爲 濟 0 之濟 尤 四 初 爲 爲 晉 州 州 州 濟 下 野 偂 可 年 非 敦 宋 或 州 攷《太平 天 者 真 亦 陽 又云 之 縣 敦 北 怪 以 化 大 溷 元 土 縣 福 治 僅 稱 郡 不 異 縣 化 郡 是 史 縣 耐 在 名 初 鉅 而 當 矣。 至 置 也 誤 爲 也 仍 唐 悉 野 年 臣 - 寰宇 在 避 夫 唐 麟 敦 仞 改 則 復 矣 乃 元 此 後 廟 頃 ? 以 州 元 元 濟 贵 爲 舊 十三 爲 以 字 周 條 之 諱 見 記 濟 和 州 前 乃 可 鄆 Ŧi. 爲 始 也 Ŧ 犯 周 濟 置 以 爲 北 以 是 州 至 改 年 年 于 象 之不 宋 州 濟 郡 瀕 後 周 單 此 敦 郴 改 唐 州 之 元 鉅 之《 濟 廟 治 北 省 耶 瀕 州 槩 + 化 州 今名 以 野 廢 鉅 水, 諱 郡,治 道 濟 任 濟 之名 輿 爲 單 前 野 立 州 城 水 敦 地 Ħ. 郴 父 濟 V. 濟 又 代 然 縣

本紀有脱漏月者,列傳有重書年者。

復詳書之,不免重出。《志》末云「餘見本《天文志》既載「月五星凌犯」,而本紀

紀」,亦非體

「田司徒」、「郝參政」,皆案牘中之稱謂也。志》言「耿參政」、「阿里尚書」,《祭祀志》言諸志皆案牘之文,並無鎔笵。如《河渠

遠蹤 咸 晉陳壽《上諸葛孔明集表》曰: 也。」於此書見之矣。 江 肆 左日思薦 其 古聖,蕩然無 張楨傳》有《復擴廓帖 辭 而 無 食上 所革 忌 國。」此 . 諱, 所 故故 雖 敵 以 謂 或 木兒書》曰 明 明 誹謗之言, 「伏惟陛下 太祖 大通之道 也。

兵取 朝 廷」,朝廷謂 集慶路」。 石抹 順帝紀》「大 宜. 孫傳》上言「大 其時 元也 明 内 或 兵 號未爲大明,曰「大 取 外之辭明白 太平路」,「大明 明 兵」,下言 如 此

《金史》紀傳皆追稱「大元」,此明初史臣承用之例。亦未有國號。大元之名建于世祖之世,則金亡久矣。不得不然者,類如此。〔錢氏曰〕蒙古滅金之時,明」者,史臣追書之也。古人記事之文有

### 通 鑑

賦。』《通鑑》削之。 賞,匿姦者與降敵同罰。』《通鑑》削『不告 姦者』一句,而以匿姦之罪爲不告姦之罪。 侯嬰「北第第一」之類 皆當以 妾者以家次。』《通 本傳又云:『民有二男以 傳云:『不告姦者腰斬,告姦者與 吕東萊《大事 本傳爲正。」「原 記 本傳又云: 『名田宅臣 鑑》 **\*** 注〕「以家次」者,如漢賜夏 E 削以 : 上不分異者,倍其  $\sim$ 史記 家次』三字。 斬 商 敵 首 君 本 口

❶ 「明」,據《校記》,鈔本作「我」。

九九九

亂 致 勇、好 竑謂: 及添者, 子》書者,疑孟子不當 慙于 而 齊 下十二三年,則於《孟 又 年 則已爲湣王之十二年,而《孟 年爲周顯王之四十六年,歲在著雍閹 百 以以 强天下,亦必有過人之才,故孟子許其足用爲 儲子勸 旧 破 八年,燕 ,以合《孟子》之書。 紜莫定。 爲齊宣 貨、好色,不能自克,所以 燕,殺 拘於十年之成數邪? 「《孟子》書所言齊王皆湣王,非 孟子」,尚是宣王,何不以宣王之卒移 故知《史記 通 孟 齊 子》以 鑑 王,豈 宣 按 王  $\pm$ Ŧ 以 《 國 噲。 因 噲 有錯 》所 伐 策》「 威 而仆之,并 書得 仕 讓國于相子之。又二年, 燕爲 誤? 湣 又二年,燕人立太子平, 王、宣王之卒各移 燕 Ŧ. 其 Ŧ. 一時,添 宣 實。」「趙 今按《史記》湣 子》之書無 乃《史記 噲 有喪邦之辱。 載  $\pm$ 既 孟子 入宣王諡, 事 [錢氏云]寶應王 立 章,明 宣 氏曰」孟 丁,與《 》則 勸 子》書「吾甚 Ŧ Ŧ 以爲潛 伐燕之語 後 不皆合 湣 言 史記》不 而 子手 人校《 善, 子之之  $\pm$ 尚 下 初 自 而 有 茂 年 好

之數約 馬 十二年。 年 烈王之二十一年 十二月,宣公薨。 年 周 留 謂 歲,相 嗣 然後以樂毅爲將,破齊七十餘 王、《國策》本自明 又「昭王築宫事郭隗章」言昭王與百姓同 燕爲湣王。 位二十九年,想燕、齊 圃 記 宣 當以 陵,  $\dot{\mathbb{H}}$ 意 赧 位二十九年,乃 毅之伐齊,實 王令章子  $\mathbb{H}$ 》所以係之湣 莊子卒,明年 王元年、齊宣王 一燕昭即 時梁惠王之二十八年 午弒剡自立,是爲桓公。 距本有三十 宣王之卒再移下十二三年 略相符,則《國策》之文原與《孟子 明 年 然《國 將 位二十八年始報怨」之語 ൬ Ŧi. 因 王者,則 也。 桓 明年,田和 都 爲 田悼子立。 白。 餘 策 一齊破燕, 公卒,威 燕所 兵 七年事也。 年。 **※**言 康公二十二年,田 相 伐之, 計 報不應如是之久,故不得 齊 以 破。 宣王 則 破燕之後二年,燕昭 湣王之走死,實因 而 也。  $\pm$ 破 立。 是 宣公五十一年,田 計 城。 爲 破燕之後,不久即 立。 燕 桓公十八年,當梁惠王之 伐 《紀年》謂齊宣公四十五 燕昭 其年 惠王三十六年,改 時齊康公之元年, 燕之爲 者 更屬 是齊破燕至燕破齊之 威 宣 正與 Ŧ E 王,爲 耳。 武 侯剡立。 報 + 》相合。 甘苦二十八年 宣 斷 燕昭二 怨 四 「雷氏  $\pm$ 燕所 年, 敗 樂毅 無 總 而 一殁,湣 悼子卒。 王始立 立之十 疑 + 破 由 而 不以 湣 曰〕此 伐 爲元 魏 周 未 顧 八 者 E 威 嘗 V 年 湣 Ŧ 在 史

表》謂 即 作《資治通鑑》,止據《史記集解》所引荀勗、和嶠之言,記 惠王改 之于後,于是《紀年》一書,儒者不悉心考究。 愐 勸伐之説載于《燕世家》,此實大謬。 易其即位之年,于齊人伐燕事不知折衷《孟子》,而《年 知惠王 記》,于魏增哀王一代,此因《竹書》未出,襄、哀字訛,不 伐燕,此文、武之時,不可失也。」夫《紀年》成于魏史,其 復用蘇代」,又曰:「太子平謀將攻子之,儲子謂齊宣 年。 人與孟子同  $\Box$ 年,時周赧王之元年也。  $\pm$ 戰 位 稱齊宣王。 之三十六年也。 「王噲既 國策 移下十年,以 因 後元之十五 書・ 在湣王十年,《田齊世家》又缺而不録,反取《 元之事 有改元之事,猶可説也。 而仆之,破燕必矣。]又曰:「孟子謂齊宣王 **》**雖 束皙傳》誣之于前,《太平御覽》、《寰宇記 <u>V</u>. 短長書, 時, 一則曰「蘇代與子之交,及蘇秦死,齊宣 ,而宣之伐燕,終求其説 改元伐燕等事皆 年,威王卒,時周 遷 篇,亦經之佳 明 就 詞多踳駁,然紀事之言,不必皆謬。 年 《孟子》。 ·爲齊 《國策》「燕王 宣王 至齊之桓、威、宣、湣、移 證 自後説者疑信各半,議 顯 E 元 所 Ξ 年。 目 唐初《竹書 而不得 之四 一噲既立一 自太史公作 驗, 伐燕在 十八年,齊 何致反誤? ,乃將宣 司馬温 《孟子》 宣 Ξ: 雖 篇 Ŧ > 誣 傳 **党** 之 公 今  $\pm$  $\mp$ 亦 七 威

> 此事。 其臆 移齊年于後,迄今千年,經儒者百數十人共商此 書釋地》又將子之事移上十年,謂當周顯 伐取十城。 故及伐燕之事。 與之不合。 論滋紛。 《史記》,甚以《 短鳧長,説之不同 斷 辛酉後考訂紀年,閱九歲書成,而後涣然以解。 即巧作調人,未有定論。 朱子《通 湣之伐燕,始是子之之亂。 他若吕東萊《大事記 《荀子》「北足敗 黄氏震《日鈔》謂宣之伐燕在易王 鑑 綱 如此。 目 難 蓋 从 燕」句 自 温 予弱 史 》謂 公 遷移 疑似之詞 宣 īfij 龄  $\pm$ 孟 齊年于 或 讀 在位 王之四 朝 子序 (孟子),即 閻 三十 ,疑《孟子 事,非 前 + 百 説 初立 九年 꺳 温 Ŧi. 詩 ○ 四 逞 疑 公 袒

鶴

爾即對。 太史公之意,謂慶雖簡易,而猶敬謹,不敢率 『六馬。』慶於諸子中最爲簡易矣,然猶如此。 出,上問車中幾馬,慶以策數馬 通鑑》去「然猶如此」一 (史記・萬石君列傳):"「慶嘗爲太僕 其言「簡易」,正以起下文之意也 句,殊失本指 畢,舉手 曰 御

安國爲材官將軍,屯漁陽。 通鑑》:「漢武帝元光六年,以衛尉 元 朔元年 韓 匈

匈 此 盡 知 餘 韋 奴 , ~ 人。 奴 韓 韋 耐 (通鑑) 《傳》本 會燕 安 萬 漢將軍安國。 云「又人漁陽」, 夫 或 騎 救 》改之不當 日 壁。 文,則 至,匈 漢 韋 又 殺 韓 人 云 遼 奴 安 漁 「敗 引 西 安 或 則 陽、 太 去。 或 漁 疏 壁」, 守, 時 雁 矣。 陽 門, 千 其 略 太守 其文精 · 餘 騎, 效《 二千 爲 各殺 軍 漁 史 餘 密 略 陽 亦 千 如 Ħ. 餘 可 千

不知 荀 月 行 氏《紀》 幸 ,上幸甘 「三月行幸甘 雍,祠 温 漢 》則云「幸甘 公何所據? 書 泉, Ŧi. 宣帝紀》: 時。」《通 郊 泉,恐 泉。」 泰 「楊氏 畤 是 , \_ | 如 而《宣紀》本無 鑑 五. 此 日》《宣紀》本云「幸 **> 攷異》引《** 改 鳳 之曰:「春正 年 春三月 宣紀 此 文

靈 軍 旅 公 問 光 武 皇太子嘗問 陳 孔 自 隴 子 蜀 不 平 軍 對 後 旅 之事 此 非 非 警 帝 爾 急 所 日 未 及。 嘗 昔 復 據 衛

> 子 乃 後 , 亦爲未允 書於「建武十三年」, 漢 書》本 文, 皇 太 子 則 即 東 明 海 帝 王 也 彊 尚 通 爲 太

在今平 謂 貫。」又曰:「開 凡 納 納 自 津 京 險。」按《舊 原 食貨志》曰 .縣。 之 含 兆 門 太 江 注 北 年 原 嘉 尹 淮 唐德宗貞 陸 在今氾水縣。 三門東集 鑿 上縣。 裴 運 運 倉 倉 而 Ш ,(原注)《六典》: 泝 耀 七 開 唐 開開 開 原 自 鴻 卿 百 書 注 車 元二年, 溝, 之言, 太 元二十九年,陝郡 津倉、三 萬 門 河清 道 計 原 元二十二年八 石 北 悉 李泌傳》並 太 十八 倉 山 縣 置 原 納 省 浮 李 倉 + 門 柏 河 東 河 陸 于 泌 雖 里 都 八 西 崖 陰 陰 運 屬 渭 奏: 有含 倉、「原、 里 鹽 倉 縣 陝 以 之 無 倉 以 自 州 嘉 以 及 月,玄宗从 避 傭 此 自 太守李 倉。 河陰 實 當 避 注 「原 底 四 河 事。 集 在 亡在 京 湍 柱 又送 陰 十 津 河 注 倉 今孟 師 險 北 之 齊 萬 送 至 並 而

也祖政國守楚獄爵餘者年

他

如

地

震

水 餘

早

蝗

飢

祀

廟所知税

行

幸、

還

冢有

差。

帝

崩

太子即位

上 上

帝

尊

號爲

高皇

隱王、魏安釐

王、齊愍

Ŧ

趙

悼

襄

Ŧ,

魏公子

帝,令郡、無忌各置

事之大者,

而

此通

鑑

皆

不 詔

載

則

其

小 復

又又

諸侯王

各立高

祖廟,下

減

田

租

Ŧī.

此

皆

<u>+</u>

年

日 所

食遺

如

則

千三百

郊五

天生

年 者 十

中可

遺

可即

知高

憂國 别駕 孝武崩 漢以 宫 臺 如 世 甫 年 據 元 亦 奴 漢 鑑 二萬,噲爲 歌 四 年 Ŧi. 誠 中 惠帝三年, 憲亡走,其 郡 晉 起。」歌吟之聲 ,是爲 》于憲之稱 既 吟二字 命 世 糜竺 苦, 中郎 安帝 公 忘家者耶 稱 後 熾 而 Ŧī. 相 ( 闕者十之三。 淮 ,七日 海 乃罷之, 盤 以 公 「無尾」。 率 義 南王,光武 封 内 上 將季布 后 虎 烈州 州 無 四  $\pm$ 所歸 冒 軍 將 不食,不能 王稱 密 臺 人迎 字 所 皆 妹 軍 頓 ± 與 车, 而 謂 IE. 宋孝 不 帛 冢 遺 則 日 帝 虎 爲 備。 君 通 矣。 謂 通 建 臺 西 中 高 意 后 冢 則 至 平 鑑 可 能 武三 秦乞伏 鑑 武 枯 謀 后 追 前 書 以 備 彀弩。」今歌吟之聲未 遂厚 獻帝 如 中 城之歌也 解 帝大明 所 骨, 巡 殺 嫚 斬 Ë 州與 冒 更始 韋 枯 年 于 慎 書 憲, 熾 頓 書罷,不書 待 骨 何 興 稱帝 馬 重 盤 熾 圍高 之。 孔 足 平 天下 封 袁公路近 元 樊 無 虎 Ŧi. 成 盤 年, 而 ·元年, 一,而 噲 帛 事 臺 介意。」 年 破 四 滅 所 帝于平城, 歌 漢 露 願 意 Ŧ 憲 南 謂 之日 立 年 融 以 爲漁 通 將 至 立,是 莽 皆 涼 徐 矣。 在 南 遣 前 而  $\Box$ 帛 廬江 宋 鑑 + 見 州 闕 馬 壽 北 萬 意 陽 誉 虜 平 絶,傷 殺 所 通 春 牧 删 爲 者 成 袁公 斬 陽 衆 侯 其 漢兵三十 連 鑑 陶 擊 謂 去之,則 馳 + 城 横 率 太 此 憲 無 王 憲, 而 謙 道 愐 之 子 夷者 之下 複 删 路 首 則 李 景 君 行 卒 Ψ. 虎 通 豈 四 至 不 通 六 憲 去 匈

焉

是

則

北

運

始

於

耀

卿

尚

陸

行

+

八

里

河

運

始

於

齊

物

則

直

達於

長安也。

下

距

貞

兀

四

+

Ŧi.

年,

無

緣

有

李泌

復鑿

門之事

談

氏日

〕温公之作

通

鑑

》也,參同訂異,採要搜奇,十

中,心力俱殫,真先後

間有

倫,精

粗不

雜,繼《左氏

崇而

興 九

誰

復與京

哉

然亦

有

七

請

類舉

一二,以

槩

其

置所

三老,

定上

帝

Ш

川之祀。

四年,初

爲

算 施

賦

秦韶

讞

疑 民

謂

漏

如

漢

高

帝

二年,

立 病

漢

社稷,

恩德,

賜

+

年,減

省

П

賦

下

詔

求

賢

十二年,爲

始

皇

以

滻

水

作

廣

運

潭

於

望

春

樓

之

東

īfīi

藏

舟

流

自

齊

物

始

也

天

寶三

載,

韋

堅代

蕭

炅

作

踰

巖

險

之

地

俾

負

索

引

艦

昇

於

安

物

鑿

門

Ш

以

通

運

闢

 $\equiv$ 

門

巔

輸

原

注

疑

當

00四

君,《通 之養 所謂 核其中 中 司 Ŧ. 生 趙武靈 視 功 以 飢 唐 鑑 Ŧi. 極 日 母弟 太宗 年良从帝入關之時 一,于良足矣」,此十一年以後之語 留 元年 饉 豆 元  $\check{\breve{\pm}}$ 何得先以 則 或 故良自稱 侯,十 盧 1 年 紊 《當在六七年之間。 日 惠文于是 王十六年 鑑》於此即 欽 貞 而 月稍 聖曆 後 熙十 則是時 時日之錯亂 者, 。望爲 月 觀 事耳 通 元 年 有不合,并其所載之事 帝者 如 鑑 年 而 文昌 年, 以三寸舌爲帝者 或止 年 Ŀ 時 周 豫 何 納 通 書平 征 赧王 書 亦 兩 突 師 吴娃 右相 載之于七月,又載之于十二月。 可 鑑 者亦復不少。 黥 數齡耳 不 書之。 厥 殺 便 布,以 過 萬户 不知 原君好客養士之事。 十七七 虎 大雪,平 綴 于聖曆 本 十二三 臺、至 是 至十七年, 于 侯 - 在聖曆 是時 欽望 爲 , 豈便能養士? 年,趙惠文王 此? 良爲太子 赧 元年、 景 自 1師,封 地數 歲 王 良 罷爲太子賓客,本在 平元年十 居 漢 如 也 耐 之五 尚 而 尺, 梁簡 武靈王 已矣。 高 久視元年兩書之。 一年,而 萬户 未封 少 删之者甚多,乃 祖 且 而 傅 年 雜 封 侯, 文帝大寶 六 侯 也 畜 通 通 月又詳 然則 輔 年 Ψ. 傳 今按《史記 弟 《通鑑 多死 鑑 鑑 此 勝 未 位 太子 始 原 則 鄭 極 爲 布 封 平 君 于 惠文之 爲 Ť 書 惠文 平 武后 太子 嚴 元 載 衣 鎮 張 原 又 連 之。 細 Ŧ 於 > 其 原 久 神 年 年 良 君

年 書 亦 必 王。 洋 月 使 常 作 記 常 州 儼 城 如 H 王 常據 據、 必非 無甲 充爲 讀 或 于 爵爲齊王。 甲 月 也 晉穆帝永和三 張 豈 建 寧 遣 則 丙 申 丙 丙戌 春秋》,于 者 掌 掌 戎校 得反敘之於前? 武 天錫遣 征 庚辰。 申; 惑 《通 本一人之事也。 午之後? 午, 左僕射。 侯景 將 也, 據,若爲三人,今致《十 東 焉。 將 尉 湘 以安陸王大春爲 軍 姓 鑑 征 東王 請 庾方之以參軍毛穆之爲建 軍 張 月 四 太元中 則 デ 四 毛寶之子穆之,小 常 璩从之。 東將軍 既 F. 年, 月庚辰 庚 歧 月 入寅, 永 繹下令討侯景。 據向 H. 楔宴于樂遊 有甲 朔 而 和 趙 爲 復 既 東魏 中 ·掌據 月 左 麻 申 且二月 但 朔  $\equiv$ 不 爲 已从《載 南。 海 秋 而 知 則 載記 庚 揚州 帥 湘東王 以 西 攻 丙 璩 何 辰 月 衆三 尚 孝武 公太和二年,張 午 枹 苑 既 也 所 · 六 國 内 》作張 罕, 書令高隆之爲 刺 再 記 則 有 本 字 萬, 不 夫乙巳 史。 據 繹以上甲 太元 庚 見 次 ¥, 于 應又 丙 而 虎 春 涼 也 馬。 日 中, 作 璩,《十 軍 戌 生 秋 州 乙巳以 武 元 名 即 與 掌 太 于 有 將 東 在 司 與 所 據。 和 洪 年,苻堅 爲 庚 且 庚 成 張 魏 庚 侯 馬 - 六國 謂 辛 中 **晉** 寅 析 池 申 天錫 悛 帝 寅 韶 進 太 尚 E, 夫 又 而 雜 建 欲 書 四 則 後 爲 派 書 書 八人《十 爲二, 張 春 張 元二 伐 棄大 何反 討 月 + 長 相 僕 H 也 秋 璩 載 朔 月 = 涼 李 Ŧi. 沙 高 射 事 亦 母 請 罷 請 年 或

啟

沃

豈

可

要?

棄不取

安

思

順

爲

朔

方

節

度

使

一后之族

曲 而 日

中

弊。 大臣

方 以

帝

勵精之初

,言之不嫌

于早

不嫌于

盡 皆

温公乃

當

時

天下

事

止此

十條

須因

勿造

寺

觀、八請

接 時

禮,九

清容納

直

言 賦

Ť

請

勿

用

斜

封

員

外等

官

Ŧi.

請

行

法

自

近,

六

請

杜 親 請

外

貢

獻,七

勿求邊

功,三請中官

勿與

政 +

事 事

四

請

或

勿任臺省,并

孝伯 初爲節 言 伯  $\Box$ 恨 失 之極致 鑑 詩以美其節。 拔 皆 删 東討 天下,若制書已除光弼爲節度,子儀安敢擅 詔 能 子。」子儀趨下,持手上堂偶 誅 郭 德。 捋 後 虎牢,司 子 削 命 東伐,豈懷私忿時 執 以子儀代之、光弼懼、 鬚事 譯 嗣 亦 下 我 光弼節 儀、李光 也。 因 不爲之諱。 鳥 可 可 度,猶 弱 是因秉筆者之微疵,遂没薦賢者之大度。 腳 此詞 Ŀ 言捋鬚 丸 冲 杖 耳。」太子 混 州刺史尹 軌 痕 至 度河 逸 臣之筆誤 未薦之朝 耐 《宋書 與滎陽太守崔模俱 弼 所謂 在 誰 書 俱 事,天元 武 東 所 之乎? 爲 譯字, 軌 爲 帝 於是 沖投塹 「誣」者,如宋文帝元嘉七年, 耶 》載之甚詳 分 牙 也? 後 前 也。 兵 侍 門 而 每 大 乃人請曰:「一 每 東 」涕泣相 胡身之乃 内 周 都 温 殺 坐,曰 而死,文帝爲之傷悼不已, 作 遭 譯 直言其過。 討 宴 天 公謂: 將,二人不 軌及 티 : 傳 捶 (,捋帝 , , , , , , , , 元爲 撻 者漫以請 然則 降魏。」 勉以 事 孝 「今逆寇倡 書 是 以 太子, 鬚 及 伯 由 》亦 光 事 忠義,遂薦之朝 時 天  $\Box$ 大死 帝 弼之請 死 相 烏 無異 唐之號 死事置之分兵 丸軌、 元 問 狎 由 殺之? 固 能 通 烏 即 好 宇 昵 與 鑑 亂 Ħ 河詞, 位 既 降 丸 文 老公,但 鄭 Ť 宇 魏人 凡此 令猶 乃子儀 非 請 而 孝 譯 而 文孝 問 忠 遂 公不 免妻 思 因 多 伯 譯 通 賦 逆 攻 者 皆 順

胡身之不考《北

齊書》,妄爲注曰:

「齊猶未亡,不應

改

號

宋國當是宗國。」凡此

者皆

誤

也。

唐玄宗先

天元 遽

召

姚

元之爲

相。

元之以

要

帝

政

先仁

一恕,二

位于任

城王湝,自稱守國天王,而

《通鑑

談誤

「守」爲

宋

遣使者梁搆至張掖,是合二人爲一人。

北

齊

幼

主

高

恒 書 元

禪 秦 賱 穉爲

仁所

獲

至

咸

康

三年,仁

敗

則

又曰

一慕容幼

慕容

咸 後

年,慕

容皝

遣 Ŧ

庶弟

幼 前

穉

討母

第仁

于平

郭,兵

敗,幼

小字

隨

明

帝

泰始六年書,「以王子智隨爲

武 是。

陵

(王」,其

則 和

又 智

皆

書

武

陵

贊

稱字,後

稱

名

者

晉

成

帝

書 使

日

虎生,

寶之子也。」前稱名

後稱字。

宋武

陵王

贊

穆之,寶之子

也。」海

西

公太和

四年,大

司

馬

温

伐

燕

冠軍將軍毛虎生

一鑿鉅

野三

百里,

引汶水會

于 桓

清

水,又

穉

皆

東走,幼

中

道

而

還」,是分一人爲二人。

晉安帝

年

姚

興

遣

使者梁斐、張搆使沮渠蒙遜,而

《通

鑑

句

不爲立 著書數十卷、《皮子》三卷。 使孔道炳然如日星 子》爲學科,一 官至國子博 竟陵人也。 如孝伯,而蒙譖賢之謗矣。 此言,豈求免死耶? 以 宇文孝伯因 傳,獨孫光憲 土,進 隱居 請以韓 鹿門 書 言捋鬚 也 《北夢 兩 然終于不免也。」身之 愈配饗太學,謂 Ш 通, 既 ,以聖道自任。 瑣言》云: 事」爲句,遂注曰: 而寓居蘇 唐人皮日休,新 黄寇中遇 請 廢《莊》《列》之書,以《孟 州 害。」 「日休字襲美 其蹴楊墨,踐 與 咸通中成 耐 陸 舊《唐 **《通** 誤 「孝伯 龜蒙爲 鑑 遂 釋老 進 》于僖 書 襄 使 何 友 士 陽 出

中識 傳》,言其僭 宗廣明元年書「黄巢以太常博士皮日休爲翰林學士」,此 士,或亦僞詔 大索里間,凡亡命不赴任者皆殺之。 本 心臣賊乎? ,皆居顯職 孟子,于 《舊 唐書・ 號 時 云然耳。 ,然惟賊黨樂从之,召王官無有至者。 之後,欲以 況 人中識 本紀》與 云皆殺之。 輸愈 夫日 《新 僞 休既 唐 官 是 《北夢瑣言 書 汙 亦 能 朝 孟 黄巢 以 臣, 則日休之爲翰林學 聖 韓 之徒 如 傳 道自任,于古人 裴 信然矣 渥 也, 及詳考《巢 豆 而 巢乃 盧 謂 琢 其

#### 通 鑑 不 . 載 文人

李 因 篤 語 子:  $\sim$ 通 鑑 》不載文人,如屈

> 文人? 謂 睢 原不當在此數。 識 以 非君上要知之事。」嘗以 杜 德殿召對,因 矣。」予答之曰:「此書本以資治,何暇 不得書於《通鑑》。 原之爲人,太史公贊之,謂 詩爲 而 擢 見 甫、李白輩爲 宰 不及屈原,不可謂非脱漏也 始出文宗下矣。」〔汝成案〕不載文人是也,而屈 爲中丞。」〔原注〕《册 臣 王叔文所吟,則姓 昔唐丁居晦 『居晦: 諫懷王人秦,係興亡大計、《通 面 四絶, 授 作得此官。 御 杜子美若非『出師未捷 史 爲 問 府 翰 中 元 居 此 丞。 林學士,文宗於麟 龜》。 名 『與 晦 記 亦 朕曾以 ·, 居 日 得居 翼 如 不 月争光], 君之言,其 日制下, 晦 登 晦,今所 鑑 日 於 時 》屬 諺 録 簡 之昭 此 謂 及 膾 而

日 知 録 集釋 卷二十六 终

# 日知録集釋卷二十七

崑山顧炎武著 嘉定後學黃汝成集釋

## 漢人注經

往 報 州 傳 此 潁 則 注 湛 往 不 在 非 傳 傳  $\Box$ ^ 駁 然,其於二《禮》之經及子夏之《 也 左 曰 此 『除道梁溠,營軍 》, 必 正 注 氏》 「女子子適人者爲其父母 非 如《 豫 云: 也 曲 州 解 )° \_ | 爲之疏 周 經,多 潁 其 儀 禮 水 浸 禮 • 職方氏》荆州「其 出 波 不 通,始非 陽 臨隨」,則差宜 溠」,注云: 得 喪 城,宜 聖 服 人之意, 》篇 也。 屬 期,故言 豫 鄭 唯 州, 屬 傳 元 春 子 康 荆 浸 凱 成 不 秋 在

爾。 女君 妾以 爲天 祖 子子爲祖 不 虐民,非 舅之妻,非 於《禮記》則尤多置駁。 者,今不言牲號 祭」注云:「尹,祭脯也。 於父母,此 不 王姬之喪,魯莊公爲之大功」,注云:「當爲 云:「弔服之絰服 季子泉葬 得 也 報 王 傳 體君,得爲其父母遂也」,注云:「然則 及士妾爲其父母」傳 有以尊降 也 注 以 后 也。」「叔 父母」傳曰 爲 注 猶 其 外 傳似誤矣。」《士虞禮》篇「 主 云 : 祖 妻, 曰『吾季姜』,是言子尊 其父母者,與《春秋》之義 謂 經 日: 而 犯人之禾」,注云: 似 女子子, 其舅,非。」《月令》篇 仲 也。 唯 云尹 衍 「何以 在 子不 室 外祖 請總衰 祭, 如《檀弓》篇 大 [日]何 傳 似 報 期 夫士祭無 亦記 母 男 失之矣。」「 似 也,不敢降 而 又 以 已嫁。」「公 環 者誤 女同 小 期 絰 功 也,妾 不 注 不 矣。」 用 恃寵 齊穀 云 孟 也 女 報 其 脯 尹 加 雖

之時 地 似 是 曰:『秋獻 黿 斷 立 小 地 可 也 「古者 之月「行 誤 , 毋 罪, 夏 秋 之事 刑 也 \<u>,</u>注云: 失 夏之月 之秋 後 也 也 決 其 以 於 田 三孟 而 ', 於 也 注 罪 義 割 邑, 褅 賞 封 田 周 也 龜 地 つ, 命 與『毋 時 諸 也 之八 邑, 刑 發 四 封 魚。』又曰:『凡 行  $\sim$ 未 侯 郊 秋之月, 無 秋 作《月令》者 發 者甲 諸 此其 漁 大使, 月,夏之六 祭 可 則 特牲 輕 政 爵 侯 有 師 統》 ,似失之。」「 違 -類、秋 於墨者,今以 賜 壞 當 伐 順 於古。 》篇「 墮」自 服 出 毋 曰:『草艾 注 並 陰 蛟 大 秋 以 云 義 乃 順 季 取 幣」,注云: 月,因 以 而 取 堅 封 封諸 也。」今此 陽 相  $\sim$ 鼉 春 禁 爲 龜 成 諸侯,立 義 違, 斷 祭 出 封 此 純 用 則墨。」 也 登 侯,出 書 薄 統 火」,注 諸 秋 秋 似 陽 龜 周 於 刑 **>** 時。」 之月 侯 據 非。」 行 於  $\vdash$ 此 禮 大 割 周 謂 取 決 + 嘗 嘗

於臺 弑。 亦 政 耳 殷 言陳,非 之月 子 新用 者誤 云: 正 民 火 Z · 言 魯 近 俗 尚 之月郊天,示 乃  $\coprod$ : 誣 未嘗 駘 「言祭社 又士之有 注云: 用 醴 而 事 也。 户 尚 以無冬至 田 矣。」《 굸 順 H 火。 或詁 非 也。」《明堂位 周 止 相 至,魯 君 之 尚 弊 郊之用辛 言日 變也」,注 今云 雜 臣 爲主,此尸 而 火, 酒 誄 則 君 記 未 祭 用 禮 先 此 由 臣 季 然 以 下 嘗 辛 天 注 有 也 是仲春之禮 未 莊 後 周 春 》 或曰 相 日 云: 於圓 云: 0 公始 嘗 常篇 事 也, 獻 郊 出 弑 神 三王 相 也 天之月 禽 火,乃 政 此説 象當 周 ]。 「 戸 丘 **婦** 弑 夏 春 此 主之而 之始 至 之事, 之郊, 俗 秋 也 后 皆 非 季 牧 也 好,魯一 未 氏 从 而 其 髽 陳 禮 也 春 嘗 尚 郊 誓 È 至 附 時 是以 樂 也, 而 火 仲 相 訓 明 社 陽 陽 於夫 弔 刑 用 日 郊 出 春 水, 用 始 君 法 注 天 建 夏 氣 以 以 圃

復粉澤之光潤。 者乎 失之矣。」此 子、男五寸」,注云: 阿《傳》文則不 之黨」,注云:「妻之黨自主之,非 小 頭云: [楊氏曰]古人注書之體,本就 「詆訶言辭 其 顧 氏所 同 所駁 矣。 取 , 掎摭利病, 乃效矛盾之仇 雖 「子、男執璧,作 正所訶 經 不 注 盡 也 當 之中,可 視 書 注書、不爲 杜 也。」「圭 謂 氏 此 卓然 之專 費者 讎 非 駁

者 義 道 也 可 既 非婦人之事 疑 論 焉。」 語》「子見 此 亦 ,,而弟子不説,與之祝誓, 南 漢 子」注 人 疑 經 , 孔安國 而 不 敢  $\Box$ 强 行行 通

私 氏 베 而 脅 左 於 昬 氏》以 也; 《穀 也 何休注《公羊》獨主《公羊》, 宋 黄 梁 以 震 穀梁 鬻拳兵 文公納 》, 而 言:「 家以 公言三家之失。 杜 諫 幣 衛 預 爲 爲 輒 注《左氏》 愛君,是人 用 拒 禮 父爲尊 是居居 惟 獨 祖 主 喪 如 范 主 · 是 口 口 曰 甯 爲 得 得 左 不 :

罪 者,無 帥 書其 保讎 是嫡 友 惡内之言,《傳》或失之。」僖元年,「公子友 不 故乾時之戰 糾」、《傳》:「當可 中糾傳文者得六事: 是 子 富 口 公羊》辯 ??]屏 謂 諱 師 其 神 得 可 事, , 敗 莒 敗 子,何足 庶 器 莒 得 而 時 失也 可 容 可 而 挐 左 内 齊 而 得 得 也。 叛 而 右 日 之大 師 人 誣 可 不 而 也 裁 而 而相 于 取 以 與 ; 諱 ^ 吾 ; 齊也。』又曰 闚 公羊 麗 悪 子 通 惡 其 穀梁》清 敗 不 搏。』《解 也 納 縱 ,獲莒挐」、《傳》:「公子 一、不待 糾殺之,皆不运 ( 悪内 内乎? 失 納 而 莊 也俗。」」今考《 人不 妾 納之遲 以 子 不 九年,「公伐 母 糾 祭 貶 也 納, 而 」。」《解 稱 爲 然則 :《左氏 仲 日 婉 相 絶,居然 晚,又不 齊變而 夫 内惡,是: 廢 説, 其失 人 君 乾時 江 其 爲 爲 士:  $\Box$ 熙 也 顯 文,正 齊,納 7》豔而 後 集 卒何 合 行 之戦 能 仇 日 短 儲 解 伐 全. 讎

師,諸 整 戰 戰 弑 軍 襄 不朝 故遠 此 經 又 而 日 《傳》: 左傳》曰 季 丁, 次 干 止, 何 之 居其 非 又事 殺之,故 姬 于 會 制 敗 國 身 以 遇於 遇 周 侯 申,《 年,「作三 及 之不 也 莒 諸 一, 季 獨 得 禮 侯, 繒 師 者 軍 鬭 敗 謹 次防,而 》、《司 軍。 昭 然,《 繒 子 傳 友 而 遂 而 同 潛 + 小 季 遇 **\***: 名之也。」《解》曰:「蔡侯 軍」、《 令德之人, 豈當舍三軍之 得 謀 理 或 作 刃 傳》或 馬 使 傳 姬 子 年, 也 自 淫 相 法》 來 來 夷狄之君 )° ∫≪ 防, 軍。」 害,以 不 区 通 軍 傳》:「古者,天子六 朝。」此近合人情。」 寧,公怒之,以 楚子 失之。」 通 三王 解 使 此 總云 人 非 也  $\mathbb{Z}$ 決 又 繒 相 虔 六軍,大國三 正 誘 勝 事 僖 諸 子 子 搏 誘 也。」《 中 負者 「魯女無 之不 十四四 所 蔡 侯 來 或 則 慎 侯 / 繒子 一之君 朝 師 哉 解 然。 年 般 軍

者,理 弗受, 鄭, 此 也。 廢蒯 也。 以 有罪 殺 殺 必 般 失 《傳》: 齊景公廢 年,二 輒 陳 矣。 矛 般乎? 加 弑 楯 信父而 稱 不受也。 也。』似若上下違反,不兩 夏徵舒,不言人。 稱 聵 既 以 父之 禮, 晉趙: 世子 之喻 蒯 經 立 納 不 尊 云 聵 輒 若謂. 賊 者 凡 世子,世 通,事又不 王 明正 辭 鞅 也 納 爲 則 在 父 以 世 王父,則是不尊王父也。 帥 此 衛 内 夷狄之君不得行 官 蒯 也 然 輒 子 師 人 也,明正則拒 弗 世 者 )° \_ ), 則 納納 則从 子還 聵 倫 不受父之命,受之王 子 受 殺 然。 不 《傳》曰: 之 ",『鄭 也。 衛 靈 解 無 所 王父之言、《傳》似 得 或 公不 世子 **>** 赦 宣十 不 日 復 世 何 書 容 子 稱 贵 用 之者非 命 篡 蒯 立之説。」哀 曩 忽 弗 禮 得 江 聵 明楚之 輒 王 年 復 受 於 惡 日 若 誅 熙 于 審 邪。」 矣。 世 也 戚, 楚 楚 歸 靈 中 之 日 父 或 子 所 Ŧ 公 其 ? 人

會齊侯、陳侯、鄭伯于稷,以成宋亂一事。以上皆糾正傳文之失。〔孫氏曰〕尚有桓二年,公

往往 明二 裨 孟 也 今吴君於歐、宋大手筆乃能 日 同』者,此其 堅忠臣,[原注]顏 前 陋矣。」 一子,信 曲 「唐人 闕, 殆晏子所 宋吴元 爲 可謂 稱 説 有 忠 美 以 杜 功 卓識之言。 何 附會 征 作 矣。 如 南 ^ 師古本傳。 謂 吴縝 哉 之,安 至班、左語意乖 顔 獻 祕 新 然 可 書爲左丘 在 今觀其推 則 唐 替 糾繆 其 唐人之論 書 否、和 爲 糾 纂誤,力 忠 謬 一明、班 戾 而 廣 也 序 處 ? 發 忠 不

## 注疏中引書之誤

之崔 木,峐。」〔原 嵬 爾 雅 土 戴 注 〕疏 石 釋 爲 山 「峐 砠 心」毛 當 「多草 作 傳 屺 木, 引之互相 石 岵。 戴 土 無 反。 謂 草

《詩》「 記》; 爲一事。 「主婦 鄭 之」、晉士會「若使輕者肆 傳》鄭公子突「使勇 疆 誤作「韓須」。 以不失其事,則功成 下」,引《詩》「錫之 二年「先王疆 或尼之」,誤作「行或尼之」, 藻》「天子玄冕 正》八月「丹鳥羞白鳥」,誤作「九月」, 土地」,《射人》引《射 王制》。 康 0 成箋《詩 《縣士》引《左傳》「韓襄爲公族大夫」, 范武子解《穀梁傳 被裼」,誤作《 稱 彼兕 注《周禮》、《大司徒》引《左傳》 郭景 觥 1 》,《采 理天下」誤 注《禮記》,《月令》引《夏小 純 而 萬 注《 朝日 壽 Ш 禮 而 蘩》引《少牢 爾 而 無 JIJ, 義》「明 記 於東門之外」,誤 無 雅》,引《孟 德行立」,誤作《樂 》, 莊 疆」,誤作「受福 剛 **\***; 作「吾子 馬,其 土 者 《皇矣》 田 引《易》「 十八年引《 乎其節之志, 嘗 附 寇 可」,誤 饋 庸 疆 而 子》上 引《左 食 誤 理 速 禮 玉 作 成 引 天 合 去 作 用 無

岐之陽,實 章句》,引《詩》「后稷之孫,實維大王。居 而忘 之和者也」。 傳。 象》引《詩》「維 子》「從流下而忘反謂之流」,誤作「从流 孔穎達《左傳》文十八年《正義》,引《孟子》 黄 注》引《詩》「鼉鼓逢逢」,誤作「鼉鼓洋 衣》之三章」,誤引「四章」。 知我 柳 , 登降堂只」, 誤作「三公揖讓」。 牛之革 」,誤作「我必不仁不義」。 集 下惠,聖之和者也」,誤作「伊尹,聖人 反 韋 傳 者 大象》引《孟子》「我必 謂之游 昭 謂 》,「関 我劬勞」。 古 始 或 蘇軾《書傳》,《伊 志也」,誤以革遯二爻合爲一 語注 翦 子 此 商」,誤作「至于大王」。 小 哲人,謂 朱 》,「公父文伯 子」引《 震《易傳 趙汝楳《易輯 楚辭》「三公穆 我劬勞」,誤作 朱元 不仁,我 高誘《淮 訓》 晦《 母 井 引《 뒓 聞》, 中 必 · 大 洋 洋 。 南 《緑 孟 庸 無 上 子

> 容」。 當改而不改 引「發氣滿容」,今《儀禮》文作「發氣焉 之六瑚。」是夏曰璉,商曰 仍古注之誤。 漢人避惠帝諱「盈」之字曰「滿 朱子注《論語 也。 《記》曰: **\*** 夏日 夏后氏 瑚也。 瑚,商曰 之四 「享禮」注 速。 璉 \_, 此 此

有農家者流。《集注》偶誤,未及改。」家同異》無農家,班固《藝文志》分九流,始謂農家者流也。」仁山金氏曰:「《太史公六謂農家者流也。」仁山金氏曰:「《太史公六

文。 父,字諡也。」父非諡,「諡」字衍文。 南,氏姓也; 桓二年:「及其大夫孔父。孔,氏, 《穀梁傳》隱 季,字 九 也。 年: 天 南 非 王 姓 使 ,「姓」字衍 南 季 來聘。

女。 者,婦人因姓爲字也。」乃是曲爲之解耳。 之誤。孔氏曰:「褒國,姒姓,言『姒其字』 姒,其字也。」「字」當作 詩 • 白 華》箋:「褒姒,褒人所 「姓」,此康成 人之

疆 類 貢 子弟子,姓卜名商」,「子禽姓陳名亢」,「子 吕氏,名尚」,其别 省 姓端木名賜」,「子文姓鬭 則 朱子注《論語》、《孟子》,如「太公姜姓 以 併姓、氏 氏 爲姓。 而 爲 姓 「齊宣 一矣。 氏甚明。  $\pm$ 豈承昔人之誤 姓 名穀於菟」之 至「子夏、孔 田 氏,名辟

> 欲倣周人「王姬 |之號,故公主謂之「帝姬 此, 故 也

畧》,以前人多未講

博

古

圖

言

州

吁

姓

州

而

徽

宗

而

未之正

與?

「原

注

宋

自

夾

漈

鄭

氏

始

著

氏

族

#### 左 傳 注

古 敗 昭公守櫟者也。 以 以 後」。 故厲公於出奔之後取之特易,而曼伯則 使昭公不立。」杜以爲别是一人,厲公因之 申無宇之言曰 戎。 事 |櫟爲子元之邑,如重耳之蒲,夷吾之屈 即 殺 觀之,可以知厲公之才畧,而又資之 厲 曼伯 隱 按子元 公一人, 桓 Ŧi. 五. 年,「 而 年, 取 疑 : 櫟, 使 而 子元請 即 「鄭莊公城櫟而 九年,公子突請爲三覆以 或 曼 非 厲 伯 稱 也。 公之字。 爲二拒 名,或稱字 與 蓋 子 莊 元 以 公在時,即 昭 **真子元焉** 潛 敗 + 耳。 軍 Ŧ 軍 師 年 爲 其

1069

日

知 録

集釋卷二十

以巖邑、能無篡國乎!

之人, 法誅之。」非 解 沈學博曰〕言僅有死者,又非首惡也。 日 蓋 「欲以弑君之罪 微 年,「立桓公而討 者 也 爾, 如 百 加寫氏 馬 昭 寫 族 氏,有 而 言非有名位 成 復不能正 濟 死者 之類

鄭 則 氏。 父名 也。 考父,考父生孔父嘉,其後以 弗父何,何生宋父周 學博曰〕若以孔父爲名,則夫子得氏之始,不應以所諱 字子孔。」鄭 文》:「孔从乙从子。 仲尼 公子嘉皆字 按《家 若言 而 桓二年,「孔父嘉爲司馬」。 嘉字,非也。 氏 山 孔,正 康 語 甫、孔 成 本 子 注 乙至而得子,嘉美之也。 以王 **完** 士: 孔, 姓 甫。」〔原注〕「甫」、「父」通 》篇 周 孔父字 父之字。 喪 亦其證 禮 生世子勝,勝 曰:「宋湣 而嘉 日 也。 孔爲氏。」然 而 杜氏 其 「原 某 楚 古 公 名。 甫 成 注 人名 熙 以 生正 , 字 一《説 嘉 沈 孔 是 生 嘉 爲

> 王子 子以 年, 名其 七年,「前 仲」; 也。 王子 亦 涣然釋矣。 别,[原注]劉 卒必書名,而大夫 上 亦未嘗以 鄭 ,則不得字其臣於下。 以 伯 君於 然則 朝 朝 王 劉子、單子以王 孔 [原注]杜 寤 猛 奔楚」。 父爲 蔡 生卒。 孔父當亦其字,而學者之疑 侯 人於王城」,二十三年,「尹氏 名、字爲 二十六年,「尹氏、召伯、毛 上,字其臣 原父亦 字。 封 氏以 人卒, 爵其臣於上,名其 葬鄭 仲爲 云:「大夫再 劉 八則命 尊卑之分。 原 名而足字,亦 猛居於皇。 於下 蔡 莊 父 卿 公。 季 以 竊 也。 命 稱字,無生卒之 自 爲 意《春秋》諸 稱 宋人執鄭 陳 已 拘於例 名,三命 桓十一 昭二十一 歸 名 劉子、 君 于 其 也 稱字。 蔡」。 於下 伯 可 君 年 以 單 祭 以 立 侯 於

重王命亦所以尊君也。 君之名,變也。命卿之書字,常也

境 休 云: 王 不 |伐戎,及千畝戰」、《正義》曰:「《括地志 縣 「千畝原在晉州岳陽縣 . 得 南 其弟以千畝之戰生。」解 至介休。 有 地 ¬, 名 千畝。」非 按《史記 • 也。 北九十里。」 趙 曰:「西 世家》「周 穆 侯 時 河 宣 界 晉

於國 之意也。 解 以 於此,豈 曰以後漢書·孔融傳》曰:「劉表所爲不軌,罪不容誅,至 師 晉人。 戎故不足諱也 敗,不書,不可 曰:「五師 [體,宜其諱之。 五年,「蔡 緣不告而 畿 臣愚以爲宜隱郊祀之事,以崇國防。」此 以内諸 侯,天王問罪 敗,不書,不以告。」非 不書 人、衛 齊兵次楚,惟責包茅,王師敗績,不 哉 書也,爲尊者諱。 人、陳 成元年,王師敗績于茅戎 ", 師 敗身夷,可書之事莫大 人從王伐 也。王 (沈學博 《春秋 鄭。

名蔣。 者乎? 自 以 本 六年,「不以國」。解曰:「國君之子不 或 謂 爲名。」焉有君之子 以 列 (國爲名,若定公名宋,哀公 而 自 名 其 或

> 遇。 言楚師 謂 楚王。 八年,「楚人上左, 解曰: 左堅右瑕,君當在左,以 兩 君 軍 ·,楚君 相對,隨之左當楚之右, 也。」愚謂 君 必 左, 君 謂 攻楚之 無 隨侯 與王

王

右

師

戰,齊師、宋師、衛 人」,其君不在 或稱人,或稱師,史異辭 十三年,「及齊侯、宋公、衛 師 師 、燕師 也。」愚謂 敗 績」。 侯、 燕 解 獨 燕 日 人 稱

附 裔 相 解 亦 蕭 非 大夫名。」按大心當是其名,而 孫 庸,今徐州 世系表》云:「宋戴公生子衎,字樂父。 曰:「蕭,附庸國。 大心,平南宫長 蕭 莊十二年,「蕭叔大心」。 大夫也。二十三年,「蕭 蕭縣 是也。 萬 叔、名。」按《唐書・宰 有 其後 功 ,封于蕭,以爲 楚滅蕭 解 叔 曰:「叔 叔其字, 朝公」。

十四年,「莊公之子猶有八人」。 解

在也。 並 猶有 傳》稱其字曰「子人」,亦 莊公子、《傳》 死 獨 八人」者,除此 桓十四年,「鄭 厲 公在 惟 見 八 四 四 人 人,子忽、子 伯 名字 人 其 八之外 使其弟 記 也 尚 傳 語 有 無 亹、 來 八 聞 盟 人 子 見 按 儀

惟 日 太 「崧高 嶽之權,則有配天之大功。」非 Ш 嶽足以 二十二年,「山 維嶽,駿極于天。」言天之高大, 配之。 嶽 則配天」。 解曰 也。 《詩 得

之朔」 説 牲 何 ? 于朝 慝未作 此 而 也  $\Box$ 蓋 所 十五 日 用牲于社,非常 不 以 周 以 鼓 然則 之六月,夏之四 有 謂 長 年,「夏六月辛未 食之,於是乎 于 之 曆推 朝 此 非 其常也,而 而 之,是年失閏 常 鼓 禮 于 也 也。 社 用 月,所 惟 幣 不 杜  $\Box$ 朔,日 IE. 于 氏 非 用 謂 月 社 辛未 不 幣 之朔 常 ,伐鼓 正 得 有 而 實 其 者 月 用 食

> 月也 爲首 H 牲于社」之非 合五 夏之四 誤。 Z 七年季平子之語 故須伐鼓、用幣以救之。 昭 責 七 傳》未 姚氏 推 非常 其 月 十七年季平子之言, 若 其當在七月 歲 見,故須發例。  $\Box$ 伐 朔, 有 再 經於文十五年、昭十七年皆書六月朔日 月,正陽之月,災異尤大,不比 顧司業日 傳 案 云也。 鼓矣。 閏、十 》當日 非 此 Н. 而 杜 六 引《傳 定 有 本 此下「惟正 ,則亦必 自以 杜 而 又 月也。」 九歲七 氏 有此文, 羼 自莊 解非。《傳》謂 長曆 》文耳。 人之,不 按 似 正其失矣 元年 亦 所云、餘月則 推 閏之數, 月之朔 則此 未 此 唯 之,而 則 至二十四年,凡 以 後 今載 則 人誤 六月 周 前 IE. Z 六月 咎 此 以 月 何 非 爲 爲 尋常 經 云,疑 辛 於 在 云置閏 否」者 之 常」者,以六月爲 乃宜 未 七月之失,若 《傳》文 師 此,或 朔 司 引 當爲 之月。 後 鼓之月, 此 曆, 九 失所 餘 IJ 人襲昭 食 以 七月 置 遂 月即 解 閏,正 日 下 不 英 乎. 而 朔 食 有 當 何 能 用 常 此

齊 問 侯 以爲楚罪 僖 解 四 年 不 而 昭 知 問之,然昭 王 其故 南 征 而 問 而 王五 之。 不 復 <u>+</u> 非 寡 也 年 是 南

七 征 年 不 ·, 此 復, 則 至 孔 今惠 文舉 王 所 謂 <del>一</del> 1 年, ,零盜: 計 蘇 武 白 4 四 羊, +

口

并

案」者

也。

從,此與秦檜之言「莫須有」者何以 誤 伯 頌》之文,謂太王 嗣。」以「亡去」爲「不從」,其義甚明。 不 在 以「不從父命」爲解,而 、虞仲,太王之子也。 太王 Ŧī. 年,「太伯 一之側 爾。 一有「翦 不  $\sim$ 從」。 史記 太伯亡去,是 商」之志,太伯 心》述此 後 不從者, 儒 遂 文曰 傅 異哉 謂 合《 杜 以 太 不 魯 氏 太 伯

逃 時 諸 鄭 日 實 首 興 侯。 懼 密 止之盟故 ± 鄭以 齊 六年,「 功,不 夫 而 而 罪 經 非 新 孰 云「新 韋 時 築 亦細 也,則 大 興 城 新 於 土 密, 乎? 城 大 逃 功 不煩添 盟 」,故《傳》 鄭 謂之「新 ,故齊桓 且上 者 所 ? 以 此 文 不 一聲其 而 一節矣 古 城」也。 釋之,以 時 但 日 城 責 罪 以 其 也 以 其 告 爲 非 解

> 敗 伯之車 伯 韓,晉尚 何待 一句乃 之軍 + ·敗,故 三,則 事 涉 Ŧi. 未出 實,非 河 年 謂晉敗。 穆公以爲不祥 ,何得言晉侯車敗? 則 涉 晉 卜人之言,若下 河 侯 車 古人用字自不相蒙。 侯 敗 車 敗 非 而詰之耳。 \_\_ 也 文所云「不 解 日 當是 秦 : 師 此 及 秦

説,是秦伯之車三敗。

三敗及韓。」當依《正義》引

劉炫之

궁 : 氏 故曰 解 但 「寇深矣」。 韓原 及 三二韓 韓 在 在「 晉地 同 州 | 渉河| 《史記 韓 一,卻有 城 之後, 縣 正 西 義》引《括 棋 南。 酌 此 韓 非 在 也。 地 河 志 東 杜

邢 衛。」 也 也 伐 邢 言 非 十 也。 解 狄 八 티 \_ 年,「狄 師 憚 狄强 還 狄 邢不 之强,不 則 而 師 邢 邢 還」。 速退,所 可 弱 敢 知 邢從 矣。 伐, 解 日 於狄 以 而 其 : 獨 獨 下 邢 見 而 用 ·年,衛 伐。」 伐 留 師 于 者 距

日 知 録 釋

亦 非

非 宋世家 諫。 考《韓非• 諫 馬 即 焉」,桓二年言「孔父嘉爲司 也。 大司 之官,在宋亦不多見。 卬」,下言「司馬 大司 是。 馬乃子魚,非。 也。 」購强 」之爲堅辭 司 隱三年言「召大司馬孔父 馬 馬 二十二年,「大司馬 》凡諫詞皆屬目 馬固,莊公之孫 定十年,「公若 似即 也。 即 外儲説 司 固之字,其 文 馬 以 司 左 馬 八年上言 子魚。「固 諫 握 上》説此 惠氏棟謂 夷 即 也。 節 大司 義 似大司馬即子魚。 以 正相 馬 「盧氏日 7 藐固 死 事云: 公孫 固即公孫固,是也, 固諫 固,文承上省「大」字耳 合。 」,知大司 殺 諫, 馬」,知 〔汝成 「右司 諫 古 〕案《左傳》大司 大司 日 曰」,知「 也。」 堅 而 馬 案》《史記 盧 **鴻購强** 馬 馬 大 屬 辭 解 非 徇 公 司 殤 以 即 杜 日 趨 謂 也 古 子 馬 公 諫 司 而 下

之田」。 二十四 蓋之推既 年 \_,「晉 隱,求之不得, 侯 求之不獲,以 未 緜 幾 E 爲 而

> 死,故 乎 ? 緜上 介推 公在時之推已死。 「思久故之親身兮,因縞素 Ш 田 於義有所不通矣。 以 ·; 號 中,於是環 田 禄 日 其子爾。 介 Ш 緜 《史記 。」然則 上 《 楚 Щ 》則 受此 中 辭 而 而 굸: 九章》云 哭之。」明文 封 田 聞 之,以 者何 其 爲

者,殊戎翟之辭。● 殽 0 二十三年,「晉人及 解曰:「不同陳, 故言及。」非 姜 戎 敗 秦 也 師 及 干

也 朝 者皆在歲末。 後,故曰 人以閏爲 于廟」,哀公五 而 文元年,「於是閏三月,非 《左傳》成公十七年、襄公 二歸 歲之餘 餘 文公六年「閏 於終」。 年「 ·, 凡 閏 置閏 考經 月, 必 葬 月 文之書,閏 在 齊 不告 禮 十二月 景公」是 也。 九年、哀 月,猶 古 之 月

<sup>0</sup> 戎翟」,據《校記》,鈔本作「夷狄」。

禮。 魯推步不正。 閏盡歲爲蔀首,今失正,未盡一歲便以爲蔀首也。」〔錢氏 是知曆法故然。」 終』之意。 餘一之歲爲蔀首」是也。〔原注〕孟康曰:「當 傳之文凡閏不言其月者,言閏即歲之終可 公十五 《史記》,漢未改秦曆之前屢書『後九月』, 總致之於歲末,蓋取《左傳》所謂『歸餘於 曰〕凡蔀首之歲無閏餘,今有閏餘一,不得爲蔀首,故言 知也。今魯改曆法,置閏在三月,故爲非 後九月」,師古曰:「秦之曆法應置閏者, 《漢書·律曆志》曰「魯曆不正,以閏 年皆有閏 何以 孟康説誤。 明之? 據《漢書 月,亦並 又按《漢書・高帝紀》 在歲末。 表》及 又經、 以

「晉不聽而變計」者,非。説」。此即上文所謂「我辭之」者也,解謂:二年,「陳侯爲衛請成於晉,執孔達以

三年,「雨螽于宋」。解曰:「宋人以螽

「溩夛」,作「喜而來告」也。死爲得天祐,喜而來告,故書。」夫「隕石」、

「鐫退」,非「喜而來告」也。

成案〕義亦正,繹「且」字則杜注爲得。也。畏穆嬴之偪也,以君夫人之尊故。「汝偪」。解曰:「畏國人以大義來偪己。」非侶、好年,「宣子與諸大夫皆患穆嬴,且畏

「維以告哀」之意爾。公復還晉。《四月》之詩當取「亂離瘼矣」、欲還晉。」以《傳》考之,但云成二國,不言不上三年,「文子賦《四月》」。解曰:「不

囂,無復部伍。〔楊氏曰〕觀「亦」字,則杜解爲是。曰:「言其兵衆,將不能用。」非也。言其軍宣十二年,「宵濟,亦終夜有聲」。解

大夫,如王之太僕,掌内朝之事。
令之从公而入寢庭也,解未及。〔沈學博曰〕僕夫」。必言「僕大夫」者,以君之親臣,故獨夫」。必言「僕大夫」者,以君之親臣,故獨

不能軍。或說荀瑩爲楚師所獲,不復從軍而歸。復从事于楚。〔沈學博曰〕「不復從」者,謂晉之餘師曰:「荀林父奔走,不復故道。」非也。謂不曰:「荀林父奔走,不復故道。」非也。謂不十六年,「邲之師,荀伯不復從」。解

香·丰。 「軍大崩」爲「壹大」,及「御與車右不同」 「我不如子」,子之才能以君免也。解謂 以君免」。「敗者壹大」,恐君之不免也。 「子在君側,敗者壹大。我不如子,子

言,以結所引《夏訓》之文爾。稱「有過澆」矣,此特承上「死于窮門」而因羿室,不改有窮之號。」非也。哀元年,因羿室,不改有窮由是遂亡」。解曰:「浞

命」者,非。 猶云從楚之盟故也。解謂「亦兼受楚之敕十年,「鄭皇耳帥師侵衛,楚令也」。

十一年,「政將及子,子必不能」。解

爲大郡,以百里、七十里而欲備三軍,殆有不能 此王者之法制,而非見行之實事也。 知。 不可罪 軍,諸侯當得六軍,以其半爲羨卒,唯 者言之,未可 者,備數而不調 獻公始作二軍。 使從公侯之貢,懼弗給也。」觀此,則穆子所謂不能 求,使孟叔不與,有是理耶? 不給,則必改作。其後四分公室而季氏擇 [楊氏曰]杜解是以一軍供霸國,豈兩家獨無與者乎? 孫,以一軍之征而供霸國之政令,將 憂不堪」。 謂 二,蓋亦不得已之計 (汝成案)如先生説,則季氏三分四分公室皆出於爲公 周制言大國三軍,次國二軍。 魯次國, 矣。 好臣計在肥己,而顧 非 發。 非 也。 魯, 而 也。 爲 以邱乘之法計之,則天子當得 《穀梁》所云諸侯一軍,據常所調發 大國也,至襄公始作三軍。 大國之制, 言 ,叔孫固已豫見之矣。 魯國之政 鄭子産日 以 然觀晉侯,大國也,至 後世 田與 貢賦 軍獨供 「鄭伯 三萬户 追胥 將 必重, 四 歸 則畢發 男 以 蓋 國之征 有 也,而 於 十二 者 所 季 故 軍 可

曰:「故經書『圍」。」非也。圍者,圍齊也,十八年,「塹防門而守之,廣里」。解

功 城,延袤 城 非 耳。 縣北十五里。」即此 韋 防 至 門 海, 也。 當是靈公所 (沈學博 塹防門。 日』 憑 據《太山記》,山 以禦晉 通 志 者, 長 訖 城 於 西 鉅 戰 北 防 或 有 在 加 肥 長

晉侯 國、高 案〕守臣當依杜氏謂 之守臣某」是也。 謂晉侯。《玉藻》「諸侯之於天子,曰 在。」宣子,天子命卿, 二十一年,「得罪於王之守臣」。 范宣子。 解以爲范宣子,非。 而 管仲曰:「有天子之二守 樂桓子又未嘗得罪於 某 〔汝成 守臣 土

執

齊國之權。」

之兄弟乎! 夫人喪之」,何謂 非禮著矣。 孝公,晉平公之舅。 三月。言隣國之喪,且猶 禮,諸侯絕期,故以 二十三年,「禮,爲隣國闕」。 杜預直以杞孝公是鄰國之君 也 [沈學博日]第舉禮爲鄰國者,而平公之 隣國責之。」非 尊同 不降, 徹樂, ·; 則 丽 當 上文言 況 服 也。 解 於 緦 日 13: 杞 麻

是

昭公無養民之政

可知矣。

 $\equiv$ 

民

二十八年,「 陳文子 謂 桓 子 曰:『禍 將

> 作 室之良材,莊者,國中之要路。 陳氏父子爲隱 「善其不志於貨財。」非 車于莊。]文子曰: 矣,吾其何得?』 語 以 可 相 對 諭 日 慎守也已。」解曰 也。 也。 邵國賢曰:「此 愚謂木者,作 慶 言將代之 氏 之木百

之故。解曰「魯以師往 耐 無異,謂仰食於三家。」非 君食之,今民食於三家而 昭五年,「民食于他」。 三十一年,「我問師 非。 故。 也。 解曰:「魯君 問齊人用 不知有君 夫民生於 與 師

陳侯所乘,玉,陳侯所佩。 者,掌君之乘 公」,皆非也。 「輿嬖」,嬖大夫也 以「輿」爲「衆」,及謂 八年,「輿嬖袁克殺馬毀玉以葬」。 車,如晉七輿大夫之類。 公欲 以 殺馬毀玉,不欲 非 禮 厚 言「輿 葬 馬, 哀

使楚人得之。

不祀。解曰:「曠,空也。」未當。十年,「棄德曠宗」。謂使其宗廟曠而

人不奪,皆爲合禮。解但得其一偏。 人不奪,皆爲合禮。解但得其一偏。 喪而後聽命」。禮也。子産能守喪制,晉喪而後聽命」,禮也。子産能守喪制,晉

誰」者,非。 父乎? 解以爲「福祚不在叔父,當復在言忘其彝器,是福祚之不登,惡在其爲叔言心其舜器,是福祚之不登,惡在其爲叔言。

解以爲「安君之災」者,非。日者人君之表,不救日食,是有無君之心。十七年,「夫子將有異志,不君君矣」。

以「振」爲「棄」,未當。
之「振」,猶火之著於衣,振之則去也。解
十八年,「振除火災」。「振」如「振衣」

「鄭有他竟,望走在晉。」言鄭有他竟

君」謂周之先王、《書》言「昔我先君文王、•二十三年,「先君之力可濟也」。「先之憂也。解謂「雖與他國爲竟」者,非。

〔汝成案〕《書》無「先君」句。

武王」是也。

解以爲「劉蚠之父獻公」,非。

言,正 謬矣。 出 雖 奔,其國即别立一君,惟魯不敢,故 在 外, 爲此也。 一十七年,「事君如在國」。 而 意 如 解以 猶 以君 爲「書公行,告公至」, 禮 事之。 當時諸 范 鞅 昭 公 侯 所

不同,故歲獨在越。 殃。」非也。 所 其 在,其 三十二年,「越得歲,而吴伐之,必受 解曰:「星紀,吴、越之分也。 或 吴、越雖 有 福。 吴先用兵,故反受 [沈學博日]鄭康成 同星紀,而 所 宿 「天文 歲 其 度

後皆以斗爲吴分野、牛、女爲越分野。 也 星 人斗 吴。」《晉書·天文志》曰:「南斗十二度至須女七度爲 凶。」按《淮南·天文》:「星部地名"斗、牽牛,越。 冬至在牛之六度故耳 女也。」然後越獨得歲。《淮南·天文訓》以須女爲吴,與 反是吴得歲矣。 人斗一度,六安人女六度。」是吴、越同 度,會稽入斗一度,臨淮入斗四度,廣陵入斗八度,泗 紀,于辰在丑,吴越之分野。」陳卓《揚州躔次》云: 分野,斗主吴,牽牛主越。 越絕書》正合。 適 在越分,若使吴、越共之,史墨必不僅 一度,廬江入斗六度,豫章入斗十度,丹陽入斗十六 鄭精於曆算,有以知之。〔錢學博曰 惟《越絕書》云:「越,南斗也。吴,牛、 但須女爲玄枵之次,而得爲吴者,秦曆 此 年歲 星在牽牛,故吴伐之 時歲星初人星紀 次而異宿,此 〕案《漢 云 一越 九 須女. 志 得 年 以以 須 歳 歲

姓

,欲以辟吴禍

非。

紀》封陽武爲吴防侯,字亦作「防」。房」,孟康曰:「本房子國。」而《史記・項羽仙人唐公防碑》可證也。《漢書》「汝南郡吴古「阝」字作「倡」,脱其下而爲「防」字,《漢古、」字作「留」,脱其下而爲「防」字。

魯郭門也。」按定九年解曰:「萊門,陽關哀六年,「出萊門而告之故」。解曰:

邑門。」

亦猶夫概王奔楚爲堂谿氏也。解曰「改十一年,「爲王孫氏」。《傳》終言之,

注 見 録。 四庫全書總目 [汝成案]明 卷、《後録》一卷, 凡邵、陸、傅三先生之所已辯 邵 實譔 傅遜 《左觽》 譔 《左傳 一卷,陸粲譔 注解 辨誤》二卷, 者,不 《左傳 俱 附

## 考工記注

賦》云:「紛溶箾蔘,猗柅从風。」字作「萷」,蓋有文,今檢未得。」今按司馬相如《上林讀爲『紛容揱參』之『掣』。」《正義》曰:「此。《考工記》「輪人」注,鄭司農云:「揱,

録 集釋

0

DЦ

文。 音 其下句,忘其上句,蓋諸儒 注〕《弓人》「居幹之道,菑栗不迤,則弓不發」注 司農云:「迤,讀 而 正義》則 瘀傷。 蕭 而上文「既 〔原注〕宋 |張衡《西京賦》: E. 引 玉《九辯》: 建而 爲『倚移從風』之『移』。 口 迤,崇於軫四尺」注,鄭 「鬱蓊薆薱,橚爽櫹槮。」即 馬 相 「前橚槮之可哀兮,形銷 如《 疏義不出一人 上林 賦 》。」〔原 同。 此 疏 鑠

#### 爾 雅 注

德行」作「有梏德行」,注未引。 覺」爲「梏」。 爾 雅 釋詁》篇: 《禮記 緇衣》引《詩 「梏,直 也。」古人 》有 覺 以

經過 尤」爲「郵」、《詩 ]。」是以 釋言》篇: 爲郵 「郵,過也。」注: ·賓之初筵》「是曰 傳之「郵」、恐非。 古 道 既 人以 路 醉 所

> 之義。 是通義也 與「郵」古字通。」 乏驥鵦。」李善引杜氏《左傳注》: 扞偃,正諫舉郵」,皆是過失之義。 之厚德兮,不 咎徵著郵」、《外戚傳》班 兮,亦夫子之故也」,《谷永傳》「卦氣悖亂 有失節之郵」、《賈誼傳》「般紛紛其離 不知其郵」、《禮記 天著變異以 國 魯之君子,迷之郵者」,則又以爲「過甚 芾而麛裘,投之無 語》「夫郵 〔原注〕《文選》盧諶《贈劉琨 〔汝成案〕 廢 顯朕郵」、《五行志》「后妾當 而 捐 效之, • 王 於罪 郵 郵 傳是正義,以爲過失之尤 」、《漢書 郵 制》 郵」,《 倢伃賦「猶被覆 「郵無恤、王良也。 又甚 》詩: 郵罰 敘傳》「譏 焉 「眷同尤良,用 」、《家語 麗 成帝紀》 于 列 此 ·事」, 尤 子 載 苑 郵

#### 或 語 注

或 語》之言「高 高 下下」者二。 周 太

浚 下,以罷民於姑 其自然之性也。 子 Ш 道 普 而深,以竭民之力也。 諫 滯,鍾水豐物。」謂不墮高,不堙卑,順 靈 王曰: 蘇。」謂臺益增 申胥諫吴王曰:「高高 四 岳 佐 語同 一禹,高 而 而 高 意 高,池 則異。 下 下, 益 下 疏

者,以其事載於《虞書》。 用殛之於羽山」,當言「有唐」,而曰「有虞」「昔在有虞,●有崇伯鯀。」據下文「堯

月,夏之九月。 年九月。」非也。、當云魯哀公十六年十一年九月。」非也。、當云魯哀公十六年十六《爾雅·釋天》:「九月爲玄。」注云:「魯哀公十六《爾雅·釋天》:「九月爲玄。」、「墓記蠡而問焉。」(原注)

## 楚 辭 注

恐禍殃之有再。」注謂「罪及父母與親屬」《九章・惜往日》:「甘溘死而流亡兮,

者,非 所謂「禍殃之有再」者也。 南,一身不足惜,其如社稷何! 云「楚日以 今頃襄王復聽上官大夫之譖,而 也。 蓋 削,數十年竟爲秦所 懷 Ŧ 以 不 . 聽 屈 原 而 滅」,即 《史記》所 召 遷之江 秦 禍 原

此,而春受之爾。 《大招》:「青春受謝。」注以「謝」爲 「去」,未明。按古人讀「謝」爲「序」。」《孟 『成周宣榭』之『榭』,《周禮》作『序』。」《孟 『成周宣榭』之『榭』,《周禮》作『序』。」《孟 『成周宣榭』之『榭』,《周禮》作『序』。」《 "故别禮》「豫則鈎楹内」注:「豫,讀如 。 "太招》:「青春受謝。」注以「謝」爲

今郢、吴虚。」此援古賢不肖君臣各二,丁兮迷謬愚。 吕、傅舉兮殷、周興,忌、噽專

□ 「昔」,上海古籍出版社整理本《國語・周語下》作

0

「當」,非。

#### 荀 子 注

傳》: 耳。 隋 軍 墜 我 車 書 日 貌。」〔原注〕《新序》第三卷亦言「隴 地 隴 時 土 騎 案「角」字當爲衍文,蓋涉上而誤。 人尚 注云:「其 竇 種 본 驃騎 荀 爾曹、 穆下 軌 車騎,未足給公。」《北史・ 子 Ш 傳》: 有 \* -主 从者二十人,爲公所斬畧 之戰 馬 此 何在? 以 語 義 案 高 周 策擊周文背 未詳。 祖 角 謂 文帝馬 鹿 爾 軌 埵、 獨 蓋 曰:「公之入蜀 住 隴 皆 中 種 罵 今考之《舊唐 而退」。 此。」蓋周 流 摧 種 敗 矢,驚逸, 東 披 (劉學博 籠 『籠凍 李穆 靡 而 盡 之 退

## 淮南子注

「棓」字,一人注書而前後不同若此。部不給射。」注云:「桃部,地名。」按「部」即自是以來,鬼畏桃也。」《説山訓》:「羿死桃注云:「棓,大杖,以桃木爲之,以擊殺羿。《淮南子・詮言訓》:「羿死於桃棓。」

#### 史 記 注

不 不奪爵。 勿 奪 奪爵也。 爵。」五 《秦始皇紀》:「五百石以下 其六百 史文簡古,兼二事爲 百 石 石 以 以 下 上之不臨者,亦 秩卑任淺,故 不 條。 臨 旧 遷 遷 遷, 而 而

秋,歲 將 Ш 盡矣,今年不驗則 鬼 古 不 過 知 一歲 不驗矣,山 事 也。 其 時 鬼 贵 已

又得 年祖 知乎? 也。 之先 春 知 三十七年七月始皇崩,其言驗。 劉記》論之云:「『今』字必『明』字之譌,證有二焉。 依《搜神記》作「明年」爲確、各處並誤作「今年」。 能 (史記 隔 知 龍死。 流水。」乃知太白 歲 》政作「明年」,可補閻氏所未及。 皆惡言死之意。〔梁氏曰〕「今年祖龍死」,當 也。」謂 來年之事 證。《文選》潘岳《西征賦》注及《初學記》卷五引 事」,譏其伎倆 幸其言不驗。 秦人相 稱「祖 哉 謂 唐時所見《史記》本尚 曰,吾屬可去矣。 僅知今年,若明年之事,彼 李白《古風》云: 乃亡 退言日 者之辭 始皇曰『山 1:『祖 『壁遺 一往 無調 · 無 桃 龍 滈 鬼固 花 池 者, 也。」余 豊 與 源,千 潛邱 能 不 我 人 明 過 預

若徑歸 道,自九原抵甘泉,塹山堙谷千八百里。 輬 繞三四千里 (原注)今大同邊外。 而 北 始皇崩於沙丘 咸 陽 但欲以 ,不果行游,恐人疑揣,故載 而 歸者,蓋 然後从 欺天下,雖君父之尸臭 ,乃又从井陘抵 直 始皇先 道 以 至 使蒙 咸 九 陽 恬 原, 輼 通 П

> 腐 車中而 不 顧 亦殘忍無人心之極 矣。

蝨 。」言蝱之大者能搏牛而 項 羽 紀》:「搏 牛之 蝱, 不能 不可 破蝨,喻 以 破

蟣

鉅

鹿

城小而堅,秦不能卒破。

者矣。 樊噲 秦亦未帝。 歇《上秦昭王書》:「先帝文王、武 之,今百世之下,辭氣宛然 王 曰:「誰爲大王畫此計者?」其時 也。 則稱「大王」,其時 鴻門之會,沛公但稱 此皆臣下 必以書法裁之,此不達古今 尊奉之辭,史家 羽 羽爲 未王 如 見。 王。」其 將 也 沛 大 公亦 軍 又 張 如 而 時 黄 未 良 書 而

彭城,如師古之解,乃背約,非背關 二大夫。」「秦得百二」,言百倍也。 古人謂「倍」爲「二」。〔原注〕《孟子》: 背 關懷楚」,謂舍關中形勝之地 「齊得十 也。 卿 而 都

二」,言十倍也。

春秋》「 亦 之謂自謙」,亦「慊」字 策》「齊桓公夜半不 意。 道,盡嗛也」,又曰 也」,又曰「不自嗛 《漢書》作「愍志」,義同。《索隱》以爲不滿之意,非 口」,並是「慊」字而 樂 「慊」字而 毅 《荀子》「惆 傳 孝 苟 》先 文 可 紀》「天下人 以 誤 王以 傔 从「人」。 然 劑 其行者,言濫過」,《 爲 不慊」,又曰「由 「嚮萬物之美 誤 貌 嗛」,又曰「膳啗 嫌於 辨 而誤从「言」。 从「口」。 者 民 「梁氏 志 吾 未 司 有 日 無 《大學》「此 。 皆 介而 嗛 赚, 辭 ○ 日 之 不 俗 志 爲 厭 即 也 嗛 戰 能 也 謂 足 氏 於 嗛 之 之 或 與

也 言 曰 ,然此注 中 一晉陽 都故城在汾州平遥縣 三年,復晉 故 已見卷首「中都」下。 城 在 陽 汾 中 州 都 平. 民 遥 西南,言晉陽誤 縣 三歲。」《 西 南 心此 Œ 義

同姓」,謂無甥舅之國可娶,《索隱》解非。文帝「前后死」,實氏,妾也。「諸侯皆

〔原注〕《漢書》無此句

朔,故 食必在朔。 望 食 晦 日 日食有在晦及二日者。 者,蓋 又食」,此當作「月」耳。 + 月 置朔參差之失。 晦,日 有食之。」《漢 唐以 後 〔錢氏曰〕古法用平 其云「十二月 改用定朔, 書》多 由 是 有 Н

謂 令若此者勿聽治。 先 共 「民或祝 祝 詛 己而 詛上,以相 注 欺 並 負 非 乃 約 相 結 而 告言也 後 相 謾。」 故 詔

文、景之元,尚未 號皆自後追爲 狩」云。❶〔原注〕本《封禪書》。 元 天瑞 以 長星曰元光,三元以 《考武紀》「其後三年, 命,不宜 以一二數。 之,而意 有 年 武 號 帝 也 郊得 即 是建元、元 一元 有司言元宜 位之初 日 角獸 建 亦 元, 光 之 元 如 以

天官書》「疾其對國」,謂所對之國,

0

杜 而 降婁」、《左氏傳》襄二十八年「歲棄其次 如 氏 旅於 《漢 解謂「失次於北、禍衝 書 明年之次,以 · 五行志》所謂 害鳥帑,周、楚惡之」, 「歲在 在 南 」者也。 壽 星,其 衝

月 也 日 臘 非 四始者,候之日」,謂 明 也 日 也,立春日 也。 歲始也,冬至 正 義》專指 日 正

「隕石于宋五」注之,非也。公者,《史》文之誤。《正義》以僖公十五年公者,《星隕如雨」,乃宋閔公之五年。言襄

之,如斗柄然,古人語 奴有斗人漢地,直張掖郡. 棄上谷之斗辟 封 禪書 》 成山 縣造陽 斗人 地 也。《匈奴 以予胡」,又云「匈 海」,謂 [楊氏曰]斗是突絶 傳》「漢亦 斜 曲

五行相克之日也。《索隱》非。「各以勝日駕車辟惡鬼。」「勝日」,謂

證。 宿川。」 更名湖。《通 圖》、《水經 鄉,絶遠,且 右 宫在長安城 胡、 胡,宫名,《漢書 史》、《漢》多作 内史界。 又《漢志》「京兆湖縣」注云:「故曰胡,武帝 御宿、昆吾」是也。 則鼎 天子病鼎 注 胡當 東南杜縣東,近下杜,御宿苑在長安城 典》曰: 巡 無行宫。 《索隱》 「胡陵」,風 在其中間 皆作 「鼎 • 湖 湖 湖 揚 甚。」湖,當作「胡」。 也。 即 以 胡子《吴越春 三, 乃 〔梁氏曰〕攷《史》、《漢》及《黄 雄 此。 〔原注〕《三輔黄圖》:「宜 爲 故 傳》「南至 古 湖 卒 通 起 縣 用 幸 字。 秋 在 作 甘 宜 今之 如 建元 泉 湖 湖 前 陵 元 南 闄 鼎 鼎 行 可 縣 御 春

按此即謂武帝,服虔以爲高祖,非。「唯受命而帝者心知其意而合德焉。」

言殊謬。 非死於泰山下也。《索隱》所引《新論》之非死於泰山下也。《索隱》所引《新論》之,

 $\Box$ **河** 顔音崖。」崖,當作 渠 書》 引 洛 水 岸岸。 至 商 顔 下, 漢 書 服 古 虔

非。 謂 今人表》屠 Ш 劉攽已 領 象 人之顔 岸 」辯之。 賈 作 額 層 〔錢氏曰〕「顔」與 者 顔 賈」是 非 ·, 其 指 也 崖 0 商 聲相 山 師 古 者 近 尤 注

二伯 無以 注 孟 不知周 伯及考伯 雖 子、男之「伯」也 衛 周 禮》: 有《詩序》「《旄丘》責衛伯 爲侯」。 鄭氏箋曰: 也。 方伯之「伯」而繫諡 衛自 初字諡之法 衛 「九命作伯。」然非太史公意也; 以 其 世 康 下五世皆稱伯,至頃 諡則曰文公、康公。 是頃 叔爲侯矣,豈 家》「頃 「衛康叔封爵稱侯,今日 ,其稱伯者以字爲諡,非 侯 以前之稱 侯厚賂周 索隱》以 待 夷王 者。〔原注〕周 (姚刑 侯 時 稱侯,故 哉 一之文可 爲 部 夷 伯者,時 伯」者, 日 方伯 王,夷王 疑 爵 〕太史公以 衛 也 且古 公、召 爲州 據、原 本 之 乃伯 Ŧ 伯 伯 伯 爵 公 亦  $\Box$ 康

楚武 號,王 句, 王。」「乃自 弗 蓋言自 楚 世家 聽。 立爲 還報楚, 立二爲 武王 王,後 楚王 一句,「爲楚 使 諡 隨 爲武 怒,乃自 請  $\pm$  $\pm$ 武 耳。 室尊 王 立. 爲 爲 古 吾

> 大 爲 非 和 家 子 文 自 子」,與 自立,爲平王」,《 晉 祖諡,識 因 Ż. 諡 簡 楚懷王、「沈明經 韋 作 《鄭 爲南越武帝,此後世 故 也」,此説 弑 自 六 八此文 其 楚懷之不振。 世 連 卿 立 王 家》皆 屬言之。 勢 郟 爲 而 鑿 正 敖 齊 韓 司 曰〕子襲父名 矣。 云 同。 而 威 厥 然父子同 馬 自 王。 「楚公子棄 在 如《管蔡世家》「 穰 項 劉 立 一,爲 事 梁立楚懷 苴傳》「至常 炫云「號 卿 名,尤可 又 如 「, 知 爾 之 靈 林 位 王, 疾 ^ 邑之將 嗤 韓 爲 弑 也 E 號 世 靈 È, 孫 爲 曾 衛 楚 尉 1 武 獻 佗 世 孫

韓、 至。」此 魏 西起秦患,北 非 兩 也 或 即 謂 秦、 絶 齊 齊 交, 也。 則 ^ 索 兩 或 隱 之兵  $\forall$ 以 必

日 謂 流 卒 越世家》: 放 中之善泅 之罪 人, 乃 者, 非 别 發習流 也 爲 軍。 一千。」「 庾 信 索 哀 習 江 流 乃 南

賦 彼鋸 牙 而 鉤 爪,又巡江而 習流

不者且 得 罪」,言欲 兵之。

辨哲 誤 者、「分明」之意。《易・大有 爲「鄭子哲」之「哲」。 也」,即此字。 越世 家》:「吾有所見子晰 音折,又音制 象傳》「明 也。」「 《索隱 晰

以

過 於秦」。 安陵,有所不快,而毁之於秦也 魏 世家》「王之使者出過 安陵氏,魏之别封。 蓋 而惡安陵氏 魏 王之使

北 之。《楚辭・九章・抽思》:「低佪夷猶,宿 徊,猶徘 云。」按《玉 姑兮。」低,一作 「低回」 <sup>②</sup>孔 子 徊 耳。 二篇 世家》:「余低回 也。」然則字本當作「彽 · 彳部》:「低,除饑 今讀爲「高低」之「低」,失 俳。 留之不能 切。 徊」,省 彽 去

云〕「此不足君所乎」、「此」字下當有「非」字。 絳侯世家》: 「此不足君 所乎?」「梁氏 謂 此 贵

> 不 平之意,故帝 滿 君意乎? 有 此 蓋 言,而 必 條 侯 條 辭 侯 色之間露其不 免冠 謝 也

罪, 或 除」,衍「有罪」二字。 國除」,當云「元鼎五 年,坐酎金不善,

建德代侯

坐酎

金不善,元鼎

Ŧi.

年,有

貴也。「其輕若此」,謂清 行,使人不知耳。 無降服 ^ 伯夷傳》「其重若彼」,謂 梁孝王 世家》「乘 布 自比喪人之意。 士之輕富貴也。 車」,謂 俗人之重 微 服 富 而

言晏子之勇於爲義也。 禮然後去,豈所謂見義不爲無勇者邪。」此 贊獻公立少爲失言,以晏子不討崔 之能不玷 言之玷,不可 曰:「《詩》所謂『白圭之玷,尚可磨 而 反其意者多矣。 管晏傳》:「方晏子伏莊公尸哭之,成 其言 爲也」。 也。 後 《左傳》僖九年: 人持論過 荀息有 古人著書,引成 焉。 高 言 也。斯 杼 以 君 荀 荀 子 息 息 無 語

勇,非左氏、太史公之指。

《索隱》解以爲「好射」,非。《孫臏傳》「重射」,謂以千金射也。

「據其街路」是也。以敵人所不及備,故謂之「肮」同。張晏曰:「喉嚨也。」下文所謂之「肮」同。张晏曰:「喉嚨也。」下文所謂(抵立。」非也。此與《劉敬傳》「搤其肮」(批亢擣虚」、《索隱》曰:「亢言敵人相

縣 縣,諸侯軒縣。」注謂「軒縣者,闕其南面 《周 蘇 秦傳 禮 小胥》:「正 有 樓 鷃 樂縣 軒轅」,當 之位 一、王宫 作 軒

傳》:「太子即自剄不殊。」 曰殊。」謂斷支體而未及死。〔原注〕《淮南王曰殊。」謂斷支體而未及死。〔原注〕《淮南王「殊而走。」《説文繋傳》曰:「斷絶分析

策》文爲正。〔梁氏曰〕《策》作「蒲入於魏,衛必折於而從之。」此文誤,當依《索隱》所引《戰國一《樗里子傳》:「今伐蒲入於魏,衛必折

歷事惠王、武王、昭王。《甘茂傳》:「其居於秦,累世重矣。」謂

虚 而要歸于仁義節儉耳。 按小司馬説非也。 注引「濫觴」之義,以爲「初」者,非。 而 濫説,然其要歸引之節儉。」語意正 無節之謂。 《孟子荀卿傳》:「始也 詳上下文義,似謂衍之説,始 猶《莊子》之「洸洋自恣」也 一司 馬相 如傳贊》云: 濫 一相類 耳。」濫者 有相 (銭氏日 謂 如 泛 雖 濫 氾

尼、孟子守正不阿之論也。 百里奚飯牛之意,藉此説以干時,非有仲百里奚飯牛之意,藉此説以干時,非有仲

同。 語 號」爲「諡」,猶之以氏 世 王褒賦 《孟嘗君傳》「嬰卒、諡爲靖郭君」。 台不 幸 韋 得 傳 一篇 諡 爲 爲 洞 爲 姓,皆漢 簫 帝 兮」,亦 太 后 初 是作 與此 時 以 X

號 字用

封 人 一,君獨 無勳」,當作 平原君 有 功 .傅 而 学非 封 句 也 讀 以 () 言非 君 爲 或 有 人 功 無 也 功 而 以 而 或 不

信陵君 傳 如 姬 資之三年」,謂以 資

財 求客報仇

真 欲求有用之士 徒豪舉 草, 也 謂 特 貌 爲 豪傑 舉 動 非

吉祥 善事者與。」「豈」下當有「非」字。 蔡澤傳》:「豈道德之符,而聖人所謂

謂 勸 里 一。」謂一室之中 ,而告之隣里,此爲情之薄 必告」者,非。 樂毅傳》: 有不和之語,乃 室有語,不 相 矣。 盡 不 《正義 自 以 告 相 規 了游

禮 養,死則不得 不備 魯仲連 索 傳》: 隱 賻 襚。」謂二國貧 謂 一君弱 鄒魯之臣 臣 强」者 生則 小 非 生死 不 得 之 事

> 楚攻齊之南 陽。」南 陽 者,泰 山之陽。

孟子》:「一戰 勝齊,遂 有 南 陽

泥。 切,猶 管。 一笑。 俗音鳥 辭》云『筦維焉 軺 轉 或 師古《匡謬正俗》云:「《聲類》、《字林》並 柄 劭 勵 説文》既云倝聲,則 推 車 也。 也。 日 志》詩 賈誼 漢書 輪 : 害 而 一賈 故 「斡音筦。 有 括切,非 从斗, 義同 還」、《索隱》曰:「斡音鳥活 斡,烏 生傳》「斡 害聲,去入不妨 知『斡』、『管』二音不 ^ ・食貨 云『大儀 服 而音異。」今《説文》云:「斡,蠡 鳥 **倝聲。」揚雄、杜** 繋』,此義 括 也。」〔錢氏曰〕「斡」从倝聲,音鳥括 賦 (志》: 切。 筦,轉也。」「斡 棄 斡 **>** 云『斡 周 不得爲烏 運」,皆爲 相 按 浮 鼎 轉 與『斡』同,字 「倝」 也。 兮 流 食 而 師古之説失之拘 奇 而 字,古案切 林 括切矣。 寶 殊,近 轉 遷 , 流 民 説 康 也。 反。 而 欲 皆以 瓠 遷兮, 擅 張 代 即 <u></u> 斡, 斡 爲 流 爲 楚 華 音 顔 應

『管』同。」 山海之貨。」師古曰:「斡,謂主領也,讀與

義可 高臨垂 北 書 置亭。」〔梁氏曰〕案《索隱》本「置」下有「厠 相 廄置」之「置」。 Z 厠 劉 廁置」字从『广」者不同。 臨厠 影同。 國世家》「取祁善置」、《田 氏 予謂 兩通, 爲 《張敖傳》「要之置」,置,驛也。 「厠」音初吏反,包愷音側,義 邊 『側』,則《史》、《漢》皆通矣。」 」注,李奇曰: 今本脱。  $\Box$ 蓋「厠」、「廁」 「厠」即 厠 也。」蘇 側 〔汝成案〕《張釋之傳》「從行 《漢書 「霸陵北頭厠近霸水。」如淳曰: 字。 林  $\Box$ 兩 劉伯 「側」旁从人,隸變爲「厂」,與 字 「厠 • 唐 莊音初吏反,小司馬 馮 以 邊 亦兩 奉世傳》: 前 側 横傳》「至尸 已 也。」《索隱》云: 通。」錢氏《考異 相 溷 至霸上,居 」字,與《漢 燔 如《 據 此 以 一居 燒 鄉 曹 爲 訓

《淮陰侯傳》:「容容無所倚。」「容容」

即「顒顒」字。

之爲東胡王也,以其姓盧 盧 縮傳 |>: 「匈 奴 以 故 爲 東 日 胡 東 盧 胡 王。」封 盧 王

ø

不

一,原作「無不」,據《史記

田

儋列傳

迎 陽 白 澤縣,非也。 卒七千禽敵,反千里之齊。當是時 之社稷,❶走而之城陽之山 吕后紀》言「齊王乃上城陽之郡」、《孝文紀 人,反擊項羽 廣亡去,信遂追 **三「以齊劇郡,立朱虚侯章爲城陽王」,而** 、戦國策》貂 淮陰侯傳》言「擊殺龍且於潍水上,齊王 王 而 姓。」則古齊時已名城陽矣 與后於城陽之山中,王乃復反,子 王天下,莫之能止。 田 榮傳 勃 《漢書》城陽郡治莒。《史記 於城陽。」《正 對 北 襄 祭弟 至 王 城 曰:「昔王不能 横 陽」,皆此 收 然爲棧道木 義》以 中,安平君 齊 散 兵, 爲 地 濮 得 閣 蓋 以 守 州 數 臨 敝 Ŧ 雷 城 按 萬 而

「不無善畫者,❷莫能圖」,謂以横兄弟

<sup>0</sup> 昔 E \_, 上 「王」,作「先王」。 海 古籍 出版社 整 理 本《戰 國 策 齊 策 》作

《陸賈傳》「尉佗迺蹶然起,坐謝陸

生」。坐者,跪也。

矣。〔楊氏曰〕當从注説。 爲父之於子亦不欲久慁,當時之薄俗可知爲父之於子亦不欲久慁,當時之薄俗可知所謂「常來之客不殺雞」也。賈乃引此,以所觀「數見不鮮」,意必秦時人語,猶今人

改調之例,里俗相沿,不可以解 尚有 如淳訓。 調。」如淳訓爲「選」,未盡。〔錢氏曰〕「調」字當從 瑟之更張乃調也。〔原注〕《張釋之傳》:「十年不得 調官」字所本。 「常調官好做」之諺。常調,猶言常選 袁盎傳》「 唐人初任皆云調,見於史傳,不勝 調 「調」有 爲 隴 《漢書》。 西 「更易」之意,猶琴 都 尉」,此 也。 枚舉。 明人始有 今日 宋 時

《倉公傳》:「臣意年盡三年,年三十九所患,患用其道者少,即下文「六者」是也。《扁鵲傳》「醫之所病病道少」,言醫之

解之。 方氏 文王。 字。 當作 年三十九,出治病即有驗,如下文所云也。」 不説「年四十」者,是年未盡。 改封,齊文王文帝十六年薨,則皆在十三年已後可見矣。 意對詞,有菑川王、膠西王、濟南王、故陽虚侯、齊王、齊 歲 曰〕按上文,意家居,韶問所治病,不必定在十三年。 年,所尚未精,『要事之三年』,言受讀之年盡三年,時 也。」按徐廣注,高后八年,意年二十六, 《補正》又謂是年乃文帝四年,故盡三年,年三十九 《孝文本紀》:十三年,除肉 :年盡十三年,年三十九歲也,脱「十」 惟 菑川三王皆文帝十六年始封,陽虚侯文帝十六年 《補正》載蔣西谷語爲確。 此因本傳誤書「四年」而 蔣曰:「上言受慶方 刑。 「梁氏 觀 謬

者,非。 事 我皆垂暮之年,無 也。 《武安傳》「與長孺共一老禿翁」,謂 《索隱  $\Rightarrow$ 以 所顧 爲 一共 惜 當 治 一老 直 言以 秃 決此 翁 爾

匈奴於衛將軍、驃騎《傳》之前。因匈奴犯塞,而有衛、霍之功。故序

日知録集釋卷二十七

傳 謂 對黄帝曰:「脉有要害。」《後 我,謂之害。 在 漢 》:「中臣要害。」 我爲要,於敵爲 攻守必争之地,我 書 南 西 越 南 尉 人身 夷 佗 傳》注 傳 害也。」此 亦 \* 有 可 發 師 以 要害、《素問 兵 古曰 害 解未 守 彼, 漢書 要 彼 「要害者 害 盡 可 處。 》岐 來 要害 以 歙 伯 害 按

風

卿

司 馬 相 如傳》「其爲禍 也 不 亦 難 矣」,

衍 亦」字。

汲黯傳》「愚民安知」爲一句。

籍 籍 也。 謂 鄭 奏 當 事 時 有 傳 涉 》「高 項 王者,必斥其名 祖令諸 故 項 籍 日 臣 名 項

原、信陵之徒,皆因王者親屬,藉於有 竊 載 P 游 酷 而逃 俠傳》: 吏傳》「尸亡去, 也 謂 「近世 尸 能 延 自 陵、孟嘗、春申、平 歸葬」,言其家人 「飛去」,怪矣! 土 卿

> 陵生當之、《戰國策 俠,且不可言近 相 延陵」二字衍。 也。 之富厚。」 相 結, 解 千 世,與四公子相 《漢》傳無。 延 金之劒 》作延陵 陵 謂 季 君,又不得 而繫冢 以 札 比。 其 徧 梁 徐 樹,有 氏 游 稱 廣引  $\Box$ 王 E 者 《韓 延 或 俠 親 陵 子》趙 士之 屬 季 與 子 名 疑 非

注 少,而久久更富,廉者之所得 人,義然後取,人不厭 利而行多怨。 富」,又曰「貪賈三之,廉賈 非。 貨殖 傳  $\stackrel{\smile}{\sim}$ 廉者 廉 吏 知取 久, 其 取。 知予,無 久更富, 五之。 乃有 是以 其 取 求 夫 廉 Ŧi. 之雖 多 放 賈 也 於 於 歸

皆爲天下名都,居 臨 薊,趙之邯 文》:「街, 淄 ,楚之宛 洛陽街居 鄲 四 魏 通 丘 道 在齊、秦、楚、趙之中。」《説 鄭 之温 Ŧi. 之陽 朝 鹽 諸 鐵 侯之衢,跨街 翟,二周 韓之祭 論 之三川 陽 燕之涿、 ",齊之 衝

#### 之路。」

改。先生亦微染俗學。 「推移」二字之誤。〔錢氏曰〕椎埋,漢人語,不可輕「盡椎埋去就,與時俯仰。」 椎埋,當是

### 漢 書 注

名以 氏, 建安乃漢獻帝年號,雖政出 鄧展」、「文穎」下 漢 書敘例》,顏師古譔。 並云「魏 曹氏,不 建 其 安 所 得 中。 列 澽 姓

《高帝紀》「諸侯罷戲下,各就國」,注

是。 爲是。 爾。 解 過戲矣。又人秦燒秦宫室,不復 引 下」,似不成文。〔姚氏曰〕舊説戲,水名。 「爲軍之旌麾,音許宜反」,又謂「項羽見高祖 戲爲麾,羽麾下耶? 羽雖過 説 他處固 蓋  $\overline{Z}$ 戲,而諸侯 羽 有以戲爲「麾」者,但 人 時 咸 從 諸 陽, 軍或留戲下, 項 侯麾下耶? 羽 而諸 在 在戲 戲 侯 水之上。」 抑 也。 不辭之甚 自 或受羽約于 留 余 . 굸 于鴻門,已 按顔 軍 顔 注以 罷 戲 此 説 此 麾 下 説 非 戲

「幾」字。案本書上下文,二説皆可通。 幾,即「機」字,如《書》「若虞機張」之當。幾,即「機」字,如《書》「若虞機張」之當。幾,即「機」字,如《書》「若虞機張」之當。幾,即「機」字,如《書》「若虞機張」之

鄉里者各一人」是也。 月 帛」、《宣帝紀》「令郡 平日爲人之實迹,如《昭帝紀》元鳳 「賜郡國所選有 遣詣相國府,署行、義、年」, 行義者涿郡 國舉孝弟 劉 攽 韓 有行義聞 改「義 福 謂 等五 元 年三 書其 爲 於 人

儀 謂 若 今 專 貌 非 杨楊 氏 日 」漢 人 義 都

作

誼」,作「義

」者謂

「儀」也。

貢父是

也

謂 以 謂 爲「祭太一,開八通之鬼道」者,非。 「八神,一 東 巡 武 海 帝 上 紀》「元 而 日天主 祠 八 封 神 ,祠天齊」之屬。 元 也 年, 即 詔 ☆封 用 事 禪 書》所 文穎 神

非 及 征 「踰侈者」也 和 天漢 元年之「大搜 元 年 -秋,閉 城門,大搜」,與二年 同, 皆 搜索姧人也,

農,亦 即 其 并 獨 菽  $\Box$ 行 算 字。 昭 於 雜 減 帝紀》: 粟當賦。」  $\equiv$ 征之,用 漕 輔 百 太 三輔 常 萬 錢者皆令以 漢 石 郡 時 太 者, 慮儲侍之乏也 田 常 租 不 郡 本 獨 得 是 叔粟當之。 爲 以 叔粟,今 穀 叔 「原 賤 注 傷

日 左傳》成二年,「夏,有 完元 當言 帝 罷某官某事 紀 》「永光 元 爛 年 脱失之。」是 秋 亦 罷」。 是闕文。 如 也。 杜 淳

以

氏 解 日 失新築戦 事

乙、丙 甲 獨 卿 季寄王,故以名官也。 己校尉者,鎮安 尉。 爾。 部,前後有 稱 央,鎮覆四方。 處三十六國之中,故 己校尉。 尉 己校屯姑 屯 西域 乙八名皆有, 戊己焉。」按 表》注亦載二説。 其 原 所名 建  $\bar{\mathbb{H}}$ 丁、庚辛、壬 雖平時 注 昭 Ĭ E 或 墨。 居 一説戊己位 Ė, 三年,戊己校尉」, 有 車 莽 所 甲 馬 떼 師 本。 傳 又開 校獵 而 西 《後 **\*** Z 融《 故 西 癸各有 域, 右 相 地。」《 《漢官儀》曰 車 渠播 域 廣 漢 亦 日 在 伍 庚 有 無 師 則 成 書 戊 時 刻 中 部 戊 種, 傳 但 常 烏 頌 有戊校 正 己 木 央,今所 伍 己 置 校 治 耿 孫 也。」《 位 以爲 師 日 尉 爲 此 也。 恭傳 傳 處 古日 : 堅。」 而 置 戊 ¥ 前 以尉,又 「戊己 厭 戊 亦 百 置 戊 丙 校 又 己二官 勝 燿 己 知 官 己 猶 則 隊 校 漢 金 有 戊 中 公 尉 几 恭 徙 其 案 故 甲 校

己校 爲 戊校尉, 尉, 屯 屯後 前 Ŧ. 柳 王 部金蒲 中城。」故師 城。 謁 古以 者關 爲 寵 無 爲

常治

否也 蓋 子」,師古日 成 瓡 地理志》「北海郡」下「瓡侯國」,師古曰 河 瓡,即『執』字。」二音不 赦令不可復反,故但此一事不蠲除也 讘 東 帝紀》言「其 侯 王子侯 哀帝紀》「非赦 郡」下作 杆者」,師古曰:「『瓡』、『狐』同。」 「瓡,即「瓠」字 表》「瓡 狐 吏也遷二等」同 攝」,又未知即 令也,皆 節 同。 侯 息, 也。 蠲 而《功臣 城 除之」,猶 又音孤。」 一文法。 陽 此 一字 頃 表 王

騎」,師古曰:「長水,胡名 胡騎之屯於宣曲者。」按長水 郊 百 官表 「霸、産、豐、澇、涇、渭、長水,以 》「長水 校 尉 也。 掌 長 宣 非 水 曲 胡 宣 名 觀名 曲 也。 胡

『營近長水,因名。』《水經》云:『長水出白「《百官表》有長水校尉。沈約《宋書》云:近咸陽,盡得比山川祠。」《史記索隱》曰:

鹿原。』今之荆溪水是也

之耳。 祕書 法之平也。 康 獻 書借 書免」足矣,何用文之重、辭之複 年,坐籍霍山書泄祕書,免。」師古曰 祕記,當密奏之,而 城 四 年,昌復爲太常,薄責昌 《西第,入馬千匹,以 霍 从 山本傳言:「山 Щ, 昌借之,昌之罪將 四年,蒲侯蘇昌爲太常。 且如 非 也。 顔説,當云「坐借 輒以示人,故 蓋 籍 坐寫祕書,顯 没 贖 不 霍 山罪。」若 止 耐 Ш 免官 厚繩 乎? 之 以 霍 書 爲 官 「以祕 Ш Ш Ш 而 泄 中 + Ŀ · 非 袐 之 書 罪 有 元

反。」《陳湯傳》「御史大夫繁延壽」,師古御史大夫,一姓繁」,師古曰:「繁,音蒲元「建昭三年七月戊辰,衛尉李延壽爲

見,並 或作「縏」。《玉篇》「搫」字亦音步波、步丹二切 部中有「繁」字,注曰:「音薄波切。 婆。」《文選》「繁休伯」,吕向:「音步何反。」 《左傳》定四年,「殷民十族繁氏」,「繁」音 則「繁」之音婆,相傳久矣。「原注》、廣韻 家》「丞相司直繁君」,❶《索隱》曰:「繁,音 爲繁豎。 皮,古音婆。」《史記 步何反。 音盤 日 婆」、《谷永傳》師 ,蒲胡則音蒲,蒲 繁,音 未歸 《儀禮 \_\_\_ 蒲 胡 · 鄉射禮》注:「今文皮樹 然「繁」字似有「婆」音。 反。」《蕭望之傳》 古音 河則音婆, 蒲 姓也。 河 反」。 ·張丞相 又音煩。」此字 三音互 蒲 師古音 》八戈 元 世 則

師古注非。居下也。下文言「竟以下吏」,乃是下獄。居下也。下文言「竟以下吏」,乃是下獄。《律曆志》「壽王候課比三年下」,謂課

六甲」者,四時六十甲子之類。「五方」《食貨志》:「學六甲五方書計之事。」

「計」者,九數。瓚説未盡。者,九州嶽瀆列國之名。「書」者,六書

《史記》作「瘠」。 孟康之説。〔原注〕蘇林音漬,是。 是「瘠」字。 傳》「毁胔過禮」、《大戴禮》「羸 不葬者也。 國亡捐瘠者。」瘠,古「胔」字,謂 則此 《婁敬傳》「徒見羸胔 「瘠」乃「胔」字之誤,當从 《後漢書·彭城 醜 以 靖 老 胔 王 弱」, \_, 皆 死 恭 而

所以作代田之法也。 壖地乃久不耕之地,地力有餘,其收必多,「課得穀皆多其旁田畮一斛以上。」蓋

猶云「無算」,言多也。

「天下大氐無慮皆鑄金錢矣。」「無

慮

之布者,言其分布流行也。」按本文,錢、布「布貨十品」,師古曰:「布即錢耳。謂

<sup>■ 「</sup>世家」,據《史記》應作「列傳」。

安得 布 自 4 皃 是 二品, 存,上狹下 Ŧī. 謂 分, 布 即 廣 而 錢 下 廣 寸, 文復 乎 而 ? 直 岐 載 貨錢 《莽傳》 其 「改作 下,中 二十五 貨 曰 有 ]: 「貨 布」之制 。」今貨 孔, 布 師 長

古

當日或未之見也

 $\widehat{\overline{H}}$ 記 拘於荷 雷。 曰 : 城。 常以 坂 恒 ,豈必其皆 城 行志》: 曰 封 若 有頃止,壄〔原注〕「野」 祠之。 雉 夜,光煇若 野 郊 常,諱 禪 悦 雄 也 鷄 祀志》:「文公獲若石 書》, 云 雞 「天水冀 雉 其神 竊謂 一般一日 爲 諱 其聲 其 也 恒 流 上文云「有雉 雉』之字 或 野鷄者 與 殿云, 吕 星,从東方 南 開,史 歲 啟 后 Ш 不至,或 乎? 同。 名 「, 野 大石 野 H 固 雉,改 鶏 中 鷄皆鳴。」師 野 又 有 一、云于 鳴,聲隆 夜 登鼎耳 之鷄 來,集 此 言 雞 歲 鳴。 文 數 常、言開 耳 野 陳 本《 來 雊 夫 隆 鷄。 如 於 倉 也 史 諱 注 古 淳 祠 如 北

> 江夏郡 雉 禽及 所 有 其 雉 也 諱 物 下文云「公孫卿言,見 者 É 如 聽 有 而 雉 雉 《漢 諸物 往 下 來城 雉 先 書 」,〔原注〕《漢書 縣 聞 上, , ~ 地 雷 五. 理 聲 又云「縱遠 志》南 行 僊 志 人 則 一同 陽 跡 漢 王 此 郡 緱 二條 時 音 方奇 有 氏 未 等 城 雉 嘗 恍 上 並 言 諱 飛 無

之天神」 非。 木偶人、木偶 者,棄之市 馬」,而《韓 木  $\Box$ 飾治桐車馬于瀆上。」今人代以 史記 寓 , 木偶 古文「偶」、「 寓, 木 殷 寓 奇 《索隱》 本紀 道 延壽 也。 龍 也 馬 》一帝 《史記 傳》曰「賣偶 **>** 駟,木寓 古人 [原注]《魯相 寓 日 寄 三通 生 武 用 • 孝 龍 偶音 Z 用,〔原 以 形 車 無 紙人、紙 事 史 武 於 馬 寓 道 車 晨 神 紀》 木。」 爲 注 馬 孔廟 及 馴, 偶, 下里僞 作 酷吏 送 偶 後碑 馬。 此 亦 人,謂 死,皆 木 説 李 ž 音 傳 又 寓 物 偶 恐 奇

書》作『寓人』。」可以證「寓」之爲「偶」矣。「匈奴至爲偶人,象郅都」,《索隱》曰:《漢

爲四國也。
「三」易混,猶《左傳》「陳、蔡、不羹」三國之城。」四,當作「三」,古「四」字積畫以成,與城。四,當作「三」,古「四」字積畫以成,與

爲之解。爲公子時,此劉向誤説,班史因之,不必曲爲公子時,此劉向誤説,班史因之,不必曲鄭獲魯隱。」按狐壤之戰事在其前,乃隱公「隱公三年二月己巳,日有食之,其後

仰」,意同。 也。《説文》有「觢」字,注云「角一俯一也。《説文》有「觢」字,注云「角一俯一《溝洫志》:「内史稻田租挈重。」挈,偏

漢 徒」之爲「申徒」,語音之轉也。 荀」之爲 以 《楚元王傳》「孫 避宣帝諱 孫 改之。」按漢 如 孟 卿」,師 卯」之爲「芒卯」,「司 古曰:「荀 人 不 避 嫌 況, 名

半

席」。

師

古

解

以

不

醉

不

醒,故

謂之中

位者 解 史所持」。 「不」字,當 也。 及丞 「上數欲 相  $\frac{\Xi}{\Delta}$ 持者,挾持之義 御 輒 用 史 向 爲 所 爲 王 持 九 氏 卿, 故 居位 終 輒 一 而 者 不 不 非 及 遷 爲 挾 王 派 助之 相 衍 氏 御 居

也。 謂 酒 師 之半也。 史記 原注〕晉靈王發酒於宣孟 中。 謂 古以近爲「近天子爲大臣 關 《吕氏 一楚王 弓 酒半 季布傳 樊噲傳》:「項羽既饗軍士,中酒 •  $\sim$ 弦 左傳 觴 河 「原 正 春 張儀, 也。 渠 注〕上云「饋之始至」,下云「饋之畢 半 秋》「中 》昭公二十八 書》「中 中 而 《吕氏 難 飲 近」。 止 · 宜 再 關 也 作 拜 孟 春 而 原 謂令人畏而 知之,中飲 而 秋 中 年「 請。」凡事之半 注〕音彎。 覺」,謂 二**,** 非 酒 謂之「中 中 猶 也 ·置 」, 而 出 工 而 遠之。 一十 止, 之半 謂 《戰 飲」。 日 饋 國

失之矣。〔原注〕《司馬相如傳》「酒中樂酣」,師古曰:

「酒中,飲酒中半也。」一人注書,前後不同。

《淮南厲王傳》「命从者刑之」、《史記》

皆作「剄」也。 子自刑不殊」,又云「王自刑殺」,《史記》亦作「剄之」,當从剄,音相近而訛。下文「太

無下「告」字,是衍文。師古曲爲之説。「孝先自告反,告除其罪。」按《史記》

者,反言之也,言貴而驕人,當如此乎!《萬石君傳》「內史坐車中自如,固當.

所憂者在異姓,而今之所憂者在同姓。者在孤立,而漢之所憂者在諸侯;漢初之《賈誼傳》「上數爽其憂」,謂秦之所憂

人文字之密。 景高爲相」句。古

有是語,所謂「君薨而世子生」者也。季桓「植遺腹,朝委裘,而天下不亂。」必古

大夫,一也。 以告而立之。」遺腹之爲嗣,自人君以至於子命其臣正常曰:「南孺子之子,男也,則

後,子冉當别是一人。也。」按子罕是魯襄公時人,墨翟在孔子之也。」按子罕是魯襄公時人,墨翟在孔子之《史記》作「子罕」。文穎曰:「子冉,子罕《鄒陽傳》「宋任子冉之計,囚墨翟」,

非名,傳文脱一「嘉」字。 「秦皇帝任中庶子蒙之言」,師古曰:「秦皇帝任中庶子蒙之言」,師古曰:「秦皇帝任中庶子蒙之言」,師古曰:

葬者謂之埋。師古曰:「椎殺人而埋之。」《趙王彭祖傳》「椎埋」,即掘冢也。新

恐非。

司馬相如傳》「於是楚王乃弭節俳佪」注,《李廣傳》「彌節白檀」,彌,與「弭」同。

郭璞曰:「弭,猶低也。節,所杖信節也。」

軍。」言當俟陵出塞之後,乃詔博德迎之。「陵當發出塞,迺詔彊弩都尉,令迎

《蘇武傳》:「陵惡自賜武,使其妻賜武牛羊數十頭。」今人送物與人,而託其名於奴已立爲王故也。云「惡自賜武」,蓋嫌於奴已立爲王故也。云「惡自賜武」,蓋嫌於自居其名耳。師古注謂「若示己於匈奴中自居其名耳。師古注謂「若示己於匈奴中富饒以夸武」者,非。

篇結構。
本文矣。若但如今所載子虚之言,不成一本文矣。若但如今所載子虚之言,不成一爲「楚稱、齊難」而歸之天子,則非當日之爲「楚稱、齊難」而歸之天子,則非當日之《司馬相如傳》,《子虚之賦》乃游梁時《司馬相如傳》,《子虚之賦》乃游梁時

子,其蚤死之子别有一子,乃下文所謂「孤 祖 謂 張 賀 安 無見 世 傳 存之子,而  $\Rightarrow$ 無 子,子 以 安 安世 世 小 小 男 男 爲 彭

孫霸」,非無子也。

外株連之人。 《杜周傳》「吏所增加十有餘萬」,謂

辭

人上衣下裳,舉裳者執要,舉衣者執領。《張騫傳》:「竟不能得月氏要領。」古

我』」,言孝武帝降憑其身而言。《廣陵王胥傳》「女須泣曰『孝武帝下

馬,非。 乘此馬而遠適千里之外。張晏注以爲驛「千里馬兮駐待路。」言神魂飛揚,將

殺王 弑 古曰:「甲者,閩越王弟之名。」非。 知其名,故謂之「甲」,猶云「某甲」耳。 而殺之」,即下文所云「會閩 《嚴 以降」者也。 助 傳》「臣 當淮南王上書之時,不 聞道 路言, 越王弟 閩 越  $\pm$ 弟 餘 善 師 甲

也。邸,如今京師之會館。《朱賈臣傳》「賈臣人家中」,即會稽邸

中

傳》「掘野鼠去屮實而食之」,師古曰:「去,松之注《魏志》云:「古人謂藏爲去。」《蘇武《東方朔傳》:「以劍割肉而去之。」裴

謂

藏之也。

海雷專》:「者黃寡丟。」口方整五,云書中有「君父送終」之語。 《楊惲傳》「廷尉當惲大逆無道」者,以

善,崩,而堯自唐侯升爲天子是也。《梅福傳》:「諸侯奪宗。」如帝摯立,不

古注 謂 福 謂「封孔子後」,非 引吕、霍、上官之事 梅 福 傳贊》: 「殷鑒不遠,夏后 以 規 切王 氏 所 聞。」 師

注: 晉灼 理 讎。《左傳》僖五年「 言不 讎 《霍 度, 日 讎 之一 一, 猶對 光傳》「張章等言霍 未 讎,等也。」非 能 讎 讎 也 \_ 引。《律 也 〔原注〕《詩 真鄭 無 曆 喪 德 也。 而 志 曰 : 》「廣 慼 IE. 氏皆 此 憂,必 義》:「相 如《 延宣 相 讎 應爲 詩 讎 有 問 對 》「無 焉 功, 謂之 以以 讎

御史簿責嬰所言,灌夫頗不讎。」
贊》:「忠不終而詐讎。」《魏其傳》:「上使也。」《郊祀志》:「其方盡多不讎。」《伍被傳

古注以「微」字屬上句讀,非。言豈獨將軍苟安貪便,人人皆欲爲之。師言豈獨將軍苟安貪便,人人皆欲爲之。師《趙充國傳》「微將軍,誰不樂此者」,

雖古名將不過是,爲淮南所憚。謂伍被言大將軍數將習兵,未易當。又言《辛慶忌傳》「衛青在位,淮南寢謀」,

位,以 京 按今所傳王 麓,録也。 時 太傅趙熹、太尉牟融並 已 《于定國傳》:「萬方之事 有 此 納舜,使大録萬機之政。」蓋 肅注《舜典》「納于大麓 解 故 詔 録尚書事 書 用 之。 ,大録于 「原 注 章 才。」 日 帝 西 即

之誤。 禮記》凡鰥 于定 「哲」則「折」之誤也。 或 寡之「鰥」,皆作 傳贊》「 哀 熈 哲 矜 獄 師 古 \_, 此 以 毛 傳 亦矜

一〇四六

「明哲」之「哲」。 有「哀鰥寡」語,遂以釋此文,而以「哲」爲

禮 是 若隨俗人之意,更於冢上 吾冢。」非也。 動吾 俱 不欲用 師古曰: 襲勝傳》「勿 冢 也。 「多設器備,恐 蓋以 古人族葬,勝 隨 朝代遷革 俗 動 種 吾 柏 必 被 冢, 己 作 發 切 種 自 祠 掘 飾 柏 堂, 有 爲 終之 作 則 動 祠

述可 也。 昔君 君子垂令名于後,欲 知 在鄒 子, 韋賢傳》: 庶顯 詩日 于後。」 既 「歲月其徂,年其逮耈。 着且 王信老成之言 孟 陃 自言 」,則此爲孟 年 老,慕昔之 而 之自 用之 於

家也。「下趙談」之「下」,與之共載,復送至其「下趙談」之「下」,與之共載,復送至其「下从者與載送之」,「下」如《爰盎傳》

《尹翁歸傳》「高至於死」。「高」謂罪

名之上者,猶言「上刑」。

大夫劾奏尊以「靖言庸違、象共滔天」。《王尊傳》「猥被共工之大惡」,謂御

史

也。」非。《蕭育傳》「鄠名賊梁子政」,「名賊」猶言「名王」,謂賊之有名號者也。師古曰:言「名王」,謂賊之有名號者也。師古曰:

《宣元六王傳贊》「貪人敗類」、《大雅

桑柔》之詩,師古注誤以爲《蕩》。

崇以禹爲親之,宣以禹爲敬之,故各自得。《張禹傳》:「兩人皆聞知,各自得也。

宫車晏駕,故下文郎賁麗以爲可移於《翟方進傳》「萬歲之期,近慎朝暮」,

謂

相也。

伯

僑

周

何

别

也」,謂

不

知是何王之别子。

「冠倫魁能」,「能」字當屬上句,言爲

能臣之首。

僖元年。 無 吾證之, 赧 與吾苦諍。 子左右,姓孟名勞,多力之人,爲國所寶。』 是,不必曲爲之説 有《文選》 《穀梁傳》:『孟勞者,魯之寶刀也。』「原注 名」,此小顔之癖也。 東 欲談者宛舌 類之。 方朔割 史書之文中 有姜仲岳,讀『刀』爲『力』,謂:『公 可證。 名 然而服。」此傳「 清河郡守邢峙,當世碩儒 而 於 細 固聲」,「固」乃「同」之誤。 有 而 君」,「名」乃「炙」之誤 誤 必 如 字,要當旁證 欲訓之爲「固」、爲 《顔 此 傳《 割名」之解, 氏 解 家訓》云: 謿 以 篇》中 求其 助助 得

多顯官。 夫、郎、掌故以百數」,謂不必皆有行誼而夫、郎、掌故以百數」,謂不必皆有行誼而

《貨殖傳》:「爲平陵石氏持錢。」持錢,

人,而石氏訾亦次之。 猶今人言掌財也。如氏、苴氏皆平陵富

異耳。 虔曰:「酒市中人也。」非也。 長 箭張回」, 安宿 「此二人作箭作酒之家。」今此 游俠 豪大猾箭張 即 傳》「酒 張 禁也、君都亦即放也、名偶 市 趙君都、 禁、酒 趙 賈子 按《王尊傳 放」, 光」,服 上文有 晉 灼

恩未忍絶。《易・睽》六五「厥宗噬膚」,言貴戚之卿,《佞幸傳》「朕惟噬膚之恩未忍」,是取

之欲男子而不可得也」。
「張脈僨興」之「僨」。《倉公傳》所謂「病得「張脈僨興」之「偾」。《倉公傳》所謂「病得

匈奴者,今其子孫尚號秦人。」非也。彼時穀,與秦人守之。」師古曰:「秦時有人亡入「衛律爲單于謀,穿井築城,治樓以藏

宛傳》: 猶後人之言「蕃、漢」 胡。』《袁紹傳》: 謂 凡穿井築城之事,非秦人不能爲 秦人守」者,匈奴以 國人爲秦人,習故言也。」是矣。 言: 『秦人,我匄若馬!』」師 匈 西 中國 奴 域傳》:「匈奴縛馬前後足,置城下,馳 謂 聞 中 國人爲秦人,猶今言漢人 [原注]《後漢書 宛城 「許賞賜秦、胡。」秦者中國人,胡者胡人 也 中新 轉徙爲業,不習守禦, 得 · 鄧訓 秦 人,知穿井。」亦 傳》 古 其言「與 「發湟中秦 也。《大 一謂 耳。 中

傳 而 來 降漢,故以 「婼羌國王號 去胡來王唐兠」,師古曰:「爲其 爲 去胡 王 號。 來 Ŧ. 非 也 ^ 西 去胡 域

求此地,至知獨求,何也。」亦是追改之。
从其後更名録之耳。〔錢氏曰〕「父兄傳五世,漢不時尚未更名,當曰「臣囊知牙斯」,作史者

傳 側室,不當復云「之子」。 之中子也。 室,衆子也。」文公十二年《傳》曰:「趙有 室日穿。」〔張大令曰〕按《文帝紀》:「孝文皇帝,高 桓公二年《傳》曰:「卿置側室。」杜解:「側 曰:「言非正 求更鑄如故印之式,去「新」字而言「璽」。 》以杜説爲是、《漢書》以顔説爲是。 故 南粤傳》「朕高 印 母薄姬。」故以爲非正 已壞,乃云「因上書求故 嫡所生。」非 竊謂 皇帝側室之子」,師古 隨文爲 也。 嫡所 解 生。 《春秋左氏》 難 以一 如以 印」者, 衆子 律、《左 側 帝

當 不 純 用彼注 臣,但 西域傳》「康居國王東羈 删 羈 此注 縻 事 之,與 烏孫 羈 事 屬 匈 奴」,言 意同

作「使」。〔錢氏曰〕汲古閣本元是「使」字。 「其條刺,史大長秋來白之。」「史」當《外戚傳》「常與死爲伍」,言濱於死。 「宜給足,不可乏」,當作「可不乏」。

「丞知是何等兒也」,言藏之以辨是男

非女。師古注非。

「奈何令長信得聞之」,謂何道令太后

聞之。

陵,配食元帝。〔王氏曰〕蓋廟中之室亦東向爲尊,「終没,至迺配食於左坐」,謂合葬渭

配食左坐,仍是旁侍,非並坐。

《王莽傳》「治者掌寇大夫陳成自免去

官」,蓋先幾而去。

言,謂之「廢漢」、「亡漢」耳。軍」也,下文云「亡漢將軍」,同此意。自莽軍」也,下文云「亡漢將軍」者,自稱「漢大將

陽平侯名禁,當時避之,故曰省中。」不得入,故曰『禁中』。孝元皇后父大司馬《獨斷》曰:「禁中者,門户有禁,非侍御者「會省户下」,省户,即禁門也。蔡邕

「右庚刻木校尉」,「刻」、「克」同,取「金

克木」。

者爲劉氏」,則又其苗裔也。龍氏,以事孔甲。」師古引士會奔秦,「其處龍氏,以事孔甲。」師古引士會奔秦,「其處下陶唐氏既衰,其後有劉累者,學擾龍于豢著乎《春秋》。」左氏昭公二十九年《傳》:《敘傳》:「劉氏承堯之後,氏族之世,

虔以爲「廢逷王氏」,非。 「彫落洪支」,謂中山、東平之獄。

服

### 後漢書注

乎」,注:「誰,謂未有主也。」非。 言此何等《光武紀》「今此誰賊,而馳鶩擊之

賊,不足煩主上親擊也

略賣人口律罪之,重其法也。〔惠氏曰〕《盜律》「敢拘制不還,以賣人法从事」,言比

曰:「略人、略賣人、和賣人爲奴婢者死。」陳羣《新律序》

一〇四九

條。 法 日 也 前 盗 年 律 》有 詔  $\exists$ 和 賣 敢 買 拘 人 執, 文案。 論 如 此 律。」所 則《漢律 謂 篇 律 影有 者 即 賣 人之 賣

今本誤作「修」。 見太學試博 Ŧī. 通《魯詩》者自 韓、毛。 者謂之禮 法 儒 法異者各令自 經皆 三**,**注: 有 家之學,故稱家。」此得之矣。 質 然, 通《 帝 家。」 儒 乃 紀》「先能 齊 士弟子,皆以 生 家法」是 所 詩》者: 以 非 一爲《詩 説 謂 爲《 也。 師 家 者 法 魯詩 自 也。 法 謂 通 以 耳 謂 如 經 「原 意説, 爲《齊 之詩 ^ 徐 教 者, 詩 注》《左  $\sim$ 防 授,韓、毛及 魯 家,爲《 不 各 詩》教 傳 有 丕 循 雄 **令** 》言「伏 齊、 傳》言 傳 原 隨 注 授 魯 禮 注 家

吴郡、 邳 州 · 山 Ŧi. 郡 豫 陽。」 安帝紀》: 租米,贍 章 也。 注 <u>一</u> 五. 揚州 給 小永 東 郡 初 領 郡 謂 元年九 、六郡, 濟陰、 九江 會稽 陳 月 丹 、癸酉, 留,梁國 陽 最 遠 廬 調 江 揚

> 失之。 陽、 疑 爲 不 者。 豫 吴郡。」 調 章、 也 會 注 安帝 按《順 稽 非。 租 米, 〔惠氏 時 帝 則 未有吴郡 紀 會 日 稽 」永初 非 以 永 七年 遠 建 故 調 止 不 四 調 五 零 年 明 陵 郡 矣。 桂 會 無 陽、 注 稽 可 丹 兩

當 反 居 延 以 期 在 隅 爲 歲 朝 馮 哉 月, 疏 異 「疏 秉 遺李軼書: 政 !」言季 遠」,非。 不 岢. 問 得 親 文 居 · 遠 於 此 苟令長 更 不 始 隅 踰 爲 安 近,季文豈 親 注 尚 近之 失 可 其 扶 臣 指 助 能

言,我 謬 來 E 矣。 也。 谷兵,我 《景 亦 本 丹 聊 文 傳》:「邯 以 聊 自 此 應 明, 言 言 然。」 應之,不 注 鄲 乃 將 謂 帥 謂 邯 數 能 王 言 鄲 必 郎 我 將 欲 發 帥 郡 發之, 漁 之果 有 陽 此

土 不不 ^ 能 鮑 永 立 傳》, 節 而 太 守 鮑 趙 永 興 死 歎 之,  $\Box$ 豈 : 口 我 害 受 其 漢 子 茅

.也?」「永」字誤,當作「鮑宣」。

聖人去。冬,陰臣之象。」則陰臣爲婦人審矣 注:「陰私 禍 定十四年城莒父。」何休曰: 。」「陰 楊 厚 臣」謂 也。」非。〔惠氏曰〕案《公羊春秋》曰 傳 》: 「陰 婦 人,下 臣、近 「或説無冬者,坐受女樂,令 文宋 戚、 阳 妃 母 黨 是 當 也 受

簡

爾

大。 疏 義》曰:「古人「多」、「祇」同音。」《左傳》襄二十九年「多見 注:「祇,大也。」非也。 蓋 一字通用。〔原注〕《論 无祗悔」,九家本作「多」,古人「多」、「祇」 也」,服虔本作「祇」。 往被陰剥,所以有悔、覺非復故、故无大咎。」章懷之 本侯果 郎 顗 傳》:「思 [惠氏日]案侯果 語 過 》「多見其不知量也」、《正 念咎,務 按《易・復》 《易注》 消 \* : 祇 初 悔 祇 九

捐」。〔惠氏曰〕案《文選》作「捐」。《朱浮傳》「自損盛時」,「損」當作

賓。 [原注]司馬均。 賈 逵 傳 鄉 注 人有 궁: 所 「祝, 詛 計 争,輒 也。 令祝 争曲 少

> 直 賓之前 者 輒 言 發誓 敢 乎? 祝 少 賓乎?'」非 事之如 神 也。 明 也 言 敢 古 于 文 少

仍當爲「見 乃仁恕爲國用心乎如此!』」 曰:「光武皇帝得上 原 視」,謂 注 侯 鍾 霸。 也 以 離 意 「見」當作「視」,古「示」字作 意傳》:「光 奏示 狀,見司徒侯霸,曰: 霸 也。〔惠氏日 則范書略其文耳。「視」字 武得奏, 「所使掾吏,何 〕案《意别 以 見 霸。 傳

年,徙雁門、代郡、上谷三郡民,置常山 眉 居 所省也。 八,其十二日 庸關以 攻關城。」按《 《張禹 其 東。 傳》:「祖父況爲常山 地 關 當 前 即 ^ 漢 續 今之故 志》, 漢 志 常 嗣。 無 Ш 此 關長,會赤 建 郡 縣,世 武 之 十五 縣 祖

下。」「收污」,猶《左氏傳》所謂「國君含《梁節王暢傳》:「今陛下爲臣收污天

垢 收 主」,與「國君含垢 汙 猶 惠 「受垢 氏  $\Box$ 也。 袁 紀 義 老子 同 作 收 德 恥 經 \_,《通 H 「受國之垢 鑑 》作 受汙 是 爲 社 案

運 謂 陳、項、虞、田、許氏 之序,王 魏 氏 李雲傳》「當 將 興 莽 (也。): 亦 自 按雲本不 以 有 爾。 黄 爲 精 祖 黄之代赤 黄帝 代 知是 見,注 也 魏 自 故 是 下 黄 Ŧi. 精

 $\vec{z}$ 是 谿 邕 成都 ]傳》作 姓 唯 **《曹** 也。 趙 典名見而 非 騰 五. 潁 此 傳 إال 官 文 **\*** 已。 衍 中 靈 潁 帝 郎 是 ][ 後 初, 將 堂 趙」字。 漢 官 堂 有 谿 衛尉 兩 豀 趙 趙 典」。 典 卒。 典 (原 等 又《 注 注 : 趙 黨 按 典 錮 本 傳 堂 蔡

#### 文 選 注

也 相 巡 李 调 阮 嗣 武 宗 顔 帝 延 詠 李 年 懷》詩: 注 夫 人 也。 趙 漢 西 按 游 成 成 咸 帝 陽 帝 后 中 時 捎 自 趙 雅 有 燕 李

> 后。 白 李 侯 東 平. 賤 趙 同 諸 宫, 張 專 輿 得 如 李。 此 侍 幸 寵 執 自大將軍 放、淳于 進 心《外 中皆 轡。 亦爲 侍 而 漢 以 者李平 引 人 書 捷仔 爲武帝之李夫人,何 戚 Ę 待 滿 [原注]王 傳》:「班 等始愛幸 舉白 禁中 谷永 爲 敘 门,談 倢 ·, 設 鳳。 傳》言: 《傳》: " 仔,而 捷仔 笑 宴 薨後,富 出 大 飲 爲 進 噱。 之會, 趙 班 侍 趙 微 哉 飛 倢 行 者李平 李 史傳 平. 燕 仔 及趙 从微 定 爲 行 供 陵 皇 明 則 養

### 陶淵明詩注

長 澤大悦之,用 云:『高 子 安, 春 節 水事 西 后 義 溪 時 叢 爲 幸 · 齊 語 金 士 謁 ×; 二百 雄 者 人 田 張 陶 斤 卿 生 漢 淵 爲 游 書 明 諷  $\blacksquare$ 乏資 詩 高 生 燕 云 后 以以 壽  $\pm$ 立 書干 劉 澤 田 聞 澤 爲 生 有 澤 傳 琅 如 田

李 太白 詩 注

無 往 邪 之名,而 疇字子泰,右 春。二非 春」,若 窮 至 王。』晉灼 無終」,下文云「生有 其 也。 爲 田 爲 靖節之所慕乎? 生 田 曰:《楚漢 此詩上文云「辭家 游 北 疇 説 平無終人也。」「泰」一作 可 取 知矣。 金之人,何得 春 《三國志》:「 高 秋》云田 世名 夙 嚴駕,當 有 既 生字子 高 没 田 世 傳

望《辭隗囂 遂 盡 書》:「雖懷介然之節,欲潔去就 然 分, 終死 歸 田 里。」是 用 方

宜

訊 君 西至界上。 書》:「趙廣 者,非一言之所能 · 注 也。 多謝 多問 綺 界上 漢 與 爲 甪, 者,言殷勤,若今人千萬 亭 京 盡 兆 長 精 ,今人亦有此 尹 戲 爽今何 、 常 記 如。」 爲 召 我 湖 語。 多 都 多 問 亭 《漢 謝 問 長 趙

> 是用 是用《北 仰 速用兵」。二事前人未注 梁豫章 李太 《胡 齊書 八白《飛龍 無 王綜《聽 • 人》篇 宋景業傳》「太白 引》「雲愁 雞 太太 鳴 白 辭》「雲悲 海 人 月 思 敵 令人嗟」, 與 可 海 月并 摧, 思 徒

掩

西 堅 解 所 弄章 朗。」是則然矣。 多云今日不及古日之熱,今月不及古月之 見古時月」。 謂 載 流 也 記 華臺」, 太白詩 「古月」,則 》:「古月之末 然太白 此 其 本 又 有《古朗 王伯 用 也。 日 明 此 而又云「狂 厚引《抱朴子》曰:「俗士 是 海 亦 或 胡 月行》,又云「今人不 亂 動 有 曰 Ш 中 所 析 字,不得 傾 州 本。《晉 字 風 古 之體 洪 吹古月, 月 水 摧 止當 大 書 曲 起 • 苻 爲 此 之 健 竊

郭璞傳 之讖 Ш E 復有 文, 衸 姓 豈 Щ 一崇 可 二,古 者, 以 搆 璞 詩 人 於敦 固 詩 有 乎 而 之矣。 ? 史臣 論 藁 「原 日 砧 注》晉 今 竟 何 斃 Ш 書 在 宗

鹵 其 地 有 莫 太守 此 以 不爲邊害乎」? 陸 語 飛 梁, 誰 ·, 數 將 憐 ^ 恐 與 後 軍 李 一翦截 爾 漢 賊 飛 逢 戰 書 將 唐 未 後 爲 白 班 將。」 魏 嘗 首 飛 勇 唐 敗 没三 將」者 傳》班 並 永,正 北 以 邊 時 光 將 然 人 將 昔 中 能 古 語 軍 爲 保 人 人 日 爲 北 北 自 譏

之臣 突厥 爲 城,有金河、李 地 單一 名 一於是 傳》:「車 海 大都 通 Ŀ 碧雲 典 分 護 置 鼻 陵 府 斷 單 既 臺 雕粦 于、 破 王 領 單 德 之後, 縣 于 瀚 昭 元 秋 君 年 海 色來」。 墓 突  $\Box$ 改 都 厥 金 雲 護 盡 舊 河 中 單 府 爲 唐 都 封 于 有 護 書 單 疆 長 府 是

督

府

**後** 

改

單

于

府。」《

新

唐

書

地

理

所

都

盛樂

是

也

唐

平.

-突厥

於

此

置

雲

中

都

府,以 盛 他 四 之, 奏請六胡 汗,古單 也。 瀚 于 原 遣 唐 願 處 州 樂 使北 + 都 海 注〕《裴行儉傳》: 市 振 並 以 以 縣 南 頡 四 護 柳 叛 武 諸 殷 收 ZH] 應之。」《范 也。 州 州 利 領 單于 命 主 軍 八及單  $\pm$ Ξ. 史 隷 。』《新 軍人種 滅, 狼 旭 也。 爲 兵 德 雲 舊 在 于 Щ 馬 輪 中。 可 爲 李 都 陰 單 之, 倉 希 「突厥 乃 雲 汗,遥統之。』帝 護 原 書》言: 之長。 靖 于 糧 朝 Ш 改雲中 俄 府 雲中 注 中 傳 都 徙 ~ 之陽 之地, 遂 呵 即 **\***: 護 突 通 成 史 桑 睿宗。 德 林。 單 者, 衆 則 府 厥 乾三 黄 鑑 磧 于 温 府 天不 稍 城 羸 傅反,單于管 義 即 爲 以 注 爲 河 中 盛 都 破 許。」《回 成 歸 漢 單 單 北 引 之北 舊 曰 : 道 數 少 公 定 干 即 蕃 于 宋 傳 樹 主 襄 百 都 大 建 州 蘇 白 \_ 粒 希 内 後 郡 都 今 帳 護 所 悉 農 傳 默 朝 魏 之 護 可 隷 居 居 等 啜 于 +

即 題 九 東,西至安西,南  $\vdash$ 泉 事 日 詩題曰《 唐之盛 「輪臺 于 《送部 装都 時, 風物異,地是古單于」是也 至日 開元、天寶之際, 護 四 鎮 赴 南、北至 人往單于》,崔 西 河 》,岑参《 單于 府。」 東 輪 顥 至 臺 詩 徐 安

#### 杜 子 ·美詩注

與 敗 舍弟 齊境,今不可考。《左傳》成公二年,「 國 于 佐盟于徐 穎赴齊州》詩 鞍,齊侯自 寄 臨 邑舍弟》詩 關 徐 而 關 復之」。 徐 人。 關 徐 東 歸 海 十七年,「 深 西, 水 府 徐 齊 齊 歸 侯 師 在 送

《蘇 白 用《秦本紀贊》「 虎,秦之分星也。 秦傳》「秦虎狼之國」,甚 行 次昭 陵》 據狼、弧 詩 威 定虎 ,蹈參、伐」,●參爲 爲 狼 無 都 理 此 注 引 乃

高

都

護

驄

馬

護

胡

青

驄

之禍。 又將 凸起,非金馬 馬」之説,非矣。 詩中及之。 宗再造唐室也 劍皆鳴,汗鑄 原 鐵 注〕今昭陵六馬見存,皆琢石爲屏 馬」爲「石馬」,以 何説? 往者災猶降,蒼 「指麾安率 也。 錢氏 乾陵石 必古記 金之風 其《 謂 本 土,蕩 雁 此 於太宗之遺 亦然 有 朝享 合李 馬。 生喘 詩 此 天寶 滌 事 太 此 義 未蘇」,謂 撫 廟 在 Ш 而 而 亂 洪 賦》日 刻馬於上, 未 詩 今失 後 德 鑪 亂 作, 在 一,謂 昭 之 以 武、 陵 而 其文 爾 弓弓 前 石 改 故 玄 韋

之下坐,以 所愛好。 處 潛 悲辛」。 奉贈 惟 取 韋 不 《顔 殘 左丞丈》詩 可 杯 令有稱譽, 氏家訓》:「古 冷炙之辱。 行》「安西都 見役 杯 來 與 、動貴, 名 冷  $\pm$ 炙, 多多 處 到

秦本紀」,據《史記》,此下引文見於《秦始皇本 紀》。

一〇五六

青 馬 魏 放 海 書 驄者是 • 海 叶 谷 也 大 渾 生 傳 驄 **\*** 駒 吐 能 谷 日 渾 行 嘗 千 得 里 波 世 斯 草 僡

使,少 仲 毛 東 子 牧 杜 之副 封 + 仲之功 憐 攻 氏《通典》: 四 神 駒 有 卿 天 送蔡希魯還 爾 萬 駿。」按史言: 閱 馬 張 育 兀 清 驃 加 几 景 今斥 峻, 開 凉 以 騎 + 順 歌 府 太  $\equiv$ 遂 副 毛 州 隴 儀 僕 萬 之。 令大奴守 仲 貢 卿 「玄宗 右 同 兀 伊 爲 白 三司。」是 王 開 詩 大奴 昔 小 牛 毛仲 元 |太僕 初 麥十石 羊 涼 + 天 即 稱 爲 而 州  $\equiv$ 育 位 張 是。 歸 景 内 白 年 牧牧 景 其 順 外 别 麥枯 順 功 特 上 玄 馬 養 閑 毛 嘉 於 廄 有 驥 監

建 史》: 安王 哀 齊 子真。 王 明 孫》詩 帝 子 爲 官 真 但 走 城 道 人 Ŧ. 木 牀下,令 遣 苦 典 乞 籖 爲 孫 柯 奴 手 **令** \_\_\_ 牽 孫 出 殺 南

景

順

始

以

詩

人之筆

而

追

黜

陟

之權

乎

之,叩頭乞爲奴,不許而死。」

世 離 亂, 朔 衣 方 健 冠 之士 兒 好身手。」《顔 雖 無 身手,或 氏 聚 家 徒 訓 頃

脅, 江 臣 有 韓 乙以 爲 道之士 非子 而 猛 狗喻昭 有 大 狗 雲 道 . 陳其 之士 奚 外 寺 迎 恤 儲 贊 而 術 所 公 説 龁 以 房》 而 右 之。 不 欲 上 用 詩 以 **\***: 此 也 歽 明 ]。] 〔原 人 夫 萬 主 犷 乘 或 之 或 注 之主 二派舞 亦 所 多 有 以 狗 或 大大 狗 蔽

自 同 罵 不 『梁』字 人 頭 傳 比 哉 隋 知 0 贵 唐 。 歸 其 劉 有 人之重 晚 自 而 微詞 尚 辰 行 錢氏 .梁 不 翁 黑 口 哉 江 勝 時 日 評 號 總 頭 ] 陳 其 己 如 其 日  $\Rightarrow$ 按《 愧 達 此 \_ 書》,姚 遠 官矣。 矣。 人 以 陳 人 愧 其 物 書 思 詩 知 梁 廉 心 代 ٠ 之妙 江 自 江 所 文宗 事 江 修 總, **令** 梁 總 口 也。 以 自 如 人 還 知 傳 江 此 陳 陳 子 家 總 美 與 贵 自 著 尚 以 姚 侯 待 黑 陳 納

之

且

子

美

詩

有

云

莫

看

江

總

老

猶

被

而

避

亂

本

在

梁

時

自

不

得

蒙

以

陳

氏

何

罵

史, 及 京 難 元 都 崎 會 帝 峒 江 詔 平. 陵 以 至 侯 陷, 總 會 景 權 稽 微 不行 兼 郡 總 太 復 爲 常 總 往 明 卿 大 威 廣 0 此 將 州 臺 流 軍 城 依 寓 陷 嶺 始 蕭 身應是 賞 鮮 已

勃

總

澼

興

内

南

積

歲

天嘉

四

年

以

中

書

侍

郎

徵

還

朝

梁江總。」此

又

何

所

譏

哉?

景

寇

至 陷 以 陳 本 傳 天 年 總 嘉 三十 之 四年 年 計 癸未 之,梁 自 此 還 流 朝 太 離 清 總 於 年 外 年 四 + 己 + 四 E Ŧi. Ŧi. 臺 年 即 城

奂》 所 謂 詩 還  $\Box$ 家 尚 我 黑 行 頭 Ŧi. 嶺 也 表 總 辭 集 鄉 有 + 詒 年 孔 ·。 子 中 派

城 故 陷 發 此 歎 隋 爾 爲 何 H 暇 開 罵 府 人 哉 開 皇 十 傳 四年, 又 云 卒於 「京 美

遭

亂

崎

嶇

略

與

總

同

而

自

傷

其

年已老,

之歲 江 都 時 又 已五 年 七十 年, 六。」去 頭 安得 禎 黑 明 乎 ? 年 其 己 臺 酉 城 陳 陷

> 亟 時 稱之矣。 有 魚  $\vec{z}$ 有 江 云 「原 總 外 注 管 家 李 寧 義 養 紗 Ш 謝 帽 贈 安 杜. 淨 牧 乘 , 之》 江 興 詩 令 長 궁: 錦 亦 袍 前

勿 事 師古 ^ 北 漢 征 日 書 : 詩 密勿 劉 君 向 誠 猶 傳 中 黽 引 興 勉 主 詩 **>** 經 密 緯 古 勿 從 密

興 不 言 無 妹 「不聞 人 喜,此 解 夏 此文法矣。 殷衰 古 人互 中 自 文之妙 誅 褒 妲 自 不 八 言 股 周 學

風 謝 超 傳 守 古 朱 單 人 伯 府 桓 王 敝 朱 晚 帝 厚 臟 車 出 震 語 收 罪 左 羸 字 曰 王 掖》詩「騎 雞 并 馬 下 伯 栖 之意 連 車 廷 厚 王 言 尉 如 爲 兄 車 雞 馬 以 州  $\wedge$ 中 栖 小 欲 後 譴 從 常 馬 也 雞 漢 超 事 如 侍 栖 書 狗 車 余 奏 超 聞 疾 濟 蓋 詣 之張 將 惡 陰 陳 欲 獄 如 軍 太 蕃 效

錦 獬 衣 豸之角,初 紀 云。 見觸 原 邪; 注 唐 雞栖之車 席 豫 高 · 遠 都 聞 公 楊 疾 惡 府 君 碑 銘  $\Box$ 

詩 臣 賊 里。 難 而 史 舊 爲 故 思 0 唐 使 杏 濮 蹟 想 明 書 不 土. 垂 粛 州 到 不 得 門 老 遣 度 刺 滑 度,皆 口 在 别 薛 在 史, 郭子儀 臺 尋 **\*** 井 岌 衛 詩 桑 陘 矣。 移 韋 州 唐 葉 之東、「原 鎮 土 令 汲 人 落 自 唐 狐 門 杏 縣 控 杏 黄 崔 袁 彰 壁 制 貢 河 甚 峒 渡。」今河 于 臨 河 注 渡 東 杏 堅 ^ 河 今 北 河 注 送 袁 獲 之 而 杏 杏 韋 馮 鹿 要 守, 袁 縣 袁 衛 將 南 地 西 李忠 秋 以 州 度 軍 徙 南 也 遏 亦 +

甥 日 表 + 自 修 稱 維 其 年 稱 外 秦州 甥爲 舊 大唐 外 從 好 甥」, 雜 公主 證。 開 詩 同 元二 稱 爲 言 按《 西 上 <del>|</del> 樹 戎 爲 家。」 册 碑 外 「皇 府 年, 於 甥 則 元 帝 赤 或 盟誓之文、 龜 歲 舅」。 嶺 **>** 次 載 注 壬 其 開 引 叶 申 碑 蕃 叶 元 詔 舅 書 蕃 文

勑之語已載之矣。

名。 岷 著 題 額 府 注 子 黑 元 云 野 作 Ш 齒」,亦謂刺 龜 「原 儻 道 舍 日 胡 注 白 1人,時 亦 人 舞 題, 白 〕梁武 詞 貢。 漢 白 題 家 其 題斜。」 潁 帝普 胡 或 西 額 所 此 在 陰 名 也 北 謂 通三 滑 或 侯 也。」 遠 借 或 歷 按《 年,白 斬 東。 邊 用 代 白 有 南 者 然 弗 題 而 題 史》: 白 乎 或 則 賓 將 此 ? 題 遣 白 詩 使 莫 或, 人楊 題 獻 裴子 以 知 方 乃 氏 遣 爲 物 所 日 是 使 服 野 出 白 繇 或 虔 册

之日 傳 釵 家  $\Box$ 家 釧 賣宅耳 朝 喜聞 杲之當 準 廷 百 擬 既 姓 官 獻 欲 軍 那 兼 香 掃 已 得 主 蕩 臨 醪 家 客 京 賊 家 郎 雒 境 題 二十 對 南 名 克 魏 史 帖 復 使。 韻 賣 神 宅? 州 庾 家 使 間 杲 家 所 答 之 杲 賣 以

《送鄭虔貶台州司户》詩「酒後常稱老

與,召立本,令寫 侍 畫 臣 師 學 泛 舊 舟 唐 於 書 春 • 鳥 閻 苑 立 閣 池 本 中 外 傳 傳呼 有 \* 異 云: 太宗嘗 鳥 隨 畫 波 師 容 與

閻

立本。」

志 記 詩 賣 賈 嚴 寄岳 誼 筆 助 至 論 賦 州 長 三十 孤 賈 沙 憤 司 弔 Ŧi. 嚴 馬 篇 屈 君 六 原 賦 丈巴 事 幾 篇 州 漢 嚴 書 是 八 用 使 藝 君 中 文

嚴 比 有 本 能 曲 曾驚 こ又 呵 用 爲 八 攜 服 如《上 之諱。 段 濟 使 古 陶 虔」,非 君 南 時 侃 經 》詩 胡 伏 用事之誤,自 胡奴異 子美《寄岳州 史皆是 奴 寺 生 「弟子貧 伏 》詩 事。 侃 何 (),蓋 子 也 寫 顒 伏 範 好 原 本。 生 不 謂 小 <sup>②</sup>示 憲,諸 所 名 忘, 賈司 字 士: 不 1勝,非 久 獠 行 免後 當是周 客 非 馬六丈 生老伏 奴 有 四 奴 阳 胡 虔 方 顒 也 人 (),後 段 奴 見 虔 巴 不 未 葉少 州 詩 漢 必 必 口 原

> 蕴 避 暑 録

郡 里分張 (北史》:「蠕 分張,父子則三 高允《徵 佐 "。』後 還  $\pm$ Ш 周 頌》: 蠕 後 庾 ZII] 寄》詩「分張 州 信 那 「在者數子 離 《傷 瓌 言: 散 心 賦 『老 **≫** 素有 仍復分張 母: 兄 在 期 弟 彼, 則 萬 Ŧi. 後

魏

誄 》: 省闥 亮皆仍用 筆 頻 生 頻繁。」《文選》庾 志》: 州》 以 書 繁。 拔 爾。 奉 詩「頻繁 幺幺 出總 蜀 使 詔旨 「原注 頻 之。 華, 錢 相》詩 稱 繁 氏 六軍 使 旨, 史 日 幃 頻 命 唯 通 繁 幄 問 費 屢 頻 +。」潘1 頻 禕、 煩 。』《答兄平 亮《 頻 及」。 登 書 繁至 顧 繁。」《 Щ 漢 志 尼《贈 讓 濤 人 頻繁天下計」、《 宫。 篇 《 蜀 語 二《傳 吴。」《 中 頻 Ш 書 張 志 煩 蜀 》作 陸 原 濤 令表》: IE. 互. 志 晉 雲 書 傳 「煩」,蓋後 治 出 費 書 × 晉 禕 夏 雜 書 傳 府 手 人 説 錫 頻 刑 人減 及 張 命 君 詔 法 衡 篇 庾

雙聲字。 詔 策 頻 煩 繁」、「煩 皆 取 頻 音 仍之義。 I相同 故 亦 亦 作 通 用 頻 非 繁」。 由 後 人減 頻」、「 繁

左傳》僖公七年「 題 郭明 府茅 楚文王 屋 参詩 戒 頻 申 驚 侯, 適 無 小 國。 適 小

國

漢 書 ^ 寄韓 送李 佞幸傳》: 卿》詩,上四 諫 議》 詩「色 「太子齰 句 難 謂 癰 腥 李 而 腐 卿 色難之。 餐 楓 下 四 香 句

系二口耳。乃公自道。「晉山雖自棄」,是用介之推入

緜上山中事。

董卓傳贊》:「矢延王輅,兵纏魏象。」《傷春》詩「大角纏兵氣」。《後漢書・

陳之宿,主鬭訟兵陳。」

鉤

陳出

帝畿。』《水經注

「紫微

有

鉤

及織 袞 衣 成。 漢 耆 i 舊把 齊 世 建武 出 天 陳 衣。」《 中,乃 留 襄 南 邑 彩 齊 所 畫爲之, 書 織 輿 宋 服 加 末 志 飾 用 金 繡

> 薪。」 承 銀 重雲殿受戒》詩: 歡 薄 ,曳天衣而下拂。」 唐姚元景《光宅寺造佛像 時 亦謂 天衣。」梁庾 天 衣 初 肩 拂 吾 石 讚 和 豆 皇 火 姜被 欲 太子 伙

禮 待。 叔 何 男大卷 已大。 至 征 此事?」 榛栗 北 贈王二十 將 書 「匀」。 棗 勉身就 軍 修,女贄既 永 書曰:「世業 ^ 四 官,十年七仕,不 南 侍 齊 御》 書 長 詩「 • 張 清 女 束 融 帛禽鳥, 貧、民生 長 傳 欲 裁 代 褐 與從 男 名

志》: 帝 紀》:「關 《八哀詩》「長安米 「米至石萬 中 大 錢 饑 , 米 萬 斛 錢 \_ 萬 錢 <u></u> 漢 書 食 貨 高

潤 注: 瓜 州 州 今鄭秘監 非 解 號 悶》詩 金 鄭 陵。 瓜 州 審。」 何 「原 注 謬 人爲覔 劉 别 甚 辰 有 考 翁曰 鄭瓜 按 在 第三十 瓜 州。 因 州 唐 金 卷。 公自 時 陵 且. 屬 有

州 珪 獻 之 萬 銀 百 以 析 志 即 其 開 令祕 里 爲 青 沙 字 故 故 姓,令其復業。」《張守珪 命 元 使 以嵩 光禄大夫,仍以 州之常樂置 都 洲 張 作 以是稱之,今不可考矣。 十· 五. 督。」岑參《爲宇文判官》詩: 瓜 監 爲 守 聞 洲 州,晉昌郡 爲兵部 珪 流 此 已 年,吐 寓 爲 君之名 到 非 金 瓜 瓜 陵, 尚 屬 州 州 蕃 州。 書、 下 刺 號 陷 遂 隴 瓜 也 乎? 史, 可 河 都 瓜 右 州 蓋 0 以 西 爲 道 州 督 傳》: 修 必 本 ~ \ 二百 節 府。 **/**唐 都 築 文 鄭 執 度 州 督府,以 以以 並 蕭 審 刺 書 使 武 里 城 無 嵩 嘗 史 戰 德 外 • 傳 金 官 君 田 地 招 嵩 功 江 Ŧi. 陵 此 从 守 加 奏 元 輯 年 理 中

察 子 其 眉 夔 晉國 睫 府 之間 書 苦 懷》 盗 而 得 詩「蒼 有 其. 郗 情 雅者, 生可 能 察 視盜 眉 之貌 列

青

花

出

稻

苗

《觀公孫大娘弟子舞劍器行序》,「記

言 龍 之,謂之趙 書 於 大匠宗晉 長 郾 孫無 「比見都邑坊 年三月,并 郭 城 Ш 觀 忌 卿 惲 公 公渾 以 舞 傳 烏 孫 渾 羊 脱 氏 州 市 脱。 毛 舞 清 中 因 爲 宗 劍 相 源 胡 演 渾 率 引 器 縣 以 三省注《通 脱 爲 近 尉 渾 爲 渾 氊 臣 吕 舞。 脱 脱 帽 宴 元 集 泰 中 駿 人 鑑 馬 上 宗 多 舊 將 胡 疏 神 效 作 唐

難》:「陶冶火鑪。」 《遣懷》詩「元和辭大鑪」。 揚雄《解

服

名爲《蘇

莫遮》。」

非

雅

樂

也

封禪書》:「遂因其直北立五帝壇。」《秋興》詩「直北關山金鼓震」。《史記

皇太子納涼梧下應令》詩:「黑米生菰葉,「波漂菰米沈雲黑。」梁庾肩吾《奉和

渦 沸」。 久居夔府  $\sim$ 鬼 谷 子》有 將 適 江 陵 捭 四 蓋 + **>** 韻 篇 擺 捭 闔 盤

# 擺」,古今字通。

馬。 外郎。 歷工 善五 書 之芳兼御史大夫使 而 歸,除禮部尚書,尋改太子賓客。」 禄山 部 言 蔣王惲傳》:「惲孫之芳,幼有令譽, (哭李尚書》詩「奉使失張騫」。 侍 詩,宗室推之。 天寶十三載,安禄 郎,太子右 反,自拔歸 一吐蕃,被留境上。 二年 庶子。 西京, 開元末,爲 Ш 授右 廣 奏爲 德 司 元 駕 范 《舊 年, 郎 陽 部 中。 遣 頗 司 員 唐

王孫。」 《文選·招隱士》曰:「屈原與楚同姓,故云《文選·招隱士》曰:「屈原與楚同姓,故云

興》詩「朱衣只在殿中閒」,音異字同 閒」字。《説文》:「閒,隙 閒 閒」,本從「隙」生義,衹是一字。《至 字當從「月」,甫 宴王 使 君 宅》 父 詩「 名開 留 也。」「閒 歡 自 1 不 夜 須 限」之 閒 日 諱 遣 此

### 韓文公詩注

衣 耳 衡《歎逝賦》「節循· 酸腸難濯澣」,是用《詩 韓 秋懷 文公《游青龍寺贈崔 詩 「慼慼抱 虚 而警立」。 虚 • 警 柏 大補 二,是 舟》 注皆 闕 用 如 **示及** 詩 陸 匪 士: 澣 側

#### 通鑑注

令出二鷄子也。胡氏未注。食」者,取之於民也。「人二鷄子」者,每人食」者,取之於民也。「人二鷄子。」「賦於民而

有三耳。 「幾能令臧三耳矣。」言幾令人以爲

實

史大夫」,注:「延廣,史逸其姓。」按延即姓「漢武帝太初三年,膠東太守延廣爲御

岑,名。」四十五卷有「京兆尹南陽延篤」。也。三十九卷「南鄭人延岑」注:「延,姓,

敗。 注 有 於敗軍之際,奉命於 云 語 事見上卷文帝黄初四年」,非 年 出《吴書》。 其云「奉命」,則求救於江 虞翻 諸葛亮《出師表》云: 矣。」所謂 作 表示吕 注曰:「讒 「敗 岱,「爲愛憎 危 軍 難 「後值 之間 乃 當 東 所 傾覆,受任 爾 陽 也 愛 白 長 來 <u>二</u> 十 坂 注 憎 〔原 乃 之

密

已構,成此

禍福端。」皆此類

濞傳》: 不能 又如 言憎 而 史記 後漢書 無公是非,故謂之愛憎。」愚謂 無 得 而 「緩急,人之所時 失,失 生得失。」利害,害也。 「擅兵而别,多佗利害。」緩急,急也 並 倉公傳》:「緩 何 及愛,古人之辭 也。 進 傳》:「先帝嘗與太后不 ≪史記 急無 有 佞之人 也。 刺 寬緩 可 客 《史記・吴王 使者。」《游 成 □傳》: 愛憎,憎 不 有 敗 迫 「多人 敗 故 有 快 也。 也。 也 俠

> 《吴志 端 幾至 江 注 。禍 州 成 蕩 當 • 福 敗。」 異 人强 諸葛 禍 同 同 也。 盛 如 恪 異, 時,能 反 傳》: 晉歐 掌。」《 異 也。 立 陽 異同。」 晉 建 朝 吴 書 臨 贏 志 • 終 贏 縮 王. • 詩 縮 彬 孫 人情 縮 傳 皓 潛 傳 也。 啚 萬

也。 能 亦 弦  $\Box$ 必 殺 而 此 應弦 以賊,而 亮意 倒。 庾 手 亮出 蓋 而 船 反 何 倒 謂 上 射 可 奔,左右射 耳。 有 咸 使 殺 此 失 著 柂 解 色、欲 善射之手,使著 I. 賊。』注曰: 嘲之語 賊, 自恨之辭也。」非 散 也 誤 亮 中 「言射 柂 不 L 賊身 動 T. 不 徐 應

千人 將 進 明僧暠。 至 百 戍 一黔陬。 騎襲不其城,拔之。注云「洋 宋明 不 · 其城。 帝 帝 文秀所 遣 泰 始 輔 懷 或 三年,沈文秀攻 署長 珍軍 將 軍劉懷珍浮 廣 于洋 太守 水, 劉 青 遣 水」即「巨 桃 海救之, 王廣 州 根 將 刺 之 數 史

百騎 Ш 出 洋 州 之境,與黔陬、不 水乃今之巨蔑 志》 黔 水 ,東流入于海。」此即 唨 而 日 縣 襲 按 西 取 「洋河 不 南 之乎 其 拒 河 城 ? 在 艾 其 在 在 Ш 州 相 今 臨 ,又謂之洋洋水。」《膠 水經注 南三十里,發源 去 懷珍所屯軍 即 朐 Ξ 墨 四 益 縣 \<u>\times\_Z</u>: 白 都 西 里,安 南 壽 -處耳 拒 光 而 鐵 能 艾 巨 水 以 縣 洋 橛

上 羣 以 日 也 躡 盜 請勑 沮 其 梁武 此 出出 背。 陽 即 州 縣之東 帝大通 軍 居 蠕 注云: 都 庸 蠕 縣 主 下 南、流 西 下 年; 阳 北 那 有 口,蓋指飛 出 魏 瓌 關 居 爾 發兵,東 百 庸 謂 朱 六十 關 築欲 之下 濕 狐 趨 六 口。二非 討 餘 下 卷 水 Ш П 出 注 東

謂 爲 言之也,故軌 也 由 周 此 主从 二人也。 對 日 容 問 見殺 下 事 鄭 云 由 譯 而孝伯 大 烏 丸 軌 軌 我 亦賜 で、宇 捋 腳 須 杖 死 文 孝 痕 注 亦 伯 誰 以 是 所

> 宇 」,誤矣。 文孝伯 [汝成案]此 屬 下 讀 條亦見前 而 云 卷談 孝 伯 氏 何 爲 出 此

子。」猶言定隋、平隋爾。 使 之定 武后永昌 突厥立劉武周 劉 武 揚 周 州 爲 元年二月丁酉,尊魏忠 定楊 非 也 爲定楊 天子,郭子 楊 「楊」字从「木」。 可 者, 汗。 隋 和 姓 注云:「 爲 平 孝 下 . 楊 Ŧ. 條 將 天

父士 先 章 名昊陵 日 德陵,咸陽 周 葬文水,士 喪 忠 孝,太 葬 ,明義改 文水, 一 陵 皇 名順 13: 及 日 妣 明 其 楊 日 陵 義 妻 忠 氏 其 陵。 葬 孝太 葬 咸 咸 碑 注云:「 陽 陽 后 文 心非 云 後章 文 然 也 水 武 一德 氏 陵 后 改 之 

宴者 言 宴 曰 既 ,下三句六言,蓋《迴 過 並 劉 迥 肅《大唐 唱 波 爵  $\wedge$ 詞 迴 諠 持 波 新 譁 酒 詞 語 竊 巵。 **% \***: 恐 波詞》體也。 非 微 給 中宗 儀 臣 事 職 宴 中 在 李 興慶池, 首二句 箴 景 規, 伯 通 侍 歌 侍

鑑 嶺外生歸。」又優人云:「迴波爾時栲栳: 曰〕攷孟棨《本事詩 迴 以 波詞 ~ 迴 波爾時」 迴 , 持酒卮」, 當是 波 爾 四字開端,與景伯 時 》載沈佺期云: 酒巵」,恐傳寫之誤。 傳寫 之誤,顧 詞同。 「迴波爾時佺期,流 氏轉 ,怕婦也是大好。」 《大唐新語》作 引爲據 (錢 翻 向 氏

通

鑑》有悮,豈其然乎

北 元五 書 治於幽、薊之間 年爲契丹所陷。聖曆二年,僑治漁陽。 道, 里絶遠。 道,瀛、莫爲一道。 注云:「營州治柳城,道 邊 事畧而不詳,故今無所考耶? 年,又還治柳城。」意者中唐之世,復僑 地理志》:「營州,柳城郡。 唐穆宗長慶元年,劉總奏分所 幽、涿、營爲一道,平、薊、嬀、檀 劉總奏以爲一道,必 而史家自天寶亂 有説。」按《唐 萬歲通天元 後,於東 屬 爲 爲 開

官,名其所 自 李茂貞不敢 岐 王 前 居 爲宫殿 妻稱 稱 皇后。 帝 妻 但 稱皇 開 妻之貴踰 岐 后 王 府, 注 於其 置百 曰 :

> 曰宫殿、妻曰皇后者,其志也 「王后」之誤。 夫矣。」竊 「崩」曰「世皇」云云,則不敢稱帝者,旁人之詞 謂 此 「楊氏日 事 理之必不然,「 〕錢氏 不敢 稱帝 而 皇后」乃 也, 其 國 名

之爲「弟」,語 此 兆。」「今兄」者, 事 貢。 超之兄,改作「令兄」者非 蓋以 温 Ė 」,謂爲衆所推 」,注:「《漢書 帝慮其疑懼,賜詔慰安之,曰:「今兄 至此,言不欲繁,望弟扶持,同 周太祖 邑爲氏 後漢 高 也。」: 廣 意 祖 順 相 非。 • 地理志》琅邪郡有諸縣 紀》「吴越内牙指 太 元 而 對 祖 即 年,慕 按 미 帝 自 越有大夫諸 知注 位 謂 容彦超遺 也。 也。 以 漢祖 觀 事 揮使諸 稽 安億 使人 爲 文 己 郢 彦 稱 至

日知録集釋卷二十七終

#### 一〇六六

# 日知録集釋卷二十八

崑山顧炎武著 嘉定後學黃汝成集釋

#### 拜 稽 首

跪, 之漸也。 之遺意也 君父之尊,必用稽首。 (大明會典))曰 拜 」, 首至 古人席 首 至 必 手 地 以 地 則 則 稽首終,此 而 爲 爲 後一 坐, 拜 稽首」,此禮之等也 拜,叩 引 手\_; 拜而 身 禮 而 頭 後稽首,此禮 手 之成 起, 成禮。」此古 至 則 地 也。 爲「長 則 爲

祝 辨九撵,一 古人以 稽 首 日 稽 爲 敬 首」,注: 之 至。 稽 周 首 禮 拜中 太

子辭。 頓首 内 過 拜。 首。』」哀公十七年:「盟于蒙,齊侯稽首,公 而 夫之臣不稽首,非尊家臣,以 最 拜 所稽首。』《國語 矣。』」二十四年:「鄭伯如晉,鄭伯稽首, 武子曰:『天子在,而君 辭焉。」襄公三年:「盟于長樗,公稽首 公賦《六月》,公子降拜稽首,公降 傳》僖公二十三年: 「秦伯享晉公子 民。」可以 不 史 賜 重 陵虐於敝邑,寡 **一過歸** 稽 晉 齊人怒,孟武伯 ,李陵《報蘇武書》稱 臣拜君之禮。』《禮記 子西相, 首 惠公命,晉侯 誣, 以告王 見稽首之爲 其 曰:『以 上 E 君是 也。 「襄王使召公過及内史 曰:『非天子,寡 執玉卑,拜不稽 重也。 替 以 陳 「頓首」。 玉卑,替其 辱稽首,寡君 贄 請 或 無 之 郊 罪焉,敢 避君也。」《左 自 特 鎮 介 敵 牲 恃 者 誣 重耳 級 皆 君 不 大 王 大 也 無 稽 國 宣 懼 而 無 知

而已。 尊者之禮也。」「原注」《禮書》以頓首爲首頓於手 也。 尊德也,大夫士稽首於非其君者,尊主人 子,魯季平子頓首於 者,無所不用其至。 於周公是也。大夫於非其 稽首。《書》稱太甲稽首於伊尹 子、大夫士於其君之禮也。 再拜稽首』是也。 儀禮》『公勞賓,賓再拜稽首』,『勞介,介 陳氏《 春秋之時 禮書》曰:「稽首者,諸侯 , 晉穆嬴抱太子頓 蓋 則君稽首於其臣者, 叔孫 君 子行禮於其所敬 , 則 然君於臣 君亦有稽首。 頓首 , 成王稽首 首 非 於 施 趙 於天 亦 於 官 有

之别。 顙,蓋 至 地 《荀子》言:「平衡曰 日 以 稽顙。」似 頭 觸 地,其與 未然。 稽首 古惟喪 拜,下衡日 乃 有 禮 容 始用 1稽首 無 容 稽

言。 首。 首者,臣節之共也。 服之甚也。」頓首者,皇急以謝過。 兩手相擊而後拜,所謂抃也。 速,不得稽留其首于手之上,若空未拜然。 不加于手而叩諸地。「三曰空首」,儀若稽首,而 地。」以稽留其首于手之上,故曰稽首。 加諸 朝 首、光武因 穆天子傳》: 辨九拜, 獨 固欲稽 臣 然而禮于降階之拜亦曰稽首者,通言之耳。 左手, 斷 曰『稽首再拜』。」〔姚刑 今表 王莽盗 》:「漢承 首然,然 是爲拜手稽首。  $\Box$ 文皆 「賜許男駿馬十六、許男降再拜空首。」降空 稽首。」其儀 而不改,朝臣曰『稽首頓首』,非 位,慕古法,去『昧死』,曰 而君 君辭之,則升成拜,成拜然後 云「稽 秦法,羣臣 于時辭之矣,勢不可以 右手至地,左手加諸 《禮 《禮》曰:「拜,服也。 首」、「 空首者,降拜 部 上書皆言 稽 曰 》《周禮大祝》: 頓 三日 首。 首 四四 據掌 頓 日 不 以 蓋降階 右手,首 『昧 稽留 振 其 首 速 受賜 稽首 蔡 (拜甚 致 一,首 稽 邕 死 其

之至 子不 不稽 成謂 人非 之常 之至 也 在 禮 禮家記人子弟受賓弔聞 極 肅 地 日 顙 稽 謝 振 禮 地 矣。 拜  $\Box$ 褒拜」, 頓 首。」「六 者 動 明 隱 也。 一尊者 必言「吾从其至者」矣。 顙 议 手. 於 禮 喪 2 則 拜 鳳 以 則 也。 也; 事 拜 其不足言拜 地 也。 奇 拜 兩手 氏 稽 而 亦 及所 拜、 次 雖 再 而 則 日 自 顙 後 頓 苟稽  $\Box$ 爲父母長子稽顙,非 吉拜, 首 拜 稽 以 不得 稽顙 褒拜 」男 而 君賜 首 稽 X 也 留 與尻平,故 致 慶 馬。 後 顙 首 拜」,喪 拜尚 之日 敬 賀 交、故 爲吉 次 無手 拜 以 以 則 也, 于 九  $\overline{T}$ 稽首 下 多 左手, 臣 乃 稽 凶拜 此 拜,稽 拜, 寡 故曰 ·皆手 E 儀 禮 E 徒 之甚者 得 顙。 74 肅 爲 稽 肅 空首、 荀子》曰: 吉 爲 也。 矣,奚論其先後? 皆拜稽顙,故 者 拜」,俯下手 先以右 重、七 古人必以兩手交爲拜; 拜 顙 顙而後 「介者不拜」, 七 拜」,常祭之禮也 而已矣。 X 皆 也。  $\Box$ 稽 拜 則 下 三年之喪, 振 日 不 者蓋 顙 之于 也 手不 奇 亦 掌據地 拜爲 動,次頓首,次 成 觸 **平** 稽 拜。 則 拜 九 地, 兼 也。 F. 致 首 人 **衡** M 拜之中,最  $\Box$ 之禮 得 肅 馬; 皆 以 ,乃以 拜 |拜||者,非 諸 無 成 名之。 手 耐 容 稽顙 拜,下 拜 識之矣, 吉拜,吉 拜 平交相 地 使周 E 相 Ψ.  $\Box$ 也。 而 左 矣。 加 交 君 手 M 肅 拜 掌交 稽 公制 鄭 有 哀 致 衡 輕 於 八 也 拜 拜 也 拜 孔 婦 拜 戚 諸 顙 康 者  $\mathbf{E}$ 接 所 神

手」、《玉藻》之「據掌」、《大祝》之「奇拜」也。 手,無大遠于吉, 攝 拜 後 可 也。 孔 拜, 頒 顙 其節 敬 俯 文先言拜者,不 而 故 俯 其 父在爲妻不稽顙」者是。 皆 焉。 稽 首頓 喪主者皆不 知 子「从其至」,猶之衆拜 以 首 1: 郊 則 稽 遂相 也。 至手。 主手言。 顙 首觸地無 III 非。 特性 士喪禮 乎其至也。」二 顙 者爲周衰變禮 孔 地 俯 致 子 反。 康 伏 夫稽顙不得云吉,所云吉 哀  $\exists$ 成以先稽 Ħ E 焉 周 兩手 稽 元公制 頓 容,遲  $\Box$ 其 知 官 「稽首, 顙, 故 首 情 故 拜 拜 後 據 曰吉拜。 既 太祝 而變手之左右上 人有 遲舉 稽 而 郊 者 地 顙 禮 大殊。 脯 類, 特 后 服之甚 者釋 如是。 皆 稽 乎 俯 後稽 以 稽 首  $\mathbb{Y}$ 牲 他 X 首 上,違 伏 爲 謂拜 顙 日 拜, 原 如 《太祝》之凶 「空首 稽首者先 則  $\Box$ 者拜 殷禮 顙之變,則 也。」 舅姑之主 後人以 「稽顙 拜 頹 首 後 禮 耐 Ź, 乎 至地 拜 ,引以釋《太祝 稽 从下 遭喪 拜 用 者 一義,字 其 一者以 者,賈 顙 正 X 謝 也 服 拜 致 順 稽 則 即 婦喪, 拜 一之意 賓 拜 也 即 哀 别 言 也。 周 稽 故 則 留 彌 稽 之。 也。 尚 疏 誠 先 褒拜 兩 衰之變 顙 尚 加 所 頃 加 引 拜 凡男婦 稽 是 顙 稽 書》之「拜 者 右 刻 敬 敬 手」,凡 稽 但 顙 則 而 以 手, 《雜 顙 》之吉 乃 以以 後 焉 馬 不以 後 首 别 後 復 而 記 禮 拜 舉 拜 以 拜 而 禮 稽 致 哭 則 則 后

首

再

拜

而

不

受,

再

拜

稽 空

首

而

受。

孟

子 顙 顙

》之文偶

有

倒

順

先作稽

首

拜,再

作

首

拜

爲

稽

而

后

拜

矣。

故 遂

稽 謂 稽 首

首 者 自 拜

顙

爲

謂

以

[X]

禮

故易

首

爲 也。

以

别于吉

, 先作空首

拜,

次作稽

首

拜 字

至

吴幼清

又

混 稽 拜。

夫既云不

拜即敬甚于拜,安得列

九拜中

H. 更 謂 Ŧ

以

不 Ŧ 恭 變 稽 尚 稽 如 叩 子 而

而

拜

而

列

九

拜,是更不問拜

義所主,此不

説

經

也

《太祝

注

以

拜手當空首

而

拜屬

首

因

謂 可

拜 以

手

之極,如 不常,若

聘

》「賓

三退,負序」之屬,不

拜

൬

致 或

敬 乃

甚

稽

賴皆誤

認爲

ıΕ

言

拜

也。

至于振

施

後世

誠

惶

誠

恐、頓首頓首」之意。

恪 事 俯下 皆拜 稽顙

手,手不

至

地

而

别。

拜

主手

言,益

口

見

矣。

朱

時

有爲

偂

非 地

拜

義

所主

也。

若

肅 頓

拜,

則更

以

V.

以

拜

而

首至 爲

各異

丽 拜

别

空首 至手

首

稽 頓

稽 稽

顙 首

顙

矣,

愐

又曰

不

拜,尤

拜

主

手之確

證。

太祝祝

注

引

拜

手」當空首,是謂首拜至手,而

拜屬首 動之拜

則

頓

首

常。」《檀

弓》:

「秦穆公使弔重耳,重耳

稽

顙

而

不

拜。

地 前

地。  $\Box$ 

稽

顙

耐

拜,

開

兩手

先引

首

叩

地

卻

交手

據

拜

而

后

稽顙 后

, 先以

兩手據地

如常

,然後引

首

向

之數

有

振

動

以以

拜之容色

變而

别

吉

拜,

以

拜

時

手異

尚 加

而 而

别。 别

空首

以

愐

首

而

别

首、 首

杜子春 拜 事 踊 君使人赗, 之振 而 也 不 其義 踊 動 日 振 猶吉事之稽首 城動之拜 甚明 是 主人皆拜 振 拜 讀 而 諸 惜 爲「振鐸」之「振」。 後踊,于君始行之。 先後鄭之失其解也 儒言 稽顙,成踊。」非 ,皆拜之最 人人殊,惟 重 杜 君之弔、 動 者。 子 故 讀 春 日 《士喪 爲「哀 得之。 與 襚 稽 首 賵 禮 蓋 同 則 M

#### 百 拜

於百。 之鞠 唐 再 拜,此特甚言之耳。」若 人 喻 臣 多」是也 以 拜 ,百官見東宫、 於君 躬,故 下 稽 百 注云「· 首 即 拜 亦 而 有 通 字出 受 止 壹獻 計 原 四 再 注〕徐 是 拜 拜, 親王 平 士 士 樂記 也。 席 伯魯 禮 之閒 孟. 飲 一之禮。 止 大 禮 日 酒 子》以 是 明 至 賓主交拜 之禮。 按 古 會 末 人之 見其 《鄉 拜 典 世 君 飲 而 拜 命 再 白 酒 父 繁, 禮 拜 將 拜 母 四 近 如 無 亦 拜 É 即 以 至 今 H

> 人 行 行 書 兩 几 狀 拜 拜 ·,動 禮。 禮 稱 是四 其 百百 餘官長及親 拜 拜 何 唯 也 於 父 戚 母 朋 得 友相見, 行之。 止

屬 跪 再 代 之具 父母 前明 不 日 : 耳 拜 婦 可 而 亦四拜。」 《會典》: 故必 「夫郊天祭 加。 謁 受之,常於 古人未 次 姑 須 則 〔趙氏 章 加 跪 蓋 臣見君 隆 有 儀 其 以 獻 (日)如 文 四 地 示 此際授受多誤 衣 拜 度 行 差 拜 止 數,久則習以爲 五拜禮,見親王、東宫四 李涪説,是唐 服 别 必 之 於 、文史, 四。 亦 禮。 再 風 拜, 會 詳 之不 唐 人郊 承 其 其禮 李 常,成 得 故 其 所 涪《 廟 不 筐 自 至 然 尚 几 上下 也 祇 刊 拜 篚 重 拜 初 子 再 一,尚 誤 通 則 拜 相 則 行

伏, 罪 四 拜 而 朝太上,亦 四 加 拜, 戰 拜 或 自 策 非 跪 是加 禮之常 而 拜 謝 蘇 。此 秦 也 路 四 调 「原 拜 雒 注》《黄庭經》「十 之始 陽 嫂 蓋 蛇 大 行 謝 匍 某人』。」

## 九頓首三拜

母。若以今人之拜乎,則天子止於五拜 敬,而百拜僅賓主一日之禮,非所 其不然而 若以古人之拜 뻬 又安得百也? 今人上父母書用「百拜」,亦爲 書之,此以僞 乎, 此二者過猶不及,明知 則古人必 事其親 稽 也 首 施 然 無 於父 後 理 爲

禮。 儀 : 則曰『家書敬復』。 正衣冠對書再拜。昔人于書問問古道如此。」皆 劉多稱『頓首再拜百拜』、「沈氏曰》《香祖筆記 上之與下稱『書寄』、『書答』。 端端 肅奉復』。 「凡致書於尊者稱『端肅奉書』,答則 其定爲儀式,令人遵守。」於是禮 洪武三年,上 書載,米元章與人書,至『某再拜』,則 敵己者 諭中書省臣曰:「今人書 尊長與卑幼則 稱『奉書』、『奉復』。 卑幼與尊長 日『書付 置筆 部 非 几 稱 定 實 上

> 哭於鄰 用 也, 情至迫切,而變其平日之禮者也。 章,章三頓首。」每 是三頓首,未 也。 九 「九頓: 頓首 國之庭,古人有此禮乎? 首」出《春 也,皆 嘗 九 頓首 亡 也 秋 或 必三,此亡國之餘 傳 杜 一之禮 **%** 注: 《 然申 也, 無 不 七日 七日夜 包胥元 衣》三 叫 哭 誦

胥之九頓首,晉大夫之三拜也。 首」。古但有再拜稽首,無三拜也。申包韓之戰,秦獲晉侯,「晉大夫三拜稽

其乘馬。」亦亡人之禮也。 《楚語》:「湫舉遇蔡聲子,降三拜,納

三拜成禮。」後代變而彌增,則有四拜。不《周書·宣帝紀》:「詔諸應拜者皆以

一0七

爲 知 日 <u>一</u> 十 天 天杖」,然未有 元 四 自 擬 而 H 笞 帝 棰 川 凡 拜 冕 亦 服 以 之 百 類 十二者皆 十爲度,名 增

#### 東 向 坐

就 東 鄉 坐 師 向 壇 面 主 太 賓 人 祖 鄉 坐 事 H 而 西 全主位 坐 陵 之 位 0 西 之 古 朝 鄉 位 母 軍 秦 白 人 東 責 對 是 之 吏」,《 東 使 西 師 之 淮 也 者 面 坐 向 原 \ \ \ 趣 周 陰 事 注 以 至 爲 勃 侯 田 <u></u> 新 之」,《王 東 即 史記 漢 傳》言 昭 我 傳》言「得 單 序 交 向 書 奚 傳 語 **>** 際 爲 注 \_**,** • 恤 楚 言 之禮 尊 陵 趙 如淳 昭 日 每 o 傳》言 奢 : 奚 引 召 廣 亦 日 故 蚡 [傳》言 恤 諸 武 卒 君 宗 傳》言 賓 爲 君 君 東 客 廟 生 項 臣 東 東 之 「括 説 鄉 也 位 王 東 向 面 一召 祭 坐 南 士 東 鄉 東 請 之 而 北

以賓 禮 數 特 特 言 饒 太 相 客 侯 升 府,令榮坐 進 日 召 其 見 賓客,邑居樽 坐 傳 后 尊 飲 也 故 師 皆 顯宗即 『公子貴 東向 \* i 不 旁 置 「主人 之位。 東鄉 坐 離 酒 位, 樓護 可 其. 許 席 漢 東 以 兄 位 如 就 伏。 此 伯 自 如 面 使 蓋 兄 傳》言:「王 桓 東 皆 廟 請 以 東 何 ,天子親 者 榮 下 故 侯 階 護 之, 中 東 階 ?!!《後 禹 皆 傳 南 私 稱 獨 之 向 而 客 先 迺 言 東 鄉 撓 賤 升 東 昭 之 帝 就 往 鄉 自 自 子 向 邑父 "從 元 西 見 故 執 漢 故 坐 南 功,拜 乘 階 正 於 Ŀ. 西 業。」「原注 書 西 東  $\mathbb{H}$ 越 輿 事 漢 壽 鄉 史 坐, 增上 • 鄉 蚡 傳 嘗 護 書 自 者 爲 鄧 字 | | | | | 以 幸 坐 西 以 而 太 禹 謂 處 太 者 時 東 蓋 爲 階 当皆 南 傅 傳 常 蓋 曲 鄉 昂 百 請 鄉 寬 王. 漢 而 待

《孝文紀》「西鄉讓者三,南鄉讓者

再, 是 時 鄉。 羣 注:「 臣 至代邸 賓主位 東西 上 議 面 則代 君 臣位· 王 爲主人,故 南北 面

西

讌集 度 人 亦以 副 章在亭之西壁。 ,未嘗居賓位,西 使,府有龍泉亭,簡 舊 東向 唐書》: 爲賓位 盧 也 汝弼復爲 簡 向 求 求 子 俛 節 汝 首 亞帥,每 制 弼 而 時 已。 爲 ·, 手 河 是唐 亭中 書 東 詩 節

#### 坐

雋不 海濱 身而起,則爲長跪矣。 疑傳》「登堂 ,聞暴公子威名舊矣』」是 古人 古人之坐,皆以 而 席 請 地 而坐, 秦王 坐定,不 兩 西 《史記 復跽」, 膝著席 漢 尚然。 疑 據 • ; 也 而褚 范 地 有 《漢 睢 日 所 先 傳》言 敬,引 生 竊 書 補 伏

> 嘗箕股其榻 傳》言: 記 其義一也。」帝跪 太后謂帝 梁孝王世家》「帝與梁王俱 坐」皆訓 管寧 日 上,當膝處皆穿。」以 : 掌 坐 『吾聞 跪 \_ 席 舉 殷  $\hat{\Xi}$ 木榻,積 身日 道 或 親 志 諾 親 侍 五十餘 注 是 坐太 周 此。 引 道 也 尊 后前 年 高 尊, 禮 未

#### 土 炕

而 蘇 至,則去之。」《新序》:「宛 以炙之。』《左傳》: 火曰炙。」《正義》曰: 之「炕」。 君衣狐裘,坐熊席,隩隅 武傳》: 非 炕也。 北人 古書 以 「鑿地爲坎,置煴火。」是蓋近之, [原注]庾信《小園 土爲 不 「炕,舉 「宋寺 載。 牀, ·也,謂 「原 而 人 空其下 注》《詩 賦影 有竈。』』《漢書 春 柳 以物貫之而舉於火上 謂 熾 「管寧藜牀 衛 炭 以 瓠葉》傳: 靈 于 發 公曰 位 火, 雖 穿 「炕 將 謂 而

傳 此 叮 坐 即今之土炕也,但作「坑」字。 嵇 「冬月皆作長坑,下然煴 康 鍛 竈 既 煗 而 堪 眠 ~ 舊 唐 書 火 以 東 取 夷 煙。」 高 麗

外四 人煖 大堂 上 加 出 甚高 房之制 塗 水經注》:「土垠縣有觀雞 塈。 爨火,炎勢 廣, 基 ,形容盡之矣。 可容千僧。 内 疏 内流, 通,枝 經脈 下悉 堂盡 散 結 杂,寺 温。」此今 石爲之, 基側 內有 室

### 冠服

其 所 易度 所 見五六十年 聞 (,則爲 漢 以 書 視 剽 • 後 五行志》曰: 輕 服 人焉 奇 飾 怪之服,故 之變,亦已多矣,●故 風 俗 有 狂 服 慢, 妖 ~。」 余 變節 録

瓣合缝,下 豫章 漫鈔 綴以簷, 日 如 「今人所 筩 閻 憲 戴 副 小 閎 帽 謂 以 子 六

> 楊 商文毅用自編民,亦以 言 四 維 方平定巾』。 亦 楨 太 廉 祖 夫 所 以 製, 方 上喜,令士人皆得戴之。 ф 若 見太祖 日 此巾見 六 合一 問問 其 統二云 製 爾

後八。 靖 服 **裠褶** 金彩 裠腰,富者用 長,俗云邊鼓 平頂,高尺餘,士夫不減八九寸。 上短,下長三分之一,士夫多中停。 初 上 膝襴 漸 長下短,似 太康縣志》曰 衣衫大至 弘治閒,上長下短,褶多。 多,衫 髻 羅 高 帽。 唯 緞 寸 用 膝, 弘 餘 紗 金彩 弘 治時。 裠 絹 治閒,婦女衣 國初 短 正 織 補 德間 褶 金 子 市 時,衣衫褶 彩, 少, 井 髻 衣 通 髻高 少 漸 IE. 衫 袖 嘉 年 衫 高 漸 **夏**,用 德 靖 冠則 僅 如 帽 前 初 初 官 嘉 掩 尖 七

<sup>● 「</sup>亦已多矣」下,據《校記》,鈔本有「卒至於裂冠毁

**卜余。** 帽,皆鐵絲胎,高六七寸,口周囘尺二三

兹花 朝鞋。 百花 披 庶民 兵荒之咎,其能免與?」❷ 冶服,五彩炫爛,不三十年,而 星相莫不方巾,又有晉巾、唐巾、樂天巾、 戴 總 東坡巾者。 六便戴 紅 忠 角 袍,不. 《内丘 . 袍幾二十年矣,服之不衷,身之災也。 年 袍,繫拖帶,今富者皆服之。 穿腃靸,儒 靖冠者不得 至近日 網,不 知創 + 縣志》曰:「萬 先年婦人非受封不敢戴梁冠, 1,而門 餘始 使 自何人。 生穿雙臉鞋,非 有 穿廂 快興 總 戴 網。 邊雲 角之儀矣。 阜無非雲履 曆初,童子髮長 萬曆間,遼東興 天啟間,則 頭 履。 遭屠戮。❶ 鄉先生首 「原注 萬曆初 又或著 () 醫卜 + 一份呼 Ħ. 猶

## 衩 衣

衩, 彦昭 又曰:「 昭。」衩,楚懈 《通鑑》: 同舉進士。 日 裠衩芙蓉小。」 檀衣。」李義山 反。 唐僖宗乾符元年,王凝、崔 凝先及第,嘗衩衣 廣 雅 . 詩 「梢袺袵謂 芙蓉作裠 見彦 衩。」 之潰

# 對襟衣

今之罩甲,即對襟衣也。《戒庵漫筆》云:便於乘馬故也。其不應服而服者,罪之。」官民步卒人等服對襟衣,惟騎馬許服,以官民步卒人等服對襟衣,惟騎馬許服,以

- ●「遭屠戮」,據《校記》,鈔本作「淪於虜」。
- ❷ 「能免」,據《校記》,鈔本作「将不遠」。

者曰背子。」即 衣也。武士謂之蔽甲,方俗謂之披襖,小 創自武宗。 此 阜嘗見明帝著帽被縹綾半袖 罩甲之制 於禮何法服也?」」則當時已有此製。● 「無袂 "; 比甲 衣謂之袴。」趙宧光 近 此製也。 H 稍長, 士大 《魏志 夫 比 襖 有 減短 服 楊阜傳》: 者 問問 日 帝 正 按 半 德 日 臂 説 間

於左。 服」,共六節一千三百零四字,小注九十八字。 有此製」 其中疑誤,據引文原書改正(用[ 下,據《校記》,鈔本多出一條,題 ]()表示增 今録

其禮先亡矣。』秋,秦、晉 公二十二年"「初,平(一)[王]之東遷 ,见被髮而祭於野者,曰: 夷狄,未必非一二好異之徒啓之也。 胡箜篌、胡笛、 五行 擁胡兵, 古承平日 服 志》:「靈 填塞街衢, 久,風 胡舞,京師貴戚皆競爲之。 一帝好 氣之來,必有其 胡 虜掠宫掖, 遷陸渾之戎于伊 服、胡帳、胡牀、 『不及百年,此其戎乎? 发掘園陵。」《晉 也,辛 漸, 而 胡 川。」《後 秋 其後董 中夏 適

異衆樂。

以

邊地名,若《涼州》、《伊州》、《甘州》之類,後又韶

、法曲與胡

部新聲合作。

明年

安禄

山

涼州、

「太常丞宋沇傳

甘州

皆陷吐蕃。」[原注]元微之詩自注:

均,龜

音之領袖,諸樂不可方也」,蓋本戎羯之樂,其音太蔟

兹、高昌、疏勒、天竺部皆用之、其聲焦殺、特

開元二十四年,升胡部於堂上,而天寶樂曲

爲服妖之應。」《禮樂志》 奴婢服襴衫,而士女衣胡服。

「玄宗好羯

鼓,嘗

其

後安禄山

反,當

婦人曳履及線靴。

,内外一貫矣。」《唐書·(車)[與]服志》:「武德間

開元中初有線鞋。

侍兒則著履

身障蔽。 應也。」《大唐新語》: 『百官家口,咸廁士流, 爲淺露。 依《周禮 三制之矣,能 带袴口 夫]氈毳産于胡,而 吉]享嘉會,皆以爲先。太康中,又以氈爲絈頭 貊]槃及爲 五行 比來多著帷帽,遂棄羃羅,曾不乘車,只坐檐子, 石遂篡中都。 》舊儀,多著冪羅,雖發自戎(衣)[夷],而全 7志》: 永徽之後,皆用帷帽施妻,到(頭)[頭](甚) 百姓 顯慶中[原注]《册府元龜》,咸亨二年九月。 羌煮貊炙,貴人富室 無敗乎?」至元康中,氏羌互反。 相戲 「泰 始之 天下以爲絈頭、带身、袴口 曰:「中國必爲胡所破。 「武德、貞觀之代,官人騎馬者、 自後四夷选據華土,是服妖之 至於衢路之間,豈可全無障 初, 中 國 相 ,必畜其 尚 用 胡 器。 牀、 (大) 永嘉 及絡 (言 日

過於輕率,深失禮容,宜行禁止。」神龍之後,累羅始

開元初,官人馬上始著胡帽,靚粧露面,士庶咸

天寶中,士流之妻,或衣(文天)[丈夫]服靴衫

事之見於史書者也,嗚呼,可不戒哉!始韶道調、法曲與胡部新聲合作,識者異之,明年禄山叛。」此皆已漢中王舊説云:玄宗雖雅好度曲,然未嘗使蕃漢雜奏。天寶十三載

宋乾道二年臣僚言:「臨安府風俗,好爲胡樂,應有契丹樣鞍轡、器械、服裝等,並令逐處禁斷。」」情浮薄,不依漢禮,卻慕胡風,果致狂戎來侵。諸夏請下明詔毀棄,須依漢境舊儀。』敕曰:『近者中華人樣裝飾,以爲美好。安有中國之人,反效戎虜之俗?許敬遷(奉)[奏]:『臣伏見天下鞍轡器械,並取契丹許敬遷(本)[奏]:『臣伏見天下鞍轡器械,並取契丹

厭之。 悉以 帶巾。[原注]洪武三年二月改製四方平定巾。 不得用黄玄,樂工冠青「卍」字頂巾,系紅緑帛帶。 皆束髮於頂,官則烏紗圓領,束帶黑靴,士庶則 其姓字爲胡名,習胡語,俗化既久,恬不为怪。 如 衣窄袖短衣,下服裠裳,無復中國衣冠之舊。 可不懲,望檢坐紹興三十一年指揮嚴行禁止。」 簷)[檐]胡帽,衣服則爲袴褶窄袖及辮線腰褶,婦女 **灬妻首** 吹鷓 皂褙子,不許與庶民妻同。 服淺色團衫,用紵絲綾羅紬絹。 胡 太祖寶録》:「初,元世祖起自朔漠,以有天下, 洪武元年二月壬子詔:『復衣冠如唐制,士民 俗變易中國之制,士庶咸辮髮(推)[椎髻]深 鴣,撥胡琴,作胡舞,所在而然。 用 銀鍍金,耳(珠)[環 不得服兩截胡服,其 其樂妓則帶 用 金珠, 傷風敗俗,不 雜色盤 甚者易 領, 上久 明 服 鐲 用 四 衣

自聖心。於是百有餘年,胡俗悉復中国之舊矣。」髮椎髻、胡服、胡語、胡姓一切禁止。』斟酌損益,皆

斷

秃袖。 等奏: 恥。 史嚴禁。』從之」 度越前古,豈可使無知小民效尤成習! 政劉璉亦以是爲言, 衣,習尚胡制, 昔北魏本胡人也,遷洛之後,尚禁胡俗,況 英宗寶録》: 『向者山東左政沈固言: 以中國之人,效犬戎之服,忘貴從賤,良 語言跪拜,習學胡俗,垂纓 「正統七年十二月,禮部尚書胡 請令都察院出榜,俾巡按監察 中外官舍軍民戴帽 今山東右參 插 翎, 聖化 爲 御 可 頂 穿 濙

有識之士得不悼其横流、追其亂本哉! 經,咸爲戎俗、高冠重履,非復華風。[原注]榮敬帝韶云。總,咸爲戎俗、高冠重履,非復華風。[原注]榮敬帝韶云。言"「中州之人亦然。」夫被髮野祭,辛有卜其爲戎。晉太康中,俗以氈爲絈頭及絡帶、袴口,彼此互相嘲戲,以康中,俗以氈爲絈頭及絡帶、袴口,彼此互相嘲戲,以康中,俗以氈爲絈頭及絡帶、袴口,彼此互相嘲戲,以康中,俗以氈爲絈頭及絡帶、袴口,彼此互相嘲戲,以康中,俗以氈爲絈頭及絡帶、袴口,彼此互相嘲戲,以

一〇七七

#### 左袵

皆左 袵。」岳 縣 府 袵。 Ш 盡 奉 除。 訓 林 東給 使 袵 導張幹之奏,屢奉明旨 縣 泗 金 宋 。此 訓 周 事中王鐸之奏,宣德七 洲 珂《桯史》云:「至漣水,宣聖殿像左 或 其 導 塔院設五 屬官 必大《二 見於《實録》者,永樂 杜 制 蓋 本之奏,正統 一, 金 老堂 滹 人爲之, 迄 百 沱光武 厄應真 詩 話》云: 而未 (像,或 十三 廟 於 年 即 年 河 八 明 見 塑 改 年 Ш 南 初 塑 陳 或刻 IE. 彰 撫 像 西 而 益 德 未 絳 安 左 爲

便 曰]此爲第二條 義》曰: 衽 也。 」,注:「左衽,衽鄉 喪大記》「小斂大斂,祭服 死 衽,衣襟 則 襟鄉 左,示 也 左,反 生鄉 不 復解 右 生 也。」●「沈氏 左手 時 不倒 也。」《正 解 皆 抽 左 帶

## 行勝

有 郭子儀之子曙, 裳幅 亡歸朱泚。 縢 志》:「吕蒙爲兵作絳衣行縢 之行幐。」 屨著綦。」《釋名》: 戰 德宗入駱谷,值 姦 也 或 人危 舄」,注同。 詩 策》: 偪 :>||邪 乘 言 東其脛,自足至 東 興, 蘇 以 幅 ]]] 裹 在 相 令狐彰之子建等六人,恐 秦 節 亦作 霖 下」箋 腳, 偪 與 度 贏 雨 、齧臂 使 「偪」。 所以 幐 可 道 李 云 負 以 爲 一膝。」《 塗 叔 ぷ。」<<br/>《舊 書 跳 盟 險 明 自 邪 禮記》: 一著行 擔 騰 滑 之子昇,及 逼 左傳 幅 衛 囊。」《吴 輕 束,今謂 唐書》: 如 便 幐 1: 今行 「偪 也 多 釘

- 「明」,據《校記》,鈔本作「國」。
- 中國之法,生而左袵乃戎狄之製耳」凡二十一字。「不復解也」下,據《校記》,鈔本有「是則死而左袵者

0 0

及 鞵,更鞚 厚。」 還 京 師, Ŀ 馬,以至梁州,它人皆不 上 皆 以 爲 禁 衛 將 軍, 得近 寵 遇

甚

之遺 爲詠。 世 襪,[原注]始从「衣」字。 則 氏傳》注曰:「古者 不襪 露 制 其邪幅 古人之襪,大抵以皮爲之。《春 今之村民往 而見足者多矣。 也。 而 吴 人 賀 得 邵 往 見 臣 希見其足。 爲 之,《 行 見 人美容 幐 君 采 而 解韈。」既 不 菽》之詩 止, 韈者,古人 則漢、魏之 解韈 常 秋 所 著 以 左

#### 樂 府

等四十餘 監,有游徼。 射官寺」、《霍 樂 府 人, 羣黨盛 是官署之名。 《漢書·張放傳》「使大奴駿 光傳》奏昌邑王,「大行在前 兵弩,白晝 其 官 有令, 入樂 府, 有 攻 音

> 是亦以 誤。 即 帝 \(\frac{1}{2}\) 殿,發樂府樂器」、《續漢書•律曆志》「元 房于樂府」是也。 上 名之曰 使太子太傅韋玄成、諫 時 哀帝即位 [原注]《後漢書・ ,郎中京房知五聲之音,六十律之數 樂府所肄之詩即名之「樂府 「樂府」,誤矣。 一部罷 鄭 衛之音,減郊祭及武樂等人數。 後人乃 馬廖傳 **≫** 以樂 議 也 日 大夫章 「哀帝去樂 「古樂府 府 所 采 雜 府」,注 一,尤 之詩 試問

寺 [閻氏曰]《馬 碑 舍,官 舍 **醳榮投黻** 也。 援 先 傳 步 於 出城寺。」 曉 張 狄 湛 道 傳 長 歸 守 又《高 寺 舍」,注: 陽 令楊 著

《易》之「閻寺」、《詩》之「婦寺」、《左傳》寺 注:「寺之言侍也。」《詩》云「寺人孟子」, 人貂、寺人披、寺人孟張、寺人惠牆伊 凡言「寺」者皆奄豎之名、《周 寺」字自古至今凡三變。 禮》「寺人」 三代以上

寺 也。 僧居稱寺本此。」

〇八〇

者也。」此亦是漢時解耳。 官舍通謂之寺。〔原注〕《説文》:「寺,廷也,有 寺人柳、寺人羅,皆 駕、寺人御而出」。 自秦以宦者任外廷之職 此 漢 也。 人以太常、光禄 [原注]崔杼 「使 圉 勳 法度 而 人

寺。 寺。」《風俗通》曰:「寺,司也。」《唐書 少府爲「九寺」。〔原注〕又御史府亦謂之御史大夫 《漢書·元帝紀》注, 師古曰: 「凡府 楊收傳》: 庭 所 在 「漢制 皆謂 之

衛尉、太僕、廷尉、大鴻臚、宗

正

大司

農

而 人 步。」注: 徒。」注:「寺,官舍也。」《張湛傳》: 「寺門,即平陵縣門也。」《樂恢傳》:「父爲縣 ·安帝紀》:「皇太后幸雒陽寺及若盧獄,録 「告歸平陵,望寺門

寺。』《後漢書

總羣官

而聽日

省,

分

務

而專

治

日

寺,

諸

官府所

止

皆

E

亦云「過本縣,步入寺門」。 吏,得罪於令,恢年十一,常俯伏寺門。 又 變而 浮屠之居,亦

死,尸不壞,因留寺中。 府皆名曰寺,鴻臚 謂之「寺」矣。 摩騰、竺 二法蘭 自 其一 〔原注〕《石林燕語》: 西 域 也。 以 後遂以爲浮屠之居,即 白 本以 馬負經至, 待四裔賓客。❶ 舍於鴻 「漢以來、九卿官 雅中 臚 寺。 明 Ė 帝 馬 既 時

#### 省

江、江 西、 使司」。 沿元制,立行中書省。洪武七年,以京畿 應天等府直隸六部,改行中書省爲「布 廣等處, 曰 雲南等處, 日 西等處,日 書省」者十一 者,沿元之舊而誤稱之也。 省」。〔汝成案〕《明史・職官志》: 湖 西 廣 十三布政使司,今人謂之「十三省」 Ш 福 今當稱「十三布政使司」,不當稱 西 建、北平、 四 諸 甘肅等處, 曰嶺北等處。 行 川等處, 日河南 江. , 曰遼陽等處, 曰 省 浙等處, 廣西、 俱爲 承 四 宣 Ш 一布政 日 Ш 江 東、廣 元時 使 「洪武九年,改 西等處 江 司 北等處, 鎮 東、 東, 爲 河 Ŧi. 行行 或 年,置 南 曰 政 陝 初 湖 H 浙 陝

0 裔」, 據《校記》,鈔本作「夷」。

隆二十 四。 慶 交阯 甘 四 南  $\Box$ 行 口 除 又 雲 置 云。 直 肅 JII 南 省 兩 E 建 隸, 稱十 京外 交阯 布 然實共治 布 文省  $\Box$ 陜 Ŧi. 政 政 西 福  $\Box$ 云 年 使 貴 使 四。 雲南 七 建 定 江 置 司 司。  $\Box$ 州 寧,日 年 爲 甘 H 一省,故曰 康 布 此仍 先是安 者 + 肅 永 廣 政 人,永 熙三年、 誤 樂 東 江 使  $\exists$ 耳。 云十三者,以 布 元 蘇 司 浙 微  $\Box$ 年,以 樂 政 十三 江 廣 日 我 則 使 布 六 宣 年 西 安 朝 政  $\Box$ 貴 司 宗 北 也。 使司 分置 徽 爲 江 州  $\Box$ Ψ. 承 西 止 攷 雲 此。 年  $\Box$ 先 布 治江 宣 設 明 南 Ш  $\exists$ 政 生 江 布 罷 制 惟 西 湖 使 作 人 寧 寧 日 政 交 洪 有 北 司 ※ 肇 府 阯 布 貴  $\Box$ 使 武 是 左 爲 政 州 Ш 司  $\Box$ 布 自 九 域 右 仍 北 使 者 東, 湖 政 是 志 年 布 京。 有 司,乾 湖 + 使 南 移  $\Box$ 始 政 南 九 可 安 改  $\Box$ 河 使 後

## 職官受杖

往 有 杖 加 杖 屬 撞 官 郎 之 原 法 之 注 事 魏 曹 略 始 公 於 韓 性 漢 宣以 嚴 明 當受杖 掾 後 屬 代 豫脱 公 因 事 袴纏 之, 往

> 加 尉 敢 外  $\equiv$ 嗣 除 詔 殷 齊 褌 數。 弄 而 捶 中 粃 棋 文 杖 長 州 諸 縛。」 - , 始與 楚,優 皆 我 + 史 酌 刺 垂 司 .! 乃 杜 懼 罰 己 決 宋 死 史 論 子 己,每 上 裴 劉 杖 於 棰 辱 屬 美《送 罪 道 瑗、 魏 南 楚 官 遣 古 皆 劉 錫 辭 北 罪 弘 笞 燕 并 辭 奏 仁 爲 朝 ¨,有 高 嗣 榮 不 州 聞 多 之監 廣 唐  $\equiv$ 監 滿 爲 上 刺 律 矣。 州  $\overline{+}$ 時 + 納 知 幺 榮 史 邨 作 刺 自 Ŧi. 之, 倉粟 州 王 忿 情 然 史, 晉 簿  $\forall$ 總管, 綽 詩 日 重 敕 尉 陽 者 祭 颺 日 以 城 杖 曰 H 脱 中 得 豎 元 隋 治 聽 即 身 或 子 弘 於 文 杖 中 簿 糠 不 至 何 弘 嗣 律 帝 前 荀

待 然 間 詩 了。」(原) 卑 則 云 官 唐 黄 之 注》通 雖 判 氏 嚴 判 司 H 司 鑑 卑 鈔 而 注: 官 **≫**: 卑 簿 不 官 「唐 尉 讀 堪 猶 類 謂 韓 説 得 然 州 文 曹 以 與 公《 未 諸 自 ? 司 免 參 贈 申 然 捶 軍 其 張 唐 爲 楚 法 公 判 塵 司 曹 之 埃 如

苦 監 劉 此 也 2役苛 仁 事 關 不 我 軌 責, 甚 繫 朝 爲 以 世 判 陳 辱之,視 道 司 倉 於奴僕,官之辱, 尉 簿 尉 擅 唐 以 殺 重 待 折 矣。 新 衝 進 乃近 都 法之屈 士: 尉 日 魯 而 上 筦 寧 也 官 庫 是

矣。 柳 殺 尉 後 刺 州 史 仲 梓 《宋史》: 縣官 張 郢 唐 州 品品 鎬 自 杖 刺 有 殺 杖 兵 以 中 罪 興 殺 南 音 下 帥 理宗淳 鄭 以 豪 得 彝 後,杖 令權 州 杖 韓 司 刺 毋 而 皋 祐 奕 史 輒 決之行 後 杖 二年 間 加 奏, 殺 劉 杖 丘 晏 安 三月詔 責 則 曉 即 言 爲 0 著 不 令孫 觀察 之於 嚴 止 武 於 澥 **\$** 今 自 杖 簿

罰 濛 陸 在 官, 澄 以 猶 傳 此 積 晉 不 職 前 書 就 有 後 郎 譴 罰 則 王 官 則 不 濛 舊 應 獨 傳 有 H 受杖, 外 坐 并受千杖。」《 吏 杖,有 「爲 矣。 古 司 辭。 名 ^ 徒 南 無 左 詔 南 齊 實。 西 爲 書 史 屬 停 澄

> 中,有 恩,或 慙 從 方參 己 泰 獻 多 自 罰 止 不 蕭 通 **油第二** 領選 貴 異。 懼 行 始、 來 恥 後 者 琛 不不 彈 用 漢 皆 倉 爲 傳 將擬 建 被 人 乞 一人,何 故 爾 高 即 此 部 舉 \*罰 應 春 元 特 職 郎 科 華、〔錢氏 郎 爲 以 者, 官 時 **令**, 得以 止 尚 行 齊 賜 三十五人,令史二十人,士人 江 來 郎 是 高 書 自 明 别 輸 重 便得 郎 此見擬?』虨 官位 空文, 昔 琛 帝 並 魏 贖 繇 欣  $\exists$ 品品 坦之聞 乃 用 未 犯 息停。 晉 卑,親 晉 使 杖 密 法 施 忤 許 書・ 而 以 與 督 啟 嚴 行。  $\Box$ 主 罰 遂 來,郎 以 **令** : Ŧ. Ŧi. 正。」吏  $\Box$ 主 峻 心, 自 遵 宋 推 坦之傳 史 + 文 自 曩 尚 過 元 遷, 有 非 奉 官 案,與令史 郎 無 江 科 部 書 異,以 嘉、 歸 敕 來,尚 稍 有 或 不 又 郎 之後 常 重 僕 杖 大 L 逢 近 所 坐 準 射 書 懷 彰 明 赦 以 於 起 杖 江 郎

<sup>● 「</sup>豪」,據《新唐書·張鎬傳》,應作「濠」

不行。」此今日公譴擬杖之所自始。優緩之澤。』帝納之。自是應受罰者依舊

不問 物。 患其 杖,上捎雲根,下拂 少,從外來,云:『向 南史• 一世 重。」」是令史服 令史受杖, 孔覬 説》: 傳》: 爲御 恒桓 Œ 史中 公在 从 地足。」桓公曰 朱 從 朱 丞,鞭令史,爲 衣 閣 荆 衣 而 下過, 州 受杖 上 過 恥 見 有司 以 也。 『我 令史 桓 威 所 「原 式 刑 糾 猶 受 注 年 肅 原

官者 省官 官 江 二品 之杖,實杖也,不 心郎 蒨傳》:「弟葺 前 所 清 沈統,大 南 給 官,行 官之杖, 後 齊 幹 數 書 僮 百 明中爲 僮 • 不得 人。 張 ·得 虚 幹 、爲 過 杖 吏 杖 融 雜 統 著作 傳 十。 也 部 不 役, 役 **\*** 郎, 得 故 僮 然亦失中之法 太 佐 出 大 至 坐杖 過 祖 郎。 於千。 明 差, # 曹 Ŧi. 一,坐以 先是,五 有 中 梁 年 司 僮 幹 書 制 免 奏 幹 免

> 免。 量 聽 行 世 杖。」得 祖 詔 行 :「自頃 幹 杖自 、幹僮 此 始 多 也 不 祇 口

傳》言 以 牧 楚。」而及 帝 而 紀》言:「尚 録 尚 杖 北 書 殺 朝 其 魏 而 職 政 初 撾 末 **\$** 官 法 撻 世 比 書 嚴 原 朝 之 則 郎 朝 朝 注 1: 南 中 有 「原注 朝 任 士 如 剖 多 尤 城 高 斷 〕本傳。  $\pm$ 爲 見 陽 澄 有 嚴 杖 傳 Ξ. 失, 罰 切 者矣。 雍 輒 唐 之 以 邕 加 孝 高 之 州 捶 昭 允

#### 押字

俗謂 字一 姓 冢盆 口 考。 名,下 之「畫. 杆記》言: 卷。 集古録 《南 ·有文 所 齊書》: 押」, 謂「署字」者 》有 五 如 一得 押 不 「太祖 字。 知始 晉 一代時 永 則晉 寧 於 在 皆 元 何 領 帝 代。 已有之,然不 年 軍 草 王 一甓,有匠 府,令紀 將 岳 其 相 珂《 等 古 者 署

字。 引署 名。 飛 爲『干』字,逆上畫之,時人謂之『穿錐 字大爲『父』。 署名,『敬』字則 真 又有武將王周,署名先 令識之。』《北齊書》:「厙 金,從其便易。 金不識文字,初名敦,苦其 書,特盡精巧而不見遺 父亦不小。』《魏書》:「崔玄伯尤善行押之 觀之,笑曰:『我 陳書》: ·。』、《唐書》:「董昌 學 何 1名曰: 乳 或 由 曰 手 知 「蕭引善隸 齊·後主紀》:「開府千餘,儀 迹 我 二此 下 帝 爲天子?』一今 陸 名, 猶以 王 字 大作『苟』小爲『文』,『容』 亦 倕 報 無 不復能 筆 戲 書,高宗嘗 爲 答 押 僭 曰:『公家苟既奇大, 勢 迹。』、北 難 爲吉而 書 詔 位 翩 狄干不知 神 别 下 疏 翩, 也。』」「何敬容 皆 人 難署,改名爲 昌 武 制 後成 付 亦 史》:「斛 日 披 乃 似 詔 僧 謂 奏事 書,署名 指 鳥 皆自 其 真 屋 之欲 不 外。 角 親 百 花 署 指 律 上

> 世 之 只用 縫。 字, 圃 是也。」不知南、北諸史言押字者如此之多。 人押字謂之花押印,是用名字稍花之,如韋 近 此。」又云:「唐人及國初前 懷 御 知 無 也。 計 世 珍 府 誰 數 韓 原 押字,與名用之無異,上 等 遂施押字於檄移。」「原 或 所 也。」黄伯 非子》言「 注》《北史》: 領 題 藏皆是,朱异、唐 謂 則 軍 名于 之『押尾』。、後 戰 或 育尾 時 思謂:「魏、晉 田 「各作『依』字。」不 時 嬰令官具押券斗石參升 已有之,又不始 十, 紙 縫 連 間 懷充、沈熾 判 注》《癸辛 人 輩 故 文 表章 以 花 與 或 來 具 書 人 押 雜 亦 書 謂 法 姓 蓋 各 識 文、姚 **[贖,或** 之 書,梁 名, 或 於後 沿 >՛։ 雲體 作 爾 古古 干 押 莫 花

|國志・少帝紀》注、《世説》及《魏

將軍 詔 者,鴨也。 右 帝 軍 氏 人雲午等唱曰:『青頭雞,青頭雞。』青頭 書耳。 小 御 可 春 [原注]南北朝謂之「畫敕」。 臣 秋》並 馬 平 謀 已書詔 樂 文王 是則 觀 帝懼 因 鎮 以 文 以 於前,文王人,帝方食栗,優 許 臨 ❶ 姜 不敢 王 親署爲押 昌,徵還擊維。 軍 辭 過。 發。」 殺之,勒其 維 寇 中 按 隴 領 已見於三 八鴨者 右,時安東將 軍 衆 許 至京師 勸 以 允與 或 帝 退 時 押 雞 大 左

## 邸報

方。 入郵 Ŧi. 娳 騰 日 報 置 而 具定本 宋史 邸 从之。』《吕 奉 吏 世乞革定本,去實 輒 報 劉 先 狀 奉 期 "; 上 世 報下, 一傳》: 溱傳》: 樞密 院 或 先 儂 矯 然 是, 封 爲家書, 智 後 進 但 傳 奏院 高 寇 以 之 以 嶺 通 叮 每

> 客曰: 之矣。 集》中 行。 使諸 報 報」字見于史書、蓋始於 小 意 扣門急,賀曰: 南,詔奏邸 一字亦見 輦,七賜臨幸」,自是邸 何 也? 道 『邸報制誥闕人,中書兩進名,不從』」云云。 始民間 有《讀開 〔閻氏曰〕《唐詩話》「韓翃 聞之,共 于 此 毋 「員外除駕部郎中、 猶未 曹 得 元 得 輒 輔 雜 知,及蔡 報。 爲 傳 報 × 備 **>** 溱言:『 此 知制 篇 京 政 久家居,一日夜半,客 今欲 報 時 謝 和 聞 誥。』 曰: 則 表 後 人不知,此 然 四 唐 冷,帝 方有 有『輕 | 唐《孫 方。」「 時 『誤矣。』 是「邸 己 多 有 樵 邸 車

#### 酒禁

周書·酒誥》:「厥或告曰:『羣飲。』汝勿先王之於酒也,禮以先之,刑以後之。

❶ 「世説」,據《三國志》注,應作「世語」。

醉歌 興,蕭 此 於前 兩。 子 未及 王 之禮,賓主百 則 佚 用 司 無 搏 重 虣 侕 盡 法 呼 曹參代之,自謂 乎 Ħ 而 典 而 何 「天不湎 執 糾 而 丽 酒 刑 戮之」, 也 禁以 造律,三人以 榷 拘 民 亦 而 Ľ 之失,卿 酤 以 以 取 坊 ^ 之也 拜,終 夫 刑 屬 周 歸 之以 酒 爾」之詩始: 此 遊 平 官 亦開 於 張 刑 飲  $\pm$ 周 禮 陽 飲 日 坊 平. 遵 食于 了; 子 之有其 無 萍 上 也 飲 復失之於後 民 或 與 其 氏 酣 無 酒 以 其 用 相 約 市 作, 歌 故 故 而 禮 中 殺 應 束 者。 漸乎? 之愆。 幾 羣 其 成、康 不 乃 和, 典 ! 酇 酒 飲 教 得 若不 也。 是 此 侯 袁 嚴 謹 酒 醉 以 至于 并 矣。 弘 既 中 罰 焉」, 刑 酒 F 可 羊 闕 其 聞 亂 金 獻 之 書 漢 踵 吏 丝红 天 則 几 或 而

以 六 律 年 武 占 用 帝 租 賢 天漢 賣 良 文學之議 酒 升 年 四 初 錢,遂 罷 榷 酒 之, 以 酤 爲 而 利 猶 昭 或 令 帝 之 民 始 得 元

代宗 誠 祇 莫 闕 間 也 以 私 定 自 羣 聞 孔 在 惟 設 矯 堪 有 若 遂 飲 天 榷 酤 孝 謂 枉 供 法 恐 베 起 至今代, 以 節 下 錢 宣 酒 廣 過 造 水之流 切 其 勸 酒 権 當 酒 而 酒 酒 而 德 户 已 用 飲 禁之弛 之用 禁 飲 酤之害,甚於魯之初 持之者矣。 不 課 二年 後 爲 之 夫 斷 不 隨 以 在 使 月 日 意 推 則 多 有 果重 月 滔 斂 酒 比 + \_ 用 論 既 自 時 而 納 實 矣。 滔 禁 民 歲 孝 之 其 不 此 而 課 濫 止 皆 税 一月,詔 罰 財 增, 宗 需 「陳通 之弊, 榷 名 禁, 宋仁宗 觴 是 不 愐 除 淳 緡 禁 無 立 税畝。」 於 比 羨 周 有 致 政 而 謂 煕 此 而 有 而 天 此 干  $\Box$ 煇 其 於 時 厚 中 之 下 亦 蓺 實 乾 然史之 效 孫 饔 此 生 生 而 外 無 雜 極 許 州 計 公嘉 興 原 李 則 飧 榷 īF. 開 禁令, 有 志 之 縣 注 家 初 之不 燾 不 德 酤 非 損 淦 有 · 言 酤 所 以 問 木 之論 之 古 各 以 奏 至 蓋 此 高 學 載 藏 謂 口 民 弊 爲 禁 者 意 官 量 唐 説 粱 紀 叛

詔

惠

元

領

禁兵三千,

與

諸

將

討

伐

御

大欲 天下 巷 無 承平 所 羣 在 飲 日 日 久, 豊 用之常也 非 狃 爲 於休養之樂 治 者 至 願? 安知耗穀之患 所 慮 者 在 不能 而 禁 但 止 以 耳 爲

發。 發, 捷 勳 帥 惠 坐。 兵 化 狄 張 元 馬 妹 也 建 以 有 無 上稱 使,鎮 酒 邦 時 巨 邴 大名 備 舊 以 司 諸 爲 至 也 原 濟 飲 關 唐 供 之 葛 與臣 都 歎 凱 酒 神策 東。 奉 書 餼 將 亮之治 游學,未 久之,降 天。 • 於道 旋之日, 等約 故 對 楊 帝 將 臣等 御 惠 路, 日 詔 士: 蜀 曰 : 望 · 嘗 元 移 皆 璽 唯 不 當 春 傳》: 京 路 飲 臣 不 書 惠 敢 共 樓, 斯 西 無 酒 飲 初 慰 元 違 爲 役 1,戍兵 大馬 元充 發 醉 賜宴,諸 勞。 約 歡 也, 奉 人, 帝 軍 神 而 夫, 使 將 萬 武 之 及 絣 苟 策 飲 問  $\coprod$ 策 王 疏 本 京 罍 未 將 之。 Ŧ 之 悦 既 大 軍 西 儀 不 戎 列

不

宗 此 河 朝,①禁卒買 奪 即 治 橋 或 魚肉 何 皆 難 惠 及 哉 酒 元 ! 人營門者, 之功 「原 注〕沈 也。」 有 罪。」 括 能 筝筆 以 談 衆 》言: 整 大太 如

没官。 至 金 元二十 久 海 而 陵 魏 文 弛 IE 可 成 也 謂 隆 年 帝 用 Ŧī. 造 年 重 大 酒者本身配 安 典 朝官飲 者矣。 四 年, 酒 西襄 然立 者 役,財 酤 死。 飲 法 者 太 元 産 八過,故 皆 女子 世 斬 祖

馬。』酒之禍烈於 善 酒 以 水 溺人,故六彝皆以 傳》 夫,世 與 者 酒 無 水 日 爲 司 非 : 盡 淡坎》 官 地 小水 殀 險 於 酒 懦 卦, 原 舟 酒 弱, 注 火, 爲足。」 爲人險。 而 」黄 而 不 民 ПП 魯直 萍氏 覺 徐 其 狎 作 也 尚 而 親 \_ 掌 黄 故《易》爻之言 書 人 玩 彝字説 國之水禁」, 讀 石 之, 甚 是言者 麒 於水,有 故 有 多死 云 酒 口

0 太宗」、《四 部 叢刊 》影 明 本《梦 溪筆 談》作 大太 祖

飲 「酒 公大 以 而 0 知 爲 知 命 亦 頃 卿 火 保 者 巖 矣。 者 生 生 不立 牆 平 米 之 也 好 醪 道 平巖 \_ 飲 不 0 ^ 足, 陳 牆之下」問 螢 因 雪 而 日 是 叢 烟 席 有 説 酒 上 聞 || || || || 興 之,其 與 焉 遂 口 僚 終 則 人日 頃 談 身 真 年 不 戀 舉 : 陳

## 賭博

辟 不 明 弔 Fr. 無 心 接 之戲 方 侯 人不爲 繼 間 并 張 萬 者 以 有 拾 曆 坐 脂 而 相 之末 此。 搏 邵 吁 燭 今之朝 从 揜 , 賭 原 可 有 免爲 注 博 太 異 如 〕其已反。 事 士: 者 平 也 韋 一, 若 曠 城 無 昭 日 至 事 而 江 論 考 不 天 侯 南 士 「原 之《 所 修 啟 黄 大 注》 云 中 遂 Ш 漢 賓 夫 東 貨 窮 樊 書 旅 始 無 殖 侯 闕 H 幾 行 所 傳 蔡 安 盡 於 而 用 馬

之中 之。」 當先 物。」《 故 革 上 滿 志 左 坐 衣 與 彈 意錢 事 掘 、基、格 職 **▽**: 也 日 長 奉 樗 領 Ŧī. 冢 師 之屬 未 隨 + 大定 博 廉 史, 蒲 職 朝 一今律 宋 五、六博 古 -貫者・ 揜 晋 有 舍 戲 「杖者 請 恥 書 日 犯 陶 坐 餘 免。」《 也 毛 犯 劉 : 女 人 八 招 侃 食 既 成 所 法 賭 其 康 王 蹴 坐 年 搏 富。」 糧 聚 原 勤 無 大 博 景 法 南 祖 鞠 罪 以罰 制: 注》 差 博 於 廉 蒱 者,文官 杖 傳 文 或 Ξ 史 意 者 操,亦 徒 符 吏 **\***: 傳 後 恥 戲、得錢 錢之戲。」 作 品 • 小 聽 漢 職 免官。」《 潛 「爲員 L 「博 王 官 書 故 人 贖 夫 終 下 此 質 犯 革 論 也 以 爲 皆 梁 相 意 (傳》: **\***: H 賭 職 百二 再 外 小 右 冀傳》: 戲 容 也 斂 既 博 爲 犯 金 郎 博 以 人 衛 而 而 游 膝 民 爲 者 法, + 將 之 史 + 也 爲 法 但 賭 博 危 官 杖之。 萬 能 年 軍 罰 武 不 百 贓 司 持 取 挽 坐 職 揜 掩 行 劉 官 不 刑 徒 再 白 华 滿 財 爲

息。 惶恐 切於 悉投 列 業,爲晉名臣。 或 闊 有 以 外 然 自 於江 求 博于臺 多 談 無 則 事,千 理 若 戲 嗜 勤 守,每 」,後 將 博, 廢 吏 中 事者, 緒 吏則 無 至 事 爲 者,將責 唐宋璟爲殿中侍御 萬 飲 刺 開 而 命 端, 加鞭 酒。」内外 史 元 糾 取 賢 面辭, 罔 風 名品 其 朴 相。 有 愆,乃救 酒 二, 卒 遺 聞之,莫不 必 器 而 而史言 漏 朏 殷 蒱 成中 之, 博之具, 勤 時之首 史,同 諸 戒 ·興之 文宗 參佐 博 悚 敕 者

賭

博

爲

恥者矣。

璟 或 宗末年荒佚,遂以小人乘君子之器,此亦 帝 常 悦 後 家之妖 而 出 《唐書》言楊國忠以善樗蒲得 曰:「度支郎才也。」卒用之而敗。 學楊國忠,亦終必亡 專 、孽也。 主 蒱 簿 今之士大夫不慕姚崇、宋 ·', 計 算 鈎 而已矣。 畫 一,分銖 入供 不 誤。 奉, 玄

《山堂考索》:「宋大中祥符五年三月

T 之。」宋制之嚴如 玄之詰 賭 博 酉, 抵 上 問,引伏,奪其敕,贖銅 杖 封 刑,今易名赴舉登第。 者言 進 此。今之進士 士: 蕭玄之本 名 ,有以不 四十斤, 詔 琉 有 嘗 司 遣 召 大

之,安得不胥天下而爲外國乎?」人胡所作,外國戲耳。近日士大夫多爲人母所作,外國戲耳。近日士大夫多爲

謔,其禍乃不旋踵。 大夫終日執之,其能 年二月己巳,即 祖之開寶二年,是契丹先有此戲,不知其 有 與 葉子揭格之戲。」〔原注〕按應曆十九年,爲宋太 羣臣爲葉格戲。」《解》曰:「宋錢僖公家 《遼史》:「穆宗應曆 爲 小哥等所 免於效尤之咎乎 此不祥之物,而 十九年正 弑。 所 自 來。 月甲 君 今士 臣 而 午, 爲 其

丑,詔犯蒱博者斬。」《元史·世祖紀》:「至《宋史·太宗紀》:「淳化二年閏月己

一〇九〇

刑 元 亂 + 或 年, 用 重 禁 典 民 了, 固 間 當 賭 如 博 此 犯 者 流 之北 地

禮,小人盡力。」 今日致太平之道何繇? 曰:「君子勤

### 京債

其 屬 下 求 書 唐 可 相 注 ·, 所 ),罔 之官,不 在 保 河 書 東 京 清 赴 冀 不由 户 鳳 武宗紀 銓 銓授者 廉。』從之。」 赴選官多京 初 部 翔、鄜 守候,京 此。 出一千餘里之内 官 各 坊、 到 備 止關 》:「會昌二 今年 任 邠 兩 債之累,於今爲 寧等道 <del>,</del>不 月 内 蓋 債,到 三銓,於 加 帶 唐 河 給 時 息 東 年二 得官者,許 料錢,至支 任 有 債 兩 填 前 衣 而 東 道 還 月 件 猶 選 採 食 致 甚。 丙 念 州 南 訪 稍 寅 其 時 連 府 其 使 ^ 足, 選 舉 所 折 狀 「原 貪 中 舊

> 債 任,先辦京 下 之者,得失之數,較 之累, 之 仁, 亦 先 债, 於 有 户 勸 剥 部 廉 下 給 然可 之 未足,而或借 與 法。 知 兩 른 月 與 料 今之 錢 庫 職 非 銀 以 官 惟 償 到 恤

判、推 《太祖實録》:「吴元年七月丙子 州 + 府 事 如 子 又半之, 四 又半之,父母 之,母 各半。 判 賜 、絹六、羅二、夏布六,父如 百三十 兩 同 官視 若夫聖主之所 白金五十兩, 佐 官 同 貮 妻及 Ŧī. 知 知 府、州、縣 府同 四 之二; 官。 事、 視 人,賜 妻子 長子又半 知 知 吏目、 州、 半之; 府 州 皆 知州三十 縣 佐貳官視 五 知 行, 日 如 之三, 吏 府、 典 知 之。 之。 有 目、 縣 史 視 知 超 丞、主 。皆 府 典 治 各 州、 出 Ŧi. 其 之, 長官半之,父 通 + 史 府經 中 於前 兩 道 ,除郡 判 兩 視 知 簿 母: 半 里 經 妻及 縣 知縣 視 佐 之, 費 歷、 代 著 歷 貮 縣 文 知 者。 爲 E 官 縣 通 知 結 官 知 及

子之情。』廷議以雲南、 者,乞令有司給以 者,日 税課司大使熊斯銘言:『仕者得禄養親 車送之。 著爲令。』」「十七年七月癸丑,北 者,資用既乏,流爲醫 官 有 人子之所願也 後,以品爲差,皆與道里費,仍令有司 實朝廷所以待之者非其 之弊政,此 者,宜早與 甲辰,上謂 元 初,或假貸於人,則 ,給賜白 年二月,韶 以養其廉,而責之奉公,難矣。」」「洪 上曰:『今新 有所: 費,甚 中書省臣 銓 金 亦 注,即 中書省:『自今新 一端。其常選官淹 十兩, 然有道 至空乏,假貸於 舟車,俾得迎養,以盡 授官多 他日不免侵漁 令赴任。 曰:『官員聽選之在 兩 ト,使人喪其所守,❶ 布六匹。」十年 遠而不得養其父 廣、四 道也。 出 布衣 川、福建官員 聞 自今銓 除府、州、 人。 久住 百姓,不 滯 到 給 昔 任 選之 在 正 客 此 母 Ψ. 舟 京 元 뫲 京 月 縣 武 之

> 贵 凡 家 可。」〔原注〕二十二年八月,命故官妻子還鄉者亦給車 非愛民之仁先於恤吏者乎 屬 千 赴任 Ħ. 者、官爲 百 里 以 外者, 給 舟車,已有 宜 依 例 定例。 給 之。 自 舟 制 今

# 居官負債

貫,不償,爲囘鶻所訴。文宗怒,貶惎爲 侈,積債 累官至右 以 償 者、《漢書》「孝文三年,河陽侯 或 不償 法。 人責過六月,免」「原注 居官 債 乃考之於古,有以不償債 至數千萬。 而 負 龍 債,雖 貶官者、 武 大將 非 軍 其子貸囘鶻錢 君 舊 沈 子 唐 〕免侯爵。 之行, 湎 書 酒 》「李晟子基, 色, 恣爲豪 陳信,坐 是也。 似 而 一萬 乎 免 不 列 有 定 餘 不 侯

❶ 「人」,據《刊誤》卷下,原寫本作「賢者」。

其 在 州 善缺矣。 今日 司 法 參 則 軍 巳 是 鶻 當 也 更 貸 然 之以 此 猶 錢 前 代之事 而 爲之營 `, 使

貸 詔 金 歲 以 償官者歲 官 《元史》**:** 久,惟子 物代還,凡七萬六千錠。仍命凡假 加 本 「太宗十二年,以 倍,名『羊羔息』,其害爲甚。 相 侔 而 咋 著爲令。」 官民 貸 巴 鶻

#### 納女

西 婕 鳳 對 欲 奏,免相 兖 好 所 ,不人。及 以 中, 家 備 州 漢 後 王 白 刺 1,歐血 惶 宫。 商 史, 見 怖 爲 其 商 貪 薨,諡 更欲 丞相,「皇太 女」。 時 以 鄙 女 閨 へ病 内 納 日 門 爲 女 戾侯。 女爲 事 商 大中 爲 援,迺 見 意 后 嬪 考, 亦 嘗 後 大 微 難 詔 夫 魏 自 因 之, 問 爲 鄭 張 知 新 商 祕 羲 王 爲 以 幸 女, 病 書 爲 所 李 Ŧ.

> 《諡 清。 諡 諡 監 今人則以爲榮矣。 日 激濁 法》,『博 文靈。」古之士大夫以納女後宮爲 尚 及卒, 書 揚 何乃 清 尚 文 書 多見 情 羲 諡 遺 雖  $\Box$ 曰文,不勤 至公, 夙 宣 有 文業, 愆 詔 違 日 成 明 : 耐 名 典 治 蓋 日 靈」, 闕 棺 恥, 依 定 廉

之禮。 毛曾並 諸 欲 日 達 路 侯玄「爲散騎黄門侍 太后 罪 "「我尚在,而皆 並 王 僧 門 古之名士猶 達。 頗豫 僧達貴公子,豈可 坐。 瓊 嘗盛 之以 上 政 玄恥之,不悦形之於色」。 車 曰 事,弟子瓊之宅與太常王 訴 服 : 不 太 「瓊之年 陵 衛 肯 郎 后,太后 从 我家,死後乞食矣。」 與 嘗 造僧達,僧達 以 戚 少,自 進 此 畹 見,與皇后 事 口 大 加 列 不 怒,告 罪 宜輕造 <u>`</u>? 不 魏 宋 F: 爲 僧 弟 夏

# 王

九

得以 嫁 棄者。近古「七出」之條猶存,而 ,棄歸。」以 非禮制其臣 漢 書 • 王女之貴,爲 衡 Ш 下也。 王傳 × 「太子女弟 人妻 王 而 者 猶 亦 有 無 不 見 采

以

#### 罷 官不許到京師

深矣。 門。 朝。 此 制,内外官員至京师,必 召,不得妄到 漢人之成法,所以 [原注]成化十三年  $\sim$ 至南京,必謁孝 後漢書》言: 京 師 九月壬申、韶 陵。 漢法,罷 防夤緣、清輦轂之意 「原 謁 注 罷 鴻 職 逐罷閒官吏 臚 蘇 免守 者不 寺,報 不韋傳》。 **令**, 得 非 入國 名 人等。 见 徵 今

> 對,留 未嘗 京、[原注]建立先以上章允歸鄉里。 故 月 弛 將 删 丙戌,太傅 于 也。 閣 不 府 之罪。」 門。 元 龜 **載**: 久之,自 致 仕 則 知 王建立,不 後 Ŧī. 至後 唐 代之朝, 明 樓 宗 通事 召 由 長 見, 此 不 詔 興 法 敢 旨 亦 帝 引 年 至

日 知 録 集釋 卷二十八 终

0 召」,據《册府元龜 》卷四一,應作「朝」。

H

知

録集釋卷二十八

#### 〇九四

#### H 知 録 集釋卷二十九

崑 山 顧 炎武 著 嘉定 後學黄汝 成 集釋

騎

昌 或 作 馬 《雍録》 鄰 來朝趣馬」。 以 於戎翟,●其習尚有相 駕車,不可言「走」,「原注」董氏 詩》云:「古公亶父,來朝走馬。」古者 ·曰:「古皆乘車,今曰走馬,恐此時 曰「走」者,單騎之稱。 同者。 [原注]程 或已變乘  $\Box$ 古公之 顧 野 爲

亦

乘車,非單 左傳》昭 公二十五 年「左 師 展 將 以 公

屬

於

趙

武

靈

王

也

〔惠氏曰

[]《詩

》疏:

「馳謂

走馬。」是

騎

,蓋避翟之遽,不暇

駕

車。

然

則

騎 射

之

法

不

始

於周 티 : 車,無輕騎法也。」王 上鼓,有 也 乘 典無『騎』字也。 禮》云『前有車 騎 以 乘 周 。」〔原注〕《周禮・ 馬 駕 蘇 馬 「先鄭蓋據當時已有單騎 末之書也 末。」又引《公羊傳》「齊侯唁公,以鞍爲几」。 車 而歸」,欲 而 秦所 曲 歸」、《正義》曰 木提持 不 云『車 單 騎 共 騎』者、《禮記》漢 應麟 大司馬》「師 公單 劉炫 也。 千乘,騎萬 馬 謂 髦 謂 :「古者服 騎 至六國之 「《六韜》言騎戰 上 ,舉以 者,故 而 此『左師 帥 歸, 況周 匹 執 謂 提 此 其實 之提。」《 世書耳 是 時 牛乘馬 注: 展 騎 也。 其 松將以 周 始 馬 書當 時 提 有 之 Œ 皆 謂 義 公 曲 單 漸 經 馬 出 乘 馬

抵皆 故 晉 文 也 僅 在 春秋之世, 戎 中 Ш 攘 行 谷 而 穆子之敗 之間,兵 卻 之,不 翟 能 車 之 翟 雜 之所 於 深 居 大 人 於中 其 鹵,得之毀車 不 地 至 者, 夏 (者,大 齊桓 用 車

0

驛

崇卒。 不始于六國 射,意騎射之法必有先武 射 爲騎 其道,其不利於車 (惠氏曰)案《韓非子》「秦穆公送重耳疇 也。 騎射 是以公子成之徒,諫 丽 智伯欲伐仇猶,遺之大鍾 所 以 便 可知矣。 Ш 谷 也 靈 , 勢不 胡 胡 而 騎二千」,則單騎 服 服 用之者矣。 所 得 而 不 以 不 諫 變 以 便 騎 騎 開 而

武 剛 車自環爲營 騎 利 攻,車 利 守,故 衛將軍之遇虜, 以

从 E 靳 則 則 沛 。」是也。 單行之馬,去時 車 : 彊、紀信 公則置車 「沛公留 駕之馬 史記 項羽本紀》敘鴻門之會 四 , 來 騎,脱 脱 一人,則 車 騎, 時 所 所 身獨 皆步走 獨 跨 乘 騎 也。 也。 騎。」上言「車 馬, 也。 樊噲、夏侯嬰、 下言 噲 等 《樊噲傳》 獨 四 騎」, 騎」, 日 步

其後 馹。」晉侯以傳召伯宗,則是 家未之及 皆事急不暇駕 春秋》「齊 文公乘駅 羅汭」,「子木使馹謁諸王」,楚人謂 時當已有之,如 曰 左傳 吾將使馹 祁奚乘 : 齊景公游 「傳若今之驛。 又單置馬,謂之驛騎。」 》弦高「且: 漢 書 馹 少海 也。 君 自 奔 而 高帝紀》「乘傳 使遽告于鄭」注: 乘 下 問 ,傳騎从中 見 「原 車,或是單乘驛 ·, 脱 馹 范宣子」,「楚子 一楚子 諸 耐 注 會 晉 自 古者 戴 車也。 來謁 秦 而 追晏子,及之國 乘馹,會 侗云: 以 伯 遽,傳 以 告」,《 于 則 説文》: 竊 車 詣 騎 以 王 車。 馬。 亦 車 師 疑 雒陽」,師 一城」,《 謂之傳 可  $\vdash$ 或 以 按 于 此 傳 以 傳 語 游 馹 臨 而 法 謂之傳 《韓非子 遽 以 吕 吉日 注 郊 至 品 春 也。」 騎 車 氏 于 古 疏 秋  $\Box$ 

言

矣。 陽, 乏 車 傳 私 車 乘 車 貝. -也 遽 四 注 驛 漢 乎 傳』、『以 謝 馬 而 馬 ^ 初 在 至, 下 史 後 尚 杭 几 懼 足 記 乘 馬 患 爲 不 馬 則 Ŧi. 傳 高 其 及, 乘 雜 似 田 車 不 足 傳 遽 俎 單 故 横 速,一 爲 **>** 馬 如 乘 與  $\Box$ 置 然《左 鄭 騎 澽 子 傳 客 概 當 矣。 産 古 其 四 乘 時 傳 時 人 者 爲 馬 馬 ^ 相 釋 乘  $\pm$ 驛 乘 矣。」 中 鄭 文》 温 鄭 傳 傳 馬 足 或 子 皆 舒 詣 無 爲 以 皆 疑 贵 産 馳 驛 雒

## 驢廳

獸 Œ 而 ൬ 義 非 非 <u>Z</u> 鼠 人 自 鼠 矣。」《 家 秦 身,長 此 所 以 即 晉 鼠 常 上 須 書 屬 mj 畜 傳 賊 所 郭 也 秦 記 謂 璞 人謂 鼳 傳》云: 無 鼠 原 言 之小 注 而 驢 郭 有 者 爾 氏 物大如牛,灰 雅 兩 汝 意 釋 無 成 其 之 案》《 驢 雖 則 此 爾 而 有 色 有

兮 罷 名 重 驢 如《 陽《 之。」李斯 子。二 令。 卑 與 駃騠。」是 馬 氏 是 原 牝 騰 \_0 始 爲 腳 罷 4 鸁 諸 注 Ŀ Ŀ 驢 驢 見 類 駕 兮 吕 騙 汝 國 正 驢 鼠 所 梁王 林 象 父馬 槖 贂 於 王 生謂 爲 氏 北 成 賦 以 案 蓋 胸 駞 駟 蹇 文。 褒《 空同 以 春 書》亦 \* 上 之駏 母 即 槖 前 驢 秋 如 爲 日 其 秦 尾 僮 駝、 \* 贏 類 劉 東 而 貴 L 僮 騊 大  $\pm$ 約 也 ^ 云 馬 皆 方 賈 向 約 汝 駼 重 野 夏、莎 書 日 \* 白 父 趙 ^ 成 朔 誼 難 馬、 槖 驢 九 者 **》**言: 則 案』《説 逸 有 簡 ^ 燕 母 得 驢 駞 弔 歎 七 列 調 力 周 騊 子 車、  $\Box$ 亦  $\pm$ 之 而 諫 傳 屈 治 駃 書 蛩 人 有 駼 按 文 遲 物 駿 騠。 匈 原 家 馬 蛩 鈍 兩 劍 駃騠 卻 也 良 奴、樓 所 賦 驢 驒 白 駃 而 騏 常 古 要 璞 騏 駃 **\***: 伊 騾 騱 怒, 騠 畜 今 案 兼 驥 褭 驥 司 騠 爲 尹 馬 矣。 注 掛 煩 奔 騰 落 駃 馬 以 不 食 甚 獻 爲 名 议 父 轉 Ì. 能 駕 其 騠 以 之 相 鄒 愛 月 慮犬 牡

之爲 外 烏 王 奚。』《西域 傳 賦 資 人 大 效,至乘輜軿以 躬自操轡, 名,至孝 驊 運 原 霍 , 所 **\*** 或 秅 塞 中 一分,騰 抵 注义 騮 去 或 或 出 不 以 謂 續漢書 其 病 虜 之 皆 有 驒 於 曲 堪 驅 鸁 驢 武 奇 傳 櫢 用。 驢, 奚 塞 囏 日 馳 用 傳 也 廳 畜 侲, 而 ₩: 爲騎从,互 周 • 騵 外,❶自 : 兮, **\*** 也 以 Ŧi. 無 則 旋 0 ^ 得 馬, 驅 鹽 行志》:「 驢 馳 牛 槖 以 充上 口 單 驢 騾 鄯 鐵 嘗 爲 逐 馳、 騾 盡 見 于 趙 非 驢, 相侵奪, 2。」揚 大樂。 善 論 考 連 而 爲 外 靈帝 林, 武 驢 驢 遂 \*; 或 驢 蹇 龜 我 或 馭 靈 鸁 乘 雄《 有 於宮 , 賈與 於是 畜。」 至 之 而 馬 兹 之多 宛 鸁 王 驢 駃 六 齊 爲 反 非  $\pm$ 馬 孝 騎 中 驢 公卿 馬 馬, 騠 足。 鸁 離 學 西 物, 馬 杜 靈 産 射 齊。」然其 馲 袁 鞭 貴 騷 漢家 篤 之後, 此 多 騊 而 駞 駕 駃 戚 至  $\sim$ 則 彙它, 種 四 駼、 新 街 貴 轉 匈 龜 騠。 論 漢 又 白 儀 相 幸 34 驒 奴 驢 都 尾 漸 種 賤 騁 而 而 放

> 父 爲 漢 鮮 名者 人 卑 則 身 ~; 以 爲 魏 爲 鐵 書 奇 弗 畜耳 鐵 弗 0 劉 人亦 虎傳》: 有 以 父 北 母 人 謂 異

> > 種

胡

# 軍行遲速

夏侯 之於二三百里之近,不然 常 日三十里之遺 爲 對 出 出 休息,如 以 軍 淵,三日五 敵之不意,軍 不過三千 魏 往 明 白 帝 此 日 遣 餘 意。 司 攻 年足矣。」此 百, 馬 里 中 白 懿 夏侯 六 爲 日 而 征 之 日 帝 還 遼 百百 一千。 語 淵 問 白 東  $\Box$ 爲 猶 往 日 是古 將,赴急 里 還 其 此 典 以 而 時 幾 可 趨 軍 六 自 H 利 偶 師 + 校 雒 疾 者 用 尉 行 日 陽 懿

0

❶ 「塞外」,據《校記》,鈔本作「胡地」。

<sup>「</sup>國」下,據《校記》,鈔本有「胡」字。

一〇九八

蹶上將」,固兵家所忌也。

## 木罌缻渡軍

衡 渡 查 古文簡,不言 策許令軍中 一瀆。 軍」,服虔 謂 史記 亦 之「甕筏 此 • 法 -促具 淮 「縛」爾。 也。 以 陰 木 侯 罌 其 押 傳 缶 狀 **吴** 縛 數 啚 罌 从 百 志 缻 夏 於 П • 陽 以 喻 分軍 孫静 渡 以 龍 木 德 是 傳 夜 罌 ^ **\*** 也 兵 投 缻

## 海師

路。 淮 率 以以 舟 越 師 海 絶 道 王 自 吴路,此 用 句 海 師, 踐 人 命 齊 古人蓋屢行之矣。 浙 范 此 東 蠡 蘇 下 舌 州 海 庸 下 至 率 海 淮 師 至 上之路。 沿 Ш 旲 海 東 徐 之 承 泝

> 平壤; 宗伐 海,擊 陳吴州 海將 鴨緑 道 海 遣中 路。 吴,此又淮 率 州 唐太 抵 襲 騎 至 諸 江 八宗 遣 一、揚, 大夫嚴 番 福 軍 水 高 軍 漢 朝鮮 薛萬 萬 ·, 自 此 麗, 刺史蕭瓛 禺 武 韓説自句章浮海 建之路。 此京 强 ; 帝 趨 北下 自 Щ 命張 海 徹率甲 助, 偉 遣 魏明帝遣汝南太守田豫,督 萊 東 東 道 於 樓 發會 州 海 下 萊 討 口 亮 劉 劍 遣燕榮 下 船 海 而 出 公孫淵; 率 士三萬 裕 此 南 將軍 至 至 海 稽 石 . 舟 遣 廣 伐 蘇 至 兵 遼東之路 徑 師 擊 孫 木 陵 以 9 楊僕, 州 廣 浮 處、沈 東 造舟 秦苻 下 自 舟 東之 自 也 海 越,此 海 東 東 師 救 和 艦 從 路。 堅 至 萊 萊 公孫 自 田 龍 東 齊 遣 子 東 浙 漢 渡 渡 Ш 自 屈 度 武 浮 自 海 隋 江 海 海 唐 石 東 巫 越 伐 下 横 至 帝 趨 太 青 渤 之 海 越 峽

<sup>● 「</sup>石」,原作「右」,據《晉書·苻堅載記》改。

是 州 清 州

爲遼

與 河

旅

旅

皮島,外 近城,此爲下策。 郡之要害 〕天下沿海形勢,从 之效。 ,此又遼東下 蒲 順 自 以 東萊 率 循塘拒 下 海 順 大立言: 艘 以 臺 對朝鮮。 常熟入 口 迫 П 于 舟 海 逼 近 登 南 壽 鴨 此 也 (沈氏 師 諸 近 而 海 緑 州 北 光、 守 也 揚 犯 塘、北 海 敗 縣 江, E 至 隔 毋 左 不 海 之要 州 郡 日》《海 海 劉 o 日 金 防 得 也。 倉 延 使 Ш 而 海 家河 對 京 惟 東北 已而 登岸 廟 接 陡 П 口、登 兵 抵 東 侯 峙 灣, 師 而 吴凇 也。 出 H 高 于 防考》: 策、出 希 也 至守 至 東 北 Ш 麗。 天津 由 東懸皮 以 此 海, 州, 膠 海,所 江北之要害三:  $\Box$ 海 逸 太倉人犯之徑道 其 Ш 爲 關 城 也 西之石臼 爲 而 右 東 海 此皆 自 中 江 盡 東 會哨 島 於 至 袤 寧 向 則 策。 E 从 平 也。  $\Box$ 南之要害 東 廟 遠、 遼 無策 鎮 以 成 西 吴凇 古 盧 南 海、 山 島 通 出 毋 蓋平、復州、 匝 而 Щ 衛 矣。」〔陳 使 宋李 水 新 人 浮 兩 成 銕 可 江 島, 東之利 入港 列 插  $\exists$ 京、登 海 海 通 以 Ш Ш 海 也。 四 港、又 陳 新 衛。 大 舶 道 寶 此 據 黄 蘇、 港 往 總 毋 此 海 日 E 萊 津 城 登 用 自 青 X 金 兵 使 爲 П 有 即 白 松 金 0 錢 腦 相 至 防 開 溜 湃 見 礙 南 汐 清 海 大嵩 者 擱 似 碎 也。 閩 沙

也。」翁

Ŀ

策。

鹽

徒

聚 口 茆

港

江

Ш

衛

師

江

南

江

陰

州

海

收

日

京、天津者, 洋子 塘之鼇子, 之沙船 或淺或沈,名曰 陳錢 故潮汐之流 H 折 職 萊陽、 靡 船 泥 而 江 夜 海 経諸山 則底 不 由 人海 崇 П 更 州 往 避 爲 Ŧi. 兼 明 鼇 以 ൬ Ш 條沙 過 壞 餘 内 員 則 接 江 Ŀ ۲, Ш 成 東 沈渡 狼 其 姚 比 連 浙 加 鎖 沙, 者 Ш 山 是 之後 他 Ti. 廟 靈 爲之保 浙之寧波、 海 以 長 爲 以 外 Ш 方敢 省 支條 灣 恃 龍 江,下 潮 標準 條沙」。 海 海,寧 爲最 崇明 骨 而 沙 外 而 舶 障 上 北 無 行 縷 至 也。 - 扼吴凇 往 鎖 也 急。 向。 段,架接 結 藩 以 則 江 波 定海外島 Ш 中 扞 寄 南 黄 成 之鎮 鑰 東 東 若 間 廟 是以 屏 海 泊 長 河 山 向 乏西 灣 深 兩 Ш 州 東 高昂 衛 出 海 江 紆 船 處 南 登 京 以 有 海 轉 此 沙 長 因 風 圃 自 萊 必, 緩 雖 洋 呼 之 西 皆 擱 底 坂 開 嘉 如 水 潮 沿 淮 Ш 从 日 П 登 南 平, 沙播 興之乍 急 勢 臯 避 滿 海 沙 海 盡 州 馬 潮 則 則 相 行。 通 則 東 少 稍 Ш 河 西 蹟 浪,立 靖 没 聯 其 州 舟 向 擱 濁 寬 對 南 浦 海 花 澎 要 概 而 海 東 隨 無 江 潮 海 之

收」,原作「改」。 作「收」,誤。」按, 收」字是。今依原寫本改 據《三國志 刊誤》卷下 云 魏 書 改 諸本 公孫 度 同 原 應 寫

伯

外

有

于大海 汪 定 洋,言 東達 海 爲 之 漁山 海 扞 防 衛 者 北 當當 實 達 留 内 江 意 海 南 焉。 之堂 之洋 江 奥 Ш 浙 也 定 外 海 海 惟 之 以 乍 衢 馬 浦 Щ 蹟 壇 中 自 宣實爲 隔 長 石

劍 處 疆

Щ 濱

, 外

則

鹽。 由 Ш Ш 爲 衢 賊 界 山 Ш 舟 大 岱 Ш 每 澳 北屬江 Ш 多 廣 而 寄 至定 可 泊 泊 山 海 江 舟 南 百 浙 東 屬 餘 水 浙 南 師 艘。 由 更 劍 而 當 Ш 陳 Ш 加 産 錢 意於 長 水 外 仙 塗 在 而 此 海 東 至 産 北 普 南 淡 之海 俗 陀。 が菜、 呼 普 島 海 盡

陀直

東之外,

出

洛

迦

門,

有

東

霍

Щ

夏

月

賊

舟

亦

可

泉

州

北

則

八崇武

獺

窟

南

則

祥

芝、

永寧,

左

右

拱

抱

内

藏

郡

泊

伺

劫

洋舶

回

櫂

且

與

盡

Ш

南

北

爲

掎

角

Ш

腳

水

深

非 寄

内 加 地 長 椗 外 纜,不 有 韭 足以 Щ 弔 寄 邦 普陀之南 亦 賊 舟 寄 自 泊 崎 之所 頭 至 昌 此 或 皆 衛 寧 波 接 郡 聯

小 鹿, 、楚門 自 在 寧 外外 在 波 皆 有茶盤 台 賊 州 艘 出 牛 黄 没 巖 頭 經經 沿 積 由 海 穀、 之區。 而 | 鱟売、石塘 下, 内 南 接 有 樂清 佛 枝 頭 Ш 温 桃 大 州 渚 鹿 瑞 崧

安、 自 實 盤 温 沙 鳳 金 埕 台 皇 鄉 内 南 北 蒲 外 鎮 屺 門 海 烽 逕 南 此 火、 寄 屺 温 泊 屬之内 而 沙、斗 樵 至 汲 北關 之區 海 米 以 樂 北 不 茭、 及 清 可 東峙 閩 定 忽 海 海 也。 接 玉 環 Ŧi. 界之南 閩之海 虎 外 有 而 關 至 内

塘 閩

東

永

而

至

白

犬,爲

福

寧、

福

州

外

護

左

翼

之藩

籬

南 竿

至 西

海

安,外

自

南

關

大

嵛

小

嵛

間

Ш

芙蓉、

北

竿

塘

南

面

屺 所 内 當留 虚海 積 樂之梅 穀、 意者。 牌洋 套,是爲興化 閩 弔 省 外 邦、 右翼 花、 東北有 環海 韭 鎮 之扼 Ш 東、 壇 東 東霍 萬 外 要 大島 水水・ 女也。 安爲 有 東南 南 衢 閩 由 右 日 Ш 安 臂, 有鳥 福 湄 雖 江 清 外 洲 爲 之馬 之萬 坵 閩 白 再 猶 省 磁 安 蹟 外烏 浙之南 水 澳 盡 南 П 而 坵 Ш 視 맧 至 平 是 屺 海 喉 草 也 壇 海 嶼 11 海

治,下 漳 郡之咽 接 金、 喉。 厦二島 漳 自 太 以 武 達 而 漳 南 州。 鎮 海、 金 爲泉 六 鼇 郡之下 古 雷 臂 銅 Ш 厦 縣 爲

外 鍾 有 在 澎湖 在 可 島 以 三十 寄 泊 有 六 圃 而要 至南 在媽 澳 以 宫 分閩 西 嶼 粤。 頭 北 泉、 港、 漳 一之東 八罩

泊 Ш 而 低 平 水 風 急 静 而 浪 流 黑溝 迴。 白 北之吉日 洋 皆 貝、 可 暫 沈 寄 礁 以 線 俟 潮 直 流 生 東 洋 北 大

而

四

澳

北

風

可

以

泊

舟。

若

南風

不

但

有

Ш

有

嶼

了; 可

以

寄

之白 宜 敢 目 犬洋 巡 櫂 未了,内皆 緝 至。 南 澎 南 自沙 湖之東 有 暗 大嶼、 礁布 馬 崎 則 滿 對 花 為臺 峙 嶼、貓 僅 漳之銅 存 灣。 嶼 港 北 Ш 北 蜿 自 延 風 蜒, 雞 绵 不 非 籠 可 熟習 山 Ŧ 寄 對 泊 峙 深 福 南 諳 里 者 州 風

時 不

約 片 四 沃 Ŧi. 野 白 自 里 海 崇 至 Ш Ш 疊箐 淺 闊 野 相 均 番 類 約 聚 百 里。 建 西 郡 東 穿 分 四 Ш

百

出 但

海

羣

聚

剽

掠

幽

海 以

艍

海

舶

此

處

可

伺

不

可 贈

> 勝 Ш

數數

處 崳

處

可

以

樵

小 虎門

Щ 而

伶仃山

水門 大崳

由

入粤省。

逕

逕

相

通

逕 自 龍 安

者、島

門

也

), 難

名

載

冠

頭

嶺

而

西 江

懸

雜

而 逕 以

水

道

皆

通

廉

多

沙,

又

産

明

珠,不入於

交阯

一是以

立

海

中

地

从

海

渡

脈

港

大星、平

海

雖

屬

惠

州

赤 掠 Ш

澳 夜

洋

自

甲

子

門

南

至

中

碣

石

立

大鎮。

下

遂

溪、

康

徐 而

聞 高

向

南 地

幹 方

H

幅

百

里

對

瓊

州

渡 几 藉 暗

海 百

至合

浦 闊

欽

州

防

城 峙

及

七

百

里

故

海

下 調

州

船 交

宜 BIL

頭

嶺

而

東

白

埠 廉 而

州

大澳

而

至

澄

海

放

雞、

廣 風

澳、

人海,

實

爲

潮

郡

賊

艘

出

西

向

於島

澳

以

偷

泊

澎

俗

呼 幽

爲

澎。

南

乃閩

海

洋

適中之要隘

要

疆

南 頭 汊

澳 船

東

懸海

島

扞

吴川

外 陽

有硇州下鄰

雷

白

鳹

而

南至於

海安,

中

·懸幽

州 州

礁

内 海

行,

郡

實

沙

板

堪

以

出

進

其餘

港

雖

多、大船

不

能

府 鹿 抱 縣

治 耳

而

港

之可

以

出

人

巨

七崑

身

而 勢,

至

一安平

鎮

門隔

港之大線

頭

沙

舶

與

虎

門

爲

掎

角

者 姧

可 殊 會

内

河

緝

賊

港

汊

Л 會

通

至

魯

萬,

此

洋

艘

番

往

經 豈 匪 省

H

小

金、烏

豬

Ŀ 舶 有

11 來 心

下

Ш

江

雙

魚之外

護

也

高

Ш

雖

外

護

順

德、

新

實

爲

Ш

JII

形

生

熟番

性,

0

北 瓊

瓊 州

州 屹

與

海

安

對

峙

瓊 安

Ш

文

之始 之新 船 立 以 滋 歲 究 水 生 艱 庵 之潭門港 心,至儋州 中 Ŧi. 繞 昌 小土習宜 次平 黎; 熟黎, 四 非 仰 險 港 路直穿黎心,至 指 兵 使 蜑 樂 英港 其餘 Ŧi. 臺 需 西向,七 其 革 崖 會 定 灣 年 猺 生. 其 於 内 劫 州 不 而 時 百百 黎 雜 沃 故 港 高 Ш 陵 之大 熟黎 掠 盗 昌 樂會之新 Ŧi. 息 可 太平 處 野 生 也。 汊 水、 數十 我 賊 雷 百 指 化之新 住 黎,嵐 雖 Ŧ. 或 商 爲 蛋 環 復 九 南 感 熟 多,不 日 里 雖 此 内 崖州 漁 年 从 起。 黎, 港 + 繞 恩 向 産楠 久 所 亦 潭、 以 空 來 古 瘴 里。 生 潮 西 口 海 周 而 臨 充 虚 水 緣 Ŧi. 黎, 休養生 盜 殊 能 港 外 不可 路 那 比 高 韋 兵 賊 白 安 師 甚 自 沈諸香,等於 寄 招 稍 擬。 沿 樂 飾,名 感恩 陸 而 南 充斥 Ŧi. 懈 泊 海 定 致 到 海 港 次之臺灣 + 生 路 黎氏 弛 吾 息 П 安、 一程 Ľ. 吾 黎 之北 之地。 港之東 Ŧi. 惟 萬 人 而  $\vdash$ 命 地。 緝 Ŧ 環 澄 民 里。 衰 方 可 州 沿 採 澄 捕 物 繞 Ŧi. 邁 崇 微, 之東 辦 伯 熟黎夾 黎 住 海 邁 廣 不 滋 萬 百 Ŧi. 之馬 港 其 我 惜 沿  $\Box$ 熟 沈 路 力 阮 三十 豐。 州 實 南 指 官 朝 粤 黎, 沙, 澳, 沿 乎. 海 可 爲 光平 東 嶺、 爵 商 甲 介其 田 痛 裊 海 諸 以 粤 逮 東 行 陵 而 路 里。 漁 於 疇 港 加 七 州 ·父子 資 灣 東 乾 Ш 不 水 惟 舟 直 失 剿 諸 間 縣, 不 指 之 以 海 隆 陬 可 實 泊 儋 府 文 穿 業 戮 番 廣 以 Ш 寇 兵 篡 Ŧi. 海 住 爲 州 黎 昌 黎 船 城 環

全以 遁 其 必 獲 風 我 戰,陰雲蒙霧 海 力 抗 轉 誉 招 計 戰 安 不 無 从 其 寡、前無 也 而 風 拒 形 船 南 可 賊 Ŀ 地 我 从 皆 怯懦 制。 不然。 者多。 船 逐 大 之兵,無風 歲之中,我之擒賊極 Ē 師 勢不 得 者 命 莫之敢 礟 船 傷 東 盜 賊 不 自 如 將 西 矣。 行 轟 若今之烏 陳天保、莫觀輔等之頭 蟻。 敢 而 亦 收 順 劫 出 擊, 泊乎光 遲 南 地 日日 順 雖隔 冒 泊 師,已二十 餘 攖。 掠。 北 兵 方官 環 船 風 之地, 險 船 船身簸蕩,中 不 晚 去 惟 而 戰 隻不待打 而 E 海 我 石二 續既 勢 數 夜黑不戰,暴 則 亦 其 逃, 洋 飄 攻 必 皆 大風 師 +不 (所之, 分 Ź, 然遠 熟若門 年。 總 目 里 亡、羣盜 轉 能 據 不 戦。 多 望平 帆 兵, 賊 形 各 杜 不戰,大 旬 造 矣。 不 非 收 耐 者幾 木 匪 港 漸 保 日 過 庭, 皆 洋 港 如 盜 防 瘁 計 及 期 半 倘 東 無主,争 Ŧ 無 目 江 得 賊 微 何? 非 其 矣。 波 窮 、海、八 將 月 一湖之可 雨 求 值 餘 故 也 自 如 如 戰 至、 猶 濤 \* ൬ 日 不 不 其 名 商 毛 又 也 安 陸 不 接 沙 戰 已 幸 獲 爲雄 殄 暮 漁 嗣 SII] 以 地之可 能 如 而 訖 濟 投 而 勇 路 是 滅 以 婆 逆 賊 海 兵 平. 食 賊 到 無成 最 海 險 得 力 以 帶 長 不 銷 風 从 船 也 來 地 貨 首 阻 勝 熟 來, 難 無 諸 臟 外 伙 以 逆 全 則 遂 不 沿 效 所 扼 賊 諸 非 洋 後 伏 我 賊 潮 憑 是 連 我 待 海 添 蔓 也 施 弊 兵 皆 大 逃 獲 順 衆 風 不 故 慰 師 經 統 造 延

二弁 芳監

不肖

遂

謂

人

皆

然

也

將 數

次

第

撤

П

造

可

知

監 行

T. 走快

得

人

船

船

之用,不

宜 爲 四 Ľ

因

人偷

I.

減

料。

如

有

需

索,指

名揭

參。 其 請 收

至

于

料 關

價

必

稍 聽

底

興

修

即

派

該管

弁 人

兵

監

修。

彼 應 可 望

身

命 船

所 隻

自

不

益

應

由

藩

庫

發

足,

勿令承修之員賠

累

而

後

T.

程

可

古 增 匠 徹 暇,安

望

憶

在

洋

時,見

林 反

總

兵

座

駕

海 溺

安

守

則

古

以

則

速

以

衝

則

堅。

是

則

憂

沈

覆

之不

官

兵之城郭

房

室

車

馬

也

船

果堅

宣, 不

以

戰

則

勇,

以 船 船

日 章

夜

戽

水 帶 觀

數

百

桶

毋

怪

其

沿

海

停

泊

耐

得

力

也

夫

前 時

因 外

領

紅 得

單

船 盡

百

號

出

海

與與

舟

師

相

从

兩

月

見

各

船

堅,

緻

牢 獲

實 賊 追

捷

賊

匪

而

生

畏。

詢

之,

蔡 號

廷

督造

Τ. 嗣

竣

稟 有 前 T

請 不肖

驗

看 舊。

合

式

弁

接 罷 兵

收

費

用 專

雖

稍 文 尚

減

于

前

൬

T.

料

實不

如

蓋

船 即

Τ. 令武

最 巨

爲深微

古

不

古

非

可

而

出

大洋,

浪

掀

簸,真

形 與

畢現

矣。

監修

也 事

修 條

造

船

隻,皆用

出

洋

弁

監

修,工

程 用

海 小 石 加

匪

宜

若

以

備

采

擇。

戰 知

船

宜.

派

本 謹 股

管 撮 賊

之武

弁

强 于 振

弱

與 濤

夫官

兵之辛苦

1才否,

龐

大略

爲

籌

辦

作,

未

易

即

平。

章

自

力

四

年,三

次

出

洋

親

冒

矢

風

之壯厲

危

險

海

道 效

之難易

遠

近,

各

匪

之大

實

在

因 从

弁兵

需

索

匠

人

遂

弁兵

員 屬

勢不 我 亦 之類,均 參 矣。 來 以 之爲細故 堅完大木,亦 油 加 壞 几 風 也 此 可 有 人 用火,必我之火倍烈倍速,然後 差束縛,大如 大爲貴。 復 釘 料 日 得 覆 爲 舟 劫 其 然。 事 聞 如 修 溺 海 勦 T. 比 我礟 亦 師 賊。 大者 備 之憂。 前 乃 中 礟子 賊 須 事 即 必 浙 也。 竣 所 浪 備 寬 第 臺 並 舍 有 江 所 至 从 以 起 足。 更 須 爲 耐 而 折 每 李提 憶與 幸 四 前 出 虜 烈。 一〇〇〇〇 收 桅 船 要 賊 鑲 預 船 師 兵丁 五千 我 賊 至過 戰 幫 已从 港。 者。 如 務 備 多 軍别 舟 見 兩 官 此 升 ,令于近 具 結 給 月,不 師 觔 官 船拏 外如 施 船 容 又 宜 實 其 天, 篷 用 相 放 船 及 不可 遁 船 我 頭 逐 席 浪落 从東 篷 小 獲 矣。 賊,莫妙火 籐 商 折 此 大 較 師 奔 件 繩 賊 船 索、 牌、 棄 夷 桅,全軍 之礟 時 賊 避 精 皆 桅 八西洋 纜 預 小以資 賊 行 船 椗 船 精 不 官 尤 我 良 鳥 人 貯 隻 也 如 舵、 大者 關緊 先 戰 付 礟 熟。 兵 也 槍 面三千 硝 Ŧi. 賊 墜 性 燒賊 攻。 爲 施 ·失色, 礟 桅 黄 長 以 應 日 地 命 要 必 放, 惟 不過二三 海 礟少 位 木 刀、 備 請 柴 但 戰 前 須 所 追 求 己 餘 本草 即 雖 宜 不 于 莫烈 係 多 我 短 賊 木易之,三 里 物 賊 發 不 也 不 虞 篷 賊 加 用 刀 備 不 將 不 臨 可 口 能 不 纜 船 料 Ŧ 及,桅 火 鐵 于 古 時 能 竹 傷 勝 數 可 全 灰 椗 遇 製 唾 觔 礟 釘 發 燒 賊 槍 數 用 年 勿 用 麻 舵 手 大 即 備

0

受藥不 兵丁慌 大篷 必習 每 少 米 紛 礶 爲 斑 以 漏 火礶受藥五 斷 便 火 惟 位 · 往 艇 投 預 鳌 勝 難 能 駛 亦 中 大船 熟精 備,于 一蟲等 + 水 更 派兵三名, 賊 得 往不能 近 是 須 燒 亂 餘人,又每船 過 有火桶、 其 力。 賊 米艇 船 上 賊 末,毒 配 練,方能 輒 八 船 桅 偪 應 即 船 每 六觔 兵六十名,中 莫若 先跳 方能 九十人,大船 長 可 近 請 兼 近 見 觔 、火斗二 此 賊 顧 大,每 得 數 煙 矣 製 我 噴 古 仍 矣。 及 船 所 造 水 先 噴 恒 賊 師 照 法 礟位 遠。 到 倘 時 筒 發 不 , 亦 筒 从 追 船 以 物, 也 今 遇 攜上 ,賊已 大徑 敷 制 大不過徑 如賊 及 長竿 掌 前 戦 三者 法 賊 多 船 人。 賊 受藥愈多,火焰愈 舵 惟 百 覆 者十七八位,少 匪 四 五十名, 其 用 兵 頭桅,奮力遥 昏 式 撞 船 六七 是 二三十人。 轍 之用 一寸餘 窮 火確 但 應請 確 火 倒 拒 海 可 耐 見 得二三 古,長 礶 J, 筒之中 E. 鑑 相 浪 其 小 死 惟製 添 長 風 噴 噴 搏 槍 管 頭 生 船 配 筒、 濤 而 不 筒 後 件 頭 刀 造須 Щ 勝 九尺,我 也 其 迅 賊 過 擲 爲 湧,各 加 籐 林 及賊 船 者十二三位 篷 + 敗 厲 盗 匪 牌、 二三尺 烈。 辣椒 良。 八九 密, 名,數 立 接 決 向 首 小 其 火 應不 例 于 開 鳥 賊 輒 船 船 抛 須 勿 師 查 船 人,管 捕 須 Ш 數 槍等 不 必 六 原 擲 令多 使 必 賊 火 未 及 賊 臾 丈 烏 + 敢 百 不 紛 何 火 洲 礶 船 必

之夜 乏,無 如 職 接 駛  $\Box$ 紅 不 殼 力 師 船 而 無 獲 必 賊 過 洋 果用得其 七十 任 黑 7,皆原 濟 亦 燂 也 不 餘 如 致 實力奉行 民 而 黨可 衆寡 失事。 面 監 銷 顔 敷 靈 蓋 火焚賊 或 項 船 反見 色, 配 名。 司 贓 也 欲 燂 可 每 于 撥 懸 散 過 此。 分 最 殺 亦 支 而 月 戰 人 絶, 故 船 應即 賊 尊 須 應。 船 爲 不 必 于 數 嗣 用 則 加 故 凡盜首之船,財貨 賊 船 事 詭 燂 須 油 海 諸 既 後 兵 行間 切 簡 密 染 常 募 憚 請 洗 岸 過 多,軍 必 事 故 請 以 鮮 諳 食 酌 加 油 防 而 皆 非 船 應 大船 先 來,獲 行 明 諜 用 練 給 燂 刷 守 不 人多 叮 請 長 每 保 鄉 夫馬 燂 心 洗 前 旗 買 盤 與 會 護 住 不 配 勇,令弁兵 費 賊 次 自壯,而 也 耳 幟 也 川則 查 若 將 可 海 兵 本 不 亦 别 各 官 目 鎮 岸 俾 賊 賊 百 船 夫擒 本 海 少, 名, 充積 要 事 籌 將 不 得 船 相 募死 船 船 水 過 整 公 之速 機 能 乘 後 督 亦 而 空 應 醎 隨 中 賊 船 兵 肅 費 賊 間 然。 而 得 著 士,于 虚 率 請 澀 船 必 人 事 動。 首 名 其 庶 燂 丁豊 毋 所 責 先 八 少 教 賊 船 情 軍 總 今 油 口 盜 屬 累 成 擒王 導 + 乘 又 風 僞。 大 容 師 底 擒 則 不 首 地 巡 Ŧi. 虚 州 常 雨 其 弁 易 船 亦 壯 思 从 不 名, 方 道 而 縣 巡 晦 船 住 兵 生 至 得 而 洗 可 獲 無 能 官 也 人 冥 所 海 道 駕 身 貧 得 тk 小 蠔 E 而 殺

管

者

百

里,

多

者數

百

里,一

人之耳

目

精

神

勢

練 甲

水

師

出

捕

内

地

轉

覺

空

虚

恐

盜

匪

飢

地

, 尤爲盜

賊

窩

巢。

方官之威

權 儆

法令,

窮

而

·又屬 也

空談

非大

加

釐 地

剔,恐未

易轉

移

也

誅其人,没其家

毋

稍

姑

息

懲

百

至

于 查,

濟 人

之所

以

難

也

應

請

飭

地

方

實

力

編

亦多

幸

免。

蓋

緣

接

濟

銷

贓之人,必

小

有

資

財

徒

隸役

之輩

或

者陰授以

旨

往 官

往

翻供

釋去

磺

自 而

行

製

也。

接 破

濟

硝

硫

遵

者,

没 >

V.

殷

實

于 贵 索 無 宜

刑 有

庶

幾

知

斂

邇

來

法

網恢 告 不

恢 足 姧

非

惟

司 化

保

老爲

目

腹

是

則

在

地

方官

之能

事

者 募

精 實

神

貫

究 古

於

事

無

濟。

彼

盜

匪

之米

分 耳

奉

行 注

也 心 濟

法莫

良於

、保甲

地

方官

非

麻

油

槍

刀

等 則

物

何

民

接

濟?

保

此。

若

輩

貪

盜

利

條

不 由

禁

教

不

足 不

൬ П 賊 及 備 司 周

夜

間

之接

不 查 勤

可

查

因

地

制 濟

宜 難 於

雇

船

岸之接

濟易

而

荒

村

之接

查 防

日

間

臟 夾帶

仍 硝 外 官 應

分 黄 多 弁, 由

别

惰

以

爲

朏

陟,

守

斯

爲 查 席

火藥者

即

行

拏

究。

人

П 麻

時

易

爲

力 有

也

堵 盜

禦 警 紳

方

率

±;

嚴

密 約

食 地 到

帶

柴

米、

木

料

釘

灰

油

蒲

方 用

心

範。

出

海

船

隻,

逐 經

搜

巡

道

派 防

委

佐

貢 凡

雜

職

分

段

管

隻, 之接 一,保甲 荒 布 得 明 給 坐 莫用 窮 甲 不 格 繩 查 聯 鄉 此 涼 龃 力 有 有 遵 果 經 硝 即 濟 纜 乘 勇 寂 惟 辦 紳 行, 無 如 月 行, 犯 到 磺 等 可 間 之 宜 則 寞 理 Œ 威 惟 ± 銷 于 費 者 物 官 查 專 保 2 接 夫 但 法 犯 之 篷 耆 是 買 É 協 賣 品 之害, 查 則 配 劫。 其 臟 П 人 衆。 少 者 盜 堵 保 以 之具 外。 禦。 不 船 П 體 半食 謂 專 匪 曾 亦 當 幽 沿 爲 圻 照 況 能 禁 自 練 應 即 經 于 東 通 米 海 船 塘 至 其 處 例 11 如 鄉 請 豐. 不 禀 魚鹽 禀 瀕 糧 同 盜 船 總 濱 汛 印 勢 出 處 有 勇 Ŧ 能 請 請 作 順 海 之外 匪 隻 海 烙 亦 洋 撥 皆 - 弊者 責其 逐 應 移 封 濕 之利, 人, 所 縣 宜 頻 鄉 編 不 則 設 然熱薰 禁。 兵 知 産 在 細 雁 查, 加 村, 能 盜 則 貼 礟 南 火 訪 查 例 點 洋 防 誅 趨之若鶩。 概 悉禁, 風 盤 防 蒸 位 又 藥 小 韶 閱。 查, 驗 + 編 逕 維 無 訪 自 一之處 之 行 查 爲 連 船 杏 地 遠 船 外 較 赦 息 夜 禁 接 英 最 出 器 道 所 爲甲 要 也 間 方 易 年 德 絶, 濟 其 人 有 械 飭 在 嚴 備 牆 總 縣 會 聞 不 蜑 接 論 俱 地 則 應令 地 緊 密 昔 土 銷 價 磺 硝 4 同 由 艇 盜 方官 自 濟 要 方 貧 皆 申 查 臟 往 相 廠 塘汛 揭 磺 整 官 匪 正 民 處。 漁 禁 口 地 銷 等 請 惠 保 宜 陽 購 齊 委 官 煎 方 船 于 無 腻 結 事 者 員 禁 惟 令, 潮 買 數 磺 官 所 果 敖 有 以 夜 私 是 非 之外, 給 年 硝 亦 屬 爲 其 成 不 有 督 查 嘉 擇 間 買 粤 船

來

盜

匪

購

得

磺

多

有 坑 帶

私

應

密 磺 與

印

照 鹽

出 宿

不

許

留

接

濟

銷

商 生

漁

船

從 人 行

賊

益 田 議

中 不

多

禁止散 布帛 行。 濟、 以 掠 如 路 財 買 有散 往 貨可 商 頗 ,不擊自 銷 總須 漁 難 地 有 豬 贓 食數月 鹽 行 行 方官 雞 即 私 者, 彙 船 也 誠 敗矣。 賣 **飛齊數** 寓 硝磺等物 恐 多向 無 其 其 盜 立 日 體 从 中, + 匪 置 久 拏 稽 船隻可 賊 號爲 多 重 此 疏 究 查。 匪 劫 聽 典。 害 防 納 之大 惟 用 如 幫, 銀 人贖 船 爲 紅單 數年,所 此 打 禍 就 即 者 迴。 則 海 單 不 近 也。 我 船 盗 上 小 師 申 故 愚民 賊 與 商 不用 多受 請 得 應 内 賊 鹽 應 師 散 請 無 爲 罔 船 者, 飭 船 行 顧 查 仇 隻 接 船之害。 地 法紀 勒取 禁, 濟 無 應 順 其 方 忌, 請 便 毋 外 東 加 米 護 護 潛 西 無 聽 而 意 送。 糧 送 其 劫 散 接 兩 購 杳

### 海運

陷。 没 轉 東 地理 聖 南 唐 曆 志》: 之粟以 時 年 至 海 僑 開 一營州 運 治 之事 餉 元之 漁 之耳。 柳 陽。 城 初, 不不 郡。 開 元 新 詳 及其樹 萬歲 Ŧi. 立 於 年,又還 通天元 治 史。 所 藝已 ,〔原 治 蓋 年 柳 ·爲契 柳 成 城。」 注 城 丹 則 乃 陷 所 唐

吴淞 與不 慮,俾 都,其 臂,逆 擾。 運 孰 尋 斷 張 大旨,今勝乎古,近今更勝於前。 於是量 徒,無甲 自 不 舊 法, 爲 九齡駁 經隳 而 復 恢 П 諳 唐 與夫 利害?」此 罷 資 外之銅 耐 柳城 則 來 書 曰古今海 祖宗之舊,復大禹之迹,以數千 己。 畚 廢, 於 海 ·兵之强 尚 制 興 諡 築, 運 轉 夫江 爲 矣。 沙、大沙、三角沙、丁家沙、陰沙、五 其 宋 便 議 師之費,轉 運 道異 死 金湯之險,林胡 長 原 收 執 南 H 罷 往 命 衛,指 注》通 海 寇 歲 鼕 非 宜。 海 船 緣 孽 儲,邊 若 鼓, 之赴 順 誉 運 操 趙 典 元 則 舟航 之一 州 期 輸之勞,較 親 翽 天津 大 時 作 爲 鎮 其 遂往,禀命而 庭晏 作 總 海,自 明 (故無 其主 以 證。 宗 彼 奉 牧, 其 臨 生 此 戎 天 他 古 然 役,不 下, 馭 一謝 腹 爲 人,是稱 夷 所 慶 有 ´´; 河 在 其優 Ż, 占 之非才, 經 心之疾。 禮 恒 聖 舟 扼 海 1: 制 師 傳 耐 愆 ·之役 謀 朔 條 日 喉 道 劣, 行 之諳 要 也 海 所 獨 無 斷 如 其

邊

不知進

退

,水山

相

激

易

疏

虞。

古生

一而今熟

浴者二

潮 不

溜之順

逆,轉

旋

有

法

, 行

止從

容。

不 島 舟

諳

練

者

船

近

Ш 各 風 之 密

潮 罘 者 保 焉

順

皆

可

進

港

守

風。

諳

練 抱

者

知 港

各

門

户

之淺

深,

島

廟

島

皆

聳

列

海

濱

環

内

行

至

此

或

遇

人船

針

向

以 州

豪

釐

路

程

一謬以

T

里。

此

古

疏 則

今

也。

又

如

登 差

所屬之石

島

俚

島

雞

鳴

島

威

海 而 棄 而 原

衛

則

遇

驟 駕

難

收

島;

或避之不及

而淺

擱

焉

貨

以

之方, 之以

所 風

謂 而

輕

就

熟

也。

不

諳

者,

或

避

之太

過

迁 有

遠 滴 行 皆

至 漲

此

只

須向

開

行

以

避

淺。

諳

練 海

者

定之以

更 涯

泥

色

量

風 東 於

潮之緩

急

測 其

海

面

之程

途

趨

避

於

水

底

貼

西

岸。

而

沙

脈

之

東

面

深

闊

無

舟

使 不過 天 出 而 至 江 也 端端 津 疇 淺 登 南 沙 昔 白 增 州 出 登 不 前 經經 舟 出 其 П 州 代天 過 再 師 費 再 過 程 運 裝 津 登 亦 遠千 黑 期 Ħ. 海 至 能 州 奉天通 愈遠 水大洋 膠 無 船 熟 海 里 論 轉 州 識 面 運 靡 耗 且 海 仍 無 商 天津。 海 費 有 散 道 從 用 未 最 勞 沿 愈多 習 程 漕 廣,江 則 Τ. 途 已 練 船 從 是 当 島 歷 諸 由 江 岸 故 南 二千 多 Ш 不 米 南 可 前 海 未 東 此 可 運 耐 明 以 船 便 餘 以 内 至 海 安 多 里。 河 爲 易 歇 膠 mj 運 至 二千 恒 守 州 其 頭 南 膠 如 計 船 風 緒 糧 州 欲 E 也 餘 貿 紛 直 經 里 乃 何 易 繁 Ü 苟 運 繞 H 運 自

〇八

之海 敞 必 或 則 淮 秋 多 便。 閩 止. 行 其 骨 亦 沙 沖撞之虞 須 隨 不能 月 後 之權 繩 時 行 能 港 佰 自 廣 北風 順 次。 路 風 面 H 若 過 者 走 非 É 海 南 遇 ·, 亦 進 信 沙。 風 行 而 不 赴 南 子 至北 北 船 沙 避 淺 島 方 風 同 如 天 洋, 午 自 旋 各 間 底 出 沙 不 且 可 信 海 津 候 然不敢 運 之深 逆 北 南 船 約二十 有 員 淺 Ш 風 則 船 返 漕 旋南 龍 能 風 約 式器 須 所 沙, 面 礁 遇 櫂。 有 自 糧 骨 先至 爲 即 二十 溝 精 高, 均 叢 貼 時令之不同 狂 江. 北 具 陷 患 有 半 但 也 口 雜 日,自北 飆 秋 近 南 下 非 於 行 日。 江 亦 差 僱 掉 月 淺 季 赴 沙 局 惟 因 方 船 有 浙 逼 南 遲 江 戧 可 北 天 處 大木 冬季 外 保 中 外 處 丽 盡 有 江 到。 南 駕 至 風 津 者 至 無 國 兩岸, 有 Ш 龍 以 海 風 駛 沙 多 多, 虞。 西 所 洋 南 别 停 骨 船 船 往 春 船 此 潮 不 能 身重 北 船大較 泊 段 南 名 雖 四 逆 季 來 而 不 尤 則 過 足 風 悉 故 蜑 貼 風 遲 遇 時 風 西 等 操 順 易 其 轉 可 赴 口 船 於 少,自 於 狂 不 北 速 風 舟之法 候 損 月 天津、 灣 令, 便 窽 敷 沙 數 皆 信 船 又 風 能 風 西 要 船 趨 用 有 船 一、大洋 倍 之常 少, 底 名 自 駕 風 内 南 以 避 也 疏 故 南 駛 奉天, 三不 東 錯 外 至 器 河 風 蓋 較 名 向 虞 也 度 至 過 海 行 北 信 無 須 南 各 爲  $\Box$ 用 東 也 北 像 Ш 寬 船 約 順 待 風 爲  $\Box$ 應 省 歲 開 靈 龍 惟 蓋

之。 失。 季 不 在 口 風 駛 冬季西 花風,不  $\Box$ 占 時 收 風 夫風 期 西 風 亦 運 緊 冒 百 無恙者有 法可 之風 北 趨 泊 飄 寸, 有 初 裝 中 或 急 平 信 險 立 南洋 暴 擱 Ŧi. 北 參, 共 之 秋後 信 期 遇 北風當令, 可 趕 避 自 飄至 比冬季朔 西 日 難 日 計 運 西 定日 險。 南 保 而 厥 或 岸 間 船 行 之。 八 北 北 淺處 萬 淺 闖 北 在 不 有 面 即 焉。 風 如 夏 狂 待 全。 隨 至 處 知 常 江 或 運 風 初 至 東、 口 自 次 爲害。 風 東 南 路 度 者 至 海 駛 後 漕 此 將 起, 年 諺 南 海 西 緊 可 颺 概 可 中 西 看 糧 惟 船 南 至 順 云: 向 急, 自 正 以 至 岸 謂 揆 天氣 候 設 Ш 商 中 風 北則 此外 守 風 方之外, 則 外 北 風 風 沙 設 逢 東 賈 貨 司 四 夏 時 島 不 或 旋 波 脈 定 晴 風 石 令,海 乘 物 有 時 候, 不 4 迴 至 莫測 在 數 南 明 極 暴, 島 時 抛 而 之風 能 疏 面 兼以 避。 狂 淺 南 月 囘 而 方 趨 虞 亦 棄 收 行 暴 風 船 所 風 之處 而 可 利 有 暴 數 非 鮮 皆 風 停 假 高 白 約 忌 險 返 自 揚 東 順 成 習 疏 口 島 如 挂 阻 者 重 者 在 南 亦 北 或 南 帆。 風 擱 虞。 練之言 無 内 初 之 價 船 T 赴 天 有 飄 向 惟 亦 漏 東 便 害 + 時 僱 載 南 中 北 定 停 以 至 海 春 損 恐 有 北 可 日 之二三 船, 車型 期 北 於 避 只 或 鮮 單 船 傷 季 則 也 揚 是 鬆 可 島 西 暴 暴 不 朝 須 者 遇 四 有 是 面 帆 暴 據 南 期 風 夏 得 北 便 東 74 或 有 面 四 東 開 疏 風

其 抵。

風

波 今

不

測

端

季 設

順

風

赴

北

本

無

此

如

裝

運 數

漕

糧 夏

有

缺

數

潮

霉

即

口 户、

潮 从

霉

船

户

照

賠

償

惟

風

波 據

不

測

則 訂

船

無用

人押

運

,惟以

攬

載票

爲

憑

明

Ê

家, 舵水人等亦各

有家

眷保

人

遞 此

相

牽

二十人之口

角

行蹤

萬

無不

露之

理。

是

不 緊 報 登 而 册

在冬季狂

風

險

逆之

時、

萬

無

事。

總 制

急,偶

或有之,亦必

有

前

後

衆

船

消

息 船

可

稽

船 岸

擱

淺

沙,

將 近

貨 報

抛 明

卸 誉

海

中 保甲

以

保 查

此

則

可

就

汛

驗 人

損

船

二十人,各 習以爲常 海邊 之船 源。 患 形 重。 照 以 倘 漏 船 Ŧi. 信之人, 當 終不 商 惟 跡 登岸, 若 六千金, 亦猶 商 下 商 有 可 有 令之南 冬季 家 户 伙 不 浙 專 例 濕 賈 情 運 藏 各 而 各 或 能 知 江 弊, 匿, 賠 貨 漕 司 既 有 保 官 無 缺 朔 恐 者 鄉 永 海 物 償 糧 風 事 賠 數 身 風 捏 口 匿 船 或 船 家 規 船 人 水 暴 江 赴 陷 面 捕 以 誉 聖 衆 裝 瞞 岸 自 無 測 海 長 章 某縣 閩 船 風 南 北 人沙 有 運 程 人敷 絀 大洋 皆 沿 均 易 竊 即 之明 運 飄 保 官 北 於躲避。 浙 有 兼 必 見 或 有 約 途 貨 中 之糧 至 領 司 治 恐船 豪 耗米 沙 可 以 東 關 歸 南 寸 彈 証 廣 皆 脈 衆 冒 自 使 向 防 無 畫 洋 寰 東 壓; 也。 險 分 衆船 到 步 數 船 耗 必 無 誉 海 匪 渺 船餘米均 多,而 衆 海 散 逃 不 是 虞 縣 江 汛 一省海 島 昔 肅 方 徒 無 其散 稽 命 船 蘇 能 以 多 4 址暫 清 則 爲 年 船 涯 防 が散 運 昔 查 進 察弊端 逃 苟 餘米 交卸 萬全。 偶 面 底 禦 際 攤賠 漫 商 售,不 出 年 遁 停, 尤 延 懸 皆 漫 有 森 洋 賈 無 無 日 爲 數 IE. 嚴 竄 有 無 必 Ш 亦 補 稽 極 故 往 匪 處 夕 簡 米之外 龍 稽 目 因 北 敢 驗 有 叢 也。 來 而 前 滋 避 北 爲周 不 便。 思 者 骨, ,自必 載 營汛 船 雜, 擾 E 此 則 但 風 省 内 均 П 六 牌 非 水不 洋 海 可 密。 更 輕 河 皆 沾 本 尚  $\Box$ 來 稽 更 經 西 因 匪 册 Ш 程 有 而 運 樂 多。 籍 在 海 歷, 查。 有 甚 岸 戰 未 誉 編 東 經 至 易 船 南 更 利 程 升 某户 一深,若 》舉,亦 艦 靖 船 Ш 洋 過 於 到 奚 各省 此 洋。 資 捍 合 萬 牙

恐貨

盜賣, 偽爲

人船盡

失。

夫貨或

、
盗
賣

Ŀ

名姓

年

貌

箕斗之舵水人等二

一十名

不

出 有 被 值 來

或

恐

捏

報

船

貨失於內洋,

白

價 有

亦

五六千

金

無

不

協

力

同

心

4

相

保

之務

農 肅。

ц

人之業樵

焉。

又

皆

船户

可

南

裝

北

卸

容

毫

髮 海

沿

之

船

行

室

歷分明

假

使傷

損

船,

商

貨 選

價 用

值

水手

均 中

安本分,非

可 在

遊 斯

手。

歲 神

履

險

如 夏

平,

時

也。

Ŧi.

防

弊

清

是

仙

言

至

以

至

<u>V</u>.

秋,

計

有

74

+

餘

H

北

時

日

盈

風

Н.

有 波

盈 不 外 久

矩

整

蓋

其

生

長

海

濱

航

海 每

經 船

營 約 日

島

統 均

連 係 即 不 商 匪 蘇 船

内 深 被 過 船 船 洋 緝 蓋 깷 今 作 定 隱 

面

嚴

追

匪 江

船 浙 追

捕

江 戰 捍 某 衛

衛

航

海 方 堪

以 不容 方能 小 内 界之盡 矣。 洋 江 洋 如 能 里 遊 給 守 也 順 内 地 潛 竹 港 前 南 飛 駕 長 犯 中 門 猶 懸 南 海 沙、千 等 匿 如 匪 進 户 商 駛 華 或 法 或 後 口 利 對 海 者 船 運 船 島 Щ Ш 船 藥 慮 恐 利 左 齊 耐 登 飄 鈍 出 防 漕 混 會 物 外 皆 匪 右 驅 里 颺 口 船 且 州 津 縣 人 即 糧 跡。 齊 番 護 以 係 類 並 身 石 其 日 則 殊 四 登 堪 市 既 海 必 必 駕 養 潛 塘 所 揚 有 州 散 此 而 遇 南 作 舶 防 面 欲 大 命 有 藏 經 帆 若 緊 巡 開 牡 皆 狂 海 海 海 籌 者 孤 禦 潛 誉 海 對 出 行 蠣 緝 行 至 懸 面 屬 風 防 及 Ш 此 尤 急於水火 汛 面 上 之大欽 一之遼 誉 海 北 嘴 走 Ш 海 關 萬 影 易 外 北 無 稽 並 船 海 必 以 中 全 踪 如 鍵 雖 從 直 至 洋 查 無 大洋 遲。 作 闊 極 七 星 莫 有 至 托 至 此 遊 祇 環 洲 吡 指 此 小 險 羅 百 足。 捍 其 天 方 逸。 匪 而 須 我 抱 之區 喉 四 欽、 碁 斷 號 分 津 衛 沙 船 盡 直 皆 内 江 或 布 省 之多 難 天 之森 駕 奉 大 家 頭 不 無 南 港 至 感 並 故 洋 魚 津 散 天 照 非 知 黑 戰 常 朝 戰 懼不遑 無 清 名 面 貫 則 地 四 艦 嚴 在 見 船 艦 船 外 縣 次 盡 天然之保 不 小 水 面 有 勢 面 島 登 身 番 在 商 口 日 黑 海 在 Ш 敢 黄 行 受風 水 E 瀉 江 外 州 船 奚 想 閩 東 Ш 蓋 泊 <u>±</u>, 大 巡 大,不 Ш 水、 島 中 浙 至 便 敢 而 即 廣 停 抱 壩 竹 查 島 可 抱 交 知 大 淺 捷 萬 仰 如 潛 障 旅 以 島

停 上 前 貨 仍 帶 辨 每 規 石 價 號 邇 濤 運 糧 官 能 四 泊 海 後 便 口 也 石 Ŧi. 銀 目 年 足 兵 運 停 以 實 運 大小 海 次 裝 4 數 陸 押 大 泊 裝下 及各 於海 必 原 資 装商 矣。 漕米 有零。 事  $\Box$ 其 兩 兩 + 續 運 可 有 彈 且. 车 每 統 加 即 間 海 每 如 貴 防 壓 省 雖 與 惟 計 貨 年 來 增 爲 大有 水師 用 船 期 兩 有 登 北 廉 合計 次, 必 攬 兼 稽 官 П 折 僱 每 擇 洋 是 州 不 次。 載 須 陸 可 查 備 南 每 價 實 船 船 其 裨 千 無 近 齊 商 每 每 續 使 船 大概 把 駁 錢 可 船 益 須 倉 在 統 貨 年 倉 開 而 水 户 夏 大 船 裝 六 户 百 爲 咫 石 計 之需 春 可 斛 銀 師 行 尺, 卸 至 抵 七 員 護 百 情 倉 殷 酌 所 水 季 非 以 後 送之計 運 七十 各 存 隨 形 斛 實  $\exists$ 與 獲 登 至 腳 足 進 天津 水 前 貨 南 准 水 似 槓 省 水 極 鎮 大 銀 實 新 四 六文。 淮 腳 利 糧 將 其 貴之時 腳 祇 具 水 暑 哨 錢 兵 北 次 之厚 籌 4 若 先 江 價 堅 師 須 而 節 船 八 Ŧ 倉 不 運 習 非 銀 Ŧ, 等。 糧 古 壯 或 百 浙 每 餘 江. 巡 薄, 必 嫻 商 倉 再 者 兵千 道 家 仍 春 等 + 每 娲 石。 查 口 貨 斗 爲 浙 海 大 體 文。 定 處 如 今 擔 歸 足 最 秋、 齊 轉 性 名 員 制 兩 不 水 糧 統 如 計 石 至 有 密 次 駁 到 省 冬三 年 米 夏 可 蓋 腳 於 經 倉 計 分 運 亦 天 通 商 立 運 季 Ŧ 駁 不 水 之 斛 水 水 歷 船 糧 宜 或 津 倉 船 夏 季 順 明 至 商 腳 腳 重 腳 餘 押 波 Ŧ 有 謂 硒 須 難 運 易

省貨 兩次 於充 於圖 利者 規 限 11 須 踴 能 安 難 通 慮 恐 暑 南 而 定節 春 物,内河 躍 插 立 南 不 倉,不知 南 裝 以 , 則 駁 廣 海 裕。 始, 氣筒 、夏兩次裝運,方資應用。 雖 趨从,始終遵 法之初,官事 裝 前 地兑糧 卸 庶 前 船 所獲 氣, 臺 之勢 北 漕 官 又更 全 務 順 即 灣 糧 卸 商 水腳 卸 勿 漕 露 作 減 風 使 逢北 也。 米 並 何 \$ 難 運之後, 米 遷 運 亦 風 海 自 輾 石 逾 運 色不 於 可 透 北 經 價 延 船 轉 可 地 殊 理, 銀,不 期。 奉。 民 H 掃 成 氣 源 裝 爲 兩 延 歉 刻 情 不 月 乾 數 終。 運 無 遲 源 日 期 收 海 各 若 且 知 **錯** 妥爲參議 п 接 延 無 趕 切 敷水手辛工及添補 令包 船 到 給 使 殷 升 南省 空, 如 如 誤。 濟, ※多,既 章 過 緊。 裝 北 斗 與 商 日 果 現 程, 使 順 交卸 水 尤 帶 封 富户 久弊 例 僱 豐稔之時 在 蓋 風 其 至於東、 兑 爲迅 南 樣 無 茫 腳 子 有 船 商 彼 時 再 貨, 冰米,可 漕 將必有 耗散 生 無 盈 運 以平 升斗不敷,天 令,以 船 船 扣 裝秋、冬两 米 速 頭 餘 糧 趨 户之所 色減 暫 南 直 色 緒。 颗 允 利 時 期 亦 北 更 裝 添造 定 兩 爲 所 Ψ. 如 趕 胥 槓 不 , 則 口 船 卸 慮 例 省 此 一年僅 蒸霉, 以具之用 役 飛 運 色 深 額 H 者 所 船 乾 自 種 海 所 次 全 無 慮 津 種 需 期 事 外 更 需 户莫 員 有 以 船 商 差 者 漕 侵 索 必 古 添 必 南 以 Ħ. 官 駁 行 潔 有 貨

惟 П 處

又

則 覓 不 果 可 浄 備 畏 運

露節回 限以 即 裝客 次運 大者二三千 Ш 浙 上 海 艘 几 更 東 赴 運 可 肥 Œ 皆歷 失,無 一,始 往 道 有裨 近 北,立 漕 得 濱 太倉 其 , 必 海 處 貨。 齊 裝。 ,有鶯游山之失。 夏 ,又不可 返十 行 無 致 多以 益矣。 空,再 試 趕 月 開 踏勘 秋以 季最 公私 起廠造船 可 庸 至小 之人, 裝客貨,年 放。 卸 其裝糧時日 别 ·餘次,以尋 疑 ·石,小 船 通。 運關 爲便 造 小 者 前 不 兩 「施彦 迨天津 爲 滿 試 誤。 預 有 又 業, 無 至 節 以以 捷 四。 爲 其 亦 東 可 然 庸 穀 甚 便 往 ±: 底 必 防 T. 客 到 别 漸 元 雨 開 崇明沈廷揚, 全數 須在 百以以 如 至 來天 貨。 及 昔 齊 可 餘 經官 人故 加 節 凍 募 欲 也 該 邱 石 增。 天 如 、後,必 屢 海 年内 口 權 船 又 不等。 津 津 數 造,率 道。 濬 今日 如 試。 漕 南 船 時 八 殷 今開 能 慮 П 交 熟 党糧 可 趕 户 全 日 運 卸 海 隆 九 南 而 再 其 習 虚器 數 到 運 求 募 春 多 海 生 慶 道 月 籌 裝 便 再 有 仍 全漕 П 齊 陸續 爲 夏 置 其 禁百 間,王 長 不 内 海 次 素,皆 裝漕 熟 不 限 空, 兼 無 儹 堅 海 運 駁 年 到 堪 業之窮 運 督 緻  $\equiv$ 上 漕 南 趕 卸 駁 惟 昔 擬 用。 米。 宗 其 月 時 官 牢 + 米 裝 踏勘之人, 天津 赴 有 猶 沐 人 募 至 尚 卸 日 員 實 餘 關 海 春 擬 夏 抗 以 漁 便 則 可 通 民 年 東 北 船 於 沙 今 百 不 户 至 疏 者 海 赴 夏 海 而 倉 船 崑 無 江 習 浩 運 有 船 Ш Ĥ 後 新 兩 船 不 米 餘 七 而 船 耕 松 難 春、 該 造 耐 耗,今可 知 帑 擇 正 文 僱 藏。 四 石 分 言 不 年 鑿 T 船 於 商 以 額 價 船 常 即 安置 裝 過 造 百 萬 民 漕 似 户 ,若實計 以 二運 載, 以 鎮 百 石 五六十號 船 往 其 無 可 殷 運 亦 辦 漸 量裁之, 造 者。 來海 便四 勞 四 數十隻。 照 良 轉移, 濟 須 亦 不 海 船 費, 失。 + 南 沈 者 之也 水 下 可 全 運 銀 外 七 不 風 廷 Ť 及旂 督 腳 數 裝 仍 然而 有 幫 其 取 甚 督 知 揚 之, 每 遭 有 給 今先 何 則 撫 朝 無 利 議 船 約 況 千 餘 月 覆 1 無 有疑 不 可 沙 以 4 廷 不過 至爲 Ŧ 號 變 溺者百不 糧 行 餘 計 便 舉 每 庸 + 疑一 船 簽 與 石 通 糧給之,已省其大半, 兩 軍 石 别 大洋之險,或不免 休 船户, 大 1, 其 帶 穩 之 船 百 委 況 者 不 也。 蓋 米四 歸 其 無 當。 初 所 兩 餘 就 其 三手 可 軍 可 無 反 Ŧ. 以 一二,又率在秋、冬。 以 六 船 然 餘 即 況兑 前 疑 行 口 伍 百 多 錢 四 濟 備 \* 而 事 明 次 奏 掣 者 石 疑 或 運, 百 各 數 一覆。 有 號 沈 有 石 糧 折 肘 别 餘 船 由 疑 廷 沙 此 漸 非 也 也 時 合 隻, 即 開 海 改 通 揚 船 所 乃 爲 原 漂 蘇 其 慎 近 屯 抵 運 融 毎年 所 力 1 至 有  $\overline{Z}$ 前 有 溺 無 石 便 重 田 海 賠 通 後 勝 議 所 意 頭 無 每 嘉 者 六 庸 IE. 如 補 每 稱 从 俾 號 慶 約 而 生. 旂 石 别 百 供 蘇 千 帶 石 11 沙 + 安 省 須 計 若 不 開 T 而 加 其 餘

委員 也; 言 之不 船言 六百 未 皆 非 从 必 户 二石 值 兩 以 以 饒 運 泊 全 何 其 不 知 也 其 兩 六 前 軍 在 酌 建 用 之。 六錢 至 處 可 隨 所 三十文,合足 Ŧi. 錢 耕 江. 萬 可 無 康等 水 議 斗 劉 太 案 起 到 行 可 須問 計 南 人 據 風 運? 若平 此 力 加 家 倉 隨 者,折 之也。 哉 则 则 慮 米陸 載 乎 叮 短少 處運 增 港 劉 事 卸 者 奴 江 ! 蘇 以 底 海 兀 家 | 阮 絶 負 或 有 石 淮 守 至 合 織 蓋 糧 沙 而 道 若 至 港, 明 疑 祇 無 不 錢 米 程 風 須 蘇 船 在 不 就 率 淮 兩 即 閣 抑 踴 須 泛 問 志 F. 石 八 胥 絶 在 現 迨 安, 領 遠 由 部 勒 躍 錢 海 史 婢 忠 百 海 吏 在 海 武 不 受 亦 杭  $\Box$ 在 稽 从 所 易 震 八十二文, 船 民 宗 由 雖 聞 載 百 航 止 沙 事 禀 留 而 嘉 牐 海 索 啓 價 至 利 未明 沙 餘 外 而 須 以 Ŧi. 者乎? 从 Ł 道 方 行 大 每 津 寧、 船 恐 錢 往 在 文。 海 洋子 條 如 Н. 石 四 然 言 達 畏 浮 六 來 卸 道 沙之險, 台 果 攷 争 年 後 京 問 其 過 費 百 即 耐 載 然以 諸 行 江 先 史至 兩 其 師。 人 諸 險 無 餘 極 關 以 逆 府 成 恐 四 恐 無 海 則 貴 素 也 窮 文。 東 流 江 事 後 人 Ш 錢 元二十 斛 又二十 蓋 口 浙 之 不 也 海 而 東 蹟 時 則 手 習 沈 爲 疑 況 價 江 而 石 每 上 寧 覈 之糧 其 而 海 廷 風 尖 誠 舞 者 現 當 何 如 兩 江 或 之 Ŧī. Ż 時 不 揚 利 底 弊 俾 四 定 沈 海 江 折

閩

運 船 也 價 議 蘇 錢

有 不

年

似 知 當

池 尚 年 爲

太 劉 會

倉

衛 港 録

亦 海

由

江

家 計

用 當

船

曆 中

<u></u>

侯 部 征

足楨 於

督 州

海 太

運

總

蘇

倉 湯

權

宜

之制

故

帖木兒)、户 儲糧 泰,以 之石 「永樂元年,令江南 人海 特 倉 杭 造 人 繞 苦 此 舟 其 月 糧 人 書 海 部 處不 墩, 出 閩 浙 走 以 舟 師 率 海 實 詔 之始 明 則 并 尚 沙 登、 備 鹽 數 江 詔 船 又一 海 遺兵 陶 非 書 前 江 州 易 漲 海 斷 萊大洋 江. 萬 舟 宫 本 船 ,然大局 糧 此 齊 淮 淺 運 無 候 運 舍 部 意 浙 保 之不 大底 履 由 自 别 于 供 等 江 糧 也 由 糧 尚 E 而 登 亨 後 ·, 以 自 嘉 書巴延 浙 民 給 輸 海 船 處 後 小 州 由 海 赴 海 徴 糧 興 糧 亦 遼 直 明 道 財 易 抵 達 餉 斯 運 海 亦 之 運 海 祇 賦 東 沽 太 運 壞 悉運太 盡 潦 澉 直 道 之 起 非 與 由 祖 京 澉 運 特 府 數 沽。 陽。 浦 可 船 運 江 河 又二 太 Ŧi. 洪 師 浦 于 歲 又 穆 赴 之理 知 乃 中 道 倉 年, 倉 武 江 爾(《元 倉 總 辦 湖 改 此 或 而 所 州,于 年, 相 載 元 候 泊 糧 廣、 崑 皆 命 仍 雖 平. 浙 宜 故 年, 表 于 充 海 于 令户 Ш 兵 靖 由 其 江 且 江 裹 舟 史 運 此 運 平 萬 州 戈 海 命 此 後 之 先 於 元 西 洋之標 行 名南 洋。 分段 約 叮 滧 明 行 計 確 本 慎 而 元 别 轉 運 禹 開 百 寄 不 之始。 縣 Ŧi. 指 無 重 代 開 般 由 至 貢 四 椗 槎 之 + 其 行 可 落 畔 此 所 生 登 詳 通 相 里, 出 + 準 Ш 泊 新 道 運 開 岸 載 道 州 即 并 州 逕 加 里 船 里 米 秦、 開 生 揚 庭, 雖 實 吕 係 屬 繪 詢 蘇 數 河 人 道 明 州 狼 泗 荒 外 旲 圖 舟 問 唐

户

部 灘

尚 淺

書

貢

師

處

,然皆多

事

之秋

南

大將軍

和

粟

展

轉

以

達

杭

由 作 末 則 故 此

海 伯

道 顔

至

慶

元

抵

方、張之亂

史

劉

家港

當自

有 +

海

澀

躬

履

艱

是以 之糧

松

江

秋

乃

全 嘉 運 急

家

港

至

元

+ 用 興 至 又

四 劉

年

水

湍

多

石

磯

真

州

泊

从此以 ,爲候風 八爲勞 海 松鎮 目 其 人沿 貢 洋。 場 淞 Ш 即 貼 人 雖 北 賦 小 證 鎮 費。 對  $\Box$ 定 實 今 説 百 亦 人 所 無 惟 嶼 島 以 右 東 放 人 沿 出 焉。 以 創 沙 居民 偶 轄。 求 有 微 紀 洋,繞 黑水大洋, 迤 洋之所 誉 之洋 更 惟 船 海 行 + 自 就 道 嶼, 載 所 百 第 香 達 不 里, 今年。 所 元 第三段, 西 其 轄 八 非 代 面 得 淮 行 亦 行 岸 験以 + , 崇明 又 道 可 段, 嶕 海 約 其 寶 難 旲 對 冀 七 又 泊 里至佘 即 運 難 至大洋梢 盡 逕 第 淞 Щ 出 自 州 北 水色, 自 稽 Ŧ 最 淺 道 但 縣 之州 屬  $\Box$ 縣之復 載 夾 百 佘 上 如 里 久 能 地 初 至 無 右 泉 餘 Ш 海 明 Ш 至 格 寄 謹 縣 至 行 + 怪 尋 里, 碣 縣 縣 則 向 + ·, 不 寶沙, 對 椗 以 于 第二段,自 摘 汛 滧 其 大 石 對 黄 正 由 水 效, 大洋 名 針 出 敘 地 難 其 人 爲 出 北 浦 敢 膠 之洋 深十 大凡, 路 蛇 盤 路 · 自 海 之洋 是 東 迤 不 微 П 比 萊 浩 Ш 爲 險 偏 出 爲 岸 至 照 究 倍 不若 内 即 丈 惡 面 瀚 宜 V 面 東 大 内 崇 東 略 核 難 加 河 海

里,又 見 南 也。 見 沙 子 東 即 鷹 針 江 對 面 南 河 Ш 對 起, )埂,舟 高 /,接 午 洋 島 頭 南 游 П 南 無 出 有 鎮 出 約 至 之洋 第 麗 之洋 汛 必 Œ 佘 島 沙 對 掘 風 九十里 北 漲 黄 应 諸 須 埂 所 針 Ш 嶼 出之洋 港 人呼爲 至 甚 沙 則 偏 轄。 段 又 山 與 口 面 fi. 誉 面 Ŧ 射 洋 遠 針 北 東 因 起 Ш 依 條 所 過 陽 Ŧī. 約 港 頭 佃 至 又 故 東 面 江. 暗 六百 宜 轄。 至黄 鷹游 沙 避 用 湖 對 文登 北 鐵 偏 將 南 伏 湖營所 頭 廟 避 過 百 對 羅 出 至文 近 雲 槎 東 海 門 里, 之。 灣營 又 家 山 並縣之馬 暗 盤 八 出 之 大 Ш 中。 梯 北 往 港 + 之洋 洋 沙 格 登 沙,仍 統 關 遥 個 轄。 又北 若 所轄。 對出 北 至 里, 定 面 歸 對 縣 再 字。 外 恐 船 鬬 即 方 面 頭 之 狼 又北 换 迤 東 東 之洋 約 謂 行 至 龍 須 向 嘴 Ш 東, Ш 鐵 過一 如 風 之南 海 安 鹽 IE. 均 偏 港 東 鎮 槎 針。 過 西 轉 至 東 誉 城 百 百二 對 面 西 有 日 汛 所 南 海 東 Щ 偏 旺 槎 針 誉 縣 六 大沙 出 約 照 始 地。 東, 洋 風 + 此 州 + 向 轄 所 灌 之洋 船 縣 北 白 能 沙 汛 贛 轄 里。 北 河 里 則 界 百 行 槎 凡 佘 對 徑 計 界。 略 榆 口 道 直 落 針 面 舟 二十 成 東 Ш Ш 行 東 自 縣 對 黄 又 又 約 西 用 過 上 北 自 北 至 東 Ш 船 鷹 河 經 佘 出 北 行 子 北 佘 里 之洋 此 是 由 水 積 西 應 Ш 游 口 至 泰 午。 Ш 師 帶 便 爲 以 向 用 加 門 苗 H 狼 始 稍 州 至

之所 計 + 偏 島 托。 起 百 頭 島 針 深 試 爲 密 Ш H Ш Ш 東以 至 路 東 Ŧī. 餘 至 百 頭 試 至. 至 島 試 至十 改 可 省 托,十 六 廟 里。 可 成 也 隱 水,均 水 石 五十 餘 針 水二十 泊 靖 托者 洋 托 避 島 Ш 隱 島 里。 泊 托上下 止 向 之。 海 又 洋 第 面 至 叮 惟 托 約 西 滧 在 西 衛 見。 面 Ŧi. 島 以 九 水緑 略 托 上下 開 又 三十 六 約約 又 至 段, 百 + 門 北 北,人 鉛爲 及 百 上下,水 船 百 即 廟 威 再 零 托 東 榮 色, 試 自 餘 至 百 托 餘 島 海 行 視 知 Ŧi. 不 南 墜 蓬 成 里。 四 石 水,自十 里, 衛 北 船 上 半 島, 等 。 之東 針 水 向 萊 縣 + 島 仍 下。 洋 日 緑 到 用 盤 雖 中 百 之 縣之廟島,二百 里。 春 至 大沙 汛 緑 色 繩 船 有 仍 即 餘 以 石 有 俚 時 界。 色。 繫之,探 順 常 托至二十 至 里。 用 則 三十 至 針 島洋 俱 島 洋 乘 風 廟 Щ 子 石 係 盤 西 至文 榮 遥 風 面。 午 頭 養 島 又 島 Ш 定 易易 北 成 Ŧi. 面 望 日 西 淺 略 水取 魚 洋 東洋 方 以 縣 島 登 北 行 餘 約 托 灘 至 偏 池。 人 面 帶 地 向 爲 東 縣 槎 過 東。 上下。 餘 福 百 難 則 面。 均 之劉 大沙 有 海 南 宜 及 猶 里。 爲 Ш 六 此 石 也 出 係 道 避 暗 風 石 从 南 須 縣之之罘 + 赴 順 島 公島 礁, 島 黑 爲 試 試 自 里 行 常 成 北 北 風 每 自 居 水, 地 大 水 船 石 扼 水 過 用 山 再 fi. 鷹 民 帶 定 在 行 島 約 轉 俚 佘 游 而 要 漸 再 尺 水 稠

操駕

日

昔

之望洋

若

馮

夷,莫不效職。

軍 今海

兑

米已

畢

憚

于

空

歸

牽 無

挽之勞

運,則

過

江

米

盤 石。

剥

費 而

數 人

+ 淮

歲

計

不貲。

今

海

運

將

不

能 往 萬 以

也。

各 費

軍

有

行糧

有賞錢

有有 船

安家。

其

稍

帶南

+, 貨,

免其

抽税

漸

減

行

共

費米

+

三萬二

百 與

寧

國、

太平,共

糧 計

幾

百

萬

石

勘 也。

報

稽 海

違

以

誤

總 雖

利

也

今 挂 運 必 家

運

既

通 生

有

漂

流

實 今

無

有

初次試

行,

即

裝

\*

,行之七八年

猶

祇

人,不損額

漕

稊

米,

内 坦

河

7爲易

議 直

者 上

每 一,無

謂

途。

揚 精

帆

至六托. 之罘 雌 事 其 七 如 滄 九 河 興歎 而 運 逆 海 運 出 崖之窗崒,無港汊之灣環 Ŧ 第 其 數 運 瀛民蜑 今之所運 百 米數十萬,漂 百 上下,水黄色 島 運 登、 + 流 六六段 後 萬。 費財 其 里, 六 更 如 以 效, 最 實 沈 挽 + 稍 微,故史不 萊 針 多 禹 爲 經 永樂中 客 廷 北 東 縴 境 自 餘 海 對 波 誉 揚 貢 一, 生 者。 抵 向 百 其 萬, 内 廟 運費人,由 大西 濤 已 自 湯碣 大洋 天 八 島 初 失動 長 不測 自 對 津 仰 閱 淮 + 水 调 承平 運 陳瑄 石 偏 載 總 始 渡 至 惟 年 河 餘 底 掖 亦 人 以 北 者, 至 關 軟 聖人在 餘 П 佘 里 縣 習 僅 河, 始 明 計 萬 一終,不 今觀之,海 開 東 Ш 泥 小 久已 計。 四 所 即 沿 建 初 水 于沙線 洋, 秦 石 萬 運 倉 張 道 可 程 北 抵 途 位, 起 視 島 較 溺 从 七 于 里 四 試 赫 向 天 抛 黄 諸 爲 海 未 千 萬 日 直 等 無 千 鐵 津 即 錨 水 國計 索之官 今 歸 往 省 後 每 漕 欠。 開 立 患南 若夫難 至 海 剥 蘇 運 郡 行 洋 幫 運 將 石 河 深至遠之計, 果費 淺 則 四 遇 或 松 海運 船 . 兑易 扣 浙 H. 益 遂 般 沈船 ,不必立幫,二利 淺又 以 利 利 數 漂流 足, 行, 鑿 過 江 海 人 垻 官 也 防争越,守候日 病 府 ,舟大人多,許 沈 江 而 運 否 可 需 蘇、 彼 書 省歲費 復問之民,民力憊矣, 州 與 米 亦 者 而 北 耶 省 漕 船 漕 不 夫押 松、 引 不 卸 逃, 七 ? 剥。 Ŧi. 河 來 H 額 難 升, 待 Ξ. 利 運 常、鎮 而 盜 不 甲 每 然 利 運、交兑、儹驗之費, 章 于 氏

也

漕

河

身 白

開

座

珠

聯,漕

船

久,則

弊 狹

而

軍

食

費。

海 勢 此

來,

先

臣

邱

濬

古 通

E

言

之。

此

或

宗

沐議

 $\bar{z}$ 

别

海

運

兩

並

輸

程

不

可

不

豫  $\Box$ 

耳。

汝成

案 漕

生

多。

唐

宋偶

餽

運三十

-萬,最

多

至 運 腄 餘 槎 東 候潮

輓

遼

左

乃

在

里。

又曰

古 西 旲 計 再

來 瀛

海

關

外。

計

自 約

П 口

Ш

歷

成

Ш

轉 淞 海

賊

日

潮

濕

侵 立

蝕

實

皆

無

可

慮 先

但

啻十

之四

Ŧi,

東

南

民

力

庶

有

乎

?

而官

與

丁

亦

敝

使 鳩

> 屬 疲

天下,

而

T

船

經

行 海

内 運

河

提

溜

挽閘

多

不

能

省。

1 蘇

則

費

財

之説

舍

亦

奚

以

易

之?

在 入直

+

四 進

Ŧi.

托

口

一隸天津

海

 $\Box$ 

約

廟

島

尤大

可

以

停

ら泊。

六千石

而

己。

即

元

代

抵 沽 初

天津

時 百

詫 萬

爲 爲

異 名。

亦

IF.

以

Ŧi.

不 糧 齊 諸 色, 即 六 改 利 本 色, 也 守 漕 候 河 頗 行 艱。 糧 有 若 在 海 水次 運 則 隨 須 支者,每 盡 給 凡 每 徵 應 收

米不 行,百 者 料 水 所 價 貲 山 不 輕 貨 廢, 達 湊 齎 海 如 合 九 月 運 洪 利 物 則 糧 武 也 等 價 行 既 甚 項 + 遼 料 輕,行 迅 年 東 急, 理 故 孤 自 懸 耗 户 事 齊,七 亦 米 餉 可 + 裕 饋 節,八 利 利 甚 以 也 也 艱 貨 利 歷 海 推 漕 也 代 運 米 行 漕 既 H 海 亦 久, 運 通 運 深 大 耗 則 計 既

然 海 運之利,在 前 明 已 略 見矣 也。 開 率

兑運之弊,盗

賣侵尅,甚

或官

軍

俱

逃。

今行

運

欲 利

船 雇

e

時

即

,春初入兑

夏 返

盡

即

休

疲 海

困

自

蘇

+

募

轉

般

,今行 住

直達

往,往

~疲勞。

若

運

則

每

行

Ŧi.

鼓

盜

誰

市

欲

逃焉

往?

+ =

利

也

其

言得

失

雖

屬 海

蹄

筌

濟 陷 功 石 詣 軍 役 交阯,徵 師 闕 艱 舊 上 難 唐 士: 書 諸 書 卒 軍 言言 道 食 屯 懿宗 兵 盡 廣 赴 則 江 州 紀》: 嶺 西、 散 乏 南 湖 食 此 南 咸 官 時 泝 通 潤 深 湘 流 州 慮 灕 年 運 人 糧 泝 陳 臣 南 不 運 有 磻 緧

奇

計

以

饋

南

軍

\_

天

子

召

見

磻

石

大

奏

漕 無

並

行。

江.

東之粟照

舊

河 元

運

而

以

西

東 與 今國

家都

財

賦

自

東

南

而

來

者

僅

恃

會

通

河

識

者

意外之

若

尋

元

人

海

運

之道

别

通

海

運

路

河 不

臣

弟

聽

思

曾

任

雷

州

刺

史,

家

人

隨

海

船

至

海

帶

由

海 江 慮 燕

運 西

未 湖

爲 廣

非策

也。」又曰

人由

海

運 浙

或

至

損 瀕

策,命 之以 視 此 督 啚 唐人亦轉東吳稉 盧 裝 日 有 官 致 福 : 河 至 歲 中 籍 注 不 循  $\equiv$ 船 建 『元史 末年, 運。 足國 漕之費 樂之運 自崇 羅 闕 故 萬 ,不一月 一揚子 壁 至 供。」「沈氏 往 則 石 事 專 等 明 大中 不專 所 褑 來 仰 造 始 由 至 得 院 元 平. 海 海 於 大 稻 廣 益 執 於海 人 運 以 至 底 道 元 專 以 多,故 海 船 府 政 矣。 江 初 海 人 給 日 督 廣 運 道。 淮 是之, 船 京 丝红 邱 伯 州。 海 民 終 説 隻, 運 師 燕 又 江 <u>一</u> 十 顔 元之世 無 濬 者 運 糧 平 浙 然以 引 輓輸之勞 謂 至 口 介,於 得 从 宋, 財 以 八 元十 雖 劉 致 賦 年, 海 給邊 海 船 命 有 海 是 磻 裕 府 道 千 九年, 風 張 數 立 運 運 方之用 所 抵 石 康 海 瑄 或 濤 都 自 石 + 不 辦 直 漂 爲 有 轉 承 路 秦已有 廢。 朱 始 糧 沽 艘 儲 溺 運 訓 鹽 建 清 谁 自 充 而 之虞, 蓄之富 萬 梁 是 己。 運 海 等 之 鐵 之, 軍 便 户 福 夢 運 以 時 府 軍 洲 建 破 可 龍 妖 白 之 用 猫 宋 而

1172

運 郡 嘗不兼用海也。 利 海,達於淮泗』,又曰 『夾右碣石 海 萊以泊 壞 轉 者,以 渺茫 作 實專於便易矣。」《山 俑 輸北河,其 於秦,而效法於元 無際者迥 天津,本名 起自 太倉、嘉 (制未盡非,而用民失其道 秦人飛芻輓粟,起於黄、腄、 異。 北 海,中多 定 誠 居 偂 議 ,豈通 贅論》曰: 北 運 於 島 也 論哉。」 人於河」,是貢賦之道,未 此,是 嶼, 若 可 但 「《禹貢》言『浮於 名 以 自 1雖同 避 淮 矣。 風 安 琅琊 於 而 與 説 元 東 者謂 負海 東 人, 南 循 之 江. 而 海 之 登

## 燒荒

之, 劉 無 契 謂 丹 事 仁恭歲燎塞 之「燒荒」。 戰 於秦,則秦 乃 守邊將 或 乞盟 策》: 士 是 一, 下草, 公孫衍謂 唐 且 也。 書 燒 至 **焫**,獲君之國 》「契 使不得 秋 其 月 法 義 丹 草 渠 自 留 枯 每 君 七 出 牧,馬多死 人 日 或 、寇幽、 塞縱 時 中 火, 薊 有 或

英宗實録》:「正統七年十一月,錦衣

東。 巡邊, 荒 寇 石 後改名有貞 水 約 蓋 衛 侵,❷半日 冬坐卧 草 出 日 ,遠者不過百里,近者五六十里,鹵 鹵之所恃者馬,馬之所恃者 指 各出 没, — 出 揮 可 同 分爲三路: 恃,如 僉 出 塞三五百 大同,抵 可安矣。』 可至。 事 即 數百 亦請 王. 相 此 瑛言 機 則 里 每 乞敕邊 剿 外縱 萬全; 年 在 翰 里,燒 殺。 我 出 九 林 禦 月, 火 雖 宣 院 將 鹵 荒 焚 有 此 府,抵 編 盡 莫善 出 燒,使 遇 哨 先 修徐 勑 草。 山 時之勞, 秋 瞭 朝 於 坐 赤 海, 深, ;程(原: 燒 一營將 鹵 燒 如 近 城、 荒 遇 抵 馬 荒 率 馬 年 注 , o 舊 邊 潦 獨 官 無 兵 來 燒 而

制,₫誠守邊之良法也。

②「鹵」,據《校記》,鈔本作「胡」。下一「鹵」字同
① 「鹵」,據《校記》,鈔本作「虜」。下一「鹵」字同

<sup>「</sup>邊」,據《校記》,鈔本作「虜」。

<sup>「</sup>先」,據《校記》,鈔本作「本」。

### 家兵

間 于 于 郡 教、金國 如 敢 辭 傳 或 漢 傳 師 令過本郡簡募家兵。 久,不 唐 戰國時之陰養死 Ŧ. 出 書 逼。」〔汝成案〕將帥 疾 志 越、 藩鎮之牙兵, 歸 郭祖、公孫犢等皆降。」《晉 古之爲 鳳、侯 儁 爲 馬 得 爲 吕 冉 朱 第, 永、 不用選 司 求 虔傳 儁 馬 河 良 以 徒 以 傳 將 柱等傳,皆有之,並著 芳、 内 家 鋒 謂之外宅兒,至結 士,漢李陵之荆楚 武 》:「領 者, 梁 太守,將 兵千 楚 以 城 「 交 震、李成梁、 家丁,前代多有。 求制勝。 Ŧ. 必 人 泰 餘 瑋 有 胜 張  $\equiv$ 人 將 Ш 家 燕 賊 百 素 豫之 閉 害 然養之不易,散之尤 反。 爲 太守,將家兵 兵 寇 滿 爲義 劍客亦其 門 汝 己 桂 擊 河 成效。 卒。 子。 距瑋 南 徒 《明史》所 卻 内 拜 張 書  $\pm$ 神 之。」《三 儁 卒 大約 其 • 王 逼 類 武 ^ 亮, 刺 始 也 近 瑋 春 則 趙 在 史, 載 渾 到 後 渾 不 秋 出 率

> 移 官 其 難 豪俊,優 非 有遷移,或有數年之功廢于 以 難 此 衛身衛國 召 其獎賞,勤 亂 亦 時 所裨多矣 時 其訓 有 之。 練 任 則 師 旦 屠 中 尼沽皆可 之歎,然所 者 惟 當 使 簡 成 至如 擇 勁  $\pm$ 旅。 此 伍 雖 轉 拔

## 少林僧兵

僧兵 寺 孽, 廓 惠 Ŧi. 大 東 垂 法 教 將 碑》所 其 臻 千 令範。」是時 都危急,旦夕殄除。 師 介,負 等並 騎 所 軍 少 解日 兹浄土。 起。 餘 林 宿 璽 稱 寺 于 能 ,持千牛刀以從。 不受官,賜 考之《 志操、惠 中有 瀍 「王世充叨竊 深 立功十 西 悟幾變,早 聞 唐太宗爲 楊 魏 以 瑒、曇宗等,惟曇宗 王 書 欣 別舍。 地 有三人, 裴漼  $\approx$ 尚,不 並 四十頃 非 宜勉 孝 識 秦王 據 武 妙 舊 沙 可 終茂 帝 因 敢 唐 門 時 思 擒 西 違天常 此 都 賜 議 《少 功, 奔 少 彼 維 寺 林 元 拜 林 以 兇 那 以 僧

進、李 隊; 史》: 之間 兼節 賊 謀 乘 和 突 反,結 雒 + 童子行爲 车, 嵩 ,固世有異僧矣。 制 韋 城 范致 再 軍 無 而 興 勇 馬。 虚以 出, 兵, 告變,留 Ш 士: 僧 數 欲 僧趙宗印充宣 軍,號 宗印 員 嵩 百 竊 浄與 人,伏 守 岳 發 以 吕元 焚燒 淄 淨 Ш 僧 勝 青節 于 爲 棚 膺 宫 隊。」 東 盡 撫 乃 殿 度使李師 都 軍 擒 出 司 然則 之。 進 參議官 兵 小 號 (圍之, 奏院 嵩 將 尊 《宋 勝 楊 雒 道

禦倭 得 聚 武 矣。 干 持 戈 兵 事 鐵 0 拒 以 於 宋 棒 於 嘉 誘 松 靖 靖 擊 金 Ш 扞 勸 殺 中, 中。 康 百 江 疆 倭 時 晝 方,終不 埸 少 甚,衆, 夜苦戰,寺舍盡 其 欽宗召 林僧 有 則 徒三十餘人, Ŧi. 不 顧 臺僧 皆戰死。 月空受都 得 對 曰, 曰 以 便殿,命之還 真 其 : 寶, 一吾法 髡 焚,爲 嗟乎, 自 督 徒 與 萬 爲 中 其 而 部 表 金 徒 有 外 能 Ш 伍 檄 所 習 之 執

> 入賊 死,山 僧 以 化 僧 羌界,寺族多陷, 棄 極 曾 募者亦數千人。」《唐書》: 爲 也 《後周書》: П 流賊 厚。 **堯**臣 中 奔鞠等, 疾 之罪 一。」怡然受戮。 僧 起 誉 ,劉千斤之亂 知其將奔金,追 三其 義 東 曹 充 《獨醒志》: 與 豪傑皆 彬等渡江,寺僧來抗,金陵陷 者,作詩 斥, Ŧ 拒 「齊主緯 吾 亦有 斤鬭,千 ൬ 乃 起兵。 既 不 募 惟 從 廬山 屠羊 ±, 桑逋 許 康 殺之。 既被 日 斤 都 而 聘 有 宋 詔 督募 乃降。 寺僧 僧 圓通寺,南唐 擒,任城王 賞 説之遺意 少 「李罕之少爲浮屠,後 德 皇 《金宣宗紀》: 義 室 諸 時 紫微 看 祐之末,常 一帝 端 僧 僧 崇 逋 危 鈐 訓 亦 以 禎 Ш 聊 轄 昭 湝 聚 練 中 僧 死 者哉。 逋 之。 衆千 乃遁 時 猶 作 IE. 惠 史 賜 固 夏 將 通 將 斯 記 豈 餘 守,沙門 州 此 田 等 没 剿之。 人犯 去。」金主 言 干 皆 當 及答 官 欲 事 有 去爲盜 〔趙 頃 知 僧 。明 積 遁 妄 定 萬 氏 陳 兵 通 那 養 石 來 州  $\Box$ 言 復 故 安 直 辛 成 寺 州 亮 之 應

❶ 「金」,據《校記》,鈔本作「酋」。

事

也

## 毛葫蘆兵

唐、鄧 號 班 陽 而 相團結,號毛葫 軍,免其差役,令防城 倒 毛 傳 鄧 完 葫蘆 **\*** ,謂之毛葫 州等處毛 Ш 金、 史 居者,以毒藥漬矢,以射獸,應弦 軍 ,甚精鋭。」《大學衍義補》:「今 商 順帝 葫蘆義兵 蘆。 義 蘆 兵 紀》:「至正十三年,立 軍,故以名之。」《朵爾 以 自效。 獸皮爲矢房,如 (萬户 府,募土 因 其 鄉 人自 人 瓠 直 爲

子者,即今之民壯也。」 時多剛縣夷爲寇,用白芀子兵破之。白芀 成化三年,國子監學録黄明義言:「宋

## 方音

僕,音雜夷夏,雖在公坐,諸王每 啞 王 道 異 既 道 斥。 仲由 少時,舊有 諸鄙拙」。《世説》言:「劉真長見王丞相 未 士: 何 林入東、見王子猷兄弟。 惟 出,人 啞聲。』《北 而 憐「素無 變,雅道風 如 之 등, 夫子病之、 鴃舌之人, 孟子 操 而《宋書》謂「高祖 <u>Ŧ</u>i. 聞 ? 方之語, 一鄉之音,亦君子之所不 問問 作 吴語 答曰:『見一 田 見王公云何? 才能,言音甚楚,舉 流, 舍名,語音亦楚。」又言:「支 史》謂: 耳。」」又言:「王 雖 無聞 各 不 .焉 丹楊 羣白 同, 爾」。 雖累葉江南,楚 答曰 然使友 還,人問  $\pm$ 項 劉 又謂長 烏, 止施爲,多 『未見 一大將 侮 取 昶 弄之。 但 天下之 叫 也。 見諸 聞 罵 軍 沙 僮 唤 年 他 Ŧ 所 故

博,而 曾習《 始 則 則顏之推 史》本傳。 賦》:「蓋音有楚夏者,土風之乖也。」則學徒不至。 「原 若乃講經授學,彌 語 尤忌俚俗。 無 夫 曰:「河 而 也 惟 況 以 注』《梁 ,若《易傳》、《論 鄉音。」其 君 於士大 創業之君,中興之相,不 舊 周官》 子爲能通天下之志,蓋必 東士族,京官不少,惟 音 鄴 書 不 不改,則 下人士,音 所賤 願 儒林 《公羊》多齊言,《淮 夫 而 以 八乎? 音 傳 爲 可 》陸 乖 重文言,是以孫 兒師。 知矣。 爲 語》,何嘗有一字哉 倕 楚 北 梁 辭 云。 夏,〔原注〕左思《魏 齊 人所笑。 鄙 〔原注〕《家訓》。 至於著 楊 李 陃 免時 業興學問 此家兄弟,全 愔 風 稱 自其 操蚩 南》 〔原注〕《北 詳、 書作文, 人之議 裴 一發言 多楚 讞 蔣 拙 深 之 顯 都

辭多奇澀,蓋亦當世之方音也。」《金史‧國語解序》曰:「今文《尚書

士衡多楚。可謂銜靈均之聲餘,失黄鍾1方音。劉勰《文心雕龍》云:「張華論韻,《荀子》每言「案」,《楚辭》每言「羌」,

謂

之正響也。」

皆

## 國語

北 而 謂 可 相 語。●後染華俗,多不 悉陵 之《國 人語,敕在著作,以 歷考後魏、北齊二《書》,若 傳教習,謂之「國語 後 以國語 魏 語孝經 初 定中 譯《孝經》之旨,❷教於國人, ×, 原, 〔原注〕並《隋書・ 備推 能 軍 通,故 容 孝文帝命侯伏侯 訪 號 孟 孫 令, 皆 録其本言 搴 威 經籍 以 以 本 能 明 志》。 或 通 解

- 了一点,據《校記》,鈔本作「以夷」。
- ) 「國語」,據《校記》,鈔本作「夷言」。

語 唯 書 帝 之人。 其 遺突 時 復 鮮 之主,齊神武亦英雄 死罪,乃謂沖曰: 降爵黜官。若仍舊俗,恐數世之後,伊雒之下,復成 三十已下,見在朝廷之人,語音不聽仍舊。 成其事。  $\pm$ 言於朝廷,違者免所居官。」〔原注〕《魏書・ 和十九年 一禧傳 者言之,即 官名 憚 第 參 卑 高 語 昂 厥 服 相 朕嘗與李沖論此。 若 昂 於是韶年三十已上,習性已久,容或不可 制 · 宣 可 0 於 府 傳》: 汗,並 在 「孝文引見朝臣,詔斷北 六月己亥詔:「不得 度 爲 昂 主命: 傳 劉 列 正矣,何必 『卿實負社稷。』沖免冠陳謝。」《 無 號 世 則 高 **令**; 作 見 於時鮮 清 不用 爲 祖 突 遇 沖言:『四方之語,竟知誰是? 以 祖 改舊从新?』沖之此言 每 有大畧者也。 華言。」孝文用 厥 時 能 珽 漢 申 主 語 卑共輕 通 以 令三 語 翻《 語, 解 四 寵 鮮 涅 裔 以 絶 軍, 而 中 从正 卑 若有故爲,當 槃 語 北 羣 魏 華朝 語 常 契 夏 僚 。 經 俗之語 孝 音。 0 丹 變 鮮 北 「應合 卒革 文 爲 免 被 禧贊 士; 咸 偏 夷 卑 太 齊 以 然 當 罪 陽

> **您** 語,遂載之史書,傳於後代矣。 居 多循之。〔錢氏曰〕《元史》無《國語解 北 史》創 陲 始 以 本 語 或 解》 之言 爲官 篇 自 名、 是 而 金、元 號 北俗 **令**, 之 亦 而

化也。 餘 則 大理,令其不生同 不 絕舊言,皆所不願。 達新式。 拓跋、宇文之語 時 後魏 衆楚之咻, •平陽公丕傳》:「丕雅 至於變俗遷雒,改官 不 異。」變俗之難 古 傳於史册 帝亦不 不能 勝三 逼之, 者已 紀遷 如 制 愛本 但誘 蕩 此。 服 殷 然 禁禁 風, 示 之 無 今

奏之。 暇,每 後 召 樞密使安重誨惡焉,嘗 唐 入便殿 康 福 答 善 諸 訪 蕃 時 語 事 明宗 福 面 即 戒 聽 以 之日 蕃 政 之 語

<sup>「</sup>魏書」,據下引文,應作「北史」。「裔」,據《校記》,鈔本作「夷」。

## 外國風俗❶

之燕飲 宰臣 禮 日 不 虎 丹部 之不 祭天地,敬親 及古今,又曰:「女直舊風 異 爲 意 知 視 物 衣 款 變此風,非長久之計。」他日 女直風 日 四 食。 族 如 而 歷 方,强 曲 音樂皆習漢風,非 :「朕嘗見女直 遷。 生生之資,仰給畜牧,績毛飲湩 九 外 皆 各 州 或 俗,第以朕 故 安舊 之風 者 ゴ朝弱 出 戚,尊耆老,接賓客,信 家 有 自然。 給 風, 之矣。❷ 俗,考前 附。」《金史》:世宗嘗 人足, 戎備 狃 風俗,迄今不忘。 其善與古書所 故 習勞 朕 ,猶尚存之,恐異 雖 《遼史》言:「 代之史書, 心 事,不見 不知書 所 整完,卒 與臣 好。 1,然其 朋 紛 載 東宫 下 中 友 論 無 今 謂 之 以 契 華 或

> 俗 人 豐腴,登里可汗始自尊大,築宫室以 衆志專 無 俗、是忘本也。 不 碁、雙陸,宜悉禁止,令習騎射。」又曰:「遼 直 漢 異,汝輩 有粉黛文繡之飾 姓 亦 虞,此長久之計 舊風,凡酒 忘舊俗,朕 學 壞。」●昔者祭公謀父之言,「犬戎 囘紇風俗樸厚,君 一, 勁 南 不 可忘也。」乃禁女直 人 食會聚,以 衣 健 以 若依國 装,犯 無 爲 敵 是。 也。」《邵氏 中國 者 家舊 自 臣 騎射爲 海 抵 有 之等 爲之虚 陵 罪 功 風 習 人不 於 礻 樂,今則 學 又 四 聞 唐,賜 耗,而 甚 日 漢 . 得 境 見 居, 異,故 人 미 改 録 樹 其 婦 遺 風 以 奕 女 稱

0 0

知録集釋卷二十九

日

<sup>「</sup>外國」,據《校記》,鈔本作「夷狄」。「外國風俗」,據《校記》,鈔本作「夷狄」。

本無此四十一字,應是潘耒所加。 「又曰遼不忘舊俗」至「此長久之計也」,據《校記》,

<sup>「</sup>邵氏聞見録」,據此下引文,應爲《邵氏聞見後録

<sup>「</sup>其」,據《校記》,鈔本作「虜」。

唯徵 乎薦 治。 懷忠 惇, 誠 沙 張 驕 名茶、古畫 譏 公言,「戎夷之俗 陀之不永,張舜民見太孫好音樂、美姝 昭 監於斯 ,賈生有五餌 淫 能 遠 玩 矜侉,浸以 居 信,以 其所以 帥 以 日 好,服飾 舊 則知 皇弟、皇子喜俳優,飾 ,而知契丹之將亡。● 後之君子 事其 德 漸 有國而 所 而 之策。 競于無等,財賄溢 染 成習,於是中行有變俗之 上。 ,上含淳德,以 守 以 華 終純 勝之之道矣。 風,不務 長世,用 又其末 國之政 固一, ※ 詩 此道也。 由 也, 遇其 姬妾,而 猶 余之對 》、《書》, 于 則 一身之 雅用, 下, 下 有 及 1 如 穆

俗,略於文 國之囚不過數人。』《鹽鐵論 在文書繁,繁故 外國之巧 史記》言: 在 而 敏 文 於事 書 遲。」《遼史》言:「 匈 簡 奴獄久者不過十日, 小。」宋 9簡 鄧 故 肅 》言:「匈 速 對 中 高 朝 或 奴之 廷之 之患

> 曰 : 之能 除拜 舍其 官縣令、録事已下,更不奏聞,聽中書銓選。」然則外 「皇帝四時巡守,宰相已下於中京居守。 官僚,止行堂帖權差,俟行在所取 事 (所長) 勝 簡 於 職 而 中 專, 效人之短,吾見其立 國者,❸惟其 此 遼 之所 以 「簡易」 興 旨,出 也。 一弊也 而已。 給誥 原 切 勑。 公公事 注 若 或 Ţ. 又

分 多 相 何 不 純 以 能 終 曠 實,可與返古。初入中夏,民多流亡,土 至 閒 始 《金史·食貨志》言:「金起東海,其 百 制 復 遺 年 井 邪 民 之内,所 産,放其 地 黎惴惴 溝 其 洫 、弊在 之制 ,何求不 爲 租 於急 庸調 經 , 若用唐之永業、 書 之法 獲 紛 時 紛 ? 之利, 然 以足國計 於斯時 與 踵 其 或 縱 俗

外國」,據《校記》,鈔本作「戎狄」。

<sup>●「</sup>國」,據《校記》,鈔本作「夷」。●「契丹之将亡」下,據《校記》,鈔本有「此固人情之所數句凡二十六字。

不慎 於傷 或 國之所長,而併用 之文;懲宋寬柔, 壞之法。 用 厥 易 財 匮, 操 初,變法以救其弊,祇益甚焉 及 民 切 其 心易離,豈不 勝 中 必 ·葉,鄙 加 其所短也。 至於 遼 切。❶ 操切 害民。 遼 儉 繇是與? 之政。 朴 繁縟勝 訖 襲 金 是 宋 之世, 作法 必 耳。 棄 繁 至 縟

鹽麴 百年,而民亡南顧 安之。宋余靖言:「燕薊之地,陷入契丹且 令明白, 政事清簡 俱 ,無所分於中外矣。❷ 魏 以賤,科 太 武此始 役 制 不 反 煩 心 逆、殺 無繫訊 者 故 也。 ,以契丹之法簡易, 人、姧盜 連 是則省刑薄斂 逮之煩,百 之法, 姓 號

#### 徙 戎

武 后 時 外 或 多 遣 子 侍,❸其 論 欽

> 利 徵 陵、阿 師 也。 父 向 來久矣。 夏 得 安,故斥居塞外,不邇 天授三年,左補闕薛謙光上疏 示 ,不令歸國,此 求侍子。 母: 化之誠,請 徧 之國 自漢、 雜,自 觀 史德 則三王是而漢、 中 然而帝 一,導以 或 魏 元珍、孫萬 古 諭 形 以 納 所 **\*** 勢,其 指 後,遂革其 梯 誡。 解 德 又中葉之故事也。 南之車,此三王之盛 Ш 廣被, 辦,使襲 之禮,貢 中國。 後竟爲邊 蠻 魏非,論其得失, 樂等,皆 貊 有 無 風, 衣 時 前史所 信 E. 事 務飾 冠,築室京 害。 朝 大 ø 畢 謁,願 臣 充 易 則 虚名 先是, 稱, 侍 較 歸 動 聞 子, 其 則 典 其 受 其 難 戎

其論

金時之弊至爲

明

0

夷

至爲明切」下, 此」九字。 據《校記》,鈔本有「今之爲金者有甚

<sup>0</sup> 也」。 無所分於中外矣」, 據《校記》,鈔 本作 無 論 於

外國」,據《 蠻貊」,據《校記》,鈔本作「夷狄」。 《校記 本作 四四 夷」。

之要。 日 稱 狼 横 蕃。 明 裾 並 也。 之遠 以 昔 距 之功,令其展 邊塞之盈 漢》 之智 兵 子 習 庠 戎 叨 郭 邊 『國之利 野 漢 序 殊 竊 等書,官之以 策 於國家雖 翟 欽 長 法,覩 高 ()好慕 邊 心 窺 獎。 惟 人 獻 而 突厥、 虚 雖 成 鄙 居, 0必 徵 策 旋 步 有 敗於圖 或執戟 器,不可 罹 於 質 實門。 效 衣冠之儀; 知 生於 向化之虚 有冠帶之名,在 慕 災, 武 短 Щ 吐 化 或矜其首丘之志 生事 皇, 川之險易。 蕃、 Ŧi. 異 實 史,察安危於古 丹 之美,苟悦 殷 服 部 江 日 以 繇 墀,策名 變。 鍳 契丹等, 改 都 統 名,縱 示人。』在於 於 日覽朝 在 氊 尉 及 納 此 晉帝 昔, 裘,語 歸 ,此皆計 諫 或委 戎 於當 戎秩;或曳 其 往因 部 豈 於 章, 故 不 人 習《 落 放放 兼 惠 可 ^ 用 廣 以 今。 知 時 老子 齊 入侍, 中 主 不 史》、 之失 鮮 其 經 經 使 · 夏。 慮 不 臣 献 縱 略 識 或 而 歸

> 之僭。 利。 吴行 或 言之,利兵尚 而 未 奔 楚,取巢,取駕,克棘,入州來,子 申 猶 有劉、石之 漢 當漢 可 命 公 不 而 書 量也 人,教吴戰 今聞頗 巫 可 使之習見  $\approx$ 兵 又 其 以 臣 桓 按 所 示 奔 難 帝 , Ø ( 漢 鮮卑不 得漢巧,然猶 晉 之, 以 不 遷 哉 可 何者? 能 《書》陳 向 陳, 況 Ŧi. 而 使 謀 使 部 使 於 遷 使之叛楚。 敵 楚, 昔 <u>Ŧ</u>i. 匈 於吴,使 寇 幺幺 湯 人 漢 兵 部 奴 戎 州, 良  $\overline{z}$ 得 東 刃 不 於 乎 以 法 而 則慕 平. 徙, 朴 ? 汾 此 0 當 夫 其 王 0 鈍 晉 則 容 也。 反 吴 況處 匈 子 請《太 謹 \_ 於 弓 無 晉 其 狐 奴 按 歲 之 繇 弩 中 祚 後 又 是 庸 兵 史 中 是 卒 按 伐 不  $\mp$ i 原 猶 七 楚 爲

《校記

鈔

本作

<sup>0</sup> 0 寇戎 匈 翟 奴 據 據 (校 《校記 《校記 記》, 鈔 》,鈔本作 本作 鈔 本 作 「夷狄」。

悦

居

内

部

離

豈

有

是

以

氈

罽

美。

縱

高

侵

諸

冒

頓

方之,八王之喪 頓之全實,過 之説,不 公書》,朝 之。 一、 項 地 散 生 盛 心 美 夏 不 無 祖 之際,累載 況 長磧 之餘 不樂 者,爲 一, 力 乘 於 能入中 窺 明習 可 外 朝背 臣 章 中 中 以 不 或 漢 或 漠之北 以 紱,既安 於 漢 或 與 不習中 足 而 誕 乎 而 . 或 爲 之 一之虚 法 Ŧi. 師 諸 卒 以 欲 用 ! ( 太 心者 者 四 部 侯。 能 破 非 深 , 兵,人户 輕於楚、漢 弊,高 之微 臣 史公 人〔原注〕 以 自 其 土 何 汾 但 人 爲 也? 竊 此 振 穹 之 晉,其 所 者 元 弱。 計 則 書》 於 習 廬 風 生 海 乎 祖 彫 本 謂 秦 中 ? 勝 <del>,</del>不 不 而 悦 餒 所 非 有 當 四 之割 散 朝 於城 并 習 樂 漢 國者,爲 戹 平 民 安 兵 劉 以 曩 戰 諸 天 漢 其 中 而 解 不 或 元 時 以 王 地 下 故 所 邑, 城 漢 海 或 韋 足 冒 晉 從 尚 生, 也。 應 亦 少 Ŧi. 以 之 以 而 頓 冒 惠 及 横 而 不 保 中 家 使 遐 歸 遂 元

之彊

劉

可

與

之道 必若先在 失圖 居, 或 由 方 覃 陰 海 鄙 擁 也。 含識革 傳 余效 Ш 不 單 削 平. 則 無 之北,安 曾 于之號, 狡 陽 外 中 臣 忠, 内 窮之祚 寇 蕃, 而 或 愚 徙, 稱兵, 日 面 鼎 者 以 磾 凡 能 經 正 竊 峙 亦 爲 於 誉 盡 使 當 者 帝 不 願 後, 在 爲 節 萬 不 倡 劫 王之名, 充 口 虺 脱 邊 在 乘 亂 侍 更 性 居 以 人繒 之 方 備 邪 使 子 漢 業 外 莫 ? 守 臣 者 歸 賤 故 愚 不 綵 不 蕃 當 貽 非 沙 懷馴 也 皆 謹 慮 麯 今皇 則 厥 所 漠 禁絶 者 蘖 戎 孫 以 邊 向 而 謀 肥 臣 或 方 風 使 以 不

疆 , Ø 邊 邑 無事 矣。

狡 寇」, 據《校記》, 本作 夷狄」。

外蕃 《校記》, 鈔本作 四

據《校記 鈔本作「夷

二八

費 石 在 數,或全或半,又倍蓰矣。 米,較之在 下 禽獸 所 其 鑾 禽 及 居 事李賢言: 「臣 降人」。❸ -七員 <del>前</del> 京指揮 一, 而 獣 萬 ,欲百姓富 施 貊 銀 京 了, 聖 餘,6較之畿民三分之一。 鈔 師 也 如 蠻 明 達 先 半 禽 永 必 貊。 官則 人忍 衣 授以 施 使 · 矣。 自 潤 服 朝官員亦三分之一,而 惠 īĒ. Ē 疏 親 · 宣 、房屋 實支十 爲 指揮、千百户之職,賜之俸 於 統 庶 待 三品 夫 聞 以及疏, 之哉 禽獸 之 黎 元 而 一德間 以 帝王之道,在赤子黎民 也 年十二月,行 民 倉 該 、什器,安插 有 七石 ! 俸三十 如 廪充實,未之 韃 限 況奪 雖 赤 未 之 竊 靻 聖 Ŧi. 且. 子 糧 有 見 赤 來 斗,是贍 以 人 ,親之也; Ŧī. 赤 京 子 而 降 石 米俸言之 居住,名 子 之 資 其 師 在 多多乞 視 ] 實支 不 食 無限 實支之 月 降 吏 有 同 支 得 京 以 部 也 俸 之 官 不 養 其 待 禄 留 È 而 H

> 贍, 而 禽獸 禄, 官 宜 木 往 師 風 師 不 近 枕籍 員 痛 以 者,幸也。 數 者 霜 可 心者 而 皆 死 缺 百 連 施 ,苦不勝言 有 實 萬 而亡者,不可 施 年 而 司督責之愈 又 關 石 是以天下 荒 自 驅 禽 若夫 得。 俸 若其 早 而 潤 其 т, Т. 米 軍 然後 則 力 俸 嗚 運至中塗,食不足,衣 使魄 民 充 穀 石 禄 米粟 呼,既奪 勝計。 竭 急,是以不暇 實 不 所 財殫 以 厭 之,赤子 登, 以 水 夫得數斛 足,仁 養 陸 其降 而 力,涉 赤子之食 身計之,其 廉 並 或 也 進 卒 家 今在 寒暑 。歲 救 君 坐享 米至 至 之 死,往 於 以 子 用 京 Н 餆 朝 所 不 京 則

0

明

據《校記

》,鈔

本作「本

朝

降

《校記》,鈔本作

T

貊

韃靼」 降人」,據《校記》,鈔本作 貊 《校記》,鈔 心記》, 鈔 本作 本作 「夷 「達官」。 達虜」。 狄」。

降人」,據《校記》,鈔本作「達官」。 下一「降人」同

忽

甚

不

日

又

知

俸。 禦饑 軍之給,則效死 降人一歲之俸 也,今邊軍長居苦寒之地,其 焉 之命, 去 絶 聞 愚以 無 恥 ,欲其守死 爲 之 者。 渥, , 費 聖 聖 欲 而 全生民之命, 寒者,月 履霜堅冰至。』臣 朝 守 爲 其 不 羶畿 廷授以 可以 王之道 彼 夫 廉 除 無 過 蕃 來 也。 貪 + 不 内 贍 害 糧 不 降 人 不 官職, 日 而 貴 邊 卞 貪 得 者 無 而 可 而 守職 則 山 軍 況 · 數十 而 益 得 得 己。 乎 此三者,利莫大焉。 得 非 本 之給 好 之 足 其 也。 窺見達人來降,絡 消 也,足京官之俸, 心悦 也。 古 利 利 費 其 萬,省之可 父 糧 患 而 可 0 尚 俸 焉。 母 今若去 不 於未 備 邦 而 不 禄,使之久處 妻 乍 所以保妻子、 足 以 寧 邊 誠 子 臣 足 何則? 萌。 足京 以 所以 也 服 惜, 此 乍 平 贍 以 也 叛,荒 ? 降 易 又 贍 官 全 其 禦 有 繹 臣 則 之 所 實 邊 生 侮 臣 6 0 0 能 漸

民

臣

需

以

用

亂, 宸 師, 其 之也 至 慕 而 有 種 而 深遠 警, 各 次 衷,爲萬世長久之計,乞勑 備 來 坐 中 而 之,不 調 亭其 安 也懲而禦之,不使之久 食 或 臣 可不鍳 其 也。 其 除 嘗 誘之不衰,則 之利 自 勢 生,不 天下各都 恐懼 有,是故 · 誘 其 織 近 必 哉 也 而 日 不 而 復來。 ! 惟 衣。 邊 自 且 不 是故 省 其 司 塵數警 ·安寢。 安矣。 降 來之愈 今 或 來之不 衛 人 其 聖 家 在 所。 在 爲 中 萬 人 伏 彼 處。 而 社 前 廣 絶 以 兵部, 或 萬 彼 願 降 稷 世 0 無 勢 禽 者 陛 其 則 未 生 人 劉 獸 既 益之費 將 下 去 日 羣 民 中 不 必 分,必 畜之, 石之 降 之慮 也守 邊 斷 聚 或 勞 不 自 京 方 誘 力 自

蕃人」, 人在彼」, 據《校記》,鈔 據 校記 》,鈔 本作 本作 夷 狄 達 人 面 人在胡 而 獸 心」。

劉石」,據《校記》,鈔本作「五

據《校記》,鈔本作 達 官」。 下 一「降人」同

四之變。

而 又消其未萌之患矣。」上是其言。

同反。 官,盡 百 調去雲南、廣東、廣西、福建等處隨征達官達 注〕天順元年七月丁丑 分布彼處各衛所守禦,然其去者無多。 江 間、東昌達軍 是命左都督毛 劉定之並言:宜設法遷徙,俾居南 以歸寇者。 者,●一 i 人。 ❸ .西、刑部右侍郎楊寧,奏請賊平之後,就 土木之變,達官、達 令取囘,遂令曹欽得結其驍豪,與之 時 軍倡之也。● 而 而天順 河間、東昌之間,至今響馬不絶, 蠢動,肆掠村莊,❷至有驅 户科給事中王竑、翰林 ,往湖廣 初,兵部尚 福壽 ,兵部奏:自正統七年至景泰七 充左副 辰州等處征 書陳 軍之編 總兵, 汝言阿 軍共一千八 苗、巡 選 置 院 士。 迫 領 近 附 侍 漢 〔原 於 權 撫 河 講 畿 人 年

承平日 明 久, 初 ·**6**安置土達於寧夏、 種類蕃息,至成化四 甘 年,遂有滿 涼 等處 亦自達

#### 樓 煩

騎射。 霸上,爲樓煩將」,而《項 侯年表》「陽都侯 之際,多用樓 遂出代,西遇 致」云者,致其 樓 《史記 煩 乃 趙 煩 樓 西 趙世家》: (人而 人别 煩王於西 丁復,以 北 邊之 爲 用之也。 羽 國,其人 武 趙將 軍。 河 本紀》「漢有 靈 而 Ŧ 《高 是以楚、漢 从 致其兵」。 强 起鄴,至 行 祖 悍,習 新 功 地 善 臣

明」,據《校記》,鈔本作「國」。

達 軍」,據《校記》,鈔本作「東人」。

<sup>0</sup> 「村莊」下,據《校記》,鈔本有「人謂之家達子」六字。

達軍」之「達」,據《校記》,鈔本作「衰」。

及六字。又「□」,據張京華《日知録校釋》,雍正鈔本 倡之」下,據《校記》,鈔本有「□有中國誰之咎」一 据」、北大鈔本作「戎」。 空

卑、突厥、囘紇、沙陀,自此不絶於中國矣。 夷攻 受,以驍 將五人。 小者霸,於是武 秦于殽,實用 庸、蜀、羌、髳、微、盧、彭、濮。 王及布 相 籍 縣。」按樓 兵矣。《灌嬰傳》: 騎射者樓煩 ·斬樓煩將三人。」《功臣表》:「平定侯 軍 中國 陳下,斬樓煩將二人。 煩 亦 騎 攻 地大,不止 各有 者, ●始自周武王, 都 龍 姜戎爲 尉 且,生得樓煩將 樓 靈王 擊 注)應 煩之兵 項 「擊破柘公王武,斬 縣之人。 踵此,用 掎 籍 劭 Ë 角之 得樓 矣。 則 樓 攻黥 勢。 以 煩 牧 漢 蓋 煩 而 + 胡胡 謀 野 自 將 有 晉襄公敗 布 人。 秦,而 也。 大者王 之 古 樓 别 師 今樓 則 用 將 擊 樓 煩 鮮 有 蠻 項 齊 頂 之 干 煩 煩

## 吐蕃囘紇

# 大抵外國之音,聲皆無正字。唐之吐

哈剌 趙、 失八里 則是 太祖 完元 公碑》云: 囘即古之囘紇者,非 也。 太祖紀》: 今之哈剌和 定擬軍 之「囘囘」是也。 蕃,即今之「土魯番」是也; 高昌偰氏家傳》云: 鶻 歐二公言之詳 也。 和 紀》以回 史》有畏兀兒部,「畏」即「囘」,「兀」 「原 也,其曰 城 林,今之和寧路也。 官 元時 也。 旧鶻 注〕《遼史・天祚紀》有 「汪罕走 格 綽 門鶻、回 例 也。」偉 畏兀兒亦稱畏吾兒。 會 北庭 以 高 矣。 河 河 **囘爲二國,恐非。** 昌 日 也。 偉 人,今所謂畏吾兒也。」歐 西 西 或 兀 巴 巴 唐 亦 微,乃併取 兀者, 囘鶻之轉聲也。 田 目 固 其謂元之畏 畏兀之異文, 」者,亦 旧 書》囘 後徙居 鶻 與 囘 畏 B 鶻 吾兒等, 固 目 北 高 實 紇 趙子昂譔 唐 〔錢氏曰 回國 庭 非 昌 兀 巳 國。」《 一名「 之囘紇, 即 而 有 北 王。 依各官品充 鶻」之轉 種。 之。 目 庭者,今之别 囘 世 鶻 鶻之轉聲 〕謂今之囘 《趙 陽原 囘 其 完元 《元史· 高昌 即 祖紀》: 地 國 囘 鶻」, 即 史・ 文定 本 功 紇 者 聲 即 今 在 譔

「蠻」,據《校記》,鈔本作「四」。

0

❷ 「外國之」,據《校記》,鈔本作「夷」。

府 達 花 赤。」《文宗紀》: 「各道 廉 訪 司 官,

中

華

而

不

·變其

本

俗

杜

子

美

户

人,畏兀 河 西 13日 巴 、漢人各 人。」《薛 塔 刺 海 傳》:

征 其 回回 地 種 落 河 西 雜 居, 欽  $\Box$ 

屬。」又云:

巳 與 巴 鶻 故 「哈密 品 以 别 故 矣。 惟 阿 合馬 本 巴 固 而 元 史

者, 姦臣 一傳》以 又「畏 爲囘 兀 鶻此 兒 之 或轉寫之譌。 轉 聲 也。 其 「原 曰 注』《册 畏 吾 府 兒 元

「按國史敘 鐵 勒 種 類 云: 伊吾以 (西,焉 耆 以 北 有 契

爲囘 弊、烏 鶻。 護 、紇骨等部。 **紇骨則紇扢斯** 契弊 也 轉 則 契苾也,烏 爲 點 戛 斯, 護 蓋 夷音 則烏 有 紇 也,後 緩 急

即傳 廬 地 譯 語 在 不同。《大明 燉 煌 北 大 磧 會 外,爲西 典 **\** 「哈密, 域 諸 番 古 往 伊 來 吾

要路 其 或 部 落 與 目 囘、 畏 兀 兒  $\equiv$ 種 雜

居。」 所南《心史》: 則 囘 目 「畏吾兒乃韃靼爲 與 畏 兀 兒 又爲 父、囘 種 巴 爲母者 矣。 「原 也。」 注 錈 鄭

氏

曰》《心史》乃

僞

造,不可

信。

自

唐

會昌

中

巴

紇

衰

弱

降

幽

州

者

前

後

 $\equiv$ 

萬

餘

人,皆散

隸

諸

察、畏吾兒諸國。」《明史 巳 有 固 回, 囘 日 畏 畏 兀兒、哈剌 兀 兒, 日 哈 · 哈密 灰三 刺 灰,不 一種。 用蒙古二 傳》云: 則 相 「从 統 巳 如 道 未 李衛公《上 留 始始 衰 茶 挾 於昔日 雜 居於

花門》詩:「連雲屯左輔,百里見 邪 尊 作 也 號 蠱 玉册 浸 淫宇 文》 内。」今之遺 種類磐互, 積 風 縞 雪。」 亦 衣

庚子, 許之。」此即今禮拜寺之所从 回紇請 舊唐書• 於 河 憲宗紀》: 南 府、太 「元和二年 原 立 府 也 置 摩 尼 正月

功者, 肅 第、佛祠 格關, 八代以 《新唐書 得留京 來,囘 · ; 或 奪 含 伏 常袞傳》言: 光 師。 甲 門 其 戎性. 己 魚 間 有 契 居京師 易 數 走 驕 出 城 「始,囘 o 中 外。 者矣。 渭 後 橋 然 乃 紇 則 與 創 有 自 軍 邸 戰

州 涼 實 州 録 寄 居 巴 正 日 統 於 元 江 年 南 六月 各 衛 乙卯, 凡 四 百 徙 甘

<sup>0</sup> 戎」,據《校記》,鈔本作「 虜」。

江左矣。〔原注〕正 警,不得已爲 · 六 户, 千 七 徙戎之策, 百 統三年八月,有 四 + 九 然 П 其 ு 歸附囘 其 種 類 時 旧二百 遂 西 蕃 陲 於 有

人,自涼州徙至浙

江

第, 教涵 大 進 未嘗 懷好音 化,而不能訓 肯變,結成黨夥,爲 司 表 同立功。 類 不至。 奉旨 濡,戎心漸 至京,爲囘 明 襲冠裳者。 , 0 固 初,●於其 坐以交通外夷,黜 [原注]正 難言之矣。 福建漳 其 革, 目 頑獷之習,所謂 惟 來降者待之雖優, 之編 統四 目 州 暴 而 巴 衛 間 置 蠻貊之裔遂有登科 年 自守其國俗,終不 閻 指 七月辛未。 漳 揮 州 爲爲 以 者寄 僉 累 食桑 事 事官, 其後 朝 書 楊 而 葚 之德 榮 於 防之 文 於 其 因 而

時 牛 赦 爲 文每 膳。 天子無故 曰 宜先禁此 一十悪 不殺牛,而 Ŧi. 則 逆,火光行 夷 今之 風 可 以 目 子 漸 劫, 革 終 持 H 唐 殺 刃

> 若韓 禁屠 在 殺 人,官: 原 4, 滉之治江 赦 之限。」 典 以 犯 絶其謀, 贓 東,以賊 可 屠 見 此 牛 古 又明識之士所宜 鑄 非牛 法 錢, 以 酒 屠 合 牛 不 造 嘯 爲 毒 結 藥,不 重 也 豫 乃

#### 西 域 天 文

防者矣。

使進天文經。」「拂菻 泥 天竺國,善 婆羅國, 西 域 人善天文,自古已然。 天文 頗 解 推 曆 測盈虚,兼 國,其王 算 之術。」「罽 城門樓中懸 通 曆術 **唐** 賓國 書 事 遣 0

Ø

0

0

戎 明 心」,據《校記》,鈔本作「夷風」。 據《校記》,鈔 本作 或

<sup>6</sup> 蠻 貊」,據《校記》,鈔本作「夷狄」。

所謂食桑葚」,據《校記》, 佼佼者乎」。 鈔本作「所 谓鐵 中 錚

有獻 也。 紀 每 大 之十二時 日 至 金 西 「原 時,毫釐 稱, 域稱法,思明 注〕《元史・張思明傳》: 時,其金 以 金 爲一 無 丸 以惑衆不用。」 失。」蓋不始 丸輒落,鏗然發聲引唱 十二枚屬 金人,其 大如 「大德初,擢 於衡 於囘 人,立 端 囘、西洋 左司 以 於側 候 都 「, 以 日

其 多 而 少 験 職 能 監誥》曰:「天文之學,其 故故 精 王忠文禕集》有《阿 近 雖 代 其 術 多 不與中 用 之。 别 國古法同 都 出 設 刺 於西 官 除 目 署,以 然以 域 巴 者 司 掌 其. 約 天

問 供 其 能 王 養。」此 行於玄宗之世者,豈非其 人 無 Ŀ 表: 不 有 册 知 如 府 獻 與 此 元 伏乞天恩,唤取 解 今之利 之 龜》載: 天文人大慕 藝 能 瑪 , 請 竇 開 置 天 元 主堂 閣。 七年 時在朝多 問 法 諸 堂 相 智慧 吐 一,依 教 似 火 法, 幺 學識 本 而 羅 不 知 或

之人哉!

## 三韓

户 夷韓 麗、扶 辰 五十 辰。 凡七十八國 在東,十有二 異耳。」《後漢 餘、馯貊之屬。」《正義》: 韓 成王既伐 ,小者數千家,各在 韓之南, 有三 或 四 今人 原注 餘、韓, 國,其 人率衆 種,一 〕晉、梁二《書 調 亦 東夷」,傳: 遼 無 百 北 國,其北 + 東 指樂 光武 濟是其 日 此 與 有 爲 馬 馯 (樂浪、 》作「弁韓」。 韓,二 紀》: 浪 鼾 Ш 或 海 與 内 韓」者,考之《 海間 即 附。」《 南 或 濊 其 「《漢書》有 日 建武 韓 東 與 焉 貊 南 辰 ,地合方四 馬 也 諸 接。 倭 亦 東 韓,三日 韓 夷 二十年, 接。 大者 音 與 夷 駒 弁辰 在 同 倭 書 西, 傳 麗 辰 高 萬 而 接 、扶 序 弁 Ŧ 餘 在 韓 有 東 字 駒

古

演

賾

賦

\*

覩

三韓

之累累兮,見

产服

之

悠悠。」此

其

風

土

也

宋史

天文志

0

狗

或

几

星

在

建星

東

南、主三韓、

鮮

卑、烏

韓

兔

韓

雞

本

法

出

韓

或

域

與朝貢之本末

也。

之地,在

海

島

之上,

朝

鮮

+

餘

或

並

遣

使

朝

獻

杜

氏

也

原

其

故

人乃

以

之

謂

謂

遼

東

爲三

依

Ш

帶

海,去

州

Щ

Ŧ

晉

書

張

華

傳

東

夷

落降。」「 餘里, 劉熙《 謂辰韓之國。」《史記 之東 所 率 古之辰 馬 Ŧ. 句 番 釋名》: **通** 驪、 爲 歷 其 韓 陳 盡 辰 南。 世 齊 屬 也 留 典 濊 國 新 王 0 未 來 或  $\pm$ 王  $\leq$ 欲上 貊 彌  $\equiv$ 此 Œ 附 景 後 朝 也 韓羊  $\equiv$ 諸 書 韓 其 者 始 魏 韓 貢。 元 》誤 見 或 陽 韓 那 七 之 馬 封 天 縣,不 志》有 動 史 遼 本 韓 置 麗 新 自 而 桓 加 於天啟 . , 羅 人 取 縣 0 稱 = 遼 玁 爲 , (原 高 可 夫亦自 史 一高 開 韓國 狁、 以 便以 麗 據 韓之名 泰中 注」《 内 • 初 此, 州 傳》言: 沃 爲 韓 外記 地 公 失 西域 沮 北 外 」者,外之也。 乃 聖宗 顒 而 遼 韓 史》以 爾。 之 也 俘 之國。 目 **>** 陽 縣 己。  $\equiv$ 有 崇 屬 之爲 伐 「原注 辰 韓 以 高 寧 或 高 韓 辰 今人乃 後章奏之文遂有 後 之人 或 麗 此 外 麗,俘三 爲 韓 正正 公俣。 始 其 王 新 或 爲 如 今遼 羅。

年,

丝

州

刺

史毋丘

儉破

高

奚等數十國

各率

種

年,樂浪

外

夷

韓

濊

貊

各

子,又

介雅閼

弗通。」

師

古

 $\Box$ 

辰

真

番旁衆國」。

三國

魏

志

地。」

〔原注

(漢書

朝

鮮

傳

「真

子、

 $\equiv$ 

韓

或

公

其

地

理

扶

餘,

弁

韓

爲

馬

韓

爲

高

或

之遺

人

鑄

韓

通

寶。

占

象

也

**^** 

宋

韓

最

大,

共

立

其

種

爲

辰

餘

里

東

西

以

海

爲

限

皆

世亡 地 在 人避 高 北 麗 史》: 役 東 來 南 適 新 馬馬 辰 羅 韓 者 韓割 亦 其  $\Box$ 其東 先 秦 韓 本 界居之。 辰 相 韓 傳言 種 也 秦

置

縣

於

内

地

漢

時

上郡

有

龜

弦

一三六

也,恒 傳。 濟 同 分爲十二,新羅 或 秦 分其 而《唐 ,故名之 辰 爲 韓 辰 地 馬 韓 不 置 書 韓 得  $\pm$ 五 日 所 • 都督府 東 自 常 則 制 秦 夷 其 立 用 韓。 傳 辰 王 馬 其 **\***: 一,明 也。」此又與前 韓之始,有六國,稍 其言 韓 人作 日 其 顯 語名物 流 馬 之, Ŧī. 移 韓。 年,平百 之 世 有 史不 人 世 似 故 相 中

## 大秦

有 域 皆題 謂 「大秦 四 傳 是 百餘 且 姚 姚 也。 今之佛 秦鳩 鳩 興 摩 城,小 大 或 「大秦 摩 羅 秦 經皆 1 羅 號 什 乃 生於天竺, 國役屬 譯, 非 國 西 題 也。 無有 域 云「大秦鳩 在 國 者數 距 孫 海 云「大秦」者 名。 大秦 西 氏曰]徧 十。」又云:「天 國 地 後 尚 摩 方數千 遠, 探釋 漢 羅 不 不 書 知 什 藏 當 亭 譯 佛 里, 題 林 西 經 云 何

> 小 子,謂大秦國 故謂之大 記》「石季龍 丛 傳》以 或 秦, 西西 則益爲夸誕 爲 與 〈秦」, 大 其 時 秦通 人民 來,當王小秦國」, 有安定人侯子光,自 古 未 皆 \_\_ 此 必 長 然。 大平 其 國 Œ 名之偶同 而 有 晉 以 類 書 中 稱 中 或 佛 或 載 爲 太 而

#### 干 陀 利

正 吉貝 海 按《梁書 記》,是《送鄭權序》耳。 原 陳 傳》: 洲 注 書 〕梁王僧 べ、檳 上 韓 • 文公《 世 其 榔 有 祖 孺 海 俗 罪 有 紀》: 南 檳 與 廣 應 湯謝 諸 林 榔 州 流 賜干 夷傳》: 特 邑 有「干陀利 記 天嘉 徙 陀利 》□陽 精 扶 勑 好, 所獻 四 南 干 以 氏 年 爲 日 略 賜 檳 **+** 注 陀 榔 諸 干 口 昌 啟 利 黎 或 陀 陀 國 家 並 出 之最。 利 利 無 一, 在 皆 斑 或 國。 周 布 闕 廣 弘 遣 南 州

以干爲斤、疑誤。〔汝成案〕《梁書》無《周弘正傳》, 使獻方物。」惟《宋書・孝武帝紀》「孝建二 本亦誤,當是傳寫時脱「南史」二字。 傳見《陳書》。至「有罪應流徙」云云,則見《南史》。 年,斤陀利國遺使獻方物」、「原注」《南史》同。 攷原

日知録集釋卷二十九終

#### 一三八

## 日知録集釋卷三十

崑山顧炎武著 嘉定後學黃汝成集釋

## 天文

德戊寅日食,己卯、 寅,欽天監掌監事、光禄寺少卿華湘奏:『歷代治曆 代之密。〔沈氏曰〕《明世宗實録》: 辰」,兒童之謡 也。 元辛巳, 不一,不數世輒差者,由天周 而茫然不知者矣。 火」,農夫之辭也。 「月離于畢」,戍卒之作也。 三代以上,人人皆知天文。「七 造《授時曆 也。 庚辰月食 》,天正冬至,歲差迄今不同。 「三星在天」,婦人 若曆法,則古人不及近 後世文人學士,有問之 有 時 餘 刻分秒、 日 周 「嘉靖二年 不足 起復 所 方 龍 致。 -九月戊 是以 位 之語 月流 尾 ,更 與 元 伏 本 īĒ. 至 改

> 秒,日 中官 望亦宜各差一日,今似未至此也」。」 九刻,在亥子之交則移一日,在晦朔之交則移一 如世子言,取《大統》、《授時》二曆相較,氣差三日 二至之日景長短應候,三曰驗交食之分秒起復 然于何正之? 世子載堉所進《萬年曆》,内云『近有言曆法差譌 報罷。』」《神宗實録》: 辛巳果否有差,備録上之。 前 制。」下禮部議 夜半中星、七政躔度、紫炁、月孛、羅睺、 分、日月交食、合朔弦望,并日 監所推不合。 人,令其參別同 詣觀象臺,晨昏 正周濂等,及選諳曉本業、善于推算者,及今冬至以 記 月書,俟至來年冬至,以 乞賜中 請 異,重建曆 曰考《月令》之中星移次應節 如所奏。 書夜, -祕《曆 「萬曆二十三年九月 推測 元,詳 書》及國朝 得旨:「允其 并延訪 [躔月 日景、赤道、黄道、中星分 驗二十四氣、二至、二 定 知曆 離、黄赤二道及昏日 歲 計都等類,視至元 層 差, 測 理、善立 志》, 禮 候,訪 以 成 應時 部 准 月 當 議 取 差法之 臣 正 代之 時 則 罷 秘 親 者 鄭 弦 差 即 測 書 督

士奇等曰: 私習天文者有 樊深《河閒府志》曰:「愚初 『此律自爲 禁。 後 民閒 讀 制 設耳 書 一,見仁 讀 卿等安得 律 廟 書,見 語 楊

+

Ŧi.

或

以

年,

未有

定

説。度

元

郭守

敬定爲

六十七

差者

有

微

有

著。

非

積

差

而

至于

著,雖

聖人不

能

世也舜而作

也

曆

之最難知者有二。

其一

里

差,

,其一歲

差。

渾

象 璇

也 璣

璇

璣

衡 齊

測

驗之器

也。

故曰

定于唐

是 虞二 之

在

玉

衡

玉以

七政」。

曆

者,

算

數

也

象者,

圖

知

然大約一

三者盡之矣。

堯命羲和

「曆象日月星

辰

曆者七十

餘

家, 疏

密

代

殊

制作

各異

其

法

具

在

攷

古未有知歲差者,自

晉虞喜、

宋何

承

天、祖沖之,

隋

劉

焯

行,始覺之。

或

以

百

年

差

或

以

Ŧi.

十年

或

其距之甚遠

則

所差

甚

微,非

Ï

力可

至,不

能

人

算知。

故 而

易 差,亦 鳴 昧 也。 曆 謂 歲 西 萬 漏 求、 也 施 而 曆 交道有表裏,此方不見食者,人在月外必 所 歲 定于 法。 呼 谷 曉 差 里 居 年 者求差之法。 之近用 差,合數萬里之實 差之差 》本之、爲氣刻、時三差。 故爲中星以紀之。 而 以日之出入發斂,不可 然易辨。 有 有 後成 至矣! 減歲 南交、朔方之宅以分候之、萬世求里差之定法 里差之説 以身所經山海之程 曰視差,自 元人四 唐 東 八 , 可 可 西 月 古聖人未竟之緒 虞之時 餘 以 南 天周 謂 巴 學者知合數千年、 海 且 無 北 精 巴 古聖 滅,曆 其 測驗二十 漢及晉,未有知之者。 至 之法, 到。 Œ. 爲 何 是 泰 、驗以 法, 鳥 視 人 也? 西 而 若 至 側 以 確。 則古之差 川測 差 既 夫日 近 定 火、虚、昴 視 ·七所。 以一 日之所 法 推之數千 而《大衍 不 里 則 H 北極 之殊 是蓋 略 差, 月 能 屢 當思 數萬里之心思耳 方所見爲定 似 變益 星 預 爲南 合數 遲, 距 而 在 則 知 辰 義 曆 萬 近 不 年、 數 而 所 之行 而今之差 者 精 和 北 世 可 Ŧ 世 着 北 逾 守 差 見 反見 以 數 差 年 以 歐 求 以 遠 九 齊 敬 之數 各 後,凡 萬 度 之積 歲 測 服 張 目 邏 此 た食い 又 故 不 異 里 差 差之根 視 月 巴 測 子 有 為與 變, 速, 積 ൬ 能 萬 然 信 謂 目 而 測 食 航 食 E 準 逾 世 以 器 余 以 爲 定 宣 之 是 出 多 海 始 而 攷 夷 也 里 亦 則 定 謂 窺 不 東 數 明 測 下

夫 曆

所

步

有

四,曰

恒

星,曰

日,日

月,

H

Ŧi.

星。

治曆之具

有

躔

離

朓

朒

盈

縮

交蝕、

遲

留、伏逆、

掩犯之度。

可 古

今 四

三,

1算數

. 曰

啚

象, 曰

測驗之器。

由

是三者

以

得

前

故

世

愈降,曆愈密。

而要

其大法

則定于

唐、

、虞之時

今

之數千百年始見端緒,

而

人輒

知之,

輒

有

新法以追

其

變。

曰]心之神明,無有

窮

盡

雖

以天之高,星

辰之遠

有

遲

制

書之言觀之,乃

知

聖

人之所

見者大。」

梅

由

律

書之言觀

之,乃

知

聖

人

所

憂

者深

由

有

禁?

遂以《天元

玉

曆

祥

異

賦

賜

羣

臣

家得以 學大著 爲斷 毫疑 子産、昭子 之徒以星氣言事 睹 禁,禁其妄言禍福 藝文志》天文廿一家,曆譜十八家,判然二矣。 飛 也 而 差變之微,出 古今中外之見, 久而必變 新 又曰 流 非 智 星之次,以察 徐爲修改,以衷于無弊,是則吾 ,古者率作興事 占日 **似**似于 有常 曆 立 附會于 或 則機祥 也。」日 角 食必于 問: 吾 也,又皆 「古之曆 度 深明理數之實,乃 動 捷 心, 也 摇 于今法之外,亦 法,垂之至今者,皆 其 律 發斂 小 可 則 預 開 朔 應,始有災祥之占, 脯 一 數 惑世 「二者異乎?」 ,皆用爲候,又何禁焉? 流,所 何 以 吾之心即古聖之心,亦即 有所以變之説。 也,而 古曆 無所依 不設 進退,敬 以 是 凶者,天文家也。 禁私 故 誣民耳。 步或多不效,求其 未精 古用 日 而要于至是。 而 月 有以 授民 可 自 平 之遇 有當食不食、不當 本其 不 -朔,有 日 有所以立 若夫日 1輯《曆 行。日 事者 折服矯 于是反覆推論, 交則 而説 以 常然,以 食在晦、二之占 法通考》之意 曆家 律 月星 本躔 有 日 過此以往,或 食 誣之論。 法之故。 説不 自 月 所 丁其 驗 以 天之心。 禁者 有不 梓慎 暈珥 深求 辰 也 離之行, 説 且. 實 得 有 會 可 私 驗, 其變, 天文 故曆 習之 彗孛 漢 而 視 裨 而 得 目 及 無 也 食 會 占 聞 惟 竈 共 度 有 而 纖 其.

遲 而 日 所見之日月大小 占 初 縮遲疾,三因 兵起。1月于黄道有南北,一因 而 圃 升,又有正升斜降、 央,不已謬乎? 道 陰環月由 則 陰陽曆以 其 有 也 月 疾留 月之行 四 見有初二、 出 占 古占曰: 『月始生,仰,天下有兵, H. 舒 行 面 日 有歲差,況月道出 門,猶房四表,房中 偂 有 人黄道之南 「當見不見,不當見而見。」食日者月,不 古唯平 逆 露 朔而月見東方,謂之仄慝,仄慝則侯 遲 『食前數 光如 不足 疾, 而 天街,天下 各有最 也; 古唯知順行,占以 初三之殊, 日 環。 廿年 ·度占日 行 略等者,乃其 北五度 高 日,日 南北里差,見月有早晚, 月 而占 有 斜升 前 卑 出 . 和 盈 晦 前 周,其交也于黄道。 入黄 人黄 平。 已有謫。」日大月小,日 極其變則 以「金環 有奇,皆有常 縮 央日 正降之殊,故 影 而 徑 道 道 月見西方,謂之朓, 皆 陽 天街, 也; 爲之異,故 既 遠 道 逆行爲災,日 時 食爲陽 有 定 近爲之,非 主喪,陰 有 時 Œ 之數, 南 不同 朔、 南 斜升降,二因 偃,有兵兵罷 也。 月始 間 北 初 德 有  $\Box$ ൬ 可 四 愐 而 道 四之異。 王其 盛 生. 陽 其交之半 時 本形 其 古占曰 以 因 欲 主 「未當居 環,北 月 高 有 與 水。」 朓 也。 定 小 肅。 月 關 平. IF. 也。 Ŧi. 黄 于 則 輪 也 雲 卑,人 掩 有 星 故 無 愐 道 房 夫 月 閒 侯 爲 天 氣 日 偃 也 有 古 月 盈 兵 百 中 黄  $\vdash$ 行 Ŧ 法

以

數之有常而

或

懈也。」

之出 合,日 度,占爲失行,爲之例, 居 ,當去不去,當居不居,未當 入黄道,亦 句己,日 圍繞。 如 日 月,故 Ŧī. 日 星 凌, 離 所 黄道不 犯  $\exists$ 去 犯 星 而 座 去,皆 過 E 可 鬭 八 預 度 I變行 求。 日 則 食 中宫 也。 而  $\Box$ 古 掩 |紫微 Ŧi. 無 日 緯 星

見。 ∃ : 座出 老人星高,三時皆見,而猶歲以二分占星 人主有福。]中州以北,去北極近,老人星 星 有 『王良策馬 占曰: 『老人星見, 王者多壽。』以二分日候之江 入地平有蒙氣之差,或以 定數,亦有定距,而 ,車騎滿野。 占者 天鈎 無 横斜視差妄謂移動,于是 儀 直 器 則 以知其度,又不 地 維坼。 遠而近濁,不常 密疏貢 泰階平 諛。 知星 南 此

相

通占》者

,删去黄道極遠之星,亦既知其非矣。

及外宫距遠之星

必

無

犯

理

, 而

占

書

皆

有

之。

近

有著《賢

至于恒

歲

辨其 以 欽若之精 將天變不足畏邪?」曰:"「惡,是 其仍 日月之食 誣 訛 也。 習 意也。 欺,尤大彰明者矣。」曰: 若夫王者遇災而懼, 而 始 古 修 者日食修德,月 也 遇 其變 加 何 側身修省 警 食修刑。 言 「然則占 1惕焉。 也 吾 以答天戒, 此 夫德 驗 所 則 미 謂 理 刑 廢 辨 一之當 乎? 固 惑 不 固

#### 日 食

癸卯 酉朔。 見崇 有。 十六。 月癸卯朔。 急過之矣。 間 自蹈於邪臣之説 於人事者,豈非溺 朔。 禎之世十七年 異有大小希稠,占有舒疾緩急。」余所 劉 而 四年十月辛 + 今連三年比食。 向言: 八食,率二歲六月而 十七 年正月辛 年 然則 春秋二 亢 丑朔。 土丑朔。 月 乎? 丙 謂 前 七年三月丁亥朔。 辰 於 日 八食、「原注」二年 百 朔 十二月乙未朔。 疇 自 食 几 爲 與 人之術,而 建 + 漢 始 一發,古今罕 定之數, 成 年, 以 略 來, + 九 日 同 74 年 五 不 年 七 月 覺 無 面 + 月 Z

也? 朔, 日 禍 有食之。 春秋》昭公二十 福 何爲?』對曰:『二至二分,日 公問 於梓慎 年: 曰 : 秋 七 『是 月 何 壬 有 物 午

其

舅

稠

當其時 星之行 以爲吉 其説以爲: 進其 爲 準此耳。三然天象見於上,而 度,是謂相過。]又曰:『過赤道二十三度則爲真至,兩道 之非,而 相交于 食之咎, 水旱而已」,然則食 日月之在于天,莫非 至,相過 食之,不爲 國権》:「李天經曰:「太陽行黄道中線,迨二分,而 (赤道相交,是爲同道。二至,則過赤道内外各二十三 固 此言者,殆 君者 不 與 而 囚 ? 一線則爲真分。 能 人 交 也。 無關 無 依違其間,以 日月之食,五緯之行,皆有 無與, 食 此 也。 凌犯, 論 災。 涉 殊 於後 近 分至。 其 也 然 理。 值 亦 漢 日 他 此 屬 之者亦 世 今日節變之差,皆 月之行 書 月 但七政之行雖 重 如 氣運。 「陸 一定之數。〔沈氏曰〕談遷 以「天變不足畏」之説 星 則爲災。』 爲 也如之何? 是故日 命之家談 氏 Ŧi. 皆 「食輕,不爲大災, 或 E 有微驗, 行志 也,分, 人事應於下矣。 家 西學絶 常道 與 有 五星之恩 影亦 百 常度, 常 由推測,不能 況國 非 姓 同 不言 道 皆 知其説 也 道 常 命之大 豊 在 仇,五 度, 占 也 氣 叮 黄道 夫 運 伙 據

乎? 或以爲西學有所慎而不言,則得之矣

#### 月 食

食。」 當黄 蔽 張 月爲之食矣。」按 度半强,對 《月食辨》曰 地 西域 已有 有誤作「他」者,遂 今西洋天文説 衡 體 於 載《 地 道交處, 人算 正 此 H 靈 論 也。 掩 食, 續 憲》曰:「當日 日 日 月揜 漢 衝 輪 是 :「凡黄道平分各一百 月 陸 與 處 謂 食者, 文裕《 上,則 如 天 日 必 此。 日 其 罶 IE. 疑 文志》中。 爲 也。 虚 説 謂 相 月爲之食。」南 金臺紀聞》 别 地 自 之衝,光常不合者 亦不始於近代。 對 日、月 有所 在 所隔 其法未 月 則 星. 食, 謂 望 望 星 與 地 俗 一微,月 地 隔 地 人 E 本 쁄 時 日光 中 揜 同 「地」字 月 虚 八 城 大,若 「嘗 月 或 過 + 一, 而 行 萬 也 則 漢 而 滴 雷 聞 而

致 必 紛 有闇氣,大小與 紛之説。 「原 日 注 體 同 宋史・天文志》 者 非 日 火外 明 其

之影 則 蒼 非 錢 今試 不見 是以 地、日 見之,則 之月已 食之 本 涼 錢 形 是 無 日 時 矣, 也, 無 以 涼 也 以 光 静 月 爲 當在 食矣。 借借 乎?』答 樂 光 水 影 乃 卻 月 地 海 文 李 也。 面 線, 也 錢 貯 古 日 古 氣 錢 鱸 之 日没後 之 之 水令滿 未 升 未 習 或 東 置 月 曰 : 錢 如 影 嘗 照 騰 嘗 西 月 日 見 虚 爲 必 也 遮 以 洋 出 初 器 子 地 猶 真 以 而 不 之學, 日月也, 爲 乃日 中 升 地 所 不 夫 東 錢 日 錢 光 見 也 · 然。 見 水 將 也 方 見, 前 西 曜 尚 者, 日 述 之 然 之卻 落 日 未 何 則 何以 曾有 其 月 不得 然 時 非 未 至 沈 言 其 以 知 爲 没 乎 之,不見 月 望 驗之? 映 東 所 云  $\Box$ 而 ? 真 也 借 日 見 年 而 方 見 人 出 月, 光, 蒼 者 月 升 地 月 否 兩 月 地 與

> 於地 焉。 之影 影之云,最 必 乎 精不可 ? 稍 此皆 也。 下 又 有 又 於 為明 何 如 二之説 水 舟 魚 漁 疑 皙 之 人 乃 者 哉 也 能 刺 能 見 篙 得 影 魚 金 「楊氏 魚 水内景, 物 浮 其 也 水 半 日」以 其 面 此 在 浮 然 火 水, 闇 於 而 則 近 虚 水 投 火 月 視之若 」之説 叉 耐 面 之受 光 刺之, 者, 也 奪, 隔 曲 魚 此 地

## 歲星

者信 邪 所 滅 ? 破 燕 矣。 ,歲在燕,故燕之復建,不 吴伐 是 或 以天時 遂 慕容 越, 以 歲 Ļ 超之亡, 不 在 如 越, 豈 地 非 故 利 歲 天 卒 在 道 受 齊 有 過 其 時 而 M 而 爲 紀 不 劉 苻 驗 裕 秦

縮 歲星 春秋傳》: 固 有 居 其 歲 或 棄 而 其 不 次 吉者 而 旅 其 於 明 行 年 有 之 贏

四四四

災,不出宫不爲災也 九度七十六分有奇,而 之時,但晨退四十六日,夕退四十六日,各有奇,共止 之,國凶。』《淮南子》:「當居不居,越而之 必有殃咎。〔原注〕考《授時 他處。」以 次。』《史記 近 天官書》: 事考之,歲 十二宫大約各三十度,以 「已居之,又東西去 星 曆》段目,歲星未有不 當居 不居,其 出 宫 地 爲 得 退

#### 五 星 聚

六月,司天監言:「五星聚而伏于鶉火。」淳熙十三年 宋乾德 星聚尾、箕。 十月,五 伯,五星聚箕。」「原 《竹書紀年》:「帝辛三十二年,五 史言:「周將代殷,五星聚房。 五年三月,五星聚 星聚東井。 大曆三年七月,五 注〕沈 唐天寶 約 奎。 星聚於房。」漢 《宋書 九載 「原注 星聚東 天文志》云 八月,五 〕景德 齊桓 元 四年 井。 年 將

> 事,良是。 九年五星聚燕,禍至累世。《通鑑》不載漢五星聚東井 象,爲秦亡之應」,因歷 宗之政荒矣。 熒惑云。〔梁氏曰〕《古今黈》謂「五星聚非吉祥,乃兵 四方。」考之前 殃,離其國家,滅其宗廟,百姓離 改立王者,奄有四方,子孫蕃昌。 占曰:「五星若合,是謂易行。 十六度,火七度,土三度,金三度,水一 丙子,●五星聚營室。 月,五星聚,見於西 閨 五星聚張。 七月,五星聚軫。 〔原注〕丙寅月之十四日,日在張九度,木 或曰:漢從歲,宋從填,唐從 史所載,惟 引唐 南。 元太祖二十一年 世五星聚爲証 天啟 明嘉靖三年正月 天 四 (寶不 度,凡聚者四 年七月丙寅 有德受慶 ,其大者,天寶 吉, 去, 無德受 蓋 被 + 滿 女 日

代,于張,光武帝漢, 「原注〕《蜀志》:劉豹等言:四星之聚, 占家不以爲吉。驗之前

0

東井; 野 晉 超 白、熒惑、歲、填 軍 欲 女,中 太白、辰 也 肅宗復唐; 參 太白聚牛、女之間。」一云四 七月,歲星、熒惑、太白 哀江南賦 聚于牛、女」,而《元帝紀》則云:「永嘉中,歲、填、熒惑 建安二十 之滅 有災,勸南 天 府 立劉 神 福 故漢 稱臣以 -宗紹三 武 虞爲 原 Ŧi. 四 星會于畢、昴 王 注 年,術 獻 值 年,太白、 星聚 齊; 于 晉;〔原 于張,高祖 、厭之。 帝 帝 至德二載 唐 Ŧi. 初 四 馬之南 主 奎、婁; 士 唐 巡 星合于張 危 注》晉 韓馥 聚于斗、 熒 孫 然亦 咸 東都; 四 感、 文宣 智 奔,逢三星之東聚。」于 星, 月 通 詔 王 填 書 壬寅 永 以 姚泓之滅,四 有 + 周 牛。」《天文志 星 宋靖 以  $\pm$ 几 云三星,不同。 不 年 "; 嘉 懷帝紀》: 代 常從 ,皆爲有國之祥 四 四 景崇被衮冕 同者 星會于 **熒惑、** 魏;于東 星 歲 星 康 熙元年,太 聚 星。一于 聚 元 鶉 「永嘉六年 如 》同,但 箕尾, 首 填 年 斗 星 慕 ·, 分 庾信 星、 牛、 聚 容 後 Z

> 消弭。 兵喪並 白、歲、辰、熒惑合于 此 起,君子憂,小人流」,而不可 則天官家 所 斗 謂 ', 詔 四四 避 星若 殿 減 合, 膳 泥 其 以 於 或 啚

# 海中五星二十八宿

家之占者矣。

八 外,日月不 中」者,中國也。 八卷、《海 分》二十八卷,《海 Ŧi. 二卷、《海中 宿專主中國,故曰 星順逆》二十八 《漢書 中 占。」蓋 Ħ. H 藝文志》:「《海 星經 月 故《天文志》曰:「甲乙 彗虹雜占》十八卷。」「海 中一 天 卷、《海中二十八 雜 象 海 事》二十二卷、《 一十八宿 所 中 二十八宿」。 臨 者 中 臣 廣 星占驗》 分》二十 而二十 海 宿 海 或 中

#### 星名

## 人事感天

見 扉 乃 頃 所 長 人 集 刻之閒 載,人事動 見 星竟天,拊 朝 易傳》言「先天」、「後天」。 ,請還都 臣 宴 而 不 飲, 於下而 容遲 髀 謀 日 歎 禪 晚 者。 曰:「我常 代 坐 天 一散,中 之事。 象變於上,有 宋 武 帝欲受晉禪 書令傅 及出已夜 不信天文 考之史 亮叩 驗 書 於

將 宗。 甚近。 食昴 觀 子所創也。 秋》記人事,兼記天變,蓋猶是三代以 志」,其此之謂 日 然則荆 對 失。」文宗以右軍 星散落如雪,幽 氏,與劉 死者百餘 今始驗矣。」隋文帝 六極」之徵,其他詔 其 來, 于 Ŧi. 宣、元之後 夜烈風大雪,地 衛先生爲秦昭 行志 雖其中不免附 浴堂門,「是 《易》所言皆天道。 古 軻爲 继 》所載, 理之所 漢 (興,董仲舒治《公羊春秋 求 燕太子丹謀刺 劉向治 等 天象每 與? 會, 誥 微 求 有。 唐玄宗 中尉 亦 夜 然 曰:「天道 穀梁》,數 王 服 無 〔趙氏曰〕上古之時,人之視天 亦 彗 震 立 念孟 變,必 不以 尚 畫長平之事 人 王守澄之言, 非 Ш 書 晉 出 苑 爲 盡空言 子》言「氣壹 惠 崩,民 驗 王 其 東方,長 臨 中 秦王,而 迪 洪 福 來記 從逆 廣 範 如 淄 也。 事。 福 推陰陽、爲 》備 爲 舍 此 向  $\pm$ 爲 傅 載之法, 昌 推 皇太 多壞 吉凶。 言 二鼓,天 以 召鄭 時 將  $\equiv$ 邑 既 而 H <u>一</u> 五. Ŧ 往 洪 尺 不 誅 則 太 虹 數 儒 非 福 以 範 《春 H 貫 注 韋 厭 動 口 出 占 者 孔

周

堪

爲

諫

大夫。

又

因

何

武

言

擢

用

辛

慶

忌

哀

帝

亦

因

災

里

有

方與 者。』」光、安世 Ŧi. 行 行 、張安 傳》云:「 夏 侯 世 勝 謀 諫 大驚。 廢立 皇. 日 之不 : **疑** 久陰 宣 極, 安世 帝 不 厥 將 漏言。 雨 罰 祠 昭 常 臣 帝 陰 召 下 問 廟 有 時 勝 謀 旄 則 Ŀ 勝 頭 有 者。」 對 劍 下 落 人 時 泥 謀 洪 霍 中 -節 光

> 影 用

> 相 宣

應之理

故應之以

實

不以

文。 息

彭

孔

光

何

武

而

罷

孫

寵

夫

躬

房以 屢 占 還 刃 中。 驗 果有 向 (易)六十 每 興。 翼 先上 任 奉以 宣 帝令梁 子 疏 成 四 章 匿 言 帝 卦 其 邱 獨 更 廟閒 將 親 賀 直 然 異 H , 近 欲俟上 姓 用 之臣 者 事 或 以 至 數 爲 風 爲逆,事 月, 陰 雨 氣 遠 寒 太 或 温 發 甚 爲 伏誅 歲, 候 極 陰 無 各 4: 不

陽, 諱。 者 實有驗于人, 恐反有火災,未幾 翼 奉謂: 「人氣 故 諸 内逆 孝 上 武 則 疏 感 者 白 動 皆 鶴 天 言 地 之深 火。 變 切 見 是漢儒 于星 著 明 氣 無 之言 猶 復 忌 人

袁

館

天

天乃先出 也。」言之最 之五藏 六體, 災害以 切者 藏 病 譴 莫 則 告之,以 分如董 氣 色 仲 發 舒 此見 于 謂 面 天心之仁 體 或 家將 病 則 愛 有 欠 人 失道 伸 君 動 之敗 于 欲 止 貌

災異 之明 若 有 (用 程 秒 誡 忽不 改 方進言 則 爽 八禍消 者 遂 不改 而 出 其 寵 則 時 臣 答罰。」是皆 人 張 君 放於外,賜 亦 多 遇 災 援 蕭望之爵 而 天 道 懼 以 如 証 成 人 登 帝 事 用 以

其

亂

他。」谷

永亦

言:

「災異

者,天

所

以

儆

人

君

過

失

猶

父

筮之,云: 有 兵 京謀. 不 古。」 E 京 有 13 等。 人 復 有 及 異 援災 無 無 後 用 志 涉 涉 啚 世 其 鮑 八視天猶 異 [治者, 宣 機 聖 以 抑 言, 智 思 規 亦 競 亦 召 孔 有 時 興 何 無

子

修《春

秋

災異

無

大小

必

書 虚 漢 天

如

果

事多言哉

政

者

覺

天 端

白

天,人

自

人,空

寥

與 無 即

復 若 響

有

求

於 皆

天之意。

故

自

以 無

後, 廓

天下

事

可

以

人力致

而

權

黄 河 清

平. 原 漢 河 水 栢 清 帝 延 襄楷 熹 九年, 上言: 濟 「河者 陰、 東 諸 郡 侯 位 濟 也 北

陰 清 欲 者 爲 屬 陽 陽 諸 濁 侯 者 欲 屬 爲 陰 帝 也 河 當 明 濁 年 而 帝 反 清 崩 者 靈

帝 帝 以 河 清 解 瀆 元 年 亭 几 侯 月 人 繼。 河 濟 隋 清 書 **※**言 後 + 齊 餘 歲 武 隋 成

天 下 + 隋 年 煬 龍 帝 大業 門 河 三年 清。 後 武 陽 郡 歲 河 唐 清 受 數

ĮЦ

河清 **尤**驗 戊 臨 襌 餘里皆清, 歲,宣宗立。 0 辰,黄河 洮 ,崇禎帝以 金 人 Ø IE 衛 楊 德 紹 珪 凡 自 河清,世 王 元順帝 上 七 平. 大 信 書 日 陸 安 王即 而 亦 元 宗以 至正二十一 門 明 引 年 位 太 磧 0 ·, 徐、 襄 興 祖 下 至 楷  $\pm$ 興。 之言。 邳 即 孟 年十 黄 位;泰昌 津, 河 至 ŦĹ 清 先 後 月 ő 朝 百 四

# 妖人闌入宫禁

始 帶 年 捐 漢 事 九  $\equiv$ 武 劍 劍 固 歲,走入横城門,入未央宫尚方掖 年 走 帝 自 人 氣 中 十月 古 ,逐之弗獲 征 運 或 龍 和 之疵, 家 丁未, 華門,疑 元 中 年,上居建章宫,見一 葉,多有 亦 ,上怒,斬門候。 渭 是 水虒 其異人,命收之, 法 紀 妖 上 廢 人 小女陳 弛 闌 所 人 成 宫 致 持 男 男子 禁之 帝 弓, 門 子 建 如

> **臾**還 男子 居 陽 誰 漢 解 人 注 綏 殿 忽不自覺」。 )師古 屋 門,言「梁 靈 卒 帷 北 門 桓 和 -,病 後 張 走,求索不 帝 賢 組 門 可 曰:「鄭縣之通里。」衣絳 博,送 光 宫 等 結 年 馬 狂 衛 和 呼 八月 禁, 佩 門 易,不 户 伯 之。 元 門 殿 鐵 者莫見,至 落 晉 夏 年 庚 吏 東 得,不知姓 盧 惠 屋 自 教 五. 收 申, 僕 門 詣 帝 讙 我 縛 月 知 射 太官。 鄭 太 上 考問 呼, 上殿 壬午,有人白 人 欲 八宮狀 安元 前 通 句 收 上 里 名。 殿 衣 爲 盾 縛, 博 收 男子 下, 下 年 入非 襃, 小冠,帶 天 禁 上 縛 吏 子 四 四 中 · 獄 故 書 考 王 年, 常 月 未 而 室 衣 死 公車 癸酉 襃, 原 問 室 到 覺 殿 魏 中 人 中 劍 得 辭 德 黄 郡 大 Ш 須 後

0

8

0

崇禎」,據《校記》,鈔本作「先」。

<sup>●「</sup>邳」,原作「沛」,據《金史·五行志》改

<sup>「</sup>明」,據《校記》,鈔本作「我」

<sup>「</sup>先」,據《校記》,鈔本作「本」。

聞

是

問

比

有

從

者八

萬

年

縣

 $\Box$ 

畢

陳

後

主

人,悲哉無復遺 毛,長七寸,天今命 夫禁庭尊秘之處,今賤人徑入,而 自雲龍 伏誅,並 光殿 下人踰之之妖也。」成帝 九十 求 夜 女子 爲 監 何 國主。」唐高宗永隆 言「王和女可右足下有 持 彗 太子 見天 災 柘 ~,大呼 見 劉 門人殿前 人,入太史局 即 異。 杖, 西 凝 下晉陵 子。 時 收 !」堅命執之,俄 方天 静 有婦 絳 太 斬 曰 : 乘 衣, 之。 史 門 "; 市 誅 令姚 白 可爲天下母」,❷ 人突 甲 候 詣 可。 中 (原 馬 面 ,升令廳 ·, 長 受 申 止 二年 咸 再 注 玄 人 辭 著白 車 Z 門衛不覺者,宫 秦苻堅 康 拜 五尺。 辨 門, 東 九 酉 七星 Ŧi. 辭 Ŧi. 執 而 ,魚羊食 床 衣 月 宫,大言 行 : 稱 年 口 不見。 時, 志 坐,勘 男子 星 武 日 + Ť 姓 列 我 后 以 奏 吕 爲 當 有 皆 弯 室 冠,執 一天遣 詔 書 天 得 許 登 睿 則 神 士,令稱 伏誅。 付 祚 德。 州 太 宗 天 功 口 門, 極 太 元 香 我 原

聞

即即

入明

有

名

賜

聖

人

使

月

有

人

티 :

作

中

書

有

X

將

虚,

而

辰,狂人徐忠信闌 月,帝在 京兆 太和二年十月。 人李 文宗開成二 殿 年二月庚子,有人 極 爐 爲 至 萬 敬宗 一; 升 府 狗 元 官家 揚 歲。 通 年,狂 攜 兒 杖殺之。 州 天宫, 御 [原注]即位。 絳 持 兒, 郊 德宗 牀 狂人 囊 杖 祀、後 人浴堂門,杖四十,配 人段 年十 人含 閽 自 貞元 書 拜 劉 宋 稱 者 於囊 於 數 萬 德 高 元 長 月癸亥、原 八八年 天子, 及 走 行 謙 日 廣 宗 殿,擊 慶 仗 紙 宫 潛 人 突 建 有 四 端端 門 入含 二月丁亥, 衛 人 呼 刻 炎 狂 年三月 欄 外 承 不 門,又人 宿 於 人 之覺。 檻 天 元 注》新 年 右 自 具 衛 殿 流 擒 臂 衣 戊 兵

作「上」,據《 晉 Ŧī. 之志》改

原作「令」,據《晉 Ŧ 行 志》改

禍 曰 **:** 奉天 皆 問 皆是 吾 几 衣 年 所 付 中 正 上 突入恩平郡 更歷 -,不知 不得 衛 Ħ. 惘若 + 皇孫 十三年張 在 法 「先打 八門,有 語 年春,京 ,亦書於 月 司 孝宗淳 癸巳 史家 來赴 而 無 鞫 何 Ŧi. 知 知 問 鞫之,不 東 自 朝,流言 之矣。 差 )朔,以 並 Œ 熙 人自 南 《 英宗 郡。」鞫訊終 師 而 乃以不應之罪笞之, + 書 但云 第,升堂 甲 麗 至 事,宫中 之以 四 乙木。」内 外徑 京遠 得姓名,帝以 正 明日 實 未息。 年 薊 門 録 正月,紹 近 爲 州 人,執紅 樓 踐 立太 **%** 聚 異。 人,詰其 府 斗 不 王 天 觀 使 然 中 拱 語 坐 子,具 乎? 之。 執之,命 先 幾 未 内 興 棍 其 曰 朝 元 成 有 有 府 所 擊香亭, 有 狂 香亭 人乎 莫 若 景 忽 人伏 順 有 從 旨 解 付 泰 不 萬 帝 我 釋 狂 來 ? 於 之 曆 錦 知 取 其 太 至 不

《周禮·閽人職》云「奇服怪民不入

奇 有 宫 服 此 者 事 注 觀 日 而 漢江充可 豫 : 怪怪 爲 之防 悟 民 狂 矣。 易。」 「惠 是 侍 則 讀 先  $\Box$ 怪 王 民 固 未 知 有 其

## 詐稱 太子

此 之明 兵,遂以 姬  $\pm$ 者 皇 榛 亦亡國之妖 者,詐 事, , 莫不伏 子 建 · 者, 炎 藉 南 П 詐 中 稱 渡 法, 稱 越 也 外 至 榮  $\mp$ 有 른 一今民 流 訖 詐 德 偲 言 無 稱 帝 次 閒 異言。 洶 徐 子 姬 尚 洶 王 者 者 有 不 棣 疑 乃 詐 詐 息, 者 以 弘 稱 稱 爲 藩 光 詐 柔 淵 真 鎮 時 聖 稱 福 稱 Ŧ 信 帝 第

之臺 遂之乘 人,公卿莫 事 衛 太子 黄 狀 犢 敢 明 自 車 白 發言者。 殺 詣 於湖 北 + 闕 年 武 之後 況 吏 帝爲 值 民 非 聚 猶 築 常 觀 有 歸 之變, 至 如 來 數 成 望 事 萬 方 思

卒難 誣 鞫 未 是爲 詆 也 徧 年,吾君之子,天下屬 喻 得理,不 者乎! 可以亡國之君 寄之中城 心, 獄 舍, 衆 臣 口 不 而 諠 加 加 騰 之 刑

常

之甚 於别 熙中 此 滕 蠻 寶子修之爲道子 羨 中 有稱 慟 奴 第 而至者,太妃 晉會稽 勺 劉 藥 原 元 注」本 裕 王 也 顯 [原注]道子世 意 道 ), 竟 傳。 其 嗣 子 請 坐 詐 爲桓玄所 尊妃王氏 棄 近時之論,多有似 以 而 市。 爲 案 子。 嗣 驗 於 太妃不悟 害, 之,果散 爲 子秀熙 是修之 以 太 妃 臨 避 騎 ]1[ 哭 歸 平 郎 難 義 王

#### 外 或 天 象

盡 然。 昔 人言 原注》《晉志》云: 朔 漠 諸 或 「是時雖二石僭號,而 唯 占 於昴 北 9 其 亦 彊 不

> 海 太 弑 見 滅 犯 熒惑守心而李勢亡,熒惑 危 微、大角、熒惑、太白 而 亡,熒惑在匏瓜 起尾箕、掃東井 而 占於昴,不關 , 月掩 微 歲歲 孝 陵 軒 而 而 劉 武 弑 而武帝死。 轅 武 慕容德 聰 星掩 成 西 死, 而 白 心大星 奔,月 傳位,彗星 周 熒惑 氣 太微 太微、紫宫。」考之史,流 有 閔 貫 帝 齊 中、忽亡 紫 而 若金 上 掩 而 守 地,太 弑 燕滅秦, 彗起奎婁、掃 微 將 心 魏 心 人 而 歷 星 宣 時,則太白入太微 而宇文護誅 熒 而 東井而苻 虚危 高 而 武 人 惑 白 石 琪 東井 齊 弑 虎 Y 犯 犯 殺 熒惑 而 文宣死, 帝 軒 虚 死 胡 齊亡,太 而姚秦亡, · 孛 轅 座 危 星 生弑 沙 **熒惑** 而 人 而 而 入紫宫 星、太 虎 吕 彗 明 南 南 白 彗 星 虚 而 帝 隆 燕 斗 彗

- 0 作五胡 或 天 象」, 天象」。 原目 録 作 外 國應天象 據《校記
- 朔漠」,據《校記》,鈔本作「五胡」。

0

天道 之,主人不在則居者當之。 而 失,如宅舍之有 中國之有 星 以 起 中外爲 也 大 角 都 而 限 邑,猶人家之有宅舍, 哀 斷 宗 妖祥。主人在 ·●乃儒生之見,不可語 滅 其 他 難 此一定之理, 以 則主人當 悉 星氣 數。 於 之 夫

熒惑 下 諺 頻 冰書 無阜白之徵也。」梁武帝 比 元三年,歲星犯天關,安西 文帝崩,吴、蜀 正 ? 年 殿以禳之。 云 來 入南 再閉 魏明 「熒惑人 江 曰:「歲 東 日 《帝問黄權曰:「天下鼎立,何 關,不通信使,此 斗 無 : 「當驗天文。 他故,江 星 及聞 去 南斗,天子下殿走」,乃 無 犯 而 事,此其徵 天關,占云『關 復還 魏主西奔, 慙曰:「鹵 道 留留 亦 中大通六年,先是 往者熒惑守 不 復 將 也。」晉之 止 是 艱難,而 六 軍 天公憒憒 旬。 梁當 庾 翼 康 上 跣 分, 與 石 帝 地 心 以 虎 兄 亦 而 建 爲 而

應天象邪?」❷

### 星事多凶

子 受命之運」,而 言「大石自立、僵柳復起、當有 有 丞 子者」,而以 氣者,言「今年當 兵當大起」,謀 夏賀 相 兵, 罪,而 淮 良等 南 私 王 語 身坐要斬。 甪 安 門 袄言 以罔上惑衆,下獄 爲 以 人,爲王莽 其 畔 客 有戮 説 誅 逆'而 言 以 誅。 趙 死 甘忠可 彗 大臣 廣 所 自 星 齊 漢 殺 剄 長 康 」, 即 問 從 或 推 竟 候 病 太 兀 1 除 天, 漢 者 知 死 上. 史 夫 王 東 有 書 知 爲 天 眭 況 郡 弟 告 再 星 下 天 孟

0

中

外」,

據

《校

記》,鈔

本作「華□

」,「□」,疑是「夷

字。

<sup>● 「</sup>齊」、《漢書・王昌傳》作「高」。② 「鹵」、據《校記》、鈔本作「虜」。

追

而

殺

之。

劉

靈

助占「爾

朱

當

末

我

必入定州」,

遂

舉

兵

以三月,

者

王

尚

又言「滅

秦

者晉」,遂

南

奔,秦

事

先推

王詳,後推

王.

乞基

,而卒之代

吕

下

天

吕

者王」,又言「涼

州

分

野

有大兵」,故

曄

等謀反,棄市

並,

害

彭

城

王。

郭黁言

晏

一駕

由

骨

肉

江

州

當

出

天子,

而

卒

與

璋

降

於

昭

烈。

孔

熙

先

推

宋

文

帝

必

以

非

求

爲

益

州

牧,

൬

以天火燒

芬自

殺

劉焉聞

董

扶

八言「益

州

有天子

氣

天文不

利黄

門、

常

侍

i', 當

族

滅

而

卒

陷

部

兵

劫

莽

事

發

被

誅。

王

郎

明

星

曆

嘗

河

北

有

天

子

氣

而

以

僭

位

誅

死

襄

楷

其

是

孟

欽

檄

有

王

涉

以

或

師

公姓名當

爲天子」,遂

謀

以

宫

中

當

有

白衣

會,

乃以

自

殺

西

門

君

惠

+

餘

萬

言,莽皆殺之。

或

師

公劉

秀

女

愔

以

劉

氏

復

興,李

氏

爲

輔

,

爲

李

焉

作

讖

城,憂懼病卒,子 「滅」,又言 被 代 X 降 舉 范 道 以 所 語 書 王 之? 之。 閒 大亂 化爲 之 下大半,不愛天所生之民,是以 帝 故 事 何以徵之? 身。 天監官 文頗 數子者之占,不 賢等信之,謀立 天 擒 胡 必必 爲 死 ,天心決于用兵之際,非 下, 氏日 職。 此皆有物憑焉。 劉曜之亡也 ,能愛天所生之民,是以天命歸之。 靈爽以 者皆無罪 斬 故 擇愛人之尤者 是故 涉 鬼神 於定 〕攷受命之符 天下有必亂之形,是以起 趙 不 王射成言「天象將 自 能 號之亡也 占 遜 子崧 詫 之人,天心所哀也。 州 言亡國之徵 ),浮圖 ~, 卒 事 也。 知 習聞 而後授以天下。 可 趙 若夫天下 蓋改革之際,必大殺戮而 以 苗 相輪告之, 苻堅之亡,武 ,蓐 來 五經皆無是説,其 謂 昌  $\pm$ 貶 可 之術 收告之; 其説, `前定者、此其事 高 死 裔 不 不 [言]太 能言受命之人也 天命去之。 大 驗, 燧 亂 有 而 惟 成 靖 彼 秦之亡也 而 並 告人,俾 漢之二 易 豪 鬼神 祖 正 康 傑 祖 適 以 項 主 起於 人 永 末 並 者 羽 兵 以 伏 後 之變」, 鬼神 祖 可 樂 起 華 起 知 起 樊 誅。 宣二氣之 庫 東 自禍 當 後定, · 皇 趨 末 兵, 當 以 數 崇 陰 何 兵 漢 避,非 再 年之 矣上 子? 器 神 學。 光 由 有 天

知

先

告 告

五. 四

之側 側,亦 之也 祥 青 擊 留 識。 蛇 符 此 發 蓋 人洛 影 濟 ,龜語網罟之内,適自速其斃爾。 由 如 命之説 何當 陽 響妄誕 黄 是 H. Щ 觀之,彼李守之占 星 牧 賊 於與 燕馬 而 起 野 張 以 賀良 之師 四 滿 疑誤 八賢? 自 飲 神, 紀 兵 不知; 渭 以 無知之人駢首就戮? 勇 不 敗 故 況 前 不鼓 被 自 張 爲 僵 似 執 此 掖 時 於躍 柳之書 有 西 猶 以 石 巡 乖 後,不 門君 瑞  $\exists$ 魚; 于 而 在 讖 助 惠之語 兆 爲 武關之人,鋒 軌 文誤 晉 順 成 天之愛人甚矣,豈 降 之徒 爲 公孫 旗 符, 野 我 必不然矣。 , 如 多假 雉 在 赤 梟 丽 鳴 則 精 魏 鳴 神 眭 符 不 光 爲妖 之 祠之 彈 孟 礪 武 命 讖 丸 未 啟 惑

學 形 意 能 李 得 李傳 色,不 瓊 尋 由 聞 初 也。 流放,此學者之大戒。」「原 贊 曰 不 漢 而 可 : · 視 書 仲舒下吏,夏侯囚 「欲明 (原注)《藝文志 信人 又曰 》謂 天文,無 : 也。 「夫子之言性 此 「星事 術 所 晨 甚 論 夜苦 難 X 説。 蜀 悍, 須當身視, 漢 劇 執 注》。眭 與天道,不可 杜 非 譙 然 眭 瓊 湛 唐 後 孟 兩夏侯 常 精 密 知之。 誅 問 於 者 識 戮 其 其 術 弗 京

> 以 而

秒之微, 知。 進, 學 陸氏日 象,學徒 遽 恐  $\Box$ 魏 復 語 事 問 漏 : 미 高 憂 應各異,或災變甚大而 占 何 此 知 此 泄 允精 漏 | 験則 陰 非 ] 曆 煩 ? 不 泄 理明 陽 有 不 問 占 數 不 叮 於天文,游雅 災異, 書 難 請 雅 也 如 心 言, 具 而 ? 問 細者 乃 不 如 在, 易,占 者,終無 諸 不 止 知 知之 然以 不能窺 惟 君 也。 知 1驗易 有 絶 <u>-</u> + 並 甚 北 無事應, 數以 是 其 而 貴 天 難 子, 齊 門 所 難。 以 下 史 游 户 説 權 不 一觀之, , 然有 災異問 非 曆 亦 妙 子 既 會 數 復 心通造 弟, 不 理 E 每 明 所 視 或 成 授 争,常 至 知 궁 不 同 風 法 允。 也 化、未 多, 之, 此 可 由 角 災 按 在 紨 此 此 玄 復 何 後 足 分 而

太醫令程 好 事 石虎 者未 之太史令趙攬 延 嘗 以 不 方 中 一。」(原 脈 死 注 以 故 注 天 淮 文 中 南 死 傷 也 子》 , 苻 生之 日

0 無」、《三 或 志・ 蜀 書 杜瓊 傳》作「

永

是出 終始傳》。 西京之末也。 還,以鬼神事,因奏録圖書,曰:『亡秦者胡 也。」然則讖 而 述上帝之言,公孫支書而 矣。」《秦本紀》: ●「燕人盧生使 史記 記之興,實始於秦人, 趙 (原注)褚先生《三代世表論 世家》:「扁 鵲 言· 藏之,秦 秦穆 而盛 》引《黄 人 讖 公寤 於 海 於 帝

王劭 病已。 武 彧。 宋 武殺中都 殺 廢帝 傳 紇 齊神 始皇備 苻 豆陵,而 欲 隋煬 官 武惡見沙門,而亡高者宇文。 生 南 詔 匈 洲 殺 族李渾 獄繋者,而 奴,而亡秦者少子胡亥。 篡周者楊堅。 魚遵,而代生者東海 湘 中, ,而禪隋者李淵。 而代子業者湘 即 帝位者皇曾孫 〔原注〕見 王堅。 ( 隋 東 唐太 周 王 漢

> 年。 指其人而去之,雖知 數,其人已在宫中。] 淳風之術,壹似優于 之不可知也。 在二紀後。 福之定數也。 以爲咎在許后 食地 人乎? 見,但 宗誅 妾,炯然在 三年,日 而爲害者。」欽、永同辭,皆知致災者二人,一 信而有徵者善,然雖 流德, 而 日 震 當二異俱 地 李君羡, 時, 所謂 食,中宫之部。 震則后不見。 食、 而 目,但不能言其 告 繼 地 信 在永始、元延之閒與綏和之末,相 李淳 戒則 矣。 嬖色人宫,處耳目之前,妨 發,適有一 震,同 周 愐 者 而 有徵也。 爲日 永等不能言其 風謂太宗曰: 其人未必敢斥言也, 有 革 H 藝 地震, 徵,無 二者俱發,明 俱 太早, 祖 唐者 許后代之受其譴責, 發。 名氏爾。 然而 益禍 掖 一胡 徵 谷 武后 庭之中。 應則 妨嗣傷主之害,不 非許后也,所 永 氏 福之定數 臣仰稽天象, 日 厥後 日」考 爲 同 期太遠、 周 事 繼嗣 雖斥言之未 永 昭 此 但 古古 世宗 異 必適 也。 儀 日 欽,要 正后, 謂 舉 姊 食 距 傷 測之學 俯 此 無益 朝 妹 妾 則 漢建 # 聖 代 不 察 天心 泰 在 争 杜 妾不 有 非 躬 張 能 曆 然 嬖 始 日 寵 欽

秦本紀」,據《史記》,此下引文見《秦始皇本紀》。

0

日

知

録集釋

卷三

能決去也,其實一也,故曰信而無益也

## 孔子閉房記

背 啚 也。』世充大悦。」 竿以驅羊,釋云: 留者以大辟論。」《舊唐 泌緯及名爲《孔子閉 不一矣。 之興,皆謂 之説,一切附之孔 原 王 世 圖 讖 注 充將謀篡位 字也。 乃 自 隋 漢以後,凡世人所傳帝王易姓受命 書 上《孔子 魏高 今 夫子 藝 王居羊後,明 則 術 祖 一,有道 傳 託 前 太 詳此, 『隋,楊姓 閉房記 之李 子。 和 知 臨孝恭著《孔子馬 房記》者,一皆焚之。 而 士 九 淳 乃 如 書 年 預 桓 »**,** 畫 風 沙丘 似 詔: • 王世充傳》: 爲 相 法嗣 也。 而 今 之讖,其 國代隋 作 人所 干一 不 之亡,卯 自 者,自言 丈 言 頭易卜書 今圖 夫 云《推 孔 一」者, 爲帝 持 書 讖 解 蓋

#### 百刻

卷。

之,爲初初者十二,爲 刻。 刻。 今曆 九十六刻,其不盡者,置一「初初」於初 以 大刻,合前爲 之上,置一「正初」於正 正三、正四,謂之「大刻」。 謂 之「百 初 家每時有十 每刻 日十二時,計 一、初二、初三、 刻一乎? 止當大刻六分之一,合一日計 百刻 刻,則 曰 : 刻 正 初 則 初者十二,又得 曆 一百二十刻 四、正 以「百刻」 之上,謂之「小 合一日計 家 有大刻,有 一、正二、 之,得 矣, 爲 日 四 小 何

時,每時 分爲六十分,百 宋王逵《蠡 得五 百分。 海集》言: 刻 共得 如 此 六千 白白 則一時占八刻零 分,散於 刻之説 每 + 刻

也 十分零 二十分,將 別。」《困 數 學紀 分 八 聞 作 刻 初 》所 截 初 作 載 正 初、 易氏之説 正 初 各 微 四 刻 亦 刻, 各 同 卻 + 將 分

若以 也。 樂宫 H 當十位。」凡 挈 取 記  $\Box$ 刻。」「原 夜。」「汪 隋 説 中 壺 則 二《靈 神 今十二時 以 書 文》:「漏,以 東 至日 氏 白 闕 光 唐 以 天文志》:「昔黄 注」「刻 氏日」 則 度 樹 並 樞 禮 分 數 昳 上 見, 其 得 以十計 經 計 書 ,其序自 昭 燭 飛 一字始 職 數 挈 之,乃以 夜,其後 Ŧi. 燿 下 也, 而 壺 年《傳》:「日之數十,故 者,古 漏 銅 齋 止 日 見 宫 有 地 氏 受水, 中 其 《漢書 午、 + 水下百 常 皆 而 留 有 注 法 注, 以 大 逆 辰 + 餘 數至 甲 刻 總 帝 LI 餘 寅、 刻。」又 宣 乙爲次 刻。」《 創 節,晝夜百節 刻 以 帝 漏 一食時, 命 丑、子、亥、戌 以 紀》, 觀 百 箭 官  $\Box$ 百 漏 禮 又逆至旦 刻 晝 分書 Ŧi. 而 度, 有十 水, 記 分 鷡 鳳 夜 + 周 凰 三年 時 於 時, 百 共 制 夜 則 禮 集 西 時 書 刻 樂 器 百 亦 Ę. 詔

+ 其 時 爲 傳》:「 仍 以 六 梁 申、未爲十位一二三四之次,古 改 爲午,由是晝夜昏 百二十刻爲日。 初 辰 司 九十 刻。 辰 (傳,以 · 二 時 天監 天監六年, 行 刻,一時 正。』從之。』《 以 有 四 百刻,八刻六十分刻之二十爲 餘 六 得 每 重績言 刻爲 刻至 奏《 刻 分者 八刻 午 辰 十分 有 漏 日 時 Œ 有 四 梁武以九 蓋本 八刻二十分。』《玉 有 刻 爲 古 武 爲正 漏 全 仍 刻六分之一爲 Ŧī. 八 經》云: 時 法 刻 帝 刻 有 於 代會 刻三分之一。 始,下 曉,皆失其 也。 之法:『以 蕭 , 此 以 餘 八 + 梁。 六刻 焉。 分 晝 要》:「晉天 自 ^ 晝 乃 但以 夜 Ŧī. 侵 是 古 爲 夜 「原 百 代 未 知 H 所 以 畫 時 注 刻 正 中 史 每 畫 夜 四 用 海 百刻,分爲 IE. 各分 漢哀、 錢 分 六十: 星 刻 • 辰 也。 夜 》: 「 每 一,終八 氏 福 考 請 + 馬 西己 得 爲 日 Ŧi. 三年 一時 新 ·分爲 依 分 今失 書 ]|今法 九 + 重 八 時 莽以 耳。 古 夜 而 績 刻 刻 時

時 餘 八刻二十分,每 Ē. 二十分 則交入次時。」「《國 爲 雞 唱 刻 一擊鼓,八 唱 絶,擊 <del>--</del> 史志》: 鼓後 Ŧi. 進 鼓,爲 時 每 牌 時

#### 雨水

後 改 春 以 注 嫌 謂 桃 云:「正 驚  $\overline{\mathbb{Y}}$ 分中。」是前 驚 於 天 始 華,倉、 蟄 蟄 蟄 所 雨 禮記 爲二月 爲 雨 月立 水 則漢 者水 IF. 爲 夏 庚 月令》: 月 小 正 初已 春 鳴 節 中。 而 漢之末,劉歆 節 月 正 鷹 也。 非 有 中 》: <u>『</u>正 雨 化 雪 疏 此 氣 然《 也。 水 爲 説。 引 仲春之月,始 也。 中 鳩。」「始 淮 月 漢 今曆去此 [原注]《逸周 啓 南 鄭 書 作《三統 子》先 蟄。』漢 康 月驚 • 雨 成《 律 水」者 曆 蟄 雨 雨 書 月 曆 始 志 句 水, 節 水 **\$** 亦 唐

容齊依 邕 雨 始亦以驚 曆 不 術 清明先于穀 之。』」是則《三統》未 蟲 蟄 問 志 雨水之前,穀雨居清明之前。 始 月 也,改之者《四 也 但非 是 》乃改之,司 注 解 始震」、「原注」今作「振」。 月 雨 爲 答》云:「問 ,獨用之何?』曰 依 令問答 鄭 云「今日 水一, 正月 《春秋 始太初 劉 歆《三 班二公處于孝章改 蟄 春三中 爲正 雨。 》謂 中, 淤疏 則 雨 並 馬 統 彪 攷 氣、雨水、春分、穀雨 水」、「今日驚蟄」、「今 四四 月中」,「漢 雨 非 曆 謂 雨 者 分曆》耳、「梁氏曰 續 -始于子 禮 [分》仍用《三統 太初 》所載 水二 水 日 志 爲 『既不 月令》疏 時  $\frac{}{\Pi}$ :『孟春、《月令》 駿。 節 改。 嘗 月、 二月 始 曆之後,特 證 氣與 自 改 也。 以 二説 蓋東 在 漢迄今,雨 故 雨 雨 謂 古 節,皆《三 》以驚蟄先雨 用《三統》, 正月也。「仲 康 水 漢章 不 皆 劉 水 以 日 成 爲 而 注 殊 非 歆 在驚 清 其合, 〕古曆以 月令注 蔡邕《 也。 以 帝 更 ,則氣名之改 明」,「今日 水先 月 明之。 時 改氣名。 節 蟄 用 水,不 漢 于 統 日 × 驚蟄 之 故 以 志 月 四四 驚 獨 蟄 前 漢 》歲 用 春 暬 法 驚 **\$** 穀 漢 分 洪

蟄,夏 宋孝武 爲 則 蟄。」〔原注〕王應麟曰:「改『啓』爲『鷩」,蓋避景帝 水爲異。 唯 何 以 是。 當依 南 岐 方 異? (帝紀》:「大明元年 正 「原 《左傳》桓 古 地 建 以 注》《律曆志》又先穀 煖,有 記 寅之月。」《 驚 疏誤. 蟄 正 爲 Ŧi. 也。 月 IE. 年「啓蟄 Œ 雨水者。 月庚午,都下 今二月 月 夏 中, 雨,後清 小正 雨 而 閒 「原 水爲 郊 尚 雨 一 正 注》《南 水。」蓋以 注 有 雨雪 月節 月 諱。 史 啓 啓 雨

#### 五 行

木 上 生下曰寶,下 日 曰 保,子 日 木 爲「伐」,今曆家承用之。 伐,上下 淮 抱 母 南 子 >: 朴 相 生上 同 子》引《靈 得 日 日 「五行子 專 日 專。」以「保」爲「寶」,以 義,上克下日 母: 寶經》謂 勝 生 子 母 日 日 制 義 「支干上 制,下克 子 母: 勝 生子 母

記

#### 建 除

子 ※: 建, 爲閉 爲破 之,亦月與日相 爲除,辰爲滿,巳爲平,午爲定,未爲執 於地户。<! ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | ( ) | 書》:「黄帝之元,執辰 公六韜》,云:「開牙門常背建 「人名 戊 ~ \_ \_ 日者傳》有「建除 ,西爲危,戌爲成,亥爲收,子爲 建除」之名,自 辰 漢 山,以 直 書 直 定。 甲 也 • 王 子 開 蓋 莽傳》:「十一月壬 除日 天文訓》: 斗 是 家」。 。」則十二 破巳,霸 而 戰 起。 或 「陸 向 字 寅 後 始 學 王 破 輪 博 語 見 之 心《越 爲 直 日 於《 建,卯 氣 開 自 子 抱 古 , 見 太 史 Η. 申 絶 有 朴

但 神 伸 事 解縉 播 甚 種 無 封 之宜 謂 事言: , 何 孤 虚 治 用 宜 建 忌, 曆 除 明 亦且 之謬? 時,授 不 經。 民 方 作 向 東 事 煞

一六

必 īF. 辰 西 之次 無 此 行 類 此 之論,天德 也 等 仰 之文。 觀 俯 月 察, 所 德 事 宜 之 合 著 書 逆 者 \_, 臣 順 日 料 "; 七 月 唐 政之齊 之行,星 虞之 曆

### 艮巽坤乾

背 則 之 申 訓 水 坤 至 日 几 指 小 維 陽 戌亥爲四 日 乾者,不 之維 寒。 加 十 報 曆 + 六 德 斗 家 了子午、 五. 日 加 之 指 天 東 日 十 知 而 子, 維 盤 鉤 南 指 Ŧi. 其 立 卯 則 則 爲 甲 H 東 春 所 西 +冬至。 常 越 指 北 始 爲 則雷 四 羊 陰 加 Н. 爲 二繩 時 之 在 按《 十 報德之維 驚蟄。 則 地 加 維 五. 有 淮 大 丑. + 日 故 所 寒。 西 寅、辰 南 Ŧi. 指  $\Box$ 北 謂 加 子 日 西南 寅 + 距 爲 艮、 加 心民、未 指 天文 Ŧī. 則 + 蹏 H 巽 Ħ. 冬 爲 日 雨 通

雪。

加

+

<u>Ti.</u>

日

指

Ŧ,

則

大

雪。

加十五

日

指

几

+

六

H

而

V.

冬。

加

+

Ŧi.

日

指

亥,

則

小

加

+

Ŧī.

日

指

蹏

通之

維

則

秋

分

盡

, 故

 $\Box$ 

有

子。

所

謂

報

德

之維

常

羊

之

維

背

陽

之

維、

蹏

通

之

維

即

艮、巽

、坤

乾

也

後後

人省

指 申 則 加 盡 加 指 小 曰 雨 指 指 · 故 大 辛 + + 午 滿 有 Z 卯 則 暑 Ŧi. 則 兀 中 Ŧi. 加 則 則 處 日 日 + + 日 加 繩 陽 有 清 暑 寒 指 + 六 五. 加 指 四 氣 明 故 露 酉 Ŧī. 日 日 十 1 + 極 加 日 中 風 日 而 指 五. 六 則 春 + 加 繩 故 指 立 至 常 日 日 小 分 + 故 五. 羊之維 日 夏。 丙 指背 而 暑。 五. 日 有 加 則 則 日 立 指 四 加 日 + 秋 芒種 雷 陽 秋 加 十五 + 指 庚, Ŧi. 分。 行 之 + 六 則 日 戌, 加 維 則 Ŧi. 春 日 H 指 加 + 加 加 則 白 日 而 指 分 辰 則 十五 + Ŧi. + 露 霜 指 Ë, 夏 盡 夏 Ŧi. 日 則 Ŧi. 降 未, 至。 H 指 分 H 則 故 穀 H

# 取卦名當之爾。

太 志 || 云: 太歲。 北 一錢 極 學博 大星,  $\Box$ 太一 」紫 宮太 座 也。」「又 即 即 耀 日 魄 寶。 曆 家 故 謂 隋 之

子以 始也。 祠 壇 記 太 有太一九宫之説。」《黄 「天神貴者太一,太一佐曰 一。」《封 大事記》曰:「古之醫者,觀 開 長 此時未爲神名也。」〔楊氏曰〕夫禮必本於太一,此所 安 春 常 天官書》: 太一 又《楚辭》有「東皇太一」,稱之爲「上皇」。 東 禪書》:「亳人謬忌奏祠 秋祭太 通 居。」「原注》《周 南 之名,不知始於何時。 之 郊 鬼 常常 一東南 中宫 道 。』於是 奉 氏 日 祠 禮 郊,用 天 八風之虚實邪 鈔》 如 》注:「昊天上帝,又名 極 忌 天子令太祝 注 屋,其 Ŧi. 方。 吕 太牢,七日,爲 帝。 氏 太一方 「原 春 其後 IE. 秋》「太一」 注)吕 古者天 以 明 治 人有 者 立 日 病,因 <u></u> 東萊 其 史 爲 太

中央。 之數。 度》所 北, 之所居,故謂之九 北 師未有以 三四五六七八九,一 曰「太一取其數以行九宫」。〔惠氏曰〕案九宫之法,一二 三右七,二四爲肩,六八爲足,五居中 其數以行 一之圖》,乃《易乾鑿度》九宫之法,自有 太祝領祠之於忌太一壇上,如 三,一天、一地、一太一』。 Ł. 辰神 之祠 書,言『古者天子三年一 陽起於子,陰起 謂 西 劉牧謂之《河 「南,八東北,五居 名 四 中央者,地神 此 所 爲《河 正四維,皆合于十五」,是以 也。 九宫。」「原注」《河 自起。 圖 下行八卦之宫,每 圖 [》者。 北,九南,三東,七西,四東南, 《易乾鑿度》曰:「太一取 宫。 中。 宋 於 鄭玄注曰: 原原 姚小 午。 方位 天 注][地 彭 圖》之數,戴九履一,左 數 與《説 謂: 是 天子許 用 以 央,從横十五 神」疑作 以 其 今所 五乘十,即大 《易》以 陽 太牢 桂 四 「太一者, 太 方。」此 河。 出 傳 之。 乃還於 北 來,諸易 《戴 下 以 祠 辰 乾 六西 九 陰 太 神 故 履

九宫,從坎宫始,自此

而

坤

宫,又自

此

而

揚。 天任 應在 木 在 自 中 宫 也,天心 禽,其應在 宫。』九 宫,終於 宫,自此 南 爲天 漢高 行太過不及,其眚 游息於太一之宫 央之宫 在 齊書 既 一九爲 青。 天 「《易乾鑿 雍 又 内, 宫 衝者,木也。 帝 解宫 亦 自 而 四爲 Ŧi. 者 高 天英,其 豫。 惟 金 以 艮 此 年 既 帝紀》,案《太 水 也 宫, 而 制 遊 実 別 日 也。」〔原注〕後漢 至宋順 天 又 無 六爲天心,七爲天柱,八 巽 故 荆 爲 自 輔,其應 自 宫 應宫也。 州 應 天 而 金行太 在青、 此 : 此 之野。 天 在 蓬 太一 反紫宫。● 所行者半 帝昇 而 輔 而 雍,在梁,在 離 以 乾 者,亦. 在徐。 過 在 宫, 明元年 此 取其數以 黄 宫, 三爲 制 九宫· 不 徐。 謂 香 冀 及,其 行則 矣, 作《九 自 木也。 行起 以 天柱, 天衝 州 Ŧi. 占 九宫 太 此 還 兖, 之 周 爲 宫 書 從坎 歷 而 息 野 賦 矣 爲 制 在 故 在 天 其 九 所 兑 於 推

> 祀之, 謂 宗 兵 之太 在 甘 九 在 立 疫 九 泉 之西太 天 分 宮、毎 聖 不 野 祠 泰 則謂之中 宫。 也。」《 中, 興,水旱不作。 畤 於 \_\_\_ 東 也 四十 仁宗立 宋 南 Ш 朝 在熙寧中 唐 郊 太 堂考索》: 餘 尤 謂 而 祠 年 重 祀 之太 於 而 太 之, 在 西 清紫 神宗· 徙, 所 之祠, 則 南 太 漢 平 郊 謂 立太一 建 極 興 之 而 臨 集 以 宫 祀 東 或 之 福 太 之, 中 太 祠 宫 地 宋 飛 而 則 太 則 謂 即

能 者進 也 吴移蜀。』信. + 數 曰:『太 原注]當作西南。 宋史・ **%**, 敗 降 如 劉黻 者 祈禳之説 所 相 臨 傳》言: 繼 今五 福 分野 六 何 西 則 + 在 西太一 北 有 州 耶 坤 福 ? 安 維 之役, 近歲 武 全 按 者 帝 堵 不 自 祠 口 佞

<sup>●「</sup>宮」「據《後漢書・張衡傳》注引《易乾鑿度》鄭注

方士 太 之謬。 於長 安,至· 雖 其 晚 悔 年 之弗 以 早 虚 猜 耗 受 愈於 一禍 終不 而 後 知 悔

悔

者

也。

正 五 Ŧi. 九月 九 月 爲忌月 一個 氏 其  $\Box$ 説尤詳 一宋 王 勉 當參閱 夫《 野 客叢 書 載 IE.

本志。 物,立 伐麝卵,三 德二  $\Box$ 並 淨業始於慈悲; 月不得 今人 不得 一种 年正 相 政 行刑。 唐 自 夏齋戒月,三旬 忘鑒 經 今以 行 朝《 沿 邦,咸 驅之化,不取 刑 月甲子詔: 寐。 以以 後,每 所 新 道教沖虚,至德去其殘殺。 ,禁屠殺。」「原注 在公私 率兹道。 殷 格 爲 帝 年 影以 不宜 去 正月、五 宜 斷腥羶。」《 網 前 正 朕祗 斷 禽。 上任 庶 「自今正月、五月、九 五 屠殺。」白 踵 膺靈 月、九月 蓋 前 雲麓漫 欲敦崇仁 九月 修; 部部 命, 考《唐書》,武 [居易 E 及每 撫遂 齊 爲「忌月」, 王 四 釋 鈔 月十 在 惠,蕃 羣 捨 時 生 典微 之禁, 杭 牛, 州 齋日 日 實 衍 妙, 符 念 庶 無

相 謂: 錢。」 高祖。 位乎?』顯祖大悦。」〔原注〕《南 曰 書》五月不 景業傳》: 唐 照南 不」,融議『不宜拘束小忌』。』《 忌之也。」 愚按,正、五、九月不上任,自 神 五行家言,不緣屠宰,其傳已久,亦不 鎮 釋氏《智論 齊。二是以 惡以 "『王爲天子,無復下期,豈得 曹,倉曹以『正 時 洲 其後 贍部洲。』唐太宗崇其教,「原注」太宗當 新官 故正、五、九月不食葷, Ŧi. 每 《南 月 月 Ŧi. Ŧi. 類 上任 大 齊 可入官,犯之終於其 H 月爲「惡月」。 書 此 生,其祖 移, 祖 ,應祭告神祇,必須宰殺,故 遂 將受魏禪,或 月俗人所忌,太倉 『天帝釋以 張 察人善惡。 不 猛日 融傳》: Ŀ 又考《左傳》, 官。 『昔孟嘗 大 史・王鎮 攝祠 北 百官不支羊 正 菽 日 寶 君 不終 位 齊 鏡 袁 以 Ŧi. 部、 惡 爲 書 照 悪 雜 月 於 . 始 鄭 景 陰 倉 九 傳 可 • 四 記 生 其 厲 業 陽 開 於 宋 是 部 月 大 而

六四

下爲 書 忌 宿 廣 月也,就 公復公父 定叔之位, 亦足以復 將 數 常 桓 雁門,又坐 奇」,以 Œ. 譚 留 耦 傳》言 日 落不 雁門之踦 盈 日 憎 ,上於牕閒擲米團,得隻數爲不利。」 數馬 奇,古人已有之矣。 .耦。 法免,爲 爲「命 「卜數隻偶之類」,蓋古已 是 隻不 則 蹄 應劭曰: 而 隻不耦 以 使 顔 耦 雙 以 師 「踦,隻也。 0 月 也。」《霍 十月 古 「原注 爲 注 人, 良, 「原 上去病 有此 漢 ]《段會宗傳 會宗從 書 曰 注 隻 傳 術。 二《後 月 沛 李 良 爲 諸 遼 漢 郡

放 乙巳 開 詔: 屠 册 府 日 自今二月一 元龜 。」「原注 ×: 计 德宗貞元十五 日 和、重 九月 陽二 節 九日,每 年九 節 月 前

以 月 居 持 飲 易有《閏 齋 酒 唐 戒,不 也 人正 九 五、九 醉 月 重 九 陽十 日 月 獨 齋 Ħ. 飲》 戒 年。」是閏 不不 詩 云: 禁閏 自 九 月。 從 月 九 口 白

《册府元龜》載唐開元二十二年十月

業,猶 仍 其百 餘 物 + 禱 刀者既獲厚利 酉 又《舊唐書 月、十月元日 今 姓 屠 敕 生植、 以 間 日 : 「 月 準 朔,敕:「 宰,令河 亦 四 不 開 是 司諸 久 後 日 近梁、 禁。 」 之初, 日 矣, 元二 道家三元, + 兩 並 厨 武宗紀》: 而 Ŧi. 南 隋。 都 齋月斷 此 停 日 十二年敕 起,十三至十五 日 初 尹 当, 則 宜斷 及 室 有 是 未 天 李 道家之説 卿 殺 肉 察者潛受請 蒙 屠,出 下 三日。 下 誠 相 漁 料 適 大臣 之句 元 有 福,念不 諸 獵 會昌 亦責 科誠。 齋 等, 州 於 元 列聖忌 日 ,乃正、七、十月 當, 或 釋 數 四 兼 每 日 求。 年 都 氏 在 沿 兼 奏 肉 總 年 各 朕 來。 内 兹 滋 春 宜 料 īĒ. 與 嘗 斷 斷 Œ 弊。 或 禁 人 正 食。 月、 贖 精 並 今月 日 以 家 月 斷 應 日, 取。 意 萬 鼓 創 Z 自 有 七 百

 <sup>「</sup>正」下、《舊唐書・武宗紀》有「月」字。

同 而 非 原 IE. 注〕今人所 五. 九 謂 月 三言官 又 齋 與 用 武 此 德 年 之 詔 不

神 龍 此與 祠 後 常 漢 書 以 隻 月 正 南 月、 同 匈 Ŧi. 奴 月、 傳 九 月 匈 戊 奴 H 俗 祭 歲 天 有

## 古今神祠

城 漢 京 雊 右 於 來 祠 來常 祠 陽 以 將 • 而 又云: ^ 劉 下 軍 城 景 陳 史 盆 王 記 寶 以 而 則 其 子 以 夜, 尤 • 秦 若 傳 在 雍菅 著 封 求 時 雄 光 秦 禪 福 所 中,最小鬼之神者 雞 輝 廟 書》言 助 奉 軍 若 其 有 其 之 中 神 流 杜 聲 神 常 从 星 或 主。 殷 秦 狂 有 絶 歲 雍 殷 言 齊 無 從 不 杜 旁有 云 影 至 巫 主 東 景 響。 一, 故 鼓 南  $\pm$ 野 或 白 舞 來, 大 自 雞 歲 周 數 怒 後 祠 之 數 + 西 夜 集

其 糾 第爲之, 陳 誑 渤 時 窮 干 效 於 便 陽 病 祠  $\Box$ 耀 海 爲 歷 濟 小 祠 曹 惟 祀 石 漢 利 景 : 言 都 濟 軍 之後 樂安 『當 · ° 蛇 輿 王 邑 南 立 世 南 故 中 有 「原 鄉亭 服 祠, 太傅 相 服 魏 爲 晉 長 驚 神 尤 其 稍 帶 注 導 明 聚落 縣 書 書 漢 動 吏 復 盛 皆 吏 陳 綬 或 應 從  $\forall$ 官 如 蕃 其 人 城 無 • 毁 備 劭 爲 故。 皆 至 作 譴 Ŧi. 濟 置 「初,城 陽 敢 奉 壞 爲 風 琅 立 何 問 六 倡 南 官 禁絶 行 景 然 祀 禍 立 俗 祠 邪 故 屬 祠 相 樂 百 祠 通 志 福 Ŧ. 考 屋 曹 王 爲 烹 神  $\mathbb{H}$ 餘 立 之 操, 者。 造 陽 奢 京 祠 殺謳 賊 青 應。 數 祠 止 飾 景王 ~?』有 於 侈 傳 中 五二千 自 州 臨 絶 下 切 歌 歷 太 史 日 琅 禁 諸 官 賈 言 淄 載 紛 劉 邪 祖 甚 絶, 彌 吏民 郡 晉 籍 石 青 宫 慕 人 笑 有 章 或 到 久,莫 肅 連 車 轉 容 民 大 時 州 或 中 以 中 巫 然 H 商 六 德 蛇 猶 不 假 者 坐 相 有 多 政 原 有 之医 郡 轉 人 清 得 注 載 負 有 貧 倣 功 不 輒 次 城 及 相

記 傳 詔 依 蔣 驃 或 几 Œ. 侯 祖 注 食 廟 遂 廟 稽 凶。」蘇 之,何 神 思 一胡 騎 邑 於 祈  $\pm$ 加 侯 字。 傳》: 大 偶 三省 大 萬 者 雞 蔣 位 神 而 坐 都 如 以 德 將 是 户 帝 籠 顙 人 相 督、 爲 諸 護 通 替 乞思, 神。 宫 軍 如 Ш 或 之日 祖 都 并 鑑 加 曹 雜 迎 · ° \_ | 昌令, 齊 中 神 思 注 節 晝 大 景 末 無 蔣 並  $\exists$ 城 + 外  $\Box$ 宗 聚 鉞 拜 夜 南 除 侯 其 V 唐 隨 旬 諸 羣 青州 史 ~ 使君若 爲 登 祈 傳 堯 號 神 廟 不 蘇 軍 聖 蘇 神 大 禱 禮 誉 • 像 爲 侯 0 雨 刺 人, 事 侯 司 齊 神 史垣 丘 志 清 於 靈 ^ 自 即 而 爲 梁 蔣 蕩 馬 宋 東  $lpha_{:}$ 宫 鍾 帝 帝 誅 與 蘇 此 護之入 至 驃 武 侯 昏侯紀》: 書 蘇 峻 内 怒 Ш 坐 封 始 漢 車 騎 明 帝 加 侯 Ŧ. 安 則 鍾 神 堯 將 啟 城 服 帝 命 時 爵 南 是 Ŧ. 山 共 廟 陽 蘇 齊 軍 「原 兀 載 早, 羽 堯 位 V. 坐 郡 遥 廟 書 廟 M 景 荻 儀 侯 至 注 九 今欲 甚 重 有 王 光 一
原 迎 劭 欲 王 即 至 相 州 夫 蘇 崔

革之也 守,云 馳 焚 碑 下 京 俄 與 到 至 亥 將 自 忽 不 宋 \*\* \*\*: 車 其 郡 朝 踐 詔 驟 神 聞 + 而 常 書 即 毁 臣 阼 追 廟 牛 牛 雨 廟 靈 蔣 必 避 皇 項 • 楚 江 子 響 修 以 停 如 死 雖 之。 孔 帝 Ŧ. 著 須 羽 總《卞 文之廟。」《 來 將 謁 瀉 有 既 安 神 季 祀 位 屐 \_ 0 少 起 弘 原 蔣 未 臺 民 爲 恭 以 F. Ш 兹釋 南 ^ 時 注 火 侯 嘗 陳 楚 卞 一《魏 丙 中 軛 傳 亦 聽 齊 還 廟 教, 梁 躬 書 Ш 子 當 **\*** 宫 卒 湖 下 書 静 事 簡 書 詩 自 止. 王 神 牛。 殿 州 文 • 世 幸 獻 先是, 武 到 又 李 帝 皆 上 自 任 亦 居 車 盛 鍾 以 廟 集 帝 於 安 忽 4. 安 自 有 此 郡 祀 城 Ш 神 紀 有 廳 民 民 有 流 於 卞 振 E 帝 聽 吴 是 祀 爲 百 澄 傳 雲 吴 上 奉 是 畏 動 Ш 神 事 世 祟。」 興 蔣 除 興 4: 八 佛 備 信 如 王 揚 + 楚 頻 帝 英 自 法, 太太 帝 繖 州 歸 法 遂 今 威 武 王 Ŧ 喪 廟 月 而 刺 駕 懼 深 神 定 帝 不 Z 倏 史 守 南 石 太 亦 继 時 廟

年,故 年,死 然 之言 食 答宰我 欲 敠 下 謝 下 何。」 Щ 亡。 于稷, · 及諸 则 反 者乎? ,封爲帝 反受世 而 謂 本 其他人鬼之屬又可知矣 日 梓 而 蓋 「黄帝」之問 小 也 潼、二 黄 神 湯 民 物 神凡千七百 人之崇奉, 君。 遷之 帝 畏 應 盛 道 而 劭 其 《水 則衰 郎、三官 之事 言 豈鬼 百 神 加 年。 經 白 祀 自 謂: ', 亦 關 年, 注》引吴 平. 神之道, 所,今營寓夷泯 棄。 純純 壯 然之道,天 烈 有 帝時,天 生 Ľ 繆之祠 Ш 换 陽 以 而 而 氏 轉 之 帝 民 猛 亦 民 之子 類  $\pm$ 用 語 與 地 得 至 神 其 其 昔 六 時 廬 徧 以 其  $\Box$ 聖 教 利 夫 或 宰 宗 爲 Ш 於 後 柱 百 子 神 者 器 己 代 且. 百 天 出

禱。 夏  $\exists$ : 相 楚 而 春 三代 昭 甯 秋 之世,猶 王 子 命祀 有 弗祀,晉 1,祭不 疾,卜曰 知 侯 越 淫 望。 卜《桑林 祀之非, 河 爲 江、漢、睢 祟」,王弗祭, 故 而 衛 荀 答 侯 弗 夢

> 乎 ? 謂 楚之 言: 至 미 楚 以 屈 「自釋氏 望 知 人 原 夫 之世 鬼 也 風 以 書入中 俗 而 昭 不 之所 越 而 王之所 穀 國、有龍王之説,而河 人機,亦皆 沅 雖 從變矣。」「原 湘 不 弗祭 德 之 閒 河 者 並 起 非 而 祀 於 注〕《雲麓 所 伯 屈 河 戰 無聞 獲 子 伯 國之際 罪 矣。」 歌之, 漫鈔 岢 巾 所

號, 號 制 神 미 瀆 上 嶽 鎮 至於今,英靈 禮 帝 止 止 凡 、鎮、海、 加 歷 几 洪 以 不 以 嶽 幺 代 正名分,不 海、 經, 封 武 鎮、 山 微 有 號  $\equiv$ 四 瀆,皆 水 莫此 莫 加 年 瀆 本名 亦 海、 測 之氣萃 六 之 惟 爲 在朕 高 可 岢. 月 瀆,並 封, 稱 當 甚。 Ш 或 癸亥 以 其 時 思之, 而 廣 起 家 僭 神。 爲 至如 爲 去 水 自 差。 封 詔 宜 神 其 號 則 唐 郡 自 日 忠 前 今宜 之 必 世 縣 夫禮 有 天 臣 代 所 皆 城 地 不 烈 Ŧi. 崇名 所 然。 隍 依 受 所 口 開 士 嶽 神 封 古 以 命 闢 加 名 美 定 明 於 夫 Ŧi. 號 雖 以

嘉 進 謂 歷 幾 以 以 封 卓 代 禮 神 爲 佑 體 之 絶 事 漢 實 王 人 改 之際,名正言 、號,後 則 千古之見。 封 神 秣 正 之意。」其《 陵 號,予詳 何 歷 尉 不 世 蔣 代 考之聖祖 溢 君 忠 之再三,畏不 美之稱 乃永樂七年正月 之 臣 東 順,於禮爲 神 烈 嶽 之成 爲 1: 祝 皆 忠 亦 文》 憲 烈 與 依 當 也 日 敢 武 革 當 : 順 效 時 用 去 (丙子, 神 昭 稱 初 可 有 靈 朕 庶 封

#### 佛寺

閱 伽 姓 不 之神 取, 取 能 藍 比 遵, 晉 財 丘 今僧 許 爲 而 榮 是 比 惠 流 尼 上 亦 靈 丘 惑之徒 一疏言: 往 覺 惠 未合 往 寺 凝 依 寶 死 布 競 傍 臣 明 去 施 法 聞 加 之 復 敬 服 自 佛 道 五 五 活 事 者, 云: 也 見 又 戒 清 出 閻 侵 廳 遠 家 羅 雒 漁 灋 玄 之 Ŧ 陽 虚 百 尚

> 説 法 道 官 前 劫 佞 此 嘗 閻 佛 奪 作 者之箴 羅 付 民 隴 王 司 財 西 H 送 砭 太 假 : 人 也 卿 守 作 黑 此 造 門。 作 寺 靈 太 覺 此 非 守 之 寺 雖 卿 日 成 寓 之 言 力 曲 棄 乃 何 理 官 勞 居 枉 人

言 形, 答 寺 者 日 : 寫 雖 梁武 ! 經, 並 有 此 無 度 帝 非 功 但 僧 問 實。」 德 人 不 達 天 磨 口 在 帝 小 日 勝 彼 果 紀 灋 有 朕 中 漏 有 何 自 之 已 何 以 即 因 功 有 無 位 德 能 功 以 如 ? 來,造 德 爲 影 是 答 隨

未 守 欲 巢 ? 造 尚之罷 + 宋 此 級 明 是 浮 帝 我 郡 啚 以 大 人 而 故 功 (見,上 不 第 德 能 爲 乃 用 謂 湘 錢 日 宫 分 不 寺 爲二。 少 卿 備 至 極 通 新 湘 壯 直 宫 安 麗 太 散 寺

要 公疏

録

載

紹

興

四

年

Ŧi.

月

起

居

人

Ŧ

居

Œ

言

「伏見

兩

浙

有

「喫菜事魔

一之語

不

解 舍

所謂

頃

讀

李

心

傳

《繫

年 文 以

避

禍

邪

教之蠢

動

由

此

**一錢** 

氏

 $\exists$ 

一向

讀

沈

繼

祖

劾 起 又 惑

朱 事 以 於

苗

**一**氛不靖

派

及數

省

横

求

無

藝

忿

不 挾

思

患

借

蓮、八

、卦等

教,欲

以

祈

福

繼

因

地

方

官

制

萬

端

黔 白 氏 念 丽

[]今者

楚 戒

蜀

之民,聚

徒 聚

劫

衆,

陸

梁

隅。

始

則

經、持

齋

殺

爲 眩

名,

所

之徒

多

脆

弱

不

堪

戰

鬭

洪

小

小

邪

術

足以

人,故愚者多爲所

然其

以

奉 分。 教 自

釋

送供給米若干,人教

之後,教

中

所

獲 惑。

貲

物

悉

以 教

均

長 教 佛 或

 $\exists$ 

. 祭酒。

從

之者

人

出

\*

Ŧī.

斗,

時

稱

\*

賊

漢

來,歷代皆

有其

患。

近

聞

教中

亦

有

祖

師

名

色,

從

者

先 以 其 爲

最,次之則天主教,

後

爾

喀

爾

喀蒙

部,悉奉佛

教,中

或

亦

佛 如

教 前

盛

行 藏

如 准

西 噶

洋

之古

里

或 或

> 錫 古

蘭

教。 諸國,

其

餘

海外諸

番

則皆奉天主

教

矣。 本、

一嚴

氏

蓮

南

洋之占城

等國,

東洋之日

琉

球

等

皆

者,漢末張魯之遺

也

魯父子居

漢中,以

妖

術

惑 曰

衆 白白 啚

何

功

德

之

有

<u>.</u>!

趙氏

H

二天下

邪教

惑人者

錢

所

爲

佛

若

有

知

當

慈

悲

嗟

憫

罪

高

浮

騎

侍

郎

虞愿

侍

側

日

此

皆

百

姓

賣

兒

貼

婦

:

之意,而 之罪 不能 非 省,故易足 之日久,下 歸之,此所以 吾從魔而食易足 于魔,于是從 卹 恤 凡 耐 餘 林 事 禁。 猶 州 魔之力。 事 桀 思 年 雞 者 未 縣 而 魔者 以是爲政,乃爲 欲 間,不幸而死 犬之屬,焚燒 甚 也 蓋 稍蹤跡之,則 州 有 黠 事 究其 熾 喫菜 縣之吏平 不 易 Ħ 謂 部 不 肉 哀矜 淡泊 濟 之魔 同 所以 而 責 事魔之俗 方臘之後,法 食 法禁 而 肉 黨則 監 至 則 臣 之詔 附 食 務 然之説 頭 居 于 司 費 事 者,不 以 愈 殺 益 邪 相 節 耐 坐 魔頭 方之地 嚴 易 省 爲 之以 戮 郡 儉 親 書 盡 一視、 僻 方 濟 此 縣 而 有 故 家 靡 害 録 也。 知 故 先 使 愈 也 者竊取 禁愈 臘 邪 責 幾千 易 教, 有 其 有 古 守 相 人 王導其 不 解害 以 故 切 流 足 臣 事 鄉 子 卹 曉 可 淳樸之風。 令, 如 前 嚴 血 不 以 , 同 聞 萬 村 遺 然 勝 同 而 不 以 魔説爲皆 教之説。 積 間 人矣。 事 法 姓 宣 而 民 祭其 事 知 禁。 黨 黨之人皆 警惑其 魔 屍, 則 禁 自 明 名 使 事 易 則 므 者 以 方 尚 詔 伏 至 魔 濟 相 先之類 相 相 所 臘之平,至 寬 爲 今民 之俗 旨 間 望 親 每 于 親 此 可 民 黨 與 宜 不 陛 廬 鄉 有 出 愐 許 信 愚 詛 ,使 相 自 惻 之師 肉 下 相 舍 每 貪 愈 力 事 然之 然 以 無 盟 友 則 以 1積 皆 食 念 而 親 功 不 魔 村 自 動心 知 爲 今十 之俗 事 則 民 争 歸 帥 相 故 相 聚 或 可 有 理 新 黨 魔 費 迷 趨 謂 德 既 助 相 賑 Ш 畏 勝

知 録 集 釋

有同膠 僞 經 妖 之金剛 措置 使,又 尤甚。 南謂 之俗 至誠用 不平,遂至蠢動 延 抵 溺 時 迫于 又擇平 爲 也。 ,或 教 依 爲 朝 耐 隨 者 法 之二檜子,兩 附 發 廷 寒 毋 聞 有 像 處 漆 水,用 甚至有秀才、吏人、軍兵 憂。 游《條 心,率 -昔言 率 禪 餓 佛 則 涉 有之,而 肉 得 風 福 茵 法 萬一 刻 嘯 佛 丕 其 騒 迫 唯 行 四 對狀 以 聚攻 變,實 板 建謂之明教、揭諦齋之類。 爲 擾 衆歸善 以 於 、骨佛、 爲鄉 是妖勾邪人,平 沐浴 其 省 竊 害 流 生 禍 窮 處 事。 發 浙 未易 劫 布 實非有 木 福 曲 處不同, 謂之牟 一方生靈赤子之幸。」 煽 1者,優 血 惑 可 「自古盜賊 所信者,家至 則 惑 其 既 可 乃知喫菜事 以祭祖考 佛等 人。 措 既 爲寒心。」〔汝成 他 入教即 測。 加激 心背逆者。 置 衆 妖濫,未易 尼教,江 其 其 號。 時 有 伏 黠 名目至多,不可 以賞,以 斂 亦相 方,便 之興,若止因 誑惑良民,結連素定,待 緣 可 爲引鬼 者乘之, 白 錢 而 此色 魔,即 傳 東謂 衣 聚 傳 勵 户 徒 概舉。 錢氏所引,深中情 可 衆, 鳥 習。 ,曉之。 其 斂錢 人處 案〕今之所謂 撫 名 之四 偶 帽 詔 永 今人 徒。 則 定,必 號 其 激於 諸 絶 所 1果,江 張 更 處皆 水旱飢 不 故甚易 神 所 究詰。 血 路 庶 其 魯 和結 在 不能 長 號 謂 帥 幾 閒 食。 , 明 法 成 有, 史之 西  $\Box$ 邪 憲 舊 有 習 也 社 饉 大 以 臺 教 明 教 謂 淮 染 教 司 大 能

> 事 今未嘗 不 同 也

#### 泰 Ш 治 鬼

記 之祭。 由 父 後有如《 有之矣。 戲 士 也。 書》未有考鬼 文,是三代 起於漢末。《左氏》、《國 霍 在 倡舞像。」則 泰 趙 右, 廟,大夫三,以時 嘗考泰 Щ 世 鹽 傳訛 今富者祈 家》「霍 亢父 遁甲 鐵論》云:「古者庶人,魚菽之祭 自哀、平之際,而讖 始 以 泰山 山之故, 云。 知 開 之説,是 上 出門進香之俗, 生,梁 Ш Ш ^ 名 無 博 陽侯天使」云云,則 圖》 激,望 仙 物志》所云「泰 仙 父主 有事 所 論 元、成 論 也。 云 語 Ш 於五 起 死 JIĮ, 》未有 泰 於周末, ],[汝 緯之書出 **堂** 以 已自 Ш 祀, 椎 Ŀ 泰山 之記》、《 在左,亢 4 無 封 Ш 成案》《中 西京 無 -擊鼓 鬼 禪 出門 鬼 然 日 之 而 論 漢 論

名繫泰 斯 何? 興,其在東京之世乎? 陳思王《驅車篇》云:「魂神所繫屬,逝者感 歸 之長 天 游岱宗,不復見故人。」應  $\Box$ Ш Ш 術 年 孫 征 在遼 [傳》許峻自云「嘗篤病三年不愈 請 泰 ·命在桑 但 Ш 命 言 短」者。 山録。 」,≪烏 劉楨《贈 恐 而 也」、《三國志·管輅 東西北 爲 至泰 古辭《怨詩 天 榆,東嶽與 其見於史者, 帝之孫,主召 桓傳》「死者 人閒樂未央,忽然歸 數千里,如 Ш 五官 治鬼,不得治生人, 行》云:「齊度游 中 我 郎將》詩云: 期。」然則鬼論之 據《百 中 神 則《後漢 人 傳 或 靈 魂 》謂 人死者 歸 魄 赤 心,乃謁 丁其弟 》詩云 東嶽。」 書 知 「常恐 四 Ш 魂 生 • 方, 如 辰 命 神 赤 泰 方

也,「爛土」、「雷淵」,則刀山劍樹之地也。篇。「長人」、「土伯」,則夜叉、羅刹之倫或曰:地獄之説,本於宋玉《招魂》之

來俊 實 昔 晉 雖 爲 宋胡 以下之人,遂演其説 文 臣 人之寓 之 寅謂 祖 得之以 孔 言 閻 子 立 濟 而 謂 其 本 意 酷 寫 爲  $\exists$ 地 ,而附之釋 俑 近之矣。 又 獄 者 孰 變 不 知 相 宋 氏 於 耐 玉之文 之書。 周 是 有以 興、 魏

# 蕃俗信鬼❶

也夫

熟。 閔 連雨  $\Box$ 於 龍 單于恐,爲貳師立祠室。 雪數月,畜産死,人 蕃俗 我死 城遏 信 必 鬼。 陘山 滅 匈 Ø , 山 奴 匈 奴 左右七里草木悉枯 遂 欲 民 屠 殺 疫 貮 貮 慕容儁 病, 師 師 以 穀 貮 祠 斬 稼 師 冉 不 會 罵

- 「蕃」,據《校記》,鈔本作「胡」。
- ) 「蕃」,據《校記》,鈔本作「胡」。

散。 爲厲,理固有之,而蕃俗之畏鬼神,❶則又 能致斯變」。 之,羣下言「跋世居此 校獵,忽遇暴風,雲霧四塞。 跋、誅其家。 曰 蝗蟲大起。 不可以常情論矣。 「悼武天 後世祖蒐狩之日,每先祭之。 王。 人言閔爲祟。 後世祖西巡五原,囘幸豺山, 帝遣古弼祭以 其日大雪。 土,祠 儁 三性,霧 冢 遺使祀之,諡 世祖怪 魏太祖 猶 存,或 蓋伯 即 而 殺和 除 者 問 有

日知録集釋卷三十終

七二

# 日知録集釋卷三十

崑山顧炎武著 嘉定後學黃汝成集釋

## 河東山西

之耳 其畿 中, 在 薊 而 門,而 甸 河 如顧氏言,當説成「東河」、「西山」矣 其 之所近而言之也。 東、 東 其 山 則 西 西, 河 則 故 山,故 地 謂 之河 也。 謂 (楊氏日 之山 東。 唐 之京 此 元 西。 之 師 據 河 京 各自 在 Ш 師 鱪 言

言》:「自 記 六國惟秦在 太史公自序》: 古之所謂「山 Ш 丽 山西。」王伯厚《地理通釋》曰 東,五 西」,即 「蕭 國之郊。」 何填 今關 撫 郭 Ш 璞 中。 西 解 《一次方 日 史

> 夾切 弘農陝 不但 西謂 或謂 陽、 禹, 斬 遂定河 天下 陜 東、太原、上黨諸郡,皆在太行之西,即今山 氏曰》《後漢·鄧禹傳》:「禹率諸軍大破樊參、王匡等 表地勢。」《正 秦、漢之間 西 朝 蒲 如 建號 西 陝山以西 惟 州 將破 河東 太行,以 注 東。 是誤以 也,夾聲。」「陝,隘 安等府是。 《興傳》以關中謂山西矣。 潞 謂 山西雄桀争誅 軍,平定山西。」」是謂 安、 光武使使持節拜禹大司 誅隗囂、公孫述」,則 郡 也。」陝、隘也、侯夾切。 [陝]爲 汾州、 稱 在山 一義》以 其 若《吴蓋陳臧 Ш 「陝」,蓋 在天下之中,故 西,殊非。 澤州等府。 北 也。 爲 王莽,開 華山之西, Щ 夾聲。」王氏引 二字俗姓久矣 南、山 〔汝成案〕《説文》: 傳論》「山西 又鄭興説更始 關郊迎」云云,注:「山 河 隴、 自 |漢以 東 徒。 蜀 大約 爲 皆得 東、 策 來, Ш 即 西省 指 E. 非 陝 西 既 Ш 名 謂 名 也 此 也。 定,威 一前 Ш 稱 太原、平 關 西 Щ 中,今 西、又 不 者, 漢 將  $\Xi$ 易 軍 以 臨 下 河 軍

#### 陜西

續漢•郡國志》:「陝縣,有陝陌,「原

一七三

之陝 謂 云已 美卒 帥 節 等使。』《 紀 溢 書 紀 明 在 稱 軍 注 壞 今 郭 度 郭 率 陝 即 - , 渤充 太宗 今之陝 至 大使。」《 西 陜 子 軍 西 英乂爲 乾元三 水 陝西 闅 高 儀 向 州 七 鄉 肅宗諸 經 里。」《 紀 陜 領 昂 之 州 縣 弔 注 河 П 陝 西 率 西 李 祭 北 **\***: 二伯 年 紇 州 七里谷 ^ 勁 宋書 使, 渤 子 П 縣。」 〔原 貞 几 兵馬 刺 後 騎 傳》: 傳 河 所 紇 路 觀 史、 月 人 及 水, ¥ 分 庚 + \_ \_ \_ 傳 次 遂 與 陜 帝 故故 柳 申 注〕今平 **\***: 又 陜 以 澤潞 賊 杞 北 西 於 元 年 西。 東 有 潼 戰  $\pm$ 以 節 史 景 陜 廣 九 得 陝 歸 節 倕 右 於 度 陸 • 傳 平. 西 月 東、 七 原 縣。 以 度 魏 陜 可 潼 羽  $\pm$ T 里 注 西 使 孝 西 充 闘 林 陜  $\sim$ ^ 亥, 澗 按 肅 舊 武 通 副 郗 陜 大 龐 防 西 其 皆 將 謂 禦 1: 唐 帝 澗 之 西 河 季 元 疏

晉時以關中爲陝西。《晉書・宣帝

書》 公主 府 轂 西 西 爲 江  $\Box$ 武 荆 爲 西 白 成 跡 紀 昌。 陵 揚。 留 陝 荆 鹿  $\leq$ 陝 陝 諸 王 忠誠 荆 桓 鎮 西 劉 州 陜 西屯 西 西 軍 之獻』,《 州 而 温  $\pm$ 有 晉孝武 治 | 廙治 刺史」下云: 事」, 陝 刺 毅 西, 0 王. 周 素 實 江 西 史, ^ 長 爲 南 陵。 室」,《毛 江 世 雉 故 南 在 張 於襄 陵。 安, 荆 史 安 之貢。 齊 稱 我 華《 桓 張 州 宋書》蔡興宗 帝 伯 天子 陽 冲 庾 書 Ē 王 荆 寔 刺 宋 僑 亮 詔 治 總 祖 州 **>** 敦治 傳 治武 史,安 穆之傳》 立 t. 日 是 文 諸 道  $\Box$ 命 今 明。 爲 雍  $\stackrel{\cdot}{\approx}$ 帝 也 州。 梁 昌。 武 侯 之日 君 陜 故 愍 昌 王 紀  $\pm$ 帝 江 受 西 周 帝 太 考之於 庾 説 陶 東 形 還 左 詔 翼 陜 爲 尉 侃 也 公 末 庾 昔 晉 命 應 江 進 前 大 0 主 西 輔  $\Box$ 冲 翼 陵 則 周 襄 王. 治 詔 拜 一、原 鎮 之任 或 昔 史, 陝 陽, 沔 此 劉 專 以 》詩 都 公 華 陽 東, 將 注 後 復 威 莫 荆 督 日 毅 藩 知 桓 遂 還 後 州 陝 推 陝 冲 召 调 州 陝 有 宋 輔 治

西 南 州 口,《鄧 刺 郡 史、 太守行 琬傳》晉安 臨 海 荆 王 州 子 事 頊 王 ·, 袁 子勛 練 顗 甲 日 檄 陜 「舅 日 西 前 今 , 獻 出 將 徒 軍 居 荆 陝 萬

數」是也

相 東。」唐太宗 東 聰 行 署石 伯。」「原 都 督 亦 陜 [楊氏曰]又晉 勒 有 東諸 大都 稱 注》《慕 爲 軍 陝 秦 督陝東 東 容 王 者。 暐 愍建興元 時 載 拜 記 晉 諸 軍 使 年 「秦揚 書 事 以 持 琅邪 節 載記 兵 又加崇爲 講 陝  $\pm$ 武 睿 東  $\forall$ 爲左丞 運 道 粟 大 陝 劉 陝

京

#### Щ 東 河 内

言 言 陳 元 「秦并兼諸侯山東三十 傳》言:「陛下不當都 古所 楚者,山 謂 Ш 東之强國 東者, 華 也。」《史記 Ш Щ 餘郡。」《 以 東。」「原注 東。 》引賈生 後 管子 门謂 漢 光

> 亦 傳 北

北,在 安必 今之直隸。 平、真定等府。 陽 魯爲 地,禹 太行,故謂 武 尚 汝 原 是指陝 云云, 吏時 都 爲山東也。 東東西路,金改 從 書》以 成案〕蓋 魯之間,齊學者 注 破 雒 畫九 鄴。 Щ 至. 〕唐人則以 更 陽。 ,乘釁并關 ,甯成爲 廣 分始諸 似 東也。 教。」《 Щ 阿。」 太行 土,日 及王郎 是 曲 唐 之 河 謂 以 蓋 白關 將 下 專 東 濟 酷吏傳》: 而 以 以 皆山 自 至李唐, 冀 指 太 而 中, 其下文則言:「赤眉西 東爲 上所 爲 南 〔錢氏 中 起 南, 州」是 由 言 今之山 行 涵 Щ 都 東人 兵,光 愐 而 此 ,今之河 Ш 東。 與《禹 説 Ш 尉。二 谷 言, 方自 頗 一之東 日》《漢 尚 也 東。 「御史大夫弘曰: 皆 勸 能 關 西, 統 武 〔王氏 有 事 言《尚 留 在 謂之山 南 傳 以 河 自 錢氏又曰」今 爲 而 洛陽 Ш 亦 今 鄧 書 北爲 薊 Щ 東,總 據 東,未 Ш 河 日〕河北之山,莫 非若今之但以 未 禹 書 東。 至 東 太行 北之彰 東 傳 盡 弗 信 儒林傳》: Щ 是 可 遷都長安。」 知 都, Ш 杜牧 東之言。 入關,光武 也。 分 矣。 所 謂 光 東 一臣 通 西、 德 使 Щ 寄。」 大師 謂 之 唐之 鑑 顧氏 禹 武 東 居 伏 東 大 山 Ш 别 綱 安 是 乃 Ė Ш 名 河 自 大約 注 籌 大 東之 目 集 宋 生 鄭 謂 攻 東 不 東, 别 北 齊 分 杜 興 于 之 爲 河 長 廣 樂 河 涉 教

牧

日知録集釋

大舉甲 又云: 以 北 内。 河 以來之謂 有河 東、河北,故呼河 定地矣。 東亦謂 燕,而鎮、定皆附于晉,自河以北,山以東,皆歸晉。」此 Ш 太行之東也。《五代史·義兒傳》: 遠會兵山東,皆不至。」是時知遠在晉陽,所 注 Œ. 河 東,與 内郡 内 北 人 」是古未嘗不專以 北 海,曲 一晉王 也。 總謂之河 兵 太行 所謂 有懷縣」,注: 史記正 孟方立争 而 山東、西者,隨時 古所 即 河從龍 攻魏, 日 【閻氏 Щ 懷 Ш 繞 之東,即 州 東者,太行、常山之東也。 謂 『吾以數萬之衆平定山 冀 義》 杜大梁之門,舉 也。 E 邢、洺、磁。』《死事 内 河 門南 州、故言河 懷州 按 '; 而 「莽曰河内。」 北爲河内,河 Ĕ 在 内者,在冀 以 **《**戦 河 河 爲 異 至華陰,東 非若今之但 國 北爲 南 「古帝王之都多 河 稱,不能 策 之北, 内 Щ 河 黄 也。 一是莽已以懷爲河内 東也。 内。 歇説 「晉已得澤、潞,歲 内。」蓋 西 州三 傳 畫 東。」是時 河 南爲 漢書 一,非若今之有 注: 秦昭 至衛 之東,東河之 「晉已先下 一晉主 大約自 謂山 以 面 屬 王 自 河 懷 距 地 Ē 東者,亦 州 司 晉 再 外。 州 大 在 河之 理 秦、 隸。 命 王 Ī. 河 東 河 爲 漢 Ш 全 # 知 并

#### 吴會

會,則 郡、 言「吴、會稽」? 吴會輕悍。』」按今本《史記》、《漢書》並 爲東安郡』是 郡」、《全琮傳》云『分丹陽、吴、會三郡 妄增之。〔原注〕本傳: 注》《順帝紀》:「永建四年,分會稽爲吴郡。」漢初安 南名吴會坊。 吴、會二郡』、《朱桓傳》云『使部伍吴、會二 「章」上妄增一「 「上患吴、會稽」,不知順帝 會」,始未是。」錢康 會稽爲吴、會二郡。 宋施宿《會稽志》曰: 荆、揚 豫 可一一,《 《漢書 |字,正與此同。 也。 當是錢 「吴有章 功 前 孫 吴王  $\Box$ 輩 所 賁 張 :「今平江 讀 郡 見 時始分二郡、原 傳》云『策 按《三國志》,吴 錢 紘謂『收兵吴、 銅山 一濞傳 爲『 本 氏 未 云]范成 。」亦爲後人於 都 誤,後 府署之 會』之 Ī. 已平 大《吴 險 得 作 患 X 地

吴會,施及中

土。

魏

元

帝

 $\stackrel{\cdot}{\sim}$ 

加

晉

文

王

九

錫

埽

Ψ.

品

宇

信

威吴會。」阮

爲

鄭

於吳會矣。」晉文王《與

孫皓

書》

曰

惠

矜

魏文帝詩:

吹

我

東

南行,行行

至吴

會。」

陳

思王《求自試

表》曰

:

撫

劍東

顧

而

心

已

馳

有吴郡也。

[又曰]巴、蜀,二郡名,則吴、會亦二郡

名

也

吴郡,長吴下,得吴守,遂定吴、豫章、會

逆,幾 賁、朱桓《傳》,則後 史公謂吳爲江 如 吴 可 未見其必非指 於二京,迎天子于吴會 夷,遠播吴會。」慕容廆謂 離 會 荀 會 陳 冲 會稽」之「會」也。 先公累執忠 會, 勸 以證《吴王 可作謡 是賓。」左思《魏 勖《食舉樂東 壽《上諸葛亮集》曰:「身使 羊祜上 晉王 於 吴都」云爾。 同天下。」石崇奏惠 百 箋》 於吴 南 「會稽」之「會 年。」石 疏 一濞傳》-節, 日 日 都 八會。」武 西 : : 會, 遠宗吳會。」此 廂 都 原注 勒 〔錢氏曰 也。 人之文偶 朝 故 西 歌 賦 表 後 服 平巴 帝 〔趙 **>** 人謂 胡三 蓋 王. 티 : 濟  $\Box$ 高 問 以以 T 氏日 漢 蜀 浚 江 省 帝 劉 瞻 旲 琪 上所 ··, 埽 合此二字,不 爲吴 初 既 孫權  $\Box$ 南 〕西漢 通 毅 日 覽 曰 諫 : 禽 元 鑑 引 曰 : 不 麥 一會。一若 張 和 除 辨 有 初,會 庸 諸吳會 晉 秀 得 翦 旲 誤》: 吴 求 吴 祚 此 蜀, 與 以 會 會。 鯨 祚 吾 援 會  $\Box$ 稽郡 太太 孫 事 爲 僭 吴 吴 淪 平. 黍 豕

會二

郡

以

禮

迎

遣

此

尤

切

六

朝

時

亦

有

下

吴、

會

兩

褚

伯玉、吴郡

錢

塘

人,隱

居

剡

Ш

齊太祖

即

位,手

詔 尤

吴、 明

吴、會分界,今在

會稽

塘。」其言分界

則

言

网

地

莊子釋文

『淛

江上注

云: 錢

「浙江,今在餘

杭

郡。

後

漢以

爲

郡,各造船若干』者。

如 證

此類甚

多。』《灌

嬰傳

破

稽郡。」

是漢初 一渡江

古

之地

通

何吴

會,謂

會

稽

也。

諸葛亮日

一荆

吴本秦會稽郡

,後漢分爲吴、會稽

二郡,後世

指 州

> 浙 之 天

漢

汉沔,西

通巴蜀

南

吴與

會。」皆

指

兩

地爲説。

旲 據

會』,通言一

淛、

江

南 則 吴與

形

勢,

贵

謂

荆

州

獨

連

吴門

郡 南

乎? 連 北 下都

會之處多矣,未有

以其

地名冠于「會」之一

字

而 誤

偁

郡

志 唐

世

多

偁

吴門爲

吴會,

意謂

旲 有

爲

東南

都

會

也

自

以

來

린

然

此

殊

未穩。

今客館

吴會亭,

尤

一七七

陳師 界。 讀 出 西 吴地止於松江, 治 句 盡 作 爲會稽守,即 本 踐之地,北至禦兒 取故吴地,至 道亦 唐 在 守 「會稽」之「會」矣。 釋 所 吴縣,故 有 處默詩有 駐 句 在 云 吴,故 非 其 項 浙江 「吴越 鄉 梁 浙 到 郡 殺 殺 江 西西 一句所誤。 也。 會稽 也。 到 江吴地盡,隔岍越 守 「梁氏曰 至姑蔑。 即 江 是 浙 守,舉吴中兵八千人渡 起吴兵。 分」,蓋爲 江 西漢時 以 〕昔人以錢塘爲吴、越之 乃 越 《春秋》内、外傳考之、 所謂 地, 又朱買臣 《史記 故 山多」之句,宋 「吴會」,本已 《 國 楚世 語 本吴人  $\stackrel{>}{\vdash}$ 江. 而

# 江西廣東廣西

今和州 注 自 江 在 〕胡三省 歷 西 江 者 南,不得言西。 陽 江西」之名,殆不可曉,全司之地 並在秦郡、〔原注〕今六合。 斜 廬 通 北 江 鑑 [原注]今廬州府。 下 注》:「大江東北流、 · 京 Ц, 故有 考之六 東、 ,故自歷陽至濡須口 之境。 朝 西之名。〔原 歷 以 陽、「原 前 蓋 其 大 江. 注 並 稱

縣。」然則所云江西,乃指 曰 : 郡、 事 安 東 皆 人,屯大澤鄉,涉爲屯長。」徐廣 北」, 昔之所 叛。」〔原注〕時 江、[原注]今壽州。 郝谿。」《吴主傳》:「民 紀 紀》:「江西乞活郭敞等執陳留 武帝紀》:「安東將軍 西。《三國志 孫 西將 謂之江西,而 ,鎮合肥。』《桓 渡江,江 「江西皆反。」《陳涉 瑜傳 揚州之江 江 軍、 ¥ 西皆 兗 西遂虚,合 「賓客諸將 分北 建業謂之江東。」《史記 謂 西西 • 州 反。」《 江 進置 魏 Ŧī. 刺 伊 蕲春、廣 世 西 武帝 江北 郡 史、 傳 陳 家》: 也。 揚子法言》:「 軍 留郡  $\pm$ 多 言。 都 肥 轉 紀 事。」今之所謂「江 發 渾 注:「大澤  $\Xi$ 江 督揚 以 相 進督豫州之十一 陵,户十餘萬,皆 》: 「進 項梁收會稽 出 西 閶 南 驚,自 氏 郗 左 江 人。」《 日》項 州 惟 鑒 内史劉仕 適 西。」 鄉, • 江 有 軍 戍 傳》: 廬 在 漁 楚 項 兵 晉 西 皖 屯 羽 江、九 得 陽 沛 本 諸 城。」 江 分 穆 書 羽 八千 郡 九 拜 江 軍 帝 西 本 而 蘄 百

徵令内 道 兼 江 西 大 汝、潁。」今人以江 江 勢言之,非 江. 東乃得稱 江. 以 原 秦。」梁乃以八千人渡 人,召平矯立 御史大夫、持 上。」則 Ė 江. 、嘉興、 道 南 唐 注》《南 爾。 日 : 開元二十一年又分天下爲十五 西 理 爲 貞觀十年分天下爲 移, 江 遂 江 洪 東、西二道、江 之。 湖 所 「原注」 齊 有 虚 自 自 州、後 州 言 書 東雖小,亦 一梁爲 擘分定界。 廬 合肥 若《三 等 江 節 則 江 都 始 府。 東, 州 所 E 統 見於《舊唐 九 郡 以 云 或 指 人省文, 、饒、洪、吉諸 柱 江 而 淮 志》:「左僕射 江. 江 3今之江 國, 志》「曹 北 足 耐 南 江 東、 故 蘄 E 西 西, 至壽春 日 江 南 也。 江 春、 : 公 書 晉 西 則 東、 江 寧、 羽 東 十道,其 廣 但 古 恐 臣瓚 軍 江 約 道 • 陵 鎮 東已定,急引 李 江 人 敗 稱 ·, 皆 西  $\pm$ 略 户 江、 西 地 濱 峘 理 州  $\Box$ 節 欲 可 儉 + 傳 郡 北 江 常 蘇 理 度、 爲 謂 渡 啟: 見 烏 餘 縣 通 八日 》:「乾元 州 烏 東」、「 州 江 之江 志 萬 宣 爲 稱, 江. 要 江 江 慰、 蘇 道 權 西 **>** 西連 皆 皆 非 在 兵 江 以 所 州 觀 据 西 東 以 4: 烏 西 初 江 南 是 而 南 廬 略 察 接 大 渡 對 松 渚 擊 江

日

大江以

西

謬

矣。

西。 令,後 逃 稱 雒 爲 處 歸 中 洪 置 則江西 等使。』 江 無 州 拜 閻 西。 刺 雨 廣 氏 雪 史、 陵 E 有 白 德宗 |《南史・ 江 太守。 眼 姓感其遺惠 Ξ, 西 前 節 紀》: 顧 風 度使。 氏 侯景陷臺城,皓在 景是 文學 僅 建中三 知其二。 江. 每 劉禹錫 西。」亦是 相蔽 祖 年十 一皓傳 匿。」是今揚 和 今之作文者乃 月辛亥,以 吴方之》詩: 中 一城中, 大同 唐 以 將 後 州亦名江 嗣 中 見 爲 始 曹王 害, 「今歲 江 有 乃 都 此 皋

七 年,分天下爲十五 路之省文也。《文獻 曰 廣南東路,其十八日 今之廣東、廣 路 西 ,其後又增三路,其 通考》: 亦 廣 廣 南 南 東 太宗至 西路。」 路、 廣 道 南 西

### 四川

至宋 州 路、〔原注 ,則爲 唐 時 後 益 劍 南 州 改 爲 路 潼 道 「原原 ]1] 止 府 注]後改 一分東、 路 即 今 爲 西 潼 成 兩 JII 都 州 JII 府 路。 而 利 己。 州 梓

八〇

路 几 路 原 注 今 後遂省文名爲 保寧 府 廣 元縣 夔 四 州 Ш 路 謂 之 III 峽

# 史記菑川國薛縣之誤

耳。 薛並 徵賢良文學, 菑 弘 志 Ш 汲 括 齊 表》云: 》:『薛縣 黯詰弘,稱齊人多詐而 未詳。」今考《 地志》云: 菑 是弘 里。 錢 不 漢 111 氏曰》 屬 魯 或 審 或 故 薛 屬 Ш 菑 漢書 爲 薛 有 或, 國 魯國 一故 縣 薛 川 薛 復 城 》本傳: 殊 推 國,文帝 縣 在 劇 儒 Ŀ 也 不 無情。」五鳳中 弘 徐 城 按 林 上 「菑川 可 一,言齊 弘 在 薛 州 言 史 傳 曉。 謝 青 與 滕 記 分 薛 不 齊 言 州 人也。」「元 劇 縣 能 齊 又 ^ 菑 壽 隔 界。』 正 青 言 公 置 或 薛 兖 光 州 人 義 孫 菑 刺 人公孫 古 州 縣 都 光元 者,誤 弘 JII 史 推 地 及 南 劇 曰 奏菑 傳 弘 年 泰 理 而

> 111 削 四 王 縣 終 之 古 禽 獸 行 請 逮 捕。 有 詔 削 四 縣。 薛 縣 當 即 所

縣 記 結 名。 莒地 鄭 傳》之誤 冢。』《水 食邑。』《史記 向 城 里 記 薛 南 石 玄 門 • 中 Ш 縣,彭 日 蓋田 孟 出 四 以 日 爲 東 上。」《皇 續 嘗 + 郭 南 夏車 經注》: 漢 聚常、郯之境」、《索隱》曰 北邊 文, 常, 四 君 文所 城 作 陬 • 傳 里。」今《 郡 而 一覽》 郡 門也。」《詩》云「居 或 Ė 制 封者。」《魏書 以 孟 IE. 有奚公山 越世家 或 「今薛縣 作 奚仲 嚴 爲 日 義 嘗 志》「 . : 营 古 : 孟 淄 日 君 ,在薛之旁,爲 所 嘗 》原 靖 家 薛 111 瑩 封 故 君 奚 縣 薛 郭 本 麗 在 城 封 齊之試 或 志 故 君 冢 可 城 仲 • 側 》據《 邑,失之矣。 冢 在 城 尋 中 地 注 廟 猶 常與 在 在 城 形 向 有 引《 常常 公孫弘 孟 兵 徐 孟 魯 南 而 志 門 文 許 嘗 南 嘗 或 州 地 東 史 君 滕 陽 君 薛 道 邑

平、樓 漢 非 足 割 今臨 又 原 又 高 誤 之 按 臨 薛 明 注 Ŧi. 也 菑 淄 菑 》《路史》云: 菑 並 王 鄉 地 東 縣 Ш Ш 傳 非 理 睘 東 在 劇 而 漢 志 悼惠 南 臨 武 在 **∀** 之 「公孫弘生 又 菑 今壽 以 菑 「 菑 + 王冢園 之東 帝 爲 川,乃般 里 爲 孟 光 ]1] 悼 Ш 矣。 樓 嘗 縣 或 今淄 邑,盡 惠 鄉 一、三縣 君之薛, 西 王 陽 今之淄 JII 未 南 冢 南 縣 以 詳 四 袁 劇 子 東 耳 + 所 -里。」亦 在 安平 此 Ш 菑 在 齊, 誤 以 不 東 ]1] 爲 但 迺 在 安 誤 而 又

# 曾子南武城人

子 南 獨 八 + 加 「澹臺 史記 里 南 石 学。 滅 門 明 仲 Ш 尼 武 南 下 弟 城 武 子 人。 城 傳 Œ 故 ℽ 同 義 城 曾參 在  $\Box$ 武 今費 城 一,南 地 縣 而 武 理 西 曾 城

之所 子 故 與定 人也。」可 曰:「今泰 曰 者,「原注」《史記 河、定襄,皆以 教 此 作 云:「泰 城 南 志 錢 3堂記》 漢儒 》定 武 後 氏曰」《晉 省文但 南 南 人之所 襄 城,而 室 春 襄 武 城」, 又加 皆 其 Ш 1秋》襄: 曰 有 城 以 隸 實 Ш 志 南 有 武 屬 見武 人 以 趙 「南」以 魯 南 武 武 雖 南 城 • 武 泰 , 且 名縣。 疑 公十九年 邑, 武 者 平 城 偁 城縣。」然《漢 成 城 城 也 Щ 清 原 南 城 定 縣 而 之即 君 有 郡 創 武 别之。 河 縣 而 襄 傳 城, 東 四, 宋 屬 有 加 而 在 至 武 有 水 程 而 爲 東 武 也 清 左馮 一封 城 西 晉 大昌 拿羊 澹 城者魯之北 南 經 海 史遷 城 河 武 故 于 書》 始 祜 武 臺 注 郡 子 東 特 翊 城 也 故 傳 子 爲 **→** 城 武 之傳 羽 引 泰 泰  $\Box$ 澹 此 城。」以 羽 仍 南 續 也 若子 傳 東 京 臺 Ш 杜 云 家,縣 作 武 山 漢 曾 相 次 武 郡 氏 祠 南 南 **念**孟 也 城 志 參 游 其 城 璠 曾 城 清 友 無 注 武

之即 朝 城。」又曰 子 復來,毋 薪木。』」《新序》則 至,盍去諸?』曰: 雷氏日 原注〕今費縣西南七十 傳 曾子書有此事,作魯人攻費。」《戰國策》甘茂亦言 續漢志》云「 曾子處費」,則曾子所居之武城,費邑也 。』《漢 威 旦 爲  $\pm$ 曾子 寇至,竟可委而去之,此實大誤。 」或以 武 敢 「吴伐我。 曰 書》 使 城 :「吴師 曾 爲 狗 辭 曾子居 也 但作「南 吾 寇 于 南 豕 居 東 臣 入吾舍。』」(原注)仁 鄪 城 武 武 克 取 有 南 里關陽鎮。 君曰:『請出,寇罷 無 有 云:「魯人攻鄪、原 城 子 東陽 城, 泗 檀子者,使守南 城」之名見於《史記 即 東陽 成」、「孝武封 洩 寓 是 有 南 上十二 率,故道險,從 而 人於我室 越寇 城, 武城,是 進 又可以見 ,舍于五 引此 諸 或 哀公八 祖 Ш 毁 城陽 侯 宗邱  $\Box$ 金氏言 城, 爲 皆 南 梧。 注 而 傷 墓之 證 共 武 年 來 則 城 即 後 其 寇

遷居 任城縣 所言皆是,在 云 即武氏石室也 未有 者陷 南 兩 奏 化 八 此又「南成」之即「  $\overline{Z}$ 王子 原注》《晉書》南武城 南 地判 年 求曾氏 與 中,或言嘉祥之南 「曾參,魯南武城人。 石碣,科斗古文,亦非今人所識。 城,曾子父所葬,在今沂州 嘉祥。 費縣之在 ·, 授 入其穴,得石碣 貞 然。 地。 爲 東武城 翰 南武 一今費 南 後,得裔 「孫氏 林 曲 成 Щ Ш 嘉靖十二年,吏部侍郎 阜 縣。 院 亦單 侯」。 東 南 當因武氏所居得名。 縣屬 Ŧi. 日》《大戴 北 南 稱 南 孫質粹於吉安之永 經 者 武 城之冢。」章 武城、《左 澹臺滅明,魯 泰 而封志之。 不 城自 而 城, 博 武 · Ш 口 後 士; Ш 郡 禮 在 故 漢 · 衛 而 有曾子墓,有 費 嘉祥縣,於 傳》、《論 加 世 王符《 ( 錢 縣屬 在 東武 南 將 襲 費縣 懷 「原 費之證 氏日 漁 軍 以 琅 太 城 語》、《孟 文子 者所見,始 邪 潛 别 注 八曲阜 夫 顧 人。」其 〕嘉祥, 西 子 郡 疑 夫 曹 》篇 鼎 注 豐, 爲 周 論 也 子 縣 臣 漁 成 西 爲 注 漢 111

之冉

地,爲

秦

相

穰

侯

魏

冉之冢,[原注]《史

秦 記 相 魏冉冢南。」而 「穰侯卒于陶,因葬焉。」《水經 近人之譔 志者 注 · 濟 以 水》: 爲 仲 又 弓 東 如 逕

# 漢書二燕王傳

此

之類

蓋

難

以

盡

信

也

即不屬 會圍 燕。 安三縣。」是文安已削,不屬燕。 在 皆亡南北 之令,而 西,殺太守。」《諸侯 武 元 帝 」按《地 朔 燕,定國 武 大獵 漢 時 以 藩國 帝 · 旦 書 前 邊矣。」然則 本 理 文安縣,以 亦取 坐 未 紀》: 燕 自析,長 一志》, 析 臧 而殺之。  $\pm$ 匿 邊 定國傳 元 肥 王表》言: Ì. 郡 如 命 肥 沙、燕、代雖 之 朔 《燕王日 講 自 削 如 時 元 士馬。」其上云: )"「殺 屬 令之殺 也。 年 良 「武帝下 遼 秋 鄉、安次、文 | 傳 | | | | (楊氏 西 勿 又云: 肥 郡 於 有 如 奴 E 燕、必 舊 一發民 推 **令** 不 X 昭 肥 恩 潦 屬 郢 加

> 見 在 各 萬 帝 元 者 益 萬 ,益封萬三千户。」《昭帝本紀》亦云:「始 **立** 元 三千户 二, 可 年, 封萬三千户之後也。 大將 以參考而得之也。 益 封 軍 。」然則文安縣 霍 燕 光 王**、** 秉 廣 政,褒賜 陵  $\pm$ 之仍屬於燕,必 及鄂 此皆史文之互 燕王 邑長 錢 公主 三千

#### 徐 樂 傳

右 間 定 書 狩 理 志》無 北 當 爲 或 六 平. 燕 在 年 以 漢 耳 此 夏 元 郡 滅郡 書 時 四 朔二 者十 月,始 而 年 徐 而 無 车 秋 無 樂, 終 ', 而 立 有 終 以 皇 燕 屬 罪 志 其 子 郡 自 右 軼之也。 時 日 無 殺 北 屬 爲 終 平。 燕,後改 燕 或 人 也。 王 除 考 徐 燕 樂 而 而 屬 其 上 元  $\pm$ 地

# 水經注大梁靈丘之誤

敬 郡 梁 + 日: 注 安 新 梁 縣 或 几 侯 里 邑 里。 故 靈 月 伯之居 在 |爲「大 續漢 是 梁 故縣 甲 徙 丘 馮 伯好 少梁 也 左 年 志 寅 都 民 翊 傳 梁」, 、 徙都 敗 應 疲 土 也。 夏 河 氏之。」《 也 功, 齊于 漢 而 桓 劭 南 陽 )° | « 今梁 **^** 尹》「梁 潰 書 九  $\Box$ 梁 而 竹 縣 於 年 靈 : · 秦 水 伯 不 多 大 書 水 Fr. 地 經 故國 有 好 趙 知 梁』 梁 遂 郤 紀 經注 理 城 注 大 土 武 則 伯 年 取 芮 。。亦 志 是也。」 伯 梁 - 》『梁 功,大 伐 靈 焉 名 日 乃 **\** 翳 曰 誤 不 王 不 云 曲 後 日 梁 沃 大 葬 近 惠 後 注 其 是  $\sim$ 其 漢 秦 近 靈 魏 成 引 馮 誤 史記 城 大 注 書 秦  $\pm$ 東 也 王 惠 翊 博 以 梁 南 也 六 物 王 號 夏 而 (原 記 趙 代 自 少 年 唐 陽 幸 梁  $\Box$ 

> **孟** 郡 成 未  $\Box$ 乘 漢清河郡之靈縣,今之高 丘 鼃 湣 取 趙、 四 按 知 之靈 剿 矣 **愛史** 王  $\mp$ 魏 晉 子 靈 年 日 何 必 靈 Ē 云 : 敗 以 丘 因 據 韓 記 Æ. 在齊境,後 義 子 相 走, f: 靈 齊 「今滕縣東三十 世 蔚州 水 引 趙岐 或 丘 + 喪 之 經 燕獨 家 而  $\coprod$ 樂 地 封 Ŧi. 來 注 孟 辭 不 並 敬 理 毅 楚 年, 伐 並 志 知 子 司 靈 深 仲 將 入於 云 相 注 誤 我 齊 完 丘 人 趙 趙、 ^  $\bar{Z}$ 春 里 唐、夏 色 代郡 境 靈 取 趙 世 而 一明水 趙 與 <u>Z</u> 申 不 秦、 是 E. 家 請 世 臨 韓、 有 君 津 一靈 得 誤 河之南 淄 家 士 靈 皆 韓 原 至 丘 魏 丘 益 以 師 原 其 注 齊 縣。』《史記 代 齊 趙 魏、 故 而 注》《六 明 燕 有 胡 下 地。 威 也。 之 惠 其 此 孟 靈 ė 共 燕 王. 靈 省 别 文 丘 子 不 于 或 「原 擊 攻 元 故 以  $\pm$ 丘 在 而 欽 謂 表 Œ 城 爲 齊 年 淡及 義 注 孝 爲 代 靈 蚔 即

# 三輔黄圖

章、北 當作「胡」, 條 别 宜春宫、五 荔宫、蒲 長門宮、 安宫、養德 唐人所作,誠 駁此書思子宫、萬歲宫隸甘泉之誤, 爲 北宫」及「甘泉宫」下,則 爲 爲 輔 漢 長 甚 宫 黄 條 西 見《漢 萄 安 鉤 得 啚 H 然。 京 柞 城 宫 爲 宫 t 體 泉宫爲 書 宫、 敘 别 外 宫 長安城 要。 宫、 别 今當以 次 爲 離 殿 爲 集 揚 宫。 儲 頗 雄 甚 但 靈宫、 綱 條,爲上林苑 傳 悉, 元 條, 多 内 明 其 **,** 而 宮、宣 昭臺宫、犬臺 諸 光宫、 無 以 、鼎湖 舛 讀 思子宫、 爲長 以 宫。 ,而謂 矣。 所 長 其 史 曲 、樂、未 附 官、 太子宫二宫 中 元書 殊 安宫異名。 永信宫、中 「原 宫别 麗 宫室 不 黄 〔原 内 巨亡, 注》 者 離 宮、扶 央、 易 Щ 注 爲 悉 臺 雍 宫。 此 宫 一湖 曉 録 建 殿 出

> 大昌 首 而 史不合。 池 梁 Ш 陽 日 宫 宫、 Ш 別爲 「思子宫在湖 别 宫 步 有 當 壽宮、萬歲宮、 明 一條,爲各郡 并 光宫, 人 ,萬歲宫 秦 不 梁 知 在 Ш 汾陰 其 梁 宫 縣 地 山 下 離 ,今皆以 宫、 宫。 附 則區 列 П 隸 原 於後 Ħ 中 一分各 注〕程 泉 宫、 血

# 大明一統志

當

矣。

序文。 摘 宇記》之書 順 數事,以資後人之改定云 Ŧi. 年 永 《樂中, 而 乃 成 前 皆 代 廢 命 賜 相 儒 名 傳 今考其書,舛 臣 日 如《括 纂 大 天 明 下 地 輿 志 統 地 シ、《太 謬 志 書 特 **\***, 甚,畧 平. 御 至 寰 製 天

考兩《 志  $\leq$ 幺 漢書》,並 州 統 范 志》: 陽 郡 「三河,本漢 無 潞 臨 縣 泊 下云: 縣 臨 ^ 「武德二年 唐 泊 書 縣 地。」今 地理

置 漁 置 河 一。」●故知 臨 陽 皆自 泃 郡 縣 河下 唐 本 貞 非 是一地,先分爲 觀 漢 <u>궁</u> 元 也 年, 開 省 元 臨 四 泃 臨 0 年, 泃 後 而 析 潞 分 薊 爲 縣 州

横 曰 反 云 遼 恪 子 不 皝,曰: 征 雲山之可笑者。 段遼棄令支奔密雲 以 與 所 恪伏 疑 Ш 遼,似以「遼」爲 東將軍麻秋迎之。 襲,死 爲趙與燕謀 也 燕合謀而敗趙之衆也。 密雲山 昔 兵於密雲。 『彼貪而 統志》引古事 燕、 若伏重兵要之,可 者什六七,秋 · 在 趙 伏 密雲縣 無謀,❷吾今請降求 ○
晉 而 國名,豈修志諸臣并《 兵於此,大獲遼衆。」 麻 敗 山,遣使詐 書 遼之衆,又不言段 秋統兵三萬 舛 遼又 南 • 戾最多,未 步 石 一遣使 遁 以得志。」皝 十五 季 今《一統志 而 降,季 龍 歸。」是 降 里,亦名 迎 載 于 有 小迎,彼 遼 記 若密 慕 龍 一,爲 **\***: 晉 是 段 遣 而 容 使

> 書 而 未之見乎

大敗。 兵北 都 原降將,太宗以業老於邊 次 護 刺 丹入雁門,業領 交〔原注〕今陽曲縣。 ,祀宋楊業。」按《宋史· 美 由 部 征 桑 其 史 等 小 王 署,命業 ,以忠武 以功遷雲州觀察使。 軍 乾 陘 歸 統 0 侁, 河 至 代 志》:「楊令公祠在密雲縣 諸 雁 州 車 军 會 軍 門 器 副 曹 連拔雲、應、寰、朔 一節度 北 未 之。 麾下數千騎,自 庫 彬之 駐 幾 使、  $\Box$ 泊 使潘美爲雲應路 以 南總 詔 順 兵 師 楊業傳》:「業本 西 遷 州 馬 事,遷代 不 Ŀ 雍 背 四 專 都 利 閣 熙三年, 擊之,契 州 練 部署。 門 之民 諸 西京 使 7州,兼 使、 几 路 劉 古北 州 於 丹 文 班 蔚 會 而

出

契

太

口

師

師

裕

州

誉

<sup>0</sup> 0 北 潞 大鈔本作「潞」,今據改。 ],據《校記》,鈔本作「胡」。 原作 「路」,據張京華《日 知 録 校釋 》,雍正 鈔 本

紀

統

和

四

年

七

月

丙

子,

樞

密

使

斜

軫

復

尚

不辨

何

論

史傳哉

又按《

遼

史

聖宗

口

加

以

爲

密雲之古

北

Ц,

是

作

志

者

東

西

矣,業安得

而

至

此 ?

且.

史

明

言

雁

門

之北

古北口又在

燕東

北

一百餘

里

一,地

屬

契

丹

久

擒,不食三日

死。」、是業生平

未嘗至

燕,

況

手刃數十

人, 馬

重

傷,

不

能

進,爲

契

丹

所

業敗 此。 辨 禮 所 公村 贈 志 朔 雁 部 太 中 州 門北 在 走, 尚 有功,故名。」並 尉 擒 被 威 書 大 縣 至狼 宋 擒 靈 周 同 西  $\Box$ 將 + 廟 洪 之 軍 牙村 楊 非 在 範《記》引《宋史》全文, 與 節 五. 繼 古 ^ 其 度 里,宋楊 衆軍 業」,《 宋 北 使楊 地 承《一統志》 史》 П 下皆潰, 北 耶 《豐潤 公。」成化十 畧 門 業屯 律 司 外 斜 繼 縣 兵 而 軫 業 志 里, 誤 密 拒 傳 爲 **\sqrt{** 遼 祀 雲 八 飛 而 於 年 不 宋 縣 矢 繼

於此

張

步

兵

强弩,爲左右翼以

援

美

即

與

寰

州

侁令業趨

雁

門

北

]1]

業

以

爲

必

敗

不

可

侁

偪之行

2,業指

陳

家

谷

口

日

諸

君

内

地

一,令美等

以

所

部兵護之。

時

契丹復陷

十 一河者。 Ħ. 里。」考遼 統志》: 無章宗,其一 「遼章宗陵,在三 代諸 帝 河 亦 縣 無 北 Ŧi. 葬

帳

下

士力戰,身被數十

創

士卒

始 盡

業

猶

戰,至谷口

望見

無

人,即

拊膺

大慟。

再

率

行

<del>一</del>

里。

俄

聞

業

敗

即即

· 麾兵

却

走。

業

力

即

領

兵

離

谷

П

美不

能

制

乃緣

交河

西

南

登

托

邏

臺

望之,以爲契丹敗走,欲争其功

侁

領

麾

下兵

陳於谷口。

自寅至巳, 侁使人

《金史·海 陵, 以 房 大房山雲峰寺爲 Ш 俱 縣 在 西 統志 二十里三峯 房 陵紀》: ×: Ш 金金 縣 「貞 Ш 西 太 陵,建行宫其 Ш 元三年三月乙卯 大 祖 下。 陵、 房 Ш 世 宣 宗 宗 東 陵, 陵 北。 麓 章宗 俱 按 在 五.

人,改 中。 宫。 紀》:「大定二年 王 己亥朔 月 太 月 又《熙宗紀 己 丕 海 一十八 顯宗紀》:「大定二十五 世宗葬 陵 祖、太 同 Z 酉, 承 Z 陵 兆 八月丁丑 貞元三年,改 四 卯 葬 紀 命太保昂 年 域。 葬始 興 太宗紀》「太宗葬恭陵 宗梓 於 Ш 命 戊 改 陵」、《章宗紀》「章宗葬道 陵 判 Щ 「葬於大 大定初 申 葬 祖 宫。 禮 大宗 陵 , 如 帝被弑 ·, 改 山 於 成。」 以 如 西 下 陵 <del>+</del> 葬 大 峨 追 1 īE. 葬 房 南 禮 + 又《 房 於 眉 京, 事 於 Ш , 葬 於 皇 四 上諡 帝 成 大 月 谷 Ш 年 京 大 太祖 鹿 + 奉 於 房 , 行 Z 等 <u>+</u> 門 房 里。」 仍 遷 號 大 正 E Ш 如 Ш 谷 號 紀》「太 」、《世宗紀》 房 視 始 隆 后 蓼 月庚寅 陵 朔 Ŀ 又《 思 後 裴 Ш 祖 號景陵。」 元 Ш 香 日 京, 陵 降 滿 陵。 以 年 梓 思 甸 睿 陵 爲 祖 閏 下 宫 氏 + 奉 (),葬 諸 陵 宗 又 庶 墓 葬 月 梓 月 發 遷

> 矣。 月, 又躋於章宗之上 被 者 陵 代之陵,自上京 於大 而 日 日 宣宗則 弑 曰 獻 熙 中 今《一 帝,其陵 . ⊟ 房 思 而 都  $\Box$ 降 Ш 喬, 建 爲蒙 自 爲 追 統 章 即 日 日 諡 庶 日 志 宗 古 睿 位 輝 人者 者二 興, 而 即 諸 所陷, 之二年遷 止 日 日 遷者十二帝,其 位 曰 臣 有 帝、 恭。 安, 道。 帝 不學之甚 四 號 葬 其 日 陵, 其崩 日 在 葬 於 被弑 定, 陵 裕 大梁,非 在 而 南  $\Box$ 陵。」 於 日 誤 者一 京 兆 景 也 中 永, 三年 列 域 陵 是 都 帝 宣宗 之外。 日 日 日 房 而 則 光 ·, 其 裕 Ħ. Ш 葬 金

之朝 也 北 王 Ŧī. 封 , 其 Ш 鮮。」《 在 箕子於此。」《 南 漢書 今 日 注: 高 Щ • 朝 麗 海 地 鮮 或 朝 經 理 境  $\exists$ 志》 鮮 應 志 内。 (今樂 》:「樂浪郡 劭 : 日 日 朝 慕 : 浪 殷 鮮 容 縣 道 故 在 氏 衰 朝 列 於營 之縣 箕 ) 箕子 陽 鮮 子 東, 或 州 所 之 排 + 去 武 海

統 但 境 爲之太息。 當日儒 受封之地。」則是箕子封於今之永平矣。 志》乃 <del>立</del> 取 其 朝 臣令稍知今古者爲之,何至於此 名, 鮮 日 縣,魏 與 [沈氏曰]《京東考古録》有「《通鑒 朝 漢 鮮 縣 又 城 於 相 在 去 平州之 則 永平 Ŧ . 境立 ·府境 有 餘 朝 内,箕子 里 鮮 》 朝 縣 鮮

令孫泳,非箕子朝鮮」十二字。

功,封 以 安 北 居 侯於東牟僅三年,其奉就國之令至立 月始令列 不绝。」考《史記》、《漢書》本紀、年表,興居 興居,高 得 爲 王 高后六年 相 濟 有惠澤及人之事 一統志 東牟侯。 北 距 祖  $\pm$ 侯 僅 孫 一,其明 四月下酉封,孝文帝二年冬十 就國,春二月乙 五月,其 ・登州府・名宦》下云: 齊悼 惠澤及於邦人,至今 年秋 惠 ·,歷二千年而思之不 曾到 王 以 肥子。 反誅。 或 卯立 與 否不 東牟 誅諸 是 興 可知 爲 、居之 · 侯 廟 吕 濟 興 劉 祀 有

绝者乎? 甚矣,修志者之妄也,

條 曠 爲千載笑端矣。 句 文理甚明。今《一統志 讀 F 句,「谷」字绝爲 ,大山長谷,荒翳 摘其二語曰:「地最 之不通 王文公《虔州學記》:「虔州,江 一, 而 欲 從 句,' 險阻。」以「曠」 事 • 贛 於 曠大,山長谷荒。」 阻」字绝爲一句 九丘之書,真 州 府 • 字 南 形 绝爲 地最 勝 口

#### 交 阯

注 也。 中 治 置交趾、 于 國郡縣之地、「原注」秦爲象郡地 「巻冷縣,漢武帝元鼎六年 此 此。」然則 《大學衍義補》曰:「交阯 南蠻 九真、 地 新開 H 交阯郡太守及交州刺 南三 者,不可 郡。 至 以 開,都 氏 例  $\exists$ 史與 別治。 || 水 論 本秦、漢以來 都 經 Ŧî. 漢武帝 交阯郡 尉皆 代 葉 時 同 榆 平. 及州 治 爲 水 南 此 常 劉 本

蒼、澄 祇,聲 之,并 其實 請。 其爲 其詐 绝嗣 + \_ 隱 道 竄姓 内 度 官 稱 奏章文移猶 觀 卒,命副 國 地之臣、未始以 爵 所 ,遣使送添平 世,至日 一; 而 , 查爲甥, 求權署國 名 察等,使 勳 逾年,陳氏孫名添平者,始遁至京, 中國之郡縣矣。 并 点獻 罪 及 季 爲 階 致 使 天下 俘 犛 胡 如如 至 討 將 者。 宋 京 乃表 稱安 ",遣征 一元,子蒼,易名奆,詐 張 焜爲黎季犛 所 大 及 初 師 輔 謂 事 賜 以 南 始 請 歸。 總 或 特 高 聞,太宗徧 號 夷將 詔 道 迎 其兵 稱 封 麗、真 進 李氏 求 添平還 推 抵 檢 也 爲 事。 軍 孝宗時 陳 **;** 生 誠 其 所 校 郡 朱 臘視、 氏 (境,季: 傳八 其後 篡。 順 太 王 禽 能 太宗皇帝從 遺 或 告於一 化 尉 季 等 然 始 世,陳 之,不 裔立之,國 封 功 季犛上 犛及其子 征 犛 朝 静 猶 南 臣 封 天 稱 之。 伏 廷 授 海 皆 平王 以 地 復 兵 不 陳 氏 中 軍 表 王 殺 能 神 愬 其 氏 逆 傳 知 如 節 或

> 代,爲 呼 州、 縣,遂. 地 宰 中 日 林 祖 猖 者,乃彼中么麽 人  $\forall$ ! 淪 相 或 南 百 意 肆 咸 縣、衛 於蠻 「姜公輔,愛州日 顯 也 稱 土豪 交阯 與 自 上 如今制,立交阯 者猶 中國。 季 中 遂聽 秦并百粤,交阯 表 犛 一夷之域 所 所 州 請 與 殺 諸 少,而 之,即 據 之士 焉。 立 之盡 司 漢 小 陳 而 南人。」已仕中 武 宋 醜 相 氏 愛 在 棄其 立嶺 如 無 爲 興 頡 後。 都 州 耳 唐 侏腐藍 不 (、布、按 可 内 頏 ,●中官庇之,遂 人 中 之地已與 地,俾 繼 南 矣。 宣宗皇帝 地。 姜 葉 能 者 九 公輔 討 朝, 江 郡 縷之俗 柰 其 復 僉請 可 南 何 後 爲 爲 南 「原 而 及 謂 之 有 遂 世 或 復 學士 九 海、 注 各府 人 黎 使 歷 此 古 真、 44 仕 桂 致 Ŧi. 嗚 利 郡 皇

<sup>● 「</sup>乃彼中么麽小醜耳」,據《校記》,鈔本作「乃其夷

太平 司。 後,驅 後,上 及 司、 南 百 領 版 至 冠 餘 述武功之成,亦侈 四十一,縣二百八,市 二,府· 年 一, 之。 禮 與 而棄之。 唐 籍 年, 府 宣 布 七月《實録》: 、占城、 爲 樂之區 之禄 德 不 漠 尊 課 十三,[原注]六年十 政 而 永樂間 初,黎利 上 中國之地,在宋爲化外州 使司、 北 諡 不 司 州 户 暹羅 爲 殘 議 局等 得 乃天順 部,然聲教所及,皆邊 所 叛, 寇 寧 與 平定其 按察 以 占 等 何 朝廷子之故地,乃 於 南 衙 遠州,本中 復 或 不 當 輿 數 海、 中 門 司 交 百 時 幸 啚 萬 修《一 地 舶 九 阯 月 各 有 桂 爲 哉 之廣,後以兵 里之外爲言。 提舉司 ,設交阯 + = : 自州 可 或 郡 林 一,衛 \_! 失於 地,國 統志 縣 等六 卷 陞爲府者二。 按 於 并 檢 ! +, 寧 初 交 察, 郡 》,竟 而 數 都 遠 屬 原 胜 今 升 雲南 Ŧ 巡 千 可 州 指 州 雖 注 遂 及 0 以 力 載 遐 檢 户 揮 帥 爲 貢 关 自 陷 廣 布 不 既 之 之 安 州 所 使 賦 衣 司 府 於 漢 西 政 順

> 中 夷。」嗟乎 -之見, 者。 世、 而 忘 無 濮、楚、 外 之 規 鄧 吾 吾 不 南 能 土 無 也 議 夫 狃 儒 域

臣

郡 閨 有 具 地 縣 前 並 體 縣 + 如 《大明 之有 ·月進。 代沿 河 載 間 前 無,而 革 府 清類天文分野 代沿 ·, 而 其 之莫州、莫亭、 中 云一本 革, 去歷代相因之版籍,甚 如 上 而 朝 都、 굸 未 書》,洪武 大 本 會 寧、 朝 川 未 不 遼 樂 立 東諸 以 + 壽 七 爲 時 郡 亦 内 年

薊

書 漢 書 薊 本 薊 燕 , 故 或 燕 刺 或 史 治 召 公所 自 七國 封 後

漢

0 寇, 據《校 記 》,鈔本作「虜

郡。 薊 騎 陽 城 書 漁 陽 或 fr. 或 殺 帝 燕 唐 水 原 遇 潰 遣 以 雍 因 城 陽 國除, 都 注 書 經 去, 兵 載 之, 奴 於 名邑也。」《後漢 唐 魏 建武十三年, 魏 自 孫」, 記 赴 作永元六年。 天 爲 此 即 地 濕 千 爲 將二 **\*** 燕郡。 救 寶元 爲 此 水 理 餘 亦 燕 注: 項 志》: 廣 引 騎 或 魏 建 萬 羽 過 陽 年 事 鼓 還 「今城内 韋 威 餘 隋 立 廣 省, 郡。 復爲 更 元 將 燕 開 人 臧 幺 口 譟 書 陽 名 會 鳳元 中 軍 皇 屬上谷。 茶 州 見 直 攻 薊 廣 本 乃 • 范 餘 Ш 初 范 西 爲 進, 朱 陽郡。 薊 彭 縣 始 E 年 陽 崇爲 陽 北隅 廢,大業 燕 清 浮 北 在 寵 元 道 殺 郡 郡, 王 燕 河 於 傳 漁 年, 徐 + 0 治 前 永平 有  $\pm$ 晉 刺 又東 並 都 薊 陽 進 餘 鋒 薊 爲 薊。 會 復 初 王 薊 人,魏 治 之 電 八年 丘 始 至 至 置 爲 廣 自 日 西 薊 達 開 晉 漁 龍 反 大 渔 涿 燕 陽 自 高

> 注 林木,頗爲近之」三十三字, 北隅即 矣。 遼 篁」、「沈氏日 而 兀 一, 改 存 + 》所言薊 於彼。 八 古薊門,舊 (史記 薊爲 年 丘. ]《京東考古録 析 析 今人乃 樂 有 津 置 樓 毅 縣 薊 館 書 並, 州 以 大 漁 無 廢, 崇 薊 漁 此 下 陽 但 陽 有 薊 丘 門 郡 ~ 句 爲 之 之植 外 薊 名 存二土 治 統 此 志 而 遂 漁 即 \* \* \* \* 植 忘 没 陽 阜,旁多 於汶 水 其 於 城 本 此 及 西

燕國 謂 下 也。」〔原 召公與周 注 召公爲文王之庶子, 車 之都。 並 而封 禮 云堯後 注 記 同 穀 黄帝之後於薊。」「原 • 姓。 孔安國、 梁 樂記 疏云: 傳 按黄 而 E 記》:「武 范 「今涿 司 甯 へ帝ソ 燕 注 馬遷 周之分子也。」皇 姓 又以 王克殷反商, 郡 姬,召公蓋 爲成 及 薊 注》《史記》及《水 鄭 縣 Ŧ. 皆 所 是 封 云 巾 甫 其 燕 未 然考 謐 後 及 祖 即 因

❶ 「濕」,據《水經注》,應作「灤」。

此 ^ 以 史 薊 記 燕 周 爲 本 澤。」 庫 北 胡 趨 龍 省《 城 通 魏 鑑 石 注 河 **\***: 頭 引兵追及之于 夏謙澤,

夏謙

曲 南 百 渚 流 餘 里。」恐 逕潞城南, 十餘 非 里, 北 按《 又東 佩 水 謙澤, 南 經 注》: 人夏澤。 眇 望 無垠 鮑 在 澤 Fr. 蓟 也。 南 水 北 紆 東

下云 鮑丘 鮑 丘 水 又 東與 泃 河 里,源 合」。  $\widehat{\Xi}$ 河 志

逕九莊嶺,過密雲,合道人溪,至通 河 在 縣 外, 州 之米

里地 莊 村 名夏店,舊 ,合沽水, 入泃 有 驛, 河。 鮑 今三 丘. 水 河 逕 其 縣 下 西 + 而

泊 河 自 縣 城南 至實坻 下人 於 海 疑 夏 店

丙 注 之名因古夏澤,其東彌望皆 。 正 辰 行 合。 魏 人 自 以 薊 戊午及之,相 至 龍 城 此 其 陂 距 澤, 孔 <u>一</u> 日 道。 與《 水 適 寶 以 經

#### 夏 謙 澤

其

、地也

陽

7,反云

Ŀ

谷

亦 云

不

可

皆作

薊 未

説文》獨

作

雖 封

讀若

前,《

(漢志

Ě

郡

皆 廣

在

朝

就 ៣ 偂

封

則

武 绝

Ŧ

未下車

所封,必非召公矣。

又 谷

羣 公尚

書

黄帝後封薊者滅

更封

燕乎?

攷成王

崩

後

召

樂記釋文》云:

「黄

帝 耐

姓

姬,君 契聲

奭

一蓋其

後

也。」又云:

或或

黄帝之後于鄭也。

从邑,

讀

若薊。

上

谷

有

鄭

縣。

之。」其

説

爲長。

〔王氏曰〕《説文・邑部

뾋

周

封

西

<u>-</u> +

Ŧi.

自

П

南

流

其

地

足

自

立

或

後

薊

微

燕

盛

乃

并

薊

居

薊

\*\*、燕二

或

俱

武

Ξ.

立

大

燕

Ш

薊

丘

爲

名

北

燕。』《正

義》曰:

按

周

封

以

Ŧi.

等之爵,

紀

武

王

封

帝堯之後於

薊

封

召

公奭

於

或

而

召

公

即

黄

帝

之

後

《左傳》

富

辰

之言

不

敘

及

燕。

按

無郟縣。

既

黄帝之後

所

似

鄭即

薊

矣。

乃

不

云

晉 書 載 記 慕 容 寶 盡 徙 薊 中 府

#### 石 門

即《水 陽 遇世 言石 門,大破之。」今薊州 縣 石 與 石 口 石 是。 之石 門。 門 西 門,大敗之。」注:「石門 鳥 亂 漢 峽 南 桓丘 門 後 經注》之石 遂 中平 。」而《水經注》云: 原注》《北齊書》: 家廣 漢 Ш 力居等入寇。 典》: 書 高 非 而《傳》言 寧之石門 Ŧi. 嶄 遼 年,公孫 公孫 绝,壁立 東 柳 門 縣。」《 屬 城 是 瓚 「皮慶賓,正 東 或 屬 也 傳 北 瓚 之石 水 瓚 洞 石 × 或 山在今營 六十里 討 經 開 門 追 按 石 灅 張 注 擊 中 Ш 光中 史《 門 俗謂 水 純 平. 當 戰 所 又 本 戦 石 中 因 州 以 明 指 之 東 於 使 紀 門 于 石 柳 乃 懷 有 南 柳 屬 張 **>** 朔 門 城 但 漁 兩 逕 城 或 純

爲

通

有

#### 無 終

者。 平。 戎, 里有 漢書 得 狄 如 流 記 魏 或 故  $\forall$ 于 晉 氏 逕 語 無 無 毋 太 昭 然《左傳》襄公 玉 無 水 解 土 因 終 原 項 印 公 終城。』 田 「吴漢將二 終縣 地 經 子 魏 羽 元 記 注 漢 尹 封 或 莊 年 故城 無終,山 漢 無 潘 **\***: 韓 子  $\Box$ 書 浭 終 軍 無終之爲 廣 納 : 晉 東。 + 藍 水 縣 右 爲 於 四 中 虎 樊 水 戎 遼 西 騎 無 年,「無終子 行 豹 北 噲 故 終、 之國 東王 出 先 至 漢 之皮, 穆 傳 平 城, 今玉 北 馳 雍 書 子 廣昌 城 都 ,今爲縣 至 奴 Щ 無終子 • 擊 敗 西 無終。」 田 無終。」《 以 東屈 地 無 北 陳 海 理 請 使 則 終 無 百 或 在 志 去玉 和 孟 可 及  $\equiv$ 而 韋  $\sim$ 破 也 + 後 羣 諸 樂 疑 北 史 南

東北二千 平有無終縣,太原 曰:「《釋例 田 諸 Ŧ 戎 有 近 而 晉 餘 許里,遠 後遷 者 里。 土 相 地 率 于 即 就太原來與 名》以 而 豈 太原 右 來 無 也 北 郡 北 終 平. 戏、山 晉陽縣 之國 -與? 晉 戰 戎、無 是 先在雲 不 也 知 原 終三名爲 其 注》《左 計 何 無終 中 故 也? 傳 在 代 IE. 太 義 郡 原 北 蓋

柳 皆 此 誤 文,豈 作 城 龍 汝 史 城」,今改。 即 成案」下 遼 史 引 此 歟 遼 云 史》 龍 Ш 一之西 龍 Ш 之南 攷 載 諸 記 本

據 城 龍 城 西 曹 在 Ш 福 隋 在 昌 德之 操 置 黎 府 統 滅之, 縣 西四 縣 《志》:「 地 屬 西 慕容 歷 南 十里。」《永平府 乃 潦 魏、 柳 六 誉 西 皝 + 城 立 郡 晉,爲 以 在永 里。 宗 柳 唐 廟 城 平府 慕 漢 置 宫 之 容 末 誉 舊 北 闕 西 氏 爲 州 志 烏 + 父 命 龍 \* 子 桓 日 Ш 元 里 省 所 柳 龍 所 之

爲 以 Ŧi. 東 接契 里,有 西二十 北 至 丹界九十里。」 東 西 七 至 書》「營州 人 年 契 後之營 北 到 柳 百 南 潦 年立 昌 至 丹。」《 丹 里, 七 柳 城 到 北 黎,爲静安社 河 又 渝 所 平郡 安 里 百 城 郡 刀 爲 西 還 弱 東 全 陷 州 里 郡 柳 七 白 堡,然皆 北到 治 通 守 一; 而 府二 並 無 七百 百 七 城郡」下云: 典 捉 而 柳 聖 在 遺 里, 百 + 八》「營 慕容氏之龍 城。」又云: 契丹界七十 白 其 城 曆 跡 「平州北平 ·里,南 里, 里。」是柳 0 西 非 七 地 其 州 而 至漁 北 柳 年 + 原 説 柳 静 至 至 城 唐 里 注 僑 安 與 城 之舊 陽 海二 萬 契丹界 城 城西 治 西 史 社 郡」下云:「 舊 里,東 郡 城、 郡 西 歲 在 漁 南 則 不 唐 百 通 三百里, 北 也 下 昌 今永平 四 嘉 書 陽 到 同 Ŧi. 天元 六十 接奚, 云 黎 北 北 白 靖 按《 + 宋 及 開 到 平. 今府 里, 慶 里, 魏 之 東 東 契 郡 東 北 + 唐 元

録 集釋

歸 幽 都 傳 定二十九年改 宏等充使,更 册 督趙 附 州 府元龜 東 文翽 初 玄宗乃詔 白 誉 里 政 於柳城築營州城,興 州 漁 理 都 而 慶 陽 乖 督 今之昌 爲昌黎,名同 禮 城 方 府 及太子 安 置 兩 置 在柳 蕃 [黎乃 反 詹事 開 城、控帶奚、 叛 元 姜師 Ŧi. 役三旬 攻 金 而 年,奚、 陷 之 度、 地 州 、契丹。 廣 城 而 左 異 契 畢。」詔 驍 寧 也 衛 丹 其 則 縣 各 將 後 天 書 軍 款 移 時 大 見 邵 寒 於

伐高 行 至昌 從 齊 出 田 無 太宗伐 西 涉 急 書 Ш 則 麗 猶 黎城。」是昌 道 柳 鮮 三國志》: 塹 士卒骸骨 趨 高 軍 Ŧī. 卑 城 顯 山 長 麗 日 出 在 庭 祖 堙 塹。 還 而 東 臨 伐 玉 谷 以 後 「魏武 田 渝 契丹,以 並 黎在 Ŧī. 指 至 辛 之東北 關 集 + 百 Ħ. 柳 也 平 柳 月 帝 餘 城。 至 至 州 城 丙 + 用田  $\wedge$ 里 柳 隋 之東 白 數 東 午 月 徐 城 經 書 南 次 狼 百 T 疇之言, 0 無 白 誉 北 城。 里 酉 命有 Ш 檀, 「漢 州 唐 也。 至 在 齊主 書 王: 平. 司 今玉 歷 詔 王 念北 E 寅 州 之 設 遼 平. 徐

> 謁 太 在 牢, 其 於 東。 臨 渝 自 太宗之行遲,故十日 關 作 文 歸 以 在 祭之。 今撫寧之東 丙 辰 而後 皇 則 至 太 柳 也 城 子 又 迎

復 李 總 誉 口 氏,本文不誤。 跋 非 慕 柳 Ш 或 原 易。 代高雲, 管 垂 萬 州 容 之南,福 治 城 漢 注》舊唐書 也 榮。 府 垂 爲 柳 魏 遼 柳 城 煬帝改 復 後 龍 取 非 尋 史》 城 神 爲 居 跋 城 之,爲 爲 德 縣 [又日]雲之篡 滅慕 載 龍 馮 焉 縣, 奚傳》: 都 之 地 年, 柳 跋 柳 初 容 督 地 「原 城 遼 而 所 城 氏 徙 徙 府。 慕 遷都 郡 西 「李大輔與契丹首領李失活,請 滅 注〕垂 也。  $\exists$ 乃築 漁 府 容 郡 : 亦跋之謀 陽 「楊 皝 萬 都 出 唐 之, 原 龍 興 氏 鄴 歲 以 州 武 隋 注 城 中 + 日 號 通 高 其 柳 平 德 年 謂 府 子 雲 雲 日 開 天 高 構 城 初 寶 跋 滅 初 還 元 改 和 之北 寶 宫 元 慕 始 滅 亦 古 年,陷 寧 慕 容 遷 龍 廟 柳 四 姓 誉 孤 容, 氏 龍 宫。 城 年 慕 州 城 置 改 龍 竹 無 容 馮

是移置之柳 州 在 述 此 峪 高 熙十年,升興中 祖 古之柳 城之地, 云:「又有柳 十月己丑 處,乃完 於柳城依  $\Box$ 者,或 一今前 平奚 置霸 柳城之故 興 Ш 神 醫 中 、麝香 射 無間 縣 城 舊置營州都督府,從之。」後 及俘 屯 泉、 屢 葺 城。 即 城 一, 降 本 也 Ш 衛 被 崖, 柳 今之 縣 小靈 ,在遼東,今於柳城郡 燕 城軍、永泰元年 然 之 興 頗 漢 城 陷 不可 天授 民 柳 府。 北 中 爲 没, 重 静 河。 將 號 府 詳 城 熙 安 移 霸 以 皇 有 備。 爲 縣 但 建城, 中 統 社 徙 州 永 帝 地。 太 州 <u></u> 置 州二, 未 唐 泰 彰 無 刻 華 以 元世祖至元 府, 口 書》「 常。 元 太祖 武 命 東置祠 置 Щ 爲 石 地 年 知 更名。」 一。」蓋 縣 軍 韓 奚 在 小 啚 之柳 ,〔原 此 掠 節 平 四 知 所 遥禮 馬, 華 案之,當 其 漢 度。 方擇 據。 唐 州 Щ 一此 注〕《通 七 此 駐 在 民 其 城 時 爲 平 柳 文 年 居 龍 香 重 其 太 即

> 骴 南,沙 廢 縣 書》「營州柳 如 而 柳 出 於 柳 城縣之誤 《志》本 土 城 土之地,其能 今府 産 廢 統志》采輯 則 縣,既云「在 引 城 西 云 之, 也 郡 人參、 二十里乃灤河之西, 貢 而 人葠、 諸 出 不 麝 書,不 此 府 知 香、 三物乎? 城 所 麝 豹 西二十里」矣, 指 香、豹 出 尾,俱 府 西二十 人之手。 尾、皮 洞 廢 按《 Ш 柳 骨 唐 里 之 城

# 昌黎

黎,而《 名始見于 部 八 地 都 日 理 志 尉 :「交黎, 郡 按昌黎有五。 此, 治。 或 遼西郡 志 而 亦 西 應 交黎縣」,應劭 無 漢 渝 劭 此 實 水 曰 縣 無 首受塞外, 《漢書》 :「今昌黎。」「王 昌 唐 黎 貞 縣。 注 觀 E. 遼 八 應 年 劭 「今昌黎。」昌 西郡之縣 南入海。 置 于 此 後 縣 漢 氏 雖 隸 日 |黎之 言 誉 其 東 按 州

九

金所 居之。 年,鮮 被之遼 里, 郡 也 逕 治 都 徙昌 年 將 黎  $\Box$ 太康 無 督 後 昌 軍 尹 Ŧi. 慮 改移之名,又 此 至 慕 地 嚴 黎 黎 張 萬 縣 東,殊誤。 漢 卑 歷 容 在 ; 不 後 通 郡 縣 餘 詢 異 順 昌 年, 内 屬 林 皝 鑑 立 治 域 。」又云: 落 敗 故 附 遼 黎 交黎 П 自 ※注: 劉 昌 茫 於 慕 慕 非 城 東 也 ^ 昌 昧 忠。 昌 復 黎 ⟨縣,≪ 容 容 唐之昌 水 屬 西 難 黎 是 黎。」 置 郡 廆 ^ 廆 經 知。 或 昌 郡 東 晉 則 い。」《晉 遼 高 破宇 寇 於 ^ 注 黎 都 黎, 或 今之昌 **外也**。 踐 及 書 東屬 雲 在 地 昌 昌 志 尉 文歸 冰 慕 渝 漢 以 理 黎。 黎。 白 注 若 載 書 而 黎 或 交黎 容 馮 水 志 以 魏 漢遼東之西 記 縣 進, 之衆 • 漢 盛之世, 素 下  $\Rightarrow$ 狼 成 齊 隸 立 武 遼 縣 日 年 永平 弗 流 水 凡 帝 昌  $\pm$ 西 帝 徙 , 0 爲 黎 又 交黎之名 咸 屬 而 正 慕 府 紀》 部 交 東 縣 昌 當 白 康 安 始 潦 者 有 容 其. 都 黎 北 北 U Ŧi. 餘 西 黎 部 皝 海 尉 則

> 氏曰」 尹 後,昌 柳 又一 崇 即 麒 之,當去龍 鄰 遼 志》云有 0 年, 城、 州 燕 疄 九 海 史》: 按 馮 年, 之舊 昌 軍 爲 昌 黎之名 韓 復 跋之世 文 北 黎 黎、 直 改爲 秀、 其 爲 堯 黎 建 都 也 以 城 縣 崇 棘 祠 州,治 州 谷 龍 龍 昌黎 不遠 廢 城 州, 遼 永 城 渾 有 城 榆 , 於 爲 太 康 日 昌 頓 置 至 誉 孫 昌 龍 此 此 相 祖 縣 廣 黎 城、 唐 昌 州 黎 紹 城 沿 又 又 寧 以 尹 爾, 本 太 之 黎 狼 之 以 定 孫 而 唐 宗 魏 東 水 縣 至 倫 昌 昌 金 州 立 伯 昌 貞 人 北 一於今, 世 俘 黎 昌 黎 仁。 從 皆 而 黎 後 觀 廢 宗 也 之, 户 黎 也 列 縣 昌 淪 陽 郡 以 大 置 傳 在 地 非 黎 於 年 師 定二 齊 魏 史 誉 如 别 永 奚。 鎮 人楊 置. 併 考 此 以 韓 州 审 平.

0 二」、《晉書》作「三」。 府

城

東

南

七

+

里。

此

又

昌

黎

也

郭

浩

今序而列之,論古者可以無惑焉。卿《永平志》辨昌黎有二,而不知其有五,

和姓 任,並 别,故 非 如 鸞 封 丘 之誤,不可再也。 者封邑太原,乃自言非本郡。 川,徙安定、武安、常山、九門,而生安定 世 王茂,爲公之六世祖。」 元豐七年,封公爲昌黎伯,亦是取其本望 原注〕唐、宋封 郡侯,許 今之昌黎 麒 系則云:「漢弓 韓 纂 總輯之,每 麟、顯宗,史 黎男之比。 韓文公多自稱 Ť 先儒以爲公之自 建 暖高 一卷。 封 昌 陽 爵 也。 加 黎王 明初 宜使 必取 郡 爵 侯,王鼎太原郡侯 邑 若昌 明言其爲昌黎棘 亦如之,●太平忠臣祠追封 [儒生條其源系,考其郡望,子孫 本望。 然則文公之没二百六十 韓 高 則令閱 昌 侯 擇木封昌黎伯 黎之韓,最 黎。 上謂宰相李吉甫曰:「有 與 元和中,朔 稱 頹 視。」乃命 昌黎之韓 本 當裔孫 唐 是 其 書 方帥 也 林 郡 著 **>** 城 寶 支派 望。 世 載 天水閻 如 於魏 譔 韓 花雲東 韓 次《元 居 韓 各 偓 長 桓 氏 潁 司 職 某

自稱昌黎、《舊唐書》亦云昌黎人,而韓實南陽人。爲此縣之人,其亦未之考矣。〔王氏曰〕韓文公昌黎縣,以金之縣而合宋之封,遂謂文公年而始封昌黎伯,又一百六年而始立今之

# 石城

攻寶。 北 後漢 百 會遣騎追至石城,不及。」是廣都 事 城 郡。 : 里 原,石城令高 王,而石 無之、蓋光武 漢右 慕容寶宿廣 考之《通 寶帥 北 城 平郡 輕 在 騎 和 鑑 其 馳 都 之 與 所 中 縣 一尚 二百 黄榆谷,清 及《晉·載記》,得一 併 間 十六, 省也。 方兵於後 也。 里,晡 京慕 其三 河王 至燕分置石 時 作 容 去 日 至 能 亂 熙 會 龍 石 畋于 」, 注 城二 勒兵 城 城

) 「明」,據《校記》,鈔本作「本朝」。

歸 無 南 燕 城。」 城。」 石 Ŧī. 城」下云 城 注 城 置 志 也,又東 云 之石 城 年 石 **\***: 縣 建 ,是魏之石 有 追 城, 是石 復 此 故 德 廣 又 大 高 躡 城 石 白 置 郡 即 城 興」下云 非 海 云 北 和 史 城 在 鹿 漢 城去 南 朝 魏 人 北 治 萬 本 JII 本 之 廣 有 義至平 Ш 之石 城 廣 齊 北 歲 臨 白 水 石 龍 爲 都 碣 非 祠 成 屈 渝 廢之,而《 出 石 通 之 狼 城 城 石 城 燕之石 州 縣 逕 東 西 城 其 天 城 矣。 不 Ш 有 矣。 石 東。」 令, 武 白 北 南 遠 0 城 雞 領 德 魏 鹿 縣 石 年 「原 是 也 鳴 時 日 城 而 縣 廣 七 Ш 城 太 梟其 唐 武 更 以 注 矣。 Ш 此 廣 三,其 年 成 西 平. 一《舊 書 Ш 名。 后 大喪,會 魏 在 首 都 省 即 石 真  $\forall$ 所 即 東 書 廣 唐 隋 廣 君 城 平. 有 更 貞 書 都 白 流 ^ 遼 都 八年 名之 水 日 臨 觀 州 之西 狼 逕 大 地 於 史》 目 城 渝 + 石 石 經 石 柳 形 约 Ш 龍

> 統 縣 就 觀 今之開平 在 石 灤 在 志 焉 中 鹽 城 州 。 今 縣 官 以 灤 於 統 爲 州 此 縣 中 縣 是 在 漢 西 置 屯 又 灤 遼 舊 九 臨 衛 在 其 州 之 縣 + 渝 , 自 其 南 石 里 縣 何  $\Box$ 南  $\equiv$ 乃 城 永 其 石 + Ŧī. 樂三年 又 謬 萬 遼 城 + 里 非 之石 歲 里 唐 通 下 ·徙於 唐 之 遼 天元 城 儀 石 徙 鳳 石 年, 城 置 而 城 石 唐 廢 以 刻 改 貞

#### 木 刀 溝

失。 爲不典,改爲 之。」「原 新 里 ^ 唐 憲宗 有 新 書 注 樂 木 学 紀 木 刀 縣 地 鐸。 過 溝 西 理 新 元 樂 大 南 志 林 取 有  $\equiv$  $\geq$ 君 和 笥 民 + 華 新 中 Ŧī. 点唐 皖 木 樂」下云: 里 年 刀, 見 有 志 几 示 水 示 所 居 月 之, 修 名 7 溝 縣 林 亥, 旁, 木 志,以 君 東 刀 爽 因 河 南 木 溝 東 名 白 刀

古 木 引 首 宜 戰,大破之。」《沙陀 其 溝 同。 伏木刀溝,與朱邪執宜遇,飛矢雨集。 節  $\pm$ 刀溝 爲 師 萬 提 子克讓、 度 承宗戰 與王 戰 級 救易、定,表光 軍 張 使 有 地 横 茂 范 師 而《 於木 貫 昭 希 功。」此溝在鎮、定二節度之界 從 薄 傳 賊 朝、 舊 子 戰 刀溝 陣 \* 書 克 義 鏖 茂昭 儉,與 武 傳》: 進 敗 敗 承宗以 鬭 李 軍 爲步都虞候。 光進 之。」〔原注〕《范 躬擐甲 李 節 諸 光顔 王承宗衆數 度 騎二萬 軍 傳》: 使 分 等乘之,斬 爲 張 左 「范希 前 茂 右 踰 鋒 希 昭 戰於 翼 木 朝 萬 朝 執 繞 傳 **令** 刀 及

#### 江 乘

州 大江 古 本 時 與 未 今 有 揚子 瓜 洲 橋 對岸,而 蔡寬夫《詩 瓜 洲 話 乃江 潤 中

于 下 江 沙 濟 日 瓜 木 唐 守之 潤 鎮守八所,城壘凡 自 還,從江 北 不當往來之道。」《史記》:「秦始皇登會稽 龍潭 蜀 以 幾 濟 峘 洲 ,襲下蜀。」胡三省《通 石 州 之津 洲 肅宗上 戍,在 塞 要。 江 頭 句 耳 多 悉 ·, 今與 十里以 至 也 江 容 乘 鋭 張 江 又 今其 口。「劉 元 縣 兵 渡。」《正義》云: 句 火 則 乘」。 瓜 昇州 元 北 守京 容 、鼓,若 由 揚 洲 外,皆 年,李 六十二 地 縣 采 子 既 東北 十 一 在 П 晉蔡謨「自土山 石 橋 北 展 連 將 里。」吴徐盛 以 上 下 相 爲 軍 岶 揚子橋 九十 近 趨 待之。 元 處」,皆以沿江爲 鑑 于 連 洲 闢 則 江 北 矣。 縣 注 渚 白 北 「江乘故縣在今 由 津 里 古 \<u>\times\_{\tim</u> 東 沙,設 古 江 至 而 者 展 以 江 北 爲 乘, 句 渡 今 乃 作 故 面 Ŧi. 兵 至江 疑 江 容 此 自 如 自 場 而 益 + 疑 乃 縣 是 乘 兵 自 上 京 古 乘 城 里 移 於 防 去 有 É 流 累 插 南 П

城, 渡 江爲界,人甚便之。」宋乾 而 者 隋 而京口之渡,至今因之。 「邊江之瓜洲 含江 唐之代, 乘 而 , 舟航 趨京 復以 湊會,而 口 丹 道 陽 四 原 懸屬 郡 年 注》舊 移 江 治 築 南。 唐 丹 瓜 延 書 徒 洲 賞 奏請 張 南 於 延 是 北 以 當

始。 子縣 江,至 從東北, 課 歲 江 故 之揚子縣治所,橋以 風 Ŧi. 迄 減 濤 爾 行志》: 漂損 + 腳 瓜 今 玄宗紀》載 瓜步  $\sim$ 洲得名, 里 錢 原 舊 利 海 注 數 尾紆 開 唐 濟 又 濤 一胡三 澣 + 書 開 奔 焉 乃 元 此得名也。」自是免漂 本以 萬 省 滙六十里,船 上, 伊 移漕路 此 + 通 齊 婁 此 事 又立 四 鑒注》:「今之揚子橋 没 澣 瓜步山之尾 河 京 年 則 傳》: 瓜 於京 口 七 謂 伊 步 十五 漕 月, 之瓜 婁 洲 П 繞 路 潤 埭, 潤 里, 塘 瓜 繇 損 洲 州 生 州 下, 步, 損之災, 官 居人。」 瓜 即 出出 此 浦 大風 或是唐 洲 收 達 直 多 界 其 之 洲 揚 渡 爲 層 而

南二十 此 洲 紀 ※: 取邗 衍 而 揚 澣 人 南 以 揚 名焉。」鮑昭 步 淺 亦謂 步 文。 瓜步爲 永 本在 始改 (淮,自 狹。 北混 江 與 懸 州 道 卒三千 瓜 屬 刺史、 Ŧ 溝 『水際謂之步。 出 詩 之瓜 五里 [又曰]《宋書 步 江 江 與 六朝 關津 璘 倪 淮入汴, 何涉 **無** 通 北 南 澣 京 淮 傳 璠 雖 津 皆 瓜 П 瓜 注 步 而 延 南 拒 升 改 明 都建業, 步 相對之路。 反 賞 節 步 道,卻 以 矣。 洲 高 Ш 於 屬 奏請 「没瓜步 度 Ш 問 泝 隋志 下 也。 建 李 瓜 索虜傳 江 觀 楬 瓜步在吴中,吴人賣 隋既 是 河 途』云云。」 業, 南 南之潤州 察等 以 于 文》有曰 承 步 渭 也 北 [王氏曰]瓜步 洲 江. 京 大開 式 而 庾子 洲 江 往 使,邊 爲 乃 口 都 自 使 來,以 伊 界,人甚 遥 猶 都 在 邗 開 拒 『鮑子辭 爲 Ш 判 即 領 大 溝 六合有 邗 娟 婁 劉遵 於瓜 江 不便,故 集 循 此 中 瓜 溝 官 之瓜 埭 加 觀 張 步就 瓜 爲 江 評 考 步 自 將 濬 之, )鎮,在、 ん便。 延 吴客楚 步之舊, 瓜 瓜 洲 洲 與左軍 命使 深 宜 賞 事 請 步 近 淮 則 于 濶。 則 」,「步」 取 代 裴 舟 改 江 Ш 爲 已 延 六合縣 此 邗 南 北 ○』≪述 便 屬 航 通 茂 指 將 賞 宗 直 至 北 溝 始 洲 湊 揚 故 軍 以 時 至 唐 朝 因 道 自 兖 渡 州 會 本 以 瓜 爲 之 U 異 不 # 齊 江 皆 瓜 東 猶

六地 名。 Щ 邕守 宏守横 也。 新 洲 名哉? 下,征 如以今瓜 É 時 裨 横 州 江 魏主在六合瓜步,與南岸采石 少少 江 o 北 以 中兵 府 羽 洲 下六地名,皆自采石至今京口 林 劉 爲瓜步, 左監 參軍 興 祖 孟宗嗣 事 守 則與蒜山 向 白 柳 下, 守 守貴 新洲 建 威 相對, 洲 上 將 對, 司 建武將 軍 其 而 馬 黄 幾 上安得 横 到 門 百 車 侍 江 元 里 即 度 泰 郎 采石 更容 守蒜 容守 中 蕭 地 元

#### 郭 璞 墓

數十 言。 郭 西 今江陰縣界,不 江之中,且 葬 北 璞 地 墓。」按 大江 里,皆爲桑田 璞 于 晉書 日 暨 中 陽 當 『當即爲陸矣。』其後沙漲 史文元謂 亂 去 時 郭璞傳》: 石 即 在京口。 水 間 。」《王惲集》乃云:「金 已沙漲 ,有叢薄,鴉 百 去水 步 璞以 許 爲 百 又所 田。 步許,不 母: 人 葬者 鵲 憂去職 以 而 棲 近 暨 去 · 璞之 陽 在 水 大 墓 爲 ١ 在 Ш

> 載璞詩 在京 則璞又有二兄同葬。 母, П 而 日 非 王惲之言未可駁 北阜 璞 也 烈 **烈**,巨 世 人楊 之所 氏 海 日 混 傳 一既 混 . 壘 皆 云母 量 葬 墳,惟 江 原 陰 注》 則 母: 璞 與 世 昆。」 不 説

#### 蟂 磯

妹, 雲列 劉備 注 主人 益 昭 烈孫 州 烈 驕豪,多將吴吏兵,縱橫不 (傳》)曰 蕪湖 益 而 孫夫人,權妹 夫人自沈於此 「武陵孱陵縣故 而 至荊州矣。 州 孫夫人還吴。」又裴松之注引《 縣 雲領留 西南 [楊氏日]「列」當是「别」字之譌。 七里 誉 也,又更修之。」則是 《蜀志》曰: 有 城,王莽更名孱陸 司 大 馬, 廟 江 中 在 時 焉。 蟂 法。 孫夫人 「先主既 磯, 按《水 先主 相 以 傳 也。 以 權 先 趙 定 隨 經 昭

0

州」、《宋書·索虜傳》作 洲

來,相 囘至 妄。 雲嚴 後  $\Box$ 葬此。」元林坤《誠齋雜記》:「先主入蜀,權 吴,雲與張 西 不 據此,則 征 且 焦磯、溺 傳久矣。 知所終, 蟂磯之傳 大 大 黄 Ш 谷 遣 必 孫 水 文云: 飛勒兵截江 夫人之還吴與沈江 舟 能 而死,今俗呼 是孫夫人自 船 整 「磯有靈澤夫人廟 迎 齊 妹 特 爲焦 沿殆妄。 而 任 乃得後 荆 夫 掌 磯 俱未可知 州 娘 人 内 娘。」則 復 相 欲 事 主還 歸 遣船迎 傳蜀先 不宜 將 于 自 20」「孫 後 權 宋、 權 竟斷 妹 主夫人 主 聞 元 還 而 備 以 妹 爲 氏

#### 胥 門

夫 山 於江 大夫,大夫 松松 ; 山 疇 江 上,號 無 史記 各 北 餘 去 有 **\***: 死,故立廟於 謳 日 廟 吴 胥 國 吴王 陽 等 魯 Ш Ŧi. 伐 哀 既殺 + 吴。 公十 ·里, 江 水經注》引 子胥,「 山 吴 三年,越 上,號曰 側 人 吴 有 敗之,獲二 虞 人 丞、 使 爲 氏 胥 二大 立  $\Box$ 祠

蘇 Ш 襄仲、宋有桐門右師、皆上卿爲軍 門、氏; + 將 甲卒三千人,以擒夫差 名,又必在夫差以 子胥未死,已名爲胥門。」愚考《左傳》哀 日 蘇 所 東門遂、桐門右 云: 帥以門名」,注:「古者軍將,蓋爲營治 名 與 : 州 治  $\pm$ 一年「艾陵之戰,胥 也。一 「吴王 齊戰,道出胥門,因 也 城之西 也 《 國 按《吴越春 本伍子胥宅,因 巢,名。 不 語 胥 起 一南門 可 以 Ш 姑胥之臺 知 「吴王帥 爲 上 師之類。 蓋居此 秋》: 日 子 其 前 今 胥門, 胥,一 所 矣。 有 吴王 名 壇 始 其賢 元 五. 門 門 <sup>《</sup>淮 〔原注 過姑胥之臺」。 ٥ 石, · 將 者 於姑胥。」 陸 以 巢 而 年乃成。」姑 其 夫 非 良 廣 爲 南 將 長 也。 以 于國門 ||(周禮 也。 與 字 差『十三年 微《吴地 子》 越 老 上 爲 其 則 大夫。 亦 云 氏 軍 趙 重 是 魯 爲 「句 大司 者 越 有 禄 門之 樞 胥 記 東 姑 馬 以 绝 践 胥 公 生 今 如 則 神 門

被 上 勃 對 姑 蘇 蘇 淮 一字多通 南 詩 王言「見 《史記 Ш 有 扶蘇 用。 「越伐 麋 傳 [原注]《戰國策》以「包胥」爲 鹿  $\exists$ : 游 吴,敗之姑蘇。」 扶 姑 蘇,扶胥 蘇 之臺 伍

#### 潮 信

之屬 上有 降 之潮 囘,小月二十八囘, 月 流六十囘。」白是北人,未 則 而 刻 候 每 Ŧī. 爲夜子, 有 白樂天詩: 潮 陽有 月之麗 碑。 + 餘 月 六 餘 朔 至望 故大月之 回, 以 而陰不足,自然之理也 天, 日 後半月復然。 「早潮 無 日 以 出 子、 六 則 亦 東 + 潮 子 纔落 午二 無三十囘 人 巳 潮 諳 西, 月 降 也 晚潮 時 潮 Ŧī. 而 大 「原注 到。 候。 水、 + 爲 月 來 也。 八囘, 午, 西西 月 今杭 每 興 皆 + 所 午 月 日 江 以 九 陰 小 遲 州 潮 周 岸

陽

#### 晉 或

曲

今陝州 城,而 縣。 陸縣 縣。 縣。 秦接境。 原 獻公始大。 音 沃伯 注 注]在今吉州。 汭。 滅 滅霍,〔原 而 一》。史 汾 府 晉自武 重耳 魏 公都絳 之境。 河、 北邊翟,東至 蓋 滅焦、原 以 記 , (原 即 涑、 居 今平 晉世 考之於《傳》,滅楊、「原 公滅翼、原 軍爲 澮以 注」在 蒲 注〕今霍 ,〔原注 原注 家 , (原 陸芮 太子 爲淵 注〕今陝 河内。川索隱 一今蒲 晉 城 注〕在 州。 二在 國語 居 侯, 是 之地 州 獻公時 州。 也。 今太平 曲 注〕今翼 滅 其 》「宰孔謂 今隰州。 耿、原 沃、 滅 時 則 而 虞 至 Ě 晉彊 縣 疆 跨 滅 惠 城 原 晉侯,景霍以 號、原 〔原 河内, 縣。 大河 夷 土 注 公 注〕在 西 不 吾 注」在 未 有 注〕今洪 敗 渦 在 而 河 河 之南 廣 今聞 居 今 韓 今 平 注 王 曲 西 河 今 屈 與與 之 也 至 命 津

内

原

封 杜 滅 滅 陽 陵、 渦 之謀 蹙。 後,秦 用 地 以 秦于 敗狄于箕, 狄 晉 氏 鼓 赤 、維陰之間 荀吴敗狄于太原,於是 ,不屬於晉。 河 取 原 梗陽、 馬 殺,自此 陽亦未敢以 之 狄 ,以貨易 文公始啟南陽,得今之懷慶,襄 狐 注〕今太原 西 首、 而 征 解 潞 厨 爲 得 河 「原 綿 ,[原注]在今鄉寧縣。 氏 盂 境。 東 今之真 而 注〕今清源縣。 「原 上 士。 縣。 狄 ,而鄔、祁、原 惠公賂 , 則 而 若霍 注〕今盂 患 文公作 爲 箕 得 内 爲趙氏 [原注]在 定,皆 始 然 而 今之潞安。 及 太 稀 秦之地,復 也 不 解 縣。 Ш 能 三行 梁 涂 文公後六十年。 之邑矣。 悼 晉之北 以 爲 ,(原 水、 無 涉 公用 注」並 北, 祁 以 疑, 汾 原注 미 注 禦狄, 頃 氏 高 語 音 大都 考。 今祁縣。 并 境至 魏絳 在 而 之邑, 公滅 今臨 若成公 唐 在 晉 有 一今榆次 吾於 叔之 平公 皆 於 襄 公 和 境 晉 肥 平 公 敗 洞 戎 狄 縣 而 稍

## 緜上

火。 子 今其 日 : 河界 以治兵,使士匄將中軍, 之於《傳》,襄公十三年, 原、上黨、 所 桐 介子 桐 侯求之不獲,以 平 隱 寺 水 石勒 西,即 即 休 Щ 推不言禄, 界休縣 地三 左傳》僖 縣 緜 而 南 禁之, 水 南 西 漢、 跨 介子 尺,前史 河、 出 有 靈 有 魏 石, 地 + 介山,有緜 推 縣上爲之田。」杜氏 而 介休縣 雁 以 禄 名縣 之祠 雹 (載之, 門之民,至寒食不敢 來, 東 亦 四 起 跨 弗 年, 上。」《 也。 之綿 傳 西 沁 及,遂隱 讓 晉 無 有 Ŀ 河 源 晉 于 悼 異 聚、子 袁崧《郡 焚 Ш 水 · 世 介 侯 荀 公蒐于 辭 經 山 Ш 賞 偃」,此 以 北 而 也 注 之事 大 大 推 從 曰 爲之推 死。 流 或 廟。」 然 如 逕石 者 考 大 西 雞 舉 晉

豈出 宋樂 北 近 ,大抵皆狄地,與晉都遠不相及。 或 於西河界休乎? 祁,飲之酒于縣上」,自宋如晉,其 都之地。 又定公六年, 況文公之時 一趙 簡 ', 霍 子 Ш 路 逆

在

應。」《 紀》詔 九年 Щ 沃,當必是簡子逆樂祁之地。 翼 城 ,齊高竪致盧 今萬泉縣南 縣 地 曰 : 西亦有緜 理 注志》: 「朕用 而 出 二里有 奔晉 汾陰,介 事介山,祭后土,皆 Ш ,俗謂之小縣 ·, 晉 介山、《漢書 人城縣而宣旃。 山在 [原注]襄公二十 南。」〔原注 Ш 緜 一; 近 或即 有光 武 今 帝 曲 緜

觀 行游 士**,** 上 陟 介山 一迺帥 西 岳 以 目 羣 望 安 臣,横大河,湊汾陰。 邑, 八 荒 顧 龍 雄 門, 作 覽 河 鹽 東 池 賦 既祭, 登  $\Box$ 歷

萬泉,古

汾陰地。

《揚

雄

傳

「其三月,將祭后

公而 亦 靈 興安 此 愍推兮,勤大 謂 步 周 晉太康記 流容與,以 禹於龍 》及《地 ) 覽于: 門。二《水 道記 介 Ш 》與《永 經 嗟 注 文

> 然。 初記 可 並言子推隱於是山 見漢時已有二説矣。 而 辨之以

爲

非

#### 箕

以

者矣。 襄公二十一年有箕遺,當 有。 也。 箕」。 秦、狄皆可 我箕、郜。」」「原注」無解。 年:「厲公使吕相绝秦, 我,及清」也,必其近 《傳》言「狄伐晉,及箕」,猶之言「齊伐 陽邑在 解 左傳》僖公三十三年, 曰:「太原陽邑縣 以争。 今之太谷縣,襄 而 國之地也。 文 曰 : 公八年 又必其邊河 亦 南 入 公時 以 有 -有箕 狄 我河 邑 箕 成公十三 伐 未爲 氏 城。 之邑, . 縣,焚 晉, 鄭 其 父, 人 非 晉 及

二〇八

唐

之封以至侯緡之滅, 記 後始 不相 翼。 虔曰 而 河、汾之東,方百 宣王十六年,晉遷于絳。」況霍 也。」北距 定公四年: 原晉陽縣。 <del>-</del> 里。 陽 晉世家》曰:「成王封叔虞于唐。 開 及。 括 左傳》 「大夏在汾、澮之間。」杜 在 縣 地 邑,而 晉陽七百餘里,即 汾 堯裔子所封,成 原注》《竹 志》: 命 水之西, 按晉之始見《春秋 昭 公元 以《唐誥 前此 「故唐 里。」翼 書紀年》: 年 並在 又不相合。 不 **'**: 城 見於《傳 城正在二水之東, Ш 康王 於翼。 在 王 遷 而 以 後 滅之 絳 實 封 北 九年,唐遷 世 州 氏 沈 于 〔全氏 一遷都 翼 竊 而 自 則 夏 于 疑 其 悼公以 封 城 大 以 虚 又《史 唐在 唐 都 日 太 縣 。服 亦 爲 夏。」 于 晉 叔 遠 在 叔 西 太

隰

之間

《書》所

云「維

彼陶唐,有此

冀

若太原 門之上 氏 覈 里 其 耳。 其 里; 陽 問: 者,未可 而 以 謂 晉 故 日 故 也。 他,則其中必累遷 唐叔 也。《史記》屢言 此 陽 《詩譜 春秋》言「 難 然則 是平陽之唐城,相 縣 既 至于晉自唐叔以後,靖 而築之,如後此之所謂故絳、新絳,二絳 亭 故 以 亭林於《括地志 北 封 也 则 则 改 信也。 變 林 П 明 于 唐曰 謂 在 舌 父 一里,是 河汾之東,則 日 但 則 河 辨 唐 何 變父之改號 晉 而 汾之西矣。 叔 也 龍 所 穆侯始遷于翼」,則 以 平陽 所 太原 則 改 門 謂 封 耐 其 國 括 未闢 以 至翼, 亦有唐城者,蓋必既遷之後,不 去七百餘里。 之唐 大 「禹鑿龍 》之唐城引其 在 地 號 至 夏 晉 當 日 志 翼侯之亡 侯以前,年 日 城, 故亭林 陽 亦 在 晉 者, 》所 晉 吕 可 平陽 乎? 必 述 知。 梁 門,通大夏」、《 無 以 在 正今晉 唐城 疑 晉 未鑿。 《史記 絳 一,遺 張 而 然亭林之言亦 唐城 疑 數 唐 徙 水 州 皆 《史記 守 Ĺ 有 叔 而 翼 畢 其 在 》謂 則 節 不 本 相 異 城 翼 可考,何 竟 一,則 自 封 亦 絳 河 去 地 河 而 晉 安 在 在 主 汾 七 在 而 西二十 出 不 世 太 翼 此 在 之東 稍 百 口 并 自 在 吕 原 者 説 未 餘 名 州

梁、原 非 安是也 言,以 氏 [原注]《漢 而 也 之説爲信 舜之命皋陶 爲 注」在 師 書 古 西 今臨 地理 以 伐 瓚 汾縣 大夏」,大夏之在平陽明矣。 日 又齊桓公伐晉之師,僅 志》注 説 幢 爲 是。 臣 而 夷猾夏」者 瓚曰:「所謂唐,今河東永 按永安乃今之霍 封 禪 書》述 也,當 桓 州, 及 公之 以 高 服 亦

前

後

四

都之故蹟

也

### 晉都

喜縣。 孫 及 文、襄、靈、成六公、至景公、遷于新 城絳,居之。 (原注)今太平縣南二十 武 昭 公滅翼,而 侯,封文侯之弟桓 春 「原注」《漢志》: 秋時,晉 在今太平縣之南,絳州之北。 或 代 爲 本 五里,城 「聞喜、故曲沃。」其子 晉侯 都翼,在今之翼城 叔 址尚 都 于曲沃。 存 曲 沃 歷 Ш 在 惠、懷、 桓 獻 今聞 叔 縣 之 在

> 今曲 後  $\mathbb{H}$ 魏始名 爲 沃縣、「原注」杜 絳 曲 而 沃。 以 當汾、澮二水之間 其 故 氏曰: 都 之絳 「新田,今平 爲 故 絳, 陽絳 於 此 是 邑 「縣。」 晉 命 或 新 是

郊外。 來 聽 絳 十六年。 是 知 于 原」,(原注)杜氏曰: (原注)襄公二十三年。 悼公之立、[原注]成公十八年。 注 不者漸 范 其 朝」,1 入曲 其 〕僖公十年,「狐突適下國」。 所 後 晉自 宣子 矣 自爲,端氏之封,屯留之徙,其所由 何 是至絳都。 「庚午,盟 亦云「改服、修官,烝于曲 沃 以 都絳之後, 而 執 遂 朝 魏 爲 于 獻 而 欒 河 廟。 夫以宗邑 子之手, 賂之以 人。 而平公之立,「原注」襄 氏 東聞 遂 之邑。 二月乙酉朔,「即 然其 辛巳, 以 喜 縣北 曲 宗 沃 而 大夫 有 而 朝 廟 爲 與之其臣, 清原。」是 樂盈之人 沃」,但不 于 在 下 武 逆于 焉。 曲沃。 或 宫 7. (原 位 次 清 考 公

0

瑕

之法。 秦 晉 君 其 燭之武于 所 酈 Ŧi. 西  $\Box$ 諸 胡 内及解梁城」 謂 以爲二地。〔江氏 焦、瑕 里 人 河 南 大 一,僖公三十年,燭之武見 音, 「郇瑕 「内及解 外五 逕瑕 夫 戰 晉 顧 以 河外舉 于 氏謂晉 有 皆 故 湖 城 城。 二瑕。 朝 梁城 河 日**:** 一 縣 ,古國名。』《 瑕 濟 之二邑。」文公十二年,「晉人、 焦 曲、秦師 當之, 謬矣。 句 有二瑕,以焦 城是 一, 瑕 京 而 矣。 内 旦 必 相 夕 其 舉 īΕ 解縣 也。」〔原注 求 居 瑕 璠 <u>^</u>, , ≪. 設 是 河 解梁 以二邑 夜遁,復侵晉入瑕」。 日 郇 版 西 外之瑕不可 水經注 在今之臨 瑕爲河外 瑕氏 南 焉 左傳 間 故 今河 該 二杜 瑕 秦伯 邑 其 城, 解:「焦、 之地。」杜 》成公六年, 也。 東 》**:**「涑 五城之二,是 餘 以 得 實 郇 解 亦 晉縣 謂 焦在 爲 瑕 E 臨 縣 晉 爲 文省 「瑕」有 水 之瑕 河外 西 境。 瑕, 一許 地 南 V 氏 忘 便

瑕,

而

郇

瑕不與焉。

桓公六年,「

軍

於

飛以

待之」,

瑕

**,隨地。」成公十六年,「楚師還及瑕」,注:「瑕,楚地。」** 

瑕之瑕爲詹嘉之邑,誤

矣。

「原

注》《左傳

》有

秦,成肅公卒于瑕」,亦此

地

也。

道元

以

郇

之塞」。 外。 轉爲 不謂 東。」今爲 塞 湖 道 東 武 解 '瑕」、『胡』音同,故《記 其北北 字通 記 逕 也,「原注」《書》「放牛于 帝 以 矣」,鄭 》、《太 湖 建 河河 十三年,「晉侯使 「胡」,又改 用 縣 元 按《漢書 曲 有林焉,名曰 閺 故 年 爲 康記》並言胡縣,漢 鄉 《 禮 城 更 氏 河 縣 北 名 注 東 記 爲「湖」, 」,酈氏 治。 湖 • 云: 蒲 》引《詩》「心乎愛矣,瑕 地 阪 桃林之野」,注 而 詹 桃林。」古「瑕」、「胡 「『瑕』之言『胡』也 理 ^ 縣 注 嘉 成 用 水 志 而 南 公十 處 心》「湖 經 瑕 其字。」是「瑕 瑕 邑 「《晉 則 以 三年, 武 故曰 即 河 <del>Z</del>: 瑕 帝 桃 書 水》「又 守 必 在 林之 改 桃 在 華 胡 作 地 伐 林 河 Ш

杏,敬王邑。」昭公二十四年,「王子朝之師攻瑕及杏,皆潰」,注:「瑕、昭公二十四年,「王子朝之師攻瑕及杏,皆潰」,注:「瑕、

滅 注 也 城 自華 焦。 Ŧi. 「陜縣 《傳》 寸,東盡: 僖公十五年,「 Ш 之東, 稱 故 虢略,南及華 焦國。」《竹書紀年》: 焦、瑕,蓋是其一 盡 虢之東界, 晉 侯賂 Ш 秦 一。」「原 伯 幽 其 ^ 王七年,虢 正 間 以 義 注 有 河 浸水 Ŧi. 外 日 列 城 人 4111

瑕 陰飴甥」者,陰 九年,晉獻公滅虢, 飴 嘉 甥 即 成公元年,「晉侯使瑕嘉平戎于王」。 二,當 詹 嘉 亦 亦 以以 虢 司 邑爲 地, 命瑕父吕甥邑于 此。 或 兼 「原 氏。 食 注》《竹書紀年》: 之也。 僖公十五年 號都。」《傳 而 解 以 》謂 惠 瑕 瑕 Ŧ

#### 九 原

吕」爲:

姓、恐非。

《禮記·檀弓》:「趙文子與叔譽觀乎

+ 原,指其冢之高曰京,指其地之廣曰原。」古者卿 九 於今之平 之葬必在國都之北,不得遠 文或作「九京」 是全要領以 太原郡 Ħ. 原。」《 里有 水 京 九原 遥 從先大夫於九京 陵 經 也。 一**,** 師 注 Ш 而傅會之爾。 **>** ,近是。 《志》 以 古 爲 日 以 在 也。」方 爲 即 京 太平之西 涉數 九 陵 氏 [原注]文子曰 京」, 縣 日 百 九  $\sim$ 里 因《 漢 京 南 大 而 記 即 志 葬 夫 九

#### 昔 陽

今藁城 又謂 白 午 師 「狄别 滅肥, 者假道于鮮 鉅 縣西南七十 左傳》昭公十二年:「晉 種 鹿 , 在 以 下 肥 曲 中 里 子 虞,遂 陽 山 緜 是 縣 新 皋 也 西 市 入昔 歸。 有 縣 其 肥 , (原 陽。 〇日「昔 杜 纍城」,〔原注〕在 荷 氏 注〕今新樂縣 秋 謂 吴僞 陽, 鮮 八月壬 肥 會 虞, 國 齊

都, 之縣 城? 既 爲 既 陽 聚。』炫 杜 必 於 沾 當 劉 都 晉 不 是 云 人 東 縣 自 炫之言 荀 在 , 安 昔 肥 遠, 也 北 在 則 吴 疑 遂 平 鮮 『鼓,白 謂 都 陽, 中 昔 之 而 是 得 襲 使 沾 虞 豈 肥、 山 鮮 陽 東 何 以 鼓 肥 + 肥 師 以 而 縣 以 新 當 虞, 以 爲 行 五. 名 昔 東 ,滅之』, 名 僞 别 東 鼓 狄 市 在 復 年,『 取 有 糴 取 陽 言 也 之 並 南 而 西 鮮 言 昔 者 齊 於 滅肥, 鉅 别 爲 也 在 反 南 虞之東 鉅 荀 彼 在 陽 鉅 鹿 肥 則 鉅 人 Ŧī. 負 假 鹿下 晉 城 旲 之城 也。 或 鹿。 百 昔 西 甲 則 鹿 道 伐 東 + 之 餘 南 陽 以 肥 下 曲 也 鮮 • 鮮 肥 則 都 昔 里 之爲 之 息 建 與 曲 陽 虞, 僞 非 虞, 爲 也 陽 昔 年 昔 干 都 今按 陽 有 何 會 忧 小 ? 即 遂 鼓 昔 韋 於 縣 陽 肥 陽 當 齊 傳 或 樂 都 陽 是 鼓 纍 昔 樂 有 人 不 忧 假 師 疏 平. 境 鼓 斷 鼓 之 陽 得 昔 渞 平. 載

> 豈 齊 記 鼓 城 是矣。』京 本 東 理 其 有 可 兩 (地已 昔 得 志》「 鼓 鼓 逕 ,今鼓聚昔 知 見, 越 趙 聚 矣。」 陽,取之。」 聚 肥 人 在 太行 晉 世 纍 鉅 一家》: 其  $\hat{+}$ 相 縣 鹿 何 下 原 説 而 曲 璠 用 之 下 注 陽亭 陽, 僞 皆 有 三二百 故 曲 杜 夫昔 州 糴 樂平 惠文王 同 解: 陽 以 城 是 志》 在 息 南 也 陽 「原 昔 沾 苸 其 日 應 )° |« 縣,亦 狄 門 陽 在 ? 注 + 又 劭 外 之别 鉅 故 》水經 水經 六年 東 酈 日 肥 今其 原 鹿 逕 子. 氏 : 注》《正 也 之誤 注 注 所 昔 故屬 廉 城 晉 都。」 漢 》: 「紙 陽 一義》亦 下 昔 頗 也 卷 荀 書 之齊 果 城 中 將 曲 陽 吴 爾  $\wedge$ 昔 謬 攻 中 陽 亭 水 滅 地 陽 則

爲 公 昭 年 7 晉 公 滅 晉之滅 有 元 浴路氏。 矣。 年, 年 敗 伐 狄 然 + 無 廧 後 其 六 終 咎 出 用 年 及 如 師 兵 羣 以 滅 有 而 狄 臨 甲 次 上 於 氏 Ш 第。 黨 大 東。 及 爲 鹵 留 宣 晉 昭 吁。 而 公 有 公十 + 大 原 成 Ŧi.

猶 東 如 以北至中山爲東陽,自朝 以 南 不服 接於 年 此 陽」、「原注」《水經注》 之地 滅肥。 齊。 焉 謂 原 之「南 蓋 注〕至魏文侯始克中山 二 十 二 先後 陽」,太行 歌以南至軹爲南 之 年, 》引馬季長日 勤 且. 滅 八 鼓。 以 + 東 年, 陽。 晉 於 平 之 是 狄之 而 地 地 而 白 太 鮮 晉 謂 朝 難 行 虞 境 歌

## 太原

陶 晉 原晉陽縣,今已不存。』《志 千五百二十步,崇 志 土爲 1,潛丘 百二十二步 日 太 瓦 原 用。」長四千三百 在 晉 府 中。 陽 在 宫,在 一,周 「原注」《爾 唐 爲 四 萬  $\mathbb{F}$ 北 都 丈八尺。 Ŧi. 之 雅》「晉 都 千一百五十三步, 二十一步,廣三千 「相傳 西 北 ^ 有 宋修惠明寺 唐 都 潛丘 書 宫 城 |注:「在 左汾 城 浮屠 周 地 右 理 太

有大明 城。 矣。 下。 其 崇 西 於 煬 自 倉 李 日 月戊子, 火,有參辰 宋太宗以 氏、劉氏 合東城。 :「大宋太平 新 齊神 勣 繼 城 丙申, 則天 中 城 築。 四 修 行宫爲平晉寺。」 宋史 丈。 宫 武 有 城、故宫城也。 以 三主 遣 「原 受瑞 創 此 以 兩 室 幸城 榆 不 使 建 注』《宋 汾 城 後 地 太宗紀》:「太平 皆 次 兩盛之説,於是一 督 别 壇。」 東 之 久爲 唐 興 名 北 興 縣 之, 都 日 間 史 或 高 爲 御 爲 於 當 東 ·太宗紀》謂之連 有 四 創霸 既 北 祖 與 沙 此。 新 城 日 中 年,平 陸 鄴 出 都 因 河 并州。 宫城 規 城 游 之府 貞 城 以 門 及 模 即 武 東 建,盡: 觀 Ŧi. 克 劉 之閎 東 太原,降 老學 命 興 + 西 代 蝎 乙未 有 繼 后 又宋 舉 縱 或 並 中,有 李氏、石 城。 庵筆記 元 起 壯 時 徙 火。 而 年 四 立 義堂, 之降 築, 可 餘 築 焚之 主 爲并 宫南 年 長 見。 大 民 T 新 Ŧi. 天 隋 以 中

交,而 督府矣。 氏曰]武后名北都,中 交城 廟 潘 鎮 里 榆 州 介,有 一, 亦 美奏乞以爲并州,從之。 次 而 廢 榆 廟之故 晉文公廟,甚盛。 形勝之地,本名故軍,又嘗 乃 舊 其遺文舊蹟 次復 太  $\equiv$ 城 原 一交城 址 縣 爲 徙 縣。」 爲 不 州 - 宗即 也。 州 過 於 位 然則 唐 治。 榆 城 之初已依舊改爲 切 都 次。 平太原 在 令之太 不 城 又 舊 於是徙 口 之 徙 今太 城 得 陽 後三年 而 東 隅 原 曲 原 見 爲 并州 府 晉文 北 耳 縣 則 矣。 唐 乃二 於  $\equiv$ 又 大都  $\Xi$ 公 帥 + 非 明

東軍 汾水流 干 水 城之間 拜 并 ,(原注)唐張南 一亂,焚 冷邊 州 神 舊 有 長史。 掠 州 唐 慶 中 書 甚 始 城 城 • 以 築 史《送鄭録 先是并 以 崔 者 爲 朱玫 城 也。 神 便。」 相 . 慶 爲 州 接 事 傳 此 原 每每 有東 詩: 城 注 即 日 斬 歲 」僖宗乾 「六月胡天冷,雙 ^ 斫 西二城、隔 志》 省 使。 則 防 所 符 天 汾 禦 六 云 時, へ年, 水 兵 湍 數 擢 兩 汾 河 城

|原注||宋史・方技傳||。

國有

六

職

百

工與居

造橋 水暴 梁,況 美之。」蒲 之,至今猶名崔公橋。』《北史 道 柱、恐難成 渭水淺不通 陽 按唐 營之。』咸曰:『水淺,不 軌 祠 讓 按 悍 原 元帝南幸盟津,謂 水 死 驛, 此 水經 注 李勣 至 利 於津 古 遺 而 此 即 浮出 事 以 魏 杜 今則 人 注・汾 有 側亦 、馬燧 津 可 柱 異 書 如 立。』亮日 預 何 船,行 想。」乃 長木數 爲 長河。 鐵 長 以 橋。 所 咸 崔 襄子解 俱引 水 》云: 4 安 架橋 陽 人艱阻。 亮傳》: 立 編 栗磾曰: 今惟慮長柱 百 東、 晉 Н. 縣 求 大船構橋於野 浮 根,藉 昔 衣之所 魏 水 水上 可 立 每 橋 架沿 中 除安西將 秦居 爲 晉 亮謂寮: 城 · 于 至冬月 僧 『河可橋乎?』栗磾 此爲 浮 之日 其 橋 舊有梁,清汧殞 河 在 如 西 懷 栗磾 咸 不 也。」此 遺 偂 此 用 陽, 佐日 可 丙 汎 亦 東 坂,六軍 軍 得耳。』會天大 之易? 傳》: 跡 橋 横 乃 渭 去 漲 自 其 遂成 即 橋 雍 亦 無 有 昔 設 橋 故 州 指 爲 恒 渡 橋 一既濟 復 晉陽 立 刺 汾 杜 不 渭 于梁下, 豫 又 Ė 吾 昔 河 預 史。 泯 版 閻 可 州 以 百 不 東有 帝 今 乃 縣。 爲 雨 然 【杜預 刺 氏 深歎 象 可 決 造 城 姓 史 方 日 河 Ш 閣 利 施 欲 JK. 晉 又 豫

今之太 立子恒 代 傳有代王 仲 則 北 言 1 號  $\Box$ 王,歇 爲 今之蔚州,乃古代國。 飛 : 事 百 代王  $\sim$ 谷中 狐 四 曰:「代谷者,恒 從常 春 城。 地道記 爲 + 原 П 秋 更立陳 一,皆此 北 代王, 之地,上 里, 時, 縣 Ш + 矣。 則代 上 年 北 代 \* \* \* \* 地 臨 都 餘 **《孝** 行 尚 陳 郡 也。 代, 晉陽、〔原注〕《高 爲 谷 四 未 恒 豨 也。」《 文紀》 在 代王,漢 百 Ш 「原注 通 代 Ш 反。 東,代 在 Ŧi. 中 可 在 項 水 + 三 今 蔚 其 取 國。 + 羽 E 則 南, 經 里 高 郡 也 曲 徙 굸 州東二十 注 得 )° \_ « 年 趙 帝 捎 北 陽 在 祖 都 恒 紀》。 引 襄 <u>)</u> 西。  $\pm$ 塞 縣 中 IF. 破 Ш 兄 子 歇 在 西 梅 里 義 都 岋 豨 則 劉 爲 其 此 北 13 福 相

> 故平城 雲州 文水縣 <u></u> 都二 白 南 立子武爲代王,都中 閻氏曰 原 原 餘 十二里。」又按 遷 注 注 遷也 里 定襄縣。 三《正義》 前 歲。 | 陳 爲 後徙都 〕漢光武以盧芳爲代王,居高柳。 南 北 豨傳 皆 都。 「原 》引《括 晉 非 而 4 注」如 》同。 1 愍帝 拓 城 今代州,今代州之名自 屬 衛 跋 ;地志 置 珪 以 代,代都 淳 綰,代大陵 而 代尹 立 犄 以爲先都晉陽、後遷 文 爲 盧 都 中 帝 代王,都 爲代王 是代尚 ,則今之平遥縣 過 都故 中都 太 城, 人。 城 原 雲中,在 有 在汾州 故 盛 四 高 復 **無樂爲** 也。 不 大 柳 中 晉 平遥 陵 IF. 故 朔 北 都。 隋始 陽 州 城 如 代 今在 都,修 北 縣 顧 在 凡 又 中 氏 唐 西

### 闕里

闕」,故名 五. 月壬 水經 辰, 闕 雉門 注 里。 <u>\</u> 及 孔 按 兩 廟 春 觀 東 災。冬十月,新 秋》定公二年 南 Ŧi. 百 步 有 -,「夏 作

三 五 高 邳賊闕宣」,注: 即名 兩 雉 尼「居於闕黨」是也。 姓闕 漢 闕 門 觀 書 黨」、《魯論》有 當塗而高者 闕 及 「煬公築茅闕門。」蓋闕門之下,其 門,名慶忌。」「原注」《後 畢,出 闕 兩 儒 里, 也 觀 林傳》有 )° | « 「闕黨童子之後。」讖文言「代漢者當塗 游 闕 而 禮 於觀之上。」《史記 也 注: 夫子之宅在 記 ,故闕宣自稱天子。 「闕黨童 鄒人 **\***: 後人有以居爲氏者, 雉 「昔者仲尼 、闕門慶忌 門, 漢書 子」、《荀子》仲 公宫之南 焉 ·獻帝紀》下 , 注云: 亦謂 與 魯 於 門 之 里 世 蜡

### 杏壇

也。 闕 里志》: 杏壇之名出 今夫子 廟庭中有 杏 增 自《莊子》。 · 在 殿 壇 前 石 , 夫子舊居 刻 《莊子》曰 日 二杏 ご非 壇

後,因 澤中 間 言。 孔子 杏壇之名名之耳。」 在魯國之中也明矣。今之杏壇,乃宋乾 即有之,亦在水上葦間、依陂旁渚之地,不 船 立,孔子反走,再拜 以 弟子讀 乘。」司馬彪云:「緇 畔,方將杖挐而引其 原以上,距 漁父者下船 孔子 四 而 聽 + 高 去,延 不 曲 漁父不必有其 以講堂 遊 處 書、孔 Ŧi. 顧 終。」又曰 乎 也。《莊子》書凡述孔子,皆是寓 一代孫 ,待水波 緣葦間 陸而止,左手據 緇 而來,須眉交白,被髮 舊 子弦 帷 道 基 :「孔子乃下求之,至於澤 之林 輔 甃 歌 定, 而進。」又曰:「客 人, 杏壇 帷、黑林名 石 增 船、顧見孔子、還 顔淵還 鼓 爲 修 不 休 琴。 壇 祖 · 聞 坐 膝,右手持 環 車 廟, 不 乎 挐音 奏 ,子路授綏 必 也。 曲 植 杏 移 有其 揄 未 壇 以杏,取 而 大 杏壇 之上。 談袂,行 半,有 殿 後 乃 鄉 地 興 於 敢 刺 而

### 徐 州

志》: 我徐 楚、魏二國 之南,薛河北 徐州,齊邑薛縣是也。 年,楚伐我,取徐州。」〔原注〕《索隱》曰: 晉諸侯會於徐州。」《魯世家》:「頃公十九 家》:「句踐已平吴,乃以兵北渡淮 徐 魏 于 田 徐 嬰 州。』《楚世家》:「威王七年,齊孟嘗君 襄 使守 州。』 《史記 欺 Ŧ. 州。《魏世家》:「襄王元年,與諸侯 薛本國,六國時日 會徐州,諸侯 楚,楚伐齊,敗之於徐 徐 田 爲 •齊太公世家》:「田常 州 境 敬 有 則 , 而 仲完世家》:「宣王九年, 大城,田文所築 非 燕 威 九州之徐。」按《續 人 相王也。 王曰 祭北 徐州。」在 門, 「吾吏 州。」《越世 十年,楚 趙 也。 人祭西 有 執 今滕 漢 「徐音舒 與齊、 此 簡 書 夫 與 縣 父 韋 與 公

> 門,徙 欲斥魏,更以燕、趙夸之耳。 而從者七千餘家。」蓋與梁惠王言,

不

也。 + 沈校本「邳」上有「下」字、蓋從《史記索隱》引《紀年》增 州」、《春秋》正作「舒州」。 與『욂』並音舒也。」今讀爲《禹貢》「徐州」之 在 徐」者,誤。 一年,邳遷于薛,改名曰徐州。」則『徐 魯東。』又《竹書紀年》云:『梁惠成王三 今删去,從元文 《索隱》曰: 《齊世家》「田 「《説文》:『斜,邾之下邑, [汝成案] 邳遷於 一常 執 簡 公于徐

#### 向

郯。 城 向 莒人不肯,公伐莒,取向」,解 《春秋》隱二年,「莒人入向」,杜氏解 譙國龍亢縣東 無 解 宣 四 南 年 有向城。」桓十六年 「公及齊侯平莒及 日 向

師于 之田 凡六。 鄭 龍 或 縣,古向國」,又《郡國志》「穎川長社縣· 云莒邑,于「師向 莒子、 衛甯速盟于向 遠而疑之, 況龍亢在 乎大國之間耳。承縣 莒 注 歸」,尤誤。 而 襄二十年,「仲 曰:「莒邑。」按《春秋》,向之名四見於經 原注》《水 地。 亢東南,于「與鄭」之向云在軹縣西,于「取向」、「盟向 州 杜 邑,東海 ,後并於莒, 问。 向。 西 隱 氏注爲二地,然其實一 古今地志書 南 十四年,「會吴于向」。 一年,「莒人入向」。十一年,「王與鄭人蘇 宣四年,「公伐莒取向」。 經注》於 《齊乘》以爲今沂州之向城鎮、原 百 里。 永縣 」云在潁川長社縣東北,于「會向」但 [著向 而 孫速 近之矣。〔汝成案〕向 朝 東 或 襄十一年《傳》、「諸侯會于北林 縣向城」下 地者,《 南 屬 會莒人,盟于 有 今鳳陽之懷 ,今在嶧,杜 莒,或屬 《漢書 向 杜注于「人向」以爲古 引「向姜不安於莒 城。 僖二十六年,「公會 有向鄉」,于欽《齊 地理 向 遠**,**疑 魯 也。 志》「沛 地見經傳 遠 向 氏 則 乎 先爲 解 以 以 也 郡 忿 其 攝 者 向 云 4: 而

> 鳳陽; 向而 氏沿《 國之向乃會吳之向 能懸師遠入人國? 開 向,今懷慶府濟源 有 乘》「沂 春秋》之莒,即今莒州,距今懷遠且千里。 封 向 兼其 城」。 《漢志 府 善道,今盱眙,皆是也。 州 尉 西南 地,而魯復伐 氏 龍亢之向,今鳳陽府懷遠縣地。 》之説. 縣 地。 百里有向城」、《太平寰宇記》「莒縣 縣地、《詩》「皇甫作都 以「莒人入向 中 莒邑沂 竊意莒所人之向乃沂 國會吴皆就之于淮 莒而取之,後遂爲會 州 之向,今莒 爲 沛 國之向 于 州 上 州 蕞爾之莒,豈 向 長社之向,今 盟所 地。 如 之向, 莒 即 恐 鍾 耳。 此。 軹 離, 非 縣 西 是 沛 人 杜 之 南

**小 穀**〔汝成案〕此已詳卷四「城小穀」條,可并入。

於諸侯,謂仲父得君之專,亦可勤諸侯以自今賴之。」而又見僖二年經書「城楚丘」之出字之言曰:「齊桓公城穀,而寘管仲焉,至於事之言曰:「齊桓公城穀,而寘管仲焉,至於不以,以,以,以,以,以,以,以,以,以,以

禮葬 石同 繫之齊,而與 于穀」,成三年「叔孫僑如會晉荀首于穀」,四 以楚師伐齊,取穀」,文十七年「公及齊侯盟 十三年「公及齊侯遇于穀」,僖二十六年「公 小 封 書「穀」而一書「小穀」,别於穀也。 Ш 皇覽》以爲東郡之穀城,與留侯所葆之黄 小穀、魯地。」然則城 穀也。 也。 阜 其 項 西 是不然,仲所居 羽 地,其不然明矣。 北 《春秋》有言「穀」不言「小」者,莊二 于穀 有小穀城。」 (管仲 城,即 無 與 此魯之小 小穀者,内城也,故不 者,穀也,此 也。 《春秋發微》 漢高 ,穀,而 帝 范甯曰 所城者, 以 曰 : 注 魯 引 :

殊舛誤。 一尺。」下云:「武帝封,廣丈二尺,高九尺。」姜氏注 一尺。」下云:「武帝封,廣丈二尺,高九尺。」姜氏注

嶽頂無字碑,世傳爲秦始皇立。按秦

之泰 然則 秦始 反覆 也。 内,莫不爲郡縣。 E 讀 高。」上泰山 銘 碑 《漢書 云:「上東上泰山,乃上石,立之泰 之證,今碑是也。《續漢書 泰山,泰山之草木葉未生,乃令人上石,立 之證,今李斯碑是也。 祀。」其下云:「刻所立石。」是秦石有文字 文并 在 史者誤以 『事天以禮,立身以義,事父以孝,成民以仁。 此 • 武帝紀》注引《風俗通 Ш 讀之,知 考之宋以前,亦 皇本紀》云:「上 玉女池 無字 巔。 三世 碑明 爲 封 上 上,李斯 詔 四夷八蠻,咸來貢職 爲漢 秦 而 遂 書 耳。 爲 不言刻 東 咸 武 漢 巡 篆書, 具,不 無 〔姜氏曰〕《史記・ 帝 武 海 《封禪書》云:「東上 》曰:「石廣二丈一尺,刻之 泰 帝 此 所 石,是漢石 上。 山 説,因 立 · 當 高 所立,而後 祭祀 也。 四月,還至奉 又立 不 立 與天無極,人民 過 石,封,祠 取《史記 <u></u> Ŧi. 史記 此 封 山巔。 無文字 志》亦 尺,而 7禪書》、 四海之 大 之不 碑

及刻石文。」若無文字,則不當云「刻石文」矣 後漢書·張純傳》:「帝乃東巡岱宗,純從,上元封舊儀 息, 天 永 得 一云。」此 古制 也 則 武 帝 已 用 之矣。 又

者。 於鄒 石。 之罘則二十八年云「立石」,二十九年云「刻 别立此石,秦史焉得不紀? 須立也。 則云「立石刻頌秦德」。無不先言立,後言 於泰山則上云「立石」,下云「刻所立石」。於 ,漢史又安敢不録乎? 惟於碣石則云「刻碣石門」,門自是石,不 嶧山則上云「立石」,下云「刻石頌秦德」。 始皇刻石之處凡六,《史記》書之甚 於瑯邪則云「立石,刻頌秦德」。 古人作史,文字之密如此。 使漢武 使秦皇 有文刻 於會稽 明 刻

泰 Щ 都 尉 (錢 氏日 漢書• 地 理志 》泰山郡有

後漢書• 桓帝紀》:「永興二年,泰山

> 時 年前也。 六年,初罷 官遂廢矣。 泰 月 中,再遷泰 宙 己卯,罷 琅 '曾置之。《文苑傳》:「夏恭,光武 碑》,云「宙以 邪 山都尉官。」《金石録》載《漢泰 初置 賊公孫 泰 琅 郡 山都尉。」又按《光武 邪 Ш 然泰山都尉實不始於此,光武 舉 國都 琅 都 等反, 延 邪 尉 熹四 都 官。 尉官。」恭之遷、蓋 殺 尉 年卒」,蓋 官 長 八年五 史。 延 熹 永 紀》:「建武 月壬 卒後 Ш 壽 Ŧī. 都 時 年 元 申 在 尉 拜 八 年 几 此 月 郎 年 孔

郡 進 界曠遠,舊多輕悍,權時之宜,可分五 忌 劭、夏侯淵 不 設,而 兵之效。 使府掾 相 繼 泰山自公孫舉、東郭竇、勞丙叔、 叛 郡兵領 亂 泰 亦 而 以以 Ш 以 建 王. 是置 於 之 安中,曹公表 匡 太守,其 破 東發其 都 黄 尉 巾 之官。 力素 可 郡  $\Box$ 見 强 漢 厚。 以 弩, 代 泰 後 縣 而 Ш 不 故 官 孫 爲 郡 廢 應 何 雖 無

# 濟南都尉

社 首〔汝成案〕此條從沈氏校本補。

嬴

郡

則

其

時

之習俗

又可

知矣。

首。 民 最 而 高,欲其近天, 可 子,禪社首。」今高 首。』《宋史》:「真宗大中祥符元年十 唐 附嶽址 力 卑小,不 四五丈,志云即 書》:「高宗乾 邪? 玄宗開元十三 史記》:「周成 ,便于將事,初陟高之後不欲 (沈氏日)右 . 知 古 禪于下,欲 人 封 里 何 社 條見《山東考古録》,當補此 年 Ш 元 王 取 首 + -年 封 之左有 于 Ш 其 Ė 此? 泰 ,在嶽旁諸 月 近 月庚午 山 辛 地 小山,其 意 禪 卯 者 且 社 更勞 禪 禪 首。」 封 Ш 月 Ш 卑 于 中 高 <u>Ŧ</u>: 社 社

之力 隋 造 陵城。 漢 據 諸 齊 縣 於陵 檢覆,因 南。一《 瑕 長 大業九年, 兵仗,亦請 州 立 白 不 者,以長白山 豪 《後漢書 漢濟 Æ. 魏書 都尉治於陵之意矣。 能 Ш 右 . 辨 數州之界,多有盜 南 攻 滅 在 Ш • 郡 Ш 破 侯霸傳》注: 齊人孟讓、王薄等衆十餘萬 訖 剽 辛子馥傳》: 谷要害,宜立鎮 太守,治 鼓鑄,姦黨多依之,又得密 罷 諸 于 也。 諸 隋 郡 冶。 亡。 [原注]今龍 於 東 以 朝廷善而 平. 觀 張 陵 長 賊。 故 · 陵。 須 此 城 戍之所。  $\dot{\Box}$ 陀、 在 Ш 子 Ш 而 今 驛 事 Ŧ 從之。 馥受使 淄 東有 連 都 則 世 |I|接 尉 長 東 知 充 又 治 平. Ш

# 鄒平臺二縣

縣 從 上 經 爲 在 子 縣 表 陵 上。」章懷 鄒 日 ,晏子 注》亦 下 今齊 平。 》則 東 並 「鄒」字 濟 齊乘》遂 平 文句,本 爲 有 日 漢 南 州 陵, 封 侯 而《安帝 云 臺 鄒 書 上 太 或 绝句 平. 邑 定侯 其 平. **>** 言 子注 陵 濟 四 謂 自 濟 使 ^ 縣 南 續 戴 鳳  $\Box$ 紀》云:「延 大 漢 了 水 田 北 K 曰 郡 漢 野 臺 皇 濟 以 然。 又 無 。」《晏子 臺 其 志》 梁 之 東 鄒 宇 集 南 臺縣 縣 北 郡 爲 後 致 臺 四 七 濟 鄒 過 臺 + 人 有 日 縣 南  $\Box$ 孝 屬 光三年二 臺 春 縣,平 鄒 讀 與 四 梁 梁 郡 侯 濟 丞 縣 秋》:「 縣 無 武 鄒 鄒 南 霍 十 漢 北 鹽 其 虎 郡 城 收 後 臺 書 曰 尋 月 漢 爲 景 舍 故 八 其 是 功 東 水 改 誤 其 戊 公 城 樹 臣 平.

> 爲 句 讀 鄒 平. 而 妄爲之説 又 以 臺、 也 平 臺 爲 縣 此 不 得 其

平, 兖州 八 Z 傷 康 鄒 傳》「父修,封 書 濟南之鄒 外 曾 鄒 六 月癸亥,梁 酉,亡命 桑麥。」《文帝 縣侯」,是有 戚恩 孫 \_\_ 有 年三月戊 邳 晉 府之鄒 漢 臺, 機 時 彤 以 膠 澤 爲 平、梁 縣 而 傳 東 「鄒」名縣 司 侯 鄒 》 尹 亦 名 縣 或 馬 鄒 梁 平 表》「 有 梁 多 辰,樂安、梁 也。 有 順 紀》: 鄒 平 鄒 鄒 綏 鄒 沿 鄒 則 侯」,《 有平 平. 矣。 封 凡 者 斬 漢 亦 盧 自 元 是 臺 平臺 舊。 Ŧi. Ŧi. 有 千 司 號 《宋 有 康 平臺, 劉 臺 馬 嘉 齊 鄒 鄒 侯 乘 侯 其 魯 一,不可 按 頌 順。」則 二十八年 Ŧ 書》言:「晉太 等八 史玄」、《 平. 郡 是 單 國 史《 傳 據梁 矣 。 屬 稱 有 有 示 也 何 縣 常 鄒 東 騶 是宋有 追 辨 <u></u> 曾 鄒 者 鄒 隕 Ш Ŧi. 封 解 後 有 亦 也 傳 郡 月 梁 系 鄒 漢 作 與

梁 安 梁 日 國 鄒 鄒 當是史誤脱 矣。 下 人 單 鄒 不 縣 知 「梁」字耳。 何 夫晉以 鄒」字,此 故,《 而《齊 晉 前 書 史之 此 乘》乃 地 地 闕 本 理 文。 云 志》 無 鄒 「晉省 ( 錢 於樂 縣 氏

## 夾谷

圃

何

從

人之乎?

蓋

不

知而

妄作者矣。

谷 縣。 秋 杜 何 遵海 爲 必 Ш 預 」、《傳》曰:「公會齊侯于祝其,實 若 莒地,與齊、魯之都 在 劉 解 而 春秋》定公十年,「夏,公會 昭《 此 及服虔注《史記》,皆云在 今 金史》云: 南,放 贛 之遠? 志 榆 ×, 於 縣 杜 琅 當時 西 佑 淄 那 Ŧi. 災通 JII + 而 景 有 相去各五六百 里。 典》因之, 已,未 公之觀,不 夾 谷 按 山 贛 聞 齊侯 東 遂 海 越 榆 夾 過 他 在 謂 祝 于 里, 統 或 春 其  $\Box$ 夾 夾

荒 蕪。 注 遷此已久,號其 有 稱 夾 舊 萊 俱 志 甲 源 名 而 界。」未 志 || 云: 文中 夷不 蕪,故 通。 遠 萊 谷之會,齊侯 説 蕪 於 Ш 祝 則 求之海 人,非 此 間誤 <u> </u> 谷 東至淄 其 又云: 是以 心《水 知其 又按《水經注》「萊 Ш 亂 曰 當 作 齊 夾谷 其 其 召之東萊千里之外 華』是 路 「後漢」,今俱 萊 上矣。 靈 故國爲東萊。 ][ 何 甲 「夾谷在 經 蕪。 陽 岨 公滅萊,萊 Ш ,則已人齊 所 Щ 注 即 使萊 绝 也 據 在 <u></u> 爲 **\***: 〔汝成案〕司 齊、 \_\_ 淄 禹 改。 兩 夾谷 人 是則 然 縣 Ш 魯 貢 Ш 萌 不可泥 以 此 南 縣 齊、魯之境 會 》所謂『萊夷』也 民 間 水 地 蕪 也。 云 兵 會 三十 盟 西 播 道 馬 縣」日 出 百 劉 劫 南 於 之處 流 彪 也 般 餘 昭 而 祝其之名 里 三十 此 魯侯,宣 由 《續 此 志 ,[原注]萊人 里 陽 ^ |: | 城 地 谷 南 漢 萊 接 萌 īE. 縣 放得 志 當 1, 邑落 里 北 在 蕪 新 西 水 脱 》劉 門 尼 在 説 萊 南 舊 郡 泰 縣 發 昭

或 及 注 字。

### 濰 水

異文三見。〔原注〕馬文煒曰:「《漢書・王子侯表》: 門」下、「横」下、「折泉」下作「淮」,上文引 叔仁擊邢杲于惟水。」〔原注〕胡三省注:「惟,當作 亦「潍」字之異文。」《通鑑 「城陽頃王子東淮侯類,封北海。」按北海郡 志》「琅邪郡朱虚」下、「箕」下作「維」,「靈 从「心」作「惟」,總是一字。 或省「水」作「維」,或省「糸」作「淮」,又或 襄公十八年「晉師東侵及潍」是 北九十里。《書・禹貢》「濰、淄其道」、《左傳》 禹貢》「惟甾其道」又作「惟」。 潍水出琅邪郡箕屋山。 〔原注〕今在莒州西 梁武 《漢 帝 紀》: 别無淮水,蓋 書・ 也。 卷之中, 其 字 地 魏 李 理

·雞」。」古人之文,或省或借,其旁並从「鳥

誤乎! 妄矣。〔梁氏曰〕按字書無从「佳」之字,豈可以《説文》爲 氏欲分而二之,乃謂 文》亦誤。 乂」之「淮」,而 隹」之「隹」, [原注]按「淮」字當从「佳人」之「佳」,乃得聲。 今本《説 〔錢氏曰〕「淮」从「隹 則 呼 「淮泗」之「淮」當从「佳人」之「佳 爾。 此 水爲「槐河」,失之矣。 後人誤 」聲,亦可 讀 讀爲 爲「淮 惟」。 沂 其 顧

此二字。 于涂中」,並是「滁」字、《南史·程文季傳 舟師屯涂中」、《安帝紀》「譙王尚之衆潰逃 會于涂中」、《孝武紀》「遺征 中」、《海西公紀》「桓 言吴人塞涂水」、《武帝紀》「琅 塘,以淹北道」,《晉書·宣帝紀》「王凌詐 涂」,與「維」 秦郡前 又如《三國志・吴主傳》「作棠邑涂 江浦 省作 通 涂 「淮」正同, 水」是也。 温 自 Ш 虜 陽 古「滁」省作 韻書並 將 邪 及 會 王 軍 謝 稽 伷 不收 石 出 王

帥

早

涂

盛,二山

名, 勞即

勞

Ш

盛

即

成

Ш

史

老志 書 則字本作「嶗」。 淺可笑。 又云「一作牢」,丘長春又改爲 牢 Ш 並 」,乃傳 勞山之名,《齊乘》以 姜撫傳》、《宋史· 仍作 本草 按《南史》「明僧紹隱于 勞山 寫之誤。 》「天麻 若《 「原 魏 生 注》《魏書 書 太 甄 • Ш 爲「登之者勞」, 棲 地 嶗 真 形志》、《 高 鼇 長 Ш 傳》並 祖 諸 廣 」,皆鄙 紀 郡 Ш 作 唐 之 釋

鄭康成,齊人,勞勞,齊語 勞勞,廣闊。」 詩》「山 川悠遠,維 則 此 Ш 或 取 也 其 其 勞 廣闊 矣」,箋云: 而名之。

萊, 後 寰宇記 山海經· 大 謂 此 西山經》亦有勞山 「秦始皇登 Ш 名勞 盛 勞 盛 ட் ,與此同名。 Ш 誤 望 也。 蓬

日

知録

特著之,以正史書二千年之誤 也,遂使勞 知昔人傳寫之誤,唐時諸 後見王充《論衡》引此,正作 理書 見。 成二 之東偏 斗人 紀》:「令入海者齎捕巨魚具,而自以 記 曰:「榮成山,即成 侯大魚至,射之。 琅邪」之下,「成 • 至之罘,見巨 、海」、《漢書》作「 封禪 並 山,故始皇登之。 無榮成山 環以 書》「七日 Ш 併 大海,海岸之山,莫大於勞、 盛 山」之上,必「勞」字之誤。 一,予向 之名,成 Ш 魚,射殺 自 日主, 盛山」,古字通用 也。」按史書及前 琅 邪 疑之,以 《史記 北 祠 君 山冒榮之號,今 至 成 「勞成山」,乃 魚。」《 亦未之詳考 榮 <u>Ш</u> 秦始皇 爲其文在 成 Œ 連弩, Щ 代 成 義 地 齊 Ш

即 墨縣東南 先生《勞山 海上,距 圖志序》略曰: 城 四五 + 里或 勞 Ш 八八九 在

忘之, 之義。 勞山 大深阻 簡。 勞。 年 騷 穀 道 南勞 因謂 鹵,僅有 故人跡 東 + - , 然而 郡供張 ,百官扈從,千人擁 北, 而 不生,環 里 ¬; 其 後上 齊之東 而 志言秦始皇「登 此山一名勞盛,而不得其 秦 有 則勞、盛自是 北盛 一,旁薄 《漢書》成 罕至。 致此 魚蛤, 大 皇 以 數縣 也 勞、小 是 Ш 偏,三 , 則 別 利 二三百 出 夫? 于是齊 亦 以 秦皇登之,是必 儲符, 盡 外, 游 須 Ш 勞, 由 面 乎 而 其 作 古之聖王 三山 環海 矣。 土 里 齊 一勞盛 其 盛山 四民 人苦之,而名之曰 時。 勞之名 輓 皆 以以 東境矣。 峰 《漢志》言齊俗 而 疏 其 數 Ш 秦皇登之,必 其 在 廢業,千里驛 古人 後上也。五 脊, 僻 斗人海處 + 傳 一勞 所 望 今文登 在 文立 言: 萬 之 其山高 民 海 以 蓬 總 海 Ŧ 人 濱 而 立 萊 名 隅 除 萬 民 斥 尚 縣 名  $\Box$ 

> 夸詐, 此 士 以聳動天下之聽,不過欲 遺策,而 詘 也 服 自太公、管仲 ,爲名高而已,❶豈知其患之至于 一二智慧之士 之餘 倡 其 時 爲 言 君 迂怪之談 霸 擁等,辯 術 已 無

## 楚丘

誤。 公元年解 衛 縣 以 歸 西南。」夫濟陰 非 按衛 」,杜氏 也。 春秋》隱  $\overline{z}$ 國之封,本在汲 蓋爲 「衛國在汲郡朝歌縣。」今衛 日 :「楚丘 公七年,「戎伐 僖公二年 之成武,此 南 城 郡朝 地, 曹 楚 凡 在 歌。 輝 丘 地 伯 府 濟 也 淇 「原 同 陰 于 縣 名 成 楚 而 注 八八八八 丘 武 懿 mi

<sup>■「</sup>爲」上、《四部叢刊》影清康熙本《亭林詩文集》

于 不在此也

誤矣。 乎 ? 然必 地  $\exists$ 唐人 曹 伐凡伯之楚丘 丘 須與 公爲 爾 一,衛 也 (漕」。 有 在今滑縣 楚丘 杜 狄 以曹名同, 邑。」《詩 彼曹國之地,齊桓安得取 魏 僖公三年,「城 氏 所 딩 : 一, 在 滅 廬 滑 者, 成 分 也。 渡 **>** 曹, 開 所 武 河 楚丘之名又同, 無 河 謂 州之間。 西 之 但 城 衛 而 南, 録 作 日 下 郭之稱, 楚丘」, 東, 邑。」《 矣。 衛 于 即 立 邑而 楚宫」, 衛 滑在 戴 杜 詩》所 文 水經 而 公, 氏 不 遂附 之而 公所 非 河 詳 曰 而 曹 以 東,故 注 謂 其 爲 徙。」 非 封 或 廬 地, 一思 乃 衛 戎 楚 之

所受命 昭 頌 原注》詩正 公四 》所云「陟 今曹 也 年 椒 縣 鄘 義》引皇甫 舉言 被景 東南 詩 》「望楚與堂,景山與京」,則 Ш 四十里有景 證 日: 商 松 湯 柏 有景毫之命 「蒙爲北亳,即景亳,是湯 丸 丸二 Ш 而《 疑 一者 即《商 左 也 傳

## 東唇

釋 昬 <del>궁</del> 陳留 注 緡以往」、《索隱》曰 城。』《史記 解 韋 注 山  $\sim$ 司 陽 緡』。」《前書》師 陳 云: 東緡 「緡,宋邑。 馬登。」是以 留 者音昬,屬 郡 酸 漢 「《左傳》僖公二十三年,『齊侯伐宋, 有 陳 棗令劉熊 志》曰: 誨 東 故 留 • 神》解 緡。 城, 郡 絳 『故户 有東昬。 侯周 《續漢 在 Ш 高平昌邑縣東南 緡 曰 : 古曰:「緡音旻。」《左傳 碑陰》「故守東昬長 陽 兖 : 一 山 勃世家》「攻爰戚、 牖 州金鄉縣 者音旻。」《括 爲「昬 使河 志》「春秋時日 鄉 陽 續 有 隄謁 有 」,誤矣。 陳 漢 東 志》注 界。」《水經 平 者 緡 祠 有東 Ш 縣。 地 陽 緡」, 云 隸 東 屬 東 緡 而

=

勝 則 引 陳 絡 留 之東 故 陽 昬 武户 也 牖 鄉 原 注 亦 通 鑑 注 「李愬 攻

### 長城

國,井 記 里 記 塞 蘇 防 利 關 原 王 守 築 一。《竹書紀年 代 也 注 今 防 傳 秦本紀》: 難 春 ൬ 觀 琅 田 泰 》,燕王 阡 秋 長 不 以 始 或 邪 Ш 陌 之 清 爲 佐之對 臺 得 廢 西 之間 縣 世 長 有 已 日 而 城。 × 長 田 魏築 海 而 有 車 晉 城、緣 \_ < 有 有 長 變爲 梁惠 齊有 人則 續漢 縱 封 此 長 長 城 城 齊 洫 城 騎, 成 長 河 至 可 横 之 志 之築。 經 王二 城 故 東 於是 知矣。 自 長 泰 鉅 隨 亦 海 鄭 一十年 城 山 防,足以 寇 非 \_\_\_\_ 地 「原 濟 也 史 鈔 至 戎 可 ^ 北 注 千 泰 記 一今華 或 齊 易 於 車 以 ^ 史 餘 関 Ш 盧 爲 戰 之 設 而

年 成王 方 作 南 IE. 里 城 城 日》《京東考古 長 西  $\pm$ 州 日 魏之長城 絳 城。 入穰 義引 霸 北七里。」《釋例 始 城 句。 日 侯世家 中 南土,争强中國,多築列城於北 號 濱 犨縣 十二年, 縣,北 原注 此 《括 葉縣 Ш 經陽武 洛以 爲 水 楚之長 地志 西 築長 Ě 方 也。 連 劉 有 有 經 録 東至 義 北 城,一 翼 伯 引 長 议 長城 注 龍賈 到 城」,又言 望 莊 城也 城, 密」。 有 地 括地志 續 《續漢志》一條亦屬  $\overline{Z}$ Ш 「故長城 瀙 盛 名 之界 E 漢 帥 謂之長 日 \* \* 無 水,達沘 弘之云: 郡 從雲中 志 師 \* Z 方城。」「原注 土之處,累 若《 此韓之長 一。《竹 在 築 肅 鄧 卷  $\overline{\sim}$ 趙 州 「故卷 以 長 蘇 縣 河 城。」 侯 内 所 方, 北 世 陽, 城 秦 南 書 鄉 十七年,築 石 理 魏,而 至 葉 城 家》 以 于西邊。」 傳 縣 紀 代。 郡 爲 城 垣 在 通 南 東七 東 〕又《越 雍 郡 古 年 也 鄭 じ非 華夏, 「成侯 無 卷 城 界 北 州 説 或 + 楚 也 韓之長 也 原 有 數 世 沈 原 った有 魏 Ŧi. 號 襄 志 武 家 里 注 此 故 百 惠 襄 武 爲  $\pm$ 氏 縣

南界。」 王時 則 始 有雲 趙 與 中。 中 Ш īE. 義 亦  $\mathbb{R}$ 有 長城矣。 此 長 城 疑 在 以 漳 此言之, 水之北,趙

中國多有長城,不但北邊也。

也,在 言 夏、 太后 廣 Ш Щ 毁焉, 沿溪 善陽縣北,按 陽。」「原注》《正 地、上郡、築長 並 原 魏 在 陰 陰 會 注 世家 朔 一《正義》 等 銀川 Ш Ш 其 起兵,伐殘 州 趙 在 州。 在 絶塞 在 朔 百 武 河 銀 原注》 方。」 嶺 北邊者、火史記 ₩ ⊟ : 南 《水經》云,百 城縣界。」棝 外 靈 此 陽 東 突厥界。」下 義》曰: Ш 王 \ 括地志 魏 惠 城 Œ 西 索隱 北也。」《正義》曰 無 北 義 之 王 義 以 極, 破 日 Ĕ 長 「《括地 + 渠,於是秦 拒胡。」此秦之長 陽 道長城,北山 蓋 林 九 城 有 》云:『趙 至 趙 「徐廣云: 胡、 地 連山,東至 武 志 || 云: 年, 也 高 理 靈 匈 闕 志 樓  $\pm$ 築長 武靈王長城 奴 「《括地 爲 所 西 煩,築 「棝陽縣 Z 上 匈 有 傳 築也。ご自代 塞 安陽縣 有 黄河,西 城 朔 奴 隴 長垣 ,(原注 志 方臨 傳 · 塞 漢舊 城 西、北 長 秦 在朔 北 若若 戎 城 南 也。 有 一徐 又 官 古 陰 陰 頹 州 至 縣

也。」自 陽、右 也。 四 宫 秦 原 注 四 里 塞,[原注]《索隱》曰: 十萬之衆,北擊 長 谷。」《正義》曰: 燕 也 北 索隱》曰: 九原 縣屬 一一 即 十五里子午山上,自九原至雲陽千八百 謂之造陽,東行終利 有 以城也。 縣 亦 連 漢之甘泉宫在 城 築長城 郡。 Щ 五原。」《正義 隱 北 九原至雲陽、「原注》《索隱 燕將秦開 置 臨 ₩ ⊟ : 險 平、遼西、遼 雲 漢 河,徙適 韋昭 於 秦滅 武 中、 自 蘇 長 「按上谷郡,今嬀州。」至 帝 城 云: 林云: 更名 馬。 ₩ ⊟ : 襲 雁 六國 造 , 其 ,胡,悉 今遼 賁山 按《 門、代 成以充之,而 破 陽 Ш 又 Ŧi. 「去長安千 《太康地記 中 原。 東 云: 括地 東胡,東 南 東 原 斷 郡 而 收 所理也。」置上谷、 注〕韋 漢陽 秦 雲陽, 郡。 志 》云: 兩 始 以 河 故 峰 道 西是 皇 里, 拒 昭 》,秦塞自 南 Ĭ 俱 雍 胡卻千餘里 此 在 帝 日 (峻,俗 胡 勝 ΙĒ 地 襄平, 縣。 也。」 里。」因 慶州 通 。 。 此 使 趙之長 州 一韋昭 南 直 地 連 秦之林 築四 因 蒙 華 北 名 Ŧi. 道 名 谷縣,本 原北 池 相 爲 云 河 邊 恬 燕之 原 ),(原 直 縣 在 高 將 漁 爲 注 城 Ш + 九 光 西 道 九 E

定、冀 在河 假在 主以 武 起 泰 故 假 軍 也 又 **派**括 本秦長城 義 餘 險 ¥ 塞 帝 自 常 秦 衛 度 里 壍 北 地 北 田 童 壤 時 青等 太 赤 八 自 河 谿 志 假 ,今屬 地 四 殖 蒙 平 城 年 此 陽 與 據 , 首 谷 括 原 一穀。」此 起上 云: 州 Ш 貧 恬 擊 以 起岷 注》 真 陽 地志 勝 可 北。」章 人,故 + 西 『漢 州 所 匈 後 月戊辰 山 君 繕 谷, 索 銀 萬 至 州 Ŧi. 爲 奴 北 者 城 西 隱 七年 秦并天下之後所 云北 Ŧi. 則 原 昭 縣。』《 西至 塞, 治 假 郡 Ē 取 秦 漢 云: 原, 築 假。 之, 、築長 河 中 隴 Ŧi. 大 里, 河 武 一章 漢書 城 北 河 目 西 延 。」「原 縣 月 河 南 帝 起 索隱 延 郡 昭 [原注]《北 假 **袤二千** 廣 **袤萬餘** 地 丙 爲 臨 臨 故城 日 城 元 Ŧ. 注」北 地 洮 袤皆 , 築 古 一莽傳 洮 戌, 朔二 Ĕ 於長 名。」《 臨 縣 在 里, 洮 朔方 北 假 至 築之 芸: 五 即 發 餘 史 千 魏 應 隴 年, 假 東 川之南 今 劭 遼 北 西 》作 Œ 司、 里。 明 中。 里。 入遼 岷 方田 縣。」《 云: 義 東 元 復 遣 長 州 畿。 北 原 水。 幽 H 北 北 帝 繕 將 太 官 城 城 萬 北 假 īE

凡有 於海 立 北 戍 戍 長城内築重 海 庸 戍。 鑑 州 黄 齊 幽 之境。」六 關。」先是, 凡 其 戍 鹵 州 櫨 注: 文 前 隨 邏 險要,或 北 屢 嶺 宣 原注》《通鑑》注:「此 四百 要害 後 幽州夏 Ŧi. 犯 夏 帝 Ш 北 所 + 邊 口 年 天 餘 屈 置 至 築 餘 , É 城。 П 保 里。 斬 曲 至 社 州 東 即 發 所 西 須  $\equiv$ Ш 居 平. 恒 鎮 民 西 河 自 庸下 備 年 千 而 築 戍, 州 凡二十五 凡 周 總 庫 水城,或 + 餘 不 三千 斛 П 長城蓋 百 宣 洛 秦 四 九 虞。 里, 月 也 律 帝 八 戍 百 百 拔 乙未 羨傳 丝丝 餘 大象 斷 其 + 起於 餘 築 餘 而 自 州 里, 谷 間 所 萬 里 里。 Ę 軍 東 庫 唐石 \*\frac{\times}{\times} 元 起 築 起 · 立 三 十 都 至 堆 率 城 縣 年 障 百 「原 長 州、北 長 於 戍 東 + 西 六月 年 里 城 城 北 注 塢 東 羨 里 至 有 抵 置 距 以 紇 於 於 自 六 自 通 居 孟

0

<sup>「</sup>卤」,據《校記》,鈔本作「虜」。

東至碣 東,緣邊險要築數十城。七年,發丁男十萬 發 東。此又後史所載繼築長城之事也。 萬築長城,西踰榆林,東至紫河。 餘人修長城。大業三年七月,發丁男 月丁亥,復令崔仲方發丁十五萬,於朔方以 修築長城。 辛巳,發丁男二十餘萬築長城,自榆林 至綏州,南至勃出嶺,绵歷七百里。六年二 三萬,於朔方、靈武築長城,東距黄河, 山東諸州 石 民 五年,使司農少卿崔仲方發 隋文帝開皇元年四 修長城,立亭障,西自雁門, 月,發稽胡 四 年 谷 ·七月 百 餘 西 而

日知録集釋卷三十一終

中

### H 知 録集釋卷三十二

崑 山 顧炎武著 嘉定後學黃汝成集釋

而

證。 秋》莊七年「夜中 引《詩》「垂帶 而 「原 ^ 讀爲『如』,古字通 孟 注》《詩 子》「望 星 》「垂帶 而厲」、《春秋》「星隕 隕 如 道 雨 而厲」箋云: 而 注 未 之見」,《 用。」朱子答門人, 如而 而 也。」今考之, 亦 集注 如 如也。」《春 雨 爲

助」,趙岐解:「而,如也。」〔原注〕「夫然後之 子》九一 学其 而 篇》: 日 故而 當作『而』、文下,今從元校云。 也。」〔汝成案〕錢氏引《荀 而 可」、「原注」近本爲不通者添作「泫泣 而固賢者也,用之未晚 雷擊之,如牆 意而安之,願假冠以見。 駕鹿」、《吕氏春秋》「静郭君泫而 厭之」。 子 儒效篇 [錢氏日]《荀子・ 也」、《荀 《説 意如不安,願 》云云,當 苑》「越 而 日。 子  $\stackrel{\cdot}{\cong}$ 注 諸 黤 在 儒

年「歃 剡曰: 六年「室如懸罄」,注:「如,而也。」昭四年, 是無義無命 或 踐 「「而」當讀作「如」。」今按 如 天子位 忘」,服虔 也」,「而 馬, 而居 字 日 **堯之宫** 亦當 讀 如,而 如。 而 逼堯之子,是 È 癰疽 而 ^ 也。」僖二十 左 何,如 與 傳》隱七 侍 篡 人瘠 也 何。 環 劉

《史記 牛謂叔孫,見仲而何」、注:「 賈 生傳》「化 變而 嬗 韋 昭  $\Box$ 

而,如 也。 如蟬之蜕化 也。」《 戦國 策》「威

王不 ·應而 此者三、《韓非子》「嗣公知之、 日不

又曰 然 效

明,

虞翻

解:

而

如

也。」《

書

顧

命

又得二十餘

事

《易》「日

君子

以

蒞

衆用

晦

能

而

亂

四

方」,傳釋爲

如。

孟

而

非 舒 如治 其 又曰 碑》「去鞭 張」,後漢《濟 何 有 作 周 日 而 無 而 嘗一哈水如 郭 如 時 知 説 乎」,《 當 湛 變國 也」、《大戴 故」,後 「如」。《戰 輔 好 高 色,非 「然如 如 而成之,法 」,又曰「不賞不 碑 施 俗, 何 如 学其 新 如 漢《督 拊 」,《易》 不 日 故 序 不 如 又曰 皆 禮 可以 少 陰 禮 如 或 危, 甘苦 獲 當 引 太  $\approx$ 策 郵 也 云禮云」, 何 其命 其 王 鄒 滿 作 守 使 也 解也」,●《春 斑 孝 (情,弗) 而 知 弼 陽 孟 ? 昭 如 有 碑 · 罰 友 有 如 而 注 矣」,漢樂 奚恤 書 郁 不 》「柔遠 司 而 絺 用 循之」,《 如 又曰 用 修 日 溢 革 悦 疵 我 白 民 曰 : ^ 刑 堯 <u>\_</u>, 省 學 而 日 者 頭 漢 咸 如 廟 秋繁露》「施 「安如易,樂 如 而 : 大亨以 請而不得 而 書 其 太 吾其 弭 府 盡力」,又 碑 是非 時考之」 邇」,皆當 淮 新 長 尉 » 無 其 艾 南 姦 地 也 劉 爲 反 傾 子》 Œ 寬 寬 如 加 理 爲 蓋 東

日

字即 色。 作「而」。」箋云: 今。 志 原注》《左傳》襄三年「齊 二年「夫 如也。 説文》「需从 詩 讀 則經本作 遼 爲「如」,故 今江 西 即《地理 常武》「如 郡 婦 唐人詩 西 肥 而」甚明,此又而、如之訛也 Ŧ 所 志》曰 如,「莽 人言「 「耎」字《説文》曰 生 震 雨, 奮揚其威武,而 如怒」、《釋文》: 若 如 多用 而 而 水 侯與 如 E 聲」,蓋 矣。 人 肥 何 ± 耏、 而,《 而 匄 注 从 震揚其聲, 盟于 如 今」,亦作「 亦 云「若 即 大 聲 日 本 而 耏 左傳》 相 讀 ·兩「如 聲。 外」。 似。 而 如 而 而 勃怒其 古 . 何 襄 字 水 臧 而 如 爲 + 皆 氏 經

周 禮 旅 師 》 而 用之以質 劑」注

0

仍之。」按,如依《刊誤》之説爲「而」字,則此文不 文王官人篇》作【而】,似顧氏誤記,未可改經徇《録 作「而」,此 矣,今依原寫本改作「如」。 如 本作「如」。 書『而』當作「如」,自《戰國策》下又釋諸書「如」當 原作「而」。 句自當從原寫 汝 成 《刊誤》卷下云:「『而』,諸 案 此條自「望 本改 『如』,第考《大戴記 道而未之見』下 本 同

之宫 夫人」注:「如讀 <del>궁</del> 而 ,逼堯之子」、《晉書 讀 而音若。』《儀禮 爲 若, 聲 之誤 爲若。」〔錢氏曰〕《孟子》「而居堯 段灼傳》引此文,「而 也。 • 鄉 飲 陸 酒 德 禮》「公如大 明 」作「若」。 音 義

### 柰 何

祖。 宗 魚腹 尚 辯 辭 止之曰『柰何去社 文,當以《召誥 上者,奈何不敬。」〔錢氏曰〕《五子之歌》,此晚 廟 多 也; 九 疾,奈何。」《曲 「君不. 柰何」二字,始於《五子之歌》: 棄 左傳》華元之歌曰:「牛 歌 甲 士,曰『柰何去墳墓也』。」《楚 》「曷其柰何不敬 則 知兮可柰何。」此「柰何」二字之 大司 那。」直言之曰「那」,長言之 命 · 稷也」;大夫,曰『柰何 **∀:** 禮》 日 」爲始。 愁人兮柰何。』《 或 則有皮,犀 《左傳》: 君 去其 「爲 國 河河 出古 兕 九 去 人

> 成 何也已矣」,音亦與「柰」同。 曰 如」,曰「若」,曰「柰」,其義則 讀 「柰何 「如」爲「乃箇 也。 反。 又《 書 一,音不必同 《論 如 語 「原 Ŧi. 注〕按古人日 器 末 如之 鄭 康

無 注,文欽與郭淮書曰:「所向 無奈」爲 平玄之後,令我 繼 何。」《宋 六朝人多書「柰」爲 無 那。 書 那驃 「楊氏 劉 敬 騎 曰〕「是韓伯 宣 何。」 那。 傳 全勝, 唐人 牢 休那 詩 之 要 或 」,却是 多以 曰 那後

## 語急

語解

年,宋子魚曰:「若愛重 如 也。」按此 勿與 公羊 而 不 已矣」, 傳 必 隱 齊人語。 注: 元 年 母 如 <u>~</u> 傷, 《左傳 欲 即 則 立之,己殺之, 不 如勿傷;愛 如 ,齊人語 二 十 二

言敢也。」〔原注〕莊二十二年,「敢辱高位,以速官謗 濟。 敢。」」●注:「敢,言不敢。」 邪。」《左傳正義》曰:「古人語然,猶不敢之 年,衛王孫賈曰:「然則如叛之。」《漢書 其二毛則 注:「敢,不敢也。」昭二年,「敢辱大館」注:「敢,不敢。」 翟義傳》義曰:「欲令都尉自送,則如 亡。」定五年,楚子西 儀禮 曰:「二三子若能死亡,則如違之,以待所 若知不能,則如無 年,宋華多僚曰:「君若愛司馬,則如 若求安定,則如與之,以濟所欲。」二 聘 禮 如服 「辭曰:『非禮也,敢。』對曰 焉。」成二年,衛孫良 出。」昭十三年,蔡朝吴 曰:「不能 如辭。」八 :『非禮也 夫 勿 日 收

厥德,雖 不夷懌」,「懌」下省一「乎」字。 我生不有命在天」、「不」上省一「豈」字。 古人多以語急而 悔可追」,「可」上省一「不」字。 省其文者。 《書》「弗慎 《詩》「亦

> 刑 ? 下各省一「乎」字。《孟子》「雖褐寬博,吾 旄期稱道不亂者,不,在此位也」,「幼」上、 者,不,在此位也。好學不倦,好禮不變, 壯孝弟,耆耋好禮,不從流俗,修身以俟死 不惴焉」,「不」上省一「豈」字。《禮記》「幼 好」上各省一「非」字。 在今爾 何度,非及?」「人」下、「刑」下、「及」 安百姓,何擇,非人? 何敬,非

康」。《堯典》「試可乃已」,《史記》作「試不可用而已」。 急反言之證。 文簡。如《毛詩》以「不寧」爲「豈」,「不寧不康」爲「豈不 稱兄」,注:「母弟,同母弟,母兄,同母兄 『如』矣,齊人語也。」〔臧氏曰〕古人之言,多氣急而 不言『同母』,言『母弟』者,若謂『不如』言 論語》「患得之」、《集解》:「患不能得之,楚俗語。」皆語 《公羊傳》隱公七年,「母弟稱弟,母兄 「楚俗語」,猶言「齊人語 也

0 敢」下、《儀禮》有「辭」字。

#### 歲

《左傳》季隗曰「我二十五年矣」,〔原注〕僖公 年爲「歲」。 公十九年矣」,「原注」襄公三十一年。《史記》 曰「七十三年矣」,〔原注〕襄公三十年。 「於是昭 二十三年。絳縣人「有與疑年,使之年」,師 行謂之年。《書》「維吕命,王享國百年」, 時,成歲」,「歲二月,東巡狩」是 「蓋太公之卒百有餘年」是也。今人多謂 天之行謂之歲。《書》「以 関月 也 人之 定 曠 四

年。」自今年冬至至明年冬至,歲也,自今 年正月朔至明年正月朔,年也

太史公始變之,《秦始皇本紀》曰「年十三 古人但曰「年幾何」,不言「歲」也。 《周禮·太史》注:「中數曰歲,朔數曰 之。 月

歲」。 歲。』《趙策》:「太后曰:年幾何矣? 〔梁氏曰〕錢廣伯 云 「《孟子》: 對曰:十五歲矣。』 「鄉人長于伯兄

則言歲不始于太史公。」

年盡三年,年三十九歲也。」 之日而後增之。《史記 今人以歲初之日 而 • 倉公傳》: 「臣意 增年,古人以 歲 盡

### 半

半,以樂侑食時也。」晉温嶠與陶侃書:「剋 後月半大舉。」然亦有 大司樂》「王大食三侑」注:「大食,朔月、月 記·祭義》:「朔月、月半君巡牲。」《周禮 一旁曲,一旁直,若張弓施弦也。望,月滿 《 儀 禮 • 劉熙《釋名》:「弦,月半之名也。 今人謂十五爲「月半」,蓋古 士喪禮》:「月半不殷奠。」《禮 以 上下弦爲「月半」 經 其形 已有

半,以月體而言之也,望曰半,以日數而言 弦也, 禮經之所謂「月半」者, 望也。 愈詩:「南方二月半,春物亦已少。」李商隱詩:「白日當 [原注]岑參詩:「涼州三月半,猶未脱春衣。」韓 月大十六日,小十五日,月在東, 相望也。」是則 所謂「月半」者 弦曰 之證不止此。 <sup>《</sup>淮

之也。

天三月半。」

月在

一西,遥

之名也。

巳〔汝成案〕巳,古讀若「目」。 」皆作「巳」,蓋一字二義,形聲皆同: 故經史訓詁,凡語詞之 無可別 云。

謂 今年歲 氣之已盡也。』鄭玄夢孔子告之曰: 『起起 美於辰,已盛於巳。』《史記》:『巳者,言陽 亦 如『已矣』之『已』。《漢・律曆志》:『振 引《曆書》爲 吴才老《韻補》:「古『巳午』之『巳』,亦 在辰,明年歲在巳。』」〔原注〕洪容齋《三 證 愚按古人讀 「巳」爲 「矣」

也。」今人以「辰巳」之「巳」讀爲「士」音。 名》:「商曰祀。 文》:「祭無已也。从示,巳聲。」《公羊傳》 巳者,起也,物至此時畢盡而起也。」《詩》 必起。」《晉書・樂志》:「四月之辰謂之巳。 午』之『巳」。『巳續妣祖』者,謂已成其宫 象形。」《釋名》:「巳,已也。 何休注:「言祀者,無已長久之辭。」《釋 而入也。」「以享以祀」亦讀爲「矣」、《説 人爲汜,汜,已也。 『巳』。」《白虎通》:「太陽見於巳,巳者,物 廟也。」《五經文字》:「起,從『辰巳』之 也。」《詩》「似續妣祖 出,陰氣已藏,萬物見成文章,故巳爲蛇 已定也。」《説文》:「巳,已也。 「江有汜」,亦讀爲「矣」。《釋名》:「水決復 祀,已也,新 南子》:「斗 如出 」箋云:「『似』讀如『巳 有 所爲,畢已復還 氣 指巳,巳則 陽氣畢 四月陽 升,故氣已 ·布已 氣已

宋毛晃曰:「陽氣生於子,終於巳。 鉤爲「辰巳」之「巳」,是未知字義也。 已之義。」今俗以有鉤爲「終已」之「已」,無 終已也,象陽氣 既 極囘復之形。 故又爲終 巳者

里

除邪? 亦有所 意也。 識 紹傳》:「三月上巳,大會賓從於薄落津。」周公謹《癸辛雜 傳》:「三月上巳,大將軍梁商大會賓客,讌於雒 洧二水之上,招寬續鬼,秉蘭草,祓不祥。」《後漢書· 上巳祓除不祥。古人謂病愈爲「已」,亦此 》以爲 季春之月,辰爲建,巳爲除,故用三月 由 「戊己」之「己」者,非。 〔原注〕《韓詩》曰:「鄭國之俗,三月上巳,之溱 起。 不然,正月寅爲建,卯爲除,是上卯 (楊氏日 〕其必以 三月除 水。」《袁 亦可 周 舉

止以直筆上缺爲「己」,上滿爲「巳」。 巳」,篆作℃,象蛇形。 戊己」之「己」,篆作「己」。 「辰巳」之 隸 書則 混 而 相 類

岐

不過五六百里。又謂「舜卒 來」,「千里而見王」,今自鄒 縣僅一千五百里。 里」,今自江陵至光州僅七百里。 亦不過八百里。 百三十里。《左傳》「黄人 今之六十二里遂當古之百里。《穀梁傳》 「吴二千里,不三月不至」,今自蘇 三百六十步爲里,而尺又大於古四之一, 鞍,去國五百里」,今自歷 從鄭至梁二百餘里」,今自鄭州 百四十里。 周,相去千有餘里」,今自安邑至 《穀梁傳》:「古者三百步爲里。」今以 戚夫人歌「相 《史記》張 《孟子》「不遠 謂 城至 自 儀 離三千里,當 鳴條,文王生 至齊、至 郢 説 臨 至開封 及 魏 千里 邾 州 我 淄 王,言 岐 子謂 梁 至 僅三 九 僅 亦 而 鄒 百

馳 誰 百里」者,不過六十餘里,而千里之馬亦日 里」,自今瑯邪至長安亦但二千餘里,趙 一千里而 Ŧī. 使 告 六百里耳。 汝, 近。 貢 是則《荀子》所謂「日中 禹 上 書言「 自 痛 去家 三千 而 則 趨

《王制》是漢人之作,不知其尺步緣何反小。六十步四尺二寸二分。」殆未然。〔楊氏曰〕《王制》:「古者百里,當今百二十一里

仞

曰: 亦 廣深等。 爲 家語》孔子所謂「舒肘知尋」。从人,刃聲。」《書 廣深等,仞與尋同,故知八尺曰仞。」〔原 山九仞」,孔 「《考工記 《説文》:「仞,伸臂一尋八尺。〔原 而 澮 云『廣二尋,深二仞』,則 傳"「八尺曰仞。」《正 匠 人》有畎、遂、溝、洫 義 , 皆 注 澮

> 書 曰〕七尺爲仞,周尺八寸,故仲援云五尺六寸。 以八尺爲是。若《小爾雅》云「四尺」,《漢 子乃兩從之,「原注」「堂高數仞」趙注亦云八尺。當 孔義同。 注》《左傳》昭三十二年「仞溝 (原注)王逸注 聖 掘井九軔」、「原注〕與「仞」同。 夫子之牆數仞」注,包云「七尺」。 》應劭注云「五尺六寸」,則益非矣。 證 論》及注《家語》皆云「八尺曰仞」,與 鄭玄云「七尺曰仞」,與孔 《楚辭・大招》亦云「七尺」。《論語 渔/注: 注「八尺」。 「度深日 何。」王 ≪
> 孟 義 (楊氏 子》 異。 朱 肅

不淑

「不淑」、《詩・君子偕老》「子之不淑、云如蓷》「遇人之不淑矣」是也。失德亦謂之是也。生離亦謂之「不淑」、《詩・中谷有人死謂之「不淑」、《禮記》「如何不淑」

H 知 録集釋

淑」是也。 之何」是也。 書》「王乃升汾之阜,以望商邑,曰『嗚呼不 國亡亦謂 之「不 淑 逸 周

### 不 弔

振旅,蠻夷入伐,而莫之或恤,無弔者也 天降喪于殷」,則以爲哀閔之辭,杜氏 傳》成十三年「穆爲不弔」,襄十三年「君子 以爲「不相弔恤」,而於「羣不弔之人」則曰 之意。襄二十三年「敢告不弔」,及《詩》之 羣不弔之人以 以吴爲不弔」,十四年「有君不弔」,昭七年 一弔,至也」,於義不通。 「不弔昊天」、「不弔不祥」、《書》之「弗弔, 「兄弟之不睦,於是乎不弔」,二十六年「帥 古人言「不弔」者,猶 行亂 于王室」,皆是「不仁」 惟成七年「中國 日「不仁」。 注皆 <u>《</u>左

> 夫」,乃當謂 大國 無恤 鄰之義耳

亡

在亡」,則以在亡爲存亡,非《漢書》之意也 子厚詩「在亡均寂寞」、《宋史・ 之,晉公子稱「亡人」是也。 亡也,而往拜之」是也。 名之、《詩》「予美亡此」、《論語》「孔子 「不以在亡爲辭。」〔原注〕謂託故而辭以不在。 「事亡如事存」是也。 「亡」有三義,有以死而名之,《中庸 有以出奔於外而名 《漢書·袁盎傳》: 高定子傳》「制置使 有但以不 ,時其 在 未 而 柳 知

### 乾 没

没」,徐廣曰:「乾没,隨勢沈浮 《史記 酷吏傳 》「張 湯始 爲 也。」服虔 小 吏 乾

戰。』《魏書 之注: 道 師,不以乾 傳 之也 傅嘏 以 曰:『爾當知足,而  $\Box$ 覆 待之,得利爲 ○」≪晉 素 傳》「豈敢寄命洪流 「從事 乾没,射 有 有所徼射,不計乾燥之與沈 胆 没 • 書 劉 宋 決, 取 慶 成 維 乾,失 勝。』《 諫 敗 潘 知 傳》:「 乾没不已乎?』《 日 也。 岳 劉 : 利 傳》:「其 裕 盧 『霸王不 以以 如 爲没。」《三 維見乂 已還,欲乾 循 淳 傳 徼乾没」,裴 日 **\***: : [原注]元 母: 以 數 姊 喜 或 没 豫 没 誚 夫 怒 張 志 居 mi 义。 徐 駿 之 賱 爲 松 物

乾没大抵是「徼幸取利」之意。《史

明

戒,尋乾没於難冀。

乾

光没,覺

露則

滅

族。』《抱朴子》:

「忘髮膚之

所乾没。」晉《

鼙

舞

歌

•

明

君

篇

昧

死

射

記 也 • 即即 春 此 申 意。 君 傳 (楊氏日  $\forall$ 没 〕愚謂乾没者,乾 利 於 前 而 易 而亦没,知 患 於 後 進

#### 辱

不知

退,知得不知喪之義

謂楊朱曰「大白若辱」。 《儀禮》注:「以白造緇曰辱。」故

#### 姦

費》:

爲河

朔

清

流

,而乾没榮利。」《

梁

書

寵

勢

日

隆,

便

至乾

没。」《

北

史

王

劭

傳

止

足傳序》:「其

進

也

光寵

夷易,故愚夫之

禮與 同 音 奸之謂禮」, 亦作『姧』。」今本誤「姧」作「奸」,非 干,犯也。 信 《釋名》:「姦,奸也,言奸正法也 廣 屬諸 韻 》:「姦,古顔 侯,而 左氏僖 傳之中,二字各出,而 以 姦終之」, 曰「子 公 七年《傳》 切。 私 也, 日 也 詐 父不 義 君 也。 不 以 奸

用之字。 「奸」釋「姦」,其爲兩字審矣。又「奸」字亦「奸」釋「姦」,其爲兩字審矣。又「奸」字亦 門「奸」但與「干」通用,而不可以爲「姦」 也。後人於案牘文移中以「姦」字畫多,省 也。後人於案牘文移中以「姦」字畫多,省 也。後人於案牘文移中以「姦」字畫多,省 一件「奸」字,此如「繁」之爲「煩」、「衝」之爲 「神」、「驛」之爲「馹」、「臺」之爲「行」字,此如「繁」之爲「原」、「行」字亦 「奸」釋「姦」,其爲兩字審矣。又「奸」字亦

訛

王之書鑰曰:「昬謹守,深察訛。」泰昌元年雅》注:「世以妖言爲訛。」《太平御覽》引武也,小人好詐僞,爲交易之言。」〔原注〕《正義》也,小人好詐僞,爲交易之言。」〔原注〕《正義》也,小人好詐僞,爲一人之訛言〕,箋云:「僞不言,以,「僞」字古亦音

請將巡城改爲中差,一年一代。」而嚇詐金錢,謂之「拏訛頭」。即漢律所謂「恐愒受賕」。我羣,有謂之『把棍』者,有謂之『拏訛頭』成羣,有謂之『把棍』者,有謂之『拏訛頭』八月,御史張潑言:「京師姧宄叢集,游手

誰何

志》「公車大誰卒」,●注:「大誰,主問非常「令我壘上,誰何不絶。」《史記》賈誼《過秦·「何」、「呵」同。 〔原注〕《韓非子》:「王出而何之?」(一句)、「呵」同, 而 誰 何。」「誰」、「謹」同, 語傳》:「東 利 兵 而 誰 何。」「誰」、「謹」同, 。《 六韜》:《 玉篇》作「壟」,「丁回切,謫也」。《 六韜》:《 玉篇》作「壟」,「丁回切,謫也」。《 六韜》:《 玉篇》作「壟」,「丁回切,謫也」。《 六韜》:

謹。

《詩》「室人交徧摧我」、《韓詩》作

<sup>■「</sup>五行志」下,原衍一「主」字,據《漢書·五行志》删。

宿 己 與 吠 氏 之人,云 八無敢 易林 之争, 敗 則 誰 於望 而 誰 姓 日 不信。」 夷。 不如 「當 者。」《説 名 是 年 閻樂矯搜,戟者 吾也。 誰 揚 少 何 苑 雄 寡 也 衛 百 獨 0 尉 己 與 民 此 箴 》: 則 孤 知 解 不 疵 + 處 未 誰 二世 Ė, 其過,千 雞 則 鳴 ^ 妄 焦 尚 犬

誰 漢書》作「不 何 同,非 史記 誰 又 譌 轉 衛 孰 爲 何 綰 孰 傳》 綰 也。 歲 難 曉,疑「 杨楊 餘 不 氏  $\Box$ 譙 譙 吅 孰 譌 綰 何 爲 龃

3、謂詰問之。」按此「苛」亦「呵」字。《周禮・射人》「不敬者苛罰之」,注:

信

居 帖 及《 東 謝 觀 餘 官 城 論 傳 引 晉 謂 武 「凡言信者 帝、  $\Xi$ 右 ··, 皆 軍、 謂 陶 使 隱

徒 或 書 傳 驗。」《西域傳》: 大將 相 他信,具以白質。」《三 爲信,始見於此。〔錢 儉 可 云 以 信 人所謂「信」者,乃符驗之别 節 如 劉 傳 下。 》:「今行 斷 長 猶 輒 《論 公 送 石 楊 來 相 使 付往信」、《古詩 巴蜀檄》云: 信 聞 食。」《後 信 顯 楊 憶 用 人行守,操 信, 有韓 徐徐 也。 傳 太尉 修 爲 而 又 願 證 衆 行者所 無 夫人袁 引 先 漢 更謂、 「匈奴使持單于一 故 或 藥,信來 信 迺 古 良 志・ 下。」《周 書 遺信使。」是 時 樂 是 信 氏 則 胡 之」,魏 執之信。」此 爲 齊武 □∭晉陽 氏 府 歸 符。」《史記 質 秦 答 有 傳》 焦 然 給 誠 未 禮》「掌節」注 仲 曹 此 注。 名。 王. 西 信 可 杜 取 |秋||: 卿 公卞 漢 丸, 語 傳 親 摯《 數 已然。 妻作 《墨子》: 汝 起 》: 「得司 信 也 寄 信 成 如 胡 贈 以 夫 於東 )° |≪ 案 到 刺 今人 威 以 若古 使 毋 人 或 司 後 漢 爲 客 人 F: 書 漢 無 馬 因

信之名。 筆 梁 言 飛豪 武 印 信 帝 賜到 「原 信 注〕毫同。 牌 溉 之信 @連 珠》曰 以書信。」而今人遂有 不 得 謂 研 爲 磨 使 墨以 人 也 騰 書 故

出

爾

**\*** 

年《 十 申出 也 立 注〕注:「晉外甥。」襄二十五年「我周之自 十二年「 (原注)注: 傳 其 傳》: 》中凡言出 昭 年莒「去疾 出 也」,成十三年「康公,我之自 四 」,二十九年「晉平公,杞出 「言陳,周之甥。」又「桓公之亂,蔡人欲 陳厲公,蔡出也」,僖七年「申侯 雅 「接菑,晉出 年「徐 「男子 者,皆是外甥。 子,吴出 奔齊,齊出 謂 也。 也。 姊 貜 妹 也, 且. 之子 公羊文十 《左氏》莊 一齊出 展輿 出 也,三 八、吴出 □,〔原 也。 出 几

> 本不典,不知何自起,大約緣「外舅」之名而 也。」而公羊襄 也 史記 舅甥」爲「舅出」矣。 「竇太后及憲等, 漢 ٠ 秦本 書 · 紀 ※ Ŧi. Ŧi. 東海 行 年《傳》「蓋舅出 志》:「王子鼂,楚之 晉襄: 出 「原 也。」〔楊 注》《後漢書 公之弟名 氏日 生 」「外 也」,則 雍 光 甥二二 秦 武 十王 以 出 出

#### 鰥 寡

爲

出

難》 者,則 獨 城 之稱,但有 不矜」,「矜」讀 越 多 山 絶 上,以 來 健 書 亦 鰥 八時間 少, 可 者, 獨 内 爲 謂 夫 君 舍多 死 婦 之鰥,《 而 無 婦,閨 爲 士 Ш 獨 妻 「鰥」是 示示 寡 者 之 守 婦 中孀居獨 詩》「何 得 句 者 稱 是 專 踐 也。 則 也。 將 但 亦可謂之寡 草不玄,何 伐 有 寡」者,無 宿有貞名」, 鮑 陳 吴 妻 照《行 琳 徙寡 而 詩「 于 邊 婦 夫 役

亦是此義。

寡。」《 寡。」《 求其非望,自令寡處。」 《左傳》襄二十七年:「齊崔杼生成及彊 婦 焦氏 小爾 人以 易林》: 雅》曰:「凡無 夫亡爲寡,夫亦以婦亡爲寡。 「久鰥 無 妻無 偶 思 夫 配 通 織 謂 女。 之 而

## 丁中

是十八以上皆發之也。 正 者成童之歲,即挂輕徭。 四 八已上爲中男,二十三已上成 老。」玄宗天寶三載十二月癸丑詔 新安吏》詩:「府帖昨夜下,次選中男行。 役。 歲 爲小,十六爲中,二十一爲丁,六十爲 唐高祖武德六年三月:「人始生爲黄 憫其勞苦,用軫於懷。 既冠之年,便當 然史文多有言 自今宜以 丁。」杜 曰:「比 子美 +

> 字。 史・ 工 疑兵。」蓋 耶 中」者, 黄者四歲以下,何可雜之兵間邪? 律學古傳》:「多張 中、小皆雜用之,而史文代以黄 舉丁、中 可 以 旗 該 幟 黄、 雜 小 丁、黄 矣。 爲 遼

阿

之婦以『阿』挈其 德,書石者欲 興」、『潘京阿京』之類,必編户民未嘗 元冠,幼 有「主吏仲阿東」,❶又云:「惟 人,皆字其名,而繫以『阿』字,如『 隸 釋 有中質。」又可見其年 • 漢殺 其整 姓 阬碑 齊而 也。」《成 陰 》云: 强 加之,猶 陽靈 仲阿 丁其 少 臺 而 劉 東 今 間 碑 未 年在 間 表 興 四 陰 有 其 巷 四 +

全書》本《隸釋》卷一删。「仲」下,原衍「東」字,據下引文及影印文淵閣《四

0

SH 一世 阳 娶 庶人 字。 呵 婦 淵 亦 注 以 以 稱 如 三國志 源 之辭,古詩 顔 雲, 誰 母: 人以 與 姓 下 叮 也 爲 説 阿 爲失」,《晉 以 呼之爲『某兒』。」《三 悦 稱 魯肅 30] 》 注 唐 抱 311 自 源 戎語。』」〔原注〕渾子戎。 女, 30] 原 [] 初 朴 母 蕭 稱 謝 注 龐 韋 拊 不 子 謂 其 淑 太傅 挈 其 亦 統 × 蒙 阮 稱 阳 母 劉 妃 道 有 姓 親 傳》「 謂 背 書 以 籍 其 女 從 謂 逢 焦 E 禰 官 則 जा 謂 日 諫 武 修 鄉 氏 先主 焦 是 衡 」挈其字者。 隋 沈充傳》「敦作 龄 王 妻 后 里 稱 皆名之云『阿某』, 仲 游 爲阿 也 獨 渾 裴 非 人, 爲 謂 卿 31 許 孤 一國志 龄 曰 氏 3H 復 顔 妻》 下 日 亦 家 皆是 : 后 武 謂 稱 旲 : 中 可 謂 世 自 詩 E 四 30 向 與 下 • 子 爲 説 有 韋 雲 其 公 吕 焦 裴 卿 者之論 团 敬 堂 襌 SIT 不 后 昭 小 卿 [蒙傳 色 是 爲 蒙 語 公謂 吴湘 誰 定 Ŀ 降 時 訓 或 Rul 日 也 不 何 敬 啟 之 爲 爲 或 + 殷

> 爲阿。 子 ※: 者 《崇讓 小 聲 人 助 論 BIJ 非。 唯 語 誰 示 之與 之辭 是 知何 原 也 注 阿 誰 古 最 魏 相 賢」,「不 原 人 志 去 注 以 幾 東 亦 爲 夷 何 有 知 傳》: 作 何 慢 誰 何 今 應 「東 最 誰 南 聲 不 者 方人名 肖 人 晉 讀 ^ 劉 老 爲 SIL 我 實

幺

生者 稱二元 莽作錢貨六品,小錢、幺錢 字從幺,亦取 是 之初,故可以 説文》:「幺,小也 也 俗俗 年」, ^ 爲 爾 呼 數之本, 爲 雅 長子之稱「元子」是也 此 幺豚。」故後 》「幺,幼」,注曰:「豕子 小名之,骰子之謂 義。 故 象子 漢 可 書 以 人有「幺曆」之稱 初生之形。」「幼 大 幼錢、中錢、壯 食貨 名之, 念》: 爲 又 最後 幺 爲 年 王 數 之

**賦》:**「 謂 布、 璞《螢火贊》:「熠熠宵行,蟲之微幺。」盧諶 蔡邕《短人賦》:「其餘尩幺。」晉陸 幺。」班彪《王命論》:「幺曆尚不及數子。」 成分者曰 餘 貝 錢、大錢。 岳飛傳》:「 《蟋蟀 布、弟布、壯布、中 唐 積以 小爲幺,故曰楊幺。」俗作「么」,非。 及不盈 書 小布。」《隋書 賦》:「享神氣之幺芔。」並 猶弦幺 成餘 楊炎傳》:「盧杞貌幺陋。」《宋史• 篾。 寸二分者。 貝 楊幺本名楊太。 貨 者曰 其有不成秒 而徽急,故雖 Ŧi. • 律曆志》:「凡日不全 布、差布、厚布、幼 品,大貝、壯 秒。 布貨 度不全爲 日 十品,大 和 太年幼,楚人 麼,不成 而 貝、幺貝、小 不悲。」 分,積 用此字。 機《文 布、幺 布、次 篾 爲 郭 以  $\Box$ 

蠶」字。 禮 也。 或 已有正廟,更重立也。」與「本來」之義全不 元朝之官,故 世子》「末有原」,漢「原 後人以「原」字代之,不知何解。 「元籍」,本來曰「元來」,唐、宋人多此 再」字解,〔原注〕《漢書》注,師古曰:「原,重也。言 以 〔原注〕《爾雅》:「原,再也。」《易》「原筮」,《周 馬質》、《禮記· 元者, 爲洪武 本 中 也。 改 臣 此 下有稱「元任官」者 本官 字。 月令》「原 〔汝成案〕《月令》無「原 曰「元官」, 廟」之「原」,皆作 蠶」,《 原者,再 本 「嫌於 相 文 同 Ŧ 日

曰:『原,再也。』」衡爲太史令,去官五載,間》:「曩滯日官,今又原之。」注:「《爾雅》古人亦有稱「原官」者。後漢張衡《應

官之義也。 復爲太史令,故曰「原之」。然則原官乃再

寫

無道 有鼓 宫室,作之咸陽北坂上。』《蘇秦傳》:「宋王 之。」《國 中。《韓非子》:「衛靈公召師涓 言出 而 之溉者不 兮。」〔原注〕傳 人》:「以澮寫水。」《儀禮·特牲饋食禮》: 主人出,寫 朝禮之。」《 新 ,爲木人以寫寡人。」《新序》:「葉公子 游, 寫、《説文》 聲者,其狀 ....語 以 寫 \* 寫我 嗇于房。』《禮記 其 史記 曰:「寫, 王 三 一 憂。」「 餘皆寫。」〔原注〕注: 命 似鬼 I. 秦始皇紀》:「寫 輸 置物 以 寫 既 也。」《 神,子 良 見 也。」《 金寫 君 曲 而告之曰 子, 爲 周 范 詩》: 禮 禮 聽 我 **黎** 「傳 放 之 而 心 之器 器 一駕 其 狀 寫 稻 寫

命師 真。」《: 主畫 之至今矣。 注》《李恂傳》。 訓 編用寫書。」《霍光傳》:「山 傳》:「從民 此本 文志》:「孝武置寫 寫 始自《特牲饋 賦》:「肸蠁 高 原注》《説文》: 更以 淮 龍 好 丹傳》:「吏私寫其草。」《淮 南 · 傳 「竊簡 地識爻,爻備,以方寫之。」《漢 龍 路温 竹簡 王盜、 於彼本,猶之以 鉤 周 寫之。」至後 舒傳》:「 以 而 寫 得 布 髀 「騰,移書也。」徐氏曰: 繕寫」「原注」《盧植傳》。 食禮》「卒筮寫卦」 寫 寫 虎 善書,必 經》: 寫。」《漢 法 龍 符。」今人以 **整** 律。」孔 取 書之官。」《河間 笠 以 澤 漢 爲 書 此 寫 中 以 而 安 好 器 賈捐之傳》 龍 蒲,截以 寫 國 又 有 寫 書 傳於彼器 坐寫 南子 「謂移寫之也。」 天。」《上 屋 與之,留 注 爲 尚 圖 室 寫,蓋 之稱,傳 一:「卦 書 書 袐 雕 爲牒 序》: 説山 獻 文 也 其 者 Ŧ 以 林 以

《説文》作「卸」: 人寫書之『寫』。」 晉書·潘 •皇甫規傳》:「旋車完封,寫之權 寫」, 與 八謂馬· 岳傳》: 「器之溉 去鞍曰「寫」,貨物去 「舍車 發槅寫鞍,皆有 者 解馬 不寫」義同 也。 讀若 舟 所 汝南 憩。」 門。 車 後 漢 亦

王

### 行 李

之。」賈 李翕《析 皆作「李」。 曰:『敵國 至」,作「理」。《國語》:「周之《秩官》有之 困」,襄八年「亦不使一介行李告于寡 左傳》僖三十年「行李之往來, 古者謂行人爲「行李」,亦曰「行 達日 里 橋 賓 昭十三年「行理之命,無 郙 至, 理 閣 關 頌 吏 尹 》:「行理 也 以 告,行理 小 行 咨嗟。」〔臧氏 人 共 以 也 節 月 其 理 君 不 乏 漢 逆

> 簿 在 書 唐 將。 書 長 坊,謂之『籠 日」「李」、「理」 》篇: 指 慶中,中丞行李不過半坊,今乃遠至兩 時,謂官府導從之人亦曰「行李」。 蘇 而 師 佞 温造傳》:左拾遺舒元褒言:「元和 古曰: 建傳》: 别 觸 或 爲是名邪? 子爲李。」房注: 邪 「李者,法官之號,故稱其書曰《李法》。」至 通 「《黄帝李法》。」《天文志》:「左角李,右 街 不 用。 喝 《管子 在 道 』。」勅 行李。」 法法 獄 官 曰:「憲官之職 》篇: 豈. 也。 其 皋陶 李、 不 理 敢 稱 《舊 司。」《 鹵 唐 漢 大 角

#### 耗

也 息 章 耗 德 息耗 竇 今人以音問爲「 皇 注 ,猶言善惡也。 后 引 紀 薛 氏 「家 韓 耗 詩 既 」,起自《 章 廢 壞 句 **>** 數 曰 後 呼 漢 相 書 工 問 惡

### 五五

### 量移

吴。 遜 刺 年 江 量移 + 謂 未成官。」故 巳,加尊號,大赦天下,左降官 下,左降官 量移」字始見於此。 遇赦移官 貶 · 年十 一 隨 州 史,又云:「 之量 産 例 相 東陽》詩云: 司 唐 州,詔 未量 逢問 馬,自題云: 移。 朝 月庚 人 罪 [|愁苦, 量 韓 一移。」〔原注〕「量 《舊 得罪,貶 未除 曰:「縱經大赦,不在量移 愈自 流 移 午,祀后土于脽 唐 落 近 潮 淚盡 書 」之句。 多 潮 處。 竄 • 年 水還 州 李白《贈京 日 玄宗紀》: 遠 旦失恩先左降 <u>二</u>十 應 刺 讀 方, 南 歸 史量 是 平聲。 而《 珠。」白 海 遇 七年 命 量 宋史》盧 移袁 上 赦 量 及遷 流 兆 移 大 改近 二月 移 居 韋 開 人 近 州, 遠 忠 赦 易 却 參 元 處 地 之 名 有 郡 州 到 軍 己 天 盱

# 罘

限。」今人乃

稱

遷

職

爲

量移

,誤矣。

罘罳 復也。 謂 含前 制 注〕今人謂之影壁。 京罘罳,合板爲之,亦築 象 日 也 闕 書 一、以覆 也 角浮 七 屏 罘罳災。」師 皆 雉,城隅 也。」崔豹《古今注》曰:「罘罳,屏之遺 文帝紀》: ,復思也。 思,思也。 罘 思 」字 臣 思也。」《廣雅》: 有 重 朝君 焉。 刻 之制 臣 垣 於今郡 ,行至門 雖 上 將 入 請 「七年 古日 〔原注〕《釋名》:  $\sim$ 墉 从 考 九雉」,注:「宫隅、城隅 之處,其形罘罳 Ι. : 事,於此復重思之地。」漢 网」,其 六月癸 或 記 内 罘罳 「罘罳謂之屏。」《 土 廳 • 屏 一爲之, 「罘罳,在門外。 前 匠 外, 西,未 實 謂 人 亦 屏 復 》「宫隅 樹 連 每 應 也。 之。」「原 菛 然。 央 闕 思 宫 闕 曲  $\sim$ 惟 罘, 越 之 殿 東 漢 西 閉

罘罳 思甚 鴿下罘罳 靈 門罘罳 明 志 司 也 思。」 ●参考諸 魚 所 絶 董賢 甚。 帝 耳。 , 罘罳在其外, 諸 豢 思 書 自 紀 盛。」《王莽傳》: 處  $\stackrel{\vee}{:}$ 傳 魏 壞。」「原注 , 曰: 『毋使民復思也。』」《後漢 而 劉 也 × 略 巫 或在門 。」〔原注〕春 向 鐵 中平 門 外 以 論 書, 外 爲: 爲 黄 罘 冱 〕杜子美《大雲寺贊公房 内,或在門外, 當從 徼 罳 初 年二月己亥, 東 申君相 祠堂屏 侯之象 道 「遣使 者  $\equiv$ 闕 周 年 屏 楚,使其子爲假君 春 所 閣,垣 垣 壞 築 説 申 也。」 以 數 諸 渭 君 朝 陵、延 里 去吴, 門 南 則 則 諸 闕 又《 闕 制 其 門 侯 影詩 宫 罘 内 書 之 Ŧi. 外 闕 各 爲 陵 罳 假 治 「紫 門 吴 殿 袁 罘 屏 行 罘 不 君 •

雀 屏,天子之廟 網網 爲罘罳,誤 西 陽 雜 俎 飾 也。 **>**  $\Box$ 也。』注云:『屏謂之樹, : 《禮記 「今人多呼 明堂 殿 位 榱 . 》 疏 桷 護

> 捲 罘罳,疾 故 段 伏思念其 曰 : 亦 I. 東闕桴思災。』以此諸文參之,則桴思,小 氣 原 引《廣 皆有之。 成 史言甘 「漢 注 閶 蟲 ||《爾 式, 時謂 闔夜開」之句矣。 獸, 事。 趨 蓋 雅》及 雅 然則屏上 屏 如 露之變, 宦 案《匠人》注云:『城隅謂 北 唐 爲桴思,解者以爲天子外屏,人臣 今闕 釋 出,而 時 宫》文。 劉 亦 有 熙《釋名》爲證 上爲之矣。』」「原注 爲屋以覆屏 呼 温 者 今桴思 護 庭 扶 雀 筠 上 網 牆 亦 升 ,故稱 爲 也 闕 樓 有 輿 罘 桴 也 刻 一罘思 思也 屏 決 思之目 故故 作書者 之  $\Box$ 泛正 至 桴 城 殿 爲 一屏,俯 漢 隅 思 義 書 後 雲 闕 時

屏。」有作「復思」者、《水經注》:「象魏之上見上。有作「罦罳」者、《博雅》:「罦罳謂之堂位》注;有作「浮思」者、《考工記》注,並「罘罳」字有作「桴思」者、《禮記・明

■「黄初」、《三國志·魏志·明帝紀》注引《魏略》作「青

倒 思已碎。」有作「 冢 加 大笑至兮摧覆 也。 北 復 有 思 若摧護雀網,亦不足「大」也 以 廟 易觀。」又 堂 一,榱 覆 思。」言一 櫨 思」者,宋玉《大言賦 及柱 云: 皆彫 譙 笑 城 而 鏤 南 垣 雲 有 屏 矩,上復 曹嵩冢 爲 之 傾

王設屏,非苟然也。」 屏 廟門之屏也。 内之屏 語》曰:『王 立 屏 旅 設之於外,諸侯設之於内。 屏 外 也。 」,宁在 樹。」旅,道 四 陳氏《禮書》曰:「古者門皆有屏,天子 星 也。 治 一, 在 此 門 朝  $\mathbb{H}$ 背 端門之内, 魯 屏 在 也 防之屏也 《月令》: 屏 廟『疏屏,天子之廟 之間 路 愐 門 當道 立,夫人向屏。』此 之外,『天子 此 近 天子田 ൬ 路門之屏 右 設 《禮》: 執 屏, 法。」然則先 獵、『整設 天 此 飾 也。 文志》: 當 外 臺 門 宁 寢 門 ^ 于 此 門 或 之 而 Щİ

### 場屋

皆開 場 罷 昌 官 每 屋。 宫 。」故戲 起 外 歲 科試 辭 棚 建 場屋」 Œ **\*** 或 夾 月, 場 士之 路,從昬達旦,以 門 夜半月高絃索鳴,賀老琵琶定 一者,於 亦謂 内 萬 或 地 绵 之「場屋」。 也。 來 廣 百 朝, 場 八 之中 隋 里 留 一,列 書 至 縱觀之,至晦 + 而 唐 • 爲 元微之《連 Ŧi. 音 爲屋,不 戲 日,於端 樂 場 志 必 而 百

豆

宏注 非 麥  $\Box$ 而 戰 "「《史記》作『飯 豆. 或 策 民之所 影張 儀 食、大 説 韓 菽  $\pm$ 而 抵 日 麥』,下文亦作 豆 一: 五 飯 藿 穀 羹。」 所 生, 姚

「菽」。 《本草》不皆神農所著。《越絶 爲萁。」 所作。《漢書·楊惲傳》:「種一頃豆,落而 大豆爲下物,石二十。」《越絶書》亦非子 之户曰赤豆爲下物,石 豆」。」今按《本草》有赤小豆、大豆之名。 古語 但 稱 『菽』,漢 五十。 以 己貨之户 書》: 後 方 「内貨 謂之 貢  $\Box$ 

哑

作 託候部 地 石邑縣。 天子傳》「至於鈃山之下」「原注」注:「今在常山 岍 理 者、《晉書 志 今井陘之「陘」,古書有作 新音邢。」 是也。 掘 》上黨郡「有 咄 哪 于 • 岍北,大破之」是也。有 石 胡奮傳》「頓軍硜北」是 勒 石 有作「研」者、《漢書 載記》「使石 研關」是也。● 「鈃」者、《穆 季 有 龍 作 擊

臨北庭」是也。❷北則有蕭居天井、壺口石徑,貫越代朔,以北則有蕭居天井、壺口石徑,貫越代朔,以是也。有作「徑」者,李尤《函谷關賦》「於也。有作「經」者,《揚子法言》「山經之蹊」

豸

《左傳》宣十七年:「庶有豸乎。」豸,止也。蟲。」「止」當作「豸」,古「止」、「豸」通用。《莊子・在宥》篇:「災及草木,禍及止

**關**〔汝成案〕《左傳》:「臧紇斬鹿門之關。」此衍

「孫」字。

關者,所以拒門之木。《説文》:「關以

- ●「關」,原作「闕」,據《漢書·地理志》改。
- ② 「北」,據《校記》,鈔本作「胡」。

五三

謂 非 能 則可 日 蝎 之關 木 枕之。』』《魯連子》:「譬若門關,舉之以 門 而 舉 横 爲 勢 齃 以 。」《吕氏春秋》: 持 我事中行之君 不肯以 非益 鍋 也。」 一指 門 也 户 皆 加 持 也 力聞。」 「原 )° \_ | 中 謂 重,手非 注 而舉之,非便,則兩手不 拒 左 》周 門之木,後 孔子 傳 與 賈誼《新書》:「 禮》「司 加罷也,彼所起者, **\*** 帷 之勁, 而 臧 開 衣之,與 孫 人因之,遂 注 : 紇 舉 「關,界上 或 斬 豫 關 門 鹿 便, 讓 之 門 而

中 鍋 惲 帝紀》:「突走出 王鎮 趙廣漢傳》:「斬 人所叱,執關 傳 》: 「有 史記》 唐書 惡傳》: 謂 犇 李 車 拒 軍 訓 而 昌門, 門之木 抵 人 其 不 傳 門關 緣 殿 能 城 下。 門 追者 爲關 閽 得 而去。」《宋 門 者欲 入門, 以門 鍋 折 扃鏁之,爲 猶未 齃 漢 路之。」 書 馬 書 及下 · 少 死 • 楊

> 象,後 梁 不 明 能 也。」似合。「宙」字從一,本是宫室之 與之争於宇宙之間。」高誘注:「宙,棟 淮 説 人借爲 文》: 南子 往 宙 覽冥訓》: 古來今之號 舟 輿 所 極 燕 覆 耳。 雀佼之,以 也

心此

解

未

爲

宙

#### 石 炭

文》:「上下四方曰

宇,古往今來日宙。」

炭、石 戚世家》: 미 井 書, 臺 一,井深 今人謂 墨 又 竇 然之 少君爲其主入山 物 十五丈, 石炭 也, 難 盡 八爲墨。 有 精 亦 藏 廳 謂 冰 按《水 爾。 作炭。」《後漢 之 及 石 石 「原 炭 經注 墨 注》、史記 焉 書 是 知 石 黨 石 墨 冰 外 錮

「原

注〕《説

奠 孔子 柿。 室人 見 畫 秋》: 凡 傳 始者死。]注: 曰:「煤室,煙塵之煤也。」《素問》:「黑如 食 也。」《韻會》:「煤,炱灰集屋者。」《吕氏春 俗竟作 古牆丹 柿」,削 敵 處 。 前 潔 寝。 顔 人 國軍營漂木梯,〔原注〕方吠反。 夏馥 甑 前 聲字 日 而 「孔子窮於陳、蔡之間,七月不嘗粒 風 朝 木札樸也。 後 進 中,棄食不祥,回 攫 顔囘索米,得 「煤」字,非也。《 雘 神 雨 人 食。 皆 饋 其 林 廟鎖 盡 夜 。」顔回 轉 甑 慮 孔子起曰: 『今者夢見先君 「炲、謂 歸 Ш 深 《後漢書 中 爲 煙煤。」 中,親 時。」 棟 而 平, 墨 對 食之。 而爨之,幾熟,孔子望 突煙 是煤 始煤也。 」 唐張 故 日 温 煤生。」李 方術 呼 . 攫 : 玉 炭。」 庭 「墨」爲 不可。 乃 選間,食熟,謁 而飯之。」高 篇》:「煤,炱煤 筠 皆 楊 梁上 詩: 方傳 此 按《説文》當作 物 商 也。 「煤」,而 煙煤之 煙 嚮 隱 祜 風 煤 者 北 詩 詩 吹 朝 煤 誘 人

> 注〕志 名, ,終不若晉 之石,軟 丈,必先見水,水盡然後炭可 非  $\vdash$ 石 「安陽縣 者謂 炭 絳者云。」按《玉篇》、《 也 之烸。 龍 崔 Ш 氣愈臭者然之愈 出 銑 石 炭,人穴取之無 彰 取 德 也。 志》 炭 難 有數 廣 作 盡 窮 韻 品,其 烸 水 並 ],(原 可 取 (堅者 以 深 無 煎 數

謂

悔」字。

百

### 終 葵

者,玄宗嘗夢見之,事載沈 今人於户 作「柊楑」。 言》"「齊人謂椎爲終葵。」馬 屈 首 置(原注][揮]同 也。」《 。」〔原注〕注: 考工記 禮 蓋古人以 記 上 畫 • 「終葵,椎 》:「大圭 玉 鍾 終葵,揚關斧。」「原注》《博 藻》:「終葵, 馗 椎逐 像,云 也。 鬼,若大 長三尺,杼 爲 存 椎於其 唐 融 ?中《補 時 《廣 椎 儺之爲耳。 人 杼 也。」《方 上 成 能 上 頌》: 明 終 捕鬼 談 無 葵 所

族 義 者 將 鍾 見。 又 曆日同 人名。 此也。 字辟 庶人諒傳》作喬鍾 葵、李鍾 記》、《補筆談》所載皆不足信。 未 人,乃附會爲真有是食鬼之人, [趙氏日]終葵字辟 獻《鍾 有推· 與? 甚 葵,張 張 必 ൬ 有 多 鍾葵,[原 邪 然 ,賜大臣,多有謝 流傳既久,則又忘其辟邪之物,而意其爲逐 蓋終葵本以 楊 道撃鬼! 終 少,豈以 。」則古 南王 也 義 「葵、慕容鍾葵、喬 白 葵 左 臣 澤 「原 傳 圖 氏 傳 佗子 其 注》通 本 馗,又《恩幸傳》末有宫鍾馗,「馗 邪,意 人固 注》 上, 仍 逐鬼,後世以 `灬魏 定 字 形 作 名鍾葵,有楊 表,則 Ŧi. 几 似 鑑 鍾 喬 以 「葵」字傳譌 書 鍾 代 作 又 葵,《 年 而 鍾葵爲 史 葵。 不 訛 「終葵」。 名之, 「分康 前 姓 鍾葵、「原注」《北史 謬 其 唐 旲 可 唐 段鍾 鍾 有 相 堯 越 時 辟邪 名馗者耳。 書 傳, 知 辟 每 而 暗 世 抑 叔 則 葵,于 ·歲暮以 家 其 鍾 邪 捉鬼之説 已 本 取 之用,遂 以 以 葵、丘 之物 非 名 立 殷 辟 王 此 歲 《天中 鍾 鍾 名 民 邪 勁 こ字 武 日 爲 除 鬼之 取爲 起 馗 矣。 葵 之 之 字 也 七 名 俊 鍾 與 畫

意也

魁

榜 試 以 第 矣。 星樓,爲一邑偉觀,其上以奉魁星。」則 學校祀魁星,雖非古禮,然 瀆。」不云「文章之府」。 爲文章之府,〔錢氏曰〕《天官書》:「奎爲封 錢 而起其斗。 人, 奎、婁爲魯分野, 儒教當興之象。 魁 前 文 而 氏曰〕奎,西方七宿之一,非北方也 」,又不能像魁,而 故立廟祀之,乃 星,所 Ŧi. 而 今人所 獲 名 中者皆不 祀,乃不于 爲「五魁」、《漢書 主不同,而 不知奎 奉 魁 識 星 宋初五星聚 · 奎 而 三爲 不能 <del>,</del>不 字之人 新定續志· 北 取 二字之音亦 知 于魁,宜乎今之應 方玄武七宿之一, 之字形,爲鬼舉足 像 始 • 與! 奎 奎,説者謂: 酷吏傳》: 自 特史官傅 · 而 是南宋時已有 學校門 魁 何 又今人以 爲北斗之 改「奎」爲 年。 異。 \*\frac{\times}{\times}: 會之詞 孔子 以 所 奎 之 魯 溝

注 本 爲 置 皆 也。 魁 斗 其 第 [原注]天文,北斗魁爲首,末爲杓。 師 魁 星 古曰: 宿 至第 四 游 爲魁,第五星 魁者,斗之所用盛而 俠 傳》「 間 至第七爲村。」故言 里 之 俠, 《淮 南 杓 原 子 之 浩

其見於經者,《書・胤征》之『殲 **宧光曰:**「斗首曰 根本者皆云魁。」《説文》: 魁,因借凡首皆謂之魁 「魁,羹斗也。」趙 厥 渠魁」,

記

曲禮》之『不爲魁,主人能,則

執

兵而

意。」要非雅俊之目。 或曰:「里有里魁,市有市魁,皆長帥之 陪其後』。」然則「五魁」之名,豈佳 〔原注〕《吕氏春秋》有 語 哉! 魁 +

於范 不能 土、溝 名人」,此用「魁」字之始。 魁之西。』《鮑宣傳》: 損魁父之丘。」《史記 瀆。」韋 中昭解: 「小阜日魁。」《列子》: 《國語 「白首耆艾、魁壘之士。」《揚雄 趙世家》: 「幽王蕩以 「嬴姓將大敗周人 以 爲魁 君之力,曾 陵、 糞

日 纍纍。」又《文選 「大魁,謂匏中也。」又《儀禮 Ħ 泉 賦》一冠 》潘 倫魁 岳 **笙** 能 賦 陸 士冠禮》 機《感丘賦 統 大魁以 爲笙。」李周 素積白 羅魁 屨,以 封之 翰

> 魁 柎 注: 魁 蜃 蛤

義。 魁 古人 壘 近 一、盧 時 以「魁」 人 蒲 好 就魁 以 魁 命 ·, 名者絶 吕 命名, 氏 春 亦取 秋》「 少 <u>—</u> Б. <u>《</u>左 齊王 魁」之 傳 殺 有 燕

#### 桑 梓

將

張

魁

酅

所 顈 爲 陽,顧見神宫,追惟桑梓,褒述之義。」 作鄉 焉。」蔡邕作《光武濟陽宫碑》云:「來 必 永世克孝,懷桑梓焉。 據 ,松柏桑梓,猶宜 袁紹檄 恭 ,齊、魯、韓三家之《詩》不傳,未 里事用。」愚考之,張衡《 敬止」,並 <del></del> 無鄉 梁孝 肅 里之説,而 主 恭。」漢 先帝母弟,墳 真人南巡,覩 南 人之文,必 後人文字乃 都 賦》云 可 陵 陳 在 舊 知 有 尊 琳 里 濟

與梓

《容齋隨筆》謂:「《小雅》『維桑

邦, 尼《贈 墓。」《 羅 作贈 爲 梓, 雲《答張 梓之敬,古今所敦。」晉左思《魏都 之悠曠,愧烝嘗之弗營。」《 人。」〔原注〕《九愍》: 歲暮賦》: 畢 垂 迫彼窀穸 父之所樹 尚書》:「人懷桑梓。」劉琨《上 魚 説 惟 覆 、昴之所應、虞、夏之餘 列聖之遺 陸 也 贵 贈 桑 陸 機 「虔孝敬於神丘兮,結祗慕於維桑。」閻 與 機 百 顧 士然》詩 他 者。」以 》詩:「旋 原 , 載驅 東路。 梓。」《 年歌 鄉 彦先》詩 出 注 塵。」陸機《思 迥 爲 胡 後 吴王郎中令》詩:「祁 光 贈祭 「望龍 魏 省 反 臨 感念桑梓域,髣髴 鍾會《與 辭 「眷言懷 桑 通 門 桑 陽 官致 而 鑑 梓。」 梓,帝弟作 繼其 太守吴子 屢 注 親 《贈弟 顧 禄 蔣 潘 賦 人, 先王之桑 攀 桑梓, 桑梓 桑 歸 斌 岳《爲 維 一愍帝 士: 梓 桑 桑 書 仲》 · ; 無 「悲桑梓 龍 謂 梓。」 肆 弼 而 其 表》: 賦 式《復 影詩 祇 祁 力丘 眼 賈 乃 詩 故 泣 陸 謐 大 鄉 將 桑 中 潘

> 丹徒 名 餘 詔》: 息肩 承用之矣。 榆。」梁武帝《幸蘭陵詔》:「朕自違桑梓 照《從過舊宫》詩: 梓。」何承天《鐃歌 零淚。」《會吟行》: 桑梓,永歎懷密親。」則又從《南都賦 靈運《孝感 名臣贊》:「子布擅 蒸嘗之敬 號 載。」劉 租韶 於中縣。」江淹《擬 江表。」宋武帝《復 「彭城 峻《辨 ¥ 賦 在 桑 「丹徒桑梓 **\*** 心,桑梓之情未 梓 命 本 戀丘 **\***: 論 名,遭 鄉 東方 嚴 》. 「居・ 願言桑 陸 恭 墳 加 ,綢繆大業攸始。」 就 彭 世方擾, 平原》詩 履 而 降 縈心 先 桑 旅 沛 攸 克。」袁 梓 梓, 逸、梁 王之桑梓, 下 在。」文帝《 思 撫翼 邳 憶桑 加 舊 安《三 三郡 》之文而 明 鴻 敬 游 桑梓 去桑 發 Ŧi. 覽 梓 鮑 謝 或 眷 竊 + 枌 復 租 而

子知之乎?』老子曰:『過喬 説 苑 按 古 人 常 樅 桑 謂 梓 之説, 老 子 日 不 過 木 過 敬 而 喬 老 趨 木 之 而 非 意 趨 謂

咽 喉嚨。」即今人言「胡嚨」耳。

曰

人子

胡

胡 興 之所瞻依 敬老邪?』常樅 體,言桑梓 猶 曰:『嘻,是已。』」此於詩爲 當 養敬 , 而 況父母爲

### 嚨

脈 古 死」注,蘇林曰:「亢,頸大脈也,俗 晉灼曰:「胡 肉 垂胡額,下迎黄帝。] 老者,頷下 頷下垂皮也。」《釋名》:「 垂,能斂互物 也。」《後漢書》:「請爲諸君 也。《金日 讀 説文》:「胡,牛頷 「侯」爲 「七爲假喖。」范 ·垂胡。 磾 也。」《詩》: 頸 傳》: 「胡 也。」《張敖 《漢書 師古曰:「胡,頸 捽 ^ 望 • 「狼跋 「胡, 互· 垂也。」徐 息夫 胡 郊祀志》:「 解 傳 投 鼓嚨胡 影仰 謂 其胡 何羅 躬 也。 唐 傳 日 所 絶 胡 殿 在 有 師 謂 下。 下垂 狼之 咽下 也 亢 太 古 胡 而 龍 4

> 説 文 ※: 0 胡, 牛 額 垂 也 从 肉,

胡 壽考之稱。《詩》 之垂者也。」亦取下垂爲義。 聲。」〔原注〕《説文》: 曰 人見鳥獸,有冠角頓胡之制」是也 狼跋其胡」,狼之老者頷 也。《諡法》:「 "「雖及胡耈。」〔原注〕《釋名》:「胡 彌 旛 年 曰:「胡考之寧。」《 壽 幅 《續漢 胡也 考 日 下 胡 臣 垂胡 鉉等 興服 0 着, 保民 日 《詩》 咽 故 志》 皮如 以 胡, 傳 聖 艾 爲 雞

名日 西 下 日 説 狄而已。 方曰戎,北 有小字注《 文」上,據《校記》,鈔本有「三代時,外國之名曰戎 时的。 按 專言之則 日葷粥, 方曰狄」數句凡二十字。 一段文字,凡三十三字。 禮記·王制》: 日 東方日 玁狁,至趙武 又「日狄 南 方 靈王始 而已」 日

胡 戎 定、 氏 又 解: 謂 之 記 似 戎 衣  $\mathbf{E}$ 曰 史記 云 燕 者 或 胡  $\stackrel{\cdot}{\simeq}$ 駟 曲 亦 爲 胡 0 名。 袂 馬 侯 皆 也。 韓之邊。 而 胡 胡 北 胡 胡 戈 景 伯 取 車 旁 陳 鏑 之言 匈 然 有 方言》「凡 廣二寸 今之 轅 此 以 有 七 又 出 在於喉 奴 而 東 原 義 注: 應 前 + 胡 何 與 者 天」、 傳 注 胡 也。」 胡 胡 步, 規 公, 林 「原 猶 趙 日 何 下 姓 下 内 Ш 胡 見 立 牛 世 而 胡 注 箭 垂 注 戏。」 倍 家》: 以 當 字 樓 於 胡 晉 蔡 斯 柱 晉 則 鏃 : 之, 煩 前 或 E 仲 義 也 畏 經 地 北 胡 蓋 亦 變 謂 胡之字 疾 胡 東 忌 爲 及 司 者 傳 取 有 合 必 服 胡 胡 三之。 ^ 氏 ° | ≪ 注 周 象 騎 林 嬴 爲 時 之 周 下 修齡 如 如 射 於牛 厲 胡 或 者 禮 類 禮 也 胡 此  $\pm$ 以 胡 大 以 記 樓 謂 備 而 前 胡 名 「原 武 大 考工 能 諡 郭 燕、三 此 下 戈 煩 른 靈 也 胡 之 注 深 行 鋒 璞 名 有 爲 垂 王

謂 謂 公矜 禮 所 始 蓋 號 虜 人 春 武 胡 言: 曰 格 鄉 所 盛 北 謂 焉 秋 : 而 之言 子 尊之則 虜。」《索隱 縣 襄 蒙千 此婦人, 以 故 增 是 狄 羯 粤 爲 臣 北 E 獻 室。 益 以 之 羣 并 虜之勞」,「原 無 此 王 燕 民 載 戎取 舒 矣。 名 鎛 爲將 知 晉 魯 虜 僅 之 或 母 曰 時 胡 代 仲 妬 者,操右袂。』《 再 燕 之 呼 考工》之篇 匈 又「虜」者 爲 而 ,卑之則 其言, 」 連 見 無 自 奴 也 以 人 虜 下 别 攘 所 於 函 此 而槩北 奴 文 部 諸 注》 「原 經 謂 隸 人居 顧 始 胡。 秦 東 遂 也。 注 史記 爲 日 無 方 而 虜 之, 亦 云 謂 俘 猶之羯 虜 方 廬 朔 而 而 使 於 之 必 公羊 一此 後 獲 之 《答客 ^ 築 者 李 越 戚 其 諸 七 胡 因 考 之 種 斯 本 長 胡 夫 號 也 民 或 至 虜 傳 無 傳 T. 稱 胡 地 者 城 哀 人 也 \* 以 記 難 戎 名 故 歌 韓 公 以 時 後 車 猶 爲 ^ 嚴 漢 탷 曲 > 時 亦 羯 非 之 拒 所 所 爾 左 鲎

郭, 不 南 戾 高 死,虜其 察 北 太子罵江充爲 帝 朝以 也 世謂之虜 言「虜中吾指」, 民實居郭,因 後,其名遂以 城、言齊 一趙 」。 而 以名之」是矣。❶ 加之北翟②,亦習 湣 罵 婁敬 王 水 一伐 經 燕 注 爲 燕 齊 臨  $\pm$ 淄 虜」, 自 噲 而 外

言「草驢

#### 草 馬

得 父草 璞注 許 生白 馬。」《晉書 杜 善 波 畿 斯 馬 心 額駒。」《 傳 以牡爲 爾 草馬,放 Ŧi. 傳 **\***: 雅 百 **\***: 匹。 「駁馬」,牝爲「草馬」。 爲 涼 魏 賜 河 馬 書 武 人 東 屬,牡 草 海 吐 昭 • 太守,課 馬 因 谷 蠕 王 渾傳》: 傳 蠕 生驄駒 曰 + **\*** 傳 隲, × 匹。」〔原 家 民 牝 畜 吐 賜 有 曰 ^ 牸 隋 谷 騧 魏 311 騇 注 渾 草 牛 書 那 志 嘗 馬 草 瓌 郭 • 廣

此

語

以 韻 **\***: 牡 牝 爲 馬 見  $\exists$ 騲。」《 馬 顔 牝 氏家 爲 訓》有 騍 馬 云 騲 而 隲 唯 牝 今 Ĺ 驢 乃 則

# 草驢女猫

傳》: 牝 驢。」是北 傳 猫 爲「女 今人 猫女可 選 人 謂 齊 猫 魯 時 牝 來, 漫 已 驢 漢 有 爲 ^ 無住宫中。」 隋 在 草 此 元子 驢。 語 <sup>念</sup>北 思 Ш 外 東、 坊 是隋 戚 齊 • 河 騎 書 時 獨 北 秃 • 已 楊 孤 尾 人 有 陁 謂 草 愔

字。「是矣」下,據《校記》,鈔本有「後人以此罵外夷而」八

0

「以加之北翟」,據《校記》,鈔本作「專之於北狄」。

### 二二六

# 雌雄牝牡

焉 鶉 雄 郡 去之餘 文,不 迷 鳴 以 牡 周 書》「牝 蒸, 各 婁 離 音 一,詩 其 其 禮》 縣 旦 飛 狀 以 止 雄 雄 ° \_ | 皆 人家 疏 人 日 如 獲 雌 於 雞 羆 鶛 以 走 引《詩 以 雌 木蘭 烏 此 無 牝 在 其 以 爲 而 爲不 聞 五 雄 晨, 雄 痹。」 後 雄 雌 稱 地 詩 如《  $\cong$ 狐 采 0 倫 雌 走 **\*** 中 ^ 飛亦曰 雄 而 ^ 詩 左 之 雄  $\Box$ Ш 有 晉 焦 赤文,名 狐 \* 傳 刺 雄 者 莊子 犬子 牝 海 書 氏 綏 **\*** 兔 也 經 牝。 牡 易 • 綏 爾 腳 然 × 聲, **\*** Ŧī. 千 ^ 林 牧 撲 亦 日 今按經傳之 爾 行 掘 (朔,雌 高線, 來 走  $\forall$ 乘三去, 猨 有 雉 帶 雅 志 》: 之, 思 亦 不 猵 雄 鳴 Ш  $\Box$ : | | | 犬 狙 求 是 有 得 兔 以 者 雄 鳥 鷯 眼 雌 夜 「原 薪 其

亦 畢 注》 雄 哀駘 索 可 鄭,令其人有 也 子 雄 蟲 賜 稱 采 爲 雄 **注** 雄 口 隱 雷、 稱 其 之 牝 以 牝 亦 雌 容 人亦 稱 名 雌 他 乘 文 可 牡 牡 齋三筆 在 雌 歲 雌 雄, 穉 日 稱 者 司 龍 訾 是 虹 雷」之説。 雄 雄 蜂 可 雌 馬 也 | 引宋 ; 自 陽 ^ 且. 河、 ·, 王 在 雄 詩 稱 云 闇 H 喪 是 山 而 爲 閼 、《列子》「 龍 子 者  $\forall$ 雌 漢各二, 雄 雌 也。  $\pm$ 有 雌 牝 疏 雄 逢, 年《拾 干 亦 賦 爲 雄 在 雄 鳥 牡 雄 者 雄 可 支 雌 雌 , , 甲 介 虹 焉 合 ^ 黿 稱 管子 名 亦 風 蟲 在 雙 遺 乎 雌 雌 莊子》魯哀公之言 類 各 純 其 雌 可  $\Box$ 攝 亦 出 雌 記 前 在 狀 日 雌 有 雄 稱 象 提 》「楚人 口 雌 》「禹 蜺 子 風, 其 如 雌 , 色 雌 是 稱 蛇 格 者 )鮮盛 名大署, 雌 雄 雄 左 是 也 是 雌 及 鼈 鑄 雉 · 師 雄、 傳 則 也 月 也 攻 類 是 九 曠 者 雄 史 虹 飛 而 占 也 爲 莊 在 亦 是 純 帝 金 原 ൬ Ŧi. 有

牝

考工記》「

茅」,《

儀禮》

注

牡

荆,《本

本胡

法也

,熙寧中

牡

棒」、

牡

繭

牡

麻」,《

爾

箭,

如 注

古之

勘

也

原

亦

可

稱

牝 契

牡

勘

箭

官執

爲

雄

外箭

爲

雌

亦可

稱

雌

雄

雄

付

少府將

作

唐

六

典

**>** 

祖

紀》「

頒

木

魚

雌

黄」是

也

擇

雌

金

爲

陰

鼎

口

稱

雌

雄

續漢

雌箭,東 草》「牡 符契 罷之。」草木 牝 遼 監 其 宋 太 符 雄 牡 雅 服 史 一<del>,</del>雌 沈括 牡 上 皇 亦可 原 府 於 金 桂 蒲 郡 」、《正義》云「車 謂 注〕注 閤 帝 留 寺 總 之雄 爲 《筆談》: 儀 或 牡 是 門 行 稱 置 ^ 亦 太 陽 管 志 菣 衛 史記 謂 使 也 牡 幸 雌 鼎 府 木 可 鞠 箭 志》「木箭 執 則 雄 刺 「大駕鹵 之不 寺 契 稱 牝 夜 、《隋 是 雄 用 車 史, 牡 こ是也 九 牡 郎 謂 華 之, 箭 箱 也 封 籫 之闢 十 五 出 者 雌 簿中 書 亦 較 禪 周 是 還 雄 内 石 可 仗 • 《檀 宫 禮 也 隻, 有 黄、 牡 箭 高 即 稱 箭 箭 雄 亦 勘 也。 「凡鏁 稱牝 在 論  $\Box$ 稱 牡  $\exists$ 爲 是 用 棺蓋 牡 又向 今人 口 **»** 攝 牝 牝 , , 稱 也 漆」、《正義》「用 提格 牡 此 漢太初曆,十 牡,《 牡 牡 史記 0 亦 牡《漢書 謂 Ŧi. 下 於齒爲 藏, 藏 可 之平鬲 瓦 服 是 月 亦 亦 稱牝 雄 肺、 故 也 牡 可 可 在 畢 稱 稱

牝

牡

·,

靈

樞

經》

肝

心

脾

牝,《

廣

韻

影瓪

牝

瓦

是

漆者,塗合牝牡之中

也

自亡」、《月令》注 器入者謂 謂 牡, • 皆 之牝 之牡,受者 Ŧi. 有 行 鍵 禮 孔 服」是 志》「長安章城 記 牡 内 • 閉 較子 喪大記》 謂 也 牝 之牝 也一、《 於其 管 鑰 門, 君 是 IE. 中 亦 也 義 蓋 門 口 而

説文》「牙, 倉公傳》「 也。 腎 《九經字 爲一牝 牡 牡 樣 丛 藏」是 疝 》作 壯 是 是 齒 也 也 也 病 「原 齒牙 星 亦 亦 注 可 亦 口 稱

、《天文志》「太白 月甲 原 雌 注》《法 在 子 訾。 夜半 苑 -冬至。 日 在 珠 雄 南,歲 在 林 甲 歲 雄 雌 虞 在北 在 在 | 喜《天 閼 子。 逢, 名 文 雌 大

子 從一 于玄天」。 語》「凡陳之道,設 有典牝、典牡、上士、中士,以牝牡名官。 附録》「高麗王建 也。 中向 銅 亦可 但 食星變不經之説」,則近於誕矣。 志》有《孝經雌 二字也。 抵以十干爲歲陽,故謂之雄,十二支爲歲陰,故謂之雌。 陳,三日牝陳 [畢、訾爲月雌雄,不可曉。 ·墜形訓》「邱陵爲牡,谿谷爲牝」。 亦 辰,雄左行,雌右行」,而《隋書・經籍 若《淮南子》云「北斗之神有雌 赤 可 稱牝牡、左傳》「水、火之牡也」是也 《郎顗傳 時,有凸起者牡銅,凹陷者牝 稱 又「所謂地 牝 , 四 曰 牡、抱朴子》「灌銅當以 》引《易雌雄祕曆》,今亡此書。」五行 雄圖》三卷、《五代史・ 右 牡陳是也 利者,左牡 進《孝經雌圖》一卷,載 以 爲 牝,益 今之言陰陽者,未嘗用雌 而 左 右 牝。 以 又「牝土之氣, 「閻氏 爲 牡 「楊氏日 [原注]後周 日 雄,月 銅」是 ]考《國 四 在 淮 火 夷 南

日

知

録集釋卷三十二終

### H 知録之餘卷

山 顧炎武寧人氏述

崐

書

法

也。 下是 滋 以 帝 聲,江、河是 代 創 形 轉 ,則謂之字。 結 也 晉 夫指 注,老、考是也,六日 制造 衛 日 日 ; 繩, <u>一</u> 曰 恒《 事 滿 物 蓋 者,在 也 月 四 觀 有 象 虧,效 有六義焉: 體 四 鳥 沮 形,日、月 書勢・序 上爲上,在 日 跡 誦 會意,武、信是也 其 倉 以 形 興 頡 也。 假借,令、長是 是 思 一曰指 者,始:  $\stackrel{\cdot}{\gg}$ 日 也。 也 下 形聲者,以 : 爲 「昔在 作  $\equiv$ 因 事 書契, 下 而 日 ; 也。 五. 形 遂

經》, 言 言。 年, 淳,而淳不别。至正始中,立三字石經, 于邯鄲淳。 漢世 孔子宅、得《尚書》、《春秋》、《論語》、《孝 先典,而古文絶矣。 帝至三代,其文不改。 者,數言同字,其聲雖異,其 類 之,故竭 失淳法,因科斗之名,遂效 作,冀以存古人之象焉。 種,其一卷 籀始著大篆十五篇,或與古同, 爲 爲 汲縣 案敬 信 形 秘 時人已不復知有古文,謂 藏,希得見之。 也 人盜 配 愚思,以 侯 以 論 恒祖敬侯寫淳《尚書》,後以示 所 轉 聲 發 楚 書 注 也 魏襄王冢,得 事者, 費 ,猶有髣髴。 者, 其美,愧不足厠 漢武 會意. 以 魏 及秦 最 老爲考 者, 爲 初 帝 昔周 其 意一 工 傳 用 時,魯共 止戈爲 策 形。 古書亦 篆書 妙 宣 古文者 之科 或與 也。 也 書  $\pm$ + 太 前賢 恒 一時,史 古 武 斗 假 焚 É 有 康  $\pm$ 竊 餘 出 壞 燒 黄 之 數 元 轉 説 萬

篆書 三曰 鳥 即 異 者。 也 時 古文,孔氏壁中書也,二曰奇字,即 甄豐校文字部 書,七曰殳文,八 秦壞古 取 兼 政 世 爰歷篇》,太 者 李 書 隸 史籀 天 謂 也 漢 斯 爲 書 刻 斯 下 之 殊 文,有 涥 建 也 正, 符, · 號 大 籀 以 丞 或 初 ; 作 篆, 書 書 以 爲 相 異 日 四 Ŧi. 中 者 幡 爲 篆 或 史 八 蒼 李 E 曰 ,改定古文, **令** 而 信 也。 扶 篆 體 體 書,秦篆書 頗 頡 斯 繆 蟲 日 文 也。 風 諸 例 胡 篆, 省 篇 乃 隸 書 字 曹 及 奏益 毋 改 一, 五.  $\approx$ 書 Ш 最 日 乖 平 及 所 喜 敬 中 大篆 及 可 許 所 形 以 少 日 王 復有六書 之, 作 王 車 也 得 銅 謂 慎 摹 摹 異 東 乔 府 罷 博 而 撰 秦 小 印 印, 于 遷 時 四 ( 説 **令** 學 始 銘 論 篆 不 也 斯 日 六 篇 諸 皆 趙 古文 合 也 使 者 皇 小 佐 日 六 高 而 司  $\approx$ 秦 帝 侯 斯 用 署 亦 mi 徒 皆 作 曰 自 文 初 立

> 矜其能 篆。 字。 其 過 爲最 楷 事 漢 而 形,然精 書 稱 而 繁 醉 焚 觀 法。 善。 末又有蔡邕, 不 留 大,●大 其 者 隸 漢 多,篆 及 而 補 因 竊 書者,篆之捷 柎 以 至 也 邯 密開 侍 其 行之, 鄲 酒 或 靈 則 字難 中, 柎 售 時 淳 梁 帝 太 理 鵠 , 討 鵠 字 好 師 不 和 魏 獨符 不 采 成 焉, 書 乃 持 中 徑 卒 氏 錢 如 斯、 錢詣 益 丈, 以 足 也。 即 淳 寶 略 時 誕 印 爲 令隸 書 喜 而 器 也 究 多 爲 小 璽、 版 酒 0 至 滅 上谷王次 其 之 銘 能 武 則 家 而 選 之。 妙 法, 幡 題 人 者 秦既 都 方 飲 飲 部 0 信 佐 皆 寸千言, 太 之 爲古今雜 尚 每 而 韋 大 書 誕 守 用篆 酒 書 仲 題 書 師 誕 壁 書 6 日 始 署 輒 宜 以 師 也 宜 削 其 官 作 用 隸 能 淳

<sup>「</sup>理」,原作「禮」,據鄒刻本改

<sup>「</sup>官」,原作「修」,據鄒刻本改

**<sup>)</sup>** 「版」,原作「判」,據《晉書·衛恒傳》改

微瘦。 章帝時 于世。 官、鵠 爲楷則 者 于 書而 魏初 弟文舒者,次伯 田 至今猶寶其書,韋仲將謂之『草聖』。 張伯英者 崔寔,❷ 德升, 末,有左子邑,小與淳、鵠 淳得次仲 世 彦 與與 然殊不 和 後練之, 臨 有鍾、胡二家爲 伯 宜 崔氏 · 齊 及韋仲將之徒,皆伯英弟 ,號『忿忿不暇草書』,寸紙不見遺, 漢興而 亦皆 而鍾氏 英 爲 7, 因而 法,然鵠 大 並 相杜 甚 稱 一時,見到 字, 及文舒 得 有 Ι. 少 英。 池學書,池水盡 轉精甚巧,凡家之布帛必 度 筆 草書,不知作者姓名。至 、異,然 邯 0 號善作篇。 勢,而結字小疏 之 杜 鄲 稱于 又有姜孟穎、梁孔達、 也。 行書法,俱學之于 用 氏 淳 亦 殺字甚安,而 筆 宜 不同,然亦有名。 西 各 羅 盡 爲 州, 叔 有巧,今大行 其 小 景、趙 後有崔 黑,下筆必 而 勢矣。 字。 子, 矜 伯英 弘農 巧 元 有名 書體 鵠 瑗、 自 嗣 劉 漢 謂

> 足, 與,衆 然雖與崔氏同州,不如伯英之得 下方羅、趙 頗 惑之。 有餘』。 故 英 自 稱 河 間 \_ 上 張 比 超 其法也。」 崔、杜 亦 有名, 不

而已。」
罪免亦賜策,其異者,隸書,用尺一木兩行書,起年月,稱皇帝,以命諸侯王。三公其書,起年月,稱皇帝,以命諸侯王。三公其

## 隸書

體 時 史官教學 漢 蒼頡》七篇 書 童 藝文 書 者,秦丞相 也, 志 與 **4** 孔 氏 史籀 李斯 壁 中 篇》者, 所 古文異 作也。 周

<sup>)「</sup>寔」,原作「實」,據鄒刻本及《晉書)「于劉」,原作「劉于」,據鄒刻本改。

<sup>「</sup>土」、泉乍「中」、豦那別本及《晉書・衛恒「寔」、原作「實」、據鄒刻本及《晉書・衛恒

<sup>「</sup>杜」,原作「仲」,據鄒刻本改

<sup>] 「</sup>書」,原作「時」,據鄒刻本改

記字 字以 頡 昭 字,凡八十九章。 篇 者也 纂篇》,順續《蒼 至元始中,徵天下通小學者以百數,各令 皆《蒼頡》中正字 古 武 苟趨省易,施之于徒隸也。 學》七章者,太史令胡毋敬 師合《蒼頡》、《爰歷》、《博學》三書,斷 多取《史籀 》下篇三十四章中。」凡一百二章,❸無復字,六 E [歷》六章者,車府令趙高 「臣,班 于 「復,重也。」元帝時 爲 0 時,司馬 成帝 庭 是時始造隸書矣,起于官獄 一章,凡五 中。 固自謂也。 篇》,而篆體 時 相如 將 揚雄 頡 也 作 臣 ×, 作《凡將篇》,無復字。 十五章,並 」,❷《凡將》 大 作十三章,後人不别,疑在《蒼 取 復 又易 匠李 黄門令史游作《急就 續揚雄作十三篇,章 其有用者,以 復 《蒼頡》 長 頗 所作 漢興,間 作《元尚 異, 所作 爲《蒼 則 頗 所謂 中 也。 有 也 重 頡 作《 出 多 一復 里 文字 篇 篇 六 秦篆 矣。 事, ^ 訓 + 之 書 **%** 博 師

張

守節

《史記

正義

論

字

例

日

:

4

書。 失其 以 時,隸人下邳程邈所作。 並 從受之。 藝羣 奏事繁多,篆字難製,遂作此法,故曰 列焉。」庾肩吾《書品序》: 今時正 讀 書所 載略備矣。 傳 宣帝 書是也 至 外 時 孫之子杜 ,徵齊人能 《蒼頡》多古字, 始皇 林, IE. 隸 爲 見而重之。 讀者,張敞 體發 作 訓 源 俗 故 隸 秦 師

鍾、王等家以能爲法,致令楷文改變,非復 時改易, 程邈變篆爲 衛 宏 隸,楷則 石官 書 數 體 有 吕 常常 忱或 後代作文,隨 字 多 奇,

端。

0

皆」,原

倒

於下

句

」字下,

據

鄒

刻

本

Ż

IE

<sup>●「</sup>門」下,原衍「帝」字,據鄒刻本及《漢書·藝文志

<sup>「</sup>二」,原作「三」,據鄒刻本改。

字」,原脱,據《史記正義》補。

子 不 敬 復見貴。 正 南 隸 齊 法,●世共宗之,右軍 書 休始好此法,至今此體大行。」 • 劉 休 . 傳》: 元 嘉 之體微古 世 ,羊欣受

常 《晉史》,❷至《二王 覺功進。』」可見鍾、王之字即是 商 而 微 爲 隸式,始變子敬,全範元常。 法,言不盡意,遂不能 所貴,規摹子敬,多歷 世 ,猶子敬之不 變字體。 略筆勢,洞 楷法。 梁書 十許年來,始見敕旨《論書》一卷 · 蕭子雲傳》:「子雲善草隸書, 答敕云:『臣昔不能賞拔,隨 自云善效鍾 徹 及逸少。 字體 列 又 又 年 成,略指 傳 所。 》, 欲 元常、王逸 以逸少之不及元 練書 自 此 逮 年二十六,著 作 論 研 爾 論 飛 思,方悟 以 語草 白 來,自 少, 勢 隸 世 而

附 義 托 陽 王 許氏《説文》,而 後 典祠令任城吕 魏 書 江. 式 傳 按偶章句,隱别古籀 忱 **\***: 表 式 上《字林》六卷, 表云: 一晉世

奇惑之字,文得正隸,不差篆意也。

文字》,凡四十卷。大體依許氏《説文》爲又云:「式於是撰集字書,號曰《古今

本,上篆下隸

膀題皆是式書。」 年,又敕符節令江 書舍人沈含馨以 京 膀題,咸是鵠筆。 殿,魏太祖平荆州, 法,常仰繫帳中愛玩之,以 皇 題多是大篆,言是蔡邕 北韋誕 善師宜官八分體,求 水經注》:「昔 以 古篆 隸 書之。 南宫既建,明帝令侍中 式 書書之。 漢 在 以大篆易之,今諸桁 吏部 ]諸子。 以 漢 皇都 贖 世 爲 尚 死。 遷洛 景明、正 勝宜官、北 書 自 維陽、 安定 太 董 ··; 始 宫 衵 卓 並始之 梁 令中 焚宫 殿門 善 其 孟

● 「子」,原作「字」,據《南齊書·劉休傳》改。

「晉」下,原衍「書」字,據《梁書·蕭子雲傳》删。

皇見 于漢 此 善草知名,❷今之草書是也 之義,故曰草書。 隸 法 故 時,●解散隸 而重之,以奏事繁多,篆字難 劉 發源 勰《 曰隸書,今時 文 秦 心 時 雕 法,用 建初 隸人下 龍  $\Rightarrow$ 正書是也。 引 中, 以 邳 庾 赴急。 京兆 程 肩 吾《 邈 杜 本 所 書品 製,遂 操始 草 作。 因 草 勢 起 始 創 作 以

意

氣。」

在 似 書,書字楷正,云草不可不解,若施于人, 宜 相 輕易。 爾,是 北齊 書》:「趙 以 若與當家中 必 須 隸 仲將善草 筆 卑幼,又恐其疑所 書。」❸可 隸, 見不草 雖 與弟 即 是

也。 殊好 之中 藁 近 惟 僞 異 又云:「垂象表式,有模有楷。」則後人 晉成公綏《隸書體》云: 適之中 有隸 制 是 也。 八分難 庸,莫尚 又云: 别 「若乃八分、璽法、 于隸。」是則 體,亦 「蟲篆既繁,草 謂 篆、草 之隸

之名爲楷者,從此出矣。

書,先須引八分、章草入隸字中,發人王羲之《題衛夫人筆陣圖後》云:「夫

尾。」世 書,不始于王次仲矣。」 波,⑥亦是尾也。 變八分。此蔡希綜之説也。《莊子》: 去小篆二分取 曰 東漢上谷王次仲,以 人謂 宣和 右行曲波爲尾。❹「丁」、「子」二字, ❺ 書譜》: 楊慎曰: 八分,故謂之八分。 爲 曰去隸字八分取二分, 「觀此、則莊子之時已有 八分之説 隸 字 ,改爲 者 此蔡琰 「丁子有 多矣。 楷 左 八分 行

0

8 9

<sup>「</sup>勢」,原作「聖」,據《四庫全書》本《法書要録》改。

<sup>「</sup>草」,原作「書」,據《北齊書‧趙彦深傳》改「草」,原作「書」,據《北齊書‧趙彦深傳》改「草」,原作「書」,據《法書要録》改。

補。 ●「右行」,原脱,據《四庫全書》本《丹鉛總録》卷十二

<sup>「</sup>左」,原作「在」,據《丹鉛總録》卷十五改。「字」,原作「子」,據《丹鉛總録》卷十五改

四子 彦遠 謂 以 書矣。 故 所 安在 李 述父 IF. 在 型 今所存者,又皆唐字。 八分者何有 金石遺文之所 謂 不 書, 蓋 八 名之,●然則 潮、韓擇木、蔡有鄰,是皆唐之諸子。 唐 、分也。 俱唐 八分。 中 得不辨 哉 始 類 則 曰 貝冷該, 曰 然 隸 有 郎 古 人,則知今之八分出 之 而 邕 而 蓋 所 以以 今御 至 ? 自 耶 變 語 古 謂 席之所 載、特存篆、隸、行、草、所 唐 漢 ? 方 至 也 詔 之名 隸 府 則 以 廣 後 唐 書。 杜甫 所 于僧 猶 作 來, 世 前 ,則八分書始盛 稱 藏 謂 云。 有 波勢,不古不 世之善 則希 至 今所 與 作 八分者 八 隸 翰 今 ^ 于 分者,非古之所 書 八 謂 或 綜、蔡邕之論 唐 分歌 1書類: 于唐, 中别爲 釋靈 異,今所 千 四 隸 人,曰 書, 百 》**,**盛 能 明矣 該, 嚴, 其 載 八 則 言 間 張 分 古 謂 其 謂 而 稱 贵 典

《金石録》:「右東魏大覺寺碑陰,題銀

是舉 此 爲 青 者之惑。」 至 正,亦曰 體 肩 力 歐 光 碑 隸 書 吾 陽 論》 禄 主此論,余嘗出 世 日 毅 何 大夫臣韓毅隸 公《集古録》,誤 凡 自 者 正 亦云: 漢 隸書,今之正 題 書。」自唐以 爲 時 爲 石刻皆目 分,蓋 ❷『隸書者, 隸 書。 漢 書 自 故 前 碑數本問之,何 以 書 不 爲漢 蓋今楷字 聊 皆 八 也。」張 程 能 誌 謂 分 分也。 邈造字皆真 隸 之,以 爲 楷字爲 懷 隸 有 也 瓘《 書, 袪 大 覽 者 士: 來 自 庾

聖。」 隸 郭 忠恕 以 出 老學 此 隸 以 知 庵 爲 書 隸 小 筆 悖 書乃今真 篆 記 而 散 行 書 而 周 作 八 書 越《 分 行 生, 趙 書 明 八 苑》 狂 誠《 分 而 云 金 草 破 石 書 Щ 6

<sup>「</sup>至唐」,原作「唐至」,據鄒刻本改

<sup>「</sup>瓘」,原作「瑾」,據鄒刻本改。

<sup>「</sup>周」,原作「用」,據鄒刻本改。

之冠 録》謂 文 ※云: 杜 誤 以 鍾 八 隸。」《王羲之傳》: 分 爲 隸 自 歐 「尤善隸 陽 公始。 書 。」《千字 爲 古

誤,自 啓云 不 稱 家參之,則今之稱隸者,乃二八分書,古之 李篆字二分取八分,于是爲八分書。』以諸 顔、柳,八 筋、垂露、 逸少。』任 曰 **云:『蔡文姬言:** 當 後 隸 校書郎正字所掌字體 爲 者,真書、行書也。 有 歐 周 項 『論 小楷, 興 陽 氏 八 八分則 薤葉, 玠《五體 八嗣《千 草 家 分 以 -隸,逸 書 來 説》曰: 疑非 酌 始誤。 隸 也。 字 割程隸字八分取二分,割 乎篆、隸之間 則義、獻、鍾、庾、歐、 秦書。 序》云:『篆 ×: 少不及元常 黄公 故 杜 程 唐與國 藁 紹 少游 迴 蓋 有 鍾 可 日 不 父《辨 五. 隸。」 遂 者。』《書 則 ,子敬不 知先 初 疑 科斗、 按《 蕭 並 程 古文, 隸 角六 有 貌 無 子 虞、 苑 書 真 及 帖 此 玉 雲

> 信矣。」 書,典 用; 一大篆,皆不用; 四 籍 日 表 八分, 奏、 公私 石經、碑 三曰 文 小 疏 碣 篆 所 所 印 用。」 用; 璽 則 <u>Ŧ</u>i. 旗 程 日 幡 説 隸 所

邪? 何 往往謂之隸書,且 唐士人妄謂 進 分,唯銘刻之陰或用 與 等 、受禪 」《墨莊漫録 章子厚曰:「石金刻, 爲 古八分, 壇 爲 碑 隸書,乃今正書耳 皆 又 八 相 分之妙 隸字 將 尚 學焉。 以 也。 今 東漢魏晉皆用 者。 īE. 不知 許 書 近 昌 爲 彼 世 世 辨 何 將 俗 有 臣 等 以 亦 荒 勸 八

之科 矣。 言大篆出于 六 頡 義 本 魯恭 斗 焉 鳥跡 水經注》: 書 王 爲字, 自 周 得 蓋 秦 宣王之時,史籀創著 用 孔 用 取 「古文出于黄帝之世。 科 子 篆 其孳 書,焚 宅書,不 斗之名,遂 乳 燒 相 知 先 生, 效 有 典,古文 故文字 其 古文,謂 、形耳。 平王 絶 有 蒼

雲 嘗 隸 書 # 得 故 以 東 見 陽 之書 許 遷 孫 銅 用 改 一、文字 證 胡 青 增 氏 棺 隸 籀 字説 知隸自古出,非始于秦。」 州 損 起 前 人之省,謂之隸書; 書 公之棺」也。 者。 于 刺 謂 和 乖 秦代 史傅 專釋于篆,而不本古文。 之小 外 . 錯。 是知隸者,篆捷也 隱 弘仁説: ·纂,故 起 而篆字文繁,無會 秦之 爲 唯三字是古,餘 隸字,言『齊太公六 李 有大篆、小 臨 斯 或云 淄 及 胡 人發古塚 即 毋 孫 程 篆 敬 劇 言古 同今 暢 貌 之 于 又

羽 昶 之隸 華 云:『蔡邕八分入神,隸 漢時,分、隸已兼 亭 八 人上谷王 分碑 洪 言唐字者,則謂之分。 碑 适《隸釋》云:「今之言漢字者, 乃 在 昶 次 華陰。」今華 仲 分書也。 所作。」始皇時官務稍 有之。 又云:「 Ш 人 唐 所 妙。』又云 張 殆 存 懷 漢 不 八分者,秦 瓘 碑 知 凡 二、『張 書 在 則 多 四, 斷 秦 謂

> 蓋 亭碑爲漢人八分無疑矣。 落點星 横 其贊八 蒼》,隸法 召 得 戈兮氣 不至。 有自來,考古博雅之士更爲辨之。」 次仲文簡 分則 垂。」詳 雄 由 漢 逸 略 弦 日 和 心具 其 『龍騰 赴 而 帝 説 廣 急 時, 贊 而 速 隸 蓋 察 虎踞 之用 賈 八分 其 則 魴 唐人自稱八分 字  $\Box$ 兮勢非 甚 用 , 則 爲 『摧鋒 隸 喜 小 孫 字 篆之捷 一,交戟 根及華 遣 寫《三 劍折 使三

隸、 草、張芝九體 以 二王、歐、虞、顔、柳 草三體。 宋史 • 爲 選 篆以古文、大小二篆爲 法。」 舉 志》: ●「書學生,習 真行 爲法,草以 法,隸 章

曉 漢 隸 ,古今傳 好古者不 趙古則《學范》 習異 可 不 知 日 辭 也。 : 始 隸 隨 即 常名,使 漢 八 分,真 人 即

● 「志」下,原衍「表」字,據《宋史·選舉志》删

者,隸. 碑》 非篆即八分、未嘗用 也。 謂之八分。』又《書評》云: 文已訛,大小二篆生 書,以今時 書皆是也。 隸,❶尚 書者,只如古人之八分書。 立、書貴瘦硬方通 全變爲隸書,即今之正書,章草、行 華 分,非 也。 山碑》,皆今所謂隸 杜 沈 書之正 甫《李潮 存 有二分篆法,故謂之八 隸書也。」 中《補 書 後之人乃誤謂古八 書評》云: 者 爲正 小篆 筆 耳 神。』苦縣《老子》、《 談 ·, 其 書。 一八分。 》 日 : 隸書。」知漢魏 歌》曰: 『漢 書也。 餘 殊 『漢魏 行 一今世 魏 苦縣光和 不 謂初 書、 「陳 牌 杜 知 分分 牌 分書 牓 草 所 一俗謂 倉《 從篆 甫 書 牓 碑 碑 書 謂 詩 書、草 碑文, 石 文皆 朱 皆 爲 亦只 文 尚 ΙĒ 後 文 之 鼓 骨 乃 和 龜 隸 書 隸 變 隸

斗書。科斗書者,蒼頡觀三才之文,及意元吾丘衍《學古編‧辨字》:「一曰科

篆。 者。 篆。 籀文。 也。 爲 大篆是 多,難于用篆 之,損益古文,或 文象蝦蟆子,❸形如水 度爲之,乃字之祖,即 『八分小篆』也。 體勢,若漢 四日秦隸。 比籀文體十存 便于 小篆者,李斯省籀文之法,同 也。 籀文者,史 佐隸,故 史籀 ~; 因 識 篆 既有小篆,故 减 秦隸者,程 所作,故 同 籀 字 日 小篆爲 其 或異,加 隸 取 相 蟲 八,故曰 今之偏 書。 蒼 近 故 曰籀文。 頡 便用之法,故 非 之銛 日 即 形 邈 旁是 有 謂 科 是 小篆 意 以 此 籀文 半。 二日 秦權、秦 。 配 利 三 曰 文 天下 法之隸 也 鈎 牘 爲 謂 合爲 書 繁 之 不 大 小 書

溪筆

補

<sup>● 「</sup>初從」,原作「光」,據《四庫全書》本《夢
● 「初從」,原作「光」,據《四庫全書》本《夢

<sup>● 「</sup>畫」,原作「盡」,據民國重印明寶顏堂秘笈本《學」

體。 洪适云: ●『方勁古拙,斬 釘截鐵。」

未 秦 上刻字,人 分。 隸 有隸,且 則 八分者 易識,比 多不 疑 程 漢 漢 邈之説,故詳及之。五 知,亦謂之篆矣。 隸之未 隸 則 微 有 似 篆,若用篆 挑法者也。 或言

備

矣。」

書

秦

量

邕《石經》及漢人諸碑上字是也。 不分,故言其法。 六日漢隸。 漢隸者,蔡 此 體爲

筆

作

漢隸

字,即

得之矣。

八分與隸,人多

比

日

八

最後 寫法載前卷『十七舉』下,此不再敷。七曰 出、皆有挑 法,與秦隸 同 名其實異。

者,諸 識 侯書不同文,古形體各異。 款 識文者,諸侯本國之文也。 秦有小 古

款

篆,始一其法。近世學者取款識字爲用, 紙之上,齊楚不分,人亦莫 曉 其謬。

考其 分作外法,故末置之,不欲亂其源流,使可 先後耳。

妙 在 不 十七舉日 扁 挑 拔 : 平. 「隸 硬 書,人謂 如 折 刀 頭 宜 方 扁 是 殊 漢 不 隸 知

0 洪 适云」,原作「法之」,據《學古編》

二七五

今百

姓不足,而

御

府

多

作金

銀

雜

物,

將

奚

以爲?

今出

黄

金銀

物

百

五.

十種,千八百

## H 知録之餘卷一

山 顧 炎武亭林氏

崐

禁

燒

金

述

海

陵王

延

興元年八月乙卯,申

明織成、金

太祖輔政,上

表禁民間

不得以金銀爲箔。」

齊書》:

「大明、泰始

以

來,相不

承奢侈

餘斤,銷冶以

供軍

用

市,所以防 宋開寶四 民之奸弊也。 年詔: 西 [漢法, 如 聞 作僞 京城之内競 黄 金 棄

自 習其業,轉 今犯者,並 相 真 誑 (極典。) 耀 此 而 不 止,爲盜之萌。

#### 禁 銷 金銀箔

上 益下」,節 魏 齊 王 正始 以 制 元年, 度,不傷 詔 曰: 財,不害民。 「《易》稱 『損 方

> 之禁。 陳書》:「後主太建十四 年 四 月 庚子

澆 詔 薄 曰:『朕臨御區 蠲 省 繁 水費,奢 宇, 僭 撫育黔黎,方欲 乖 衆,❶ 實 宜 防 康 斷 濟

屬,及布帛幅尺短狹輕踈者 應 鏤 金銀 薄 及物庶化 立, 木 傷 人、綵花之 財 

尤成蠧患,並皆禁絶。』」

唐六典》有十四 . 種 金: 「 日 銷 金 白拍

<sup>0</sup> 乖衆」、《 陳 書 後 主本紀》作 「乖衷」。

物庶」、《 《陳書 後主本紀》作「庶物」。

金 金 金 曰 日 嵌 鏤 鍍 金, 金 金 日 日 日 裹 織 撚 金。 金 金  $\Box$ 曰 砑 戧 金 金 日 曰 卷 披 金 金 曰 曰 貼 泥

諸 婦 裝 自 得 不可 久, 所 中 採 誘  $\pm$ 金 今金 曾日 貼 用 至 祥 州 不 取,俟歲 之。』景 ,歲益數千 民 演歲不 符元 勝 得 什 難 寺 宋 間 數重 : 以 o 器 銀 觀 史・ 習 年,三司言: 祐 爲 土 箔 倘 有 採 下 俗 豐 首 線, 木 縱 中,登、 以 金 兩。 禁莫能 食貨志》: + 日 復 飾。 玩 消釋,實爲 金 多,則 貼 漸 故。 萬 仁宗命 箔 用之物,並 金、 侈 冶 兩 萊 飾 止 靡 背 然是 T. 「竊 焉。」《 饑 銷 尊 俾 所 本 像 金、 糜 獎 天 上 虚 惟 詔 用 趨 時 者 金 聖中,登、 勸 費。 弊 輿 請 泥 器 弛 Ш 末 海 以 官 棄 服 9 據 禁 金 澤之寶,所 金 者衆,不 内 飾 今約天下 吏。 志》:「大 斷, 一、蹙 禁, 于下民。 申 悉 承 服 送官。 非 金 器 平 聽 室 萊 司 線 者 E 宜. 民 相 採

> 以 外 線 明 貼 從 錯 八 珠 聽 知 年,詔 金、 金、 年, 之。 庭 撚 玉 末 温 自 月許 一,寢以 絲, 臣 州 和 齎 間 泥 詔 李 庶家,悉皆 七年,禁民 泥 金 金、 裝著 金、楞 申 内 以以 逸言: П 銀 成 . 禁鎔 庭 戭 易。 Ι. 俗 爲 自中 衣 金、 價,就 金 望嚴 塔像 金 服 \_ 爲 兩 間 卷 以 斷 背 宫 真 並 金、解 服 浙 飾 禁。 影 以 文 像 有高袤丈者。❸ 行禁絶,違者 不 僧求 銷 器 下 金、 思 前 得 金及鈸 ·, • 服 臣 院 金、剔 供 盤 丐金 以 民 養 换給。』從之。 金、織 金 又太常博士 物 舊 不 遮 金、 爲 銀、珠玉 應寺 有 得 郍 飾。 重 者 金 陷 銷 纈。 毁碎 論。」 金 金 觀 限 其

<sup>「</sup>工」,原作「上」,據《宋史·輿服志》改「至」,原作「互」,據《宋史·輿服志》改。

<sup>「</sup>袤」,原作「褒」,據《宋史·輿服志》改

<sup>「</sup>鈸」,原作「跋」,據《宋史・輿服志》改。

<sup>「</sup>宮」,原作「官」,據《宋史•輿服志》改。

七八

身之類 佛 不 憑 造 裝 坐。』《仁宗本紀》: 毁壞, 詣 像 數 功 。」合而觀之,古來用金之費可 德 經官 三司 用 自餘 應 金 收 金 司 箔 悉禁。 爲 買 陳 裝彩 狀 須 其 具 勘 康定元 物 明 殿 會 違者,犯人及工 降韶 位 ,指實開 金 真 銀 年,禁以 像 假 前已有者 果、花枝、 顯 奏,方給 合增 知 金 矣 丘 箔 修 皆 樂 更 剙 飾

成

貲。 者 爲 不 徙 箔 袴、 供 鄭 **令**。 口 也 西己 之外非 器 大中 懲 用、 西 奸。 轉 此 湖 · 澤 運 祥 文 嚴 法 志餘》:「金箔,銷金之尤者。 市千 使 符 軸 禁 似 乃 陳 間, 不 枚 定 可 堯 榱 可 轉 轉 題, 佐 杭 援 鬻 賣 言 州 引 多 乃 他 者 周 耐 二 今 用 州 减 承 奏 民 塗 0 造 澤 裕 書 間 行 者 事 情 私 首 于 敗 百 鍊 歲 等, 飾、 罰 今 縻 全. 金 異, Н 著 家 衣 爲 不 E

Ш 堂 考索》: 淳 熙 八 年,上 曰 朕

> 版 以 宰 每 耕 京尹 牛、禁 初 上, 銅 器 輒 及 示之。こ 金翠等事 刻之 記 事

黨臨 獄 安尹 元史 竄 漳 劉良貴誣李僭 州 • 葉李傳 \* 「賈 用 金 似 飾 道 怒李 齋 扁 鍛 嗾 其 鍊

斤。 孝 歟 箔 之侈縻, 黄 Ě ? 下, 皆 爲 金 賜  $\mathbb{H}$ 死 寶貨神變不 最 莽 陸 按 生亦二 多。 深《 藉 王莽 往 亦有 已 漢 《河汾 數 不 自 基 敗 可 倍 金 百 釋老之教 燕 時,省 富 四 復 斤 可 于 閒 + 有 者。 上下 知,復歸 録 萬 天 何 中  $\forall$ 漢世之多 斤。 下, 東 日 日 之 黄 坡 : 盛 制 古 金 Ш 見 至 · 而 世 應 尚 用 澤。 燕 後 間 有 寺 金 有  $\pm$ 世 糜 凡 六十 觀 之。 此 耶 劉 金 費 何 金 裝 梁 萬 作 飾 惟

以

<sup>0</sup> 枚\_, Ŧī 原 作 秋 據《四 庫 全書 本《 西 湖 遊 志

奸」,原重文,據《 西湖遊 覽志餘》 卷二五 删

萬斤。 者爲一匱,尚 匹,乃白之。」《王莽傳》: 所 府、中尚方處處各有數匱。」 發, 梁孝王死,藏 館陶 日 金 公主幸董偃,令中 滿百斤,❶錢滿 有六十匱。 府 餘黄金 「時省中黄 黄門、 百萬,帛 府 尚 有 日 鈎 四十 金萬斤 盾、 滿 董 藏 千 君 餘

# 禁造銅像

後,有 尚。 人 代,形像、塔寺,所在 舊寺頹弛,曾莫之修,而各務造新,以 敬浮末,不以精 尹 事 蕭摹之奏曰: 『佛化被于中 材竹 欲鑄 宋書・蠻夷傳》:「元嘉十二年,丹陽 不 爲 銅綵,糜損 銅像者 之防, 誠 7,悉詣 流 爲 無極,無關 Ŧ 遁 至,更以 數。 未 臺 息 自 自 聞。 奢 頃 國,已歷 神 請 競 以 祇 自 興 有累 來,情 爲 造 今 相 重。 塔 以 夸 四

> 院,悉没入官。』詔可。」 輒 依 寺、精舍,皆先詣在所二千石 造寺舍者,皆依 事列言 本 州, 須 不承 許 報 用韶 然 後 書律 通辭, 就 功 銅 宅林 其 郡 有 守

# 禁造銅器

《南史》:宋孝武帝孝建三年夏四月甲

子,初禁人車及酒肆器用銅。

禁鑄銅器。 大曆七年十二月壬子,❸

辰,禁賣劍銅器。天下有銅山,任人採取,《舊唐書·德宗紀》:貞元九年正月甲

- ●「千」,原作「十」,「辭」,原作「釋」,均據《·
  ●「斤」,原作「金」,據《漢書·東方朔傳》改。
- 傳》改。 傳》改。 「千」,原作「十」,「醉」,原作「釋」,均據《宋書・
- ③ 「建」,原作「述」,據鄒刻本改。

其 銅 官 買、除 鑄 鏡外,●不得鑄 造

憲宗紀》: 元和 元年二月甲 辰 以 錢

少 禁用 銅 器

擾 復 紫宸,謂宰臣日 人。 曰 : 文宗紀 但 此 禁 事 銅器 E × \_: \_ 人,不 斯得 開 幣 成三 輕 可 其要。」 錢 年 遽變其 重 六月癸 如 法, 何 ? Η. 法 楊 變 <u></u> 則 嗣 御

 $\vdash$ 

#### 禁 銅 不 過 嶺 南

嶺 南。」穆宗時,韓 唐 書 憲宗紀》: 愈奏狀,亦言禁錢不 元和 四 年,禁錢 不

使

軍

换

#### 禁 用 銅 錢

得

出

Ŧī.

嶺

调

實録 洪武二 十七年 八月,詔 禁用

> 意 便民。 民之意。 而 廣 至 銅 3鈔,不 及 民 江 一有以 虧 :『國家造鈔,令與 鈔 錢 埋 商 折 法 西 賈所 藏 錢 比 時 行 益 許更用 諸 棄毁 宜令有 年 百 兩 使,致令鈔 壞 處,大率皆然。 有 以 浙 不行。 六十文 者,罪之。」 銅 來, 之 銅 錢 司, 民 錢 民 悉送赴官 上乃 折 重 悉 心 銅 行 法 鈔 錢 使。 收 不 刁 錢 輕 論 其 行 詐 相 貫 由 户 鈔,多 限半 錢 兼 者 是 甚 乃 部 敢 歸 物 行 以 尚 有 失 月 行 官 使, 價 福 立 錢 書 私 内, 建、 折 湧 自 依 法 鈔 本 郁 使, 貴 行 凡 數 便 任 以 新 林

爲言 鈔 貫 既 折 通 正 統 銅 行, 請 十三 錢 出 愐 二十文。 榜 市 年 禁約 廛 五月庚寅,禁使 亦 仍 仍 監 令錦 以 察 銅錢 御 衣 史 交易, 衛 **蔡** 銅錢。 Ŧi. 愈 城 每 濟 兵 以 鈔 時

倍罰之。」上從其言。 馬司巡視,有以銅錢交易者,擒治其罪,十

# 禁斷新錢

子,斷新錢,專用古錢。 《宋書‧明帝紀》:泰始二年三月壬

滯

貨

間

用。 不行。 用 料 綖 大小稱此,謂之鵝眼錢。 鑄,由是錢貨亂 數,十 古錢。」 環錢,人水不 復禁民鑄,官署亦廢工,尋復並斷, 顔竣傳》: 太宗初,惟禁鵝眼、綖環,其餘皆 萬錢不盈 沉 取。 「景和元年,沈慶之啓通私 隨手 掬, 4米 一千錢長不盈三寸, 破碎。 劣于此者,謂之 一萬,商賈 市井 不 通 復 惟

# 禁 金 銀

,公私病之,故有是命。」 物貴賤,一以金 無以金銀交易。 《實録》:「 洪武三十年三月甲子,禁民 銀定價。 時 杭 州 諸 由 郡 是 商賈 鈔 法 不 阻 論

# 禁金銀塗

《宋書》:武帝永初二年正月丙寅,斷

金銀塗。

信損。凡用非軍國,宜悉停。可省細作並「百姓勞弊,徭賦尚繁,言念未乂,宜崇約」。

● 「十」,原作「不」,據《宋書·顔竣傳》改

尚 方 雕 文靡 巧 · 金 銀 塗 飾。

#### 禁 銅 釘

喪 用銅釘 宋 書》: 武 帝 永初二 年 正 月己卯, 禁

事

#### 禁 銷 錢 爲 佛像

朔 河 南尹 舊 唐 王 書 起 **\*** 敬 宗 盜 銷 寶 錢 曆 爲 元 佛 年 像者 + 月 庚 請 以 子

#### 禁 毁 錢 爲 銅

盜

鑄

錢論

亥 詔坑 宋 户 史 毁 • 錢 寧 宗 爲 銅 紀 者, 開 不 赦 禧 仍 年 籍 正 其 月辛 家。

巧

詐

並

生。

是

以

知

者

陷

愚,

勇

者

威

怯

荷

#### 禁 兵 器

著爲令。

安居則 勢必 諸 之道 衛 古者 以 上下其議 兵,短兵 輙伏辜, 挾 弓 侯 蕃 而 作 也。 得。 弩。 也。 力 施 漢 武 以 政 五 行 接則衆者勝。 免脱者衆,害寡 禁民 制 盜 帝 ,光禄大夫吾丘 + 陣。 兵, 臣 攻 猛 賊 時 愚 賊 强 非 潤 有 及 以 彍 不得挾 丞相公孫弘奏言: 侵 以 而 弩,百. 至 爲 害 弱,衆 備 相 周 禁 無 害, 非 室 民 利 弓弩,則 以 吏不 常, 而 衰 暴 壽 毋 以 衆 則 利 寡, 微 王 得 有 禁 莫 敢 吏 多 對曰:「臣 事 挾弓弩便。」 暴 犯 捕 前 海 盜 此 則 法 討 寡 内 無 賊 盜 盜 民 以 明王 邪 賊 抏 設守 刑 執 賊 賊 不 也 聞 得 錯 其 所 不 短

射 代 以 起白 平,舉 兵,折 王 執 弓 然 防 滿 犯 去仁 廢 以 以 之道 夫 射 舉之,明示 矢之過 而 Ш 法  $\pm$ 相 得 知 既 乎?』大射之禮,自天子降及庶人,三 屋,裂 射 . 恩 盜 滋衆,盗 道 賊 勝 卒 俊材,興 其 鋒 同 立 以 也 賊 爲 而任 害之具 不 以 刃 獻 也。 明 猶 務 足 地 私 亂 教 不不 《詩》曰 有者,郡國二千石 爾 有 其 刑 恃也。 賊 而 議 Ļ 矣, 、學宫,三公有 不 禮》曰 戮, 事 發 不 後 顧 ,滅《詩》、《 封,宇内日 可 未 也 勝,至 功」,言貴 義 民 故 『大侯既抗 墮名城 勝數 聞弓 理 以 『男子生,桑弧 今陛下 聖 孔子曰: 耰 于 王 0 矢之爲禁 赭 鉏 務 于 化 故 書》 中 殺豪 司 昭 箠 衣 是 機 教 弓 也 之罪 方 或 明 挺 『吾何執? 塞 而 秦 變 化 矢斯張。 外 德, 傑, 由 路 相 首 兼 械 而 也 愚 蓬 ··, 非 鄉 窮 撻 法 天 飾 羣 銷 聞 建太 省 矢 巷, 風。 **F** 聖 挾 且. 盜 甲 所 禁

> 弘 得 備 爲 也 罪 所 習 無 死 謂 而 弘詘 然 臣恐邪 禁者 行 益 抵 其 法禁,是擅 于 服 侕 , Ø 禮, 禁奸,而 焉 不 人挾之而 爲 止 大 盜 者, 不 賊 賊 便。」 廢 大 之 威 先 吏不能禁, 奸 以 而 王之典 書奏上 之 奪 攻 于 民救 奪 重 也 以 使 誅 0 良 也 難 學 民 攻 古 派 者 奪 竊 以 不 相 不 以 自 避 之

器 禁之,豈 拜 吴都賦》云: 黄 惟 門 舊 忠 侍 無驚 唐 티 : 郎。 書 擾 家 • 夫 時 耶 鄭 爲 有 議 ?』遂寢。」 惟 政 鶴膝,户 請 忠 不不 禁嶺 傳 **×** 可 南 有 革 中宗 首 犀 其 領 渠。」如 俗 即 家 習, 位 畜 或 且. 兵 擢

間 私 藏 兀 軍 世 祖 中 統  $\equiv$ 年三月, 諭 諸 路 禁 民

- 「顧」,原作「願」,據鄒刻本改。
- ❷ 「且所」,原作「所且」,據鄒刻本改

四年二月,詔私造軍器者處死。 民間

所有,不輸官者,與私造同

至元元年二月,弛邊城軍器之禁。 七月戊戌,詔弛河南沿邊軍器之禁。

隋文帝開皇十五年二月丙辰,收天下

兵器。 在其例。 敢有 禁河以東無得乘馬。 私 造者,坐之。關中緣邊,不

叉、搭鈎、鑽刃之類,皆禁絶之。 煬帝大業五年正月己丑制: 民 間鐵

諸軍,除木槍、弓弩矢外,不得畜他兵器。• 宋太宗淳化二年閏二月丁亥,詔 内外

徙西海。

定罪。 五年三月,禁民閒兵器,犯者驗多寡

持鈇尺、手撾及杖之藏刃者,悉輸于官。 十一年八月甲寅,弛河南 二十三年二月己亥,勑中外,凡漢人 軍器之禁。

二十七年五月,江西省言:「吉、贛、湖

内 南、廣東、福建以禁兵弓矢,賊益發,乞依 郡例,許尉兵持弓矢。」從之。

三十年二月,申 嚴江南兵器之禁。❷

人執弓矢、兵杖。 武宗至大二年十二月辛酉,❸申嚴 漢

仁宗至大四年十二月庚寅,₫

人持弓矢、兵器田獵。 中禁漢

器 出獵及習武藝。 英宗至治二年正月甲戌,禁漢人執兵

王莽始建國二年,禁民不得挾弩鎧

楊氏 據 淮 南, 禁民 私 畜兵器, 盜 賊益

0

武

紀》補改。

外不」,原作「不外」,據鄒刻 本改。

事,非宋太宗淳化間事。 自「五年三月」至「三十年二月」,皆元世祖至 元年間

<sup>0</sup> 0 「二」,原作「一」,據《元史・武宗紀》改 「大」,原爲空格, 「一」,原作「二」,皆據《元史・

繁。 兵,使之習戰,自衛鄉里。」從之。 干戈,是欲偃 分争,宜教民戰,且 御史臺主簿 武 而 京 反 善 兆 招 人畏法禁,而 盧 樞 盜 也。 上言:「今四 宜 專 姦 結結 民 民 弄 方

元順帝至元二年十一月辛未,禁彈帥司請禁契丹、奚、漢人挾兵器。詔勿禁。金太宗天會三年十一月辛卯,南路軍

麗人不得執持軍器,凡有馬者俱入官。 至元三年四月癸酉,禁漢人、南人、高

弓、弩箭、袖箭

仍令乘馬。戊子,漢人鎮遏生蕃處,亦開八月癸未,弛高麗人執持軍器之禁,

五年四月己酉,申漢人、南人、高麗人

來

往。

軍器之禁。

不

得

執軍器、弓矢之禁。

景泰二年八月辛巳,禁廣東、福建、浙六年五月癸丑,禁民間藏軍器。

者 江 知情者亦連坐之。 ,全家充軍。 等處軍民之家 造者 不 本 得 身 私 與 藏 丘 兵 俱 器 論 若 死 不 其 首

#### 禁 錫

上言,禁餳一月,息米近萬斛。」 《宋書·顔竣傳》: ●「時歲旱民飢,

竣

# 禁車牛入都

李延祚奏請止絕車牛,不許于天津橋後唐明宗長興元年正月,❷宗正少卿

■「竣」,原作「峻」,據《宋書·顏竣傳》改。下一「竣」字

❷ 「唐」,原作「周」,據鄒刻本改

同。

開 路往來。 天津橋車牛往來: 兩旁之路, 末帝 清泰二年, 士庶往 中道 御 史中 來; 兩 頭 其 丞盧損 下 車 關, 牛 並 請 駕 浮 出 止 橋 即 絶

數 蓬 勃。」 人, 時水罐 清波雜志》云:「 子 旋 灑 舊説 路 過 汴 車 都 以 細 免 車 埃 前 壒 列

# 禁 牝 馬

魏世宗正始四年十一月丁未,禁河南

畜牝馬。

景時,間里有馬,千百爲羣,民有即國家之有。聞民間馬價騰貴,蓋民不得私畜故也。漢文水樂元年七月丙戌,上諭兵部臣曰:「比

曰:「三五年後,庶幾馬漸蕃息。」 其榜諭天下,聽軍民皆畜馬,官府不得禁。」又

## 禁 馬

品、一 月戊 品二匹,六品以下皆一匹。 其二,漢民悉入官。 一品官許乘五 申,括諸 《元史・世 二十六年十二月辛巳,括天下馬, 路 祖紀 馬,凡色目人有馬 匹,三品 敢  $\forall$ 匿 與 至 三匹, 互市者罪之。 元二十 Щ 者三取 三年六 品、五

# 禁 大 船

隋文帝開皇十八年正月辛丑,詔曰:

●「汴」,原作「沛」,據《四庫全書》本《清波雜志》卷二

改。

船 吴越之人, 因 相聚結,致 往 承 有侵害。 弊 俗 ··, 所 在 江 之處 南 諸 州 私 造 民 間 大

# 禁畜鷹鷂

有船長三丈以

上,悉括入官。」

魏高祖延興五年四月,詔禁畜鷹鷂,

開相告之制。

私禁取鷹鷂。 北齊文宣帝天保八年四月乙酉,詔公

# 禁絹扇

絹扇及樗蒲。 《晉書》:安帝義熙元年五月癸未

禁

### 禁 番

香

者,限 展其誠。 上香之説,上古本無,降神之禮 或爲末,或各用,以此 香、蒼朮香、蒿桃香水之類,或合成爲香, 燒之香,止用 各遵守施行。 外,今將聖旨事意備榜條 存留販賣者、處 番貨、番 去 誘 爲 引 禁約 教首人知道,不問官員軍 蠻 三個 廣 事。 夷爲盜,有傷 香 東 近代凡有禱祈, 等 月 通 奉聖旨 物,不 我國 銷 志 須至榜者: **\***: 盡。 以 松香、柏香、楓 重罪。 建 許 沿 良民。 文三 爲 存 個 香,以 海 留 陳,前去張 事主 月外, 一,祈神拜 年 欽此。」除 軍 販 民之家, 阚 + 民 賣。 表 禮 昇壇 · 焚蕭 私 敢 誠 香、黄 部 月 自 其 有 敬 掛 出 下 復 動 艾 佛 仍 見 但 · 番 榜 以 蓋 蓮 輒 所 仰 奏 前 有 係 部

彤《 議 爲 紀 降 並 販 結 粗 不 者 雖 降 和 只 辟 然 聞 賣 柴 真 許 ·-, 夾 醴 無其文。』《隋志》曰 香 係 神 成 我 穢 香 Ŧi. 鬱鬯蕭 (茄藍· 並 香、 將帶 存 兩 禱 料 中 氣 在 禮 日 帶 留 廣 祈 或 前 而 安息香、烏香、甘 有 書 精義》云: 番 精 取 木香、沉 過 士. 諸 用 己, 名,不 光,所 見 香貨 緻 蕭 産,其 領, 飶 爲 藥 有 有 爲 祭 其 何 中 何 違者 何 脂。日 賣 之,其名 者 書番 香 有 必 ? 以 香、 無 不 0 許 馨 取 達 恐人 籍 可 「梁 今後  $\equiv$ 祭 香 乳 神。 香之氣者多,設 外 體治 古 ? 頑 其 個 「, 軍 香、 祀  $\Box$ 番之香 麻 身 所 民 香 11 月 天 用 與 某香某 多有 謂 民 然 速 垢 罪 , 茶 監 始 許 其 銷 香 之家 香、 香、 者 穢 升 本 盡 用 初 以 今古之禮 如 假 袁 光 處 香 羅 香 ,「爲酒 何 此 並 此 馬 爲 香  $\sim$ 「其議 檀 香 斛 燒 佟之 木 不 爲 牙 以 使 香 不 香 香 用 牛 名 韋 學 許 香 供 合 调 ?

> 賣。 貨,因 香  $\equiv$ 貢, 楓 番 敢 多 民 香 個 香、番: 木 有 詐 間 也 月銷 蓋 私 絶 用番香、 而緣海之人 桃 誘 聽 實録》: 慮 下 攷之殊 其往 貨 彼 香 蠻 盡 諸 其 皆 諸 夷 土 雜 番 洪 番 人 香 不 爲 來 市 民 無 以 唯 自 許 市。 貨。 往 武 番 間 互. 依 違 行 香 販 據 禱 <u>一</u> 十 市 往 者 琉 先是 故故 霧。 檢 命 祀 者 有 罪 開 球 用, 禮 七 私 並 之。 止用 必 元 i, L 其 部 真 年 及之。 下 亦 真 見 臘、 開 申 :諸 正 其 不 以 松香、柏 之重法。 有 寶 嚴 月 番 許 暹 兩 海 者,限 禮 禁絶之。 甲 貿易 越 廣 羅 外 不 寅, 嶺 所 諸 許 用 凡 香 貨 産 以 夷 禁

香不得出境。❸

永

樂

+

四

年

+

月,禁交趾

安

息

諸

紀

改

<sup>0</sup> 0 球 彤 原 原 作 作 彫 璃 據 據 鄒 四 刻 庫 本改 困 學.

**<sup>〕</sup>**「境」,原作「竟」,據鄒刻本改。

#### 賣 寶 石

而 獸之類,皆喪德喪志之具。今後囘囘諸 而没之。 人等,●不許齎寶入賣,以虚 爲寶,凡子女、玉帛、羽毛、齒革、珍 或 用有蓄積矣。」 元 史 如此 • 脱 則富 歡傳 商大賈 **\*** 上 無 疏 或 所 言 用。 施 其 或 違者罪 (奸僞, 禽、 以 色 善 奇

#### 禁 瓷 器

違者,正犯處死,全家謫戍 白 察院出榜,禁江 地 瓷器 實録》: 于各 正統三年十二月丙寅,命都 處貨 西 瓷器窑場燒造官樣青花 賣 及 饋 П 外。 送官員之家。

十二年九月戊戌,禁約兩京及江 西、

日

知録之餘卷

賣與 店 河 軍 南 外夷使臣。 民客商 湖 廣、 人等,不許私將白 甘 肅、 大同 遼 東 沿 地 途 青 花 驛 瓷 遞

器

鎮

紅緑 告者連坐。 死,❷藉其家資,丁男充軍邊衛。 諭 其 青藍· 處, 十二月甲戌,禁江 有敢 白地 仍冒前禁者, 青花等瓷器 西 饒 州 首 命 府 犯 都 私 知 凌 而 察 造 不以 遲處 院 黄 紫 榜

#### 禁 茶

農民尤甚,市井茶肆 飲食之餘,非必用之物。 《金史》: 泰和 Ŧi. 相屬。 年,尚 比歲上下競吸, 商旅多以絲絹 書省奏:「茶,

- 0 後, 原作「 據《元史・ 脱歡傳》改
- 遲」原脱,據鄉刻本補。

饋獻 七品 無用之物也。 以 歲 不應留者,●以觔兩定罪賞。 上官,其家方許食茶, 費不 下百 若不禁,恐耗 萬, 是 以 有用、 財 仍 彌 不 之物 甚。」 得 賣 遂 而 及 命 易

밆 盜 罷。 日 也。 世 並 中 而 而 食之急, 邊 禁之。 資 妄費民 食 以 賊 不 可一 敵 (茶率二十袋,袋值銀二兩, 兵興 泰和 上官,素蓄者存之,禁不得 民 元 入境。❺ 或 光二年,❷省臣奏:「金幣、錢穀,❸ 又窺 日 乎? 間 財三十餘萬 以 而 犯 利, 常禁止之。 缺 來,復舉行之,然犯 自 者 今河南、陝西 者也。 昔商賈以 徒 越境私易,恐因 乃朝親 <u>Ті.</u> 年, 茶本出 也,奈何以 王, 後 金 告 以 凡五 帛易之,是徒 者 公主、現 宋人求和,乃 于宋地, 者不 賣 賞 泄 + 是一 有 (饋,餘 餘 軍 寶 用 ·情,或 少 郡 歲之 錢 之貨 任 非 衰, 郡 耗 Ŧi. 飲

#### 禁酒

教之。 之迪諸 人 勿佚 (弗恤) 周 盡 弗 有斯明享,乃不 臣 執 書 蠲 白 拘 • 乃事  $\perp$ 酒 以 乃 誥 歸 時 **>** 湎 於 同 于 周 于 用 厥 酒 殺。 子 或 我教辭。 勿庸殺 其 告 殺  $\exists$ 羣飲, 之, 惟 又 惟 我 姑 惟 汝 殷

景帝中元三年,夏旱,禁酤酒。

宣帝時,復禁民酤。 後元年夏,令民得酤酒。

漢興,有酤酒之禁。其律:「三人以上

「幣」,原作「弊」,據鄒刻本改。「元光」,原作「弊」,據《金史・食貨志》改「留」,原作「苗」,據《金史・食貨志》改。

「賊」,原作「賦」,據鄒刻本改。「飲」,原作「餘」,據《金史・食貨志》改

「朝」、《金史・食貨志》作「制」。

萬

貫

無故羣 一飲,罰 金四 兩

徐、 後 四州,比年雨多傷稼,禁酤 漢 和 帝永元十六年三月、詔兖、豫、

順帝漢安二年十月丙午,禁酤 酒

穀。❶ 裁定。」 則爲國 縣,當爲饑 雲漢作旱, 桓 大陽虧光,饑饉 寶。② 帝永興三年九 餒 Ш 者儲,天下一家,趣不糜 靈 其禁郡 湧 水,蝗 月詔 或 荐臻。其不被害郡 不得賣酒, 蟲遺蔓,殘 曰:「朝政失 我 祠 爛, 中, 祀 百

酒。 《孔融傳》曰: 獻帝建安中,年 「融頻書争之,多侮慢之辭。」 饑兵興, 曹公表制禁

蜀先主時,以天旱禁酒,釀者有刑。 晉孝武帝太元八年十二月庚午,以寇

安帝隆安五年,以歲饑禁酒。 義熙三年二月己丑,大赦,除酒禁。

難

初平,❸開酒禁。

問, 大半。 困,❺遂修飾賂遺,⑥依憑權右,所屬 此 急人,雖令不從,弗躬弗親,庶民弗信。 臨 釀,油囊懷酒,●民之好此,可謂篤 官司 醉者相殺,牧伯因 民 而禁,禁安得止哉? 無 者,雖設其法,而 搜索,收執 抱朴子》曰:「 力者獨止, 防之彌峻,犯者至多,至乃穴地 榜 偂 此 狗 曩者既年荒 有 輒 者相 不 勢者 有酒 能 沽賣之家 廢業 屬,制 自斷 禁,嚴令重 擅 市 斯 穀貴,民有 鞭 物,緩 張 吏不 矣。 而 鑪 死者 專 敢 則 己 又 以 而

0

均

據道藏本《抱朴

穀」,原作「國」,據《後漢書・ 桓帝紀》改。

寶」,原作「實」,據《後漢書 桓帝紀》改。

初」,原作「勑」,據《晉書·孝武帝紀》改

沽」,原作「治」; 懷」,原作「壞」,據鄒刻本改。 「困」,原作「因」,

飾」原作 歸 據《抱朴子》改

輕利重,安能免乎哉!」利,●乃更倍售,從其酤賣,公行靡憚。 法

前趙劉曜、命民季秋農功畢、乃聽

飲酒。

年, 啃 簿沈亮以 月 是 重制 斷 無 韶從之。 後趙石勒,以民始復業,資儲 酒 復 禁釀,郊祀宗廟皆用醴酒。 釀 爲酒 時 者。 揚 糜穀,而 州 宋太 諸 郡 祖 大水, 不足療 元嘉 揚 十 二 飢 州 未豐,于 年 行之數 請 西 夏 權 曹 禁 主

州之浙江西,❷並禁酒。 二十一年正月己亥,南徐、南豫州、揚

二十二年九月乙未,開酒禁。

早成 災 南 齊武帝 ,穀稼傷弊,京 永 明 + 師 年五 縣 月,詔 諸 方、 日 姑熟, : 小水

魏文成帝太安四年正月丙午,始設酒

口

權

斷

酒

禁,釀 民 多因 酤 酒 飲者皆 酗 訟,或議國 斬 之。 政 是 公,故 時 年 切禁之。 穀 屢 登, 士:

目。 獻文即位,開酒禁,吉凶賓親,各有

程

給之酒 式 百九 九斗, 蘖榖六千九百六十斛, 八供營。 十九斤。 IE. 計一 光後,國用 遠蕃客使,不在限 歲所省米五萬三千五 其 四 不足,有司 時 郊 廟, 斷 百 麵 奏 神 斷 三十萬 羣 + 百 祀, 几 官 依 Ŧi. 斛 常

酤酒。元象元年四月,開酒禁。東魏孝静帝天平四年閏九月,禁京師

後主天統五年十月壬戌,詔禁造酒。

<sup>●「</sup>鑪」,原作「爐」,據鄒刻本改。

② 「江」,原重文,據《宋書·文帝紀》删。

識

廉

耻

武 平. 六 年 閏 八月辛 ·已,開 酒

後周 武 帝 保定二年二月癸丑,以 久不

雨

京城三十里内禁酒

宜。 騁嗜 衍。 數不登 肴羞麴 用 ,表節制于歡娱, 芻豢之滋 奔慾。 關内諸州 然而沉湎之輩,絕業亡資,惰 唐高祖武德二年閏 市市 葉, 肆 重 方今烽 騰 增 官民,俱斷屠酤。」 貴。 其 費。 燧尚警,兵革未寧,年 趨末者衆,浮冗尚 救弊之術 月韶 致肥 ,要在權 窳之民 酒 甘 于豐 醪 多, 之

州 先 此。 朋 稔 間 縣 録 遊 《鄉 自非 官 無 里無 通 時 長,親 度, 典》: 飲 澄 事。 知敬讓。」 酒 酣 源 禮 率 宴是耽,危身敗 唐貞觀六年詔曰:「比 正 乃有墮業之人,不 長 本,何 幼, 卷,頒 依禮 以革兹弊俗 行 行之。 天 下。 德,咸 顧家 庶 ? 每 乎 由 年 年 産 可 于 曹 **令** 

> 高宗 咸 亨 元 年 七 月 庚 戌, 以 粟 麥貴

斷 酤 酒

玄宗先天二年十一 月**,** 以 歲饑,禁京

城 酤 酒

常式。」 費 城 比 之本,期于節 ()有損 聞 内 京城之中, 肅宗乾元元年三月辛卯 酤 或 酒 儲,遊 即 用。今農功在 宜 禁 惰 酒價尤貴。 之徒,益 斷。 麥 熟 務, 資 但 詔 之 廢 廪食未優 以  $\Box$ 業。 後 [: 「爲: 曲 任 其京 蘖之 依 政

及晏蕃客外,一 二年十月,禁酤 切禁斷 酒。 除光禄供進祭祀

代宗寶應二 年三月,以 泰 、陵、乾 陵 發

引, 詔禁酤 酒

廣 德二年十二月,韶 天下 -州縣 各量定

0 兹弊」,原作「弊兹」,據鄒刻本改。

私,●一切禁止。 酤酒户,隨月納税。除此之外,不問官

有婚祭者,司給文始聽。 遼興宗時,禁職官不得擅造酒糜穀。

死。 禁酒 金熙宗天會十三年正 或 海 入使燕飲者罪 陵 Œ 隆 Ŧi. 年,禁朝官 月 甲 戌,詔: 飲 酒 犯 公私 者

以 武 近 軍 屬 節 六 故 年,判大宗正徒單貞、益 度 ,杖貞 使爽、金吾衛 七十,餘皆杖 上將 百 軍 71 都 尹 速 京、安 飲

月,亦不許痛飲。 飲燕,不 日 民,今後不許殺生祈祭。 許得飲 世宗大定十四年, 許 會。 赴 會 自二月 他 犯者抵罪 所, 恐 至 詔:「猛 若遇節 妨 八 農 月 終, 功 安謀 辰 ° 並 及 祭天 克之 雖 禁 絶 閒

祭祀、婚嫁、節辰,許自造。十八年三月乙巳,命戍邊女直人,遇

及承應人毋得飲酒。 二十九年十二月戊戌,禁宫中上直官

城,其 麯。 粟麥歲爲酒所耗者十常二三,宜禁 言 「自漢武帝用桑弘羊,始立 自京 縣鎮 金史 師 鄉村 • 及 梁 州 權 肅傳 郡 行停 官 × 務 止。」不報 ,仍舊 肅 爲 大 不得 榷 興 酤 尹 酤 天 販 下 上 民 出 酒 間 疏

哀宗天興二年九月,禁公私釀酒。

道,惟 況自 耶 不貲,宜一 澤 律 未降,遺 周漢 鑄、 在節 元世祖至元十三年,以冬無 姚 以 切禁止。」從之。 用。 樞 使 來 問 、王磐、寶 賞 糜穀之多,無 便民之事 有 明禁,祈 默 于 等 翰 賽 踰 日 ]: [足 神 醪 林 社 或 雨 醴 雪,春 史院。 麯蘖 食之 亦

❷ 「恐」,原作「怒」,據鄒刻本改。 ● 「私」,原作「司」,據《册府元龜》卷五○四改

Ŧī. 月癸巳,申 嚴大都酒 禁。 犯 者籍 其

家貲,散之貧民。

禁。 民之衰疾飲藥者,官爲 十五年四月,以時 雨 露霑足,稍弛酒 醖 釀,量給之。

一月甲午,開酒禁。

十八年三月,禁甘肅瓜、沙等州酒

十九年十月,禁大都及山 一十年四 月, 申嚴 酒 . 禁。 北州 有 私 郡 造 酒 者,

財産、女子没入官,犯人配役。

九月辛未,以歲登,開諸路酒禁。

一十二年正月,詔禁私 酒。

十四年九月, 以 西 凉 平. 灤 路 飢,

禁酒。

一十七年 七月丙午,禁平弛、忙安倉

西襄 酒,犯者死

九月戊申,弛酒 禁。

一十八年三月,嚴酒禁。

增課: 7,增舊 官鈔五萬錠,立 酒 鈔 聽自造、米一石官取 至元二十二 十倍。 貫爲 Ŧi. 至是,罷権 貫。 年 榷酤法,米一石取鈔十 九月,罷 鈔 酤,聽民自造, 榷 貫。 酤 盧 初, 世 榮 民

以

貫

間

無得 有常 故兹詔 旱,朝議上陳,宜禁市 來奏,實爲腆民。 穀者莫甚 數。 醖 至元十四年五月詔曰:「漢賜大酺,歲 造 示,想宜 周申文誥,飲有 于斯,崇飲者刑 酒 醴,俾暴殄天物, 知悉。」 可自今年某月日 , 酤, 以 戒 則 無彝。 豐民食。 無 赦 重 傷 近 況 、民間 時 朕詳 糜 緣 和 春 有

成宗大德五年十月丙戌,以歲飢,禁

老需 釀 酒。 + 酒之人有豫市而儲之者,其無 月,詔

諭

中

書:

近近

因

禁

酒

聞

年

釀

具者

勿問。」

一二九六

民 釀 酒。 七 年 九年 十 Ė 月 月壬 Z 西, 申, 弛大都 弛 京 師 酒 酒 課, 禁。 許 貧

河 郡 歲 南、益都亦宜禁之。」制 武宗大德 以 酒 糜 米麥二十 + 年,中 八 書 可 萬 省 石, 言 禁之便。 坑杭 州一

同。」注云: 有壬《宿樂河望白海行宫詩》云: 至大二年二月甲戌,弛中 十月辛酉,弛酒禁,立酒 時有旨特放 灤河 酒 禁。」 聖恩疎 課 都 酒令 提 酒 舉 禁。 暫 司 得 醉 歌 許

#### 禁種 糯

弗 酒。 而 予自創業江左,十有二年,德薄 吾 勝 任 丙午 民 太祖 效 順 但 年二月,下令禁種 實 樂 以 録 軍 **\*** 于 國之費,不免科 輸 戊戌年 賦 古 十二 爲 糯 可 月,下 喜。 才菲 其 征 略 于 (1) 惺 然竭 令禁 民,

> 今春 焉。 庶 農民今歲 不 Ŧī. 曩 力 幾養 穀 塞 以 畎 豐 故 其 米 民 畝 民 積 間 凡 源 麥 所 之實 有 無 造 而 價 耐 出 價 得 酒 益 稍平 欲 也。 平,吾 有 種 醴,糜米麥,故 於民者,必 遏 子、 糯 限, 其 民 以 而 以 流 得所 塞 過 不 爲 造 取 力 頗 可 養 酒 行 之重,心 有 行 、以樂 之源。 得 益 而 禁 也。 于 酒 申告之。 之令。 其 民, 欲得 其 甚 生 令 然 憫

#### 賜酒獻酒

通衢,賜民縱飲。金章宗承安元年,敕有司以酒萬尊置

以賜北邊軍吏。
九月癸未,都人進酒三千一百瓶,詔

● 「薄」,原作「簿」,據鄒刻本改。

#### 禁 糳 石

Ш 鑿 後 漢 石 (順帝) 發 泄 永建 藏 氣 四 勑 年二 有 月戊戌,詔 司 檢 深,所 當 以 民 禁

絶, 如 建武 一、永平 故 事

#### 禁 發 塚

Ш ,有故塚 魏 高宗太安四 毀廢。 自今有穿毁葬隴者,斬之。」 詔 年 曰:「昔 十月 甲 姬 戌,北 文葬枯骨, 巡 至陰

#### 禁 毁 淫 祠

1 H. 瓊郡國諸房祀 後漢 書 桓 帝紀 **\***: 0 延 熹 八年 四 月

> 術,能役鬼神,乃悉毀壞房祀,房祀謂爲 鬼 翦理 怪,小人 後 漢書》: 奸 巫。 嘗 于 灓 破 是 巴爲豫章太守,土 貲 妖 以 異 祈 自 禱 消 百 巴 素 姓 房堂 始 作 有 Ш 頗 道 而

]1]

爲 懼 ,終皆安之。

祀。

百姓 以 正 下爲差等。 典者,皆除之。 者,郡縣更爲立祠堂,植 (晉書 ・載記》:ア 其 能 石勒 興 禁州 雲 致 嘉 郡 樹 雨 諸 準 有 祠 嶽 益 堂 漕 非 于

者,不 在 詔 所, 日 : 《宋書· 在此 除 「淫祠惑民 諸 例。 房 武帝紀》: 廟。 費財, 其先賢及 永初 前 典 所 以 年 絶 勛 四 德 可 月 立 並 己 祠 下 卯

南 史 • 王 神 念傳》: 梁時爲青、冀二

- 0 漢 書 原作「 恒帝」,據《後漢 書 桓帝紀》改。
- 年」,原作「月」, 據鄒 刻本改

時 念 巫 州 至 欺 青 刺 ,便令毀撤 州 史, 惑 百 東 性 北 姓 到 有 遠 正 石 風 近 鹿 所 祈 俗 Ш 更 遂 禱 州 臨 改 糜 郡 海 費 必 先 極 有 禁 多 神 止 淫 廟 及 祀 神 妖

祀 令。一 非 間 衰 行 昭 帝 秉 尤甚 于漢 典 **無** 亂, 黄 大 禮 法 明 者 之祭, 政 初 ,爲之立 事 崇信 Ш 宋書 不 1,勿祀 帝 至魏 Ŧī. 祖 沃 川 青 年 大 大 澤,此 酧, 甚 巫 加 巫 ÷ 龍 武 禮志》: 祠 史,至 除 則 祝 帝 元 月詔 剪,世之 之言,皆 郊 年 非 爲 青 無 族 社 濟 州 又 其 乃宫殿之内,户 城陽國 i; 其 詔 也, 曰 南 諸 惑 相 郡 也。 淫 以 不 次 皆 先王 轉 郡 祠 在 宗 人以 左 相 自 或 遂 祀 毁 道 廟 制 倣 今其 典。 絶。 絶之。 Ш 劉章 論 效 祀 111 所 牖 著 神 敢 濟 不 叔 至 有 之 在 爲 設 代 Ŧi. 文 及 以 南 功

晉武帝泰始元年十二月詔:「昔聖帝

煽惑 淫之鬼,不亂 祈 淫 故 以 所 明 具爲之制, 請 祠 史 道 以 王 報陰 薦 莅 不 舍正 曾不 修 作。 天 而 五. 陽之功 下 無 使 爲 敬 岳 者 末代信不 其 媿 功 邪 而 四 其 詞 間 遠之, 著 故 瀆 . 是 于人者, 鬼 而 魏 名 不 報 以 朝 徒 篤 Щ 神 丝丝 其 疾 偷 Ш , 其 明 僭 必有 之。 人 以 澤, 之道 禮 敬 共 神 各 其 其 瀆 慎 幸 不 故 ·, 妖 神 有 報 按 幽 傷 也 舊 冥 定 人 妄 縱 而 禮 也。 制 然 妖 相 欲 而

祠。 詔 二年正 티. 示 月, 在 有 祀 司 典,除之。 奏: 春 分 祠 厲 殃 及 禳

者,不 州 蔣 以 子 文以 廟 Ш 下 于 祠 祠 宋武 在 鷄 下,皆除 所 並 此 籠 帝 在 皆 例 永初二 Ш っ」「普 毁 Ш 大 之。 絶。 Ш 聚 年 禁淫 漸 其先 羣 孝武 四月詔: 皆 ·神。 賢及 修 祠 孝 復 蔣 建 侯 由 以 初 宋 明 是 勛 淫 代 帝 更 蔣 德 祠 修 稍 立 子 自 立 九 起 文 加 祠 蔣

禮 爵 一, 位 鍾 至 Ш 相 王 或 蘇 大 侯 都 驃 督 騎 中 大 外 將 諸 軍 軍 事 四 方 加 諸 殊

神,咸加爵秩。」

及

Ш

史。 焚諸 之廟。❶ 淮 南 下 諸 雜 魏肅宗 神。 車 軍 事 封 神龜二 魏 鎮 孫 書 南 叔 大將 年 任 敖 Ŧ 城 之墓, 軍 二月, 王 澄 開 傳》: 府、 詔 毁 除淫 蔣 揚 除 子 州 都 祠 文 刺 督

札 奏 郎 伍 毁一千七百 充江 員 舊 四 南 唐 祠 巡 書 撫 所, 使。 狄 仁傑 唯留 吴、 夏 楚俗多淫 傳 禹、 **\***: ❷爲 吴太伯、 祠,仁傑 冬 官 季 侍

伍 頔 員 疾 (其淫) 等三數 于 頔 祠 傳 廟 廢 \* 生業 存 焉 爲 神宇皆撤 蘇 州 刺 史, 去,唯太伯 吴 俗 事 鬼。

縣 淫 宋 祠 史 數 百 陳 品 勒 希亮傳 巫 爲 **\***: 農 者 以 七十 殿 中 餘 派 知 鄠

> 太 西 <u>Ц</u> 參政,❸ 太原志》: 郎 毁 無孑 淫 秦 遺 祠 偉 者 百  $\equiv$ 餘 品 原 凡 佛 IE. 像 德 聖 中 爲 13:

敝 輸之官。 金 慶玄化 泥其 以其材修之。 林俊爲雲 面 寺 毁淫 稱 後 有 按 南 活 祠 部 副 佛 至, 使, 滇 百 歲 焚之,得 六 時 + 崇 士 品 釋, 女 會 金 所 信鬼。 集, 數 在 百 學 争 兩 宫 以 鶴

傚、●濟南 Ŧ 功 石 於漢,故 輿 王 一沈《魏 服 尤甚,至五百 導從 其 書》: 或 作 爲 樂, 立 初, 祠 城 奢 餘 青 陽 侈 祠 州 景 日 賈 諸 王 甚 人 郡 劉 民 或 轉 章 坐 假 相 以 窮 倣 有

<sup>● 「</sup>魏書」至「毀蔣」三十六字,原錯簡於卷二「奴告主」

<sup>「</sup>狄」,原作「秋」,據鄒刻本改

<sup>「</sup>正」,原脱,據鄒刻本補。

<sup>「</sup>傚」,原作「做」,據鄒刻本改。

爲濟 之淫 祀 大 了**,**歷 祠 南 祠 相 世 由此遂 及 長 到,皆毁壞祠屋,止絶官吏民不 至 史無 秉 絶 政 敢禁絕者。 () 遂除 奸 邪 太祖 鬼神之事, 太祖 曹 世 · 得 操

翁破 且 之俗,而洪慶來假 貴;宋廬江 水靈 抱朴子》:第五公誅除妖道, 之廟 罷 而 絶 身吉民 Ш 祭, 安; 而 福 魏武 禄 永 禁 而 終; 淫 既 祀 文 壽

鎰

及漢 淫 燒 山 祀之俗 除 JII 武 神 華陽國志》:王 唯 帝 祠 取 祠。 皆 其 種 松柏 又禁民 松柏 爲 一潛爲 濬 舟 作 楫 以 巫 益 爲 咒。 唯 州 非 不 刺 禮 於是 毁 史。 。 皆 禹 蜀  $\pm$ 廢 蜀 無 祠 壞 中

#### 奴 告 主

漢 書 • 王 莽傳 ҂ 公府士 馳 傳 天下,

> 以 考復貪饕,開吏告其將,❷ 禁奸奸愈甚 奴 婢告其 主

凡

貴,下不得陵上,教化之本既正,悖 侍臣 人皆震 事。 他人論之,豈藉其奴告也,自今以 特須禁斷,假令有謀反者,必不獨 主者皆不許受,便令决殺。 發其陰事,縱下御史臺,留當千於内侍省。 1 曰:比有 疏論之曰:「伏見趙縱 建中三年正月,太僕卿 舊唐書 懼 未測 奴告其主謀逆,❸此 張鎰 聖情。 傳》: 貞 拜 觀 爲 由 趙縱 中 二年,太宗謂 奴所 是賤 書侍 爲 後 成, 極弊法 告下獄 不 亂之漸 奴當千 郎 得 于 奴 自 平 告 有 章

0

0

謀

」,原作「謂」,據鄒刻本改

下,據 奴告主」三字,原誤 文義移於此 植 禁毁 淫 祠 條 以 其 材 修 之

漢書 書」上,據《漢書·王莽傳》移置 三至 開吏」十八 字,原誤 植 「禁 段淫 祠 條「王

奴實 當千杖殺之。 繫在國大體,敢不 愚懇。」上深納之。 法,或恐未正。 生,爲 奸兇,奴 國之經,百 在 臣 禁 極言。 縱于處左貶循 叨 中 代 居股 縱縱 難 改。 獨 伏乞聖慈,納臣 肱,職 下 今縱 獄, 攷之於 在匡弼。 州 非 叛逆, 司

既宣 處 對 將 妻龐 有 **堦涕泣不自勝**,曰 忍言。」則天納之,遷季旭給 推之。季昶言其咒 輙羅告其主,以 絞 按 就 功覽狀曰:「死當枉狀。」停决以聞 7,季旭 死 復 刑, 氏,●爲其奴所告夜醮,勑御 《大唐新語》: 而 龐 自 則天召見,迎謂之曰:「 益 男希碱訴冤於侍 懼 周 · 衆迫· 求官賞。 密 :「龐氏事 其狀,秋官及司 則天朝,奴婢多通外人, 詛,草狀 有 功,有功不復申,遂 潤 事 州 御 以 狀,臣子 中, 刺 史徐 聞,先於玉 史薛 史竇孝諶 卿此 龐 刑 三司 有 棄 ,所不 兩 季 按, 功。 市。 曹 昶

减死,流於嶺南。❸天下幸甚。」則天默然久之,曰:「去矣。」勑過,好生,聖人之大德。❷ 願陛下弘大德,失出何多也?」有功曰:「失出,臣下之小

自隨。 運使。 耶。 朝,乃瘗而藏之。 獨爲,必與人共之,何患不發,而 有奴告其主反者,此 自今有奴告主者,皆勿受,仍斬之。 (通鑒 東觀奏記》: 6大理 故事,人臣家不得畜兵器。 代北出犀甲 **\***: 唐太宗貞 一旦,奴有犯罪者,曙笞 '6曙罷職,以一二十領 弊事。 (觀二 卿 馬 年, 曙任 夫謀反 必 上 代地 曙既 使奴 日 不 水 告 能 在 0

0

<sup>「</sup>諶」,原作「湛」,據《舊唐書・張鎰傳》改。

<sup>「</sup>亢」、原作「采」、蒙耶川太女。「大」下,原衍「過」字、據鄒刻本

<sup>「</sup>曰」,原脱,據《舊唐書·張鎰傳「流」,原作「深」,據鄒刻本改。

<sup>「</sup>奏」,原作「秦」,據《藕香零拾》本《東觀奏記》改

<sup>「</sup>北」,原作「兆」,據鄒刻本改。

不 杖 諫 吏 發 感 殺 官 即 悦 曙 上 曙 告於御 一論,以 奴 私 於青泥 第, 史臺, 奴 得 訴 驛, 甲 郎 不 稱 曙 主,在 曙畜 虚 再 貶 坐 兵, 嶺 法 貶 外。 不 有 邵 赦 異 州 志。 臣 刺 僚 F. 史。 無 命 命

邁 異 游 ,殺之,厚待晉興,以 志 顥 與 晉趙 殷 秀 不 渾 王 倫 有 詳 篡位 隙 察 渾 即 孫 誘 收 爲己部 秀 顥 顥 擅 奴 及 權 晉 曲 襄 圃 陽 誣 司 中 告 隸 IE 從 顥 李 有 事

自 偶 日 此 濫 語 之律。 而 晉書 絶。 公卿 以 聽 石季龍 下, 吏告其 朝 載 會 君, 記 以 **\***: 奴 目。 「立私 告 其 吉 X 主 論 一之問 一,威刑 之條

殺 貶 大 官 理 慶。」 卿 魏 而 馬 謩 慶 曙 傳 從 無 **\*** 罪 人 王 爲 慶 謩 中 告曙 引 書 法 侍 家 律 郎 藏 論 口 甲 之, 平 兵 章 竟 曙 事 杖 坐

> 府 責其 爲計者。』憲宗即 身没之後,其家進奉已多,今因 使往東都,檢責稷之家財。 表,隱没進 决殺。 (家事 裴度傳》: ·, 臣 奉 物。 恐天下 日 王 乃留 召 稷家二 將 中使還,二奴付 其 帥 聞 奴於仗内 度奏曰 奴告稷 之,必 其 奴 : 有 换 告, Ī. 京 以 遣 父 兆 家 檢 鍔 中 遺

宜付鳳 妄。 謙 奴附子告謙 (册府元) 韶曰:『自 翔 郡 集 龜 衆 與 **₹** 决 下 逆 訟 殺 賊 肅 上 爲 宗 一,敗俗 細作 至. 德 亂 年, 常 司 推 鳳 附 鞠 翔 子 張 虚

莒奴 鞠,不實,沙 人不實,法當 沙橘告少 敬宗 寶 橘杖 曆 反 芦爲 元 坐 流 年 元,況 靈 Ŧi. 不 州, 月, 其 軌 家 少 瓊 詔 僕 莒  $\mp$ 委 釋 府 内 則 放 司 侍 沙 馬 橘 凡 省 謝 止 告 推 少

<sup>■「</sup>虚」,原作「處」,據鄒刻本改。

于决杖,仍流近處,爲失刑矣。

故將 脅 變族誅,弘肇取其 制 其 失職之家 Ŧi. 主 代 史 姑息僮奴,而 史弘 幼 肇傳》:「李崧 女以爲婢,于 厮養之輩 是 坐 奴 往 前 告 往 資

其甥 先與漢故太子太傅李崧爲執友,乾 台 以 太 丸 服,族誅。 死之人,然亦豈有 馬,從者去無一人。崧恚曰: 賈,多乾没其貲,嶼笞責之。 符 數 祖立、台符告宰相 睿陵,河中李守貞反,延遇 有 經 遺守貞。  $\pm$ 李崧傳》: 義 赦 凝 乃 宥, 謀反,山 松素 奏 難 誅 乃送李崧侍衛獄, 與 之。 「崧弟嶼僕葛延 延 翰 一陵放 不亡之國乎?』乃 遇。」《 林徐 樞 馮 密 道 火焚京 册 使 請 台符相 祐中,崧爲部曲葛延 府 Ŧ 『自古豊 上 是時 元 誅 峻 師, 變, 龜 》: 遇 延 善、後 聞之,多 崧 遇。 又 言 高 爲 徐 自 出 有 以 崧 嶼 祖 台符 道 唐 蠟 誣 不 乘 將 與 商

> 延 時 請 遇等誣 誅延遇 遇等。 Ē 峻 執政 告,族 等。 時人義之。」 聞台符之言 滅。 宰 相 廣 馮 順 道 中, 以 深 台 延 加嘆 遇等 符 爲 已經 兵部 服 因 侍 赦 奏于 宥, 郎 太 未之誅 白 祖 于 宰府, 也

明。 私蓄兵。』吏索,唯一衣笥,軍 索之,有錢十千,爲受外賂,有 吏引奴與 思迎前,以 也,得則殺之。不然,將失之也。] 吏至,景 思與李景交通,而 奴,嘗有所求,不如意,●即馳見弘肇,告景 三十騎往收景思。 吏憫 乃見弘肇,願先下獄,明景思不 ^ 景思有僕 唐景思傳》:「爲沿淮巡檢。 而寬之。 景 兩手抱 思驗,景  $\pm$ 知 私蓄兵甲。 景 吏呼 奴謂吏曰: 權 思曰 思 在京 請 : 冤,請 械 『我 師 送 『景思・ 弘肇遣 籍 家 詣 甲 京 聞 獄 在 糧 反。 景思 師 景 屬, 自 此 勇 簿 以 吏 思 將 弘 被 自 爲 請 有 而

「如」,原作「奴」,據鄒刻本改。

景 弘 既 肇 肇 思 械 憐 乃 就 鞫 道 送 其 知 潁 奴, 亳 權 之 獄 具 中 人 伏, 隨 H 之京 既 勞 以 奏 師 酒 斬 共 食 奴, 明 之。 而 景 釋 思

罪 即 償 僮 家 販 殷 變,言虜主之人 制 爲 爲 李 者 齎 僮 者 意。 婢。 日 無 爲業,嘗以錢十 崧 數 逮 玉 及商 爲 行 伏,遂杖之。 往 册 枕,陰 家僮 畫 自是 捕 而 府 隱 往 人李 舊 福 並 有 元 福 仕 勛 殷 誣 龜 遺 之。 棄 殷 進 故 宦之家 告,族戮 \* 汴 市 搒 淮 貨 賣 將之後,爲 ·四萬, 有 掠 南 也 妻 財 于 未 弘肇 一,僞 燕 備 主 畜 淮 女爲 數 幾 于 至。 人 僕 南 市 + 以 燕 專 何 家 市 大得 得 隸 萬 弘肇帳 王 致 恣 厮 福 福 玉 者 僮 趙 誠 養 而 刑 殷 殷者,以 枕一枚, 詣 福 延 意 茗 輩 皆 取 殺 自 下 弘 殷 壽 回。 之所 以 其 誣 肇 責 健 弘 遺 姑 幼 故 卒 肇 其 連 福 上 遣 家 商 脅 息 女 相

分取之,其家財並籍没。

末。 與僕 舉子 敢 主 『不勘案,决 解 久乃 肆 效尹 者。 孝壽 杖 爲僕所 宋 書 而 釋。 史 判 幡 謝 杖二 私 舉 然 凌,忿 李 私 子。 用 日 孝 一 十 。 二 取 : 刑 壽 牒,效孝 且. 時 所判正 傳 牒欲 僕 都 孝壽 ¥ 下 明 送 數千人, 即 日 壽 合我意。』 爲 府 持 追至,備 花 開 詣 書 同 封 府 無 判 舍 尹 如 告 言 云 生 數 僕 本 其 勸 有

案問 奴所 恐餘 告, 遼 史 有 • 人效之。」 司 刑 請 法志 鞫 命 \* 帝 斬 景宗時,吴王 以 狥 朕 知 其. 誣 稍 爲

逆 及 流 聖宗統 死罪 者 和二十 其 奴婢 四 年 無 詔 得 告 主 罪 非 謀 若 奴 反 婢 大

Ø 0

<sup>「</sup>鞫」,原作「鞠」,據鄒刻本改「亳」,原作「亳」,據鄒刻本改

犯罪至死,聽送有司,其主無得擅殺。」

『奴不忠其主,肯忠他人乎?』遂戮之。」其主者,速不台縱爲民。還,以聞,帝曰:《元史・速不台傳》:「欽察之奴來告

上下之分矣。』帝悟,爲追廢前命。」此必大壞天下之風俗,使人情愈薄,無有詔即以其主所居官與之。不忽朮言:『若詔即以其主所居官與之。不忽朮言:『若

### 卒告將

制其上,則人不自安矣。』」 曰:『是必挾他怨也。』鞭卒,竄之。 或曰 士 **「貸奸可乎?」**中立 知 《宋史・ 慶州,戍卒有告大校 何中立傳》:「以 曰:「部曲 受 得持 龍 臟 圖 者, 短 閣 長 中 直 以 <u>V</u>. 學

《文彦博傳》:「仁宗不豫,有禁卒告都

虞侯 虞侯 然則卒有怨,誣之耳 公何如 欲爲 亂。 人, 懷德稱 彦博 召 其 ·, 當 都 愿 指 亟誅之以靖衆。」 可 揮 保。 使 許 彦 懷 博 德,問 曰

乃斬卒于軍門。」

中亂矣。』立决配之,衆乃定。」其長,軾曰:『此事吾自治則可,聽汝告,軍其長,軾曰:『此事吾自治則可,聽汝告,軍

### 吏告本官

帝匿 之平也,安得以 送龜 名,帝大怒曰:「劉龜當死,乃敢獵吾禁地。 竊 于禁内 廷尉,廷尉 京名,收龜 魏明 吾豈妄收龜 帝 射 時, 兔 獵 至尊喜怒而 便 其 付 耶。」 法甚峻。 當 功 獄 曹 栲掠 柔 廷 張 曰 : 京 尉 何 宜陽 毁法乎?」重 詣 高 復 「廷尉,天下 校 柔請告者 請告者主 典 事言之。 劉 龜

一三〇六

長 還訊,●各當 復 猾專求牧宰之失,迫脅 貪,詔吏民 吏咸降心待之,貪縱如故 爲 奏,詞旨 得舉告守令之不 其罪。 深 切, 帝意悟,乃下 後 在 魏太武,以各 位 ·法者。 一,横于 京, 間里, 于 官 是 即 奸 多 而 召

表雖 朝服 風 按 察 常服何害? 爲不敬。 可長也。』命法司正其罪 司書吏言 實録 》: 「洪 其 上 武 副 小官摭拾 曰 使 十四四 :  $\mathbb{H}$ 拜 年十 嘉 表 寫 長 則 月甲 表 官 具 具 細 朝 戌, 名 故 服 不 江 学,其 具 寫 西

必不以 之。 風 宇器用之物、皆公家所需、若遷他官 以 律按之,固 擅造公字器用爲吏所告,湖 矣。」勑至貞復職,械其吏送京師 以聞,上遺 十五年八月壬寅,杭 偕往。 其 職 今乃 使勑 也。 罪之,是長猾吏告訐之 然原貞之情 曰:『安貞有 州 府 廣按 同 非 犯,法司 知 私 (察司 安貞 也,房 而 鞫 如

> 聽 于 徽言: 受賄,同知蔡良于公署設宴,放 逮問之。』上曰:『吏胥之于官長,猶子弟之 也。」 父 兄。 十七年閏 ❷『四川成都府有吏訴 下 訐 其上,有乖 十月乙未 朔, 名 其 左 吏爲 知 都 義, 不 府 御 民 張 史 足 請 1 詹

吏於 請並 謙 奏吏抗己,吏 院 逮 《實録》 門。 謙鞫之。 **\***: 謙陳狀伏罪,遂宥之。」 正 亦摭 Ŀ 統  $\Box$ + 謙 : 年五 不 命 謙 法 月,太醫 事 自 陳 以 訴 而 院 刑 械示 判欽

### 小校殺本管

洪武四年七月,「偽夏平章丁世真爲

<sup>●「</sup>召」,原作「名」,據鄉刻本改。

左」,原作「在」,據鄒刻本改。

帳 何賞爲?』不許 書省奏請賞,上 下 ·小校 所殺,●蜀 日 二。小 平,小 校 殺本管,非義也, 校赴京言狀。 中

### 妻子告家長

勿問。」 子爲證。 申,李思敬告 《元史》: 帝 티 : 運 世祖 使姜毅 \_ 妻子 至元十三年十二 , 豈爲 所言悖妄,指 證者耶。」詔 月壬 毅 妻

#### 告 妖 言

賞。 者。 誹謗 既使過 柔上疏曰: 『今妖言者必戮, 告之者輒 妖言,帝疾之,有妖言輒殺,而 魏 書 誤 高柔傳 無反善之路,又開凶狡誣 **\*** 「文帝時,民間 賞 數 善 告 有

> 遂絶。」 以誹 不即從,而 除妖謗賞告之法,以隆天父養物之仁。』帝 漢,太宗亦除誹謗妖言之令。 稱殷之先王,小 之端,非 謗 相告者,以 所以 相誣告者滋甚。 息奸 民 怨詈,則皇自 所告者罪罪之。』於是 省 訟 也。 帝乃下詔:『敢 昔 臣愚以爲能 周 敬德。 公作誥 在

#### 吏 告 前 官

城立杖殺之。」 于前刺史者,拾其不 前 刺史有賍罪,觀察使方推鞫之。 ^ 舊唐書 • 陽城 傳》: 法事以告,❷自爲功, 出 爲道 州刺史。 吏有幸

- 0 世 原作「册」,據《明太祖實録》卷六七改。
- Ø 告」,原脱,據《舊唐書 陽城傳》補

#### 禁 御 狀

之。 而 懋所言天下皆然,何獨嘉興,命法司普禁 百八十,曠 京妄奏,甚至有雇 言所治人民多係 可,今後嘉興 今後唯謀反重情許 ,違者以驀越罪之。 正 統四年八月,浙 歲 有 無 陳 稽 無賴,以告訐 人代草者,詞所連及,動 訴 ,善良抱冤。 者,抑之不受。 江嘉興府知 訴於京,餘皆 爲 乞勑 能 府 自下 上 輒 通 黄 以 政 懋

### 殺兄弟

蘭 郭買 州 衛 的叛,誘番兵入寇,詔立賞格 實録》: 遣其兄著沙與其弟火石 「洪武七年三月乙亥, 蘭州人 反往 購 招之, 捕之。

> 從,執 賞之,非 給之。』」 曰:『買的 不從,遂夜 之而 所 罪 已,今手刃之,有乖天倫 斬 以 固當死,然爲弟兄者勸之不 其 令天下 首 以 躰。 也。 奏聞 但 以 所 請 獲 賞 0 4 馬 若 Ŀ

#### 禁參 謁 座主

其門,兼題名局 家設文學之科,求真實之士 宣旨,不欲令及第士呼有司 會昌三年十二月二十二日,中 後,過闕宴後,率皆期集於慈恩塔下題 《全唐詩 話 席等條 進 士題 疏 進 一,●所 爲 來 ·書復奏:『奉 座主 者。 宜 神 行 伏 而 龍 崇 以 趨 名。 風 或 附 之

0

**\*** 

名,

自

<sup>0</sup> 原作 實 鄒 刻 本改。

實」,原作「乖」,據鄒刻本改。

門生,遂成膠固,所以士風寖壞,臣 義 可懷賞拔之私 本君親,然後升于 惠,忘教化之根 朝 廷, 必 源 爲 國器。 節 自 何 謂

豈

俗

日 不得聚集參謁。 以 後,進士及第,任一度參謁 有司宅置宴,其曲江 有司,向 大 會 後

施。

樹黨背公,靡不由此。

臣等商量,

名,實皆少雋,既遇春節,難 朝官及題名局席,並 望勒停。 阻良遊,三五 緣初 獲 美

進士廣 人自爲宴樂,並 爲 宴會。 無 仍委御史臺察訪聞奏。 所禁,唯不得聚 集同 年

謹具如前,奉勑宜依。」於是向之題名,各

丙辰,韶及第舉人不得呼知舉官爲恩門、 山堂考索》:「宋太祖建隆三年九月

盡

削

去。」

師

門,及自稱門生。」

#### 貸 回 鶻 錢

所訴。 萬。 將軍。● 其子貸回鶻錢壹萬餘貫不償,爲回鶻 《舊唐書》:「李晟子惎累官至右 文宗怒,❷貶惎爲定州司法參軍。」❸ 沉湎 酒 色,恣爲豪侈,積債 至數千 龍 武 大

#### 韋 棊 免 官

宋顔 延之初仕晉, 爲鎮 東司 馬, 坐 韋

棊免官。

0 甚」,原作 《舊唐書 李惎傳》改。

宗」,原作「帝」,據《舊唐書 李惎傳》改。

0

甚」,原作「甚」,據《舊唐書 李惎傳》改

三〇九

#### 禁中表爲婚

母兄弟姊妹爲婚。 西魏文帝大統九年正月,禁中表及從

### 汙辱宗女

婦,❶貶. 汙辱近屬。 舊 泉 唐 州 書 行至華州長城驛,賜 司 **\*** 馬。 吴 德宗 通 玄 召見 取宗 臨 死。 室 問 女 責 爲 以 外

### 母喪宴飲

飲。 尉于季友,居嫡母 季友削官爵,笞四十,忠州 舊唐書》: 「憲宗元和十二年,駙 喪,與進 士 劉 安 師 置。 服 歡 師 馬 宴 服 夜 都

#### 母喪薄遊

笞四十,配流連州。

于頔不能訓子

,削階。」

直。 母 憂,免官。 舊 唐書• 皇甫 坐居 鎛傳》: 喪 時 薄 遊,除 授監察御史。 詹 事 府

### 婦喪宴飲

司

T

顗等知龕有喪,吉會非禮,各奪俸一月。」 日 「龕暮晏朝祥,慢服 請客奏伎。 晉廬江 太守梁龕,2明日 長史周 之愆難 顗 等 同 逭 會。 當除婦服,今 請 劉隗奏: 免龕官。

- 「取」,原置上「吴」字下,據《舊唐書・竇申傳》フ
- ② 「梁」,原作「周」,據《晉書·劉隗傳》改。

免官。」

#### 或 喪未期 宴樂

期

功喪不

預

朝賀

陪預朝會,手舞足蹈,公違憲章。名教既 虧 預宴會』。 「期 ,實玷王化。 '喪、●大功未葬,不預朝賀, 未終喪,不 《舊唐書・王方慶傳》:「奏言:令文 比來朝官不遵禮法,身有哀容, 伏望申明令式禁斷。

#### Щ 陵未成晏飲

況,緩和二年坐山陵未成,置酒歌舞,免。」 崩、未葬、楷 (魏書 漢書 · 外戚恩澤侯表》: 「成都侯王 與河 甄 楷 南 傳》:「除秘書郎。 尹丞張普 惠等飲戲 世宗

> 徒,論正清議。」穆后臨 慕之節,家庭侈靡,聲妓紛葩,❸絲竹之音, 臨朝,百僚慘愴,動無歡容。 能三載。自兹以來,歷代所同。肅祖 未期 直言繩違,百僚憚之。 流聞衢路。 帝背棄萬國,❷尚未期月。 臣聞放勳之殂,八音遏密,雖在凡庶,猶 晉成帝初,鍾雅爲御史中 而尚書梅 宜加放斥,以整王憲。 陶 私奏 朝,特原不 女妓,雅劾 聖主 陶 丞。 無 縞 問。 請下司 大臣忠 素 奏 時 明皇 泣 國  $\exists$ 雅 血 喪

- 0 文」,原作「杖」,據《舊唐書·王方慶傳》改。 明帝紀》改。

祖」,原作「宗」,據《晉書・

0

紛」,原作「粉」,據鄒刻本改

### 國忌禁晏飲

飲,貶官鯠第。」暖,王士平,暖弟煦、●暄,坐代宗忌辰晏暖,王士平,暖弟煦、●暄,坐代宗忌辰晏《舊唐書》:「德宗貞元十二年,駙馬郭

### 忌日行香

術,頗 代以 尋 恪。 以 設 香,將以 本末。 郊 僧齋,百官行 恭 來,皈依釋老二教以 廟之禮、嚴奉祖宗、備物盡 乖 舊 唯忌日之感,所 教義之宗。 唐 有助聖靈,冥資福祚,有異 禮文令式,曾不 書 • 崔 香 --, 事 蠡 昨 傳 無 得崔蠡奏論,遂遺 謂終身之憂。 × 設食,會百 經 該 據。 明 上 習俗 疏 誠,庶 詔 論  $\Box$ 皇王 或 辟 因 以 几 忌 而 循 討 之 朕 行 昭 日 沂

#### 匿忌日

寺觀設齋焚香,自今以後,並宜停罷。』」

雅

當整革。

其

兩京、天下

· 州 府,

以

或

忌

日

於

中 書 丞蕭至忠所劾,❸貶投申州刺史。」 同中 舊 書門下三品。❷ 唐 書  $\leq$ 祝 欽 明 以 歷 若 刑 忌 部、 日 禮 爲 部 御 中 尚

#### 子卯

《玉藻》:「子卯,稷食菜羹。」

德交喪,禮 後周武 帝 義 天 嗣 和 興。 元 年 褒四始于一言,美 Ħ. 月 甲 午 詔 日

道

<sup>「</sup>煦」,原作「照」,據《舊唐書·德宗紀》改

忠」,原作「中」, 原作 因 」,據《 據《 舊 舊 唐 唐 書 書 祝 祝 欽 欽 明傳》改 明傳》改。

昔周 貽之後昆,殷鑒斯 日 復禮之銘。 道 静 富貴 萇弘表昆吾之稔,屠蒯有揚觶之文。 雖庸昧,有志前古。甲子乙卯,禮云不樂。 三千于爲 喪 ,省事停樂,庶 地 亂 王受命,聞顓 一,和民敬鬼,明並日月,道錯四時 、所以長守,邦國于焉乂安。 ,禮義紊毀,此典茫然,●已墜于地 政。 矧伊末學,而能忘此。宜依是 是以 知爲 在。」 頊 在上不驕, 廟 君之難,爲臣不易。 有戒盈之器,室爲 處滿 故能 自世 不 承 溢 朕 天

風

卿

#### 子 孫伐墓栢貶官

子 孫伐墓栢 唐 書 ,坐不能禁,貶絳州刺史。」 韋陟傳》: ❷「爲吏部尚書,以

# 五品以上妻妾不得改嫁

通式。 化。 几之前,送付他人之室? 引其姣妾,嫁賣 内,❸有祖父亡没,❹日月未久,子孫無賴 厚。三年無改,方稱爲孝。 俗。 心。況乎人子,能堪斯忍。 薨亡,其愛妾侍婢,子 妾雖微賤,親承 《北史·李諤傳》:「諤見禮教彫敝,公 豈容遽裭衰經,强 乃上書曰:『臣 取 財。 衣 聞 履,服 有一 追遠 孫 凡在見者, 傅鉛華,泣 輙 于此,實 斬 如聞大 慎終,人德 遽 復有朝 三年,古今 賣之,遂 廷 八 臣 之 猶 損 辭 重 致 靈 風 歸 成

傷

<sup>0</sup> 典」,原作「黄」,據《周 書 武帝紀》改

<sup>0</sup> 陟」,原作「述」,據《舊唐書 • 韋陟傳》改。

<sup>「</sup>大」下,原行「聞 」字,據《北史• 李諤傳》删

<sup>「</sup>亡」,原作「云」,據《北史·李諤傳》改

便求 亡 之義。』上覽 臣 改嫁,始于此 一, 位 没,遂同 聘 望 通 以 行路,朝聞 貴 而 得 也。」 了**,** 平 嘉之。 爲 生交 限 無 其 Ŧī. 舊 廉 死,夕窺其妾,❶ 品 ,親老兄弟,及 耻 以 之心,棄朋 上 妻妾不得 友 其

### 寒食禁火

民五月五日不得發火。」《琴操》:「介子推抱木而燒死,文公令

半 堪之患 推 門,冬至後百五日皆絶 歲刑,主吏百日 且北 魏武 帝 今則 方 令日 冱 人不得寒食。 寒之地 刑,令長奪一月俸。」 「聞太原、上黨、 2,老少 火寒食,云爲 羸 若犯者,家長 弱,將 西河、 介子 有 不 雁

韶介山之邑,聽爲寒食,自餘禁斷。」《魏書》:「高祖太和二十年二月癸丑,

介山 替 然。 郡、 其俗,不能異也。 之。』勒下書曰:『寒食既 推 皆有之,雖天地之常事,然明主未始不 怨憾,而不怨上帝乎? 變,所以敬天之怒也。 禽 Ш 來,有斯災幾 也。 ,帝鄉之神也,歷代所尊,或者以爲 獸 ,大如鷄子,平地三尺,洿下丈餘,行人、 廣平、鉅 勒正服於東堂,以問徐光曰:『歷代 **《晉書** 左右,晉文之所 死者萬 人呼嗟,王道尚 鹿千 數。 也?』光對 載記》: 餘里,❸樹木摧折,禾稼 歷 前者外議 太 石 封 去年禁寒食,介 原、樂平、武 縱不令天下同 曰 并州 勒 也,宜任 爲之虧,況羣 :『周、漢、魏 時,雹起 以 之舊 子 風 百 推 西 鄉、趙 朕 諸 姓 未 河 爾 、 晉 侯 4 奉 神 官 爲 以 蕩 介

千」,原作「十」,據《晉書

》改。

<sup>「</sup>窺」,原作「規」,據鄒刻本改

<sup>「</sup>聘」,原作「嫂」,據《北史·李諤傳》改

今雖 曷 致。 之臣 寒之所,并州復寒食如初。」 忠賢,●令綿、介之間奉之爲允,於天 黄 寒食 不通矣。』勒從之。 所,多在山川 陰發氣泄 議 食者 之 爲 門 以 而 亦 致 Ŧ. 爲冰室,懼所藏之冰不在 暴 此 郎 聞。」有司奏以 ,更爲植 自 韋 害 斯 不得 者 謏 災乎? 陰 爲 若 不 雹 陽 駁 此? 嘉樹 亂 應 之側,氣泄爲雹也。 乖 曰 : 爲忌 自子推 也 錯 · 文 『按《 子 求 於是遷冰室於 子推 所 推 尚 之冥 祠 爲 故 書 雖 春 歷 耳。 以 堂,給户奉祀 從 代攸尊 其 朕 趣,必 前,雹者復何所 秋》,藏冰失道, 其 促 鄉 且子推賢者, 固陰沍寒之 議 之 撿 不然 舊 神 重 以 倘 請普復 子 陰 下 非 或 矣。 推 則 凝 勒 法 由

證之。」

其 改 火。 火 春榆夏 自 李涪《刊 秦 漢 棗, 以 誤》曰: 降,漸 秋柞冬槐。』 「《論 至 簡 易, 語 則 唯 四 曰 以 時 春 皆 鑽 是 改 燧

> 之因, 是 火。』此則禁 又《禮記 爲 歲 之首 待 寒 皆 新 食 以 郊特性》云:『季春 節 火 介 止 火火之 之  $\Box$ 推 後。 勿 鑽 爲 義 與 燧。 據,是不知 舊 昭 既 然 火 日 而 可徵。 就 相 適 見 新 當 古, 即 即 改 出 俗 火 其 去 以 火 傳 其 之 事 鑽 日 禁 時 也。 燧 火 禁

晉時 浚井改水,冬至日 不滅,火色變青。 子》,❷與《論 有以 木 學紀聞 洛 陽 語 火 **∀**: 馬 《後漢 度江者,代代 鑽燧改火。」 『司 融 引《周 爟 禮儀志》:『夏至 書 鄭 事之,相 康 月令》全。 成 引《 鄹

不由介推,其言是矣。近觀《十六國春《升庵集》:「《容齋隨筆》謂寒食禁火

<sup>「</sup>忠」,原作「志」,據鄒刻本改

<sup>「</sup>引鄴」,原作「鄴引」,據《困學紀聞》改

攷耶? 之異。 政 罪之。』❷亦極嚴矣。 禁改火,觀隋李崇嗣 綿、介之間奉之爲允,于天下則不通矣。』 尚 而 藏烟』之句,❶及元稹《連昌宫詞》自 勒從之,令并州復寒食如 所尊,未宜替 秋 唐時京城寒食火禁,以 四 也 書定議以聞。 時 石 然 亦不改火。 徐光曰: 『介推,帝鄉之神也, 勒下 然勒 寒 食 令,寒食不許禁火,後有 禁天下 不 也 必 ,宜令百姓 韋謏 復,改火 自胡 『普天皆滅焰 寒食, 火禁迨今則絕不 日 鷄 元入中國,鹵 一: 子 初。 羽 乃先聖 而 奉之。』勒 人 至 容齋 推 灰 隋 介,有 忠賢,令 匝 節 唐 亦 莽之 宣 焦者 未 地 E 又 歷 冰 注 知, 天 復 之 令 盡 代 雹

#### 禁 刻 書

刻書籍之禁。 宋孝宗淳熙七年五月己卯,申飭書坊

擅

### 禁饋送

守互送以脏論。 宋光宗紹熙二年三月丙辰,詔監司、

郡

#### 慈幼局

亥,詔 給官 宋 史  $\mathbb{H}$ 理 Ŧi. 宗 百 畝 紀 命 臨 淳 安府創慈幼局 祐 九 年 正 月癸

道

可可

因元

人而廢之乎?」

- ❶ 「匝」,原作「市」,據鄒刻本改。
- ❷ 「焦」,原作「禁」,據《四庫全書》本《升庵集》改

按,

而

温

亮

逃

竄

賓等既伏誅

| 虞卿

以

檢

0

復、中書舍人高

鉞

左丞韋景休

充

司

推

亮,求不發舉僞

濫

事

迹。

乃

詔

給

事

中

嚴

休

稱六十人,其

率

錢二千貫,

與

虞

卿

廳

典

温

下

無

術

, 停見任。」

# 養道路遺棄初生嬰兒。」

收

### 吏部令史

郎。 官。 卿 五人,取受錢者 出告身籤符,賣 吏部 按 得僞狀,捕 令史張 太和二年,南曹 舊唐書 魏書》: 事覺,糾 永 • 「孝静<sup>・</sup> 檢,首者六萬餘 和 楊虞卿傳》:「改吏部 賓 一萬六千七百三 鑿 等,移御 空偽官,令赴任者六十 青 帝 令史李賓等六人,僞 州 武 定六 人 崔 史 年 闊 臺 人。 四 一十貫。 等 鞫 月 僞 劾。 甲 員 假 子 外 虞 賓

### 江南典選

乃命滋 後,天下 部 侍 郎, 舊 江 蝗 往 唐 南 早,穀 書 洪 典 州 選 劉 知 以以 價 滋傳》: 選 翔 便江、嶺之人。 事 貴, 0 選 興元元年,改吏 時 人不能 京師 寇 赴 時 盜 調 稱 之

舉職。」

### 兩都試舉人

就 部 試。 侍 郎 舊 兩 唐 都試 以 書 時 舉 艱 賈 人自此始 歲 至 歉 傳 請 ≫: 舉人赴省者 也。 廣 德 年 轉 兩 都 禮

- 「闊」、原作「潤」、據《魏書・孝静帝紀》改。
- 「韋」,原作「李」,據《舊唐書・楊虞卿傳》改。
- 「洪」,原作「淇」,據《舊唐書‧劉滋傳》改。

#### $\equiv$

# 大臣子弟仍放及第

### 食禄子弟復試

勑放及第。文俱全上。 「臣今年所放進士」云云,侍郎韋琮考復,唐宣宗大中元年,禮部侍郎魏扶奏

> 六。 恩。 聞食禄之家,委禮部具析以聞,當復試。」 邴復登第。 竊吹、③文衡公器,豈宜欺濫。 能訓子,邴安得登第?」遂命中書復試,而 王祐擢進士合格者十人,陶穀子邴, 世禄之家,宜崇素業。 宋太祖開寶元年三月癸巳,權知 翌日、穀入謝、上謂左右曰:「聞穀不 因下詔曰:「造士之選,非植私 如 自今舉人,凡 聞黨與,頗容 名 貢 在 第 舉

# 宰執子弟不預科名

舊唐書》:「王薨苦學,●善屬文。以

②「六」,原作「二」,據中華書局校點本《續資治通●「時所」,原作「所時」,據鄒刻本改。

編》卷九改

●「蕘」,原作「簨」,據《舊唐書・王播傳》改。●「容竊吹」,原爲空格,據《續資治通鑑長編》卷九補。

季父鐸作相,避嫌不就科試。」

子弟 竇緘、源  $\pm$ 及第,餘四人落下。」」 起 非之。 典貢部,選士三十人。 舊唐書 重、鄭朴五人,試文合格, 復奏,武宗勑曰: 楊 嚴 傳》: 「會昌 嚴與 『楊嚴 四 楊 年,僕射 物議以 知至 人可

臺 及第。 其 子 文法,恐 勢,以『舉人文卷須十日前送納 居於樞務,男私拔其解名,干撓 推 勘。 **滈應進** 大唐新語》:「大中末,令狐綯 諫 奸 疏留 議 欺 大 士舉,在父未罷 得 下不 夫崔 路, 出 孤 宣上疏, 直 杜 門」,請 相 論 主司, 党 豊可 前 滈 下 弄 拔 罷 御 侮 父 父 史 相 尚 權 史 弄 解

支使 政 上 日 吕 許 宋雍 蒙 仲宣之子 正 此 之子 熙二年, 並 勢家 亨、 》,與孤 待問 宰相 鹽 鐵 寒並進,但 李昉之子宗諤、 舉 使 進 Ŧ 士: 明 之子 試 皆 以 扶、度 、藝升, 人等。

人亦謂朕有私。」皆罷之。

除 静 于是宰相文彦博等言公 不 恬退守道者旌擢,則 或 退 就 一、乞加 廷試。 子監主 韓 維 嘗 甄 簿 仁宗患縉紳 以 録 進 \_ 士 薦 召 試 禮 躁 奔 舉士院,辭 好好 部,父億 求者自當 競,諭 古嗜 近 學 任 知 ,安於 臣 不赴 執 愧。 티 : 政

### 倖第並坐其兄

等。 授單 ±, 師 道 遺責授· 州團 堯咨教幾道于卷中 宋景德二年 禮 部 ☆忠武: 練 奏名將 副 行 使。 軍 四 廷 月丁 先 司 試 是 馬 ·密爲 西,樞 師 知 近 制 道 制 識 誥 弟 密直學士劉 别,幾 悉 幾 陳 糊 消 堯 道 名 舉 咨 校 既 進 責

「弟」,原作「第」,據《宋史‧劉師道傳》改。

擢第,或告其事,詔落籍,永不預舉。

子雱 或居 清切之職。 自 處筦庫,甚 『治平以 王安石 列 事 宋史•趙屼傳》: 侍 權 前 繁 從, 柄 大臣 者不 重之 今宜杜絕其源。』」 國,持内 由 是 使 地 不 循 應 敢 習 舉不避親 無 科 援 「爲御 爲 出 置 舉 常 親 身者,或預文字 與 黨 史,上疏言 寒 之説,始以 資望淺者, 于要塗,多 士: 争進。

億輔政,不肯試大廷,受蔭入官。」《韓維傳》:「以進士奏名禮部,●以父

召試秘閣,父介引嫌罷之。」《唐義問傳》:❷「鎖廳試禮部,用舉者

### 優給大臣子孫

月 勑 舊唐 張茂昭 書 立 憲宗 功河朔, 紀 舉族 元 和 歸 朝 年 義 + 烈

> 匹,春 財,追 之風 秋二時支給。」 懷 史 舊 册 勛 攸 , 特 載。 越常: 如 聞 典。 身没之後, 宜歲 賜 絹 家 無 干 餘

### 禁保留官長

觀 革 既 布朝 令。 自 州 察使審詳 ,免致勞煩。 妨 縣 有 農 政聲達於 廷之條法。 牧宰之任,委寄 吏民、緇黄 後周太祖 作 之時 事 狀,❸ 廣 朝 今後刺史、縣 繼 又耗路塗之費。 順二年八月甲午 若 聽,何勞民庶遠 來 朝廷當議 廉 非 詣 勤 輕 闕, 奉 繋烝 職 留 令顯 獎 舉 昇 撫 庶之 -, 勑: 政 字 刺史、縣 有 所 及 政 舉 慘 宜 姓 民 能 舒 留 僧 釐 諸

0

詳

原作「解」

據《册府元龜》卷一六〇改

<sup>● 「</sup>奏」,原作「奉」,據鄒刻本改。

② 「問」,原作「周」,據《宋史·唐義問傳》改。

### 禁民往南

道更不舉請,

切止絶。」

適南者止之,爲商者聽之。」 《元史‧世祖紀》:「至元二十三年四 《元史‧世祖紀》:「至元二十三年四 《元史‧世祖紀》:「至元二十三年四

#### 生員招猺獞

因請罪之,上曰:『不必罪,姑戒諭遣之。業,顧舍所學而超幹辦,其志陋矣。』禮部燭至京。上諭禮部臣曰:『生員當居學肄安縣學生伍章等六人,❶偕所猺獞,首貢香安縣學生伍章等六人,❶偕所猺獞,首貢香

招撫。」

●「高安」,疑當作「高要」。高安屬江西。

## 日知録之餘卷三

崐山顧炎武亭林氏述

### 廢釋道二教

所應 家,真 隸 寺 承 立 著作郎王 百 ,例皆禁之,其 燒 漢 寺 姓 因 祠 制 都 香 偽混 晉 澄故 亦亦 奉 邑, 禮拜,以遵 書 度 淆 循 以 漢代 多 奏曰:『佛,方國之神,非諸 佛 ,多生愆過。 前 奉 圖 奉佛、皆營 軌。 其 初 犯者與 澄 典禮, 神, 傳 傳 今可 其道 **\*** 漢 其 人 淫 斷 惟 虎下 造寺 澄 百 皆 祠 趙 爲 辟 百 不 聽 人 書 廟 石 卿 罪 悉 出 西 相 料簡 虎 + 不 家 域 所 其 逮 聽 人 競 其 重 得 出 趙 衆 魏 華 諸

> 奏。 聽之。」 所 居諸 人 爲 應 兼 夏,至于饗祀,應從 虎 沙 門者, 以澄故,下書曰: 奉, 其 還 夷 趙 服 百 百 姓。 姓,有樂 本俗。 朕 朝 出 1: 事 佛是 自邊戎,忝 多 佛 司 者 戎 度 神, 所 時

沙門 匿。 養師 月 咸 T. 以 所 又沙門 戊 聞 巧 下 以 壹 申, 《魏 之 身 限今年二月十五 至 巫 於 之徒,假 齊政化,布淳德于天下 人 死, 詔 挾 書 在 庶 藏 曰 : • 主人門誅 其家者,皆 人,有私 世 讖 『愚 記、陰陽、 祖紀》:「太平真君五 西 戎 民 養 虚 無 日 沙門、 誕,生 遣 識,●信惑妖邪,私 , 過 圖 明 詣 相 期 緯、方伎之書。 官 師 也。 致 宣 不 曹 妖 出 巫 告, 孽。 不 自王 及 師 年正 咸 得 金 巫 容 公 知 非 銀

❶ 「民」,原作「氏」,據鄒刻本改

七年三 月 詔 諸 州 坑 沙 門 毁 佛 象

高宗紀》: 興安元年 十二月乙 卯 初

曇標 復佛 沙門,罷 專 『佛法訛 道 法。」 成 宋書 逋 人與 道 藪 者 • 替 羌人高 夷蠻 數 加 ,沙門混 百 奸 一傳》: 人。 心 闍 頻 謀 雜 世 0 發, ,未足扶濟鴻教, 反,上因 祖 太祖 [X] 大明 狀 元 二年 屢 嘉 是下 聞 中,

之意。 佛法 仙 而 化之證 鋭 敬重 志武功,每 釋老志》: 及得 ,遂信行 一沙門, 寇謙之道, 世 以平定禍 耐 其 未 祖 術 存覽 即 帝 位,富于春秋。 時 以 亂 經 司 清 爲 教 徒崔 深深 先, 淨 無 求緣 雖 . 浩 爲, 歸 宗 博 有 報 既

掖

,❷交關妃后,此制竟不

能

行。」

非戒

行禁苦,並

使還

俗

而諸

寺尼出

人

宫

後

有違禁,嚴

加

誅

坐。』於是設

諸

條禁,自

亂

風

俗

,人神交怨。

可付

所

在,精

加

沙

汰

敗

詔

有

汰

日

൬

誅 既 萬 醜 中。 先 反杏 爲 學多 曰 : 便室,見大有弓矢矛 不 人耳。』命有司 依長 是,長 信 長 忿 計 世 酒 『此非 安沙 貴害。 城,關 沙 具 佛 聞 帝人觀 安行事。 門 又爲 法。 及 安沙 帝 門,焚 非 州 沙門 中 每 帝 與 窟室,與 馬, 法,浩 郡 門 騒 訪 案誅 帝 以 牧守、富人所 所用 破 沙 種 動,帝 又詔 以 其 言 佛 時 門 麥寺 大 辨博, 像, 貴室女私 數 , 楯, 出 從 飲 寺。 當 事 曰:『彼沙門者 乃 加 從官 行 與 内 0 初 西 頗 非 蓋吴 浩 閱 留 大 以 御 伐,至于長安。 信之。 毁 寄 酒 奉 其 臺下四方, 奏聞。 賜 進 常常 行 ()從官 藏 謙 通 財 牧 其 淫 物、蓋 謀, 之道 産 謂 亂 説。 馬 會蓋吴 [,假 大 虚 帝 規 人 于 一, 尤 誕 得 其 麥 害 西 **�** 詔 帝 以 怒

夷 蠻」, 原作「蠻夷」,據《宋書 夷蠻傳》改

0

寺」,原作「市 據《宋書• 夷蠻傳》改

言,不 盛 毁 羲 朕 爲 亂 眩 以 漢 道 刑 時 日 皆送官 于 戎 滅 視 承 禍 焉 亂 荒 恭宗 過 夫 丘 殺 虚 之治 天常 天 墟 君 沙 下 誕 天罰 本人 諸 期 王者之法 如 緒, 千 ·; 信 爲 由 門之濫 曹, 也 不 是 寺 生 是 太子監 急 情。 自 門 出 惑 再 屬 里 妖 不得 政 其 自 行,生 古 ·; 世 沙 孽, 窮 =蕭 邪 教 Ŧ. 運 叔 九 條,不 蔑 僞 又 門 隱 不 不 或 非 切 公 不 州 季 之敝 , 妄假 如 民 「素敬 . 行 护 。 修 匿。 非 身 所 蕩 以 之 之中 也 奉 死 死, 禮, 啚 以 見 除 下 世 ,欲除危 盡 土木 限 乃 像 胡 睡 容 佛 無 義 , Ø 自 闇 有 今年 下 齊 之罪。 人 夢 迹 道 此 止 此 大 君 私 政 詔 Ŧī. 一,皆 事 ·丹青 ~,頻上 者誅 也 壞, 滅 以 僞 亂 養 服 化 日 二月 來,代 其 定 出 之内 胡 沙 主 i, 自 今罷 夸誕 布 妖鬼, 一昔 門 踪 真 于 表, + 門。 道 莫 淳 此 跡 大 後 鞠 經 熾 不 其 Ŧi. 然 陳 德

> 亡 遠 門 畢 諸 歷 子弟 問  $\equiv$ 法 及 庶 老 莊 月 今胡 毁 署 近 有 代之僞 廢 造 無 無 然 矣。 之虚 皆 獲 也 少 佛 劉 形 謝 而 後 長 啚 預 像 免 元 人,共云 于 不 能 真、吕 高 形 物。 聞 假 泥 風 恭宗言雖 行, 悉 行 宗 像 人、銅 氏 知 而 附 坑之。』是 非 蓋 踐 及 矣。 土 得各爲計 有 伯 無 常之事 而 胡 極 大 司 木 益之,皆非真 彊 有。 人者, 下 經,多 宫塔, 宣 好之魁 自 不 之徒,乞胡 今 告 用 詔 皆是前 歲, , 非 以 盡 門 諸 征 聲 然 誅 後 皆破擊 州 太 也 鎮 朕 猶 教 四 縣 平. 諸 孰 世 敢 之誕 方 所 緩 雖 實,至使 有 真 軍 能 漢 有 及, 『各聽 沙 宣 焚燒,沙 非 君 去 事 門, 詔 刺 言 胡 常常 莫不 之此 無 七 胡 神 名 之 年 用 賴 神

删

<sup>● 「</sup>死」,原作「先」,據鄒刻本改。
● 「木」下,原行「册」字,據鄒刻本

<sup>「</sup>有」,原作「非」,據鄒刻本改。「死」,原作「先」,據鄒刻本改。

州 里 長 佛 四 所 幼 鄙 明 十人。』天下承 出 者 品 于 1,聽其 良家 其好 出 樂 性 家。 風 道 行 法、欲 素 率大 朝 篤 不及 州 爲 無 夕,往 Ŧi. 諸 沙門,不 + 嫌 穢 時 所 間 小 鄉

起 塔 寺。 南 齊 武 以宅爲精 帝韶:「公私 舍,並 不 嚴 得 斷之。」● 出家 爲道 ·, 及 毁

(寺圖

仍還修矣。」

無 門,有不從者殺四 集 、道士。 家 齊顯 論 祖 難 以 于 佛道二教 前 遂 勑 乃奉命,于 道 不 士皆 同,欲去其 剃 是齊境 髮 爲 皆 沙

除之。」 令還民。 斷佛、道 周 書》: 二教,經像悉毀,罷 並 禁 諸 武 淫 帝 祀,禮 建德一 三年 典所不 沙 五月 門、 載者, 道 丙 士: 子 並, 盡 初

宣帝 年 六 大 月 象 元 己 年, 酉 初 帝 復 崩 佛 像 庚 及天 申 復 尊 行 像 佛

> 入道。 道二教。舊沙門、道士誠積自守者,簡

**令** 

觀 下僧 者,悉令罷遣 大寺觀,給其 二所,諸州各留一 尼、道士、女冠,其 唐 高祖武德九年,下 一勒還 衣食, 鄉里。 所,餘皆罷之。 毋令闕乏。 精勤 韶命有司 京師 練 行者 留 庸 寺三 猥 沙 遷 汰 粗 所 穢 居 天

之侣 法流 以 清 以 者,衣服 勝業,修植善根,開道愚迷,津梁品 淨 敷 京 ''**,** 規 衍 爲先 師 行,末代 《舊唐書》:「武德 寺觀 經教,檢約學 飲食 自 遠離 尊 不甚 一,咸資 凌遲,漸 高。 塵垢,斷除 清淨 浮惰 四 徒,調 輩 詔 以 九年,夏五月辛巳 之人,苟 虧 曰 貪欲 自 懺 濫。 : 身心, 覺 所 釋 王遷 乃有猥 避 迦 捨諸 庶。是 以 徭 謝 闡 弘 教 賤 像 宣 染

「嚴」,原作「厭」,據《南齊書・武帝紀》改。

0

宗旨。 老氏 嶇,❷ 泥,混 等齊 情 外,全真守 盈 不 毁 豪 至乃 有 心之所,理 貨 息 妄 求 猾 間 在 道 接 妙 物 爲 垂化, 徒 護 每 親行 閑 延 法。 剃 棟 夫清 耕 里 朕膺 持 鄽 宇 度 曠 長 罹 進 織 出 劫 邸 譬 殊 之 尚 水 輕 人,關 本 憲 0 爲 一, 是 違 期 掠 欲 • 拓 兹 境 托 幺幺 、馭字 慢 網 生, 實 戒 使 ,躬自穿窬,造 鄰近 又伽 稂 號 寂 錯 之 冲 律 謂 惟 玉 估 自陷 藚 出 莠, 心 舛 之文, 虚 石 沙 屠 趨 販 興 近 周 家 藍 一,養 隱 有 品 門 酤 代 成 有 喧 重 旋 降 之地 若 嗜 穢 分, 虧 以 刑 業 教 雜 志 退 驅 埃 驅 慾 嘉 崇敬之道 誘 來,多 法, 之方 无 薰 馳 塵 無 事 黷 策 本 作 無 苗 納 爲 亂 蕕 # 滿 禮 志 仝 妖 厭  $\Box$ 田 奸 室, 立寺 有 務 義 編 思 淨 真 訛 産 遺 繕 類 邪 誉 之 辨 利 居 如, 交通 户 采 尤 情 彼 羶 聚 求 益 舍, 訓 乖 物 Ħ. 或 崎 腥 栖 淤 傾 洂 積 不

> 其下即 六 兵 餘 三所 依 並 短 律 諸 存 月 、誅之」云云。 法教。 **\$** 者 僧 悉罷之。』事竟不行。」按 妙 庚申 0 罷 道 其 尼 接「六月庚申, 並 復浮屠、老子法。」何 遣 不 觀 道士、女冠 永 能 違制之事,悉宜 二所,其 古 《新史》乃云: 各還其業。 大 精 福 寺觀 進 秦王以  $\mathbf{H}$ 戒 餘 居住, 等, 行 正 天 皇太子、齊 其 四 有 本 所 八謬飲 下 有 月 闕 停 澄 給 子巴 《舊史》之文不過 諸 司 精 不 斷 源 明 衣 勤 州 廢浮屠、 王仝謀 食,勿 爲 練 各 堪 宜 京城留 條 行、 留 供 從 老子 害 式, 養者 沙 令乏 守 己, 率 如 所 汰 此 寺 戒

0 0 +: 虧 剃 違 通 教 原作 典 法, 制 京 武 據 師 鄒 德 留 刻 九 本改 本改。 寺 年二月 三所 6 觀二 以 沙 所 門、 選

0

0

原

作

守

據 據

鄒

寺」, 寺」,

原作「守」

刻 刻

本改 本改

道

鄽 采」,原 原爲 作 空格 來 據 據 鄒 鄒 刻 刻 本 補

尼 年 道士、女冠還依 高 行 實之, 餘 皆 舊 罷 廢 至 六 月 制 僧

非 心 天 精 西 鮮 以 無 + 以 正 偃 東 員 方 重 道 維 獻 下 名者 Jil 有 次 選 外 一人,上 佛 者 之 亂 新 獨 之,不變不 議 通 有 寺 郎。 道 舊 見之明,不 皆 教 之政,爲 制 道 觀 日 政 非 唐 : 時 廢 行者, 被 猶 書 也 觀 不 三 王 請 教 劍 于 邨 惟 留 定 無 南 中 彭 當 者之政 德宗 萬 道 因,循常守故者爲下。 劍 餘 爲 益 惟 東 或 偃 今道 代 能 士 南 悉 寺 于 有 111 傳 法 行 日 + 去 **令** 觀 僧 時 觀 『叔 **\***: 士,有 ,變人心 ,若不革 非 四 道。」下 聖 返 尼 察 請 常之事 日 等,上 初 使 大 頗 粗 遠 明 名 降 李 曆 爲 加 無 舊 爲 尚 此 蘭 殺 叔 末 等 空 穢 澄 奏,可 若、 實 風 上 書 以 明 門 留 今陛 雜 爲 汰 **令** 七,皆 集 Ŀ 道 不 僧 時 因 都 言 議 爲 俗 歸 下 行 自 故 Y 場 其 官

之心 者 耕 出 食 遠 既 必 徭 況 清 耶 之 行 餘 Ŧī. ()惟有 一于殺 耳 不 非 今日 ? 而 租 高 淨 廢 濁 留留 食 變人心,亦不 潔 征 甚 无 前 滅 蓋 制 但 僧衣 7, 在 臣 出 善 爲,若 代 者 盗 此 所 其 其 行 家 聞 門,所 帝 織 禁。 不 淫 于 亂 粗 古 然 食, 者 亦 天生烝 穢,  $\pm$ 王 而 法。 之 必 臣 人 以 數 皆 一者,已 豈 歲 衣 故 常 是, 恐 亦 乎? 無 是 色 以 廣 因 爰 惡 計 有 道 其 E 見 所 無 三乘 無 人 自 約 才 僧 也 其 奸 作 不 無 識 益 心 後 必 即 或 者 吏 矣 道 危言 犯 用 下 之人,比 于 漢 是 至 萬 受 將 今 詆 之 强 矣, 者 劣之流 或 至 坑 邪 天 有 爵 有 欺 Ħ. 害 險 乎? 制 況 于 殺 下 法, 餘 語 禄 職 不 佛 カ 如 而 是 陳 之外道 僧 持 能 縱 之 此 不 開 五. 遊 去 今 殆 以 苟 立 息 隋 者 示 肖 之 惑 難 行 叔 避 其 無 奸 教 愚 不 者 深 浮 致 未 悟 潰 所 明 征 戒 僧

佛

清

之。 擾 大臣 以 出 斑白 智 奚其 半,其年 役 年 蒼生之害 年 知 出 今之租 宜 教益 輸課,爲僧 爲 家,心已近道,況戒律檢 者令入仕,請還 輸 輸 不 陛下 以二教行之已 ,不知道。 此 夫子曰: 絹 絹 爲 去其太甚。 能 四疋。 重明矣。』議者是之,上頗 二疋。 令既行 賦三分之一,然 政 老精修 致 H 除 ? 此 旰 矣。 何傷。 臣 五十而 尼及· 其雜 憂勤 人年五十, 者 僧 伏 舉 其 其議 俗 道 請 女道士未 色役 久 必 年 爲 將去人害, 僧 規避 臣 僧 知 不行。」 ,列聖奉之,不宜 盡 過 平人 天 竊 道 則 以 與百 爲 五十 湿。 命 料 陛 未 計 慾嗜已衰,縱 人 其 者 其 滿 下 滿 天 性 姓 師 俗 者, 聽。 列子 之 下,其 所 Ŧi. **T**i. 此 同。 者 情 + 善其 或 則 出 + 而 請皆 哉。 固 但 日 一,不下 「富矣, 道 者, 者 不 已大 令就 有才 費 : 言 ·, 每 救 頓 釋 不 免 不 每 可

> 外郎 人心 爲天 餘還 實,俗鮮 日屈 下不逞,苟 三等,觀 夫、工女墮業以 十四四 雖 之弊,上言曰: 虚 次之,不變不因爲下。 彭 下法,乃下尚書省 | 國用 善 爲民。』德宗善之,以爲不 寡慾者 新 偃 名,每等降殺以 歸 爲二等,上等留 然 唐 曰:『王者之政,變人心 兵儲 書 避 重,于亂 未 也。 征 • 能 李 役,于 爲斁耗。 避 變 今迷 『佛,空寂 叔 入心, 役,故農 政 明 輕。 其 亂 傳 雜 七、皆擇 僧二十一名,上 内 人 臣 亦 議 僧尼帑穢,皆 今道士有名 甚。 而 無 桑 請 非 飾 爲者 叔 不 止本道 於是都 本道定寺爲 大 有德行者 其 明 今 勸 人心者。 爲 外, 素惡 也 0 叔明之 Ŀ, 9 官 兵 使農 道 道 天 員 觀 無 大 뒓 口

道

請

<sup>0</sup> 故 止」,原作「正」,據 桑」原作 下 原 衍 據鄉刻本改 鄒刻本改 字, 據 唐 李 叔 明

道

餘

悉

還

爲

編

官

爲

計

П

授

地,

收

廢

絶

陽化之理。

臣

請

僧

道

士 一

切限

年

六

凡

几

以

E

尼、

女

冠

四

+

九

以

Ŀ

許

終

身

在

育

之理;

男子

+

六

有

爲

人父之道

+

儿

憑

夷

狄

不

經

法

反

制

中

夏

禮

義

之

俗

也

傳

點

自

令

不

南

所

日

女子

+

川

有

爲

人

母:

之道

四

+

九

絶

生

是

哉。」 滿 僧 ൬ 也 Ŧi. 道 夫 +; 也。 天 衣 僧以計天下 Ŧi. 雜 教悉 食者 刑 + 食 故賢 生 嗜欲 役 部 者, 今僧、道 烝 與 歲無 禁, 耕 者 民,必 員 民 可 已衰, 受爵 外 同之。 或 農 令歲 慮 郎 家 也 其 士: 將 禄,不 著 裴 況 不 廢 萬 有 輸 伯 職,游 **令**, 過 耕 男女者, 不 有 絹 言 五. 貲 Ŧi. 而 肖 又從 戒 四 夫 +  $\Box$ 食 法 者 閒 : 尼 所 7, 者 臣 出 而 繼 以 浮 **—** 及 免 謂 不 衣 祖之重也 檢 租 助之,是 織 食 女 道 能 者, 了, 王 税 而 其 凡 冠 士: 致 衣 蠶 情 人 輸 年 制 以 性 年 桑 未 絹 舉 常 所

皆

置

王

勑

寺 觀 以 爲 廬 舍 [。] 議 雖 上,罷之。」

尋 僧 舊 其 IE. 敢 羣 僧 智 天 屬 私 下 1 徒 H 過 月 黨 壇,度人資 興 泗 在 舊 ), 聚 州 沙 落 度。 到 者 已來,落髮者 州 渡 懸 唐 勒 府,不 者 彌 髪, 置 淮 榜 書 還 貨 自 0 僧 餘 招 人 日 本 意 無 聞 尼 李德 納 置 福 得 是 貫 德 厭 在 泗 戒 蘇、 私 百 裕 規 以 州 江 壇 無算。 緡 裕 度 訪 餘 以 常 奏 興 避 有 給給 傳 僧 聞 人, 勘 敬 自 論 百 厚 淮  $\pm$ 壇 尼。 宗 泗 牒 姓 自元 去 利 徭 ,户有三丁 臣 元 冬于 州 誕 即 問 江、淮 亦 今 徐 三 王 影 月, 置 П 和 和 惟 于 無 州 庇 江 增 以 智 蒜 無 本 + 節 年後 資 之民 次 來 淮 興 别 州 几 Ш 泗 度 産 文 法 渡 以 于 使 累 州

0 淮 據 鄒 刻 本

原作

事 法 南 度。』狀 失却 若 不 六十 奏,即 時 行 萬 禁 日 T 止 詔 壯 徐 此 此 比 州 到 事 罷 誕 非 之。 節 細 計 係 江 于 朝 淮 狂 以

錢,其 寺**,** 工 等 都 其 請 寺 併 銀 又 街 州 令式,諸 合行 像 奏: 留 每 留 内 望 省 銅 各 銷 慈 街 天下佛寺。 作 武宗紀 鐵 鐵 恩 留 其 香 付 寺,寺僧 留 天 精 上州 像 之像, 勑 一、薦 寺 下 度支。 日 寺 下 妙 委 兩 州 廢 福 者 官 本 因 所,寺僧 寺 所 寺 留 吏宜 會 州 忌 十人。」 右 中 並 衣 之。 出 鑄 銅 有 日 街 書 昌 廢 後 冠 于 官 爲 像 列 留 門 Ŧi. 限 留 士 如 其 農 道 勑 聖 吏 西 下 年 鐘 破 三十 庶 器 觀 E 尊 行 E 明、 條 秋 月 磬 之家 落 都、 容 香 七 疏 莊 金、 納 委 E 其 于 亦 聞 月 便 東 官 鹽 嚴 所 ·寺,其 銀 Ŀ 宜 庚子 奏: 州 **\$** 都 鐵 上 都 如 有 廢 中 都 鎆 合 移 使 W 勃 違 金 毁 留 F. 鑄 書 左 下 街 據 石 于

之間 之飾 飾 今天下 蠹 傳 言 既 像 田 H 洎 處 俗 部 委 而 . 崇。 僭 乎 此 佛 收 遞 已 合 鹽 衣 耗 九 異 管。』八 留 或 釐 鐵 受其 歸 儗 遺 隸 勞 寺 僧 寺 壞 州 風 俗 漢 革 使 君 宫 本 鴻 宇、 人 内 Ш 因 魏 依 尼 法 而 饑 親 貫 庭 邪 臚 力于 月 之後, 原 依 不 禁 害 漸 者 充 寺。 招 于 緣 法 舊 口 人, 不 銅 ; 兩 制 晉、 師 染 税 提, 不 土木之工 覺,誘惑 勝 法 京 習 户。 其 像 資 無 口 又 宋、 數 處 莫 婦 城 蔓 之際,違 大 教 朕 奏: 踰 獨 分。 知 不 闕 秦 齊 皆 如 寢 聞 此 存 衍 蠶 紀 待 人意 外 穆 奪 興。  $\equiv$ 僧 梁, 道 僧 其 滋 極 有 代 護 耕 或 徒 其 西己 多。 土 尼 X 人,送 物 已 等 是 而 受 日 而 皆 Ħ. X 不合 偶 利 前 祠 木 力 衆 由 食 其 廣 雲 以 並 于 于 未 凋 寒者 益 季 夫 搆 待 還 戒 至 勒 釋 隸 金 佛 石 時 迷 不 · 嘗 藻 織 律 寶 還 寺 本 教 箬 祠

待 自 不 或 税 徒 餘 萬 下 條 流 抗 柄 太 百 可 風 之教。 1;是以 宗, E 户 此 雜 所 Ŧi. 所 王 疏 革 衍 衡 俗 斷 哉 及 中 + 之 清 踰 白 拆 至 轉 澆 收 以 今 人,收充兩 典 淨 華 <u>Ŧ</u>i. 寺四千六 當 資 詐 + 在 膏 經 武 盡 勒大秦 貞 之 訓 萬 法, 萬 宜 不疑 邦,豈 腴 莫 定 去, 風 觀 人。 朕 濟 廢 上 在 不 禍 博 贵 開 慕 丹 田 必 人 由 白 穆護、祆二千餘 亂 于 隸 可 税户 謂 而 利 元 數千 行 無 艧 是 餘 戲,前 僧 前言, 以 中 亦 無 以 衆, 爲 無 所,還 而 尼, ,拆招 外 品 時 嘗 文 之 萬 懲千古 用 致 子 諸臣, 釐 品 理 古未 屬 旁求 理 之室 頃 也 驅 俗 何 革 西 提、 主 華 收 浮 讓 僧 方之教 客, 之 行 夏, 簡 輿 何 協 況 劃 人 奴 游 蘭 焉 尼 蠹 易 啻 議 我 子 除 還 執 若 似 顈 婢 不 齊 弊之 億 源 至 高 不 業 將 俗 + 其 明 爲 與 此 四 干。 意, 政 盡 祖 0 之 我 有 外 萬 天 成 兩

> 成 以 革 俗 弊 之 之始 功 將 H 使 用 六 不 合 知 黔 下 黎 制 仝 明 廷 歸  $\pm$ 宜 化

子

意

\_\_\_\_

尚

主 俗 告 等 分 觀 各 乃 蠹 二千 田 留 留 先 客 數 中 爲 僧 察 天 外。 三等: 下, 千 餘 使 毁 尼二 Ŧi. 二寺,每寺留 不 通 萬頃 人。 治 人 Ш 隸祠 欲 鑑 凡天下 野 十六萬 所 **\***: 毁 去之。 上 八月 招提、 及同 部 奴 招 等留僧 武 婢 提 所毁寺四千 <u>I</u>: Ŧi. 宗會昌 白 + 蘭若, 勑 華、 道 僧 午 蘭 百 官 Ŧi. 士: 三十人。 商、 若 人 上 萬 + 詔 趙 、 大 Ŧi. 四 表 人 陳 汝 歸 中 E 年 萬 稱 州 秦 釋 -等留 六 都 真 餘 賀 所 天下 穆 百 等 教 各 留 品 東 惡 之弊, 護 復 餘 留 + 僧 尋 都 僧 節 品 勸 皆 收 祆 又 兩 尼 寺 之, 度 隸 良 僧 歸 街 耗

0 祆」,原作「社」, 據《舊唐 書 武 宗紀

半,留 付 無 將,爲卒 東 名,染于人口  $\Box$ 五臺僧多亡 算閒 居 都 『汝趣白本使,五臺僧爲 庸 止 十人者 弱 留 必 僧 日 : 「 竟 不 奔 ? 有 如 减三人,留 幽 +有游僧 何 出 獨 州。 人, 益? 州 不 卒 諸 見 李德裕 入境 道 張 近 何 Ŧ. 留 仲 日 爲 則 將 人者 武 劉 斬 虚 召 必 + 之。二 進 乃 從 取 不 更不 奏官 人 封 諫 容 如 减 詔 納 出出 謂 刀 其 聚 之 州

孫

外,更各增置八寺,僧尼依前隸功德使,不 主客。」 六年 <u>i</u>. 月 Z 巳, 一京街 先 聽 留 兩 寺

僧 敕: 縣 釐革過 教,無損 應 復 ❶『會昌季年 舊唐書》: 會 當當 能 致 昌 修 事 理之源。 Ŧi. 創 體 年 未 四 ,併省寺宇。 一 任 宣宗 宏, 月 中 所 其 國之人,久行 大 住 廢 靈 中元 持, 寺宇,有 山 勝 雖 年,閏三月, 所 境,天下 云異方之 司 宿 其道, 不 舊 得 州 名

> 禁 止

下一 度僧 羣僧 修國 也。』秋七月,中書門下奏:『陛 復,未修者勿修, 東門之勞耶? 之寺, 豈若 積弊,奈何 故僧尼之弊皆復其舊 樵 來,修復 僧。 幾復 百七十 上言 東門,諫官上言, 安 通 坐 鑑 其 武宗憤其然,髮十七萬 華 東門、 興之于已廢乎。 廢寺,天下斧刀之聲 占 舊矣。 萬 屋 一是時 户 ,美衣精 姓 之急 顧 庶幾 始得蘇 男耕 早 陛 耶 降 君 下 百 遽 女織, ? 明 饌,率以 相 縱 Ŧi. 息也。 姓 爲 詔 務 所 年 平 猶 罷 不 僧 不自 反會昌 役之工,豈 夏六月,進士 下樂奉釋氏 能 得 日 役 至今不 陛下 未復 者陛 息 如 + 僧,是 温 肩 今所 Ė 武 之政 飽 之日 宗除 即 者 不 下 絶 勿 值 復 欲 位 天 能 而

以

養

<sup>0</sup> 敕」,原作「勒」,據《舊唐書・ 宣宗紀》改。

也。 選擇有行業者,若容凶粗之人,則 擾人,望委所在 羣下莫不奔走,恐財 鄉村佛舍,請罷兵日修之。』從之。」 長 吏 力 量 有 加 樽 所 不逮, 節 所 因之生事 更非敬道 度 僧 亦 爲

得 息, 其大縣遠于州府者,聽置一寺。 更置佛舍。」從之。 而 冬十月乙卯,中 州 縣 諸 寺 尚 未 書門下奏:「今邊事已 畢 功,望且令成之。 其鄉村毋

者。 者 存者二千六 斷手足、煉指、 非 六,見僧四萬二千 亡、歸俗者皆隨時 府、京兆府、青州 勑 ,必俟祖父母、叔伯之命。 令兩京及諸 額者悉廢之。 周 世宗顯德二年五 百 九 掛 + 聽 州, 每歲造僧 燈、 開 四 四 禁私 設 落。 百 帶鉗 廢 戒 四十,尼一萬八千 壇。 度僧尼,凡欲出家 月,❷勑天下寺院, 者三萬 是歲,天下寺院 之類 禁僧俗捨身、 惟兩京、大名 幻 三白 賬 惑 有 流 死 俗

七百五十六。

連 經五 人。 轉死之民。東南之俗,游惰不職者,跨村 耕,十人食,天下安得不重困,水旱安得 者 不得 曰:「一夫耕,三人食,尚有受餒者,今一夫 邑,去而爲僧,朕甚疾焉,故立此 四千人,已度者萬數,天子驚駭,遂 至道初,又令三百人歲度一人, 百紙爲合格。先是,泉州奏僧尼 復興。」開寶中,令僧尼百人許歲 建隆初 沼, 詔: 佛寺 已廢 于 顯 制。 德 下 未 以 度一 中 詔 誦 無 度

行 告,所犯者依法 宫 朝典。公主、戚里、節度至刺史已上,不 州縣常行覺察,如造 天禧二年三月,詔:「不許剏修寺觀 科 罪。 州 縣 間 不 以 切覺察, 上,許人陳 院

<sup>「</sup>事」,原作「市」,據《資治通鑑》卷二四九改

<sup>「</sup>世」,原作「顯」,據鄒刻本改

<sup>「</sup>令」,原作「全」,據《資治通鑑》卷二九二改。

留。 多聚 彈奏。」 得 奏請 並 奸 盗,騷 是歲,又詔:「諸處 令 毁拆其 擾 村 開 舍 鄉,況 置戒 宇, 三十 有 壇。 不 條 係 貫,不 如違, 間 名 額寺院 以 上 許 御史 並 存

人折志誠等焚毁道藏僞妄經文及板。 元世祖至元十七年二月丙申,詔諭真

留存。

悉毀。」從之。《道德經》係老子親著,餘皆後人僞撰,宜《道德經》係老子親著,餘皆後人僞撰,宜十月己酉,張易等言:「參校道書,惟

三十年四月, 勑江南毀諸道觀、聖祖

天尊祠

錄》、《科範》。● 成宗元貞元年正月,詔道家復記

行《

金

### 改佛爲道

易服 女道,尼爲女德。」 號大覺金仙 年,置道階三十六等。 飾 宋徽宗 稱 姓氏。 ,餘爲仙 大觀 寺爲宫,院爲觀,女冠爲 四 年,停 人、大士。 宣和元年 僧 牒。 僧 . 詔 爲德士, 政 「改佛 和 几

僧寺。 錢 院爲宫 撥賜産千畝,已而豪華 觀 宫, 又在 初止改天 所,不用天 《老學庵筆記》: 其外。 ,據其産二萬一 俄又不用宫觀,止 (寧萬 三泉縣 寧。 壽 若 宫 以不 千畝,賃舍錢、 無涯。 政和神霄玉清 觀 州 改 城 爲之, 隸州,特置 僧 無宮觀 西京以崇 寺。 後 别 初, 袁 改 萬 即 德 通 E 利 改 宫 壽

<sup>●「</sup>範」,原作「記」,據《元史·成宗紀》改。

· 至 凡 縣 皆 和 改 末 僧 寺 爲 神 霄 下 院 駸 駸 H

張

宣

方

而

#### 禁 鑄 佛 寫 經

之道 容 坊 不 不 福 流 近 寺 教 經、公然鑄 不不 遠。 宇相 者 市 知 蕩 者 大 既 佛 不 在 唐 任 悟 致 頗 溺 非 虧 玄宗開 得 望 于 精 就 飢 成 在 于 清 更 慢 微 寺 佛, 凡 寒。 蠢 外,法 積 以 淨 狎 覩 禮 欲 弊 元二 習 ·, 存 鎸 П 之心 拜 言念愚蒙,深 歸 菜 食 佛 如 本居心, 實 依 乎 年 希 寫 酒 斯 聞 上, 足 須 藉 利 七月壬子 金 肉,手 經 起。 坊 經 益 申 爲 申 逐 巷 典 明 近取 業。 禮 百 燄 之 漫 今 誦 用 姓 敬 思 ', 詔 内 自 羶 兩 讀 諸身,道 須 嗟 等 水 者, 今 腥 京  $\Box$ 瞻 開 下 悼 或 以 城 勤 仰 緣 尊 人 鋪 浸 後 内 尊 則 淺 求 干 殊 敬 寫 以 佛

> 寺 並 贖 進 此 取 如 經 本 少 僧 爲 寫 供 諸 州 寺

> > 觀

#### 禁 與 僧 尼 往 還

册: 得 與 唐 玄宗 僧 尼 往 開 還 元 年 七 月 戊 申 禁百 官

家

#### 僧 禁

公文。 交通 教 州 西, 不 化 鎮 得 詔 ^ 其 奸 容 沙 魏 猾 詔 止 門 在 在 書 經經 曰 無 畿 外 不 • : 藉 郡 高 歷 齎 得 \_ 之僧 比丘 送 祖 年 州 去 付 紀 歲。 鎮 寺 不 本 精 浮 維 在寺舍, 曹。 令民 遊 那 加 延 隱 民 文 若 興 間 移 括 間 爲 , 行 Ŧī. 遊 在 有 年 Ŧi. 涉 臺 寶 者 者 几 相 村 者 巡 送 仰 月 保 付 民 齍 以 癸

都 維 那 等 印 牒 然 後 聽 行 違 者 加 罪

後 範 附 不出院。 太平公主 舊 唐書 其法 ,乃澄汰 Ŧi. 頗 行 峻 志 僧 尼 姚 ,令拜父 崇秉 政 母,午 惠

猶 許 得 僧 日暮 午後出寺。 全唐詩話 歸。」 **\***: 島 「賈島 有詩 云:『不 爲 僧 時 如牛 ,洛陽令不 -與羊,

日 來 迷 便之門, 士。 風 口 釋 僧 之勝因莫效, 至 河 猶 迦設教, 説兹 徒 理 漢 唐 無 · 盡 玄宗 厭 此 自 所 因 故 軀 惟 風 有 悔 一果,廣 三皇作父, 出 開 命 財 尤 雍 自 元 是 見在之家業已空。 以 甚 愚 熙之化。 外 + 求緣,竭 斂。 一, 因 樹筌蹄。 人 方。 九 寡 年 緣 津梁 Ŧi. 識 漢 四 講 朕 帝 資 主 月 屢 説 念 事 乘 財 中 癸未 陷 「壞,其 眩 彼 涉 時 而 年 刑 惑 流 虚 作 未開 事等 科 漸 詔 玄, 州 福 俗 教 于  $\Box$ 間 安 繋 未 方 東 近 深 渺

> 縣,不 科 如 時 今以 聚 假 施 禮 會 犯 托 一,便有 者 懺 後 威 無 能 權 益 須 先 僧 捉 于 斷 依 尼 宿宥,左道 搦 或巡 人, 律 還 除 並 俗俗 儀。 講 有 歷 官 律之外,一 蠹 鄉 仍 吏 午後 于 村 不常,異 依法 輒 俗 不 恣 與 律 行,宜 往還, 行 或 罪。 切 端 教 出 禁 斯 化 守 人 各量 所 斷 起 俗 州 在 大 制 事 州 自 其

貶。 遼史》: 聖宗開 泰 九

禁僧然身、煉指

請 不 時 翛 得 僧 出寺。 徒 金 曰 : 多 史 游 奉上命。 有 貴 王 戚 僧 翛 門 犯 傳 , 翛惡之, 乃 即令出之。」立 禁,皇姑大 **∀**: 0 知 大 長 禁 興 召 公 僧 府 僧 È 午 事 杖 爲 後

0

谿

壑

無

自

年十二月丁

亥,

翛 , 原作 據《金史·王脩傳》改。 下二「倫

一百,死。京師肅然。」

佛,惟 哉 ? 其 防 睿之君、忠義 以 佛之説 爲 銷之不 李廌《浮 治 法。」 其 而 徒。 躬 屠 之臣欲除其弊, 以 行之。』禮 日 論 其 : 》: ●「浮屠 道 『吾將 也。 部著 今 不 使 汝 以 終 初 爲 不 有 人 必 令,刑 出 中 不 推 户 能 或 罪 治 部 于 何 英

所,❷併 崇尚 又 若 禁 几 民,莫甚于此。 以 請 女子 民 給 以 太 洪 上者 家 度牒,必 不得 武 其 過 多 六 ,徒衆日 徒 聽,未 年十二 以 爲 而 尼。 女子爲尼姑、 考試,精 處之,擇 乃令府州縣 及 盛,安 者不 時 月 戊 上 通經 有 护 。 成,併 以 坐 戒 釋 止存大寺 丽 行 女冠,自今年 典者方許之。 著爲 道 食、蠹 僧 者 領 道 教 其 寺 觀 財 近 事 觀 耗 代

十七 自設 年 置 閏 僧 + 道 三司, 月 癸 亥,禮 未及三年,天下 部 尚 書 趙 琩

> 度 實 尼 (牒,且 假 已二 此 以 萬 嚴加 避 九 有 百 考試 司 Ŧī. 差 + ,庶革其弊。」從之。 役。 四 請 今 三年 來 者 次 益 出 多 其

皆不 歷 役 道 天下僧道,凡各府州縣,寺觀雖多,但存 所 夜 日 時,民皆崇敬。 講 世 召 教 修 有金人入夢,其 教, 勑曰:「 循 久不磨滅者以 鬼 始 行 一十四年六月丁巳,命禮部清 日 本 神 于 則 瑜 -俗,污 ,禦災捍 去色 老子,以 伽 佛 相、 其後 教 學 本 法 患,其 敗 道 至 此。 絶 中 始自 行,爲 有 漢 或 者 嗜 張 去鬚髮 今之學佛者曰 欲, 異 八道益  $\Box$ 西 道 教 Œ 害 域 潔 陵 也 甚 彰。 身 而 能 出 大。 至。 自 日 以 家 故 以 漢 理 者,其 全 爲 自 二教 異 當 釋 明 真。 禪 其 術 今 是 帝 道

<sup>「</sup>廌」,原作「薦」,據《四庫全書》本《濟南集》

<sup>) 「</sup>止存」,原脱,據《明太祖實録》卷八六補。

財。 者, 不許 朔 多 奏青 者 外 寬 舊 額 私 流 大 詔: 各遵 與 者, 及民 造 詞 增 可 願 民 符 减 容 「天下僧 悉毀之。」 爲 還 相 頒 有 籙 衆者 詞 孝 俗 混 降 效 語。 者, 子 者 科 瑜 違 聽。 道 皆 慈 伽 儀 道 者 所 有 治 教 孫 士 治 毋 其 併 稱 演 以 設 以 剏 妄 佛 爲 而 重 誦 齋 立 重 立 經 居 善 罪。」 經 一庵堂子 醮 罪 條 Ź, 友,假 翻 典 者 章 譯 七 報 親 亦 毋 已 寺觀 月 多 祖 故 雜 張 不 定 索 丙 許 真 父 相 處 者 非 戌 民 母 拜 隱 干

寺 于 易 之下 始爲 下 院 ·僧寺。 是命 名 僧 僧 姓 十五年,命 既 名 造 年 爲 時 成 月 周 以 僧 與 京 次 知 頒 遊 所 編 之 師 示 之,其 册 食 授 百 天下 僧 自 度牒字號 四 福 録 寺 方 . 僧 年甲 司 在 隱 寺。 造 京 無 囚 及 周 以 姓 俱 徒 凡 在 知 驗 名、 逋 游 載 外 册 其 卒 字 方 于 府 頒 ', 往 真 行 僧 行 州 于 僞 往 脚 名 及 縣 天

> 至京師,治之重罪。 至 者 以 册 驗之, 其 不 容隱 同 者 者 許 罪 之。 獲 送 有 司 械

諸 寺、 + 童 實 無 自 自 者率之。 以 云 : 人勿許,仍 有 二人于崇山 鈔 爲 人捶 ,不全者 司 主 以 侮 備 殿 「舊例,僧有妻者,諸 道 一差税。 以以 慢。 Ŀ 僧 道 死勿論。」 觀 十七七 逐 · 違 願 里 : 書 爲 餘 凡 費 凡 者 獲 毋 册 僧 僧 所 每 相 深 年 願 並 送 毋 得 稱 歸 者 至 容 谷 道 大 正 還 兒 有 索 剏 爲 併 「, 亦 僧 修 觀 隱 俱 月 童 俗 人得 司。 取 庵 題 大寺,設 寺, 禪 道 不 者 者 須 父 堂。 于 疏 許 命 及 1: 罪 捶逐之,更 聽。 父 1: 必 僧 民 學全真 編 禮 之。 奔 强 母 皆 揭 若 道 間 走 成 砧 部 求 亦 具 周 坐 遊 有 Œ 于 班 基 榜 民 告 以 不 索 人財 知 統六 妻 方 外, 者 次, 道 示 其 許 有 罪 册 亦 妾 問 鈔 聽 年《實 天 及交 收 毋 司 以 者 道, Ti. 年 下 奏 其 年 得 民 驗 + 聞 錠 構 高 僧 兒 許 必 其 輙 几

居及 度 方 (牒,不通者杖 許。 僧 道 三年後, 不 務 祖 爲 赴 風,妄爲 民 京 考試 有 議 稱 通 論 白 經 沮 蓮 典 鈴者皆治 靈 者 金寶、火 始 給

重

罪。

度 僅 嘉 發 是 制 百 子弟 戍 牒。」 定 不 民 餘 存 其 縣 遼 知 私 永 年 僧 有 披 樂 半 東、甘肅。 不 应 禮 ', 請 會司 剃 Ŧi. 朝廷矣。」命悉付兵部,編 聽 + 爲 年 部 以 小民之願 奏: ĪĒ. 僧 上 以 L. 月,直 聞,上 , 赴 諭 始 「縣舊 九月庚午,直隸蘇 禮 聽 京 部 怒 出 師 隸 爲 有僧 家,今犯 甚 冒 及 臣 僧者,令披 浙 請 曰 : 六百餘 曰:「皇考之 度 江 牒 諸 禁若此, 或 者 郡 軍 人, 家 剃 州 Ŧ 軍 給 今 府 民

> 舊 用 民, 有 0 禁令,違者必罪。」 僧 服 坐 田 食 力 于民 穡 養 何 父 補 母: 或 家 出 ? 租 賦 度 民 以 爲 供 或

發 民 送 民 京 子 北 種 京 田 師 弟 六年六月辛巳,命禮部 爲 及 僮 發五 盧 民 奴, 種 龍 臺 自 田 牧 Ш 削 馬 髮冒 輸 作 寺主 爲 僧 畢 僧者,並 移文中外:「凡 日,就 擅 容留 北 其 1者,亦 京 父 兄 爲

院。 清 混 有 處 規 不 屢 務祖 ,違者必誅 上 + 以 Ŧi. 犯 洪 風 年 憲章,乃 武 者, 里 年 Ŧi. 仍 間 月 以 命 天下 癸 僻 禮 酉, 處 寺院 部 私 榜 禁 建 皆 示 僧 天 庵 以 尼 下 院 歸 私 併 僧 俾 建 守 尼 近 庵

十六年十月癸卯,❷上以天下僧道多

0

<sup>「</sup>之」下,原衍「名」字,據《明太宗實録》卷七一删

<sup>) 「</sup>卯」,原作「亥」,據《明太宗實録》卷二○五改

受業。 禮 若 家 不許 牒 道 以 願 州 不 司 通 行 部 寺觀 録 而 ,及有祖父母、父母 制 通 上, 二 十 不過三十人,縣 榜 還 出 不 司 經 鄰里保勘 俟五. 家。 住 通 考試,果諳 諭 俗 典, 今後願 天下。 持 者 及 以 而 有年 『罷還 不 年後,諸 私 下,父 亡 檢 爲 無 簪 命 察 三十、 爲 僧 經典,始立法名,給與 礙 不 剃 黥 而 民 道者 經習熟, 母 過二十人。 ,然後得 容 無 刺 敗 皆允, 四十 他子 留 者, 辱 若 者 府 教 童 亦 以 孫 然後 投 不 門 方 子 罪之。」仍命 不 上,先曾出 寺 過 侍養者,皆 許 與 限 命 許 赴僧 觀 四 父母 陳 年 禮 出家。 從 +  $\dot{+}$ 告 部 録 度 不 有 師 四 定

門。 隱 行 其 童 中 請 謂 宣 德 給 行 宜 度 在 元 一令僧 牒 年 禮 甚 七 部 多 道 月 尚 一, 中 官 辛 書 取 酉 間 胡 勘 濙 贵 上 無 日 罷 如 有 果 朝 0 罪之人 無之,爾 今僧 御 右 潛 道 順

> 考 禮 日 試 以 部 後及 口 能 翰 通 不 林 大 通經皆不給 院 經 官 則 禮 給 與 科 度 給 牒 事 中 在 及 七 僧 月 道 + 官 九 口

人,額 皆不通 者多 精 不 爲 京 年,太宗皇帝定制 此愚民欲苟逃差役 請 通 過四十人,州 民。 清請 經 給 十二月庚午,行 外不 一年七月 典, 梵 時 度 如 典。 僧 牒 許 給 例 者, 童 與 悉 亂 行 戊子 陳 度 遣 多 收。 不 在 達 牒。 過 歸 係 罷 禮 凡 高 在 耳。」宥之,發歸 俟 額 三十人,縣不過二十 部請 等,請 願 禮 僧 今天下行童僧 若 Ŧi. 外 出家爲僧道者, 部 童 年後考試 係 濫 懲以 奏:「永樂 四 額 收 給 百 内 度 法, 且 Ŧī. 之數 牒 不 + 爲 上 通 考試 如 道 + 日 民 亦 典 卦 果 府 六 :

<sup>0</sup> 録 溇 九改。 作 濚 下 一「胡濙」同 中 研 史語 所 整 理 本 明 宣 宗

之盤

奸

人

得以

恣肆。

乞勑天下

有

司

齧

愚

婦婦

靡

所

不

爲。

所

至

官

司

以

其

爲僧,

不

津

但

遇

削

髮之人,捕

送

原

籍

治

罪

如

0

待五年考試給與。」從之。

所得 以 禁令,違者必罪之。」 爲善,今僧人多不守 E. 創 謂 財物 造寺院 都察院 七 车 皆以  $\equiv$ 月 爲名,羣 右 都  $\pm$ 非 御 禮 戌,申嚴 史顧 耗 异 戒 費。 佛 律 佐 '', 不 像 僧人化緣之禁。 日 其 歷 務 : 申 「佛本化 州 祖 明洪 郡 風 往 化 武 中 往

游 都 妄從異端,❷私自落髮,賄 陳 謂 禮部 大刹, 方 襄言:◐「各處近 化 十一月丙 緣 年三月戊 曰:「此僧爲自營計 又缺住持,請 爲名, 午,天界寺 遍 寅,湖 歷 有惰 市 命 廣 井 民 荆 高 僧 求 鄉 不 勿聽 僧 達 州 僧 村 顧 府 領 英 司文憑,以 父母之養 誘惑愚 荆 其 以 門 衆 寺 州 爲 夫 京 判 上

耕

種納

糧

。」上命行在

禮

部依

所言

行

之。

正

統

元

年

九月己未

都

知監

太監

洪寶

從之。 果是僧,止居本處,不許出境,庶絶奸

弊

畝 名 壞 來 體 趙 寺,該糧 當差, ,州三十名,縣二十名,就于本 風 佃 禮 聽其自種自食,餘田 言 家, 俗 宣德十年八月癸卯,廣 ? 男女雜 三千餘石,每當春 是致 「各處寺觀多 乞依欽 混 坐,嬉笑酣 同 定額數 世 俗 因 均  $\mathbb{H}$ 設 秋 飲 如 糧 撥 東 僧 贵 耕斂、羣 浩 南 有丁 按 大,與 海 寺 察 無 縣 無 量 府 使 污 光 給 四 僧 田 染 民 愈 之 敗 孝 往 事  $\coprod$ 

十月甲戌,行在禮部尚書胡濙等奏:保請度家人爲僧,許之,凡度僧二十四人。

- ■「言」,原脱,據鄒刻本補。
- 「妄」,原作「安」,據《明宣宗實録》卷一百改。

三四四

今以 以 私 逃 司、道 有 有 道 洪 置 防 自 亡没遺留 不同 即 武 後 奸詐。」從之。 簪 軍 與 録 間 ,給度牒者仍造册 剃 民及囚犯僞造者 即 對 司 者 天 爲 册 造册,頒 度牒未 下 爲冒。 ,其父兄、貫籍、告度 奸弊百端, . 僧 道 經銷繳爲他人有者,有 行天下寺觀。 迨今年久,前令寢 給 過 了,有盗· 真僞 ,頒行天下 度 牒 莫辨。 賣影射者及 者 月 **令** 凡 寺觀 乞自 日 僧 遇 廢 如 僧 録

進 師 士 之疏。❶ 張 Ŧi. 年正 諫 有 月辛未, 希求 請 給 給 僧 數 童 Ŧ 百衆 萬 人度 奄 至 牒。 京

于彰 司 坐當杖充邊 義 十一年九月辛巳,有僧四人 門 外 監 衛 察 軍。 御 史林廷 從之。 舉 等 私 奏 建 付 佛 法 寺

部 尚 書 + 四 胡 年 濙 等 几 月 日 甲 : ❷「舊 戌,上御 制,僧 奉 夫 道 之 門,謂 數, 禮 府

> 不 濫 送 其 精 送該 並 並 後,凡有應給牒者,先令僧道 概 不 悉 四 有 。 」 保 禮部復試,中 諸 諸 冒 通 由 + 通本教 ··, 事 品 品經咒,道童令背《玉皇本 管有司,審係額 本教及 請 里老並所司 州 科範, 發, 三十,縣 爾 其 經 來歷 禮 番僧 經 典,如行童令背《法 部 式然後具奏請 繇 勘 不明之人,妄報貫籍, 即 審 諸 + 實, 行 通 内並 司 文,請 方得申送。 壇 官 其行 場十 一貫籍 吏、 衙 童 諸 里老 給。 個 行 明 門 一度 司 白,仍 集 華 勘 牒之請 近聞 方 待三年 具 敢 · 》 等 》等 試 許 仍 重 前 試 名 罪 經 經 申 申

驛丞尚裭言:「近年以來,釋教盛行,聾瞽景泰十五年十一月辛卯,雲南虚仁驛

0 0

<sup>「</sup>淺」,原作「深」,據《明英宗實録》卷一七七改「奄」,原作「庵」,據《明英宗實録》卷六四改。

以

術 臣 雖 僧 蓋 士 不 明明 以 前之掌邦禮者  $\bar{Z}$ 民,誘煽男女,廉 興,沴氣自息。」 爲 止度裁抑,不過示虚文、應故事而已。 年日 宜 盡令長髮, 勑 度僧,百十萬億,日熾月盛 屈 耻 于 道 王 使歸俗務農, 喪,風 振 之勢,今年日 俗 埽 地。 庶 邪 度 此

徭役。 罪 經祝 褻天瀆 壞 妻孥,蓋欲超出 教 壽。 舊制、罷遣爲民。」 Ŧ 如蔡道泰、班 《元史・張珪傳》言:「僧道出家,屏 神 且處之官寺,宜清 刑 ? 比 者 「, 何 年僧道 臣 等議 世表,是以 可 講主之徒,❷傷人逞欲, 勝 往 數。 僧 往 道之畜妻子者,宜 淨 畜 俾 或 絶 妻子,無 奉 家優 俗洗 祠 視, 典,豈不 心 、異常 o, 無 絶 所 誦

# 二十以上不許爲僧

十已下來請度牒者,俱令于在京諸 三年,考其廉潔無過者,始度爲僧 『民年二十以上者,不許落髮 《實録》: "「洪武二十年 八 爲 月 僧 壬: 寺試 申 年二 詔 事

#### 僧 地 没 官

能 頃 寺僧奏:『本寺原種宛平縣 然臣空寂之徒,乞賜蠲免。』上曰:『僧既不 輸 有 税,其地令没官。」」 奇,近蒙户 實録》:「正統十二年二月庚戌,彌 部 委官踏 勘,令臣 土城外地十八 輸税。 陀

- 0 洗」原爲空格,據鄉刻本
- 主」,原作「生」,據《元史·張珪傳》改。

四

### 僧尼之濫

女 語 數 爾 十人 朱 云: 兆 洛 人寺 人 汝 陽 雒 伽 陽 淫 陽 藍 女 縱 穢 記 兒 自 兵 • 急 瑶 大 此 作 光 掠 後 寺 髻 頗 ×. 獲 時 瑶 有 小永 譏 光 秀容 誚 安三年 寺 尼 京 胡 奪 師 騎

梵嫂。」 清 廣 中 異 ^ 輟 僧 録 耕 有 録 室 家 京 引 者 師 大 謂 唐 相 鄭 之 或 火 熊 ^ 宅 寺 番 僧 僧 禺 有 襍 宋 妻, 記 陶 穀  $\Box$ :

違 寢,寺中苦之。 也 濫 者 往 (癸辛 來 以 僧官 供 襍 不 識 于 時 ≫: 每 之需 是 至 專 臨 必 名 作 平 呼 明 日 尼 寮 大 之少 尼站 貯 尼 尼 寺 艾 之嘗 者 大 有 供 魞

元

時

婦

人

切受戒。

自

妃

子

以

下

至

日 稱 原 間 聞 受 大 大 河 數 戒 師 臣 娘 布 殆 娘 北 日 子 誦 妻 施 與 受 咒 室 僧皆 工,又 則 常 病 戒 作 親 時 人 則 法。 日 有 自 則 時 無 于 妻,公然 赴堂受戒 至 延 異 以 凡受戒時 佛 房 帝 身布 特 前 不人。 師 無 首 堂 居 施 髮 謝 Ŀ 佛 恣 耳 其 妃 殿 其. 許 其 戒 主 夫 淫 兩 披 風 師 之 自 廡 污 袈 流 于 寡 外 裟 赴 行 名 帳 者 歸 齋 中 中

### 僧寺之多

之有 甚。 實 集 避 + 中 于是 調 九 或 也 自 役 卷 魏 所 凡 , 猥 略 有 在 有 天 īF. 而 濫 下, 編 JL 光 計 之 民 百 以 之, 至 極 後,天 于 相 + 僧 自 與 禪 Ħ. 中 尼 讓 入道,假 下多 部 大 或 之 · 合 衆 佛 虞, 有 經 佛 慕 流 百 I 千 沙門, 法,未 通 餘 役 九 萬 尤 大

矣,其寺三萬有餘

殆至數千。 南 唐後主普度 諸 郡 僧 建 康 城 中 僧 徒

#### 禁 女冠 尼姑

度牒。 觀 朝令,仍申明婦女出家之禁。❷ 俗,●今成志賢等亦宜 女冠成志 宣 禮部言:「太宗皇帝時,命尼 德 四年六月,有順天府大興縣 賢等九人, 詣 還 父母 行 在 家。」上 禮 部, 姑 一命先 皆 請 真 還 給 元

#### 造寺 寫 經並 無功德

免。 死, 惠凝 洛 日 陽 具説 還 伽 藍 活 過 記 經 去之時: 崇真 閻 羅 王檢閱 (寺): 有 五. 比 比 以 丘 錯 丘 司 名放 惠 閱 凝

> 作 + 弘 即 道, 志在 皆黑,似 好 物 閻 寺曇謨最,講《 不問講經。曇謨最 天 卷《涅槃》 自 講 堂。 比 經像,正欲 有 羅 比 經,實不明 王 丘 青衣十人,送曇謨最 云教 丘中 閻 云: 有 云 禪誦,不干世事,不作 非好處。 羅 亦升 是 化 第 講 王 寶 比 四 得他 曰 : 經 天 丘 明 涅槃》、《華嚴》,領衆千人。 粗 輩 (于誦 有 者必 堂。 是 寺智聖, 檀 人之財物。 行。 曰:『貧道 般 沙門之禮 越,造一切經,人 一比丘云是禪林 經。」閻 若寺 心懷彼 有一 令唯 向 坐 比 道 試 西 羅 品品 禪苦行, 立 :有爲。 我,每以 丘 必 既 北 坐 王 一身以 須  $\overline{Z}$ 以 得 門 禪 勑 是融 攝 誦 , 屋舍 他 來,唯 誦 付 驕凌 中 寺 雖 心 過 四 物 經, 司 守 像 覺 升

- 女」下,原行「婦女」二字,據鄒刻 姑」,原作 「始」,據鄒刻 本改。
- 彼」,原作「被」,據鄒刻本改

門。 經 自 者 聽 即 問 般 説 卿 之 不 隴 比 惱 貪 之力,何 日 任 智 若 禪 此 持 請 西 丘 心 即 寺 一, 曲 亦 聖、 太后 意 誦 太 以後, 經 坐 云 即 意 訪 禪 是 付 守 起 像 道 城 禮 寶 理 僧 0 聞之,遺黄 靈 司 沿 勞説 品 拜 造靈 京 明 枉 西 覺 懷 惠 一百人,常在殿 路 不缺 仍與 邑比 寺。 有 法 曇謨 寺 貪 凝 乞 此。 融 覺 寶 心 劫 亦 」索,若 八曇謨 覺 城 寺 丘 最 明, 便是三 入白 八門侍 奪 閻羅 悉皆 東 亦 成 襌 民 道 自 最 林、 有 付 私 鹿 財 王 即 弘 郎 口 云 禪 寶 司 毒 有 日 Ш 中 棄 等,皆實 徐紇依 出 人 靈 青 誦 明 假 不 : 財 黑 供 官 家 不 居 覺 寺 作 除 物 養。 衣 卿 之 門。 人 隱 等 此 復 造 城 送 作 道 惠 前 具 寺 有之。 三寺, 修 詔不 以 經 内 凝 人 太 嘗 有 足 道 像 黑 講 非 守 有 所 雖 作 煩

太祖 皇帝 御 製《 龍 興 寺 碑 **>**  $\Box$ 立 刹

> 之意, 將 民資 留 建寺求佛、福 心 歲 久, 數 欲 從 爲之, 何 來 ? 恐 傷 民 資

過, 果, 紀, 杲❷《答曾 爲。』 聲 求速效,不知錯 : : 坐 ●要免 有漏 「何 有 『朕 佛 體 羅 何 嗚 整 究 即 以 之因 佛 功 呼 庵 閻 爲 侍 位 無 自 前 德?』答曰: 欽 空 郎 家 以 功 順《 多 如 過 書》 老 來 佛 德?』答 禮 木 影 時 造寺、 子 法人 有云: 了 幾 知 隨 光,不 手 也。 拜 記 形 中 中  $\approx$ 曰 : 寫 『今時 或 鐵 懺 \_ 雖 如 却 並 經、度 一,所 棒。 悔 有 梁 謂 看 無 平. 此 非 武 幾 學道 無 謂 此 生 功 旧 僧 帝 實。』又宗 造寺、 卷 事 德。』 是 所 人 問 不 之士 經 省 天 愚 作 口 達 緣 小 寫 人 罪 念 帝 勝 磨

所

幾

静

只

日

曰

一「杲」字同

<sup>0</sup> 意」, 果」,原 原 作 脱 果 據《四 據 庫全書 四四 庫 上》本《 全書 浴 》本《困 陽 伽 藍 知 記 記 補

罪」,原作「羅」, 據《 困 知 記 續 録

不

能

爲

之

解

説

乃

欲

諂

事

土

佛

木

佛

之造

寺、

寫

經、

供

佛、

飯

僧、

看

經、念

佛

者

乃

佛

氏

之

所

深

戒

也

謂

之三

毒。

凡

如

E

所

云

種

種

造

作

以

爲

無

益

者

前

後

如

 $\Box$ 

此

又

不

足

信

耶

Ħ.

夫

貪

嗔

痴

所

以

保

獲

佛

法

者

一, 宜

無

所

不

用

其

心。

乃

爲

有

益

而

爲

之,是

貪

也

不

知

其

無

益

而

;

是痴

也

毒

而

犯

其

雖

活

佛

在

111

# 至 信 亦 爲 以 出 爲 福 其 爲 不 之故 失, 其官 傳 者 大 推 德 從 籙 道 與 泯 此 儒 僥 老子 ; 計 抵 氣之和 出 尊 等 等 滅 倖 解 而 主 Ŧi. 皆 故 · 不 者 本 老 事 惑 于 淫 千言 明 亦 正 于 子, 殊 矣。 分説 秦 之言 萬 邪 專 遠 多 其 亦 初 深 不 漢 名 矣, 妖 祖 其 其 妄 置 未 具 根 相 話 , 今之道 間 誕 辨辨 乎。 在,于 之三 職 張 義 有 不 非 古 干。 而 方 之説起。 掌 道 精 可 天 其 蒂 人 終 士 清 古 陵 矣。 言及之, 勝 下 物, 俾 凡 老子 家, 心 莫 所 長 者 之列 之 述 常 祈 天 之 近 蓋 爲 去古 生 用 蓋 至 誠 禱 理 宗 能 孰 所 誠 久 巫 源 其 誠 愚 亦 其 林 絶 以 而 意 謂 禁禱 有 既 祝 視 于 異 者 心 泯 靈 也 經 爲 道 有 佛 以 遠, 古 以 志 而 端 平. 滅 咒、符籙 其 素 家 書 通 經咒、 不 之 事 릲 畫 今 精 V. 然 而 以 乎 教 口 中 神 巫 Ź 不 之 意 導 出出 教 其 得 乃 凡

也

達

磨

在

西

域

稱二十八祖

人

中

或

則

聞

彼

蓋

以

吾

儒

未

諳

佛

教,

所言

無

足

利

者

其

貪

心

惑

志

纏

綿

古

結

而

不

可

解

雖

以

吾

儒

IE.

色

昌

言懇切

詳

盡

切

聞

如

説

亦

無

緣

而

也

奈

何

世

之諂

佛

以

求

禪

家

初

祖

宗

杲

擅

名

代,

爲

禪

林

之冠

之。

導之者

古

其

徒

然

非

人

心

之貪,

則

經

供

佛

飯

僧

看

經

念

經

種

種

靡

費

之事

Ħ

新

月

旧

其

力

稍

可

爲

者

· 靡

不

争

先

有

而

吾

所

雖

傳

寢

训

明

所

乃

建

符

道

爲

取。 所 爲 以 惑 則 其 其失,則吾之説爲 措 遠 也 所 用 而 乎。 其辭矣。」 道陵輩之譸張爲幻,又老子之所 以 不 重 欲 出 交神 爲 乎祈 蓋老氏之善成其私 攻 世之害爾,望其 老氏 明者 禳、 者,須分二端, 率, 祭禱,然既 有據,而 非 其 彼雖 道 消 ·, 徒 固 灾而 已失其精 禁點 滋 而 聖 致福 各 門 人心之 不 明 所 亦 不不 意 無 辨 屑 不

顔 미 如 曰 拜 我 日 延 親 此 : 每 『佛法 之日 『在外百 今陛下 釋思林非 名德,符 日 此乃 通典》: 將 本貴 + 是道 三台之位,豈 縱欲崇信佛道 姓 箇 「貞觀 永 無 一太似 大德 清 人 因與 才俊,宋文帝引之升殿,❷ 淨 教 以 以 八年,太宗 Ê 共 之同 信佛。❶ 達官 其 遏 可 (事。] 侍 興,權 浮 使 亦 同 競 不 刑 上 謂 人, 翼 須 餘 昔 中 封 長 道 令我 之 以 釋 魏 人 孫 人 爲 徵 道 欲 無 居 日 不 安 料 禮 忌 **\$** 

到參議也。❸』」

### 杖宰相及僧

自 坐其下, 相 張 尊大、杖二百。」 浩、 金史• 失大 平 章 海 臣 政 陵 體 事 紀 各 張 杖 暉 「貞元三年, 二十。 每見 僧 僧 法 法寶 以 寶 左 妄 派 必

海 暉 坐  $\exists$ 其 : 陵 欲 「聞 側 《張通古傳》: 聞 留之,不 朕 其 卿 等每 事 甚 不 可得。 召 到 取  $\equiv$ 寺,僧法寶 品 僧 佛者,本一小國 朝 以 法寶欲去, 官 上官 又有 IE. Ŀ 欲 坐 殿,責 一<del>,</del>卿 留 張 王子 浩、 之 等皆 者 之 張

0 0

<sup>「</sup>佛」,原作「物」,據《通典》卷六八改

<sup>「</sup>宋」,原作「灾」,據鄒刻本改。

日到」,原作「且别」,據《通典》卷六八改。

<sup>「</sup>左」,原作「右」,據《金史·海陵紀》改。

復效此 張 慄,不知所爲。 僧,去住 迫于 較其 定力,今乃 第秀才,市 能 洗洗、張 敬,以 輕 死 貴 舍富貴,自苦修行, (賤,未 期 暉 希 在 失 %,多歸 杖二十。」 井游 畏 己, 大 福 死 利,皆、 臣 可 海 何乃使人知之?』法寶 耶?』遂于朝堂杖之二百, 信之。 體。」 與簿尉抗禮。閭閻 食,生計不足,乃去爲 陵 宝也。 曰:『汝爲長老,當有 召 卿 法寶 由 等 況僧者,往 是 位 謂 成 爲  $\Box$ 佛。 宰 一次 輔 老 往不 今人 僧。 婦, 乃 戰 爲

### 人主不可接僧

以 袁 延之甚 絲 才學爲太 正 宋書・ 色。 一疾焉 此三台之坐, 豈可使刑餘之人 祖 因 顔延之傳》:「時沙 所賞愛,每 醉白 上曰:『昔同 召 見, 嘗 門 釋 子參乘 升 獨 惠 珠 榻

### 月 | 一巻 |

許僧道畜妻

娶妻曰 于 爲 之宏敞,而借 齊民結婚姻之好。 之計,簪剃不必禁也,聽 罪,則男女之欲豈 豈二氏之教哉! 歸 之也輕。 者不能自免,夫民生有欲,順其所欲 去之,而卒不能去,蓋人心陷溺日久,雖 我 寺觀之居 與妻子復完聚。 用,久 五臺志》:「二氏之教,古今儒者嘗 耶 按老子之子名宗,爲 輸佗,生子摩侯羅,出家 將 也。 爲 自 豈 嫌 社 其 學、社 寺觀不必 其 雖 今其徒皆 非 簪 性 君子以人治之道,孔 無 剃 與 其 妻 倉。 之 娶 人 而 醜 毁也,因 妻生子,而 殊 鰥居 即 常 魏 前 哉 犯 以 將 而 十二年, 淫 亦不 其 無 爲 僻之 則從 人 其 佛氏 妻, 便 皆 地 與 今 欲 賢

戲矣。」 章,厲 必 邱 子 余謂 盡矣,又何 從俗 以 文 莊 禱 僧 祭 雨 道 已 獵 則 當 嘗 較 必 聖 何 陳 非之, 之意 假 祖 以 詞 彼 御 禁 哀懇,令諸生歌 乎? 不潔之人,褻鬼 製之文,固 而 民 之作 祈 禱 又習 必 道 儀 以 已仁 塲 多 僧 《雲漢 佛 道 于 神 至 一、厲祭 寺 事 如 而 学之 哉。 觀 義 百

### 道士隸宗正寺

部檢校。」 正月制:道士、女冠宜隸宗正寺,僧尼令祠正月制:道士、女冠宜隸宗正寺,僧尼令祠《舊唐書・玄宗紀》:「開元二十五年

### 潤色梵書

《山堂考索》:「太宗崇尚釋教,置院于

卿 焉。 幸。 盡 獻 號 所 太平 以 又命、 獻 取 所 卒。 禁中 息天 譯經文一卷,韶 梵 得 興 書 西 或 文臣 灾等皆至朝 . 梵 域 自是譯經之盛,後世 翻 寺,後改 譯 僧法天及息天災、施獲等, 夾俾之翻 潤 焉。 色 其文。 爲傳法院, 息天災等並 入藏 散大 譯, 刻板 是歲 夫、 每 無 誕 光 車 流 賜紫袍、 比 息 節 駕 禄 行。 即 天 寺 亦 獻 災 鴻 自 嘗 經 是 等 取 師 臨 臚

謂 官 罷 員,以 使 天禧三年, ,後亦不常置 學士 晁 以 向、李 宰臣 1 維 謂 司 爲 .潤文二員。 譯 經使潤文 T

### 城隍神

伯 有 監 且 察司 鳳 有 陽縣 制 民 詞 之封侯,府 志 蓋 **\sqrt** 其 洪 時 武 皇 日 元 一公,州 祖 年, 尚 各 未 處城 有 侯 定見。 縣 隍 皆

者又爲 難 之 此 却 塑 神 府 也 城  $\equiv$ 哉。 曉 有 **令** 畫 像 隍 年, 城隍之神、●某州 前 雲 司 在 廟 時 乃 遂 夫 多 行 Ш IE. 内 爵 IE. 人以以 使 千 中者 啚 不達 屏 號 祀 皇 像 去 古 典,詔 ; 配之。 此,往 祖 閒 之 以 切 在 明 襍 陋 水浸之, 兩 革 城隍之神、某 神道。 天下 習 訓 廊者 往 去。 習俗之難移 託 爲 一妄爲 城 之 泥 之空言 未幾, 泥 城 隍 衣冠之像,甚 在 在 變。 隍 神 正 兩 神 又 縣 主 ,愚夫之 , Ø 中 廊 **令** 惜 舊 城 止 壁 壁 미 乎今 各 有 隍 稱 罪 泥 之 某 處

# 杜牧杭州新造南亭子記

險 校 平. 非 生行 佛 Ĺ 著 世 經 事 所 日 罪 爲。 : 福 生 之。 凡人平生,一 人既 坐 死 陰 罪 者 府 失舉 收 刑 其 獄 止 精 皆 皆 神 怪

> 奴,如 其 富 勇武 積 没,使簿 出 良 死 人  $\Box$ 無 落 之, 不 所 以 狀 火 其 有 我國 (燒之, 刑 爲 聞 創 況其 謂 間 間 公侯 人未 欺 悟、況 法 楛 獄 斷, 書條 爲 奪 錢 有 他 無 其 家。 僞 梁國者 熟 村 名 一日凡千 四 穀 罪 間 尤怪者, 内 令不 下 爲 間 見 署 小 者。 事 而 大 畫 世 者,莫不毛立 戇 胥 無 了, 捨 吏 華 佛 可 固 王,殺父主篡其位,法當 民, 昔能 外,納 間 古 萬 出 「惑之。 有 獄 究 身爲僧 銖 無 生 人 權 知 廣 求 恙。 人死, 力, 人 積 大 夾 事 以 得 粒 千 性 爲 殿 大 奴,至 佛,後 能 神駭。 財 梁 聚, 命 秤 I 宏 窮 百 開 買 武 商 廊 斛 億 萬 以 庫 大 顛 或 生 帝 者 萬 億 取 第 至 以 倒 佛 悉 滅 明 爲 里, 世 公 豪 埋 于 小 襍 經 智 天 啚 餓

ø

<sup>● 「</sup>府」下、原衍「神」字、據《四庫全書》本《菽園雜記》。

<sup>「</sup>祖」,原作「神」,據鄒刻本改。

哉。 之。 佛。 付。 生人惟 食 今天 也 若 復能 主也,一 爲憂,無 錢,必召一 權 錢 知 我 如 緣 歸 其 罪 不大 農人,今加兵、佛,一 (罪,皆 下 文宗皇帝嘗 僧 此, 至有 以 屋 于 如 意 能 爲 壁 罪 佛 福 銅 有 是,富 恣 雖 不 繡 窮民 具. 福 與 如 僧 捐 人力 鞮 爲 舉 買 紋 壯、不高、不 耳 晉 味, 我 宮之 寰 奉 飯 啼一 福 可 貴 人不 幾, 也 之,冀 雖 佛 飯之 可 海 語 矣,爲 賣 う。」有 如 田 以 及 凡 内 衰 宰 罪 所 敢 稚 婦 盡 求 幾 而 可矣, 弱 求。 言 相 罪 佛之助 金枝扶疏 子,無以 救 如 稚 Ŧ 不可 爲寺與 諸 日 農 多、 罪 子 持 銅 是 是 月 人人乃 滅 飯 知 鞮 侯不肯 爲 不 左 佛 此 古 H 訖, 所 僧 珍 契,交手 者。 與 無 能 數 積 9 爲 者 人 趨 奇, 不 哺,得 日 福 滅 者 持 久 Ŧi.  $\equiv$ 得 避。 來 晉, 獲 福 吾 人 瓌 錢 足 人 不 于 必 日 盟 至。 福 罪 共 所 伯 萬 百 怪 與 怪 相 今 木 自

> 畝 之, 大,不 Ŧi. 御 州 四 怒曰 笄冠之數, Ŧi. 邑 食 百 治 史乘驛未 不 寺,天下 年 四 凡除 編 其 -,始命 得 所 萬所,冠其人凡至 入農 其奴 能 間 ❸「窮吾天下,佛 有寺。 得 果 寺 吾 去之。 良 留 所 西 籍 婢 四 民 出 田 謂 京 + 千 尤 關 其 出四御 數 寺 留 <u>Ť</u>. 節 六 ,天下寺 木 餘 武宗 僧 + 度、 佛 百 萬 于 錢 萬 寺 史按 觀 惟 僧 佛 取 良 哎, 頃 + 也。 皇 西 察,同、華、汝 民 人 尼 至于 萬 帝 行天下以 京 僧 直 笄 帝 拔 始 奴 人。 始 數,其 惟 附 冠 念 婢 屋 去 即 歸 十人, 使 其 後 其 基 口 位 于 + 至 **令** 率 耕 他 本 Ш 督之。 有 者 六 與 三十 東京 牢 而 刺 會 臺 獨 司 百 倍 萬 中 昌 野 [IX 根 奮

文

6

怒」,原作

奴」,據鄒刻本改

<sup>0</sup> 0 宗」,原作「帝」 爲 上,原 衍 爲 據《樊川 金 字 文集》卷 據 四四 庫 全 書 本 《樊川

月,人 下 曰 : 地 築長堤, 俗 自 得 男 位 居,不一銲錮,敗侵不 繁大雅亞吴郡。 Ŧi. 미 州 ·, 信 ,莫不飄然 蠹 尚 復 焉 女 助 詔 縣 書、 以 人者, 加 爲 得 吴越古今多文士來吾郡游,登 然 彰聖人之功,使文士歌思之後,必有 揮 隨化之。  $\Box$ 著爲定令,以狥其習,且使後 爲 也 其 以 少爲 比 也 而 : 治 徒,各止三十人,兩 恣 部 幾 佛尚 剔 趙郡 天下 佛 而 數 郎 新 夷 削 增思。 熾 十年 中出于錢塘。 其 之,今不取 三牋干 不 子烈少游其 其 用。 李子烈播, 害 殺 公 根 中 署、 計 而 休。」詔與錢二千萬 節 率 或 吾郡之江山 ,人益安喜。 仁,且來 丞 與 傳 斷 六 相 其 舍。 百 其 立 궁 : 地,委曲 (寺材 寺 錢 京 歲, 脉 朝 中國 • 塘于 今天 數 絡 名 立 濤 生 甲 倍 用 人也 一亭勝 子 見 于 樓 壞 不 江 世 娲 子 知 其 聖 天 烈 其 不 倚 人 數 南 衰 DЦ 亦 即

知

幾千百人。

之旨 者。 萬 後 遊 石、殷殷 白 焕 指 狀 登 善 鳥 顯 吾 南亭者,念仁 工施 ,吟不能 跡、睹南 地,天下名士多往之。 江平入天,越 而 點畫疑 駡 潮聲,起于月外。 者 手足,髮句 。 乃 在。 亭千萬狀,吟不能 去,作爲 作 峰 半: 聖天 南 夜 如 亭 歌 肉 酒 髻 子之功神, 在 詩 均牙 越 餘 城 ,次之于後, 子 東閩、 倚老 樹 東 滑 知 己, 如 南 百 而 南 松, 髪, 隅 四 美子 數 無 越, 時 + 孤 坐 遺 宏 烈 官 年 怪 大 帆 功

● 「率」,原爲空格,據鄒刻本補

=: Fi.

# 日知録之餘卷四

六國

强

族,

日有變,陛下

亦未得安枕

卧

也

臣

願

※陛下

·從齊

諸

田

,楚昭、屈、景,

今陛

下

雖

都

關中,實少人,北近胡寇,東有

諸侯

初

起時,非

-齊諸

田

· 楚

屈、昭、景莫與

崐山顧炎武寧人氏述

無事

可備胡。

諸侯有變,亦足率以

東伐

燕、趙、

韓、

魏

後

及豪傑名家,

且.

實

鍋

中。

民

徙

秦始皇二十八年,徙黔首三萬户瑯琊

臺下。

漢高帝五年九月,徙諸侯于關中。 三十六年,徙民于北河榆中三萬户。●

樓 可 氏、景氏、懷氏、 初,婁敬使匈奴來,因言:「匈 以 煩王去長安近者七百里,輕 至秦中,新破,少民, 九 年 + 月**,** 田 氏 徙 五姓 齊、 地 楚 鍋 肥 中 大 奴河 饒 騎 族 與 可 昭 南白 利 日 氏、 益 田 實。 羊、 宅。 夕 屈

> 敬所言關中十萬餘口。 此强本弱末之術也。」帝曰:「善。」乃徙劉

景帝元年正月,詔曰其議民欲徙寬大苟別言屬中十萬餘口

武帝建元二年,作茂陵邑。三年春,

地者聽之。

元朔二年夏,募民徙朔方十萬户,又賜徙茂陵者户錢二十萬,田二頃。

0 「三」,原作「二」; 州 萬 始皇本紀》記載: 家」。 榆林縣也。」今據改。 《史記正義》: 北 秦始皇三十六年,「 河」,原 「謂北 河 作 勝 河河 州 北 也。 -遷 北 榆中 (史記 河 榆 卽 中三

消奸猾,此所謂不誅而害除。」●帝從之。之家,亂衆民,皆可徙茂陵,内實京師,外主父偃説帝曰:「茂陵初立,天下豪傑兼并徙郡國豪傑及貲三百萬已上于茂陵。初,

元狩五年,徙天下奸猾吏民于邊。

元鼎六年,分武威、酒泉地置張掖、燉

煌郡,徙民實之。

死,葬雲陽。至昭帝即位,始尊爲皇太后,而起雲陵。武起。而雲陽,甘泉所居,故總使徙豪傑也。鈎弋、趙婕好雲陵。此言雲陽,而轉寫者誤爲陵耳。茂陵,帝自所太始元年,❷徙郡國吏民豪傑于茂陵、太始元年,❷徙郡國吏民豪傑于茂陵、

昭帝始元三年秋,募民徙雲陵,賜錢

帝時未有雲陵。❸

田宅。

四年夏,徙三輔富人于雲陵,賜錢,户

十萬。

宣帝本始元年春正月,募郡國吏民貲

百萬以上徙平陵。

二年春,以水衡錢爲平陵徙民

起

元康元年,徙丞相、將軍、列侯、第宅。

千石、貲百萬者杜陵。

軍、列侯、公主、中二千石冢地、第宅。百萬以上五千户于昌陵,賜丞相、御史、將成帝鴻嘉二年夏,●徙郡國豪傑貲五

二十六年,雲中、五原、朔方、北地、定郡、上谷三郡民,置常山關、居庸關以東。 後漢光武建武十五年,《徙鴈門、代

「謂」,原缺,據《史記·主父偃傳》補。

0

❷ 「始」,原作「師」,據鄒刻本改。

③ 「此言雲陽」至「未有雲陵」,原爲正文,據鄒刻本改作

④ 「成」,原作「武」,據《漢書·成帝紀》改。

「建武」,原作「建平」,據鄒刻本改。

襄、 國,布還諸 謁 者 分將 鴈 門、上 施 縣 行 ,皆賜 谷、 補 代郡 理 以 城 裝錢 八 郭, 郡 民 轉 發 歸 輸 遣 于 給 邊 本 食 民 士, 在 中 遣

崔

. 寔《

政

論》曰:

❷「古有

移

人

通

財

, Ø

狹、就 减。 貧 北 之茂 慮。 足 口 郡,皆土 以 人之情,安土 後 桁 人不能 地、 相 贍 草 也 烝黎。 是 民猶 供。 寬 加 西 以 則 肥。 廣 徙 河 自 羣 景 肥 而 人 吏于 業 羊 今青、徐、兖、冀,人稠 帝六 三輔 上 澤 重遷 稀 武 于 聚畜, 郡、 繁 帝 關 寬 厥 年, 息 寧 左 遂 内。 會 地 田 右及凉、 徙關 須主者牧養 稽 詔 置 就 宜 今宜 此 郡 之 飢 稼,悉不 凡 東 亦 餒, 七十二萬 或 磽 貧人于隴 開 復 **令** 幺 石 無 遵 草 人 則 州 墾 適 慮置 故 闢 土狹,不 得 零 樂 内 發 事 土 Ŧi. 去 T 附 土 一,振 西 之 徙 千 磽 耗 置 小 近

仲長統《昌言》曰:「遠州之縣界至數

間,民 干。 繇 繇 初,自天子 便以守禦。」獻帝 使,誰能自 不 ·發之田 徙 以 侍 鬍 而 户稍實。 諸 中 中 夏 守 民, 西遷雒陽,人民單 往緣邊之地 有 代俗安土,有 司 又招 + 隸 曹公征 畝 校尉、 建安十六年 納 共桑之迫, Ľ 關 ? 持 叛 中 死 節 亦 ·,得 以 督 無 口 充 盡。 遠 以爲 關 曹 去, 大 之。 州 中 公西 罪 其後 君 資 有 諸 徙 長 數 曠 征 軍 鍾 年 野

其復。 Ŧi. 都 魏 令 天 文帝 下 改 長 聽 安、譙、許 内 徙, 復 昌、亳、 Ŧi. 年, 後 洛 又 陽 增 爲

月,以 故 縱 城 齊 遼 爲 王 東 新 以 東 沓 明 沓 縣 帝 縣 以 景 吏 居 初 民 民 三年 渡 海 正 居 月 齊 即 郡 位。 界, 以 六

0

財

原脱,

據《通

典

卷

引《政

補

<sup>●「</sup>寔」,原作「寰」,據哪刻本改。
●「襄」,原作「兼」,據《後漢書・光武帝紀》

② 「寔」,原作「實」,據鄒刻本改。

流 徙 渡 IF. 海 始 ,居齊郡之西安、臨 元 年二月,●以 遼 東 汶、 淄 昌 北 豐 或 縣 縣 界 民

爲新汶、南豐縣,以居流民。

氏 民 JL 蜀 主 白 餘户 建 興 于 + 廣 刀 都。 年 -,徙武 都氏 王 一苻 健 及

長 將 南 冀 吏,荆土肅然。 州 士: 將 屯戍之家以 農 軍 晉 夫 官 佃 帝 初,伐吴,軍 爲 E 驃騎 邽。 實江 0 大將 武 北, 帝 至 軍 太 江 南 一都督 康 陵,因 郡 中 故地各樹之 ', 杜 「雍州, 兵 預 威, 爲 表徙 徙 征

于 于 子 南 年,遷漢川流民于沔次。 沔 步 鑾 瓜 州 瓜 兵 移一萬 步 0 步 宋文帝元嘉二十二年, 校 亦 淮 如之。 尉 征 南 北參 沈慶之自 流 四 民 千 二十八年冬,徙彭 軍 于姑孰,合萬計 · 餘 程 天 П 彭 于 祚 城 二十七年,使太 京師。 徙 武 徙 江 流 陵 西 民  $\pm$ 城 數 流 駿 + 流 民 千 討 家 緣 民 于

> 處,耕 久。 訓農 陰縣 柳 魚鴨爲業,及 豪傑富 使公卿 之家于餘姚、鄞、鄮三縣界,墾起 元 修 土 景、右僕 如 孝武 起空荒 京 室,頃 本 博 境 帝 議 褊 師 有 太宰 狹, 無 大 **無** 射 有 或 畝 明 田 民 劉 居 所 中, 不聞 不 救災 江 多 秀 肆 同 少, 之、 田 孔 夏王義公議 歉。 理 貧 徙居他 靈 少 土 無 0 者肆 符 著 尚 又兼 樂 靈 之民, 爲 書 徙。」 處。 符 丹 力, 王瓚之、 緣 湖 表 陽  $\Box$ 非 尚 湖 尋 習 : 徙  $\mathbb{H}$ 尹 6 夫 書 0 居 爲 Ш 玩 無 資 **今** 帝 顧 民 無 陰 H Ш

0

0 0

6

改。「苻健」,原作「符建」,據《三國志・蜀書・後主傳「苻健」,原作「行建」,據《三國志・魏書・齊王芳紀》改。

<sup>「</sup>肅」,原作「蕭」,據鄒刻本改

<sup>·</sup>祚」,原脱,據《宋書·沈慶之傳》補。

<sup>「</sup>義」,原誤置「江」字下,據鄒刻本移至此。

<sup>「</sup>之」,原作「芝」,據《宋書・孔靈符傳》改。

未易。 疇,去 之賞, 無以 奪。 太常 徙他 課 逋 不 粗 宜 葺 温 凱 遠 ·無資 侍 私 宇 之、 立 募 房 廢之疇 自資。 邑,新 ,且令就業,若審成 且 郎 然 Ļ 則 疏 王玄謨 申怠: 舊即新 顔 無 謂宜 私 鄞等三縣,去治並 生之路。 劉 後 叛 皋 師 卒難 假 剴、郗 ·, 産 徙 通 惰 垣未立,舊居已毁,去留 伯 微 謂宜 遷 居。 方剪 恤 議 之罰 糧 粒 業。 加資 具。 0 及 曰 : 顒議曰: 無 嗣 若驅以 適任民 侍 種 棘 與 待,資公則公未易充,2 給,6使得 窮 湘 荆, 樂田 中 俱缺,習之既難 ●「小民 光 生計既 身 東 沈懷文、王景文、黄 禄 率 腴 就 王 寒 情,從其樂,開 「百姓雖 者 遠,既安之民,忽 勳 課 壤, 田 室 彧 「, 其 貧 定,畬功自息, 王 窮乏,其 肆 議 然後議 則坐以相違 昇 匱,遠 必 勤 往 曰 之議 應 不親農, 經 明 勤 「富户 徙居。 創 兩 就 事 力 遷。」  $\Box$ 困 修修 之 荒 宥 彌 :  $\mathbf{H}$ 

> 難 資 徙 粗 立 徐 行 無晚。」 帝 違 衆 議 徙

民

並

成

良業。

巧千 民耕 民 郡守宰、豪傑、吏民 吏及徙何、高麗雜夷三十六萬,6 牛,計 萬 後魏道武天興元年正月,徙 Ц, П 以 受 充京 田 師。 十二月,徙 二千家于代都 二月, 詔 六 給 Ш 州 内 百 東 徙 Ι. 六州 + 新 技

遣使者仍勞之。 二年,陳留郡、 河 南流民萬餘 П 内 徙

則」下,原脱「私 則 公」,原作「公則」,據《宋書 」字; 「具」,原作「其」,均據《宋書 孔靈符傳》改

0

0

0 靈符傳》補改

微」,原作「徵」, 麗」,原作 萬」,原作

署

均據《魏

6

帝紀

伯 原 作 孔 靈 符

6 0 謨」,原重 主文,據 據《宋書・ 鄒 本 删 孔靈符傳

明元泰常三年,●徙冀、定、幽三州徒

何民于京師。❷

徙之平城。清善綏撫,徙者如歸。」先是,徒何民散居三州,●頗爲民害,詔清、《娥清傳》:「清爲給事中黄門侍郎,●

家于幽州,開倉以賑之。⑤成周、遼東、樂浪、帶方、玄菟六郡民三萬成周、遼東、樂浪、帶方、玄菟六郡民三萬延和元年,車駕征馮文通,徙營丘、❺

河 略 北。 北 地 又陸俟,太武時與 太平真君六年,徙青、齊之人以 至 濟 南 東平 陵, 徙 高 其 凉 民  $\pm$ 郍 六 渡 Ŧ 河南, 家 實 實 河

師。 七年,徙長安城内工巧二千家于

京

·師。 獻文皇帝興三年,徙青州齊民于

京

孝文太和十九年,韶遷雒之民,葬河

雒陽人。 南,不得遷河北。于是代人南者悉爲

河南

各勒還本屬。 分括無籍之户,得六十餘萬,于是僑居者 北齊神武帝爲魏相,命孫騰、高隆之

姓驚擾。 人,謂之樂遷,于幽州、范陽寬鄉之處,百人,謂之樂遷,于幽州、范陽寬鄉之處,百人,謂之樂遷,,以之之。

宫,移并州軍人四萬户于關中。 後周武帝建德六年十二月,行幸并州

宣武正始元年,以苑牧公田分賜代遷

之户。

<sup>▶「</sup>徒」字、原作「徙」、據《魏書·太宗紀》改。
●「常」、原作「始」、據鄒刻本改。

<sup>「</sup>郎」、原作「中」、據《魏書・娥清傳》改。

<sup>「</sup>走」,原作「走」,表《鬼事,我青專》

<sup>「</sup>誉」,原作「成」,據《魏書・太武帝紀》改。「徒」,原作「徙」,據《魏書・娥清傳》改。

<sup>「</sup>蒐」,原作「免」,據鄒刻本改。

外 既 豫、❷亳、青、齊七總管,受東京六府 諸民欲往者,亦任其意。 修 復 宣 帝 凡是元遷之户 大 象 元 年 詔  $\exists$ 並 : 河南、 聽 洛 還 陽 洛 舊 處 幽、相、 州。 都 分。 此 今

下富 楊素、納言楊逵、將 京,徙豫州郭下 商大賈數 隋煬帝大業元年三月丁未,詔 萬 居民以實之。 家 于 作大匠宇文愷 東 京 又詔 一,營建 尚 徙 書 天 東 令

好亲捐元十六年十月,协州各中有青外雍、同、泰等七州户數十萬以實雒陽。 唐武后天授二年七月二十四日,徙關

永 願 年 屬 召取 優復,宜令所 緣邊 玄宗開 願 州 者,隨 元十六 者 至 其 所 彼 年 口 樂, 給 + 即 ·月,勑 良 與 其 沃 所 數奏 田 管 州 安置 聞 客 客户 户 州 仍 有 計 給 情

利,民有恒業。 洪武 古者狹鄉之民遷于寬 <u>一</u> 今河北諸 年 八 月 了, 户 處自 鄉 部 蓋 兵後 郎 欲 中 田 劉 地 多荒 不 九 失 皋

> 之無田 諸 衆,宜如其言。」于 郎 役三年,仍户給鈔二十錠,以 畝 娲 蕪 處 楊靖日 日 如此 居 開 繁, 民 者往彰德、真 曠之地,令自便置 國 鮮 宜 賦 少。 令分丁 Ш 增 東 而 Ш 地 民 東、 是 徙 廣, 定、臨 生遂矣。」上諭 遷 居 西 民 寬閒 Ш 之 不必 屯耕 西 民 備 澤、 之地 自 遷。 農具。 種,免其 歸 人 潞 德、太 或 Ш 户 開 朝 州 部 西 種 賦 康 民 民 侍  $\mathbb{H}$ 生

滁、 民 台、 具,免其 張從 河等處就耕, 蘇、松諸 二十二年 整 賦 等 役 郡 三年。 百一 民 四 官給鈔户二十 無 月 十六户  $\mathbb{H}$ 己 九 者,許令往淮 )亥朔, 月 甲 /, ●告 戌, 命 杭、 錠, Ш 願 應 西 使 河 湖 募 備 沁 迤 温 農 南 屯 州

紀

<sup>● 「</sup>豫」、原作「預」、據《周書·宣● 「河」、原作「何」、據鄉刻本改。

③ 「豫」,原作「預」,據《隋書·煬帝紀》改

<sup>「</sup>沁」,原作「泌」,據鄒刻本改。下一「沁」字同

愈事孫禮,分田給之,仍令回沁召募居民。 田,户部以聞,命賞從整鈔錠,送後軍都督

百九十八户。」衛輝、懷慶、廣平、大名、東昌、開封,凡五督僉事李恪、徐禮奏:「山西民徙居彰德、二十五年十二月辛未,後軍都督府都二十五年十二月辛未,後軍都督府都

州,丁多田 Ŧi. 北平各府州 Ш 年後徵其税 西太原、平陽二府,澤、潞、遼、沁、汾 三十五年九月乙未,命户部遣官 少及無田之家,分其 縣 ,仍户給鈔,使置牛具 Ţ П (種子, 以 一覈實 實 Ŧi.

十郡,浙江等九布政司富民實北京。 永樂元年八月甲戌,簡直隸、蘇州等

澤、潞、遼、沁、汾民一萬户實北京。 二年九月丁卯,徙山西太原、平陽

人實邊,安仁言:『昔漢有募民實邊之議,蓋《金史·許安仁傳》:「章宗時,朝議以流

與古之募民人塞不同,非所宜行。」」传被刑之徒,寒餓困苦,無聊之心,靡所顧籍,者有所用。于是輕去故鄉而易于遷徙。如度地經營國邑,制爲田宅,使至者有所歸,作

# 國史律令

或 典,五官得法,百 宫, 昭 相若。」 王返郢,五 負雞 戰國策》: 次之典,以 官失法,百 楚相 姓大治。蒙穀之功與存 浮 柘舉之戰,蒙穀 于 江 姓 昏 逃 1亂,蒙 于 ·雲夢 穀 入大 中。 獻

乃收家中律令文書壁藏之,以俟聖主。」爲侍御史。王莽篡位,歸鄉,至閉門不出。《東觀漢記》:「陳咸,哀、平間以明律

抱《國史》藏于南山。經籍資産,焚剽殆《唐書》:「韋述居史職,玄宗幸蜀,述

大典 贈右散騎常侍。」 上 直 兩 盡 爲 京 疏 述 7,議罪 得 理 太尉李 亦陷 無 述 遺 于 于賊 流渝 逸 倉 光弼 一,以 皇 庭, 州 之際, 判 功補 死。 授 官 僞 過 能 大 廣 官。 ~, 合沾 人 存 德 奏事 國 二年,其甥 至 德 史,致聖 恩 稱旨, 有。 載 乃 明 乃 蕭 收

焚之。 之法,聞定州 在,乞下本道 『朱温 篡逆, 通 今臺司 鑑 **∀**: 删 録進。』從之。」 勑 唐 改本 及刑 庫 莊 獨 朝 部 宗 有本 律 大 滅 · 令格 理 梁, 朝 寺 式, 律 所 御 令格 用 悉 史 皆 收 臺 式 爲 舊 奏 具 庭 本

### 風聞言事

躬,始終 有追廢之議 宋史・陳次 無 間 ,次升密言: 願 勿 升傳》: 聽 小 人銷骨之謗。」帝 「爲左 『先太 后 司 保 諫。 佑 聖 宣

> 下 曰 毋詰其所從來可 : 『卿安所 聞 ? 對 也 日 : 一臣 職 許 風 聞 陛

聰明 充。 充諂 詰其語所從,汝 也。』卒不奉韶。」 中人王 ジン 礪傳 中正,至使 「爲 礪 監 曰: 「. 妻拜之,神宗 察 御 如 史 此,非 裏 行, 所 爲 論 廣 罷 俞

### 御容

容,在 取寺中 王世充、❷竇建德之地,關 亥,中書奏:『氾 舊 大殿材木,于東峯 堂之内,今緣定覺 唐 書 **\sqrt{:** 水縣 唐 武 武 宗 牢 會 城 以 寺 關, 昌 東峯 造 例 Ŧī. 合毁 是太 有二聖 年 殿,名 + 拆, 宗 月 望 朔 擒 Z

<sup>● 「</sup>氾」,原作「池」,據《舊唐書·武宗紀》改

❷ 「世」,原作「亡」,據鄒刻本改

像。宏中爲起紫微殿,遷像事之。」

衍 進 廟。』從之。」 建 本朝十二 上清宫,于老君 唐 聖 寫 莊 宗 真 及 同 玄宗 光 殿 元 列 年,宿 封 唐 太 + Ш 八 州 啚 帝 朱

保

諲

昭

武

祖 訾言真等持太宗、真宗御 蜀 撫使張 高 紀》:「紹興元年,終南山上清宮 **紵漆像,不知何帝也。」《建炎** 真,備法駕之。 宋邵博《聞見録》:「武 祖 Ě 至昭宣二十一帝像于石,在合水縣東。」 宅,昔號慶善宫,今爲 忠獻。」《金史》:●「李 容, 佛祠,有 大忠 自 以 岐下 太平 來 刻 朝 唐 唐 抵 道 野 功唐 高 宣 雜

霄宫 統制接 以問 宋主 集》:「何宏中,宋靖 者,今尚有之,未聞禁也。』事遂寢。」《 廢 天麟,對 遺像,有 《元史•石天麟傳》:「江南道 應使, 道 士: 被 舊 僧與道士交惡,發 曰:『遼國 擒 以 徽宗爲 不 康時 屈 主后 請 爲河 東 爲 華君,將 黄 北 銅 像 其 冠 河 觀,偶 東 在 事 設其 《中州 時 西 兩 神 帝 藏 路 京

### 廟諱

李百藥《北齊書》,凡諸帝廟號,

爲

澼

唐朝

諱,皆易其文,議者非之。

緣漢法,『邦』之字 讀 者,今欲讀曰『威』。 「植」。 象,又爲亭郵 以 寺言: 淵聖皇帝御名,見于經傳者,義 又爲木名,各以其類求之。 成武 日 『旋』。 宋史》:「紹興二年十二月,禮部 若姓氏之類,欲去『木』爲『亘』。 爲義,或 表 以 植 名,又爲圭名,又爲姓氏 以 回旋爲義,又爲 立 曰『國』,『盈』之字 以回: 爲 義 旋 者,今欲 爲 以 義者,今欲 威武 植 讀 爲 立之 訓 太常 義 又 曰 或

❶ 「史」,原作「吏」,據鄒刻本改

之下有所考證。」 讀如前,其經傳本字,即不改易,庶幾萬世 服。』又曰:『盈則不持,則 經傳者,未常改易。 『盈』字亦不改易。 滿 史記》曰: 『先王之制,邦内 一, 止 是讀 曰「國」、 今淵聖皇帝御名,欲定 司馬遷,●漢人也,作 日 『滿』,其本事見于 傾。」于『邦』字、 畿服,邦外侯

以 宗祔廟,翼祖當遷,于正月九日告遷 皇帝、❷簡穆皇后神主,奉藏于夾室。 後翼祖皇帝諱,依禮不諱。」詔恭從 三十二年正月,禮部、太常寺言:「欽 所 翼 有 祖

不許 諱者,合改易。 犯桃廟正 紹熙元年四月,❸韶今後臣庶命名,並 諱。 如名字見有犯祧 廟正

祧,止當闕筆。」 宋周必大《文苑英華序》曰: 實録》:「洪武十四年七月乙酉,定進 凡 廟 諱 未

> 名 不 賀表箋禮儀,其有 偏諱 ,嫌名不諱。 御 名、 廟 諱, 依 古 禮

#### 種 樹

邊 海 ^ 南 齊書》: 無 樹 木。 劉善明 善 明 課 爲 民 海 種 陵大守。 榆 檟 雜 郡

遂獲其利。

境

丁種十五株桑,四株 《梁書・沈瑀傳》:「爲建德令。 柿及梨棗,女丁半 教民

之。 民之術,植濟南之榆,栽漢中之漆 咸歡悦,頃之成林。」 魏應璩《與 龐 惠公書》: 「比見所

上

利

0 「告」,原作「造」; 祖」 原

馬」

原作「史」,據

鄒

刻本改。

0 改。 熙」,原作「興」,據《宋史·禮志》改 脱,均 據《宋 史 禮 志》

0

農民 差。 半畝 布、棉布各一匹。」 種桑,出絹 有司親: 十畝 田畝,五 實録》:「乙巳年六月乙卯,下令"凡 以上者倍之。 匹。 臨 畝至十畝者栽桑、麻、木棉各 督勸,惰不如令者,有罰。 不種 麻及木棉,使出 其田多者,率以 麻 不 是

督府臣 歲歉 柿、栗、 穡之利。 洪 胡 五府其 武二十五年正 其令在屯軍 桃 天下衛 之 徧 類 行程督之。 隋 所分兵屯種者,咸 地 月 士,人樹桑、棗百株, 所宜植之,亦足以備 戊子,詔諭 Ŧī. 獲稼 軍都

民户種桑、棗、柿各二株。十一月壬寅、詔鳳陽、滁州、廬州等處

二十七年三月庚戌,命天下種桑棗。

間,但 荒,則 民種 棉花,率蠲其税,歲終具數以聞 爲衣食之助。」于是工 防之計,不 之,俾其咸 忘 Ŀ 民庶給足,田里皆安,若可以無憂也。 諭 飢 植桑棗,且授之種植之法。 工部臣 有隙地,皆令種植桑棗 茫然無措。 煖即忘寒,不思爲備 可 得 曰:「人之常情,安于所忽,飽 飽 日 煖。 朕深知民艱,百計 而 忘也。 比年以來,時 部移文天下有司,督 爾 或 一旦卒 Ι. 遇 又令益種 部 歲 [X] 其 以 頗豐, 歉 然預 諭 勸 遇凶 民 督 即 口

者,罪之。」

君,罪之。」

君,罪之。」

君,罪之。」

君,罪之。」

君,罪之。」

君,罪之。」

君,罪之。」

君,罪之。」

君,罪之。」

二十八年十一月壬辰,上論户部官曰:

宣德七年九月癸亥,順天府尹李庸

日

言 邑,督民栽種,違者究治。」 種植,今有司略不加意。 種多寡,以驗勤怠。」上謂行在户部 棗各百株,官常點視。 請令州縣 桑棗,生民衣食之計。 所屬 每 州 )里擇 縣 舊 耆老 有桑 一人, 勸督每 棗, 三年 洪武間 其 近 即 給田,開 年 移 砍 文天下 遣 伐 官 臣 T 始 專 其 種 日 盡 郡 督 所 桑 :

官, 兼督民間 正統元年八月丁丑,命 栽種桑棗。 提 調 學 校 風 憲

漢 占,嘉靖 柘桑園,以 ,易得柘桑 平陽府太平縣志》: 聽 民 重 易買 故園,舍爲義塚。」 蠶 事 官 地 其後皆 高 臾。 或 廢, 初,令各 里 地多 耆 民 爲 王 里 登 民 設

考,命桑 豪 桑棗,民户以多植爲勤,少者必植其地十之三,除枯 民 攤 鄧 洒 棗 州 糧 帶 志》:「凡桑棗田地,丈量 税,●占爲己業,故處已 税 糧 徴 收。」《金史・ 食貨志》: 一時 不 俱 Л. 可 被 補

> 新 使之不闕。」

#### 老 人

者始白于官。 若户婚、田宅、鬭 問,多不實。 民間耆民公正可任 民 間 多因 高年老人理其 《實録》:「洪武二十七年四 小 上 忿 且給教民榜,使守而行之。」 于是嚴越訴之禁,命有 輒 毆 興 ,則會里胥决之,事涉重 鄉之訟 事 獄 者,俾聽其 訟,越訴 詞。 于 先是,州 月壬午, 鄉 京, 訴 及 司 擇 縣 逮

小

民

#### 貼 書

實録》:「 洪武四 年正月,禁諸 司濫設

鏤板頒之,俾諸司遵守。」

書。 繁簡爲額,若濫設貼書者,罪之。」 貼 令史、書吏、司吏、典吏,員之多寡視政之 法,爲害滋甚。 書。 乃前 初,省府諸司既設掾令史,復設 元官不親 于是 案 内 牘弊, 奸吏得 外 諸司定設掾吏、 以

# 案牘減繁式

吾民 繁式。 未盡革。 凡案牘出 厭之,曰 曰『小書生』,體文繁詞,多爲奸 吏外,主之者曰『出文』,附之者曰『貼 積歲莫能通曉,欲習其業,必以故吏爲師 也。」命廷臣 實録》:「洪武十一年八月,定案牘減 初,元末官府文移案牘最繁,吏非 :『繁冗如此,吏焉 至是,吏有以成案進者,上覽 入,惟故吏之言是聽。 議 减 其繁文,著爲定式 不爲奸弊 (利,國 每曹自正 書」、 而 初 害 而 猶

#### 欽 字

舞

貼

有陞賞差調等事 文移,有奉旨施行者,勿書『聖旨』二字,凡 《實録 》:「洪武二十七年正月,禁諸司 ,悉以『欽』字代之。」

#### 巡 檢

然自設置以來,未聞其舉 扼要,道察奸僞,期在士民樂業,商旅無艱 善之及,人人受其利焉。 朕設巡檢于關 下巡檢曰:『古者設官分職,●不以崇卑, 《實録》:「洪武十三年十一月,敕諭天 一職者。 今特遣 使 津

0 分」,原作「八」,據鄉刻本改

一三六

守是職,鎮静一方,秩滿來朝,朕必嘉焉。』」分視各處,以檢防有道,訊察有方。 有能堅

### 喪制

實録》:

洪武元年十二月辛未,監察

止,以 之所 傚。 非所 肴 凡 御 令禮官定官民喪服之制。」 厚 有喪葬,設宴會親友,作樂娱尸,惟 史高原侃言:『京師 以 則。 況送終,禮之大者,不可 薄,無哀 厚風化。』●上是其言, 爲治。 事 戚之情。 非 且. 京師 禮, 則海内之人轉 者,天下之本,萬民 人民循習元氏舊俗 流俗之壞 乃 不 韶中書 · 謹。 至此, 相視 較 乞禁 甚 酒

# 北平種田

徙者。 行,以 從六科給 武康伯徐理等往北平度 年,後録爲良民。 罪,令挈家付北平種 罪、强盜 謂 有成績,實授; 下罷黜 役如故,自 刑 部都察院 防奸 實録》: 十月 官, 傷 事 願 假 1, 人者,依律處決,其餘死 中 納 以 ·及行· 「洪武三十五年九月甲午,上 丑. 無成,仍坐原罪。」」乙巳,命 臣"『自今凡人命、 米 職 , 詔 其徒罪,令煎鹽,杖罪 贖罪 名,俾督 人司 Ш 罪人應發 者 ,流罪三年,死 編 地,以處民之以罪 聽。 次隊伍 民 耕 仍 屯戍者, 選 種 ,然後遣 + 徒 罪  $\equiv$ 罪 惡 罪 及 皆 年 Ŧi. 流 以 輸 死

❶「厚」,原作「原」,據《明太祖實録》卷三七改。

**●**種 樂元 年六月庚戌,户部致仕尚書 田 人 人,若照籍貫分定地方,

純

奏:

永

近 則 後遠,庶凡聚落易成,屯種有效。」從之。 (,于保定、真州、順天等府,挨種安置,先 有多寡不 同 難 于 編 甲。 今宜 不分 籍

#### 華 夷 譯 語

服 以 乃 昌 考,紐切其字,以諧其 譯 食、器用,靡不具載。 華言譯 命 書制爲蒙古字,以通天下言語。❷ 語 自是,使臣往 翰 洪 武 林 上 其 十五 侍 以 語,凡天 講 前 年 火原潔 元素 正 |來朔漠,皆能通達其情 月 文、 無文字號令,但 、聲音。 與 丙 地 編 戌, 復取《元秘史》參 理、 修 既成,詔 命 馬 人事 編 沙 類 亦 物物 至是, 借 刻 黑 華 類 高 夷

#### 校 勘 斛 斗 秤尺

三日 兼 書 領市司。」 省,命 時 實録》:「洪武元年十二月壬午,❸詔 次校勘 其物價 在 京兵 街 市 在 馬 外 斛 指 府 斗 揮 秤尺,稽考牙儈 州各城門兵馬, 司 並 管 市 司 每 姓

中

#### 斷 百 官 酒 肉

體

名

事 加 以 魏 水旱,國 書 • 食 貨 用不足,有 志 **▽** 正 司 光 奏斷 後 四 百 官 方 常 多

- 奏」,原作 「若」,據 鄒 刻 本改。
- 下」,原脱,據《明 太祖實録》卷 四 補

0 0

午」,原作「子」,據《明太祖實録 儈」,原作「會」,據《明 太祖 録 》卷三七改 》卷三七改。

竭。 給之酒 轉 九 千八百五十六 式供營。 百 肉,悉二分减 九十 升, 蘖穀六 有司又奏内 諸 , 計 九 將 斛。 遠 出 蕃 歲 千九百六十斛 征 使 其 斤, 所省米五 外百官 四 客 計 相 米 歲 不 時 総 Ŧi. 郊 省 在 奔 萬 及諸 廟、 肉 斷 萬三千 敗 百 限 白 , 麫 三十 Ŧ 帑 蕃 Ŧi. 神 九 藏 爾 客 + 五. 羣祀. 百 廪 益 後 + 九 三十 盜 萬 萬 食 以 四 九 及 空 賊 依 斛 Ŧi.

# 禁小説

惟 事 祭 名 飾 舍 酒 市 Œ 井 李 實 以 學不 輕浮之徒争 時 無 録 勉 根之言, 講 言 正 日 統 近 夜記 如《 相 七 有 誦 年二 剪 俗 憶, 習 燈 儒 月 以 至 新 辛 假 資 于 話 未 談 》之類 托 經 怪 生儒 論 或 異 子 若 之 1: 監

> 從之。」 律。 籍 乞勑禮部行文内外 御 不 嚴 史 即 禁、恐 庶 並 令焚毁。 俾 按 察司 邪 人 説 知 官 異端 有 正 印 巡 道 衙 賣 日 歷 門 新 不 及 去 及提 月 藏 爲 處 盛 習者, 邪 調 凡 學校 惑 妄 遇 亂 所 問 此 愈 人 罪 等 事 心 如 書

#### 纖兆

兄  $\Box$ 衛 朝 「公孫病已立。」及昌 太 起 漢 孝 <u>沙</u> 子之孫, 昭 生枝葉, 帝 時 是 上 爲 有 林 宣 蟲 苑 邑王 帝。 食 中 其 大 廢, 帝 葉,成 柳 更立昭 本 斷 名 11 文字 地 病 帝

曰 改元正 漢後主改元 魏受禪 始 碑 V 炎興 Œ 立 始 于 黄初二年, 賈 齊 王 充 聞 芳 之日 年 號 而 其 文有 吾 聞

襌 譙 意矣。」明年八月,武帝 也。今中權軍名而 →其訓授也 周之言,先帝 諱 如言劉已具矣,當授 備,其 漢年極于炎興,此殆 嗣 訓 具. 晉王位, 也。 後 遂 主 于 以 天 諱

世」,武帝字也。 魏時起安世殿,後晉武帝居之。「安 受禪。

居之。 爲 「盤龍齋」。❷ 桓 玄于南 州 劉毅小字盤龍,及克玄,遂 起 齋,悉畫盤龍于上, 號

秀山 稽,❶道子所封。靈秀,孫恩字也。 會稽王道子于東府造土 未幾,孫恩作亂, 再踐 山,名曰 會稽,❸ 「靈

立,改元仁壽。 有曰:「會一區 後周《華嶽 頌》立于天和二年,而 寓,納之仁壽。」及隋文 其 帝 文

唐玄宗開元二年八月,太子賓客薛綜

制。 令姚崇等奏曰:「聖人啓運,休兆必彰,請 光 獻 文有曰:「上玄降監,方建隆基。」紫微 東 都 九 鼎銘 》,其《豫 州 銘 武武 后 自

文有曰「寶曆天齊」,及敬宗即位,改元 宣付史館 邠國公功德碑》立于長慶二年,

而

其

寶曆。

通。 宣宗製《秦邊 及帝崩,懿宗即位,改元咸 陲 曲 >,其 詞 日 通 海 岳 咸

侈 人。 , 6衍常幸之, 于壁上戲 《外史檮杌》:「蜀人擊拂,以初 有徐延璚者,王衍舅也。 題 曰『孟』字,蓋 其 作 入爲 私第 華 孟

0

·會稽」,原脱,據《晉書·五行志》補。

韓」,原 作「訓」,據鄒刻本改。

<sup>0</sup> 0 「齋」,原重文,據鄒刻本删。

看」,原脱,據《晉書·五行志 7》補。

私」,原作「史」,據鄉刻本改

三七二

先 中 兆 以 云 孟 爲 不 佳 故 也。 他 日 , 孟 知 祥 到, 蓋

慶,佳 乃 即 詞 桃 昶 太 命兵 符 祖 正 正 蜀 以 節 部  $\pm$ 誕聖節 爲 兆 日 侍 孟 非 置 長 郎 昶 工,自 春。」 寢 每 名 H 門。 也 餘 歲 昶 慶 命筆 除 以 末 知 日 年 其 成 題 年 都 日 : 一 命 學士辛 正 府 翰 月 林 新年 而 降 爲 寅 長 王 詞 孫 納 春 師 餘 撰 題

忠愍《 苑,乘 端 萬 英宗登極 不 記  $\Box$ 豫,漸 迎 》及《延 几 意 癸辛 曙 小 雜 謂 學 辇 復 説 漏 迎 士: 帝 平 向 雜 事 谁 蓋 録 不 東, 康 \*\ \!\ 識 端 ❷「哲宗朝,嘗創 『曙』字,英宗 名 悦 》 云: 皆 而 欲登 鐵量 忽 治之。』未幾 即 不 稱旨 П 立城堞。 山 日 辇。 録》載 李 命 乃 御 方 꽢 遥 妃 名 自 叔 日 徽宗 見 嬪 也。 堂, 制 F. 小 主 師  $\vdash$ 賓,而 退 亭 游 由 又 晚 友 端 寇 榜 終 後 年 談 迎

> 即 牕 時 觀 邸 先 户 即 人 棟宇、 匠 兆 刻 大位。」又 也。 姓 鏤 牕 名 I. 户 耳。 巧 往 以 云: 及 往 往 題『燕』 汴 金 始 海 梁 知 陵 用二 宋 興 修 時 廢 燕 皆 字 宫 都 \*, 定 擇汴 殿, 數,此 凡 必 宫 樓

緒。」及章宗立 納 撰 碑 金 大定二 文,有曰:「洪 <del>十</del> 改 元 年, 明 昌 惟 重 修 主 Ŀ 中 岳 纂 廟 明 黄 文

合 辰 弘 景《胡笳曲》有 君』之語, 此 元文宗 實受命之符,乞録 至 今陛 順 五年, 『負扆飛天曆』、『終 下 生平、 司 付 徒 史 紀 香 館 號 Ш 言 頒 實 告 與 是 之 甲 中 陶

文宗

紀

改。

③ 「至順五年」,原作「天寶二年」,據《元史・❷ 「寇」下,原行「宗」字,據《癸辛雜識》删。

母 「終」,原作「中」,據《元史·文宗紀》改。

0

紹」,原作「韶」,據鄒刻本改。

# 譎觚十事

東吳顧炎武寧人

其所 又未 之語 天下 + 之説者。 時 語 歲 年 曰 月 及之。 學者。 著《乘 良工 嘗 既 ,多未足據,則 僕 前 與 久, 有 自 與 忽見 顧 三十 李 此 州 不示人以樸」,慮以未成之作誤 漸 寧 若 丽 君 君 人物 成 以 人 時 古 方 曾 與 卷 後 書 刻 僕 人之書,既 輿故蹟,亦 有 志》、《李氏八世譜》而 帙, 尺 之 尤 辯 讀 牘,有樂安李 札。 所 面 īF. 而 經 闕疑而不敢 史, 地 不 而 又 理 已不 敢 於 未嘗與之札 輒 札中言僕 + 經史之暇 録 有 事 存,齊 以 所 象 示 筆 妄爲 竊 先 記 讀 東 深 念 名

> 見,侶 誤 矣。 爲 事 許 李君之説 來學,非好辯 不得 道 所 僕 聽 著 亦 **不出** 書 而 未 爲 中 則 嘗 其 也。 之説 有 益 所 見 其 著 以 此 諒之。 者,而 微 以質之君子, Ŧi. 事 李 書 君之未 又 然 也 或 李 以 其 君 見 僕 所 亦 無 俾 鄙 之説 未 辯 嘗 貽 書 +

沂爲 壽 邑在 城 邑 JII 過,漢淄 子》篇中『齊人將築薛』。」此 光地 考其 偶 以 郡 淄 名同 琅邪 所屬之般 般 來 札 川之般陽爲 · 墓在壽 陽, 地 川郡即今壽光,今淄 薛國 ,樂安之博昌 去滕頗 不 據李君謂僕與之札。 當 耳。 陽。 光 名 遠,當何 西 不然 孟嘗 淄 薛 几 Ш 爲 薛 + 封 ,今肥城 樂 如 説 與 里 邑 安。 足 以 也 朱 滕 在 JII 孟嘗 下 琅 良 近 淄 即 泥 孟 邪 有 鎮, ]1] 嘗 之臨 漢 薛 古 君 ^ 封 後 淄 孟  $\mp$ 今 封

鄙

[著《

日

知

録

~》有

辯

「淄川!

非薛二一

事

或

夏車

Œ

奚

仲

所

封

冢

在

城

南

+

里

Ш

言

鄒

魯乎

? 其

又

へ按《後

漢

志

**>** 

云

薛,

本

若

在

菑

]1]

壤

地

與

齊

相

接

何

不言

齊

而

天

下

任俠

奸

人

人

薛

中、蓋六

萬

餘家矣。」

上

皇覽》

 $\Box$ 

靖

郭

君

冢

在

魯

或

薛

城

中

弟,

與鄒、

魯殊

問

其

故,曰

『孟嘗君招

致

公曰:「吾嘗過

薛

其

俗

間

里

率多

暴

桀

子

耳。

今人有謂

孟

嘗

君

之封

在

菑

JII

者、太

中

弘,

是弘審

爲

薛

人

上

言

齊

菑

川

者,

誤

Ш

未詳。」今考《儒

林

傳

 $\Rightarrow$ 

言

薛

人公孫

志

薛

縣屬

魯國

按

薛

與

劇

隔

兖

州

及

泰

括

地

志 || 云:

一故

劇

城

在

青州

壽

光

縣

南

里。

故

薛

城

在

徐

州

滕

縣

界

^

地

理

薛

並

不

屬

或

殊

不

可

曉。

 $\wedge$ 

正

義

日

表》云:

菑

JII

或,

文帝

分

齊

置

都

劇

 $\Box$ 

漢

魯

或

有

薛

縣

^

史記

· 公

孫

弘

傳

齊

菑

Ш

或

薛

縣

人

也」,言齊

又

言

菑

111

而

之菑 縣 111 縣 薛 東 又 未 南,東安平在今臨 玄 劇、 以 詳 也 城 H Ŧi. 南 爲 Ш + 所 陬。 。」《括 北 乃 乃 孟 東 在 又 常,或 邊 嘗君之薛,此 安平、 日 里。」益 孟 地 門 般陽縣 今之 : 嘗 志》日 又 作 也 君 )° |« 誉 按 樓 淄 可 冢, 耳。 淄 鄉 : ]1] 詩 信 地 在薛 縣 在 誤 > 孟 孟 理  $\overset{\sim}{z}$ 以 不 東 劇 城 而 嘗 嘗 之旁。 志 爲 但 南 在 又 居 中 君之 君 **\***: 漢 非 誤 今 常 向 冢 +薛, 之 也 壽 菑 封 門 與 在 孟 菑 里, 並 光 不 許 東。 111 徐 嘗 JII 樓 非 縣 或 在 州 邑 菑 于 向 鄭 而 漢 鄉 西 滕

郡 當 且. 志 在 邑志 凡 名 般 考地 薛 陽 僕 書 乘 所 也 爲 理 不 考 多 據 言,當 論 日 無 李 如 昔 稽之言,不足信。 以《水經》、《 孟 君 此 人 嘗 之 注 乃言 君 辯 書 封 皆用之。 既 孟 日 皇 已 在 嘗 覽 失 般 君 今日 》、《郡 其 陽 若近 之 指 而 薛 不 年 或 不

一三七五

嘗 理,何乃舍近 或 是古人之所 南 記 於薛。』《 漢 · ; 無 几 君 淄 十四里。」今日「孟嘗封 孟 墓 JI] 淄 嘗 在 IE. JII 郡 ? 君 義》曰 壽 郡 所 傳 傳 光, 而 屬 皆 而 求遠,並《史記》、《漢書》 之般 : 般 非 湣 其 薛 陽 也 昉  $\pm$ 陽」,李君 縣 故 即 於 又《漢 自 城 位 何 屬 在 邑偶同 一今徐 書 濟 書》 年, 既 邪 南 博 ? 有 此 州 封 考 今日 菑 名 滕  $\mathbb{H}$ <u></u> 地 而 縣 嬰 史 111

營丘 營丘 興; 俱非。」此足下泥古之過。 ,即今臨 來札"「營丘在臨 營陵,今昌 後改 臨淄 淄 ,而營丘之名遂 樂,後又遷臨 齊三遷, 淄,今營丘、 一浦 太公初 淄,統名 姑 廢 一一今博 封 誉 齊 陵

師 尚 營丘 父 鄙 著 於 在青州臨淄 齊 無 誉 此 丘 \_ \_ | 事,今考《史記》:「武 北 正 義 百步外城中。」太公 Ĭ: 地志  $\pm$ 封

> 誉丘, 之也。 樂、維縣之間 齊 里。 説,各主 地 後 地志》,營丘 營丘 郡並 郡 志 Ŧi. **※**云: 世胡 胡公弟 治 邊 則 云 臨 萊。」 其 《括 公, 淄 薄 師 一,則當時已不 與臨 獻 尚父所 姑 而 亦有 徙 地 北 公徙治臨 城 不言獻 都 志》 海 菑 營丘 在 薄 乃一 郡 封 青 謂 姑。 治 一, 而 城。 州 誉 公之臨 地。 誉 菑 博 丘 Ē 陵,或 能 按《史記》云 臣 昌 又考《漢書》, 在 據 義 明 菑 瓚 縣 此 臨 **>** 矣。 即 與 東 Ē 日 所引《括 淄 太公之 北 應劭之 營丘 者 今昌  $\sim$ 六 失 + 括

陰故 邪 ? 過。 生、 濫 兒生、 」,當是 伏生 來札: 如 史》 浙 一授《 張 水 韓 點 濰 生 書》曰:「 大 淮 畫 水 諸 錢 陰 差譌 今呼 镠 破 博 日 龍 1: 淮 維淄 錢 豈 H. 此 水,古『唯 塘 濰 考究 足下 其 姚 水 道 上, 之 10 泥 水 未 字 因 以 歐 古 曹 淮 詳 之 佀 陽

娥 如 以  $\Box$ 曹 唯 江. 佀 一, 籠 淮 水 因 則 顔 維水在今維 文姜曰 孝 邑,不聞 婦 河 也

作唯縣

也

以音之同 厘,於篆則失之千里矣。 呼爲淮,則竟爲「江淮」之「淮」,从水,从 篆作「雀」,即 書》或作「淮」者,从 字或作「維」,或作「淮」,總一字也。《漢 淮 《漢書 水,土人名 佳人」之「佳」,篆作「硅」,於隸則差之毫 左傳》本音凡 爾 河。」《 櫰 雅 梓、 鄙著《日 「櫰,槐大葉而黑。」《漢 竹、漆。」水從 諸城 地 也。」並 爲 理 志》: 知録》有辯 「維」字而 ,从水从已,而今呼爲「濛汜 淮 志》 誤。 户 》維,或: 「俗傳箕屋山 佳 水,从「鳥隹」之「隹」, 櫰 反。 愚按古 根 省其中「糸」耳。 書 作『淮』,故俗亦名 淮 河。 出 如 · 西域 河 故 故 開 人省文,「 ^ 齊乘 封之氾 呼 事 舊多産櫰 傳》: 爲 曰 : 一奇木 \* 淮 水, 維 河, 濰

> 言吴 塘以 涂中。」並是「滁」字。 曰:又如《三國志 之「汜」,音祀, 人塞涂水。」《武帝紀》:「琅邪 淹 北 道 ~ | 《晉 亦以字形之佀 書 • 吴主 古「滁」省作「涂」, • 宣 帝 傳》:「 紀》: 而 作 譌 Ŧ. 堂 王 也。 伷 凌 邑 與 涂 詐 又 出

皆 與 淮之目, 豈不益新 侯之功,則木罌所渡之津,破 李君皆臆爲之説爾。 可名之爲淮,而 户佳反之音,出於土俗,本不足辯,僕 而 地 可喜乎? 志中 審如 文 添 趙 所言,欲表韓 所 背之水, 西 淮、北

濰

作「淮」正

同。

韵書

並

不

收此二字。

巔 如 深思,故有此疑。 蘇 一千八百里外觀吳門之馬?」 州 來札:「孔子雖聖,亦人爾, 北門日 齊門之類是 曲 阜 城有吴門,直吴 也 足下未 何 能 泰

門,古之魯城,亦不 鄙 著 無 此 事 載 有 今之曲 此, 李 阜, 君 何 並 無吴 以 知

顔淵 狀。」 曰 : 望, 之 ? 能審之?」此又《論 里,使離朱望之,終不能 文,不苟 泰 孔子曰:『門外 云:「人目 也。 山 吴閶 顔淵 孔子 髮 則 若見吴閶 且. 白 系 如 門 此 與 撫 齿 以 所見,不 事 外 此, 其 魯,於 落 孔 本 有 目 子 安得 何 門乎?」 出 遂 繫 而 俱 有?』曰:『有 王 閶 以 過 白 止 上魯 充《 謂 衡》之言,而 門 + 病 馬 之, 是 里, 則 死 論 見。 顔 引 泰 大 0 魯 系 淵 衡》,云: 顔 Ш 魯去吴千有 與 今 況 城 以 日 淵 俱 詳 之門? 吴,古人之 使 下。 如 指 孔 其 顔淵, 非 子 繫 見 以 文,於 僕 (練之 東 下 之。』 書 示 之 南 餘 又 之 或 何 而

少 長 淄 Ш 河 更無 境 店 來 札 桓 内 多 公墓旁。」又 爲 「景公墓 官者 又云:「 「,必景 在 曰「在 周 臨 延 景 淄 廣。 公墓 東 長 南 白 延 十二里 景 Ш 廣 姓 下 今 陝 稀

> 墓」。 官宰 臣。 宗景公墓也 淄 周 州 淄 列 河 臣 又不當 相 墓 後 了店者, 傳 在 晉 顯 鄒平,今割 出 德 三云周 春 景範 帝, 六 秋 年 景公墓。」考《 與 周 鄒平 罷。」 桑 齊景公墓 人長 維 人,世 故 翰 山 云 口 界。 Ŧi. 宗 周 時 非 代 顯 景 周 在 德 史 非 公 世 臨 中 唐

巳,以 公墓。 景範 尚 也。 有令於此 爲晉之景延 中書侍郎、 志》等書襲 有 碑一 諸 景氏 鄙 樞 ^ 著《金石文字記》有 生,不能 密 通 之裔, 者, 目, 院 同平 鑒 舛 廣, 直學士工 謂 承 티 : 記 而 自 延 譌 章 <u>Ti.</u> 邑志載 其 洪 廣 事 鄒 代 無 祖 武 於晉爲 平 不 周 部 矣。 間 此 縣 以 顯 之,以後《 侍 有 南 後 地 爲 德 不 郎 誤 兩 Ŧi. 唐 延 知 元 周 長 或 舉 里, 時 廣 何 年 中 Ш 之臣 屬 Ш 年 七 有 墓 景 書 東 謬 今 長 範 月 景 侍 遂 後 通 傳 亦 Ш 爲 癸 相 郎

郡。 越 傳》,曰 武 贈 甚 知 碑,其文爲 矣。」 之,曰: 生二 至笞 曰 日 予乃取《 亦 而 + : 孝 制語 侍 明 其 有 又 曰: 乃 考五 其 日 白 皇 人 中,而其文有 日 顯德 冬十 柱 : 戊辰。」 故 謝 後 來 帝 通 顯 且. 或 代 人 延 三年歲 而 中 翰 鑑 建大 稱 「今皇帝 德 生封 扈 事 而 月, 薨於淄 廣 去。 書 林學 相 景 大 毁 載 及《 而 字 侍 公近 其 歎近代士人之不學,以本 功 撰。 氏 疑 上柱國晉陽縣 次 百 間 郎 士 航 Ŧī. 之者。 之 祠。 於 :「我大周 丙辰,十二月己 平章: 朝 代 嗣 111 是。」又示 雖 孫 漢 議 日 陝 111 史 位 剥落者什之一二, 昔 室,爲 事景公諱範」,字 郡之私第。」其末 郎 請 子 • 登用 年 往 州 尚 問 周 邑之 至 郊 人 書水 聖神恭 以《 世 其 開 其 也 北 舊 外 宗紀》示 祖 或 距距 邑,有諸 士大夫 藩 景 臣 視 部 未朔 伯,没 爲 於 肅 員 其 此 延 誰 外 又 魏 文 慕 遠 廣

> 誌銘 狀,然王、李二公,亦未嘗究 曰: 易見之碑而 邑之人,書 ,推之天下郡 王元美作李于鱗友人襲克 , 亦 以 爲 本邑之事 不之視,以 延 邑之志, 廣之後。 而 子 猶 如 雖 不 孫 心 此 可 於史學也 本 而 者 懋 信 其家之行 不 妻景 多 矣。 識 以 氏 其 明 先 墓 又 白

山 反 剿爲己説 訪 辩 ? 人,今反曰 日 其 舊 墓 此 層 僕 而 又 鄒 在 録 此 鄒 且與齊之景公何 平,今割入 之者,不知李 鄒 墓 平與 平人。 舊屬長 邑 人 Ш 知李君之道 長 宛 **今** 君 山 斯 割 涉 何 馬 又 所 君名驌。 人 而 景 鄒 聞 聽 横生 相 平. 而 長 淦 此 而 親

樂 不 隱 地 出 處 來 史逢 札: 又 又 都 萌 萌 昌, 都 臨 浮 昌 胸 昌 亭 海 西 邑也。 歸 長, + 隱 里 墓 大 逢 皆 在 勞 Ш 與 今 營 丘、 俗 東萊 臨 傳 胸 守 逢 遠 聘 萌 説

也

陵 史夏 之陽」是也,距 西二十里 非 東 以 方 萌 諸 馬 也 侯 Ш 逢 逢 李于 伯 Ш 陵 四 鱗 居 + 所 青 里。 謂 州 逢 龍 舊 Ш 鬭 城 以 馬 在 伯 郡 Ш

何 殷諸侯,姜姓。」今李君以殷爲 君言是。 朐 註云:「逢公,殷諸侯,居齊地者。」二十年 《傳》: 所 有 據 逢 鄙 「有逢伯 著. 也 Ш 左氏 無 祠。」則先 此 昭 陵因之。」註 事。 + 年《傳》:「逢 逢 萌 漢 而 • 有 云:「逢伯 地 此 理 夏,未知 公以 Щ 志 矣。 登。 陵 其 李 臨

書,道書云:「 六七百里,甚 伐 吴子夫差請 勞請《靈寶 齊至艾陵 來 札 「黄冠 艾 《 靈 爲 度 許 牽 陵 寶 人 旌 别說 合 齊 度 經》。」吴子,吴猛 陽弟子吴猛 人經 難 南 勞山 據。 境 7,今郯 處。」春秋,吴 有吴子宫, 足下 東昌・ 城,去勞 未讀道 非

> 勞山 志》「 章人。晉時亦未有「東昌」之名也 改爲吴 夫差。 傳疑」一 此 ,得《靈 猛 道 庸 家 道 一寶度 家 荒 條云:「春秋時,吴 愈乎? 所 唐之説,不足 人經》。」今欲 居 皆 日 按《晉書》,吴猛 宫 不 辩。 僅 去其 王 王夫差 <u></u> 侯 萊 年 也。 代 州 豫 登 府 而

碑? 怒, 斯 武 篆文如 時 罷。」 物。』《别史》: 來 未 札 敢 此 琅邪之罘碑。 泰山 以足下言 可 信者。 無字 「始皇移 爲 漢 是 碑,非始 大 武 阻 徂 何 暴 徠 故 皇, 風 石 立 雨,大 命 無 乃 李 漢

尺,而 事 大碑也。 秦 史記》反復讀之, 碑 曰 在 鄙 銘 嶽 著《 玉 文並 頂 女 考之宋以 日 無字碑,世傳爲秦始 池 知 上,李 世 録》有考「泰 詔 知 前 斯 書 爲 亦 篆 咸 漢 具,不 書 無 武 Ш 此 高 帝 無 説。 當 不 皇 所 字 又 過 立。 碑一 立 立 因 也。 四 取 此 按 Ŧi.

稽,則 後言 則二十八年云「立石」,二十九 則上云「立石」,下云「刻所 還至奉高。」上 上云「立石」,下云「刻石頌秦德」; 之處凡六、《史記》書之甚明:於鄒 之不讀史者誤以 巔。」然則 志》亦云:「上東上泰山,乃上石,立之泰 無文字之證 文字之證,今李斯碑是 石,立之泰 封,祠祀。」其下云:「刻所 東上泰山 史記 二,於琅邪,則云「立石刻頌秦德」,於會 ·刻者。 云立 · 秦始皇本紀》云: 「上泰山,立石 此 山巔。 ,泰山之草木葉未 無 今碑 惟 石 字 泰 於 刻 爲 碑 Ш 碣 頌 秦耳。 上 是 明 封 石 秦 爲 也。《後漢 遂 耐 德 也。 則 東 漢 不言刻 立 又 曰: 立石。」是秦石有 云「刻碣石 巡海上。 武  $\wedge$ 石; 無 帝所立,而 生,乃令人上 封 不先言立 石、是漢 禪書》云 書 始皇刻 年云「刻 於之果, 於泰山 嶧 · 祭祀 四月, Ш , 則 石 後 Ш 石

> 紀 ? 密 門自是石,不須立也。古人作史,文字之 如 此 使漢武 使秦 有文刻 皇别立 石,漢史又 此 石,秦 、史焉 安敢 得 不 不

録

乎

矣。 罷之。 年封泰山之後,之罘在二十九年。 罷 罷 也? 《史記》而徵「别史」乎? 至」,在立石之後,刻石之前。 記》而立之山 列七碑,二碑無 功德,元不必有字,今日 史」者何書。 刻 其 又曰 石, 倡以上山之日 一,此又 又始皇之刻,李斯 李君佀 且如《水經注 「篆文如 未見僕此論,不 何 將 者,固至今存矣。 解 考千載 字。」此 琅 也? 学、孔 邪 即 以 史言「下山 又 以風雨之阻大怒 之文,其録於《 古人立石以 刻石之時 上 何 子 知 之事 所 廟 今日 現 罷其一,不 其 漢魏 怒 所 天下 邪 阻 風 而 乃 ,又謬 謂 表其 在 此 不 以 雨 史 本 而 暴 刻 來 别

其不出 考《山 無字 史一不 爲 名碑 今年 見於劉熙《釋名》之書可考。 前 碑。」 也 行 東通志》曰:「上有石表巍然,俗云秦 過二十餘字,而 所笑乎? 於古書之傳 而 事 此 名之,抑 而 志 比 二,而 作 來 於 年 碑之爲 又謬矣。 也。 嘉 -之例 靖 謬妄已有數端 又從 中 者乎 制,始於王莽 是其 曰「俗」者, 而文之,無乃 今以後人之 ? 所引 史言 别 立 又 則

級。 不 티 : 封 禪 知 期 『泰山之力也。』因 處 張 春 後帝忘其故,問 來 也 秋 札"「俗以 説 一、未敢 時已有丈人峯,孔 壻 韋 以足下言爲 晤 丈人爲 扈 羣 駕, 以 臣。 丈 泰 以 是。 伶官 人 子 Щ 説 遇 八爲 壻 黄 泰 唐明 丈 人 幡 增 Ш 築 綽 皇

時 有 丈人峯」,其何所據? 此 俚 俗 之言,亦不足辯。乃謂 《列子》: 「孔子 春 秋

> 峯之名,即添一「丈人」字,欲移吴門 游 天下遂無讀《列子》、《論衡》二書之人哉 阜,即去一「閶」字,用心之不平如 人」字。 水東、 都朝 於泰 未 地 都 千八百,當伐 太公以 太公於上游也。」古史萬國, 國,未便奪其地,遂就 鳥。 敢 乎 鎬 ? 以 歌 京,千里 山 鹵,人民寡,因 夫紀載之文,各有 來札:「太公封 瀍 千 足下爲是 彈壓耳 王 水 見榮啓期 里 以 西 内 紂 内 東 皆 ', 足 不 時 不 方 諸 不 , 行 免改侯 免 下 諸 侯,營洛後能 知 改 上古 乃過 侯 其 營丘, 乎 其 王 附 隙 所本,今欲 郕 或 如 信《貨 畿 紂 封 封 之野。」 爲 何 者衆, 爲 建,各 商三千, 之,非 地澤《史》作 ·變置。 王 侯 此, 殖 各守 畿 國 無 故 傳 茅 於 有 實 而 封 其 澗 周 殷 周 置 其 謂 曲 此 丈

人

鄙 著 經經 解》中一事曰: 舜 都 蒲 坂, 而

《左氏傳》管仲之對 論 弓》,謂「太公受封,留 王 地 逢 又《金縢》之書有二公,則太公在周之明 並言成王,不言武 公至國修 記》以太公爲武 昊之世 二説未知孰是。 至周, 公柏 ,恐亦是以後世之事而測量古人也。 滅之,以 陵 有 成 殷 政,人民多 爽鳩氏,虞、夏時 王時,薄姑氏與四 封 末 師 王 有 李君 尚 所封,當武王之時, 薄姑氏,皆 父,是爲太公。 王。 楚子,展喜之對 歸 爲 「變置」、「彈壓」之 ,齊爲大國矣。 太 而 師 有 鄭 或 爲 季崱,湯 康 死 共 諸 成註 葬 作 侯 于周 齊 而 亂 或 時 而 ^ 成 證 檀 考 史 太 有 此

之欲

其

富

」,又且欲其

源

源

而

來

何以

不

在

誠

爲

可

疑

如

孟

子

,所

論

親

之

欲

其

貴

愛

封

象

於道

州

鼻

亭,在三苗

以

南

荒

服

之

地

蓋

上

古

諸

侯

之封

萬

國,其

時

中

原之地

必

中

原

近畿之地,而

置之三千餘里之外邪

?

《漢書》曰:「齊地,虚危之分野也。」少

故

象之封於遠,聖人之不得已也

天下之大

功,舜

固

不得以介弟而

先之也

在

陽

翟,稷封

在

武

功,何

與?

二臣者

有

安

封

ıĖ.

於

此

贵

非

中

原之地

無

閑

土,故

至

薄

里。夫尊爲尚

·父,親爲后父,功爲元臣,而

或

且.

Ŧi.

世

反

葬

於周,

而

地

之相

去

二 千

餘

子

学言

其

儉

於百

里,又

萊

夷

逼

處

而

與

之

争

濰

縣界,史言其

地

鴻

鹵、人民

寡

,而《孟

功

亦

大

矣,

而

僅

封營丘

營丘

在

今昌

無

閑

土.

미

以

挂

故

也。

又考太公之於周,其

姑氏之滅,而

後

乃

封太公邪?

或曰

:

禹

封

三八三

# 東塾讀書記

〔清〕

田樹 澧

校 撰點

九四

九四

六四

六四

四〇

四〇

〇八

二〇七

四四

四三

二〇七

# 校點説明

資格。 年(一 教官。 中。 縣 訓 道 今廣州)人。 申 導。 加 光壬辰 了 此 陳 八五六)北 請改授京官。 六年 由 道光二十九年(一八四九)實授本省河 後 以廪生入粤秀書院,三年題優貢。 澧(一八一〇—一八八二)字蘭 於社 + 科鄉試 Ξ 自幼學習舉業,十七 會 輪的舉人「大挑」,又考在二等,只 年 上 動 間 舉人。二十四歲入都參 亂,僅 會 五 獲授國子監學録。 試 次應試 不中,遂 兩月便 皆不中。 放棄 請假 歲 獲得 循 回 不得已,報名 甫, 年資 家。 加會試 廿 廣 縣 咸 源 三歲 學 東 補 縣 能做 番 豐 生 選 六 不 知 學 中 員 禺 學

長。 年。 十年, 陳 同 陳 陳遭受聘 治六年(一八六七)至去世,又爲菊坡精 澧主要貢献在教學 澧 讀 書 幾 阮 十年,著作百 元建 立 的 和 學 多方面的 餘 海 卷。 堂, 擔 研 著 任學 究。 有《聲 長 道 光二 舍 數 律 + Ш 誦

> 雜 部 説》三卷、《弧三角 水道圖説》七 説文聲表》十七卷、《水經注 分完成並 俎》,藏中 刊 山 卷、《漢 大學 刻。 説》一卷。 其 啚 儒通 書 未成部 館。 議》七 分現 晚年 提 綱》四 卷《琴 存稿本, 著《東 + 律 塾 卷、《三 名 説 讀 曰《東塾 書 統 記 卷,

考》十卷、《切韻考》六卷、《外篇》三卷、《漢

書

地

理志

書》)。 於學術,吾之書專明學 是「非無意於天下事 體例鈔 術主要是 東塾讀 撮群 學術明,人才出, 經學。 書,詳 書記 加 》原 也,以 考訂 稱 術」(《東塾集》卷四《與 《學 人才出,政治 而成。 爲政治由於人才,人 思 録 陳 倣 澧 清。 著 照 此 H 他 書的 知 所 胡 録 説 才 宗 伯 的 薊 由 的

性是 喜讀《孟子》。 語 而 乃「道之根源,六藝之總會」。 不純乎惡」(卷三《孟子》)。 》最 此 「純乎善; 重要的 書首出《孝經》。 概念是「仁」。 孟子認爲人皆有善。 常人之性,皆 依 鄭 再 有 玄《六藝論 有不忍人之心,才有不 次是《孟子》。 其次是《論 善,惡人之性 陳 澧指. 》的 語 出聖人之 説 似 陳 法, 有 澧 論 孝 最

及「小學」。 忍人之政。 文王治岐是代表。 經書不同,探討重點亦有别。 此下依次論析「九經」 漢 書 儒

林傳》云費直「以《彖》《象》《繋辭》十篇《文言》解 説 上

下經」。 陳 遭認爲「此千古治《易》之準的 書》今文、古文「近儒考之詳 也」(卷 四

矣」(

卷

五

^

尚

詩經》、重點討論大小序的作者、毛傳的 書》),故僅着力探討《舜典》和《堯典》的 關 訓 係。 詁 體例, 對於

宗毛而别下己意。 包括「也」字、「之」字的用法規 《周 禮》的年代、作 律等,還特别 者 向 提 有 到 争議。 鄭 玄 《朱子》三卷凡十五

汪中 找 出 六條《周 禮》徵 文,陳 遭又考得 作。 四 條, 證 明

周

禮

一》爲周

室典制,但未必爲周公所

又,陳

澧

贊

識 揚《考工記》對手工業 針 對《儀 禮》之 難 讀 製作技 陳 澧 藝記録之詳 在 總 結 前 人 備,乃爲 經 驗 的 卓 基

啓 則 礎上,提出 發。 探 討 作記 分節、 者的 貢獻,對各篇單獨作分析論 繪 圖、釋 例的 方法 來 解 決。 證,足 禮 記》 資

係、異同等,引 春秋三傳》一卷考證了《左傳》凡例及三傳 證 頗多。 小學》部分主要對《爾 雅》及 關 相

一説

文》所涉訓

計

音韻、形義之學

詳加考訂。

除

經

書

除卻十五卷本、十六卷本外,尚有光緒十四

年王

外,陳澧對諸子學説及漢宋學術也有較全面 集録各家之長,不爲漢宋門户之見,足資參考。 的論

完成。 卷,但自卷十二《諸子》以下 《東塾讀書記 今存《東塾讀書 》原擬撰寫 記》諸刻本,目録皆作二十 則 二十五卷,但 有數卷注「未成」, 實際 有 未 目 能 Ŧ

無文,此即陳氏未能最終寫定刊刻 的 部分。 陳 澧

前自訂《東塾讀書 記》前十二卷加《鄭學 》、《三國》、 生

十五卷本爲後世較爲多見的版本。 陳 澧於去世 一前數

卷,身後由其子及門

人付梓

刊

行。

卷本,是爲十六卷本。 月又寫定卷十三《西漢》卷,後由廖 十六卷本與十五卷本相較, 廷相 等增入十 除 五

本。 多出《西漢》一卷外,行款格式、字體皆 或因倉促之故,十六卷本僅 補 入《 西 同於十 漢》卷 五 的 文 恭

字,而對十五卷本的書名、廖廷相 誌語 及目録皆未及

訂。 誌語 仍作「十二卷又三卷已刻成」,目録卷十三「西 書首仍題「東塾 一讀 書記十二卷又三卷」, 廖 廷

修

漢」下仍注 「未成」。

先謙

輯

刻《清經

解續

編》本,只收《讀

書

記

影論

及

經

書

刻

》,收録《讀書記》

一卷,即卷二十

一《朱子》部

分

的

+

卷。

另外,光緒二十三年周學

熙輯

刻

《師

古

堂

叢

校點者 田樹生

十五 經」皆 + 内 四 廬 大 訂 的十五卷本及十六卷本有 讀 年上海 1 如 續修四庫全書》影印 叢 學 容。 年 正,可 書 年三聯 六卷本爲底本。 南菁 書》刻 卷本(簡稱 九三六年世界書局 啚 記 此次校點整理,採用國 採 書館 古籍 》則 近現代各種排印整理本,大多採用十五 用 謂 書 書 阮 十五卷本(簡稱 後 將《西 藏光 院刻《清 出 店 出轉精,故以之爲 元校刻《十三經注疏》本(中華 出 版 一光緒 版 緒 漢 社 此 》卷 的楊志剛 出 間 經解 Ė 本 八年本」)、清末崇仁華 版 刻十六卷本(簡 作爲附録收入。 海 雖 印 的 續 行的 辭 爲 諸 標 「海粟廬本」),參校光緒 編 家圖書館 晚 整 書出版社藏光緒八年刻 多形近 點本《陳 》本。 底本。 出 理校點本。 斷句排印本和 亦有 他校 誤字,此 藏 澧集》之《東 稱「北大本」)、 同 缺 光緒 諸 時 脱, 書局 100 校以 書,「十 -氏《海 本 但 間 一九九 一卷本, 影 北 皆 常 增 印 京 E 見 修

述

事 有 我 愈,乃自述 可 續 墓 述也 述 石 余年六十有二,大病幾 者, 惟 之。 讀 虚 述 書 譽 E : 或 數 耐 者 + 失 年, 著 壽命猶未艾乎,他時 其 真 書 則 死。 恧 百餘卷 矣。 自念 耳。 生 死 平. 後 當 書 病 無

甫

縣。 名 端 縣 職 Ш 公考取 1 長 君 布 皆 陳 卒。 生二子,長 政 陳 澧字 핊 先 使 生厚 其 縣 年 司 下。 學 蘭 + 理 生。 甫賞譽之。 Ŧi. 諱 問 文端公命人粤秀書院肄 遷 清, 伯 明 先 兄 年, 次 世 廣 卒。 則 江 東 録科第 與桂 澧 南 番 十七,督學翁 也。 上元 禺。 星 0 垣、楊 人,祖 年十歲, 考候 司 補 考 浦 時 業 香 諸 文 知 捐 知

自

述

學海 長。 不願 舉 縣 君 爲 學 人。 模 友。 堂學 英偉之士,多出 出 訓 先 仕。 復問 六應 生。 導 長 詩 請 年 數 兩 會 京官職 學於張 試 廿 月 + 一, 告 不 · 年。 中 其門焉 病 舉 銜 南 ·, 大 至老, 歸。 優 Ш 得 挑二 行 先 國子 揀 爲 貢 生,問 等,選 選 生。 菊 · 監學 知 坡精 經學於侯 廿 縣 授 録 到 舍 河 班 山 源 中

漢儒 賴。 皆有 天 源出朱子,不可反詆朱子。 許 以 尤 讀朱子書,讀諸 下 爲 好 氏《異義》、何氏《墨守》之學。 之行。 讀《後 大亂, 善 讀 鄭學有宗主,復有 少好 **孟** ,荀、楊輩 爲詩,及長 漢 子》, 而 讀 書》, 聖 朱子 人之道 以 經 皆未知 以 爲 注 書,以 爲 孟 棄去,泛濫 疏、子、史, 不同, 學漢 子所 不 也 絶,惟 爲 又以 國 儒 謂 中正 讀 朝考据之學, 之學,尤當學 性 鄭 鄭氏 爲國朝考据 羣 魏晉 善者 日 氏 無 籍。 有 諸 弊,勝於 禮 7,人性 課 以 經注 學是 中 年

若干 於宋儒 著《 七卷, 儒 陸 於沙門 又著《切 睢》十二 三卷,《弧 水 法 七 道 而 及 漢 卷。 卷,《 言之學存於《 不 爲 儒 謂 則 之説。 講 韻 詩 親 通 可 地 生平 宋 水 義 考》六 考 理 義》 友 譜 角 經 理 儒 碑 漢 之學,當自 可 不 説》 , 亦 又著《 輕 七卷, 注 郡縣 傳 卷、《 欲 按 蔑 提 非 廣 事 爲 漢儒 而 綱 卷、琴律 漢 也 以以 蹟 謂 韻 文章,然 外 歌 書 不 四 ≫, 漢 者 篇》三卷,謂 及 水 其 而 可 + 地 宜 儒 一**,** 非 於 道 餘 古 卷 没 善 理 明 歷 有《 始 有 説 也 樂 者 志 其 爲 代 ; 義 説 不 水 法 近儒 故 先 郡 知《 卷 統 墜 文聲 理, 道 孫 過 而 縣 文 術 漢 啚 於 叔 而 尊 無 不惑 而 説 表 志 説 地 然 存 作 集 漢 又 異

> 子,宗 之。 倦。 生子 性 疏 慶龢 值 晚 直. 誼、宗 賊 平. 年 爲 亂 易 所 其後。 類頗 侃、宗詢、宗 著 夷 書 亂 厭 曰 同治 俗 家 ^ 事,惟 東 計 + 塾 穎 不 年二 給,晏 讀 好 宗誼! 書記 與學者談 月述 如 早卒,宗 也。 今未成 論不 生 侃 四

樂

惟

存

七

調

然古

律

尺

度

具

在

可

考

歷

代

樂

高

下。

晉十二

笛

可

倣

而

製

唐《鹿

鳴

》、《關

通

考》十卷,謂

古

有

十二宫,

且

有

轉

調

今俗

之學盛

矣

猶

有

未

備者,

宜

補

苴

之。

著《

聲

律

卷,均: 年七 品 名奏 相 上 東 廷 卷,遺命名 論: 巡 謹 卿 相 卷又三卷, Ŧ 請 誌 謹 撫 銜 俟 朱 按: 有 量 裕 門 次琦、陳 公 加 八 口《東塾雜 人及兒子 光緒 褒異。 年 已刻 以 所 Œ 南 七 著《 月二十二 澧,均著 成。 海 年 其 《東塾 ', 兩 編 朱子 年 俎 其 録 **%** 七月 廣 餘 襄 云 讀 加 總 日, 又 未 先 書 恩賞,給五 初 督 文 門 成 生 記 先 三日 張 及 集 稿 生卒 公、 若 廖 得 先 本 廷 干 生 廣

番 禺 陳 澧撰

經

孝

不同 爲道之根源,六藝之總會。 論》已佚,而 於孝者也。」此二句,或亦《六藝論》之語。 故作《孝經》以 未乖者矣。 指意 籍志 鄭 康成《六藝論》云:「孔子以六藝題目 》亦有此數語。 殊别 幸存此數言,學者得以知《孝 總會之。」《孝經序》正義 恐 道 其下云:「明其枝 離 散 後 此微言未絶,大 世 澧案: 莫知 流雖分,本萌 引。 《六藝 根 ○≪隋 經》 源

説文》卷末載許叔 重遣子沖《上〈説文〉 義

意 ? 弟子孝弟、學文,許君以二 荀 慈 惜《孝經孔氏古文説》竟不 明 對 策云: 河漢 制,使天下 書並 上 傳 也 蓋 亦

書》並《上孝經孔氏古文説》。

澧謂

孔

子教

此

制。 志》: 則天下皆誦《孝經 中有旨,令歲 試 經》。」《後漢書》本傳。 經 諸 若督學及府 司 隸 州 校尉假佐二十五人,《孝經》 與 科 司 隸同。 試 廳 》, 如 增《 州 澧案:《續漢書 縣 孝經》論,正 東 此 漢 官試士以此爲重, 東漢之制 時 矣。 合東 也 • 百 師 誦 漢 咸 主 豐 官 監 孝

《書》、《禮》、《樂》,則 今但使之習《孝經》、《論語》,儻能盡 司 馬 温 公云 : 繒 中材 若 以 使 下,或有所不及。 之盡 通 期年之 詩》、

0

<sup>0</sup> 蓋亦此意」、北大本、光緒八年本、海粟廬本作「意在斯

作「天下督學及府州縣」。 督學及府廳州縣官」,北大本、 光緒 八年本、 海粟 廬 本

語》,粗知禮義之方,然後冠之。」 語》,用知禮義之方,然後冠之。」 語》,則無不精熟矣。此乃業之易習者也。然功,則無不精熟矣。此乃業之易習者也。然功,則無不精熟矣。此乃業之易習者也。然功,則無不精熟矣。此乃業之易習者也。然功,則無不精熟矣。此乃業之易習者也。然

**参孝** 雖是父母不存,亦須如此,方能保守父母産業,不至破壞,乃 之孝也。」』」本注云: 安力足,有 妄耗費。」以養父母,本注云: 朱子本注云: 云:「謹身,謂不作非違,不犯刑憲。 文》云:『《孝經》云:「用天之道,分地之利, 經》、《語》、《孟》之書。 朱子《甲寅上封事》云:「臣所讀者,不過 若父母生存不能奉養,父母亡殁不能保守,便是不 以奉養其父母,使其父母安穩快樂。」此 「謂依時及節,耕種田土。」謹身節用,本注 「能行此 「人能行此三句之事 上四句之事,方是孝順。 知南 節用,謂省使儉用,不 康時《示俗 庶人 ,則身

經》也 子上告君,下教民,皆以《孝經》。 持誦,依 句,係先聖至聖文宣王所説。 朱子有刊誤之作,而謂朱子不尊信《孝 須更念佛號、佛經, 誅,不可不深戒也。」以上《孝經 孝之人、天所不容、地所不載。 此經 解 説 早晚 無益於身,枉費力也。 幽爲 思 庶人章》正文五 惟 鬼神 常切 奉勸民間逐 所責,明 學者勿以 遵守, 爲 官 法 H

謂 如此。 謂:如朱子之言,則第一 氏門人之所記,疑所謂《孝經》者,其本文止 也」爲一節、云:「夫子、曾子問答之言,而 雜引孔子之言以明之也。 所謂傳也。 「子曰」二字,及章末之引《詩》、《書》,與「天 「經一章」。其下釋經文者,猶《大學章句》 朱子《孝經刊誤》以「仲尼居」至「未之有 其下則或者雜引傳記 雜引傳記者 ,猶《中 節猶《大學章句》所 朱子 以釋經文。」澧 庸 所疑者 章句》所謂 曾

乎尊 正 則《孝經》有《左傳》語,不必疑 《詩》、《書》者尤多。 之經 大於配天」,與《孟子》 爲天下之通訓 子産之言,又疑 也有志,克己復禮,仁也。」」曰季曰:「臣聞 有章首用「子曰」二字者、《孟 乳 同,尤不必疑矣。 ·親,尊親之至,莫大乎以天下養」,文義 也,地 子告顔 門如賓,承 之義 淵 仲 **《**語 也」云云,乃《左傳》子太 「嚴父莫大於配 事 類》亦屢有此説。 三号者, 如 《左傳》:「仲尼 所謂「孝子之至,莫大 祭,仁之則 而 皆 子》每章之末引 見於《 也。 天」,非 然《中庸》亦 也。」此《 「嚴父 曰:『古 左 傳 叔 所 莫 論 **%** 以 述

曰 : 以 法言不敢道,非先 孝經》曰: 服、言、行三者並言之。《孝經·天子章》 子服堯之服 孟 子》七篇中,多與《孝 非 先王之法服 王之德行不 ,誦堯之言,行堯之行。」亦 不 敢 經》 敢 服 行。」《孟 相發明 非先王之 子》 者

世 亦引《孟子》所言五不孝。 母 廟,士庶人不仁,不保四 諸侯不仁,不保社稷;卿大夫不仁,不 「謹身。」《孟子》曰:「天子不仁,不保四 日 顧父母之養」云云,正與「謹身節 經》也。 孝經》,蓋論説《孝經 家範》引《孝經》:「五刑之屬三千,而罪莫大於不孝。」其 卿 依託,然亦必出於孟氏之徒也 : 相反,亦可 大夫章》 刑 世 於四 俗 日 海 以爲《孝經》之反證 ら、一人諸に 所謂不孝者五,惰 》之語 守其宗廟。」《 ○《孟子外 侯章》曰 趙 邠 體。」亦 卿 書》四 : 辭 保 庶人章》 [篇,其 也。 用,以 似 雖 其 其 以 四 本 司 社 於《孝 支,不 篇名 篇 馬 養父 稷。 海 日 爲 温

굸: 爲 謂 録《孝經》「居則致其敬,養則致 教,稱引故 不 必 陶 嗟爾衆庶,鑒兹前式。」司馬 疑 淵 也。 明 有《五孝傳》,或 質以 蓋 陶 證之。 公於家庭、 故其《 疑 鄉 後 其樂,病 庶人孝 里 人 温公《家範 以 依 託 傳 孝 則 贊 經 致

DU

致録》。 以引 其憂, 順天 各引 經本旨》二十四卷。 經》之旨者,别爲外傳。」黃直卿 彭忠 朱子《孝經刊誤 肅公以致敬、致樂、致憂、致哀、致嚴,哀集格言爲《五 證,亦所謂 下之大道,惟 經史以 司 喪 馬 則 温公《家範》亦以五致類事,忠肅之書本此。」澧 致 證之。 其哀 見《直齊書録解題 》卷末云: 「鑒兹前式」也。《困學紀聞 此 蓋《孝 祭 五句爲孝之條目,故 則 「欲掇取他書之言可發明 亦輯録諸經傳言孝者,爲《孝 致 經》 其 一》卷三。 嚴 篇,皆論 Ŧi. 句, 以 每 **※**云: **参**孝 加 孝 句

矣。 皆保 以 爵 此,則天下世世太平安樂,而 臻此。 》所 第二 禄 其 不 謂 孝經》大義,在天子、諸侯、卿、大夫、士 垣名文耀,南海人,官江南淮海道 · 替。 天下 至德 章言『孝弟 亡友桂 國 庶 要 家,其祖 道 星 謹 一,以 垣 身節 則 嘗 不 考基 順 與 犯 用,爲 天 澧 下。 上 緒 論 惟孝之一字可 作 不絶,其子孫 下不 此 亂 斯言 云 亂。 即 得 之 論 孝 如 則

《論 近。 也。 之言,其筆之於書者,但可 戴禮・主言篇》「孔子閒居、曾子侍」、文法亦同。 作,故鄭君以爲孔子作也。 注:「大本、《孝經》也。」故 孝道乃天下之大本,《中庸》:「立天下之大本。」 尼燕居,子張、子夏、言游侍」,文法 尼居,曾子侍」,與「孔子閒 十子之遺書。 云「曾子作」。 語 王儉《七志》以 又以魏文侯有《孝經傳》, ※ 孟 四 庫 全 子》次之,以讀 黄東發《日鈔》以《孝經》爲首, 書 此考據 《孝經》居首,見《經典釋文·序 總 目》謂《孝 自爲 最 確 《史記·仲尼弟子 謂之述,不 經 **無** 經。 居,子夏侍」,「仲 經 者當 則《 疑 與 此 義 孝 先 經 正 矣。 禮 經 讀 可 其書 是 同 録 記 謂之 此 孔 爲 列 一仲 《大 傳 經 子 爲 而

於禮。』此之謂 性,不以死傷生。」「喪不過三年。」「資於事父 制》云: 經解》云:「孔子曰: 「資於事 也。」此 父以事 引《孝 君 而 『安上治民, 經》 敬 同 也 喪 毁 莫善 不 服 滅 74

以事母,而愛同。」《大戴禮・本命》同。皆《孝經》

注者,殆未詳考耶? 康成注明矣。 則句龍也。是鄭自相違反。」鄭以祉爲五土之神, 句龍配之,故王肅以爲自相違反也。 稱惠棟校宋本。 云:「《孝經》注云:「社,后土也。」此依校勘記所 定爲康成注。 《孝經》鄭注,諸書所引者雖多,然無 句龍爲后土,鄭既云『社,后土』, 劉光伯 惟《郊特牲》正義引王肅 劉説見《孝經序》疏 謂 肅 無攻擊《孝 此王 肅 所 經》 難 難 是 鄭 以 鄭

東塾讀書記卷一終

## 東塾讀書記卷一

番 馬 澧 撰

### 論 語

章指 首。 首者,明人必須學也。」亦至精之語 趙邠卿云:「聖人之道,學 論 得其意矣。 語》二十篇,以「學而時 陸氏《釋文》云:「以 而時習。」《孟子 習之」五字爲 〉學爲

字,要討箇著實。 清 話 獻 如『學而時習之』,不知時習者何事 此象山妄説、《黄氏日鈔》已駁之矣。 云: 陸象山 子曰 <del>궁</del> 學而 「《論語》中多有無頭 所學者何事? 時習之』,開 П 如 説 何 柄 子?」《語 箇學 樣 底説 陸 去 子不重」章曰:「學則 所學者文也,賢賢以

色」章曰:「雖

曰『未學』,吾必謂之學。」然

則

下四

事

也。

又次則

君

不

固。」又次

則「君子食

乎? 所借。 「弟子」章曰: 學字著實,誠是 落。 學? 學》,求之《章句》、《或問》,何 之性是也。」《松陽講義》卷四。 行是也。 朱子《章句》、《或問》體認,然後此學字有 輩,皆是借《大學》條目作自己宗旨。 學》八條目 何,初是如 又 云『所 大抵學也者,博學、審問、慎思、明辨、 《論 注只云『學之爲言效也』,未言如. 須將《大學》八條目細 以 所學者,人倫、事 語》言學者,「學 何。 明善 亦何 「則以學文。」又次則「賢賢 若不討著實, 也。 | 営不 而 復其 然求之朱注,求之《大 可 初一, 借? ·而」章 物之理,本於天 澧 謂 : 細體認。 則皆 亦 如求之《論 如 未言 - 爲首, 象 清獻 可 Ш 又須 爲 善 然《大 何效 次則 欲 陽 異 易 求 命 篤 將 學 明 如

如 無 古 論 此 求 也 語 當當 求 飽  $\Rightarrow$ 之,則著 二十篇 章 不 Ė 求 · 一可 安 學 實 飽 矣。 敏 謂 字 好學。」然 甚 事 此澧之管見 多 慎 皆 言 則學之當 同 就 此 Œ 安得 學 有 字 道 重 也 也 起 而

清

獻

而質之?

學。 之讀 卷十。 乃 必 子 讀 殆。』學便是讀,讀 學?』而  $\Box$ 夏言 通 謂之學矣」。 書 『有 夫子 書 學者何? 此 古 猶云: 也。 「賢賢 解 民 夫子 孔 説 學字爲讀 人焉,有 門 朱子又云: (易色) ·惡之。 之 亭 如此之人,雖 此二學字,亦必 遺 讀 而 Ī 書 法 几 社 字,尤明 然則 又思,思了 不 也 也 事 稷 過。」《盡 思 \_ 焉 而 書 則 仕本 朱 日 白 云 何 只 图 子 未 心 矣。 必 ·於學, 堂 貴 云 雖 讀 又讀。」《語 思 以 記 讀 讀 : 書 E 而 讀 書 未 不 讀 書 丽 昔 吾 然 澧 學, 學 便 解 學 必 後 子 謂 類 是 則 謂 之 必 吾 爲 路 :

也

後覺效先覺

,聖人復起,不易斯言矣。

朱注云:「學之爲言效也。後覺者必效

爲言效· 及《廣 大 述堯 必效先聖,後 矣。」鄭箋云: 堯之言,行堯之行 而 來字學並 先覺之所 於 知之,至於後世 夏 舜 也」。 雅 禮 憲 無 此 周 〇毛西 爲。」 澧案: 章 「所尚者,天下之人皆學之。」此 訓。 釋 文武 王亦 詁 因於殷禮」,此後王之效先 西 河 河 一四 」,此後聖之效先 必 之妄 」,此衆人之效聖 ,則衆人必 《角弓》詩 書 效先王。 學訓 如此。 改 錯 \*\frac{\times}{Z}: 效, 云 : 蓋 服 效聖人,後 學 見《尚 惟 爾 E 字注 之教 堯之服 聖 人 亦 古 書大 作 可 也 也 聖 效 證 民 ; 聖 字,從 學之 傳 胥  $\pm$ 殷 祖 誦 生 亦

甘 諫 欲 古人之先意承顔 開 以 其 腝,惕然慚懼 心 觀 明 利 顔 古 目 社 氏 人之守 稷 利 家訓》云: 於行耳。 惻 ··,起 , 怡聲下氣, 不 然 職 自 而 無 「夫所 念, 行之也 侵 未 门, 見 思欲效之也 知 以讀 養 危 授 ·憚 親 未 書學問,本 命 者 知 劬 不 「, 欲 勞,以 事 君者 素 忘 其 驕 誠 致 觀 欲

琴云: 歐、效褚 慾,忌 奮 若不勝衣也。 娲 散 爲 奢 委命,彊 素鄙吝者,欲其觀古人之貴義 勉學篇》。 属,不 弊舌 者、欲 也。 教 輿,亦效其師 本,敬 「「學之爲言效也」,如學書者云「學歐、 盈惡 存,含垢藏 素 毅正 可 其 此 學 暴 觀古人之恭儉 恐 滿 者 ·詩者云『學杜、 所 悍 之爲 直,立言必信,求 懾 謂 身 素怯懦 者、欲 賙 也。 基 「學之爲言效 梓 窮 匠 疾,尊賢 , 瞿然自失, 卹 輪與 歷兹以往,百 者、欲 其 學 匮, 赧 觀 韓」,是效杜、效 (也。」此 節 古 容衆,茶然 其觀古人之達生 用 人之小 然 也。 説 · 卑 福不 悔 斂 輕 最 明切。 恥,積 財 容 以 行皆然。」 學 昔吾 韓 回,勃然 少少 心 抑 自 褚」,是效 也。 沮 子 友侯子 朏 牧 志 私 圃 琴名 學梓 喪 己 也 能 寡 禮 課。 也。 古未變者也 業 讀 則 即 晝 時

疏云:「言教學之道,當以時習之。」然則孔 時 「大學之教 者 何 也 ? 也 求 時,教 之古 必 傳 有 沖遠解 記 IE. 之 業。」孔 書 《論 語 則

度,番

|馬舉

人,廣

(西試

用

知

縣

斤

讀此 許,風 可間 云"「凡作工夫,須立定課程。 而 書寢食、皆有 司 安。」此蓋 而 習 書而 今塾 蓋 斷。 不 馬 講 爲 雨 移 讀 温 每 貫 不 日 縱使出 師 不移 於 書必立定課 公云:「范文正公掌府學,課諸 移。」《辭學指 夕 有 教 朝。 所謂 正 而習復, 童 於夕; 業 時 子猶 也。 有一 人及賓客之類,亦須量作少 時 刻。」《涑水紀聞》卷十。 習」也。 如 定之 夕習此業 程,朝 魯 南 夜 此。 語 而 時  $\overset{>}{Z}$ 此 計 讀 刻 蓋 求之後 蓋 過 : 此 日日 聖人之學,千 ,有一定之功 ,則夕夕習 所 書, 無 士 謂 有常,不 世之書 憾 朝 王伯 則 時 受業 朝 而後 此 朝 厚

禮」、「出門如見大賓」,皆遠在其後。 鮮 爲仁之本」,爲言仁之第 矣仁」,爲言仁之第二章。 論語》最 重仁字,編 章。 論論 語》者,以「孝弟 他 「巧言令色、 如「克己 且「孝 復

章在 孝弟、不巧令之人耳。此則十室之邑有 仁者而親之乎?﹐惟先有「孝弟」、「巧言」二 引李充説 歎其編次之善也。「三省」章在前,「千乘」章在 得仁。」此與「焉得儉」、「焉得知」、「焉得剛」句法同。 而 此道,而孝弟尤爲至要。此其編次先後之意 爲 如 言在後,尤必有故矣。蓋「克己復禮」、「出 也。此二章之後,則「弟子」章,曰:「汎愛衆 弟」、「巧言」二章,以有子之言在前,孔子之 「不知其仁。」於令尹子文、陳文子,皆曰:「焉 ·未知」二字爲句,知去聲。 見《漢書・古今人表序》及皇 先於治 親仁。」孔子於子路、冉有、公西 見大賓」,惟顏淵、仲弓乃能請 人孝弟,不巧言令色,則智愚賢否皆必 以此見《論語》之言仁,至平至實,而 前 國也。 ,則「親仁」之「仁」,不煩言而解,蓋 而教弟子,則曰「親仁」,弟子安所得 「弟子」、「賢賢」二章皆言學。 事 華,皆 斯 弟子謂 語 後,治 日 年幼 上文 深 之 即 若 由 門 : 疏

「賢賢易色,主夫婦而言」,陳亦韓《經咫》之說。亦似有意也。「弟子謂年幼者」,劉端臨《論語駢枝》之説者。賢賢易色,事君致身,則壯有室,强而仕矣。編次先後

字,解「巧言令色」章甚精。 書,第二件猶是老實。」遭未見《榕壇問業》之書,見 案》卷五十六載此條,嘗與鄭小谷論之。 何教人省事?』聞 教人讀書。有子如何教人孝弟? 壇問業》云:「某初讀《 禹之言以講仁字,經義之最大者也。 黄石齋《榕 鮮矣仁」三字,孔子説《尚書》也。 巧言令色」四 者大笑。 《論語 》,問先生云: 字,孔 某今老來,所 孔子只教人老實,曾子如 子 引《 小谷云:「老實」 頭 見第 一葉書 尚 孔子述大 書 《明儒 ,孔子只 猶 **>** 是 也

事 弟,齊賢 章,敢道便有長進。」卷二十一。 又云:「若每章翻來覆去看得分明,若看 篇,若明得一篇,其餘自然易曉。」《語類》卷十二。 備矣。 朱子云:「今讀《論 易色,事 「賢賢易色」,主夫婦 君致 身,朋 語 而 **\*** 言。 且. 友有 澧案:爲人孝 熟讀 時習」、「學 信,五倫之 前》 得十

長 篇,再則 皆在《學而》篇前十章者也。 之有」,天下平也。《大學》八條目 也"「道國」,治國 意、正心也; 文」,格物致 進 則盍 教 遵朱子之教乎 人 知 「三省」,修身 看 也,「忠信」,不巧言令色,誠 + 也;「犯上者鮮,作亂者 章, 可 謂 ! 也,「孝弟」,齊家 善 朱子 誘 學 ,者。 教人讀 備 矣。 如欲 此 未

卻不 不 多散錢了 「一貫」。 貫」底物 語 識 文錢,只有 類》云 知道 是 宋 甚麽錢 儒 若陸 都 ', 卻 "「嘗譬之,『一』便 事 好講「一貫」,惟 無 便 一條索子。」」同上。 將那 有 可 氏之學,只是要尋這一條索, 如許多散錢。 得穿。」卷二十七。 幾箇 條索來 孔。 朱子之説平實。 良久,曰:『公没 中串 須 如一條 是 「今人錢也 穿,這便是 積 得這 索。 那 許

貢。」自注云:「子貢聞『一以貫之』之傳,與曾|《困學紀聞》云:「孔門受道,唯顔、曾、子|

貫」無 何以 子同。」卷七。 以語此?」卷十三。 之」,非餘人所得聞。 聞,豈單傳密授哉! 然則顏子所受博文約禮之道,諸 夫』」,邢疏云:「弟子各記 文,約之以禮,亦可 以文,約我以禮。」此爲受道 語》二十篇中無夫子告顔子「一貫」之語 子曰 顔子亦受道乎? 疑矣。 『博學於文,約之以 澧謂: 然第六篇「子曰『君子博學於 是不然。 以 必以「一貫」爲受道。 《容齋隨筆》云:「或謂『一 弗畔矣夫』,第十二篇 顔子自言:「夫子博 顏氏之子、冉氏之孫 禮,亦 所聞,故 無疑 可 矣,此即「一 弟子 以 重 弗 載 . 豈不 所 之。 畔 以 共 矣 我 貫 足

《詩》 也,約 者,多 邪』。」《日知録》卷七。 顧 至 也。 學 亭林説 汎 也 「思無邪」者,忠恕也,禮也 也, 博 而 也。 子子 日 此説最明白 以 言 言 貫之」云 以 以蔽之, 日 蔽 之」者, 「《詩》三百 : 思 百 一貫 之 無

經之體 經風氣如 晉人之清談,非聖門之學,其文華妙,亦 盛德之所同 予風儀 來,不可假已。 生之門,豈 漸 子者之云,誠 故 也。 周 忘鄙 染風 夫子喟 日 與 獨 此 其 也。 流,湌 願, 『善點 點」之語,後儒尤喜言之。《集解》: 知 然而 、辭清 執 而 時」 皇 也。 疏 服 政 可各言其志矣。 暫 獨 歎也。 者, 所 惟曾生超然,獨對揚德音, 之 道化,親 而 同 三子之談,於兹陋 知時。」」此漢儒之説,本平實 采華妙之語,如此類者甚多,晉 遠,其 所 于 知 先乎? 雅 衰 皇疏采李充云:「彼三 好哉 指 仰聖 亂 高 之 ! 嗚 師 而 然此諸賢既已 時,志在 適 呼 誨之無倦,先 諒 會 ! 知 矣。」此 遽不 亹 情 隱 非説 從 乎 人説 逸。 則 古 起 中 能 蓋 安,王氏辯之是

復 程 禮 子云:「子路等所 朱注云:「三子規規於事爲之末。」又采 四 書 集 注 補 ※云: 見者 小,孔子不 「夫子問: 取。 『如或 Ŧ 知 氏

此

豈可 爾,則何以哉?』三子以抱 小」,明與聖經 『赤也爲之小 云『規規 ,孰能 於 相 事 反。」此則程朱之説 爲之末』 爲之大」,而乃 負對, 乎? 正遵 云 孔 「所 子 亦 師 既言 有 見 未

也

箇四 堯 語》二十篇,只揀 轉見支離,没合殺了。」同上。又云:「如《論 「昨廖子晦 點」,便將 人説此話。《論語》一部自 與點説」 了。 則 曰,都 ^ 可 時 《朱子 單 以 景 箴 單 許 致、《論 語 `亦説『與點』及『鬼神』,反覆問 段如 砭説 是 説 多 類》云 做 箇 都 那 何?』曰: 語 掉 工 與 風 曾 : 夫 了 點」之習氣矣。 何 乎 點 處。 安 舞 用 底 雩,詠 卷一百十七。 卿 説 意 『某平生便 學而 不 許 問 思來涵 成 多 : 而 只 一向 時習之」 事?」同 歸 説 泳 又云 」, 只 是不 來 了 都 所 做 與 至 要 愛 呈

德行、言語、政事、文學,皆聖人之學也

之同 也 擅 故 焉 惟 几 途 合之 科 辭 聖 而 乎 人 有 章 得 其 而 能 而 己 其 徒 或 聖 後 兼 性 費 而 而 優 世 備 人之學乃全。 之 筆 不 榦 之,諸 亡其三矣, 豈聖人之教 各立 所 舌 知 濟,或 近 性 而 一門户 賢 各有 른 也。 則 通 各爲 若 經 相 所 惟 後 史,即 果 輕 諸 近, 豈能 # 同 賢各 相 或 科 出 詆 講 川 爲 所 乎? 道 科 惟 同 途 學, 謂 欲 之 出 科, 學 或 學 則 於 者也。

各 術 邊 齋。 胡 齋者,人各治 口 謂 防、 以 者 安定 盡 經義 類 朱 好 》云:「教 水 其 羣 教授湖 子《名臣言行録》、 談 利、算數之類 材 居 齋者,擇 兵戰 者也。 講 一事,又兼 州,敦 習。 者, 不 疏 子 澧 盡其 好 尚 通 路 謂 文 有 行 其在 冉 (材。) (藝者, 器局 黄東發《日鈔》皆 實 有、 事 此 公西 , 如 乃 如 太學,有 者居之。 好 經 兀 胡 華 治民、治兵、 節 義 科 安定之教 所 之遺 齊、 言 義 好 有 者 治事 尚 治 勇」、 使使 經 載 事

> 行實,三曰文藝,四曰 吴澄傳 知 方」、「足民」、「小相」,亦惟安定之教得此 「爲國子監司業,爲 治事。」尤合於四科之法 教 法 四 條 意。  $\Box$ 經 ◎元 學,二 史

門。 也 崔 自 隋 廓 世 傳》後。 崔 古 説 賾 以 新 來 撰 語 蓋 ~有 可 爲 八 代 傳 八 德 代 匹 之 行 人 科 人 、言語、政事、文學 作 無 志》三十 傳, 出 於 而 几 分 卷。 科 爲 之 見《隋 四 外 科 几

叔書 學,皆學也 德行爲首。」 並見 云: 能立身約己,不忘 云:「學不 | | | | 「人之立身,雖 元 魏 此 高崇云:「仲尼 可 則 今專 以 論 几 **愛** 科 以 事 書 典 百 德 之 名, 本 訓 行 不 行 傳。 殊 德 几 斯 可 爲 途 行、言語、政 科, 學,誤 皆 亦 偏 ,準之四 篤 足 德行 廢 矣。」 論 矣。」《答潘 也。 且. 爲 科 劉 專 首 事、 朱子 要以 以 獻 德 文 文

0

本)作「端

<sup>「</sup>文」、《晦庵先生朱文公文集》(《四部叢刊》影明嘉靖

之三科不得謂之學,則誤也 專 行 文學爲學尤誤,可知矣。 以 爲 己 學,朱子猶以 所學之一科乃謂之學,而 爲 誤, 專學 則 專以言語、政 一科,不 以 己所未學 誤 事、 也

以 在 世之文辭爲孔門之文學。又見文學在 之末,故云「下科」耳。 文。』侃案: 今之所謂文也。 云:「古之所謂 ·夫子之門,以文學爲下科。」 澧案: 答孔司户 樂》之文,升降進退之容,弦歌雅頌之聲,非 先 文學承三科之後,非下也。 王 典文《詩》、《書》、《禮 疏云:「范寧曰:●『文學,謂善先 文仲 書》。 文學,指博學古文。」 今之所謂文者,古之辭也。」 文者,乃《詩》、《書》、《禮 《新唐書 德行、言語、政事 文藝傳序》 》、《樂》之内,故 司 此誤 馬 皆 温 王典 四 以 云 載 科 後  $\approx$ 公 疑, 而

談。 講 几 科之學,非 道學者談 辭 但 章,辦 不 可 政 相 事 詆 , 抑 者 論 且. 經學,皆 不 可 妄

> 多乖謬。 更誤人矣。 行,但爲識者所嗤 辭 凡非己之所長者,不 章、經學兩家亦然。 而 릲 不幸 耐 必置 幸而 其説 喙 其説 行, 也 則 不

清白。 皆以 數路 半矣。」《推委臣下論》。 儀》曰: 也,不可缺 性,各有所能,或優於德 事,三曰言語, 孔子之辨門人,標以 能 短於彼。 案章覆 二日學 四 得 范文正 世 科。 人。」《乞以 祖 問 詔 通 是故,孔門 文中 公云:「王者采人,豈 丞 行修 也。 可見 相 四日文學。 御 故 經經 十科 《續 史。 四 事 中 司 四四 漢書 科 四科:一 舉 博 四 馬 士劄 科取 ±. 者,王者所以 日 以 • 而 文 剛 百官志》注 子》。 以 ± 四科論士,漢室以 三日 毅 嗇於才,或長 īE. 多 日 四 公云:「人之才 略 明 二公論 E 科辨之,思 德行,二曰政 達 遭 德 法令,足以決 引應劭 行 無 事不惑,明 高 治天下 其 妙 人才, 於此 要? 志 《漢官 過 足 節

0

一出校。「寧」,原作「甯」,避清宣宗旻寧諱,今回改。下同,不

以

四

四 孝悌及能從政者爲四科。」 澧案: 注引此 傳 以決,才任 科,大略皆即 \* \* \* \* 「瓊以前 建 三輔令、皆有孝弟廉公之行。」《後漢 初 八年 《論 左雄所上孝廉之選,專用儒學文吏,乃奏增 語 韶」、「建初」乃「建 》四科。 《三國志 世 祖之詔,黄瓊之奏,所謂 武」之誤 杜恕傳》云:「上疏 書 也 和 帝 黄 紀 瓊

티 : 言四科之目。 都官考課之法 孫 權 「州郡考士,必由四科。」」又《吴主傳》注引《江表傳》云: 詔曰: 『自今選三署,皆依四科。』』《通典》云: 南齊 欲 使州 書 郡考士必由四科。」卷十五。 百官志 》云:「太始六年, 初 「劉劭作 此皆不 置總明

理 集四部之學。 觀,玄儒文史四 學代之可 也 後世 [科。● 《朱子 一亦可 科置學士各十人。」此四科: 語 倣而行之。 類 \*\frac{\tilde{Z}}{Z} 日 惟不用玄學,而以宋儒 與 叔 欲奏立四 乃經史子 科 取 ±

語  $\Box$ 德行, 曰明 》之文學乃 經 經 學, . ⊟ 耐 政事, 曰 别 爲 明 文學。」卷一 經 科, 其所謂 百九。 文學乃 此則不知 辭章之 論

學

也

科 之科 能 也。 言 聖門 ,然「思 則 然此 政 重 事、言 無 非易事,但能 詩 邪 教。 語 則 之材也。 德行之事 子夏言《詩》,固 無 失小子之業,而 是《 也。 詩 達 》教 於 爲 兼 政 文學 而 四

> 《詩》爲: 先也 學 宜

荀勖 左延 矣。 能紀 之。」《子衿》傳。 然 之、舞之者,學樂也。 云:「古者教 騶虞》、《文 興於詩,成於樂」,分言之者,《毛 漢時,制氏 其鏗 并除《鹿鳴》舊 年 詩》者,樂章 改《騶虞》、《伐 鏘 王》、《伐檀 鼓 以詩樂,誦之,歌之, 誦 舞。 以 之者,學《詩 雅樂聲律,世 也,樂 歌。 《漢 後 檀》、《文王》三 書 詳見《宋書》《晉書 世 四 則 藝 則 曲 其 文志》。 业。 無 鏗 至 在 成 鏘 魏 樂官,猶 於樂之 <u></u> 弦 歌 鼓 時 鹿 · 樂志 曲 之, 詩 之、 尚 舞 鳴 傳 存 也 學 弦 頗 舞

論 語》言禮者 凡 四 + 餘 章 自 視 聽 古樂之亡,此二人之罪

也

0

出

校

玄」,原作「 元 避清聖祖玄燁諱,今回 改。 下同,不

之而 禮 不同 先之以仁之守、義之質、學之博。 不 記》之類也。 則 動 曰 述《儀 不 節之, 日文之。 以 與與 靡盡 足徵, ,則從先進。 禮 凡 禮》之文也。 事 也 其 而 親 所 《論語》之言禮,至博至精,探索 猶能言之。 教 以 子, 爲 其本在儉,其用 禮 禮 事 雖廢,而猶 《鄉黨》一篇,則皆《禮 者, 君 使 「射不主皮」之語, 日 臣 敬 使 愛之。 日 民 先進 在 讓 爲 日 日 和 或 夏殷 後 約 進 莫 而

蔡語 侍坐之失禮。 公事不至」者,士人見官長之禮。 Z 趨過」者,子見父之禮。「沐浴」者,臣朝君 與賢説 子之失禮。 湖 論 「行束 籍 語》所言皆禮也。 溪跋 部《論語 及《伊 脩」者,弟子 「居於位」,「與先生並行」者, 小者如此,大者可 》」,舉「子見齊衰者」及「師冕見」二章, 洛淵 源録 》皆載朱子發見上蔡,上蔡 初見師 以其小者觀之,如 知 之禮。 「三愆」者, 也。 《謝上 非

> 曰 : 瞽者亦有禮。 部 《論 天下 語 》只恁地看。」此雖上 無 事無 **灬禮者** 也 一蔡好 爲奇談,然可見

相

要矣。 《書》之精義也。 文、武、《尚 未論 故曰 君,孔子懼,作《春秋》。」經學之要,皆 之年,此尤《春秋》之所以作也。 矣」二章、《春秋》二百四 則禮樂征 譎 也」數章,及「堯曰 位」、《易》之精義 辭 而 影語 及。 不正,齊桓 「《論語》者,五經之館鎋 論 陳 語 然「有 恒 伐自天子出」,「禄之去公室 影説《 書》百篇,此提其要矣。「晉文公 弑君,孔子請討,即 公正 。「巍 恒」,「 易》、《 咨」一章,論 也。 而不譎」,及「天下有道 巍 書》者少、《春 無大過」,「思 「孝友,施 十二年之事,尤提 乎,舜、 也。 堯、舜、禹、湯 1在《論 孟子云:「臣弑其 禹 在 此 之 於 西 趙 秋 邠 有 有 不 狩 語 卿 政, 天下 Ŧi. 出 則 獲 中 其 世 其 更

「文王既没,文不在兹乎?」朱注云:「不

題

謙辭 蓋 乎」,承文王而言, 文章」也。 (書》,定《禮》《樂》,修《春秋》。」卷一。 日 子貢曰 謂 道 而 删 也。 述 『夫子之文章 曰 Ŧi. 「天之未 皇疏云:「文章者,六籍也。」《匡謬正俗》云: 文,亦謙辭也。」 澧謂 經,垂教萬世,此即 喪斯文」,夫子 此 可 得 文王之所 而聞 也。」蓋言夫子 四 以 教以文爲首 所謂「夫子之 ::「文不在兹 以 爲文也,非 爲己任, 删 《詩 而

蓋

亦

指五

經之文,故聖教

以

此

爲

先。

顔

淵

一夫子

博我以文。」曾子

Ė:

「君子以

文

會

也。 之,即人人皆得聞夫子之文章,至 友。」是顏、曾之學皆以 至於今二千餘年,人人皆 夫子之文章,子貢 在 文,非 當 時 獨 得 古 子游、 得 萬 Ŧi. 世 經 而 子 無 聞 而 夏 之 窮 讀

極也

謂 某未到 天 命?」 朱子 知 天命 語類》云:「問:『五十知 先 生 處,如 不答。 何知得 又問 ·; 先 天 命 牛 厲 天命, 聲 卷二十 日 何 :

> 於杳冥 三。「問"『叔器看文字如何?』曰 問: 他地位,畢竟未識,説箇甚麽?』」卷三十六。 思量顏子樂處。』先生疾言曰 論語》者,當守朱子之戒,勿好爲高 今只 『顔淵 去博 無朕 喟然歎 文約禮,便自見得。 之際,你去 日 一段,日 何 處 : 『不用思量,你 討?』」卷三十一。 :『吾人未 今却 \_; \_\_ 論 兩 去索之 也 H 讀 到 方

十五。 釋矣。至《論 矣。「立事本孝之」等十篇,阮文達公爲 之學,大抵如 六尺之孤」章,朱子云:「曾子恁 氣象。」又云:「見得曾子直是峻 曾子之學、《大學》一篇,朱子《 「士不可 語》所記曾子之語 孟子之勇。 以不 弘毅」 |章,●朱子云:「 若不勇,如 地剛,有孟 如可可 厲。」《語 (章句 何 主張 曾子 以 之注 類》三 '》 備 子 託

<sup>●「</sup>弘」,原作「宏」,避清高宗弘曆諱,今回改。下同,不

此 之 得 翻 駢 數 語 枝》,所説 條 淺 語 聖道住 閲,不能 ,曾子以 即即 而言之,尤可 愈 自 可 ? 不多,而 命 爲 自 證 不 爲 同 首 明 上。 條條精 可 經學,斯不弘矣。 至尾,斯不毅矣。 朱子之説 也 澧 謂 : 爲學者箴 確 則 又當别 讀 也。 孟 砭。 子 論 且「弘毅」之 述曾子大勇 如 劉端 爲士者 學者説 讀 書 臨 隨 論 如 意 經 語

此

乃

毅力也

非

迁

也

知 無 者,知也; 知 稽 讀 者,無忘也。 自得之者,無忘 録》,甚有意 忘 及之者 其 之似 也。 類 子 甚淺近 , 夏曰: 則 四 固 知 知 書之理皆如 平旦之氣者, 執 也 新 ,然二者實學問 日知 者,無 也。 者, 能守之者,無 其所亡, 知也; 知斯二者,知也 忘也。 此。 知也 温 月 顧亭林著書 深造者, 故者, 之定 無 忘 忘 操 法 也 其 無 則 ; 也 知 所 名曰 忘 存 弗去 能 擇 也; 者 也 一日日 善 於

《論語》有絶奇處。師旅因以饑饉,而子

路能 諸賢 者去 徹」。 何以反不 似近於迂。 才識謀慮 爲之。哀公什二不足, 一,讀之皆使 足食、足兵、民信,子貢問 足乎? 然魯自 復 超 開 於什 或 越 以 人 尋 來,何 常常 瞿 則 然 萬 不 以 能 什 萬 而 不 也。 驚 而 節 而 有 三者 用 足,至 以 有若對 若 而 此 用 什 去 勸 知 哀公語 自 二之後 以 聖 足

也。 性情 載諸賢之言之事,其 굸: 問答,亦分而 也。 學焉而得其 學問 太史公爲《 澧嘗分而 孔子述文,弟子興業,咸 子張》篇 雖 録 性 同 録之。 記 之。 荒 之 仲 在 唐 諸 所 尼 聖 者 附 賢 近。 門,而 弟 不 以《禮 其 餘 之 録 子 語 記 列 此 + 讀 各 》、《左傳 爲 傳 聖門 九 猶 之 有 師 篇 後 而 不 傅 其《 所 所 世 同 知 遂 崇仁 之 以 諸 記 諸 自 古 爲大 學 賢 諸 所 序 書 厲 謂 之 腎 案 所

年

<sup>▲、</sup>海粟廬本補。 本、海粟廬本補。 「且弘毅之語」至「不可也」,原缺,據北大本、光緒八

義 以弟子之弟子爲門人。 ?。」 夫既 湮 没 不 彰耳 「咸 爲 師 朱竹垞《孔子門 澧嘗辨之,文在《東塾集 傅」, 則 其 人考》 所傳者廣矣。 所考甚詳 惟 惜 誤

記,節 之相 也。 器 乎 必 我 餘 有節 ! 門 則 因,大率類 故 删節之者。 而 有 去上 鄉 論 竹簡謂之簡 去之語 不 教 語》記聖人之言,有但 原 人我 無 三三句 ,德之賊 類 矣。 此 室, 也。 四 如《孟子》云: ,文字少亦 所 字 也。二 我 以 以 而 不 然者 此 爲 憾 據此 推 焉 章,何 之,如 謂 書之於竹 者, 孔 記其要語 則《論 之簡。 其 子 太 「君子」 Ħ 惟 簡 語 : 鄉 字 簡 平 「過 丁, 其 不 義 故 ? 所 原

問 所 如 曰 孝 問 斯 耳 之 可 何 論 語 以 如 語 從 H. 也 斯 政 諸 記 可 簡 賢 門 矣?」凡問 謂 之問 而 人之問 之士矣?」子 記 之, 古 有 則 者蓋 有 兩 但 所 體 問 曰 皆 張 問 之語 如 問 政、問 如 此,必有 日 子 尤有 貢 何 問 ^

者。 豈 子 夫子 所問之意。 凡讀《論 論 貢身爲 古 今士品之高 士而竟不 如子貢問 語 》者,當知 . 知 下 何 士之謂 此 ·, 故 如 意 斯 問 也 乎 可 及 ? 謂 今 之士? <u>غ</u> 此 從 乃 政 求

《春秋 之作 言同 真所 服 語 解 其 注,而 影。一邢 (姓名。 **%** 而 謂 何平 解 言 左氏 意異 也 不記姓名,體例不及何氏遠矣,不止 同 無 疏 有不 ·叔《集解叙》云:「今集諸家之善 傳》謂之『集解』者,謂聚 勦 而 云:「示 也 意 此 説 安者,頗 者。 異 乃 也 聚 無勦 。」澧 集 杜 爲 諸 説。」又云: 氏 謂 改易,名 家 之《 義 何 集 平. 理 解 日 叔 集 以 集 杜 論 經 解 取 氏 傳 解 語 ^ 賈、 完記 論 爲 注 集

「重遷。」「君子懷刑」,孔曰:「安於法。」「小人 德」,孔 集 解》上句采鄭 晉文公譎 曰 : 懷 安安 而 注,下句采馬 不 也。」「小人懷土」,孔 正 齊 桓 公 注 正 而 君 不 子 譎  $\Box$ 懷 :

隅。」肆、蕩、廉三字,而采三家之注。 則知何平叔之簡擇翦裁,殊費心力也。 矣。」六字而采二家之注。「古之狂也肆」,包 身。」孔曰:「復,反 采包注。「克己復禮爲仁」,馬曰:「克己,約 懷惠」,包曰:「惠,恩惠。」三句采孔注,一句 蕩 ,無所據。」「古之矜也廉」,馬曰:「有廉 「肆,極意敢言。」「今之狂也蕩」,孔曰: 也。 身能 反 禮 則 觀此, 爲仁

古人經注,如此不易及也。
成云:「言其公且方。」公字、方字,亦簡而精。「行不由徑,非公事,未嘗至於偃之室也」,包不如樂之者深。」一篤字,一深字,簡而精。

一章,只注「困」字。孔曰:「困,謂有所不通。」「十得」字。孔曰:「得,貪得。」「生而知之者,上也」晏平仲」三字。「君子有三戒」一章,只注何注有太簡處。「晏平仲」一章,只注

小人」一章,皆無注。 室之邑」一章,「葉公問政」一章,「唯女子

與

象云"「以不治治之,乃得其極。」「君子道者 蓋 不 人無想,何夢之有? 其庶乎,屢空」,注云:「一曰:『空,猶 繆協云:「聖人體 以 慨於不夢。」「吾不試,故藝」,繆協云:「兼愛 也。」「久矣,吾不復夢見周公」,李充云:「聖 險阻,常情所畏,聖人無心,故以 孫綽云:「耳順者,廢聽之理也,朗然自 道』」,注云:「道不可體,故志之而已。」「 不復役而後爲。」「子畏於匡」,孫綽云:「兵事 也。』」自是以後,玄談競起。「六十而 無情者,與物化也。」「脩己以安百姓」,郭 失過也。」郭象云:「人哭亦哭,人慟 忘仁,游藝以去藝。」「顔淵 何注始有玄虚 無哀樂,而能以哀樂爲體 之語。 蓋傷周德之日衰,故寄 如「子 死,子哭之慟」, 物畏  $\Box$ 耳 亦 玄悟 八爲畏 志 順」, 虚 口 於 也

東塾讀 書記

者,虚 章明孔 此 以 遺 分也。 欲者 虚, 之,有廓 多,甚至謂 也 能 此 無 П 亦入於玄虚 焉。」 聖人 忘 忘 是 也 我 邢 通 義,忘禮樂,隳支體 有之義 ,聖人之常也。 忘,心復 子 每 其 無擁 以 無 隱聖同 此皆皇侃 驗之,聖 疏 二欲同 庶乎 清 虚 能 忘 本 自 以 之功矣。 原 焉 其 也。 凡。」邢疏亦襲其語 然之謂 子 於 ,,屢 稱 壤 爲 神 皇 日 賢。」太史 無,故全空 人忘忘,大賢不能 爲 未 空, 江. 吾 疏 武 忘有頓 也。」又云: 疏 方 盡 所 熙 + 子 遺其 外聖人,孔子爲 采, 有欲於無 有 <del>궁</del> 而 顧 Ŧi. 曰「志於道」」, 於 歡 叔 盡 而 朏 而皇氏玄虚 未 靈 寂 此 志於學」,皇 以 云 聖人 明 非 非 聰 智。」 此删棄之未盡者 等謬 然至無 : 申 目 空,故 明, 欲者 空 之云: 聖。 夫 體 其 而 坐忘大通, 邢 説 忘 是 無 則謂 尤 何 ? 疏 疏云: 一有 皆 之説 方 屢 忘。 聖 欲 極 云: 甚 「按其 之道。」 内 名 删 人 於 於 者, 道 此 若 聖 不 之 棄 尤 生 無 沖 學,在實有之一

言 : 其 化。 士曰: 未死之前, 矣。 乎?』」使李瑒 瑒 謂 未 之教異於佛 至,亦爲備 迦毗黎國傳》云: 三世之義。 知之。」《風  $\bar{z}$ 得》云 周 來。」 分,實 不 「子貢問 皇侃謂 『孔子云: 孔 子 逮西域之深 周 此 爲 日 孔爲 耐 : 教 俗 分也。 外 用 孔 周 有 者。 矣。 子 通 子 「未知 孔爲外教,固謬矣。 者 教 周 教 佛 廬 也。 也。」」 Œ. 元 尤 見皇侃之書,必斥之爲 孔 程易田 氏 怪神篇 死 時 未生之前 及 安有棄堂堂之政 Ш 之教, 未 語 人有知 民 生,焉 其二分, 沙門 非 世。 皇疏 知 説 多 云: 影略 儒者 慧琳著《均 經 生, 絶 無知 不 同 唯 説 「人生有 知 虚 分 正與 户 照 之 殊 説 焉 死? 而 也?一孔 而 也 皇 幽冥之途, 而 無 語 乖 現 其 知 此 善論 疏 者 三大分,既 (言則 同。 既死 爲 矣。 説 在 死 云: 也 不不 沙 子 ? 經 説 之後 實能 《宋書 E 而 門。 苑 之體 聖 魏 弗 日 明過 及 聖 從 從 斯 外 書 死 分 二黑 生之後 辯 相 來生之 别 言 鬼 鬼 瑒 分 物 傳 學道 天丛 周 徐 也 篇 教 教 之 李 且 之 FL

分,至於虚無之二分,聖人

非

不

知

之也

既

謂佛非 學 知 虚 及者乎? 氏説,分 以 言知之也。 堯、舜 大異 生,焉知死?』比 無矣,烏從 繋辭傳 於吾儒之學也。 堯、舜、周 别 周 儒 ○皇氏謂周孔爲外教。 孔 》云:「原始反終,故知死生之説。」是聖人固 而 教 致 能及乎? 與 孔 力於其 物此 佛 所及。 教 子 曰 : 志也。」《論學小記》目 尤 閒 否乎? 明。 然此言 哉? 「未能事人,焉能 其 於是二氏 而 云 也,正可 《顏氏家訓 況學堯、 「聖人非 録 勸 起而 舜 後洪黻記。 人不學佛也。 不 事鬼?』『未 致力 周、 歸心篇 知 之 孔 焉,所 此程 所 者, 夢 不 明

乎,民 言 王 意 語之,云夫知 見,故謂之少於知德者也。」皇疏云:「呼子 矣』,《集解 心,則孔了 鮮 知德之人鮮,猶言「中 肅 」,其意 皇 鮮 非是,故 疏 子此 能 最 久 》采 精 矣」。 語 德 也。 皇疏 確 Ė 爲 之人 者。 肅 問 班 彼言 \frac{1}{2} 孟 不 絶 難 堅 子 從 糧 得 之也。 西 君子 庸之爲德,其至 能 而 日 都 故 譏 賦 者 \_ 爲 <u>₹</u> 固 發之。」澧 由 鮮, 少 夫子告子 窮 知 也。 温 而 此言「. 德 故 子 知新已 如 者 路 案: 矣 路 知 注 路 愠 鮮

> 説,則 難, 閱 也。 記 疏,且 德 初堂書目》有皇侃 窮 爾以予爲多學而識之者與?」非以 記 敷? 0 议 者」爲「知德之人」,文義 而 孔子世家》「子 且. 此連上 云 猶言「天下孰 知德者鮮矣。」此解 即以 「者」字 「自第一章至此,疑皆一 爲一 章,爲 時 ,何所 《論語 能宗子」也 路愠見」下云: 之語,亦當 時 指 之語。」此 疏》, 爲知德之人少也。 乎? ,豈謂 朱子與尤延之友善,蓋 謂 朱子 知 「子貢色作,孔子曰: 時之言。《或問 朱注從 此章與 子路不知德哉? 最 德之人 誤 明 讀 王 上 肅 (史記 八少,故 皇疏 章 説 若 爲 蓋 <u>\tilde{\</u> 如 业 解 君 未見 時  $\pm$ ○《遂 未借 之語 「賜 子 **©**史 肅 知 古 史 皇

宰」、「宰予晝寢」,「 周 人之謂,啟 懼 云: 又采李充説,大意 其 公」,「季氏 往 爾 宰我 以以 時 問 憤 爲 禮 於 將 聖 三年之喪」一章,皇疏 壞 夫 伐 人 樂 子,義 顓 亦 無 (崩, 而 樊遲請學稼」,「子 同。 微旨 臾」,「子路 在 三年不 其餘若「季 以 屈 戒將 己 使子 以 行 來 明 氏 引 華 羔 故 宰 道 ·使於 富 繆 假 爲 我 也 於 播 費 時 大

善,然多紆  $\overline{Z}$ 齊」各章,及子 皇 疏 所 引 難通矣。 舊 路 説,皆爲諸賢回 日 「子行三軍 護 則 誰 其 與 意 甚 云

疑之。

曲

行, 之,何哉? 其不至於不通,而淺拙粗俚者,則更多矣。 於巨海,終 又一家云::「孔子言我道之不行,如乘小桴 論 是其名,故 乘桴浮於 語 亦 皇疏所載「又一通」者甚多,可見當 並 無 由 爲别 海。 便 濟 我 喜也。」不 理 故 解,然 從我者,其 也。 也。 子 凡門徒從 有甚不通者。 通 路 至 聞 由 此, 我 與」,皇 道 我者,道 而 由, 皇 道 氏采 疏采 便 時 謂 皆 不 説 日 可 日

文》。 問  $\overline{Z}$ 誰 王峻之云: 則 與」、《釋文》云: 「若行三軍,必當與己,己有勇故也。 誰與之。」此 今世所傳 蓋皇疏 此 條孫 殘 皇 頤 闕 谷 則 疏 二誰 《讀 讀 而 不 書 足 與字,上聲,不合於《釋 盡 與,皇音餘。」今本皇疏 脞録》已疑之。 利 真 也。 人妄補之也。 「子行三 又「子温 軍 門人 故 則 耐

厲」,《釋 文 | 云: 「皇本作『君子』。」今皇 本亦作「子」 孫 氏 亦

名祫。 不同,自各有意。 『盍徹乎?』」皇疏 制。 之,則畿内用夏之貢法,其中有 皇疏云: 「五年之中,别作二大祭,一名禘, 矣。」」孔安國曰:「禘祫之禮,爲序昭 疏略而不具言歟? 曰:『射不主皮。』馬融 興武。」皇疏 會 和志,二曰和容,三曰主 子曰: 也 皇侃 而先儒論之不同。 不須 深 於禮 『禘自既 委 云:「馬注 曲 學, 此不復 云: 細 抑非真· 灌 而 通 「以《周 而 與 曰:「射有 也 具 論 往 鄉射 皇 \_ 皮,四 言 今不 語 者,吾 疏 也。」不 疏 禮 五物 歟? 有 輕 具 **>** 日 若 乃 重。 五善: 不 和頌, 載 説。」「子 少異,亦 略 知 欲 對 穆也。」 師 真 輕 觀之 於 曰 皇 重 Ŧi. 禮

灌而往者」,「射不主皮」,「子貢欲去告 殷因於夏禮」,「八佾舞於庭」,「 禘 朔之 自 既

餼 飾 羊 盍 徹 君 乎」,邢 召 使 擯 疏 皆 執 頗 圭 詳 Ξ, 明 君 似 子 孔 不 賈 以 疏 紺 緅

十世世 常,故 何 丗 則 既 非 知 周 夏后 至於十 也  $\vdash$ 子 三,何 必 欲 易 往 代 也 但 張 問 知 知 順 殷 文質 因用 問 之説, 可 子 者,言 遠 『其 注云 至 後 知 立 世 預 張 於 111 既 禮變。』」「其 或 世 孔 知 問 則 而 夏 世 往 : 則 是。 \_0 數 大 子 禮 7 平 難 其 繼 兼 皇 物 用 既 唐 知 極 夫國 其 疏 世 世 亦 遠 類 殷 者 遠 本 預 故 事 孔 與 預 可 禮 此 相 也 可 家 子言: 易 極 知 雖 或 + 知 注 知 召 及 得 文質 作 曉 繼 將 百 世 之十世之遠。 將 也 後 所 馬 世 知 來。」 周 世 來 世 夏、殷禮 故 其不可知 損 其 禮 數 融 者 可 欲  $\vdash$ 日 禮 變, 相 益 之 雖 澧 知 集 可 知 事 乎? 生 説 謂 也 設 解 百 邢 前 知 若 其 事 # 者 疏 杞、宋 等 非 世 若前 也 順 殷 相 變 亦 口 云 一, 近 一, 言 耳 也。 知 有 承 知 孔 口 承

舞。」 周し。」 子 世 也。 殷 云 百百 禮 張 徒 繼 ൬ 何 口 知 不 今幸有前聖 周 禮 日 口 所 存 注 也 知 之 足 其 爲 此 所 知 非 , 久曠大儀 著 世 此 《史記 之説 間 故 徴 也。」 發 也。 也 亦 損 或 則 但 可 似 憤 至今周 爲 子張問之。 繼周 似 益 者 順 孔 知」,信 預 以 而 孔 遺 預 可 問 知 增 子 是 知 者」,行夏之正 子 制之威 知 知 謂 之説。 嘆也 未 Ė 禮 文一 將 世 也。 其 既 有 禮 來之説 此 世 家 ※云: 明 「殷 立 矣。 往 無 儀 尚 其 後 質,「周 矣。 己 此 禮 大 論 定 或 誠 觀 存 班 成 白 如 兼 於夏 矣。 衡 繼 邢 樂 可 識 孟 夏、 世 孔 周者, 觀 此 亦 乘 監 堅 法 疏 禮 其 夏 也 實 此 尚 子之答但 殷之輅 續 以 象 預 知 賈 之説 至 或 代 漢 殷 爲 雖 所 耐 殷 口 篇 知 誼 繼 書 所 損 百 補 繼 十 漢 禮 \*\frac{\times}{\times} 知 將 郁 備之。 損 周 仲 世 益 服 書 本 世 居 亦 夏 連 郁 者 舒 益 可 口 來 周之冕,樂 不 言 者 、殷 7孔子 乎. 可 有 服 知 知 禮  $\Box$ 王 則 志 知 經 也。」今 誤 文 也 禮 吉 可 樂 不 雖 恐 \* Z 前 紀 以 哉 「後 考者 志  $\Box$ 聖 劉 周 可 敢 而 來 百 則 不 吾 則 大 雖 遺 向 大 因 云 之 又 世 子 其 口 FL 從 白 制 於 緣

相因 處,損 或繼周 度灾》曰 不如今也? ,法度相改。」此讖緯之書,固宜以爲預知耳 益易明 「如有 雖 也。」此則以爲預知矣。 百 損 世 繼 益 可 周 言 知 而 也。」又曰 王者,雖百世 司 知一, 稱後 『後生可 《宋書 可知。 生言 「焉知」。 畏,焉知 以前檢後,文質 禮 志 引 來者之 後 《詩 生 推 難

子張 皆密 仁。 以「心德」解之者。 Ŧī. 禹、稷同道乎? 必指愛之事。 乃 爲仁」,不可解爲子張未有心德,且 朱 十八章,有 此二語明白 猶目之德明,耳之德聰 難 合,求之聖門之書之言仁者,惟《中 注之大義 朱 肫 注云: 與 肫 相 其仁。」鄭注云: 愛 不 「仁者,愛之理,心之德 也。 也。 若論事,則 可 無疑義也。 「心之德」者,謂心之德主 以 「仁者愛之理」者,謂仁 若欲 如子張「未仁」、「 「愛」解之者 解 「肫肫,懇誠貌。」朱注 顔子閉户,安 Ŧi. 然《論語》言仁 也。 十八 説見《語 一, 且 章 不 可 難 有 也。」此 之仁字 能 解 與 不 類》卷 庸》 云: 並 者 爲 可 乎 非 與 以 理 推

肫懇。 之教。 仁? 其餘 肫懇。 是肫懇。 弓 相愛也 之理」、「心之德」之説。 增成之,則無不合者矣。《上蔡語録》云:「吕晉伯 仁,其餘則日月至焉」。 意。」誠實惻 般。」」遭案:「樊遲問仁,子曰:「愛人。」」著愛字,乃孔子 此類具言之。 會仁字不透,吾因曰: 肫 心 只如力行近乎仁,力行關愛甚事? 德 懇 則 上蔡云「怎生見得仁」,何其傎也。 此甚明白 如 一,但未 不 子張尊賢容衆,嘉 解之,而 而 怛 博學 能常 不 即 佞 晉伯因 ·而篤 何必與尊宿門說禪 肫 肫 也。 肫懇也。 懇 懇 稍 志 也。 耳。 悟 「世人説仁,只管著愛上, 覺未 切切 凡《 Ë 問 朱注 論語》仁字以愛解之, П 「公説仁字 密合者,以 而近思,仁在其中矣」, 愛是 「雍也仁 顔子常有肫懇之心, 也, 善 而 肫懇,心 般乎? 其 「子張少誠 「力行近乎仁」, 何 矜不能 正與 心三月不 而不佞」,仲 故却 肫懇之意 尊 近乎仁? 怎生 實惻 德 宿 是能 亦 見得 説 怛 違 是 之

由己」,朱子解 克己復禮」,朱子 爲 在我。 解 兩 爲 己字 勝 私 不 欲 同 解。 「爲仁 戴

懇至

貌。此

語

最善形容仁字。

可

據

以增成

愛

者。

者

嗜欲

剛

知」,然固日

司

欲也;戒者,勝之也。「樂驕樂,樂佚遊,樂宴 與貴,是人之所欲也,不以其 欲不行焉。」不行者,勝之也。 夫子雖曰「仁則吾不 也」,不處者,勝之也。 君子有三戒」,戒色、戒得。 欲、全天 以爲難矣」。 解「克己」爲約身也。 約身也。 則見於《左傳 解「己」爲私欲、本於程子也。 語》二十篇中 者,能勝之也。 • 問神篇》云「勝己之私之謂 證 也。 嗜慾。」 澧案: 朱注實有未安,不如 理之説 》駁之。 「棖也慾,焉得 馬氏之意,蓋以「克己復禮 身有嗜慾,當以 原憲 》昭公十八年孔 或疑 問 朱注 固 朱子解克爲勝,蓋本 又有 斯 : 「克、伐、怨、 道得之,不處 多有之。 引程 如 不 色與得者, 禮 疏 不明 然 此 邢 子 義 剛, 邢 也。 我齊之。  $\Box$ ,則《論 克」,則又 疏 言欲 疏轉 引 「富 馬 劉 須 慾 即 勝 注 引 嗜 炫 是 故朱子 「志士仁人,無求 欲也。 貧」。 濫即 「君子 欲也。 全天理,至矣極 即欲也。「喻義」、「喻 古 下達即 人懷惠」,懷德、懷刑, 樂」,皆 語 無求生以 君子喻於義,小人喻於利」,義 窮 雖 固窮,小人窮 即即 欲 謀道、憂道 「君子懷德,小人懷 無 請 「君子上達,小人下達」,上達 欲 欲也。 「君子固窮,小人窮斯 也。 理 理字,然其 陸象 也。 害仁 也。 一君 則 Ш 《易·下繫》: 明 有 矣,蔑以 生以 即 子 濫,德於是别。」此解爲 爲 其 殺 理 謀道 意 白 爲 身以 也,謀 即理 害仁。」仁 鹿 損 利」二語,尤 以 加

私

欲之説

《論

語

無

勝

私

之耳。

楊子雲《法言

劉炫之所本也。

澧謂

於此 慾與 云:

劉

炫之説

一禮義 「克訓勝

戰,使禮義勝其

也。

己謂身

解

克己」爲

約

我以禮」,故

東原《

孟

子字義

疏

盡己私。」朱子

理、

欲

對

言

者

甚

即

理

也

利

即

則

當

勝

之

也

也;

懷土、

懷

惠

即

即

理

士。

君子

懷

刑

朱子《集注》多本於何氏《集解 》,然不

矣。

成仁」,

則

勝

私欲

洞

學者講之。

固

守

其

窮

也

「困,德之辯也

。」鄭

注

濫

矣」,

不

謀

食,

憂

道

不

憂

食、憂

貧

即

欲

也

即

理

也

求生

爲

包括

禮。 删改。 夏禮 説 威  $\overline{Z}$ 朱注 重爲質, 能 此明引馬氏,以下有 承順父母 曰:「此某某義也。」朱注無人作疏, 注》多本於先儒。 好其 某氏 敦重 ,從後 ,學則不固 追遠 ,所損益 「父在,觀其 盡其哀。 (言,善其色。]删包氏二字。 者,皆不 「巧言令色」,包曰: 氏曰: 曰」者,多所 而 既 顔色乃爲難。」朱注引之,但云 者,祭盡其 學以成之。」此游氏從前 説 無 威嚴,學又不能堅 」、《集解》: 是也。 可 「所因 追 知 讀《 遠者,祭盡其敬。」朱注: 志,孔 也 誠。」 愚按」云云故也。 然章末采游氏説,曰: 謂 集 周因 元行沖 三綱五常。 删 「 孔 曰: 改孔氏二字。 日 : 解 「好其言語, 改 於殷禮 「父在,子不 》,遂不 固、識 故 「慎 固 爲疏 也。 所 説, 所損益,可 終追 其義 蔽也。一曰: 損 知 「舊説」。 「色難」, 善其 解 〇「君子不重,則不 ,一一著明之, 益,謂文質三 唐玄宗《孝經 遠」,孔曰 得 理。」朱注 「慎終者,喪 朱 「學則不固 「君子之道以 自 顔色。」朱 注 耳專。」 而 知也」,朱注 惟 包 所 世 殷 日 於此二 言 朱 俗讀 統。こ 自 「慎終 」爲不 人不 盡其 注不 大 注 一謂 出 威 於 《集

怨。 矜。 曰 : 通 「藝,謂多才藝。」朱注云:「果,有決 孔 也 果」, 曰 : 事 解》而整齊之。 怨,忿恨。 「克,好勝人。 欲,貪欲也。」朱注云:「克,好勝。 理。 包曰: 達謂 藝,多才能。」「克、伐、怨、欲 通 「果,謂 欲,貪欲。」如此之類,皆本 於物理。」「求 伐,自伐其功。 果 敢決斷。」「 也藝」,孔 賜 怨,忌 斷。 伐,自 也 」,馬 達」, 曰

序、 諧協,日光玉潔之文也。 人於聖賢之域矣。」此一 用 而 則德性常用 而 注 不他。 之間,無 動息有養。 云:「蓋學莫先於立志。 輕重之倫 朱注善爲駢偶之文。 據德,則道 少閒 而 焉 物欲 學者於此 隙, 則 不行。 而 本 得於 涵 末 有以 泳從 段 兼 此 心 如「志於道」一章, 游 該 志道,則心存於正 駢 可見朱注修 藝,則 而 容,忽不自 , 内 不 偶 不失。 失其 外 平 交養 小 物不 先後之 依 辭 精 知 遺 其 日

古

朱子采之,前後

不相

應。

此

其稍

未精

細處

也

由

其人 告之。 仲尼弟子列傳》論云: 夫子 有失也。 謂:「非禮勿視」四語,若以告他人,則亦可 以 視、聽、言、 孔子答諸賢之問 此 此未可悉信 朱注所言諸賢之失,多出於前人之説。 告顔淵, 動多 「毁者,或損其真。」此之謂也 山 也,昔人駁難者多矣。 見告諸賢者,非必 1; 朱注: 非禮,故夫子戒之矣。 多以 爲 因 其失 《史記 因 其 謂 澧 而

至淺。 聖於孔子矣。孔子作《春秋》,乃不知《春秋》 推其極,堯舜之治,亦不過此。」朱注若但采此數語,則 采之。下文云:「聖人言雖至近,上下皆通。 矣。」此於聖人之言,頗有 尼此舉,先發後聞可 《春秋》之法,弑君之賊,人人得 陳 道千乘之國」章,朱注采程子曰:「此言 然當時諸侯果能此,亦足以 成子 弑簡 公」章,朱注 也。」禮謂: 不滿之意,似不 如此,則胡氏 采 而討 胡 此三言者 治 氏 之。 其 日 無 必 仲 若 或 : 病

之法, 之,竊所不解 之兵,而 而 後告哀 待胡氏 也 公乎? 教之乎? 荒謬至 孔 子 此,而 可 先 發 朱 魯 子

或

哉 ? 必如 謂道 張問 曰: 『夫無爲者,無不爲也。』釋迦曰: 『三災 書》云:「君子 謂大夫,「舉逸民」謂 示諸生,如此條是也。 之道,當踐迹,乃能入聖人之室。 云:「善人生質雖美,不由實踐,則 亦不能入室。言質美未可恃也。] 澧謂:此章 乎深奥。 合。」《四書考異》。 此 乎? 善人之道」章,謂善人不 有何注、皇疏、邢疏、朱注皆非者。 仲尼曰: 解乃通。 若以 閻百詩 相 答解 善善 士。」尤精確。 陳 **四** 期 先生掌教粤秀書院 又云: 厚 於事 書釋地三續》已 人之道 作如是解,庶於道 甫先 「興滅國」謂諸 外 豊可 王無 生云: 不踐 能 、時,每 疑之。 功《答陳道士 入室,然 以言 迹。』《老子》 此 如不踐迹 侯、『繼 亦 説 言善 不能 翟 語 四 学貼 書 詰之 絶世 晴 一子 則 新 造 江 何 義

1477

混 彌 綸 於老釋之説 , 行 業湛 然。」 故説 此 經不可不 誤 解「不 慎 踐 迹」三字, 遂

語

**\*** 

者。

如

食馬 謂: 蓋 當定 國以 富,夫子明言之。 之,則爲 孔子不多與,是爲不仁。 皇疏云:「舊説疑之,子華之母,爲當定乏,爲 説,是其 子不説,與之呪誓 集 酬 此章 其勞耳。 不乏? 肝,未爲 爲 論 先儒舊説不 :「孔曰 不智。 篤 · 真 實 可 有 若實乏而子華肥輕,則爲不孝, 不 也。 不 疑。 難 知 : 誰 必疑 行 解 「, 義 此 爲 味。 凡讀 近人情,故 安國 無 得失?」澧謂:子 而 道 可 書當 若「子華使於齊」章, 疑 口 疑 既 既 疑 若不 ,尤當以爲 非 焉 疑之而 子 闕 者 婦 。一邢 疑其 所 乏而 人之事 見南子」章, 疑,所 冉子之意 疏 不 義 戒 云 冉 復 也。」澧 也 華之 求 爲 謂 丽 與 之 安 弟 不

以 有所得?』曰:『將《論語》諸弟子問處,便 伊 ĴΠ 録 \*\* \*\*\* \*\*\* 伯 温 問 『學者 如 何 可

某嘗竊謂,人之初生,知

有父母

前

及其

黄

東發云:

「晦

庵

先生終身常讀《論

語

《論 易。 二十二。朱子云:「昔有人見龜 頭 直卿書》。 多 歎。」《答王欽之書》。 看 近 也。」此 切 先生令 得。 作己問 而 是 處。 年 無 得 未 語》爲 曉 但 入處,不如 與 何 孔 徹 不 則 只須從 讀《論語 孟 將 朋 語 尾 語 又云: 如 讀 復 先,一日只看一二段,莫問 甚 ?』先生云: 友 者 聖人 且. 生,不 商 有 就《論 反復玩 頭  $\sim$ 人情 量,亦多以 味。」《答江隱君 答 看《論語》者 **%** 看 語 又云: 處 過 將 其人復問 録 喜 語 以 去。 味,久之,必 便 微 新 此教 散漫,亦 作 皆要切。 「《大學》,諸生 厭 此告之,然未 T. 讀 今 漸 常 人。」《二 夫。」《答魏 書》。 而 Ħ 見 乃 Ш 未 耳 難 次第。」《答黄 如 又 云: 自 曉 論 先 看 聞 且. 此 生 程 有 則 語 精 熟 卒 自 元 得矣。 遺書》卷 思,思 請 履書 見有 甚 無 粗 讀 中 以 者 口 難 有 口

東塾讀書記卷二終

二九

### 東塾讀書記

# 東塾讀書記卷三

馬 陳 澧 撰

孟 子

敬之心,人皆有之;是非之心,人皆有之。」 隱之心,人皆有之,羞惡之心,人皆有之,恭 有怵惕惻隱之心。」「人皆有不忍人之心。」 也,人皆有之。」「今人乍見孺子將入於井,皆 也、非謂人人之性皆純乎善也。 父母之心,人皆有之。」「非獨賢者有是 、皆有 孟 子 所 所 不忍 謂 性 人皆 善者 有所 謂 人人之性 不 爲。」孟子言人 其言! 曰 : 皆 有 心 惻 善

性皆有善,明白

如

此

又

日

有善。 其説而轉之之詞。 其性仍有善,是乃我 其 情 性不善之説 善,以堯爲君 豈 又明白如此。「公都子曰:"或 無是非之心 無羞惡之心,非人也; 無仁義之心哉?」「 ,則可以 何以 而 見之? 以 非人也。」 爲 而有象。」』孟子答之曰 解其 善矣,乃 惑。 所謂 無惻隱之心,非 無 其 其 謂 所 辭 性 言 情可以 彼 謂 讓之心 善 人性無 性 善 也。 雖 曰 也。」此 爲善, 不 :「有性 「乃若 -, 非 善, 無 也。 :『乃若 人也; 人 善者 者 可 而 大 也 知 有 不 仍 因

:「雖存乎人者, 有善; 性善者 善也。 爲善。 疑孟子者,未明 已乎? 之性,誠惡矣,乃若見舜而 惡人之性,仍有善而不純乎惡。 如 若論堯之性,豈得但 可見象之性仍有善,是乃 蓋聖人之性 此 所 所 朱注云:「乃若,發語 謂 孟 子之説耳。 人 無 純純 有 乎善,常人之性,皆 不 忸怩,則其情  $\frac{1}{Z}$ 善 程易疇 者 可 詞。 孟子 如 以 非 《論 此 爲 所 學小記 善 所 後 謂 미 如 儒 謂 而 以 性 象

云「下愚」,且謂「乃若」二字生於下文,文法尤不順耳。有之」者,下愚亦有也。」其説近是。 但不敢謂性不純善,故云:「「乃若」者,轉語也。從下文「若夫爲不善」生根,「人皆

之也 矣。」此語 有四 乎「皆有」之説 生人,皆有善性。」趙邠 性,少而皆有之。」「公都子」章章指云:「天之 性。」「孟 親親,仁也,敬長,義也」,注云:「人仁義之 人無有不善」 也」, 偽孫疏云:「然則 子道性善」,注云:「人生皆有善性 亦明 也。「人之有是四端也,猶 白 直截,不可以 」,趙 氏 卿善讀《孟子》, 注云:「人皆 人人皆 其 僞 有善 而 深 有 忽 其 明 善

子又云:「塗之人可以爲禹。」「塗之人者,皆惡,安有欲爲善之心乎?」《宋元學案》卷一。 荀性惡也。」《性惡篇》。 黄百家駁之云:「如果性性惡也。」《性惡篇》。 黄百家駁之云:「如果性之説最不可通。其言曰:「人之欲爲善者,爲

内 威 云:「下之性,畏威 疏證》。 品,有上、中、下三。」「下焉者 乎?」亦將無辭以對也。 語 但 如。 如此, 所謂 爲 也,不能異於孟子也 可 口 之説,不惟不 虞丘説》一篇,注云:「難 以爲善。」「畏 禹 以 可以知父子之義,外可以知君臣之正。 而寡罪」,猶得 伸明之。 云:「人之性也,善惡混。」《修身篇》。 如 明矣。」《性惡篇》。 知之質,可以能之具,在塗之人,其 黄、 「人皆可以爲堯舜」,但改 則何必 澧謂:「塗之人可以爲禹 戴二説,雖荀子復生,亦 試問之曰:「聖人之性,亦善惡 自立 相悖,而 威 謂之惡乎? 寡 而 説乎? 荀卿也。」今不得見 罪」, 寡 戴東原云:「此 Н. 若 罪。」《原性篇》。 韓昌黎云:「性之 無 即 相 《漢 辭 悪 發 可以 孟 以 書 堯 明。」《孟子字義 對 子曰:「其情 而已矣。」又 舜 也 爲 藝文志 即 其 爲 善之情 所難 更無 於 楊 夫「畏 孟 禹 性 可 者 儒 子 耳 混 雲 以 其 善 何

之旨。 禮,乃可謂善,此聖人之善也。 Ŧi. 於禽獸 異 受命於天,有善善惡惡之性,可 孟子乎? 之所善,故謂 禽獸之所爲 口 且又云「凡人之性,莫不善義」,《玉英篇》。 董子言 「性 春 性有善質,而未能爲善也。」《實性篇》。 紀, 豫 秋繁露》云: 而 荀 通 不 「善端\_ 楊、 則 八端之理。 口 有善端」,「性有善質」,正 謂之善。 何 去」,《玉杯篇》。 ,故曰『性已善』。 即 『性未善』。」《深察名號篇》。 必 之外,疑 性 以 孟 聖人之善 子 有善端, 忠信 此 所謂 孟 孟子之説者尤 則尤與孟子之説 而 子之善。 四四 博愛,敦 動之愛父 乃謂之善乎? 端端 吾上質 養 孟子下質於 也,何 而 循 不可 合孟 厚 澧謂 於聖人 又曰 母 而 一人 疑 綱、 改, · 善 多 無 於 子 好

惡 在 所養焉。 論 衡  $\frac{1}{2}$ 作《養 周 書》 世 碩 篇。 以 爲 宓子 性 有 賤、 漆 有

「孟軻言人性善者,中人以 人,皆言性有善 揚食我、越椒、其惡猶未若劭、璨之甚。 劭之爲子,璨之爲臣,未 哭?」唐柳 我、越椒 之言性爲實矣。 濫 難 性 蹻刺人之濫 混者,中人也。」又云:「盜 人性惡者,中人以下者也。 以爲人性皆善。 雕開、公孫尼子之徒,亦論 黎性三品 宋 有善有惡,非謂 元兇 孟 」,則惡人之性皆 子 劭 ,其惡不過 也。 璨 之 之説與之暗合也。 臨 誅 刑 也。」同上。 盗 謂 自 如 署 臧 有惡。 盗跖 未爲實 其言中 跖  $\Box$ 質 嘗 人性 非 E 莊 有善明矣。 不 「負 明於父子 人之竊, 澧案: 無善也 「覆 蹻 孟子 國賊死其宜 也。」《本性篇 人 耳。 載 情 跖 以 楊雄言人性善 上者 方望 作《 所 性, 非人之竊 君 昌黎所言 E 望溪之論 世 不 臣 以 莊 溪《原 一碩等 容 愈可 也。 性善》之篇 與世 之道 此 矣。」由 下 蹻 丈 不 人 叔 也 人 刺 孫 見 但 子 口 可 則 又云: 魚、 篇 是 也 何 以 人 相 卿言 孟 執 觀之 韓 叔 × Z 爲 揚 釋昌 之 惡 昌 子 人 出 以 見 食

桀、紂、盗跖也。」尤可證盗跖之性有善也。 黎之疑矣。○《荀子·勸學篇》云:「其善者少,不善者多,

則不 孟子 《三子言性辨》。 云:「荀言人之性惡,比於二子,荀得多矣。」 偏 必 , 何 合經 皇甫 與辯 以 持 而 孟 正云 也,或感憤之語 多益 ○案:「二子」謂孟子、楊雄。 子獨 能 ,《孟子荀子言性論 「孟子、荀子 合經乎? 歟? ",皆 謂 荀子得多, 孟、荀皆 偏之論。 杜 牧之

所 然則 與善惡,判 可。 折 也。 孔子 劉 原 愚非 愚與 父云:「永 所謂上智與下 然不 (明對 善 同,而 惡 ,善與惡對。 也。』」《公是先生弟子記》。 叔問 永叔 愚可乎?』劉子曰: 曰:『人之性必善, 下愚不移,是其極昏暗, 不能分,宜爲原父 智愚

舜 此 也,不能移其惡,豈人之性 孟 子之言失也。 可 馬 温 公云: 「孟子云:『人無有不善。』 丹朱、商 均 無不善乎?」《疑 日 所 見 者堯、

不能

使之明,非

極

惡

也。 乎 ? 孟子此語答告子「人性 略同、總之、疑孟 『忍人之心』矣。 孟》。 人而 曰 : 亦有『無恥之心』矣。有『辭 言人之性無 已乎? 人皆有之」,因以謂人之性無不仁。 也。」《性辨》。 性 蘇子由云:「有『惻隱之心』而已乎? 必也怨、毒、忿、戾之心人皆無之,然後可 者 此四者,性也,彼四者,非性也。 告子言「無分」,故孟子分之,謂有 欲其信之,難矣。」《孟子解》。 蓋亦有争奪之心矣。有『是非之心』而 也。 又云:「 蓋亦有蔽惑之心矣。今孟子則别之 然 不善。 王介甫云:「孟子以『惻隱之心, 孟 不 知 子以爲仁、 有『羞惡之心』而已乎? 子「人 暴、 而人果無之乎?」《原 慢、 無 無 有不 分於善不善」之語 貪、惑, 義、禮、智,皆 讓之心』而 善」之語 此諸 亦 如其説 出 以 説 蓋 善無 之意 告於 乎性 出 亦 以 然  $\exists$ 蓋 有 平

時

便

已

不

是

性

也。

凡

人

説

性

只

是

説

孟子言

性

善

是

也。

一个二程

遺

書

又云: 何 性。 虚 忍而 人爲 惡,慕是而 禮、智之性 忍人、無恥、争奪、蔽惑之人,則皆有仁、義、 德者 善 知顔、閔之爲賢 毒、忿、 不 所云 民之秉 善,所 疑 一,面 宜 不 暴、慢、貪、惑之人,怨、毒、忿、戾之人, 乎 行之,於其 也。 之初 盜 皆 ·善,能 「桀、紂 戾之性 跖 有 以 聖人 善 羞 謂 此 乃所 莊 彝,好 乃 欺 非 無 則 亦 蹻 無 心 。」《致知 天 也。」「人之情莫不好 無 純 不 知 所 謂 諱 暴、 不 下 忍 善 禹、湯之爲 乎 謂 是 聞 人無有不 能 之人,不能 人、 者。 人 慢、貪、惑之性 人無 懿 其 無 在 無有不善之説矣, (惡,有) 德」,人無 格 無恥、争奪、蔽 帶芥。」《中 又 物論》。 有 細 不 善善 聖 分之, 羞 善 欺 也。 也。 又 云: 也 惡 有 其 和 也。」《潛 善 論》。 即 心 盜 司 不 雖 無 惑之 馬 好懿 跖 而 有 怨、 詩 又 凡 惡 公 又 雖 亦 不 中 注 本 員 後 性 『繼之者善也』, 説 性

程子云:

「『人生而静』以上不容説。 才 性兼氣 謂 卷四。 接, 乎 詳矣。」《答林德久書》。 性,不明。」卷六。 卷一。又云:「論 氣,有些不備。 『善豈 ·善 ; 備矣。 善。 有 云: 來 無 一接,便接 仁、義、禮 不 方有不善耳。 又云: 此 不圓 氣 質,孟子言性,豈必不兼 員 至有不善,説 質 然孟 備 所 不 備乎? 之病。 「孟子 謂性,兼 善者 得有 、智,又有 子 却得程 朱子云:「孟子之論,盡 性 所 不 不 首 且《論 澧謂 皆 謂 程 若 陷 氣 論 尾 論 性 有 子言孟子只是説 如 溺 質 氏 氣 氣, 氣 善者, : 是 語 此,却 而言者也。」孔子言 之病 出 質。 程子 齊 不備 義、 成來,說 説 圓 性 禮 謂 説 , , 氣 氣質乎? 其 似 備 相 ; 性 集 質善 出 智 。 初 論 1 論 出 近 皆 注 氣 無 性 也 氣 氣 質,誠 》言之 有 不 ],朱 繼 質 不 是説 語 不 所 性 類 論 來 論

矣,而猶 後知其未至也。 昔者,孟子以爲性善,以爲至矣。 一遭謂 善 則 在 欲 與 成性 蘇子瞻之説 更高乎? 此皆欲高出於孟子之上。 之前。 孟子之於性,蓋見其繼者而 朱子《雜學辨》已辨蘇 同。 孟子説至此, 蘇 氏 《易傳》云: 讀《易》而 已極高 然《易》

以爲 口 推 自 一。」《日鈔》卷二。 類」之語耳,「同類」非爲一也。 禹、湯、文、武之聖,亦未見其盡與堯、舜爲 古 盡與堯舜爲一也。 黄東發云: 而今,自聖賢而衆庶,皆不能 澧案: 「謂性爲皆善,則自 孟子但言 東發誤解「聖人與我 性 善 不少 己而 一、未嘗 殊。 人,

説,今不必更辨程説矣。

足以言之。」今本《知言》無此條。 而 也,不與惡對。」其子仁仲作《知言》,引 申之云: 胡康侯云:「孟子道性善云者,歎美之辭 「性也者,天地 鬼神之奥也,善不 其卷首有朱子所作《知 其 説

子性善之説,而不惑於荀、楊者也。 「情,人之陰氣,有欲 仁仲之説,亦欲高出於孟子之上,不必 言疑義 《説文》云:「性,人之陽氣,性善者 》則有之。 澧謂 者」。 康 侯之説 此 許 文 叔 重 義 恪 不 通

少。」此所謂 孔 「皆有」之説。 不同,故有至與不至焉。」《後漢紀》二十五。 袁彦伯云:「夫仁義者人心之所有 義,母慈,兄友,弟恭,子孝,五者人之常性, 鄭箋云:「人之心,皆有仁義。」亦恪守孟子 惡。」觀蘇綽之粗疏,則可見許叔重之精審矣。 善,不言情惡,亦恪守孟子「其情可以爲善」 自然而有,但人性有多少耳。』《禮記·中 也。《周書 之説,故但云「有欲」,欲亦有善有惡,非 疏云:「降聖以 蘇綽 多少, 尤可 《尚書 傳》六條詔書云: 下,愚人以 皋陶 以 發明 謨》孔疏云:「父 上, 所禀或多或 「性則 「皆有」之説。 爲善、情則 《角弓》詩 也。 且言 濃薄 守孟 盡惡 也。 庸 性

薄, 即 孔之閒 多 少 也 也 彦 伯之説, 亦 精 細 可 参置

深 都 未 認 偏 蓋 得 無 無 本 一之謬,而 明 不 質 勝 氣 氣 是 性 耳。 孟 性 善 自 分陰陽 清 此 此 子 者 盈宇宙只 也。」《宋元學案》 也 在 百家云: 氣 性善之旨。 爲之。 性 理自 其間 中 縱 先遺 所 偏 含五行,不得不雜糅 以 有未瑩者, 昭 勝 獻 是 楊晉 此 著 不 渾 》十七。 謂 氣 皆 而 梨洲 淪 庵 晉庵 自 得 善 善 東 元 有 根 氣濁 也 以 澧謂 則以 之言 明曰:『氣質之外 氣 條 自 爲 者 生 理 存。 然 未瑩 不皆善者之 一人物 便 雖 楊 理 洗 此 雜 謂 ,實梨洲 氏 ,不得不 自 理 人所 糅, 此 萬 昏 之 氣 理。 殊 説 暗 爲 以 而

姑 嘬 而 委之於壑。 蓋 其顙有 世 嘗 有 泚 他 不 睨 日 葬 過之, 而 其 不視。」此即性善之 親 狐 者 狸 食 其 之, 親 死 蠅 蚋 則

舉

確證 親於壑,其泚者僞乎 人之性 其 惡,其善 泚 也 即 者僞 其情 可 豈 以 可 爲 云 善 人之性 者 也 必 若 云

其所以 豈無 發明。 乎氣質而言之,孟子乃專言性之理也。 之言 好惡與 「非獨賢者有是心也,人皆有之」,性 性相近也。 反覆 有 猶嬾也。」凶歲,子弟多暴,非天之降 也」,性善也。 賢者能 甚 則 ,若合符節 仁 於生者,所惡 性善」之説,與「性 「心之所同 人相 義 陷 勿 其違禽獸不遠矣」,習相遠也 溺其、 之心哉 (喪耳」,習相 「富歲,子弟多賴,阮文達公云: 近 心者: 也者幾希」,性 聖人先得我 也。 然 然也」,習相 有 朱子《答宋深之書》云: 性 者 甚 善 遠 相近,習 何 也。 也。 於死者」,性 也? 心之所同 相 平 雜乎氣質 近 雖 遠 相 日 謂 也 存 才 也 遠」,正 理 之 相 爾 平 而言之,故 然耳 「夫子 氣,其 也 人 殊 近 所欲 頼 也 也 也 相

也。 我同 聖人之於民,亦類耳,故不曰同,而 不 Ė 同 孔子言 類 故 而 相  $\Box$ 性 近 近。」 澧案: 相 也。 近者,正指性之理 同 類 者,非人人皆聖人也。 朱子以 爲 日 而言之。 孔 近也 孟 之説 性 有異, 之理 如有若所謂 聖 似 一人與 不 然

矛戟。 之罪 不 見 鼎 能 子 有美材質也。 材質之義 其 也。 所 美者也 彝者,碎之而 "**,** 而 禽獸 述性 若夫爲不善,非才之罪 是也。 矛戟殺人,非金之材質之罪也。 況性乎? 可 也,以爲未嘗有才焉者」,以爲 ,引伸之,則材質美者謂之才**。** 以爲 才也養不才,材質美者養材質 譬如金,或用 爲 不 釘,則不 朱注云:「才猶材質,人之 ·善之説 能 也。 爲 盡 也」,此答公都 鼎彝,或 其 爲不善, 材質者 未嘗 可爲 用 非 人 也。 爲 才 長

也。 也 即即 告子曰 其 孟 解 子 性 所 : 字本 謂 「生之謂 非 朩 由 誤,其誤在 性。」此言 外 鑠 我 也 以 與 仁 我 生 一義爲 固 俱 有 來 非 之 者

> 者 有 性 有 古 矣。 也。 即 惟 者 有 良 食色而 爲 「以 知 故 性 人性 也 孟 而 른 子 爲 不 必 孟子言良知,亦必 仁義, 知 如此,則人之性 指 仁 猶 出 . 義 以 爲 杞 義 柳 古 禮 爲 有 桮 智 棬。」 指 真 則 爲 夫 猶 古 性 出 一愛親 犬 中 但 有 牛之 古 知 敬 有 古 古

四篇, 善。 善」。 爲 王之道。七篇之大旨 之,爲堯舜之徒,達則行先王之政,窮則守 也。 心 也。 ,斯有不忍人之政。」不忍人之心, 排 先王之政,皆從此 《宋史·文苑傳》:「章望之,字民表,❶宗孟軻,言性 孟子道「性善」,又曰:「先王有不忍人之 荀 故「性善」之説,不 曰《性善辯》,見趙氏《題辭》。 卿 楊 雄、 韓愈、李翱之説,著《救性》七篇。」「救性 出也。 如是, 可 不 此必 明 而 由性善 也 傳孟 根 孟 本 子之學者所 即 而 在 子外 擴 性 書 性 先 介 善

0

民」。 「民表」、據《宋史·章望之傳》(清武英殿本)、應作「表

之名雖大過,然其文不傳,亦可惜也。焦里堂有《性善解》五

尤淺 如 思耳。」又曰: 陸象 以 説皆如此。 美矣』以下 呼寐者而使覺也。 | 興發人善心,故勸人讀之。」《語類》一百十八。 近而 Ш 朱子云: 「某以爲《告子篇》諸段,讀之可 痛 亦云:「《告子》一篇,自『牛 切。 「弗思耳矣。」又曰: 可常讀之。」《與邵中字書》。 其必當讀,無疑矣。《告子篇》曰:「弗 「人有雞犬放」、「今有無名之指」二章, 「弗思甚也。」三言 Ш 朱、陸之 之木,當 弗思」,

得 無別 段説 病痛。 稱 及,直下便是聖賢, H 朱子此説 不 堯舜,此是弟一 同。」《答梁文叔書》。 法。 話 朱子云:「近看《孟子》,見人即道性善, 若信不及,又引成覸、顔淵、公明儀三 教人如此 近日 而 愈明矣。 見 得 義。 發 更無 如 憤 此, 若於此 勇 子》此 自 毫人欲之私 猛 覺 向 看得 頗 章至 前。 得 透,信 力, 爲 此 切要, 做得 外 與 前 得 更

之蹊間 者也。 舍晝夜 恩保四 心」、「知性」、「知天」,擴充也。 皆是。「親親敬長,達之天下」,擴充也。 即「擴充」之「充」也。 無受爾汝之實,無所往而不 能充無穿窬之心,而義 異於禽獸 斷」、「墦間」,梏亡之極也。 「牿亡之」也。「枉尺直尋」,牿亡之端。 人能充無欲害人之心,而 增益不能」,皆擴充也。 人生皆有善性,但當充而用之耳。」性善者,人之所以 充」即「擴充」之「充」也。 孟子道「性善」,又言 「荷失 也。 介然,用之而 海」, 也。 擴充 若 其 擴充者,人 鄉原 養,無 也。 成路也」,「原泉混 此外,擴充之義, 自以 不可 物 集 取譬言之,則「山 不 、皆可 仁不 「充實之謂美」,亦 義 「擴充」。 爲是」,則不 爲義也。」 勝 消」,不擴充, 」、「養氣」、「 用 可 以 「博學詳説 也; 勝用 爲 趙 堯舜 此三 人能 邠 也 混,不 卿 擴 「 推 觸 也。 云: 盡 龍 充 充 則 徑 處

閒安排 長」。 口 爲其鑿 有 在 重 乎 諸 疊更下注解。」 熟」,●有諸 己 未 進 除 」,助長 能 也 却 許 擴 鋭 多閒 「欲其 充,先 退速 也。 言語 己 也 朱子《答李晦 求「有諸己」。 自 助 只看『操則 得之」,有諸 長 既 也 知 擴 存上 叔書》云:「罷却許多 充, 所 「操 句是 惡 己也。 又 於智者 必 如 則 何,亦 勿 存 二仁 助 不

者 矣。 學問 聽 於 , 擴充也 可見既 冢 以 滕 宰」云云,此 知 文 公未 性 知 善 性善,又不可無學問 爲 嘗 先 學 也。 問 則 二、孟子 必待學問 又引 告以 孔 子 而 日 性 後 也。 善, 能 君薨, 學問 知之 可 見

人也。 矣。」此 必 亦 可 引「文王我 不 孟子道 論 苛求之耳。 極 言 語 忠孝 性 師 **>** 云: 善而 也」之語 之重。 《大學》云:「如保 雖 必 日 "; 引 能忠孝 未學,吾必謂之學 舜 但 性 何 ', 則 善 人 而 也」之言, 赤子,心 雖 不 未 ·學古 學,

> 誠求之,雖不中,不遠矣。 則 嫁者也。」此 古 未 必 即 中 極言當誠 也 求耳 未有 既 學養子 不中不遠 而後

乎 ? 博 若不學不效,則竭 子之學也。 大匠 者,不行先王之道 有仁心、仁聞,而 則學孔子也」,皆所謂「學之爲言效也」。「今 而已矣」,「如恥之,莫若師 學詳説者將 既博 博學 誨 服 堯之服,誦 人,必以 學詳 前 如 詳 何以 説 説 説 約 民 規 之,將 目力可 也, 乎? 則 不 而 矩。 堯之言, 當 被其澤,不可 不 此 博 進 以 學者亦 矣,不必以規 則 學,則 於 反 文王」,「乃 不學 行堯之行,是堯 説 説 約 約 必以 其 不效者 也」,此 説 法 不 何 規 於後世 矩矣 ·然,則 所 所 矩。 也 願 孟 以

■「仁在平熟」、《孟子注疏·告子上》作「夫仁亦在乎熟之

意 謂 親從兄。 也。 《孝經 義、禮、智、樂皆有實,而 此至約之説也 「道之根源, 六藝之總 鄭 康 成《六藝 其實則 會」, 在事 即 論 此

甚明 其 所 於「天生蒸民,有物 知 心 謂知天者如此,無高妙之説也 其性者,知仁義禮智之性 確。 者,盡 盡 不可 心》章 以其僞,而忽之也。 惻 隱、 亦至精至約。 羞惡、恭敬、是非之心 有則」,故知性 仁、義、禮、智皆由 也。」此僞孫疏之説, 下數章亦然。 則 知天也。 也。 盡

澧案:《孟子》引《詩》者三十,「經始靈臺」,「刑于 題 述仲尼之意,作《孟子》七篇。」趙邠 「古公亶父」、「自西自東」、「迨天之未陰雨」、「永言配命」、兩 妻」、「畏天之威」、「王赫斯怒」、「哿矣富人」、「乃積乃倉」、 辭》云:「孟子通五經,尤長於《詩》、《書》。 晝爾于茅」,「雨我公田」,「周雖舊邦」,「出於幽谷」,「**戎** 史記• 孟 子 列 傳》云:「序《詩》、《書》, 卿 孟子

詩,以證性

兩引。 二十有八載。」《書》曰: 之孫子」、「誰能執熱」、「其何能淑」、「周 《書》者,於 티 : 者四,「普天之下」、「小弁」、「凱風」、「不素餐兮」。 思」、「周道如砥」、「天生蒸民」、「既醉以酒 狄是膺」,兩引。 我民視。」《伊訓》 何」、《孟子》無論辨之語 王引「他人有心」,王良引「不失其馳」,萬章引「娶 有似引《書》,而不言「《書》曰」者,如 人于貨。」《書》曰: 「肆不殄厥愠」。 『勞之來之,有攸不爲臣。」之類。 湯始征 時日害喪?」《書》曰:「天降下民。」《書》曰: 「我武惟揚。」《書》曰: 《書》曰:「若藥不瞑眩。」《書》曰: 《書》曰: 善,性 此 「不愆不忘」,「天之方蹶」,「殷鑒不遠」,「 ě E : ○「畜君何尤」,不在三百篇内 「享多儀。」論《書》者 可 「天誅造 「徯我后。」兩引。 以 理之學也。 「祇載見瞽瞍。」《泰誓》曰: 窺 引《書》者十八、《湯 「丕顯哉,文王謨。」《堯典 見 攻自牧宫。』《康 矣。 所 《太甲》曰 謂 其 「葛伯仇餉。」《泰誓 引雨 餘黎民」,「永言孝 尤長 一,《武成》。 引《 」,「憂心 譜 湯 × E 我公田 蒸 於《詩》、 「天作孽。」 が放 論 民》之 誓》曰 「天視自 〇齊宣 悄 妻如之 征。」又 勳 **₩** 詩 悄, 殺 E 又

理 親 以 學,皆出於《詩》、《書》,是乃孟子之學也。 , 尤理學之圭臬也。 親 證 也 周用 親 助法,考據之學也。「《小弁》之怨, 親,仁也。」此 蓋性理之學,政治之 由 讀 經經 而 推求 性

史學,亦包括無遺矣。 世學,亦包括無遺矣。 武子、其義三者,不獨深明《春秋》。凡後世 大子之事也。」此明《春秋》之所以作也。「春 大子之事也。」此明《春秋》之所以作也。「春 大子之事也。」此明《春秋》之所以作也。「春 大子之事也。」此明《春秋》之所以作也。「春

氏 日。 於冢宰」,引孔子曰。「天子適諸侯」云云,兩見,一引晏子 齊疏之服」云云,「天子一位」云云,皆曰 之冠也,父命之」云云,上文云「子未學禮乎?」「三年之喪, 耕助」云云,「禮,朝廷不歷位而相與言」云云是也。 國」云云,「在國曰 Ŧī. 十而貢」云云。 有不明言《禮》者,「古者,棺槨無度」云云。 孟 子説《禮》,有明言《禮》者, 市井之臣」云云,下文皆云「禮也」。「丈夫 「夏曰校」云云。 「卿以下必有圭田 「嘗聞」。 如 《禮禮 「君薨,聽 「諸侯失  $\stackrel{>}{\boxminus}$ 「夏后 諸侯 岦

云。 《詩》、《書》而已,豈知孟子者哉?」近有《四書隨見録 平生深於《詩》、《書》、《春秋》、《禮經》便不熟。」卷五。 《易》之語耳。 云。 昌姜氏 輕率矣。 也。」觀此則 少,則從乎父母。 將入門,問孰存。 學。」蓋《禮》文繁博,閒或有未學者,故趙氏 云云。 「在中饋,无攸遂。」《詩》曰:「無非無儀, 曰: 「婦人之禮,精 不以爲尤長耳。《列女傳》: 日: 諾」」云云。 子之地方千里」云云。 書》。」尹氏減去「通五經」三字,並 『禮,爲舊君有服。』」「萬章曰: 「歲十一月 有與 與《内則》略同。 <sup>《</sup>樟 ○朱子《集注 圃 人論《禮》者。 「淳于髡曰:「男女授受不親,禮與?」」「齊宣 孟子 經 李榕村《語 解 徒杠成」云云。 通 出 \*\frac{\tilde{Z}}{Z}: 五餘,羃酒漿,養舅姑,縫衣裳。』《易》曰 將上堂,聲必揚。 Ŧi. 嫁,則從乎夫。 經,蓋由於母教。 》卷首引尹氏 其 犧牲既成」云云。 「趙氏言 録》云:「孟子竟是不曾見 曰:「諸侯之禮,吾未之 「景丑 「招虞人以 孟 「通 「父母愛之,喜而不忘」」 一「尤」字,加「而已」 티 : E 夫死,則 將入户,視 母謂孟子曰:『夫禮 Ŧi. 一趙 但 《禮》曰 經,尤長 惟酒食是議。」年 「有布縷之征」云 皮冠」云 七篇中 氏謂 從 八乎子。 孟子長於 必下。」又 「父召 於 偶 此 《易》。 語 無 天 引 太 禮

<u>рц</u> —:

字。必加減其辭,天下無不可議之人矣。」

多矣。「在下位」一章全見於《中庸 夫,不舍晝夜」。 禮,祭之以禮」、《孟子》引「曾子曰」。亦見《論語 草上之風必偃」,「生,事之以禮,死,葬之以 孔子曰者,「君子之德風也,小人之德草也, 語》。「言必信,行必果,硜硜然,小人哉」, 「大人者,言不必信,行不必果」,亦本於《論 論 原泉混混,不舍晝夜」,亦本於「逝者 語》者八、《日知録》詳考之矣。其不明引 子》 引孔 蓋《孟子》之言,本於孔子者 子之言凡二十九,其 載於 如 斯

子游欲事有若,曾子曰:『不可。』」凡九條。| 語養曾皙。」「曾子不忍食羊棗。」「子夏、子張、 人笑。』」「曾子謂子襄。」「曾子居武城。」「曾子| 之子曰:『生,事之以禮。』」「曾子曰:『脅肩諂 達之! 戒之!』」「曾子曰:『晉、楚之富。』」「曾 曰《孟子》稱述曾子者最多。「曾子曰:『戒 曰

也

庸俗人也。 之。 也。 反而縮」數語,即《孟子》所謂 路高出於管仲 管仲」也,即「仲尼之徒無道桓、文之事」之證 又觀「或問曾西」一節,即《孟子》所謂「不爲 此孟子不動心之學所自出。 子,北宫黝似子夏,是曾子、子夏皆不動心。 孟子傳曾子之學,即此 觀其答語,醇謹 又因此見曾西之賢而有大才,故或人以子路、管仲 遠甚也。 而雄直,曾氏家學可以想見,且可 或人問管仲在子路之後,此 可見。 曾子「述夫子自 「浩然之氣」也。 孟 施 舍似 見子 亦

之喪,齊疏之服,飦粥之食,自天子達 人。」孟 達。」』」孟子告滕文公云:「吾嘗聞之矣,三年 曰 : 曰:「哭泣之哀,齊斬之情,饘粥 『如之何?』對曰: 《檀弓》:「穆公之母卒,使人問於曾子, 子所 聞,蓋 出 於曾申 一申 也 · 所 之食,自天子 聞 述曾子之 諸 申 於庶

疏 云: 「子張弟子。」 孟子述其言曰 ,周公豈 公明儀,曾子弟子。見《祭義》鄭注。 欺我哉?」孟子所 謂 :「文王 「師 文 Ŧ 我 師

又以 馬,民有飢 本於此也。 也 此數語告齊宣王。 色,野有餓莩,此率獸而食人也。」 又述其言曰:「庖有肥 人人也。 論逢蒙殺羿,亦引其 肉 廄 有 肥

語

蓋

最敬其

鬍 助 發 嘗言,文王治岐,耕者九一,仕者世禄。二者,王政之本也。」 可作 鰥 禄 又言「市、廛而不征」、「關、譏 關 政 市 寡 孟子 不税 之征,今兹未能。] 亦必孟子以此二 施 孤 部《 昔者文王之治岐也,耕者九一,仕者世 市 仁、必先 獨 譏 以 」,皆本於此。 四 周 而 井 者,天下 禮 不征。  $\mathbb{H}$ 斯四 》讀之,且 世 禄告滕文公。 澤梁 者。」此孟 之窮民 戴盈 無 在 之日 而 而不征」,「耕者 周 禁,罪人不孥。 子所述古書, 無告 公制 一: 什 朱注云: 者,文王 禮之前 一, 去 一事勸 「孟子

> 之也。 所謂「師文王」者在此 以此知孟子所言王政,皆文王之政, 也

《檀弓》孔

王, 也。」云「此之謂」,則爲古語明矣。 之政也。下文云:「文王之民,無凍餒之老者 云。 古書之文而孟子述之也。「西伯 兩見,一言「文王之政」,一 然則「五畝之宅」云云,必古書所記文王 對齊宣王,一言「西伯 Ŧi. 畝 之宅」云云,凡三見。 言五 善養 老」。 畝之宅」云 善養老」亦 對 此 此 梁 之謂 亦 惠

十有 「舜之居深山之中」,皆古書所記 所據 崩。」孟子不但 古書記 七年,舜崩。 舜 相堯,二十 事 述其 甚 詳 事,且 禹 有八載。」「舜 也 薦 益 能言其 舜之飯 於天。 年 薦 糗 數, 七 禹 茹 年, 於天。 草 可 禹 知

政,害於其事。」此則 者無恒心。」「生於 「民之爲道也,有恒産者有恒心,無 其 孟 心、害於其 子平日撰定之語, 政 發於 恒 其 故 産

## 兩言之,而略同。

惟 夷 記 不 怨 聽 師 師 蓋 章句下》。 柳 也 與 阨 惡 天下風俗之壞,總不 其 廉、立、 下 仲 右 其 惠之德,數章 和 趙 尼 師 窮 邠 弟子列傳 言 求 日 澧案: 而 卿云:「孟 寬、敦可以 即 進 由 君 不憫」,此豈君子所不由乎? 不 子不: 不 其 與 No. 此 隱 悪 不 「閔損不食污君之禄」,則閔子亦 亦古書之文而 人言 陳之,蓋其留 由 賢,必以其道」,「遺佚 恭 子 耳。 救之。 者,師其清 也 反覆 出頑、懦、鄙、薄四者, 然則 目 差 夷、惠實百世之 孟子 不 次伯 記者· 視惡色,耳不 孟子述之也 不 由 伯夷矣。 夷、 由 也。」《萬章 其 伊 而 隘 孟子 由伯 尹 **堂** 不 何

不同 之元聖,堯 介不取」,伊尹之清 不 潔 以三公易其 其 舜 身而 其 君 已矣。」顧亭林 其民之盛德大功,而 介」,柳 也。 故 下 云 惠 之清 聖人之行 以 其 伊 也。 尹 本

也。 矣。 後皆及 兩,而 澧謂 亦在 而不 乃 在 惟 乎千 疑其篡。 介。 此 所 於 伊 其「禄之以天下, 亭林 不然, 以 尹放 駟一介之不視不取。」《與 禍 不 所 若廢 太甲、霍 及 蓋其才 謂 於 則 同乎 本 禍 而 也。 略 復立 者,「 光、徐羨之等 膽 弗顧」,故 流俗,合乎污世矣 柳 禄 氣 則 下 之以 古 更 惠之和 百 無 太甲 友 天 萬 效之。 能效之者 下 論學 世 其本 被放 弗 而 書》。 其 顧 無

馬 非其義也,非其道 以 弗 道 言,樂堯舜之道者 不 包《荀子》所引《道 義 以 千駟,弗 顧 與 弗 伊尹 即 視,不與 道 耕 視 心 介不 於有莘之野,而 也 也 不 也,禄之以 取,即 以 非 如 辨 其 此 取 經》之説 其 諸 義 非 夫取 也, 人。」孟 也 義 天下弗顧 樂堯 非 非 也。 與,即 其 伊 道 子 舜之道 道 尹 儒 述伊 之言 即 也, 人心 者尊信 也 精 尹之 也。 也。 口

謂

和乎

孟子,誦法伊尹可也。

以驚 符節 與伊 謂: 子之辟 也 異 則 今之世,舍 於 非 111 孟子言「非 伊 此 尹言「非 道 也 駭 兄 木 俗 離母,許 Ш 尹 非 學紀聞》云:「孟子學伊尹者也。 林枯 者 義,千 「仲子,不義與 此 我 亦戰國 行之並 其道,一介 其 彼 槁之徒 其道 駟 誰 無 時 弗 哉? 耕, 所 風氣 一,則 視, 白圭之二十 謂 所 也 以 以以 之齊國 不 亦是聖人之任 陳 簞食不可受於人」, 異於聖賢 以 仲 斯 取諸 子 道 取一,皆欲自 亦 而 覺 不受。」然 人」,若合 能 斯 也。 之。 民 。」澧 『當 表異 陳仲 者 所

以 行 賢哲之行,大約不外清、和、任三者。 惠,至孔 至 後 而 周 舉伊 陳 而 則 後 大 子 陶 尹 山云: 備 而 淵 、夷、惠,是其卓 大成。」《徐州 明 行始 治 伯 始於 夷 於 也。 伊 伏 學 尹 記》。 梁 羲, 識 更夷、 昭 也。 更虞、 澧 明 太 求之三代 謂 叔、 後 子云: 夏、 : 古 柳 山 商 論 今 下

> 與? 宗云: 惠。 鄉原之極者 諸葛亮傳 以淳。」《後漢書 杜子美詩云: 以立。」《陶淵明集序》。 I 有 皋則伊」之語。 能 《法言 然作符命以 讀 「太丘 》注采《蜀 陶淵明之文者,貪夫可 馮 • 淵 道 奥廣,模 騫 也 「伯仲之間 杜詩 記 篇 陳寔傳贊》。 》晉劉宏觀亮故宅立碣。 \* Z 同流俗,合污世,是鄉原 或 陳太丘 本於此。 我彝 或或 問 見伊、吕。」《三國 諸 倫 柳 : 楊子 葛 曾是 一柳 武侯 下惠也。 以 雲自 下 廉,懦 淵 惠 李興爲文,有 伊伊 軌 非 比 朝 尹 范蔚 柳 薄 夫 隱 志 也 耳 夫 下 可

辜, 即 仁 事 也。 與 ? 而得天下,皆不爲也。 伯夷、伊 伯 曰 : 夷、伊 非 其 尚 有 志 尹、孔子同,士可不 尹 而 ,仁義而 與孔子,「行一 取 之,非 已矣。 義 是 也。」士 則 不義,殺 殺 ·勉乎 同」。「士 之尚 無 罪 一不 何 非

利吾國」云云,然後云「孟子,鄒人也」,此於《史記•孟子列傳》先述梁惠王問「何以

也。 真 生。 此章 伯 之大義 伯之説,流入於商鞅之學而不自 列 絶 所 喜駁 傳 惠 可可 謂 孟 且又於《魏 爲 而 王 孟 子 故 世之謂義者 激 變體 謂三 利端 謂 矣。 子,乃并 揭 致意者。 何 作《孟 而 商 蓋 世 必 出 鞅 以《梁惠 之。 「何必 家》載之。 E 暴 云 利」,激 子列傳》。」太史公之於 一言一吾 朱子采太史公語 李泰伯云:「人非 之道 曰 王》第 利」之語 也。」《開塞 也。」《原文篇 所 又於《自序》云: 謂 知 利,義之本 章 也 入第 而 篇 爲 駁之, 利不 章《集 七 泰 泰

也。 孔子之文在 可 狂 擬 孔子 何敢 狷 , 漢 澧 謂 : 也。 孟子》卒章,歷序羣聖,講 」、「鄉原」三章,合而 人已有 曰: 『文王既没,文不在兹乎?』文王之文在孔子, 仲舒 焉。」《論衡 《太史公自序》云:「孔子卒後,至於今五 堯、舜、湯、文王、孔 仲舒既死,豈在長生之徒與?」可見談道 其上一 超奇篇》云: 章,取《論 論之,乃七篇之大 周長 子, 道 語 生 非 学狂 , 所 統 後 者 謂 鴻 喜言 簡、 儒 白 儒者 歲 所

道,是 黨」。 潔,不 流俗, 於古潔,而後 也。 是不經 耳。 義, 德,是謂 安在哉? 無 原,德之賊。」孟子 潔。」然則狂 曰:「狷者有 志嘐嘐然 賊」。 刺。」「居之似忠信,行之似 故將 鄉原 孔子曰 也。」此 謂 鄉 媚 合乎污 不媚、不同、不合,則 邪 原, 反 # 非 至終篇 在 慝。 語得之,不 經 狷者,古與潔也。 媚 所不爲。」孟子申之曰:「不屑 日 爲 常常 不 閹 在 世 君子 道 經者 世, 口 "『古之人,古之人 媚 然媚於世」之一言,在 而 者進取。」孟子申之曰 之兩言 也 流 申之日 也、 可 特 同 也 常常 以 合 著之。 司 流 其 僞 污, 道 僞 孫 合 也 一「非 而 而 疏 也 合 污, 棄之也 則 云 : 己 可 此 即 廉 孔 矣。 孔子 也 之無 如如 則 以 學者 古 潔 子 孔 人 佞 則 與 故 謂 狂 . Н 舉, П 子 堯 其 所 恐 必 潔 鄉 狷 同 舜 謂 孔 反之 之道 其 原 爲 刺 宜 之 吾 蜀山 之 其 平. 賊 之 鄉 子 不 勉

取  $\equiv$ 亦將  $\pm$ 有 後 蘭 所 漢 有 泉云 不 書 所不 爲 狂 獨 取者 亦 行 將 之志 傳 有 矣。」 所 序 既 必 **>** 此 與 引《 爲 古 則 // 者矣。 論 爲 通 語 徒 狂 **>** 狷 則 既 而 贵 而 論 云 能 爲 進 之

謂

之

賊

也

•

閹 止 華 然 海 堂集序 故 鶩 狂 媚 狷 世 之異異以迹,其 之爲? 此 與 范 蔚宗之説 勢 非 極 實 相 於 未嘗 發 踽 明 踽 不 涼 司 也。 涼 不

謂 不 枉 中 道 尺 孟 矣, 而 子 所 直 而 願 尋 仍 則 不 何 學 離 嘗 孔 乎 非 子 狂 獧 何 獧 者之 也 嘗 非 潔 狂者之志? ? 孟 子 可

之矣。 也。 是 其 獧 近 宋 人 儒 未 也 詆 得 持 宋 其 聖 論 儒 過 人 好 者, 中 以 高 失 未之思 裁 是 IE. 之耳 其 而 狂 或 巾 也。 古 陷 於 無 立 異 愧 端 身 於 多 者 聖 「, 有 介, 門

之所 理 而 能 不 蘇 過。 東 爲 坡  $\overline{Z}$ 後之所謂 此 孔 「古之所 子、 孟 中 子 庸 謂 者 所 中 循 謂 庸 者 鄉 循 · 盡 原 然 也。」《 爲 萬 衆 物 人 之 策

> 天下 略 趨 **%** 時 澧 相 案 鄉 率 原 於 生 趨 中 斯 時 庸 世 》鄭 以 一,爲 至 注 斯 於 云 世 敗 壞 即 或 衰 所 有 亂 謂 道 示 趨 故 時 孔 變以 也 子

其 真 狂; 而 詐。 爲 不 則 原 獧 與 廉,今之矜 其 聲, 鰥 爲 獧 潔 狂 壤 亦 行 愚 通。 矜 對 害 其 即即 者 有 不 即 古之 陳 與 掩。 大矣。 流 品 甚 熈 原 似 鱞 伊 仲 亦作 也。 俗 甚 難 通 是 故 尹 也 狂 子 言之, 高 能 故 詐即 鰻。 而 論 忿 也 也 何足取 若 夷、 亦 而 非 語》多説言 戾。」 與 見 肆 居之似 口 者。 肆 惠之歸 則 獧 且. 桃 貴。 通 今之狂 爲 蕩 夭》詩 矜 孔 乎. 也 忠信,行之似 行, 故 忿 反經矣。 ? 即 子 對 孔 戾,好 ○「古之愚也 序 潔 īE. 言 獧 中 狂 所以 孟 也 其 釋 者嘐 也。 狂 庸言、 取 文》。 蕩 身 裁之也 剛 者 嘐 廉 **覆者之** 狂 也 矜 之, 又 不 潔 直 獧 獧 古 獧 不 也 E 好 , 今之愚 故 則 鰻 之 雙 而 古之人 學 口 聲 不 皆 矜 真 謂 不 蓋 以 之 則 狂 屑 取 狂 也 也 睘 矜

信道 於下 王。 興禮 爲盛 知 下 也 百 -無學。 如此 Ţ, 餘言 一撥亂 離 若知 勤學; 信 妻》章 「 ,則國存而賊民滅矣。 度, 於戰 爲治矣。 然則學問之事 如此則衰亂,則知 事君以義,進退以禮,言必 以義治君子,以 或 E 衰 無 上脩 亂 道 ,言之痛 揆 ,所係豈 道 也 一揆,下 下 且以 不 刑 切 無 不重 如 威 謹 法 賊民興,由 此 當時 法 小 守 哉 守 即 人 也 轉 竟 稱 ; 上 衰 不 以 先 朝

脩 則信 亂 政 仁賢; 事 無政事,則財用不足。 不 信 此 仁 欲定 賢, 孟 子之經濟 則 亂 國 則 空虚 明 也 禮 然則 義 無 禮 欲國不空虚 欲足財 義,則 用 上下 則

草萊 道 諸子之説 距 任 楊、 離 土 墨。 並 一地者次之」,朱注以爲孫臏、吴起、蘇秦、張 善 章 作,皆不法先王 戰 楊 極 者 朱,老子弟 論 服 爲 F. 政 刑, 用 連諸 子。 先王之道。 而 自 侯 距 爲 者次 楊 説 朱 也 之,辟 當 即 時 距 孟

> 言, 之矣。 其意甚急 使 弟忠信。 罰 是 然如 可 如 也 儀 服 糜 時, ),猶 制 薄 以 地 李悝 爛其民」, 上刑」,曰 何 梃以 可以距 利 孟 距 明 税 白 二**,** 可 子最惡戰。 ,閒暇之日不 商 而 雜 省 斂 其 之謂白 鞅之類。 撻秦楚之堅甲利兵矣。」「及是時」三字· 人 可 家。 深 刑 政 以 小 以 以 曰「大罪 戦 罰 刑, 説家。 事 距 耕 不 與, 其 勝 易得也 陰 則 齊 易 戰 雖 陽家。 可 父兄 然且 兵 耨。 大 乎? 日 東 <u>'</u>, ⊟ 可 以 家 此孟子所以 野 即 或 民賊」,日 以 距 · 出 不 壯 所謂 人之 縱 必 「夫道一 日 距 法 可 者 罪不容 以 畏之矣」,「 横 名家。 近 家。 以 或 事 家、 語 天之未陰 日 暇 家 其 爲大儒 農 非 殃民 閒 生之 日 焉 於 而 長 一天 家 君 脩 暇 死 上 用 已矣」, 雨 省 子之 -, 其 時 謂 戰 皆 也 孝 刑 及 不 性 距 口

不 孟 夕 而 Ħ 子也。 ,敗之而有餘。」《與人書》。 可 所 擊 闕 以 世趨, 矣。 轉 移 百 人心 方知 年 必世,養之而 · 整 治 亂之關必在人心風 頓 風 俗 亭林在明 則教化 不 足 末,亦 紀 朝 綱 俗。 爲

之書 序則 此 云 則得 汗 不樂,察士無淩誶之事則不樂。」《徐無鬼 知 子 已而 牛 豈 士 充 無思 好 棟也。 不已者也。 辩 慮之變則不樂,辯 哉 ? 《朱子語 予不 得已而不已,故天下 類》云: 得 已 也」。 士: 解經已是不得 無 談 莊 説 之 子

學者 孫 傳。」《原 儒林傳》云: 大道 Η. 獨 一、萬 遂 趙 不廢也。」韓昌黎云 細。」 邠 道》。 章之徒、蓋傳之矣。」《復性書》上篇 卿《 「天下並争於戰國,儒 絀者,不伸 李習之云:「軻之門人達者 孟子題辭》云:「孟 也,非斷 術 既絀 孟 軻死,不 馬。 絶 子既没之後 也。 然齊魯之間 《史記 . 得 「, 公 澧 其

案 : 之「溝 氏之儒 則其 猶瞀儒,嚾嚾然遂受而傳之。」《非十二子》。● 斯無 則以 仁義禮智之心,正人心, 之高第弟子者。 孟子知言養氣 時 邪 告公都子。 猶 ,謂之顯學。」安得 傳受孟子之學者不少,荀子嫉之, 慝 瞀 儒 則以 草。 告萬 《荀子》詆孟子云:「世俗 取 韓非《顯 狂 則以告公孫丑。人皆有 章。 獧 以爲 惡 距 此 楊 鄉 學篇》云: 皆 墨,以 不傳哉 原 微 君 言 大義 承三聖, 子 反 有 經, 然 謂 傳 孟 溝

人 ? 於遺 理 聖人之學不 滅。 經。 程伊 往往孤 先生 魏 ĴΙ 鶴 生 傳。 爲《明道先 立 一於千 Ш 寡 <del>三</del> 干 儒,倡 四 載 「千數 百 無 生墓表》云:「孟 真 焉 年 之後 儒。 而 百 莫之和 年 人欲 , 得 間 何 不 也 肆 傳 可 絶 軻死 之學 謂 偂 天 無

<sup>●「</sup>十二」,原作「二十」,據《荀子》(《古逸叢書》影宋臺本)改。

Ŧi.

見順渠《文録》,據《明 真 隱 不言 才。 至晉及唐,代不乏人。 學、政事之科。 云 可 每 而 (儒」。 不 陳 讀之戚然。 莫 「孟子後 至於孔明 之續 論 而 太丘 嗚 化 而 呼! 也。」《朱子 先無 郭 如 ,『千載 川則 愚之流 姑就 有道、 以 儒學案》録 蕭、 悠悠千載, 處 兼 無 漢 曹、 年 濂 四 徐 輩 真 譜序》。 溪 今一 科而 此。 孺 丙、魏,皆有 代言之,董、 也。 儒」,宋儒 也 子,皆 舉 澧謂 向 有之矣。 王 管幼安 誰 而 順 晤 : 德 空之日 有是言,余 渠《文 漢唐人且 語 行 黄叔 賈 龍 政 ?」 澧未 科 事 德 兼 二無 録 mi 度 之 文 能 論

兮」亦然。 孟子之門者,守身之嚴類 此 主之辭,乃戰 如 萬 潛丘劄記 章謂 孟 子》書 則其問 今之 卷 或 一, 諸 一引 諸 不 文 託 侯 讀 體 弟 如此 諸 書 子 也 猶 | 劄記 侯,不見諸侯,爲 問問 禦」, 澧謂:公孫丑問「不 如《卜 而 》論彭更、❶萬章謂 孟 其持 居》、《漁父》之類。 子答之,多客 論 之 客主 嚴 學 素 如

卷六。 大抵 之語矣。 不知 之辭 言孔子「獵較」,萬章尚疑之,必不信「主癰疽」與「侍 暢 唐 達之。 明矣。 其 虞三代之事, 閎遠 博 此不知《孟子》文體 人,連 觀 雜取, 讀書豈 李榕村《語》 大禹、 切 口 伊 稗 不 尹 録 識 深博,非問答之文不 官 <u>\tilde{\</u> 故 孔 野 文章之體 也 子 史都 「萬 都 《萬章》篇所 疑 記 章 乎? 得 好 多 番 論 孟子 却

者,以 未聞 能,而天下之生民不可 豈不欲周之子孫 而 侯,皆説以王道,湯、文、武所 孟子游説齊、梁之君,教之以 李泰伯 此説 言以 爲 獎 궁 : 最甚。 周 王天下 「天子在上,而 室。」《策問》。 魏叔子云 以不 而 朝 救。」《留 諸 以得天下之説 自 侯?  $\Xi_{\circ}$ 孔 孟 來非《孟 子 侯 子尊周 論 夫孟 游 周 於諸 子》 澧 子

<sup>0</sup> 然今《潛丘劄記》書中 「一」,原爲墨丁,據北大本、 未見此條内容。 光緒 八年 本 海 本

注》。 之事 若説 口 也 竟 孟 以 憔 亦 謂 也。 、悴,有 不 子。 論 ◎盆 服 非之乎? 此 泰伯之説,乃 其 此,謂: 八,無 然戰 餘 使孟子果有不獎周室之罪 可 梁之君 類 無 子 以 ř 可 於 或 解 疑 視天命 篇惟 以異於鄒敵楚者也。 倒 時, 也 泰伯之惑矣。 IE. 以 懸,安得不以王道救之乎? 桃 讀 以 獎 改 桓、文之事 應 與未改。」朱子采入《梁惠王篇 周 書 荀 章 而 子 室,則 -可疑 不 在 , 論 當 ,讀者如食肉不食馬肝 不 必 孟子時,生民之 其 時 可 爲 世 知 '', 何 復行,所 齊 者 荀子 其 桓 也。 以 事 勢故 晉 荀 最 程子 子 惡 謂 文 集

默

性

吾 以 續 此 方 其 何 楊 人之短 澧 慊 富 龜 閻 謂 乎 百 Ш 我 詩云: 哉?」曾子 猶 : 語 以 在 有 吾仁。 一彼者 何 此 『説 苛 等氣 皆 論 何 彼 大人』章 孟 象,在 我 獨 以 子? 所 不 其 不 然?」《四 爵,我 孔 ,孟子以己之長 - 爲,不 如 子 曾子 則 以 無 百 書 ·之『彼 吾義。 之矣。 釋 流 地 俗 又

也。 儒 不 在 可不恪遵者,而況 我者,皆古之制, 口 君 子反 乎? 經 也。 此

後

著,有《論 公孫 章問 子章類》一 章,置之前章之後、此章之前,則孟子之意 章、朱注采林 不待論 孟子》之法 識 善  $\overline{\mathbb{H}}$ 不 ,始見於此,而詳具於《告子》之篇。 而旁通之,則七篇之中, 滕文公爲世子」章 見諸 説 所 問 孟類》,近時林 編 而 者 侯 也。 自 ,惜未見 氏曰: 而 何義」章、朱注 明 《宋史・ 觀 矣。」 澧案: 之,其説乃 「若以第二篇十章 其 朱 書 月亭學正 儒 也 注 林 云:「更合陳代 無非 此 盡。」「: 云:「孟子之言 傳》 朱 此理。」「萬 山柏桐有 子 楊 燕 教 泰 人畔 之所 人讀

也,而 摘 注 以 録 爲 一二語。 後 孟 有 可 子 爲 影長 以 而言 有爲」前 此 章多,短 即《論 · , 是 也。 後 語 章 数章 『》之體 蓋 少。 大 論 惟 也 二句。 人 有 事,記者 有 不虞之 不 ·爲 朱

譽」、「無罪而殺士」數章皆短。

之形 君臣 骸、九 故體 其情然 無 非 之用也。」「所謂 才也。 性 則一 而 竅,達之於君 惟聖 告子曰」章,疏云:「情性 物也。 非 得 本 物耳。 以 性 ·善,而 於 有 ,禮之於夫婦、兄弟,信之於朋友也。 僞 竅、五 性 爲義,踐 以踐目之形 物則 是則性之動則 也。 孫 能 所謂則者,即仁之於父子,義之於 之聰 疏 欲爲善者非 大 臟之形,各 情之能爲 有 分而言之, 甚 臣 形 則 有 心之形 物 以 、父子、 以 也 者, 精 至 而 求 。」「形色天性」章 善 踐 得於性 其 自四 爲 善者,非 有 以 性也,案:此語 處。 肝 夫婦、兄弟、朋 則有三名。」「蓋人之 性,體性 情。」「而 所 通 之形 才三者,合而言之, 肢、五臟、六 踐 於 如 之明,踐耳之形 也。 神 「公都子曰」、 以 情然 明 以 才者,乃 爲仁,踐 故 踐 也,以 非是。 能 凡 疏云: 其 友, 腑、 於 以 形。 肺 是 性 七 白 無 九 其 以 東

塾

讀書記

卷三

者矣。 之至。 云: 通。 誅紂」,疏云: 湯之來,若大旱之時,人望其雲電 若大旱之望雨 重其子也。」此 死,曾元養曾子」,疏云: 後知生於憂患」,疏云: 所行有惡疾在於義是也。」釋「惡 字,謂 而生。」此連 尺之 在,義是也」,疏云: 在 其」字不通。 「我能爲 然何以 兹其 國 軀,方寸之微,六 近人 僞疏之不通者,如「我能爲君約與 爲 用 不 所 君期,與 周 「丑見王之敬子 也 敵國」,此其不通 通 其」字又不通也。 「如是 以 至此? 二,疏 以 公乃輔 其僞 爲 「非仁非義者,亦以所居有 則 <del>Z</del>: 敵 聖 然後 如如 國戰鬭 此 相 「曾皙已死,曾元奉養其曾 而 武 怨 人與?」 疏必非一人之筆也 是則然後因 因而」七字,又不通 也」,疏 蔑棄之,不  $\pm$ 云何爲 通 也。 必必 |爲「惡 誅伐其紂。」 而雨 四 奚爲後我? 能 「居惡在,仁 而後 云:「今丑 勝。 闢 如 之降。」「周 疾」,又不 而知人以 去 此 連 其 國 知 此 其 讀 戦必 惡疾 運 其 我民 每見王之敬 是也; 段 其 與 民之望之 也 通 憂患謀 有 無 國 也 在 子。 之望其 克」,疏 於仁 戦 可 精 乎 曾 路 然 取 不 此 哲 慮

## 東塾讀書記卷四

番禺陳澧撰

易

書。」明三皇已有書,故孔安國《書序》云:「伏 云: 别 卦,若無文字以 + 則 一四。」此 乎? 周 卦之爲數少, 不 禮 王 可 伏 知矣。 羲 語 輔 孔 最審慎。 作八 小 嗣 沖 等以 史案:當作「外史」。 遠 《三國志》高貴 卦,其重爲 標題卦 可 然 八 爲伏羲,爲得其實。」又云: 以 必 論 在 口授 第二《 名,上古愚民,安能 倉 鄉 六十四卦者何人, 公云: 卦 頡造文字之後 名。 掌三皇五帝之 論 「後聖重之,爲六 重 至六十 卦 之人》 也 四 識

乎 ? 已紆 羲創 《易》也,幽 亦伹 蓍在六爻之後,非三畫之時。] 澧案: 蓍云:『四營而成易,十有八變而 始之謂。 沖 説,且 字之後,仰録三皇時 頡,黄帝之史,則文字起於黄帝,而云『三皇之書』者,以有 書。 書」者,後世 不 自 羲氏之王天下也,始晝 遠 可無 古 《周禮》賈疏云: 又云 曲 始 言伏羲始畫 無 以《周 六爻誠用蓍矣,何以 矣。 文字 牽連於用蓍,又以 伏 幽贊 義造 贊於神明 題  $\overline{\sim}$ 且三畫 禮 説 用蓍,謂伏羲矣。《上繫》論 識 説 書契之説 事 傅會之,其 「《世本·作》云:『倉頡造文字。』倉 也。 也。」且 掛 八卦,不言畫六十四卦也 皇之事,非三皇時 \* : 非 而 然《周 創 八卦 生蓍。』凡言作者, 既 始,六爻乃爲 引僞 用蓍傅合於六畫 『昔者,聖 7,造書 知三畫 禮 意 孔 亦 沖 》所謂「三 孔 以 遠 成卦。』明 契。」 澧案: 説,而僞 不 六 獨 「此以 所作之 可 人之作 + 據 創始 用 皇之 四 僞 蓍 伏 用 創 孔 桂 用 孔 文

費用 其 賈 乎 有憂患乎」,孔疏固以爲文王、周 云: 非 周 伏 謂 禮 伏義 義未有揲蓍之法 龜 也。 人》鄭 言「作」,亦非 注 引 《世 至 巫 本 公矣 一成乃 必 作》 謂 教 創 日 人爲之。」 始 巫 作 咸 作 易 則 筮。 出出

耒耜得 取諸 案: 硬,遂 耜 見乎 與 象,合於益 遂 離 諸 子 《大傳》言 做 益 語 暰 而 睘 離 聖人亦 始 』者,言結 類》云: 嗑 孔 做 箇 也, 加 有 爲 沖 辭 弧 一蓋 矢得 物 遠 此 伏 》所 取諸 後 之意。」卷七十 箇 只 事 也。」 以《繋解》神農之時 義 「十三卦所謂 爲 睽耳。 取 言 物 益、 、是見 去 繩 重 網罟, 諸易直 事 攔 卷六十 桂 取 而 『取諸睽』,凡一十三卦。 非 之證 去 魚鼈 截 諸 爲網罟, 謂先有卦名,乃作某器 剔 他。 先有見乎 者, Ħ. 也,「 Ħ. 起 之屬,欲有以 『蓋取 又云: 與《考 欲得 此 他 〇沈 有離 取諸 亦 耕 益 諸 寓 未 已有,蓋 却 T. 「不是 之象, Щ 種 一 而後 離」、『 確 急 合 記 《寓 也。 於 蓋聖 見 也」,文 也。 取 簡 離 蓋取 爲耒 先 非 輪 取益 地 \* Z 人謂 之, 澧 之 :觀 朱 土 有

取之也 也; 義 īE. 意 同 取 易 輪 直 人 與 意 急 取 於圜 非 大 見 非 易 因 直 見 睘 與 急之 物 而 物 取 之 而

其子。 撰《周 言文王所作也。 孔 作。 實受其 《左傳》昭 世,周 爲 已,何必紛競 岐 辭有『箕子之明夷,利貞』。 以《易》是文王所作,斷 卦下之彖辭文 子 山。』又云:『東 《繋解 言《 雖 易 之盛 又據《禹 復紛 福。」 易 述 学之 傳》: 競 德 故 年 乎? 用 大 邪 興 先 孔 貢》 趙 孔子 [ % ]. 久, 王所作,爻下之象辭 ? 了; 但 代大儒 疏 鄰 賓 惠定宇 易》之興 云 冀 殺 當 無 説 揣 所 州 牛,不如 文 能 可 而 度 未 鄭 治 知矣。』但《易》之爻 鄭 決 王 其 小 必 衆、賈 又云:『王用亨于 梁及岐」、《 其 玄 變之, 與 也,其當殷之末 世 以 後 是 云: 爲文王作 與 紂 西 儒 非 之事 事 逵等,或以 鄰之禴 以 當 據 箕子 敠 周 而 澧 爾 此 邪? 公所 疑 未 雅 所 明 Щ

都冀州 梁 山,晉 王用 望 也, 亨 於 因 岐 謂 Ш 岐 者, Ш 爲 亦 夏 冀 王 州之望。 紆 曲 如 夏

此,更

可

以

不

必矣。

故

斷 篇  $\bar{z}$ 爲之傳 者 之義,以十篇之文解説經意。」此後諸 康 謂 章句。』《釋文・ 乃義 篇 篇二二字。 一字當在 0 ·; 皆 以 成、荀慈明、 爲 臣 此 辭》十篇《文言》,解説 錢辛楣 解 疏之祖。 《章句》蓋傳費氏學者筆之於書,非 故 非 悦叔父、故 經注之祖。 漢 經者,皆得 「文言」二字下,文義乃順。 此千古治《易》之準的 舍 費 書 《周 + 氏 • 序 翼 易 儒 録 以 家 費氏 讀 司 王 言《易》, 空爽 林傳》云: 翼 法 輔 則 揆 費 費氏 云 : 也。 嗣 之書已 著《易傳》,據爻象承 方序 氏 皆傳費氏 「費直 非 家法者 \*\\ \overline{\times} 以 説《 《易》 上下 + ) 佚。 令章 費直 (易)者 「三聖人爲之經 《釋文 篇 也。」又有 儒之説,凡 經。 句 也。 也。 學。 《儒林傳》云: 費直自 解 巡 以《彖》《 説 當 澧案: 卷, 其 孔子作十 序録 應陰 荀 《贈 作。 上下 以 殘 自 悦 邵 陽變 ~》無「十 缺。」 7 此 宣 爲 據 漢 愐 冶 經, 象 È 紀 篇 爲 説 + 鄭 澧 尼 化 南 獨

而

序 其説 亦 然

分爲施、孟 舉大誼,故特 災異》、《神輸》之類。 《易》家候陰陽災變之書。」《藝文志》,《易》有《古 時《易》家有陰陽災變之説 誼」,凡説 其説不過 云訓 舉 大誼 儒 故 林 梁丘三家 而已。」此 經者皆然, 豈復有 舉 傳》云: 如 · 大 誼 著之 此 丁寬《易説 也。 而  $\frac{1}{2}$ 此先 班 已,若 氏 寬 自 師 特 作《易説 家 商 筆 ,《儒林傳 有 法 瞿 則 加 也 所 也 至 無之,惟 於此? 減 1 訓 損 T 寬六傳 五子》、《 萬 寬 故 孟 言 再 訓 舉 而 傳乃 喜 故 漢 此 大 訓 雜 得

此 於 啚 議 孟 **%** 氏 焦  $\wedge$ 然 《章 唐 里 ぶ以 《易 書》載 堂云: 句 **%** 説 行《卦 孟 掛 曆 氏 氣 0 所 議 值 與 説 \*\* \*\* \*\* \*\* 日, 以 别 曆 見《易 <u>-</u> 無 説 可 易 核 緯 月 司 惟 卦 稽 見 出 覽

再

<sup>0</sup> 曆 出 原作 厯 避 清 帝 弘 曆 諱 今 口 改。 下 同 不

引即 傳 也。 氏、京房十 案:《藝文志》孟氏、京房十一 獨 十卷,以災異羼 句》乃得之田生者 此乃得之田 六日七分,即 絶於施讐手中, 候陰陽災變書 京房十 章句》中之説。 藝文志 傳 卦 班 氣 此 《漢書 氏 六 》:『《章句》,施、孟、梁丘 篇、《災異》孟 班 分析 同 日 篇 亦 門 古 王 七 神 • 儒林傳》言: 『孟喜得《易》家 孫 所 梁丘 以 甚明。 分之學,梁 《章句》止二篇, 時 者。 輸 孟 得 其 喜歸 世。 也。 賀 與施、梁丘 陰 中,必矣。 疏 今《説文》、《釋文》中所 此言『六日七分』 陽災變託 篇之上有《神輸》五篇: 氏、京房六十六篇 《藝文志》又有 田 此 東 通 生且 與京 證 海,安得此事?」 丘 明之,曰: 氏 死 焦氏· 並稱,明 房 疏 之田 時 而 氏各二篇。』 並 自注 唐 通 枕 稱 證 時 云 生者。 八此《章 孟 喜 必 明 則 田 所 則 氏、 膝 存 非 者 所 生 澧 釋 盂 翔注 案: 坤、復、臨配冬。」此説 也。 指 也。

故寒往 卦氣 《易》,其説『七日來復』,不用六日七分,有 者信」,「原始 説,則必出於孔門。 翼皆無之,謂之外道 復,十二月屯、謙、睽、升、臨之類,上下經、十 納甲、卦氣之説,不亦唯之與 此而言之。 此泥於《 <del>Z</del> 虞仲翔 納甲、 卦氣之説,十一 而用先天。 暑來 「泰、大壯、夬配春、乾、 也。 《説卦傳》「乾爲寒」之説 <del>Z</del>: 卦氣皆《易》之外道,趙 陰詘 「乾爲寒,坤爲暑,謂陰息 反終」,「通乎晝夜之道」,皆必 故鄭、荀、虞注《易》,皆用此 陽信 近人知先天之非 《繋辭傳》云 月 從復至泰,故 可 姤 未 矣。 遯 濟、蹇、頤、中 耳。 (阿哉 配 十二消息 夏, 變 暑 陽消 否、 「往者屈,來 !」《易圖略》。 矣,而 通 往 宋儒 觀 寒 配 從 來 四 剥 姤 也。」 時 卦 者 至 復 配 孚、 否 説 之 理 闢 以 仲

依氣而應,謂之爻辰 張 皋文云: 「乾、坤 若此,則三百八十四 六爻,上 繋

則得之矣

文・序

孟喜《章

句》十卷。」虞

翻自

稱

傳

孟氏

爻, 其 澧謂 爻辰之説,是其有 野之説 所從出乎?」《答問 云: 集解序》云:「補 象》、《文言》、《 康成初習京氏《易》,後從馬 象十二而止,始猶 鄭 費氏有《周易分野》一書,其爻辰 氏爻辰之説,實不足信 蓋 傳 繋解 其學 康 識 也 成之逸象。」然其書 解 澧謂 者傅 説 兼焉。」《鄭荀 會之耳。 上下經,何 費氏惟以《 季 也。 長授 李 易義 以 錢 不采 鼎 彖》、 之法 辛 有 費 祚 氏 分 楣

之通 處 和 六爻各正。 也。』」澧案:乾之所以「利貞」者,以變既 易述》云:「乾六爻,二四上 三五匪正。 乃 例。 此 虞仲 利 真 貞。 以 此 翔注乾卦 十篇説經者矣 虞氏之最 乾道變化,各正 傳 濟·彖傳》乃説 曰 : 云:「成既 精 利 善處,亦 貞 匪 性 剛 正 濟。」惠定字《 柔 命 「利貞」二字 惠氏最 坤六爻,初 正 保合大 而 精 位 濟 善 而 當 周

序 然則 不在人。」謂二爲田,五爲天,三爲人,四 淵」矣。 淵 躍于淵。」鄭箋云: 在田 <u>국</u> 既濟之説 『无咎』也。」此説則不然矣。「見龍 求陽之正。 龍 而 虞仲翔之前,荀慈明已有乾坤二卦 或躍 四者陰位 跳 《文言》曰: 見 躍 於 也。 在 淵 然其 地 淵,即 中 魚 下 故 也。 飛龍 跳躍 稱 解《乾》「九 上躍 如 「上不在天,下不在田, 淵 在淵 於淵中。」然則《易》之「或 在天」, 言在 荀 也 居 説, 陽 陽 而 五者,欲 則 躍 道樂 四 當 也。 或 云「或 天而 進 下 躍 在田」,言 詩 故故 居 在 × Z 飛 坤 則 淵 成 躍 也。 初, 魚 進 中 兩 在

非潭窟 進退无恒』之語 地 「地下稱淵者,乃傅合於《文言》『上下无常, 人所不到之境也。 九二、見龍在田」、豈坤五 非 人所處,故特云『中不在 也。 毛西河《仲氏易》以爲大瀛、是也。 耳。」然既 孔疏云:「九四,上近於天,下 人」。」蓋 云「乾 可 稱田 淵 者,滄 二升坤 乎? 荀云: 溟 Ŧi. -遠於 也 則 爲

非坤初稱淵矣。

月 言 位 坎 艮 象 暮 以 北 就 方。 不 艮 五. 丹法, 盈 注《易 直 盛滿 象見 震 明 象 H 象 喪其朋 辨 甲。 於 八日 望 H 流 消 象 之矣。 丙 爲 生 戊。 丙 於 甲 同 儒 出 \*, \( \tilde{\t + 。」虞仲 乾 明 南、下弦二十三。 兑受丁 庚。 東 契》云: 者 中。」《繫 三十 七 爲 象,三十 日 方。 미 日 震 中 如 置 日 翔 旦, 象,十 日 虞 則 日, 兑象 十六轉受統, 之不 新鮮》上 上弦 月 嘗注《参同 三日 説, 離 異象 H 坤 縣 晦 論。 注 象 七 天, 有 離 平 退 出 爲 日 滅 見 可 象 如 澧 成 坤 若説 爲 辛。 坤 生 Z<sub>o</sub> 了。 通 就 繩 謂 契》,遂取 爽, 巽 象 魄 乙三十 己。 : 挂 <u>二</u> 十 經,則 晦 爲 有 辛 + ^ + 震 此 象。 參同 巽 不 夕 Ŧi. 見 戊己 五 可 庚 象,十 可 朔  $\equiv$ 日 平. 日 其 乾 受 通 不  $\equiv$ 契》 明 通 旦, 日 可 乾 説 者 士. 日 東 體 西 不録

文簡 夜半, 天將 暮,乃 夕、朔 陰中。 爲兑 者 故 日 前 離 畫 在 丙,方始 之卦 暮 明 也 生 月 《經義 旦、日 象 日 出 豈 中 明 見 出 月 # 者 離, 十七日 庚,八日 必 有 述 見爲 月至辛, 於 贵 即 地 中 乎 聞 晦 至 南 亚.  $\equiv$ 陰 得 見 之語、《參同契》 ? 朔 艮象乎 日 日 焦 時 有 於 在 暮 見 里 暮 見丁, 且 爲 東, 望 半. 陽 方始 後, 堂 月者 H 謂 則 中 艮 陽 易 乃 猶 ? 何 象, 月 半 日 見 晦 啚 見 乎? + 在 以 即 略 暮 月 此 陰 爲 所 夕 不 於 Ŧi. 天, 待 無, 豈 見 即 者 又 巽 朔 可 西 皆 日 至天 見 人 虞 尤 於 不 有 象 乎 日 誦 有 盈 仲 於東。 不 駁 可 東 目 ? 明 爲 平 也 甲, 上 虞氏 翔 將 通 ? 可 在 不 坎 所 弦 何 其 者 日 通 坎,陽 之説 能 魄 增 必 以 廿 以 此 日 謂 也 也。 也 中 見 月 至 待 可 中 八 文 月, 至 日 至 通 日 望 在 H 則 魄 名 王 晦

錢辛楣《答問》論虞仲翔説《易》之卦,有

也

八

日

上

弦,廿三日下

弦,皆

半

明半

魄

易

剛

Ŀ.

也 剛 其

德

剛

上

而

尚

也

然此當 來

錢

氏説,无妄爲遯,九

六交易,故

 $\exists$ 

自

外

大 如

畜

爲大壯

九九四

與

上六

交 與 是,則无妄、大畜 壯之初九置於上六之上,而爲上九。 上九矣。《大畜》注云「大壯初之上」,則 於初六之下,而 爲六三,九三爲九四,九 ,上六爲六五矣。 无妄》注云「遯上之初」,則以遯之上九置 九,九三爲九二,九四 者,有自紊 相易者 以 者, 爲 以 兩 初 其 无 非 上爻置 爻 九。 (例者。 如无妄、大畜之 妄、 也 相 易, 大 而 初爻之下,以 爲 四 如 畜 其 文多不 初 爲 九三,六 兩 餘 六爲六二,六 爻相 九 卦 四 Ŧi. 録 也 爻如 九 九 卦 易 Ŧī. 而 澧 一之例 之 初 爲 五. 九 以 凡 謂 故 爻 例 六 大 爲 仲 爲虎。 日: 藉乾 虎,乾 儒 剛 也,履者, 乃 乘謙,震 柔 咥 履柔 又云:「坤 履 人,亨」, 可乎? 剛 履,柔 故柔履 履 乾人履 也。 足蹈 兑, 履 謙 注云 履 其 藉乾 坤 所 非 剛 坤 爲 説 藉 也

四

是,則兩爻

置上爻之上者

非

也

虞

氏於无妄爲此説者,以

《彖

剛自外來,

൬

爲主於内

也。

於大畜爲此説者,以

《彖》曰

爲

初

惟《

翔

之

卦

之例

仲

翔

最

紊

其

例

失

其

義

虞氏《易》注多不 剛。」 澧案: 艮,故履虎尾。 也。 虎,是剛 故故 虎,艮 也 之謬如 與 兑 柔履 注 謙 坤 可 剛 八爲尾。 云: 旁 藉 此 通 如 履柔 剛。」然藉 鹵 通 乾 虞説,乾爲 坤柔 而 非 俗 · 非 如 仍 乾 以 輒 柔 儒 是 爲 履 柔 乾 坤 詆 也 皆 者在 乾 履 虎 剛 9° \_ ≪ 履 人爲俗 以 剛 履 謙 尾, 乾 兑 乾 下 坤 坤 爲 兑 坤

髴。 《既濟》六二「婦 爲 坤 雲,非 爲 喪。 虞氏 詩》 爲髮也。  $\check{\boxminus}$ 所言卦 髴髮,謂 『鬒髮 喪 象 而 其 髦 如 引《詩》 髴」,注 髪 尤 雲。」其 也 多 纖 <del>-</del> -「鬒髮如 坎 巧。 纖 爲 巧 玄雲,故 離 其 至此 爲 最 婦、泰 甚者 以 坎 稱

合之。 者多矣,若可牽合於卦象,則乾爲玉,詩曰「有女如玉」,可謂 如此,則無不可牽合者矣。《詩》之言婦女

義 注云:「出 傳》備矣」,皆學王輔嗣之法也。「九二,見龍在田」, 之上」,朱子《本義》云:「《繫辭》備矣。」《本義》又屢稱「《程 兩之」,韓注云:「《説卦》備矣。」《解》上六「公用射隼于高墉 輔 之爲言也,隱而未見。」潛爲未見,則見爲出 也。」《文言》曰:「龍德而正中者也。」又曰 復爲注。 日 之注,而又不可以意而説也。 時,舍也。」皆未釋「見」字、「田」字,故當 在 嗣注云: 无不利」,王注云:「《繫辭》具焉。」《繫辭》下「兼三材而 潛龍 田。」此 《乾》:「元亨利貞。 至「見龍在田」、《象》曰:「德施 勿用」之義、《文言》已備,故輔嗣 潛離隱,故曰見龍。 「《文言》備矣。」《大有》上九「自天祐之、 真費氏 家法 也。 初九,潛龍勿用。」王 《文言》曰:「 「元亨利貞」之 處於地上,故 普 不 潛 爲

> 潛矣; 是五 皆如是,則誠獨冠古今矣。《周易正義序》云:「王 也。 初爲 離隱。」亦以 潛 斷》,鮮于侁撰。乾坤二卦,不解爻象,欲學者觀《彖》、《象》、 輔嗣之注,獨冠古今。」〇《直齋書録 曰:●「兼三才而兩之,故《易》六畫 《文言》而自得云。」澧謂:此即輔嗣所謂「《文言》備矣」。 離隱」,據彼 地下,二爲地上,故輔 與上爲天,三與四爲人,初與二爲 此真以十篇解説經文者,若全經之注 潛爲隱,則見爲離隱矣,故 此 語 之精密,故承 以 解此 也。 用之也。 朱子《本義 嗣 解題》云: 云「處 <u></u> 輔 》亦云: 而 繫 嗣 《周 於 成卦。」 辭 云出 地上 出 傳 地 潛

親者狹矣。 人不誠,吉。」王輔 與來,皆无失也。 《比》九五:「顯 夫无 私於物,唯賢是 三驅之禮,愛於來 嗣注云:「比 比,王用三驅,失前 ൬ 與,則 顯 之, 而 禽。邑 惡於 去之 則所

<sup>0</sup> 「繋辭傳」,據《周易正義》,應爲《說卦》。

去。 如 미 傳 此 以 皆 爲 雖 則非費氏家法也 無 Ŀ 不 此 之使,非爲上之道也。」 得乎大人之吉,是 意。 輔 嗣自 爲 過高 顈 比 之説以 | 澧案: 之吉 也 爻辭 解 經。 此

先横 災異之説 其 詆 嗣 首,隨之不見 穎達有言:『傳《易》者更相祖述,惟魏 公,未可以一 老子》之言。 莊》言《易》? **芻狗」、**『三十 易說》矣,開卷詮乾 以《 其 之注獨冠古今。』漢儒言《易》,或 『罪深桀紂』,學者過信之。 朱 老》、《 高 竹垞 談 ,弼始暢以義 理  $\widehat{\Xi}$ 莊》 人之是非 數, 其後』二語。 輻 在宋之大儒,何嘗 弼 然則弼之罪 共 解 祖尚 論 四德, 易 \*\frac{1}{2} 清 偏 ×0 理 虚』八字 聽 即引『迎之不見其 吾見 中 丽 毁譽 亦何至『深于桀 惟 以 附 間 因 横渠 下 讀其 和之也。 不 如『谷神』、 於胸 范寧 者、天下 流 爲基』,皆 以《老》、 張 世 人 (書者, 中,謂 子 陰陽 王輔 言, Ž Ż 孔 矣。

《易》 耳。 不襍以 《易》,乃漢學也。 紂 矣,魏何嘗不古耶? 人趙師 之先也。」《何晏論》。 方之漢儒 平 也。」又云: 无之稱也。」又云:「常无、欲以觀 漢學耶? 以來,惠氏之學行, 坐忘遺 ·叔之《 耶 輔 若云 嗣不至 者,尤 ? ] 錢 照, 魏伯陽之説 秀詩云: 論 「聖人雖 由 即 好古,仲 於此 輔 神 語 辛 推尊 而 或有間,魏晉説經之家,未 嗣  $\approx$ 冥於 也 楣 體道以 襍 當 亦 輔 神。 然輔 虞 以《老子》之説 澧案:此皆公允之論。 翔 時 耶? 云: 又 爲 嗣《易》行 仲 韓康伯 吴人,輔 如 重 用,未能全无以 無 若 嗣傳 翔。 此 之, 其 輔 在乎學者分別 類 妙。 《繋辭注》云:  $\pm$ 者 嗣 費氏 更數千載 謂 輔 則 之學矣。 無漢學。」百 殆 嗣 仲 是 嗣 可 《易 魏 談玄而 以 爲 翔 之《易》,何 仲 體。 語 道 人,吴古 傳  $\leq$ 翔 至 不 又云: 者何? 非 而 孟 觀 獨 能 何 講 言 廢 注 之 嘗 氏 年 宋 或 非 漢 經 極

孔沖遠等作正義,用王輔嗣注,近人詆

知死生之説。」以釋氏之説解之者必多矣。 之説 能 釋氏,可見江左諸 尚 沖 王 也。 廓 就 虚 遠 注 月. 玄 正 清之功 所之説,斯乃義涉於釋氏 并 據此 雜 義多 義 詆 以 序》云: Œ 也。 則 /浮誕。 儒風 釋 義 江 《論語》: 氏 左説《易》者,不但雜 氣 之説。 江 此 如 未 此。 若論住 南 「未知生,焉知死。」皇疏涉於 知 《繋辭傳 義 正義 沖遠皆掃 疏 内 + 之大 · ; 非 住 有 外之空,就 餘 原 爲 棄之,大 有 始反終, 家 教於孔 以老 皆 功 也 氏 故 辭

絆」,而後馬之理得乎 云: 無徒。』又《莊子》云:『馬翦剔羈絆,所 自化。』《老子》云:『水至清 莊 老》、《莊 子》, 「《列子》云: 孔 上繋》: 疏 尤 **×**, ≪ 能 非 列 掃 經 易簡 》之説 棄 意。 『不生而物 釋 而天下之理得 氏 如 此 之説 其 則無 其 説 自 病 必 生,不 魚,人 而 也 不 不 矣。」孔 翦 能 且 化 至 剔 所 屏 傷 察 而 羈 引 則 絶 多 疏 物

異 識。 《易》之爲道,豈偏滯於天人者哉?」此 于代。 既 三十餘家,刊輔嗣之野 聞 白,吉祥 注無逸象,乃鄭學之謹嚴,何必補之乎? 李氏於鄭所説爻辰皆不采,是其卓識。 於鄭、王皆有不滿之意也。 乎? 》皆謂李鼎祚宗鄭學,誤矣。 云刊 俾達 李 鼎 鄭 止 補 觀之士得意忘言」,此與輔 祚《集 則 止,坐忘遺照,微 嗣 多 之野文」,而 參 解序 天 象, 王 \*\frac{1}{2}. 文,補 又云: 又云「自然虚 《郡齋讀書志》、《困學紀 乃 全 王, 妙 康成之逸 玄通 鄭 集虞翻 釋 相 深深 沿 嗣 事 何 不 室 至 象。 荀 李 頗 以 氏 可 牛 且 鄭 爽 且. 行

二條,餘 條 自 如 作案語 ,餘皆采虞氏 艮 卦惟 集解》多采 皆采虞氏。 采鄭康 條,餘皆 虞氏 成 漸 采虞氏。 一條,李氏 卦 其 说,但 惟 專 采干寶一 重 以 兑 卦· 虞 諸 自 氏 家 作案 李氏 可 條,李氏 佐之耳 見 案語

也。 桂 虞氏之學也。 信 魚爲遯 從,然其所自 『信及豚魚』矣。 中,二,,爭,信也。 儿 中 》第十一引虞氏 也 降 此 · 孚 岑 李氏所以作《集 初 一澧案: 魚 豚 折 魚,吉」,李 坎 雖 爲説 孔 此 生 稱 條, 疏則 虞 虞氏 解 曲 豚, 則 餘則 謂二變應五,化坤 》與之角立 氏 惟 象之異見,乃失 初 以三至上體遯 純 異 繫 氏 未見 一解》上 陰 似 見,李氏 <u>궁</u> 虞氏 稱 升 也 引。 第七 「案,坎 四 了; 可 體 蓋 引 能 不 虞氏 見 不 化 喜 一,便 巽 爲 成邦,故 虞氏 李氏 311 邦 爲 條、《雜 豕 之 以 好 之學 訟 魚 中 本 豚 曲

蔓,難 馬 不 牛 生 乾・文言》注。 足,推 於 一生於 乾 ?  $\pm$ 義苟 可 輔 致 義 紀 嗣 五行。 應 矣。 案 也。 云 健,何 又云:「爻苟合順, 文 有斯 互. 責 體 夫《易》者, 挂 必 失其原,巧愈彌甚,縱復 義,然後明 不 有 乾乃爲 足,遂及卦 馬 無 馬 象 乾, ? 之 何 也。 則 變。 以 必 而 僞 或 坤 其 象 之 變 説 者 乃 物。 又 所 滋 定 爲

《説 聖人止曰:「隼者,禽也。 公是甚? 隼于 皆不言,何也?』南軒 義 在 《易象説》。 義 行、 坤。 何 而 然其不可通者,終不可通 反爲乾。 責 或 行 無 必苦心極力, 理之本原,下 無 卦」,若屯 值 影卦》而 納甲、飛伏之法,參 高 乾之六龍,則 在 所 待 而 取」,此言切 於 墉之上,獲之,无 義 是皆 又云:「王 不得 巧説者,爲若可 射是: 日 無 之 訪南軒, 所 則 有不 甚? 無 有 以求於 取 所資 遂 或疑於震; 馬 中 可 輔 相 而 曰:『《易》有象數,伊 略 隼 事 曉者。 嗣 此 於 互. 與 無 例 是 不 理。」又云 所 以 『《易》曰:「公用 創 ,而欲必得之哉! 乾, 人事之訓 弓矢 利。」 信, 甚 謂『縱或 唯其 求 爲 朱子云: ? 坤之牝 離 然上 是以漢儒 互. 者,器 如以 而 之有 高 體 一二之適 幸 墉 無 誡 林 復值 其偶 馬, 變卦、五 是甚 所 也 牛 艾 鍋 求 則 而 則 案 ? 則 射 軒 射 ]1[ 而 於 伙 V 無 文

利之有?』」《語類 之者,人 也。 君 子 卷一 藏 器 百三。 於 身 待 時 而 動 何 不

蹄,爲 乃爲 駁馬 爲 木爲 顙。 大 不然乎? 輿 輿,而坎於 科 也 木也? 坎 乾 曳。 F. 於 震於馬爲善鳴 爲馬,又爲 稿, 馬 巽 信 王 爲 輿 坤 爲木,而坎於木爲堅多心,離於 輔 乎,不可「案文責卦」也 艮 美脊, 爲 爲多告。 於 嗣 木 地,而兑於地爲 云: 良馬,爲老馬,爲 爲堅多節 爲亟 爲 然則 何必乾乃爲 馵足,爲作 心,爲下首, 何 必坤 然則 剛 鹵 1 足,爲 瘠馬, 馬 乃爲 何 ?! 豈 爲 坤爲 必 地 巽 薄 的 爲

況 Ш 卦」者,而 也 先儒皆以 之象。 喻之 。」王注云:「 涣 義 故言『 輔 此卦 彖傳》曰: 嗣 澧 亦不用,此則偏矯太過矣。 案: 坎 乘 乘 下巽上,以 木 木, 巽 有 『利涉大川 爲 即 功。 木,此不必「案 涉 難 王不 爲乘 也。」孔 一乘 用 木水上 象 疏 木 直 文 云 有 ·涉 責 取 功

固。」同上。

「聖人分明是見

有

這象,方就

1

面

知。」同 今看得 這象。 今不可 《語類》卷七十。 皆必有 云: 是象 意。 但 與吾《本義》之云者,其 考,則姑闕之,而直據辭中之象,以 可考耳。 而 如 今不 其 説『十年』、『三年』、『七日』、『八 「諸爻立象,必有所據 Ŀ (爲説 使足以爲訓 朱子云: 上。 考。 如 不 伊 可考。」同上。「『三百户』,必 所指,但 何 ]1] 到孔子方不説象。」《語類》卷七十五 ,必已具於大卜之官。 解 示 取 得  $\pm$ 又 「坎體中多説酒食,想須有此 「《易》 知 其 恁 輔 説 否、 今不可穿鑿,姑闕 義 嗣 戒 假 地 説 『得意忘象』,是要忘 愐 泰只管説 之取 全無那 象」,是只要假借此 決吉 今曉 亦 象, 可 非是白 他 N<sub>o</sub> 矣。」《易象説 象? 固 不 「包」字 得 如 必 顧 上撰,但 只 須  $\pm$ 有 只是不 之可 月』等 求 今 氏、 有 如 所 得 不 何 此 自 中 也。 <u>|</u>今不 説 程 可 - ';須 處 來 口 堅 又 復

説 出 來。 口 説 今只是 他 無 此 曉 象。」同 他 底 不 Ļ ·得, 「《易》畢 未 説 得 竟 也 是 未 有 要

九三、《未濟》卻 象,只是今難 六五、《益 履》卦、《歸 ,此可見。」卷六十六。 一 妹》卦,皆 推 在 六二。 在 九 如《既濟》『高宗伐鬼方』在 四。 ○案「艮」,當作 有『跛 不 《損》『十朋之龜』 知其 能 象 履』,皆 如 兑。 何。 是 又 艮 在 如

以『同 也 之中,無語不求其象。 兑,『水流濕, 若文王、周 『乾爲龍』,『風從虎』則 則 荀爽、 而 聲 日 解 夫子 荀 굸 知 相 、虞之徒、又於傳中 録 虞翻之徒,穿鑿附 公是已。 作傳 應 陽 火就燥』 在下」,「牝 爲震、巽,『同 所 以 聖人設卦 夫子作傳,傳 爲 解經之取 而《易》之大指荒矣。」 坎、 曰『坤爲虎』。 馬 離,『雲從 生象,誠 觀 則 氣 會,象外生 象 象 解 相 也。 求 而繫之辭, 爲 中 有 更 地 龍 爲 如 如亭 十翼 無 三則 象, 類 艮、 潛 别

> 林 所 譏者矣。

《象》 以「羣 之弧; 子所作, 象,又可 之。 魚」。 反常 字。」象曰:「六二之難,乘剛 朵頤. 之牿,元吉」、《象》曰「六四,元 也,而 遇雨之吉,羣疑亡也。」「見豕負 豶豕之牙,吉」、《象》曰「六五之吉, 馬 「見豕負 班 也。」「屯 白『以宫人寵』,終无尤也」,而不 《象傳》有 含爾 匪寇 疑」二字包括之。 如,匪 亦不 不釋「童牛」、「豶豕 則無 以 , 婚 一二字包括數 足貴 靈 塗, 如 寇,婚媾。 敢 龜 不 媾 邅 議 載 也, 釋象者。 如 觀 者 鬼 往 我朵頤 耳。 四 而 遇 車。 句, 女子貞不字,十年乃 不釋 夫《象傳 雨 句之象。 「貫魚 如 則吉」,《 但 」,《象》曰 輔 也。 先張之弧 靈 以 「屯如 嗣 吉,有喜 塗 以宫· 龜 注 十年乃字, 難」字包括 惟 而 五句, 象 如 『觀 其爲 可 人寵 -釋「貫 此 邅 **\*** 不 日 後説 也 童 · 近 如 釋 们 4 我

乘

孔 且 後 人必 可 孔子所不釋,後儒又何必知之哉? 以爲 矣。 「聖人既无其意,若欲强釋,理必不通。」 空談 然孔 矣, 子 所 必 不 每 釋 物 後 求 儒 何 卦 由 以 《繋辭》上 知 實 之? 之而

各爲 既 願 可 盈 解,故不言之。凡説,不解者耳。」 爻辭,無所 利」、《象》曰:『大有上吉,自天祐也。』夫爻辭 四『損其疾,使遄有喜』,《象》曰:『損其疾,亦 吉』、《象》曰:『復自道,其義吉也。』《損》之六 它,吉也。』《小畜》之初九『復自道,何 問》云:「《比》之初六『有孚比之,无咎。 與諸君論之。」禮謂 已言之,而孔子無所損 缶,終來有它,吉」、《象》曰:『比之初六,有 也。』《大有》之上九『自天祐之,吉,無 象傳》有尤簡 篇有韻之文,六爻不可 損 益 者 ,猶《鄭志》所 略者。 孔子作《象 益。 蘇 缺 於其辭之義, 東坡《私 云: 0 傳》,每 文義 其 ,其咎, 有孚 但 試 赴 自 述 策 不

子母牛。 澧謂: 決躁。 塗。 云: 形之類,如乾爲圜 類,如乾爲玉,爲 如巽於人爲寡髮,爲廣顙。 動物之類,如乾爲良馬,爲老馬,爲 之類,如乾爲天,震爲雷。 百一十三。 知 占卜之雜象,如今卦 象之瑣細! 之於經,亦不盡 人爲廣顙白眼,坎之於馬爲美脊薄 爲 人之類 「此章廣 某 乾爲天、 人病之類, 東發之説,蓋得之矣。 卦。」 澧案:此當云「占得 植物 一黄東發《日 ,如乾爲君 爲數 之類 金。 八卦之象,其間 爲 合。」權載之《明 ,巽爲繩直。 圜、 雖不多,然其 器 如坎於人爲加憂,爲 如如 物 爲父; 爲 乾爲木 影 鈔 || 云: 人情之類 之類 地之類,如坤爲地、震爲大 君 然。 坤 云云, 蹄。 物 果, 如坤 某卦 爲 占得 多不可曉者。 色之類,如乾爲 經策問》云:「巽之於 此章之象,凡一 震 瘠 母。 誠 愚 類 ,如坤爲吝嗇,震爲 馬 者 爲 曲 朱子《 爲 ② 甚備。 恐此 旉。 成 爲 即 心病,爲 某象者,即 布 以彌綸,何 駮 知爲某象」。 身之類 珍 是古者 本 寶 耳 有天 坤 痛 物 求 大 爲 取

方治其學,隨在 先 其 璞之流,蓋得其 知 「子視其上字。」字云: 費孝先者,游 自古相傳 作,故求之於經多無 (異,乃 名聞天下,王公大人皆以 來 之用 留師事之。 青城 有 而 所 此 有。 Ш 謂 老人授以 術。 傳者 此 訪 聊復記之,使後世知卦 推之,必 遂 老人村, 牀某年某月爲孝先所 後 也。 金 之,且未 知 世 錢求 **軌甲、卦影之術。** 來 壞 蘇東坡《雜記》云:「成 如 物 其 其 東 卦 必 影。 方 竹 孔 朔、管 非 牀。 今死 影所自。 子 爲 壞。」孝 老人笑 後五 所 矣。 解 輅 作 年,孝 經 先知 都 然 日 郭 乃 四 而 有 猶 嗣 楚

赤,震爲玄黄

以

類

更多

也。

此

爲

占

事

也。 明 者 啟 索 而 四 不 ,故忘象之説興。 其 自王 乾 知《易》之 + 祕。」又云: 黄 馬 楚 餘 望《 坤 氏 年。 牛 以 易學 所 寓 來,凡學者皆 及 繫 「學《易》 其 象 濫 尚 未 悟 觴》云: 忘象非 小。 有《 也, 序卦》之大 當 則 又 「象學 疑 明 如 乾 王 於乾 象 天 氏 馬 ,但象 開 亦 得已之言 坤 馬 其 易 牛 而 坤 思, 明 尚 要 不 牛, 可 切 口 神 探

斯人也。 焉。」 牛, 吉」, 知, 之説,而去其 流於煩瑣 誠哉是言 後其 牛, 望 不 不 惟離 澧 小, 得已而 能 又 尤 此 ,或 其 案: 可 不 强 已 爲牛 H. 用 (煩瑣、 也。 涉支離誕漫。」澧 强 通 可 不 知其難之蓋 力勞 説《易》 遂以遂以 忘象者, 曉。 通 口 、支離、 楚望云: 則 乎 曉 且. 最 哉 若 爲 誕漫者。 久 而 難 而 ? 益 何以 白 小 知。 以 謂: 而 以 離 漢諸 學《易》者,先 而 有 明 ^ 若言象,則 異乎? **>** 若真欲明之,則恐 牝 **定** 在 所在,而 象 説 儒至虞 卦 所 自 牛 桂 辭 傳 後,則 任 翻 日 **\*** 惟 象不 子 者, 是欲明 日 坤 不 有 畜 『純 · 專 爲 與 其 仍 母 莫 可 牝 終 從 在 王 4 大 子 如 離 象,遂 古 漢儒 明 輔 黄 彼 爲 而 母:

教,教 者,謂 坤 次次 黄楚望又云:「夫所謂《序卦》之象最 以 乾坤 則 屯、蒙、需 必 定位 養, 不 而 得 物 訟者,爲 其 始 生,物 養 則 此 争。 生 也 必 蒙,蒙則 易》 Ŀ 經 首 是 開 當 大

明 之象 食未 食宴 뭙 抵 理 以 大 亦 有 天 樂』,水 之象。」又云: 來 何 而 不 地 經 以 出於水泉者。 開 制 切 異 闢 在天 之象,下 然 乎? 以 所 來,水生物之功 上,卻 説 一伊 即 ·經是 則 』 澧案: 如《 JII 不 先 與 需 人 生 過 飲 萌 道 如 食 卦之『君 理 之首 黄氏 此,與 一,黄氏書中 宴 爲 樂 謂《序卦》 大 正 伊 何 子 家 川之 凡 蝎 以 以 語 也。 飲 ? 飲 及

見聖人之情 爵辛 嘗 以 尚 闕 題  $\overline{Z}$ 几 非 象、尚占皆各 乎 備 譏 然則 去 ?:」《周易鄭康 聖人之道  $\mp$ 理 繫 其「去三 三存 輔 義 辭 尚 嗣 之學,以 傳 矣。 辭 之注 者 乎 存 乎 以 明 成注 蓋 雖 ? 尚 ? 辭、 一,於道 所謂 其 不 序 傳 義。 尚 辭 能 辭 變、 者 變、 云 備 思 耳 澧謂 象、 也。 儒者之書,豈 闕 過半者矣。 聖 尚象、尚 矣」。 變、 人之道, 聖人之情 占 ^ 尚 爲 直 象、占, 辭 聖 王 齋 占, 與 伯 人 古 書 如 尚 能 之道 其 見 亦 厚 《文言 可 録 變、 責 以 乎 何 可 亦 解

> 傳 影説 乾坤 十二爻,《 繫 辭 傳 説 + 九 爻。 此 孔 子 所 説 亦 尚

辭

也

今無其 於 變,今具存 由 辭以 辭 一伊 以 程 明理 法。 伊 得 ĬΙΙ 川《易傳 奮 其 乎 党非 以 意,則 自 挂 制器者,今無 千餘載之後、《易》之以 之爻。 時之宜 序》云: 在 一乎人 遂 而 於 焉 易之要也哉 子 其 四 事。 所 者之中 黄 傳 氏 以 者 動 1 日 辭 專 者 者 鈔 也 È 尚

矣。 卷七十 語 辭 》舉『不恒 。』以言」, 曾子曰「君子思不 Ħ. 朱子語 澧 謂 其 是 類 (德,或 \*\frac{\infty}{\text{Z}} 此 取 其 可 承之羞』 言 見 出 問問 以 孔子之説 其位 明 以以 否 理 ? 亦尚 斷 言者,尚 易 事 日 辭 如 也 尚 是 論 其

就其 之云: 輔 嗣 ^ 格 之注 木 言録 程傳 學 學者 紀 中 之。 聞 所 不 取 録 澧 可 輔  $\mp$ 謂 忽 嗣 輔 : 之義 也 嗣 厚 注 齋 甚 卷 所 多 + 録 厚 何 非 齋 義 條 但 則 門 云 尚 旧 評

然,舍經而自作文。」《語類》卷六十七。 无咎。震以恐,致 卦之上,故免龍戰之災。」厚齋所云「乾以惕, 書,不似經注矣。 然所録如《大有》六五注云:「不私於物,物 云:「安身莫若不競,脩己莫若自保。 處下卦之上,故免亢 溢目」者 . 疑 漢儒 ]則辱 學有心得。 并 ,則正合子 厚齋摹 於 尚 也。 物,物 解 來。」造語 輔 又如《乾》九三注云:「 福」,頗似摹擬 經,依經 孫 嗣 擬 盛語見《三國 亦 之 輔 書之體 龍之悔。 然失漢儒 誠 辭 嗣 雖精,然似自 焉。」《 非 矣。 演 耳 繹。 以 志・ 此 坤三以 注 頤 注 輔 晉 孫 輔 鍾 經,但 經之體, 嗣 會 人 初 盛 嗣 守 語 傳 則 乾三 處下 作子 道 所 九 所 也。 人 爲 不 注。 亦 則 注 謂 仲翔世傳 爲 氣 書 易 以於此獨不從虞氏乎? 孟氏《易》不作 紂諸父。 「荄滋」二字之誤也。 孟喜,喜爲名之」。 術數,然自是古學,學者所 其子」, 無 「其子」而讀 述》淵博古雅 箕子。 而讀 孟 氏《易》而 箕子者,萬 爲 ¨, 其

以

福至,求禄

不

麗

辭

易》之

辭,

撰《易漢學》有存古之功。 惠定字《易》學 傾 動 世。 孟氏、京氏 平 心而 雖人於 論 所 所 於自

著之書

乃其病

也

格言,是其

朱子云

:

惠氏自己 之。」又云:「施讎讀其爲箕,趙賓以爲『其子』 改經文爲「荄滋」,猶爲 經》本是「箕子」二字矣。 虞仲翔云:「箕子 儒林傳》云:趙賓「以爲箕子 爲 疏 五乾天位,今化爲 云: 「荄滋」矣。 爲「亥子」,則大謬也。 「亥子」,則 蜀 此趙賓 才從古文作『其子』,今從 改《明夷》六五 不從「荄滋」之説, 然 物 有所依 然使 則 方荄 惠氏最尊虞氏 當 謂 趙 并 坤、箕子之象。 知 惠氏竟從趙 賓所見之《易 非 箕子」二字爲 滋 也。 據。 從 明夷,陰 也。」云「受 之「箕子 趙 所 乃改爲 賓矣。 撰 可 《漢 《周 賓 見 陽 何

乎? 之語 位 録乎? 賀之單 梁 二「鳴鶴在陰,其子和之」,何不改爲「荄滋和之」乎? 六「得妾以其子」,趙賓何不改爲「得妾以荄滋」? 若趙賓云「陰陽氣無其子。其子者,萬物方荄滋」, 賓以爲其子者,萬物方荄滋」,又見於何 謂 惠氏 非 古 改師 者,萬物 示乖 F 二以 實 施 不 尊信 賀 通《易 讎 録 法 惠氏 於《易》例 爲箕子者,萬 詞,皆 然陰陽 譖 讀「其」爲「箕」,此語見於何書? 趙 不 方荄滋也。」又云:●「漢宣帝以喜爲 澧案: 孟 孟氏,何以不從今文而從古文乎? 謂 賓 》, 其 用 喜, 謂 非 爲 氣 尤臆 ,逆孰大焉?」此欲以 實 作 博 Ŧī. 何 孟 陰 録 喜傳, 士,中 爲 以 物方荄滋 陽 氏《易》乃今文,非古文。 惠 度之 天位 有帝 氣無箕子」, 用 梁 氏 語 ζ? ? , 箕子臣 丘 用 讎 」,惠氏 何 謂 賀之譖 、賀之單 何 人 班 也, 以 乃其 之 古 則 命中 詞 ,則《鼎 大言杜 有 而 也。 用 云 詞 書? 高 巧 - 孚》九 當 爲 讎、 。 皆 宗 慧 實 謂 刻 趙 君 趙 班 見,豈

乾。 《坤》六五 此則改經并改史,而自伸其 五必爲王者」之説甚詳。 人之口 君 能 位 耳。 掩盡天下 可 黄 降乎? 如 裳 此 元 之目 吉」, 説, 文多不録。 顧亭 哉 何 林《與友人論 惠 以 氏 説。 處 惠 注 虞 氏好改 云 卒之乖 氏 〈易〉書 「降二承 乎? 經字, 》駁「凡 舛疊 且

虞注, 鼎祚《 然遺文 《易》之書,自王 遂歇 見。 孟喜自言 集解 滅矣。」《易義别 藉 張皋文云:「 集解》 大 非 所存,皆零文 其 虞 師 義 ·, 而 氏 Ш 得 例 生,且 見 輔 稍 則 而 孟氏爲《易》宗 增 嗣注 録 商 斑 補 損 瞿 碎字,其大義絕不 死 完之,以 之。 澧案: 之外皆散 所 時,枕喜厀 惠定字《 受夫 至 張 存 子之微言 兩 皋 無 改佚,賴 周 漢 獨 疑 文乃獨 家之學。 2、三國 易 述》 傳 有 可 取 以 李 説 其 得 稱

<sup>□ 「</sup>云」,原作「去」,據海栗廬本改。

聖人而後已,則太過矣。 之微言,因虞氏 傳之語 此 《易》而 翼,安有歇 叮 謂 推 好 又 尊 古矣。 推 孟氏,且信 滅之理乎? 而 而 上 乃 不 之,遂以 因 歇 孟氏 虞氏 滅。 且 爲商 夫子之微言著在 所 層絫 自言 言 瞿  $\mathbf{H}$ 遞 世 所受 牛 高,至於 傳 枕 夫 孟 厀 子 獨 氏

也。 子 陽 能 兑之義主乎説,以 往 具 尊 而 天 矣。 大有 説 所 健 位 無 極 君,而六三一 於 謂 覬覦之心。 其 錢 若是者,雖 兀 尊 辛楣《履 上,陰説乎下,有將 而夬履之厲,聖人惕然戒之,何哉? 爲之資,無自暇逸之志 子 陽 澤較 輔之。 無 樂 桂 地 此守 乎 一 陰 獨 正 説》云 剛 而 一亦危。 爲 陰加 逾卑。 中正 ,成極 君 專之。 : 二陽之上,二陽不 唯 履 況未必皆 順 盛之象也。 履 上下各安其位, 其 而 帝位 上下相説 象 ,宜乎利 言 無 上 而 王 而 天 莫 正 救。 不 下 五居 子 乎 疚」, 有 澤。 説 ? 違 孔 攸

> 經者,勿徒鶩於古奧也。 自爲説則如此。 氏《養新録》於爻辰兩象易之類 故於《彖》有『不咥人』之戒,而於六三著『咥 乘之寇。 力少任重,窮大失居,非干 柄 且. 人之凶』。」 澧謂:錢氏 不 下亦忘其 解,上不知 不特自詒 眇 其眇 乃知《易》義 Ħ. 伊慼 一跛 且跛 也 可謂善言《易》矣。 抑 而 也,而 · 覆 矜其 且 切於人事 餗 詳 禍 之 委以 刑 考之,而其 及 視履之能 國家 即即 視 治 履之 致負 錢 此

謂 仰 聖人教人寡過之旨。 窺之?」《答趙寅永書》。 『過此以往,未之或知』,後之學者,焉 翁覃谿云:「今日讀《易》,惟應翫 至於 澧案: 窮 神 ⊋覃谿 知 化 不以 聖 辭 得 人 以 經 尚 而 求

0

0

光緒八年本、海栗廬本補。「惠定宇易學」至「古奥也」三段文字,原無,據北大本、

<sup>「</sup>澧案」,原無,據北大本、光緒八年本、海粟廬本補。

謂:"此蓋忘「窮神知化」上文有「未之或知」四字也。 理之極,過此則不可知。 學名,而此説則可爲説《易》者箴砭。 見《三國志・鍾會傳》注。 非天下之至精,其孰能與於此? 必馳心於虚眇也。孫盛云: 知化,惟德之盛者能之。 致用也。 過此以往」一 利用安身,以崇德也」,此四句乃人 句,限 斷甚明。「精義入神,以 此孔疏語。至於窮神 世之注解,殆皆妄也。」遭 「《易》之爲書、窮神知化、 學者不得仰窺,不 聖人説 孫盛 語

東塾讀書記卷四終

## 東塾讀書記卷五

番禺陳澧

撰

《尚書》今文、古文,近儒考之詳矣。

惟

尚

終,與 典》? 皆稱『帝曰』,明是《舜典》原文,豈得指爲《堯 謂 即今《舜典》『月正 後、皆是堯 亡,則尚 今之《舜典》亦爲《堯典》,而别有《舜典》已 堯 其末『 舜 可 何 本紀》『即位後,咨岳牧,命九官』, 疑 崩 涉? 也。 後 陟 之事。 方乃死』,更是總結 趙雲松云: 『月正元 而 元 可 日』以後之事。 謂 且前 之《 此 堯 不稱 典 **>** 乎? 帝 舜之始 遷既從 月』之 此 又 後 云: 前。

磐學古文《尚書》,臨 皆亡,惟《堯典》存。』劉熙時,真《舜典》已出 名》云:《三墳》、《五 巡。 熙非《尚書》儒,或未之見,故云 帝』至『格于藝祖』, 晉武帝初,幽州 典》本 又云:「《王莽傳》兩引『十有二州』,皆 王西 典》一篇也。」《陔餘叢考》卷一。 孔 在《堯典》。 此但云「不可 「《儀禮》注引『扑作教刑』,《公羊》注 莊云: 若如今本,磐安得 章帝時,陳 或 卽 光武時,張純 問 此『月正 故 「堯殂落 古史義 而 秀才 寵言『唐 作 元 知」,不能解 奏宜 例 日以 1,舜即 舜 終 典》、《八索》、《九丘》,今 亦 張髦上疏引『肆 不可 本 寫《堯 專 曰《堯典》。 堯 遵 後 寫《堯 紀 真後,直至 著 唐 知。」《尚書 此 數節 堯 典,告災肆 典》 趙氏 可 所 之典,二 爾。 典》乎?」又 非 駁 知 篇, 劉 古 所 最 陟 别 後案》卷二 後 類 熙《 駁 方,皆 精 文 云 有《 置 于上 一月東 漢 赦 也 棺 堯 釋 周 舜

澧 案 : 典》也 典》漢 赦」,「 蓋馬、 寫《 爲《 ○ 澧案: 元日」之前,而未有引「月正 歲二 堯 堯典》者,亦不 時 肆 典》,劉熙言惟《 鄭 月 ,仍不能解 7 王氏所引諸 在《堯典》之内,而不足以 類于上帝」,「扑作教刑」,皆在 本猶存,有識者 東 巡」,賈公彦、徐彦 有 二州」,二二月 書,閻百詩《尚書古文疏證》多已引之。 趙氏 能 解趙 所駁也 堯 猶 典》存,此 氏 知 所 東巡」,「眚 元日」以後之文 援 皆 駁 據 云《堯 也 也。」並 證 可 别 證 周 典》文。 有《舜 今《舜 「月正 災 磐 同上。 肆 專

字之誤。」及逸《 文《舜典》矣。余嘗妄意『舜往于田』,『祇載 事,皆《堯 女。』趙 舜 典》之叙,亡失其文。 孟子時、《尚 閻 岐 白 注 典》段懋堂《古文尚 詩 云: 日 書》所 『《堯典》「釐降二女」,不見九 「《孟 書》凡百二十篇。逸《書》有 載。』則 子》: 『帝使其子 書撰 念孟 可 異 》云: 證其 子》諸 (未嘗) 此 所 九男二 堯字乃 言 見 古 舜 舜

《舜 詁代 子》趙 庭、王 謂 可。 孫三家采《史記》爲《太誓》經文,亦未盡確。 典》,完廩浚井之事則是《舜典》,豈 古文疏證 段,文辭古崛,不類《孟子》本文。《史記 見 「月正元日」至「陟方乃死」 然謂「舜往于田」等語 本紀》亦載其事,其爲《舜典》之文無疑。」《尚 知 舜 非《舜典》之文乎? 瞽瞍』與『不 正字,經文未必 「父母 典》之文,尤不 西 往于田」之類 莊、孫淵如采輯《太誓》逸文之有實據也。 注 卷二。 數 使舜完廩」一 語 澧案: 似 及 爲《舜 如 ()貢,以 可 此 也 典》逸文,乃臆 據,故閻 可 謂《舜典》亡失者,惟《 爲《舜: 也。 又『父母使舜完廩』一 政 段,語 接于有 命官 非《舜 典》逸 氏 度之語 從 皆 庫』等 大 《史記 丽 瑣 文猶 典 》, 口 事 屑 衍 非 且 通 》多以 非 其 語 江、王、 如 謂 則 乎 ^ 謂 説。 江. 孟 ? 舜 不 安 爲 訓 艮

《書》,通謂之《帝典》而已。虞夏之書,不若陳亦韓云:「本無別出《舜典》,《大學》引

咫》。 豈 坊《古書世學》、 也。」《書序 王之誥 後 康王之誥》爲 世 可云《康王之誥》亦亡 典》、《舜 劉 一史家 》,伏生本合爲 申 述 受 立 王 聞 典》,異序同篇,猶之《顧命》、《 有 云 心 定 比 敬 澧 體 「《大學》引作《帝 尚書質 尤通。 一帝 案 : 篇,則亦一篇 疑》,皆謂二 失乎? 陳 必 若云《舜 説 釐 通 爲 **回** 矣。 典 兩 合爲《帝 典》亡 典 庫 紀 總 》者, 劉 也。」《經 而 目 説 兩 典》。 載 失 序 康 以 蓋 豐

麓」仍·

在堯時,又不能

無疑

也

伐 嗣  $\vec{z}$ 云 : 舜 位 木。」同上 典序》云: 「舜之美 ,歷試諸 讀《書序》及鄭注,又有可疑。 將遜 于位 澧案 事 難,作《舜 \*,在于 虞舜 讓 于 側 如 虞舜,作《 堯時。」《虞 鄭注之説 微, 典》。」鄭 堯 聞 之 堯 注 書 ,則「遏密 聰 典 云: 題 《堯典序》 明 下 人 扎 鄭 將 疏 引 麓 使 注

> 音 以 矣。 于大麓,然則「慎 風 典序》言 雷 且. 闹 前 弗迷」 鄭 事 既 歷試 在 以 堯 數事。 諸 事 時 微徽 難 在 其 堯 Ŧi. 且鄭云「人 似 時 爲《 典」以下,似是《舜 指 者爲《堯典》,而 堯 慎 典 徽 無 麓 Ŧi. 疑 典 明是 至 惟 典》 烈 納 舜

書目録序》。 其深微之意而傳之,蓋亦聖人之徒也。」《南 下之當安者」,非 之德,僞孔傳但以「欽明文思」爲四德,以「安安」爲「安天 南豐云: 欽明 爲二 豈《荀子》所引《道經》之比 文思安安,允恭克讓」,此 也。 典者,所 非當 時 記 史臣,不能言之。 豊獨 其 迹也 哉 述 并 帝 與 曾 堯

氏書

云自

謂

根

據《大學》,

不

知無以處《孟子》」,亦未嘗云

提要

別《日

知録

》駁豐

氏書,而

不駁其《帝典》之説

駁王

大學

》不可根據也

績 詳述之。 所行之政, 簡 ,歸於此 克明後德」以下三十字,記帝堯數十 H 事。 以 括 釐百工,釐,治 蓋 極矣。 自黄 帝 至「命義 迎 也。 日 推 工,官 和 策,至 也。 事 是 熙 而 庶 則 年

之土,藹 日 文達公《割圜密率捷法序》云: 可以授時釐工矣。 T. 紛亂矣。 至 曆算之法始 ,非以矜奇鬭巧 「此即 朝廷,下至小 藹 周 所 故以 行, 謂 備 是所望也。」此提倡中土曆算之學,其 也。 釐 明代此學衰敝,西 治 吏,凡 百 故 曆 兩漢三統、 Ï. 詳 爲要務也。 也。 述之。 行 「中土之書,明明 四 若 政 分諸 洋 無 且 事,必標記 人乃以此 法雖 治曆 曆 自古及今, 日 疏 專爲授 ·; 則 闊 布列,步 自衒。 當 事 年 時 時 皆 月 上 妧 意 天 古 釐

之典 廉,合於古帝王之道。 》之「揚側 最 明 古 明 者 揚 陋以 也 側 陋 孝、《周禮》之弊羣吏尚 此漢制之獨高於千古者也 後 一, 而 世 之舉孝 虞舜 以 廉,肇 孝 聞。 廉 於此 漢之舉孝 此選 矣。 舉

千古之定法也

譜,可以八音之器奏之,此以詩入樂之法,亦

塞,彊 恭 法 無 虐, 也。 舜 簡 而義。」比舜之命夔又加詳焉。 而 皋陶 命夔、「教 加 敬 · 擾 無 言 傲」。 九 而 德: 胄子,直 毅, 此古之大學所以 「寬 直 而 而栗,柔 而 温 温,寬而栗, 簡 而 而 廉 「寬而栗」, 立, 教 人 剛 愿 剛 之 而 而 而

直 者。 則 以歌之也。 「歌永言」者,讀《詩》與讀《書》不同,必長言 宫,某字爲商,又定某聲用 夫寬,薄夫敦。」「廉」、「立」、「寬」三字,皆 皋、夔所講 聞伯夷之風者,頑夫廉,懦夫有立志。 有抑揚高下。 而 温 孔子教 教胄子以「《詩》言志」,此學問之最 及一剛 尤 聲者,宫 小子學《詩》,即大舜之教 後 簡 依其 世 二二字 一學者 商 抑 ,與 角 揚 所 舜 某律 徴 高 當 命 羽 下 講 夔 聞 在 同。 ·, 記 ,則成樂章之 也。 柳下 也 九德之内 惠之風 其某字 此 《孟子 既 舜、 歌之, 也 古

譜》云:「國朝言地理者,於古爲盛 表 學者,當 川爲界,後又有導 Ш 川, 《禹貢》九州,自冀之外,八州皆 奉以 Œ 是 爲 此 法。 法。 山、導水諸 漢 段 書 懋 堂 • 地 條 爲 理 戴 志 爲 有 東 先 地 顧 原 理 舉 景 年 推 之 Ш

主 主 以 潛 范 Ш 即 之 明 郡 錢 顧 而 東 Ш 蓋 或 求 曉 寧 勢矣。 爲主 西 其 徵 人、 南 水之間 郡 北 而 胡 縣 而 爲 Ш 先 朏 求 水 生 某 澧 明 其 即 條 或 乃 謂 Ш 知 理 閻 皆 某 Ш 爲 既 百 山 郡 出 明 Ш 詩 水 乎 先 然 則 脊 生 其 若 黄 者, 上 後考某水 則 網 明 子 又 以 在 乎. 鴻 蓋 以 Ш 綱 水 趙 從  $\prod$ 矣。 水 道 某 爲 來 東 爲

導 雲 三危 境 海 烏 有 而 東 黑 南 也 蘇 誤 後 惟 當 水  $\Box$ 蒙古謂黑 瞭 説 流 以 而 至 怒 在 如 禹 至喀木。 爲 禹 説 于三危 江 其 指 貢》 貢 今之怒 黑 亦亦 掌。 地 **>** 日 水 者 雍 哈喇 E 尤 潞 州 自 前 者 蓋《 江 至 江 謂 此 大 乎 經 者 或 在 水 屈 禹 誤 此 文 又 爲 日 朝 雍 云 貢 南 南 烏 是。 則 康 州 昔 流 **>** 蘇 出 雍 雖 熙 境。  $\equiv$ 雲 爲 人 梁二 其 乾 胡 出 梁 南 黑 危 Ŀ. 雍 朏 西 徼 州 隆 州 既 水 源 明 藏 州 外, 西 西 地 宅 之 Ź 喀  $\Box$ 之界, 境 界, 啚 \_\_ 説 説 薩 哈 其 出 則 南 至 北 喇 不 亦 地

> 水。 愐 貢》 源 亦 调 境 甚 廣。 止 内 Ш 鄭 在 豈. 梁 惟 也 即 注 也 河 州 有 哈 益 謂 地 州 源 喇 矣 雍 理 郡 由 烏 之東 「今中 乎 州 志 蘇 滇 未 ? 胡 不 在 池 越 得 河 下 傷郡 或 近 氏 不 彼 見 源  $\vec{z}$ 無 謂 南 之西 能 青 黑 康 其 雍 海 水。』《 蛉 有 越 熙 所 爲 之耳 僕 黑 河 梁 以 則 水 雍 水 漢 乾 而 也 致 州 祠 黑 其 書 隆 之水 與 誤 水 人 怒 蓋 地 梁 地 江 者 爲 于 則 漢 啚 理 州 又 地 南 河 志 誤 在 故 黑 至 源 海 其 今 亦 以 然 水 也 亦 西 者 瀾 不 在 怒 接 非 志 滄 雍 危 爲 江. 必 禹 漢 州 江 黑

精 江 今 南 而 而 東 確 蘇 無 説 也 州 南 南 漢 人 沅 府 江 而 江 海 書 文達 吴 以 爲 今吴江 縣 班 最 地 公辯《 此 ~ 志 理 口 吴 ^ 志》 》會 禹 以 縣 縣 初學 貢》三江 補 有 南 以 稽 之水 經 功 郡 南 記 矣。 於《 吴下 之 引 東 運 禹 有 漢 鄭 流 云 河 貢 之 北 注 人 爲 旲 南 一之誤, 海 者 江 南 縣 者 多 江 中 江 矣, 説 最 婁 即 在 江

時

中

或

地

但

於滇

池

爲

祠

望

祀

之瀆 之分江 則 人海 水首受江,東流入太湖,此 郡石城下云: 水 見 云:「南江在 東地北,會于匯」,鄭 非南 浙 南 今已湮變。 此南江之委也。 江 江之委也。 水無疑矣。 通 啚 考》。 錢 南,東人海。」則南 「分江水首受江,東至餘姚 塘 詳見禮所著《漢書地理志水道 則 江 班《志》之意蓋如 文達之説 與 注 人 自 班《 \<u>\{\text{Z}\}</u> 太湖 海 南 不 江也。 「東地者爲 志》 得鄭 分出 江非 得 猶 爲運 注之意 此。 至餘姚 自太湖 未合 굸 河, 分江水 南江。」 人海。」會稽郡 入海 也。 東 也。 南 流 通錢 出爲婁江,東 人 圖説 此 班 也。 東 念志 流 指 海 運 塘 蓋分江 入太湖 班 河 江 吴下 》丹陽 也 志》 者 之

原。 案: 云 : 之説《禹貢》未必 孟 可 傅 堅之時。 泥 易 岷 「《禹 衡 也。 説《禹貢》必 Ш Ш Ш 之陽,至于 傅 貢 班 在江之南 シ九 易 今人説 孟 堅 ]1] 江 據《漢 在 距 盡 在 班《志》不能 南,古文以 大禹之時,遠於 自 )衡山 確矣。 南。 書 衡 豫章 山過 過九江 如 地 廬 爲 郡 理 九江,則 盡 江 傅 志 歷 至, 確 郡 今 淺 陵 于 原 尋 則 H 然 下 至江 敷 陽 班 距 亦 云 淺 漕 下 氏 班 未

> 陽,本 説,姑 乎 ? 先過湘水,乃能過尋陽九江,此 北 矣。 漢豫 存其 可 敷 疑,不獨 章郡 淺 説 原 地 圃 皆 當 已乎? 敷淺 在江 在 之南 江 原 北 亦可疑 且《禹 也。 或 安 衡 班 能 貢》 Ш 氏 在 在 湘 九 不 豫 水之 江 信 章 在 古 郡 西 尋 文 境

帝。 徒爲臆度,徒爲 背有三十八字,或以 龜 聞 怪, 奇古奥博,千年以來,奉爲祕寶,以 錫不錫,乃在 在 文,則尤當存 而 箕子告武王,述其 昔」者,箕子 洪範九疇,天帝 載 在《 尚 昔傳聞 書》。 辯論 而 Ŀ 不 距 反 而 論 不 之語 爲惟 鯀 른 錫鯀 所 復 與 聞 讀 也。 禹千 有二十字,見孔 孰從 劉 Ź, 如 而 輩 此 錫 《洪 乃 年矣,天帝之 耐 乃 禹。 耳 解 見之乎 範》之文, 或 爲 所 出自天 以 至 此 謂 爲 以 事 龜 爲 我 奇

爲六,又以「五福」、「六極」分配之。 Ŧi. 行傳》以 洪範 以 Ŧī. 庶徴 事分配 五行,又以 爲 三 五. 事 之 皇 應 極 漢 與 伏 書 Ŧi. 4 事

矣,能 必以 始後 學 待儒者講《洪範》、 也 F 出 儒 已 舒 陽  $\pm$ i. !!!氈 文以 於《春秋 乖 錯 術 行 中 術數 則 無敗乎? 數之學,其 矣。 志》云:「董 劉 氈 國 治 産於胡 爲 推 向 至 相 經 求 絈 言《 向 治 尚 者 頭 而 春 用 子 觀此 而 及絡 知 Ŧi. 講 存 穀 胡 秋 天下以爲 者。 **歆治《左氏傳** 《春秋》,推求五 牀、 》無陰陽 而 源 行 帶 梁 ,則五胡之亂 仲 雖 貊 傳》又頗 如《宋書 不 衿 春 舒治《公羊春秋》,始 盤,及爲羌 出 論 П 約頭 五行 秋》,傅 於《洪範》,出 可 百 之語 矣。 、帶身、衿口 姓 ,晉之百姓早 Ŧi. 不 行 E 》,其《春 煮、 同 以《洪 而後 行志》云: 世事吉凶 然既 貊炙。 '。」 澧謂 中 知之乎? 或 於《洪 範 胡既三 爲 知之矣。 必 晉 太康 秋 先見 爲 術 》意 胡 武 範》,不 中,天 數之 此 與 推 , 有 制 帝 所 漢 仲 陰 亦 何 之 破 不 泰

聲 節 誥 》 節 性 不 性 虞天性」,鄭 同 沅 佚 意 文達公著《 言節 惟 之欲,是以 日 其邁」,文達解之云: 度之也。」又云:「性 注 云 性 必 命 示 古 當節之。」此 訓 度天性。」又 引 西 中 「度性 講 伯 有 引《召 性 戡 味 字, 黎 色 與

> 節 不 而考據《尚 之。 但以 仁義禮智,亦有太過太偏者 性中 有 書 味色聲臭安佚之欲 》,真 古 訓 也 即 0 也 澧謂 性 中 之仁 性 所 禮 以 當 節 亦 者

大誥治』,即 所營之位 已,各功工 召公先來洛 但 助 以 就 國諸 初 庶幾各諸侯及商子孫 有 時 洛 成 后 祭 家 鎬 滅 王 多 稷、文王 誉 難 侯 京 紂 阮 此 建 ,于是周 亦未全往鎬京,侯 文達公《孝經 遜 尚 之後,武 時 新 未 未 知 始 用 不 卜宅, 以后 邑。 一配之。 殷 成 二牲 可 敢 公監 民 也  $\pm$ 定 來 二洪 稷 肯 + 歸 于 洛 爲 后 配 大浩 東  $\equiv$ 郊祀宗 餘 來 鎬 郊 紹 天,以 基 殷士,皆 或 稷、文王 月 攻 日 上帝, 之五 殷 服 命定命』,于 攻 治 位 望 以 于周。 士 祀 · 遂 後, 文王 位 后稷配 年, 未 受 説 即 來 祀 爲 周 及 服 配 成, 天 和 天 人 與 此 公 成王又幼 者 定 天, 上帝, 會 心 與 召 時 來 是 惟 多 爲 命 所 上 且. 三月 達 位 蓋 臣。 服 帝 也 洪 觀 而 此 周

王 考據之功,斯 明 佶 所 鎬 禮  $\pm$ 社矣。 太室裸』,王賓 宅,復冬祭文王、武王于城内宗廟之中。 四 文王于明堂』之禮也。 行宗 公行宗禮。 一,乃周 以 其 但 屈 , 迄用有 海 祀配天』也。 明堂功 舉 事 命周 聱 烝祭于 祀之禮 ·配天  $\sim$ 跡 牙, 侯 初 召 公後 殷 最 · : 讀 成,人心大定。 《洛誥》『宗禮』,即《孝經》『宗祀 (專屬之周公其人也。」 澧案: 周 廟,而未祀于郊與明堂。 雖將 ,於是周 士: 爲 大之事。 者 》之『用 公營洛 (亦『咸 于洛,守其 一皆來 最大者矣! 未 於是始定爲周基,『受天命』 成,尚未及配天,基命之後 能 助 格』,共見 公伻 盡 牲 邑,郊祀 至文達乃明之。 祭。 周公宗祀,當在季秋, 明 于 其 地, 告 郊」, 成王始來洛 十二月,各工各 文 成 周公所以必營雒 保 義 后 無疑,仍 王,成王 即 其民。 稷,宗 遂不 ^ 孝 此 經 。 人 訓 祀 周 命 能 孔 是 即 邑相 学之 詁 文 深 誥 子 成 歸 周 邑

西。 者 周公復營之也。 營周居 夏、殷建都皆在今山 《史記 于維 周本紀》云: 邑 而後去。」是武王始營雒邑, 以其地爲土中,庶幾諸侯皆來和 西 二武王 河 南  $\vdash$ 之地 :「粤詹雒伊 周之豐 蓋營之而 鎬 會 則 遠 未成, 天室。」 偏 在 故 陝

尚 無如 黎》、《微子》二篇而已。《微子》篇云:「 八篇,盛治之文多,衰敝 氏 聖天子致太平之治,綽有 經中 曉暢,學者於此三篇熟 公之所以紹文、武而開八百年之大業也。 盛治也。 而 堯典》、《禹貢》、《皋陶 也。 讀 知 經 此三篇。 道 武 崔 所舉 工之所 氏 而 政 事 有 吾讀《立政》、《無逸》,而 述《豐鎬 三篇,皆盛治之文。《 心 者,莫過於《尚 《虞夏書》文簡 於治 以 繼唐、虞、夏、 考信 法,非 録》云:「吾讀 ·謨》以 玩 之文少,惟 餘 復 而 裕矣。」澧謂 書》。《尚書》自 迁 有 意深,此 外,言治 商 得 儒 而 馬,於 尚 之業,良 知 成 書》二十 成 西 則 一代之 洪 Ŧ, 法 殷 以 伯 明 範 图 崔 足 輔 居 戡 切

鑒。 書》,存盛治 犧 狀,三千年 一乃罔 全性, 小大, 學者皆當熟 恒 好 用 獲。」又云: 草 後 以容,將食無災。」此殷 之文 竊 猶 姦 玩也。 以 如 宄 爲 Ħ 卿 「今殷民 法, 覩 凡讀經皆當如是也 士: 矣。 存 師 師 衰敝之文以 聖 乃攘 非 人 度, 世衰敝之 竊 删 神 凡 定《 祇之 有 爲 尚 辜

服,則 遠 爲已 寶遠 格」爲美談,乃大惑 之不爲 人不格 之國 然澧别 物 明 閻 修文德 乎 過 百詩、惠定宇攻僞古文,搜考實證,其 矣,是乃中 則 ? 姚 遠 《惜 有 姬 彼誤 以來之。」遠 人 感慨繫之者,僞《旅獒》云:「不 傳 抱軒九經説 格。」 復條舉 讀《論 國之福 也。 不知「不 語  $\wedge$ 巻三。 其大背理者,謂 論 人 也。 耳 語 謂 寶遠 今無 ž 彼徒 顓 臾, 江、「遠 物」, 庸 以「遠 贵 再 謂 人 則 攻 顯 荒 不 遠 擊 人 朏

文尚書》、衛宏之《古文尚書訓旨》、賈逵之段懋堂云:「當作僞時,杜林之泰書《古

晏、杜 文》不 或, 鄭 案: 僞孔 孔 而 江 鄭本略存 妄竄。」《古文尚 不類,以啟天下之疑,而動天下 爲孔安國遞傳之本。 之《古文尚 文》、《正義》,不當於《釋文》、《正 三十一篇字句,變其 古文 注 傳 適 氏 而 中 者 足 此二説 好 傳本與馬、 預、郭 出鄭異字者,即 尚 論 矣。」同上。 以爲病也。 改 即 其爲魏 書 經 於僞 孔 書 訓 可 字,乃惠定宇之派。 璞、范寧等先 義 注 書  $\approx$ 以 與 孔 鄭本之不同 撰異 解》皆存,天下 晉間 馬 箴 又云: 鄭 本中矣。」《禹貢 融 焦氏 砭江 序 義 面 之 人之傳 僞 **%** 作僞者 同 目 「置其 艮庭 孔 又云:《 焦 古 者。 「、令與 後 本 里 文 ,梗概已見於《 改 與 同 堂 安有 則 尚 鄭 皆 爲 易 鄭本同 之兵也 衛、賈、馬 時 亦云 未 曉 書 義 假 義》外,斷 鄭 Œ 雖 經 點 嘗 託 略 注 然 傳 義 云 字 晏、預 釋》。 竄  $\approx$ 之 存 知 好古 **※**不 之病。 者 與何 孔  $\overline{ }$ 於傷 涂 此 鄭 也。 澧 ·引 釋 釋 安 其 蓋 鄭 改 等 君

謂 引 璞、 通 而 置孔 鄭 論 · 寧 之 注 之傳 傳之假 者 論 尚 即 也 書 注 FL 補 可 疏序) 託 義 即 存 而 與 耐 以 但 鄭 澧案: 論 爲 以 義 爲  $\pm$ 則 同 魏晉 肅 者 此 焦 作, 氏 傳 此 間 亦 謂 亦 未 人 何 之 必 Œ 何 不 一義》不 傳 盡 不 可 口 則 存

存

乎

故云 與 事 禮 故 <del>물</del> 鄭 鄭 以 儀 Ŧ. 云農 白 鄭 農言之。 簡慢。』 蠻, 説 非 近 農,厚 肅 里 儒 上下之例 同 讀 云: 皆言農, 蠻 蠻 疑 爲 之言 而 與孔 也 僞 『蠻者, 傳云 醲 與 然 孔 王 緡 異 則 食之本 厚 故 傳 則 肅 也 農 用 農 聽從其 爲 傳 」。 王 説 以 是 之政 洪 用 王. 不 不 文 也。 醲 範》「 肅 取 止 同 肅 德, 意 乃 俗 爲 作 食爲 , 故 云 成。」 則 澧 羈 農 蠻 : 然 食,不 似 案 用 爲 來之。」 縻其 八政之首 非 如 蠻,慢 孔 厚 八 此 政 王 也 疏 人耳。 禹 兼 肅 皆 」,傳 孔 云 也 貢 作 傳 張 八 疏 : 所 殊

以 云: 也。 里 堂《 順攷古道」 鄭義 或 日 補 王. 若稽古帝堯」、「 疏 與 肅 序 僞 故 解之。 爲 孔 舉 不 不 數 同 同 條 ·; 有 鄭 以 以 日 以 揜 爲 僞 若稽 其 稽 傳 孔 作僞之迹 之 勝 古」爲「同 古皋陶 善 於 鄭者 其 敷 傳

《毛詩 是,其 讀 指 縢》「罪 用 禹 初 同天」二字可 治水畢 條云: 鄭 舉 禄 屬 人子 即即 餘 注 》卷内辯之。 之 謬 父、管、 則非。 誅 外, 之功 ,於其義 悠。 四 丁,乃流 斯 四 尚 焦氏盡 M 蔡。 説 得 了, 而 罪 頗 者 澧案: 加 四 未 而 有之,今不 是 流 澧 案 : 諸帝 以 鄭 多 区。 天下 先 安者,則易之。 爲傳之善,分析 放 不 以 娅 僞孔善於鄭 其父。」又 堯,不 爲 僞 以 故王 咸 鯀 孔 成 爲 服, 此 王收 必 然。 肅 而 傳, 可 贅 斥 後 未精 傳 施 惟 周 一條云: 傳 之云: 録 舉 罪 以 於 公之屬 注 細 此 人 則 禹 舜 皋 也 者 指 其 蓋 罪 徵 陶 管 是 澧 所 僞 天」。 焦 鄭 用  $\wedge$ 於 以 氏 金 之 皆 條 孔 即 舜 焦 又 以 讀 爲

若 不 不 口 僞 廢 也。 稱 孔 僞 安 古 或 文 而 經 傳 自 口 爲 廢,二十 書, 如 八 鄭 篇 箋之易 僞 傳 不 口 毛 廢

則

誠

善

矣

澧案: 習用 之迹 父及 宇皆 也 語 陷 Ш 獒》「爲 云:「僖十五年《左傳》言晉侯 云 於濘。  $\overset{\circ}{\mathbb{E}}$ 年《左傳》王命管仲· 譬如 功 左 僞 臚 微 傳 孫 虧 如此 山 史 舉 古文襲 子 幸 記 爲 是非 九仞 之。 倚 出之矣。 之命》「日 對 簣。」「犬馬,非 無文。」「所寶惟賢」,孔 Ш 之類,孔 相。 趙 功虧 未 此 用 然 簡 土 成 諸 此 子 孔 所 楚 經 疏於僞古文勦襲古經傳 篤 티 : 疏 之辭 簣」,猶不 生,不習 簣」,孔 傳 不 或 E 忘,孔疏 『楚之所 之 其土 之寶也,是謂 有 曰:『謂 語, 指 疏 乘 其 性 出 閻 爲 <del>궁</del> 鄭 不畜」,孔 用 寶者 疏 者 百 督 Щ <del>궁</del> 馬,及戰, 也 云 「《論 矣。 詩 不忘。」 故 僖 寶 觀  $\overline{ }$ 犬不 E 惠 《旅 語 賢 楚 + 射 疏 爲 定

犧; 『筮凶則止』是 占之,俱 占, 云: 秉圭 之言,孔所不取。」《洪範》「龜 頊 孔 玄之意, 云: 瓦兆,三曰 用 日 玄云: 之兆 歸 在 八政」, 僞 歸藏 植,古 《周禮 藏 僞 鄭 孔 龜 農,讀 傳之 ; 孔 僞 之 筮 非 主 黄帝。 瓦 後 相 置 云 孔 是《 原 日 凶 **\***: 爲, 兆, 孔 字。 違。」孔 : 兆。 云 爲 周 也。 周 而 則 掌三兆之法, 云 醲 : 孔 易。 帝 夏、 禮 三兆三易,皆非夏 取 : 咔 故 掌三易之法,一曰 堯 疏 農, 筮 故 植 疏 **>** 鄭 殷、 爲 之兆。 杜 亦 經 爲 [X] 不 云: 説 置 子 置 文,未 似 厚 則 1 厚 周 矣。 也 春 也。 知之。 止 也 也 1 崔 以 )°\_\_ 從, 又云 \_。 孔 而 即 筮 必 《洪 此 靈 孔 爲 不 日 鄭 各 孔 二條 恩 筮 金  $\sim$ ١, 疏 玉 玉 範 疏 注 異 之所 勝》 洪 逆」,僞 殷。 以 兆 連 云 兆 連 **\*** 乃 云 範 爲 似 唐 : 山 Ш : 子 孔 取。 是鄭 若三 帝 三人 **>** 知 植 禮 春 農 虑 顓  $\vdash$ 疏 鄭 壁 鄭 僞

其名 從 在 有 鄘 書 頑 此 而 叛,何 之民 班 二,其民 民 不 不類。 、賈之後 地 取 條 於成 理 僞 其 似 以 志》及賈逵注《左傳》皆以 孔 説 知 衆矣,非一邑能容。 獨 故孔 周 궁 -矣 僞 也。 遷 分 孔 邶 意 傳 衛 殷大夫士。」孔 多 農用 鄘 不 在 民 士: 然。」 ? 杜子 八 爲 序 政」, 邶、 三國。 》《成 此 春、 疏又 鄘 條 周 鄭 民謂之爲士, 在 言 又 計三 疏 既 殷 康 傳 似 云 : 爲遷 成 成 不 畿,三分 知僞 或 取 之後 「《漢 遷殷 俱 張 邶 晏 孔 是

勸伐之心,不救之。」此甚 《大誥》「若兄考,乃有友伐厥子,民養其勸 仲 日 救」,僞 默《 甚 『養,廝 近 集 有 孔 儒 傳 精 傳云: 説《 當者。 者 養也 尚 矣。 書 謂 「以子惡 江 》,考索古籍,罕 然僞 人之臣僕。 艮 不 · 通。 庭《 孔 故 傳 心孔 集注 蔡 不 傳 言若 疏 通 多多 <u></u> 云 處,蔡傳易 有 與之同。 「民皆養其 父兄 道 蘇 及 有 氏 弗 蔡

王肅

成,在 所,則 所哉 也。 故早 惟 所 也。」《多方》「我惟 年 知 救乎?」江訓養爲長,與蔡異。 不 云 友 當 救 長短,我皆 不 也, 攻 《召誥 因 ·墜其 敬 」,僞 伐 乎?二江 敬 夏、商歷 我 無 猶 我 厥德 其 爲 與 言處置之得 往 「所 文武 孔 命。」《君 ¥ E 子,爲 所 汝 而 即即 云: 其 不 不居敬矣。」江云: 而 之道 不 年 氏 敬 「我不 無 可 墜 已。上江 敢 長 之臣 注 作 時其戰要囚之」,僞孔 逸』之『所』。 不 **爽**》「 其 知。 短,所不 而 궁 敬之德。」蔡云 所,不可不 命 所也。」《召 僕 行 敢 襄我 也。」 惟 「長民者 者, 之。」蔡云:「王 獨 然不及蔡引蘇氏 知 敢 知 其 二人,己與召公 二人」,僞 江云:「夏、殷 其皆以 亦 知 可 王 , 其 王. 敬德」,僞 誥》「我 不 勸 王 我 能 工其敬 其 所 : 相 不 所 知 以 訓 攻 孔 勸 敬德 所, 知 業之 爲 敬 爲 云: 伐 止 者 廝 蔡 敢 歷 之 爲 孔 處 而 不

爲 緣 臣 昧 言 思 懼 孫 如 愐 初 新 惟 謂 淵 非 覽 起。 静 思之不明 崩 陟 暗 昧 ,使君子迴 而 新 討 如 其 昧 思 未  $\pm$ 陟 合 疏 陟 謂 其 此皆 囚 書, 也 此 我 僞 升 有謚 前 倡 王」, 僞孔 數 則 江 之。」江 孔 思』云者, 條 日 亂 取 遐也 於 蔡 以 故 云 皆 云 之昧昧 故 其 心 蔡 傳 也 : 執 : 昧 與 易 説 。」蔡云: 云 傳 精 稱 江 其 昧 陟 云 成 辭 惟 氏 當 新 竟 朋 而 我 是 于 略 王 察 登 陟 黨 不 戰 同 没 思之」屬 思 穆 而 惟 我 初 察 假 王 寓 惟 其 公自 也。 江 「昧 懼 崩 周 便 前 蔡 也 目 戰 名 氏 家 也 巧, 多 未 昧 云 要 秦 此 謂 )° |« 與 新 道, 輕 下 囚 則 有之,以 葬未謚 而 善爲 誓 文當 之同 崩 升 王 文。 蔑 尤 無説。 思 康 思  $\approx$ 我 也 不 太 者, 王之誥 爲下 此 辨 昧 位 惟 者 江 甚 口 Ŧ 深 我 是 佞 昧 成 故 云 矣。 西 也。 介 蔡 文 之 我 曰 戒 潛 昧 王 如 : 莊

> 羊 雖 後案》、 通 淺 介 臣二 薄 義 影 亦 段 一句 懋 宋 何 人之説 必 相 堂 輕蔑 連 《撰 寫之,皆輕 異 太過 甚多,最 影皆 不 無 説。 屑引 無門户之見 蔑蔡傳,不 之乎? 段 惟 以 屑 也 昧 近 稱引 昧 儒 我 惟 之也。 思之, 孔 巽 軒 如 蔡 公 傳 有

之書, 鄭説 人」爲 馬、 釋 傳 體。 義者,采擇 者 語 書》文字、名物 謂之欽。」鄭云: ,采擇 經 以 爲長。 鄭、 周公官 意 下 爾 江 其 則 、王、段、孫 於 兩 王 雅》、《説 融 若不可 至 説 口 注 前 屬 會聚 貫 可 江 删 則 兼 僞 而 者, 合 兼 存 而 不采之, 王 敬 文》、 詳 者 而 孔 事 爲 存 爲 漢 四 段、 者 傳 爲 説 節 如 義 用 家之書善 人書之引《 文字、 如 《 堯 集 疏 釋名》、《 疏 書 與 謂 孫 中 金 解 之欽。 典  $\stackrel{\sim}{\sim}$ 及 仍 縢 史記》之采《 其 取 引 諸 名 欽 如 而 爲 明 罪 雖 物 家 何 廣 矣。 駁 尚 尚 人 兼 疏 氏 説 之。 雅 存 斯 馬 書 禮 書》 之 論 得 之 类 既 大 體 尚 制 孔 語 疏 有 而 集 先 鄭 尚 傳 書》 釋 於後 疏 中 威 説 以 解 几 **>** 書 伸 儀 訓 芝 之 蔡 其. 尚 及 家 罪 明 表

備

以待後人。

東塾讀書記卷五終

## 東塾讀書記卷六

矣。

又云:

「衛懿公爲狄人所滅,國人分散,

出馬陳 澧 撰

是子夏作,小序是子夏、毛公合作。 釋文》引沈重云:「案鄭《詩譜》意,大序 1 -商意 然是續也

詩

有不盡,毛更足成之。」孔疏所載 沈重之説,不知所據。 澧案:《儀禮 鄉飲 酒

《詩譜》不言序爲

誰

鄭君雖

無説,讀之自明耳。

續序,與沈 子夏序文,其下云「有其義 禮》賈疏以《南陔》「孝子相戒以養也」之類是 重足成之説同。 而 今讀小序,顯 亡其辭 」是毛 公 有

閔 續作之迹。 其宗國 . 顛 如《載馳》序云:「許穆夫人作也 覆 ,自傷不能救也。」此已説其 事

之。」此以 取,卒以無大國之助,至於見逐,故 子忽嘗有功 是續也。 忽之不昏于齊。」此已説其事矣。 又云:「太 也。」此以 力不能救 露於漕邑。 上文二句簡略,故亦複説其事 《有女同車》序云:「刺忽也,鄭人 上文三句簡略,故複説 ,思歸唁其兄,又義不得 于齊,齊侯請妻之。 許穆夫人閔衛之亡,傷許之小, 齊女賢 1、故賦 其 事, 國 顯 是詩 而 刺 刺 然 顯 不

句皆子夏所爲,非獨「燕兄弟也」一句矣。 《常棣》序云:「燕兄弟也。 「此序子夏所爲,親受聖人。」是鄭以此序三 故作《常棣》焉。」孔疏引《鄭志》答張逸云: 鄭 君 非 以 小序皆 子夏、毛公合作 閔管、蔡之失道, 也。

四篇序皆云:「刺幽王。」《詩譜》則云: 《十月之交》、《雨 無正》、《小旻》、《小宛》 刺厲

也。 耳。 王。 以序皆毛公所定,雖首句亦有非子夏之舊者 月之交》箋云: 沅 則所云師 漢興之初,師移其第耳。」孔疏云: 文達公《十月之交》四篇屬幽 者,即 言詰 訓 傳 毛公也。」據此,則 時,移其篇第,因 Ŧ 説 》, 則 以 鄭 **三**十 改之 鄭 君 説

句,遂謂子夏之後,毛公之前,有人著之矣。一、一、故箋絶不言「靈星之尸」,而亦不駁之子曰靈星之尸也」八字,非毛公所著,乃後人子曰靈星之尸也」八字,非毛公所著,乃後人不知。」,此鄭以「高。我疏誤讀「非毛公,後人著之。」此鄭以「高。」,遂謂子夏之後,毛公之前,有人著之矣。

不能正也。」若毛公時,序但有首句,而無「遭云:「衛莊姜傷己也,遭州吁之暴,見侮慢而下,毛公後人續作。 尤不然也。如《終風》序下。 或謂序之首句,傳自毛公以前,次句以或謂序之首句,傳自毛公以前,次句以

以云 樂也。 之」,所謂子者誰乎? 傳亦但釋字義,不知序何 云:「刺朝也。言古之君子以風其 所告語」,尤不知何謂矣。 傳但釋考、槃、澗、 貌。軸,進也。」若毛公時,序但 「人無子道以 州吁之暴」云云,則次章「莫往莫來」, 業,使賢者退 如《考槃》序云:「刺莊公也。 不能繼先公之 刺 Ш 莊公」矣。 夾水 而 來 日 窮 事 澗。 處。」毛傳云:「考,成。 Ž, 阿、邁、軸六字,不知 且「永矢弗告 己亦不 曲 以母 以 陵 云「刺 鄭 日 道加 得 回。 風 有首句,則 以 朝」矣。 傳 誰 母 朝焉。」毛 邁, 羔裘》序 乎? 道 云 序 傳 寬 往 無 何 大  $\overline{Z}$ 此 加

爲非。

樂以 以下,序言「 毛公續序誤 王用樂,不與德比。 示諸侯。 鼓鐘》序云:「刺 刺 人 賢者爲之憂傷也。」 澧案: 幺 於傳文之首也。 王」者三十篇。 會諸侯于淮上,鼓 出出  $\pm$ 也。」毛傳云: 自《節 雨 無 南 此是 其 IE. 淫 出出

之交》、《小旻》、《小宛》、《小弁》六篇序, 故毛公足成之也 十四篇之序,次句以下皆言所以刺之意。 隰 瞻 北 刺幽王」一句,無足成之語 鼓鐘》序只「刺 頍 巧 彼 弁 Ш 桑》、《瓠葉》、《 洛 》、《巷 矣》、《裳裳者華 楚茨》、《信 車 成耳。 伯 牽  $\approx$ **\*** 幽 ^ 漸  $\pm$ 谷 魚 漸 南 也一 風 藻 之石 南 Ш **≫**′  $\approx$ 》、《桑扈》、《鴛 **∀**′ Ш ^ 句,其 「》、《何 **×**, ≪ 采 蓼 甫 以詩 菽 IE. 莪 田 ×  $\approx$ 刺 月 草不黄》二 **≫** 中明 ^ **∀**, 意未 角 大 四 十月 有 鴦 亦 弓  $\mathbb{H}$ 月 明, 惟 刺 只  $\approx$ ×  $\approx$ 名。 名。 北。 陜 名。 其 周 此 未

此 難 晦 能 二,毛 明。 酌 不 訓 先 最 傳 養 鄭箋云:「養是闇昧之君 祖 可 一之道 疑者、《酌》序云: 爲 取,然又非序 「養,取 以 養天下 也。 也。」 澧案: 所 訓 「告成大武 謂 養爲取 「養天下 ,以老其 其 遵 也。 也。 悪。」 義 養 言 E 時

語,故朱子不信爲刺詩

語

不

必

足

《楚茨》、《

信

南

Щ

諸

詩,

無

憂

傷

之

序 實未易 明 耳

其詩 《麟趾》、《 之地 也。 周之先王本是諸侯,其教 非二公所主之地,而 麟 餘 南 以 明 趾》是 所采 序所 繫之周公,《鵲巢》、《騶虞》是諸 周 之地 東,周 召南 周 、召南, 周 其 鍋 南 南 南、 意 雎 之地 王 之詩 . 鵲巢》、《騶虞》諸詩,出 之地所采之詩, 云「南 之地,其化自 也 則 **×** 公主之,自 召 者之風 序 地皆甚 以「南」字包括之者,周 南 1,其化 ,謂之《召 説《 周、 者 」,言化 周 ,二公所主之地。 周 召者, 廣,但舉二采地之名 分屬 自 南》、《召南》之語 陝以西,召公主之也。 公攝 自 召 周 南 謂之《二 如 二南 周 北 而 而 此,召公是諸 公、 南,故 王者之事 南 而 者 故 若 唐 南 召公采 夫《 以 於周 南 其 以 以 《關 了、 召 侯之風, 關 意 召 周 所 故 或 孔 雎 雎 如 南 南 皆 謂 地 召 中 之 南 此 爲 爲 在 自 而 疏

也。 故 以 其 其 末 詩 數句之意,則實 繫之召公。序之所 難 明,故爲後 云, 其 意 人所 如 此

疑矣。

者如  $\exists$ 法也。」此 廢,則朋友缺矣。」《文選》謝叔源《西池詩》,李善注引《韓詩》 讀此序,令人驚 云:「《小雅》盡 云,凡二十二篇 序同。 「《伐木》廢,朋友之道缺。」此所引若是 此 《六月》序 蓋出於子夏矣 孔疏 語 深 云: 悉此序之意矣。 =每一 廢,則四 心 鹿 「明《小雅》不可 動 鳴 魄,乃知《 篇 夷交侵,中國 廢,則 廢, 則 《詩》教 和 此序云:「《伐木》 《韓詩》 事 樂 不崇,以 缺。 缺 序 所 微 矣」云 ,則毛、 舅 其 矣。」 示 末 係

是 傳》、《春秋繁露》,皆非完書。 有 傳定本》,其題辭云:「 也。 興 西 也」二字者,段皆增經文二句於其上,一 然其《定本 漢 經 學 存於今者, 則 未 讀 段 盡 毛 懋堂 惟 善。 而 毛 後 爲《 凡 詩 可 毛 每 以 篇 詩 《尚書 讀 傳 鄭。」 故 首 訓 大

興也。 字,即 增也。 窕淑 序》,今惜不得而讀之。 之」二句。「德盛者,宜有鐘鼓之樂」之上,不 以 氏又有《毛詩 增者甚少,不至處處皆增,大異於其 之」之上,當增「琴瑟友之」 一 必増「鐘 「流,求也」之上不必增「參差荇菜,左右 閒 在序後傳前。 於毛傳之前。 無 也」、「淑、善」、「逑、匹也」之上、不必 經文,則「興也」二字無所承耳。 女,君子好逑」二句。 其餘不必 承此 某篇幾章幾句,乃毛公之筆,當 鼓樂之」一句。 訓故傳微》一 耳。 古 者衆篇之序合爲 舊在傳、箋後,段移置序之前 增 如 《關 而增者尤多。 書,見阮文達公《漢讀 雎》三章,一章四句,二章章八句 惟「宜 編 「荇,接 句 也。 以琴 耳 如「窈窕 考周 、舊矣。 興 瑟 余 如 澧謂: 然 增增 也 禮六卷 友 也 此 連 不 窈 段 樂 流 則 屬 幽 必 當

用「也」字。其上雖絫至數十字,皆不用「也」毛傳連以一字訓一字者,惟於最後一訓

篇》云: 所,益 皆因 也。 字。 用古法,俗學知此者稀矣 下無箋, 增加之未盡者。 字不合傳例之處,其下皆有鄭箋。 知傳例矣。《何彼襛矣》傳: 氏《定本》又於舊所未增者,而 因箋綴傳下,傳無「也」字,則文勢不斷,故增 善」字、「覺」字下皆增「也」字,則段氏 也」字,以隔 淑,善。 有箋 「肅,敬。 語 成 此 「俗學聞經 可 而昔人亦增「也」字。 》「巧言令色」,朱注: 一而增 傳 笑。」 逑, 匹 例 也 雝,和」下有箋,而 也。 《樛木》傳:「縈,旋也。 然則毛傳「也」字爲俗學所加,無 絶之。 」字,遂相連增之耳。 傳中 也」,「寤,覺。 然有不 時須「也」字,輒以意加之。 此已不當增而增矣。 「巧,好。 則以上文「綏、安。將,大」下 「肅,敬。 盡 「和」下無「也」字。 然者。 令,善也。」此朱子之 ○《顔氏家訓 成,就也。」「縈,旋 雝,和」,「平,正 寐,寢也 亦增之。 此由 今考「也」 每不得 此昔人 亦未 昔人 疑 書證 也。 段 如

服,思之也」、「濩,煑之也」之類。其所訓,毛傳一字訓一字,有加「之」字者,如

一句兩字皆用「如」字者,其兩字必相類。 琢如磨」之類是也 字,然此亦因詩人用「惔」字爲焚意,故訓爲 也。 三字爲一句,是也。 之也。 故加「之」字訓爲「思之也」、「煑之也」。 用 皆用韻之字。 濩 句,義例參錯矣。「濩」、「煑」二字韻 增「思服」二字,則讀「服思之也」四字爲一 親。」親,近之也。《哀王孫》云: 詩者亦多如此。 韻,遂用「濩」字以代「煑」字。 毛公知 鑊所以煑物,故煑之亦曰鑊。」此讀「煑之也」 「服」字以代「思」字。 字、蓋取其與「莫」、「綌」、「斁」皆入聲,此其用 段氏《定本小箋》云:「濩,即鑊之假借 惟「如惔如焚」,傳云: 如杜 蓋詩意本説 詩《奉贈韋左丞丈》云: 其於 「恢,燎之也。」「恢 詩意本説 「慎勿出 「服,思之也」之上 思」, 口他 「如切如磋」、「如 「燎之也 同 因 煑 人 部。 「詩 用 狙 非 韻 一, 因 其 詩 後世 韻 之精 用 看 狙 人用 凡詩 韻之 子 , 伺 遂 建 密 作

也」,孔疏云:「《釋鳥》文。」「水中可居者曰毛傳訓詁與《爾雅》同者,如「鵙鳩,王雎

**黙** 毛 傳》。」則毛亨乃周 洲 補,或言 <del>궁</del> 爾 傳之前,安知 雅 「今俗 魚 孔 》之文以 疏》云: 疏 市 云: 郡 所 傳 梁 「《釋・ 爲 非《爾雅》取毛傳之文乎? 文  $\equiv$ 荀卿授 傳 秦閒 所考。」然則《爾雅》不 篇《爾 水》文。」 也。 人。 魯國毛亨,亨作《詁 澧 雅 案: 孔 張揖《上廣雅表 或 意 陸 言 以 機《 叔 爲 草 孫 毛 盡 通 木 公取 在 所 訓 鳥

澧案: 也。 肅 那之貌。 者,如《葛覃 施」、《 移、禾相 施」,傳「 作 故 毛 説 葛生於此 《説文》:「施,旗皃。」「旖,旗 文》作 讀 傳 移」字 毛 倚移也。」此 簡 傳 × 假借字耳。 傳 訓 世 而 ,延蔓於彼,猶女之當外成也。]孔疏引之, 施 者 精, 乃「倚移」之「移」,皆柔 施 于中谷」,傅云: 遷 不 人皆 可 爲 移」之「移」、《説文》 此經此傳則皆用其 經「施」字 不 移 知之矣。 讀《説文》。 葛 藟 之形 乃「旖 施、移 其 精 旖 作 本義也。 狀 施 逐。 敷 施」之 如 曲 也。 也。」 而 施 繪 奥 猗 E 作 之

> 矣。 者難 脯 難 乍讀之,幾不 載芟》篇 移 云 進 去 「毛意必 段氏《定本小箋》云: 入於其 也。」而 其 根 也。 不 載 然」。 中。 後 可 穫 皆 明 未 解 濟 然孔 其意, 此形容豐年景象,令人 得 濟 讀 毛 濟 自 意 爲 鄭 同 傳云: 謂 也。 説, 擠。 箋 禾 亦云: 更有 云 」甚得傳 穗 濟 粗 施 甚 大 濟 難 意 簡 移 稠 難 者 也 密 奥 解 穗 也 者。 言引 衆 穫 頤

傳云: 人在 也。」此於衰世之人,形容盡致。 位 毛 「皋皋, 頑不 ,如此害及天下。」尤能 傳訓詁 之語,有足以 知道 也。 警世者。 訿 發 訿, 孔 明 疏 傳 窳 云: 意 不 召 供 旻》 小 事

傳云: 敬 其 得其志,則嘉賓不能竭 有 則 别 在傳内者亦不少。 毛公説《詩》之大義 朝 則 夫不能致其樂,則 父子 廷 Œ. 親。 朝 父子 廷正 如《 , 則 其力。」 親 既 鍋 不  $\pm$ 則 能 雎 著 化 君 》傳 得 如 於 成。」《 其志。 臣 此類者,不 續 云: 敬 序 中 鹿 夫婦 君 矣, 能 臣

安,是 位 平. 産乎 可 太平 語 蓋古之傷 慨,《吕氏春秋 君子 治 政 反 則 以 如 日 棄賢則 樂胥,受天之枯」,箋云: ൬ 和 其 萬 而 少 後 而 易 心 物 微微 乃 民 思之,離 人同 而 亡國 解 衆 安。 知 物衆多。」 亂 而 多。」 毛傳 此 矣。」 觀 天予 感慨 日多。」此 忽之也。 世 孔 篇 之以 亂之時,人烟 此 乍 矣。 再 沖 》論 讀之, 語之深警也。 遠 作 治世 福 讀此 又 此 「胥,有才知之名也。 禄。」孔 又 語 語 如《鳧鷖 之所 箋, 甚 如《苕之華》傳 意深哉 似 悲,有 以 能反而 疏 但 短 云 且 稱 亂 》傳 稀 《魚麗 言 説之,善説經 頌 無 世之所以 ○ 《桑 少, <del>궁</del> 太 用 窮之感 賢者 賢 》傳 況 平. 扈 云 : 則 <del>Z</del>: ż 長。 》篇 物 太 民 在 離

,則已載於

《禮記》矣。

彤 其 大 王 管 夫 夫。』《静女》傳 后 之法。 命 織 毛 傳 玄紞,公侯夫人紘 婦 多 成祭服,士 載 史不 禮 制 記 過,其 「古者后 妻朝服,庶 如《 葛 綖,卿之内子大帶 罪 覃 殺之。 夫 · 》 傳 人必 士以下各衣 后 有 「古者 妃 女 羣 史

> 左手。 環,以 妾,以 當御 記》之類 婦 容、 也。」如此之類 婦 者 禮 進 功。』《草 事 也。 御 以 退 無大小,記以 於君 銀 之。 蟲》傳 《葛覃 環 進之,著於右手。 所。 生子月 云 : 》傳 云:「古者女師 「嫁女之家,不 女史書 成法。」如 辰, 則 其 以 日 教以 息 此 .月,授、 火三 金 既 者 婦 環退之。 御 H 德 ,皆《禮 著於 婦 思 言 相

體 邦能 之圃 云 詩 如《 君 子」一節、《小弁》傳「高子曰 室」一節,《緜》傳「古公處 也一 相 也 其 素冠》傳「子 一吉」一 命 與争田」 毛 傳 龜 節,皆外傳之體。 節,《 有 一節,雖 語 述古 一節 巷伯》傳「昔 而 夏、 事 、《行葦》傳「孔 連 非 閔 如《韓詩 及「九能」,亦 述 子 古事,然 騫 《定之方中》傳「建 豳」一節,「虞芮之 者 三年 顔 外 小 傳 叔子 子 **弁**》, 大 喪 **>** 射 經 之 畢 外 獨 於矍 小 體者 文「ト 傳之 處 人之 見 相 夫 于

傳也。 風》已有傳矣。 史記·三代世表》褚先 盈 湯之先爲契,無父而 可 其欲 内 荀子》云: 於宗 前 廟 不 。』」《大略篇》。 愆其止 「《國風》之好色也 韓 詩 生。三 外 其 生 傳》亦 誠 曰 : 此皆 據 可 此 屢 「《詩》傳 比 不 稱 則 於 ,其傳曰 知 周 傳 金 何 時 石 時  $\Box$ 曰 之 或 其 :

悄,愠 年錢 如 引《詩》者尤多,似外傳。 記 指 秋 古人古事,皆與《詩》 賜言《詩》之旨。」澧案:《孟子》云:「憂心 外外 此。 》,采雜説 坊記 傳》而言。 惟善序云: 于羣 (漢書 其 (於詩 >、《中 小。 • 今本《韓詩 咸 藝文志》云齊、韓《詩》「或取《春 義 非 庸》、《表記》、《緇衣》、《大學》 孔 「斷章取 其 洽 子 本義 義 熟 也。」亦 相 於 外傳》有元 蓋孔門學《詩》者皆 義,有合於孔 觸 心 采雜説. 外傳 發 0 凡 非後 讀 之 非本義 至正 古 體 儒 門 所 十五 蓋 商 禮 悄 能 論 專

人 删 但 及。 ○《韓詩外傳》采 書,抑百家,崇吾道 内、外傳之體矣。 列雜説, 專解《詩》, 齋書録解題》云: 毛 傳之體,其 云 之。 欲 内傳、外 氏、韓 證明 韓非 其意甚善,然傳刻者多,豈 董生《繁 漢 是 氏 有 《解 有游女,不可 謂 解老篇》,復 傳之體,乃天之未喪 兩 果當 老 阿曲 家 即即 畔 露 至矣。」 之 處子 内 經。」《古文百篇序》。 時 書傳 皮襲美《讀 「《韓詩外傳》多記 傳 韓 本書 也。 有 求思」之義耳。 如 嬰《外 事,蓋 喻老篇》,引古 襲 至今日 西 美 能 否?」卷二。 者 漢 明 韓 盡 傳 詩 知 經學 删 乃 乎? 此 外 能 偭 傳 斯 近 乃 讀 讀 事以 雜説 **尝**云: 人 背 文 韓 惟《詩 此 者 刻 雜説 經 也 氏 明 杭 則 得 外外 韓 不足信 書 旨 之 堇 不 者 知 氏之 **>** 即 直 也 有 知 鋪 浦 古 外

昭 劫 帝 昭 殺 則受頌 在 7,大禍 鄭 君《 斯 、聲,弘 (詩譜 足作後 如 此 序》云: 福 吉 王之鑒,於是止矣。」澧案: 如 X 彼 之 所 勤 若 由 民 違 恤 憂 而 功, 娱 不 之 用 昭 萌 事 則 被 上

大序 美某王某公, 而 云: 於譜 或 序 刺 史 大 某 明 放 乎 厥 王 一某公。 得失之迹。」小 辭 此 鄭 乃三百 君 本 篇 此 序 之大 每 意 篇 以 義 作 言

也。

此《詩》學所

以

大有

功於

世

世

利」,衰世之風必如是矣。

口

世 鄭 子 兢 箋云 於桓 之戒 也。 今衰亂之世,云 此 難 雨 与其 君 兢 蓋 雖 ,受福不那」,箋云:「王者位至尊 無 ; 如 然而 所 、靈也。 痛 ,則其受福禄亦不多也。」此 無 感 Œ 以 漢室將亡而 箋有感傷 罪 喻 履 傷 屢 不自斂以 有 之 維 薄冰」,箋云:「衰亂之世,賢人君 猶 被 萬 《小宛》「螟蛉有子 語 日 徵 恐 民不能 于 往 有 時 而 懼。」 仕 自 仕 曹氏 先王之法,不 事 不 乎? 然 之語。 仕 治 孔 此 流 乎 將得之也。 棘 蓋 則能治者將 露 ? 甚 且 傷 者 《桑扈》「不 殆 急 鄭 黨 美 但 迮 君 蜾 自 蓋 錮 箞 且 居 嬴 嘆 難 之禍 天 又「戰戰 云: 注 危。」此 衰 息 得 負 以 之體 之。 之, 亂 Ľ 戢 痛 所 居 也。 之 恨 不 或 子 哉 惟 若 以

此序 好 謹 利, 嚴 語 而 不 意甚明, 不顧 溢 其 出 而 君。」 於經文之外耳。 鄭 箋云: 君 必 解 「好利 之者,始 不 亦 顧 有所 其 《清人》序 君, 感 注 也 心 於 注 利 高 心 也。

於

克

深者畢 字字奉以 也。 敢言 主 在 爲 識 隱 ! 一者,凡經學必有 然而 别 略, 其 於 輔 六 非。 如有 此。 達, 也。」《釋文》引。 非 則 藝 爲 不 論 更 晦 必 法 敢言易毛,尊敬 不同」者, 「下己意 若更爲深晦之語 表明。 <u>\times</u> 者易 人 主 曉。 出 所 注 此數 如 使 奴 以毛 主 有 古人 〈詩》宗 也 可 不 語,字字精要。 義 所主者之外, 識 先 同, 所 爲 别 表 儒 毛爲主。 賴 即 非 則 以明 | 者 也 者 有 下己 也 著 後 書 易 讀 然 儒 意 者 使 毛 何 而 或 毛 義 爲 其 爲 使 義 不 口

蘋》 誰 鄭 其尸之,有齊季女」,毛以 君 專 於 禮 學, 故 多 以 禮 説 教 成 詩 之祭與 《采

祭社 説 禮 變其文也。 與「渚」、「處」、「下」爲韻耳。 則覺箋之疏  $\vec{\Xi}$ 此 樂之也 説 條 祖 矢 祭,不得爲 云 禮 分 女爲 斯 孔 别。 稷、 廟 而 而 蓋 則 張 緑 天 三,毛 破字 疏云: 於禮 ,二章祭四 失之者。 是 地 當 Ш 此 且. 三. 之尸 將 爲 毛 禮 Ш 失,而 鄭 有 以 鄭 褖。」 尤其 祭 女。 以 「其實天地之祭,更有 Ŧī. 據 拘 章 尊,事 Ŧi. 以 而 爲 於 爾 然 章祭七祀。 《賓之 病 章皆爲 季 微 方百物 鳧鷖 雖 大 燕 説 禮 女設 也 破之矣。 難 射。 尊 酒 云「伊脯」者,不可 射 禮 有 毛 既 之病 不 初筵》「大侯 褖 祭宗 序 鄭 不 羹, ,三章祭天地, 鄭 以 湑 衣 云 嫌 以 難 褻 《詩 正 也。 然《詩》 廟。 爾 無 也。 下 毛 味 神 得 殺 巡 褖 章 者, 祇 爲 然有 鄭 云 沸 伊 取 絲。 殺饌 緑 祖 湑 既 烝 中 惟 教 既 以 脯 酒 衣》 考, 抗 脯 拘 成 實 衎 拘 首 此 脯 四 一,故 脯 箋 此 之 於 箋 無 於 章 章 安 烈 弓 而

猶 韻 依 不 簸 疏未明 爲 鼒 不可 也。 文 嫄 觥」、《葛屨 嘗」,疏 亦 采菽》「玄衮及 不必 言童羊, 先後。」 拘 或 韻 望 生 也 泥 傳云: 拘 此 蹂」、《那》「 文 義 云: 斯干 拘 文義。 此 言 澧 生 説 泥 祖, 泥觥 亦如 若 言「便 謂 義。 可 者。 耳。 最 孔 営似 自羊 先 以 爲罰爵 以 肥 通 疏 縫 四 祖 文 先 羜 此 疏 其 如《 則 時 黼 裳 續 顧 也 一,猶言肥羊。 疏 羊 」、《賓之初 即 餘 云 裳爲下服 徂牛,言先小後大也 當 」、《生民》「 詩》是有 絲衣》「自羊 妣 之 予 取 後 云 如《 祖」,箋云: 此 烝 精 韻 祠 鼎則 也。 生, 先 禴 嘗」, 小星 亦 善 嘗 筵 箋 妣 處 韻 三百篇 先 烝。 之拘 後 載 之 也 疏 **>** ---大後 亦 俾 卷 祖 皆 文 祖 震 耳 出 詩 取 此 童 牛 類 童 以 載 者 於 妣 天保 小 以 Ŧi. 牛 也 其 羖 我 甚 爲 説 夙」,「或 便 在 姑 多 鼐 文 取 先 文 禮 取 爲 禴 也 皆 酌 童 東」, 此 鼎 義 會 妣 取 羖, 是 彼 故 祠 韻 傳 鼒 及 有 韻 望 姜 説 取 兕 不 丞

意 經者當先解 ,只説爵耳 其字,再 ,不必泥於罰也。 説 其 意。 餘皆倣此 如 觥當先 解 爲 罰爵 再 解 詩

毛也 厚之陣 武》 雖 也。 粒。」 樂耳。』《思文》「立 矣。 五三王 無 云 : 云 咎 破 破 集,就 澧謂 孔 「喜讀爲饎。 一爲 字,仍與毛義 字之理。 鋪 鄭箋多破字。 毛 毛 申毛 斯干 也。 疏云: 傳 韻 敦 無 如字。」此 也, 不 淮 破 錢辛楣 如此 破字,然《小旻》「是用 此 字 濆 「毛無破字之理,宜爲存立衆民 無 當 即 則 之 」,箋云:「敦當 相 王肅 類,皆不必破字。 是 讀 謂 《養 理,必以 饎,酒食也。」孔疏云:「毛 同。 屯 我 猶 如《七月》「田  $\mathbb{H}$ 新録》之説 有 矣」,傳云: 烝 意與 即 畯 《釋文》「至喜」、「鋪敦」下皆 集」爲 民」,箋云: 來 布 鄭 爲 至, V. 陳 厚,宜 異耳、「敦 就 敦 此 見 作 猶 厚 與 畯 勤 屯。一孔 之意 至 爲 破字 不集」, 然如《 立 勞,故 道 與「猶」、 一字不必申 喜」,箋 布 也。」 當 陳 無 常 作 傳 鄭 敦 疏 喜 異

以『相 相近,故知字誤 箋云:「猶當 角弓》曰 猶 : 『不令兄弟, 交相 與『相 作瘉。 也。」此則鄭破字 好 對 痛,病也。」 孔 文, 當 謂 爲 瘉 無 爲 疏 長矣。 相 猶、瘉聲 惡 云 之事 箋

溢 相 詁 |文。 其聚斂之,以制法度。」疏云:「『溢,慎』、《釋 亦同 讀者但當如 歲,今新歲也。」疏云: 如《 以 歲」,傳云:「 則心安,非 溢 成,於理爲密,故易之也。」《小旻》「謀 車 , 盈溢之言也。 我 也。」凡鄭 毛鄭訓詁 以 奉》以 ``我其 易傳 慰除我心之憂 是異於傳也。」《生民》「以 此 者 收之」,傳云: 興 慰我心」,傳 通融之。 非異於毛,及微異 似異 來 溢 歲, 以嘉美之道饒衍 (實同 是 繼 流 一其 也。」 至如《維天之命》「假 往 者,孔 散,收 八意微 歲 溢 一疏云: 也。 慰 公爲收 與 疏屢言之矣。 ,慎。」 箋云 而 毛 箋云 ,安也。」箋 聚,上 與我,我 亦 以憂除 異 ()大理 同 興 下 嗣 П 嗣

者,讀 行惡 遹 沮 其宜 何 者 宜 日 也 當 爲 斯 求 休 沮 疏 疏 其 止,故 云 理 以 傳 孰 爲 易傳 云 止 爲 法 亦 矣 密。 壞 也 沮 義 雖 凡 壞 無 無 鄭 也 多 多 義 異, 異 異 箋 亦 於 IE 云 當 毛 以 :

孔

足

之好 宫有 同。 毛從 諧 淑 字甚明。 有 妾。」《母 云 好衆妾之怨者。」 關 女, 爲 則 序 鄭 匹。」箋云: 雎 鄭 列 君 君 出 之德。 與 儀傳》。 咸 女傳》云: 閒 7 子 然 孔 毛 無 處 好 和 疏 毛 大 妬 深 劉 逑。』言 好 傳 乃 是 不 媢 宫 衆 子 謂 此 幺 口 「是」字 怨耦 逆理之人。 「湯妃 貞 者 政 毛 毛 妾之怨者 閒 所 專 《關 賢 貞 以 以 曰仇。 之善 説 豈 爲 爲 專之善女,宜爲 女 有數, 蓋 雎 后 后 能 可 》傳 女,能 妃 妃 《詩》云:『 强 言后 爲 魯 統 思得 是淑 與《 解 云: 君 詩 領 乎? 子 爲 妃之 也。 九 列 言 女,二 淑 和 君 嬪。 女 女,强 德 箋 君子 好 窈 子 然 后 傳》 是 和 和 亦 衆 後 所 妃 窕 從 娉 故《詩》美《關

容

進

説

登

曰

婚

姻

人倫之始

主

教

雕》以

爲

稱首

。』」秉逮

事

鄭

君,見

周

瑜

女。

秉

守

太常,

迎

妃

於吴。

既

還,

秉

則《關 《詩》之《關 下」也。 高 似 嫡 教 乎?』』《集解》: 言慎始,皆是 風之始 女 云: 子 乾》、《 在 妾。 岡 以 之端。」 謂 淑 王 」,箋云: 周 雎》序云 《三國· 伯 女 坤 后 《大戴禮 人 樂得 魚 之位 ×, 指 思得 此 雎》,《禮》之《冠》、《婚》,《易》之 日 有 皆 志 言 言 淑 慎 賢 籔 樂得淑 此  $\equiv$ • 夫 女 「馬曰:『《周 。『女爲 不知 始敬 女以 程 綱之首,是夫爲 喻 八婦,非 以 保傅》云: 非 賢 秉 配 鄭 指 終。」 西己 女得 傳》:「 女以 君 ^ 君 九 君 言 周 子。 何 子。 嬪。 此 在 嫡 配君子」, 南 南 以 言婚 「《春 孫權 妾。 王后之位 × ×, 其 H. 綱 ^ 妻 四 言 秋》之元 爲太子 召南》, 召 車 綱, 之首 章 論 夫 亦 南 舝 乾 語 是 人 陟 **>** 坤 以 登 Ŧ. 矣 淑 然 彼 序 或

言,頗 否? 房中之樂。』隋文悦。 鵠 本 全唐文》。 傳。 人不依孔 隋 一房暉 對 而 女 南之旨。 遠 亦 疏、强 進 論 不 日 從箋説 <u></u> 毛從鄭者。 臣 淑 高 噫 女謂 聞 祖 窈 后 暉 謂 可 窕淑女,鐘鼓樂之」,此 〇凡引唐人文無其集者,皆見 遠引 妃 羣 謂 也, 臣 不 《詩 E 安有 · 苟 》臆對, 恣率 自 后妃 同 古天子 一者矣。 執樂也?」此 即 有 時之 唐 王 女 樂 來 者

之道 其私 澣。 之。 疏 寬博之德 衣。」此 不謬,宜 毛以「私」 傳云:「污,煩 云:「此篇 「薄污我私 長 孔疏云:「王肅 衣」,是也。」此毛 則公服宜不澣者,與 王肅之説,有是者,有 自 孔 故故 與「衣」皆是 疏 誓 毛 雖 取之也 不 也 傳所 在 敢 薄 忘 山 私 述 澣 説 「薄 澗 也 傳 私 服 鄭箋 毛,合之云『煩撋、澣 我 不 澣我衣」不合也。 所説 宜 獨 服,「污」與 明。 衣。 其言 <u>Z</u> 澣,公服 寐 非 衣 甚明,王 ൬ 王肅 害澣 者, 或 覺 間韓 得 云: 當分別 獨 害 澣 宜 衣以 傳旨,今 言先 《考槃》 否 肅 否 一大人 下 皆 述之 至. 是 Ŧ. 濯 此 毛 觀 椽

不崇 則 甲 疏 則 説,恐非其旨。 以 命 其以 毛耳。 以詩 矣」, 意,宜 夷 王氏 依之以爲毛説。」此 云:「此自 申毛 四 子 從 傳言『會甲』 駾 王. 年,周 矣」,孔 之 朝 之者,如 肅 中諸言『不皇』多爲『不暇』,故 朝爲相朝, 之義,不爲長矣。」此 王 孔 朝 而 謬説,疏 義。然周之正月, 柞棫未 受命出征 肅 疏 天下 王肅之説。 云 正丙子,混 亦 疏  $\pm$ 一會朝 云: 依 清明。」孔疏 長 肅 駁之甚當 則不取之,甚能 驗毛傳 一不暇 無暇 之也。 讀 云 「《帝王 清明」,傳云: 爲 毛 以以 修禮 義,謂 夷伐周。』王 毛意 傳簡 相朝,不 E 甲 也。 武 下, 世紀》云: 取 云: 「 子 而 無 略, 甲 王 與 相 昧 至 以 東 子 説 别擇 當 鄭 朝。 毛以  $\pm$  $\pm$ 見 爽 一會 生,以 日 征 訓 以 不 肅 肅 與 肅 存 其 文 之 也。 皇 此 殊。」 不 能 爲 百 紂 謬 其 然。 疏 朔 甲 爲 爲 引 戰。 會值 爲 説 其 王受 説 皇 得 湿 也。 怨 毛 説 非 此 之 其 而 朝

0

訓 堂《小箋》、陳碩 毛傳乃詁訓之最古者, 且引孫毓云:「經傳詁 讀 會 一會 爲 甲二二字, 甲 甫疏已解會訓甲之義,此不復贅説 此 疏 以 説 爲 誤 會 也。 訓,未有以會爲甲者。」 更何俟他求乎? 值甲子,不成 傳 訓 會 爲 甲 文法 疏 段懋 連

此不 總之,非毛説也。「燕師所完」,鄭箋云:「燕,安也。 梁山 梁 據《禹貢》以作傳,詩人亦據 不言其地。」此亭林未悟毛傳用《禹貢》之文耳。 〈詩》 水經• 今涿郡 治梁」二字用《禹 Ш 知出 云: 近岐,則韓近岐無 王 昔 維禹 聖 肅 水》注 周 方 『普 自謂述毛,然有非述毛者。「 於三家《詩 宣 城縣 甸之」,毛傳云: 彼 引。 王 韓 亦 有韓 此 有 城 貢》「治梁 竟不述毛矣。 韓侯, 《禹貢》以作詩也。 》, 抑 侯城,世謂之 燕 疑矣。 師 王節 其 所完。』」《志氏 馬 《日知録》云: 及 或 信 治 岐」之文 也 臆説? 《潛夫 寒號 梁 近 王 且不獨毛公 燕。 Ш 肅 ご此 城。 奕 「毛傳 云: 論 也 姓》。 然 故 奕 古

> 者? 空。」《日知録》駁之云: 平安師衆民之所築完。」❶此以 蠻」,又可以百蠻而 文義不順。 日 知録》又以「其追其貊」乃東北之夷。 澧調: 朱子《集傳》云:「燕,召公之國 當時 燕師 謂韓在 至韓,必有其故,不 「豈有役二千里外之人而 南乎? 燕國與韓遠,故訓 然 可懸斷 詩 也。 》言 燕爲 其 召 必 公爲 大 爲 安, 無 築 時 也 百 城 司 然

都。 《詩》、《書》,武王崩,管、蔡流言,周公避 屬,此爲誤耳。 此江艮庭《集注 縢》云:「罪 而 管、蔡、 猶 大誥》而 攝政,致太平。 疑 周 鄭、王 知管、蔡將 商、 公, 東 至 説 奄 人 音疏》之説。 征 周 感 斯得。」 四 叛,乃 雷 王 或 公東征之事 以 肅 皆 鄭君之説皆 風 之異 罪 以 謂 叛。 爲《 鄭 周 得 人斯得」爲殺管、蔡。 以 公居 知流言出 · 迎 周 鴟鴞》 爲 公東 大 周 成 不誤。 東二年,爲作 不 之詩。 公歸。 王 征三 同。 收 於管、蔡。 周 惟 年, 公官 成 考之 於 居 金 是 東 歸 王

●「師」、《毛詩注疏》鄭箋作「時」。

所

謂

以

矛刺

盾

也

王

云:

年

克殷

殺

管、

蔡。

似

爲

鴞 》篇 王 説 一説 傅 傅 合毛傳。 云 合《 説 既 文》。 見《豳 取 我子,無毁 譜 《周 》疏 公居 汪 東 我 容甫《述學》 證 室。」毛傳 澧案 孔 疏 文以 以 云 ^ 鴟 王 : 甫

見

爾爾

譜

乳

疏。

○≪金

縢

《爲孔

傳與

肅説

同。

己,將毀周 我二子,將毁我巢,喻 周書》曰 寧亡二子,不 室也。 我之不 可 ,毁我 ^ 説 肆。」 許意謂 文》云「 周 武 室。」毛意 庚叛 擘 而 不治 使管、 治 以大 也 流 蔡 鳥 言 附 所 引 取 言其

(陵越,江艮庭論之已詳矣。

自

起,則無以告先王也。

二者皆不可傅

合王

乎 ? 周 説 金騰 公一 也。 僞古文《蔡仲之命》云: 》言管叔 聞 如 流 王 説, 言 及 而 則於《詩》、《書》皆不可 羣 遽 弟 興 八兵,誅 流言、未言管、蔡叛 「羣叔流言, 殺兄弟, 乃致 何太 辟 管 叔 通。 也。 急 于

商,囚 伐管、蔡乎? 文乃肅所作 蔡叔于郭 也 鄰。」 且 此《大誥 成 此以 王 流言即 此 礼 時 疏 誅囚 方疑 語 Œ. 與王説 周公,豈命周 可 以駁僞孔及 同 可 知 王説, 僞 公 古

不敢消 三年 亦可 《詩》言三年,參差不合,而 云: 害之矣。 「公避位以遯於野, 而 公, 況敢遣死士以制 歸 其所據《逸周 見《豳 譜 光 之乎? 書 死士之力足以制之。」夫 疏。 作 此 雒解》之文,則孔 若用死 爲之彌 以《書》言二 士,則 縫 公雖 耳 晁 成 在 年 注 王且 汪 朝 E

傳云: 有之獸, Ш 櫟,隰之駮,皆其 不然。」澧謂 宜云獸。」孔 白駮拳, 有六駮」,陸疏 木名。 駮 有苞 馬之語,其後脱 陸 駮, 機 **一棟**,隰 贵 遥 其無易傳之語者, 疏 得 視 如 疏 與毛、 云 似 馬、倨 有樹檖』, 云:「此言 陸 云:「駮馬,梓榆 隰 駮 所宜 疏 鄭不同者,「山 馬, 所 牙 誠 之。 宜 有 食 有 故 有? 皆山 也。」 非 虎 理 謂 鄭所見之本, 矣, 無 豹。」箋云: 之駮馬。 更疑 駮 隰之木 理 竊 也。 然尚 食虎豹, 也 傳 疑 有苞 箋 本有 其樹皮青 有 相配 但 亦 下 櫟, |箋、傳 口 則 樹 以 乃 Ш 不 皮 駮 希 之 隰

脱耳。不然,則此箋不可通矣。

逵、崔 鄭 注。 德? 傳》。 儒 洗末 則 笙 然千載之上。 傳、鄭箋孤行,獨朱文公《集傳》閎意眇 口 匡 韓詩 攻 取 」字,改爲 可 則 『賓之初筵』,飲酒悔 亦 擊 有聲 師專己守殘之陋。」《詩致序》。 ^  $\pm$ 休思」,『是用 崔靈 取《 戰 兼取 朱子 抑 伯 恩之書,爲朱子《 『禹 | | | | | | | 或 國 無 厚 「康」。 恩采 策 三家説,不獨賈逵、崔靈恩 云: 者, 豈未 辭,則取《儀 語 敷 自做、《昊天 言《關 <sup>《</sup>柏 下土方」,又證 三家本爲 『何以 『陟 賈 舟》婦人之詩 不就」,『彼岨 見王 逵撰《齊 雎 降庭 禮》。 恤 過,則取《韓 有 伯 集 《集 則 止,則 我』, 傳》開 成 厚 取 魯 諸《楚辭 『上天甚 注》。 命》 之 韓 者 則則取 康 則取《 説 澧案: 取《漢 衡 道 與 其 岐」,皆 乎 今唯 先。 詩序 成 毛 也 指,卓 ? 劉 宋 左氏 王之 神』, 氏 書》 人諱 向 賈 從 且 阮 近 毛 異

摘出之。 子《集傳》之説同 文達公《詩 》之意、徐氏璈 此可見《集傳》之善 書 古訓 詩 陳 》采諸 碩 經 廣 甫 經 詁》亦 《毛傳 及諸 雖欲 古書 然。 疏 蔑棄之而不能 》亦然。 説 徐氏所附之説 《詩 》之語, 澧門 人趙 亦 多與 朱 子 子《集 韶 朱

轉 鑒。」此 但 解釋詩 明序意也。 言語之外。] 澧案: 小序云: 云:「此方言其開燕設席之初,而慇懃篤厚之意,藹 之精善、朱子未嘗不稱述之也。《行章》首 終於逸樂。 保》以上治内、《采薇》以 居多。」澧案:《朱子語類》云:「文、武以《天 不過 我心匪 也 知 方圓 攻小序耳。 四 與 我 意, 鑒,不可 庫 心匪席,不可卷也」,毛傳云: 白 至於詩 毛 總 則 此四句 黑,不能 意 目 有 不 提要》云:「朱子從鄭 甚 中 以 至於詩 同。 得 訓 茹」,鄭箋云: 儘說得好。」卷八十一。 度其真 「《行葦》,忠厚 毛 詁 下 固 義, 下 章 中 ·治外。 我 多用 勝 訓 爲。 詁 於 心 毛 也。」朱傳 我心 「鑒之察形, 鄭 匪 始 用 鄭。 毛、 於憂勤 樵之説 非 然見 l章朱傳 Œ 不 小序 如 而 可 口 如 其 發 於

矣。 毛 此説了。」卷八十一。 敢 傳 於 使文從字順 <u>궁</u> 事 還者,有亡其馬者。] 是毛意以二者皆實有之 傳云:「我 又 堅 如 當君子。 也。 如 何 尚 此說。 毛傳簡 「於是居 喪其 鄭箋云:「今於何居乎? 一爱居 可 《朱子語類 可 以 轉。 真善讀毛傳者也 謂 馬 如 茹, 爰 心 約 此之淑女,方可爲君子之仇 乎?」此 ,於是處,於是喪 處 席 匪 鄭 此 \*X: 朱子知后妃求淑女,是鄭如此説 毛 雖 鑒 ,爰喪其 經有毛傳、 平,尚 意 箋多紆曲。 而 陳君舉 亦當以 不 亦與毛意 能 馬」,毛傳云: 可卷。」然則「我心 説 度物。」得毛意矣。 《關 爲 鄭 雅》,謂 其 鑒尚 朱傳 箋,必當有 不同。 於何 馬。」得毛 兀。 后妃自 可茹 解 鄭 處 經,務 「有不 氏 朱 乎? 謙,不 而 也 朱 意 傳 朱 匪 非 如

寘,置也。周行,周之列位也。」孔疏云:「《鄉「周,至。行,道也。」鄭箋云:「示,當作寘。《鹿鳴》「人之好我,示我周行」,毛傳:

飲酒禮 澧之書已刻成,故不删也 《卷耳》之「周行」,乃大路也。 詩 《儀禮》、《禮記》鄭注説,實長於箋説 《禮記·緇衣》:「《詩》云:『人之好我,示 ○近見胡墨莊《毛詩後箋》説此詩,亦引「示我顯德 爲代名,故引「示我 班氏以周行之周爲 我周行」,猶云「示 之道。」朱傳云:「周行,大道也。」此 周行。』」鄭注云:「行,道也。 注《禮》時,未 云:「示我漢行。」李善注 学注 \( \frac{1}{2} \) 爲《 顯德行」 代名,故 「嘉賓 詩》箋,故 我 \(\frac{1}{2}\) 也。 顯 擬之曰「漢行」。 既 周 一德行」 「毛詩曰: 來,示 行,猶 道 同 德、 云周 也。 言示我 舊 我 道 「示我顯 道 路皆 記説 以 李善 班 猶 從毛 。」澧案 善道。』以 孟 可 也。 云道 則 以 謂 行。 德 《辟 不 傳及 之道 周 行。一 示 忠 以 也 但 我 周

升一降。 從傳、箋, 降,在帝 王 既没,而 「文王在上,於昭 左右」,朱傳云:「文王之神在天, 而自 無 其 時 神 爲説者。 不在上帝之左右。」此朱子不 在 上, 于天」,朱傳云:「言文 昭明于天。」「文王 實則古 有此説。 《墨子 一陟

是。 箋皆 説 非 昭于 上, 前 在 鬼 病 文達之説與朱子 左 () ) 篇 右, 爲 、朱子所未及。 明 也 而 。」《《大 夫』。 乃宗 若 朱子之説 云: 法, 非 謂 拘 更是明言宗 其 雅 陟 若 此 守 祀 陟 非言 則 文 鬼 詩 與 毛 文王 明堂,指 神 天 降 Ŧ 此 毛、 無 暗 上 鄭 初 陟 在 有 同。 合 詩 鄭 一,降 其 爲 降 而 帝 配 解 則 之説 西伯 不 以 文 阮 文王 如 左 上 則 在 文 論 文王之神在天  $\pm$ 文達之講 右 帝之事,豈 澧 庭 帝 既 達 實 其 在 在 者 止 死 案 左 非,朱 是 天上 公 也。 民 : 乎 右 彼 云: 非 宗 ? F 豈 漢學, 能 時 至于『在 子 祀 此言 則 二文 有文王 傳、 在 故曰 也 之 明 帝之左 漢 上 學之 堂 箋 説 王 真 文 『於 傳、 E 實 口 則 之 皆 生 帝 在 右 學 洒 通

君 從 序 子 説 行 戴 邁 東 之憂 原《 平. 心 詩 勞 論 經 之,序 而 補 作 注 也 説 云: 雖 此 古 從 卷耳 義 朱 傳 而 - 》,感 之説 朱説 念於 不 尤

> 酒, 説。 也。 安。 卷耳於大道之旁乃 則文義未安也。 娱 ,故戴氏從之也。 可 願君子且酌 不拘 戴 懷 陳長 謂 氏 " 雖是 無 云 發《 守 偏 毛、 (稽古編))駁之云: 黨 託 二章、三章、 通。 陟 矣。 以 鄭 諸 Ш 解 戴 空言,終有 亦不 氏 其 謂 真 云: 憂 彼 君 周 拘 也。 子 四 真 行 守 行 章 此 朱 傷 此 懷 朱 邁 登 傳以 念於周 則 傳 於 實 所 高 朱 勝 雅 晄 爲 極 説 戴 道 朱 行 寘 也 之上 所 氏 傳 亦 采 之 是 縱 未 酌 之

於存 籩 武公自悔 過 武 威 自 儀 也。 豆豆 悔 公刺幽王 之語 韓 賓之初 其 今按 朱 義 所 子謂 ,遂不覺其 與《抑 之之作 與 此 也。』韓氏序 筵》,朱傳云: 飲 詩 當 酒 意與《 從 戒 之賓 當從韓 韓 偏 似不 義 大 耳 未 日 雅 亦 相 義 未 説 免 類 毛氏 衛 經 必 抑 偏 澧 至 武公飲 不 見 且. 案: 序 可 於 武 相 日 有 此 蓋 號 公 : 類 赫 成 酒 呶 詩 有 見 意 必 悔 衛 蜀 無 陌

了,蓋 若 此 序言 刺 妃」,文義 监 雨 何」,與《風 弁 雨 則 妃妾之德」; 讀 》篇 時 矣。 》篇獨爲淫奔乎? 稱 女「俟我於城隅」,又貽我以物,我悦其美。 不 防如城 詩記》云: 譽賢 也 思 以 刺 「既見君子,庶幾説懌」,《隰桑》篇 謂 東 毛、鄭 淫風大行。 君 爲 雨 門之墠》序言 諸 衛 皆 女,豈 子」,亦 》篇 刺 隅 侯 君 不 ; 美 既 曲 「『愛而不見,搔首踟 當 而 無 口 見 容 「説懌女美」,解爲女史「説 解 惟《 求賢女以 以 道 通 人之貽」,解爲「遺我 君 以 之。 作 夫 爲 序未嘗不言淫奔也 静女》篇則 子,云胡 爲 此等 澧案: 淫 淫 刺男女相 人無 「俟 奔者自 奔。 語? 不 爲 我 德。」 此序 ·夷 」無 序云 配 於 誤之甚矣。 真 既見君子,其樂 作,甚 城隅 必 奔。 也。 難 異 躕」,猶《關 : 至投 也。 解。 「《 静  $\sim$ 吕 語意未 至《 l, 朱子 何 溱 伯 以 梭折 其言 解 以 洧 女》 賢 《風 風 恭 釋 爲 如 頍 説 可

如食 差近 宫, 章,本可棄矣。 章,取彤管焉。」孔疏 貽 管之贈,非 妃 以爲静女在後宫,後宮西 雎 取 軍, 可 貽 前 》『求之不得 ,故全篇取之,不棄上下之二章也。」此則 肉 二,謂「 朝 通 我 後 矣。 不食馬 此 以 市。 説 彤 田 其女色之爲 後宫 管, 其云「三章之義 則 官獻 肝 仍 云: 女史之灋, 西北,安 寤 耳。 未 新物 「本録 寐 北 通。 定九年《左傳》云: 乃 思 能 城 於君 服 《静 美,亦惟 隅 近 蓋 0 城 女》詩者, 三百 可 隅 一; 乃 此 難 吕 乎? 説 則 通 氏 不 篇 德 用 懌 據 一竟以 止爲彤管之言 然 横 張 之以 「《静女》之三 中 美之人是 也。 横 一章言 吕 渠 爲上下二 此 渠之説 諸 之説 答 氏 侯之 彤 賢 此

辭有 美乎 統理 籠 天 精微 地 盡 性 陳季立《讀詩拙言》曰: 而 囊括古今,原 闡 意無 ,靡不貫矣。 揚 道 窮。 真。 故『誰 廓 近 本 乎 物 也 適 廣 實遠, 情 爲容」,閨怨之貞 「《詩》三百篇 大, 諷 靡 淺 切 不 也實深 治 備 體 矣。 總 牢

〇 五.

之士,言之能若此之典乎? 『我思古人』,拔俗之卓軌 『投畀豺虎』,疾惡之 乎, 變 『濟 」,想君子之容 之雄 也。 時之 . 猶 斷 後 思存』, 政 餞 雅 止 世 濟 廣身教 也。 也 足。 送 壺 一周 所 幽 心 清 自 多 之清 剥棗』,田 詠 憂 也 隱 紛 寬 「 好 爰咨謀』, 士」,美 後 也 公孫 在 尤 高 華 之 也 111 致 可 遯 水 樂 而 風 善 於 「攜 也。 也。 繹 之 得 此 中 碩 不 無 流 經 家 女 秉 仕 輕? 之則 分矣。 王,及爾游衍」,何天之不爲人? 無 作泮宫, 思。 終」,令終之戒也。 之士,言之能若是之詳 寵 行道之徵 已焉哉」,謀始之箴 也,亦漢、唐、宋之所以亡也。 夙 「俾書 寧 斁,譽髦 夜』,庶政 賂 心 也。 彰矣。 『潝 『民之失德,乾餱 莫 塞淵 作夜』,酒 見民 淮 我 潝 『白圭之玷,尚 也。 斯 夷 亦 有 『婦有 泚 騋 隳矣。 士』,何化之不 攸 勞 泚, 』,何變之不可 牝三千』, 服」,何 夙 德酗 止,百 夜 長 百 『孝子不匱,永 『爲 也。 匪 矣。 官 舌」,女謁 教 以 乎? 解 鬼 邪 『靡 姓 口 何 之 愆」,何 矣。 爲 木 自 可 非 事 磨 以 不 蜮」,讒夫昌矣。 正 「反 矣。 也, 事 行? 後 有 政 之 盛矣。 『亶 有 ? 微 『噂喈背憎 非 肺 世經綸 是 初 何言 錫 此 腸」, 之可 心 ? 侯 古 不 及 鮮 周 盡 爾 多 『莫肯 思 爾 之人 忽? 之可 策名 之衰 朋

膚」,

昭

勞

謙

也

「萬

邦作

也。

有

嚴

有

翼,

修

戎

瘁

既

出

,言之能若此

之婉

乎

?

沚,

跡近

脯

心遐。

振鷺

白

駒」,繁嘉客之

馬

也

亂

泌

之洋

洋,

素位

而

文雅

荒」,恬淡

而

慮

長。

\_

匪

我

也。

遠

遊

之博

采也。

『實

命

不

『示我周

行』,乞言之虚

懷

真

樂

也。

魚

鼈

笥

蒲

手

同

行」,招

隱之姱

節

也

信

宿

戀

德之悃

衷

也。

峻

語

也

「樂子

無

知』,傷

志

也

與

子

偕作』,

塞

曲

盛

世之風

**素隆** 

之泰

也。

藏

類

克

有

亦

康

濟

鲎

治此經者勸焉。 益深矣,其爲用大矣。 紬繹辭意之功,不可無 孔門所以言《詩》獨詳也。」 澧謂: 者,辭可歌,意可繹,可以平情,可以畜德 始終,一天人,道德性命之奧也。 善讀《詩》者。凡説《詩》者,多解釋辯駁,然 談道之士,言之能若此之審乎? 職競由人」,何人之不爲天? 是合内外,貫 竊欲 也。 平情 以 季 陳季立可謂 立 畜德,其爲 故《詩》也 後世講學 此 1論,爲

東塾讀書記卷六終

## 東塾讀書記卷七

番 禺 陳 澧 撰

周

禮

獻王 之望 以 排之耳。 以 封 官》末世瀆亂不驗之書。」澧謂 周 爲 作《樂記》。」賈公彦《序周 禪 禮傳》云:「孝成皇帝 非 與 祀 史記 射 羣儒 是。」蓋 毛生等共采《周官》及諸子言樂事 賈 4 采封 事。」《漢 又云: 封 西漢儒 禪書》云:「上與公卿諸 禪《尚書》、《周官》、《王制》 「林孝存 書 者始則 • . 時 藝文志》云:「 衆 以 禮廢興》引 信 爲 儒 《周 武 此説非也。 並 禮》,後 帝 出 知《周 生議 共 馬 河 者 73 排 融 閒 記・雜記》下、「贊大行曰」云云

定論矣。 録 武 入者。」此以「末世 令條格,數十年一修,修 四庫 **※**云: 帝 以 提要》引之而伸其説,云:「此 爲 瀆 周 亂, 禮》是的當之書,然 羣 儒 瀆 尚 亂」改爲「末世 采之乎? 則 有 所附 必有 張 益 如 横 增 後 末 渠《 人。 斯 世 世增 律

芟」以下,肆 饔職文。 薌 視 記 典瑞、大行人、小行人、司 官 文時,得魏文侯樂人竇公「獻其 職 春 大司樂》章。《大戴禮 方 」以下,庖人職文。 「牛夜鳴則庮」 • 燕義》、《夏官》諸子職文。 時」以下,食醫職文。 解》即《夏官》職 汪容甫《周官徵文》凡六條。 《詩 師 生民》傳「嘗之日 職 文。 方職 澧 又考 文。 「春宜 儀 朝 《藝文志 得 四 事 莅 内則》「食齊 書」, 《逸周 職 四 》載《秋 膏豚 ト來歲之 以下, 文。 條 乃《 書 膳 《禮 官 唐 老 膏 内

鄭注云

禮

影必

遠

在

吕不韋之前

此皆足徵《周

一禮》是

此一節記 費大行』 者 牲》「縮 《周 書 贊 人 ?禮》有《大行人》篇。 明 酌 摠 ,書説大行人之禮者名也。」孔 起釋《周 大 用 茅 行 7,明酌 人之事,謂 禮》司 也」云云,孔 尊彝泲二齊及鬱 舊作記之前 之贊大行。」 疏 <del></del> 之後, ^ 何不可入《周禮》乎? 作,乃强 逸周 書 有 辭 明 職 耳。 徴

有

人説

郊

特

疏

云:

扑 鬯之事。』《 季秋,天子『教于 大閱」,「羣吏聽誓於陳前」,鄭注云: ,本擬亡篇六十 北 面 以 誓之。』此 考 工 記 田 前 **》**賈 獵 大閱禮,實正 作。』《大司 以 疏 云: 習五 戏』。 此 馬》「中冬,教 記 歲之中冬, 人所 一司 「《月令》 徒搢 録 衆

韋 釋之? 之中冬,當夏之季秋,是失之矣。」據 之矣。」賈 而 周禮》若非 作《 説 季秋之政,於周 月 作《考工記》者何必擬之? 令》,本 疏云:「吕不韋以爲此經中冬爲周 周室典制,作《禮記》者何必贊之 於《周 爲中冬,爲《月令》者失 禮 而 猶 有 失, 且吕 此 則 四 條, 周 不

> 周 室典 制, 但 方解 也。 無 穆王 以見 》序言 作《吕刑》,人《尚 汪 容 其 甫 穆 必 王 以 爲 所 爲 周公所 作 書》; 述 古 則 作 亦 在 作 《職 謂 周 耳 方》, 之

乎? 子當答云「在所益矣」。 《周禮》所言,則 違禮 里之命。」必以 周 注 里者十 云:「周室既衰,諸侯 王者作,則魯在 孟子告慎子曰 굸 初之制,最爲 文,乃除 子産言「列 諸公之地,封 方百里。」所 有六,至 去本經,妄爲 大國言之,豈 :「今魯方百 明徵。 孟 所損乎? 魯 或 謂 子時,僅 侯 疆 列 同。 或 相并,自 《尚 方 或 《論 當 Ŧi. 在 方 説 得 書》僞《武成》孔 里者 贵 襄公二十五年《左傳 白 僅 語 四 所 以國· 專 方 耳 里」云云, 可 。此 百 白 益 指 Ŧi. 寄 可可 里,爲 里 子 乎?」若 土 男 男國之命 者 定 一寬大,皆 或 以 以 論 Ŧī. 方 此 寄 乎 爲 也 洲 ? 慎 百 百 如 有 疏 非

0

乃 里 附 也。 禮 於天 篇。 若 <u>궁</u> 百 佌 也。」《非攻中篇》。 周 中立,地 + 者 庸 里 初 此 諸 異 在内。 則 Ŧi. + 下之時,其土地 「南則 者 必 侯, 管子》言兼 論 也。 倍 有 無 語 正 如 度 方 四 五 荆 亦 》言顓 若以 胸 然魯 是 百 千 、吴之王,北 必 之使 其 里, 里。 兼 百 與之立壤,列天下之旁。 此 爲 不 或 霸之國,尚不及四 侯 臾 霸 里之國。 負 ( 周 尤與《孟子》之説 臂 然 方 兼 邦 在 之 海 也。 百 ,臂之使 或 域 魯 禮》兼 霸 之方,未至 若方 里 邦 造 之壤,三百有 子男者 則 賈 者 域 《周禮》 此 誼 齊、晉之君 附 之中, 一, 而 四 <sup></sup> 上 と指 文 庸 百 耳 度 都 也。」《輕重乙》 里,爲 言之, 一有數 五百里 輸 附 則 同 所言四 七 疏 庸 邦 墨 與《周 + 餘 始 天子 之 方 域 亦 百 潛 子 一,則 里。 里。 地 百 包 非 里 封 Ŧi. 夫 不 而 司

中公田 之佃户。 非多取於民也。 七十里,子男五十里也。」方百里者,爲田萬井,九 里、五十里者,以田言之。 公,地各百里。 一百萬畝。 業主取佃户九之一,薄之至也 亦用孟子之説也。 古者君授民田,其君若今之業主 計其所入,今之大縣,錢糧不過 故《王 制 \* \* \* : ○孟子所謂 「公侯田 方百里、 方百 ,其民若今 百萬畝,其 如 此 里 七十 伯 然

市非 澤梁 人于罪隸,女子入于春稟。』●此 舍其守,犯禁者 『掌國澤之政令,爲之厲 市》:『國凶荒 得 文 鍋 不  $\pm$ 無 × 無禁,罪人不孥」。 孟子》言「文王之治岐,關 征 然 必 國図 也,澤梁非 耳 皆 無 則 札, 澧 者 執執 蓋 謂 市 則 而罰之。』《司 無 無 無禁也,罪 亦 ^ 征 鍋 僞孫 孟 見 禁。』《 · 而 門 子 文 之征 》明言 作 王 疏  $\prod$ 布 Ä 權 云 而 市 厲 衡》 猶 。』《澤虞》: 非 推 譏 文王之治 時 茅 之, 譏 而 唐 之宜 孥也 不征 則 男 以 子. 時

月

·封

孔

吉爲殷紹嘉侯,三月

進爵爲公,及周承休

侯

皆 年

爲

論

班

禄篇

皆

與

**孟** 

子》同。

《漢

書

成

帝

紀

》經

和

元

<sup>■「</sup>春」,原作「春」,據海粟廬本及《孟子注疏》疏文改。

疑 岐 則 周 ·必謂 公時 文 容  $\pm$ 有 權 不 同,其後 時之宜 更有 也 不 同 下; 必

哉 隨, 宜屬 云 棄 鄭 會 乎 小 古者,考一代之事,必蒐討 作,終是周 幸 職 文 説 君尊信《周 要》者,但取 而 方》荆 則 則溠宜 之 豫 猶 湯周 周公制 若以 拘 春 州 非。 不 禮 儒 一, 州「其浸潁湛」,注 氏 秋 遺 爲 代 之見 屬 》「掌覆夭鳥之巢。 禮, 傳 豈 非 禮》,乃通 出 也 此 典 荆 高帝時之事,以後皆可棄 有 周 非 制 於 至 E 州 也。 周 況《周 公所作則 贵 Ш 在此 楚 也。」豫州「其浸波溠」,注 幺 公之 巖 子 可 且 厲 儒 屋 禮 排 鄭 非 除 而 高 以 書 壁, 一代之書,雖 棄之乎? 方書十日之號,十有二 也。」此 \(\frac{1}{2}\) 君 廢, 道 識 棄之,然則讀《漢 五官粲然具 而 即 亦 梁 미 至秦 「潁 不 溠 林孝存之排 不 以 鄭 盡 悉 出 爲 而 誉 君 周 後 信 陽 非 燔 明 軍 乎? 存 儒 短 公 城 也 滅 者 言 臨 者 書 考 所

> 不必 鄭 其巢上,則去之」,注云: 辰之號,十有二月之號,十有二歲之號,二十 君 辯也。 蓋 不信此事,故 鄭 志》云:「不信 云「未聞 「夭鳥見此五 耳 此 亦 事 非 者 甚 悉信 而 迁 法,其 有八星之號,縣 怪 不足 詳 亦 未聞。」 非 亦

詩

生民

)疏引。

此之謂也

伯。 弁、車旗、宗祝、巫史、卜筮、瞽 漿、衣服、次舍、器 知 提舉 宰》以 而 今皆宰 宰 制 賈氏《序 也 日 相 也。 此周公相成王,格心輔德之法。 我  $\equiv$ 領 鄭 九職、 周禮 相 司馬 能 司 鹽 君 困 之職。 水 知 論 鐵、度支、户 廢 學紀 興 陸 九式、九貢之法治 温公《論財利疏》云: 道 周 語 經 發運等 聞》云 禮》「乃周 邦, 燮理 必若府庫 用、貨 以《周 部。 使。 「嬪 賄 禮 公致 陰陽, 皆 一一之中 御、 空竭 是 或 則 初 領 奄寺 財 侑,皆領 太 非 錢 於冢 亦 用 實 平之迹 閶 愚 穀 以 周 、飲食、 有 閻 及其衰 宰。 臣 自 室 唐 禮 周 愁困 、於宗 之所 古及 制 相 公之 • 冕 酒 都 以 此

氏, 也 昏 交 椓 於嬖 靡 共,婦 寵 寺 瑣 階 瑣 亂, 婣 亞 膳 私 夫 内史,趣 人之子, 竊 馬 位 師

於王 朝 至 秦 而 大 臣 不 得 議 近 臣 矣。 至 漢

而 中 朝 得 以 絀 外 朝矣。 至 唐 而 北 司是信, 南

臣 司 無 如 申 用 屠 矣。 嘉 由 奏 周 劾常 公之 侍 典 如 廢 楊秉 也 言 閒 中 有 府 詰 中 責 爲 幸

宗責房玄齡以 體 如 諸 葛 武 侯,可 二北 門 謂 誉 知宰相之職 繕 何 預 君 事上, 者。 豈 唐 善 太

讀《 寺人,屬 周 禮》者哉 於冢 宰, 則 卷 内 四 廷 **^** 無 日 亂 知 政 録 之人。 \*\* | 云 | : 九 閽 嬪 人

之於 世婦,屬  $\pm$ 於冢宰,則 不 惟 佐 之 治 後 或 宫 無 亦 盛 誨 色之事。 之 齊家 者 太宰 也

後 自 Ė, 漢 以 謂 來, 言官 惟 中 諸 府 葛 中 孔 俱 明 爲 爲 知 體 此 \_\_\_ 義, 而 故 宫 其 中 上 之 表

是後 事 皓 , 事 終 主 無 欲 允之世,位 大 采 小, 擇 以 悉 充 以 後 不 咨 宫,而 攸之、禕、 黄 門丞 終執 允三 不 聽 以 人。 爲 宦 行 人 於

黄

過

可

其 論 周 举 非 禮》之效矣。」卷 举大者也。 周公孰能 定 《歷 此 Ŧi. 代 制 職 觀 ? 官 表 温 所 公、 謂 今 内 厚 致 務府 齋、 太 平 官, 亭 林 爲 此 所

禮》天官之屬者居多。

賈 公彦《序 周 禮 廢 興 **>** 引 馬 融 傳

云

孝 成 皇帝 時 達 才 通 人 劉 向 子 歆 校 理 祕

書,始得列序,著于《録 》、《略 **%** 時 衆 儒 以 爲

非 是, 唯 歆 獨 識, 其 年 尚 幼 據 此 則 周 禮

得 列 序 著 録 由 於 劉 向 其 時 劉 歆 尚 幼 也

後 儒 大 劉 歆 而 詬 厲《 周 禮 者 誤 也。 漢書 成

帝 書已, 本 紀 \* \*: 向 輒撮 河 其指 平三年,劉 意,録 而奏之。」《劉向 向 校 中 祕 書。」《 傳》云 藝 文 志 云

卒後 十三年 而  $\pm$ 氏代漢。』《藝 文 志 义云: 向 卒

卒。

哀帝復使歆卒父業。 計 之,向校書 閱 歆於是總羣 <u>-</u> 年。 其 書 録 憪 而 奏其《七略 奏之者 即 》。」 澧案: 别

録 奏、 歆之《七 略 ř 之也 也。

至

一歆乃

彙

爲

令七

略

革

馬

融

所

Z

绿》、《略

向

以

年

數

賈引《馬 融 傳》又云: 歆 末 年 乃 知 其 周

字音讀 衆、賈 帝 甚 出 漢 言也。 公致 不多見 云 : 之初,年且九十。 玉兆、瓦 堯之兆。 大。 成帝 於 「連山 Ш 太平之迹。 逵 弟子死喪,河 兆、原 其説! 初 巖 往 宓 原兆,有 當 年,東漢 屋 戲。 受業 兆」,杜子 時 見 壁,子 歸 於 讀《 藏,黄 周之兆。」又《連 焉 澧 鄭 經 案: 周 春 春 能 南 注 一、帝。」 師 澧 云:「玉兆,帝顓頊之兆。 禮》之難 獨 通 緱 中 之最先者矣。 案 能 其 氏 此則非 者 杜子 讀 百 通其讀,首創之功 杜 Ш 餘 辨 在 頗 子 春 IE. 條 《歸 此 識 春 尚 文字音讀 取之,不 也。 皆辨 藏 當 其 在 《周 》,杜子 説 生 如 以人廢 瓦兆 於 正 永 者、然 大ト 禮》 文 西 鄭 平. 春

劉

歆

此

語

鄭

君

其説 謂宫 從 建 杜 注 邦 者 刑 後鄭 之 後 云 宫 亦 在 於杜 刑 鄭則從之者。 頗 王 「杜子 以以 宫 有 子 中 之,然不 春多從其説 治王宫之政令,凡宫之 春云:『宫,皆當爲官。』 ·者之刑。」如 《甸師 多也。 此之類,不從 》「祭祀 如《 且. 有一 小 宰 一共蕭 鄭  $\approx$ 糾 玄 不 掌

從杜 藉,謂 爲菹 以矢行告,告白射 刌茅,長 杜 重 杜子春讀爲梐枑,梐枑 杜 爲 茅」,注 云:『梐,榱梐 鄉師 詩》 也。 者 也。 : 縮 下 『射 也。 所 祭 》「共茅蒩」,注云: 以茅爲 然有二鄭 日 謂 云: 杜 周 掌舍》「設 五寸,東之者是也。」此 前 人,主 《射人》「以矢行告」,注 Ĭ: 留 取 子 衛 藉 二, 上 春 鄭 有内 菹,若葵菹 蕭祭脂」。」 「大射正立于公後,以 也 也。 以 讀 大 日 不從杜 梐枑 矢 玄謂 外 夫 于 爲 揚,左右 柜,受居 行 列。 王,王 云 蕭 再 高 謂 蒩 後 杜 此不 也。』鄭大夫 重 此 下 行 , ~ 蕭, 蕭 則 日 ·左右 溜 鄭 不 馬 子春 士: 字 方。 從 香 執 注 水 亦 從 虞 從鄭 或 云:「鄭司 蒿 云 鄭 矢 不 鄭 玄 涑 禮 告 云:『蒩, 爲 杜子 也 從 謂 大 也 矢行 橐 디 于 茜 大夫,不 讀 夫 所 農 者 者 行 鄭 Ŧ 春 謂 蒩 杜 而 玄 茜 而 馬 也 口 也 于 農 當 説 農 甘 從 謂 如 從 再 讀 爲

公。 《大射禮》 云

農 大儒 治 農受業 黨之見,尤可 春 經,不 疑 説 前 杜 不 於子春, 非 與 於二 爲 是 墨 禮 守 見其立 鄭 後 經 之學 與 而 鄭 合 杜 有 無 心之公正 ,皆有從 也。 疑 説 疑 其 非 後鄭 則 (非是 是 與 有 也 也 司 稱 者 不 農 從, 鄭 古之儒 此 口 絶 爲 矣 則 無 同 鄭 偏 宗 者 可 司

補

疏

專

疏

先

鄭

惜

其.

書

未

刊

行

也

遠《詩 從之。 又 謂 説。 屯」,注 爲 别 祭祀 成家 多從之,蓋 茜。 故 如 後 共 書 疏 世 蓋 云: 鄭 茜 蕭 作 小 分 之訓 以 注 讀 茅一, 傅 宰 其 疏 鄭 引 猶 爲 辨 毛、 爲 也。 鄭 注 大 縮 注 聽 鄭 鄭 夫 大 鄭 云:「鄭 稱 司 至 讀 大夫讀爲 夫者甚 》之宗 責 賈 農之父,故引之耳。 司 屯 鄉 (疏《周 以 農之説 爲 師 傅别 大夫云:『蕭 毛 課 少, **\*** 禮 爲 殿 符别。」《 巡 Ħ. 0 主 則多引之, 注 其 多 則詳 矣。 後 云 前 不 鄭 甸 : 皆 孔 後 於 字 從 師 後 沖 所 或 不 之 傅 其 農 别  $\sim$ 也。 繶 不

鄭

而

稍

略

於先

鄭。

南海曾勉士先生爲《周

禮

**^** 

廣

尺,以 鄭 此 人之説 司 布 農 也。」又云: 鄭 爲幣 <del>궁</del> 也。 司 農 貿 如《載 當 里布 (易物。 東 漢 者, 不 師》「凡 之初 知言『布 布參 詩 宅不 其 》云『抱 印 書 所 參印 毛者. 引 ,廣二寸, 布 舊 貿 有 説 者 絲 里 13 長 何 布 西 漢

杖,五 見舊 也。』《屨 孔 廣 中 有 云 雅 亦謂 ^ 七 雅》云: 所 上 灋 時 影而 笙 日 孔 出 見 者 説 師 人》「赤繶黄 以 授 寸 1,且授 也。」《 疑 采 大 其爲 蓋 鄭 澧 三分。』《禮 『篪,以竹爲之,長尺 絲 案 寫 夫杖,七 司 之杖 礫 肆師 者誤,當 農云: 誤 其 此 乎? 下。 **總**,鄭 》「禁外内,命男 明 鄭 圖》云: 是 日 司 篪 此 云 别 授 鬱 農云 禮 司農云: 八 七 有 士: 人》「和 空 空。」 家 所 杖。 篪 也 四 亦 見 三日 九 寸,八孔 賈 西 鬱 贵 禮 此 女 空。」 或 漢 疏 鬯 家 舊 之衰 可 司 禮 授 云 字 以 農 據 디 家 説 説 抱

言, 農之説 注、假借。」皆 二十貫 疏 言。 疑 疏 象 陳之」, 藝 事 和 司 云 是也。 <del>艺</del>: 非 形 農 鸞 文志》云: 象 最 也 此 爲 在許 「皆依 會 「云『逐水曲 在 形 逐 鄭 先 築。」 意、 《保 《保 先 水 鄭必有所本,而 司 形 蓋 叔 曲 農 轉 與 許 賈 聲、 氏 氏》「六書」, 重 「象形、象事、象意、 <u>궁</u> 其 氏《説、 || 五 司農之説大同小 注 過 疏 之前 會 所 君 궁: 』者,無正文。 處 意、 自 鬱 表 馭」,鄭司農 未 文》。」此 事、 也。 來者遠 草 舞 轉 知 鄭 假 《説 注 疏 交衢 名, 出 借 司 謂 矣 假 更 農 + 何 文 其「以 諧 借 賈 先 逐 文。」 葉 叙 云 云 異。 象 Æ 鄭 聲 爲 禽 食, 之。 《玉藻》,天子諸侯皆 胙 之禮。 數存 俎,見於此矣。」若 客 賜之 月半者,此 具有諸 周禮》之内,有《大行 食, 俎。 朔月 如《 可 飱 則徹王之胙俎」, Ŧ 《儀禮》之内, 見者,唯 侯之禮,但 牽 月 大司樂》「王 與賓客禮 半,以 與 無 其 IE 有《行 陳 文,約 樂宥 數 無 。」後 朔 存 大 食 月 鄭

也。

賈

六書,

意

而

以

意

圃

左

賈

此

疏

闕

Ŧi.

馭

鳴

實

彝

而

注

云:

凡

此

禮

陳

之誤,鄭

 $\vec{z}$ 

指

漢

書

以 譜 牢 以 禮 明 周 之。 之灋 禮 ~ 掌 如《 隱 其 宰 略 牢 夫》 禮 而 尚 一,委積 凡 可 朝 考 膳 覲 見 者 獻 會 後鄭則 飲 同、 食、賓 賓 引

聲、

轉

而

긁

有月 奠』,則大夫已上 其等旅揖,士旁三揖」,注云:「公及孤 《公食大夫》。」賈疏云:「以《儀禮》三千條内 是待聘客之法。」又如《膳 半 大 食 法。」《司 有 月半 食,主人飲食之俎 有《聘禮》、《公食大夫》, ± \* 人》、《掌客》,是待諸 人》、《掌 注 士 而 者 殷 食 時 加 云:「賓客 孤 可 多。 奠 夫》「凡 喪 也。」賈 牲 卿 宥 見者 法 禮 體 客 特 **\*** 今存可 之事 則 王祭 及《聘 注 疏 月 則 知 食 云: 云 大夫 半 約 生 皆 而 卿、大 見者 祀 人 不 又 爲 而 禮 王 湾 知 以 亦 殷 案 知 胙 有 侯 大

文,約 Ŧ. 1: 始 及 人 《燕 西南 門右 故 禮 士: 鄉 皆 》、《大射》諸 大 而 僕之屬,發 揖之。」賈疏 北 面 東 上。 侯禮,卿 在其 云:「此王 王 揖之, 位、羣士位 大夫皆 臣 始 無 人 IF. 東 <u>궁</u> 揄 黑,則是亦黑 此

也。

以下

. 推

次

其

色,

則闕

狄赤

衣

注

羣

面

夫

亦然。 東上,得揖 鄭 知 乃就 羣 ± 位,士發 位 東 面 者,亦約 在 其位 用

故

知

Ξ

臣

右、北

面

掌客」注 燕禮》、《 云 大射》 簠 諸侯、 簋 之實 之士 其 西 米 廂 實 于 面 筐 而 一, 豆. 知 實

東

于門 實于罋,其設筐 西。 賈 疏 云 : 陳 于 楹 皆約《公食大夫》解之 内, 罋陳于楹 外,牢 陳

賈 也 ご注 疏 云: 又云: 此 約《聘禮》致饔餼之文。」《繕 「車、米、禾、芻、薪,陳 于門外。」 人》

用 掌王之用弓弩、矢箙、矰弋、抉拾」,注云: ± 象 一喪禮》 骨 與? 曰『抉,用 賈 疏 云: IE. 「引《士喪 王棘 若 檡 禮 棘 》者,欲1 則 天子 見

X

時

有

文,吉

時

無文,約

出

吉禮也。」此

此皆約

又爲

無

施

禮之大數, 鉶

少於豆。

推

其衰

之之法也

如《司尊彝》注云:「王 璧角璧散,可知 狄青,褘 衣 玄。 也。」賈 此 鄭 酳 君 尸 (疏云: 自 用 言 玉 推 爵, 「以《明堂位 次 者 而 再 其餘 | 獻者

云『爵 知 也。」《 用 弁師 玉琖, 加 諸 用 侯 壁 及 角 孤 璧散』差之,推 卿、 大夫之冕、 次 韋 口

弁、皮弁、弁絰,各以其等爲之」,注云:「庶人

**吊者素委貌**,一 命之大夫冕 而 無 流, 士 變

爲 上,因言庶人,且欲從下向 爵弁。」賈疏 云:「鄭 云此 上,因 者 以 推 有 出 大 士 變冕 夫 已

爲爵弁之意也。」至若《掌客》「上公, 有二」,「侯伯 鉶 二十有八」,「子男, 鉶 鉶 + 几 +

十四』,亦非 八」,注 云 非 也。 衰差 其 於衰,公又當三十,於言 也 二十八,書 或 | 爲 | 二

六

各四 鉶 公鉶 一,西 ,堂上十八,西夾 I° 此 四十二,宜爲三十八,蓋近之矣。 夾東夾各 則以 衰 八。 推 而 東夾各十。 子男堂上 知 經文有 +, 是有 侯 西 伯 非 夾 堂 尤 東 上 則 + 公 精 夾

密

約

與

推

次

皆

所

以

補

經

也

也 朝 棧 車 未 用 婦 百 后 玉、含玉、 七 之五 聞 車 乘 君,差之皆 與 士 也。 玉,大夫用 復以《雜記》差之,則天子用 賈 其 又 翟 卿 之妻攝 如《大 、考。」疏 車, 路 疏 妻 諸侯 贈 能 司 九嬪 疏 用 玉, 宰》「設 乘 盛 口 궁 : 已 鄭 궁 : 夏 與 知 君 五玉。」此皆 下夫 亦 疏 縵 孤 也。」《 「王之三夫人與三公 推 乘 案《鄉 云 其 妻同 約 女御 : 人,祭祀、賓饗、 墨 攷」,注 之法。 車 典 含 乘夏篆,二十七 師》云: 與 瑞》「大 非 玉 鄭 大夫 云 **→** 嫁 如 君 士: 九玉,諸 攝 妻 差次之法 『及葬,執 巾 司 喪,共 喪 盛 司 車 空亡, 禮》 出桑、 夫人 則 乘  $\approx$ 侯 # Ŧ 用 飯 乘 墨

命大大無旒

也

美。 注云: 獨 其 纛 大夫有旒,士 者,凡冕旒所以爲文飾,一 也 IF. 聞」者,彼 司 0 徒 於 以 鄭注能 文,故此云『未聞』也。」此 又見一命大夫衣無章,士又避之,變冕爲爵 更 與 之 司 有鄭 考, 空, 匠 命之大夫,冕而 則不須 補 師 文 注 若 則 | 不用 經,賈 以 御匶。』注云: 鄉 斤 義 約 變冕爲爵 師 師 而 約之。 疏 之 知 亦 命若有 無旒。」疏 之, 亦 於司 司 弁,直服 能 而 空之考。 司 賈 用鄭注之法以 則 **「**匠 徒。』若 굸: 疏 空考,匠 止 能 疏尤 無旒之冕矣,故 一師,事 此 暢 旒 明之者 亦 精 然 無文。 而 玉 弁。 密 師 此 官之屬 而 鄉 蓋 己 云 也 若 鄭 師 補 弁 知 非 知 師 未 是 經 不 無 命 華

《左傳》昭 尤多。 鳥 引之云:「本名祝 名、祝 鄭 王 注 鳩 十七 伯 氏 禮, 厚皆録之,爲《漢 爲 年: 司 以 鳩 徒。」賈公彦《 漢 郯子言「少皞 ,言司徒者 制 況 周 制 制 以以 周 考》。 而 氏 禮 後 爲 周 正 代官況 鳥 澧 禮 義 師 案 序 而 注

而 云 而 古 Ŧi. Ŧī. 疏 鄭 蓋 注 以 以 古官 禮 旅 之多 周 徵 表 表 采 采 語 因 此 쨈 守 禮 其 一之,所 之以 以石 繒 最 法 繒 耳 相 天 方相 疏 禮 猶 爲 精 云 : 杜 注 旅 酌 子 後 器 馬 醵 馬。」 Z; 之, 要者 栅 似 石 今 柏 氏 舉 融 代之事況 與? 馬 之 之儀 傳 》注 靈 「若今時 漢 氏等云: 椁 有 禮 疏 亦 也 古 星 秉。」 制 **>**,杜 周 有之。 궁 : 以 云 象 雖 愈 舞 旅 鄭 人 徴郡 端 孔 「重翟爲 子 也 無 多, 疏 「天子之椁柏 子 注 酬 如 古 春 長 引漢 疏 言 守以 云: 持 六 事,其 帗 云 巾 亦 六 而 云 然 户 用 之。 舞 車 尺。」 蓋,今之羽 賈 竹 漢  $\sim$ 法爲 \* E 此 則 「合錢飲 使符 疏 亦 樂 法 來 以 曾 曾子 注 漢 能 后之 是 依 師 也。 證 遠 後 子 如 云: 黄 依 發 蓋是 舉 古 代之 Ŧi. 矣。 引 但 注 典 日 明 酒 而  $\wedge$ 路 今 而 腸 不 瑞 世 也。二後 檀 帗 用 其 若 爲 皆 先 鄭 以 來。」 爲 官 事 珍 之, 弓 列 帗 意 先 有 醵 裹 曉 況 周 譜 鄭 容 # 也。 以 法 地 以 謂 法,何 後世之事 適 也。 璽節 節」, 周 其 鄭 司 掌 注 也 名 後 甸 早 禮》, 刑 烜 節 司 此 釋 世之 師 疏 者 注 周 今以 得 農 剭』之『剭』, 氏》「邦 之,即 漢 經之法也 氏 궁: ,今之印 云 賈 法無文,則 門 以 <u>궁</u> 況之。 法 語 疏之説 曉 解 歸 依 符節 是 古」者 太平 周 用 若 屋 古 此 章 符 法 屋 誅 而 尤明 法 也 至 約

者也。」疏云: 通之,古官 其 義 制 者 節 無 剭 誅 即即 來 禮 謂 ; 誅 文,皆 如今宫中 漢 貨 旌 之事 則 此 訓 夷 夷 所 也 古 謂 法 賄 節 爲 乃 詁 謂 事 所 以 今使 三族 用 乎?」 澧 明 約 注 族。」玄謂 之 況 則 殺 璽 古 繼 竃 漢 經 法 諸 之, 以 不 乃是亂 節 唐 地 焉 法 也 者 後 於 官 理 亦 定 白 以 道 案: 所 詔 世 市 約 不 亦 古 世 屋 況 注 擁 路 一之官 符 他 口 易 以 賈 世 之。 讀 而 云 節 用 也 之 今 經 知 所 以 削 是 旌 如

窗

世

之

法

鄭

君

不

以

解

^

木

學紀

聞

引

徐

筠

業,楚王之子郢 自爲此説,蓋 之淺陋, 王宫之士庶子、諸侯子 微言》,謂 蓋 頗 未 鄭 客是 悟徐説之非 讀 注 也。 賈 誤 入宿 疏 引 其 耳。 制猶 衛,齊 也 漢官以 《困學紀聞 古。 王之弟章是 厚 比周官。 齋既引徐筠説 义云: 也 入京師受 此徐筠 「宮伯 前 又 掌

法者 以 今門外亦然。』《掌 爟》「凡國失火,野焚萊,則有刑罰焉」,疏云: 使之檢校 準。』《肆 今儀注。」《質 若今民失火有 大史》「祭之日, 之屬,今城郭門之器亦然。」疏云:「亦若今 唐 「次,如今官府門 也。 制 賈 況 疏 長》疏 漢 又 多用 一肆之事者,若今行頭者也。」《司 有 制 人》 者。 鄭 鄭 云: 杖 注 注之法,以唐制 執 疏 ·固》「設其 罰。」 《掌訝 已舉漢 書以 此 云 外更衣處。」疏 此 肆 : 此 次位常 皆 長, 》次于舍門 制 飾 賈 謂 質 況 器」,注 疏 周 人,若今市平 深 況 肆立 制 疏 得 周 云 궁 : 外\_ 賈 鄭 制 疏 注 長, 「 兵 即 若 復 注 之 如 惜之。

時 去漢久遠,亦無以知之矣。」此 假紒矣。」疏云:「此 若今步繇 注云:「副之言覆,所 又 上 L. 謂 城郭門 要還矣。」疏云: 司 女巫》「掌歲時祓除釁浴」,注云:「如 遺 如《追師 戒 巳如水上之類。」 疏云: M 市》以質 象, 浴 書 是也。」此 傍 而 札 矣。 所 唐 》「掌王后之首服,爲 而 執矛戟,皆 劑結信 時 編編編 别 漢時 無 之也。 皆以 以 據時 知 列 而 以 下手書,即 周、漢、唐 髮 止訟」,注云: 漢 覆首爲之飾 若今下手書,言 有 目 爲之,其 時 「見今三月三日 幡 驗以 遺 則 飾之等是 象 以 副、編、次」, 曉 今畫 貫 其 遺 漢 古。 了, 其 而 「質劑 時 象 今三月 指 通 蓋 若 遺 知 至 券。 保 也。 之。 頗 周 今 4 象 物

篇 作《 曰:『張平子作《周官解説 小 學漢官篇 續漢書 • 百官志》云:「故新 》。」劉 昭注 云 》,乃欲 胡 汲 以 廣 令王 漢 注 次述 降 隆 此

此可

見其

思古之幽

情

也。

寶注 以 漢 小樂正。』」「左右都候」, 干寶注 《周禮》 氏》有『夜 正。』」「丞一人」,注云: 大鴻 `今鴻臚。』」「侍中」,注云:「《周禮》太僕。 漢 事 制 日 臚」,注云: 学 曰 : 劉 況 | 澧案: 岩岩 士。 昭 周 建邦之宫 『若御· 注 制 漢 云: 之意 解説 侍 干實注 「《周禮》象胥。 史中丞。」」盧子幹與後鄭學 中。』」「御 盧 也。 《周 刑 植 티 : 官》而 注云: ^ 以 **浸**禮 盧 志》 主治王宫之政令。 植《禮》注 『今都候之屬 史中丞」,注云: 欲 注 又 《周禮 述漢 云 日 干寶注 「大常 **ゴ**如 事, 日 大樂 司 此 曰 于 寤 如 卿 即

杜 兵 猶 日 君 車 以 名 庸 歷代至今,雖 卿 通 耳 爲名。」又云:「 猶 典》云 著 卷四 其 一古者 源 唐 加 流。 制 至二十日 調者,猶存古井田 與古 ,人君上歲 此《 制 通 雖多至 典》 倍多古制 之所 役不 數 以 過 調 爲 發 而

江慎修云:

壺

涿

氏,掌

除

水

蠱

以以

炮

±

術

本

同,干令升則

遵守先鄭、後鄭之法

也

通 也也

凡今有 矣。 實同 之法 治 此 顯 會典》,舉 此 更 而 2經者 易見。 瞭 而 且 讀《 則 而 或 名異者,詳 如 當遵 周 1,宜通 古 或 朝 指 禮》者, 無、古 朝之制 有 而今制之遠有本 掌 循之。 矣。 知 會 古今,陋 有而 知 典 爲 《周 以況 讀《 漢、 考證。 今無,與 復 禮》者,古之政 晉、 《周禮 周 有 禮》畢 儒不足以知之也 唐 讀《周 原 歷 学,則《 儒 ~; 亦 名同 代 ·, 當 者 禮 職 因 周 讀 而 之而 今曉 官 禮》更 者, 大 書 實 表 也 清

者。 耳。 記 内 良 巻 不 由 十五 越檢 宇文泰 後周 謂《 趙雲崧云:「古來宫闈之亂,未有 周 諸 閑 此 禮》 開 帝 口 故 或 不可 后,當隋革 爲 雖亡 時 用《 早 行 周 或 能尊 者,徒以 禮 而 命 美 無 用 後, 遺 周 效 俱無 巾 玷。」《廿二 王安石之故 失節 如 北

 $\overline{0}$ 

以 之,足以爲民除害。 疑義舉要》。 舟各有鼓,同時燒石投水。 吉治之,用壺涿氏之法,令民以百十舟載石, 水怪 之鼓敺之,以 、駭之。 蓋 蛟蜃 其怪 此在 之類,善崩岸,壞 焚石投之。 逐死。 同周 禮》中 安得 聖經之有用如 方 云《周禮》不可 明永樂時,蘇州有 小小事 水沸 民 耳, 田 騰,復擊鼓 而 此。」《周禮 遺夏 後 行乎? 世 原 行

特,且 卑視 法之割圜 輪行水。 如外國。 作記者以一人而盡 念記 工事, 《考工記》實可補經,何必割裂五 所記 淡以 ,亦輪之象也。 且西洋 輪爲首 此所關者甚大也,今時乃頗悟之 皆有用 任 人《奇 有 . 賤工爲之,以致中國之物,不 器圖 旨哉 其理微矣 之物,不可卑視之。 諳衆工之事,此人甚 説 》所載 古人以輪行地,今外國竟以 諸 器,多以 輪爲用。 言乎? 惟 奇 其 算

餘字,而盡治水之法。善溝者,水潄之,善防 工事以治水爲最大。匠人爲溝爲防,百

也。 分一支南入海,以殺水勢,則下流不受其害。 水盛時,每爲害。昔人欲於肇慶鑿山 也。 者,水淫之。 而 不知此所謂 凡溝逆地防,謂之不行,如廣東之西江 淫之者,賈讓所謂左右游 漱之者,潘季馴 「逆地: 防,謂之不行」也 波,寬緩 所謂以 ,使西江 水刷 丽 不 迫 沙

謂之磬折」。 其最精者,「車人之事,半矩謂之宣。 一宣有 沅 注疏本有圖也。 云 圖,鼓外有銑閒。」《匠人》「爲溝洫」,「九夫爲井」云 所圖者是也。」注 氏》「爲鍾」注云:「凡言閒者,亦爲從篆以介之。」疏云: 有半」,當作「一 半,謂之欘。 文達、程易疇治之益精,爲古人所不及。 此圖略舉一 《考工記》注疏多誤,且有圖 又云: 戴東原復爲之圖,有草 程氏以算 成於一 矩有半」。「一矩者,九十度 欘 有半,謂之柯。 「鼓外二,鉦外一。」 角,以三隅反之,一 法解之,又訂 疏 加 同 供之。 云: 叮 正 柯有半, 創之功。 見 據 Z 矣。」是 上 柯 即 疏 所

東塾讀書記卷七終 中七度三十分之角也。一柯者,一百一度十 五分之角也。磬折者,一百三十五度之角 也。」昭然若發矇矣。

## 東塾讀書記卷八

番禺陳澧撰

禮

儀

人後,得其法以讀之,通此經不難矣。一曰分節,二曰繪圖,三曰釋例。今人生古一曰分節,二曰繪圖,三曰釋例。今人生古《儀禮》難讀,昔人讀之之法,略有數端:

此 要法也。《有司徹》鄭注屢言自某句至某句, 之事。」賈疏全部皆如 宗人告事 賈 疏 ^ 士冠禮》「筮于庿門」, 賈疏云:「自 分節之法所自 畢」一節,論將 出 此。 也。 行冠禮,先筮 此讀《儀禮》第 取 此 至 H

賈疏之分節,有尤細密者。《聘禮》「君

舉。 十也,賓獻主人酢,十一也。」此一科而分十 也, 賓又致爵于主人, 九也, 又致 賓長,六也; 内,乃有十一爵:賓獻 也。 主婦,四也, 主人,二也,主人酬主婦,三也, 及佐食,并主 爵止」,疏云:「自此盡『卒復位』,論賓長獻尸 宰夫歸餼於衆介之事。」此 人,皆餼大牢」,疏云:「自此至『無儐』,論使 君使下大夫歸 饔餼三牢」,疏云:「自此盡『兩馬束錦』,論 **僧**』,論 使 節 卿 也。 其分析細密,使讀之者心目俱朗徹矣。 《特牲饋食禮》「賓三獻 韋弁,歸饔餼 主君使卿 《有司 賓長 主婦酢主人,五也; 人、主婦致爵之事。 饔餼於上介之事。」「士 徹》疏如 歸 以獻祝 五牢」,疏云:「自此 饔餼於賓介之事。」「上介 产,一 七也; 此類者最多,不可枚 一節 也; 如 初 又獻 主婦 燔從 主人致爵 而 尸舉奠爵 爵于主婦, 此一科之 又分三節 佐食,八 致 如初, 盡 爵 介 『無 酢 于 于 四

無之。 無之。 位 射 漏 初 當云「自此 如獻 也 適 次 疏 賈 庶子之禮 其 某 ()作上 又若 又「司 當 疏 餘諸篇之疏 事 分  $\overline{Z}$ 盡 節 命 耦 自 退 射 偶 而 射 猶 此 日 中 有 論某 疏 ,亦偶有遺 盡 復 挾 遺漏者。 與 無 疏當云 執 第 射 一个,以 事 之。 耐 而 漏 俟』論 疏 俟」論 但 而 又「司 當云 自 如《大射 不多耳 作 疏 此 無 射 某 某 盡『搢 射 之。 如 事 事 自 作 初 儀 皆 此 射 扑 而 而 遺 盡 疏 疏 疏 如 司 反

摘出 於鄭 後,題 章 截 士: 1: 書 ※云: 斷 喪禮 君 陳 禮 云右 後 朱子《儀 器 デ 禮 筮日」。 行, 記 篇 字 既 累年 「陳器」 也 禮 タ影云 禮 題 器》「天子七月 第二節 經 云 欲修《儀禮 較 E 傳 陳明 賈 「抗 右 通 後, 疏 器 某 木,横三縮二二云 解 題 于乘車 尤 云「右 事 》釐 耐 簡  $\forall$ 葬, 明 戒賓」。 析 之西」,鄭君引之,而 如 書 Ŧi. 經文, 重 1: 其《答李季 八 釐析章句, 冠 翠」, 〇此 云。 禮 每 第 鄭 法 澧 案: 注 亦 節 云 出 節 之。」卷一。 自

朱子《答潘

恭叔書》云

「 《 禮

記

須

與

儀

禮

稷若《 皆用 者。 於世 <del>Z</del>: 章 常 誤 了 韓文公見之也。」此 能 看 而 讀 通 遽曉。 記 患《 朝。 附 朱 「《編 禮 解 子 亦 只是 朱子之法。 至國 故 以 儀 通 | | | 不 儀 禮 創 非 若 傳 人 隨經 考》、秦文恭《 禮 禮 今定 此法 其 説。 朝 小 梳 不 編定之,固 卷。 鄭 而 助 洗 曾 書 前 難 注 馬 此 元 ,後來莫不 也。」《答應 得 衮 看 吕 大 臨 讀 句 來 江 宛 注 作 本 此 便 讀 斯《釋 典 慎 盡去此 疏 書 朱子之大有 以 編 爲 片, 禮 Ŧi. 各 宜 修《 頭 今觀 以 吴 憸 爲 淆 禮 遵 史》所 金士 由之矣。 仁 面 禮 中 不 訛 通 用 出 仲書》云: 喪禮 之, 諸 舞 成 考》, 書 林 書 處, 其 來, 弊, 段落 一, 故 文 綱 載 只是 法。 功 儀 古人 弄 目 令人易 亦 本 郡 於 恨 禮 儀 使 使 法 皆 齊讀 徐 經 因 不 都 取 章 禮 讀 儀 分 健 前 朱 得 者 不 人 句 迷 已 書 禮 禮 節 分 志 菴 難 子 張 **今** 腎 或 説 不 附

之書,本發端於呂氏也。 通,修作一書,乃可觀。中間伯恭欲令門人爲之。」然則朱子

東南 北 啚 西 取 席 也 文 疏 面 面 燕禮》「主人 又不 有 行 故 。」疏云:「 西 坐 面 觸 就 鄭 取 知 東 司 也 席 還 處 知 面 席 賈 右 在 面 在門中 皆見 得 東 以 還北 。」疏云:「鄭知東 西 即 而 主 如 作 面 是 南 方 席 必 人 此 以 盤 其 注 取 知 面 行就 東 東 坐, 之宰 之 蹤 洗 背 作 取 膳 故知 面 面 象 類 跡 賈 君 疏 象 篚 席者,以其 主, 主 也 注 觚 命之,故 時 有 觚 取 南 0 右 乃 云: 如《 皆 人 」,注云: 從 圖,故知 者 有 還北 ^ 顯 大射 在 東 臣 士冠 西 東 必 面受命者,以其上 而 門 面 之 篚, 階 行, 先 東 易 儀》「揖 主 東 面 禮 也。」此 取 不 來, 繪 面 見 乃 人 受命,右還 西 **×** 得北 啚 不 受 者 不 得 在 象 面 命 得 今讀 以 得 門 統 觚 必 西 面、 北 外 今從 鄭 者 又 可 耦 飵 面 許 注 南 如 就 之 知 左 有 東 面 東

還,上 此 者,以其 位 面 亦 也 鄭 故知 ·射於· 上射少北 有 次在福 圖 E 左 故 射 少北 知 注 東南 7,乃東 少 云 北 乃 面。 北 東 上 賈 面 面 射 有 疏 揖 轉 圖 云: 得 時 居 故 東 知 左 E 當 知 在 不 次 不 便 次 其 得 也 少 南 小 0 西 反

南

皆確

不

可

易也

《 特 云: 得 饋 當、故知左還 射之西南, 西 面 注云:「其拜及飲者皆 知左還者,經 邪 獻 食禮》 面 性饋 介」, 作 角 知 鄉 相向 Ŀ 在 食禮》記 飲 「主人西面,三拜養者。養者奠舉于 耦 疏 主 酒 東 射」, 也。」《鄉 云 婦 迴身當之,取 禮 面 云『還,當上耦』, : 之東南 主 注云:「還,左還也。」 以 主 司 婦 射 射還, 介 人 及内賓宗婦亦 西 者, 禮 席 實 面 》「司射還,當 爵 東 以 便 ,主婦之東南。」 欲 其 介 面 可 西 不背 , 故 知 面 L. 席 也。」《 邪 與 耦 主婦, 旅 前 F. 位 疏 向 E 西 之。 少 耦 在 西 面 牢 又 疏 相 司 南

此 以 口 面 南 面 西 俎 之 主 而 面 向 西 類 答 非 人 席 主 答拜 面 有 主 在 者 人 或 啚 皆 人 户 不 而 邪 , 安 拜。 南 内 得 注 拜 白 面 能 與 云 西 拜 可 故 主 或 知 面 知 鄭 之? 迴 人 **≓** 疏 在 在 以 身 口 云: 西 東 義 拜 面 面 與 面 解 餕 而 位 席 平. 知 之 者 拜 者 者 直 面 如 位 東 易 明 此 以 餕 面 如 見 迴 者 也 主 此 拜, 者 身 在 人 者 不 如 南 在 在 東

觶 侯。」 今命 去侯 降 命 Ŀ. 行 去 射 于 而 自 篚 侯 命 滴 去 訖 疏 西 鄉 去 侯 也 云 階 西 物 射 注 侯 訖 階 禮 閒 云: 注 去。 司 燕 是 乃 南  $\overline{Z}$ 馬 禮 以 韋 行 若 序 由  $\approx$ 并 F 馬 韋 進,往 出 西 Ŀ 若 下 射 出 射 下 向 物 之 君 射 于 之後 射 閒 適 命 後 下 韋 來 者 階 皆 射 繞 西 由 繞 降, 之。 致 之 立 明 尊 行 下 南 爲 於 射之東 是 北 則 明 則 物 交于 其 序 還 爲 似 人 閒 進 其 順 直 命 矣。 後 東 奠 南 人 爲 命 夫

然 習之,乃知 於 背 栩 北 君 楹 頭 西 如 楹 平. 栩 此 東 所 君 以 向 之北 1 欲 類 北 之 行 而 奠訖 故 者, 與反者 動 君 陳 奠訖 先 所 其 疏 之耳。 韋 , 右 酌 世 云: 繞 尊 者 人 還 亦 又 而 交錯 東 有 謂 交。 唯 右 而 以 即 面 四 賈 還 反。 君 其 以 疏 繪 先 并 酌 而 面 酒 疏 之文不 啚 者 後 訖 執 尊 反 尊 文 亦 於 酌 幂 所 而 尊 相 由 殊 南 者 者 陳 論 隨 尊 東 及 不 西 亦 在 在 北 西 降 孔 易 過, 曲 於 南 東 自 又 面 尊 疏 而 楹 後者 或 不 楹 西 酌 贵 能 北 之西 綿 階 得 出出 酒 達 其 於 蕝 又 往 南 以

趙彦肅 皋 創 帙 不 文所 不易 始之功 及見也。 楊信 嘗 作 繪 得 不不 特性》、《少牢》 啚 齋 作《 可 通 故 更 没 志 加 信 儀 也 堂 禮 詳 齌 經 此 啚 密 楊 禮 解  $\approx$ 啚 啚 信 盛 齋 厥 刻 罕 行 質 《儀 功 此 諸 有 於 禮圖 甚 啚 先 111 稱 師 偉 序 述 然 先 云: 然 者 其 惜 師 喜 信 書 朱 嚴 日 張 齋 子 口 陵

詩譜 更 圖 得 圖者,趙 ,云趙 冠 香圖 彦 彦 肅 肅 及 也。 所 堂 傳。 室 儀禮經 制 蓋其 度 并考之, 人有志於禮樂之事 傳 通 解 乃爲 載 《 鹿 佳 爾。 鳴》、《關雎 者 據此 也 \* + -則 始

室如 卒 澧及家姪宗元 地 畫 叔 即 七 漢 篇 業 之法 則 儒 地 孫 容 弈枰,而 耳。 編 ‴; 而 習《 以 通 也 元 修之書, 肄 爲 ,澧嘗試爲 文達公爲 徐生善爲 儀禮》者必爲容,故 李璧玲孝廉名能 禮 綿 子 人物爲棋 畫 , 庶 嘗 蕝 地 而習之也。 以 以 非即徐生之頌乎?」澧案: 于 習 張皋文《儀 爲 ,其序云: 之, 治經之道 頌 儀 讀 定,在 **浴**禮 真 他 禮 0 事 家爲 焦里 雖戲,而不詭 日 **>** 澧家教家姪等讀 》者,當 半 -, 事 禮圖 亦 高 堂作 而 頌皆宗之。 欲使家 堂 半 功 生 序》云 先 習禮格 倍 而 一傳《禮 於正。」 爲 功倍 恨未得 塾子 頌 書 言 繪 也。  $\stackrel{>}{+}$ 畫 弟 昔 頌 昔 宫 激 七篇内之凡例也

至 此 或 自 朝 古 若夫宫室、器 諸 有 儒 之,今存於世者, 所 繪益 服之圖 精 岩若 取《皇清 則當 惟 聶 合三 崇 經解 義 禮爲之。 》内諸 之圖

> 史皆 辨。」澧案: ○《通典》卷六十三「天子、諸 不取。 則善矣。 啚 秦漢以降,逮 與 難 聶 明。 如張皋文《深 氏 此不獨玉佩 而 有不能定其 啚 周之冠冕、衣裳乃易明 於周 ,考定: 隋 衣圖》, 既 劒綬 是非者 其 多 是 侯 無 肩 、璽印爲然,凡漢以 非 玉 注 上 ,則兼存之。 佩 解, 兩 而 幅 劒 賴 或 别 綬、璽 縫 有 傳 合, 爲 諸 寫 明 經注 訛 茚, 此 知其誤 必 舛 來衣 疏 禮 自 不 故 研 注 冠, 然 圖 者 也 覈  $\bar{z}$ 也 莫 讀 則

同。 凡 子」云云,「凡執幣者不趨 此記文之發 飲 云,「凡言非對也」云云,「凡與大人言」云云,「凡 奠者於左 酒 坐卒爵者拜 禮記》云: 儀 禮 一,將舉 有 凡 者也。 凡例, 以 既 於 爵, 爵 云云,此則經文之言凡 右 作記 拜者不 《士相見禮 [°]此二 立 卒 者 - 爵者 句 徒 已 || 凡 鄉鄉 作。 發之矣。 不 射 燕 《鄉 泛見 于 禮 拜 者 侍 記 射 既 然 坐 淤 君 禮 於 非 爵 可 鄉 君 +

事,質者 凡 奠爵, 鄭注 用 發 將 糟, 舉 凡 者 者於 文者 數 右 + 用清。」「凡 不, 條。 舉 ^ 者 1: 於 冠 薦, 左 禮 **>** 出 注 自 凡 云 醴 東

房。」「凡牲,皆 聘 禮 注 最 多。 若 用 抄 左 飛。」其 出 之, 徐 即 미 諸 篇 爲 注皆有之。 儀 禮 凡

例

矣

異

也

禮 疏 户 由 士 同 由 飲 時,宰自公左受玉。 右,受由 授受者 云:『尊介,使不失故位。』如此者,皆是變例, 東,玄 酒》、《 據 云 受馬,適右受。 面 便。』又《鄉飲酒》云: 則 平常行 並受,不右使者 使者受圭,同 有 有 授由 鄭 酒 其 鄉 鄉 授 注發 左。 在 射 飲酒 由 事 其右 西 左, 受· **\*** 而 凡, 故 》、《鄉射》,皆玄酒在 言 燕禮》,獻酢 受由 鄭云: 面 注云: 云『凡』以廣之。 而 也。」《 鄭 由 垂 ,由便也。』又賓授覿時, 賈 繅 云: 右, 疏辨其 其左。」 疏云: 『受酬者自介右。』鄭 特性 『適牽者之右 以受命」,注云: 是 凡尊,酌 『亦於使者之東, 以使 饋 栖 同異者。 皆授 食禮》「 者反 若有 者 西, 據 在 而 命之 由 尊于 事酒 左。 所 受, 鄉鄉 聘 凡 因 其

在東。 義 也 0 如 若《燕禮 此 類 了, 皆 》、《大射》, 鄭 注發 凡, 唯 君 而 面 賈 尊, 疏 辨 不 其 從 此 百

門,壻 『若不 者。 者必 明 者,壻有子道,不敢授也。』又《士相見》,凡臣 無 者,射人戒諸公卿大夫射,司 理 賓,及《公食大夫》各以其爵,皆是當日 者,非止於此。 注云:「 士昏禮》云:『壻執 宿 無宿 爲 前射三日,宰夫戒宰及司馬。」皆 先 凡 有 是也。 親 人 例 也。」又《大射》: 戒,戒不必宿。」疏云:「凡有 鄭注不云「凡」而 迎,則 卑者見尊,奠摯 門,奠摯 者。 《覲禮》「侯氏 如《 婦 案《 入三月 士冠禮》「宿賓」,注 再 鄉飲酒》、《鄉射》主 拜 雁。 字字 出 ,然後壻 與發凡無異, 而 升,奠雁。』 不授。」疏 入門右 戒 鄭注 士戒 百 官 見。 云 坐 士: 有 궁 : 又 有 射 戒 賈 主 奠 事 圭 人戒 奠摯 人出 戒 與 于射 無 疏 云 案 而 誊 宿 申

敢授 見於 而 君,『奠摯,再 奠之。」如此類,皆 拜』,與 此 注 奠圭 不 · 發 皆是 凡 無 卑 異 者 於 不

凡

前

疏申明之也

卿 也。 幂。 皆爲 禮記 注 還,不云拜 受,侯氏降,再拜稽 無 者 歸 不 幂 響餼 發凡 者  $\leq$ 塵 有 覲 用 鄉 尊 鄭 埃 禮 醴皆 從 飲 不拜 · 而 絡 注 加,故設之。 送玉者,凡奉命使,皆不拜送。 》「使者左還 禮 酒 幂 不 疏 不 子 發凡, 賓至徹 送幣,亦斯 發 見  $\wedge$ 質 凡 鄉 用 首 者 也。 射 而 幂 也 而立 之」,疏 但用幂不 賈 疏 有 質 或 類 疏 云 故 ,侯氏還璧, 幂 以 發 一 也。」如 者,無 也 尊 云 凡 厭 者。 八凡 用 云 醮 卑 此 所 幂 使 用 類 幂者 者 使 厭 不 亦 洒 鄉 皆 若 者 故 無 同 左 亦 射

其 鄉 射禮 使 有 經 是變例 執執 可 馬受爵,奠于篚,復位 俎從之,辟設于乏南」,注云: 鄭 注發凡,而 疏 申 明 獲 之者 者執

> 「凡他 授。」疏 之餘 皆是體敵。 楣 合 賓 降堂,受老束錦,大夫止」,注云:「止不降,使 是 注 此 及食,并祭祀之薦 與大射獲者 (亦降。 變例 再 降 云: 經是變例 拜, 而 尊。」疏云: 受幣 薦 不降。」又,「賓稱 授於 受幣 俎 注不 今賓降,使者 ,皆當其 楹 「凡授受之義,在於兩 與釋獲者 故《昏禮》云『授于楹 發 楹 注 閒 于 發 閒 凡而 楹閒, 「凡賓主體敵之法,主 敵 凡 俎,皆當 明 位 也。 而 疏 爲 薦俎辟設,不當 之前 南 不 疏 發凡者。 合好 面,大 降 賓 申 面 其 明之 者,使之餘尊 亦 退 疏 位 其 ~, 西 振 夫對,北 之前 云 節 也 幣 閒, 楹 : 面立 (聘禮 百 進, 之間 南 謂 又 前 也 人 北 **>** 面 面 有 也。 唯 凡 降 雖 賓 當 南 面 注 經 此 燕

授。』是以《 面 云:『於堂上 並 授 也 曲 一禮》云 則 謂 俱南 賓 主 『鄉 面 俱 與客並 至 禮 楹 敵 者 閒 ,然後受』,注 並 南 授。』此是 面 並 而

發 君行 堂與 最詳,特 兩 東 授幣』,鄭云: 在 南 有 敵者之常 振 凡 楹之閒 楹 楹 訝 面 幣 者 東 受者 北 又,『前 賓 閒 一、臣行二。』又云『公禮賓,賓受幣。 備録 世 進 楹之閒」。 面」,注云: 北 别 者、皆非 · 皆 之。 授,當東 禮 相 面 致 也。 『賓 授 是 尊敬。』是 此 響餼 皆 相 雖 雖 北 敵法。 鄭 『亦訝受。』又,賓覿公云 楹 經之變例,注不發 尊敬之法。 儐 是敵者,於 是敵禮,是 注云:『 面授,尊君之使,自 北 使者 以 面。」如此之類,不在 就文解之。」此疏釋例 前 於 東楹之閒, 云『公受玉 楹 尊 則 兩 閒, 此 楹 大夫,故 云『大 之閒,或 凡 賓 亦 于 北 而 餘 當 以 夫 訝 疏 中 不 面 :

禮 飲 者,賓主 酒》、《鄉射》,皆主尊賓卑,故 三》「主人以 有 賈 俱 疏 升 賓升」,疏 不云「凡」 若 1: 冠 <del>물</del> 丽 》與 無 「禮之 異發凡者。 此 文 通 初 是 也。 至之時,主 例,賓主敵 《士香 若 鄉

<del>=</del> 君行 不言面位,下贊禮,婦『奠于薦東』,注云『奠 奠於地。」此 人執之。 以 幣皮,先入門 多。」此疏言 也。 旨。」此二條,疏言通例,言體例,即 前 也 《聘禮》,公升二等,賓始升者,彼注 人升一等,賓乃升,至卒洗之後,亦 使者不讓先升者,奉王 賓即 降席,坐奠爵拜,告旨」,注云: 。」疏 有 體 **全** 「此禮賓與饗禮 不敢授之義。」 疏云: 例 筵 臣 降席 云:「鄭云『降席 ,奠于薦 冠 昏 禮 行二也。』《覲 禮 疏言 席 同 左奠皮」,注云:「 》「主人 庭實 左,疏 西 ··· 亦」, 即 (,亦使· 拜 同。 例 子 者 也。 云: 一命尊 一; 皆 席 即 賓, 禮 但 人執之。 「 案 : 例 Ĭ E 爲饗禮 「此『奠於薦 西 束 南 也。 聘禮 故 帛, 享 執 面 使 也。」《 「降席 不言 皮 人勞 時庭實,使 ž Ł 儷 拜 云:『亦 亦皆東不 有 無 俱 士昏禮 者奠皮 訖 酬 皮 異 面 升 燕 侯氏 左 帛 發 則 席 禮 瓦 告 间 疏 案 西 唯

作

注

作

疏

注

精

而

簡

疏

則

詳

而

密

分

析

禮

賓

不

言

拜

者

理

中

有

拜

可

知

也

。」此言

口

下

禮

婦

不

言

坐

奠

解

遂』者

,皆文不

· 具。

聘

復

興

遂

大

坐

而

拜

冠

禮

禮

子

并

醮

子,

及

此

0

坐

一奠觶,

遂

拜

疏

 $\overline{Z}$ 

因

建

柶

興

坐

知

以

例

知

之

也

經

文

不

具

賈熟

於

禮

例

則

口

據

例

以

補

經。

禮

之有例,豈

非

至

要

哉

綜

而

論

之,鄭

賈

熟

於《禮

**>** 

經之例

乃

能

奠之, 賓 建 段 酒 左 席 奠觶 北 柶 大 疏 不 故 之正 射 屢言 祭 由 面 則 明 不 興 冠 重 不 奠 皆 便 成 承鄭 禮 皋文之圖,又以 類 常 照 是 以 儀 也 是 足 禮 重 例 例 一, 即 書 》經文、依吴中 補之。 複 合鈔》。 賈之學,大有 變 以 凡 Ħ. 例 例 倫 相 凌次仲 如此 朱子云: 類若 也 究 發 其 林 明。 則 近 《章句 通 《釋例 大 《答答 儀 助 時 由  $\sim$ 禮 則 於讀 》,分節 》分寫於經文各 則 陳 其 儀 且 真 凌 才 不 此 先 禮 經 寫 卿 氏 難 經者 》雖 後 有 之。 書 讀 禮 彼 不 難 每 矣。 惜 經 句 此 此 具 讀 乎 下, 釋 所 者 節 然 爲 澧 展 後, 例 謂 之 嘗 轉 却 亦 日 前 寫 欲 倫 參 名 可 善 儀 未 張 取

舉,不

得

大

祭

而

奠

于

薦

東

也

燕

禮

疾

北

面

奠之也

鄉

飲

酒

鄉

射

栅

者

公親

執

束

帛

待

賜

一己不

敢

稽

留

禮

禮

子

亦

南

面

奠

之。

聘

禮

禮

賓

又

祭

酒

亦

皆

南

面

並

大

祭

酒

之面

升

席

南

面

奠

也。

必

南

面

奠

者,

取

于

薦

東

升

席

奠之」,

此

云『奠于

薦

君

物

祭

恓

酒

, 故

亦

南

面

奠。」

此

亦」,其

例

最

通

貫

矣。

**^** 

士

昏

禮

 $\approx$ 

之也。 禮 之。 掇 必 旨,著于篇。」「 提 爲 》者,尤當 然 其要 韓 掇 奥旨 編 賈 昌 也 黎《 疏 當 即 如 每 讀 無 送 昌 此 掇 儀 陳 異 節 黎 其 禮 密 於 昌 「著于篇」者 大要」者 所 序 \<u>\times\_{\tim</u> 「黎掇 昌 言之事 論 黎 奇 習 辭 所 掇 禮 欲 云矣。 , 即 即 其 所 於作 今不 所 大 謂 大 謂 要, 爲 誦 要 文章而 初 記 其 也 得 奇 文 讀 事 而 辭 則 L. 儀 若 見 奥 思 規

其義」也。

階上 位 同上 裳,雜裳前 玄端玄裳。 冠身 冠身 也。 冠 玄衣素裳,夕用上士玄裳,中士黄裳,下士 前 往 也。 冠 畢,賓又下 ,跪,爲冠身著冠。 西 階 梳 立于東房,賓揖,冠身出,就位。 ,近主人之北,又設笄、纚、櫛具 士玄裳 身著冠,然後 至冠日,賓至,而 按《士冠禮》三加 郊 至第 此 頭 特性》「三加 即 著 黄 所謂 纙 士子皆隨其父朝夕之服。 也。 西階至第二等,受皮弁冠。 後 畢,賓洗手爲正髻。 等,受取緇 玄。 畢,又 「掇其大要」者也 又 著 若 彌 畢,冠身起,入東房,著 主人 爵 者 大 揖 尊,喻其志 大夫以 弁,其儀 冠 布 設 謂 身出 冠。 冠 冠 上至天子 身之 時 就位。 還,至冠 皆如  $\equiv$ 也,孔 (于席-正鬐畢 佐冠爲 徧 席 朝 緇 于 加 還, 當當 南 雜 就 席 阼 疏 用 冠 布

稷。 受醴 席于户 所 于舅 授之室也」,孔 于室,共席 席于房外,南 後,夙興,贊見婦 前,婦即席,餕姑之餘。 一掇,亦 席 卒食,一 畢,取脯 郊特 牖閒。 又執 類簡 牲 于 酳。 明 腶 奥。 面 ,降,出,授 贊者酌 疏 舅 一, 姑即 脩奠于 于舅 云 席 姑 婦盤,饋 : 于 降 禮以 席。 姑。 北 姑 自 按 卒食,姑酳之。」此 人于門 墉 席 西 : 特豚, 醴 婦 席 下, 階 婦 執 于 昏 訖 婦 婦 笄、 阼, 外。 贊 禮 無 薦 徹 降 魚、腊 脯 棗、栗奠 設 者 舅 自 既 舅姑 醢 醴 即 阼 昏之 于 婦 階 疏 席 無 人 婦

牲 節。 謂 冠,卷五十六。 饋 掇 食 其 又如諸侯、大夫、士宗 通 大要者, 禮 典 **×**, ≪ 》掇取《 掇《士冠禮》而未 少 亦 牢 不 儀 :饋 易也 禮 食禮 》, シ則 廟,卷四十八。 如 能 又 諸 簡要,尚 侯、大· 太 簡 掇《特 夫、 蓋 可 所 删 +:

何邵公《冠儀約制》云:「將冠子者具衣

就筵。

賓主各還坐。

冠者北嚮筵坐,復。

之禮賓。

冠者

興,

西

繒

拜賓。

賓

答拜訖

跪

日

『吾子之使,請將

命。」

主

人

跪

答

『勞吾子。』賓起,就

東

繒

筵。

執

事

者執

爵

跪

口

冠者,祝

티 :

『令月吉

日

了, 始

加玄服。

棄

爾

賓跪

答曰

一敬

諾。」實起,立西

序

東

面

曰 :

『請行

事。』主人跪告賓曰

房。

夙

興,

賓

到

· 迎

延

揖

讓

如

常。

坐定,

:『請勞吾子。』 嚮筵,又 聽 人 定 將 執 命 外 日 必 於 日 爲 命 皆 吉 自 賓 於 命 事 兩 行 加 : 作,故 服。 服 坐。 者 幼 無 禮》不同 要。 主人命冠者 母,母答拜。 諸 啐 卷五十六。 祭事白告祖 也。 志, 酒。 父、羣從及兄 即 行冠 種 然但 坐, 冠者還房,自 冠 自博 但 順 訖 禮 故 也。 有 賓 爾 ± 似 賓 爲 可 無 以 有 跪 成 以二 行 考者,自如 出 《續 下至小 誤字,姑 興, 加, 其 德。 加。 冠 加 加 漢書 餘 更設 應答拜 禮 無 復還本 也 今士 冠 史、 兄弟 整飾,出拜父,父爲起。 壽 仍  $\equiv$ 而 訖 私學弟子,皆 輿服志》云:「 考 之。 栖 有 作 加 雀 舊 姑 維 者,答拜 冠 爲 坐。 頂 澧 姊 非 祭禮常 祺, 勸 者 其設 冠、 妹,皆! 案 爲 主人 執 公服 介爾 讀 乃 : 進賢冠,文儒者之 爵 筵亦與 梁。」是 議。」見 此 罷 如 士: 亦 酹 相 又 景 亦 常 有 起 地 冠 拜 掇 異 福 後 乃 常 禮 如 漢時 人拜 1 其 通 日 然 冠 常 典 若 俱 冠 冠 有 後 而 大 ±

設賓

東

嚮

筵。

兩

筵

相

接,授冠

以

篋

器

設

肅。

執

事

者

於兩

楹

閒,爲冠

者

設

北

筵,又設

罇

爵

於

東

方。

冠

者

如

常

服

待

事。」

賓

日

或

不

從

命。』主

人

灑

掃

内

日

先

冠

日,

宿

告賓,

日

請

以

明

:

冠

於首,願

吾子教之。」賓既

許,主

一人自

告其

家,告曰:『某之子某若弟某長矣,

主。

主

人

告所

素敬

僚

友

人,爲冠

賓

冠

冠

者

父兄若

諸

父宗族之尊者,一

禮 難 既 讀 明 ,欲撰釋例之書; 禮 文,尤當 明 禮 意。 又 以 朱 禮 笥 莫精 河 以 於 喪 儀

禮

欲

撰

禮意之書。

見《笥

河集》子錫庚所撰序。

釋

可 人之意。 也。 觶,不祭,遂飲」,注云:「少 階。 喪禮 立,實難 不 必 例 謂抉經之心 於堂者,嫌蓍之靈 筮 則凌次仲爲之矣。 四字, 階 己帥 日 也 又 閒 於 知 如 其深 庿門者,重 而 北 如《士冠禮》「筮于 而 其 正 禮 面 鄉 何 微至 飲 坐,奠 意 意。 孰 酒 精 敢 此,得 禮 以 細 讀 不 由 觶 禮意  $\approx$ 成 如 鄭 正 庿 此,非 ? 此 退 司 人之禮,成子孫 鄭 注 神。」夫以「筮 則 庙門」, 注云 乃 立自正,慎 正 注 共,少立。 鄭 實 而 注 鄭 知 司 觶 神 最 君 正 正 情 精,非 己 拱 降 孰 畢見, 以 手 其 坐 自 能 于 冠 也 帥 位 少 庿 取 西 知 獨

孝子 虞」,注云:「虞,安也。 生,使之更哭,不絶聲 始 士: 有親 喪禮》「代哭」, 喪,悲哀 憔 而 骨肉 鄭 悴。 己。二《 注 歸 궁 : 禮 于土 既 防 一代, 夕 其 精 精 禮 以 更 **\*** 死 氣無 也 傷

葬,日 亦 君臣,情 案尸,與之别也。」此 注發 云 : 大斂,君即 泣下沾襟矣。 所 子讀《喪禮》,泣下沾襟。」 「緣孝子之心,欲見 若欲攀援。」《雜記》上「朝夕哭不帷」,注 喪大記》「主人二手承 使人泣下也 不之。 明 君 中而虞,不忍一 臣 喪禮之精 重 孝子爲 情 如 位 此 重,方爲 《喪大記》又云:「大夫之喪,將 于序端,卒斂,君撫之。」孔 所謂 其 意,而《禮 殯 疏 彷徨,三 日 分異,故 肂 視 衾 説 離 也。」《尸子》云:「曾 臣 禮 而哭」,注云:「哀慕 讀 。 如 如 意 記》 鄭 一祭以 手足也。 斂 亦 君之注,真 此之類,乃 注 沈 竟 安之。 尤多。 摯。 而 君 讀之 古之 以 手 疏 欲 如 鄭 朝

《穀 門、諸母、兄弟 從爾舅之言。』母 梁傳》云:「禮,送女,父不下 春 秋》 桓三 不出闕門。 戒之日 年,「公子 『謹 父戒 翬 ·堂,母 之日 慎 如 從 齊 爾 逆 不 姑 謹 女一。 出 之 慎

問 亦 古之人重 卒 同 间。可 中,大夫有 楊 可乎」,問言 心。一昭 禮 ,去樂卒事」。 可 疏 謂 意 諸 云 十五 , 亦 心 13: 知 死, 君命 般申之曰: 傳 變,以 可 其 年 禮 并釋禮意 謂 八意者 意。」 澧謂: 善於禮 《穀梁傳》云:「君在祭樂之 聞 有 無 事 『謹慎 所 可 故 于 矣。 不 乎 武 與《 ? 通。」 ^ 從 穀梁傳》釋禮 宫。 楊 士: 爾 大夫, 楊 疏 昏禮》本文不 父母之言。』 籥 能 疏 或 人,叔弓 疏 云 明之, 體 意, 言 也

者爲 賓 者 否。」《釋文》:「爲,于僞反。」 即 通 戒 二,疏曰 」,鄭注: 以《士冠禮》一篇言之,「筮人還, 解》云: 衆賓。 而又宿,不得不來也。」《通 朱子《 : 通  $\overline{\sim}$ 或來,或否』者,此決 「今案《少牢 「其不宿者爲衆賓,或悉來, 解》之書,純 少 |牢大夫禮》亦云『三人占』。] 禮 是漢 無 疏 解》云:「鄭注 日 唐注 此文。」「乃 Œ :「云『不 賓與 東 疏 之學。 面 費 旅 冠 宿 或 宿 鄭 畢 疑 服 無

爲韠。 『均』、『袀』爲是矣。 也。」《通 屨」、《通解》云: 未詳 罍 字句 疏與音 宿。 戒 本 用金罍,及大小異。」《通 注 即即 服 明 **袗玄」,鄭注:「袗,同也。** 下『及』字恐誤。」「爵韠」,鄭注:「士皆爵 而 謂 文,疑 訓 既 。」「玄端 絶。」「水 蓋 又 IE. 得 同。 其爵同。」《通 北 皆非是。 但 宿 賓 解 并 上,則 使爲衆賓,雖不悉來,亦 之,欲 或 》云:「今案,『袗』,古文作『均』,而 易 亦 時 漢 在 黑 屨 在 不 「經既 書》字 或 腰」,「 洗 而 其 房 來 『爲』只合作 各在 東」,鄭 出 必 中。 解》云:「『其 但疏乃 來。 也 則 素 亦作『袀』,則 不言屨 其裳之南 將 故 解》云:「今詳注文, 積 注 但 其 既 不 古文『袗』爲『均』 白 不 非 得 云『當 加 所 屨」, 知 如字 水 陳 正 成 冠 爵同』三字 也。」「兄弟 的 處,注 器 賓 禮 無 而 讀 在 讀,『賓 尊卑皆 闕 是當 爵 適 則 故 如 何 事 房 弁 疏 雖 不 處 也 左 從 改 緟 韋 亦 申 已

而考之,凡舉觶,皆卑且少者爲之,非賓長之事。 也。 者,有校勘 者,以房外之東南 記 之書無異。 之東壁矣。」澧案: 外之西,待賓命。」疏 面 者之東矣。」「主人之贊者筵于東序,少北,西 又釋『袀』爲戎服,偏裻。今亦未詳 傳》「均服 「均」耶 今案此疏 此 朱子《記鄉 疑『長 將冠者出房,南面」,鄭注:「南面立于房 以 注云: 通解 ? 俟 振振 長 知 者,有 抑 人舉觶』五字本是經文,而 》云:「贊者 , 則 近 射 者。」「贊者 以『袗』音爲『振』也? 儒 作階 人舉 疑 誤》云: 似 之經學考訂,正是朱子家法 也」,則未 當阼 輝, 此諸 繪 切近東序之西,正當房户 如 日 啚 西 階 「《鄉射篇》『若無大夫,則唯 條,有補疏者,有駁 : 無禮 者,與近 立于房中, 面 故 「知在 則負 也。」《 》勝 知 爵之爲 印本誤 其以『袗』字爲 『房 儒 墉 通 經學 其義。 入注 而 者。』余始 外之西 西 《集 解》云: 故此乃主 在將 面 中。 考訂 南 韻》 姑 疏 冠 既 讀

乃注文所引之明證。 其或命長 大夫二人媵爵」,又『請致者』,而公『命皆致,則序進』,又知 考《燕禮》小臣『請媵爵者』而『公命長』,注云: 之中,但選 人之贊者二人舉鱓于賓及大夫。 大夫中長幼可 云。」朱子讀 ,則但以 一人使之舉觶于賓,而 《儀禮》考覈精 使者。』於是又見『長』字之義。 人媵爵。 恐後之讀者,亦或如余之誤 細如 如 此 此篇之長 非反使賓長自 若無大夫,則於二人長 一人以 至『小 『長,謂 舉 遂書以 舉 觶 觶 臣 也 作下 選 卿 至 幼

拜」最 人,以 大夫、鄉先生」,皆所謂「見即 耳。」《龍 之儀,肅拜,今揖也。 瀆亂 通 見於兄弟」,見即 典》以爲「瀆亂人倫」,然又云:「又按 疑《儀禮》者,《士冠禮》 確。 人倫」矣。 揖 城札記》卷三。 示敬。 下文「奠摯見于君,遂 在禮: 盧召弓云: 是 澧 非 尊 拜。 謂 爽。」卷五十六。 屬欣 : 母 盧 是拜 其備 經云『見於母 見母,「 之 氏 以 拜, 謂 也 禮 摯 念 肅 · 見 見 然 母 于 即 拜 則 九 其 拜 鄉 是 非 成 拜

毛西河謂喪服有齊衰,無斬衰、《儀禮》

也。 禮 祖 所 謂 時 所 齊。 齊者 所 同 語 非 造 緝 而 禮記 謂 謂 之衣緝 謂 者 造 名 實 月 齊衰 汪 皆 在 此 齊 有 斬 其 堯峰 齊衰」不 斬 》所 兩 衣下 孟子 旋 斬 此 則 降 衰 兩 一,對 製 衰 不 殺 下 謂 含古 即 下邊 衰 在 製 即 故謂 則 邊 不 緝 邊者 今五 在 自 是 齊 太甚乎 斬 齊  $\Box$ 同 也 亦 仴 齊 悟 也 論 衰 衰 衰 服 之 齊 0 名 翦 而 重 衰之上 其 之 考 不 疏」, 語 齊 凡 言 齊」。 齊 異 服 論 上。 非 毛 緝 澧 則 衰 所 衣 序 也 而 即 斬 案: 氏 語 下 緝 皆 也 可 齊 矣。 <u>:</u> 謂 不 邊 然 與 衰 四 ^ 其 齊 有 所 見 緝 喪 儀 又云「 「爲 者 也 書 杜 齊  $\sim$ 服傳 F 其 經 謂 下 儀 改 禮 衰」。 與 齊 祖 君 而 . 邊 邊 衰者, F 之不 錯 禮 》、《禮 〔衰」見: 齊 齊 言 平. 卿 及 故 故 際 卷 口 衰 與《  $\approx$ 也。 衰 時 鄭 之 ^ 期 九 而 可 注 對 儀 之衣 不 麻 疑 禮 論 記 於《 齊 説 而 不 妄 毛 禮 必 然 也 ^ **>** 此 爲 記 語 緝 名 儀 議 氏 所 平. 言 不 論 服 曾 則 ; 與

尤不 甚 有 説。 明。 可 輕 堯 禮 談禮學 峰 記 似 皆 大傳》孔疏 也 未 見 故 不 亦 自 甚明。 悟 其 非 朱子 文 人不 語 類 可 輕 八 談 + Ŧi.

之靈 于 於經 敖君 成 爲 蒼《 贵 其 謬 其 不 説 庿 注 此 曲 具 耶 禮之類攷之, 求 門 ,然其 由 者 善作《集 者。 以 其 臺 者 ? 一,而 然 於 庿 漢 記 本 平. 外 則 神」二句, 儒 馬 其 》之後 數 存 閒 集 ? 神 鄭 季 經 説 其 疵 但 説 自 也。 長 學 注 》, 其  $\Box$ 不 多 如 作,惟 序》 之 合 删 恐其篇 亦 : 謬 是 而 是 耐 自 盛 耶 去 者 但 此 醇 又云 鄭 而 不 云 鄭 ? 删 序 注 少 已乎 君 而 繼 注「不 澧 數 可 0 鄭 : 不 注《 喪 案 本 知 注 人。 公謂 子 ? 合 服 或 儀 不 忇 而 今 此 於堂 ^ 耶 ~ 抑 止 日 禮 竊 1: 輒 書 而 蓋 必 或 此 但 其 w 删 冠 舊 己 羣 于 者 者 有 此 也 以 謬 意 禮 其 儒 有 門者 \_° 經 Ľ + 耶 以 嫌  $\approx$ 不 鄭 自 無 兀 此 文 逸 爲 蓍 + ? 統 康 時 能 后

篇

不

己

明

而

知 竟 而 量 亦未 九 似 篇 未見《漢書・藝文志》所云「禮古經多三 彻 見耶? 者。 且《藝文志》此 如 是而 輕 詆 語 鄭 · 賈 注,多見其不 疏 亦載之,

子相 也。 贅矣。 持之甚 二十歲生子,至玄孫 歲 百二十歲矣,故玄孫不得 且. 百二十八歲矣。 而 其 爲服乎? 此數語 死 語 程易 古者三十而 者,爲無服 多 堅,是也。 峻 疇《儀禮喪服文足徵記》多駁 属 可了者,何必 生 一時,高祖八十歲矣,亦安能使老翁 喪 之殤。 其駁難 有室。 服 故 無 高 高 祖 有高 刺 玄孫 鄭 玄孫生 祖 不得有玄孫之服 剌不休乎 注 玄孫 祖之服 八歲 至 千餘 則 之服 則 高 也 言,則 鄭注 · 程 高 祖 即 祖 七 氏 孺 \$ 明文。

鄭君偶

有疑

議

,何傷乎?

君,爲其子得遂也。」又曰:「公妾以及士妾爲 之妾爲其子。 喪 服》不杖, 傳曰 : 麻 何 屨 以 章 期也 曰 : ? 「公妾、大夫 妾不 得 體

> 爲似 遂也 妾則得遂, 妾之父母死, 妾子不得遂, 妾則 其父 意,以妾子爲父後者,妾死,子不得遂,子死 此 傳似誤矣。」程易疇駁鄭注幾二千言。 降其父母者與? 猶 爲 兩 曰『吾季姜』。 其 誤 母。 父母 傳 也。 而傳乃以妾不 立文,實未盡 傳曰 遂 《喪服傳》相傳子夏 也 何以 鄭 是言子尊不加於父母。 《春秋》之義,雖 注 期也? 得體君 善也。 云: 然則女 爲 此二條 妾不得體君 所 説,故 作 爲天王后 君有 經文之 鄭 而 澧謂 實 君 以 此 U 得 尊 無 得

長,時 可 而 用。 婚》、《飲》、《射》,何煩 命 欲 澧謂: 精學治聞之士,使删 以 韓 或 此 昌 脩之。 爲 黎 此語 生 《讀 民 儀 過 至 之常 矣。 禮》 乃 講 事 云 《抱朴子》云: 碎之甚耶? 至 試 :「考於今, 定三禮 累 難 月 行 割 也 猶 有 好古官 誠 余以爲 過誤。 無 所

有餘 刻。 博者,此説足以 知禮書之文雖多,而 病其 見其 往 澧案: 篇》。 次其 反就於大不備,豈不誤哉!」《跋三家禮範》。 儀禮》 往 無令小 者。 其物 力之不足,未有能舉 堂 此則至當之論 源流, 未見習行,而 此謂《書儀》也。 以 室之廣,給使之多,儀物之盛,而 今乃 雖博, 爲 碎。 總合其事,類集以相 不 可行,而 逆憚其 破之矣。 而 條牒各 亦 已有望風退怯之意。 讀者見其節文度數之詳, 也。 有 身 難,以 所 藉 親試之,或不過於 朱子云:「司馬 别 謂不若禮不足 而行之者也。 П ,令易案用。」《省 於文之多、物之 小不備之故, 從,務令約 氏 又或 殊 而 竊 書 讀 頃 不 而 敬 自 煩

今是古 列 聘之禮, 郡縣、易於 通典》云: 禮 重賓主之儀。 經章 臨 「自古至周,天下 統 句 便俗 '名數尤繁。 秦皇帝 適 時 蕩 封建,故盛 滯 方今不行 平 儒 · 九 國, 常情

置

朝

非

爲 意。 《十七史商権》卷九十。 之典,於時無用之儀,空事 大要可矣。 則與《特牲》、《少牢》二篇不同。 謂 與夫從宜之旨,不亦異乎 要。 唐 中葉 十七篇中、《冠》、《婚》、《喪》、《祭》諸 蓋古今同 經學已亂,故杜佑《 若專治此 有之禮 然讀《儀禮》者,亦宜知 經 ,則不在 一,倍宜 今所不行者 !」卷七十四。 鑽研,競爲 通 鑽 此論 典》多 研 也。 但 今《祭禮 王西 狗 封執 掇 此 莊 其

東塾讀書記卷八終

## 東塾讀書記卷九

撰

番 **馬陳澧** 

禮

澧案:凡《禮記》所言「記曰」,皆是古有此記 更言『記曰』,則是古有此記,作記引之耳。」● 、保,有疑、丞。』」孔疏云: 文王世子》云:「記曰:『虞、夏、商、 記 「此作記之人 周 如

有

師

記之時,深衣無復制度,故稱『古者深衣,蓋 孔 ,故云『古者』。」《深衣》疏云:「作記之人爲 疏云:「作記之人在於周末,追述周初之 燕義》:「古者周天子之官,有庶子官。」 也。

記之所從來遠矣。

案 : 舊説,不敢自專 志》云:「七十子後學者所記。」其述古事 自 見君子者,辭曰」云云,疏云:「作記之人,心 有制度』。 此。 謙 如此之類,作記者時代在後。 退,不敢自專制其儀 言『蓋』者,疑辭 而 爲 疑辭。 一 而 也。」《少儀》「聞 古人著書 傳聞 ,述古制,述 《漢書·藝文 舊説。」 l謹慎 澧

階之上」,「殷人殯於兩楹之間」,「周 棺」、「夏后氏尚黑」二節。 西階之上」。又「孔子之喪」、「子張之喪」二 最多,今不具録。其餘如《檀弓》「有虞氏瓦 人兼用之」。 節。又「夏后氏用明器」,「殷人用祭器」,「周 周人弁 禮記》記虞、夏、殷、周異禮、《明堂位 而葬,殷人冔而 又「殷主綴 重焉 葬」, 又「夏后氏 「殷既 周主重徹 封 殯 人 而 八殯於 於東

0 作 記」下、《禮記注疏》疏文有「者」字。 記

四代

異

禮

孔子

言夏、殷禮文獻

不

而

禮記

》尚

存

此數十條,記者之功大矣

檀弓》云「大功廢業。 或曰:

尚

齿

節

 $\sim$ 

(表記》「夏道尊命」 一

節

大報

天

而

主

日

節,

又「昔者有虞氏貴

虞氏

褅

黄

帝

而

郊

譽

節。

《祭義》

先求

諸

陽

周

人先求

諸

陰」。

 $\sim$ 

内

老,五帝憲」

節。

有虞氏養國

老於上庠」云

云,與《王

制

》同。

 $\wedge$ 

坐尸

韶侑武方」一節。

《郊特牲》「委貌

節。

於上庠」一

節。

《曾子

節。

 $\wedge$ 

文王

世

子》「虞、夏、商、周

有

老

有虞

氏

以

燕

禮一

節,又「有虞

氏

養

朝

而

殯

於

祖

周

朝

而

遂

葬

^

 $\pm$ 

制

 $\Rightarrow$ 

周

反

哭

而

弔」,「

殷

練

而

袝

周

卒

哭

而

袝

也

節,

又「有

虞氏之祭也」一

節,

《禮器》「或素或青,夏造殷因」,又「周 又「凡養老,有虞氏以燕禮」云 問》「夏后氏三年之喪」 大功,誦可 則》「凡 祭法》「有 「郊之祭, 又「殷 師、 足 周 \_**,** 德 國老 凡 此 徴 保 云, 皆 養 道 而 養 殷 人 子襲裘 綱。 記 辭。 也 推 能 初 不 以 異 世 西 疑 曰」,皆無指的,並 或云大 也,孔 之人 制 普天率 家 ,使後 此 曉 喪 作 方。 仲尼門徒,親 況 出 殊 其言制禮之時,舉大略 達 法 而 禮 隨後 功。 母; 口 論 乃時經離 ,樂崩禮壞,諸侯 疏 ? 之時,文已不具,略 而 時 世作 未爲 云: 土,不閑 母 弔 經 記 隨 其 異 撰録,善惡兼載 出 法。 人 武 作記之人多云『蓋 父 又小斂之奠,或云 録 怪 、厲之亂 子,晉之賢相,不 所 亂 昆 一設疑 記 禮教。 承聖旨,子游 也。」澧謂 今檢《禮記 以 日 日 弟,魯人或 之人,必 不 月縣 辭者,以周公制禮 奢僭 定, 又 故子思 遠 遇 止 其 細 ",典 》,多有 此 數 得 齊、晉之强 爲 細 云 裼 明 則 法訛 失備 所 識 失 東方 事 聖 』,多云『或 爲 百 裘 禮 是 論 殺 禮 年後, 人之胤 之 而 舉其 舛。 也 烝。 不 書 應 齊衰 者 弔 定 盡 事 多。 曾 然 作 唐 何 大 仴 是 國 永 云 之 無

四

成矣。 公制 士大夫各加 大綱 ,若細 講究。 既舉,天下遵行,其 微 之事 有不能較 下,皆爲 撰 若 定, 畫 餘 則 細 一者 畢 事 世 無足 則 不 學 能 翼 説足以釋千古之疑 之也,是以傳于此言也。」《公是先生弟子記

日

乃

瘳。

復三年,

王

乃

崩。

世

以

謂

文

王

與

此

怪

也。

豈必

由

於

亂

離崩

壞

哉

**尤**顯 鬼也。 矣。 怨心。 富。 篇 小 子三朝記》内。 子》十篇,蓋以 戴不取,蓋以其記禮之語 則 然者也。 下 立有 尤有 大戴記》有《 以爲 以 無 神, 爲 用」者,貴儉 識。 無 則國 無命」者,非 命, 不知墨氏之説,何以竄 爲子書之類 小戴 此 則民不偷」,此則墨氏之説 家敬。 夏 篇 不 小 所 取 也。 正》,此 7,宜矣。 云下 兼 命 也。 立 也。 而愛之,則 少 無 也。 最古之書,而 有 不取《千乘》 用, 神 兼 不取《曾 則 愛」,則 者 入《孔 民 或 明 無 家

劉原父云:「武王有疾,周公請命于先王,王 我 百 禮記 爾 九 》之不可信者: 十,吾 與 爾三焉。」此 「文王謂 武 事 王 太 日 奇。 :

> 矣。 用 讀之,則用志 本篇第耳,非謂不可分類讀之也 屬某某。」《禮記》之分類,不始於孫 魏徵《類 今讀《禮記》,當略仿《别録》之法,分 孔 疏 每篇引鄭《目 禮 》,見新、 不紛, 舊《唐書》本傳。 易得其門 録 \*\frac{\times}{\times} 徑 此 謂 張説 於《 不 炎、 可 别 魏徵 改 駁 録 古 奏 類

同屬 《少儀》者,以其記 立」、「諸侯見天子」之類,則 儀》 少,猶 則》屬一 數節,正可謂之子法也。 前 制度而 《别録》以《 子 小也。」 類。 法。 有不同矣。 澧案: 澧案: 至「天子建天官 曲 禮》、《少 相 <sup>《</sup>曲 曲 見及 禮》多 禮 鄭《目》 》「凡爲 (儀》屬 薦羞之小 非 」,「天子當依 小 小威儀 録》云: 威儀 人子 制 度,《 ,與《少 威儀 而已, 之禮 「名 内

矣。 亦記 是記 其以《 人 人 孔 所 引《儀 疏 引。 謂 曲 禮》 禮 毋 鄭 Ě 不敬 》是《儀 注、孔 經。 儼 禮 疏 澧 若 》,乃《禮器》鄭 。皆但 謂 思, 安定 「安民哉」句, 云三句,似誤 辭  $\stackrel{\smile}{=}$ 注 之 句 有關 則

古、 存之,故篇首稱「《曲 散失、《禮記 紀聞》皆引朱子 ൬ 説 禮 藝文志》顏 從瓚説。 区 区 互而 曲 《周 禮》上第 相 見《語 説 禮 注 通 曲 》三百是官名 引 一、皆有 澧 類 禮 臣 亦 》卷八十七。 》上下二篇乃 疏引《藝文志》,則以 瓚 禮》曰 謂 曲  $\Box$ 瓚説 : 稱, 也 《禮 是 ○衛氏《集説》、《困學 也。」朱子疑 又與 也 經》謂 記 鄭説 者掇 蓋 **三曲** 冠、 異 拾 鄭 爲二 矣。 禮 婚 以 説

言之,以警人也。「行脩言道 云:「四者,慢遊之道,桀紂 從,志不 言大義,非 毋 미 不 敬四 滿 但 樂不 制 度而 句,冠四十九篇之首。 П 른 極 四 敖不 所 句 禮 亦 以 可長,欲 然。 之質也」,然 自 禍 0 故 痛 此 鄭 不 微 切 注 可

> 道學者,必講 則 無 講 質 禮學者 矣。 必 道 禮 慎 學。 德仁 言 行。 不然, 義 非 若行 則不 禮 不 不 - 成矣。 成 脩 言 」,然則 不道 此 尤 講

於千古學

術

也

易之。 衣,蓋 大制 屬 通 此爲周室班 制》之作,復在其後。」 説 制度。《王制》篇首 論 制度,《 略 度。 同 有制 王制》、《 别録》屬 《深衣》但記 孔 别 度,故 疏引鄭《 爵禄之制,信 録》 禮器》、《深衣》三篇,《别 制 屬 Œ. 《答 亦 度 以《王制 通 臨 所記,與孟子答北 屬 碩》云: 論, 非 制 衣,以 其 亦 度耳 而 》篇首 類 「孟子當赧 有徵。 非 也。 與《孟 其 其 ^ 類 禮 云「古者 子》同 器 王之際、 也 玉 王 宫錡 一, 當 藻 常當 制 録 故 之 當 屬 耳. 深 記 也 屬 Ŧ

《明堂陰陽》三十三篇,班氏自注云:「古明堂陽記,其實皆制度之類。《漢書‧藝文志》有《月令》、《明堂位》、《别録》皆屬明堂陰

令》即 之遺 羣 司冬; 月記 陽 冬天子 興 兑 治, 昊,乘兑 奏之, 曰 相 辰 則 南方之神炎帝,乘離執 天,曆象 家者流,班 之外,又 在 泄 臣 傳》云: i禮家· 日 事。」又有《明 議 是「敬 陰陽家者流 中央 夏 所 天子 所 分出 執 則飢 日 興 内 在 服 『東方之神太昊,乘震 矩 月 氏 表采《易陰 之神黄帝,乘 坎 所 自 及昏旦 順 司 此 星 以 當 治, 服 爲 秋 昊天,敬授 秋 爲「出 辰, 法 興震 蓋出 類也。 堂陰陽説 則雹。」又云: 家之學,故《 天 相 北 中星,正 敬 或 地 方之神顓 陽》及《 治, ) 衡司 授 於義 於此 之數, 臣 《藝文 坤 民 民 則華 何 Ť. 夏; 執 時 和之官,敬 是 時 也。 等議 明 繩 中 二之意 志 篇 别 頊 曆 堂 西方之神 司 執 《漢 得 「高皇帝令 澧 家諸 『春 冬興離 ·乘 録 象 蓋 下 規 人和。」 謂 · 月 書 日 於 坎 子 明 土 司 夏秋 執 月 其 順 陰 堂 制 春 ^ 令》 治 魏 月 春 權 少 星 每 昊 陽 度 陰

《漢儀》 學也。 公作, 據,而 行冬政 **令** ※ 篇 不從其説 則 則 政則榮,行夏政則水,行冬政 春 子》。」卷四十三。 出 月令》之法 出 泄 政 門, ,皆有與《月令》相 無 且 以空言歸之周公也。 於《管子》也。 則 《管子· 異。 》應 行 隨  $\overline{Z}$ 則 風 以 夏 時 雕 劭 <sup></sup>月 康 故《 政 聽 行 成之徒 云: 令》之文明 幼官》篇、《 秋 則 西 事 通 其 政 秋 典》云 靁 漢 書雖 丞相 則 政 猶 漢儒以《月令》爲周公所 見 猶 復 水,行冬政 則 似 行 惠定字《明 見 通 行 蔽 云不韋之客 霜 者 舊 於 秋 冒 典 位, 之。 四  $\sim$ 政 》卷 吕 爲 行 時 首 月令》本 氏 則 則 夏 四 在長 堂大道 其 鼠 》篇、《 春 早。」 耗 則 政 時 兩 秋 時 端 , 冬行 落 則 », 不 安時, 所 篇 之説 尚 録 此 欲 輕 尤 作 出 陰 皆 必 能 作 秋 與 於《 重 示 以 舍 陽 其 春 夏行 口 有 行 ^ 鄭 己》 爲 能 此 月 政 之 見 春 四 周 君 實

罪。」其詆鄭君至此,鄭

君果有

罪乎

戴記 喪服 古人最重喪 死、言殺、言哭、言弔、言葬、言墓、言袝 衛 三年問 喪 獻公出 大記 則 曾 《檀弓》亦 奔」 子 無 問》、《 禮 喪 奔 節不然。 篇屬 喪 也。 服 喪禮之類 四 喪 喪禮 然古人以出 制 奔喪》是《儀禮》正 服 問 喪 小記》、《雜記 者。 + », << 也。《檀弓》每 篇 小 奔 服 ,至狗馬 亦爲凶 戴 問 别 盡 經,《投壺 禮也 亦言 録 取 上下、 閒 之 節 死。 皆 傳 皆言 也 》亦 大 屬 惟

鳥 云: 弗見也,亡矣! 必有知, 三年問》云:「凡生天地之閒 潤 「入門而弗見也,上堂又 曾子讀喪禮,泣下 則 有 失 知 喪 其羣 之屬,莫不 喪矣! 兀 -霑襟。 越 知愛 月 不 踰 治者,有 弗見也,入室又 可復見 其 澧謂 時 類 焉 1 今是 已矣。」 則 氣之屬 問 必 喪 大 反 >

> 憮然 巡,過 性情 之頃 當無不泣下霑襟者。 知於人,故人於其親也,至死不窮。」讀此二節 焉,然後乃 也。 焉,然後乃能去之。 薄 其故 而 近代· 風俗衰,未必不由於此矣。 能 鄉,翔回 去之。 士人囿 焉,鳴號焉, 小者至於燕 於科舉習氣,不讀 使墨者讀之,亦當爲之 故 有 血 蹢 雀 氣 躅焉, 之屬 · , 猶 有 喪禮 者, 踟 哪 莫 躕 噍

功,斯爲最 廟 禮,亦惟 及《祭義 録 祧 》皆屬祭祀。 壇墠 《郊特牲》、《祭法》、《祭義》、《祭統 見於《郊特牲》。 学郊 之制, 大。 之祭也」二節。 郊祭之禮,惟見於《 惟見於《祭法》。 天子、諸侯 社禮、 記禮者之 郊特 至 大 》,《别 蜡 官 師 之

記

堇

喪禮之變,《

投

壺

則

較

射禮爲小,高堂生不傳之,遂入《禮

其

人於《禮

記

》者,蓋

儀

禮

\*

七

篇

皆

常

禮。

《 奔

喪

則

也, ●不在祀典」,據 《祭法》「夫聖人 《 國 之制 語 祭祀 魯 也 語 至 此 非 乃 柳 此 族 F

❶「人」、《禮記注疏》作「王」。

之前、蓋四十九篇之文、此爲最古者。季之言、臧文仲使書以爲三筴。此出於孔子

幽 存,致慤則著」,又 大之理、《祭義》則説 極微矣。 祭義》、《祭統》皆説義理。 如 説 精 鬼 微之理。 氣 煮 蒿 《祭統》説 如 悽 「 致 愴 三,窮 愛則 博

論禮 爲藉 其義。 則不專言祭。 夫、士矣。 則不然。《儀禮・少牢》、《特牲》二篇,乃大 醴 千畝 樂,論孝,論尚 「君子曰『禮樂 一祭禮 冠義》以 宰我 朱子所 「先王之所以 問 、 養獸之官」,「公桑蠶 ^ 「郊之祭也」三節,則非言宗廟 鬼神, 謂 下六篇,略舉《儀 祭義》言君、夫人,則非 牲 「《儀禮》之傳也」。 齒尊賢,皆非論祭。 不 、祭服之事,皆因 則 可 因 斯 治天下者 祭 須去身』」以 而 説之。「天子 禮 一》之文 室 五. 《祭義》 祭 二節, 下, 三節, 此 止大 而 而 集 則 説 解

子視學二節後 此集合成篇之跡 子」,「周公踐阼」三 學,非説世子,牽 合成篇者也。 録 》屬世 子,據篇首、 則 連 也 無 《禮記》 入此 句,鄭注皆云: 篇末 題上 篇耳。 》多集合成篇者。 所記 事」之語。 耳。 「文王之爲 中 題上 間 篇之中, 説 事。」説公族 《文王 世子 公族,説 體 也 世 例 子 天子 不 説 教 别 天 世 視

也。 子之所以治天下 也。 重,乃冠、昏、飲、 口 此二節之間 「天地合 義」一節。 陳 《郊特牲》皆言祭祀,此冠、昏二節雜人於其 也,其義 失其義,陳 冠義》既自爲一 而 后 古人傳 有 難 萬 知 其 物 也。]: 射、 數, 節 也 生 述 云: 焉 燕、聘、 此 篇,《郊 此 祝 知 義者, 記 史之事 其義 禮之所尊, 節, 者 祭 特性》 明 而 不 即 諸 言禮 也。 止 敬守之,天 「昏 義 中耳 復 之 故 以 尊 義 家 發 義 其 其 也 也 凡 爲 數 冠

禮》有《士冠禮》正篇,此説其義。下篇有《燕《郊特牲》「冠義」一節,孔疏云:「以《儀

爲 故 義 義 儀 朱子特言之。 傳」,孔疏已屢言之。 釋之於下。」朱子謂 八、《昏 此 禮》 篇 有 義 摠 其 明 事 與 聘義 ,此記 此 此 司 可見 各 。』《鄉 √ 儀 釋 南 蓋朱子 顯聘禮 其 宋時 飲酒 禮》 義 經 爲 時知此者 之 義》孔 學之衰 聘義》孔 經、禮記 經 於 疏 上  $\frac{1}{Z}$ 也 少, 以 疏

篇 之筆, 所 也。 言 時之言,記之者則 聞 篇 行 論語 記 此箸 而 》、《哀公問》、《仲尼 而 記之。 其 者 别録》皆 其體 彙集 坊記》、《表記 是 書 亦 時 也 也。 所記 不 傳 成 百 屬 聞 篇 其 《坊記》、《表記》、《緇 通 敷 而 非一時之言,記之者非一人 古者記言之體有 論 非 記之。 一人之筆,伸説 傳聞 》、《緇 箸書 演 燕居》、《孔子閒 澧案: 潤 而 色, 也,尤 記之者 衣 記 駢 之。 此 偶 皆記 非 禮 用韻 所記 引 = 作 運》、《 人之筆 孔 證 衣》是 文 居》八 子之 而 而 非 其 也 成 成 儒

> 篇,此 亦記孔子之言 問》、《仲尼燕 作 文 ,而與此諸篇之體又不同 者也。 居》、《孔子閒 《禮 運 居》 儒 是 也 行 曾 哀 子 公

:

《兑命》 《論語 記》子 慎,婦人吉,夫子凶」,則記者增引之也。 者,天下其幾矣』」,此 德,或承之羞」,與《論 恒 所 於人乎」,則記 云,則記者所伸説也,下文引《甫刑 教之以 大民, 論 不不 引證 語 所 》略同。 》,則記 可 》略同,下文「故君民者,子 也。 曰『貧 謂 政 教 以 伸説 之 ,齊之以 爲 子 以 者 而 者 卜筮。」古之遺言與?』」 下文「龜筮猶 引 曰:『南人有言, 德 所 好 所 證 引證 樂 刑,則 伸 齊之 者, 見於《論語》 富 説 語》同。 如《緇 也 以 而 引《 民 禮 好 不能 有 下 易》 禮 衣》:「子曰 又引 文引 遯 則 曰 , 衆  $\Box$ 以 者二句,餘 知 心 民 ※ 詩 也, 愛之」 人 示 有 恒 而 則記 格 以 其 此 此 恒 而 而 寧 坊 德 其 引 況 云 與 者 與 無

論 怨 所 則 蓋 於《論 忿,微 仁,二句 於《論語》。 言,不見於《論語》。下文引《論語 句。 改於父之道 云 二句 表記》「與仁同 君子弛其親之過,而敬 之,記 勸 記 亦 云, 傳 者 下文引《 旬 不 句 語 諫 則 以 所 聞 也 似 者 異 》者,亦只二 不倦 記 伸 怨 多 見 記 有 於《 者 報 説 於《論 「仁者安仁,知者利仁,畏罪 一, 可 下 人 伸 詩 勞 旬 引 怨 也 伸 論 文 . 説 ]》,則 過 謂 證 而 引 語 説 則 ,然後其仁可 語》,一句不 子 孝矣」,則記者所 其下 伸 有  $\approx$ 不怨,可謂孝矣』,此 民 句,蓋記者所傳 記 詩 説 引 · 曰 以 則 蓋 有 者 文「仁者 其 也。 證 傳 及 孔 所懲」,此「以 (美)」,此記 所 且. 子他 聞 德報 引 制 「子云『從 有 有 見於《論 證 或 日 誤 右也」云云 知 傳 德, 也。 不 也 又説 》「三年 也 聞 引 過 則 孔子之 聞 之誤。 證 Ŧ 綜 恕 民 者 此 子 語 多 命 此 乘 也 報 有 强 而 見 無 云 見 不 而

> 《論 土無二王』,不見於《論語》,《孟子》亦引之。 盡聖人之言,然於聖人之言, 證之,則有功 語 《坊記  $\cong$ 語》者,尤爲 》「子云『好德如好 「未見 好德 於聖人矣。 如 有功矣。 好 色。二澧 色」,鄭 案 注 坊記》「子 且 云 此 記 其 亦 此 傳 録 中 聞 句 云『天 之, 有 之誤 似 不 不 伸 無 足 也 見 説 H 於 引 非

養」, 食 謂 同。 聞 子 語》言「犬馬皆能 孝 孟. 不敬, 乎 事 不 經 子崇云 父 叮 口 《坊記》:「子云:『小人皆能養其 謂 》 故 證《 ·; 或 母: 犬 何 也。 同 論 馬 親 孔 以 語》非 能 辨?』此 生之厀 養 子 厀 公 勤 他 \_, 此 下 田 人 H 謂 孩 下 之 又 人養犬馬 言「小人皆能 幼,豈 與《論 ·, 以 亦 事 説 以 此 養 勤 勤 即 而 語 父 事 其 也。 稍 供 13: 稍 即 事 異 養 H 」, 語 異 「犬馬 謂 爲 也。 父母 嚴 之 親 養 或 意 ^ 也 飲 亦 能 論 傳 君 IF.

所謂敷演潤色,駢偶用韻而成篇者,乃

博

以

該

情

也

]。|《徵

聖篇

未

嘗

有

譏

議

之語

0

文心

雕

龍

儒

行

説

以

繁

記 經 祭帝 失,不必 布 雜 云: 事。」澧 禮 上云『 」。」 ● 澧 者 陳 云『君 運》又云: 於 夏、 因 「若依《 聖人之言 案:此 郊 禮 回護 與夫人』, 殷 謂 《周 有 諸 所 序二, 以 此 侯 以 禮 可見《 爲 之禮 與 定 》,越 而 夏、殷 則宗廟 節 故 其 天 作 席 ,故雖宗 禮 用 越 記 位 爲文章。 韻 席、 諸侯之禮 人 也」云云。 疏 運 之禮 之文,因 一》是記 因 布是祭天之物,此 疏 説 廟 布 也。 《禮運》云「故 禮 而 以 也 人之説矣。 須下達 敷 幂。」孔 用 此蓋記 孔 辭 越 疏 布 而 云 之 者 疏 疏 疏

謂 氣 代 七十子聞於孔子,轉授其 抑 之英』,及《表記》所言 一非聖人之旨。」《九經説 揚 姚 之甚。 姬 傳云:「《禮運》稱『大道之行, 蓋屢 **※**云: 傳 而 四 失其 徒 卷十六。 代優劣之説,本皆 而後記 》縟 本 真。 此説 述。 然 最 辭 不 其詞 越三 善。 此 口

孔子平 給之」。 《禮記集説・ 《禮記》之可疑 宋時 之,亦多善處。 七。 無 來 蓋 文臣,其幕 Ŧi. 以 勝於伊 則 儒 至 亦 《儒行 義 鵠 直 行》、《中 載此 是 重 張 理 加 云:「《儒 而 《儒行 又載 横 》篇刻於版,印 川矣。 如如 事。 譏 日 排 職州縣官使 渠則 議 庸 報網興 統 語 斥 篇如此。 後世 又載祥符 》篇。 儒 説 矣。 言 十八年, 行 影録 横渠此説,《張子全 行 云:「某舊 者, 閌 》之説上達於人主矣 有 游説之士 之。 書 程伊 **\*** 臣賜 賜 奏 篇, 如 一年,「復以 姑置之。」横 宋史 近臣 儒 ◎《宋 也, 御 是者 敕,令崇文院摹印 非 JII 行 書 及新第舉 云: 詞 《儒 仲尼之言。」《儒 高 史 己見 多疑《 所 説 否 閌 行 儒 不 爲 「《儒行》之篇 傳 張 ?'」《程氏遺書》卷 書 篇 醇 行 與 <u>\*</u> 人。」《玉 洎 誇 渠 》無之。 》篇 請 賜 傳 儒 不 大之説 \* \* \* \* 讀書 賜 進 止 送 行 見 時 賜 ± 親 閣 海 此 \*, 耳。 將 王 民 「太宗 巻五 審 賜 據 佐 今觀 釐 庸 進 等 辭 衛 説 慎 故 觀 E 士: H +

越 布」,《 禮 記 注 疏》疏 文作「越 略 則 在 勝 前 前 其 記 及 傳 淩 問 於 學 論 曲 只尋不是處 胸 人。」卷七。 如 古 後 跨 先 人 説之所自。 以 語 人 禮 猶 中 此 序》云: 前 之 意 世 人 引 知 堂 儒 知 於己説則只尋 疏 也。」《僖三十年》注 賢 賢 服 竊嘗論之曰 何 心 慮 服 行 云 博 之表 休 也 知 朱子《答吕子 也 ~,吹毛 多多 是 畏 聞 之 及 「今之世學,非 「一字之訓 强 也 先代賢 善善 及其斷以 所 澧 鄭 識 求疵 此 而 是處。 而 言 處, 君 謂 皆 古人著書,辛苦創 鄭 讓。 謙 多 約 説 : 也 可 注 古 人言。 讓 書》云: 亦 後 方 雖 而 른 謂 <del>궁</del> 復爲 駁 儒 孔 己意, 此 有 退 云 朱子《吕氏 意。 難。」不 不是,亦 託, 當 博 事之義,未 疏 補 先 「不用己之知 其 以 不 己之行 云 學 范 横 未 雖 此 最 知服 以 闢 此 武 着 瞞過了。 知 嘗 或 吾 善處 一謂 往 子注《 書紳 己之博學, 闕, 者 服 敢 超 徒 家 箇 往 之情 正是 嘗 盡 人 有 塾 所 廣 然 者 銘 如 於人説 我 美 出 穀 博 輕 讀 狀,大 不 以 之見 圖能 而 矣。 座 梁 學 議 謹 勝 博 於 詩 不 未

> 得人心之所同 古人之上矣。 辛苦 其至精至善 盡 一; 而 善。 但見其未盡 蓋辛苦 處 或問日 然、故 也 成 書 不覺其 善, 既 「何以忘其辛苦也?」 遂有不滿之意,甚 竭 其 奇 特 Ŧ, 而 後 與 八之相 人讀之, 忘 者欲 也 坐  $\Box$ 享 著書 而 其 其 不 精 成 以 知 善 忘 加 此 處 平. 其 īE.

能

當 也, 説 引 正 比 稍 之會是也。」禮謂 事 鼎,不程其 力堪之與否。」孔 儒 `,遇則行之,不 近 叔《 可 如 重 通。 是 鼎 此 者之勇。 是 集説》采 儒 也 雖 語 歟 行》 然竊 有 ? 實 力」, 力 未 其 廬 引 疑 安。 鷙 鄭 然 疏 陵 重 此 渦 豫 蟲 不 注 言 胡 注 鼎 궁 : 失 或 度 攫 敢 云 不 氏 熱 説 量 其 可 與 : 搏 日 未安。 猛 也。 此 意 微 儒 能 搏 鳥獸 不 謂 辨, 喻 者 比 鷙 猛 若《 程 他 較 儒 儒 之攫 疏 引重,不 蟲 而 勇 人 者見 者之力。 量 春 攫 以 者 尊 不 勇 演,不 秋 爲 搏 敬 口 力 艱 譬 雖 夾 量 引 難 儒 面 喻

谷

之

猛

此

衛

能

勇

重

者

數

服、儒 作《周 不 民 牧 DЦ 敢 之 長、 以 曰 服 禮》 行 類 儒 周 地 師 非 以 禮 並 得 時 蓋 先 言之, 亦 道 民」,「長 儒 大宰 得民」,「 贵  $\pm$ 風 之 以 氣 各 非 道 德 爲 淳  $\stackrel{\cdot}{>}$ 儒 以貴得 古。 得民,則非 行 以 儒 自爲 家之學哉? 不 九 一字始見 敢 至魯哀公,乃問 兩 一家之學 民」,「師 行。 繫 邦 先王之法 於此 末世之人, 國之民 以 此 也 賢 可 此 服 得 儒 見 ۰, 猶 與

爲 類 對 揚 劉 仲 光伯《 之體 尼 燕 《孝經 屈 居 原 之漁父鼓 述 孔 義》云: 子 閒 枻 居》 假 大太人 與《孝 曾子之言 . 拂 經 龜 · 寧 以 同 者不服

儒服

云:「吴起儒

服,以

兵機

見

魏文侯。」此時

代更

在後,蓋

談兵

之篇

於

古之儒

風

大

可

考

據

者

也

《吴子

首

篇

之學,遂謂

孟

、荀之等爲儒家耳。

此《儒

行》

風

氣

其後道、墨、名、法並

起,各自

稱

家

衣

服

行

事

皆變於古,

遂若儒

者

自

爲

一家之

之言 非 並 注 師 邢 而 祖 疏引。 敷演 製 作 澧謂 成篇則有之,竟以爲假 以 爲 模 此 説 楷 者 太過矣。 乎?」《孝經 記 以,則非 者 憲唐 因 玄宗 聖人 巾 序

《學記》 化民 《樂記》爲《禮記》之精要」。 無 知 劉 也。 他 道原 術 成俗 司 墓志 》在《大學》之前。 也 黄 馬 即即 ,其必由學乎?」必 銘 山 温 谷云: 公謂 所 澧謂: 謂  $\sim$ 論 温 學記 政 《學記》 公論 以學爲 此讀《禮記》 》、《大學》、《 見《書儀 由 政 E 源」也 者,言 以 巻 學 君 四 舍 者 子 爲 中 此 如 源 所 且 庸 欲 當 别 以

但 興 補 言古者學校教人、傳道、授業之序, 有《學記 失 其 其 廢之所 知朱子 注。 指 朱子《儀 補 有《大學》、《 此 今考横 由、蓋兼 注 可 》者矣。 禮 見 經 朱子 渠 傳 大、 張 通 中 亦 氏 小學而言之。 解 庸 甚 之 目 説,并 重《學 》章句,罕知朱子 録》云: 附 記 與其 己 舊注 意,以 學記 得 多 失

達,物 以 以 也。 脩 教士當以此 首云「大學之道」、《學記》亦云「此大學之道 也」,可見《學記》與《大學》相 遠者懷之。 業樂羣,五 之大成。 謂之小成。 大 此 也。 博 或 爲 成 分其 格知至 學記》云: 治、天下平 法,學術 , 有 化民易俗,近 親 夫然後 (年,定其 年視 志於學者,當無 師 此大學之道也。」澧案:《大學》篇 爲法。 九 論 也。 年 由 博習親 足以 知 此 課,使學 學 也。 夫七年可以 强 年 類 而 取 者説 立不反, 化 視離 盛 通 友, 其 師 民 達,强 ,人才由 離 七年 者 易俗 服,遠者 則 不樂 經 經 可 辨 格 意誠、 發 辨 小 以 立而 視 ,近者説 志 物 而從之。 明 此 志,敬業樂 論學取 成,九年 遵 三年 致 而 懷之, 循、後 不反 心 知 知 出 Œ 之 類 ·視敬 矣。 服 謂 友, 若 # 可 事 家 身 通 而

左傳》昭十六年孔疏譏服 離 經 斷 句 虔 一未能 絶 也 離經 即今之點句讀 辨句,復何 須 時,日 學」,每日之事 「大學始教,皮弁祭菜」云 「大學之教也 中 離 時 經 也。 辨 ,時教,必有正 志 也。 以 此 下, 七

書也。

鄭

注

云:

《補 每 小人也。」澧案: 注 淺儒襲漢學,心力每浮躁。」 有 述 真 讀 號 注》云: 大典」。 浮躁 欲 於治心矣。 之,則不 爲經生,而 心,這邊 治 經, 「辨志者,分别心所趣 之病。 辨 理 志, 但 能 又 此二者,切要之學。 到。」卷 未 欲 《朱子語 浮 謂 沅 讀一 爲 躁 文達公《題淩次仲 别 世俗所 其 百 隨 類》云: 部 不 十五。 心 向,如 手 注 獨 意 謂名 翻 疏 「甘節 有 Ħ. 所 爲善 閲, 者。 浮 益 趣 士 問: 校禮圖 爲 躁 舉 於 零碎 近人治 鄉 八利,爲 若限 耳。 兩得。 者 讀 一昔 也 書,亦 詩 解 以 君 故 其 以 這 觀 子爲 云 朱 斷

有益的 又存得 不 非 爲致知之方,今又見得是養心之法。』曰 有 句 可 不辨也 朱子《補注》云: 亦可謂 業 云, 年 Ē 之身中時 九 每 退息,必 句 年 年 鄭 之 之 注 孔 事 事 年 疏,讀 有 也 也 中 居

有居學,則居學是每日退息之事。 如下文操縵、博 也」字、「學」字句絶 也」字、「學」字爲句 時」字、「居」字句絶、「學」字自爲一句。 日之内言之耳 『居學」,謂居其所學,如《易》之言『居業』,蓋常時所習, 依 興 絶。 是也 藝、 「時教」,如春夏禮樂,秋冬詩書之 解 藏脩、息游之類。」 澧謂: 「時教」、「居學」似非。 時教乃未退息時之事,指 恐非文意。 朱子讀 退息必 當以

《禮》,其義已明矣。

即所謂「興藝」也。 問謂:近儒皆尚名物、制度、六書、九數之學,言喜也,歆也。藝謂禮、樂、射、御、書、數。」「不興其藝,不能樂學」,鄭注云:「興之

也 者也。」故理學即禮學也。 入於《禮記》者。 論 大學》、《中 《中庸》、《大學》,後世所謂 學記》、《中庸》、《大學》,《别録》皆屬通 理也。」《樂記》云: 而 》爲孔氏之正傳,然初非專爲禮 未 識古 《仲尼燕居》云:「子曰 義 也。 經 「禮者,理之不可易 《直齋書録解題》云: 解 》,《别録》亦屬 理 學,古 作 也。」此習聞 人則 獨 禮

> 通論。 本,故記者録 「安上治民,莫善於禮。」此篇當録 孔疏云:「六經其教雖 人於《禮 》。」 澧案: 異, 記 摠 文 引 以 禮 入於 孔 爲 子

者。 箋云:「此章陳人以衣食爲急,餘章廣 之」,而不分經傳,則後人不能訾議矣。 之。」然則古人之文,有以餘章廣成首章之意 爲後儒所訾議。 若朱子但於首章之下云「餘 《大學》一篇,朱子分爲經一 澧案:《豳風 •七月》首章鄭 章,傳十章, 章 廣 而 而 成 成

安也。 子云:「傳之十章,釋治國平天下。此章之 者,使天下之人皆有以 不昧」之説矣。《章句》又云:「明明德於天 者,謂之明德。」卷十四。 乎天,而虚靈不昧。』《語類》則 朱子《大學章句》云:「明德者,人之所得 「明明德於天下」,即「平天下」也。 明 澧 謂 : 其明 云"「光明正 德。 」此 此 勝 於「 亦 似 虚 下 靈

光明 利」, 靈不 此章之意,務在 意,務在 乃是 Ī 昧」之德 大之解 與民 「明 乎 同 其 ,不可易矣。 光明 ? 使天下之人皆有以明其「虚 好 惡,而不專其利。」何嘗 與 正大之德於天下」 民 同 好惡, 而 不 專 也。 其 云

案: 大,古今之遠,不能親歷。 朱子爲借,剖析最 改『窮至』作『窮究』,非古義矣。朱子借古義 如黄公紹輩,皆迎合朱子之意,而又爲 理。」則於「至」字上加「窮」字,「物」字下加 詩·烝民 至事」。 至』字。」《大學答問》。 至。字而 之理」二字。 此 朱 古 ~》傳 子云: 至事者,猶言 加『窮』字,後人取 訓 云: 也 「物、事也。」又云:「 陸清獻公云:「宋後爲字 格, 精 爾 雅 至也。 審。 此謂「 親 釋 蓋 歷 詁 讀 至」字 新義 其  $\stackrel{>}{z}$ 物, 「格物」但 書 事 窮至 即 格, 猶 也。 『窮』字而 爲古義 無 事 至也。」《毛 當訓 事 異 天下之 也。 小變。 書者 物 親 , 謂 歷 爲 去 之 澧

精當 也。 者,致知也。 親 也 讀 也。 窮理。」朱子此説乃「格 者,猶言增長見識 身親歷 歷 書 0 「格物致知」,猶言實事 過,更就其中屢 故格物者,兼讀 閱 朱子《答黄直卿 歷, 過」者,格物 朱子《上蔡謝先生祠記 更 無 他 也。 也 法。 書、閲 省 求是。 書》云:「天下 ; 凡人欲 而深察之,方是 物致知」之確 故 「屢省深察」者 》稱 實事者,格物 日 歷言之也。 其以 致 增長見 求 知 事 是 在 論 也; 識, 解 **致** 窮 真 格 致 求 也。 理 身 實 知 物 舍 知 是 爲

要,必在於讀書」,即「致知在格物」也 「莫先於窮 書。」 澧案:「爲學之道」,即「大學之道 之道,莫先 朱子《甲寅行宫便殿奏劄》云:「蓋 理」,即「先致 於窮 理。 窮 其知」也。 理之要,必 在 窮 於 理之 爲 也 讀 學

講學。」《語類》卷十八。又云:「所謂格物云者,朱子云:「伊川所謂格物致知,多是讀書

陽明 物,則 存 所得 之間 急先 雖謂 學之病。」《答陳 屬,無 格物 之説,至精 河 而 心 分别 南夫子所 必 之事 是炊 於一草一木也、早爲朱子所嗤矣 謂 後 搜索於 眼 器用之間 非 其是 而 伊 之序。 格 前 用 忽然懸 111 亭前 也 無 沙 非 確 力之地。 夫子 無 )。」《答趙 非 而 也。 師 竹子 形 或讀書,講 豈. 是 欲 ,此是何學問? 或 悟 德 所 無 遽 物, 其 書 應事 又云:「格物之論,伊 謂 也哉? 迹之境, 致疾,見《傳習録 以 民 成 然其格之也,亦 若舍此 窮 表 爲存 飯 朱子 接 書》。 經 也。」《答陳齊仲 物 明義理; 應 説格: 兀 心 竊 平 事 又 而 於 然 恐 易 尚 云 處 存 如 物 陷 顯明 : 其 草 或尚 論古 心 此 遵 於 當 於 木 即 至 須 書 而 守 思 /之功, 否 器用 人之 所 望 有 程 於 論 JII 而 草 古 Ŧ. 有 意 謂 緩 子 不 格 皆

物 致 知一, 朱子《答孫 只是説得 敬 甫 箇 書 ※云: 題 目 「《大學》所 若欲從· 事 言 於其 格

> 近 是 無 實,須更博考經史,參稽事 日 想 毫髮之疑, 脩 像 ^ 箇 禮》 無 書 所 方到 不 見 通 知 得 底 止 此 意 有 意 象, 變, 定 頗 其 地 分 使吾 實 位 明 未 胸 不 必 此 中 然 通 以 廓 一, 只 也。 脩 然

《禮》書是格物致知,尤爲切實矣。

薄,而 其 身爲本,其本 此『後』字。 記》云: 書 下文六『先』字,即此『先』字。七『後』字, 道矣」,朱子章句云: 目 集注 也。」「自 其所薄者厚,●未之有也,此謂 物有本末, 補 「『本末』二字,即下文『本亂末治』字。 蓋此 以 亂 天 爲「起 子 而 條 事 末 以 總言其意, 有 治 至 結 下文」。 終 於庶 者,否矣。 始, 上文。」王 知 人,壹是皆 而 引 所 下二條 高 先後, 氏 其 中 知本,此 復 所 元 禮 厚 詳 以 則 《私 者 脩 即 近 列 川

補。
■「所薄」之「所」,原無,據《清經解續編》本及《禮記注

應『脩 謂 煩 知之至』而 補『格致』也。」 解 知之至也。』《集注 也 身爲本』, 何 ? 非 此二條 故 衍 補 || 云: 後文只 文 也。 不從 單 「此謂 人能 朱 疏 注 知知 一,實 誠 知 本, 意 可 本』,正 以 備 無 非

再 即 説 其 人 用 也 也。 知 云 窮其孝之理 未 從 定 友於兄弟,益 , 則 力久者,必有 凡天下之物,爲 因 嘗用 其 兄 朱 不讀 無 其已知之理 子之補《大學》,不 何 則 弟 미 力之久而已矣。 日 以 議 其 · 而 此 也。 <u></u> 所 貫 窮 孝 而 句 日 謂 其 於祖、孝於 議之者,約 通之一旦。 後 乎 無先務 云 豁 友之理, 人反 「至於 因 然 ? 其 貫 必 疑 如 也,然不讀其 今人多治《説文》, 已知 通 補 用 其 有二端 而 已 曾 朱子安能 也 何 力之久」 知孝於父, 友於從兄 祖 爲不 耐 日 一、高祖 然 益 知 適 所 窮 乎 下 則 足 爲 何 補 之 弟、 見 後 ? 已 益 句 謂 之 H

義皆貫 其所  $\bar{Z}$ 試思用力於《説文》既 因 發 其已 ൬ 通 遂 2者乎? 知之理 明之。」又 而益 云 : 夫 窮之。 何疑之有哉? 因 久,豈有不一 其 此 已 三言 新 者, 因 而 其 日 朱子云 旦 一, 日 新 於 人以 之。」又 形 大 聲

學之路

至明

至

切

命中 六祖 其改 之意 六度 中。 與予 合禪 之矣。』《 未發』也 在 喜怒哀樂 庸解》云: 談道 家之 與與 頭 萬 所 發 蘇 謂 行之總名 潁 而 换 潁 中 示不 皆 濱 面 語 蓋 濱 庸》 自 子 之法 未 中 思善 中 子 同 此 曰: 『子所談者, 予於儒 題所作《老子解》云: 發 節 曰 也者,佛性之異名。 自 也。」 澧案: | 當 處 謂 耳。 ,不思惡」,則『喜 其 古 爾。 ||求聖 『喜怒哀樂之未 之和 但 「改頭 以 言 。」此 來 見朱子《襍學 人 聖 换 而 所 潁 人 面」之語 不 未 非 濱 丽 可得 有 佛 以 不 辨 怒哀 僧 法 發, 一,今乃 言 亦 中 而 張 書 而 見 佛 庸 和 樂之 無 謂 無 E 道 何 襍 》傅 則 之 得 垢 知 垢 全

記 言 語 門》。 桓 世 一公『時 説》云: 宋人之講「未發」,亦 有人心 劉 處, 尹 與 桓 便 覺 宣 武 咫 可 尺 共 謂 聽 玄門」。」 咫尺 講 禅 禮

門矣。

時,氣 此《伊 無聞, 之前 中 先生學問,先生令静中看喜怒哀樂未 已發。』元注云: 『當中 哀樂未發之前求之,又却是思 李先 釋氏多言定,聖人便言止。 川先生語録》也。 求中 生 象分明 發 目無見,然見聞之理在始得。」」又云: 之時,耳 程 人臣,止於敬之類,是 教 時 氏 遺 可 作 人 即即 ); 大 書 ※云: 否?』曰:『不可。 何氣 「思與喜怒哀樂一般。」蘇季明 無 處 抵令於静 聞 象。」《延平答問 李延平云: 事 目 應物,自 或 無見否?』曰 曰:『喜怒哀 中 如爲人君,止於 也。」卷十八。 體 也。 然 「某曩 認 既 中 大本 朱子 既 思 節 『雖耳 時 於 發之謂 思 樂 問 · 云 : 從羅 即是 此 未 喜 未 日 案: 乃 發 怒 發

궁 : 辨之際,予忽自疑: 此 伊 龜 慮 書,因條 然則予之所以 者乾坤易簡之理,人心所同然者,殆不 亦 每 本體自然,不須窮索。]又有《與羅參議 又作《已 而 未有 未萌、事物未至之時、爲喜怒哀樂之未發 難 相 Ш 山 「乾道己丑之春,爲友人蔡季通言之。 書輒變一 門下 明 傳 之 後, 也。 不可 了,故朱子論之尤詳。 )發未 其 相 語 楊 傳 聽之如此,其冥迷而 以告人者。 發説》云: 説。 而 龜 指 自信者,其 附 Щ 訣。」《答 文多不録。 以 斯理也 羅 己見。 豫 比比 今析之如 何 章 無 雖吾之所 叔 觀《 又作《中 據 與 京 乃 李 諸 張 延 程 反 難喻 説,皆 平, 自 此,其紛 欽 子 澧案 默識 文集》諸 誤 和 夫 也。 既 乎? 如 舊 以 皆 是 問 思 糾 伙 程 意

本)作「云」。
 本)作「云」。

甚占 耳。 書録於《中 云: 元 末學未 地步」者,不 疑之前,抑在其後? 然此毫末却 和 來 舊説》之後。 此 敢 事 測 與 甚 知 度 襌 占 所 也 所云「與禪學争毫末, 學 占 地 + 地 步。」朱子 王白 分 步 相 何 田《朱子年譜 似 如 此 ? 所 書 此書未 争 影以 不知 毫 却 末 此

實。 喜怒哀樂,今却 意,説 向前去,遂有『無聞』、『無見』之問。 ,愈見支離紛冗 立 時 他。」 接 思 天 節 使 人之嚴,當 朱子《答吕子約書》云: 到 即 人有 下之大本。」又《答書》云: 又云: ,惟有爛 未 是已發」 發界至十分盡 生已後,未死 轉 熟 彊 時 向 睡 以 正合不答。 著,可 此 見 句, 已 乃程門請問記 聞 發 能 Ŀ 之名 頭 已前, 爲 發 去。 「《程子遺書》 未發, 明子 問 不 更 侵 者 所 知 子 \*思言: 無 過 只管 而 以 何 説 思 未 故 程 録者之 又 子 息 發 只 不 要 外 得 却 説 未 之 平 説 之  $\check{+}$ 愈 可 引 頭也。 是聞 辨論 哀 未 但 請 若 説 問 截

惹

H

纔

以

發

之意,説到 子之説,則是思之未發。 所謂「未發」,屬喜怒哀 罪。 只養得成 「若必以未有見聞 是,痛切奉告,莫作 塞,乃爲得其性。 當云貌曰 發」,未嘗説 不樂之時,凡人皆有之,不必説 記録者。 見之未發。 何者「未發」,則非《中庸》文義 去「喜怒哀樂」四字 「喜怒哀樂之未發,謂之中」,未嘗説「思 不若放 《朱子語類》云:「喜怒哀樂未發之中 僵,言 盡 枚 下 頭 澧謂 聞 癡 只  $\Box$ 獃 而 朱子謂 見 爲 白 而 啞 以 此等見解。」澧案:《 图 未發」也。 致 未 直 白直 轉 兩 視 知 發 看 ', 但 漢 樂 向 程子 日 居 處,則《 子 如蘇 矣。 看 見聞,歸 而言, 盲 取 敬 思 字 ·發 , 費 季明 「未發」二字 説 思説,則子 聽 不喜不怒,不 千 明 洪 底。 文義 不 盡 日 也 到 子 罪 範》五 之問 聲,思 是, 萬 工 ·思言 於程 又云 甚 中 夫, 如 則 明 門 思 外 而 不 却 Ы

寂斷 偈云: 之未發」矣。 着。」蘇 蓋 都 未 未 發 發 是 見聞」之語 ,則常人有之,絶 般。」卷六十二。 論聖人,只是泛論衆 「兀兀不修善,騰騰不造惡。 而 潁 皆 濱既取其「不思善」、「不思惡」,以傅合 蘇 中 也 季明所云「耳無聞,目 節 則 非 此 常常 乃白 無玄妙 人 所 直 人亦有此,與聖人 寂 無見」,亦似有類於「寂 能。 看 也 寂 斷 子思之説矣。 見 喜怒哀樂之 禪家《壇 聞,蕩蕩 「喜怒哀樂 經》有 心無

好 於《樂記》此 矣。』皆近 生 也,真精要也 惡 一 夫宋儒 無 静,天之性 樂記》所以 節 世 於 理學,上 内, 數語 理 學 也 知 所 爲精要者,黄東發云:「『人 誘 據 接 然 於外,不 感於物 以 孔 則 孟 爲 此 者 淵 數語 而 也,而 能 源。」《日鈔 動 反 乃 ,性之欲也。 躬、天理滅 孔 其淵 門之微 巻二十 源 出

聲容 之美,耳不得 唯 君子爲 能 知 而 樂。 聞 目 今 不 則 得 去 而 古 見,何 太遠 一古樂 由 而

> 《樂象 其第 《樂本》一 尤足以警學者之身心 忘道,則惑 知樂哉? 篇 》篇 名 篇,  $\Box$ 讀《樂記》,但 愐 《樂本》, 固 不樂。」此數 以 爲精要。 道 見 制 孔 也 疏 欲 得其精理名言 《樂記 語 則 其 又 樂 見 餘  $\stackrel{>}{+}$ 《荀 而 精 不 子 要 篇,合 亂 亦 樂 名 而已。 論 以 篇 欲 如

者,作記之時則 數 其 以 耳。 義 具備,其偶有未備者, 例,讀之不至於茫 禮 前 也。 (典制者。《郊特牲》云: 補 難讀者 陳 然其儀節 苴 禮 罅 也 失 記》似 其 漏。 其義,陳 謂 義 其 分明, 易讀 然耳 難 禮 文句 知 其 記 味。 ,後世則其 也。 數, 而 鄭 繁碎 又 則 《周 實 有鄭 注 祝 有 夫所 「《禮》之所尊, 難 參 爲 禮 史之 但 差,讀 讀 之推 影職 注 謂 説 數 一爲之 事 義 昌 事 反 其 次 也。 之難 理 丁, 尤粲 黎 難 數 差 發 而 言 知 約 미 故 尊 凡 不 上 陳 其 其 説 口 然 起 儀 П

爓, 説 : 略不 如《禮 服。 其 樂,六變以 食牲 爲之説,如《 尸 獻 則 今皆略 云,疏云: 司 獻 絲 獻 中 以 以 服 具 散 也 子男五獻,以下 有 牢 爵 》 祀 祭羣 睘 獻 也 可 而 及 丘 無 孰 疏 宜 此 以 不言也。」又 敦數 之祭, 四 降 小 熊 可 玉 云:「按:天子、諸侯及大夫皆獻 此 賤 差 望、山 鄭注 神。 祀 「宗廟之祭,貴者獻 氏 差次 獻 藻 不 者 次 多 也。」孔 更 也。 燔柴 》朝 而 口 獻 少, 次 説 而 ]1] 知 知 以 差之也。 則 『祭羣小 則毳冕』,毳 卿 如 上 知者也。 者 及 服 者 散』之文。 「三獻,祭社 疏 埽 大夫 下 也。 牲 以食,特牲三 郊 地 如《禮器》云「三 差别 玉 特 而 以 若不 『祭社稷、五 祀則 :性》疏 以 設正祭, 下, 其 次 並 禮文散 以 不 冕 冕 奏 可 日 玄冕」,宜 稷 無 爵 服 可 ,子男之 睘 引 食 知 俎 Ŧi. 7,賤者 差之。 明 知者 置蒼 皇 及 鍾 而 祀 岦 據。 之 氏 朔 祀 獻 輒

者,自 要,非 同。」孔 祭同。 齊, 之帝 壁於 今皆 解 七 略之,得 獻 天 又 略 備 神坐 地 無 則 爲 此 沖 其燔柴以降 耐 百 闕 説 經 降 當 Ŧi. 遠 以 神 不 疑 以 神 與 齊三酒 所 引 禮之。 載。」 用 之義 之樂。 補 宗 須。 此 樂 廟 經 而 此則 矣。 委 禘 又 云: 神及 與宗 其 次 曲 其 祭同 隨 則 病 「皇氏 熊 及 Ŧi. 獻 事 廟 在 以 氏、 諸 時 尸 曲 於 祫 豆 雜 ,與祭感生之帝 迎 唯 於此經之首,廣 皇 解 無 百 薦 禮 氣 有 氏 憑 血 制 無 几 據 於不 其祭 與 腥 繁 所 宗 憑 可 而 感 孔 廟 無 次 據 生 知 污 疏 不 時 則

云: 喪, 相 之。] 疏云: 至, 敵,則 既 袒 「兼服之文,據男子也; 孔 虞 拜之, 疏 亦 卒 亦 哭,遭大功之喪, 襲後乃拜之。」《閒 一士謂 有補經者。 成 踊 兩 而 士 后 相 襲 奔 敵 婦 麻 喪 於 傳 **※**云: 人則 葛 然  $\stackrel{>}{Z}$ 士 則 兼 襲 首服 與 服 有 「齊衰之 之。」疏 兩 而 大功 大 后 大 夫 夫 拜

也。」 之麻 者 其 謂 于公宫; 也 後 君 葛兼 之同 如此 經,要服 亦 有 服之』也。」《昏義》云: 祖 之類,皆疏 大宗 姓 廟 齊衰之麻帶,上下 既毁,教于宗室。」 疏 若 小宗,其族 君之異 之補經也,補之而 姓 人 子,異 嫁 祖 姓 女,各於其家 俱麻,不 始 廟 云: 祖 未 「此記 在 毁 得 無 者 教 疑 云 仲

繁博 本,殫 再 四 禮 字者則 題,疏皆三千餘字。 Ŧ 見 朝 及 諸 ·餘字 也。 者。 孔 見 則 疏二 經。 沖遠 尤 治 不 既 多 如《 復 聞 於此 於三禮, 有因 千餘字。 比  $\pm$ 説 非 毛 制 年 || 禮 後 詩》、《左傳 然 經 儒 小聘,三年 惟 制三公一 則 若此 記 下 所 《月令》、《郊特 疏《 其  $\Rightarrow$ 詳説 能 一二語 繁也 者頗多,其 《禮記》 及矣。 疏 此 亦 命 正, 正 有 事 而 而 之。 卷」云云, 以以 大聘,五 其 且. 作 實貫 元 所 後 非 疏 牲 千 此 元 至 以 好 串 篇 爲 事 爲 本 餘 年 疏 數

如

不 繁也

殊。 繁也 《小記》,已備釋之。」《玉藻》云「天子 有二旒」, 得爲長子三年,不繼祖也」,疏 疏 郊特 此 王者禘其祖之所自出 此 鏤 云 文具於《小記》,於彼已 者屢見,讀 並 : 簋 孔 牲》 已具《 疏 其 而 有明言不 疏,故 朱 疏云:「其六冕玉 旅 紘 Ŧ. 樹 之可知 制》疏、於此 於 旅 山 樹 節 復 此 之 不 而 釋 其作 ,以其祖配之」, 屬,已 者。 反 復 坫 釋 釋之。」又「庶 略 疏之意 飾 云: 也。」《大傳》云 襍 具 Щ 而 上 下 於《禮 節 記》下云「 不 「其 在 言 而 貴 玉 藻 博 義 疏 器 賤 藻 子不 疏 棁 具 而 淡及 不 文 之 在

精。 静 略言之。 時 命中 是 孔 疏 水, 庸 賀 非 場 動 疏 但 則 云:『性之與 云: 詳 是 於 波。 性 考 情 典 之義 静 制 時 情 其 猶 是 説 説 性, 波 者 性 之 不 動 理 通, 與 則 亦 是 亦 甚

近,習 之而 但 性 見唐以 分爲九等。 亦 用 情 下,愚人以 記 || 云: 有 稟秀氣,故《禮運》云:『人者 之欲 感 者之外, 因 非 六 而 爲折 Ŧi. 案: 性 金 情 生 至 相遠 前 一。」既 得 行,在人 於含生之類,皆感五 也。』故《詩》序云『情 【人生 而 亦 則 衷之説。 論 其 有 上 也。 因 左 性 逐物移 孔子云:"唯上智與下愚不 性 有 濁 情 之 傳》云 而 金 理 所 Ŧi. 氣 爲 與 亦 静,天之性 而 者 常,仁義 稟 則 簡 五. 據 情 矣。 沖遠非但深於禮學,其於 Ē 有 性 或多或 者 常 中 鐶 多 天 者静 似 故《 一, 孔 印。 人七等 得其 則 金 禮 有 也。 爲 少 論 沖遠作疏已徧 與 智信。 行生矣。 ,五行之秀氣 情 情之所 六 清 , 不 動 愚 鐶 語 也。 氣備 者 氣 感 \*\frac{\times}{\times} 於 人。 印 可言 動 於物 中 降 大 觀 者 用 降 鐶 Ŧi. 唯 而 是 此 故 非 而 ·移。」 性 聖 則爲 印 常 人 生 也。 性, 動 覽 故 以 樂 可 相 之 被 獨 Ŧi. 而

理學亦不淺也。

言矣。 之折 有爲 遂成 其中 至所 當,亦宜過 拾略徧。」此 出於己。 抵 排 衷。」 之削繁撮要者 巨 空 云「沿襲陳言,悉置弗取」者,則 衛 孔、 帙。 又云 談 IE. 鄭,援 予之此書,惟恐 如 義 叔《集説序》云: 而 讀 不 此 理 存 「博求 之甚 獨用 之耳。 者 據 陳 明 言甚 則 費日 力之勤 白 諸 則 不 家之説,零篇 善矣。 力, 多。 則 口 不出於人。」此固 亦 删 一; 亦 他人著 而 併 由 其 序 削 得 其 於 録 益 宅 貪 書 雖 以 又 甚 多 未 心 碎 抵 俟 少。 有 惟 務 然 之 簡 排 觀 云 恐 厚。 也 者 未 如 名 收

云: 飾 别」字,得之矣。 因 羣 以 「人不能無羣,羣不 陳雲莊《集説》, 四 飾 羣 字 别 爲 親 句 疏 此陳氏説之最精當者。 下 貴 七字 可 賤 取 可 之 者 無别。」 爲 節 絶 句 少。 孔 非 以 疏 羣 也 讀 年 字 陳 大 陳 問 對 氏 以

《儒 字句絶。 業,退息必有居學」,注 引之也。 嚴陵方氏説 句。」此 温 於「妄」字句絶,得之矣。 衆人之命 誤 不 讀 不 又云: 父兄子 爲 妄」爲 矣。 一句 敢 · 得 公《機權 行》句 以 以 然下文「公子之宗道也」,孔疏云「族 亦 則 能 陳氏 戚 其 弟之親 「無」,而 親 非 《學記》「大學之教也,時 陳氏 依 君 法,已於「妄」字句絶,陳 戚 「疏貴賤之等明矣。」此以上五字爲一句,下六字 儒 也 論 Ē 引石梁王氏云:「『位也』,當自爲 戚君 孔 」,此則别以 也 當 》云「世之命機 讀 如此,陳氏乃不引之。 疏後説,得之矣。《儒 妄,常以 上親 連 於「常」字 此 位 讀 + 三句不 也 一字爲 君 疏 位 儒 位 孔 然衛氏《集説 誤 句 :誤。 相 疏 也。」此 句。 也」二字爲句,不 讀 絶,非 權 詬 云 ] | 皆 《大傳》「族 也妄 然朱子補 病 時」字、「 教 氏 亦 也 必 且. 鄭 尤 行》一今 孔 不 》所 有 不 此 注 口 陳 疏 得 居 注 正 能 倣 馬 采 氏 讀 人 誤 Ĺ 以

> 實賴 條 解 鄭 經 病 五禮通考》則 影而 君爲三禮注,至朱子彙集爲《 傳 其 而 有 不紊。」今讀此 , 欲 其 該 闕 江慎 未成 略 此。 修修 至江 兼史學。 而 與 存 禮 備 兀 書 者又病其紛繁。」又云:「哀 而 氏 敵 綱目序》云:「禮樂之全,已 無遺。 書 乃成 者,其《 了可謂 此 釐 書。 經 不愧所言矣。 析篇章,欲其 籍 治經 儀 籑詁》乎? 禮 考禮者 經傳 自 通 有 集

已如

此讀,陳氏

亦不引之,何其疏漏

耶

東塾讀書記卷九終

## 東塾讀書記卷十

禺 陳 澧 撰

## 春 秋 Ξ 傳

何也? 作、《孟子》此 懼 臣 而 成《春秋》,而 史記・魯世家》。 1,殺伯 弑 自 ,作《春秋》。 念孟 立、懿公之兄子伯御弑懿公而自立。 其君者有 春秋之前 |子》曰:「世衰道微,邪説暴行有作。 而立孝公,亦見《魯世家》。 數語既明之矣。其始於隱、 《春秋》不始於彼者 亂 之,子弑 《春秋》,天子之事 臣 魯幽 賊子懼。」《春秋》之所 其父者有之。 公之弟魏公弑 ,周宣王 是時天子 也。 孔子 幽 孔 一伐 桓 以 子 公 見

御

年,魯惠公方即位,則《春秋》當始惠公。 云 所 以 乎 ? 公之故也。 隱居首也。」最得 此 桓 以 位 故 尚 君,天子不能定,諸侯 殺隱公。 記 能 成弱東遷. 也。 弑 惡桓也。」桓元年傳云:「桓弟 ? 所 以 爲無王之道,遂可 能 治之,此則孔子所以 『春 周本紀》:平王四十九年,魯隱公即 治 謂 治 隱 《穀梁》 成 曰:不正。 1秋》爲 穀梁 太史公書此於《周本紀》者,以此爲《春秋 亂賊 ,於時則接乎隱公,故因 桓 公志 《夢溪筆談 而 也。」然則《春秋》始於隱、桓 亂臣賊 孔子以 善於經 也。 其義矣。 冷隱元 也。 至 隱不 子 ,而作, 年傳云:「公何 敷?  $\pm$ 將 隱公爲 ○范 以 法 《史記 不能 正 以 懼 武武子 實因魯 至 治之,大義 王蘭泉《隱公不書 兹以託始。」此 讓 而 而 焉 桓 救, 《穀梁序 作《春 成 桓 爾。 年 公所 而作,所以十二公以 啖、趙於《纂例》「隱 之, 也。 表 位。 百 》周 弑 何也 元 姓 秋》也。 弑 桓王 以 平. 讓 未 兄,臣弑 昭然矣。 年 不 知始 天子 Ŧ 平王 即位 八年, 能 ,爲惡 桓 有 》所以 東 遷 於隱 王 **©**史 辨 將 Œ 即 作

之,何 託 記》,而 始於惠公,而 年,平王 謂:《纂例》誤 合始隱,然與《史記》不同,不知啖、趙得於何書?」卷十四 公』下注八字云:『惠公二年,平王 **※** 乙: 仍 「凡《公羊》云『託始焉爾』,既始於隱公,則從始 東遷 託 不可 乎? 耳。 於其二年書平王東遷之事: 以平王二年惠公即 以 解 澧謂 且. 始隱之義 即使惠公二年,平王東遷、《春 春 秋 当自 也。 當始 ○陸氏 位,而顛倒之,爲「惠 東遷。」若爾,則 於隱公, 啖、 春 秋集傳 趙 真 雖 不 顛 秋》正 春 必謂 辯 倒《史 秋 者書 疑凡 公二 当自 之 可 澧

之弑 直 直 董 杼 不 書 書 書 狐 弑 也。 書公子翬 地 孔子修之, 也 其 非 晉 而 君 董 趙 孟 孔子爲魯臣,於其先君之篡弑 則 魯之舊史,雖有如南、董者,於隱 狐 氏 子 與 魯 書 臣 顧 Œ. 也, 桓 以 趙盾弑 削 終 而 公弑 爲「亂 者 去 已 齊 矣, 異 弑 太 隱公、《 矣。 其君」,齊太史書 君 史非 臣 無 者 賊 以見桓公之罪 之 隱 崔 子懼 春秋》但 名,但 公不書葬, 氏 臣 也 書 何 日 不 薨 可 也 公公 「崔 桓 公 ? 惡 以 可 而

若事 親尊 《春秋》 公書即位,其 云: 之説 談?」《惑經》。 君弑 懼之,惟孔子乃能 董 不 范武子云: 子成《春秋 亦不没其實。」 澧謂:《春秋》不 以成宋亂。』《穀梁》云: 通》云: 能 能懼 桓 皆諱。 事皆没其實 爲愛君,董 到者也。 左傳》云「 ,姦逆之人,故極言 則 不疾 之。 董 「推其 無 傳似失之。」徐邈曰: 解 一狐、南· 魯 惡, , 則 爲 無 此 而 乎 趙 桓 恩,則 作《春秋 羽父請殺桓 桓公弑隱公,不待言而明矣。 劉 亂 知 狐 亂 公弑 盾 「於内之惡,而君子 懼之。 史,各懷直筆。 幾 知 臣 則 て、崔 臣 知 其惡。」范又引 之惑 幾之粗 賊 志 與 》何 賊 君 直書 杼 弑 子 在 爲 子 「《春 孔疏謂 篡 弑 也。 也? 矣。 懼」, 疾 桓 何 國,雖 公」,則 君 疏 紅 秋 惡 此 以 隱 徐 桓二年: 也 而 避爲 南、董之筆所 江 説是 無遺 無 懼 ď 不篡 魯舊史不 照日 南、 此 孟子言『孔 乃 〕爲尊 親尊 乎 然 桓 馬 江. 謬 烏 一會 ? 董 或 公有不 如 説 者諱矣。 者諱,然 説 有 孔 不 非 春 于 范 也 南 也 秋 稷 之 書 能 史 疏

注云: 之。 薨」,孔 嘗有此言乎 誅之。 氏 葬隱 前日所 高貴鄉公,下車數乘,不設旌 皆諮謀於桓。」云「討 臣 之迹 爲 其 也。 魯 則 殺天子也。」或掩面 ,疏引《釋例》云:「今推案傳之上下,羽父之弑隱 欲以 傳言進 叙事之精 史官,亦不 桓 可 葬,不成 《三國志·三少帝 公許之可 知 弑 也 退 君之罪 善非 無據。」此杜之誣 喪也」, 言桓不以 寫氏,有死者」,言其冤也。 云 可 知 而 以 旄。 反 泣。」此所謂 也 加寫氏,而復不 後 紀 譖 直書者, 世 百姓 》注引《漢晉春秋》云: 《左傳》「生桓公,而惠公 公於 一史家 相 聚 示 桓公, 丽 偂 所 傳 成喪」也。 觀之,日: 人君之禮 及 能 也,傳易 能 也 曲 而 IE. 請 曲 「葬 『是 公 法 杜 傳 左 弑

義深於君父。」《後漢書》本傳。 此 君子曰:『石 大有意也。 左傳》 開 1碏,純 卷記 君 子 穎 日 臣 考 也。』」賈逵云:「左氏 叔、 穎 其此之謂乎 考叔 石 碏 純孝 人 也。」 最 詳。 若

馬父之稱《商頌》,格言猷

訓、粲然可

覩。

齊

相 箴,郯子能言紀官 典 有 聞 世。」《史通・正史篇》。 傳》 男女之贄,管仲辭上卿之饗,柳下季之述 餘 雖 迭 文義,三、五史策,至于春秋之時,猶大 『外史掌三皇五帝之書。』由 類》卷八十三。 如 諫,申 〕興,以 能 ,單襄公之述夏令秩官,魏 故實,三代文獻 也。」《後漢紀》卷二十三。 文辭音制 林 載楚左史能 誦《祈 黄 袁彦伯云:「春秋之時,禮樂 中 繻名子之對,里 義相持,故道德仁義 謂 招》、《懿 漸 劉歆 君 相 讀 子 能明忠孝大義 祖習, 藹 》戒,觀射 三墳  $\Box$ 州鳩 王伯厚云:「名卿大夫 如 是 五. 也。 革 然憲章 劉 能 劉 斷罟之規,御 言 知 斯 典 歆 納 之風 父之陳祭祀 七律,子革、 絳 幾 之 而 鼎 如 軌 之述 《禮 言 辭 此 有 儀 征伐,霸者 往 乎? 諫 記》日 則 , 先王之 往 見 夏訓 墳 不 春秋 朱 行 孫 觀 関 子 講 倚 祀 虞 别 社 於 典 語 遠

據詩

<u>云</u>

故

蓼

匏

傳、《 王《詩 之禮 之嚴 地之經 過 通 夫 制考叙 栖 識 人 蕭 有 書易二 古 或 之 字 行 澤 所 答 其 春 苦葉》 坤 于天下 以 語 而 必 躬 劉 」,胥臣 秋 大 乾 經 書》、 弗 子 扶持於未墜者,豈 者 官 各 爾 有 表 ×, 顧 試 答 所 而 或 雅 叙 賦 ,魯宗人之守 近 震 見《易》象、《 發 **%** 而 謹 象數之教,浸漬于人心者 君 具 敬 統 云『天地之中 即 時 滄 明 無 (舟, 而 卿 阮 故 紀 德之聚,晏子禮 知 春 學 守 云:「當時 閒哉!』《春秋大事表 大夫之德行名 文達公《詁 其 賦 相 者 秋 矩 **^** 有 承, 發 學行 歌《 獲。 吉 魯 敗亡之禍 明三代書數 禮 淵 日 相 春秋 · 子 ,以成精舍學業 經學昌 一人之力哉?」 **>** 原 鼠 懍 而 經 舉 相 **>** 》,而 懍 産 精 具 動 言 而 之善物, 續 秋 舍策 載 田 所 不 必 明 贵. 左傳引 知三代 霜 等事 得《 知 備 云『天 有 在 非 君 夏 問 久, 占 賦 先 誦 卿 夏 又 日 以訛 書,不 《尚 秋》也。 元王 見。 前。 典、 州 武公子戲, 公諫厲 不 焉 魏略 吁 書 可 ,臧僖 傳 傳 漢 ? 此 不  $\pm$ 

大

漢

時

皆

虞

左傳》爲「相斫 故實文獻、 》隗禧 澧 賴有《左傳》、《國 弭 左氏之功之大 案: 又諫 知。 伯 不 語。 謗,號文公諫宣王不藉 諫 可 隱公觀 知 料民於大原 以 ◎《國 Н. 矣。 經 Ŀ. 當 書 Ŧi. 魚 此 學德行 語 知 説 後 一者矣。 皆諫 載 所 則《左傳 此 也。 祭公謀父諫 語 大 即 書之最 謂 名言,皆 》述之,至今得 意 尚 T 道 苟 》所 略 畝 書》之訓 古者 德 不 或 仲 司 載 **総穆王** 仁 志 知 石 Щ 出 義 讀 碏 父諫 此 也 伐 Ŧ. 於孔 諫 犬戎 左 肅 憲 衛 何 宣 則 傳 傳 莊 以  $\pm$ 子之 章 以 有 公寵 注 召 不 V 考 謂 墳 穆 引

《左氏 》後《劉 主 博 訛者矣。」《左氏 冒 爲 1: 日 歆 經 謂 春 傳》。 發 秋 春 左 ノ ※**,** \_ 氏 秋 晉 猶《晏 ○ 晉 左 「不傳《春 王接謂《 氏 春 書 秋 傳 ~本 子 考  $\approx$ 傳。 左氏》「自 證 春 秋》」。 則 秋 近 東 澧 **×**, ≪ 時 漢 案 以 漢 劉 是 書 後 氏 申 ^ 漢 之 家 受 春 楚

書

翟

或

《左氏傳》。」 傳。 則《左氏》非 人所 謂 讀 左氏 經者 出 年 之傳 盡 方進受《穀 訛 而問 分 其 翟 自 如《 解 非 謂 以 或 能 少。 方 經 其 「不傳《 傳 班 注 《晏子 魯 而 傳 乎? 者 進 謂 也。 孟 傳 一, 何 爲 沭 :傳 傳》云: 之《 訓 漢 此 猶 堅 春 梁》 主 其  $\sim$ 詁 注 春 Ħ. 博 注 之 而 西 左傳》 以 解 秋 春 也。 事 云 : 左 秋 士: 而 筆 何 漢 經 », « 秋 氏 以 隱 裴松之注《三國 也。 一讀 「方進 哉 ? 好《左氏》,《 人明 冒 其 作《 依 爲 晏 公爲 吕 然 《公羊》定元年 作 謂 曰 經 解 氏 氏 謂 《左傳 或 經。 伏 ^ 雖 此 始 而 經 春 左 傳 語 之《 並受《穀 書, 生 傳, 述 乃 秋  $\ll$ 氏 明 其 口 志 謂 左氏 則 尚 穀  $\approx$ 是《 傳  $\sim$ 自 記事 訓 謂 事 春 但 《梁》是 梁 傳 則 依 唐 書 **>** 詁 , 何 之 歟 春 云「主 詳 秋 傳》矣。 此此 雖 穆 大 述 秋》之 春 傳 者 ? 吕 然好 以 傳 王 其 不 故故 多, 可 人習 傳, 秋 事, 然 氏 訛 以 可  $\approx$ 見 於世。」 之下 人妄 乎? 此 Ŧi. 凡 既 不 而 類 年 書 亂 顯 數語 口 作。 丽 有 陸 插

謂

可

傳

傳

編

來

不

其

云

漢

解

厚愛左氏,非攻擊左氏 口 梁傳》有「沈子曰」、「尸子曰」、「穀梁子 處者,爲劉 公羊傳》有「子沈子曰」、「子司 見 皆後師 史遷 ·頗見 日」之文,亦以 於世,先 《左傳》不 戌己丑, |澧案: 附 乃 所見《左傳 或 氏《纂例》云:「左氏 此 定論 本末。 人分散 益 氏。」孔 之語,安見《左 · 左 句,安 陳 儒 ^ 也。 侯 故 爲增 左傳》 可 無 氏 ~有 鮑 因之求意, 再 卒」,《 通之説,指 以 疏 本未釋 益 解 赴。《史記 知 文十三年《左傳》云: 經 自 育附 云:「漢 然謂 其 之語 也。 左傳 申 不 ', 插 者 劉 傳 益之説 矣。 更 功 \* \* \* : 歆 劉申受《左氏春秋考 抑 經 公室初 陳 所 最 爲 注 有 必 姚 文可 增 爲 杞 一再 馬 後 此 高 姬 所 之説 世 無 益 傳 興、左氏 子 實 辭 赴 家 則 後 插 知 能令 也。 》采 未 附 九 曰」、《穀 昉 將 人附 者 確 經 旦之 於此 此 益 公 也 乎 以 百 卷 而 説 數 疾 媚 其 代 炎 證 後 14 益 語 桓 病

例,後 《公羊通 疑。 例。 效 甲 小 不 外皆無 官失之也。』丘明 年『冬,十月朔,日 卒』,傳曰:『公不與小斂,故 베 而 申 斂 書日,爲官失之,其 一、公孫 ‴; 不 爲此 其以 豈 孔 義》。 人 有一 義 故 沖 附 書 遠云: 例。」杜 日 二條 隱 此 日 敖 益者,以《公》、《穀》有之,故 書内 月 元 「則不 無 卒于齊。 耳 爲 年 口 「《春秋》諸事 氏 唯 義 發傳,唯此二條。 『冬,十有 置 有食之』,傳曰:『不書日, 《集解 一條 例者, 可 一辯矣。 説 通 序 公豈得 通 有 》 疏。 唯 例 孔 蓋《左 不書日。』桓十七 卿 者乎? 大夫卒,公不 皆 巽 澧 月,公子 卒、 與 軒 案: 不 一傳》無 小 云: H 明二條 以 斂乎?」 此 食二事 且. 日 九 · 益 説 月 亦 日 日 倣 月 月 與 食 以 師 爲 口

附益。如宣元年「春,王正月,公子遂如齊逆」《左傳》解《春秋》書法有不通者,必後人

叔孫

曰:『邾、滕,人之私

也;

我,

列國

也。

何

滕。」既

而

齊

請

邾

宋

人請

滕

皆

不

與

云于宋,秋 二十七年「夏、叔 下文再見,但云「仲子」。 子同升諸 傳》者。 Z; 孫僑如 姜至自齊」,傳云: 傳 云:「尊晉,罪己也。」更不通,不必辯。 十三年「晉人執季孫 見,但云「伯子」。 知文法者乎? 女」,傳云: 궁: 事 稱族 如齊逆女」、「九月、僑如以夫人婦姜氏至自齊」,傳 而 公」,再 季武 然此 ,尊君命也。」「舍族,尊夫人也。」《公羊》則 再見者,卒名也」,此《公羊》之勝《左 七月 子 見不稱 尊 此等文法, 乃文法必當如 使謂 如《論語》「公叔文子之臣大夫僎,與文 君 意如 う豹 孫 命 尊 趨 公叔 以 及 豹 叔 也。」「三月, 歸 而就子 觸目皆是,淺 會 孫 諸 夫人也。」成十 <u>\_</u>, 晉趙 以 侯 《檀弓》「公儀仲子之喪 服伯 四 公 之 其尤 年 此耳,左氏 命 武、楚屈建」云 大 子於門右」,下文再 意 人皆 夫盟 遂 曰 如 可怪 以 至 知之。 四 『視邾 自 年「秋, 夫 于宋」, 晉 豈 人 1,襄 0 不 云 婦 傳 昭 叔 亦

、塾讀書記卷十

東

從之, 不 權 贵 意説《春 何 命, 則 自從。」 云:「豹不倚順,以顯弱命之君。 口 命 族,言違命也。」此 故 叔孫義也 所 不 國 可不辨也 臣 以 見 視之? 雖非 懼 使季氏 内義 假 貶,其於尊國之義 糾 而 秋》。此 乎? 孔疏 稱 正《左傳》。 以 亦從。』則知公之所 君 士: 爲孔子之意,孔 宋、衛,吾 ,魯疾之,非 懼 云 : 必 命,大賢 傳 經學之大害也。 而公室尊 궁 : 謬 豹若即以爲真,共 竟顛 而 服注 『豹是國之大賢,聞 注 義 兀 也。」服虔云:「雖 得 倒 曲從之,注謬而 也。」乃 士共敬 也?」如杜、孔之説 疏云: 己稍依 是 之。」並孔 非 命,悉不可 「賈、服不以孔子之 盟 矣。 故 從之,權 違矣。 而辨小是以 附 疏引 故 賈 益 、敬從 逵 不 之語 是公 疏 臣 杜 書其 賈 以 云: 違。 命 曲 復 注 説 違

七年「宋人殺其大夫」,傳云: 左傳》之語,更有 不可 執 示不 以爲例者。 稱名,非其 文

「楚殺 人,宛 郤氏,且爇之」。 之。」令尹子常信讒,費 直,死 有罪。 按 名。」孔 罪 不稱名之例也。 賤 辟,無自立辟。」其洩冶之謂 年 淫亂之朝 年「陳殺其大夫洩冶」,杜注云:「洩冶直 言其罪 罪 宛 忠臣 傳爲例, 也。」孔 孔子蓋哀之也,非譏之也。」〇《公羊 。」 澧案: 其作《膏肓》,則以爲洩冶無罪,欲 其大夫郤宛」。 所 而無益。」故 深 疏 狀,止以 明 疏 以 可 遂誣 知 何氏之自相 取 怪 而 傳云: 洩 死,故 駭 忠 信 此 此傳表章郤宛之賢,而 「諸是大夫被殺 | 經同 近 臣 冶 傳 傳 之,以 安 爲例 乎?」殿本 以 杜注 矛盾 不 一部 稱 無 罪 罪 昏 孔子曰 爲《 極 如此。 賤之文。 宛 亂 故  $\overline{Z}$ 狀,誣《春秋》以 取 滅 直 春 之朝 也。」 澧案: 注 敗 郤 破《左傳 「《詩》云: 而 秋 》何 疏 無 昭二十七年 Ļ 書名者 宛,「遂 考 和  $\approx$ 極 注 此以 慕 證 所 亦以 , 楚 之 讒 非 云: 或 故 兀 貴 民之多 其 爲 痛 令攻 人 書 夫之 文七 宣 諫 而 杜 罪 洩 臣 其 説 名 罪 於 書 九 則 冶 昭

以爲郤宛稱名有罪。豈左氏之意乎?冤死也。杜注乃執「不稱名,非其罪」之語,

案: 指爲 非,顯 免。 褒,此李豐之忠 抽 王 鄭 飾 成  $\overline{Z}$ 云: 也。」杜氏《釋 Mi 戈 莊 經 濟 孔疏 貳, 孔父、仇牧,預 凡 犯蹕也, 則 之祝 之事 夫懿、師、昭,亂臣 司 宣 謂 四年「鄭公子 仇牧 馬 弑 居 高 云 ', 將 聃、 君 昭 貴 然 :「公羊 知 孔 收 ,稱君,君無道 例》暢衍其説。 討 耐 祭足 有以 相 不然者,孔父之死, 羅 而 預 昭 父嘉之倫 例 才士 可斥爲奸,王 皆 之 以 也。 爲 - 、 穀梁 矣 歸 爲 非 鍛 ! | 《左 昭 一、以妹 生弑 賊子也。 鍊 鄭志在苟免,王討 王 飾,且 而 及 一凌、 深 也。 昭 也;稱臣 其君夷」、《左傳 先儒,皆以 妻 文多不録。 文,以 傳 禦之爲 毌丘 預。 有 補 射王中肩, 經之節 賈充、成濟, 疏 以 傳無善事 爲 儉、 自 預 爲 , 臣之罪 序 志 無 焦里堂 既 李豐、 懿 善孔 在 善 而 目 澧 苟 之 即 師 可 口 見 **>** 

人啟蟄 臣 孔疏 用王肅之義。 年傳云: 若存矣。 然干 劉 不 故杜君積累其惡,以書名責之。 上,既葬,則 其惡」也。 其閨門,外取怨於民,身死而禍及其君。」此孔 旨,妄爲規過,非 於時 尚 炫 知 敢  $\overline{z}$ 内外卒聞預 載之下,有焦 規 孔 顛 而郊,猶是一 「晉武帝,王肅之外孫也。 「啟蟄而郊。」杜注云: 倒是非,以諂司馬氏,而況説 杜 穎 此 **線麻除**,無哭位,諒闇 隱元年傳 過,孔 達 杜君身處晉朝,共遵王説。 疏 何 覶 議、多怪惑者、乃謂其 天,但 以 **縷數百言**,尤所謂 云: 疏 也 惡 氏之説,則劉氏 又以 ]。」杜 異 「弔生不及哀。」杜 其 時祭耳。」澧 「夏正建寅之月、祀天南 先 云:「孔父稱名 爲 終喪。」孔 世 定 妄, 南 孔 典禮乎 違 謂: 北 而 父 天子冬至所祭,魯 禮以 郊祭, 疏引《晉 劉 注 不 至 杜 鍛 之説 疏 <del>Z</del> 者 君 合 預 引 於 鍊 所 於 時 内 不 地 其 謂 書》云: 如 深 忠 諸 不 雖亡 達 郊。 桓 積累 侯已 説 能 此 天 此 Ŧi. 治

又未 凡 例 詳 未 左傳》 考傳 必 盡 凡例 中 是 之事 左 與所記之事 氏 也。 之文,有 如 莊 後 有 + 違 所 反 年 附 者 傳云: 益,而 可 見

然亦 君宗廟 都曰 則 也 都 懼 書戦 八年傳 莊 之,曰『人』。 也。」成十八年傳 云: 例不合,而歸之於「告」,是遁 凡 歸」,以惡 じ、此 有 一有違 六年, 1城。」 廟 師 其所居以大之也。 凡 强 者 而 《釋例》 定 彌 例不合之最 稱 一,晉諱 亦 敵 衆 「凡邑,有宗廟先君 Ŧi. 十五 縫 城 名 未 者。 之犯, 矣。 曰『復人』。」孔 或 爲 復其 年「城 都 日 陳 諸 背 而 釋 曰 顯 侯 其 稱 例》 漆 而 令狐之役,晉人潛 云 敗某 者。 位 然則 城 犯 前 孔 以 :  $\Box$ 《釋例》 逆 王 曰『復歸』,諸 凡 意 都 或 無 之主 疏云: 師 若 而 而 廟 逆告。」此皆 疏 邑 去 》之意,以 無 命, 則 夜 日 皆 有先君宗廟 廟 不名 「漆本邾 都 其 薄 辭 陳 固 以 無日 或, 矣。 「《釋》 秦 爲 宜 納 曰 爲都 都 師 稱 邑,不得 戦。」 邑。 或 侯 衛 師 又如莊二十 城 則雖 而 例》 古 明 納 逆 以 朔 夜 邑曰 稱 稱 城漆是 之 孔 知 戰 起 城、邑 而 築 日 小 有先 築 也。 E 凡 立 告 朔 : 而 疏 日

不 然則 隱 否。」 + 年 此 無 傳 云 疑 者 也 凡 諸 然 侯 因 有 其 命 來告 告 削 而 書 書

告不以 且. 即 立。 子 或 告。 年 其 不 蔡人深怨,故 辭 疏 不然則否。」孔 云 : 宋 是告者謂 及民 從 史承 以 因示虚實。」成十六年「曹伯歸 事 夫子既從而 云 : 「宋人執滕子嬰齊」,杜 「凡君不道於其民,諸侯討而執之,則曰『某人執某侯』 傳不爲例。 罪及 而 楚子欲顯 故 耳 史從 , 但 名。」 澧案: 書 之,書之於策,而 諸 豈 其 之,以 民 憑告者之辭。 侯 憑 疏云:「宋公欲 有 而 告。 被 其 稱 書之矣,又何以 罪 行 書之,以示 故《 八告辭 執, 爲 名以 則 刑 例 褒貶, 如 釋 誅 及 在 稱 此, 告。 以章 爲 例》 歸, 名 成 褒 則 何 以 簡 《 春 + Ĕ 或 注 虚 貶 而 重 有 告; 以 **贖之記** 伯 Ŧi. 云: 名 實。 或 乎? 其 罪 秋》 爲 示 蔡侯般 業 年。」 史 或 罪 無 謂 虚 自京 春 從 承 否 罪 釋 稱 其 實乎 以 具 成 如 之, 夫子 罪 人以 秋 而書之。 而 無 例 + 弑 雖 罪 僖 師 存 殺之。 罪 Ŧi. 父自 乎. 及 從 \_, 孔 及民 +  $\vdash$ 年 執 告 ? 則 夫 九 陸 傳

若如此論,乃是夫子寫魯史爾,何名修《春秋》乎?」氏《纂例》「三傳得失議」云:「舊解皆言從告及舊史之文。

赴 問 四月二十九日。 子 孔 甲子,晉侯 言歟? 以壬戌崩,欲諸侯之速至,故遠 之,雖有異説,何 王崩,最大之事,魯史自當從赴,孔子自當 夏 壬 書其 以 是何月之日,故 日。 不通矣。 疏 五月,乙亥,齊侯潘卒」,杜注云:「乙亥, 戌,平王崩,赴以 五月到,惟言卒日,不言其 云 隱三年「三月庚戌,天王崩」、《左傳》云: 戊辰,十 僖 來告之 佹 蓋 九 又 云: 諸 赴 年 日, Ħ. 九 以 卒」,杜注云:「甲子,九 書五 可 月「戊 日 H 「《春秋》即 在 輕改舊史? 唯 庚戌,故書之。」 澧案:天 也。 月,從赴。」孔 而 戊辰 稱 不 辰,諸 甲 以 書在 後也。」文十 子 月, 傳 而 盟 月, 侯 杜注 魯史不 릲 其 日 後,從赴。」 盟 疏 即 以 僞 于葵丘 云:「蓋 云:「實 不 赴。」此 書其所 。」是何 四 知 復 月十 年 甲 審 因

耶 ? 至之月。」此二條,孔 未必慣慣 如 此類者 至此 ,但當闕 即 魯 疏 史 慢 亦 疑 耳。 慣 不 通。 ,孔子亦遂因之 强言從赴,則 魯之舊史,

不通矣。

不同, 左氏 赴,遂免其誅 『弑』。」澧謂 髡頑如會,未見諸侯,丙戌,卒于 有經之法,傳有傳之法,各有 疾,縊而 昭元年「楚子 子駟 齊人弑 則 從赴之説, 使 孔 兼 ,子則 悼公。」杜 弑之。」哀十年「齊侯陽生卒」,傳 賊 存 夜 弑 絶乎? 麇卒」,傳云: 弑 弑君之罪,孔 從 逆之説,使 赴,不 僖 更有當辨者。 注 公, 並云:「以 此必當 而 以 以 與 弑 子豈 瘧 經 「公子圍 所 逆 時 疾 並 當 漫 襄 疾 記 大 赴 ,鄵, 傳於後。 也 加 七 赴, 其 其 于 年「 於 事 故 不 諸 人 傳 者 問 以 侯。 鄭 不 云 耳。 實 書 伯 經

地名》、《世族譜》三篇,考據詳博,何邵公、范杜氏《釋例》誠有未善,然其《長曆》、《土

年「十有

蔡矣。 例》之書不得,遂自撰《朔 意 謂 月,甲 博之有 天以求合,非爲合以驗天」二語,曆家奉 相去四十二日,蓋閏月也。」何氏如有《長曆》,則可直言閏 自有《長曆》,不得以左氏難之。」 澧案: 月,庚子,孔子生」,何注云:「時歲在己卯。」徐疏云:「何氏 武 都 窺 ,何必云「蓋閏月」乎? 子不能有此 邑》、《山川》諸表,深知讀《左傳》不可無此 竊取之」者,後儒豈易窺 寅,天王崩。乙未,楚子昭卒」,何注云:「乙未與甲 測 夫《春 功 而 於 未 經乎? 必 秋》所重者固 也。《公羊春秋》襄二十有 得,孰若即 、閏表》、《卿大夫世系表》、《疆域》、 顧震 其 曆 滄撰《大事表》,求杜 論 其 在其義,然聖人所 尤善。 文 測之? 襄二十八年「十有二 入 其 事 也。 所云「當順 3,考據 與其 ·爲蓍 氏《釋 以 詳 寅

亡。」《王制》 桀小桀; 澧案:宣十五年《公羊傳》云:「多乎什一,大 公羊高受之於子夏,穀梁赤 鄭 君 寡乎什一,大貉小貉。」此用《孟子》 》疏引《釋 云:「穀梁近孔子,公羊正當六國之 《釋文 (• 序 乃後 録》 代傳 則 聞。 云:

之母姊妹也。 許嫁矣。」《穀梁》云:「其曰子 叔 之 ? 邑也。 羊也。 敬。 語。 「無核卒」。《穀梁傳》皆兩説。 子慶父帥師伐 之後。《釋文・序録》之言是也。莊二年「公 而竊附益之。 羊之説 而重之也。」劉原父《權衡》云:「此 重矣,而敵人之邑,公子病矣。其一曰: 則反其知。」此 年《穀梁傳》云:「故曰 姬卒」、《公羊》云: 愛人而不親,則 公羊當六國之亡,此其證 君存焉爾。」《穀梁》云:「公子貴矣,師 曷爲不繫乎邾婁? 而附 且穀梁不但不在公羊之先,實在公羊 澧案: 益之。」隱二年,「無核帥 其一傳曰:許嫁以卒之也。」此 亦 於餘丘」、《公羊》云:「邾婁之 用《孟子》語,則不得先於公 更有 反其仁。 「此未適 可證者,文十二年「子 劉氏亦以 人而不答,則反其 國之也。 叔 爲穀梁見公羊之書 也。 治人而 人,何以卒? 姬 師 貴 入極」。 似晚 僖二十二 曷爲國 也。 不治 見公 君在 八年

災。 駁其 之説 也。 税畝,故生此災以責之。 爲天災 所 在公羊之後, 公羊》每年只有傳一 公羊》皆無傳、《穀梁》亦 初 謂「其一傳」,明是《公羊傳》矣。 税 穀梁 以 也。 其曰 爲 也。 | 蟓,非 應税 公羊以爲宣公稅畝 以爲不然,故曰「非災也」,駁其 冬,蝝生」、《穀梁》云: 又云: 更 畝而 税畝之災也。」此穀梁駁 條,《 無 「其日 疑 無傳。 非責也。」此范説文義難 有此災也。 穀梁》亦然。 矣。 蝝 定五年、六年、七年、九年, 定三年,哀十年、十 非 此尤可見《穀梁》之 税畝 應是而 范 注 云:「緣宣公 蟓 宣十五年 之? 之災也。」 通。 公羊 有 年, 非 其 以 天 災

羊》云:「孰滅之? 齊滅之。曷爲不言齊滅者,不可枚舉矣。僖十七年「夏,滅項」、《公益」,「鄭伯克段于鄢」,皆云「殺之」。如此应,《公羊》云「成公意」,《穀梁》云「成公位,《公羊》、《穀梁》二傳同者,隱公不書即

乎? 傳較《公羊》爲平正者,以 取之,或不取,或駁之,或與己說兼存之。 之也 《穀梁》云:「孰滅之? 月日例》云:「《穀梁》之義多正,《公羊》之義多偏 嘗有存亡繼絶之功,故君子爲之諱也。」此 公嘗有繼絕存亡之功,故 句句相同。 公也? 爾? 《春秋》爲賢者諱。 君子惡惡 君子之惡 穀梁在公羊之後,研究公羊之説 爲賢者諱 蓋穀梁以公羊之説爲是,而録 疾 惡 也。 其始,善善樂其 也 疾 既 桓公也。 始, 此 此滅人之國,何 滅人之國矣, 君子 善 也。 善 爲 許月南 何以不言 也 之諱 終。 樂終。 《穀 桓 何 也。 其 立 取 更 公 賢 桓

遺文。 事。」《釋文・序録 後百餘年,魯人穀梁赤作《春秋》,殘 左傳》云:「太叔出奔共。」後十年 桓 又有齊人公羊高 譚《新論》云:「《左氏傳》遭戰 影。 澧 案: 緣 經文作傳, 鄭 伯克 鄭 段 國 略 彌 莊 于 寢 鄢 公猶 多 失本

寢藏、《公》、《穀》未得見之故爾。造者。而《公》、《穀》則皆以爲殺之。《左傳》有「寡人有弟,餬口四方」之語,此必不能虚

云: 羊》以爲輸平事。 伯 火 不見傅母 不 少,而又有不 焉。」可見《公羊》亦甚 公」云云。「衛人立晉」,傳云:「石碏立之。」 公謂繆公」云云。 年 鄭人來輸 重 而 克段,傳云:「母欲立之。」葬宋繆公,傳「宣 春王正月,傳云:「諸大夫扳隱 出。」伯姬 「宋災,伯 事,以 死。」若《公羊》不詳記此事,則伯姬 公羊》有記事 ,不下堂。』傅至矣,母 宋 平」,傳云:「狐 曰: 『不可,吾聞之也,婦人夜出, 伯 確 孔巽軒《通義序》謂《春秋》重 姬 者耳。 姬 存焉。 爲 之語 翬 證。 帥 狐壤之戰,在春秋前, 重 有司 ,但太少耳。 然《公羊》記伯 記 師 事 壤之戰,隱公獲 復曰:『火至矣 傳 未至也,逮乎 但 而 暈 所 立之。」鄭 知 諂 如隱 死於 之事 乎 而《公 姬 事 一義 隱 元

事,斷斷然也。 火耳,何以見其賢乎? 欲知其義,必知其

實也。 誤以 者,成公夫人。」此惡《左傳》而 穆公,以異於《左傳》耳。 宣公以子婦爲妻,成公以母爲妻,大倫 然以惡《左傳》之故,而互易二公之夫人,使 從與?」此《公羊》未知,則 師」,傳云:「未知公子喜時從與? 人與? 成夫人與?」昭二十年「曹 二年,傳云:「齊姜與繆姜,則 及康公之世,始有恩禮于 伯罃卒」,何注云:「秦穆公也。」此明知 大夫者,明善善及子孫也。」此回 二年「秦伯使遂來聘」,傳云: 《公羊》於春 康公爲繆公。 何注云:「齊 秋 孔巽軒云: 内 孔巽軒云: 時 姜者,宣公夫人。 , 得 人 恩録之。」亦 護太 多不 直言未 「賢繆公而於康公與 無理矣。 「賢繆公未見 「賢繆公也 爲秦康公,而偏云秦 知者。 未 不從其 知 П 知,是 公子 文十八年「秦 護 伯 其 廬 爲 如 亂矣。 其 、説耳。 繆 負 」。 此 文十 其 八卒者 卒 宣 姜 恕 夫 篤

通

之也。」此尤無理之甚。人死之先後無定,豈 且《公羊》云「未知」,何氏當「墨守」之,安得 以齊姜先薨,多是 實無文据以順言 公乎? 公時。 者子孫 但無叔術之事 宜有 若必追而褒之,則《春秋 耳。 地 以爲 澧案: 叔 術賢者,讓國黑弓,賢 叔 術 事 》何必始於隱 在 武

公、懿

姑。

繆姜後卒,理宜爲

婦。

妄爲説乎?

徐

疏云:「正

姑必先死,婦

必後死乎

!

禰? 又云:「襄公事祖禰 公不復讎,遂以 者無時,焉 及齊人狩于郜」、《公羊》以爲譏與 讎」,不言「賢齊襄公」,蓋以襄公不可 以爲《公羊》病 襄公「復九世之讎」。 莊四年「紀侯大去其國」、《公羊》以爲賢 可與通?」可見《公羊》深惡魯莊 也。 爲賢 《春秋繁露·竹林篇》但云「榮復 之心 齊襄公復讎耳。《公羊》 此蓋有激而言,未可 盡 矣。」九世安得云 謂賢也。 讎 下文「公 狩,「讎

「其不言 濫。 昭三十一年「黑弓以濫來奔」、《公羊》以 明譏魯莊公忘其禰也。 何注云: 邾 黑肽 何 通 也? 濫爲國 别 乎邾也。」亦與《公羊 ,故使無所繫。」○《穀梁 - 》同意。 》亦 之。 疏謂

此可見一斑。 七百言,蓋薈萃古書而貫串之,所謂學海,於 車,選父老里正,女功緝 謬,孰能 悖如此,可謂之賢者讓 信此事。 作。」何注言聖人制井田之法,遂及於 殺天子所使誅顔之人,而授國於顔之子。狂 顔淫惡,天子誅之而立叔 不至於是。 「妻嫂非姑姊妹」。其爲《何氏序》疏,更謂「《春秋》善 偏徇師説,遂至傷教害義而 《公羊》宣十五年傳云:「什一 叔術妻嫂而以爲賢,雖喪心病狂者, 「墨守」之乎? 然不妻嫂, 故孔巽軒《通義 即 何注謂叔術「惡少功大」。 可 國乎? 績,求詩 不顧 術。 以 序》謂《公羊》不 爲 ,此經學中所罕見者。 天子死,叔 賢乎? 此《公羊》之 造士。 行 而 凡六 出 邾婁 頌 兵 聲 術

何

注

用

緯

書者:

「禮,天子

外屏,諸

侯

内

世子 侯。」徐立 以 味。」 實,天子 徐疏云: 瀆 祭 曰 南 徐疏云: 徐 地 屏 備 疏 璋。」徐疏云:「《釋器 角 天牲 觀。 夷 ,大夫帷,士 秋》之制 云: 昭二十 率 尺,其 不 諸侯 之 疏云 輿 「皆《王制 「皆是 虞。」昭二十年傳注 「在《禮器》文。」「天子外闕 徐 樂 角 以珠,諸 疏云: 守 紬 有 日 Ŧi. 餘  $\sim$ 禮 或 也。」文五年傳注。 栗 年 任 時 春 傳 Ш 《禮説》 》與《禮説 社 説》文也。」「禮,天子諸侯 簾。」「禮,天子有 臺 注。 秋 西 Ш 侯 次宜爲 説 稷、宗廟 以 視 夷 以 徐疏云: 》文。」〇定八年傳 》無文。」「白藏天子,青藏 》文。」〇昭二十五年傳注 之樂 卿 候 》文。「東夷之樂日 玉,大夫以 大夫。」僖三十一年 四 君者,持棺絮從 「禮,后夫人必有 時。」莊三十 皆 曰禁,北 角 「古者諸 握,六宗 兩觀 《樂説 靈 碧,士 注 諸 》文。」「半圭 臺 夷之樂 侯 以以 含, 侯 臺 Ŧi. 年 株 師 以 禮 傳注 嶽 門。 内 傳 候 所 出 貝 離 傅 П 諸 日 闕 注 四 天

機。 説 等禮 十九年傳注云: 其爲 母。 曰」三字,而 長一尺。」文二年傳注。 年傳注。 年傳注。 《禮記》 正方,穿中央,達 天子諸 文。」 三王肉刑揆漸 影同。 制見 學 選老大夫爲傅,選老大夫妻爲 此用緯 〇以 侯曰 海 一禮,繹 此實《禮記 何氏仍之耳 於緯 也。 上 書 繹,大夫曰 「孔子曰:『三皇設言民不違,五 四 語 加,應世 天子 [條,徐 書, 繼 而竟稱 四方。 》之類。 昨 何邵 諸 疏皆 上點巧 日 徐 爲 侯臺門」,「祭天牲 事,但 疏云: 故何注 賓尸,士曰 公習 云《春 「孔子曰」,蓋緯 姦僞多。」一徐 天子長尺二寸,諸 「皆《孝經説》文。」此 直稱 一而 不 秋説》文」。 熟之, 灌 爲 地 宴尸。」 疏 《禮 文本有「孔 母 角 <del>Z</del>: 帝 降 繭 亦 畫 主 神 《孝 栗 象 惟 可 襄二 世 宣 爾 見 侯 狀 經 龃 順

云: 之。 篇》。 「始言大惡,殺君亡國。 隱 如《繁露》云:「春 何 注 元年 多本於《春 何 注 亦 云 1秋繁露 秋 變 變 >>, 而 終言赦 爲 謂 元。二 之元。」《重 徐 彦 小 不 繁露 過,是 疏 明 政

出 疏 邵公好 者之政。」此《繁露》之文。《二端篇》文。 矣。 궁 : 之説本於此。 洽 亦始 繁露 所見異辭,所聞 於董 乃但云「春秋説」,將使讀之者不知其 以 於麤粗,終於精微。 亦譏二名之意也。」《俞序篇》。 天下之人,人 奇,故取之耳。 生矣。 元之深 又 如 教 注文太長,此不具録。 Ē 隱 化 異 元 天之端。 流 有士 八辭,所 行, 年, 德澤大治」,其語 徐 君子之行 教化 傳聞 疏 以天之端 引《 流行,德澤大 異 徐 辭 疏 隱 春 未安。 而 皆不引 元 秋 正王 而 何 年 少 説 説 徐 注 傳 過 何

敗 下之有宗主也。 隱》云:「以魯爲主,故云據 宋。」《三代改制質 春秋》,據魯,親周,故殷。」此則異於 績 于貿戎」、《公羊》云: 春秋繁露》云: 《公羊》無此 文篇》。 魯。 ○《史記 「王魯, 時 説 周 「王者無敵 也 雖 春 • 微 孔子世家》云: 絀夏,新周, 秋繁露》之説。 而 成 親周 元 莫敢 年「王 者,以見天 《索 作 故 師

也。」既以周爲王者無敵,必無 説。 杞,下 卷 鄭,實 字。 軒乃得其 Z 也。 梁》有之,然意尤不 徙于新 城、及敬王 説 書,此何以 者,見任爲王,寧可會奪?」此 十六年「成 新周」二字,自董 矣。 引賈逵《長義》駁 「孔子,故宋也。」范注 《晉書 孔巽軒《通義》云:「周之東遷、本在 何注云:「孔子 非 ·新周 徐 Ш 如 解, 疏 言,謂 Ŧ. 書? Z 遷 而故宋。」此取《繁露》之説 周 注 接 可 傳》載接之説云: 成 解。 之 宣 「《春秋》之義,託 謂《公羊》之功臣矣。《公羊疏 新 周,作傳 「黜周王魯」之説,然未言此非《公羊 謝災」、《公羊》云:「外災 新 生以 一故 絳, \<u>\text{\text{Z}} \\ \text{\text{2}} \\ \text{2} \\ \t</u> 相涉。」澧案: 周 以 宋』傳 也。」惟此有「新周」二 「孔子,舊是宋人。」《公羊》 鄭 疏正可 令春 來,將二千年。 居 者 魯 「《公羊》通經爲 號 郭 秋 以駁 爲 絶 ) 當新 鄶 爲 Ŧ, 黜周之説也。 朏 桓二年《穀梁傳 無 之 新 耐 周 文,唯 地 周 使  $\pm$ Ŧ. 謂 以 舊 <u>+</u> 一魯」之 至巽  $\pm$ 之 猶 解 無 新 穀 之 晉 Ŧ 朏 不 官 何

八〇

録解 聘,書使與諸侯 託王至廣,稱號 何氏之説而更甚矣。 也。 中受《公羊議 其文。」此皆能爲《公羊 休因其近似 休訓釋甚詳, 公羊》之受誣,猶未明也。 (,進小國爲大國,其書公朝王所,不爲公朝起也。 公如京師,如齊、晉,皆不言朝,當巡狩之禮也。」此仍守 題 》亦 「黜周  $\bar{z}$ 而附成之。 禮制爵篇》云:「以《春秋》當新王,始朝 耐 i 黜 周 「黜周王魯,變周文從殷質之類,《公羊》皆 名義,仍繫於周。 同 王魯」,與 文,著 王魯,大體乖硋。」蘇 其《釋三科例》中 何休、《公羊》之罪人也。」陳直齋《書 》辨 誣。 新周 至巽軒之説出,乃大明耳。 夫讖緯之書、《公羊 也。 然 挫强扶弱,常繫于二伯 魯使如周,不 「新周」二字,未得其解, 篇 云: 東坡《論春秋變周 ቯ. 》無明文, 稱 《春秋》之 使,當 王使 當 ○劉 何  $\pm$ 來 無 元

何嘗真

黜周哉?

郊禘之事、春秋

岃可

以垂法,而魯之僭則

昭之出奔,宜

大惡也。

就十二公論之,桓、宣之弑君,宜誅。

絶。

閔之見弑,宜絶。 定之盜國,宜絶。

僖之僭王禮!

,緃季姬,禍鄫子,文之逆

隱之獲歸,宜絶。

莊之通讐外淫,宜

春秋繁露》有「先質後文」之語。 見《玉杯

」此又言「黜周王魯」非真、然則《春秋》作僞歟。

祀、喪娶、不奉朔,成、襄之盜天牲,哀之獲諸侯、虚中國以事

魯哉? 强吴,雖

非誅

絶

而

免于《春秋》之貶黜者,鮮矣。

何嘗

真

Ŧ

此耶? 質」。 篇》。 家親 法不同,非親厚之謂 記公儀仲子舍其孫而立其子,孔子曰「立孫」也。 弟,則立之二也。 世子之母弟,即襄三十一年《左傳》「穆叔曰『太子死,有 而王,故立嗣予孫,篤世子。」禮案: 文者主地。 同母等,豈文家之弊耶? 分别同母、異母之謂 稱弟,母兄稱兄」注。 親 何邵公遂謂「《春秋》變周之文,從殷之 且所謂質者,指母弟稱弟 ,明當親厚異於羣公子」。 《繁露·三代改制質文篇》云: 主天法商而王,故立嗣予子,篤母弟。 夏立世子,死則立世子之子,即 也 其説 耶? 尤謬。 孔子所欲變,乃在 此謂商 親厚異 「先質後文」,豈 「商質者主天,夏 而言,謂「質 立世子,死則 隱七年傳「母 母: 兄弟 主地 此立嗣之 《檀弓》所 法 與 夏

畝,●冬,蝝生」、《公羊》云:「上變古易常 之廟」。《公羊》云:「天戒之。」宣十年「初 《春秋》所書災異,惟僖十五年「震 夷 税 伯 應

「十年」,據《春秋公羊傳注疏》,應作「十五年」。

0

吉

[X]

先

見,此

儒

好言災異風

澧案:

Ē.

月

公如

月,大雩」,注云:

由

擾之應。」

城

緣陵

其尤無理

又受邴

田

二、煩

獲,公子暈進

是後,衛

州吁

弑

取

後

事

而

言

如

隱

Ŧi.

螟,傳

云「何

何以

書?

何

以

書?

記

之,

復

何

益

云

信

乃

爲

有

是

而

道

不恤民之應。」徐疏云: 年「螟」,注云:「先是有狐壤之戰、中丘之役, ,故善録之。」此又以爲不恤民,自相違 有天災。」何注云:「上,謂宣公。」其 者,僖十三年 記異也」之類。 在明年, 晉, 必然之理。 擾之應。」皆《公羊》所 餡謀。」或取 氣耳。 異 城 隱 以 其君完。 注 也。」 如如 「秋,九月,大雩」,注云: 費,公比出會如晉, 書? <del>Z</del> 愐  $\equiv$ 晉 「何以 先一年致旱乎? 年 夫自古 如隱三年,「日 者,即今年正月公如晉是也。」 「公獨 記 日 災也」之類。 儒 前 諸 脩 書? 有食之」,注 者 事 禮於 國家治 侯 異如 陳 而 初 大國 莒人伐我, 記災也。」如 言,如 一个 鲁 有食之」,傳 此。 説 襄八年「秋、九 何 餘 「城 以 亂 一,得 無 此 注 但 之説。 每 爲 緣 自安之 隱 隱 乃 則 云: 云 動 鑒 陵 有 漢 係 或 擾 煩 <u>Z</u> 乎? 次第宜、 不通 益。 其 矣!』」何注則云:「薪 及兩觀災」,孔疏云:「天之所災,不可意卜。」孔之通,徐之 其罪差輕,是以不災其廟。」此謂 何 天之災其廟,不災其廟,徐氏竟能知其 昭穆。」徐疏 三年,「新宮災」,何注 稱王。」徐疏引 壬辰朔,「日有食之,既」,何 象也。」穿鑿如此,人豈信之乎? 云:「孔子反袂拭 「示以當早誅 記異 注説 意 相 若隨 甚 立。 災異本於讖緯之證也。 其尤謬者,定元年「實霜 也。」 去天淵矣。 善。 隱是左媵之子,据位失宜,而 云: 意 但云: 春 「桓公亦篡立,不災其宫者, 然 季氏。 所 秋説 其 指 云:「此 \*\frac{\times}{\times} 西 面,涕 所 孰狩之? 狩 則 説 菽者少類 注 丁其 人 獲 采者,庶 象宣公篡立 ○徐 云: 必 沾袍。 後 桓 麟 將 使 斌隱 「是後楚 楚 疏 三,《公羊》但 輕 號 人 説 意耶? 罪 爲 薪采者也。」 稱 視 桓 災異有 殺菽」,注 可 輕 人燃火之意 曰:『吾道 紅  $\pm$ 

當誅絶,不

宜

列

更謬者。

成 此 滅鄧

穀。

E.

僭

滅

穀、鄧

桓三年秋七月

稼

强

7,季氏

蓋

以

右

悖謬已

極

且.

定二年

雉

門

云

窮

旧

之,

雖 桓

 $\Box$ 13

篡

君 媵

麟之后,「天下血書魯端門」云云。信乎! | 之耳。也。言漢姓卯金刀,以兵得天下。」又云:得 | 而求甘此赤帝將代周,居其位。」「言獲者,兵戈文 | 者,多

《公羊》之罪人矣。《春秋繁露·符瑞篇》云:「西

狩

氣,遂以 爲漢制,道 作。」又云: 王,獲麟來 巽軒未考《繁露》耳。 通義序》云:「東漢時,博士弟子獻諛妄言,重自誣其師。」此 麟,受命之符。」是西漢時《公羊》家已有此説。 注經 審可行。 吐。」《史晨祀孔子奏銘 「獲麟趣作,端門見徵,血書著紀,黄玉 也 〕漢人多以獲麟頌揚漢代,何邵公囿於風 ○《韓勑造孔廟 \* \* : 禮器碑》云: 西西 狩獲麟,爲漢制 孔巽軒《公羊 後制 韻應,主 百

月强 十五年夏六月「宋公固卒」,何注云:「不日 正 文書『秋』是也 宣 例,有罪時,無罪月。」徐疏云:「有罪時者,此 月, 杞叔 十六年秋,「郯伯 坐以 何 注 有罪 以 姬 時 來 ,而又不能言其何罪。 月 歸』之屬 日 無 姬 爲 罪 來 褒貶,遂强 月 歸」,何注云: 者,即 是也。」此但 成 坐人罪。 Ŧi. 年『春 以 又如 「棄歸 不 成 書  $\pm$ 如 季辛又雩」、《公羊》云:「又雩者,非雩也,聚衆以逐季氏

而求其罪不可得,但有三國媵之事,遂以坐者,多取三國媵,非禮,故略之。」此以不書日

通。 字。又《春秋》之説,口授相傳,達於漢時,乃 著竹帛。去一『冬』字,何傷之有?」此 解之,何必穿鑿乎 四 無事天之意,當絶之。」此皆穿鑿之甚。定十 注云:「如晉者、冬也。 去冬者,惡成公前既 夫人不繫於公也。」成十年秋七月「公如晉」, 首時者,譏莊公取 怨懟不免牲,今復如晉,過郊乃反,遂怨懟 月丙午「及齊師戰于奚」,注云:「去夏者, 四時祭祀,猶五月不宜以首時。」桓十七年五 年「無冬」,徐疏云:「不脩《春秋》已無『冬』 凡時月日之字,宜 莊二十二年「夏五月」,何注 ! (讎國女,不可以 昭二十 有 而 五年秋七月「上辛大雩 無 者 云:「以 。 皆 事先祖, 當 疏 如 五月 最 明 奉

也。」何 但 書 注 」、「季辛」,有干無支,遂傅會於逐季氏,尤可怪 日 爲 君 辰 爲 臣, 去 辰則 逐 季氏 意明 矣。」 此

笑也 以

則《中 爲  $\pm$ 傳》云:「王者孰謂 法其生乎?  $\pm$ ,周始受命之王,方陳 法。 何 -庸》云 注 更有 不言謚者, 仲尼「憲章文武」,爲法其死,不 穿鑿文義之病。隱元年《公羊 ? 法其生,不法其死。」然 謂文王 受 命 制 也。」注云:「文 Œ 月,故 假 以

者,起先君之子。」如此之類,殊可怪 年「晉里克弑其君之子奚齊」,注云: 共名,非配號稱之辭,故加『之』以 其子奚齊,嫌無君 考仲子之宫」,注云:「加『之』者,宫廟 「仲子是妾,不宜與宫廟連文,故加「之」以絶之。」僖九 一條以見之。 有 語 助 气, 何 ,文與殺大夫同。 注 必 爲 之説。 絶也。」徐疏 如 「欲言弑 隱 笑。 加「之」 尊 Ŧi. 聊 卑 年

是者。 惡。 矣。』」襄二十四 八年。 左氏 鄧强 傳》疏。 乎?』何 陸 美,堯不能舉,三 短。」 君 氏 會 騅甥、 以 示旋 命大子曰讎,弟曰 」,子産立公孫洩、 而 莊元年 爲「膏肓」,則皆 也。 弱 左 藏 程 引后稷名棄爲「膏肓」以難之。 此但 随,若 聃甥、養甥、請 至左氏 氏之語 相 冰」云 鄭 懸 氏 此 疏。 問 可 ,若從三甥之言,楚子雖 外, 謂 年。 降 以難 刳腹去疾,炊炭 此 所記 何氏 云。 階 族 如 旧 左 由 師 何 世 季 當時之人之言 昭四 可 氏 成 非也。 以 良止 服 由, 濟其凶,堯不能去。 文子言十六 以 殺楚子」,何 對 後 師 爲「膏肓」,有 年。 耳,不可 難 季 有興 始兆 以撫之。 然 武 「鄭 如一師 明 甥耳,不 子「古者日 止沸。 亡,由 亂 日 以 氏 矣,兄 難 與 相 服 族 昭 云: 事 非 死,鄧滅 日: 左 桓二年《左 七 驚 立 是 世 口 左 年 氏 以 名 將 濟 氏 其 在 以 而 楚、 也。 伯 替 今 北 死 其 難 爲 何  $\pm$ 

事。 年。 子 自裁,尤誣謬之極 忘其西者矣。 悔於予身。』」襄二十九年。 乎季子。飲食必祝曰: 『天苟有吴國, 尚速有 嘗云信然乎? 於義,左氏爲短。」澧案:左氏但著其事耳,曷 死。今左氏以爲果死,因著其事,以爲信然。 何氏云:「死不可請。 最謬者,范文子「使其祝宗祈 申豐、子産、王子朝耳,不可以 謁 朝言「王 也,餘祭也,夷昧也,弟兄迭爲君,而致國 何氏皆難之。 何氏 難 后 左氏 無 **全** 「閻弑吴子餘祭」、《公羊》云: 適 傳 而忘公羊, 然但 ,則擇立長」云 》杜注因何氏之難,遂謂 偶 可 此《公羊》説 以 自 難 天 口 死」,昭十七 難左氏也。 季文子、然 禄 謂 云。 鋭其 盡矣,非 士燮 祈 昭二 東,而 死之 年。 2因禱 一十六 明、 其 果

者 而 ,而三家之師,必故各異之,使其愈久 大義睽、《春秋》之不幸耳。 孔 巽 軒云:「七十子没而 微言絶,三 幸其 猶 有 而 相 傳作 愈 通 0

悍矣。 《公羊》,苟取頑曹之語。」又云:「顔氏之徒,既解《公羊》,乃 岐。 取他經爲 端也。」《公羊通義序》。 傳》而鑿造『諫不以禮』之説,此其不通之一 援《穀梁》以 而知其惡者矣。《公羊》何序,徐疏 何氏 義、猶賊黨入門、主人錯亂。」徐彦 屢 釋傳 蹈 斯 "『叛者五人』,不取 失,若『盟于包來下』,不 巽軒之於何邵公,可謂 云:「顏安樂等解此 較 何 邵 證《左 公更 好 獷

錫。」疏 年「盜 之子,襄公從弟。」此亦據《左傳》而言之。 如莊八年「齊無知弑其君諸兒」,注云: 莒人弑其君密州」,注云: 爲楚救鄭之義,出《左氏傳》矣。」又如定 年「秦人伐晉」,注云:「爲楚救鄭。」疏 何氏亦有用《左 竊寶玉大弓」,注云 云:「《左傳》定四年, 傳》、《穀梁 「莒人納去疾,及展立,莒子廢 : 「此皆魯始 具有其文也。」又 「無知,公子 傳》者。 又如襄三十 封之 襄 云 八仲年 年 八 +

何 ? 之。 也。 氏 繫於月,月繫於時。 若日不繫於月。」 澧案:上文「冬,公會晉侯齊侯」云云「于 哀 當卜春三正也。」疏云:「何氏必知然者,正以 梁》之文。」定十五年「夏,五月,辛亥,郊」,傳 不接弁冕,仇讎不交婚姻。」疏云:「義取《穀 也。」又如僖二十八年壬申,「公朝于王所」,傳云: 云:「曷爲以夏五月郊?」注云:「据魯郊,正 也 」,故云「不月」也。 雖惡二傳,而 元年《穀梁傳》云『郊自正月至于三月,郊 展因國人攻莒子、殺之、去疾奔齊。」亦據《左傳》而述其 以爲晉文公之行事爲已值 録乎内也。」注云:「不月而日者,自是諸侯不繫天子, 莊 夏四月郊,不時。五月郊,不時』之文 元 年「單伯逆王姬」,注云:「禮,齊衰 壬申,公朝于王所。 仍不能 然《公羊傳》無説。 不取 矣。」何 之也 注 《穀梁傳》云: 取此 其不月,失其所繫 爲説耳 「其日 日 何

任》,於隱公十一年傳下舉全傳述事者,祇二|《穀梁》述事尤少。 近時有鍾氏文烝《補|

事少,故從簡略,而專尋究經文經義耳。並詳述其語,則非盡好簡略者。實因所知之年傳述晉獻公伐號事,十年傳述殺申生事,十七條,謂「穀梁子好從簡略」。澧案:僖二十七條,謂「穀梁子好從簡略」。澧案:僖二

《王制》之語。《王制》雖出於漢時,其 《穀梁》之獨得者。 孔巽軒則不取《穀梁》。此孔巽軒不及劉申受者也 劉申受《何氏解詁箋》於惠公仲子不從《公羊》而從 受《左氏春秋考證》語。 魯史官,必無不知魯君之母之理。蓋 其説,且以僖公成風比例而得之也。 知有《穀梁》説 氏本無傳,而附 惠公仲子、《穀梁》以 也。下文「天子七月而葬」云云,乃取 益者襲取公羊之説耳。 附 蓋見《公羊》之不 益 者 必 爲惠公之 語則傳自古人也。 在穀梁前 母。 此 左氏 通 《穀 此劉 故不 經 而 左 爲 易 此

日卒,惡也。」楊疏引何休云:「公子牙、季孫「公子益師卒」,傳云:「大夫日卒,正也。不《穀梁》時月日之例,多不可通。隱元年

大之義 於益師 謀 莊 吁 之緩 致令 尚 范 傳 之日 桓 桓 左傳》 意 所釋 也 + 而 九 最 弑 可 注 <u>궁</u> 云《左傳 如 四 隱。」此尤謬甚。 遠 之例矣 慢也 後 年 譏 出 云 : 何 年 乎? 足 亦不 能 春 不 其 夏 以 其月, 以 夏 殺 崇 五、《穀梁》云: 自 詳 齊 緩 能 書 可 討 公羊 彰 Ŧi. 澧謂 之。 隱 通 恣,故 載 慢 作 殺 日 傳疑 賊 人 王 謹 用 四 乎 乎 其 亂 又引 殺 三國 法 例 云: 益師 ? 未 之 年 也。」既 ? 事 臣 無 有 而 謹 時 也 九 何 麋 春秋》以誅 卒與 知 賊 此 若此舉之光明 「立乎定、 所 快 信 情事 其 也 月「衛 其 知 以 子 駁 謂 衛 (桓弑 人 時 于濮 耳 遠 載 不 者 無 心。 未必 月 則 H 討 隱事 石 哀,以 益 傳疑 人殺 可 所 者, 雍 不 碏 賊 無 師 亂 置 魏 遠 同, 隔 在 不 廩 Œ 能 殺 例 叔 如 則不當設 指 臣 譏 祝 也。 辩 能 大忠 + 之 隱、 即 子《左 祝 贵 時 石 以 年 防 賊 失 吁 矣。 殺 討 此 微 桓 得 吁 者 碏 子 厚 著 賊 于 而 最 杜 無 者 祝 傳 則 口 疏 以 殺 爲 臣 也。 濮 示 隱、桓 通 漸 經 知 也 吁 歸 引 彼 設 Ė, 據 最 子 也。 祝 世 使 , # 鄭 之説《 文義 及 與

宋

戰

則

反

爲

齊

不

與

曹

衛

邾

戰

矣

此

自

當

如

此

安

得

以

常

例

論

之乎

孟

子

春秋

 $\Box$ 

其

事

, 二 曰

1其文。

文者,所

齊

戰,

又

安得

不

言

宋

及

齊

戰

平

若

云

伐齊」。 與 亦違 又伐 舉。 及,惡宋 師 + 殺 加 例 戰」分言之乎 齊 敗 八 州 譏 此 此上 (年, 三 吁 常 績。 戰 人者爲客,受伐者爲主,此言及 貶, ? 穀 例 事 也。」 「五月戊 梁》之病 傎 因 而 也 有伐文,今又言戰,是違 春王 傳 而 矣。 有 0 獨 云 疏 徒以 澧 ? 宋 九月」 正 云: 穀 案 與 寅,宋 月,宋 曹、 更 時 戰 梁 齊 「《春秋》 月 有 未 不 四 衛 戰 爲 在 言伐,客不 師 公、 見《左傳 字, 或 例 拘 邾 及 安 伐 曹 遂 , 故 泥 齊師 不 之例, 得 齊 伯、 於 文 有 與 曹、 不 石 例 此 齊 戰 衛 以 戦伐不 言 不 碏 常 病 戦, 衛 齊 于 伐 及。 知 純 也 邾 甗 例 師 獨 邾 如 石 臣 也 宋 與 是 並 言 不 齊 僖 碏 横

不易。執其同者以爲常例,而以其異者爲違以記事也。事百變而不同,則文不能一成而

常例

奚可哉?

是也。 病。 豈可 大 後至 故 伯以 叔服 天子之禮也。」五年「王使毛 云:「會葬之禮於鄙 傳 停 釋有 以意造乎? 喪服發後始來,先之竟上,然始至魯國。 在葬前 年「天王使叔 此 異辭,遂造爲 傳拘泥經文, 理亦 事猶 異 通 辭 至,先鄉 也。」澧案:此明是互言。 其 也。 小焉 服 説《春秋》者多妄造其事之 而 先後至。 或二者互言之,未必 上。」楊 來會葬」,傳云:「其志 解傳者又拘泥傳文。 魯國,然後赴葬所。 者耳。 疏 千載以上之事 其大者,如鄭伯殺段 伯來 云: 「舊 會 葬」, 解 由先 舊 以 毛 解 爲 傳 重 如

善也。 穀梁 哀二年「晉趙鞅 类 短,范注 帥 不曲 師 從之, 納 衛 世子 此 范 蒯 注之 瞶

今歸含大晚,故譏之。 疾而齎含玉 楊疏引舊解 傳似失矣。」文四年,「冬,十有 子,則靈公不命輒 范注 之命,受之王父也。 于戚」,傳云:「納者,内弗受也。 疾,當告於天子,天子遣使問之。 命,子拜稽顙。 從傳説如此。 云:「成風未葬,故書早。 含且赗」。 人風氏薨」。 則蒯瞶不得復稱曩日 世子,世子還國,書篡。 有遠近,皆令及 云:「寧不達此 以 以 傳云:「賵以早,而含以 行者乎? 爲《雜記 含者坐委於殯東南。」含不必用,示有其 范氏引 五年、「春王 事, 澧案: 諸 ,審矣。』然則從王父之言, 即 《禮 理不 義。 侯之禮。 其 齎 世 此 含 弗受,以 雜記 若靈公廢 舊 江熙 通 子也。 玉 有 正月,王 解 已殯,故言 以 喪 也。」范 若天子,則 曲 ĕ ⊟ : 行, 則致 ⊟ : 護 能 傳 「含者人,升堂致 月,壬寅,夫 稱 尊 以 含, 必 文耳 齊 蒯 一使榮 注 王父 蒯 晚。」范 輒 其 無,則 諸 瞶 及 之不 瞶 不受父 晚 景 侯夫人有 立輒 未 豈 叔 爲世 也。 公廢 止矣。 八禮」。 殯 有 Ш 或 注 歸 mi 問

## 至乎?

曰 : 年「齊 傳 曰: 聘」,范注云:「下 未詳 也。 孫忌 或 疏 駁之也。 梁》與《周 云 反下聘之,故去二時以見貶。』 范以五年亦使 南 或曰 也。 <del>Z</del> 《周禮 有因 而 來 范 : 饑二名。』」此不信公羊之説而不駁之 之説,寧所 師遷紀, 郱、鄑、郚」, 傳云: 「何休云: 者。 『聘諸侯、非正 或曰: 聘」, 傳云: 注 日 定六年「仲孫 何邵 多 仲 禮》不合,不 》:『天子時 桓 稱 孫何忌 遷紀于郱、鄑、郚。」范注 四 公之説 寧所 『桓 年 無秋冬二時,寧所未 未 夏「天 詳。 無 ,寧所未 未詳」。 聘 。』寧所未詳。」此因《穀 不 何 敢定其是非 王 諸 聘,以結諸 通,范氏 此 忌 而行,天子不能 侯 Ŧ. 如 以 非 隱 使 詳。 晉」,注云: 或 宰 九 説爲 正 が、 年「天 但 《公羊 渠 也。 侯之好。」 也。 云 伯 非 詳 鄑 糾 莊 寧 范 。」楊 云: 而 王 · 傳 》 誅, 仲 來 所 不 部 元 使 注

無二 詳」,慎之至也。 二年以五月首時。 三十二年「公子牙卒」,成十六年「公至 無秋冬,定十四年無冬,昭十年十有二月不書冬,莊 云「寧所未詳」。 會」,昭十二年「晉伐鮮虞」,注 臣 聘, 一時? 何 以 故直 四 時皆具,七年不 何休之説皆謬,范皆云「寧所未詳」。 云『寧所未詳』也。」 澧案: 范氏 最尊 鄭 · 遣 君 皆引鄭 臣 一, 而 一聘,何 猶 君 云 桓 説 因 七 未 自 莊 亦 Щ

書日 已有 有稱 夏「齊大災」, 文多不録。 廟 楊 疏引之,有 疏 疏云: ,外則書時。」以下文多不録。 范氏 所 「例」,又别 「范氏别例」者,皆即 引, 此 爲略 稱 如文六年「閏 但 范 疏引范例云: 范 分别 例 例猶 爲「略例」, 氏 百 一發傳 略例 餘 有 條 Ŧi. 不 等,發 月,不 者,有 -發傳。 略 見《 「災有十二,内 例 故 集 也。 此分别書 ·告月 可 傳 稱 解 如莊 稱 者 序 范 范 三。」以下 楊 猶 别 氏 <u>一</u> 例 疏。 時 例 朝 注 月 則 车 中 于 楊

《春 之同 書月 公禘 也。 所引范氏例之語同。 提要》疑 不 紆曲之病。 嘗,摠三也。 Z 日 <u>一</u> 之例 可 九,皆 酉 秋》二百 異,有 無 知 文著 袷當, 餘條,王仁 武宫,八也。 ,吉禘于莊公」, 楊 者 1: 1書月 異 亦不穿鑿紆 四十二年,無王者 勛 例, 則 可 蓋《春 割 不爲 以 以 裂略 閔 圃《漢魏遺書鈔》已鈔出 故 此楊氏取范氏例散入疏中之證 六也。 言禘 心 示 4.例, 臚舉 妄説 秋》無達例, 譏。 定公從 知 散 疏 曲 其 其事 人 引范 四也。 斯得 九者, 宣公有事, 意 疏 百 如閔二年「夏五 中。 者, 祀,九也。」 有八」云云, 略 而 之矣。 澧 則 謂 己。 例 但 僖 案: 云: 爲 當當 桓 掃大 有二烝 之 凡 皆 七也 隱二 臚 與 **河** 「祭祀 説 疏 桓 列 無 此 廟,五 年 庫 元 書 穿 所 以 全書 月, 年 疏 其 鑿 引 皆 法 昭 例 疏 云

宣 冬『蔡侯肸卒』,傳 九年辛酉『晉侯 僖 四 年 許 男 新臣 日 黑臀卒于扈」,傳曰:『其 : 『諸侯 卒」,范注 時卒,惡之也。」 云:「十 四 年

> 地,于 爲例 多違,縱使兩 莒子去疾、吴子光、 于楚,故 此雖似合,與 來哲。」此可見傳之所 男寧諸條,文多不録。 者,似已合矣。 外也。 不 日 (彼則多違,必不能畫一 耳,非 解,仍 其 日, 惡 有 曹伯負 楊 未 耐 也。」 澧案: 解謬 踰 解 궁 : 疏引宋公和、宋公固 不 竟也。」 盡 故 范 芻、蔡侯 可 並 氏 然則 以 此 之注 存 爲 也 范 之, 東 例 新 注 國、許 <u>+</u> 以遺 所 臣 引 卒 與

三傳。 序,歷舉三傳之傷教害義者 舉 病 ? 擇善而從。 刻,是非 疏之病, 杜、何、范注,孔、徐、楊 工其病, 知 然大 夫諸  $\equiv$ 則 恐後之治 顛倒,安得爲聖經乎? 傳 動 抵 此范武子立心之公正 之病, 經 輒 考 鍋 據、訓 之傳、注、箋、疏, 於聖人之褒貶。 經者,爲其 而 後 詁之疏 疏 可 之病,而 以 、又言棄其 治《 所 失 此澧 耳。 誤 春 亦 也。 若 後 也。 秋》。 贵  $\equiv$ 可 所 乖 所滯 孔 能 以 范 以 傳 戾 各 带 Æ 無 治 知 注

參取 耶? 乎? 巽軒 也。 不肯援 之所大失,所廢者反一 學者守 諫不以禮』之説。 公羊 乃通 然《左 駁之云: 」然則 否 通 穀 耶? 義序》云: 傳 也 梁 治 傳 即 (左傳) 以 H. 「九月甲 以「公子益 篤 釋。 巽 信 一然則何邵公之不通,乃其不參取之故 「古之通 軒 》者篤信 傳 \(\frac{1}{2}\) 傳。 傳之獨得。」 澧謂: 申,公孫敖卒于齊,公豈得與 叛者五人」,不 師卒」,不 「何邵公不通,若 倘 經者,首重 「公不與小斂」之説 將參 而 書日,爲 取焉 師法,三傳各有得失。 取證 ,恐所取 巽軒言 「盟于包來」下, 「公不與 左傳》, 巽 軒 重 者 以 師 耐 小 適 鑿造 爲是 小斂 斂。 法是 一傳 也。

羊》、《 誠 諸 羊 逵、服虔、許 云:「張蒼、賈誼、尹咸、劉歆後,漢有鄭衆、賈 以三傳各 儒言《左氏 》、《穀梁》, 杜氏 穀梁》以 云: 惠 有 春 「古今言《左氏 適足自 卿 釋《左氏 得失,不可 1秋》而 之等,各爲 皆取《公羊》、《穀 亂。」《集 》。」《正義序》。 偏 詁 春 執 解 訓 秋》者, 序 然雜 家 澧謂 孔 盡 引《公 取 梁, 沖 以 爲 公 此 遠

是,而

其餘

盡

非耳。

鄭君之《箴膏肓》、《發墨

當以 守 毛詩》,宗毛爲主而 **×**′< 起 傳爲主,而 癈 疾》, 即 此 不 有 意 可 不同 也。 盡 即即 以 師 爲是。 此法 法 古 也 當 鄭 重 君 篓 然

欲其歸 法耳。 主。 至 例》謂「左氏 君之治《春秋》,以《左傳》爲主也。 説 也。 文學門》。 但 鄭君注《左傳》未 三傳分門角 其 於一, 書 名 떼 功 遂 不聞 E 最 盡 高」,蓋 集傳 抉 立, 詬争已久。 注《公羊》、《穀梁》, 其 成,以  $\approx$ 藩 其意亦以 則不 籬。 與 È 服 此 子 亦勢 ^ 啖、趙、陸 左 家 陸氏《纂 慎 傳 所 無 是 見 爲 必 師 鄭 世

傳而 奔共」一 信,則不當録之。 出 克段 奔,公追 于鄢. 合爲 劉 原父之書, 句不可信者乎? 」,原父 而 傳。 殺 諸 然所 録 豈有句 即 鄢。」夫 《左傳》而 啖、趙、陸 删 改多 句可 以 既信《公羊》、《 不 改之云: 爲《左傳》 信,獨「太 之法, 當 如 删 大 叔 不 鄭 改 穀 出 可 叔 伯

父作 蓋河 梁》殺 間 他 言河 河千里 沖 人、晉人戰于河曲」、《公羊》云:「曷爲以水地? 春秋》大義,然失之粗疏矣。 地 遠《正 名, 自 非 《權 處皆 南 處 而 直日 段 衡 》云: 處有 流 河 之説 義序》所謂 曲 入塞,至華陰乃曲 河 曲 曲,千 也。」《公羊》之意,嫌河 曲 「若千里一 此 而已,不亦妄乎?」原父之意,以爲三河之 乃 里乃 不 解《公羊 録《左傳 \_ # ° 曲悉可名之河曲 方鑿 而 東流,此秦晉戰 語 但言其 員 **\*** 意而 而 枘」者矣。 曲 删 遽加 曲 不知 改之, 處,即 是三 駁 何 難 地, 處也 河 可 一河之間 此 知 故 曲 又 雖無關 其 解之。 疏矣。 則 如 ൬ 地 孔 無 原 輕

即 其 故不 於天子之事 年,不書即位 云:「不言葬者,以 臣 此 世 一,而皆 子請謚 ·書即位,以見正焉。」十一年「公薨」,孫 最荒謬者,孫明復 條 請 可 竟以 於周 於天子。 知 , 孫 云: 其 、 以 爲 務 侯 古事 與三 侯 Ē 禮 隱公承惠,天子命也, 之《尊王 禮 而 也,五等之制 可 傳 而 葬 以 葬,故 相 也。 隨 反,遂 發 意 微》。 隱雖見弑, 不 而 虚 書焉。」 造 雖 隱元 者。 請 日

存。 乎 ? 范注 有欲患之寡攻羣。 二百四十二年,無事 之也。 子緩不討賊,俾州 矣。隱四年「九月,衛人殺 志,云:「先生治經,不惑傳注。」此爲 猶名其 獨盟 其 日」,然則天王崩 無罪惡者,但當書年,不 公及邾儀父盟于蔑」, 其言于濮者,威公被弑,至此 餘 重之跡,焕 衆説乘之汩其 最 也。 不 歐所作《銘》云: 《春秋》之法,惡甚者日 謬之語,而 通之説 書 以類 爲 然 往往 尊 原、怪迂 不 而求,二百四十二年諸! 可 王耶 書日、 一一一出 止燎以膏薪 可 「聖既没 孫 得 白 枚 明 不惡耳。 孫云: 而 出 入自恣也。」此 亦惡甚 復 ? 舉。 見 雜 書 經遭 爲真。 抄 州吁于濮」,孫 矣。」 時 歐 ,有勇夫子闢浮雲。 襲 「凡書盟者 如 戰 日 陽 乎? 隱 ,其次者時,非 焚,逃 後生 之, 如其 八月,惡 且云「惡 乎 永 元 ? 牽卑 可 叔 藏 年「三月, 説 如 脱 謂 爲 其 其 侯 習 此 亂 甚 不惑 衛臣 所 其 前 意 罪 云 則 僅 聞 欺 慕 者 謂 惡 而 事 剖

不在 摩蔽 斯 蝕 文。」今以斯文考之,是耶? 相 吐 吞 日 日 月 卒 復 光 破 昏。 博 否 哉 耶? 功 利 言不可 無 窮 垠 不 有 慎 考其 也

乎? 假? 案: 其 也。 굸: 之閒 大臣 之,是以 也。 不得 爾 司 趙 弑 足以執之而 盾 此 歐說 乎? 予曰 之于 討 ,聖人加 知 公是 何 弑 公羊》、《 賊 謂 説 : 可 以 其 矣, 見 其君, 豈有司 之弑 先 尤謬。 也 左傳 加 君,加之弑 生 其 否 之也 焉,後 力 生弟子 稱 集 不執 》隱 穀 君 足 知賊 E 中《春 不可 元年 也。」曰: ? 三 曰: 梁》皆 以 然 公, 世 也,然則 討 之起 記》云: 則 疏引何休 1 乎? 死 猶 矣, 死 之于 秋論》下 書 以 亂, 君 也 書 『不知賊之爲 H 『今有 緣 爲 劉子 古 日 謂 而力不能討 其 膏 況 薨 其 隱 歐 育》云: 薨, 非 有 何 勿 人 親 假 篇 陽 人 司 加 平. 殺 日 何 與 V. 從 永 之比 殺 ? 人 : 也 黨 其 從 以 隱 而 叔 者 公生稱 中 君 待 誰 加 知 而 而 日 也。 篇 澧 有 之 其 親 可 桓 免 可 知 而

侯,死稱薨。何因得爲攝者?」歐説依倣於此也。

始。」蓋 篇》。 也。 《春秋直 者爲 爲 乎 傳 或 或 伐 詩》云: 經 有 春 之 傳 家 大 何 衛,大國 惠公之子、 秋繁露》 然其所謂 木 伏羲、文王作《易》,豈豫知後 志 哉 誰 由 安 不 試 信 著乎? 之於 經學 荒 乎? 寧 「《春秋》三傳 問之日 解 也 矣。」 序》云: 使 往 )已有「 傳 風 牽。 去 桓 聘, 此 氣 始 然 此 傳 董生之説已不可 無 公之兄 可 自 使有經 慢 自 慢 無 説 於唐 傳 而 「聖人作經 以 唐 聘 是 其 似 傳 經 而 東 爽 使之事,不 而 頃 使者,晉、 足 之義 而著」之語 乎? 著」者, 然自 高 變。 而 公恐懼 以 閣 無 惑 韓 遂 獨 贵. 傳 失 而 何 文公《寄盧 齊頃 不 遠 矣。 抱遺 卒 魯、 由 豫 何 通 口 見 矣。 溯 世 而 知 知後 由 公公伐 於 終 求 衛 其 經究 實 況 必 方 弑 知 見 經 其 源 有 曹 靈 後 不 則 之 隱 隱 身 孔 作 必 仝 通 泉 公 儒 終 公 無 DU 則

也 且 自 而 著者,聖人雖異 後 + 著之書乎? 儒 翼哉? 經 去傳 也 解經者, 如 使古之三傳 方氏之言,則十 夫聖人之作 人者 彼其 神 所著之書 明,而 口 經, 去, 翼亦可去矣。 所 何 朽没之期 以 不 亦 必 并 傳 之類 待 去 傳 亦 其

而

等。

此皇侃

《論

語

義

疏

序

》語

而

申左篇 王繫《 明,是《春秋》爲廢書矣。」然則《春秋 成。 方 異日有爲之作小序者? 其 丘 後明,亦廢 春秋本意》十二篇,不採三傳 H 綱 明 秋》事略、《左傳 揭 《易》,安知異 其 孔 H 》語 可 月 綱 傳之與經,一 子修《春 書也。 乎? 而 猶經也,目 朱子之修《綱 不晦 日 ○孔巽軒《公羊 不 》事詳 ,永終古 秋 有 可 爲之作 聖人之所爲經,雖 乎? 時 經 體 猶 耐 傳必 年已老矣,故 不敝。」孔 十翼者? 相 事 傳 目 實。 相 通 《明史• 須 学,亦 也 待 義 而 必 言是 ,而行。 叙 巽 成 待婁諒 使 與門 \* \* : 軒 周 婁諒 非 也。 公次 去 無三子者之傳 亦 此即 必 爲此説,又何 「大凡學者 其傳 目 作 待 傳 人 此《史通 《詩》,安知 大惑。 相 而 本意 <u>z</u> 傳 付之 獨 須 而 著 影而 存 而 文 謂 後

> 責 於不知經學者乎?

及至以 然 庶幾可 霸 此。 又云:「所謂 至當之歸,則 君卑 所措 也。 實 人人所知。 ,崇周室, 推 其事皆實。 校《左傳》之事,以 然則學《春秋》者,姑 而 黄楚望云:「凡《左傳》於義 矣。」同· 臣之類 得聖人之旨矣。」趙東山《春 一部《春秋》付 好 爲大言 抑 虚 上。 經旨 若據 人 今有人 諸 辭 人所 侯。 黄 者 者 自 其 氏 明, 知者皆爲 謂 事 無 能 若 之説,最爲 與之,使之著筆 求聖經,此 如尊君 實 誦 所 此 置 澤之 へ, 而 此 之類 置 虚 説, 其 辭,存 虚 所得,實 虚 卑 理 , 其 喙, 醇正。 似 心 一辭,使 臣 秋 最 時 以 乎 師 義 尤爲 爲 而 有 説 求 通 雖 切 勿論 錯 不考 影卷 在於 且. 則 Ŧ. 曉 義 Œ 實 中。 以 莫 腾 理

東 塾 讀 書記 卷十 終

識

事

尊

知

## 東塾讀書記卷十一

番禺陳澧撰

小

學

《毛詩 譯 訓 則言 蓋時有古今,猶地有東西,有南 也。 詁 爾爾 語 詁者古也,古今異言,通之使人知也。 有 周 雅 不通矣。 有 訓 南 翻 釋宫》郭 詁 弱 譯, 雎詁訓傳第一》孔疏語。 則能使古今如旦 則能 注云「通古今之異語」,又孔 地遠,則有 使别 或 翻譯; 如 鄉鄰; 暮 《爾雅 北, , 所謂通之 時遠,則有 相 疏所 洲 方言即 隔 疏 本也。 遠, 襲用 翻 此

也。

訓詁之功大矣哉

漢書・藝文志》云:「古文讀應《爾雅》,

《震》六三「震蘇蘇」,王注云:「位非所處,故懼蘇蘇也。」 《爾雅》」也。 法,如《艮》初六「艮其趾」,王注云: 當云「艮其背,止其所也」,而曰 《史記》采《尚書》,以 如 也」、「鳩、聚也」、亦見《釋詁》、此所謂 寳」作「敬道」,「方鳩」作「旁聚」。 皆見《釋詁 衆也」,「績,功也」,「咸,皆也」,「熙,興 如「庶績咸熙」,《史記》作「衆功皆 故解古今語 《 乾 • 象傳》當云「天行乾」,而曰 以訓 而 其一二字以訓詁代者, 미 詁代正字,自孔子贊《易》 知 也。」此 訓詁 艮 代 謂《尚 「天行健」。 「行无所之,故 其止」。 正 字 書》古文。 王 [興]。 圃 輔 艮 曉 而 嗣 止 寅,敬 已 如「寅 然矣。 其 亦 」然矣。 也, 讀 彖 觀 趾。 用 庶, 傳 應 於 此

煮之也」,此顯然取之毛傳矣。「子子孫孫,漢代經注增人者,如《釋訓》「是刈是濩。濩,自漢代箋注未行之前。」是也。其後則有以之濫觴。」鄭漁仲《爾雅注序》云:「《爾雅》出

多不録 攻害也。」「 引 篇文字 無 極 (塗,甚 0 也 往 E 而 不失時, 可 以 輔 取 穢 嗣 下三十餘 也。 人《 易 睽 見 注 爾 疑 鬼 Ľ. 亦 雅 盈車 也。 有 句皆 用 也 咛 貴於 韻 可 者。 用 郭 遇 怪 注 雨 也。 韻 如 亦 ,必是古人 和 睽 先張之弧,將 有 陰陽 用韻者,文 拳 也。」〇 注 云:

王

解注

亦多有之。

音不 聲, 昄、 簡 條 郝氏 以 以 義 蘭 至 六字雙聲,溥、丕二字雙聲,訏、幠二字雙 内、弘、宏、洪 其字之諧聲定之,又可以古無輕 明之矣。 皋《義 也 所謂 分舌頭 存 阚 乎聲。」卷 廢二字 雅 疏》云: 聲 條內、艐、格二字雙聲,到、弔二字 訓訓 舌上定之。 有今音非雙聲而古音雙聲者, 近、聲轉 詁 三字雙聲,介、嘏、假、京、景 雙聲, 凡 同 聲同、聲近、聲轉之字,其 一條者,其字多雙聲。 澧謂 即 奕、宇、淫三字雙聲。 指 錢辛楣説,見 此 : 此 也。 但言雙聲即 如 養新録 大 唇音及古 也一 》卷五。 可 足 郝

慧也。 也一 聲。 聲。 字以 語,楚聲轉也。」觀於《方言》,則 之出,則仍不改,故成 東或謂之襬。」「牀,齊魯之閒謂之寶,陳楚之閒 同者,蓋 之,故其 内 雙聲,來、戾二字雙聲。 上,則詹讀如 簿、宋魏陳楚江淮之閒謂之苗 而 《釋文》: 郭爲聲,古音讀如 雙聲者,本 墳字今輕屑 秦謂之謾,晉謂之怨。」「帬,陳魏之閒謂之帔,自 條 以 出 内,詹與 時 音 「昄,沈 儋, 有 同 · ; 惟 不 司 與 旋: 音,古 至 ·同,地 到、弔 一意。 一雙聲。 音之末 蒲 雙聲 板 郭, 《爾雅 或謂 又「大也」一 讀 反; 有 雙聲。 意之 重 也。 則 古音 不 不 之麴。」 益明矣 施 脣 與 口 乾: 口 《方言》: 音 介、 所 故 耳 凡 不 郭注 蒲 發 同 分 也 則 嘏 或謂 滿 條 둜 音 舌 反。」「 而 在 與 諸 「虔、儇 内, 「此直 其 末 聲 頭 昄 字 不 條 舌 隨 雙 至 雙 廓 而

則至 已釋之,後世又有 今知之矣。 釋詁》、《釋言》、《 至草 不 木 知 釋 者 蟲 訓 魚 既 鳥 如 通之使 潤 以 王 爾 雎 雅 釋 知 雎 雖

一九六

耳。 雅 其 物 宜 機以爲此秦詩也, 苞 常集 多 鳩 一人機。」 求之陝西 淡遂 (業亦 澧 後 則 於河 陸 釋木》「櫟,其實材」,邢 皆 爲類書之祖 世 雖 顯 機 未 不 又不 疏 洲 河 云: 知 敢 南 此 宜從其方土之言,作櫟是也。」」遭謂 者,亦以其方土故也。 而 秦 信 知 郭 亦 序 雌  $\mp$ 人謂 無 矣。 語 雄 此 雎 害 柞櫟爲櫟, 有 必 爲 疏云: 此 於 求 别 何 以 經 之陝 者 「《詩 博 物。 學。 \_, 乃 河 物 至諸經所無之 内 • 西 諸 顯 「豹鼠 秦 可 人謂 風 ※云: 定 儒 也 河 木蓼 爲 解 南 既 而 爲 山 雎 説 有 辨, 雎 櫟 爾 鳩 鳥 雖 鳩 有

如《 博 義。 序所 餘 而 左 但 不 一傳》曰 釋 謂 云 論 郭 而 故 詁》 其 注於《爾 不 「見《詩》、《 也 能 書 注 有隱滯,援據徵之; 引《 體 强 禁禦不若。」又引《左傳》 更有 記, 例 雅》之難 詩 謹 書》, 作 云 「未詳」者,尤得 嚴,然其 日 注 援 或但 明 胡 引 者, 引 時 不 云 則 書則 承 又 其所易 常常 爲 不 權 語 引 多 復 輿 曰 闕 \_, 此 證 誤 檢 1 疑 蓋蓋 對。 之 其 引 闕 其 百

矣。」通 誤。 也。 有引僞孔 多誤引。 如《釋水》注引《公羊傳》 日 姓 曲 輯 引《 至誤以「疏」字爲「流」字、《公羊》云: 一直。」此誤多「一直」 睦 妥 人何至 《尚書傳》者,尤可 而後傳 孟 邢 引《易》 子 疏 如 \* 或直言其誤, 命。」皆誤 日 此? 曰 : 疑 行 此 鞏用 Ě 或 必 也 : 傳 尼 一字,猶 或云 黄牛之革 之。 寫 河 其 之誤 曲 餘 傳 諸 引《 流 或記 寫之誤。 矣。 篇 河 河 禮 注 古 憶 Ŧ 一, 亦 郭 曲 之 里 注

官 埸 謂  $\overline{Z}$ 注云 地 • 一组 遂人》云: : 畔 邢 則 疏之精善者, 之徑 隰 地 謂 絶 徂 殄 路 絶。」 畛 故 『十夫有 也 得 毛 邢 爲 至 如《 傳 疏 畛 此 日 溝 云 釋 圃 : 言 0 溝上 易 觀 \* 畛, 之, 周 此 畛 有 埸 頌 故 則 畛。」 殄 也 邢 以 也 載 氏 畛 則 之 地 郭 爲 畛

此 於 則 訓 詁 郝 甚 蘭 皋疏 通 情 不 如 能 此 駕 者不多見。 乎 其 上 矣。 若 盡 能 如

皆云: 有『訝 故 大 訝、 實同。 御之。』鄭注 輅鄭人。』杜注云: 不 迓,迎也」,疏云: 識 也 杜 御 雙聲 注 邢 音義 士』及《聘禮》云『厥明訝賓于館』,鄭注 『訝, 當以 且近 疏之於音學 訓 也 爲 實同 迎 <del>궁</del> 迎, 迓爲正字,餘皆假 迎 也。』《召南 是雙聲, 而 是 御,迎 牽引 「輅,迎 「宣三年《 也。 則 未 之乎? 輅 而 也。』字形雖别,音 能 也。』《周禮 邢 音 盡 鵲 左 無 與 明。 巢》云: 傳 借。」此 迓 説,亦足見其 由 不同 如《 不 : 識 釋 百 『狂狡 秋官》 謂 豈得 雙 迓、 詁 聲 義 兩

則 爾 郝 雅 氏之學出於阮文達公。 阚 書》云:「以聲音、文字爲注《爾雅》之本, 邵 雅 二雲、郝蘭 明 其引『生明』、『生 皋二家之疏 文達《與宋定之論 度越前 魄 人矣。 以 證

> 茫, 則深 述聞 「今子爲《爾雅》之學,以 『哉」,引『夏屋』、逸《 語,惜無注之者。 矣。 竦敬,去時舒遲,而借 祁」,毛傳云: 聲音訓 詁,余亟 且》、《釋矢》、《釋鮮》諸篇,旁推 無,無關 尤有 由 》據《廣雅》「童童,盛也」,因謂 得 詁 偏執《廣 , 然好 文達之法。 以 取之。」宋氏 輕重也。」《與 開 「僮僮 雅 執 其門徑 《廣雅 故 ,竦敬也。」「祁祁, 被以言之、毛傳深得其意。 也。 》以説經。 書》以 ○《釋名 也。 書 文達 郝 不 蘭 王 聲音爲 知 「祁祁」亦盛貌 集 如 懷 》純以聲音爲 皋 證 舒遲 「被之僮 祖 己 中 論 權 廣 成 交通 ^ 也。 爾 主 輿」,多 雅 釋 否 雅 」詩意言 僮 疏 而 妙妙 王氏 È 證 ,則失詩 郝 通 光 被 有 契 其 《經義 氏 之祁 祭時 精 釋 有 疏 訓 意

體 日 如 而 月 鄙 見意,上下是也。」然則 詰 畫 有 詘, 説文· 實形,其字固 然。 日 月 指事者,指之而 叙》云 是 也。」「 : 如 指 象 畫 事 形 象 者, 已,不 形 者 古文作 者,畫 視 畫  $\Theta$ 畫 成 而 1 其 可 其 而 小 形 成 識 物 篆變 也。 隨

虚 也。 也。 象屈 專屬 著者也。 形」、「永、長也、象水巠理之長」是也。 也,象草木出有 作日夕耳 口 天大地 形 象回 以一 但 爲分别 徐 曲 則 當以 楚 究盡之形。 山 大人亦大」,而 可 指 金 如 亦有非 之形。 識 而 П 上下 世 畫 以 字形 中, 爲上;以 成 實 业, 不 者 之字,非 則可識 實形者,如 八,象分别相背之形。 則 畫 亦畫 爲 畫一 成爲: 象 高,崇也, 1 大字象 形 爲中 一成也。 指 物者, 如 分别 心,虚者 啚 人,象三合之形 下, 而皆 畫 人形,尤 ,不當以實 如 又有字義不 象臺觀 爲 但 則 止 非 指 以 可 如 事 其 又如 識 下 啚 高 九, 形 非 明 基 畫 爲 指 之

字義之引申,何以爲假借? 必如來本瑞麥, 注明之。之號令,謂之令,爲一縣之尊長,謂之長,此 書。澧令聲託事,令、長是也。」澧嘗疑之,以爲出一縣 也。澧聲託文, 叙》云:「假借者, 本無其字, 依 之義。

〇六書惟

轉

注

難

明。

澧舊有説,刻

於《學海堂二

之義。 書。 也。 此 即令、長二字之例 於東漢,東漢 字、長字,是謂假借 時 縣 剙 僧字是也。 字,而即依託古有之字,則謂之假借 假 世字多,凡 覆思之,乃解本 以 亦 造一 借字 長古本無,而 爲 古 遭今擇存少作人《讀 澧 可 可 行來之來; 少時 字,亦 澧爲此説,恨 剙 也。 剙造一字, 嘗刻所作《六書説 造令、長之字,乃即 昔吾. 後 何 爲 所有 世 以 無其字之説。 古所本 秦漢始有,其 有 西本鳥 友侯 許 書記 也。 乃即 而 不 君舉令、 事 若以 君模 古 》,恐覽者以爲抄襲彼之書,特 得 無之字。 棲,以 》, 有 其 依 本 起 物爲 剙 託 此 無 人抄襲之,刻 亦 君 造 古有之佛 長二字乎? 例推之,許君生 者, 疑 爲 模 蓋古字少而 依 最著者 古所無者, 東 若不 託 而 令長 字 如 西之 質 古 者 佛 · 剙造 其 有 也。 字,此 縣令、 假 是 彼 西 之 然否 則 所 也 **令** 當 如 反 則 後 13 著

道 篇 謂 此 口 難於檢尋。 讀《史籀》、《 篇》、《倉 玉 此 見矣。 里 之語 許君用《急就 之「分 篇》 前 古未 説文· 至 頡 而 别 澧 或 自有《説文》,乃易於檢尋。 篇》、《凡將篇》雜亂無章者不 有之書,許君之所獨 悟 部 倉 今試以 謂 朝《字典》,皆分部,皆《説文》之 叙》云: 得 居 頡 分部之法耳。 篇》語。 未 不 》、《凡將》之類,但憑記 有《説文》之前,學 一二字檢尋《急就篇》即 雜 「分別部居,不相 廁 其 實《急就 蓋 段 許 剙。 懋堂注 君 因 篇 與《史籀 此後 識 雜 ^ 字 不得 憶 可 急 廁。 自 者 以 就 而 疑

也。

大 説 者 此 文》既 實 得 漢人 以 以 用字 考古音、古義 出 無 而 分部之字 多 用 通 通 借,在今日覺其 借字者少矣。 ,書,故 然古· 人所 至 於 以 此《顔氏 岐 古妙,且 用 異 通 耳。 借

**外塾讀** 

遺

法

也

論》。 深通 有者 有者 家訓 書 證 澧 六 篇 也,何必借 也 所謂 ※語 書之人,説 一,何 謂 實 必 焦 許 大 借 里 慎 無 瓠 録 堂 貫 之皆不能了。」《周易 分 部 爲 爲 云 以 壺? 麓 部 ? 之字 分, 如 疑之最久。 壺、瓠二字,本 麓 使 書 不得 録 故 二字 誤」者: 爾, 不 用 吅 本 也。 假 必 諸 借

此永元 《魯詩》、《公羊傳》、今文《禮》」,則 此 此已 氏、《 在 澧反覆思之,此叙云「粤在永 但采一家,其後增采諸 語》、《孝經》,皆古文也。」《易》 二十二年中 建 光 詩》毛氏、《禮》《周官》、《春 難 説 十二年,歲 元 解矣。 文 年 辛 叙 崇芸: ·, 許 西。 段懋堂注云「許書 君 在 相 有增入之字。 庚子也。 「其偁《易》孟 去二十二年矣。 家,而叙文則未及改。 元 許沖上 孟 秋 木 皆難 氏非 左 其始 氏 未 頓 氏 嘗不用 之年」, 書, 古 書》 解 每經 竊 孔 疑 則

100

疑此 至已 事 病 澧答 而 遣子 以 此 説。 Ė 書,尤不 未 幾而小谷計至,不 暇 改耳。 知其 鄭小谷與澧 以 此 説爲 書

之説 聲近 也。 義。 象 爲 此 及乎《詩》、《 口 古文作才。 説 理 畫 引 人 文 || 云: 哉字,則無以定之。 多 其 頭 **無** 申 ,借爲 爾 則 與 義 但 用 雅 聲 邢 爲 其 事 人頭 》「初、哉、首、基」,邢疏 哉始之哉。 可 『從衣,從刀,裁衣之始也。』哉者 《説文》云:『才,草木之初也。』以 氏 之 書》雅記 始之義 諧 實 可 初 是本 故 故 不 始 盡 以《説文》爲本義 皆 以 義 然也。 俱 所 引 从 得言焉。」澧謂 載之言,則不必 此皆造字之本意 基从 衣 申。 从 造初字者, 土 刀會 初 則 字 云:「初者 與 意 地 此 耳。 基 爾 盡 無 近 不 是 雅 也。 首 形 人 口 本 取

形。 許 字 君 有 即 據 數 字 義,古 形 以 説 取 字 義。 見 之義 此 有 以 兩 造 例。 字

> 嘉定王 若以 矦,名 矦也。 許君但 《射義》云: 象 如 其 形 則 之矣,所 得爲諸矣; 義者。」舉尊字,酒器,从酋,収以奉之。 而 則 許 諸 水 「止,下基也。 一,字形 从 射 君 罕 矦 首从 倬 在 **侯**爲 从人从厂,象張 説字形,不説 甫 則 無 理之長」 以 先,射侯之侯,名 収 但 名宗漢, 可 即 名爲 奉, 不中,則不得爲諸 本 「射者,●射爲 説 象之形,故 本 酒於所 義 射矣,不 義。 矦者,以 是 與 象 諸 澧書 尊者。 艸木 也 許 矦 本 君説 爲 義。 布,矢 説 取 其 澧答書以 出 諸 引 「《説文》有 諸 射 在 諸矣也。 一,字 有 矦 本義, 伸 如 矦。 矦 後 址」,「永,長 在其 本義是尊卑之尊,字 故 矣。」 義 「矣,春饗所 之 侯字 也 也 ·形非 讀 矦 又説 説 則 下 佐證之。 然則射 轉 射 許 以 然 倒 義不及本 諸 是也 書者 造字, 造字。 中 本 字 置 矦之 則 矣。 義 也 形 射 禮

<sup>● 「</sup>射」字下,據《禮記注疏·射義》應有「侯」字。

十九。 苟。 慮盡 《孟子》曰:「君子之於物也,愛之而弗仁。」朱 走作」之意皆見矣。段氏《説文注》駁「主一無適」之 注。 即 子云:「人之與人爲同類而 敬」字。《朱子語 ?』曰:『無適之謂一,只是不走作。』」卷六 所 段氏之偏見也。 故从二人,則仁之意見矣。 「苟,自急敕也。」程子以「主一 謂 在此。」卷二十。 又云: 古人造字,其意精微。 「相人偶」也。 「事無大無小,常令自家精神思 仁字、敬字,後儒講之最 从支苟,則「主一無適,不 類》云:「問:『何 阮文達 公《論語論仁論》之説。 相 如仁字,从二人, 親。」《梁惠王》篇 如敬字,从支 無 適 消謂主 多, 解 説

難; 象形 造 子字, 造甲、乙、丙、丁、戊、己、庚、辛、壬、癸十 甚易。 造字有易 象形 造四、五、六、七、八、九字,則 甚 有 易; 難 造丑、寅以下諸字,則 如造一字、二字、三字, 難

而

古人造字早傳其精意矣。

造爲形聲字。此形聲字所以最多也。河皆水,松、柏皆木,造字若何分别? 但可經營也。又如水字、木字,象形甚易,而江、字,則皆難。游心古初,乃知古人意匠慘淡

也。 也。 此上象交兩手,下不露兩足也。 作於,因真書作儿而誤耳。於字解説但云「象形」, 字,解説云:「在人下,故詰屈。」此引「孔子曰」, 種,別名爲犬乎?

,解説云:「兩士相對 也。」此 竊疑上象曲領,左右象兩袖,中二筆象交 裣 者, 令字,解説云:「象覆二人之形。」似 未必然也。 一臂一脛也。 云"「象臂脛之形。」此象人側立形,故只見 秦《琅 又 如 説文》説字形有簡 語 此象人跪,曲 難 大字,解説 邪 解, 碑》襲字下半衣字作令,甚明。 古鐘鼎石鼓文,人字皆作入,不作一。人 疑 有誤字。 其足也。 云:「狗之有 而 未 狗 明者。八字,解 作篆書者,此字多 豈 有 又有可 縣 縣 蹏者 蹏一 不 疑

「从丮月」。其「兩士相對,兵杖在後」,當爲RT、BL之下。只下云「从凡BJ」,則與下當云兵杖在後。」與部在更、民之下,猶只部在

又一説耳。

説文》句部字皆句聲,此在《説文》爲變

使 以義相統。今作《諧聲表》,若盡取而 例。 書,今不傳。 絶作也。」《答段若膺論韻書》。 之類,皆 者曰錢,歹而小者曰殘,貝之小者曰賤,如此 右文者,如戔,小也。水之小者曰淺,金之小 爲右文。古之字書皆從 左,其義 諧聲字半主義,半主聲。 以 《夢溪筆談》云:「王聖美治字學,演其義 相 以 在 統 右。 戔 修貫 戴氏 爲 如木類,其左皆從木。 義 有此説 而 也。」卷十四。 下 如 左文,凡字,其 澧案: 而未著 《説文》九千餘字, 譜繫,則 戴 王氏 此 書。 亦 東 必 原 右文之 列之, 錢溉 傳之 所謂 類在 云 :

亭、程彝齋、江晉三皆嘗爲之,見溉亭《與王無言

聲表》。 卷。 澧少時亦作此書,用段氏十七部分爲 聲者,下一字書之。又諧此字之聲者,又下 一字書之。有高下至四五列者,名曰《説文 未見刻本。 書》,彝齋撰《洪 每卷若干部,以 久已寫定,而 惟姚文僖《説文聲系》有刻 稚存漢魏音後序》,晉三《諧 所諧之聲爲部首 亦未刻也 聲 表》。 本耳。 諧 十七 而 其 皆

《尚書序》疏。 有此 口有聲。 物之象,人目見之,則心有意,意欲達之,則 孔沖遠 遂有此名此字。」《二程遺書》卷一。此説亦微 未名 云:「凡物之名字,自與音義、氣 貴驗》篇引。 名? 時,本亦無名,只是蒼 子思曰:「事自名也,聲自呼 云:「言者,意之聲。 意者,象乎事物 此聲音之理最微 此二語尤能達其 蓋 出 自然之理。 而 蒼然 (妙旨。 音聲 書者 妙者 構之者也。 也。 理 發 也。」《 ,言之記。」 蓋天下事 也。 相 於其 何 通 中 以 程 妙 論 天 便 子

戴

東原云:

鄭康成箋《毛詩》云:『古聲

反論。『賓爵下革,田

鼠

E

騰。

牛哀虎變, 鮌化

校勘記引錢辛楣云:

張

叔、當爲張

升;

皮論

疏

云:

張

叔

皮

以 留 之名,既有文字,以文字爲事物之名,故文字 者,象乎 爲 於異時,於是乎書之爲文字。 意 與聲之迹也 意 而宣之者 也。 未有文字,以聲爲 聲不能傳於異 文字者,所 事 地, 物

甘之形; 字,口如食苦之形,説辛字,口如食辛之形,説甘字,口 字之聲長,短字之聲短。 説 風,放也,氣放散 動 之,天,坦 夫説 兖、冀横 之,天,顯 也 物 也。 聲象乎意者,以脣舌口 説鹹字,口如食鹹之形,故曰以脣舌口氣象之也 更有顯而易見 釋名》云: 口合脣言之,風,氾也,其氣博氾而 青、徐言風, 踧 也,在 也,坦 上高 然 也。 「天,豫、司、兖、冀以 者,如大字之聲大,小字之聲小,長 又如 高 顯 此 而 説酸字,口如食酸之形,説苦 也。 遠也。」「風,豫、司、 以 П 脣 氣象之也。 開 青、徐以 舌 脣 П 推氣言之, 氣象之之 舌 舌 此鄒特 頭言 腹言 如 食 年傳「今夢黄熊入于寢門」,孔 論

酤多。 衆矣。」《論語》「多見其不知量也」,那 多、衹同音。 蒸韻 本作『衹見疏』。 言叛,衹見疏 法言蓋知之矣,故《切韻》以 填、寘、塵 雄與陵爲韻。 陵,有夫出 最精通者,《左傳》孔 鍾 江後》。 同」、『古讀某爲某』之類,不一而足。」《書廣 三部之下,不以次於陽、唐 陵,是其事也。」襄二十九年傳「欲之而 澧案: 皇恩 同。』及注他經,言『古者,聲某 征 溥,洪德施。」施 張衡《西京賦》云:『炙炮夥,清 也」,孔疏云:「『多見疏』,服 《 詩 鄭君之後,罕有 而喪其雄」,孔 晉宋杜本皆作『多』。 ・無羊》、《正月》皆 疏。 襄十年傳「兆 江 與 疏 部次 二部 説 疏用 (多爲 云: 古 此 於東、 音 下 古 韻 也。 者。 以 古人 此 昭 雄 如 韻 虔 讀 韻 其 山 某 川

音爲 音,乃不識古音之甚 韻 信、陸績之屬皆以 疑 音,故阿 云 : 羹與房、漿、糠爲韻。 頌 疏 音。』」昭十一年傳「楚子 爲 疏 云:『古人讀 尚 熊。 據 則 亦 云 書 姚信之義 本 劉 郎 閟宫》、《楚辭 阿,倚 乾卦 炫 耳。」《左傳》疏之精通 「古者羹 久 於 亦倚 太甲 舊 劉 血 象》曰: 其 疏 爲 炫 雄 造爲造至之造。 也。」《尚書》孔疏識 孔 惟 讀 爲 也。 燐, 者 與 非 臛 嗣 本。 疏 「大人造也。」孔 也。」孔 熊者,皆于陵 積 愈 王 之字,音 招 尚 知 但近 灰 蓋 不 魂》與 書》 《左傳 沖 劉 生 「古人所 惠 城陳、蔡、不羹」,孔 遠 孔 今 案: 炫 世 于 蠅。」著 以 疏 流、 亦 造 疏 識 以 史 团 據 古音者,惟 古音如 云: 爲 、《尚 字 游 反,張 《象 劉 古音歟 來 衡 焯、 訓 讀 「造,爲 郎。 獨 念急 作 書 》辭皆 爲 问、 》疏 劉 僞 訓 郎 此 以 就 叔 故《 炫 此 ? 上下爲 之識 至 也 倚 孔 篇 王 此 用 爲 分 條。 本。 傳 魯 同 僞 此 地 舊 劭 兩 姚 古 如 +

者。 「斥 『或羣或友』,『以 究。」《夢溪筆談》云:「觀 門,乃亦音仍,他皆放此。 止」,『魚麗于罶,鰋 而 佩玖』;『投我以 左右』,『令聞不已』,『膳夫左右』,『無不 此 後,❶歲其有。 里」,『十干維耦』, 遭案: 耦與里不同 非聲,蓋古之字音多 如玖字、有字多 極 説文》: 多。」卷十四。 訴,从言斥聲。」徐 木李,報之以瓊玖」; 君子有穀,貽孫子』; 燕天子』;『彼留之子,遺我 徐與沈,亦頗 鯉。 與李字 君子有 古人諧 與 古今失傳,不 今 異, 協 聲,有 酒 用 知 旨且 古音也 韻。 如 鉉 如 釁 等 『陟 『自今 ^ 有」, 亦 可 可  $\Box$ 詩 能 降 音 解

於《 如《關 鼓 張皋文《説文諧聲譜》有絲 鐘 雎》首章,鳩、 》三章 鼕、 洲、 洲 妯、 述述三 猶 韻,以 四 韻 牽繩貫之法。 洲字 則 鳩、 牽貫 洲

音,不

出於沖遠矣

古 仇 仇 口 逑 字亦 韻 字 者 韻 矣。 也 九 妯、 則 鳩 猶 張皋文著此譜 初學者依 以 六 洲 字 鳩 逑、 字 同 牽 此法 鼛、 未成,其子 貫 韻 妯、 於《 牽貫之,則 也 猶 兔 彦惟 又 逵、 置 鳩 續  $\stackrel{>}{\sim}$ 成 字 仇 之。 無 章 九 八字 不 澧 聲, 逵、 識 昔

至其家見之,尚未刻

梓,今不知已刻否

與支爲 收。 濁 爲 删 青 之末,亦 仴 咸 音. 清 爲 部。 爲 先 蒸 音如 歌 如 鄭 爲 爲 部,皆收閉 之末 庠 怡,微、齊、佳、灰之末,亦 部, 如 部 於、烏,濁音如 分古韻 支韻之末,直往不收,但清音 部、皆收 部 烏 未 也 如 當 皆 胡 阳 也 魚、虞韻之末,亦直往 爲 收 脣音也。 當 何,麻 舌抵齶音也。 六部, 鼻 與 歌、 音 魚、虞 余、胡、蕭、肴、豪、尤 之末, 麻 也。 東、冬、江、 支、微、齊、佳 爲 真、文、元、 韻 如 如伊 侵、覃、 譁 亦 部。 直 ん恰 陽、 華 不 如 鄭 往 · 、灰 此 收, 故 寒、 庚、 伊 鹽 庠 不 當

也。 舌抵 大界限 魚、 謂 愈所用 段 當 用 一懋堂 開 合 直往 一體音 虞 П 雖 爲 呼 同 不收者 於古韻 即 甚 <del>=</del> 之字。 而 明 泥 部 部 於 母、 也 譁 鄭 即 歌 周 未 孃 影、 鄭 氏 華二 澧細審 秦 能 母 喻 之出 説 庠 麻 未 合,然若移蕭 字 曉 合於漢、魏 以 自 能 合 一之,鼻音即字 音 匣 此  $\Box$ 也。 爲 合。」《六書 四 呼, 合 母之出 閉 尚 部 於 脣 未 魚 音 及 母 、肴、豪 精 音 則 疑母 音 密, 即 唐 也 於 明 均 杜 乃 之出 母 表 借 尤 非 之出 甫 韻之 用 音 也 韓 耳 與

亭林; 古音 書》而 言之意 生 者 林 也。 於 始 願 ,乃古音明 作《音學五 或 三代之世 識字 諸 朝 也。 不及者也。 諸儒, 儒 音, 讀《説文》 吾 其識 輩 小 書 識 而 生 學 其 蓋 字 古 諸老先 度越千古。 文字 亭林、 義 字形、字音 義 而 乃 往 識 及 之意 往因 字形,讀《 自 生之後, 語 然 音 之 之理。 其 所 惟 而 自 以 始 欲 明 實 音 識 載 今 由 爲 學 其 字 此 此 人 於 厚 五. 所 猶 亭 顧

## 東塾讀書記卷十一

番禺陳澧撰

粹。」劉

彦

和

論

《禮記

》所

取諸篇,昌

黎總

粹之類也。」昌黎《讀荀子》則云:「時若

粹者入矩。

三年問喪,寫乎荀子之書。

此純

不

醇

經」之證也。《文心雕龍•諸子篇》云:

其

純

諸 子 書

問 著,載在 首篇,而以《宥坐篇》末『見大水』一則附之。 本》篇,亦出 珉』,亦與《德行篇》大同。 大戴 引,俱出《樂論篇》。 經 《哀公問五義》出《哀公篇》之首,則知荀子所 》全出《禮論篇》。 韓昌黎《進學解》 謝 二戴《記》者尚多。」澧謂:此「吐辭爲 金圃《荀子序》云:「小戴所傳《三年 浸禮 論 篇 《樂記》、《鄉 **%** 《聘義》『子貢貴玉 稱孟、荀二儒,「吐辭 《勸學篇》即《荀子》 所傳《禮 飲 酒 義》所 賤 爲

《苟子》暮闱绘即曰:「墨下可以豆。 青,之,言各有當也。

非子思、孟子之語。 語,亦倍多於它囂之等。 田駢也、惠施、鄧析也。 魏牟也,陳仲、史鮪 耳。其《非十二子》,實專攻子思、孟 曰:「子思、孟軻之罪也。」且非子思、孟子之 也。」《日鈔》卷五十五。 東發云:「欲排二子而去之,以自繼孔子之傳 然則所謂 取之於藍 《荀子》書開卷即曰:「學不可以已。 而青於藍。 「學不可 《困學紀聞 以 故其非十子,但曰 也,墨翟、宋 已」者,欲求 冰,水爲之而 》遂謂 《韓詩外傳》取此篇 獨於子思、孟子,則 非子思、孟子者、爲 鈃也,慎 勝於前 寒於水。」 子。黄 它囂 而删 青, 到 其.

非、李斯之流、託

其

師説以毀聖

賢

此

欲爲

荷子

П

護

思、 矣。 然又云: 知 唱之,孟軻和之,世 先君子之言也。』楊倞注 有子、子貢、子夏諸賢,亦似效荀子 菴,又從而 後 爲 其 來王子雍之於鄭 兹厚於後 孟子得孔子之傳矣。 其言曰 所 直 非 哉 也。 一效之。 世 史 一。」據 案 遂受 魚 飾 ! 夫 其 以 此,則當 而 一俗之溝猶瞀 亦 康 爲 辭 云:「先君子,孔子也。」子思 傳之,以 盜 可 成 而 名 尚 · 陸 也 以 祇 可 可 不 時 敬 乎? 子静之於 排 必 儒者皆深信 之, 爲 儒 矣。 而 仲 則 嚾 去之乎? 亦 尼、 不 陸 嚾 能 子 朱 子 然不 此 静 П 游 子 真 晦 護 詆

耆飲 言,可 之賤 衣冠 辭 於子張、子夏氏 禹 儒 齊 食 以 非十二子篇》又云:「弟佗其冠 行 想見子夏門人之氣象。」「 也。」《困學紀聞》云: 是子 其 而 顔 舜趨,是子張 色,嗛 游 氏 何 之賤 然而 以 獨 儒 荀 終日不言,是子 惡子游如 氏 偷 也。 卿之譏毀過矣。 之賤 儒 此 憚 事 詆 儒 此? ·, 無 也 子 神 游 廉 然因 夏氏 IE. 觀 禫 氏 恥 其 其 其 其 甚 而 外 獨 古

於後世」,或子思、孟子之學出 非 学 思、 孟子云「世 俗 以 爲 仲 於子 尼、 子 游 游 歟 爲 兹 厚

麋於、 者,❷將 狄, 人欲 其所利,而與之通 欲求北狄,●不知其所 所以弱之之術也。 已乎? X 夷 此 是彊 大 弱 衣食矣。 與 孔叢子》云:「趙 」《陳士義篇》。 而 夷狄之術, 以我 段,讀之令人感 中 之也, 弱之,若與交市 或 無 交市,彼 殆 用之貨,取其有 可乎? 可 市, 而 舉 如 ^ 今夷 IE. 孔 棰 斯不 則自至矣。』王 以然。』答曰:『誘之以 王問 憤 叢 以 而 答 分分 狄 無 驅之, 不 已,則夷狄之用 子 僞  $\Box$ 以之弱 믄 我國 用 順 書 : 用 之 曰:『今寡 之物。 贵 貨,散 物 自 口 夫 徒 中 弱 取 明 與 弱 或 者 我 以 之 之而 是 於 來, 少, 也。 故 寡 L 將 市 夷 悲

0

與」上、《孔叢子》有

求」、《孔叢子》、《四 一部叢 刊》影 明 翻宋本)作「來」。

也 後 不 夫 取 後 其 一往 取 世 貨 其 當 者 則 無 有 不 彼 用 讀 可 失其 之貨, 孔 諫, 子 (所利 來 順 乃 之言 者 中 猶 是 或 可 而 即 自 追 得 弱 彊 治 夷 之 自 狄 夷 術 之術 狄 今 也。 之 以

術

者

乎

地 與 江 能 騒 世 不 兮,吾方 與。」有天資,有學力, 爲 也 重華 獨 愠 兮 。」又云:「汩吾若將不及兮,恐年歲之不  $\overset{\sim}{\preceq}$ 屈原之文 立 比 戰 與與 橘 遊 國 壽 頌 横 高 被 一分瑶 時 古聖人 紛 而 與 馳 明 儒 吾 雖 不 日 而 月 之圃 家之書存於今者,鮮矣。 既 流兮。」 詩 深 月 不 兮 爲 有 賦 兮 顧 佩 徒,高矣,美矣,足以 固 家,其 此 齊 登崑 寶 一難徙, 耐 内美 此《 光。」此言 駕 璐 又 青虬 崙 世 及時 學 中 廓其 兮, 一一一一 則 ·庸》所 溷 兮驂 自 儒 又 濁 無 玉英,與 家 勉 人不 重之以 求兮。 而 謂 白 也。 也 莫 螭 澧以 不 知 余 强 《涉 哉 蘇 朽 天 吾 知 吾 離 修 而

學。 第二 宋玉 名兮, 朱子《楚辭 雅 獨 世 矯 素餐。」其《 不 獨 荷 而 亦 處」,非夸語 書 此尤非朱子不足以知之也 也 耿 爲 吾 顯榮兮,非余心之所樂。 而 寧 介 罪 師 爲 集 此 窮 而 筆 人 温 注 對 靈 處 不 真 者,烏足以 語 楚王 均 隨 而 竊 可 也 未 之學 景 有駱 守 兮, 謂 慕 問》 高。 差《大 杜. 詩 儒 賓王 願 也 人之遺 雅 子 自 慕 知之! 食不 矣,真 招 美稱之曰 謂 先 字,已罵 宋 聖之遺 近 玉 瑰 媮 風 於 可 與 皇 意 兮, 而 九 儒 宋 其 師 甫 者 琦 爲 玉 辨 持 無 教。 矣。 願 八爲罪 窮 行, 飽 īĒ. 風 理 託 義 亦 答李 人。 經 超 彼 流 志 而 處 云 世 駡 儒 伙 平. 濁 衣 有 > 0

之仇 度則 醇之語 倉 廩 六 ^ 讎 管子》之書、《 實 , 其 親 也。」「 而 古 餘 知 則 几 禮 法 甚 維 者, 節 駁 文史記 不 衣 民之父母 雜。 張 食 》采 或 足 其言 人《 乃 而 滅 知 日 列 也。」《法法 Ľ. 榮 傳 「惠者 辱。 者 此 最 上  $\Box$ 篇 民 服 精

同上。 謂 其宫,開 如 《管子》列 名。」《樞言》。「督言 又有云: 法令也。」《明法解》。 勢也。」「百姓之争 管子》書 亂 之道。」同 此 凡 類者 ,静之而 如 之不敢 其門,去私毋言,神明若存。 此 物 有 ,名家之言也。 敷? 於法家,或後之法家 類 Ŀ 載 名則 浴者,法 欺 自 名 天日 **直** 主者,非愛主也,以 治 而 甪,非 治 凡 來,聖 齋 IE. 家 書 强 虚,地曰静,乃不伐。 名,故 無 録解 語 所 不 以 謂 名 也 人因 又 能 題 愛主也,以畏主之 忠 則 》謂 云  $\Box$ 徧 臣 故《藝文志》以 亂。 而 聖 《管子》似 立,智不 |者、務| 以 財之。」同 人。」《心術 虚 其説 治 畏主之威 紛乎 無 者 明 非 無 能 以 附 術 法 形 杰 其 潔 上。 其 家 於 F.

篇》則 其事 典 後 而 之書,蓋欲 之學矣。 者,於此 聽兼愛之説。」此尤後人所依託 況 • 世 機 《管子》書所用權術,後世多不 輕重篇》載 由於虚造,或當時 人 農家 權 皆 可見其大略。 之術, 狡猾,不復 發 者 明 流 其事 千變萬 新 意 **《藝** , 隨 而自 口 文 人 蓋 化。 時 以 心 一家之書 志》農家 注云:「凡問 制 此 近 若 事 古 欺 也。 二楷 之 其 可 之 ·可用。 而 道 矣。 其《 以 書 有 模, 無 欺 古人 無 地 Ŧi. 或 則 通 員 存

可復理亂秦之緒。」《後漢書》本傳。 趙邠卿云: 止 可復若三皇之道。」《孟子・滕文公章句》上。 政論》云: 云 《老子》云:「使人復結繩 「蓋三皇之道 「俗士苦不 「五帝以來,有禮 也 知 ]。]《郡 變, 以 義 齋 而 讀 爲 上下之事,不 好老子之説 用之。」 書 志 繩 巻三上 之約 崔 晁子 寔

同上。

此則老子之説矣。又云:「仁從中出

抑

告子之徒所依託者歟?

又云:「人君唯毋

義

從

作

。」《戒篇》。

告子

之說,

出

於此

歟

?

謀。

故必知不言無

爲之事,然後知道之紀。」

同

刻舟膠柱

耳。

者,當言所以化之之術。曰歸之太古,非愚則誣。」其間? 必制作於其間,爲太古之不可行也。吾以爲識治亂《太古篇》云:「太古之道,果可行之萬世,聖人惡用制作於者,自以爲高,而不知適成爲俗士也。王介甫

說般若波羅蜜,即非般若波羅蜜是也。一書,皆是此意。」澧謂佛氏書亦然。如云佛所謂「正言若反」也。吴草廬注云:「《老子》

與人之所見相反,而使人不可測知。孫、吴、奪之,必固與之。」吴草廬注云:「老子大概欲之,必固强之。將欲廢之,必固興之。將欲弱其身後之。」「將欲歙之,必固張之。將欲弱其身後之。」「將欲歙之,必固張之。將欲弱

申、韓之徒、用其權術、陷人於死而 其事,革其謀,使人無識。」《九地篇》。 示之不用,近而示之遠,遠 篇》。又云:「能愚士卒之耳目,使之無知。易 云:「兵者,詭道 其立言不能 術也。吴子則無此等語,草廬連及之耳。 無 弊,有以 也。 故能而示之不能 啟之。」澧案:《孫子 而示之近。」《始計 此老子之 人不 別用而 知

《書》,以愚黔首。」程子云:「秦之愚黔首,其 商鞅。 術蓋亦出於老子。」《二程遺書》卷十五。 澧案:韓 不貴學則愚,愚則無外交,國安不殆。」《墾令 中。 今。」《和氏篇》。○《困學紀聞》云:「《史記·商君傳》不言 非云:「商君教秦孝公燔《詩》、《書》而行 吴草廬注云:「其流之弊,則爲秦之燔《詩》、 『燔《詩》、《書》』。」何義門評云:「意者,商鞅 至李斯,乃 「古之善爲道者、非以明民、將以愚之。」 姚姬傳、 流毒天下。」是「燔《詩》、《書》」始於 、洪稚存 皆有此説。 故其言曰 所燔,止 於 法 或

篇》。 韓 秦始皇焚書 民乃可與論 絶 非 聖棄智,大盜 之學, 韓 非 亦 出 · 而 議。」《胠篋篇 云 於 勝 老子、 乃止。 羣臣 、廣大盜 商 爲學者可 殫 鞅 乃 惜乎 殘 也。 起 天下之聖法, 也 1 亡。」《亡徵 莊 莊子不 子 亦 云 篇 見 而 :

亂。 下怨, 之順 之所 民 之,謂之禮智。」《上仁篇》。 行之,謂之道 爲是言 子之言。 而 之所 亂 而 畏 也、聖人之所以 之首。」文子述老子之言,則 後義,失義而 几 老子云:「 無 耳。 貴 經不立 也。 仁 老氏之徒,知仁、義、禮之不 也。 則下 然又恐背老子之旨,故又云: 禮者,民之所 德 仁者,民之所 ,謂之無 失道 争, 後禮。 淺 而後 御 無 行之,謂之仁 萬 道 義 此 20 |《道: 物也。 德,失德 夫禮者,忠信 則 敬 所 下 也。 懷 謂 德篇》。 暴 也。 遁 云: 君子無德 此 而 無 辭 義。 四者,文 義者,民 後 可 禮 也。 此 德者, 之薄, 仁,失 薄 無 非 則 **©**史 行 深 而 老 下 則

則文子蓋嘗爲儒家之學,故依違於二者之間也。記・孟荀列傳》索隱引《別録》云:「文子,子夏之弟子。」然

《莊》諸家 等,皆 景因之 已盛 變黄 注《莊子》,實自晉議 言『嵇康好言老莊』,老莊 駢、接子、環淵 乃盛行也。 司 傅氏、徐 即 上公老子章句 馬 以注二家者 (老) 彪、 行矣 洪 西 以 稚 耐 郭象、李 氏、河 漢 注 存 稱 致 郭 以前 《史記 甚詳。 老莊 治。 象 ,皆學黄 而 莊 L. 白 人也,無 子 頤 論,爲《老子》解 公、 至 孟. 注叙》。 至黄老之學,則 等繼之。」聚文堂王 陳 漢 漢 郎清 劉 壽《 老道 末 荀列傳》云:「慎到 興,黄老之學 向、 河 有 澧 魏 祖 並 德之術。」蓋 崔譔始, 言 毌 案 志 尚 稱 及《莊子 丘 玄 "; 實 義 望之、 此  $\pm$ 虚 者,鄰 不自 始 考《 於是 粲 盛行,文 氏 而 向秀、 傳》末 合 於此。 嚴 其 老 漢 刻 氏 **河** 導 始 田 時 興

漢桓帝事黄老道、《後漢書・循吏・王涣傳》。

其 張 末 角 亦 奉 以 黄 黄 (老道。 老 亂 《皇甫 嗚 呼 嵩 傳 可 \* 不戒哉 漢 初 以 黄 老治

持 稚存云「始於嵇康」,亦非 書 嵇 冀草奏李 一者皆可 叔 飢 夜讀《莊 後遂 道 此《漢書 木 家者流,歷 悔 爲 固。 爲 歎 好 司 》、《老》,重增其放,《與 藝文志》語。 《後 以 老莊之戒 馬 爲 漢書 昭 記存亡禍 非 所殺。 [》本傳。 老 莊 也。 馬季 所謂 此誤 福 此 馬 長 ,知「卑弱 季長已言老莊,洪 誤 ,其後遂 不 於 於卑弱 應鄧 Ш 放 巨 縱 源 騭 爲 以 絶交 也。 也。 之 梁 自

也。」《德充符》。 子 子之與己,皆天之所子。」《人間 語。 莊 張横渠《西銘》即此意。 子》云:「自 此託 爲 其 孔 同 子 者視 語。 世 之, 又云: 萬 此 託 物 爲 知天 皆 顔

託  $\vdash$ 爲孔顔問答。 唯道 莊子》云: 集虚。 吕與叔有詩云:「學如 顔 虚者,心 П  $\Box$ : 齋也。』」《人間世》。 『敢問 心齋?』仲 元 凱 此 尼 方

> 録》。 只輸 成 癖,文 此 顔 則誤以《莊子》寓言爲孔顏之學矣。 氏 似 得 相 心 如 齋。 始 」《二程遺 類 俳。 書》卷十八。 獨 立 孔 門 又見 無 î L 一蔡語 事

子• 學原於此 惜貴重此身,不肯以之爲天下。」楊朱 身爲天下,則可 云 : 者也。」《儒效篇》。 談議説,已無異於老、墨,而不知分,是俗 則子之言當矣。」《列子・楊朱篇》。 禽滑釐問 寓言篇》。 「故貴以身爲天下,則可以 楊朱 楊 是老子弟子。 《莊子》云:「陽子居。」子居,蓋朱之字。 朱云: 以 所謂老、墨即 託 「以子之言,問老聃、 天下。」吴草廬注 見《列子・黄帝篇》及 楊、 寄天下。 荀子云: 墨也。 云: 爲 舅 我之 愛以 老子 愛 尹 <sup>《</sup>莊 故

楊朱云:「百年之壽大齊。● 得百年者,

❶ 「之壽」,楊伯峻《列子集釋》(中華書局一九七九年版

之中 除 子 崇云: 子• 厚復 哉 ? 矣。 能 觀 時 刑 慮者 其 其 千 病 (半矣。 自 聽 之虚譽 賞之所禁勸 半 無 ·, 不 瘦、 不可 , 惜 肆 亦亡一 矣 。 量十數 朱篇》。 奚樂哉? 焉。 於 過 死 身 見規死 常常 痛 夜 喪、憂患 意之 几 1 〇以下 厭 時 年之中 疾 眠 設 時 壽 Ŧi. ,名法之所進 足,聲色不 之 哀苦,亡失憂 有 後之餘 是 日 之中 百 引楊朱語 爲 所 重 成,中 非 而 美 ', 逌 其 者, 囚 弭 己 爾 厚 纍 榮 矣 中 徒 然 晝 孩 爾,爲 皆 梏 壽 ; 口 開 失 則 覺 而 抱 《列子 偊 退。 常 八十,下 天 懼,又 當  $\Box$ 何 人之 自 之 以 偊 聲 翫 與 而 以 年 所 楊朱篇》。 得,亡介焉 逮 遑遑 爾 色 聞 之至 生也, 遺,又 笑 地 異 昏 幾 爾 順 者 . 壽 哉?」《列 無 老, 耳 爾 居 乃 六十。 樂,不 窮,人 目之 奚 競 復 其 幾 幾 而 《 莊 月 爲 美 爲 之 半 居 居 言 説 

剥之也 養其 忽然 莊 IE. 剽剥 Ŧi. 子 壽 無 同 百 篇 命 異 儒 齊 騏 者 物論 故 \(\bar{Z}\) 墨。」莊子是楊朱之學,故言儒、 驥之馳 皆: 楊 一莊、 \* \* : 子 非 楊,蕩 雲 通 儒、 過 云 道 隙 墨之是非。」《史記 耐 莊、楊、 者 也。 不 也 · 法; ]。|《盗 不 墨、 墨、 能 晏, 蹠篇 墨 説 晏 儉 之是 其 也 愐 莊 志 非 廢 此 周 禮 而 《法 傳

之民。 位,則 矣。 案 : 人不損 安,野人之所美,謂 矜貴,何羨名? 何羨貨? 此之謂 諸掌」,又述其 然欲 楊朱之學,此 ^ 朝無篡弑 列子》言「楊 各安 一毫,人人不 如 其 此,必 所安,各 言云: 之臣;不羨貨 不要勢,何 其 順民也。」又云:「野人之所 先 朱 天下 大略 利天 使天下 見 不 美其 梁 無 也。 逆 下, 王,言 過者。」又云:「人 羡位? 命 無 所 利, 天 蓋 , 何 窮 美 下 則 治 人 民 羨壽 故 治 天 野 人 不貪 而 天 不 下 矣。」澧 無 後 下 羨 盜 如 可。 富 名 治 竊 不 運

死

者

有

時

操

有

時

之具,而

託

於

無

窮

之間,

冬。 品 頗 無 彼其 有 無 人莫知者,以獻吾君,將有重賞。』」然田 近 頗 不 田 緼 於儒 高 可 言 黂以過冬,何能 則安有東作乎? 暨 通者矣。 日 春 耳。 故《孟 東 作, 宋 子》曰 惟「不逆命」 或 自 曝 有 待 : 於 田 此雖 春日負暄乎? 逃楊 Ħ, 夫, 曰: 數 常 寓言,然其説 ,必歸於儒 語 衣 『負 緼 可見其 日 黂 之暄 夫若 以 且. 蓋 人 過 則 使 君」,所謂

彼四 之不 塊 孔; 被愚暴之名。 之所取也。 無 無 天下之惡,歸之桀、紂。 知 聖雖美之所歸,苦以 以 日之歡,死有萬世之名。 楊朱云: 雖 異矣。 稱之弗知,此 雖稱之弗 彼二 實者,固 「天下之美,歸之舜、禹、 凶 也,生有 知、雖賞之不知、與株 非 與株塊奚以異矣! 至終,同 名之所與 凡 名者 從欲之歡 彼 歸於死矣。 四 也。 古 聖者,生 非 雖 周、 毁 死 實

非好辯也。善與惡,皆掃而空之,已似後世禪家宗旨矣。矣。」以舜、禹、周、孔儕於桀紂,孟子之距之,彼二凶雖惡之所歸,樂以至終,亦同歸於死

忠 義,不足以利物,適 事 ·君,以 楊朱云:「忠,不足以安君,適足以危身。 義 利 物 足以 也。 此 害生。」然則 ^ 孟 子》 所 不 謂 必以 無

「充塞仁義」也。

紀。 空中之一 無 盡 八方有極 『物之終始,初無極已。』殷湯曰 敗是非,無不消滅。」《列 盡 。』」《湯問篇》。 無極 但伏羲以 楊朱云:「太古至於今日,年數固 細物。」」《天瑞篇》。 之外,復 盡乎?』革曰:『無則 來三十餘 又 云: 無 無 長 極 子 萬 ž 歲,賢 澧案:《列子》此 廬子曰:『天地 無 盡 無 『然則上 之中, 愚 極,有則有 夏革 好 不可勝 醜 復 E 無 下 成

●「以」上、《列子集釋》有「僅」字。

子册》云: 所 氏之學。 虚?こ列 子 之人事,無不消 而 所以 Ħ. 述 諸 無 亦 貴 説 「《列子》書,時 無 子乃中 出 《子史精華· 虚 既 極 於楊。」又云: 也。 天 以 國之佛 滅,何 爲 《天瑞篇》: 地 始終無 有合於釋氏。」《朱子語類 但 釋道部》采《列子》、《莊子 「《列子》言 爲 難 也 空中 舉 「或謂 極,上 而 黄 細 Ш 空之乎? 語 子列子曰: 谷 物,三十 下八方無 多與 《跋亡 佛 弟 經 「子奚貴 》同於宗 相 嗣 此列 萬 功 類 極 佛 歲 列 與

瑞篇》。 往 暫 曉 往 一反。故死於是者,安知不生於彼?』」《天 讀 書齋 。」《列子》云:「林類 楊 此 朱云: 初 即 録 輪迴之説 》皆以 「太古之人,知 爲釋氏之説 也。 出於此 曰 : 錢辛楣《養新録》、 生之暫來,死 『死之與 生,一 洪稚 之 存

門者十餘條

身,以 蘄 久生,可 孟 蘄 孫 不 陽 乎?」曰:「理無久生。 死 問 楊子曰:「有人於此,貴 可乎?」曰:「理 無 不死。」「以 且久生奚 生愛

别君、兼君之目。

用楊氏之説者爲别君,用墨氏之説者爲兼

子所 爲? 何遽 矣。」楊子曰:「不然,究其所之,以放於 孫陽 佛 氏同 距 遲 百年猶厭 ,然猶高 速 「若然,則踐 於其間乎?」觀 其多 於後世神仙 **元** 鋒 久生之苦 刃 此 家 入湯火,得所志 則楊 也 也 以生爲苦,亦 朱 乎? 雖 爲 盡 孟

澧案: 行若此。 病,不侍養。 親 ? 兼愛,兩家争辯,故 士於天下。』』《兼愛下篇》。 身,爲其友之親,若爲其親。 聞爲高士於天下者,必爲其友之身,若爲吾 友之身,若爲吾身? 此謂 是故退睹其友飢,即不食,寒,即不 墨子》云:「别士之言曰: 友飢, 兼士之言不然,行 死喪,不 而 不餽以 有别 食; · 葬 爲吾 士、兼 當 埋。 友寒,而 時 友之 亦不然,曰:『吾 别 楊 然後 士之目 吾豈 不贈以 氏 士之言若 親 爲 可 , 若 我, 衣也。 也 以 能 爲 墨氏 爲 爲 又有 此 疾 吾 吾

君 也

**三**國 之何。 氏之學。 志在 守 ? 墨翟 則 疎, 朱守静之術,外無墨翟務時之風。」」「務時」二字,足以 無 墨翟之計最密。 志 如 必死,則 兼愛、非 蕃其 諸子之學皆欲 之何。 商鞅、韓非皆欲人畏懼,而自 劉 巴傳 人民,積其貨財,精 攻,人來攻,則 可以守矣。 注 老子欲人愚,然人詐 引《零陵先賢傳》云: 以 楊朱欲人不貪,然人貪, 治天下,而 此墨翟之所長 我堅守。 其器 巴曰 楊朱之計最 械,而 二, 則 禍其身。 何 「内無楊 無如 以 盡 也。 又 爲 墨

所謂 脱誤難解。 備 墨 迎 敵 子刊誤》,是正頗多 突》、《備穴》、《 墨守」也。 祠 備 》、《旗 城門》、《備 近者,藤 幟》、《號令》、《 此 備 乃最古之兵書,惜其文多 高臨》、《備梯》、《備水》、 蛾附 縣 有稍 蘇時學舉人,字爻山 》、畢氏注云: 稍 可讀矣。 襍守》十一 「蛾同 篇 . 螘。 著

云:「墨者鉅子孟勝,善荆之陽 《淮南子》云:「墨子服役者百八十人,皆可 子者。 將屬 之言、弱請先死以除路。」還 令守於國。 德 之者百八十三人。 因使二人傳 無益也。 人之國,不能死,不可。]其弟子 陽城君與焉。 赴火蹈刃,死不還 愠,是猶欲糶糴,讐則 曰: 『子欲學子之子,今學成矣,戰 云:「句上當有「二人」二字,以猶已也。」遂反死之。」《上 篇 鉅子於宋之田 魯問篇》云:「魯人有因子墨子 其子戰 案: 而絕墨者於世,不可。」 墨 荆王薨,羣臣 鉅子於田 氏所謂鉅子,猶沙門傳 荆罪之,收其國。 而 死,其父讓子墨子。 踵 以致令於田 襄子。』徐 。」《泰族訓》。 [襄子。 愠 攻吴起,兵於喪所 也。二 殁 孟 弱 城 衣者 頭 襄子,畢氏校 勝 孟勝 徐 雙 曰:『若夫子 孟勝曰: 《吕氏春 君。 前 死 弱 而 也。 與「售」同 於孟 死 ,弟子死 日 日 陽 而 ○ 日 『我 : 子墨 城君 而 學其 『受 死 氏 使 子

塾讀書記

卷十二

北郭子死。」又自刎。 吾頭于笥中。」退 齊國,齊必侵矣。 公,出犇。北子令其友操劍奉而從,造于君庭,曰: 『晏子去 郭騒者,養其母不足。 田 語 時 『三子何不計功而食桃?』三子挈領而死。』《諫下》。 歸造化。 天。」任彦昇《奏彈曹景宗》云:「自頂 絕交論》云:「皆願摩 頂 已駁正之。 秋·去私篇》又有墨者鉅子腹 藭,高誘注皆云「鉅,姓」,畢氏 文通《詣建平王上書》云: [開疆、古冶子以勇力聞。 俠烈之風 也 放 踵 ,皆糜爛而死之謂也。 」,摩,猶 澧案: 潤草塗原,豈獲自已。」皆用《孟子》 一而自 蓋 方見國之必侵,不若死。] 謂其 景公大駭 刎。 糜也,謂 出於此。 墨子之學,以 也 晏子分倉粟以遺之。 其友曰: 『北郭子爲國故死,吾爲 晏子請景公使人餽之二桃,曰: 頂 ,追晏子反。」《雜下》。 至 糜 孟 《晏子春秋》:「公孫接 剖 踵 爛 子 也。 心 , 隳膽抽 死 所 摩 爲 晏子見疑于景 謂 頂 劉孝標《廣 能 至 以 墨 友曰:『盛 腸。」江 「齊有北 子「摩 踵 以死爲 報 戰 功 所 或

孟 子謂墨子「無父」,嘗疑其太甚,讀《墨 能者,其風氣蓋出

於此

至也。 哉?』」《公孟篇》。 得也,然號 『夫嬰兒子之知,獨慕父母 曰:『三年之喪,學吾之慕父母。』子墨子曰 子》書而知其實然也。《墨子》書云:「公孟 然則 而 儒 不 者之知,豈 岸 此之謂 此 丌故. 「無父」。 有 而已。 何也? 以 賢於嬰 父母 即 兒 愚之 不 可 子

於「戾」而「無父」而 也。」《顯學篇》。 葬,服喪三年,大毁扶杖。夫是墨子之儉,將 日夏服,桐棺三寸,服喪三月。 非孔子之侈也。 無父」,不亦宜乎? 韓 非子云:「墨者之葬 韓非猶以墨子爲「戾」,孟子謂之 是孔子之孝,將非墨子之戾 不顧,是則墨子之學矣。 蓋專欲富國强兵,遂 也,冬日冬服 儒者破家 夏 而

子。 鳥聞熱旱之憂則高,魚聞熱旱之憂則下。 也?』子墨子曰:『是亦當而 《公孟篇》云:「子墨子與程子辯,稱於孔 程子曰: 非儒,句。 不 何 可易者 故 稱 於孔 也 今 子 當

之心 强 矣, 此, 其狂悖至 乎?』」遭謂 向第 禹 雖 至以 有 録 禹 湯 幾希之存。 以 此 爲非晏子言 猶 湯 鳥魚之愚比 而 云 之 墨翟 極矣。 謀, 大 焉 稱 ,疑後世辯 必 乃一 《晏子春秋》毁詆孔子者 孔 不 今 孔子, 子不可易,是其 易 聞駁詰 翟 士所爲者。 矣。 曾 而 無 鳥 之 自 稱 魚 比 語 澧謂 於 可 禹 而 蓋墨氏 孔 五章。 是 謂 遽 湯, 非 爲 子 愚

與

怒死 對 猶是 充之以 其 妄 言者,是猶 篇」,自 薄 如 耶 此 也 ? 人 葬 貴義 注云: 不不 也。」《薄葬篇》。 其言非墨 而 孰 《論衡》云:「墨家之議,自違其術 又右 石 可 篇》云: 以 「名無心,難墨子。」今其書不傳,可惜 毁 卵 鬼,死 孰 也。』」墨翟自信之堅、自誇之 投 卵 子之言也。 石 「子墨子曰: 『以其言 耶 者 ○《案書篇》亦有此 也。 ? 審 《漢書 有 盡 知 天下之卵 墨子 前 藝文志》「《 薄 將 説。 葬 何 之,是 也 董 辭 此 其 非 子 以 Ŧ 石 吾

間,即 也。 也。 體之 之無序」, 幂。」 序」之「序」, 又云 高 算法 云:「纑,虚也者,兩木之間,謂其 九章 線有長無 最 前 乘表間。」李淳風注 也。」此即《海 《幾何 前 此 即 [。] 澧 無 表參相 鄒 所謂 算 直 也。 所 此 特 序 紨 所 即 謂 大 夫 而 原 , 參也。」 廣 兩 《幾何原本》又云:「直線 謂 猶 端 直也」。 取 云 所 劉 最 本》又云:「線之界 木之間 纑 而 謂 :「墨子《經 言 即 徽 前 島算經》所謂 即 讀之。 也。 線 兩 注 者 此 西 即《 也。「序」如「東序」、「 旁 云:「凡 又云: 所 也 人 無 云: 也。 海 海 算 木 謂 如《經 島 島 者也。」又云 説 法 「前後 ^ 無 算經 及《經 算 所謂 幾 云 纑 廣 序」,謂 上 崇云: 經 兩 何 間 是 從 表相  $\stackrel{>}{\succeq}$ 無 表 端 原 點 所 説 點 相 木 齊 虚 本 也 謂 是 止 無 乘 去 者 也。 高 平, 以 後 即 「爲表 無 謂 也。 兩 云 也 中 兩 所 旁 디 表 西 之 説 表 司 西

高

所

妄造也

謂

角爲直 間,舊 又云: 間 端 界至中心作直線,俱等。」即 此 細繹之,算術當更多耳 長」也。 又云:「 中 圜之中處爲 兩 所 謂 夾 同 謂 作 有 端 線 者 長 「聞」,畢本 此其 睘 E. 有間」 也。 角 也 間 下 在 中 文 圜心,一圜 更 中 説 改作 直 幾 也,線 義 也 無 同 云:「心 易明 線界中之形 何 間 長 「間」,是也。 原 點。」即 也。」《幾 與界夾之也。 不及旁也。」説云: 本 者。 惟 · 云 中 自 其脱 心, 此所謂「一 所 是 謂夾之者 爲直線 直 謂 何 往 無二心。 誤 原 線 無 相若 難 本》 又 云 形 相 同 明 中 心。」皆 也。 遇 也。 云 「有 者 也。 同 퓛 作 :

到」,畢 也 上光,故成景於下。」此 經說 畢 特夫又云:「《經下》所云『臨 下影芸 十注云: 云:「以表言。」非也。 「即今「影倒」字。」謂 「足敝」 下光,故成 解 又云:「鑒者近中,則 窪鏡 窪 照 景 鏡 於上。 人影倒之故 也 鑑 而 澧 立,景 首敝 案:

製鏡 畢云: 也。」「引,無力也。」疑 惜 所鑒· 尚存,當能解之。 其文多脱誤 大,景亦大。 之巧,不過 「以鏡言。」是也 難 即 窪 解 西 遠 此 突 耳。 人起重之法。 中, 則 二法,而 《經說下》又有云: 謂 則 突鏡 所 鑒 遷子 也 惜 小 特 夫已逝 今西洋人 景 Ė 字 亦 知之。 有 小 如 其. 力

不祥。 此,驩 乎五. 露,以 之,然獨無報夫天,而不知其爲不仁不祥也 而 Ш 之厚者,有矣。 公諸伯,使之賞賢而罰暴 制爲四時,春秋冬夏,以紀綱之, Ш 無 穀 谿谷,播 報子求父,故天下之君子,與謂 長遂 若愛其子,竭 天志中篇》云: 今夫天兼天下而愛之,檄遂 麻絲,以 Ŧi. 穀麻絲 賦 百 曰磨爲日月星 爲 事 民 力 使民 以以 衣 單 且. 臨 食 , 賊金木鳥獸,從 務 吾 得 可 之 以 所 民之善否; 而 財。 辰 利 以 財 以 之。 雷降雪霜 知 利之; 今有 萬 天之愛民 昭 之不 其 物 道 以 子 爲 之, 列 利 事 爲 於  $\pm$ 雨

無異 者。 子・二柱篇》云:「天非自天,有爲天者。 此 此 之學,惟 即 吾 譬如屋宇舟車,待人而成,彼不自成。」此亦與天主之説 西 所 但 人天主之説。 謂 關 墨氏 尹子》乃後人依託之書耳 君子 非攻,彼 明 細 而 則 澧謂 不 好 明大 攻,不 西 人事 也。」特夫以 地非自地,有爲地 同 事似 耳 《關 墨 氏 爲 尹

貴義篇》云:「子墨子南遊使衛,關

中載

陸 士。 明,不必他求,空爲言議』,然亦未嘗不讀書。 知 敢 至其於諸 子墨子曰 日 揣 甚 其 廢 曲 》卷四十二。 此? 翟上 多。 要矣,是以不教以 山 | | | | | | | 直 而已。」今夫子載 無君上之事,下無耕農之難,吾安 弦唐子曰: 『吾夫子教公尚 儒之讀 今若過之心者,數逆於精微,既已 『昔者周公旦朝讀百篇,夕見漆十 象 殆與墨子 Ш 書 雖 則指 謂 書 暗 此 書甚 也。」」黄 爲 合者歟? 心自 戕 多,何有也?』 賊,爲 靈 東 此 發之《論 《墨子》書 陷溺。」 過 理 曰 自 :

《吕刑 《大學》引《康誥》「如保赤子」,故以爲儒者之道 《仲虺之告》及《太誓》。 引《尚書》者甚多。 儒者之道,古之人若保赤子。」獨以《康 》、《明 鬼》。 下篇引 如 《尚 而《孟子》書載「墨者夷之」之言 賢》中篇、下 禹誓》,即 計 篇,《尚 誥 誓 》歸之儒 同 也 也 》中篇, 其 餘 蓋 屢 皆 指 引 引

子。 書 波 畢 鄧陵子。 之弟子,五侯之徒,南方之墨者苦獲、己齒 齒、鄧陵子之墨。《莊子·天下篇》有相里勤 鉶、尹文之墨,相 氏之墨,鄧陵氏之墨。 子弟子。」又有田俅子。《志》但云先韓子,亦不言墨子 顏注引劉向《别録》云:「爲墨子之學,不言墨 子、公尚過、 • 《韓非る 注云:「疑敖字。」游、高石子、駱滑 藝文志》者,隨巢子、胡 墨子弟子見於《墨子》書 ^ 子 孟子》書有 勝綽、禽滑釐、高孫子。 • 顯學篇》 里勤、五侯子之墨,苦獲、己 湿墨者 《集聖賢羣 有 相 夷之。 非子,又 里氏 者,程繁、 之墨, 輔 ^ 氂、弦 録 有我子。 見於《漢 吕 氏 管 有 相 春 宋 夫 唐 黔

衡 秋 墨 》本傳。 有 福 叙 墨者 虚 孟 \* \* 篇》 子 孟 所謂 有墨者之 勝、徐弱、 惠 施、 墨 公孫 翟之言盈 役 田 襄 龍 纏 子、 子。 祖 天下」, 述 腹 其 晉 藭 學。」《晉 魯 勝 此 ^ 注 可 論

見其

、略也

言 之議 則 作宋 是墨 告之日 兵,是爲 集聖賢 首 也 翟、宋 章 設 蛭。」《非十二子》。 荀子》云: 羣 「何必 輔 設 何 不 録 鬭 鈃 不 必 》之宋 日 也。 鬭 日 争。」《顯 利, 争, Ē 利」之一 鉶 楊 即 耐 功 與首  $\Rightarrow$ 倞 學篇》。 其 宋 用,大儉 韓非子》云: 注 鈃。 意 言, 章 云 則在 告 宋榮 宋 即 梁 約, 牼 宋 距 惠 懷 説 亦 鈃 而 墨 利。 王同 秦、 即 「宋榮子 , , 慢差等, 氏 宋牼。 孟 之要 楚罷 孟子 子 然

語 1似堅白 澧 案: 畢 秋 帆 異 《大取篇》云:「非 同 之辯。 《經》上 《墨子 下、《 華 一氏刻 白 經説》上下 馬 本 焉 孫 淵 執 如 附記 四篇 駒 焉 此

白 可。 加 見。 致。 白 其證 子之説, 而 馬。」又云: 公孫龍之説 愛人也。 驪 是石也, 多盗,非多人也。 説求之, 小取 以 馬,馬 神 馬非 以火見, 變幻。 堅以 與不 視不得 求白 也。 篇》云: 更 馬」。 盡與 也。 舞 手,而 知, 不愛盜 馬,黄、黑 然墨子言 轉 説 然其 『堅、白、石三,可 其 而 相 白 而 神乎? 非 其説 乘 「白馬,馬 、所堅。 似。 火不見。 手以 求 驪馬,乘 同是 也。」又云: 末篇則云:「古之明 無盜 深。 非不愛人也。」 公孫 云:「求 「白馬馬 馬 捶 石 拊 是之謂 是是 不 非 皆 也。 也。」 而 龍之學 不 可 馬 由 捶 火 無人也。 得 致。 馬, 也。 一荷 也」,公孫 乘白 於 與 與 此 離 其 乎 正言 二條 出 手 黄、黑馬 H 是 焉。」 所 故 盜 ? 澧案: 馬 知 於墨 不 石 白。 皆 日 · 乘 Ź 愛盜 若 而 見 也, 似 曰 皆  $\dot{\Box}$ 龍 審 反, 有 不 氏 馬 較 皆 此 且 馬 而 則 É 誤 此 非 知 也。 也 其 而 黑 不 猶 非 口  $\Xi$ 與 敗

辭,以談微理。」

艾傳》注云:「爰邵長子翰,翰子俞,辯於論議。採公孫龍之幻乎? 後世談玄、談禪者,皆有類於此。○《三國志‧鄧幻乎? 後世談玄、談禪者,皆有類於此。○《三國志‧鄧名寶,慎其所謂。」其大旨不過如是,何必變

叢書》評云:「疏、疑跡。」示天下無爲。是以近者親盈,設於不敢、藏於無事、竄端匿疏。日本《供存無所逃之矣。故善爲主者、倚於愚、立於不無所逃之矣。故善爲主者、倚於愚、立於不無所逃之矣。故善爲主者、失地之綱、聖人之情、則萬物之情、用聖人之符、則萬物之情、申不害之書已亡、惟《羣書治要》采其申不害之書已亡、惟《羣書治要》采其

皓、劉鋹矣。 「韓任申子,秦用商鞅。 之,遠者懷之。示人有餘者,人奪之。 者也」。《史記 之綱」云云,又可見《史記》所謂「申子之學, 無事,竄端匿疏」,已見其術矣。 書治要》采此篇,蓋取其稍醇正者。然「藏 聽之,以其名視之,以其名命之。」 灃案:《羣 人貴名之正也,主處其大,臣處其細,以 静者安。名自正 不足者,人與之。剛者折,危者覆,動者揺 本於黄老,而主刑名」,「申子卑卑,施於名實 者,自名而正之,隨事而定之也。」又云:「聖 》但言其「主刑名」、《漢書 也,事 有鑿顛、抽脅、鑊亨之刑。」則無異 自定 也。 「名者,天地 刑法志 是以有道 示人 其名

見,人餌之。故曰吾無從知之,惟無爲可以知見,人匿之。其無欲見,人司之,其有欲之,其不明見,人惑之。其知見,人惑之,不《韓非子》引《申子》云:「上明見,人備

趙 因 此 有 不 獨斷者,故可 規之。」又云: 藏女;無知 慎 規之。」一日 利 高 可 踰 而 而 「失之數,而求之信,則疑矣。」又云:「治 官,雖 崇上 而 有病,觀於漢魏以 説秦二世 欲 見 行 無知 其 使 也 由 略矣。 人 抑 知 此 見 人且 申 也,人且行女。故曰 八主 自 下。」《漢書 不 紨 以爲天下主。」《外儲説 「獨視者謂 也 一所謂 子曰: 言。」《難三》。 隨 也 其 專 人且意女。 女。 「 天 子 所 自祕,臣 劉 謂 後可見 向《 慎而言也,人且知 而 元帝本紀》注 明 無 稱朕 有 7,獨聽 别 爲 申不害之術,於 知 下莫得窺其旨。 女有知 也 録 者,本於老子, 見 惟 固不聞聲 者 稱 也 引 無 謂 右上》。 其 也,人 人 人 此説 爲 聰 「尊君 且. 口 女。 則 又 能 以 且. 若

曰 合於韓王。 臣請深惟而苦思之。」乃微謂趙卓、韓鼂 戦國 策 || 云:  $\pm$ 問 申 子曰:『吾誰 魏之圍 邯 鄲 與 也 而 申 可 木 害始 對

稱爲一 又見《韓非子・外儲説 求,此我將奚聽乎?』申子乃避舍請 侯 仕其從兄官,昭侯 彪注云:「此術之最下者。」○《韓策》。 子微觀王之所説,以言於王。 用 日 : 盡忠而已矣。』二人各進 『子皆國之辨 世之賢士,亦見《韓策》。 『子嘗教寡人循功勞,視次第。 左上》。 士: 不許 也。 也。 申 夫爲人臣者, 言不 不害之劣 申子有怒色。 議 何 又云:「申子 王大説之。」 哉? 於 Ŧ. 罪。」同上。 如 以 今有 此, 事 乃 所 昭 請 必 申

王 也。 矣, 上。 過,賞施於告姦。」《開塞篇》。「求過不求 其重者。」同上。 治,必治至强。」《說民篇》。「行 者刑 而賞 嗚 又云:「國有禮,有樂,有《詩》,有《 商 呼 鞅 又 ! 九 云:「以良民治,必 賞 施於 既 以 告姦 。」《去强篇 重 姦 民 刑 則 待 而 不 良 連 啻 民 亂至削。 其 刑,重其  $\pm$ 刑 罪 刑 者 + 。」《墾 九 刑 而 輕者,輕 而 賞 用 以姦 善。」同 令篇 賞 無 於 民 將

戰,必 上無 此言哉? 孝、悌,則自 禮、樂、《詩》、《 六家要指 廉, 曰仁義, 曰非 有善,有修,有孝,有弟,有廉,有辯。 詩》、《書》, 商 鞅 使農戰, 興至 |無使戰,必削至亡。 以 》語 爲 王。」《去强篇》。 親親、尊尊之恩絶矣」,此太史公《論 車裂不足蔽其辜也。 蝨,以爲必亡必削。 有 日 必貧至削。」《斬令篇》。 修 人類以 書》、仁、義,不必與 善,曰 兵, 曰羞戰。 來,未有不以爲美者。 孝悌 六六 國無 蝨 國有十二者,  $\sqsubseteq$ 十者,上有使 非梟獍 《莊子》云: 誠 日 論 信, 禮 嗚 呼 ! 矣。 或 樂, 而 日 有 若 + 爲 貞 日 一荷 書、號 《分篇》。 佼之幸也。 《發蒙》。 循

而

自 古 帝 王之法, 至商 鞅 愐 變。 其言 日 : 絶。

儒者安得有此言乎?

此朱子記上蔡《論語

疑

義

》所引,

謝上蔡云:「孝弟可以

論仁,而孝弟非仁

也。」此語令人駭

此其言孝,意已輕之,猶

不至如

商鞅之甚

也。

夫至仁,尚矣。

孝固

不足以言之。」《天運篇》。

蓋不誤也

於名家之説。 見《藝文志》。 其禮。」《史記》列傳。 孔氏之術。 可以彊國,不法其故, 苟可 是也。 又云: 尸子書已佚,觀近 劉向 如云: 蓋其悖謬之語盡佚矣,是 「明分則不蔽,正 《孫卿子後序》。 尸佼著書,非先王之法,不 「以實覈名,百事皆成。」 人輯 商 以利民,不 名 鞅 本,大約近 則 師 不 之也。 ·虚。」 則 循 P

啚 主之所執也。 云:「申不害言術,而公孫鞅爲 學。』《集解》云: 者,藏之於胸中,以 無,皆帝王之具也。」《定法篇》。 申、商之術。」見《漢書・武帝本紀》注。 籍、設之於官 (史記 曰法,皆曰 韓 法者,臣之所師 府, 「申子之書,號曰 非傳》云:「喜刑名法 刑名。」李奇云:「 偶萬端而 而 布之於 潛御羣臣 百姓 「法者,編著 也。 法。 澧案: 紨 者 韓 此 紨 也。 非 不 商 者 可 韓 紨 兼 鞅 也 紨 之 之 非 行 Z

之法 術皆 今斬 是 功爲 匠者,手巧也;而醫者,齊藥也。 首者,令爲 級,欲爲官者,爲五十石之官。 安假借矣? 申 乎?』對曰: 故 官」,謂之守  $\Box$ 二級,欲爲官者,爲 以 子言:「治不 法 之,則 未 術 斬 首者,勇 莫 主 盡 而 首之功 如 用 善 更 顯 醫、匠」,則屋不 不 申 進 職也 也。』」《定法篇》。 商君之法曰:「斬一 『二子之於法術,皆未 力之 當 子 而 焉者也 爲 之 術 其 可。 踰官,雖 醫匠 所 術 能 百石之官。」今有法 不 加, ···; 而 欲 也。 知 見。」《 今治官 而治 而 知 官 然則韓非兼申 故 ·成而 弗言」,則人 弗言。」「治不 行 難三 日 者 斬二首者 商 者, 二子之於法 病不已。 智能 而 篇 首者, 爵 君 以 智 盡 之 斬首之 之官。 法 能 日 善 主 問 -、商 也。 爵 也。 夫 斬 踰 尚 者 可

意 以 爲 韓 先用嚴 非 之學 出 刑,使天下不敢犯,然後可 於老子,而 流 爲 慘 刻 者, 以 其

> 也。 刑, 治。 流爲慘刻者在此 爲芻狗。 不可恃矣,清静 勝、吴廣之揭竿而 韓 初 清 老 菲 雖 致 静 後享 且秦雖嚴 未 嚴刑 刑 云刑措, 而 聖人不仁,以百姓爲芻狗。」韓非之學出於老子, 措矣。 見及 治 清静, 者,近受其禍 也 此 耐 刑,而 然 至暴 而 也。 亦 游 秦 何 不 起,何嘗畏嚴 俠 以 秦 彼欲 博浪 可 知 犯禁者紛紛 嚴 嚴 特乎? 已 ; 刑 刑 清静者,遠受其 之椎, 蘭 殺 於其一身,先用 之後, 而 其 「天地不仁 身,已亡其 刑 漢 漢 而 哉! 池之盗, 以 初 出 清 果 以以 嚴 況 静 以 萬 漢 嚴 刑 陳 或 黄 而 而

死, 罪,而 民畏。 惜乎,韓非之未解此也 舉 老子云:「 大計亦 犯 若不論罪 重 罪 死 矣。 民不畏死,奈 之輕 也 此 陳勝、 重 ! 而 吴 皆 罪 當 廣 死 何 所 以 死 則 者 謂 死 民 必死, 懼之?」 失期 不 犯 亦 輕 則

云:「滅仁義之塗,困烈士之行,塞聰揜 曰:「慈母有敗子,而嚴家無 棄灰於道者。 以 鑠 申 天下爲桎梏者。」又引 金百鎰、盜 商鞅、申、韓之説至此大 、韓之術,而 又引韓子曰 格隸。」又引 跖 脩 不搏。」又 商 君之 布 明。 帛 商 韓 尊 動 喻内也。 解仁、義、禮三字之義,則 德而後仁,失仁而後義,失義 其身。」《解老篇》。 他 人也,故 故 日 時 禮 韓 勸 以情貌 非 時 衰。 此 説

子

而

不

恣睢,命之曰

知 懷 也。 下 朋 義者 相 父子之交也,貴賤賢不肖之所以 而 ,故好言 助 懷上宜,子事父宜,衆敬貴宜,知交友朋之 友之接 不喻 禮者 也宜 ,君臣上下之争,父子貴 韓非云:「仁者,謂 故 所 (也,親 親 繁 以情 者 疾 辭 内 趨卑拜 以 疎 貌 而 信 内 也,羣義之文章 疎 之。 外之分也。 而 者 其 明之。 外宜,義者,謂 中 禮者,外節之所 賤 心欣然愛人也。 之 實心 别也。 臣 差 也 事 也 愛 君宜, 一,知交 而 中 君 其 以 心 臣 宜 不

> 禮四 韓 台。」《問道篇》。 人而 足以達之。 遠 邃 觀者也。 非 ),所聞 無 也,不知其爲身之禮也, 衆人之爲禮 |者,以 相 漸 匹。 去霄壤矣 諸 兼愛無私爲仁、退讓守柔、爲天下雌爲禮。 仁、義、禮之説 《法言》云:「莊周、申、韓不乖 篇,則 是其天資絶 使其爲儒者解孔子之言,必 ○《文子・ 顔 氏 之子、 道德篇》依託老子論德、仁、義 高, 尚 也。凡人之爲 ",本以 純乎儒者之言,精 無差謬,而 君子之爲 又 閔 而 其 氏 後禮」。 時 解《老子》「失 之 去聖人未 孫 禮 其 也,以 其 寡 有 文 以 外 而 較之 如 聖 又 其 物 口 爲

法。」《史記・李斯列

傳

而秦亡矣。

若此,然後

可

謂

能

明

尋常,庸人

不釋。

君之法,刑

亂。 聾瞽,可 《尹文子》云:「以名 萬 事皆歸 與察慧聰 於 明, 百 司 度 其治 1稽虚 合皆 準 也 實,以 於 法 能鄙 則 法 齊 定治治 頑 功

莫若鑄金爲人,而列於朝也,且無食禄之費 下德篇》云:「人才不可專用,而度量道術可 賢愚等慮,此至治之術也。」《大道上》。 矣。」《亡國篇》。 布 法爲治,能鄙賢愚,混然無别,老子所謂「不 名家、法家立説之意、盡於此數語。 治可與愚守也,而 曰:「自吾有此例,使一 録》卷六,載呂夷簡在中書,奏令宋綬編次《中書總例》,謂人 之費,誠不若徐幹之「鑄金」耳。 云:「若欲備百僚之名,而不問道德之實,則 尚賢,使民不争」也。 滿 朝 列,此真 軍 尹文之「頑嚚聾瞽」,尚有食禄 旅可 至亂之術 庸夫執之,皆可以爲相矣。」此即尹 以 法同 而 不 也。」此與《尹 知頑 耳。 嚚聾瞽之人, 徐 朱子《名臣言行 世 幹《 文子》同意。 傳也。 夫以名、 ○《文子・ 中 故國 論》

投策分馬,非鉤策爲均也。使得美者不知所以一人心也。」《威德篇》。又云:「夫投鉤分財,《慎子》云:「法雖不善,猶愈於無法,所

文子之説

《竹籤傳》,見《日知録》卷八。也。」見《羣書治要》。此後世所以有《竹籤傳》也。以賜,得惡者不知所以怨,此所以塞怨望以賜,得惡者不知所以怨,此所以塞怨望

《書》,正禮、樂,將以治天下,遺來世 《書》、禮、樂無救於治亂,而 樂,無救於亂 自爲其學者,皆以爲孔子之《詩》、《書》、禮 辩。 之。」」●《仲尼篇》。 當年,其 序,仁義益衰,情 脩一身,治魯 名、法諸家之根 但觀其 《列子》云:「孔子曰:『曩吾 如天下與 言, 或 而思所以革之也。 源 則凡道、墨、名、法諸 而 此假託孔子之言,不 性 也 른 來 益 世矣。 薄。 而 魯 此道 之君 吾 未 不 始 知 此道、墨 臣 行 脩《 知 所 日 家 詩》、 足 以 所以 詩 失 或 非 其 革 但 與 與

《漢書·藝文志》:陰陽家、《鄒子》四十

<sup>● 「</sup>革之」下、《列子集釋·仲尼篇》有「之方」二字。

史記 篇 、《鄒子終始》 ž 騶 衍 「深 觀 五十六篇。 陰 陽 消 息 惜其書亡矣。 而 作 怪 迁迁之

冥不 大 序今以上至黄帝,學者所共術,大並 不經,必 變、《終始 載 可考而 其 一機 先驗小物,推 (学、《大 祥 原 度 也。 制 聖》之篇 推 稱 而 引天 而 遠之,至 大之,至於無 + 地 餘 剖 萬 言 判 天 以 地 其 來,五 未 世盛衰, 垠。 語 生,窈 閎 德 先 大

但 瀛 九 蓋 外 海 州 與 每 後 或 環其外。 所繪 世 邵 州 者 康 有 此 有 節《 裨 四 與 海環之,如此者 皇 Ŧī. 近 極》之書 時外國 品 無 九 所 相 品 繪 耳。 似 九,乃 地 圖 翳衍冥 其 相 所 有 似, 大 謂

心

懸

想

前

能

知此

,亦奇矣哉

轉移

治各有

宜

,而符應若兹。」《孟

荀列傳》。

此

彊 又 主。」《孟荀列 云: 記 史記》云: 而 淳 無 于 傳》。 所 髠 主 久 然則學必有 「淳于髠博 則 與 成爲 處 時 淳 于髡 有 所主。 聞 得 彊 善言。」 矣。 記, 若但 學 史 博 無 同 記 Ŀ 聞 所

若并此而無之,則更淳于髠之不若矣。

傳》。 機鋒,亦是也 也。 不支 怒,令人操刀解養馬者。 曰:『堯、舜支解 春秋》云: 晏子,故太史公謂 氣,此太史公所以立 其諫 凡辯説使 解。」《諫上》。 澧案: 説,慕晏嬰之爲 史記》以淳于髡附 「景公使圉 人忽然感 戰 或 人, 如 時 淳 悟者、皆滑稽之類 從 爲 此 人 于髡慕 人 之 何 人。」 多辯 一 傳 養所愛 人《孟荀列傳 軀始?』公矍然,遂 類 晏子 也。 又 論 晏 乃 以 侍前,問于公 詼 馬 嬰 滑 此 髠 諧 如後 暴 也 稽 風 人 之濫 成 蓋 世 死 >, 云: ^ 禪家之 晏子 滑稽 起 爲 觴 於 風

子還 倍。 伯 于髡曰: 『人有賣駿 樂 足下 耐 乃 戰 還 視之,去而 國策》云: 有意爲臣 而視之,去 顧之,臣 蘇代 伯樂乎 馬者,往 而 顧 爲 之, ? 請 燕 見 獻 臣 説 伯 日 請 齊。 樂 獻 而 朝之賈。」 日 H 馬 先 璧 價十 説 願 淳

肯受,曰:「臣脩身潔 與淳 耳。 困故,而受公子財。」《史記・ 乃見梧下先生,許之以百金。 髠之貪劣如 之王而見之。 雙,黄金千鎰 『諾。』乃見魏 于髠正 衛使客事 此。 相 王。 。』淳于髠日 齊王大説 類 魏,三年不得 蓋 矣。 魏王趨 戰 行數十年,終不 信陵 國之人,以 見衛 蘇子。」《燕策》。 :『謹聞 信陵君列 君厚遺 見。 客。」《衛策》。 梧下先生曰: 受賄 命矣。』人言 衛客患之, 傳》。 侯 以 爲常事 嬴 淳于 監 此 戰 門 不 此

隱 而 邪,言必《詩》、《書》,行不 道 斂,欲高反下,欲取反與。」《反應篇》。 待 情 爲容、貌莊色温,不可 也。 時。」《抵巇篇》。 塞 鬼谷子》云: 又云: 卻 而 去之。」又云: 「有守之人,目不視 盧召弓云: 「欲聞其聲反 象貌 淫僻 世 無 以以 而 觀 可 得 默、欲張 此言,是其 抵 道 非 也。 此老子之 耳 爲 則 形, 如 朩 深 是 隱 以 聽 反

或

時

所罕見者。

君 觀君 「蘇秦説李兑」,「李兑舍人教李兑曰: 《跋鬼谷子》。 日 窮,何足道哉 術遇正人而 谷子》書云: 谷子本蘇 堅塞 談 而 與蘇公談也,其 去」。 兩 耳, 「蘇秦欲神祕其道,故假名鬼谷。」《 秦假名。 澧 謂 : 窮,遇 《趙策 無 聽 其 《史記 其不必遇正 明 談。」明 辯 君 遇 治 李兑舍人 過 蘇秦傳 世,皆 君,其博過 H 人 》索隱 蘇 明 無 秦復見,終 而 引樂壹 君 所 戰 其 君。 也 可 一臣 或 術 用。 注 策 願 竊 《鬼 鬼

之心, 契也。 人 之常態。 無恨矣。」 唐來鵠《讀鬼谷子》云: 得如自 使天下用聖人之道,學温 不讀谷之書者,其行事 然符契鬼谷之書者, 押闔 皆得 良 飛 忠 則 箝 吾 慤 自 見 敬 然符 實 聖 讓 時

斯,爲人主者,不可不反覆留 何 以 不毁?』曰: 盧 召弓又云: 『凡夫姦邪 「或問日 : 之情 一如 意焉。 此, 狀 庶 畢 則 幾 見於 是 遇 書

將明 則 若 也 我 齊,使後世之人皆知其説之不可爲,然後以 ?」」曾南豐 得 人也,洞 其説於天下,使當世之人皆知其説之不可從,然後以 以 逆折 見 《戰國策目録序》云: 之,是助上 其肺肝 然,彼欲 知人之明 「君子之禁邪説也 以其 也, 戒則明。 術嘗我, 何 可 豈. 毁 而 必 禁 古

滅

其

籍哉?

亦以論《戰國策》者人此 毒 其 曾 則善矣。 一、安得 以 毒。」《戰 也,故指 孟子之道 陸 清 如 《郡齋讀書志》以《戰國 獻公云:「今之讀《戰國策 國策 清 示 獻 去毒跋》。 其 權 者 得失,使學者 衡之乎? 卷。 盡 去其毒? 澧 謂 策》人子部縱横家,故今 余懼其 : 諸 嚌 使不中於人, 子之書皆 其 味 毒之中於 》者多,亦 而 不 有 中

策》。』後 人曰:『少年時讀《論語》、《老子》,又看《莊 易》,當 世 説 説 何 司 所 馬 益 「袁悦. 孝文王,大見親侍,● 耶 ? 天下要物,正 有 口才,能 短長説。 有《 幾亂 戰 機 語 或

書

揚

柚。 國策》之毒 俄 而 而 見誅。」卷八。 死者 也。 如 袁悦者,乃 中

戰

録之,其 者,皆爲 流百家,論 者,取其近是者。」權載之《進 往往有可立者,又頗惜之。今刊去謬惡亂 實,棄邪而採正。」柳子厚《辯文子》云:「觀 諸子篇》云: 取長,則 云:「千載而下,倘有 奥旨,與莊 經 漢書 籍 別自 有 미 志》、《 著利 功 以 「洽聞之士,宜 藝文志》云:「 於 周 通 書之。」《黄氏 唐 聖 及 病, 萬 書 門 諸 方之略矣。」《文心 有 任道者出,體任 匪 子 可 藝 百 淺 以 文 家 鮮 撮 觀 輔 日 志 矣。」 所 士策問 綱要, 九家之言, 經 鈔 傳 術 梁 澧 述 而  $\stackrel{>}{\mathbb{Z}}$ 覽 庾 讀 微言 案 節 施 雕 華 仲容 家 教 亢九 舍 而 而 龍 《隋 語 闡 化 彙 雜 其 短 食

0 侍」,據《世説 新 語》,應作「待」。

0 柚」,據《世説 新 語

公《徽言》,温公手鈔子書也。 沈約皆有《子鈔》,《直齋書録 長者也。 荀子》者,以其醇粹者多,鈔之不勝鈔 削其不合者,以附於聖人之籍」耳 澧讀諸子書,亦節 而 ,但當如韓昌黎所云 解題》有 鈔之於左。 皆所謂 舍 司 短取取 馬 不鈔 温

思之。 力也 也; 忠。 多 節樂莫若禮 怒憂患。 在 ·凡人之生也,必以平正。 人者,心也。」《樞言》。 可取者。其言曰:「道之在天者,日也。 心之敬 無事,亦事 精 H 管子》語、《史記》已采人列傳。 思之而 損之而 氣之 是故 執 ,守禮莫若敬,守敬 也 極 不 患多者,惟欲。」同上。 止怒莫若《詩》,去憂莫若樂 ),而衆 也。」同上。「思之,思之,又重 通 也。」《内 鬼 人不知也。 「日益之而 神 業》。 將 所以 通之。 ○《心術下》略 莫 失之,必以 故 之 若 静 患少者,惟 非鬼神之 有事 「先王之 其餘 内 事 同 其 静 喜 尚

外

敬,能反其性

,性將大定。」同上。

○《心術下》略

「堂上遠於百里,堂下遠於千里

,門廷遠於萬

《立政》。「全生之説勝,則廉 焉。 福,禍 同。 民不 解》。 道。」《形勢》。 隳國家、隕 過於君子,其爲怨淺; 無禍,福亦不至矣。」《禁藏》。 有邪。」同上。 言而不當,不如其寡 謂之知用。 也。」《戒》。 不言之言,聞於雷鼓。」同上。 善氣迎人,親如弟兄,惡氣 「人能 得 不知其陷於惡 「聖人畏微,而 亦 罪 不來矣; 也 「寡交多親 社 Œ 聞一言以 適 ; 稷者,非 静者,筋 寧過於 不能 身 驕傲侈 愚 罪 行 也。」《中国》。 也。 ,謂之知 君子, 故 貫 人 義, 身 失於小人,其爲禍深。 肕 (者,民 且 畏 萬物,謂之知道。 泰, 儉 而 博學 爲之也,必 明。」《霸言》。 恥不立。」《立政九敗 「顧 迎人,害於戈兵 而 骨 約 離 人, 無 毋 强。」《心 罪之。」《小稱》。 恭 而 憂者 「善罪 度 根 失 敬 不 絶 寡事 而 於 理,其 自反,必 固 其 可與 少有樂 身者 「古之 小人。 者 成 術下》。 唯 功 致 唯 無

쁄

也

。」《九變》。

而

欲

以

固,將

不

百

官

雖

具,非

以

任

「今恃

不

信

慮

其家,不

啚

或

毀。」同上。「十至私 。」《小匡》。 之情 門廷 日, 也。」《法法》。「士農 不 之 聞 戰 之 遠 有 + 或 之卒 人 通 以 於千里 爵 不 可 百 人之門,不一至 此 有 屬 一甚 也 矣。 而 罪,則 里 及 使 禄 事 所 數 求 而 之情 行。」《八觀》。 富 也 雜 雖 謂 此 期 堂下 以 幸 也 不可 處 衆,非 之謂 遠 民多詐。」《小問 則 智, 年 以 通矣。 於百 上 勝,此 使,甚 步 有 而 雜 用 或 **\$** 以 者 事 君 處 Ι. 里 不 無 於庭 尊 輕 一商 不 百 堂上 商 兵之三 守之民 也 人。」《明 貧 則 君 聞 日 月 ; 法 其 四 賈 不 也 百 之 步 有 制 知 民 此 萬 而 ; 爲長。 吾謂 酸,君 上。 吏不 上。 多 上無 也。」《諫下》。 祥; 逆。」《諫上》。 不 不 人 下 不受者哉?」同上。「君子無禮 一,則 能 分。」《問上》。「羞問之君,不 無 同 人 之聲。」 禮,是 知 恭。 《晏子春秋 久同。」《重 聞 君 殺 淡 列士並 矣。 而 君 或 正 其 則 不用,二不 父子 無 長。 臣 臣 有三不 禽 ○《諫下》同。 同 下 「朝居嚴,則 禮 醎。」同上。 從, 上。 獸 無言 學, 無禮 而 然 **>** 無 也。 可 謂 異 而 . 祥 能 以 取者,曰 者 固有受而 之 不 則 終 祥 : 其 夫勇 臨 敢者, 吾 順。 善者 夫 諸 ; 家 其 所 下無言。 謂 夫 用 有 必 邦。 多 謂 侯 之瘖 爲 君 藏 賢 一,則 維

恥

。」《侈靡》。

懼

賢

不

鄉

舉

則

論

志

行

而

咙

了,其事

亂

者

或

之石

民

也

所

謂

遠

於萬

里

里

之情

通

矣。

君

不聞

此

所

謂

者

十月

千

里

事

十十日

而

君

不

里

今步

者一

「爲

政

患

善惡之

IXI

兄

弟

無

財

而

不

用

X

下

無言

則

不用

悪

有

拒

而

;

上

無

聞

則

是

庶

人

也

庶

弑

其

君

力

;

禮

之

謂

也

百

大

夫

無

禮

官

而

不

任

三三不

祥

而

不

知

不

並

V.

能

終

善

者

師

同

上。

○《問

和

者

君

甘

則

臣

僻

臣

從

謂

之

能

保

其

身。」同

術者 爲 不 也。」同上。 至。 慮 也 ]。|《諫| 用 名。」《問下》。 常爲 有 有 下》。 所 「古之能行道者,道 而 依 得。」《雜下》。 不置,常行 歸。 聖 有 人千 良 不 鄰 以 慮 ,則日 傲 「爲者 而 必 上 不 有 華世 見 用, 休 君 常 失 **;** 者,故 成 不 與世樂業 子。」《不合經 以 行 愚 難 者 枯 人 及 常 千 槁

亂。』《 從 猶 者 者,以不愛生 衆 「《説文》: 築者築, 薄。」《尚賢上》。「自 是 事者從事,然後義事 則 則國家之治厚,賢良之士寡,則國 也 《尚賢 治 墨 抓 能 子》可取者,曰:「是故國 \*\*\* 能 舉 自 實 談 出 愚 壤 也。」《兼愛中》。「譬若築牆然,能 辯 也。 者 凡 且 者 賤者,爲 貴 與 實 天 談 欣 下 且智者,爲政 壤, 同。 辯 成也。」《耕柱》。 禍篡 能 然 能 政 欣者欣,畢氏 後 説 怨恨,其 乎 牆 書 貴 有賢 成 者 且. 子思 也 説 智者 所 「世俗 家之治 良 書, 注 以 爲 且. 之士 云: 能 義 起 則 賤

下多忌諱,而民彌貧。」五十七章。

「法令滋彰

始

敗

四

聖人

常

善救

人,故

無

棄

人

常善救

物

故

無

棄物。」二十七章。

一天

章。 功。 者有 之君子 如 自 乎?」二十三章。 不失其所者久,死而不亡者壽。」三十三章。 人。」七十九章。 上。 爲此者? 天 義,則喜。 不繁説。」《脩身》。 則無 守 見, 「立辭 「民之從 中。」五章。 不自 力,自勝者强。 老子》可 故 明。 貧 矜,故長。」二十二章。 而不 事。」 豈. 耐 事,常 不自 地。 不 飄 謂 取 明 六十 知 · 悖哉 重爲輕根,静爲 之 於其 者,曰 一善 風 是,故 天地尚不能 富 於幾 人者智, 知足者富 不終朝,驟 章。 類 無 則 : 主於 則必困 同上。 成 天 彰。 怒 而 ; 自 道 敗 心者,不 無 「多言數 · 强 知 不 久,而 慧 躁君 雨 無 之。 矣。」《大取 者 義 自 行 不 親 者 伐, 明。 而 者 終 常常 慎 。」二十六 況 留。」 謂 心 窮,不 日, 有 故 終 於 勝 與 辩 之 示 志 如 有 X 有 孰 善 而 同

之?」七十四章。 盜 賊 和 多有。」同上。 大怨,必 有餘怨。」七十九章。 民 民不 不 畏 威 畏 ,則大威 死,奈 何以 至。」七十二 「夫慈,以 死 懼 賢。」同上。

黄氏已鈔者不録 鈔《老子》語 戰 -七章。 則 勝,以守則 禍 爲二章。 莫大 於輕 固,天將救之,以慈衛之。」六 爲 「保身」章,一 一敵。」六十九章。 爲「保國」章。 ○《黄氏日鈔》 今於

미 食 死 心,禽獸 於天地,應 生。」同上。 終者也。 無 天福. 潤 得 而 全能 也。 也。 已, 列 ,萬物無全用。」《天瑞》。 是 未必 子》 也。」《力命》。 爲 終者不 可 雞 於物 可取 雞 狗 無 ·尊己, 以 狗 也 人心。」《黄帝》。「人而 類 · 得不 生 者, 禽 。」《周穆王》。 潤 而 彊 則 曰 : 終,亦如 生,天福 矣, 食 危 體之盈虚 天 靡 辱及之矣。」《説符》。 而 角 欲 地 「生者,理之必 「人未 也 生者之不得 人 勝者 無 之尊己,不 消息 (全功, 可以 爲 無 必 制 義 無 皆 聖 死 唯 , 是 潤 通 不 人 而

> 關尹 聖人不察存亡,而 子 語 治 或 之 難 察其所以 在 於 知賢 然。 同 而 上。 不 0 在 此 自 稱

其樂 强怒者 者, 也。 今寄去,則不樂。 也。 之所謂 此,則窮 酒 其用於人理 和; 無 不 則歡 精 聲 窮亦樂,通亦樂。 真在内 故 軒 《莊子》可取者,曰:「真者,精誠之至也 而 而 不誠,不 曰喪己於物,失性於俗者 冕在身,非 樂,處喪 得 雖 已矣。 哀 通 嚴 志者,非 爲 也,事 . 者,神 真 不 寒 能 (怒,未 威, 今之所謂 暑 則悲哀。」《漁父》。 動 由 性 親 風 軒 動 强 人。 是 命 則慈孝,事 發 冕之謂 雨 於 親 所樂非 觀之,雖樂,未嘗不荒 也 之序 外。 故 者 而 得 强 威 雖 志 物 也,謂 矣。」《讓 窮通 是 哭 ; 笑 之儻 者,軒冕之謂 所 真親,未笑而 不 者 君 谓,謂 也,道 「古之得 以 和。 雖 則 其 來 王》。 貴 悲 忠 之倒 寄 無 真 真 貞 不 以 得 也。 贪飲 哀, 也 古 益 於 道

乎鬼 清 戒 所 間 鎁 唯 静 水 用 於不得已。 之象也。」《刻意》。 爲不 乎幽 有德者能之。」《德充符》。 猶 静 者 取 爲 而 者 下。 |《繕 非陰 明 則 畏者,衽席之上,飲食之間,而 ,過也。」《達生》。「形勞而不休,則弊。 不已,則 善善 善 静 動 明 淺。」《大宗師》。 ,然後能獨行。」同上。 閒之中者,鬼 則 而 也。 陽賊之,心 寇莫大於陰陽, 性 燭 平 況 顯明之中者,人得 不得已之類,聖人之道。」《庚桑楚》。 鬢 精 萬 勞, 鬱 眉 神 知 物 閉 勞 平 其 不 聖 無 而 則竭。 」《天道》。 則使之也。」同 得 「凡外重者,内拙。」《達 足 人之静 中 不流 可 而誅之。 准 以 「有爲 奈 無 大大 鐃 「兵莫憯於志,鏌 水之性 亦 何 「其 所 也 心 而 匠 不 而 非 也欲當 者, 逃於天 誅之。 取 明乎 能 耆欲深 安之若 Ļ 不 法 故 日 清, 不 ·知爲 焉。 人 人,明 静 「則緣 静 地 天德 爲 雜 也, 者 也。 命 水 之 之 不 則 精 之

生》。 知不 純 者,必有機心。 淺。」《列禦寇》。 責 日 所 白不 出 不 而 足 **載** 多僞,士民安取 可 小 則 乎?」《則 也。」《天地》。 備, 夫之知 (欺,財 則 神 機心· 有機 不離 陽》。 不足 生不 械者 存於胸 不僞? 民 定。 則盜 苞 知 苴 力 神 必 竿 中, 竭 生 盜 夫 有 牘 竊之行,於誰 不 力 則 則 機 敝 定 不 以 純 事 精 者 足 白 僞 有 神 繼之。 則 不 道之 機 乎 · 備 事 蹇

民》。 上。 刑盜賊之法, 潛 又 使之明白易知。」《定分》。 法,而 有使天下不得不信之法。」《畫策 「人主使其 「今亂 商 無使法 鞅書》之可 國不 而 民 無 然, 必 信 使 行 取者, 恃 如 姦 之法。 吏 日 邪 「聖人 月,此 日 盜 : 賊 吏 或 雖 必 有 皆 聖 無 得之法。」同 衆 有 必 人 敵 禁姦 爲 「國皆有 信之性 同 矣。」《弱 法, 體 邪、 必

天機

<sup>0</sup> ·吏」上、《商君書》(《四部備要》本)有「多官衆」三字。

兵大律

在謹

。」《戰法》。

「故王兵之政,使民

怯

敵衆,勿爲客,敵盡

不

如,擊之勿疑。故曰:

敵,政不若者,勿

與戰;

食不若者,勿與久;

此亡

國之兆也。」同上。「兵法,大戰勝,逐北

强

暴。」《錯法》。

弱。」《説民》。

一農

則

樸,樸則安其居

而惡

出

《算地》。

君。」《修權》。

「有土者不可以言貧,有民

者

不

地誠任,不患無財,民誠用,不畏

國富則淫,淫則有蝨,有

蝨

則

也,則臣以

法

事

君,

君

好言

也

則

臣

以

言

事

人臣之事

君也,多以

主所

好事君。

君好法

可以言弱。

私利

於民,而

百官之情不相稽。」《墾令》。

其末,禹

不

能

以

使十人之衆,庸主安能

以

國之民?」《慎法》。

「無宿治,則邪官

示

及

爲

也。」《禁使》。

「初假

過

十里,小戰

勝,逐

北

無

過五

里。

兵

起

而

程

無

於邑

鬭

而

勇於寇戰。」同上。

「國亂者,民多私

吏民姦詐之本,而求端慤 御 義,兵弱者,民多私勇,則 取爵禄者多塗人,亡國之所以。」《畫策 削國之所以。

「故其國刑不可惡,而爵禄不足務也, 「凡 《外儲説右》。 君盡人之力,上君盡人之智。」《八經》。 將必發於卒伍。」《顯學》。 亂民 説左中》。 雖 「利莫長於簡,福莫久於安。」《大體》。 可 明主積於信。」《外儲説左上》。 弟子辯,法省 危》。「至治之國,有賞罰 不在於强弱。 而使民知之。」《五蠹》。「小信成,則大信立,故 以 神 重求 而 不行,譽所罪,毀所賞,雖堯不治。」《外儲 韓非子》之可取者,曰 有獨治之吏。 「聞有吏雖 ,爵禄可以 明主之吏,宰相 而民訟簡。」《八説》。「法莫如 存亡在虚實,不在於衆寡。」《安 亂 貨得者 故明主治吏,不治民。」 而 有獨善之民,不 「下君盡 而 「利所禁,禁所 ,可亡也。」《亡徵》。 :「安危在 無喜怒。」《用人》。 必 起 於州 己之能,中 「書約 部、猛 官官 是 此謂 聞 利, 非 而

羣臣持禄養,交行私道而不效公忠。

有劫君弑主也。」《備内》。無須臾之休,而人主怠慠處其上。此世所以無須臾之休,而人主怠慠處其上。此世所以明劫。」《三守》。「故爲人臣者,窺覘其君心也,

道之外,非 之巧者也。」同上。 與衆行之,爲巧,與衆能之:此善之善者,巧 不能得爲,此獨巧也: 未盡善巧之理。 大道下》。 子非樂有 治者,君子弗言;有能 爲善,使人不能得從,此獨 君子非樂有言,有益於治,不得不言,君 尹文子》之可取者,曰: 爲,有益於事,不得不爲。」《大道上》。 羣 生所餐挹,聖人措 雖彌綸天地,籠絡萬品 而無益於事者,君子 善也,爲巧,使人 「有理而 而 不言也。」 無 爲善, 益 治 弗 於

反矣。」同上。 也 爵 。」《勸學》。 列 (尸子))之可 而 賤 德行,是貴甘棠 爵 「土積成嶽 列 取者,曰:「貴 者,德行之舍也。 ",則楩 而 賤 枏 人者,貴其 召伯 豫章生焉 今天下 也。 心 亦 ;

心,丘 非明益 之獶,而 數星。 水積 論》注 王子 『奚若』者也。」同上。 《恕》。 重。」《意林》引。 無患,而莫之德。」《貴言》。 者,則三族德之。 皆笑之。 「食所以爲肥也、壹飯而 亦有 穢 此 也。 心之穢也。 比干,猶 所 成 《運命論》注引。 胸 上也。」《廣澤》。 自丘上以視,則見其始出,又見其入。 生 爲之無 川 也,勢使然 右搏雕虎。 夫治天下 中 也 則 ,亂,則 ]。」同 謂義之必利 吞 益 道之無益 義 上。 舟之魚 於義 必利,雖 教之以仁義 澤其 「中黄伯曰:『余左執太 也。 大事 「慮之無 「因井中視星,所視不過 又願爲牛,欲與象鬭 「入於囹 而 夫私 邪欲而去之。」《處道 問人曰:『奚若?』則 於義 生 也,今人皆壹飯 「敬災 爲之,此 也。」《文選 桀 焉。 殺 心,井中 益 而道之,此言之 慈 吾 歸 與 夫 於義 行之穢 悌, N N 龍 學之積 解 逢 圃 非 則 ·也,公 於 慮之, 有 紂 終 乃 患 而 也。 先 也 殺 身 難

夫貧 而 自 吾日 試。 窮,太行之獶 今二三子以爲 遇之,亦足 也; 以 試 義矣,將惡 疏賤者,義之雕虎 矣。」《後漢書 乎試之? 張 衡 傳 也。

袁紹傳

》注引

倒 當》。 可 盛。」《去宥》。 去 非 以 欲。」高誘 者,不於欲 多以性 順 情 驚懼 之也。 以 養性也,非 害。」《盡 短 欲 食,智 而 精 吕 不不 養物 續之也,畢  $\overline{z}$ 氏春 精 神安乎形,而 使 數》。 知所 中 氣之集也,必有入也。 於 適 「耳不可以 生 秋》 大擾,妄言想見,臨 則 所 不 猶 性。 爲。 「人之老 不 以 順 可 節 其數也。 知 性 也。」○《重己》。 取 者 用 性 輕 養 了, 欲 者, 年壽 聽,目 心如 者 也。 重 也 也。 曰 : 也。」《本生》。 得 萬 此,豈 形 今世之人,惑者 畢 不 長 物 故聖· 「凡生之長 數之務,在乎 焉。 可 益 之本 「物也者,所 死之上, 顛 以 集於羽 不 衰 人必先適 悲哉 視,口 長焉者, 而 也。」《貴 「治欲 智 鳥 也, 益 不

通》。 玉,與 與 然則 也, 兩精 哀。 聖 也。行不 及,痛疾相救,憂思相 若樹木之有根 而 愛在於齊,死而 非或聞之也,神者先告也。 兵,侈衣美食,發且 外物豈可 兩 爲 人,與爲 動 分,同 相 此之謂骨肉之親 「故父母之於子也,子之於父母 君子之 飛揚。 爲 必 得,豈待言哉 緣 精 誠義,動 必哉 義,行 氣 夐 朗 集 窮 明。 而 心 於走 ? 集於 通 異息。 志氣不安,精或往來 也。 必 不 可 君子之自行也,敬 有 有 誠 Ė 獸, 緣 ! 樹 雖 日 異 感,生 義。 一同 義, 若草莽之有 神 異處 矣。 「今夫 木,與爲茂長。 與 乎 出 上。 爲 俗 雖 俗 則 身 所被 於 而 謂 流 者 「君子 攻 雖 在 忠 相 相 之通,窮也 行。 也。」《高 謂之窮,通 歡,死 者, 乎 通 攻 而 華實 隱 也,一 秦,所親 者 應乎 之自 人而 也。」《精 砥 集 不樂 集 則相 厲 於 志 義 也 行 於 相 Ŧi. 珠

0

草鬱則 威 言可 之爲 心 王之成 其 意 重。 輕。 必見 足專恃 所及,盡制 主必信,信 見愛敬 有 也。」《必己》。 而立 以 功,大矣 輕 做,愛人而不必見愛。 福 伯夷、叔齊此二士者,皆出身棄生,以 有 愈 。」《用日 %法,而 爲 賞,則六合之内,皆爲 者 所 功名者,未之曾有也。」《順民》。 多 重 費。 大爲之,則 重,則 土先定 之矣。」同上。 而 民 民 法法其 又 也。 或 愈 「人之情, (信,誰 也。」《誠廉》。 欲全之; 信 「水鬱 亦有鬱。 不用 所 君子必 立,則 以 大 人不 則 「不得 有 故 爲 虚 有 莫不 爲污,樹 威 法。」《察今》。 福 在己者,不 生 敬愛人者,己也 親?」《貴信 言 [0]《别 「義, 所 不 德 其 己 可 有 可 輕 不 道 府 以 l; 則 重, 通,民 小爲 無 類 鬱 矣。 而 賞 用 則 莫 必 徒 以 矣。 「凡人 之, 爲 信 欲不 失 多 擇 養 不 在 而 其 之 信 民 先 虚 則 立 所 有 不 人 ; 民之治 賢 若 在 非 亂 也 可 用 則 塞 聖 達,此國之鬱 必待之,治奚由至? 而 萬災叢至矣。 者, 於主 高 知 有 智 無 獨 也。」《達鬱》。 王之貴豪士 以 Ш 亂 士 相與 雖 如 士; 與聖人 之與 亂 也,又必 不 愚 在 積 可 猶 比 深谿 也。 知; 心 可 肩

國,令其民争爲不義 ,主之本在 存矣。」《應同》、《召 於有司。」《務本》。 之所 「凡治 與忠臣 上下之相忍也 召寇。 愁慮以 矣。 也 如 若 國鬱 於宗廟,宗 自 可見,如 累 且. 白 一來,若 國,令其 也,爲 雖 久處, 世 也。」《爲欲》。 求 治 類 獨 堊 幸 而 之。」《察微》。 之 亂 亂 而 此 其 不 有 存 與 未 則 廟之本 「使治 有 安危榮辱之本 民 敢 由 其 可 亡 黑 必 百 ·', 未 争 直 見。 難 此 聖 Ľ 則 桼 惡 故 行 出 言 也 也, 必 亂存亡 不 在於民 並 則 故 而 千 知 或 起 智 無 決鬱 而 也 也。 亂 里 故 治 踵 +: 如 所 而

東塾讀書記卷十二終

四四

## 四

## 東塾讀書記卷十三

禺 陳 澧

番 撰

西

漢

諸 孫通 掌 可 齊、魯儒 《史記 史記・ ,固不少,陳勝亦有博士孔甲。 儒 無 ·通古今。」蓋秦雖焚書坑儒,而猶 生三十餘 通古今之官也。其爲博士者,有伏生,見 漢 封 儒林傳》。 見《史記》本傳。 禪書》。 書 生、博士七十人至泰 百官 人。 有羊子,見《漢書 陳勝 公卿表》云:「 見《史記 ○後凡見本傳者不注。 起 Ш 東,二世 叔 孫通傳》。 山下,議封 ·藝文志》。 博 見《史記・ 召 知 士,秦官, 問博士、 秦 朝廷不 始皇徵 之儒 有叔 儒林 禪。

儒者 傳》。 道,經學存,即道存也 也。 位,忘設。 見《漢書・楚元王交傳》。 家 人,楚元王、魯穆生、白生、申公所從受《詩》。 楚元王 古經師 今而忽之,是忘道也。」遂謝病去。」當時儒者以 也。」張良學禮淮 陳餘,亦儒者。 交傳》又云:「穆生不耆 穆生曰: 『先王之所以禮吾三人者,爲道之存 情姓. 名湮没耳。 陽。 《史記 此皆開 不 淮陰侯傳》云 酒、常爲 知淮 漢儒之先者也 浮丘 陽 設 醴。 伯 何 孫 及 「成 王 經 卿 此 安君 學爲 戊 門 即 故

此尤可 生以時 子世家》云: 兵圍 史公曰: 『余適 冢,而諸儒亦講禮、鄉飲、大射於孔子冢。 聲不絶。』《游俠傳》云:「魯人皆以 魯。 《史記·儒林傳》云: 見自 習禮其家,余低 魯 中 孔子没後,魯諸 魯世世 -諸儒 魯, 觀 尚 仲 相 講 尼 П 傳,以歲時 誦 廟 「高皇帝誅項籍, 留 ,習禮樂,弦 堂 之不能 儒 車 世 服、 世 儒教。」《孔 奉祠孔 禮器 去 傳 云。二 其 歌 禮 之 太 舉

禮,家家行之。 教 大射者,蓋習其儀 ,至太史公時 惟 鄉飲 也。 三百 惟 大射,不能行之於家,故習之於孔 習 此於孔 年 猶 子 未 冢者,冠、 絶 也 昏、 講 禮 喪、 鄉 祭之 飲、

至

冢

也

以 以 帝 稱 漢書 爲依託。 此 乃 善 知 陸 左右 事 賈 爲 高 今不采 並 作 皇帝之貴 呼 帝 稱 萬 新 本紀》之末,言 之 歲。 語 也。 》,每 了, 皆 今世 此 與 奏 西 所傳 叔 漢 篇, 其 孫 《新 開 規 通 語 高 或 摹 起 景 帝 弘 朝 象。 未 庫 遠, 儀, 嘗 提 要 故 高 而 不 科。

此棄本

而就末。」卷十八

今 人 爵 孝 爲 兩 風 有 而 弟 漢 相 俗 田 風 力 或 舉 賈 相 者 此 孝弟力田 俗  $\mathbb{H}$ 人 反 醇 錢 其 使 則 如 厚,蓋 帛 農 相 不 此 業 民 得 分始 宣 也 爲 仕 基 帝、 於 宦 於 佃 選 惠 此。 户 成 舉 帝 後 帝 視 之法, 四 文帝 世 皆 之如 年。 輕 賜 賤 此 以後,屢 孝 僕 其 農 爲 弟 隸。 時 民 最 力 曹 古 古 賈 賜 參 田

> 此迂 及文法。 張衡曰: 名家之學之陋 善 善之法。 風 陋 舉 之見 「自初舉孝廉迄今二百歲矣,皆先孝,行 辛 俗 孝 卯,詔 也。 廉, 也 或 以 始 疑 若 能 於 淺 朝 所 宣章句奏案爲限。 考核名實, 武 舉 廷選舉之法 人不 一之人 帝 元 知 光 未 也。 則 元 必 雖 有 年 所 皆 《後漢紀》載 有 司之事耳。 名 至孝,猶 此 以 實 有餘力,始 樹 尤 相 教化 選 太史 不 副 舉 應

此

而

已矣。」 子,十 若遵大義, 天 王之治 六 實 藝其 不 司 有 遂 復 馬 欲 四 曀 温 還, 禮 屬 人。 乎 公河 樂復 重 其 ! 器 栗 必 閒獻 興 其 太 賢於文 用 邪 功 子 其 ? 王 烈至今賴 廢, 德, 贊 》云: 抑 景 而 施 四 遠 獻 其 海 矣。 之。 微 王 志 自 最 獻 景帝 不 嗟 焕 長 王 幸 平. 然 之 帝 而 嚮 則

天下 加 説 志於 苑 影載 窮民 河 閒 痛 獻 萬 王. 姓 之 之罹 語 <del>를</del> 罪 憂衆生之 堯 存 心 於

王所 也 者 灑 不 無食,則 諭教 禹 不遂 聖王之道,若捨 者,譬如日 曰:『此 欲 人寒, 一?」卷□。❶ 能 , 利 Ŧi. 焉 伐之,舜不許。 也。 湖 勸 得 歸 。』而有苗氏請服。」又云:「禹 也 偂 古 我陷之也。」當舜之時,有 我 於 則 」。 放 有一 定東海, 書 馬 不能 民 曰 此 · 此 載 也。」又云: 民飢 疏 静居獨思,譬如 使 所 之, 日之光,何乃獨思若火之明 河 也 述堯、舜、禹、湯之言,蓋 民亦勞矣。 我寒之也。』一 ,則曰: 『此我飢之也。」有 以 曰:『諭教猶 可 功 導之,鑿 以 成 湯 亞 而 於虞、夏、 不 稱 火馬 然而 江 利 學聖 苗 未竭 民有罪 通 於人 氏 於九派 稱 不 夫捨 王 也,究 則 『民 不 商 ·怨苦 之道 服 書 獻 學 我 則

是」。 南子》云: 班 此 史 稱 「有符於中 語 河 必 閒 西 獻 漢 王 時 則貴 所 修 傳 是 學 最 而 好 確 同今古。 古, 者 也。 實 事 淮 求 無

者

也

可謂 所謂 貴是 後 生而 云: 以 於「實事求是」一言,深服膺焉。 禮鄭注句讀 是」,後儒 在 稱學聖王之道,譬如 俗好高古 聽 好 人所造,蜜 「符,驗。 有 其 古 一從來 知之,則必 而 識。 不 説 耐 今則 着 當遵奉之,一字不 Ø 重 不求 者 而 則 長 驗者, 一好古, 人皆 遠 酪 稱 山 所 劉孔懷《序》云: 是 由 圃 辛 所 知 從 有明 此 貴之」。 於修學矣,即 聞,前人之業,菜 苦。」《超 然心 也。「修學 來者 也。」〇《修 日 劉 焉」也。 中 遠 一奇篇》。 孔 何 而貴 拘儒 ·可少 懷 「余讀 一務訓 以 不 好古, 知所 獻 有 頗 之耳。」 ^ 也。 此 河 論 有 王 明 學何 即 此 果 閒 衡》云 所 ? 此 張稷若 實 獻 説 甘 如 淮 굸 病 高 E 事 苟 雖 甜 活,病 此 傳 誘 南 《儀 求 非 湯 亦 注 語

北

<sup>0</sup> 0 宋本)補 段三處引文,前兩處見卷 驗」,原爲墨 □」,原爲 墨 丁。 T 據 《淮 《説苑》(《四 南鴻 一,後一處見卷三。 烈 解 部 》(《四部叢 刊 明 刊 》影 鈔

記》。 之意。 禮學,可 惜 未 其 其 傳 貴絶惡 代之禮 非 名 《靈臺》、《皇矣》、《旱麓》。 成」云云、《 學禮》曰「帝人東學,上親 所 張 其 立 説《詩》 復 ,興禮樂 述 儀 餘 賈 蒼 叔 故 《新 經 於未 春 法不 古 蒼 誼 孫 年,當改 以 秦 典 事 之學,蓋 與 通 朝 傳賈 書 窺 ,草具其 曲 時 傳 與與 釋 萌 之 毛 見 朝 老 禮 惟 文 所 義 而 日,秋 禮篇》云「道 正 誼。」汪容 》采之。 • 師 左 不 爲 起教於微眇。」尤深 斑。 讀 長 朔 序録 事 大 容甫 傳 矣,蓋 同 其 於禮 暮 影不 儒 者 易服 又云: 上疏 \*\frac{\times}{\times} 夕月」云云。 儀 猶 《容 Ŧi. 云:「於時三家之學 同 甫爲《新書序》,考 可 法 而貴仁」云云,「三 條。 有 色, 以 者 屢引古禮 德 悉 以 經 「左氏 存 「禮云禮 爲 八條 法 仁 E 更秦之法,此 《騶虞》、《鴛鴦 篇 者。 漢 義, 繼 制 **>** 興 ,文多不録。 度,定 亦 傳 周 師 非 明 其 至 似 荀 禮 云者 友 博 孝 禮 制 如 矣。 卿 禮 習 引 官 文 所 禮 不 子、屈 未 彷彿。 極 正 時

承,不可 其「頗通諸子百家之書」,不言其 師之陋 不尚經學,故 盡 哉?」 澧案: 知 使得 但言諸子百 是 千百 吴公薦賈 説 家 而 也 生 通 通經。 之,豈 於朝 蓋 但 復 當 有

者矣。 在《大 三十篇。 世之才,文章蓋其餘事。 以不之省哉! 語》、《尚書》之等而 傅傳》。』」文穎 合。 懇 切矣。 朱子《 原之列,而無 而 人戴禮 後之君子有 其言教 揚雄之論,常高彼 其目 儀 故 四 禮 自 録 太 以 朱子《楚辭集注 + 言以及誼。 經 云 子、 當 爲 1 傳 其 愛君 : 進之於君,蓋 時 賈 篇 而 奇偉卓絶, 輔 「漢 通 即 誼 下 解 少主之道,至 此。 憂國之深 以 余皆不能識其 其 所 昭 **\*** • 列 詞 作 以 韓 帝 服賦》注 亦 愈亦 《保 於《孝經》、《 與 非 詔 即 司 誼 識 曰 以 傅 此 慮者,其 馬 馬 本 其言之要 何 相 篇 傳 説 詳 傳 揚 如 通 也 誼 也 廁 畫 爲 悉 疏 於 所 有 論 保 可 語 第 而 孟 能 깷

《新書•道術篇》云:「道者,所從接物

者 也。 譏 如 而 也 境 如 衡 其 而 内 此 觀其下 境 之 其本 以 ,稱」, 内 理矣,故其 非 道 和 謂 老、莊 矣,故 文云 爲 其 之 虚 虚 所 所 謂 , 其 士民莫弗順 明 其 以 謂 虚 士 主 末 術 虚 者 謂 民莫弗 南 爲 **申** 如 之術。」《黄氏 面 用 此。 而 韓 也。」其 親 所謂 正 又云 澧 也; 如鑑之應, 以 術 一、「人 (所謂 人主 爲 也 日 不 鈔 義 主 術 然 **\*** 

故董生對策得 之符、災異之變、性命之情、天人之應,又言 子大夫明 董 仲 舒舉 於 陰陽」云云。 賢 暢言之。 良,武 帝 此正 制 策,問三代受命 合董生之學,

以

之志 以 理。 觀 天 是故明 春秋繁露》云:「天意難 道 辨 也  $\overline{\mathcal{H}}$ 。」《天地陰陽篇 陽陰、人出、實 行 之本末、順 逆、 虚 董生之言陰陽、五 之處 小 見 大、 也,其道 ,所以觀 廣 狹 所 難 天

又云:「天地之閒有 陰陽之氣,常 漸 人

行

,其根源

在

此

數語

然實 陰 空,不疾而下,爲其乘氣,故勢不 而以 不 者,若水 陽 可 入於杳冥,使人不 見 可 之 治亂之氣, 見也。 注。 氣 耳 常 -, 其澹 ,至精微 漸 此 魚 《素問》王冰注 可 與之流 也。 澹 證 而 也 董 可 所 又 見,則 生 通 以 確 一之説 相 常 異 實。 殽 漸 於 何足 <del>-</del> -也。 矣。 雖 是 水 得 「夫落 者 澹 據 日 同 若 速焉。」《五 乎? 不 上。 澹 説 可 之中 可 所 陰 此説 見 其 陽 飛 與

而小刑之意也。」《王道通三篇》。 於末 是故 氣 子 來 陽尊陰卑篇 云「治亂之氣,與之流通」,則災異之説 而 運行大論 急 也。 而 陽常 陰 董生之言陰陽 陽 天之好 氣 氣 》語。 居 奪, 愛 實 又云: 陽 而 位 仁 氣 陰 而 而 仁 也 氣 行 近, 而 一,貴 於盛 陽 惡 惡戾之變 陰 氣 陽 陽 陰常 氣 暖 而 氣 戾, 而 此 賤 生 陰 陰。 所謂仁人之 陽 居空位 而 而 氣 氣 遠,大德 陰 寒 此 寬 陽 氣 繁露 而 而 行 陰 氣

言也。

性。」同上。此通天人之説矣。 取 誠 無時 無 諸 其 有 天。 受也。」《繁露・深察名號篇》。 情 性情也,若天之有陰陽也。 貪有仁,仁貪之氣,兩在於身。 大 ,猶言天之陽而 天之陰陽而言人之陰陽,其説云:「身 天兩有陰陽之施,身亦 無其陰 又云:「人之 也。 兩有貪仁之 言人之質而 身之名, 窮論者,

神也, 篇 亦由 之氣 以起陰;欲 雨 而起,其道一也。 而 止 起,人之陰氣起,而 則 [是也。」《同類相動篇》。 雨 可 又云:「天地之陰氣起,而 近 而 , 其 以 於術 疑 類 説 於神 íŁ 進 士之所爲矣。 本 面,則 退 醇 者, 也。 明於此者,欲致雨,則 Ī, 其 動 理 陽 雖 天地之陰 至《求 此言陰陽而及於致 以起 微 不祥,禍 妙 陽。 雨》、《止雨》二 也。 人之陰氣應之 氣 福 故致雨,非 非 亦 所 獨 宜 從 應之 陰 動 生, 陽 陰

**範** 令 ・ 五行 露 官 説不同。 災異,則多不足信。 緣 篇》略同。 異,其後遂成 之仁愛人君,而欲 警懼之。 先出災害以譴告之。不知自省,又出 書 下不和,陰陽繆盭,而 公羊》何注好説災異,實出 董仲舒治《公羊春秋》,始推 Ŧi. 而 • 五行 五行志》之學。 行對篇 五行志》所引董生説《春秋》之事 起 對策》云:「國家將有失道之敗,而 可見災異之説,各以 相 相勝篇》亦屢引《春秋 也。」此論災 又云:「邪氣積於下,怨惡畜於上 勝篇》。 尚 對 河 不知變而 風 間 《五行相 《治亂五行篇》、《五行變救篇》,皆 氣 獻  $\pm$ 矣。」《繁露 止其 《志》所引劉向、 問 異 《孝經》,「夫孝,天之經 生篇》則 於 傷 意推 妖孽生矣。 之説 董生。 事。 亂 敗 也。」《繁露・必仁且 説,非 乃 説司 甚醇 Ŧi. 陰陽爲儒者宗。 Ŧī. 蓋董生好言災 至 一行五事 有 農、 行 劉 以 實 正 歆説多 志序》云: 司 此災異 據 此 篇》, 馬 也。 見 怪 傅 至《 與董 天心 L似《月 乃《洪 異 天 地 줆 五 合 漢 所 以 迺 之 生 知

卓矣 屢中。 哀、平 昭、 大戒也。」  $\bar{z}$ 義 宣 「漢興 亦以 則李尋、田 則 仲舒下吏,夏侯囚執,眭孟誅戮,李尋流放,此學者之 眭 澧 五行爲説,尤可以不必矣。 ,推陰陽、言災異者 孟 謂 夏 好 終 父侯勝。 言陰 術,假 陽、 元、成則 經設誼 災異,實漢儒 孝武 依託 京房、 時 〇 班 有董 象類,或不免乎 翼 之病。 一种舒 孟堅《李尋 奉、 劉 夏侯 班氏 向 谷 始 傳 之論 億則 永。 昌 論

明孔 以 此天 不能 世, 説。 竇嬰、田 材、孝廉,皆自 其、武安侯爲相,而 此 施 運 行 氏, 其大有功於世者 殺身,而 董生之學,深 朝 使 其 廷」者: 一蚡 抑 道 然 粗 黜 也。 於天 其志終伸 豪之人,而 百 也。 仲 漢 家,立學校之官 下,至董 舒發之。」 澧謂: 班氏 武帝 邃者 隆 儒 「則班 於 在《春秋》及 矣。 時 身後 知 生乃能 隆 氣 自 及仲 孟堅所 也 儒 運 武 極 施 趙 孔子、孟子 舒 帝 州 盛 之、發之。 綰 云「切 對 初 郡 陰 也 册 立 王 舉 陽 茂 魏 臧 故 推 當 之

太史公作《孔子世家》,以孔子比周公

者。 也。 多至七十七人,其尊聖門至矣 但云某國人,少孔 《列傳》自伯 作《仲尼弟子列傳》, 夷以 子若 下僅百餘 干 其 歲 無 言 且. 行 有 而 可 此 無 記 歲 傳 數

及之。 翟立 或 夫也 日 傳, 並 孟子荀卿 此即太史公之距楊 孔子時, 善守禦,爲 而 但作此 或曰 列傳》末云:「蓋墨翟,宋之大 節 數 在 用。 語。 其 墨子之所長,盡 後。」太史公 至楊朱, 、墨也 更 在此 無 不 爲 六字。 語 墨

倡 於是 學而 本無學士,文翁遣相 其 E (教,相如爲之師。]談漢 蜀學比於齊魯。」故《 司 馬 《三國志》秦宓《與 相 如 經師 如東 也,非 受 地 止 學者宜知之。 七經,還教吏民 里 王 作《 志》 商 凡 書》 日 將 「文翁 通 蜀 小

其所作《至言》云: 此 可 見博 賈 Ш ± 之官, 祖父袪,故 戰 國 己 「《詩》曰:『濟 有 魏 之。  $\pm$ 時 Ш 博 受 士: 學 一弟子。 袪 濟多士,文 之 ()所言。 澧

敬,則 敬之, 以 能 王以 漢人《詩 力,不能 以寧」者何也? 人杜欽 專 精爲貴 醇 寧。』天下未嘗亡 即 不 杜 則 儒 非 影説 能 士: 盡 其祖父袪所 盡其心,不能盡其心,則不 其 用。 也。 也。 此 力,則不能 語 不能洽浹,如劉向父子及楊雄。」 班 然班 用之有 必 文王 氏又言:「谷永於經 西 孟堅言其 漢 好仁, 言 士 禮 時 成其功。」此善於説 一, 而 也, 義。 所 則仁 Ш 然 傳。 涉 自 故 而 |興,得 書,汎爲疏 獵 爲 其 不 文 書 説 Ŧ. 時 致 能 記 獨言 儒 其 亦 盡 士 不 達, 學 西 其 愛 而

皆罪 夫鄙 抑 即《孟子》首章之説。 儒 不易其俗而 篇》。 末 人也。」《孝養篇》。 利 則 鹽 又引《孟 而 士: 鐵論》文學引《孟子》曰:「居今之朝, 開 貪 成千乘之勢,不能一 義。 士 子》曰:「今之士,今之大夫, 貪 諸侯好利, 則庶人盜。」《本議 又曰 又曰:「竊聞 : 蒙以不潔,鄙 則大夫鄙;大 朝居也。」《論 治人之道, 篇 此 夫

掩鼻; 也。」同 良茂 有囊。 者乎 也。 鐵·取下篇》。「未有仁 也。 暮叩人門户,求水火,貪夫不怯。 義。」《世務篇》。 亡。」《伐功篇》。 「君不鄉道,不由仁義,而爲之强戰, 殺之,則曰: 用《孟子》之文。賢良曰:「野有餓殍,不 而 死,則 陵 ! 」《授時篇》。 夫爲 狗豕食人食,不知 上。 大王 惡人盛 唐 政 生、文學魯萬生之倫,六十餘 亦用《孟 日 好色,内無 而使 『非我也、兵也。』」《水旱篇》。 非 地利 飾 故 菽粟如 「公劉好貨、居者有積、行 君仁,莫不仁; 可以宗祀上帝。」《殊路篇》。 子》之文。 我 不 耐 也,歲也。」何 如人和。」《險固篇》。 遺 怨 檢 水火 女,外 其 也。 親 0 當 爲民 無 義 民 此 何則? 君 安有 之 曠 異 而 父母 義,莫不 雖 夫。」《鹽 時 後 乎 克 其 不 以 知 昏 必必 賢 仁. 民 收 君 者 饒 刀

飢

0 栗」,原作 「栗」,據北大本改。 道。 潤 此。 利 此 送 色乎 雜 王塤序》稱 然則 或 論 桓次公亦 此 不 篇 ? 曰 少。 利 桓 語 議 姚 篇 次公深於《孟子》之學矣。 賢 姬傳《跋鹽鐵論》云: 蓋 影語 幾於知 其 良文學之言,安知 殊 文 路 爲文好舉孟子之言 帝置《 以 同 此 道 歸 知 者 孟子》博 西 指 哉? 漢 在 「寬之書述事 時 於 宗禮 傳《孟 非 士,其 桓 ,幾於知 義 韓 頗 次 子》之 不實。」 效 昌 公所 退 黎 如 財

本, 陽家之言。 雜 形 兵法,皆儒者 也 法言 訓 而不 韓、 · 《 兵· 日 但 "「人病以多知爲雜。」」 澧 謂 淮南子》,雜家 問 頗 窮 商 神篇》云:「或 今人於《禮記》矣。 失之好 略 其 鞅 訓 所 所 之爲 》諸 當 由 奇 生,何 知 治也, 挬 耳 篇 日 也, 所説天文、曆律、 : 一淮 可 時 而楊子雲不 其 以 謂之博,不可 則 南 論 至此?」《覽冥訓 拔 訓 其 周 <u></u> 多 其 取 天文訓 知 末 之《月 根 歟? 諸 病 蕪 令》, 子 地 曷 其 謂 棄 云 此 ^ 其 雜。 理、 之 其 隆 陰 雜

其排

斥法家,可

謂有定識,有定力。

惟

其所

當

其

著

書

時

法

家之説

及黄老之説

猶

廉。」 上。 者,非 其擪 行。 刑,繩之以 也。 同上。 也; 同上。 足以 爲 覆 煩,而亂 趙 治 稽 「法能 政 若不 其所以亡者 化矣; 同上。 法能 息 也。」《泰族 所 趨 「國之所以 貴隨罪 畫 脈 留 愈生。 決 修 以 殺不 血 刑 其 法, 獄 貴 無道 其 排 竊 然 知 而 而 (扁鵲 訓 法 孝者,而 風 盜 斥 姦 鑒刑 病之所從生也。 故法者,治之具也,而 1,非以 夜 以 存者,非以 雖 俗 者 申 邪 者,非 理 故 行之法 殘 萌 書 韓 而 也,貴其知亂 而 賊 無 有 生, 不 縱 不 天下 御 商 貴 法 道以 能 其 ,雖衆,足以 能 史冠 也 其 有法也,以 盜 鞅、秦始 使 淫 使 隨 以 賊 統之法 弗能 辟 人 人 病 蓋 羣 所 無賢 爲 爲 接 而 乃 之 以 居 孔、 禁也。」 皇 調 於 伯 所 隨 貴 非 人 有 亂 雖 如 藥 郡 曾之 之 賢 由 聖 也 矣。」 所 事 此。 少 之 以 起 X 貴 X 以 愈 百

真訓》云: 訓
三
: 志欲大,智欲 云:「非澹薄無以明德,非寧静無以致遠。」又云:「心欲小而 矣。」《齊俗訓》。 是故仁義立 子也。」如云:「率性而 性,謂之德。 卷 道者,老子之道。故高誘序云:「其旨近老 也。」如 此 知神明 「機械之心藏於胷中,則純白 則更欲 「自其異者視之,肝膽胡越。 此類者,則襲用《莊子》語耳。○又如《主術訓 知其出於《淮南子》矣。 員而行欲方。」此則世人但 而道德遷矣,禮義 性失然後貴仁,道失然後貴義。 ,然後知道德不足爲 此則當時尚黄老之習氣 高 於老子道德之説 行,謂之道。得其天 不粹,神德不全。」《俶 自其同者視之,萬物 知爲諸葛武侯、孫思 飾 而 矣。」《原道 也。」《本經 純樸 也。 又 散 見

無 遣經術吏往治之,乃可 后 日 人,但多湮没耳。 往 夜泣不止。 漢重經 此二人皆通經術,知大禮。 術 景帝問公卿大臣,大臣以 ,始於武帝 梁孝王 解。 時。 於是遣田 謀反端頗 然前 此 叔、吕 見、太 未 爲 來 嘗

邈之語,而

不

叩頭服 公户滿意往諭之。 「故曰不通經術,知古今之大體,不可 嬰、田蚡之前矣。褚先生記此事 愧經術吏。 還,至霸昌廄,取火悉燒梁之反辭,但空手來 也。」褚先生又記燕王旦謀爲叛逆,事發覺,公卿大臣 公及左右近臣。 之,立起,坐飡,氣平復。 臣羊勝、公孫詭之屬 對景帝,言梁王不知也。 《漢書·儒林傳 罪。 澧案: 而其 公户滿意習於經 公户滿意,乃徐 少見之人,如從管 時大臣 護 以伏 已知重 造爲之者,獨 田 生善爲頌者之弟子 術 叔 誅死。 稱 、吕季 ,而論之云: 引古今通 經術,在 中 主 以 太 闚 爲三 真 其 后 請 天 竇 幸 不 聞 日

不疑 及占驗而重之。 士: 朝士益重儒術。」《後漢書・謝該傳》。 ,猶不甚重之,至是乃 定北 武帝以後,固 闕之前,夏侯勝辯常陰之驗,然後 其時之風尚可見 重經術矣。 益 重 一之耳 孔文舉云: 然則前 也 且 以 此 斷 獄 朝 儁

爲迂 出 也。 所以 無師,而王陽能爲其學,即 案:賈、董之後,罕見此議論。 大一統者,六合同風,九州共貫 興太平,未可 駿受焉。 長策,舉明主於三代之隆者也。 於鄒氏之説數? 明王制 》、《論 闊 牧民 臣 王吉 願 宣帝之於儒 宣帝時上疏曰:『陛下惟思世務,將 陛 兼 者,非有 語》教授。 殿 下 通 謂 與公卿 一世之民,濟之仁壽之域 Ŧi. 本 經,能 務 禮義科指 師 也。 術 好梁丘賀説《易》,令子 也。 大臣 爲《騶 固不 公卿未有建萬 其言《春秋》「大一統」,蓋 亚, 甚重之也。 可 宣帝乃以 及儒 氏 世世 也。 《春秋》所 春秋》, 生 今俗 通 其言 。」澧 述 行 世之 鄒氏 舊 者 吏 以 以

《詩》、《論語 光白:令夏侯勝用《尚書》授太后。 秋》,又從瑕丘 武 帝重 》、《孝經》。 經學, 詔 江. 公受《穀梁》。 受《詩 戾 太子 》於東 受《公羊 海 宣 液 其後元帝 中翁 帝 師 霍 受 春

> 相、御 博士。 = 不 荀悦乃云: 學。」《後漢紀》卷二十二。 明、章之間,尊師稽古,賓禮 之業,流化於天下也。 士位者,使卓然可觀。」袁彦伯 尊道德也。 宜皆明於古今,温故知 陽朔二年,韶 好儒,成帝好經書。 元、成猶能 盡其實; 所論頗 史其 否則學者無術焉,爲下所 苛矣。 繼之。 與中二千石、二千石 「孝武皇帝内修文學。 發其始,不要其終。」《漢紀》卷二十 工欲善其事,必先利 曰:「古之立太學,將 流 薛宣經術淺,成帝 蓋 及 儒林之官,四海淵 新,通達國體 武帝 東 漢 儒 開 明 術,故人重其 云: 雜 代風 輕,非 章 然好 其器。 舉 以傳 「元、成 而 故 可 其 極 氣 輕 充 所 謂 之。 盛。 原 博 以 派

史,碭魯賜至東海太守,蘭陵繆生至長沙内臨淮太守,周霸至膠西内史,夏寬至城陽内申公弟子爲博士者十餘人。孔安國至

内 史,徐 史。 偃 其 爲 治 膠 官 西 民 中 皆 尉, 有 廉 鄒 節 闕 稱 門 其 慶忌 好 學 爲 膠 此 西 東

漢儒者學行政事兼備者。

兼 任 事 士。 備 經, 禮 至。 備 政 張 雖 北 事 以 及 薛 卑 禹 于 疏 雋 面 爲 讀 經 廣 賤 定 廣 不 舉 備 班 ,徒步 其 或 明《 德 三公,直言 少 疑 爲 弟 傳 孟 以《 爲 治 好 禹 博 堅 子 ,皆無瑕 廷 學,明《 往 魯 春 士。 貢》,使 禮 以 尉 過 詩 秋》,爲 此 定國 諫 乃迎 禹 六 爲 教授。 玷 争。 春 薦 行 人同 人 也 師 秋 宣 郡 河。 皆 謙 平. 學《 **%** 經 文 傳 與鈞禮 恭, 爲 當 八學,進 明 彭 春 學 人 皆學行 以 有 宣 尤 秋 者 温 明 威 重 治《易》, \* 自 經 雅 恩 退 重 經 身 政 有 敬 遠 必 爲 術 事 醖 可 博 甚 執 方 以

相 貢 謂 容 貢 齋 禹 隨 康, 薛 筆》 宋 廣 人避 云 德、 : 韋玄成、 「匡」字,  $\overline{ }$ 漢 改 元 爲 康衡 帝 「康」。 紀 也 贊 迭 爲 衡 云 專 宰

納。 苞禍心,外示舒 可 染於經學之儒 E 傳 恭、 人。』若以 者當矣。 不殺之耳。 臣 排 考。 附 而 獄 事 之《逐痁鬼文》云: \*\* \*\* \*\* \*\* 在 不忠。 教 許、史,毀 石 顯 望之死 大 令人言 劾 按 下 顯 而 薦 更 太 こ 貢 得之。 劉 最 蓋自 禹 漢 幸不伏誅,復蒙 生 傅 弘 禹 向 爲 後 變 離 天 然則 法 前 韋 傳 明 公孫 也。」 子, 邪 事 親 死而 論 爲 玄 「有公孫弘者,刻己沽 班 **\*** 經 此 臣 章、貢之所 戚 之, 九 成、 誣 歷 著 有 史 卷九 西 弘之後,其邪 欲 卿 知 罔 弘 節 位 更 隱 漢 諫 廣 是 退 不 顯 生 坐 九 恭、 儒 而 大 足爲矯 德 澧謂 去之, 道。 恩召用,不 與 卿, 死 風 使 不 夫 石 但 蕭 所 以 有 論 人 貢 有 至 顯 更 進 以 餘 望 致意 而 名 御 禹 諫 容 矯 生 H 唯 用 之、 不 罪 獨 飾 之術 坐 齋 史 與 埭 御 於《 醇 。 皆 深 悔 情 專 大 幸 所 免 唐 廷. 更 樓 釣 也 前 權 石 夫。」 陰 元 遂 抉 自 爲 堪 尉 生 船 過 沾 摘 顯 附 帝 庶 謀 雜 下 内 孫

**元** 物、天心也。 傳》, 離内質矣。」澧案:此《詩傳》當是元王《詩傳》也 故誠不遠也。 深結其意於一,故一心可以事百君,百心不可以事一君。 子者,一心也。 厚《漢書藝文志攷證 其子七兮。 與毛義異者,後儒以爲必本於《魯詩》。此王伯 在 申公爲《詩傳》, 河閒獻王之前。 王詩 號 楚元王交與申公俱受《詩》於浮丘 日《元王詩 业。 淑人君子,其儀一兮。」傳曰: 『尸鳩之所以養七 五者不離,合而爲一,謂之天心。 夫誠者一也,一者質也。 君子之所以理萬物者,一 《説苑•反質篇》:「《詩》云: 》語 號《魯詩》。 **%** ,後儒皆從之。 子政乃其玄孫,所説《詩》 此漢之宗室有經學者, 君子雖有外文,必不 元王亦次《詩 澧謂: 儀 也。 在我能 「尸鳩在桑, 或本 以 儀理 伯。 因 於 是 自

固不少 梁》不同,如云: 大明 藝文志》有《穀梁外傳》二十篇、《穀梁章句》三十三篇,其書 宣帝 其 韶劉子政受《穀梁春 、穀梁》書少,劉子政受之十餘年,乃大明習者, E 封 事 魯隱之初即位 所 説《春 秋》,乃多 秋》,十 ,周大夫祭伯 與《 餘 年, 穀

《穀梁》義,而乃有取於《左傳》。 法, 梁》則云「戎者,衛也」。是時《公羊》、《穀梁》 使。」此似從《左傳》,《公羊》以爲戎狄,《穀 也。」此張晏之誤,師古未訂正之。 其子歆治《左氏》,數以 二家相争,子政受《穀梁》而多從《公羊》。 傳》、《公羊》、《穀梁》皆無之。 無此説。又云:「鄭傷 而專恣。」此亦用《公羊》譏 者,來朝 出奔於魯。」此乃《公羊》説、《穀梁》則云: 而識量則甚宏通也 也。」顏師古注引張 難子政。 桓王。」此事惟見《左 晏日 世 又云: 又云:「戎執 卿之説、穀梁 「《穀梁 蓋 子政自持 一尹 雖 傳》曰 篤 氏 守家 世 「來 其 其 卿

説。 秋》。 王末年至周之陵夷,不能復興,括盡 篇之中,引《詩》至十五 其言痛切,發於至誠 劉子 又引《易》, 政奏疏 多引經。 引《論語 條 元 班 孟 讀 帝 其 堅云: 之 時 説 似 所 春 上 秋 部《 向 自 封 春 卒 經 平. 事

子雲, 劉子 哉 ? 馬 社稷輕 秦滅。』孟 壘集題詞》云:「太史公《屈原傳》云:『原死後,楚日削,竟爲 政 後 遷 在 十三歲, 政。 漢 曾南豐 重 蓋 揚 不 何如哉!又比之孟軻、孫況、董仲舒、司 堅亦云: 「子政卒後十三歲,王氏代漢。」此兩人係 猶 雄 但 知其何意,不必 不至於亡 而 《新序目録序》、《説苑目録序》尊楊子雲而 以 澧謂: 王 其 氏 博 代漢。」 治耳。 子政 與辯 也。 矣 比 張天如《百三家集 此 子雲豈 董生尤 乃 特 筆 醇 可 也 IE. 比 子 tk. 明子 劉中 政 楊 詆 信

〇以 子曰 曰 : 人受諫則聖。」同上。 非 日 無終始,無務多業。」《建本篇》。「子路問於孔 爲是,用是爲非乎?』」同上。「木受繩則 上二條,偽《古文尚書》取之,以其最精也。 示 『請 説 「懍 可。 釋古之學而 苑》多載 懍焉 釋古之學 如 孔子語。 以 「子貢問治民於孔子。 行由之意,可乎?』孔子 腐 而行子之意,庸知子用 索御 其最精者,曰: 奔 馬。』」《政理 夫一 篇》。 IĘ, 事 仞 孔

> 上。 深; 少,故今祇録《 若無《説 者,非爲 不 大,其與 之主也。 乎?」同上。「夫舉賢者,百福之宗也,而 之牆,民不 困,不成王,列士不 必忠信重厚,然後求其知能焉。 陵 遲 可 重厚 如 身不 以 故 此類者,記聖人之言,《 身 而 也。 苑》,則其 通 -約,則 堯舜繼矣。」同上。 不齊之所治者,小也。 多 《説苑》。 近 能踰 也,爲 今是仁義之陵遲久矣,能 知能,如 也。」《尊賢篇》。 智不廣。」《雜言篇》。 ; 窮 語 百仞之山 而 不傳矣。 困,不成行。」同上。 此 不 人者,譬猶 困 〇不齊, 宓子賤。 也, 憂不 一,童子 居 《新序》書少,所 論語》之亞 不 今人有 不 图绘 升 齊 豺 人 衰也 而 則 所 狼 民 游 學 君不 思 不忠 與? 治 弗 神 也。 焉 不 者 踰 明

而曰我能行義,吾不信也。」《立節篇》。子賤路曰:「不能勤苦,不能恬貧窮,不能輕死亡,又多載孔子弟子及子思、孟子語。如子

甚,則 溝壑 者遠 也。 思 加 語。 狎足以交懽,莊足以 受?』子思曰: 而 時。」《建本篇》。 而 語,公孟子高、顓孫子莫與曾子問答語,公明宣與曾子問答 之,是學日  $\exists$ 九食。 疾 望 ·有「刖者悦子羔,孔子稱之」之語 子思曰: 「自吾之仕 也。」」《立節篇》。 ,不若登高之博見。故順 吾嘗幽 耐 相簡 而聞 不受。 伋 故 雌貧 田子 魚 者衆; 也,莊甚,則不相親。 益 處 乘於 「學,所以益 明也。」《政理篇》。 子方曰:『我有子 而 方聞之,使人遺狐白之裘。子 「子思居於衛 也,不忍以身爲溝壑。 『伋聞之,妄與,不 ,所得者,始誦之文,今履 深思,不若學之速,吾嘗跂 登丘 水, 「孟子曰:『人皆知以食 成禮 鳥 而 乘 才也; 招,臂 而已。」《叢談篇》。 於風, ,孔子與 , 緼袍無表, 二旬 風 曾子曰 不 礪 如 是故君子之 無 加 而 漆雕 草 遺 所 長,而 呼,聲不 何故 木 馬 是以 棄 以 : 人問 乘 物 致 而行 〇此 不 刃 於 於 見 不 狎 答

得粟。 人知 博學多聞。 愈飢 所聞之古語也,爲士者當書諸 不入於家。 行詐僞。 吾聞士修身潔行,不爲苟  $\wedge$ 糞其 列女傳》亦多載名言。 莫知以學愈愚。』」《建 糞心易行,而得其所欲。 非義之事,不計於心。 田 言行若一,情貌相副。」 何謂易行? 一 莫知 糞 其 心。 得。 性止 本篇》。 如 糞 紳 齊 竭  $\mathbb{H}$ 淫也。」」同上。 何 非  $\mathbb{H}$ 情 孟 莫過 此田 謂 理 稷 盡 糞 子 母云: 實,不 稷母 利  $\Box$ 

《論 也。」同一 乎 云: 淵 朝隱者與?』曰 禄隱》。 ·!」《問明篇》。「蜀莊沈冥,吾珍莊也,居 騫篇》。 楊子雲《法言》云:「楚兩龔之潔,其清 餓顯之高,禄隱之下,豈足求聖賢哉! 上。 此皆子雲自愧自傷之語 此 〇蜀莊,嚴君平也。 不知子雲之意 『古者高 「或問 前 餓 妄論 顯 下 下 也。 論之。 柳 禄隱。」 王介甫 下 惠 難 爲

敢

當

法言》云:「古者楊、墨塞路,孟子辭

而

德,吾有取焉耳。」《問道篇》。則不能廓如矣。| 可也,真可以比孟子矣。然又云:「老子之言道 | 可孟子。」《吾子篇》。子雲所闢者,老、莊、申、韓| 關之,廓如也。後之塞路者有矣,竊自比於 | 雲

徊陰山 也。」同上。 獨子愛其死乎?』、《君子篇》。持此以問言仙 仙 者,其何辭以對? 帝、堯、舜殂落 惟闢神仙之説最善。其説云:「或問:『人言 者,有諸乎?』曰: 翔以紆曲兮,吾乃今日覩西王母。 尤快論也 而死,文王畢,孔子魯城之北。 又云: ! 『吾聞伏犧、神農殁,黄 司馬相如《大人賦》云: 「仙人名 暠然白首,戴勝 生而 實 低 死

尼。 謂仲尼乎?』曰:『其文是也,其質非 吾子篇》。 入其門,升其堂,伏其几,襲其裳, 又云:「或曰:『有人焉,自姓孔而 論語》哉! 子雲既明乎此,則何必著 黄 Ш 谷《溪山吟》云: 「念昔楊 書以 也。二 字仲 則 擬 可 子

濟萬世

一不足以喜此。」亦妙於語言也

而穴處兮,亦幸有三足烏爲之使。

必長生若此而不死兮,雖

雲,刻意師丘、軻。」惟其刻意,故至於其文是,其質非矣。

衡• 『卓爾蹈孔子之跡,鴻茂參貳聖之才』者也。」 非庶幾之才,不能成也。 五經相擬,非徒傳記之屬,漢家得天下二百歲之書也。」」《論 傳》云: 辭者,張平子、王仲任之等是也。《後漢書·張衡 可爲」一語耳。 可爲也。」《脩身篇》。 超奇篇》曰:「陽成子長作《樂經》,楊子雲作《太玄經》, 又云:「聖人之辭可爲也,使人信之,不 「謂崔瑗曰:「吾觀《太玄》,方知子雲妙極道數 然亦有信子雲之辭爲聖人之 子雲之病,正在 孔子作《春秋》,二子作兩經,所 「聖人之辭 乃 與

《君子篇》。 文章,始於此 不見,文章亦不足爲 云"「七十子之於仲尼 以書也, 宰我、子貢得其言矣,未得 也,顏淵、閔子得其行矣,未得其所 又云:「子游、子夏得其書矣,未得 儒者輕 議聖門諸賢,始 矣。」《淵騫篇》。 也,日 聞 所 不聞,見所 儒者 於此。 其所 以 輕 也。 以言 其所 視 又

《太玄》云:「君子藏淵足以禮神、發動足

珍、睟 足以 以祀瞽宗。」謂 冥。」《玄文篇》。 以 陰與陽。 地,佗然示 而  $\Box$ 黎丘 晦 振 萬 類 衆,高 與明。」《玄瑩篇》。 隱 鬼 精 同。」同上。 塞。 也」。 以 形地之緯, 明足 王 人明矣。」《玄攡篇》。 **擦數**。」《玄數篇》。 通 君 「風 竹垞《齋 也 子 以 能 而 「夫天,宙然示 覆 識 中 此 照 昆 曰從與横。表人之行, 讀 虎,雲而 五 書詩 制刻 者,故 命天地 \*\frac{\times}{\times}: 此 足 「立天之經,日 知龍。 亦 以 「嗟彼黎丘鬼,乃 朱竹垞 人神矣。 而産蓍、參、 竦 擬, 罔 直 賢人作 蒙 所謂 继 夫 酋 冥

君子 其思 道幾 所爲 玄》,詧爲 夫道哉?」澧謂:《太玄》此數語最精善,且無 , 艱其言, 迂溺其所以 矣。』予之於《太玄》也 能 而 宋史 强 不 其 足者,善也; 解述大旨。 所不 章詧傳》云: 足而 拂 再復《攤》詞曰:『人之 所醜 其 爲數,是惡足 所 ,述斯而 范 而 有餘、《太玄》之 有餘者,惡也 百禄從 己。 心扣《太 若苦 以 語

艱深之病。章詧述之,可謂有識。

矜,爲道病也。」《成首》。 忘其 首》。 首》。 淵。」《上首》。 以爲法。 于中衢,大小無迷。」《達首》。 正矣。」「寖其所好,漸以差也。」《差首》。 云 : 攸資。」《瞢首》。 「《周禮》有「璧羨不圓」之璧也。 西。」《鋭首》。 「羨于初,後難正 「微失自攻,人未知也。」《差首》。 《太玄》云:「鋭, 又云:「上无根,思登于天,谷在 〇司馬 「沈視自見,賢于 「盲征 温公注云: 也。」《羨首》。 學者當以爲戒 否 無 明,不 「谷,窮也。」「鋭其東, 不達。」《鋭首》。 始 「鑒貞不迷,于人 初 ൬ 見道 眇 邪 〇司 之眄。」《沈 則 將 學者 馬 也。」《晦 次後不 温公注 成 「達 于 當

子云: 其摶,不如 始退也。』」《中首》。 曰:『日中,月 日 「康節凡事只到中央便止,如看 Œ 中,月 開 明 隆 於西。 明恐 正隆,君子 此邵 挫 康節之學所自 測 也。』」《晦首》。 日 自 一月 晦 不入 闕 其摶 Щ. 窮。 花切勿 月 賤 闕 朱 測

看離披是也。」《語類》卷一百。

似 雄 依倣之,故 之,爲十二萬九千六百年。 後來邵康節又依倣之,爲《皇極 六百一十七歲。 日之一。又引長之,以八十一首當一元四千 之,爲《太玄》,以一首當 日之一。孟喜、京房皆用 六日七分,六十卦主一歲三百六十 三百六十四日半。 康節所用以 劉歆《三統法》尤復疎闊。 揚雄。」《遺書》卷十五 知曆法,又 百百 易緯稽 推元會者,即六日七分之法。」故 推 許之耳。 知曆理。 覽圖》、《是類謀》,皆以 《續漢書 朱子亦云: **踦**贊當半日, 贏 揚雄心惑其説,采爲《太玄》。」 《皇極經世 程伊川云: . 四 律曆 其 全謝 日 康節之學,似楊子雲。」 説。 半,八 志》注引何 Щ 「堯夫之學,大抵 觀物外篇》。 經世》,引長 楊 讀易别録》云: + 贊當 康 子 Ŧi. 節 雲依 一卦主 承天云: 一首當 日 謂 四 四 既 分 揚 分 倣 如此。 道

《劇秦美新》云:「秦餘制度,項氏爵號,

子,且 傳》: 漢美,此勝子雲遠矣。]〇曾南豐 弛 雖 而 違 而 「羣臣並 云: 古 譏 未 漢制 張。」此非 而 「箕子於美新, 猶 頌 襲之。 魏德、多抑 ,蓋子雲開其 劇 是以 秦,乃劇 損前 安知其不爲?」 朝。 帝 《答王深甫書》以子雲比箕 端也。《三國 典 臻獨明禪授之義 漢矣。 闕 而 南 不 後儒 豐 補, 議 志・ 論 談王 王 之謬 衛臻 稱 緇 揚

二事也,何足怪乎?《三國志・秦宓傳》云:「王商爲嚴君平、李弘立祠。宓與書曰:『李仲元不遭《法言》,李弘立祠。宓與書曰:『李仲元不遭《法言》,《三國志・秦宓傳》云:「王商爲嚴君平、《三國志・秦宓傳》云:「王商爲嚴君平、

莽。 蔣詡、栗 矣,是故清節之士,於是爲貴。」此總 其贊云:「漢興、將相名臣懷禄耽 班 孟堅爲《王 融、禽慶、蘇 貢 兩 章、 龔 曹竟,皆不 鮑 傳 》,末 載 仕 括 龍者 郭欽、 於王 一代 多

初如 平、逢萌、王霸、周黨,黨傳後有譚賢、殷謨,《戴良傳》有其曾 舜,亦斯言之玷。 與禽慶同遊五岳,班氏載禽慶,不載向平,豈以向平嘗爲 祖父遵。若詳考之、當更有其人。 東 而 風 邑所辟歟? 末有孔休、蔡勳、劉寅、《任延傳》有龍丘萇、《逸民傳 班史所載,不仕王莽者祇數人。 莽篡國,忠義之流,恥見纓紼。 清節之士矣。 後,頗尚儒術,雖未能盡挽頹 少禮、士廉節者不來。 其所由來遠矣。 士之頑鈍、嗜利、無恥者,亦多歸漢。」開 不可勝數」。 漢 保身懷方,彌 氣 風 此,安得不成爲 良史特筆 俗,乃西漢 此 澧案:卓茂,其最著顯者也。 似 至謂郇 《後漢 有 意 相 也。 陳平對高 也。 末 慕襲。」 越志節 書 年清節之 一代風 西 薛方自 • 大王能 漢 《後漢書 尤高, 黨錮 班 此 人懷禄 帝云:「大王慢而 比巢、 氏頗簡略 亦 風,而末季遂多 氣乎? 而置之紀逡、二 傳序》云: 士 范 饒 雖漢 冉 逸民傳序 范書《卓 開 書 人以 耽寵之風 而 矣。 (徳重) 之特 其 以 武 莽 爵邑, 先 然向 國之 帝 比堯、 ~ 茂 三王 唐 則 也 筆 開 傳 以 之 王 Ψ. 向 云 東塾

讀書記卷十

Ξ 終 列

則未喻其意矣。

## 東塾讀書記卷十五

漢

儒

自鄭君外,注《

周禮》及《儀

禮

•

喪

服

秋》名家

者多,而禮

家獨少。

《釋文

•

序

兩《漢書

儒

林傳》以《易》、《書》、《詩

》、《春

者

一,惟

馬

融,注《禮記》者,惟盧

植

鄭

君

盡注

三禮,發

揮旁通

,遂使三禮之書合爲一家之

番禺 陳澧 撰

鄭

學

學者,聖人之道」。」禮謂: 記》注有云:「所學者,聖人之道,在 意。」此自言其所學也。 如 造,故又云「在方策 疏 此。  $\overline{Z}$ 鄭 「鄭恐所學惟小小才藝之事,故云『所 康 成《戒子書》云:「念述先聖之元 也」。 其 鄭君論 鄭恐學者鄉 論學之語,則《學 學大旨蓋 方策。」孔 壁 虚

雜 記 》疏皆 孔沖遠云: 有此 語。 不 「禮是鄭學。」《月令》、《明堂位》、 知出 於孔沖遠,抑 更有 所 出 考

不動。 子「非 學,非 紀》之語 造次顛沛、非禮不動。」《後漢紀》卷三十九。 注解,且可爲朝廷定制也。 學,故直斷之曰「禮是鄭學」也 鄭玄之徒。」《後漢書》本傳。 盧子榦云: 但注 禮勿動」, 顔子請事 ,皆掇會諸古書,非袁彦伯虚 故范武 解,實能履 子以爲仲尼之門不 「修禮者,應徵有道之人,若 而 然則鄭君禮學,非但 行之也。 斯語 袁彦伯云:「鄭玄 造。 鄭 然 能 孔 君 則 過 亦 子 鄭 也 ○《後 非 告 君 禮 禮 顔 漢

若隱略,則更表明。 可識別也。」《釋文》引。 六藝論》云: 「注《詩》宗毛爲主。 如有不同,即下己意,使 此鄭君注經之法,不獨 毛義

《張侯論》爲本,參考《齊論》、《古論》而爲之注。」《論語釋文》 異。 殘闕 别據《 注》雖 集解 邵公墨守之學,有宗主 後以古經校之,取其義 儒,今讚 其所長,無偏 義之學,有不同 後漢書 詩 鄭注 齊》、《古》,爲之注。」《隋書 儀禮》、《論語》、《尚書》,皆與箋《詩》之法 「鄭校周之本,以《齊》、《古》讀正,凡五十事。」《尚 》箋爲然。 有宗主,亦 地 已佚,焦里堂輯《禹貢 尚 序》云: 説 本於班 • 儒林傳》云:「鄭玄本習《小戴禮 可 而 》等書 考而 辨之。」讚, 無弊 《周 氏《 有 而 知 「鄭玄就《魯論》篇章,考之 ,明言所以易之之義。 禮序》云: 也 無 不 也。」然則鄭君注《周 地理 同 宗 即表明 而 長者。」何平叔 主 志》,閒有不合者,必 此 無 · 經籍志》云:「鄭玄以 鄭 也。 不 「二鄭,同宗之大 惟鄭 注 氏家 同 》而釋之云 辨, 代氏家 即下己意 法 許 也。 叔 法 論 禮 注 重 ···, 兼 也。 異 無 × 雖 書 語 何

《左傳》鄭君注《左傳》未成,以與服子慎。 門》。 荷從 詩》。 從張 徐氏實未知鄭氏家法也。 二十四年徐疏引《發墨守》而論之,云:「鄭氏 如宗《毛詩 用三家」,則非也。 一。」 澧調: 鄭君 而 恭祖受《左氏 鄭君之學,不以先入者爲主 不注《公羊》,箋《毛 》而兼用 師 事 「不苟從一」之語,似識鄭 第五 鄭君宗《左傳》而兼用《公羊》、《穀梁》,亦 《齊》、《魯》、《韓 春秋》、《韓詩 蓋鄭氏家法,知之者鮮 元先,通《公羊春 掌 詩 贵 君家法。 **>** 得謂 》,然 見 也 而 雜 之雜 世 不 用三家,不 《公羊》僖 其 秋 説 箋 其 用 (云 雜 後 文學 韓 注 又

然猶 三君子之文章,顧 析 灼然如晦 儒 類,考訓 明 疑當作 有參錯,同事 鄭君之讚 理于典 詁 之見 「析符復合」。 捃 籍、觕識《周官》之義、存古字、 辨二 明 祕 ; 逸。 省竹帛之浮辭 相 其所彌 鄭也,其説 違,則 斯 謂二鄭者,同宗之大 可 縫、奄 謂 就 雅 云: 其原文字之聲 達 其 然 「玄竊 廣 如合符復 攬者 所變易, 觀二 也。

序》。 世 發 疑 澧嘗論之曰: 今讚 IE. 讀 ,亦信多善,徒寡 而 辨之, 自非 庶 成 聖人,孰無參錯 此 家 且. 世 約 所 用 訓 不 也。」《周 顯 ? 傳 前 于 禮 辨

及,可於兩序見之。 也。 貴 何邵公《公羊序》,則 己之風。 知 明 儒 置之不 ,此義,讀古人書,辨其參錯,而其多善,則 也。 者 參 讀鄭君 愈 論。 然辨 明 賴 此學者之大 ; 《周 後 既 其 辨 禮 儒 失 序》,所謂 其 如 有 博 錯 未 觀武庫, 以 學知服之義,且 ,不可没其多善。 合者,而 辨 病 如如 之。 也,由 但 入宗 [覩矛戟矣]。 廟 合者愈合。 辨其 失鄭 但 見禮樂器」。 未明 氏 開 鄭學非 家 露 後儒 者, 法 才 故 何 故 揚 足 而 不 讀 所 因 用 成

蓋説 之言,當各由己。 疑焉。』《駁 尚 書大傳注 經不可不辨是非。 周 禮 Ŧi. 注 《孟子》曰:「人無是非之心,非人也。」、然 》以《大傳 一》與 經異義 先 鄭 ( ) 每: 影爲 不 曲 同者, 條云「玄之聞 禮》「毋雷同」,注云: 非者 則 則 云「玄謂 云:「玄或 也 人

> 公三書有害 然,有云「鄉 也。 何之年輩不在鄭之前,不妨正 先 其《箴 儒 之説,其 膏 於 曲之學,深可忿疾」者,此以 育》、《發墨守》、《起 經 辭 學 氣 風 當 氣,不得 謙 恭 不, ì 不「忿疾」 相 可 廢 非 囂 疾 也 争 何 則 求 又 邵 不 勝

儒 案: 其牢既 先儒 哭成 孔疏云:「鄭以《士虞禮》云:『三虞,卒哭,他 附」,言『皆』,則『卒哭成事 之法也 此 剛 事,附,皆大牢。下大夫之虞也,犆 鄭 之義。 經 日 事 雜記下》:「上大夫之虞也,少牢, 破先 别, <del>-</del> -。」先儒以 外, 明卒哭與虞不同。 儒 『上大夫虞用少牢,卒哭用大牢。』 故 皆少牢。」注 而 云『卒哭成 不引其説以 此三虞卒哭,同 事 云:「『卒哭成 ,附」與虞異矣。」 ', 與 破之,此亦尊先 鄭 虞異矣』。 是 引 事。 此文,破 牲,卒 卒哭 事 鄭

《喪服小記》:「庶子不爲長子斬,不繼祖

子,不欲 Ŧi. 與 也。」此尊其師 五世之適 世 禰 心孔 故 也。」注云: Œ 疏 , 父乃爲之斬 言 云: 之法 相 「馬季長 非 「言不繼 也 故 依 也。」 注《喪服》云: 違 祖 鄭 而 禰 是馬 言 則長 日 示不 季長弟 子不 二此 必 爲 必

爲博, 者,欲使學者尋省易了。」此知鄭君之意者也 人所 亦 寡」也。 而 國志 衆 有樂於是與?」此鄭 賴 篇明,於力 詩譜序》云:「舉一 徒 · 高貴鄉公紀》淳于俊云: 有古人之書者,「於力則 若穿鑿以爲深,詭祕以 眩學 者 則 之耳 鮮 目 於思 君著 綱 則 「鄭玄合《彖》、《象》於經 而 則 書之法 非 萬目 寡 君 爲 鮮, 子 奇 張,解 其諸 也 所 鋪 於思 樂 張 蓋 君 矣。 以 後 子 卷 則

以 經 不 解者耳。」《詩 簡 Ŧ 約 鄭志 ※云: 九百 也 其 七十九 顯 「文義 螽斯 而 礼 易 字,注二千七百 自解,故不言之,凡説 見 疏 引。 者 此諸 少 牢 經鄭注之所 饋 八十七 食 禮

三字。 字 ; 知 羅 有 者 通 數倍,非先賢談經之體。」范蔚宗云:「玄質於辭 張敬夫孟子説疑義書》云:「本文不過數 <u>Ŧi.</u> 記》、《樂記》二篇, 百 而 於經之字數,後儒 三篇,經七千四百六十字,注 數說。 衆家 干 Ŧī. 所 少 人 則 ^ 功,後 頗譏 歸。」然則 五百三十二字;《祭法》、《祭義 十六字 有 殊不通也。 此據張氏刻撫州本卷後字數。 司 删 章句多者,或迺 其 徹 生 裁 繁。」 ; 》,經四千七百九十字,注三千 繁 疑 蔚宗固 此 誣 而 據黄 此 注 蔚宗又云: 莫正 經六千 刊 通 經者能 氏 知鄭之不繁也 改 人不知 刻 嚴 漏 百餘 鄭玄 四 州 失。 如 百 本卷後字數。 爲 五千五 萬言。 是乎? 括 經有 語,而所解 注之字數,少 九 誰。 自 + 囊 是學者 》、《祭統 大典 數家,家 五字,注 學徒 所 百二十 朱子《答 者文過 謂 (),網  $\sim$ 訓 學 略 勞 繁 四

灋于官府,設其攷」,注云:「考,成也。佐成鄭君注經甚慎。如《周禮・大宰》「乃施

之考。 事 師, 司 徒。』若然,鄉師 云:『及葬,執 者 空亡,未聞 事官之屬。 謂 而此云 『未聞』者,彼文以義約之,司 宰 夫、鄉 其考。」賈疏 纛 是司徒之考,則匠 以 其 師、 於 與匠 肆 司 師、軍 空, 師 云:「案: 御 若 置。 」注 司 鄉 馬、 師 師 士 **《**鄉 之於 云: 亦 師 司 「 匠 師》 也。 空 司

享幣也。 也 也 蓋 與?」賈 祀之聯 疏 文,則曰「未 也。」觀 又「大朝覲 空考,匠 前 云:「無正文,故言『云』也。」又《小宰》「 皆與 人有此 膳 夫》「羞用 此 事」,注云:「奉牲者,其司 疏 師 其合,亦如小行人所合六幣云。」賈 有正 會同,贊玉幣」,注云:「玉幣,諸侯 也。 則 云:「無 説 聞 知 文者 也。 百二十 \_, 不 無 鄭 IE. 或言 敢 注 不同,故未敢自 品」,注云: 正文,故云『與』以 文,故此云『未 臆 必 説 據 「與」者,以己意揣度 也。 經之正文。 「天子諸 或言「云」者, 候有 以 聞」也。」 空奉 爲 其 無 疑 (數,而 必 之 然 豕 正 祭

 $\wedge$ 

^

此。 物未得盡聞。」澧案: 以義取之之法,不拘 天子親往。」鄭以 漁 月令》正文。」 澧案: 師 爲梁。」 賈疏云: ◎黴 人》「掌以 此經有『梁』字,故於《月令》以 泥 此 時 此「未得 「案:《月令》季冬云:『命 也 雖無正文,而可知其必 戲爲 梁」, 盡聞」,亦 注 云: 必明言之,其 「《月令》: 如 義 漁 此 取 之, 師 則又 (篤實 始 非是 漁 如

《士冠禮》賈疏語。 内疊 字。《論語》「而在於蕭牆之内也」,其旁注云:「盍毛、包 無『於』。」但今惟見此一條耳。 書,則如國朝 執。」此二語,真 並存古文今文。 周 周 禮漢讀考》云 禮》之並 出 鄭注《周禮》,並存故書今書,注《儀 古文; 《四庫》著録,非但校字而已。 存 從古文,則注內疊出今文。 故書今書,亦是 此於己意所不從,亦不没之。 知 此 鄭學者也 「鄭君 後來 《儀禮》,從今文,則 校書之法 擇 善 此 而 熹平石 意。 從, 也 段 絶 經則 劉 懋堂 無 禮 向 偏 此 注 居 校 校

教 木之箋,所謂受中自天,秉彝攸 孔巽軒云:「繹 鄭君生質 之訓 好, , 誦 孔 周 口

氣。 學其 而 也。」又「故 論,反 則遂 巽 之交,鬼神之會,五行之秀氣也」,注云:「言人兼此氣性 説》 訓者 案,漢 有仁義,教之則進也。」此二條説心性最精, 弓》詩 生者也」,注云: 軒 程子云: Ĕ 于格不人,迷惑無 近 獨 證 學非 、《中庸》「天命之謂性」,注云: 毋教 者 能 性 人者,天地之心也,五行之端也 而 識 小 「論性 明 譌。」《戴氏遺書序》。 之。 者、生之質。」」「教木之箋」者、《 者。 猱升木」,箋云:「以喻人之心皆 也。 「此言兼氣性之效也。」此鄭 不論 《禮記 至於: 《禮運》「故人者,其 氣 不 先 聞。」此 備 緇衣》注云:「初時 王 。」《遺書》卷六。 大道,性與 澧案:「 又 食味、 미 天地之德,陰 與異 鄭 君言 、别聲、 君 「《孝經 生質之 天 兼氣性 性兼 軒所 被 命 角 言 色 純 陽

旅 理 知 , 宜 仍 程 朱義 王 通 即 西 力以治田 漢 理之學,漢 莊 儒 云: 意 趣。 學者若能 ; 醯醢 儒 兩 已見及。 家 鹽梅 本 識 得 必和 家, 康 程 成 如 劑 朱 深 主 研 以 處 成 伯 精 , 方 味 亞 義  $\wedge$ 

之説

,可無「不備」之譏矣

得 罕有 即 也。」《十七史商権》卷六十四。 康 漢 知 成深處如王 儒 漢 意 趣 儒 者。 見及義 西莊者,亦不多 近 時 理之學者,更罕有 經學家推尊康 澧 謂: 昔之道學家 也 成 知程朱 , 其

然諸 謂: 者。 内 義》者數十條 也。」』」卷七。 康 了者矣。 成閒,每見啟告,治亂之道備 鄭 經鄭 《華陽國志》云:「丞 亮答曰:『先帝言: 君 啟 注 ,此不贅述。 告 言 ○《三國志 治 昭烈治亂之道,其語 亂 之道 啟告昭烈之語 蜀後主傳 亦備、 相亮時,有言公惜 吾周 矣。 旋 逆注 矣 遭采人《漢 必必 陳 曾 惜 亦 引此 元 乎 有 不語 方、鄭 不 在 儒 傳 其 澧 赦 赦

稽,傳 記, 判 生民 然。 時 鄭君《 記 睹 〉詩,毛 其 則 祕 注 (戒子 日 書 經 粗 緯 傳云: 有 覽 書》自言: 術 取 ?,祕緯 之奥。」 澧案: 緯 「后 書 則 稷之母配 者 日 博 取 時 稽 其 覩 六 六 三者 미 藝 高 藝 辛氏 粗 則 輕 覽 日 帝 博 傳 重

诵

世, 箋云 孔 疏 : 云 嚳子,稷年又小於堯,姜嫄 姜  $\sim$ 嫄 春 當 秋 堯之時, 命 曆序》云『帝 爲 高 辛 譽 氏 傳 之 世 + 碩 如 意」者也

妃

則

堯

非

不

得

焉

舉之,此 云 : 爲 帝 『若使稷是 嚳之妃,爲 不 然, 明 堯兄弟,堯 其 矣。」鄭 後 世 子 君 有賢弟不 孫之妃 取 緯 説 也 ·用,須 精 確 張 者 舜 融

如

此

爲太 豈 成 書 緯 玄注《月令》曰: 『秦官。』《尚書中 緯。」《舜 玄有 書。」《梁書》本傳。 淵 其 書亂之。」《困學 實 博 尉。』東 百官志》「太尉、公一人」、劉昭 參、柴之風 後 (哉? **产典**》疏。 儒 自注《中 多 譏 哲 此是不發譏於《中 王伯 鄭 以 不 紀聞 孔 候》,裁及 君 此 沖遠 厚 能 信 追 》卷 四。 亦云: 推 緯 難玄焉。 亦云 尋 0 注《禮 皆 IE. 如 :「鄭玄篤 謬 鄭 經,專信 梁 説 康 許 候》,而正之 影而 臣 候》云: 也。 成 懋 注 昭 忘 釋經 云: 云 緯 日 舜  $\Rightarrow$ : 續 信 : 候 『舜 位 康 鄭 漢 讖 之 以 鄭

> 於《月 許 懋、 **\*** 孔 **>** 也 沖 遠 廣 微  $\pm$ 之消 伯 厚 皆 未 劉 探 碩 昭 意 所 謂 澧 未 謂 探

書乎 聲」, 社稷 考耳 稷之牛角尺。」鄭箋 蝦蟇 角 注 鄭 無 君注經不 云: 握」之説以易毛傳。 如《良耜》詩 聲」之説。 「反舌, 信 有 二條皆見孔 不 緯 百 據《禮 説 舌鳥。 捄 者多矣,後 其 。 不 角」,毛傳 緯 月 疏 稽 從 令》「反舌 何 命徵》「宗 ※通 嘗 儒 專 疏 桂 信 陋 緯 無 廟 社 未

**晉** 年七十矣, 法》, 集諸 上。 人 關 書・ 以 漢獻 生 鄭 律 事 爲 考論 君 曆 馬 志 窮 帝 先 猶爲 融 幽 通《 建 圖 極 安 鄭 緯  $\equiv$ 此 在 聞聞 微 元 君 窮 門 統 早 年 加 鄭 下 曆 幺 年 注 鄭 君  $\approx$ 極 - 善算, 釋 ^ 君 善算, 年 微之學,故《疇人 九 焉。 受 不 章 劉 至 廼 得 算 漢 洪 建 獻 召 見 術 安 帝 乾 見 云 元 象 於 會 云,見 廼 樓 曆 融 西

其 士,固 傳 白 本,東京 後 詩 》論之云 注 知 不 江. \ 易緯 數 諸 可 慎 學者尤多。 不 儒 修、 知 皆 如 錢 數 不 用 箋《 學。」 辛 逮 乾 象 楣 也 毛 庶 澧謂 。」又云:「然則 斗 戴 詩 乎不 分之數。 東 據《九 愧 或 原 鄭 朝治 氏 皆 章》 蓋 家 知 經者 其 粟 治 法 數 學 米 經 也。 學。 閻 之 有 之

鄭

君

注

禮

 $\approx$ 

又

注

律

禮

所

以

爲

教

也

子者, 氏。 定 律。」 句, 章 書 律 文 帝 律 所 句 蓋 魏明帝。 刑 以 又 爲 司 有 前 爲 法 晉 爲 叔 馬 餘 戒 此 志 || 云: 偏 王 孫 家 氏 宣、 也。 尊 黨 但 之私 患 覽 鄭 用 未 前 郭 學,至 注 者 「秦漢舊 鄭 X 可 代 令卿、 律 氏 益 競 承 律 即 章 難 出 用, 令本 是 注 ·句,不 而 律 馬 則 於 天子 張 禮》之 後 融  $\pm$ 注 是 其 肅 得 煩 人生意,各 令 於 喙 鄭 雜 意 論 雜 是 矣 賈 玄 禮 用 也 下 諸 充 但 餘 詔,天 定 儒 賈 取 ^ 家。 爲 法 晉 充 鄭 章

陶謙與諸豪桀移檄牧伯,同討李傕等。

爲 卷六十七。 體 議 是 拜 母。 拜 騎 鄭 應 城 楊 奉 士 後漢書 所 重 正 於 劭 曰:「不其亭侯 如 校 玄等,敢 相 州 迎 ; 若后 汝 未 禮 衆 公私之朝,后 刺 朝 尉 天子,奏記 汲 ? 三公八 有 史 廉 臣 朱雋傳 不 南 鄭君 或 周 也 適 澧案: 言之 北 於私 · 其 亭 太 乾 離 以 守 海 爲 座 宫 爲 車 徐 琅 於 此 宫 侯 相 漢獻 處 及 議 當 在 蓋三公八座 當 騎 璆 朱 邪 FL 伏 士,而 后 歸 禮 前 京 獨 交 將 相 雋 融 完 拜 帝 寧 師,禮 拜, 則 拜。 軍 陰 曰 如 雖 時 父 沛 九 諸 問 河 德 一三公八 母 子。 又子 后 江 相 徐 豪 訪 以 或欲令公朝 南 父,不 ,從子 問 東 事 太 袁 州 桀 尹 取 鄭 不 出 守 忠 海 刺 討 尊 君 莫 決。 知 服 人,宜 , 太 座議 中 賊 之語 相 禮 不 府 可 四 虔 劉 陶 加 千 **令** Ш 則 者 ·博 馗 謙 者 從 於 后 古 引 鄭 太 通 典 完 玄 父 獨 屯 守 處 臣 何 + 彭 以 前

王粲云:「世稱伊雒以東,淮漢以北,康

意皆 竊 成 嗟 人 盡 怪 矣。 而 大 已。 求 所 所學, 疑 咸言 猶 先 未 得 儒 諭 尚 焉 多 書 闕 凡有二篇。」見 注 鄭 氏 退 道 思 備 其 意 《 新 粲 有

説,有 傳》注 唐書 於 獺 下 以 獭 豺 上 稍 元 '虞已上',豺獺之不若耶?」 《三國 自 用 尚 豺 然 行 其 祭 自 德 則 沖 其 姓 傳 鄭 祭 先, 氏。」蔣濟難之云: 褅 其 君之學,漢末及 郊 先,不 疑 不祭虯 祖 宗, 祭騏、 祭法 龍 配 也。 | 鄭 用 虎 有 魏 「夫虯 注 騏 德。 時 也 驎、 云 : 有 志 如 É 自 未 龍 玄 夏 折 虎 神 有 蔣濟 之 於 已 虞 服 仁

之諸 洪 疏 筠 然所 軒《 類 鄭 君 經 引 有 典集 寥寥數 其 自序,見《孝 林》有《鄭玄别 條 語,又已 <del>를</del> 經 北 見《後 夢唐 海 玄 有 傳》一卷,皆采 宗 漢 鄭 玄講 《書》本 序 并 堂。 注 傳 邢 難,

則謬

妄極

矣。

有

|| 虞

氏

岢

無

几

親

廟

以

祭

其

先

耶

何憒憒至

此

者。

 $\pm$ 

粲

始

雖

嗟

怪

後

亦

頗

折

服

若

蔣

濟

所

有也。
見《初學記》卷二十四。其餘亦多本

傳

所

른。 隸沛 則 隆 靈 農 性 敷 非 體 北 宣 重 也 甄 或 凡 ್ರಿ 聖 ^ 海 表所 朱 集聖賢羣 此諸 大雅 澧案:二十四 範 鄭 寓字季陵狀》云: 如 作 玄字 ^ 错 狀,雖 可 荀 之洪 知 綜 爽 也 云 康 輔 其 狀 甄表所 則。 成 録 數。  $\approx$ 狀影云 載二十 作 賢 則 學 訪 作五 其 但 狀 然皆據 無 中 : 常 云 Ī, 惟鄭 經 四賢狀。 舊行 師 玄 無 究 注 識 含 君 狀爲之。 極 講 義 知 海 狀之語 行 求 窮 岱 狀 ^ 道 者。」 大 理 如 純 司 最 盡 而 伙

本傳。 精妙之思,超 諒 圖 義 足以 義 並  $\approx$ 袁 徐爰 扶 飜 皆 盡 微 云 思 有 <del>궁</del> 闡 窮 悟 然 幽,不墜周公之舊 神 人 鄭 鄭玄有 獨 意 玄 見 故 察 訓詁三 得 之遠 聖 贍 察著 人復出 雅 禮 矣。 高遠之才, 明 及 法也。」《魏書 不易 釋《五 確 覽 乎 其 難 其 沈 明 經 奪 堂 異

褒成 尊鄭學者多,此數條 <del>궁</del> 矣。」《宋書・天文志一》。 南齊書 「康成 並 軌 劉 ,故老以 巘 生炎漢之季,訓義優洽,一 陸 澄傳論》。 爲 則最推 前 0 澧案: 案: 脩,後生未之敢 尊者 此 南 論 機 北朝 也 衡。 諸 世孔門, 蕭 儒,推 異。」 子 顯

爲是 寫定,傳 字。」 澧案: 節 無不 語 益生産,爲 稱 後漢 碑 也。 積 書 佛。」此 學, 無 唐 與後 載 史承節《後 示 父母 六藝 · 殆若 中 《戒子 人。」范 字。 承 羣 亦史《碑》語。 節 殊 生 益 所見范書蓋無「不」字也。 弟所含容。 《山左金石志》云: 恩書 書 科, 知。 「定傳」二字作「傳定」,亦當以 漢 Ŧi. 大 此 經 司 此儒者之言也,范書妄加不 非生知 「不爲父母 亦 通義, 農鄭公碑》云: 推 「言徒學不能爲吏,以 尊 而 小 之極,然非 **羣弟所容。」**史 。。。 無 能之乎? 不盡,大 一禮堂 「雖 《碑》 妄 承

及漢 於禮 世 宋 一; 口 秦悖 林 希《書鄭玄傳》云:「聖人之教,尤備 諷 人道, 手 傳,或 書 灰火,學士腐於坑 Ш 巖屋壁之間 收收 拾 缺 遺

不 有 玄脱 哉 ! 章,條 百三十一。 此 望玄而 薄 家之小學。噫! 故古經 不世,以一人之思 其於法制,更爲章 免也? 編 人之道者,漢諸 敢盡 功於鄭學,故吕伯恭選入《文鑑》也 者 於經 折 迺 册、 世之人指其 類 幾 況 術, 拜,不入其境。 身於污濁之世,獨全其道,至使黄 益 及得 宋人尊鄭君 明 朽 人? 以 抑不思其 白 無玄哉 蠧 明 鄭 斷 世,學者皆 尚 儒 氏 其 絶之餘,次 慮、欲 敢 二而 注,精 亦甚愚 明。 ! 之功,而 不能完而 所爲 輒 如 當漢之末,姦雄 嗟夫! 訕 林 然當大壞之後,聖 窮 微 玄哉 功者。 希者不多見。 矣。 譏之,遂以 知 萬 成之者,鄭 通 而 少 求 世之文,豈 透 !」《宋文鑑》卷 蓋玩 有 歷 成 而 雖玄猶 千百 文, 訛 易 鉤 文辭, 誤,豈 人 聯 鄭 猶 年,及 競 氏 瀆 此文 爲 不 識爲 有 有 巾 所 间 難 能

顧亭林《述古》詩云:「六經之所傳,訓詁

舉。 爲 存,其學非 聲容,習之疑 之祖 六藝 仲尼 既 小補。」 該 可 貴 通, 睹。 多 聞 或 百 大 家 朝 漢 哉 亦 人尊鄭 人 鄭 兼 猶 康 取。 近古。 成 君, 了; 探 至 自 今三 賾 禮 亭 器 靡 林 禮 不 與

垞著《鄭康成不當罷從祀議》,其後復從祀。明嘉靖中,罷鄭君從祀孔廟。 國初朱竹

始

也

所以 學, 君 康成輩,博聞强記,著書立説,縫掖尊尚,以爲是吾儒 見 人物矯立名節 之意。 《會 自 朝廷 典 世宗憲皇帝 漢 》卷三百五十三。 自 至 風 唐, 雍 ,衣冠 教爲之也。李文貞《榕村語 正 乾隆 貫之義,何 言動,都 以 諭 後, 云 自是以 譏 曾明白?」卷四。 -: 少 鄭君者雖尚 一破敗 鄭 ,便道是 康 來,儒者尊 成 有之,然甚 醇 此猶 吾儒 録》云:「東漢 粹 有卑視鄭 盡 深 頭。 少矣。 崇 通 高流。 鄭 鄭

如

此,是公論矣。

牽附 存 合,負閎 會 一説,不掩前 姚 姬 然大 治之才,通 傳云: 體 長,不 精 鄭 密 羣 君 · 出 覆己短。 經 康成總集其全,綜貫繩 之 漢 經 滯 義 師之上。 觀 鄭君之辭 雖 時 又多 有 拘

0 君 之遺 盛。」《廿二史 習相承,未 皆 以 才,亦多 經學教授,門 治經者,多專門名 或或 以 推 風 通 其 有 者 志 經 私見: 於其 力,豈非 與?」《儀鄭堂記》。 績 答 盡 記 學 中 變壞。 下著録 趙 巻 爲 取之。 君子之徒,篤 姚 + 業。 家。 Ŧi. 者萬 故 君 澧 而 雖 蓋 北 非 謂 上 經 人。 自漢末,鄭 朝 漢學之派 趙雲崧 之 劉 於 經 爲 舉 石 流 慕 學較 漢學 之 孝 風 聖 云 ()亂,而 廉 所 一,有 南 康 者 而 被 其言 朝 舉 尊 成 北 孔 鄭 稍 + 秀 以 朝 士 氏

及《通 篡弑相 教,然而 晉爲然,南北 華》卷七百六十六、《唐會要》卷七十七。 事 ,鄭氏 《孝經正義序》云: 典》者,不 仍,攻戰 經學不衰,議禮尤 諸 經,無不 朝議 日 口 作,夷 禮者尤多引 勝 撮 舉 引 也。 狄 重,其 魏 亂 此 劉 晉 蓋 中 鄭説。 知 澧 或 自 朝 幾語 源 案 漢 賢 皆 佛 季 見《文苑 出 見諸 老 不 辯 而 於 蝕 獨 論 鄭 聖 史 魏 時

乃起 學。 文 未喪 即 而 者 江 角 左頗 賴 勝 耳 有 遵 鄭 然則  $\pm$ 君 肅 也 自 然王 魏 晉 肅 至 亦 隋 因 數 讀 百 鄭 年 君 斯 書

司 高 親,不治可見之美,不競 貴鄉公紀》注引華歆《表》。 馬 昭 鴆 小 死,同上注引《魏氏春秋》。 同「學綜六經,行著 鄭 人閒之名」。 君 有 郷邑。 哀哉 此 賢 孫 《三國志 色養 而 爲 其

模、焦 閣 傳》云:「 傳》云: 風旨,枉 崔 唐玄宗序 揚鄭學之意。 我 . 琰 先師 屢 喬、 或 見《 經 狀奏殺孔文舉,乃鄭門 淵、 義考 北 結 逮 並 王. 鄭 海 公 事 注 權 任 志 鄭 鄭 孫 竹垞所考 邢 鮑 嘏 承 玄 司 方等, 疏 當 師 趙 遺 農。」 與 云 補 商、 類 有郄慮,今削去。 劉 陳 就 **>** 之敗 載 張 |熙考論大義。|《崔 鏗、崇精。 則 宋 鄭 逸、 鄭 類 均 均 玄受學。」《孝 者。 康 是玄之傳業弟 冷剛、  $\stackrel{\cdot}{\sim}$ 成成弟 詩譜序》云 或 其 志 未 慮承 此 子 田 竹 載 瓊、  $\pm$ 望曹 程 者 垞 經 基 琰 秉 氾 表 炅 操

弟。 子,竹垞皆未考及也。 鄭玄别傳 逸官至 尚 書 左 。 見 太 張 Ψ. 逸與 御 覽 鄭 卷 君 同 Ŧi. 縣 百 四 鄭 + 君 妻以 所

采

女

氏學。 鄭 熙考 案 : 海 水 維 云 則 劉 語 者遠矣。 鄭玄傳》云 人,又爲鄭 人, 樂 君 »° 綜 熙 「好鄭氏學」,然不言其何  $\hat{\equiv}$ 與 論 也 似 經義 與 學 非止治《易》也。 治《易 慈皆鄭 是 大 或 不 北 又《孫乾傳 鄭 、義 薦 君所知 志 考》 倦 海 乾於 君 或 **×**,≪ 相 弟 許慈 清 君 又 許 不 州 志 去 子。 \* Z 載 再 素節 尚 慈 知其當受學否? 甚 治 師 傳 乾 傳弟子矣。 書 薛 「先主 遠 熙  $\stackrel{>}{Z}$ 被 事 鄭氏《易》者 約 綜 程 辟 而 北 劉 傳》云「 領 秉 命, : 好 海 熙, 徐 禮、《 所 玄 鄭 時 逮 師 州 師 所 善鄭 學 儀 事 事 辟 舉 又《姜維 從 受。 古 毛 鄭 表 劉 也。 爲 許 鄭 劉 宜受學 從事 詩 氏 君 熙 慈。 學 案: 郤 熙學」, 學, ご注 所 與 維 正 善 傳 乾 於 及 天 論 論 澧 則 劉 鄭 北 采

迎吏依娶女有吉日,夫死,斬 誰當輕重?』孫叔然答曰: 幼。後二十年而魏篡漢,叔然猶中年耳, 君卒於建安五年,叔然不及授學,蓋其年 儒,徵爲祕書監,不就。 遂不仕魏,其高風 短 康成,叔然駁而釋之。《三國志· 「或問:『長吏遷在傳舍而死,彼迎吏未至,此二國 惟見此條,或尚有之也 峻節可想也。 『雖出傳舍,固當以 縗弔,既葬,除之。」孫叔然議 王肅集《聖證論》 《通典》卷九十九 王肅傳》。 君服 之。 吏 譏 而 尚 鄭 彼 服

東塾讀書記卷十五終

## 東塾讀書記卷十六

番禺陳澧撰

王肅爲《尚書》、《詩》、《論語》、三禮、《左

三

或

成。 行五 官。 易之。」 輕 有小失,皆在《聖證 氏 重 解 + 其僞: 凡 其所論 劉 載 及 百餘篇 作《孔 矣,義 知幾云: 撰 駁 定父 朝 理不 子 廷 家 朗 又集《聖 》。」劉 王 典 安、違錯者多、是 所 語 制、 肅 学自 作《易傳 知幾《孝 注 郊祀、宗廟、喪 證 爲 書,好發鄭短,凡 論》以 序云 ,經注 symp議》, 皆列 譏 以 鄭 短 見《文苑 於學 奪 氏 鄭 紀、 而 學 康

英華》卷七百六十六,又見《唐會要》卷七十七。

《孝經序》正

事 以 不 鄭學」,此 漢。 義采其 義朝章皆出於己 而易之」。 事 傾 遺 尊王景侯,竟遂其「奪而易之」之願矣。 魏 餘 鄭 語 祚 君 力 耐  $\pm$ 没其 注《禮 矣。 肅 實欲并奪 身 語,見 八姓名。 死 肅 也。 之後 《周禮 爲 亦 澧案: 魏 漢 多 小 写,其 世 媒氏 魏 用 失皆 臣 外 典 漢 魏之典 淤疏 孫 而 制 制 發 司 黨 鄭 而易之,使 其 制 馬 於 短 王 後 肅「幼 炎篡魏 司 ,可見其 乃 多 馬氏 欲 因 經 奪 爲 於

人禘 之禘,鄭 褅 言,知禘配圓丘非 古聚訟莫能決。 稷,始於周 稱『昔者周 祭法》禘黄帝及嚳,爲 嚳 嚳 ^ 乃 郊特牲》孔疏引《聖證 因 而 以 郊冥,周 於 公耳。 爲圓 公禘祀譽圓 殷 禮 丘之祭,王以 然巧借《孝經》之一 非 此不可 人禘 也。」澧案:《祭法》云: 始 譽 西己 丘 於周 以 而 圓 以 難 郊 論》云:「 丘之祀。 爲 配天」。 公。 鄭 稷。」然 太 也 廟 惟 語,而 之祭,千 《祭法 郊 則 今 鄭玄以 仲 祀 周 無 尼 后 之 殷 頓 當 此

忘《祭 不言『禘祀 儀 志 載 法》之兩 嚳 黎幹《議 於圓 丘 狀 言 以 <u>\tilde{\</u> 配 則 天」 「孔子説 弄 而反言『郊祀后稷以配天』?」 巧 而 《孝經》,稱 反 拙 矣。 周公大孝,何 《舊 唐 書

此

黎幹勦襲王

肅語

也

郊

者

對殷

而

言

也

之用辛 伸 用 至 至 而 疏。 穀郊祭,此言始者,對 郊 即 而 周 爲 説 辛 贵 祭 郊。 用 澧案: 之始郊,日 郊特牲》言 也, 建子之月。 上 必 辛 於 王 《祭法 辛 句 建 肅 者,以冬至陽 也,周之始郊,日 周之始郊,日 也。 日 以 子之月, 圜丘 ? 郊 如 以 郊 與 之祭、《周 「郊用 辛 然所 肅 至」者, 圓 特 日 而 説 牲 丘 贵 辛」,若合而 迎 解 氣 建 是一 以 則 必 仍 此冬至長 至 新 禮 寅 以 對 郊 冬至? 未 ^ 郊即 用 至。 爲 建 郊 祭之用辛日, 》明言 此 能 事 始 寅 特 通 (之月。 肅 也。 一句,以 牲 故用辛 睘 爲一,則冬 也。 日之至 「冬日至」, 故 以 丘 《郊 云 肅 爲 : 下 郊 特 又祈 周 解 睘 也 也。 牲 周 句 之 之 郊 日 丘

> 文義。 以辛日郊也。 周者,對何 解 之建子  $\overline{Z}$ 郊之所以 月郊 且謂言始者,對 或冬至辛 國 用辛日 祭 而 日 言周 者 以 Ė 周 乎? 至 或冬至前 之始 建 兩 郊 寅 如 句 值 謂郊與 月 後辛日 不 辛 爲 Ħ 相 冬至 圜 始 也。 連 丘 屬 故 是一,則 言 然 周之始 其 則 不 後 成 當

然鄭 也。 之問,孔子之答,皆稱爲 天」二字,文義 五帝 二字也。 Ŧī. 丘 郊 帝 而 即 郊各異。」《祭法》 未嘗 已,何 孔 上天既謂之帝,五行之神 睘 可得稱天佐,不得稱上天。』」澧案:「六 郊特 丘 子 稱 肅 牲》 得 日 景 Ŧi. 謂 有 丘 不通。 疏 行之帝爲上天也。 『天有 六?」《家 即 帝 郊。 疏引王 然鄭  $\overline{\wedge}$ 不 Ŧī. 聖 得 鄭 五. 行,其 語 證 稱 帝,未嘗 君之書,不見有此 氏 肅 <u>×</u> 論》以 上天」,誠 以 難 亦謂之帝,是 神 爲 鄭 謂 天有 天體 云 稱 且. 季 之五 一、「天 季 ,康子 爲 是也 無 Ŧi. 康 子 佐 問 唯

一七六

大惡 虞議 天,而 用 通。 屬 以 帝 亦 帝 祀后稷以 號,皆同 有 書 肅 西己 五,其 Ŧ 不得爲天也 有 天旅 之等, 申 一,焉得 而 得 肅 其 禮志》云: 改 晉之羣臣 六也。 此 鄭 也。 而 議 復明堂及 實一 亦公然説經議 稱昊天上 Ŀ 矣。 又與天佐之説 配天,宗祀文王於明堂, 如 一帝。」 有 而實悖之矣。 以 舊 ○《舊 神。 Ŧi. 晉泰始二年,「羣臣又議、 又曰 乃云「五帝即天,皆同 此 南郊 當時天子尊用 往 郊 帝 唐 帝 明堂南郊,宜除五帝之坐。 者 此 與六天 書 特 非 衆議 亦 Ŧi. 一禮 禮,此千古經學之羞矣 太康十年,乃更詔 勦 帝 天, 性》 太康十年之詔 禮 位。 襲 除 地 儀 明 自 謂 何 旅 疏 王 志 澧案: 其 堂 四 肅 相 異? 大 <del>궁</del> 外 以 》載 望 Ŧi. 語 岐 皞 配上 祖之説, 帝位 許 也 稱昊天上 異矣。  $\pm$ 四 敬宗 , 五帝即 因 一肅言 炎帝 賈 帝。」而 欲 望 許 ,考之禮文 ⊟ : ク 韓、 、逵、馬 非 難 奏議 敬 而 五帝 五郊改 「《孝 地 宗 其 《晉書》、《宋 Ŧi. 鄭 一帝」,則· 楊 天也。 云: 周 臣 黎幹 則 上書 不得 人帝 經 而 能 官 崇云: 融 Œ 明 五. 「天尚 適 諍 及摯 名爲 堂 大 精之 稱 經 雖 之, 「郊 之 王 足 名 奸 E 不 E 詩 叶 章 義 班 赤

威 仰之屬 祭 法 非 疏 也 引 肅 澧案 難 鄭 《後 云 漢 書 鄭 以 明 Ŧī. 帝 帝 紀》永 爲 靈

從。」〇 所引 明、白 本也。 萃編 也。 平二年,「宗祀 作,然章懷 帝,若漢 舊唐 <u>Z</u> 固 條, 帝 懷 》已有之,故鄭君以此注經,猶 光紀。』此 之前 《後 在 書 即 藏、玄英何異? 真 注 禮器碑 赤熛怒,黄帝 靈威仰之屬,名 五帝爲 漢石 曹褒書 溪書 也。 云: 儒起 經 所 籍志 渠 《隋書 跋 謂 不 否? 北 議 曹 靈威仰之屬, 海 靈 引 所 之後、《白 褒傳》云: 光武皇帝 ,卓哉鄭司 威  $\frac{1}{2}$ 《通典》卷八十三《凶 引 鄭 靈 經 此 經籍 號 含 仰 ^ 瓌 説 亦 威仰 通 經 Ŧi. 之屬 樞 可 志 奇 通 虎 而 義》 以 》有 通》之前 作 義 經 紐 Ŧi. 農。 故 引 於明 釋 名 通 , 白 後 耳 通 日 鄭 五經 其 此 劉 儒 至 與 義 義》 君以 向 堂, 於 帝 疑 朱竹 通 爾 然則 》十二篇。」不 則 撰。」則 之。 Ŧi. 禮 蒼帝 義 白 不 雅 必 帝 云 以 前 引《五 ×, 不 垞 招 Ŧī. Ŧ. 名 知 所 在 經 デ 五 配 《齋 不 靈 蘭 注 經 矩 載 鄭 何 亦 所 知 Ŧi. 泉 中 通 青 何 經 威 惟 其 知 之前 帝」。 黑 謂 經 人 人撰 念金 讀 義 通 章 祀 何 仰 書 ~ 義 所 帝 Ŧi. 通 朱 石 典 所 懷

祭法》疏 又引 肅 難 鄭 云: 案《易》: 帝

鄭》云:「《孝經》云:『郊 乎? 仰,漢氏 君之前 感生 代 Ŧi. 配 講學大夫淳于 木 之 變, 帝 上 澧 「大魏 精 初 帝。 帝 座 矣。 及 案 而 之所 星 亦 故 魏 以 上 漢 與 《 祭 ^ 王者 祀 <u>Ŧi.</u> 據 生 一帝,五 據 制 漢 玉 后 行 此 法 登, 此 藻 鄭 襲 稷 爲 義 五. 制 雍,郊 雍,謂 祠。」高 帝爲 所常 佐 祝 神 命 也 也 何 貴 天天 也。 祠 曰 帝 立 者太 壇 北 尊。 其 也 奉天地、名山 之郊 史記 見 帝 時。 祖 又云:「上幸甘泉,令祠 祠 <u>Ti.</u> 也 五帝 日 沛公立爲漢王 一、太一佐 長 對 : 畤 也。 • : 安東 祠 漢 封 「吾聞天有 書• 壇 於 後 禪 又云:「亳人謬忌奏曰 四四 雍 環 常二 南 郊 書》云: 大 者 居 郊。」 祀 E 帝,有白、青、黄、赤 川 志 也。 其 歲 Ŧi. 一, 問: 影同 Ŧī. 下。」此 此 帝。』於是天子 鬼 秦 一帝。」乃 又云 以 郊。」 神 此五 并天 「故秦時 Ŧi. 官 · 「今上 太 此祭 唯 帝 寬 帝,皆上 立 下 一祠 雍 爲 舒 黑帝 太 等 <u>Ŧ</u>i. H 四 令 ·令太 壇 帝 帝之 畤 具 初 帝 祠

祠

F.

祠

官

帝

至

説

周

公祀文

王

於

明

堂,

以

疏

引《

異

義

明

堂

制

**※**云:

次

焉

何

太

微

之精

所

生

帝

皆

黄

帝

之子

孫

,各改號

精

之帝

太

微

之

庭

デ<del>,</del>中

有

之。

初

以

木

德

王天

下,

非

謂

出

乎

震

震

東

方,

生

萬

物

莽 爲 與 郊 奏 一,漢 定之 爲二, 鄭 君 成 以 制 則 帝 Ŧi. 也 時 漢 帝 之制 初 爲 又 之 天 以 也; 制 帝 爲 也 以 天 乃 Ŧi. 佐  $\pm$ 漢 帝 肅 制 爲 則 以 也 Ŧi. 謬 睘 ; 人帝,王 忌之説 以 丘 與 睘 郊 丘

君

據

以

注

經

耳

唐

虞火

土

之法。」

然

則

郊

祀

以

配

天

則

周

公配

靈

威

疏

引

馬

昭

常申

則

太微

之精

其

説

出

於

鄭

而

各

西己

其

行

又

引

張

融

評

來所祭天之圓 甘泉者 於雲陽宫甘 甘泉臺去長安三百里, 也 《漢 泉 丘 壇 舊 也。」此據《藝文類聚 儀 以  $\frac{\times}{\Delta}$ 冬至 望 「漢 見 日 法,三 祭 長 安。 天。 》卷三十八,《太 歲 成 又 帝 祭天 云 以

在

太

天

於

帝。 帝 于 于 頊 西 長 Ŧi. 配 者 Ψ. Ŧī. 高 王 Ш 此 以 御 之等乃五 黑 方 安 東 長 年 畤 衡、 皇帝 Ŧ. 一、各異 六天帝 以 字下 覽 へ, 而 靈 帝 甘泉太 安 青、 郊 及 王 張 年 玄 城 少 兆 甘 祠 無 赤、 莽 不分郊 Ŧi. 脩 也 譚 皞 之未 冥 也。 坐 泉 來 百 封 奏 南 奏, 白 人 白 對 畤 泰 字 中 + 方 《漢 帝 封 靈 之。 地 、黄、黑 則 祠 干 時。」 宜 誤 與 七 央 炎 ·•, 非 蓐 兆 祠 禪 壇 北 略 於長 圓 書 也。 疑 收 帝 此 太 書》又云: 爲 同。 郊 此 天帝 東 丘 脱 • 赤 畤 祠 五方之帝 員 兆 成 也。 合 郊祀志》云:「 安定 方 黄」字。 惟 靈 于 五. 高 丘 祀 帝 成 祝 西 帝 帝 奏 太一 城 又云:「平 又分 太 南 與 作 融 一天子 郊 於 於 口 皆誤 昊 帝 雍 北 「城」,下 畤 兆 畢 太 明 及五 黄 在 青 Ŧi. 郊 于 陳 堂 Ш 當 長 此 北 靈 靈 既 畤 南 成 明 上 有 作 郊 安 太 帝 天 方 后 而 謂 句 己 郊 堂,以 武 帝 坐 皇」字, 几 皞 帝 芒 帝 見 土 罷 元 封 皇帝 之 · 令 兆 時 郊 炎 顓 畤 畤 始 於 雍 上 太 郊 而

也。」武 惟 時,而 莽所奏 始故 睘 Ŧi. Ŧī. 帝 爲 廣郊 巳之地 及未 之地,黑 八陛,中 祭 天 於 亦 帝 丘 Ŧi. 光 帝位。 不 Ŧi. 惟 帝 明 祀 壇 事 地, 帝太 鄭 盡 堂,光 高 帝 異 然所 黄 , 光 祭昊天。 於 説 武 帝 又 Ŧ. 泥 也。 明 郊 帝 建 《祭 Ш 武 位 爲 帝 莽 青 於 祭 堂 武 祭乃五 之 配 武二年,采元始 明 在 位 重 又云: 爲 漢 帝 法 也 西己 食 睘 堂 壬 在 壇 之也。 制 注 位 祭 。」《東觀漢記 帝。 位 玄 祠 一, 天 增 T 也 法 在 「明帝 總 天 在 之 鄭 太 外 未 甲 逆注 《祭法》注。 地 帝 中 而 之地 地 君 亦 王 寅 云: 位 考 壇 續 Ŧi. 肅 古 爲 又不 之 永平 其 一稀 之, 上 白 漢 多 帝 》同 隴 以 Ŧī. 地 中 上。 書 郊 以 帝 蜀 謂 三 年 在 故 漢 甘 而 此 帝 赤 此 平 祭 位 丘 漢 兀 事 制 泉 鄭 其 昊 位 帝 以 雖 是 後 制 祭 郊 説 天 郊 買 而 光 云 外 初 在 位 爲 祀 解 於 鄭 F 見 明 與 乃 武 祀 采 庚 在 壇 睘 買 志 雖 堂 説 有 Ŧi. Ŧ 元 增 申 增 配 Ŧī. 丙 1 Fr.

既 者,昔人未詳 佐 則 與 而 與 E 匡 一衡、張 王 爲 在 又 莽 此 不 同 説 考也 譚 明 能 ,復改用謬 之濫觴矣。 所 言 掩 奏同, 其從肅説 出 耳 於 謬 目 而 忌太一佐之説謂之天 其以 者, 哉 忌。 甘 ! 泉圜 竟 不 Ŧi. 鄭、王之説出 然《史記 知 一帝爲 丘 其 有 有 Ŧi. Ŧi. 出 》、《漢 人帝, 帝壇, 於 於漢制 王 莽

明 帝 肅 説 今不 也,星也,水旱也,爲六宗。]孔注《尚 此之謂 帝 作 以 不 **《聖** 又以 問 同。 . 得 鄭 聖 王肅 而 六宗。」《祭法 證 書 王 證 見。 爲 論 禮志》云:「《尚 「星、辰、 莽 ,亦以爲易六子,故不廢。」澧案: 論 易六子,亦自 以易六子,遂立六宗祠 肅之自 以 以 爲 四 一》疏 司 叮 時 爲 時 中、 也,寒暑 王 説, 寒暑之等。 司 肅 相 書》六宗,諸 則 必 命 岐 見《祭法 風 有 異 也,日 難 也 師、 書》亦 鄭 0 而 也,月 之 雨 易 對 魏 儒 疏 語 師 六 魏 明 百 互.

> 子,其 之地。」據此,則易六子之祀 故事謂『易六子』者爲非是。 説, 書 乃除去祭四 祭日、祭月、祭星、祭水旱、祭四 續漢書 》爲 謂六宗者,在天地四方之中,爲上下四 數猶巧合。 孔 祭祀 傳 與 志》云: 方 肅 而 説 爲六, 尤不 《祭法》所言 司 「安帝元初 );故 ,漢安帝時已廢。 更立六宗 近 儒 六 年, 能 祀於 疑 祭 旁之宗,以 巧 以 爲 方, 時、 '合矣。 維陽 肅 晉 尚 凡 志 書 所 祭 西 影歐 × Z 七 寒暑 作 北 元 《尚 不 陽 戌 始 事 也 亥 廢 中 家

若賈 明 平 難 后 功,配社 土之神,稷爲原隰之神。 鄭 稷,皆 知 水 逵、 社 土; 郊特牲》疏云: 即 人 馬 祀 『《祭法》及 句 故祀 鬼 之, 融、 龍 也, 也。』《續漢書 以  $\pm$ 稷有 爲 非 肅 社 昭 地 之 播 鄭 徒, 神。 Ŧi. 康成之説,以 十九年 穀之功 句龍 不云「 以 故《聖 社 以 祭祀 祭 祀 · 傳 配 有 句 證 以 平 云 志 論 龍 稷 配 句 水 社 祀之。 社 稷 土之 劉 龍  $\pm$ 爲 昭 能 肅 祭 Ŧi.

者、蓋

廢

而復立耳

據,而 西。 慎 謂 本 西己 統  $\Box$ 而 注 社,所以神地之道也。」相此之類,玄尚不 答 重 爲 神 食 難 云 甚? 者 之。 也 而 後荀 『所祭者土 猶 命 也 不 自 降 云「未知 祭,與 』] 澧案: 仲長 。』又云:『鈞之兩 彧 彧令統 如 於社 漢 問 王 諸 仲 肅 貶 之謂 神 儒 者 答焉 長 孰 句 也。 論 正, 正 統 是」,以 龍 句 以『社 殽 0 坐 爲 )氏謂 龍 統答 侍 地。」《郊特 不 土配,比 即 中鄧 者 知 説 所祭者 社 是 義 未知孰 此 經 爲 社 日 義 議 義 土 其輕 主 耳。 禮 以 神 何 牲  $\overline{ }$ 爲 或 既 是。 不 神 禮 重 미 不 有  $\exists$ 也 云 , 何 運 道 然 不 典 去 是 :

旨 社 義 詔 司 。』《別論》,蓋《聖證論》也。 馬 日 :『社實 王 傅 而 晉書》、《宋書 景 咸 别 表 侯 論 日 解 復 神,其并二社之地。』於是 祭  $\sim$ 以 太社 法 祭法》王社、大社 禮 人間者,民間也,唐人諱 志》云:「晉太康 爲 則 人 以 間 置 之社,未曉 社 爲 各 人間 車 有 九 民 此 之 其 騎 年

禮 侯解 「乃立冢土。」毛公解 置辯 字改之。 相 也。』《晉書 侯,各割 侯解《詩》即 欲 岐 破 ,從二社。」詔從之。 「太社不立於京都 異,故 矣。 鄭 曰 : 氏學。 時 其 「王者取 成 爲 方色。」如 用 粲 傅 此 傅 禮 議 成、摯 説 咸 **稱** 志》又載 Ŧi. 重 色土 曰:「冢土,大社  $\wedge$ 景 表 虞 此,太社 澧案: 禹 ,當安所立?」 侯 以 所駁 爲太社 貢》「惟 摰 論 爲 虞 太 也 此 奏:「 復 社 亦 土 大 不 爲 傅 肅 封 Ŧi. 雅 立 宜 立 尤 咸 也。 説 JL 色 \* Z 京 京 無 表 定 方 之 都 É 景 都 諸 景 又 新 口

及高 七。 文、武。」《王制》七廟,盧 祖 七者,太祖 一,后 馬 祖 稷。」 Ξ. 昭 之 制 難 祖 孔 》「天子七廟 及 王 廟 文王、武王之祧 疏 義 爲 云 云:『盧 : 王 祧 并 鄭 肅 植 植云: 以 始 説 注 爲 祖 與 云: 云: 及 謂 親 『皆據周 二桃 親 高 廟 此 廟 祖 四 周 之 四 制 謂 爲 父 太

父之

祖

及親

廟四

祧

數之,

明

矣。

若

如

祧

而

爲

七

廟

惟

魯

用

王禮,有

即

降

殺

矣。

何復

水降

殺

别

澧謂

降

殺

以

兩

而

爲

九

,則是天子九,諸

天子有文、武二桃,諸侯 近儒之説最善者, 魯公、武公二廟,以 『天子七廟。』尹更始説天子 漢書》章玄成四 爲七,又有文、武二 上以下,降殺以兩。 則周天子七廟 封,文、武受 肅説,始 以 則君臣 乎? 侯 易 「爲記 后 五. 且 之乎 稷、文、武 。 降 兩 且. 同 祖 漢數 ? 注時,就 命。』《 金 諸 十八人議 殺 亦 制 與 輔之《 并文、 象文、武 以 侯 無之,此 ,尊卑不 廟 高 今使天 疏 + 四 Ŧi. 祖 不 又 特 石 人 廟, 禮 遷 武 之 引 之 盧 渠 非 七 之廟。 穆主 鄭 以下 其坐位與祫祭同。文、武以下遷主,若穆之遷主,祭於文王 禮之時,以文、武宜百 王,亦居武王之東 昭之遷 制 廟 之父之祖,遷主於文、武二祧矣。 王 廟 乃周昭王 析 設之制 所云,周 箋 || 云: 康成《禘祫志》云:「太王、王季以上遷主,祭於后 最爲 時,文、武在二 ,以待文、武 , 迭遷。 也。」 穆王直至親 所云七廟,通 主,祭於武 文王居室之奥東面,文王孫成王居文王之東而 此 簡 也。」此説本 〔 王 人之典祀 鄭 明。 以前之制。 其在二祧者,亦迭遷。 説 盡之祖,以 最 制》、《祭法》所記 而 王之廟,武 《祭法 在 詳 南 一桃,則 前後言之也。 此二 明 面 亦以 於《周 也。 無 次繼而 其時文王、武 王 疑 廟 世不遷,故特 永不 《祭法》所云,周 「遠 次繼而 義 亦 , 時, 永 禮 居 矣。 東,皆 廟 室之奥 遷。 東,直 ○≪隋 爲 《通典》卷四十 守祧 不 北 不 桃。」 同。 此 東 至 面 遷 至穆王、共

子、諸

侯并

親

廟

四

而

止

論》云:「自

説

皆

然

肅

乃

欲

盡

奪

而

廟。」

澧案

《鄭志》云:

君。」故

鄭

説

七

廟

與

盧

同。

皆云

周

以

后

稷

始

七

廟

據

周

也

也

穀梁傳》:

論》、

白

虎

通》云

一周

書 親

禮

儀

志

面

昭

孫

盡 其

之祖

無

昭

主。

若

北

面

<u>対</u>.

祧

也。

王

稷之

廟

九引

蓋

周

公制

後

則

高

祖

王

在

四

親

賣

疏

剖

王

制

初

建

有二祧

若尋其 雍「總貫皇王」,不知 貫皇王 云:「許善心、褚亮等議 指歸 ,事兼長遠。』」澧 校以 優 皇王 劣, 案: 康成 曰:『自 指何 此 止 代 調鄭 論 歷 其 周 代以 廟 論 代 制異 來, 周 非 代 雜 謂 於 是 經 用 周 也。 通 Ŧ 代者 鄭二 其 子 何由 謂 雍 義。 總

而

知之也

月而 年, 遭喪, 儀,依鄭玄二十七月 永 説 謂 禫。 畢 期之喪三年」?』」澧案:「再期之喪三年」者, 云:「奏曰: 再 初 則 然仍未滿 吉。 而鄭 期 王 元 則 檀弓》疏云: 無 肅 而 年, 禫 出 康 古今學者多謂得禮之宜 大祥 難 服 人 鄭云: 成 『鄭玄注 改 四 而 則二十五月大祥,二十七月 晉 耳, 年 年。 後 所 也。 『若以二十七月禪,其 「王肅以二十五月禫,除 可 此後 **浸**禮 而 用 <u></u> 矣。 喪服 後  $\pm$ 宋書 》,三年之喪 尚 除。」又《王淮之傳》 肅祥、禫二十五 有 有禫 小記》何 禫 服 武 服 帝紀》云 雖 也 以 晉 出 云「再 初 十七七 歲 如 月 肅 用 四 末 喪 而

澧謂 於奪 O E 姚氏非講漢學者,而 姚姬傳《儀 有意奪易,此 也。 者由是習爲輕 著, 迄魏王肅駁難鄭 誤,後儒固當駁 謂 王肅 施 宜 用。 近 而易之,故其説多輕率,復多矛盾 凡鄭君之説,未必盡是; 肅難鄭之説甚多, 遭今但考其大者, 小失則不發 以玄義爲 議,二十五月而除。 儒講漢學者, 搢紳之士多遵玄議。 鄭堂 其心 薄 記 IE. 自 術不端, 即 制 皆尊 其言亦如 義,欲争其名,僞作古書 鄭、王異 朝 朝 廷典 鄭君 鄭 雖 野 君 術 制 有學問, 此,是公論 肅之所難,未必 而惡王肅,容 起 有 而 禮。』從之。」《禮 青 誤, 江左以來,唯 風 州 俗人心之厚 徒足以 亦 今大宋 弟子 也。 當 論 或 夫前 傳 濟 曲傅私 駁 盡 有 其奸 其 非 開 薄 學。 儒 肅 偏之見 説。 耳。 之病 之説 以 惟 志 分。 既 其 鋭 前 愚 朝 學 大 在 意

**⑥**通 帝謚 侯 何 ? 王 事 典》載: 曾祖 告四 王 肅 肅 以 雖 祖,  $\Box$ 魏 上 好 明帝 祝 與 皆稱曾孫。」 荀 文於 鄭 崩,尚 爽、 立 鄭 高 異 玄説 然 皇, 書 訪 卷七十九。 亦 稱 日 皆云: 有 玄孫 用 當 之子 鄭 天子、諸 此肅 以 説 明 者  $\overline{Z}$ 之 皇

謂 所駁 莫大焉。」 讀當 虚 諝 困,憑几,洮類 似『同』, 妄,況説 未得 鄭 别』字,又訓北,言北 臣 更作『 其 可信 顛 玄解 郡 時鄭 皆誣 爲 倒 其 虞 應 吏 柳, 翻 門。 反 濯」, 從誤作『同』,復訓爲酒 尚 陳 他 當 |澧案: 注《尚 罔。 惟 (逆,馬 奏上《易注》云: 而 書違失事 桃 人 知 段 此 以 以 夢 之夢,且以 經?」此 爲 懋  $\pm$ 欲 爲 從 書》,家習户曉,豈能鑿空相 道 江艮庭《尚 融 濯,以爲澣衣成事。』『洮』字 西 堂 推 昧。 其 復不 士以 莊 \* \* \* \* 倒 非。 尚 猶 尤怪妄可笑。 分 尚 及諝。 一世豪 ^ 別也。 書 易》三爻飲 「康王 書後 人奏疏乎 「諸家不離 又古大篆『丣』字, 撰 )(( 書集注 、異》最 三苗」,伙,古 傑矣。 案 鄭玄、 杯。 於此數事,誤 執 》謂 音 瑁 爲 一成 ! 疏》謂 臣 ,古『目』 説 流俗,荀 宋忠 翻 又云: 持 · 号 王疾 又奏 言 夢 平。 無 翻 E 臣 皆 事 必

洮 豈可 也。 《堯典》「北」字爲「州」字 鄭注《 濯』之上有 受同以祭,太保以異同 物乎 「月」,謂爲古 異者乎? 瑁」改作「冃 誣 北 背 古文尚書》,則不欲牽合伏《書》也。 段 是「 酌 頮 猶 4 ? 大保 惟 氏皆 酒 死」字 爲 爲 别 周 仲 也。 公 濯 如 禮 以 屢 「瑁」字,則「奉冃瑁」、「受冃 翔 其性謬 斷 其 相 • 脱文、當云『洮、 瑁 異冃秉 考 以 爲虞氏 授受,何爲乎? 説,則 以背訓 縫 仲 鄭 究 爲 翔不 人》引伏《書》「柳 酢 則三宿、三祭、三詫者, 澣 未 於 甚矣! 則 璋,以 雙聲求 之誤。 衣成 精 瑁 同 八,故鄭 知鄭注是古義,輒 耳。 非 事 酒 字已足,「冃」 而譏鄭,非 翻 酢天子之瑁 器 江氏 之,讀 」, 壁 惟 真妄人矣 而 讀 中 君 虞 瑁 云: 何?」王氏 爲  $\stackrel{\cdot}{\sim}$ 注《尚 氏 一成 氏 當 書 濯 穀 「若以 云 所 何 爲 也。 語 述 以 韓 云: 乎. 書 柳 「同」爲 「『爲 爲 鄭 E 乃 果 其 昧 欲 非 瑁 唐 注 有 贅 何 改 云 注 百 E Ŧ

二八三

禮 此 況 亦皆 便 鄭 確  $\overline{Z}$ 鄭 鄭 衣 虞又奏云: 衣 珧, 更衣 在身,豈 説 無 注 於 百 兀 鄭 四 守 澣衣 之語 六十 事。 事 字 小 經之注 事,皆不誤矣。 衆家・ ,澣濯其污,方被冕服。]此則 注但云洮 事 ||桃|||注 ·, 其 義是, 失, 能 或 ·七事 行乎學校,傳乎 澣濯乎? 本 乖 無 「玄所注 誤 濯 是 皆作『濯』。 關 則 而 而 者只 古文 鄭 濯 無 不知若 大 事 孫淵 於字 謂 擀衣之語 美, 誤,其三是虞誤 且 或 濯 四 Ŧī. 如 即 手, 乖 祧 義 安得 云: 經,違 條 使 何 洮 爲 絶 必 是其 正, 正 王 將 類謂 鄭 澧謂 濯。』《 不可 不 求 云「誤莫 病困 來, 即 所 義 可 濯 是。」 П 此 例 使 説 通 尤 見 手類 臣 説 護 也 也。 恐有不潔,又不 爾 鄭 甚 其 四 惜 也。 竊 此 面,甚 盡 無 雅 者 精 大 事 不更衣,則 段 恥 是 確 解 誤, 焉 盡 善 王西 據 之。 虞 百 通 爲 郭 氏 誤, 耳 亦 矣。 六 本 駁 浣 謂 莊 如

歸

多

同

總

由

鄭

君

名

重

故

國

各

有

欲

奪

而

易之也。

譔

徧

注

七

經

則

其

學

甚

博

其

書

不

傳,亦可

惜

也

鄭

康

成。

與

王

氏

殊

隔

初不

見其

所

述,

而

意

定論 《左氏傳》、《太玄指歸》,皆依準賈、馬, 護。 爲小人、未免已甚,謂忌鄭君之名而 從策,恐有殺身之禍,不能奉母 有李譔,著古文《易》、《尚書 及歸,復爲孫策功曹 矣。 與 鄭 翻爲王 立異者 朗 功 魏 曹 一,似 朗 有 太 被 耳 王 無 孫策擊 肅 氣 節 》、《毛詩 , 吴 敗 蓋 有 浮 翻 虞 海 有 詆之, 翻 老 翻 母 追 異 蜀 如 隨 於 亦 則

士。 校尉 來 杜 《尚 瓊 敏 書》、三禮、《毛詩》、《 著《韓 善《左氏 尹 漢 尹 默 昭 默 烈署周 通 詩 爲 諸 春 章 勸 經史,又 句 秋》,尤精 學 羣  $\overset{\smile}{+}$ 從 爲 事 餘 儒 專 論 萬 林 於《倉》、《 許 精 言 校 語 於《 慈 尉 許 左 胡 蜀 來 慈 雅 氏 潛 人治 敏 治 春 並 訓 爲 經 易》、 秋 爲 典 詁 者 博 學

虞

翻

小

人

也

忌

鄭

君

之名

而

詆之耳。」

謂

虞之

恥

也

何

必

囂

争

如

此

江

艮

庭

云

頗 於後 不 少 世 惜 也。 其 書湮没,不 有名於後 世者 如 惟譙周 魏、 吴諸 ,則蜀之羞矣。 儒 烜 赫 有

殿 哉! 象,放 兼 狎 益 爲 則 先 心 則 其朋 及 有慶,兆 斥 斥 不生,而 其 其 治 亂 游 君 身 文 故聖賢諄諄,以爲至慮。 身 其 魏 生 遠 鄭 鄰 豫 身。 齊 者 不 Œ 哉 近 君子 聲 其朋 後 Ŧ Œ, 詢 民賴 暱 !』言慎 其 正 而 所 芳 袁 治 謀 。 引 身 道 其 弗 與 時 其 譬之社 政 之。 ĪĒ. 身 皆 』言慎 可 聽 游 近 身者,慎 事 则 何 大 宏 遠 不正 必 所近也 小人, 晏 也。 臣 可 擇 講 佞 不令而 所與 鼠 奏 自 一,則 侍 正 論 、考其 人 曰 從。 忠 今以 季末 人, 其 經 雖 也。 而 周公戒成王 良 義 所 舜 行 令不 弗 所 後,御 大 疏 闇 習 爲 昏 善 戒 ; 觀 近 |從容 詩》云: 主,不 遠 所習 明 爲 禹 從。 萬 覽 所 或 幸 世 所 便 然 必 戲 習 者 不 : 是故 法。 式 積 辟 知 後 察  $\vdash$ 宴, IĘ, 必必 正 乾 鄰 損 邪 Œ. 以 褻 傳

此

疏

耳。

承祚

古

有

深

意

也

矣。 并 『膏梁傲 錢 陳 也 徒以 於公室 者乎? 儒 載 承 之風 辛 吾友鄒 澧謂 孔 祚 平 楣《 ·叔與 乂之奏。 不 也 若夫勸 何晏 誕, 敢 特夫亦云: : 此 平. 利 司 爲 豈 范 論 叔 馬 平  $\Box$ 徒 寧 曹 <u>Ž</u> 其 之受誣 宣 覆 尚 叔 奈 爽, 「何晏之奏,皆  $\pm$ 邦 實 作傳, 清談 何 子 非 有 絀 詆之? 不 得錢 隙,故 本 司 者 攷其 故 紀 馬 能 載 所 懿 其 知 《論 氏 傳記不 本 此 , 此 官 陳 疏 之 之論 語 末 疏 有 承 》之精 平. 而 以 於本 祚 無 而 叔 能 而 爲 之徒 義 之忠 欲 誣 輒 言 有 紀, 也。 解 特 雪 之 以 大

《世説》注引《名士 道 之,何日忘之?』」《管輅傳》。 吐 之,曰: 其 可 誠,今人以 何 謂 晏 明 知機 言請 德 管 惟 其 輅 爲 馨。 神 爲 傳》曰: 難 乎, 卦 詩》不 古 君 輅 今 人 既 是 ○ 世 以 云 稱 時 面 爲 乎 引 曹 説 而 難 鑒 爽 盡 規 誡 輔 箴 中 交 政 門 晏 難 疎 心 同 藏 之 識 Щ 謝

懷,何 憂,而 旦并。 者 比 能自脱,良可 翼 慮 游 有 無復退 爲怵惕驚。」平 豈若 危機。 羣 飛 集 也。 戲 Ŧi. 晏 太清。 湖,從 有 也 著五言詩以言志 重 叔 名, 能受善言 流 常畏 唼 浮 與 苛 大網 魏 論乎 萍。 姻 羅 悟危 戚 ? -, ⊟ 永 憂 寧 内 機 曠 禍 鴻 雖 而 中 鵠 懷

不

哀

贵

可

情。 程明 應物 同 同 Ŧi. 故故 情也。 ·; 以 道《定性書》云:「聖人之情, 與 偂 何 不 爲 (輔嗣、 無累 晏 能 「聖人茂於人者 以 神明茂,故能體 無 之説 於物 爲 哀 聖 樂以 頗 者 人 也也 相 無 應 似 \_ 喜 神 物。 怒 沖 鍾 明也; 哀 會傳 和 然 樂。 以 則 注 順 通 聖 同 引 萬 王 無; 人  $\widehat{\Xi}$ 於 弼 事 之情 人者, 弼 五情 與不 而 傳》。 無

無 而 日 又不 老子申之無已 「夫無 世: 可 説 以 者,誠 **※**云: 訓 故言 萬物之所資, 王輔 何耶 必 ? 嗣 及 弱 有。 弼 冠 日 詣 聖人莫肯 老、 裴徽 聖人 莊 未 致言, 體 免於 徽 無 問

> 是禪學也 而 體 而 有 無 以 以聖人加於老、莊之上。 恒 聖 訓 則 人 其 仍 加 所 是老莊之學也。 於佛之上, 不足。』」《文學門 然其 (所言 然其 猶 輔 後 所言 聖學 儒 嗣 談 談 禪 老、 聖 則 人 仍 莊

荀 此 以 諝 輕 所 薄 馬馬 ^ 世説 長笑 風氣,學者宜戒之。 融 人。」 》《文學門》。 鄭 康 澧謂 成、宋 注 忠 虞 引《 仲 亦 翔 王 以 注 弼 所 易》 别 長 笑 傳 而 人 徧 云 也 詆

俗 先。 或 年 法 如 之流 少,不 此 術 士 杜恕 不 競 董 弊。 以 昭 以 復以 多梯 1 Ŀ 儒 東 疏 疏 家 學問 漢 清修 云:「今之學者, 陳 爲 學問 末 迂 爲 爲首,乃以 流 闊,不 本,專 風 之弊,云 俗 之美,至 .周 更以 # 師 : 趨 用 交游 商 埶 魏 竊 此 韓 游 時 見 爲 利 變 最 當 而 壞 風 爲 1 今

魚 豢《 魏 略 **×** 以 董 遇、 賈洪、 邯 鄲 淳、 薛

魏

世

學廢絕。」然則荒廢已久矣。 敦 品 夫! 操筆 時,乃至於此 幾 及司 夏、 Ē 人。又是時 始 隗 者未 徒領 也。」《王肅傳 乎數公者,各處荒廢之際,而 學業 中 禧 吏二 蘇 有 有 、沈隕,乃至於此。 詔 林、 十人, 朝堂公卿以 一萬餘 魏明 議 樂 注。 睘 祥 帝 多皆 丘 人,而 太 漢末,經學極 七 ·普 學業沈隕甚易,吾輩 和 人 四 相 延 爲 年 應 下 從 學 詔 儒 書 几 是 飽  $\Box$ 士; 宗。 與 百 以 食 議者, 「兵亂以 盛 餘 能 私 而 是 其 人,其 曾 守志 心 退 時 序 常 來,經 幾 略 郎  $\vdash$ 可 何 彌 品 能 嗟 無 官

喜王肅之學。 或 明 意 書》、《禮記 少 太 空鄭沖、侍中鄭小同等各有差。 矣 長 經典」。 康。 極 久,經學 東 高貴鄉公講《尚書》畢, 、堂,與 羣 臣 觀其幸太學,講《尚 其 咸 必 被 侍 又詔 悦 大興 弑 中 服 時 荀 羣 年\* 矣。 顗 又幸 臣 等 皆當「玩習古義, 甫二十耳。 書 所 講 太學,講《易》、 謂 賜執 述 駁王肅之説,可 玩習 禮 經親 又宴羣 古 典 義 使其 遂 授 者,蓋 者 論 臣 知 享 尚 修 夏 於 司 其

謂 由 者歲之餘,夜者日 學者云:『苦渴 必當先讀 諸 學矣,遇之教可 魏 生少從遇學。」同 略 百徧。』言讀書 义云: 無 日。』遇言:『當以 之餘 人有從董遇 謂善教矣。 。 陰 上。 百 雨 徧 澧 者 謂 而 學者 時 義自 而諸 三餘。 之餘 遇之學 「, 遇 見。 生少從 也。 云 可 冬 從

不守志彌敦

平

言: 之。 軍張 與博 不好,好之無 休 布 士祭酒 孫休詔 [案古置學 懼 答 恐 妨 人 日 政 侍 韋曜、博 : 事 傷 小。」休 發 也。 君 其 意 答曰 陰 士盛 王 特 失, 務 官, 有 沖 學業,不 所 因 立 講 書 忌 妄 Ŧi. 論 籍之事 故 飾 經 道 -相妨 耳 説 博 藝 士, 以 也。 患 布 拒 左 又 遏 將 欲

休更恐其疑懼,竟如布意,廢其講業,不復使 感歎也。 感歎也。

## 東塾讀書記卷二十一

番禺陳澧撰

## 子 書

朱

以 任古經而直 内,有古經闕 應仲書》亦云:「參以《釋文》,正其音讀。」《論語要義 後會之於諸老先生之説,以發其精微。」《與魏 書》云:「近看得《周禮》、《儀禮》一過,注疏見 不可略者。」《答余正父書》云:「今所編 録序》云:「其文義名物之詳,當求之注疏,有 通 其訓詁。 朱子《論語訓蒙口義序》云:「本之注 廢 略處,須以注 參之《釋文》,以正其音讀。然 傳注。』《答張敬夫孟子説 疏 補之。 不可 禮 疑 疏, 專 義 書 目

> 成,却 子,皆未知朱子之學也。 者,多不讀注 注 正 又云:「今世博學之士,不讀正 是要論道,但注疏 來,學者但守注 **一疏**,而 當注疏。」卷五十七。 覺 不 深譏不讀注 甚 疏。 費 疏 力 近時讀注 也。」《 如何棄得?」卷一百二十九。 朱子自 其後便 疏者如 語 論 類 疏者,乃反訾朱 讀注 此。 **※**云: 道如 當 疏 底書,不 昔 教 [時講 蘇 祖 人 宗 · 看 學 讀 直 以

李公晦 《答黄直卿書》云:「近日看得後生,且是教 儒之舊,不可易也。」朱子重訓詁之學如此。 躐等妄作,誑誤後生,其實都曉不 依本子認得訓詁文義分明爲急。 字。」卷七十二。又云:「先生初令義剛 王晉輔書》云: 小子,見教曰:『訓詁,則當依古注。』」 語類》云:「某尋常解經,只要依訓 書》云:「先儒訓詁,直是不 禮 書 縮縮 訓 爲 直 者 非 得也。」《 草草。」《答 今人多是 一,乃先 訓二三 詁 卷七 他 説

事。 得 静 其《答何 盡 中體認大本。 其時已好章句訓詁之學矣。 心 然 於 中 叔京書》云:「李先生教人,大抵令於 此。 節 朱子從學 當 未發 時 竊 時氣象分明,即處 好 於李 章 句 延 訓 平. 詁 之習,不 乃早 事 年 應

用漢 齋也 子書者,當知之; 某 朱子嘗除 卷五十六。 漢儒之陋,則有所謂 看 儒 見人多 語類》云: 樞密 名目,以 朱子注《大學》、《中庸》,名曰「章 澧 院 案 大 編修也。 章 曉當時之以爲陋者也。 「而今人多説章句之學爲 薛 句 講漢學者,亦當 看 朱子所 艮 章句家法。」此稱朱編修者, 齋《 不成句,却壞 與 云今人者,蓋 朱編 知之。 修書》云: 了道 句 讀 即 理。 陃 朱 艮

度、名物、行事 、天下之理 則 學校貢 有淵 舉 奥 为 固 本末,又非今日之見聞所能及 爾 私 不外於人之一心。 雅 議 而 | 云 不 可 「其治 以臆斷 經必專 者, 然 聖 其 家 賢 制 法

門矣。 師。 深惡之,不識其何説 《書》,齊、魯、韓氏《詩》,后氏、戴氏《禮》, 者 有存者,又已列於學官。 漢世 細。 以 氏《春秋》,梁丘、費氏《易》,今皆亡矣。 都不曾理會得。」卷 後 借 也。 也 耶 。」《語類》云:「漢儒 專門名家,各守 可 曰 至於學者 専門 今人才看這 以 未 故治 抑 而近 反求 必盡 别 經 之學,如 有 世議者深斥之,將謂 諸 者 是,亦當 謂 尊 心, 必因 也? 其 而 師 百二十 件,又要看 也? 歐 先儒 所 IE. 究其 説 今百 陽、大 其謬。 聞 各專 其 而不 二三子陳之。」 己 所 則 T 亦 成之説 以 斥 小夏侯、 敢輕 H 可 那一 此漢之諸 策問 家, 得失之故 以 漢 以 藝 爲 世 看得 件。 無 有 而 之專 專 莫 惡 變 推 孔 門 不 其 於 下 焉 極 儒 一,而 有 門 而 專 僅 董 Æ 間 稍 者 所

成文。成文,則注與經各爲一事,人唯看注《記解經》云:「凡解釋文字,不可令注脚

致 經外之文, 漢 丽 尤 儒 忘 爲 難 毛 經 得 明 體 孔之流 者。 不 却 然, 須 蓋 而 如 即 將 其易 略 此 須 注 釋 各 再 明 則 訓 作 就 處, 讀 詁 經 者 名 更不 番 Ŀ 看 理 物 體 注 須 會 會 及 即 貼 自 文 知 句 須 然 其 義 相 只 語 經 不 \_\_· 文  $\approx$ 看

理

續

似

疏

非

文。 者。 思 長 慮 矣。』《答張 訓 不 歸 詁 過 一,功 只 經文 説 力不 敬 訓 不 夫 分,而 書 相 詁,使人 離 \* \*\frac{\times}{\times} 異, 其 只 「漢 玩索之味 以 做 此 儒 訓 口 道 詁 謂 亦 看 玩 善 1 索 益 説 直 經 經 深

變 而 訓 得 已 詁 不 卷 同 如 Ŧ 教 百三十 人 弼、 亦 七。 郭象 只言 自 某字 輩 是 晉 也 以 訓 來,解 某 漢 字 儒 自 經 解 者 尋 經 却 義 依 改 理 是

意

味

深

長

也。」《語類》云:「漢

初

諸

儒

專

治

故 解 傳 其 書 注 文 惟 且 雖 古 啚 可 注 要 讀 不作文,却 作 而 文, 經 又加 意 殊 好 辨 遠 看 説 程子《 疏 百 亦 般 然 易 生

演

繹

晉

則

不

·然,捨

經

而

自

作

文。」卷、

六十

0

文字不 得 傳 理,❷經 文字,少 文字 内。」卷十 只 程 本 亦 好看。 通, 是 先 經 成 意却蹉 間 只只 發 生 作 説 則 經 文, 明 九。 讀 來 理 過了。」 蓋 其 解 傳 自 説 説 解經不必做文字,止 辭 亦 南 去 明 理 了 軒 使 在 又 卷 非 只 意 人 解 説 所 説 自 百 孟 玩 語 以 足。 得 子 味 内 故 使 他 , 》, ① 嘗 經 今 人 今多 自 文, 某 人 思 集 觀 也 去 理 説 注 者 片 1: 解 他 皆 卷 道 做 釋 這 論 在 审 +

此 誦  $\Box$ 授《尚 多 且 ?  $\wedge$ 語 以 書 所 竹 類 ※云: 以 簡 》二十餘篇 人 寫 、皆暗 之。 古 時 尋 誦 無多書,人 常 ൬ 黄 後 人 霸 Ë 如 就 何 獄 伏 只 辦 是 夏 生 得 侯 亦 竹 專 勝 只 簡 心 授 是 暗 如

0

<sup>「</sup>語」。「□」,原爲墨丁,《朱子語類》(中華書局校點本)作

影印 文淵閣《四庫全書》本「他自□ 原 爲 墨 T (朱子 語 類 》中 華 書 作自 局 校 點 本 不 缺

所以 有 後 於 用。」卷十四 來 獄 著 中, 述, 又 諸 豈 公皆 得 本 子 以 ? 名 聞 只 被 漢 他 之 讀 經 得 學 透

名物。 等説 其 以 核 意 就 儒 何 云: 云 、過當,却恐意 之論 與與 意 服 分 解 以 蓋漢 **《論孟** 釋 用 話 彼 數 漢魏 語 奪 也 文 力 其 之心。」 多 之際 孟 朱子 義 於此?」 功 處 諸 儒 集 序》中不 博 論 雖言 儒 似似 雖 義 深明 矣。 又《 之, 正 正 思迫窄, 未 序 已平 亦 則 盡 與 答張敬夫書》云: 學者 音 **\*** 漢儒之學,故 ·當言 不得 初 以 當、然所得 讀 林 允。 日 爲 而 苟 擇 1漢儒 通 也。」某 精 得 議 不 之 若更於 訓 義」,後改名 其言, 先 論偏頗,反 書 詁 得 涉 S Z 亦 則 其 不 考 其 喜 言 此 絶 多 而 秦 制 流 不 南 不 而 度 集 欽 愛 不 向 得 今且 漢 則 軒 不 義」。 此 刻 夫 諸 得 足 刻 其 亦 辨

朱子議宋寧宗當爲孝宗承重,而無證

彼。

問

禮記》古注外,

無

以

加

否?』曰:

《答李季章書》云:「乃知漢儒 乃自 驗。 功。 其後編 黄商 儘 作。」卷八十 制 康 教者不小。」朱子生平 之,始知學之不 畫 向 修 語 出 成 使 作 有 禮 類》云: 今日 者, 許 事 伯》云: 書 後檢得《儀 也 無 也 可 多 事 鄭 奏 應 儀 徴 須 稟 謂 精 事 点。 都 康 有 禮 略 成,則 大 力。 理 鄭 後  $\sim$ 道 ○澧 ₩, 云 儒 成 會 往 之人,若鄭玄之徒。」朱 康 儀禮 禮 可 以 時 箇 東 得。 成是 案:《後 不博 此 卷八 鄭 漢 妄 模 喪服 事 箇 注 論 學之不 諸 樣, 如 ·於此 喪 + 漢書 終 如 好 補 漢 七。 儒 服 未 亦 未 此 疏引《鄭志 人 經 煞 律 》疏 事 未 有 /,考禮. 盧植 説 之學,有 好, 盧 令, 講 非 使 最 蓋 見 決 云 待 子 鄭 細 傳》上 折 其 亦 由 此, 斷。 云 此 周 康 事 名數大有 皆 服 植 於 害 説 公 分明 歸 封 成 補 也 又《 鄭 之説 有 此 也 如 蓋 之 事 出 乃 於 君 出 好 此 也 云 答 徒 制 111 又 得 是

之慤

實

耶

因

此

方

知

擺

落

傳

注

常言之。

後

來

雜

佛、

老

而

切。」

卷

Ŧi.

<sup>《</sup>答

吕伯恭

書》云:

注

一,極

有

好

處。

如

説

篇

首

等語

却 却

有

意

思,

非

苟言

者。

注云:

漢儒

解『天

命之謂

多不

明,

却是

古

注

是。」

卷六十四

非

天子

不議

禮」,云『必聖人在

可。

若

解

經

得

如

此

簡

而

明,

澧

案:

此

條記

者稍誤。

命中

庸》「雖

見得。」卷十七。

如『至

誠

無息』一

音爲

當。

如

這

般

處

須

是

讀

見

所

謂『木處,

則

惴

慄

恂

懼」,

恂

如

也』之『恂』,

何

必

如

此?

也。

恂

字,

鄭氏

讀

爲

峻

鄭

注

自

好。』」卷八十七。

『瑟兮僩

「言作禮樂者,必聖人在天子之位。」朱子語 性」,云『木神仁, ,某始者言此 言之者,豈 句,便以 得書多 學者要體 然後 近看《中 及讀《莊 天子之位 有其位」一 方好。」卷六十 6号』者 段,諸 一,須 鄭 知 /,然 金神 只是『恂 Ŧi. 是 能 康 鄭 指 ·庸》古 行、 恂 子 如 成 儒 後 兩 會 氏 節,鄭 此 義 然 Ŧi. 親 ×, 是 也 程 解 説 方 之 慄 案 : 可居 袝。 姊妹。』」答書云: 『女子子嫁 答 鄭 不當 不 袝 先 細 於 李繼善問: 叱 當如 曲 ",孔子 書 恐屬 也。」余正 氏 經 知 生方始開 禮》「若夫 如 鄭 直以 《士虞禮》 廬 云 如 以 無 説。 此之類,皆於鄭 之法。 爲 見, 何?」朱子答書云:「若謂 善 僭 注 伊 M 者、 即 殷。』程、張 越, 甫 爲 「《檀弓》:『殷 假 川恐考之不詳。」郭 得 廬。 坐 亦未見 使 不足信 鄭氏 未 問 來 氣 這 如尸 不 喻 П 嫁者爲 天子 象 「當從鄭 「《儀 如 所云, 注 不 , 立 注 也 鄭 後 注 居 所説 二先 好。 。」又郭子從問祔 疏 禮 氏 學 世 [X] 推 如 不 之所 練 注之説 説 不 承 服 父母 子 於 生 廬 齋 知 喪服 而 亦 虚 ,從問 尊信 以 可 豈合 何 經 袝, 以 接 爲 以 未見天 此 據 叔 不 未 ,無疑。」 大 只 響, 甚至。 須 周 不 取《大 父母、 禮 是 可 有 卒 、功章 恐欠子 答書 戒 容 注文, 諒 從 所 制 子 年 哭 耳。 易 ? 쁄 云 戴 姑 至 而 叫

也。 字。 好處,朱子固不没之也 肅 議 爲 禮 解 固 禮 詆 書 多 曾子 又云:「鄭玄、王肅之學,互相 斥之語。 多 鄭注誤以「夫」爲丈夫,朱子 ,必反鄭玄。」同上。 愈可 後 非是,然 更 事 見朱子非 父母》篇文,而 不暇 其尊鄭也 亦 有考據 仔 偏 細、《語類》卷 於尊 至矣 蓋亦不喜肅之詆 得 末節去「若夫」二 鄭 好 ! 者。 處。」《語類》八十 又云: 八十七。 但 若王肅 詆 云他 訾。 「王肅 也 而 有 鄭 是 王 不 中 誾

書,疏 成 别有 二相 相存問』者,却 人意相存問之,言相 也』,古注云:『人也,讀 以 人偶」,更有 成文,或當時 「相人偶」解「仁」字,而朱子以爲「有意 中亦 答吕 伯 不 説 恭書》云: 似 破。 説 一二處,但 人語 得字義 人偶。』此句不知出 幸 如 以 如 此  $\sim$ 有 見 耶? 」皆注· 相 中 意思 告。 人偶」之人,以 庸 一澧案 中語。 所 》『仁者, 也。」又云 謂 『人意 於何 鄭 不 康 知 人

「相人偶」解「仁」字,尚有疑之者,未知朱子之説故也。思」。漢學、宋學兩家皆可無疑矣。阮文達公以

作切切也。』『不屑去』,只是不汲汲於是。」卷 字禁止之。」卷四十一。 《説文》云:『芟草也。』蓋 文》謂『勿』字似旗脚。 類》云:「問:『習,鳥數飛也之義。』曰 然正色。」「 工夫只在『勿』字上。 只是飛來飛去。』」卷二十。 是《説文》「習」字從羽。 注》云: 뾥 孟 正。」曰: 誾 子》「自 和悦 四字,不與古注 鄉 「許氏《説文》: 誾誾 黨》「 《説文》以 而諍 怨自 是和 也。』」《語類》云: 侃 艾,《 侃 侃 同。 説 如 耐 爲 古 「《説文》『屑』字云:『動 纔見非禮來,則以『勿』 諍。 也 《集注 注以 剛 此 直。 斬 月令》「鷹乃學習」 旗 此 侃 写非 侃 絶自 \times\_{\times 意 侃 誾 | 問: 後漢書 侃 思 麾,三軍盡 禮 誾 甚 爲 剛 新之意。」《語 「先生 勿 好。 和 「艾,治 如 直 樂, 視』、《説 也」,《 亦 也 解 卷三十 二。 誾 <u></u> 誾 侃 也 誾 侃 集 侃 爲

否?

大

贊成之爲佳。」又云:「《説文》此亦無

書》云:「向

議

欲

刊《説文》,不知

韓

丈

有

意

文》,故以王介甫《字説

》爲無意思也。

又《答吕伯

恭

朱子深於《説

辯,只看《説文》,便見王字無意思。」卷一百四十。

説經,考據《説文》如此。《語類》云:「《字説》自不須

文》遂以祀音。

張氏亦不能覺其誤也。」朱子

文》『改』字從己從攴,爲己有過,攴之則改之

而諸本或寫『己』爲『辰巳』之『巳』。

《釋

云:『取其令名,自丁寧,自變改。』蓋本《説

食禮》『日用丁己』,乃『戊己』之『己』。

百三十八。

《記永嘉

字下乃注云『屏也』,因疑存中所辨未審。」卷 談》辨某人誤以屏爲反坫。後看《説文》『坫』 《説文》曰:『雜亂也。』古無此字,只是『嘖』 『聖人有以見天下之賾」, 『賾』字在 儀禮誤字》云:「《少牢饋 《説文》 看《筆 故注 《説文》之學者宜知之。 好本,已作書與劉子和言之矣。」朱子汲汲於 《急就章》,末云:「越本,朱文公刊於浙東。」戴 注釋補遺自序》云:「家有《急就篇》一 誤收者,如者、考、老是也。」卷一百四十。 刊《説文》如 文》,其於《玉篇》、《廣韻 女果」,趙氏以 廣韻》從女從果者亦曰侍也。』」卷六十一。 「果」爲侍,有所據否?』曰 此。 爲朱子之學者宜知之,爲 》,亦皆推究 《語類》云: 也。 卷,經新 又云: 朱子不獨考據《説 ◎ 玉 「《玉篇 「某嘗 帥 「或問: 安朱先 海 初 推 **急** 後 究 就篇 生仲 附 刻

作『辺』,誤寫作『近』。」卷八十。

頃

因

字。」卷七十五

「『往近王舅』,近音既。

五十三。

云:「或問十章之説。 卒不 義》爲本,而 朱子四書音以 此章諸説多誤。蓋由音讀之學不明。」 澧案: 此等處不理會,却枉費 淺事,故先儒 《答楊 得其本義,亦甚 元範書》云:「字畫、音韻 亦多不同。 得其大者,多不留 陸 氏《釋文》及孫宣公《孟子音 「君子之於天下也 害 澧别有考,文多不録。 了無限 事 也 辭 意。 論 説 語 牽 是 然 補 或 不 經 티 : 問 知 中 而

晦所校。」亦可見朱子好校刊字書也

備 楊伯 集》有 定。」朱子於音讀之學考據詳 <del>-</del> -何,幸望詳 龃 音毗志反,《 程可久書》云: 本。」朱子講求 起有 「記得『比』字是 亦嘗 歐 陽希 傳得 賜指 切 遜問: 韻 集注 而 喻。』《與黄商伯書》云:「向 》書,只三四十 『切響』二字,不審 爲 反切之學又如此 》皆作必 「《論 用 人借,失之。 賈昌 語》、《孟子》『比』字, 朝《羣經音辨》改 二反。」朱子答書 博 板 如 敢 此。 而 煩 聲 義 又有 爲 形 例 見 借 略 如  $\sim$ ^ 間

問儀 拜辨 月亭學 辨 壇説 數千言。 禮 》、《明堂説 釋宮 Ē 君 文集》中 以 《儀 爲朱 何 又 禮釋宫 服 人爲精 〈有《記 子 議 -考禮 所 **×**, ≪ 1》,李如 商 確 鄉 搉 跪 殿 之文,如《禘祫 偂 射 皆博 論 圭 坐 屋 疑 定者。 所作, 一度屋 **拜説** 誤》 考詳 而 見 説 》、《周禮 人《朱子文集》。 篇 辩, **/學** 》、《深 海堂 九考 議答》、《 其 長 初 太祝 衣 集 覈 篇 制 社 精 度 至 答 林 九

細

朱子深於禮學,於此可

見。

季通 見得 當心 之。 知 論 此 絃 宫處分明。」同上。 無能 論 吕,須作 (語類)|云:「今之士大夫,問 琴,就 禮 器 朝 律之 空處 琴之全 而 去,但 《琴律》 久後 瑞 用 記 書》云:「律 次序分明。 亦是樂家第 曉 只 均 紙條穿定,令可 注 者。 别 圖 體 説得 逐, 必 疏 哥借得 中 説》、《答吴元士書》,皆 用 影説 要之,當立一 有精通者 絃 紙 子,分定十二律之位。 黄 宜 認定,分别 - 準,前 須 不 《答張仁叔書》云:「所 五聲、六律、十二管,還 鐘 作一小輪子,寫五 乎 所 得 義 可 膠 畫 律 均 只如 也。」又云: 古 日 輪轉。 出 管 啚 内 偏 。」卷九十二。 樂 一子,適 哥 最 此空説 然 執 IE. 學,使士 以 上 來此,已 一聲、子 而 後 却 Ŧi. 無所 合鄙 依《通 可 絃 也。」《 音 研 定。 近 聲 聲之位 究聲 十二律 大夫習 合 大 刻 却 又 意 而 2典》十 答 諸 字 則 於 論 相 也 遽 云 乃 以 间 調 蔡 自 爲 律

學 只是 人皆 亦 欲 思 坐 此 量 陋 病。」卷九十二。 得 · 贵 不, 不 知彈 信 出 然 便 答廖子 不 可 行。 語 類 晦 這 \* \* : 便 書 是 無 季 云 : 下學 通 不 İ 能 琴。 樂 夫。 典》也 底

吾 他

之矣。 字。 商,商與 位。 也 及作 廟 如 間 記 唐 。」作圖子之法, 此 有 外層左旋寫十二律,內 圖 變徵在徵之右 圖 朝 角 禮 其云: 樂 子之法,尤爲 其 頗 經傳 甚 角與變徵,徵 譜 以 知 荷 唐 俗 通解》,及《與朱 「《禮記》疏 ,變宮在宮之右,其閒不空也 時 樂,方欲問 録 内 澧著《聲律 外 示, 鹿 大小 與 但 鳴 羽 層 初 兩層 》、《關 尚 亦左 羽 學 説還 與變 之。」朱子 未 皆圓 通考》已采 講 旋 曉 官 寫 魯 雎 求 相 用 五聲、二變。 叔 其間 員 》十二詩 爲 聲 律 邊皆勾分十二 書》求 宫 律 講 次 皆空 處 之階 録 求 第 分 樂律 而 譜 南 宫與 位 明 梯 論 編 此 海 無

典 亦 =略 通 備 典》亦自好設 未 嘗看。」卷九十二。 類 范蜀  $\frac{\times}{\Delta}$ 公與温公,都枉了相争,只《通 通 科。」同上。 典》好 「《通典》又不是隱僻 般 樂律 書。」 《通通 卷 八十 典》 四

之重《 書,不 通 知當 典 **>** 如 時 此 諸 公何故 爲 朱 學者 皆 不 不 看 门同 可 不 上 看《通 朱 子

云: 云:「今坐於此 《晉·天文志 還也。」朱子 用 甚俚,然亦 攷之,方見其細 欲窮理,亦不可 之壺之周徑 云:「算法甚 云:「近校得《步天歌》頗不錯,其説 答曾 康節之言,大體 耶 ?  $\sim$ 無 文集》有《壺 步天 疑書》云: 徒 然 、歌》聞 初 講 有用。 甚 》,皆不可 學之階 壞 詳 求曆算之學 ,但知地之不 密 以 7 固 有定本,今就借 處 可 説 不講。」《答李敬子書》云 「曆象之學,自是 許 若時文整篇整卷, 如 見朱子知算  $\forall$ 梯 是。 多 不 如《 也。」《 篇,算《禮 士 讀。」《答蔡季 《禮記 如 然曆 子 動 此。 耳。 精 答 家之説 學。 神。 蔡 校 月令》 記 語 雖 安知天運 伯 畢 家。 要作 淺 卷 静 類》 通 投 語 即 疏 亦 + 而 類 壺 四 及 又 納 詞 須 何

於外, 日 西洋人地動之説,朱子亦見及矣。 而 地 不隨之以 轉耶 ?」卷八十六。 此則今

水; 佳。」《 刻得 理木 爲湖 膠 間 此 地 氣 不是。」卷七十九。 他 Ш 泥 理。 必 爲 本云: 夾 兩水夾行,中間 江. 起草,似亦可觀。 圖 《答李季章書》云:「黄文叔頃年嘗作 南,又一支爲建康,又一支爲兩 有 所 福 語類》云: 以 水; 謂 舊 枚見寄。」又《答書》云:「此近已自用 建二 兩 『那邊一支,去爲江北許多去處。」這邊 岸而 鄭 獻。 理 兩 一廣。」同 樵好説,後 會如 《考工記》云:「凡天下之地埶,兩山之閒 水 其家必有元 行 「理會《 「大凡 夾行,中間 今地 上。 那 必有 邊 朱子之講 兩山 若更得黄圖參照,尤 禹貢》,不如理會如 識 理」及「兩 Ш 中 支去 樣,欲煩 必有 夾行,中間 原者見之,云全 江出 爲 求 Щ 隴,本 於岷 Щ 地 者,尤 爲尋 浙 夾 理 (行,中 一; 而 Ш 注 必 又 岷 訪 云: 支 地 地 如 餘 有 今

必 禮、曆: 故今詳述其説 有川焉。」然則 算、 地 理之類 也 兩 皆 川之閒,亦必 近儒 有 Ш 焉 0 也。 而 朱子已提倡之。 ○《説 文》、三

於篇 得。 《答孫季和書》云: 度、軍旅、刑法、皆是著實有用之事業。 好之。」《語類》云: 孫書》云: 自己本分内事。 終理會不得之心。 種工夫。 力未遽及此,不若且專意於其近者爲 做工夫不可。 《答謝成之書》云:「天文、地理 至於其 牘之間者, 所得 「大凡禮樂制度,若欲理 明 其 只如此草草略説 無幾,而費力不少。 其損 其與玩意於空言,以 暗 「學者於文爲度 「讀書玩理外,考證 則 須立箇大規模,都 益 係乎人之才 相 萬 萬矣。」《 一二,但 象,不 一會,須 向 何 、禮樂、 答 校 要 來 佳 如 又 耳。 理 是 從 余 無 恐 可 偶 耳。 Ι. 存 會 彝 拙 非 制 É H 頭

理

之要言也。

<sup>0</sup> 點本)據光緒十二年本作「以爲絶學」。 」,原爲墨丁、《陳澧集》(上海 古 出 版 社

而近百年來,爲考證之學者多,專意於近者反少,則風氣之

都是見成物事,到合用時,便將來使。如今 偏也。卷七。「禮樂法度,古人不是不理會,只是古人 而近百

力在上面,少間弄得都困了。」卷一百二十。「爲禮樂法度都一齊亂散,不可稽考。若著心費都是見成物事,到合用時,便將來使。如今

大,到末稍又約。近日學者多喜從約,而不學,須是先立大本,其初甚約,中間一節甚廣

如某人好約,今只做得一僧,了得一身。又於博求之。不知不求於博,何以考驗其約?

有

專

於博上求之,而不反其約,今日考一

制

學,而又極言考證之病。 其持論不偏如此。又甚於約而不博者。」卷十一。 朱子好考證之度,明日又考一制度,空於用處作工夫,其病

蓋讀書玩理與考證,自是兩種工夫。朱子立學,而又極言考證之病。其持論不偏如此。

甚費力,不至於困矣。至專意於其近者,則尤爲切要之學。證之書略備,幾於見成物事矣。學者取見成之書而觀之,不意於其近者也。朱子時,爲考證之學甚難,今則諸儒考大規模,故能兼之。 學者不能兼,則不若專大規模,故能兼之。 學者不能兼,則不若專

明之。 爲學如 史》取此數語,人《朱子傳》。 成始成終也。」李果齋 理以 立其本,窮理以致其知,反 致 黄勉齋爲《朱子行狀》云: 此。 其 知 然此其大略耳,今采朱子 , 反躬以 踐其實。 朱子 躬 亦 弟子 以 云 「其爲 居 踐 所述 敬 ●「主敬 其實。」《宋 者, 學 書以 朱子之 也, 所 證 以 以 窮

書講 《或問》數千言以明之。 應 以 云:「或先其易者,或先其難者,各隨人淺深。 明 接 明 所 事 窮理之説,朱子著於《大學補傳》,又作 謂 道 物 義, 竊 而 取 處其當否,皆 或論古今人物 程子之意。 所引程子語十六條 1 窮理 其 而 别 條 也。」又一條 其 云: 是非,或 或或 讀

❶ 「□□」,原爲墨丁,各本皆同。

理,則 之,非 譬如 有君 鼻耳 歸 之宜,如 爲孝 則 主 敬、是非之情。 孝之類。 有仁義禮智之性,其 近者言之,則心之爲 云:「當 當 而 理 也。」朱子又 口 然 臣 目 不 以 千 切實 則當. 吾恐其如大軍之游 獨 之則 、父子、夫婦、長幼、 四 可 推 蹊 知至善之所 何 守 若不 一肢之用。 又次 亂 萬 類 如 知 而 夫孝之一字 而 也。 徑 而 所以爲孝之道。 爲 此。 伸 務此,而徒欲汎然以 自 皆 通 渾 温 次 其 不容已,所謂 其 可 然 凊 又云: 説 而 餘 以 在 在,如父 之節,莫不窮究,然後能 物,實 及於 用 云:「今且 矣。」又一 適 中 則有 而 而 國,但 「若其用力之方, 騎 朋 隨 及於身之所接, 身之所 可 主 友之常,是皆 感 止於慈,子 惻 一於身。 得 出 理 如 條 得一道 而 隱、 太 也。」又一 以 何 也。」朱子之 具. 應 遠 觀萬 其 而 羞惡、 各 其 則 至 而 爲 而 物之 有 體 止 奉 如 有 切 無 恭 條 則 必 則 П 攸 則 所 於 養 欲 而 之也

外,而 之論 方如 爲 厭 知 日 明德新民之實學,其 佛學詖淫邪遁之尤者。 或考之事 藏形匿影,别爲 文字之中,或索之講論之際。」朱子言: 夫 何所 淺 格 此。 、觀理之煩耶?」 此又可 務 近 日道 病 物,明日 支 使學者莽然措 而 又云:「今必以是爲淺近支離,而 爲之著,或察之念慮之微, 離 必如此,然後 疑 而 之也。 格 厭 一種幽深、恍惚、艱 其 亦誤矣。」又云:「有以 物,爲非 傾 豈其習於持敬之約,而 而欲 者。 可 其 以 心於文字言 見當時 得之, 朱子 移之,以 程子之言者,不 不 則 有以 難、 得 亂 是 或 窮 古 語 阻 窮 近 理 求 辨 理 今 # 欲 之 1 絶

款曲 一邊,不見 自 有 推 箇事 語 明。 類》云:「所 物 一邊,便不 蓋天 底 道 理 理, 在人,終有明 謂窮理 窮 該 之須 通。 者,事 要 窮之未 周 盡 處,須 事 得, 物物,各 若 從 見 更 須 得 明

得

然知

至只

是

到

脱

然貫

通

處

雖

未

能

事

?

班

爵之制之類否?』曰: 『然。

如

何

要

切

知

夏

商

之禮

, 孟子未

學諸

侯喪禮

與

未

詳

周

室

舊習都忘之矣。」同上。

問:

知至

一,若論

處,則聖賢亦未

可謂

之知

至

如

孔

子

不

能

譜

則

不

肯爲。

又其次見

得親

切,

則

愈大。」同 穴之光, 不爲之,而 説古今之 學聖人之 包宇宙 分曉 道 窮 極 ', 未 色、 上。 盡 理 而 到 也 《大學補傳》之説 格格 究一 差異 得?』」同上。 只泛 此 敢 事 書》所謂 只 知 曰 : 理 用 如 底 知 物, 箇 窮 此 窮 亦 底 得 事 其他 同 説。 事 天下 究 當 『遊 事 然理 通 來,也 上。 窮 物 將 箇 須 騎 萬 此 究 更不 會 物 去。二 是 大處,則 無 物 且. 朱子 萬 各 都 得 也 逐 所歸』矣。」同上。 用管 之 窮實理,令有切己工 識 物 已 自 卷十八。 旋 講 理,不務 得 之理,令 極 有 做 其 他 多 窮理 ,便都理 理 將 他 破 有 去。 ", 只 萬 之語 皆 切己,即 如 歸 通 是貫 人 會得? 何 不 有 嘗 「器遠問 成 尤 硬 插 如 説 通 如 口 要 夫。 只 某 生 是 何? 捏 伸 贵 用 學問 便 īE. 遺 合 若 件 明 有 不 不 窮

樂,便

窮

到

與

民

百

樂

處。

故其知

識

無

不該

細

無

不

燭。」同

上。

贵

有

好

勇,

便

窮

到

大

王、公劉、文、武。

今説

格

物窮理,須是見

得箇

道

理

親切了

書,爲市井之行

這

箇

窮

得

箇

甚

道

理

?

解

便

能

脱

然

去其

(舊習。

其

始

且.

見

得

箇

如

此

那

事

不

是,亦不

敢

爲。

其

次

見

得

惻隱、

羞

悪、辭

遜、是非之心。

説

好貨

二 好

唤

做

然逐

旋

開

剗得大,

則

其

光

但

看《孟

子》

便得。

如

説

仁

義

禮

智,便

處

漸

漸

推

將

去。」卷十五

且.

如

\_

得是 非。 底 地 非, 若不理會得 盤 語 類 方做得人。 向 \*\frac{\times}{\times} 前 去,雖 是非分明 看 這 然 來 箇是 别 更 有 無 便不 裹 處, 道 理 面 便是 成 子 只 細 有 處 立 若 箇 要 脚 見 是

也。 問 得 道 是,便不合道 知 以 天 百三十。 至 來,方 理 流 大 命之謂 始 卷十 非 行,只是這 源 此 地 得 頭 明 是 是 不 白 只 所 别 見 性 是 這 朱子  $\exists$ 謂 字整性 在 理 道 有 箇 極 道 箇 事 這 是 説 矣。 箇 不 所謂學問 裹。 事 只 之謂 處 道 做 道 是 理 須 理 得 便 且 會 如 被 别 道。 是, 要 即 得 日 通 我 去 ,也只在 理 是 徹 箇 用 便合道 忽 尋 萬 道 性 是 底 會 然 討 物 這 命 處 道 看 只 便 萬 理; 這 理,恁 箇 見 便 是 是 包 事 裏 括 是 攫 這 之 所 纔 教 學 道 地 拏 笛 不 所 謂 明 卷

學 體 如 如 如 認 何 何 說 是 是 得 自 反 義 説 家 義 躬 ? 如 曾 禮 如 踐 讀 如 何 智 實 須 學 是 何 恁 曾認 習 禮 此 地 而 語 認 時 如 得 無 習 何 自 始 不 疑 之, 家 是智,須 得 亦 義 如 説 何 自 若 乎, ^ 是 語 家 只 是 類 曾 逐 曾 著 段 見 如 身 自 云 解 何 己 得 家

邦,行 定定著 家 或 説 心 不 此 乎 齊家,皆 還 正 可 如 將 過 而 身 掇 同 修 吟 心 虧 居居 不 此 去, 哉?]此 棄 識 \_, 直 上 拾 者 身 詠 欠 也一, 厭 三句 之」,『學不 處恭, 矣。 解 毋 有 言 處。」卷四 亦 否 要心 非 又將 得 不 何 語 餉。 時 不 與 ? 空言。 二事,須 言不忠信, 了 敬 交涉 綴 時 難 那 執 正 我教還 聖賢 便 ,始得; 省察。 説 見。 事 十三。 言言 .厭」,『: 緝 ? 」卷: 休 敬, 誠 説誠 今之學者, 時 許 是 忠 意 聖 也 文。 多 不 與 信 見説 日 我 教 賢 世 行 意 不 説 又 倦 人 日粘放 還 俗 不 直 濟 不 直要 行 將 忠 否?」卷三十 如 修 見 是 能 倦』。 之學,所 篤 事。」 思無 篤 此 誠 身 説 説 默 真 敬 敬 意 意 爲 處 IE. 雖 心 識 卷十 箇 邪 毋 今學者 學 吟 誠。 頭 之夷 誳 雖 心 否 雖 去 不 以 不 詠 誦 州 卻 但 蠻 四。 敬 便定定 做 與 修 狄, 而 於 聖 貊 口 我 須 른 銄 自 便 說 腎 之 有 行 Ħ. 學 是 默 件

事

如

思

此

事

又

别

思

件

事

便

不

口

同

上。

或或

主

一之謂

敬,

敬莫只是

主

當讀

書,

則

此

心

不

走

作

或只

去

事

物

中

何

日

卻

不

妨

但

不

可

胡

思

且

只

得

思

?

只

是不

走

作

.。」「又問

:

思

其

所

當

思

如

得 身 心 書 自 恁 上 地 説 怠 毋 慢 不 放 敬 肆 自 詩 家 無 大 ? ,常令自 日 : 主 家 又 精 是 神 敬 思 字 慮 注 盡 解。 在 此 要 之,

事

無

小

H 説 讀 毋 思 不 無 敬 邪 自 家 П 讀 思 無 邪 心 裹 卻

著

思

無

邪

始

敬 是 口 胡 如 只 思 有 何 把 亂 論 做 敬 此 想 之説 子 此 這不 箇『敬』字説過,須 計 心 最 較 常卓然公正 - 是讀 多。 有 書。」 些子 語 卷一 類 放 慢, 無 百 於 + 有 意 四 日 『敬』字,不 私 思 用 意 便 間 心,便是 是 體 不 認

四。 事 九十六。 敬 事 未了 問 做 故 問: 1 主 日 又要 這 敬 以 做 何 \_ 事 直 謂 那 内 卻 日 主一。 要 : 做 做 事 得 0 那 無 這 心 些子 事。 下 日 ·千頭 事 偏 : 今人 , 且. 無 邪 萬 0 做 適 做 緒 卷 之 這 這 心」卷 四 謂 +

> 之於 敬 辨 敬。 此 而 則 四 其 無 體 若只 是 心 四 事 自 ¬, 少 非 體 時 然 守著主一 也 自 則 寬 舒 如 不活 然 四 適。 此。 收 體 。 同 斂。 之敬, 著意 亦 卷十二。 無 Ė 不 安 害 待十分著意安排 遇 排 否? 敬 或 事 則 問 不 有 難 日 濟 死 主 久 遇 之以 敬 而 心 敬 事 無 只 生 有 時 存 病 不 活 如

眼 直截 下 於求 於心 放 上求功,遂覺 心 處 有 功 則 累 尤省 、墜,不 力 快活 也 但 不 此 若 事

效。 甚易 ,只如 且易而 此 省力,只 提 醒 ,莫令昏 在念不念之間 味, H 耳 便 口 何 難 見

續 是才覺閒 而 不 某要得 爲?」同 斷 便 人,只 上。 提 初學的 就 起 此 讀 於敬,不 心, 書 E 只 體 是 認 能 覺 義 無 處 理 間 , 便 斷 是 日 턥 接 只

=: O =: 矣。」

同

Ę

「今之言敬者,乃

皆

裝點外

事

·, 不

知

耳。」《 乃流 詳 襌 思。 多閑 謂 云 認 則 敬』字,須該 不使 而 義 此 只 於攝心坐 。」又曰 説 謂之敬 理 心 要隨 答林易簡 持 便 話 易 流 敬 也 得 工禪。 於禪 叮 事 讀 ]° |≪ 哉 汩 貫 唤 專 事 書 此學問之一大變 没 學 答 轉 書 || 云: 動 思 心 , 只 静看。 也。 或 來。 此 敬 謹 知 是 朱 人書》云: 畏,不 得 執 Ŧi. 卷十 子主 經 如 事 敬不 故曰 事 四書 敬 也 此 敬、 放 , ,豈必以 之所謂 · 是 而 『毋不敬,儼 逸  $\wedge$ 便 之説 答 表 耳。 萬 就 李 裹各 一先生 慮 讀 「敬」,至宋時 晦 休置 剖 不 攝 書 叔 用 析 所 須 1 Ŀ 書》 之 精 坐 若 力 論 許 體

先 試之效。 云: 下 囬 之理, 於 而 窮 立 此 甲 理。 爾 數 寅 而 竊 語 行宫便殿 不 窮 意 此 者 即 理 聖賢 窮 。 皆 經 之要,必在於讀書。 理 愚 訓 所 奏劄》云: 復生,所 臣 史 以 平 册 必 · 生 爲 以 在 求 以 乎 學艱 之, 爲學之道,莫 教 讀 人不 難 書 則 欲窮 是 辛 也 過 苦 IE. 如 牆 天 又

學案》卷十六。 之以 述者 子 必 宗,明道以 此 在 0 之學,言 於讀 窮 此 補之也 理 之説 書。」蓋 朱 静字稍 子 窮 澧謂: 耐 自 三變 偏,不若專主於敬,伊 理  $\vdash$ 黄梨洲 述 而 脯 朱子又益之以 之語 涵 愈平,愈實,愈 不言 云: 養 須 讀 自 用敬 黄 書 周 勉 讀書之説 元公以 進 無弊 齋、 JII. 學 當 則 在 李 以 以 主 致 敬字未 果 朱 而 知 静 立人極  $\exists$ 子 齋 盡,益 所 述 宋 窮 自 朱 開 理 元

直 下 讀 却 最 書。 許 是 稍 怕 口 説 人 多狂妄身心,除 答劉 惡。」澧案: 得 説 初 張 學 時 定夫書》云: 泉,都 不 儘 在 且. 讀 尋 無 此 書,不 行 收 所 却 數 拾 以 許 墨, 鄙 , 只 務 必 多 意 在乎 佔 閑 是 久 且 畢 之 雜 ·, 不 要 讀 場 自 説 得 書 大 有 話 專 學 也 著 脱 見 口 者 耳 處 實 息

本 有 語 原。」《答高 事 迹 答江 ^ 孟 口 **×**′, 按 德 據 詩 功 或 處 書 楹  $\approx$ 看 書》云: 書 取 道 之 若 理 屬 讀 要 體 就 讀 書 面 涵 平. 書 亦有次第 易 即 明 德性 Д. 讀

何工 尤切 讀 未 古 且. 爲 書 今,竊恐今日 取 夫? 近之要 有 失也。」 澧案: 其 次第 切 語 H 於 之間 身 如 此。 心 須 力量未易遽 者讀之。 著 既 答蔡 知 兩 時 季通 必 辰 在 若 作科舉外工夫爲 書 及, 乎 經 × Z 讀 且. 理 諸 少 書,又當 世 緩 務 友 相 之, 住。」 商 聚, 知 亦 略 作 此

尾,逐. 心 此 却 前 知 尾 脈 復有 與 段 從 句 ,日之所玩,不 不 林 時 理 時 頭 差, 答胡寬夫書》云: 句 IE. 答滕德 會 他書者。 看 玩 卿 如 亦 且 此 ,自然浹 味。 書》云 不 不 是自己分 知有 粹 知 段,令其首尾 看 書》云: 有 過 : 如 治。 上字 ?後句。 後 是終篇, \_ 蓋讀 段 上 時 非 「大抵自家所 也 章。 身 如如 書之法,須是從 惟 取 看 心 會 通 而 其一 得 不 如 心念躬行,若不 得 義 貫。 後更受業焉。」 此 都 知 聖賢言 理 有下字; 漸 通 然方 透了 進, 看文字, 日 見 其 語 庶 頭 純 又 意 幾 看 看 至

熟,而 忘,此 洽。 邊綽 深 段。 説 段。 德書》云: 實,不曾見 書 ※云: 然便要 之内,常切 及 不 然,雖是好 論語》,今日看 如 得 提 思,令其意味 得幾. 此是大病。」《 此 日 反 後 督 學問 亦士友之 段 學 近日 È 復 用 方 生 句, 凡 不 雖 事, 存 得力處正 理 讀 寸之間 Τ. 差, 好, 事 心 書切 西 會 學者 如 夫 亦名妄想,此主一之漸 皆 浹 到 通 邊 得 仍 且. 何 答趙 格目之外,不要妄想。 如 治 皆 此段,即 患 綽 未 忌 説 Ħ 按 頃 在於此 此, 當 須 書 得 貪多。 盡 要 得 伏 刻 無 履常 立 太高 幾 看 H 稍 以 得 之際, 藥 下 句 事 玩 見 專心致意,只看 心《語 下? 類 口 書》云:「 ; 都 直 T 味 唯 功 醫。 推 徹 定 千頭 待此 少 耳 之 明 不 意 頭 格 類》云 答 曾 可 則 只 徹 思 H 目 段 萬 胡 答 有 讀 都 見。 貫 也 却 尾 分曉 緒 以 穿 季 張 少 書 不 看 格 如 精 讀 卒 此 曉 遺 浹 東 確 隨 後 不 看 目 元

書,自

首

至

澧案: 此 矣。 工去 是 得 分,後則費六七分,又後則費 只 也。 是 文 始 件大 義,是一 看 曉 既 初 得 知 病 先一 外 必 書費 面 重 在乎 書 卷 重,不 費 識 百 十分工 讀書,又當 十四四 許多 得意思好 識 夫,後 工夫, 讀 得 四 他 書 處,是一 知 Ŧi. 好 之法,須 後 讀 分矣。」卷十。 底 書 則 書之法 意 費 重。 無 思 許 八 是 如 九 多 若 用 此

般,非 今説《詩》,只 透 物、名義 文, 베 歸 不 處 己 雎 淫 做 語 得 爲己之學也。 哀 篇, 若 出 ,發明 注 類 不 來 而 於其 解 如 底 又 消這 不 經指 此,只 成 云: 傷 訓 誦 般 八字, 詁、 精熟。 方 相穿 曾見, 學者 是虚 某 名物 能 更添 大 紐 有 設 觀 玩 説 注 全未 處,一一 議 書 人説《詩 味 「思無邪」三字, 與 中 論 反 他 訓 曉 先 釋 覆 道 便 如 須 認得 文意  $\approx$ 舉 讀 向 『公而 説 問 業 F 得 樂 他 有 如 事 正 書

尹 云: 空言. 始説 後 篇 卷十一。 如 看 元 共 (成十一 此 舉 用問 得 皆 示書堂學者。今學者尤當以 説 得 六 似 無實,不 成 『體用 澧案: , 豈不 此話。 李先 和靖: + 渣滓 字, 四 卦、 生 誤 濟 矣。」 便是一 一伊 此段下有注云:「此 若學者未曾子 他?」 源, 事 先生 0 川《易 大 百 顯 自 憶 部《毛 某聞之悚 八 日 微 此讀 頃 + 無 傳 一尹 年 四 間 詩》了 書 見 爻 ·; 此 細 何 説 益 汪 都 然 處 理 古 是切 加 端 , 始 有 會 好, 是 法 係 詳 其 明 下落, 便 切 也 先 知 他 細 然 要處。」 説 要? 生 云。 前 與 須 親 他 是 H 方 沈 百

未能 意 見意 之説 所 謂 思 則 究 味可 自 通 答 而 得 柯 其 亦 也。 者 遽 文義 國 不 舍之矣。 而 材 妨。 如 務 而 書 ※云: 舊説 立 但 玩味之,使之浹洽於心 新 必 不 如 大概 説 欲 通 此 於 而 則 傳 則 於 讀 偶自見得别 用 注 先 書 之外, 心 儒 且. 愈勞, 之 因 説 先 别 或 而 有 自 儒

爲

朋

友

商

量

庶

幾

稍

存

沈

浸

醲

郁

氣

象

所

不

邨

也

答黄直

卿

書》云

「爲

學直

是先

要

是

氣

象

邨

淺

願

Ħ.

放

下

此

意

思

將

聖

立

論

似此

恐

不

旧

解

釋

文

義

有

所差

錯

反

覆

玩

味,直

是

有

不

通

處

方

口

權

立

疑

分,豈

口

如

此

纔

方

撥

冗

看

得

過,便

敢

遠。

子

細

反

覆

,十年、二十

年

-,尚未

見

到

而

所説

又未

必

先,不

·當汲

汲

於

著

述。

既

妨

日

用

T

答

江

德

功

書

:

學者

以

玩

索

踐

且.

是

胸

中

開

泰

無許

多勞攘。

此

事已:

異

也

只

據

他

文

理

一,反

覆

玩

味,

説

求

奇

恐失

IĔ.

理,却

與

流

俗

詭

異

之學

去

道

愈

遠

H.

謂

之

自

得

則

是

自

然

而

不

安

於

他

人之説

而

必

己

出

耳

· ° \_

答許

「大抵

文義

先

儒

盡

之。

不

可

只

口口

彊

求

也

哉

?

今

人

多

是

認

作

獨

自

之

是。」又云:「聖賢之言,意旨深 久之自 切己工 主賢言 自 義 得 繫 快 遽 無 管 順 履 夫, 明。 實 與 語 且 然 爲 活 以 立 之 故 贵 案: 他 此 切 章 功夫。』《答陳 察,有不合 爲 意思 更 抵 人之意 玩 立 等 於 處 處 就 疑 病 讀 味 其 既 反 , 邂 處 促 日 義 矣。」《答曾泰之書》云: 此 書 本 難卒 知 迫 用, 未 闕 逅 此 識 成 須 文 必 ),難得 可 其 虚,即 或 等 事 見 治 擔 義 在 説 便 所 才 有 處 理之真。 得 閣 心 却 乎 令考校 疑 卿 長進。」《答趙 發 且 有 讀 修 可 但 書》云 痛 虚 明 當 書 Ē 曉 且 看 而 加 度 自 關之。 處,反 反 不 時 與 矯 同 又 光 而 復 得 隨 説 當 不費 革 異 陰 其 手劄記 其 處 所 出 知 一, 不 復 子欽 却 不 餘 研 示《儀 正 力。 務 如 所 方是 玩 於 口 究 意 濟 立 此 喻《鄉 則 味 書》云: 曉 分 纖 事 今 方 新 庶 向 禮 長 令 者, 明 密, 是 深 説 也 徒 幾 後 》所 其 進 黨》卒 易 不 守 爲 大 自 得 而 恐 寬 大 疑 曉 · 足 澧 己 不 此 讀 省 聖 又 其

鷃 疑 乃 讀 書 之 病 也

語 類 \*\frac{\times}{\times} = \frac{\times}{\times} = \frac 先 生 謂 學 者 日 『公看

讀古 是 欲先 自 因 著《詩 不 先 注,乃一定之理,朱子之教 如 看 只 儒之説,通 此 1 看 集 先 傳 生《集 無 集 傳》, 而 却 其文義」也。 傳》,却 教學者先看古注,即 看 全不 底道 看 看 理。』」卷八十。 古 諸 注 家 然 如 解 則 此 日 治 也 : 日 經 所 朱子 某 當 謂 便 意 先

得 了 是 所以 方 今 讀 ,,又皆 是。 來 讀 經 八。」同 書 歷 要讀書者 語 已是第二義 見得 那讀 是 類 Ė 只 》云:「讀 自 是 書底 許 家合 學問 要 多,所 蓋 見 已是: 是 就自家身己 下 得 以 未 蓋 書 元 許 第二義。 乃 寫 曾 人 有 3 生 學者第二事。」卷十。 在 經 底,不 道 册 歷 道 理。 上 見 理,合下完具, E 自 是 切 與 許 家 及 外 多。 要 人 理 身 處 面 看 上 會 聖人 理 旋 得 道 會 添 而

> 澧案: 第二 箇捷 然則 要讀 二義 也。 道 理 即 説,記者 説 ,莫先於 會 窮 則 事 徑 也。 其云「所 第 方 理 這 以 不 朱 是 也。 · 第二 法, 書 同 讀 子 事 耳。 窮 者,亦 便是誤 語類》又云: 書 既 所云「學問 必 即 理 義,更 以 爲 然所 云 在 所 要讀 第 也 乎 即 人底深 謂 窮 第 云 無 窮 事 理 書」,又云「聖人 窮 窮 要見 捷 理 就 一若曰 必 事 理 第 坑。」 理 徑 也 自 在 第 爲 必 也 得 家身己上 乎 即 第 何 在 義 可 許 讀 所 上。 必 若 乎 義 多 書 謂 事 此 讀 讀 以 然則 道 必 書 爲 書 教 第 爲 切 條 在 理 而 蓋 自 人須 要 第 除 乎 學 此 也 只 義 之 處 此 有 第

得此 曠 日 之原 : 如如 中 語 昭 今要下 類》云:「 不須 明 洞 枉費工 達, T. 夫 洪 自 慶將 覺 一夫,鑽 且 無 須 歸 許 端 先 紙 多 莊 Ŀ 室礙 生 存 語 養 召 恁 待 獨 與 時 存 觀 方 養 昭

调

方

得

聖

人

説

底

是他

曾經

歷過

來。」同

上。

讀

這

書

時

蓋

爲

自

家

雖

有

這

道

理

須

是

經

歷

理

都

具

不

曾

外

面

添

得

來。

然

聖

教

X

須

要

而

輕

視之,則誤矣。

得。』 禮 朱 學,要當 實了 年 未 撞 語 而 不 事 取 老 老 子 就 著 教 時 文 , 則 讀 而 既 此 處 字 自 石 卷 欲 書 云「必 Ħ. 謂 上 來 然 洪 又教 對 有 百 公既 老 教 看 面 迎 慶 諸 干五。 要 若 人 著 他 以 刃 不 É 人 約 在 非 年 年 緊 看 説 而 然 須 乎 處 老, 昭 《答蔡季 所 用 高 文字 恐他 解 有 、恐非《儀 看 讀 曠,教 及。 工,恐 則 又 意 書,不 文 皆 做 欲 今,且 味 撞 可 不 無 讀 通 這 歲 以 來 知 肯 道 讀 許 般 而 書》云:「 禮 月 撞 凡學者 去 理 多 書 朱 工夫不 要約」,所 無 类 悠悠, 去,將 看文字,又 自 病 者 及矣。 子 然 爲 所 痛 最 「, 宜 透 老人 竟 來 深 及 得 好 徹 謂 然 無 自 此 坑 及 也 ^ 教 既 其 儀 之 若 不 等 所 遇 有 = 抗 世 曰 何 所 爲 道 吾 甚 高 向

最 多 南 使 宋 語 激 時 類 昂 風 尝云 向 氣 上 之 , 求聖賢 弊, 程先 朱 子 生 用 救 發 心 正 明 處, 之, 道 理 故 放 得 開 辩 稍 論 示

亦

多

術

也

卷三十 行。 道 於 使 之談 有 遠 : 事 樂 鮮 於 爲 之使高; 理。 懸 友 示 ? 若 ; 者 向 空 淺 莘 于 問 要 今之學者 期 經者 本 也 Ż 何 侁 若 者之未 説 知 有 曰:「不過 今 『昔鄒 ^ 明 事 問 野 不 T 與 道 日 本淺, 須 ? 與 於 直 可 張 學 而 扛 由 往 是 伊 (古本 伊 謂 樂 知 敬 者 必 得 道 往 與 是 却 111 顔 而 便 尋 111 夫論 使之至於 乃 兩 鄉 以 有 他  $\Box$ 求 子 相 説 鑿之使深; 日 求 脚 捨 樂堯 前 不 論 古 : 爲 捷 似 顔 道 都 癸巳 近 是顔 伊 所 本 樂道 尋 徑 子所 顔 盡 求 理 不 説 111 舜之道 相 子 常道 晦 子 是 依 著 遠 遂 論 之 所 似 樂者 不 , ° \_ \_ 有 亂 地 至 本近, 語 病 見 者 處 改 舊 且 道 何 顏 説 極 鑽 其 下 日 1。」卷一 道 在 未 如 子 方 其 不 書》 樂 Ш 本 高 窺 : 是 大 嘗 可 伊 而 所 爲 卑 不 處 高 本 路 伊 樂 以 尹 Œ 害 云 推 百 水 分 樂 耕 |I|者 知 以 反 而 +

又云 下水 云: 便先説 形 話 脚 明 慣 其實 而 過 理會不得 影 。』《答吕 奢 庸 沖 1 不 ·, 是 章句 汀,則 處 心 此 則 漠 答 是 之病 性 條 箇本末 追 不要 説 不 陳 無 甚 幾 E 。』《答吴 尋。』《答許 書》云: 是 平. 孫 朕 子約書》云: 意 安 欲 自 面 説 坦 欲 思 卿 爲 與《 此 精粗 欠却 官 得 求 ? 家 聖 書》云: 道 書 論 太 「大率擺 路 亦 伯 高 之本 人 雖 無 高 工. 却 理 語 於聖 答徐子融 順 豐 斯 名 妙 二致,正 夫, 會 「謂當 之書》云: 書 言 没 不 競 爲 原。 **無** 人, 不  $\frac{\mathbb{S}}{\mathbb{K}}$ 落章句 乃是 矣。 説《 人行著, 非 得 可 形 此 行 : 而 勉 也。 是鶻 論 影 書》云: 「元來 直 之理 下 不 學 向 再答敬 ;談説玄妙 語 是 面 今動 者 只管上 又《答書 崙 知 如 非 爲 者, 不 其 元 道 爲 惟 吞 此 達 見 棗 成 無 學不 夫論 言 白 不 然 教 儉 道 Œ Ш 他 動 説 根 之 考 無 而 者

澧案: 言,盡 排 所不至。 云 : 言。 何 何 正 云: 敢 斥 欲 是 「三數年來,雖 也。 若 之, 大病。 如 開 更 於 當 而下問之意,愈勤不 所 向 此 日 更不 此 時 説 大 人 他 書, 談 乾 今只此『一 人 П 頭 知 經 所 今 坤 親 伊 耶 E 論 講學者 字 後 不合, ? 見 于 過 義,恐 三聖而 不 胡 元 去 底矣。 懈。」然則 加 敢 唯』尚 也 至 書 以 聞 ? 未 於 鄙 謹 師 命 性 夢 如 之,此 且. 用 江. 此 淺 矣。」又 答 狹 見 此 德 理 封 其 功 江 三聖 會 納 譏 若 救 亦 尤 德 誚 不 甚 有 拙 īĒ. 非 不揆之 排 功 在 得 答 直 風 朱 得 斥, 書 氣 子 也 之 如 如

論。 之聖 亦 聞 采 獲, 去玄妙上尋,不 近 三賢,未 蓋 世 而 雜 禪 見 學 集 學之風,而慕效之。」《 異 辨 嘗説 儒 端 佛 謂 好 之大 無 吕 説 知此 形 氏《大 玄 成」。 影 説 正 話, 是他 妙 學 又《 近 解 思 病 世 当自 附 語 有 處。」 方有 録 類 以 以 勝 卷 爲「 云 此 等 左右 百 議 古 故 習

叔

説

向

得曾參多『一唯』之句,深有

契合。

此

斥 説 儒 月 得 謾  $\overline{Z}$ 話 近 每 禪 ? 者 禪 去 來 上學,其 澧 之學,自 敵 忘 現 而 所 人 他 心 吾 輒 以 被 Ŀ 忘 救 子 被 變之説 佛 文論僧宗杲, 卷 形 正 某 何 家 六 74 非 風 看 所 説 + 經、 破 氣者又 授 寐 則有 T 受 孔 非 此 般 寤 而 别 大 他 孟 大 司 服 話 字指宗杲 也 上。 虚 不 以 行 不 白 口 他 來 曉 之哉?」 答 清 曉 便 禪 也。 鏡 何 汪 者。 做 火火 嘗 叔 某 便 這 耕 此 有 不 珠 却 被 般 書 排 是 知 静 曉 他 底

爲 夫 儒 聞 正 深 略 己 詆 有 江 所 明之出 數 之。」《答何 書 西 未 非 答方伯 一曉。」《 \textstyle 千 陸 蹴 户 贄 踏 祁 而 而 答沈 模 董 董 Щ 歸 是 叔 書 ※云: 仲 仲 京 德宗者,尤 晦 乃常 舒 舒 書 ※云: 郡 叔 所 而 書 響 「謂 人之態。 立 推 \times\_{\textsup} \textsup \te 應,既 尊 甚 夷 示 管 高 可 齊 l仲、王 不 駭異。」《答 喻 近 不 恐 熹 能 孔 當 日 未 守 竊 明 去, 易 猛 疑 派 事 拔 以 此 之。 流 衆 以 陳 世 又 説

身而 之,使 及子 之論 却 木 不 降 Mi 茒 於 忍 附 歸 也 去, 尚 豺 以 也。」又答云: 忠 而 蓋 死 狼 爲 可 義 吾 所 故其 節 然, 之吻。」 謂 遺 力 以 事 不 以 民 言 不 全 以 之 克 爲 能 日 蓋 肝 見 《武 肖 守。 瞻 也。 傷 腦 善善及子孫之義 矣。 不 或 此 塗 侯 能 敵 近 家 耳 地 傳 此 騎 年 去 威 》,熹欲 法 黄 淮 復 力 恐 此 甚 皓, 來 漢 未 未 則 嚴 之 舉 又 必 孔 則 載 間 非 不 明 如 使 委 慮 能 之 欽 葛 明 數 赤 而 所 夫 瞻 者 奉 所 去 有

蔓引 日 蓋 變 而削 杖撰 書 ※云: 及也。」《直齋書録 : 禮 人 去管 三王珪 之 而 經 以 累 陳 資 之 、樂自 魏 壽 罪 稟 罪 作史 魏徵 許 元 併 見 成 恐 腻 私 識 則。 解題 且陋 不 加 與 也 不 死 <u>\tilde{\</u> 服 朱 失 司 ,裒集 建 , 若 晦 節 翁以 論 《諸葛武侯 成之難 當 他 事 果 語 傳及裴松之所 節 爲 非 讎 集 不 取 是,只合坐 然。」《 後 注 自 焉 体學》一 > 不 雖 云 不 答 相 有 卷,侍 注 可 余 爲 功 須 程 以 株 Œ 此 也 講 傳 連 何 輕 甫

乎 子 態 議 淬 夫 雖 大 節 相 足 殊 習 或微 厲 誅 義 贖 顧 無 掩 娅 根 哉 補 口 緩 爲軟 口 大抵 辨之, 畏 竄 於 也 於 鄙 急之 』愚 懼 戮 其 事 厭 熟,卒然有警,何以 不 心 顧 謂 何 語 際 項 或 某 卷三十五 王**、** 義 類 望 背 力斥之,此 謂 尚 不 理  $\stackrel{\circ}{\mathbb{Z}}$ 其 相 魏先有罪 顧  $\equiv$ 不 一,只計 如 望 代 免 利 此 「今世 宋 害,生 於 略 而 ? 較 儒 下,惟 其 退 無 平居 利 而 好苛 所創。 救 得其 縮 人多 害, 死 後 īĒ. 不 東 有 暇 論 道東 況 風 皆 仗 古 變其節 漢 功 日 今 士 氣者 遊 奴 節 不不 人,朱 人 婢 談 漢 死 琢 才 大 又 以 之 義 名 聚 磨

校 言 口 貢舉 院 勝 亦 記》云: 言 極 南 私議》云 痛 宋 者 「, 不 切 時 科 一今日 可 今 舉 以 略 之 「名爲 學校 爲 舉 弊, 適 數 朱 治經 科舉 然 條 子 而 於 之教 莫 論 此 而實爲經學之 之 之者 救 其 衡 甚 也 害 州 )° \_ 多 有 石 其 學 不 鼓 人才。

那

時

士人所

做

文字

極

粗

更

無

委

曲

柔

也

稽,適 當 於弱 是可 天下 件物 衰,風 學賊 又多 賊 甚 纔 全 骨 當 削 斷 ; 時 麽 罷 得 無 氣 者。 加 號爲作文, 學 本 爲 惜。」 卷一百三十九。 中之賊,文字妖中之妖。」又云:「 亦 樣 盡 事 足以 日 俗 自 新 柄 自 有 舍中 是 日 反連之; 趨 奇 煞 被被 莫 本來合當理 氣 箇做 薄。」《語 於巧 時 敗壞學者之心志。 有 説 魄 無 人 以 節 人 以 限 引 起, 求 而實爲文字之妖。 小。 所 於所當 前 好 出 動,尤 尚 做 及 類》云: 於舉子之所 人 將 只 如 紹 出 會 人學 時 才, 是 士 此。 興 那 底 連,而 而 人 宣 文之弊已 事 渡 如 起,有不 文 效之。 「今人文字 這 只 全不 和 胡 江 字 反 些志 是 末 邦 之 是以 斷 不 是 人不 年 初 衡 主司 · 意 崇 如 理 之。 甚 之 氣 極 人材 而 怪 朝 亦 會 豪 類 · 全 知 命 舍 自 都 日 今作 爲 妄 而 學 題 有 法 趨 直 無 日 無 經 所 消 徧

會本分事業。』」同上。 然上之人曾不思 ,何用更要你教? … 『怪他不得。 使朱子見今日 這事大關世變。」同上。 文册子之外,其他未 養 取 미 最 得 爲之時, 人。」同 可 氣 量 上之所以教者,不 憂者,不是 宇。 此亦朱子欲救 科 你設學校,却 時 舉 上。 文 此 只 時文,不知 「問:『今之學 法 看 件,學子 「問:『今日 何 説 如 如 · 當過 今是 秀 ? 好 才做、 當 更以 自 過 時 教 而 日 多 風 問 如 文 他 是 少 《綱 「止欲 倍。 笥,姑 則欲 綱目序》。 孔子之書。 頓 輟。」《與林擇之書》。 義 以 使觀者自 例 澧 私 精 案: 便 且《春 密。 檢 擇其善惡 司 閱 夫《春 又云: 1秋》始 自 馬 温 備 秋  $\sim$ 遺 得

澄書》。 千 也 太 有 鋭 餘 朱子 朱子之書,近儒 今甚費 又云: 年, 亂 綱 臣 (心力。 通 賊 目 子,真 鑑 沙功 自 最 然 云: 不 無 業 夫浩博 滿者、《通 所 已爲 義 匿 其 例 ,甚悔始謀 之,不容 形。」《答劉 精 密 鑑 上 下 綱 目》 中 之

爲

何

如

年

理

氣

之

弊。

著

急

此。

焉。」日

校,自麻

沙時

更須兼

他

科

目

字不好。

科舉之弊,

使

有

衰

氣。」卷一百

九。

弱

之

態

所

以

亦

記之事,皆 不能 目》終於後周末年,距 若《春秋》立褒貶之法。」《通鑑 生一百七十三年, 便 得,恐爲棄井矣。」《答蔡季通書》。 檢閱 目》一千三百六十二年,視《春 朱子雖大賢,而著書褒貶者,乃五 精 「《綱目》亦苦無心力了得。」又云:「 密。 而 在 故 른 所傳 朱 《新 子 已 聞之世之前 自 唐 謂 書 悔 朱子 公作 之所 於隱 「始謀之太 裴光廷 生一 忘 綱 》 百 百 失,以爲 傳 公元 目》 》卷六十九。 而已。」《資治 通 傳》云: ,此其 百七十年 聞 鑑 竟 ○又《答潘恭 川 年,距 1秋》年 之 鋭 無 # 十· 二 一光廷 勸 藏 義 自 心 成,非 之 朱子 倍 數 但 例 孔 力 年, 引 通 必 所 緇 於 Ŧi. 巾 整 云 叔

安丞李融、拾遺張琪、著作佐郎

司

馬利賓直

弘文館

撰《續

春

名,不 知。 就。」此 録 蹟 曷 大 又多 悠遠,載籍 令校定資治 通鑑紀事本末》。 秋 通 ×Z 》之意耳 掌草 經 略 嘗 唐 鑑 傳 稿 知又是何 也。 欲 所宜 「右司馬 即 Ŧi. 偉 掩 《綱 然又加以「總目」,則今本所無。 代之事乎 自 哉書乎 然則 戰 提 温 朱 目》之先聲 特 國 浩 書 公乎? 其 文正公手書《楚漢同 通 子 爲 訖 其推 博 也?」然則朱子之《綱目 朱 綱 鑑 隋。 無 書 · ; 非 子 所 目 法 此 後 也。 表請天子修經 尊也至矣! 「, 然 寫 自 朱子《跋司馬文正公通 發 意 綱目》二字亦出 儒 稽古録劄子》云: 漢 然白 日 明 也 後 推 以 者,以《 可 戰國訖隋已不 尊 來,未始 日 朱 事 以 太過, 子 光 所能 見治 延等 司馬温 卷,疑是 之論 春秋》爲 Н. 》,猶司 別有 徧 有 遂 作傳, 亂 自 能 閲 也。」《跋 **《通** 欲 「綱要」之 鑑 存 馬 《 通 温 年 公《乞 就 綱要真 書 亡之 公《綱 而 上 比 鑑 而 人不 鑑 周 祀 掩 H 況

謂

刻

綱

目》

者,

當

盡

删

書

法、

發

明、質

實

之

年,王齮死。

七年,將軍驁

死,夏太后

死。

十二年,文信侯不

爲

後

指

摘

<sup>《</sup>陔

餘

叢考

巻

+

Ŧi.

摘

出

者甚

多

澧

嘗

遂爲後

人

所

不

平。

而

爲

質

(實者)

一、又太

疎謬,

之。 謂: 所受葬 師 者、《春秋論 免却 畫 臣 目 武 「臣疇昔之事昭 原文所無。 終身不敢謀趙之奴隸,況子孫乎!』趙 「《綱目) 類 死」,仕於丕者書「卒」、《綱目》書 帝紀  $\mp$ 徑,使 皆書『死』,如 嵛 豈得 也。 舜 王 能知其 按 朱子《答尤延之書》云: 注。 不 赧 朝官 死 莽 本 王三十 爲 嘗問諸人,人莫能 然錢辛楣 云非 二,「大 (精博 篡 例 然則文公門人學儘博,擇亦精矣。」卷二。 《綱 王 則非 書 稱 漢,曹 處 ,猶今日之事 史 六 之曰: 如閻 年, 目 太 而 例 司 也 師 以 謂 趙 累 馬 百詩者 乎 丕 『卒』書, 王舜之類。  $\pm$ ? 史家 甄 『莽大夫 亦 應。 則 欲 漢 大王 邯 《史記 篡 蓋鮮 與 善矣。 書 通 余考之,出 樂 死 漢, 也。 毅 王乃 矣。 例 温 似 謀  $\pm$ 若復 秦始 仕 楊 陳羣卒」。 此 公舊 而 伐 獨 莽 未 涉 潛 雄 於 燕。 皇本 得罪 傳》書 有 曲 楊 Fr. 此 通 死 例, 莽 劄 或 書 筆 雄 段 毅 鑑 在 記》 志 不 者 泣 署 凡 通 讀 他 死 太太 日  $\bar{z}$ 大 能 澧 不 其 鑑 或 莽 緇 魏

死。 二年,申不害死。 孝成王十 鄭子十二年,祭仲死。 四 年,平原 《韓長孺傳》: 君 趙 勝 丞相 趙世家》: 肅侯十二年,商君 死。 H 《韓 一蚡死。 世家》: 匈 奴傳》: 昭 侯二十 驃

世

韋

死。

《秦楚之

際

月

表

世

元

年,

周

文死,

陳

涉

死。

鄭

騎將軍去病死。

以後諸史,書「死」者亦不少。

朱

子著

書

既

多,自不能

無

誤。

四

書

章

戟。 《集 也。 三續 文也。戟是大名,故《説文》不曰「戟,有枝 謂 訂 句 注》援引多誤。 干戈於邦内」、《集解》:「孔曰:『戈,戟也。』」 戈, 戟 此 集 正之,然訂 注》因之。 其器各别,不得即以戈作 戟解。」《四書釋地 古 注 戟,有枝兵」,「戈,平頭戟」,皆《説文》 錢 非 也。」《 雖 辛 朱子 楣 極 集注》 正 取 用 《孟子》「干戈朕」,趙注云: 之誤,且非 如 : 甚 此 意,亦尚 不易也。《論語》「而 説 亦因之。 人《養 戟,有枝兵。 有 孔、趙之誤,閻氏誤 誤 新 閻 處。 録 白 後 戈,平 詩 卷三。 儒 謂《 謀 自當 澧 頭 集 動

説,遂有輕蔑朱注之意,此學者之大病也。 者,尤不可不慎也。 訂器物,關係甚小,舉此以見小者尚不可輕易駁 儒攻駁朱注之説,學者當細考之。 之淵博,而訂正朱注者尚有疏 孔、趙以 也。」朱子固未嘗 「子之持 戟之士」、《集注》云:「戟,有枝兵 頭者,故曰:「戈,平頭戟也。」戈是戟之類,故 戈」,而日 戟釋戈,正與《説文》合也。 戟,有枝 不用《説 兵」也。 文》也。 戈是 失 如 戟之類 若過 以 此 難 《孟子》 閻 , 況其 信 凡 百 而 考 後 其 詩 平. 大

了 雖 初 公。」然《語類》云:「張魏公,亦汪黄薦。 垞《謁韓蘄王墓》詩云: 相 ,西邊。 大義 赴 罷 南 相,乃魏公言罷也。」卷一百三十一。 朱子爲《張魏公行狀》,近人所 極 京,亦主汪黄。」同 知得這裏,忘了那裏。」同上。「趙公 分明,而 全不 「輸與喪師張魏國 曉 上。 事。 「張魏公才 扶 得 史家具 譏 東 也 邊,倒 極短 狀 李丞 得 朱 徽 竹

素鄙 護。 義。」卷一百三十三。 做 父之勞。」贊其子而 處。」同上。 「魏公要用兵,其實亦不能 向 《易本義》云:「蠱者,前人已壞之緒。」 將 來 去。 又爲《張敬夫 爲《張魏公行狀 秦之爲人,魏公卻薦 後見《光堯實録 朱子之論張浚,固已毫 (畫像贊)云:「汲汲乎其幹 云「幹父」,尤爲直筆也。 公》,亦 》, 其· 只 秦相。」同 憑 中 欽 - 煞有 夫 Ė 寫 不 來 明 相 如 無 事 大 某 應 實 回 節

位。 本在 啚 當有某 子《答王子合書》云:「康節説伏羲八卦,乾位 康 等 》傳自希夷、希夷又自有所傳。蓋方士技 節 一問 其説 説話,但與聖人之學自不同。」」卷六十六。 南、坤位本在北、文王重《易》時、更定此 朱子尊邵康節,亦近人所不滿也。 坐 事 地 『康節 甚長,大概 聖 默 人決 想 推 於《易》如 不恁地。」卷六十七。 將 近 去, 於附 便道 何 會穿鑿。」《語 ?』曰:『他又是 某 年某 月 先 某 然朱 類 天 日

術,用 之學,近似釋氏。」同上。 以今觀之,亦不可謂不雜。」同上。 我之意何異?』 ,固不盡 以 修煉。」卷一 推 尊 也 先生笑 百。 而不言。」同 二程謂 問: 康節 其粹而 朱子之於康 上。 與 楊 不雜 康 氏 節 爲

然汪 也。 《答書》云:「屈、宋、唐、景之文,不過悲愁、放 此 年丁亥,朱子訪張敬夫於潭州,時三十七歲。 曠二端,大爲心害。」又有《答程允夫書》云: 觀集中《答程允夫書》、《答汪尚書書》,皆痛 相信未及。 詣卓然,非 詆蘇氏。 「去冬走湖湘,講論之益不少。敬夫所見,超 書云「去冬」,則 玉山 朱子之詆蘇子瞻,亦近人所不 其答汪 吕伯恭謂 卒於淳熙三年丙申,朱子四十七 今竟以爲 所可及。 玉 山、吕 其後 蘇氏乃唐、景之流 東 向所論 如何?」澧案:乾道三 萊 一年,朱子三十八歲 書 未 蘇 學之蔽,吾弟 知 其 滿 在 也。 今

以

俱,寶玩無斁,此意已不凡矣。」又《跋

之操,堅

澤家藏東坡

竹石》云:

「東坡老人,英秀

後

陳

其

人。以道東

西

南

北,未嘗寧居,而能

挾

其

傲

風

霆,閱古今之氣,猶足

LI

想

未,朱子七十歲。

**^** 

跋

張

以

道家

藏

東

坡

枯

木

諸公詩》云:

捧玩

再三,不勝

敬

嘆。」慶元

又

足

以

見

人心公論

所

在

之

不

可

以

刑

禍

也

一。」慶元丁巳,朱子六十八歲。

《跋

東

坡

書

李

往

來手

書,知二公相

與之驩,始終

不

替

東坡

《帖》云:「楊深父示予以東坡公與其先

廣。」紹

熙壬子,朱子六十三歲。

《跋楊深父家

帖

刻

石

再跋之云:「仁人之言,不可

以

以

此

論者也。

 $\bar{Z}$ 

「三復其言。」壬寅歲,朱子五十三歲。

蘇

氏

之學。

歲

則

朱子答書皆

在

辛

丑.

一之前。

蓋

歲

東萊卒於淳

熙

八

年辛丑

至辛丑歲、跋東坡與林子 一、朱子 前 五十二 此 中 深惡 帖》 月。 百 楚 世之下 其 辭 集 推 注 重 觀 東 推 坡 此 畫 重 如 屈 者 此 宋。 尚 與 昔 可 此 時 想 宜 大 見 以 不 也 晚 百 年 此 跋 爲 又 無 定 爲 年

確不移之姿,竹君石友,庶幾似之。 杜 凋 光 此 見 怪 己 世 藏 不 屈 而 平。 哭。 成 妣 辭 不弔 如早 坡謂 以 日,亦莫未有害否?』曰:『似乎在 則 疑。』或問:『賀則不弔,而國家事 過 日 亦 不 郊 可 處 哭? 作樂 蓋由 一子於 當三? 如 似 禮成,賀而 語 ~。」道· 所 無 則弔之可 類 哀 謂 而 可 \*\* \*\*: 這 夫問: 是 暮 而  $\equiv$ 疑。』曰: 這所 箇 樂 日 聞 不弔。 揖 是 哭 親 則 在,以某觀之,也是 魯 也。 『這 而 屬 難 則 叔 進 緦 『便是不恁 脚 不 事 問 由樂而 如 或 歌」, 長 麻之戚,不成道 Ď. 何? : 已在 看 辭 温 温 即 而 哀 脚 先,則 公薨 公諱 日 不 退 則 地 短 體 先,但 聞 \_, 不 甚 背, 『這 又重 H 不 伊 更 歌 易 所 差 成 以 ]1 解 既 則 也 與 程 有 道 得 歌 且 東 則 子 不 口

偏也 停不得 恁 朱光庭 罪 地 疑 黨 惟 自 賈易 。』」卷九十七。 也 是合如 輕 皆以謗 《名臣言行 功 疑 此 訕 惟 誣 朱子之持平如 重, 子瞻。」 録後集》卷十三采《聞見 只如 天下 朱子采此語 進 以 事 禮, 自 此 是 退 亦可 未嘗 恁 以 録》云: 見 義 地 其不 偏 秤

見,晤 言者。 形 驚 看 林 以 悉如 益 爲 Ħ. 小 「, 朴 紙 擇之書》云: 道 不 筆 怪 ·美,則 學爲不美,朱子既辯之如 己之所爲, 是氣氣 語 實 戊 可試思之,非 然 目 起 頭 申 象 後 是 擊 模 封 做 不 ,爲益 必 爲 事 畫 將 好。 · | | | | | 欲舉 而後 講 去,久 樣 一要須 學 也。 小故也。」 已多, 其 郭 適 世之人 「夫世 把此 之自 流 ? 於其意耳。」當時之人 且. 風 朋 何 之弊 如 俗 然 事 俱 | 澧案: 必 友 此 無 來 見 無 此。 如 相 將 知 效。 做 道 非 聚, 此 俱 後 惟 既 有 忉 然其《答 逐 平. 世 不 勞 不 以 忉 不 必 常 日 所 口 攘 道 學, 大 譏 勝 動 相 事 學 無

> 假道 勝言者」,亦已逆料之矣,不可以 也。 下之福者。 近 學,即朱子所謂 儒 又 然朱子 有 大 明 所謂 人 「大驚小怪 講 學之弊 流 風之弊 譏朱子 謂 起 模畫 將 講 有 學 也 様」者 不 非 天 口

子 原 起 非 以 之罪 明傑 極。 之吏治 觀朱子《上孝宗書》,雖晚 子 不 者,原 書 自 程 過 無 能 朱。 責 而 傷 也 也。』余曰: 魁之士沈 方望溪云:「王 如 李文貞云: 輒 。」《李剛 無 此 H 不在乎 其備 詆 其後 以 烜 月 之耳 過 赫。 然 È 余以 荒 也。」 溺 一墓志 」《榕村語録》卷十九 子 王 稱頌之語 「周、程、張、邵,不得朱子 浙 於 崑 望溪使之觀朱子書 語 東,安 崑 銘 無 毋視程朱爲 一崑繩 繩 崑 繩 用 澧 繩 自 之學 李 撫 明 曰:『百百 是終 謂 者 剛 而 楊、左之直 荆 語 而 主 文 湖 其 詆 剛 氣 不 蓋 貞 澧 毁 身,口 主 世以下 返,是程 西 息 皆 此 謂 朱子 漢 奄奄 未 剛 語 趙 節 則 讀 主 未 尊 則 · , 無 自 朱 V 嘗 張 聰 朱 確 恐

東塾

讀書記卷二十一終

程朱者,則科舉習氣耳,豈真尊程朱哉!且不可,況程朱乎? 更有未讀程朱書而尊然折服矣。夫未讀其人之書而輒詆之,他人

激烈。 子,吾不信也。 其有關時事出處者,俾後之論文者觀其感 知何者謂之性命乎!』吾觀朱夫子集,獨取 君父之讎,方且 學者,皆風 於孝宗曰: 『今世之儒士,自以爲正心誠意之 此必不可不讀者也。 意,取朱子集中封事、奏劄諸篇,讀之可矣。 善,所鈔之本今雖 矣。」澧謂: 朱竹垞《朱文公文鈔序》云:「陳同甫言 彼同 痺不 陳同甫之荒唐,竹垞謂其不詆 .甫之書,不爲夫子言之,亦 知痛 低頭拱手,高談性命之學,不 竹垞鈔朱子之文,則立意甚 不 癢之人也。 . 得 而見之,學者當師其 舉 一世安於 可 信 朱 奮

1769

